

2

1617

5





f. Amb. de Com. Hosp. Romæ 1638. Jul. 10
DOCTORIS

FR. BALTHASARI PAES

LVSITANI, ORDINIS

SANCTISSIMÆ TRINITATIS,

Redemptionis Captiuorum.

COMMENTARI

in Epistolam B. Iacobi Apostoli.

EDITIO NOVISSIMA

suis Indicibus illustrata.



LVGDVN,

Sumptibus Horatij Cardon.

M. DCXVII.

CVM PRIVILEGIO REGIS.

Bibliotheca S. Hieronymi. 1637.

Library of Congress
POST OFFICE

THE LIBRARY OF CONGRESS

PHOTODUPLICATION SERVICE

UNIVERSITY MICROFILMS

300 North Zeeb Road
Ann Arbor, Michigan 48106

Telephone (313) 763-0700

Telex 258 880




U.S. GOVERNMENT

PRINTING OFFICE

WASHINGTON, D.C.

20540-1000

Bibliography: H. H. ...



REVERENDISS. AC COLENDISS. P.N.

FRATRI LVDOVICO

PETIT, DECRETORVM DOCTORI,

ET TOTIVS NOSTRI ORDINIS

SANCTISSIMÆ TRINITATIS,

Redemptionis Captiuorum dignissimo
Ministro Generali.



*Q*UANTVM per multi viri (Religiosissime,
& amplissime Pater) in hoc nostro Lusitania Regno
mihi occurrerint prastantissimi, queis has meorum
laborum tenues primitias possem dicare; tu tamē in-
ter omnes, non vt alienus, sed vt noster, licet alio sub Sole, velut
nouus splendor affulxisti, cui multis ex titulis has nostri study lu-
cubrationes, tanquam nostro communi iubari, maiore tuo lumine
collustrandas meritisimò consecrarem. Quamobrem hoc in opere
te solum Mecanatem intueor, te Patronū aspicio, te amplector
Pastorem, quē in hac D. Jacobi Epistola non vulgariter video
adumbratum. Quis enim sic meditatus loquitur? quis tam bene-
uolus audit? quis duplicitatem animi sic effugiens, constans in
viis suis, factor verbi, perfectam libertatem perspicuens, nullius
persona acceptor, operibus fidem astruens, neminē verbo offen-
dens ex bona cōuersatione in mansuetudine sapientia operationē
ostendens? Aderat nunc opportuna occasio in tuarū laudū com-
mendationē euagatiūs spatiādi ex his nostris Apostali verbis de-
prompta, nisi me ad carceres reuocaret incredibilis tui modesti
animi indoles omnibus sac notam faciam proinde sermonem

de tuo senili sensu, teneris adhuc annis à cuius satis cognito,
nec de tuo in rebus arduis peracra iudicio, nec de singulari tua
in literario ludo eruditione, mitto insignem tui Doctoratus in
iure Canonico lauream magna cum laude comparatam; non elo-
quor de tuis patris virtutibus, dum à proavis, tum præcipue à
Patrno tuo Francisco nostri sacri Ordinis quondam Generali
dignissimo veluti hereditario iure tibi concessis; prætereo su-
premi totius Ordinis verticem, ad quem iam matura ætate
communi Generalis Capituli consensu, acclamante Regima Chri-
stianissima, suoque Regio applaudente Senatus, iure optimo
Magnus Petri fuisti sublimatus: quam dignissimam electio-
nem Beatissimus Pater Paulus Papa V. ratam habuit, confir-
matamque, & observatam esse voluit apud omnes nostri Or-
dinis Provincias. Multa denique alia missa facio, quæ, qui te
norunt, potius silentio, quam verbis possunt assequi hoc vnum
eloquar, hilarem scilicet tui sinceri pectoris conditionem in tuo-
rum filiorum preces exaudiendas proclinem; meum itidē in tui
semper obsequiū de ditissimū animum, quod tibi modo testatum
dolo, & in posterū semper ratum deduco. Suscipe proinde (Pa-
ter amplissime) ab humillimo filio libellū verē tuum, ut tuo no-
mine, qui omnibus carus es, nemini possit esse inuisus, ut te Me-
cenate, te Patrono, te Pastore per totius Orbis plagas liberē eua-
gari, & euulgari possit, dum alios nostros labores, nonnullos post
menses, Diuino fauente Numine, in lucem emittere paramus.
Interea Deū oro, ut quod agis, diu agas, maioraque & præclara
multa addas, & de sacrosanctissimæ Triadis cōmisso tibi grege,
de sacris studiis, de viris eruditis, & virtute præditis semper op-
timè merearis: itadēq; Pater amplissime, & dignissime, feliciter
ad amplissimos encharis honores. Ex nostro Ulyssipponesi Con-
uētū sanctissimæ Trinitatis Nonis Martij, anno Domini 1613.

Reuerendissimæ Paternitatis vestræ humillimus filius

Doctor F. B. ALTHASAR PAES.

Prologus

Prologus ad Lectorem.

CUM plures, ac potiores ætatis annos in Cōimbricensi Academia insumpserim, tum docēdo, tū concionando, huiusque in studij exactum laborem multa ex Sanctorum Patrum, sacræq; Scripturæ interpretum thesauris, quibus iugiter incūbebam, quosque ferè omnes euolueram, in communem omnium utilitatem hauserim, nostro ex silentio grauem quidem offensam omnibus inferri prospiciens, quæ potissima loca ex sacris Doctoribus sedulò decerpseram, in lucem edere decreui, ut quo animo, quo iure, quoue titulo sunt collecta, sint etiam euulgata. Non ut nostras igitur, sed ut proprias perlege, candide Lector, has annotationes in D. Iacobum, cuius Epistola aptissima sanè nostræ tempestatis, & hæreticorum erroribus, & iniquorum hominum corruptis moribus est concio. Interim alias in vtriusque Testamēti cantica expeditimus. Has verò ideo sacrorum Auctorum verbitotas ferè texuimus, ut sic facilius, quæ nostra minùs decora, & perpolita apposuimus, æqui, bonique consulas. Vale.

† 3 APPRO

APPROBATIO.

L E G I M V S accuratè hos in Epistolam Catholicam B. Iacobi Apostoli Commentarios, auctore fratre Balthasaro Paës Ordinis sanctissimæ Trinitatis, Redemptionis Captiuorum, sacre Theologiæ Conimbricensi Doctore. In nullo fidei Catholicæ aduersantur, aut bonis moribus contradicunt, quin potius singulari studio, & summa eruditione sunt pleni, sanctorum Patrum sententiis referti, & digni, qui typis excusi in commune commodum diuulgentur. Datum in Conuentu sancti Dominici Olyssiponenſis die 13. Decemb. anno. 1612.

Frey Manoel Coelho.

V I S T A a informação podeſe imprimir eſtes Commentarios ſobre a Epistola Catholica beati Iacobi Apostoli, & depois de impressa torne a eſte Conſelho opera ſe conferir, & dar licença pera correr, & ſem ella não corra. Em Lisboa 14. de Nouembro de 611.

Eerholamen Daſonſeque. Ray Pirez Daſeiga.

V I S T A licença acima do ſancto Officio, podeſe imprimir a. 26. de Nouembro de 611.

Ioanno Sarayua.

P O D E S E imprimir eſte Liuro viſtas as licenças que offerece do ſancto Officio, & Ordinario, & antes de correr, tornara a Meſa pera ſer taxado. Em Lisboa a 31. de Nouembro 612.

Magalhaes. Machado. Francisco Vaz Pinto. Ray Pirez Daſeiga.

Q V E ſe poſſa vender eſte Liuro, a ſetecentos reis em papel viſto ó mais que alega à 21. de Março de 1613.

Francisco Vaz Pinto.

Sebaſtião Barbosa.

Luis Machado de Gouea.

FRATER

FRATER Philippus Ribeiro Prouincialis, & Vicarius Generalis
Ordinis sanctissimæ Trinitatis, Redemptionis Captiuorum in Lusitaniæ Prouincia charissimo nobis fratri Balthasaro Paës sacra Theologiæ dignissimo Magistro facimus facultatem ad Comentariorum in Epistolam Catholicam Beati Iacobi Apostoli typis excudendos; sunt enim, & Concionatoribus, & sacrarum literarum ac Theologiæ studiosis ob multifariam, præstantemque doctrinam admodum vtilis. Datum Olyssipone in nostra domo sanctissimæ Trinitatis 22. Augusti anno 1612.

Frater PHILIPPVS RIBEIRO Prouincialis, & Vicarius Gener.

APPROBATIO.

IOANNES CLAVDIUS DEVILLE in sacra Theologia Magister in Sancti Pauli huiusce ciuitatis Canonicus, librorum Censor in hac Lugdunensi Diocesi designatus: fidem facimus nos hunc librum, cui inscriptio est, *Doctoris Fr. Balthasari Paës Lusitani, Ordinis Sanctissime Trinitatis, Redemptionis Captiuorum Commentarij in Epistolam B. Iacobi Apostoli*, vidisse, nihilque Catholicæ & Romanæ fidei contrarium inuenisse. Lugduni apud S. Paulum prid. Nonas Ianuarias, anno M.DC.XVII.

DEVILLE.

R. D. D. Thoma de Meschatin la Faye huius libri imprimendi facultas.

THOMAS DE MESCHATIN LA FAYE, Comes, Canonicus & Camerarius Ecclesiæ Lugdunensis, & Vicarius Generalis in Archiepiscopatu Lugdunensi: Opus inscriptum, *Doctori Fr. Balthasari Paës Lusitani, Ordinis Sanctissime Trinitatis, Redemptionis Captiuorum Commentarij in Epistolam B. Iacobi Apostoli*, vt in lucem edatur, facultatem concedo. Lugduni pridie Nonas Ian. anno 1617.

MESCHATIN LA FAYE.

Summa

*Summa Priuilegy à Christianissimo Galliarum
Rege concessi.*

LUDOVICI XIII. Gallie & Nauarra Regis auctoritate sancitum est, atque patentibus Literis cautum, ne quis in Regno suo alijsve locis ditioni sue subiectis, intra proximos annos decem, à die impressionis primæ inchoandos, ac numerandos excudat, vendat, excudendum, vendendumque quouis modo, & ratione conceperit librum, qui inscribitur, *Doctoris Fr. Balthasari Paës Lusitani, Ordinis sanctissimæ Trinitatis, Redemptionis Captiuorum Commentarij in Epistolam B. Iacobi Apostoli, præter HORATIUM CARDON Bibliopolam Lugdunensem, aut illos quibus ipse concesserit.* Prohibitum insuper eadem auctoritate Regia omnibus suis subditis, eundem librum extra Regni sui limites imprimendum curare, vel quempiam, vbiicumque fuerit, ad id agendum impellere, ac instigare sine consensu dicti HORATII CARDON. Idque omne sub confiscatione librorum, aliisque pœnis originali diplomate contra delinquentes expressis. Datum Turonibus die 19. Aprilis 1616.

De mandato Regis.
Signatum
BERNARDUS

LUDOVICUS XIII.

EXAMINÉ

INDEX



INDEX

EORVM QVÆ IN HIS
COMMENTARIIS IN EPIST.

B. IACOBI APOSTOLI AD VSVM

Concionum tractantur.

Dominica 1. Aduentus Domini.



QUANTVM conducatur ad virtutem recordatio extremi Iudicii. pag. 311. Iusti expectant diem Iudicii læto ani-

mo. 717. & 726. ubi ostenditur quoddies Iudicii nos ad patientiam exciter. Dies Iudicii porta Regni. ibidē. De confidentia iustorum in Iudicio. ibid.

Dominica 2. Aduentus.

Euangelium ex cap. II. Matth.

Quid exitis videre? hominem mollibus vestium? Vnde licet arguere ignorantiam eorum qui externū hominum ornatum mirantur, & ex eo homines pensant. 263. & sequentib. Contra luxum, & curiosē se ornantes. 222. & 467. & sequentib. Opera cuiusq; hominis testes sunt ipsius: Ite, renuntiate quæ audistis, & vidistis. 386. Verba etiam idem faciunt. 237. 309. 428. Cum audisset Ioannes in vinculis. Pauc. in Epist. B. Iacobi Apost.

Quomodo tentationibus, & laboribus examinatur animi virtus. 50. 51. at filij sæculi voluptatibus enutritur, & mollibus vestiuntur. 722. & sequentibus.

In Natiuitate Domini.

Quomodo à nobis suscipiendū sit Verbū diuinū factū caro. 216. Natiuitas Christi nostram carnem reddit fructuosam. 213. Natiuitatis humilitas nos replet bonis. 614.

In festo S. Stephani.

Pag. 25. 89. 295. *Vi veniat super vos omnis sanguis ius. 25.*

In die Innocentium

Rachel typum Ecclesiæ gerit. *Vox in Rhama audita est. 39. & sequentibus.*

In Circuncisione Domini.

Bonitas Dei elucet dum se statim
†† omni

INDEX CONCIONVM.

omnibus communicat sanguinem fundendo. 65. Aliter faciunt terreni Domini, qui inferiores depredatur. 245. 285. & seqq. Docet nos superflua abscindere. 571. & seqq. Dum tam citò pro nobis sanguinem fundit; nostramque curat salutem, docet nostram maturadam conuersionem. 628.

In Epiphania Domini.

Superiores sunt stellæ, quæ nos ad Deum ducunt. 419.

Dominica 3. post Epiphaniam.

Euangelium ex cap. 8. Matth.

In hoc dignus quidem erat beneficio, qui dicebat. *Domine non sum dignus.* 433. *Domine si vis, potes me mudare.* 564. *Vade, ostende te Sacerdotibus.* De reuerentia, & honore exhibendo Sacerdotibus. 166. vsque ad 175. De sapientia Sacerdoti necessaria, ut discernat inter lepram. 754.

Dominica 4. post Epiphaniam.

Euangelium ex cap. 8. Matth.

Nulla constantia, aut quies in vita. 463. Orandus Deus ne quando nobis dormiat. 547. & vide ibi de tempestate concupiscentiæ. Vide etiam quam inquieta sit peccatoris conscientia in mari huius mundi. 86.

Dominica 5. post Epiphaniam.

Euangelium ex cap. 13. Matth.

Superfeminavit zizaniam. 548. Vide etiam lit. P. pax. & lit. V. vnio. *Sinue utraque crescere usque ad messem.* Nō est ferendum iudicium de fratribus

quandiu viuimus. 657. Mansuetudo necessaria Prælato. 484. vsque ad 488.

Dominica Septuagesimæ.

Euangelium ex cap. 20. Matth.

Non datur maius præmium iis, qui laborarunt, quia ipsum laborare maioris præmij loco habendum est. 37. & sequentibus; & vide tit. labores. *Erynt nouissimi primi,* &c. 270. *Quid hic statis otiosi?* Necessitas operum. 330. & sequēt. Mercenarij sumus, propterea operari debemus vide. tit. opera. & 374. *Amice non facio tibi iniuriam.* Lenia verba in Prælato necessaria sunt, & mansuetudo. 195. 213. 484. 486. 488. Breue tempus vitæ sufficit ad promerendam æternam vitam. 672.

Dominica Sexagesimæ.

Euangelium ex cap. 8. Luc.

Diuitiæ meritò fallaces dicuntur. 675. & sequentibus. Semen est verbum Dei. 162. *Qui habet aures audire,* &c. 176. 179. magis vero. 181. Audientes verbum Dei, & non facientes. 218. *Natum aruit, quia non habebat humorem.* 646.

Dominica Quinquagesimæ.

Euangelium ex cap. 18. Luc.

Quid tibi vis faciam? Nos debemus, ut serui Dominum interrogare, quidni Domine? & illi obedire. 183. *Ecce ascendimus Hierosolymam,* &c. Quanta lætitia Christus pro nobis passus fuerit, cum tormenta sua referat,

INDEX CONCIONVM.

ferat, vt molestiam itineris leuaret. 715. & sequentibus. *Fides tua te saluum facit.* Beneficia confert Deus hominibus eos honorando. 68. & sequentibus. *Sequebatur illum magnificans Deum.* Pro gratiarum actione reddenda. 71. 156. vsque ad 158.

Feria 6. ante 1. Dominicam

Quadragesimæ.

Euangelium ex cap. 6. Matth.

Ego autem dico vobis, diligite inimicos vestros, vt suis filij Patri vestri. Quam nobilis sit iniuriarū obliuio, & inimicorum amor. 207. & sequentibus. Est virtus Dei vindictam non sumere. 210. Nobilitas amoris inimicorum. 293. & sequent. Iniuriarum remissio. 319. 479. 549. 719. Quam vilis, & immūda cupiditas vindictæ. 208. 294. *Oraue pro persequentibus, &c.* 714.

Dominica Quadragesimæ.

Euangelium ex cap. 4. Matth.

Ductus est vt tentaretur. De necessitate tentationum, quæ probationes sunt. 34. 137. 537. & tit. labores. Post Baptismū assumitur tentandus, vt ostendat nobis necessitatem operū. 384. Vide etiā tit. opera necessaria. Quomodo vincendæ sint tentationes, & resistendum diabolo. 617. Vide tit. tentationes. Quomodo diabolus persequatur fugientes tentari. 619. Tentat diabolus, acriusque persequitur sanctiores. ibid. *Cum ieiunasset, &c.* Cibi nimietas effeminatos reddit ad pugnam spiritualem. 706. 707. *ostendit ei omnia Regna mūdi;* quæ nihili sunt facienda. 115. Quibus potissimum ostēdat diabolus Regna mūdi. 677. *Cum ieiunasset, &c.* De car-

nis mortificatione. 542. & 544. *postea esuriit.* Diabolus nō tentaret, nisi nos esurientes videret. 559. & 561. *Tunc reliquit eum diabolus.* Quomodo diabolus nos relinquat. 616. 622. Post tentationes accesserunt Angeli, & ministrabāt, vt intelligamus post labores & tentationes nos possessuros æterna bona, quorum pignora sunt tentationes. 126.

Feria 4. post 1. Dominicam.

Euangelium ex cap. 12. Matth.

Generatio mala, & adultera. Acriter vitia reprehendenda sunt, non leuiter. 213. 557. & de hac re vide in cōmuni Doctor ibi. *Vos estis sa terra.* Non referunt Patrem in vita qui, quod facere debebāt, non fecerunt. 290.

Feria 6. post 1. Dominicam.

Euangelium ex cap. 5. Ioan.

Vis sanus fieri? Diligentia in subueniendo miseris. 335. Miser qui tot annos expectauit hominem, & confidit venturum aliquem qui misero subueniret homini. ibid. Constantia tamen commēdatur paralytici, qui tot sustinuit annos ægritudinis, & miseræ. 56. & 83. *Ecce sanus factus es, iam noli peccare.* Quæ mala incurramus per sequens peccatum. 305. Ingratitudo eius qui post beneficia iterum peccat. 306. *Tolle grabatum tuum.* 768.

Dominica 2. Quadragesimæ.

Euangelium ex cap. 17. Matth.

Duxit eos in montē excelsum. Quam necessarij sint labores ad gloriā consequendam

INDEX CONCIONVM.

quendā 35. vsque ad 44. vide tit. labores. *transfiguratus est.* Gloriæ bona vera sunt. 724. & ideo non decet gloriarī in diuitiis. 112. sunt vera gaudia. 556. & 647. nam gaudia terrena sēta, & profana. 41. *Domine bonum est nos hic esse;* bene dicit alius Euāgelista: *hoc autem dicebas nesciens quid diceret;* quia commune bonum intra priuatum cōcludere nitebatur, quod inordinatum est. 28. & sequentibus. & 45. & 251. & sequentibus. *Ipsam audite.* De obediendo verbo Dei. 143. & de audiendo verbo Dei. 176. 212.

Feria 4. post Dominicam 2.
Euangelium ex cap. 20. Matth.

• *Ecce ascendimus Hierosolimam.* De quo vide Dominicam Quinquagesimæ, & festū Sancti Iacobi in mensē Iulio.

Feria 6. post Dominicam.
Euangelium ex cap. 21. Matth.

Cum tempus fructuum appropinquasset. De necessitate operum. 331. & multa deinde in sequentibus. *Hic est heres, venite, occidamus eum.* Notitia Dei non ad Dei offensas, sed in Dei cultum debet applicari. 668. Iniqua etiam consequentia est, *occidamus eum, & habebimus hereditatem eius;* quomodo enim occiso, & offenso Deo, qui solus vera bona confert, possideri possunt bona? ibid. Nulla bona sine Deo, neque etiam domus sine Deo. 562.

Sabattho post Dominicam 2.
De filio Prodigio.

Quomodo Deus sit Pater noster,

& vt talis nos diligit. 64. & sequentibus. Negare, aliquādo beneficium est, & de facto esset si pater filio petenti denegaret substantiam. 569. Dissipauit substantiam suam viuendo luxuriose. 571. & 712. similis redditur porcis per luxuriam. *Adhuc uni ciuium regionis illius.* De seruitute peccati. 228. & sequentibus. *Cupiebat saturari de filiquis.* Vide quomodo temporalia non satient. 446. 556. De misero statu prodigi. 579. *Abiit in regionem Longinquam.* 624. Miseria animæ separat a Deo. ibid. *In se reuersus;* quia a se ante exierat. 151. *Surgam, & ibo, surgensque veniet.* Maturanda conuersio. 629. & sequentibus. Qualiter Deus occurrat venienti. ibid. Peccatoris conuersio. 581. Plura Deus tribuit, quā petatur. Petebat haberi sicut vnus ex mercenariis, excluditur vt filius dilectissimus. 64. 508. & sequentibus.

Dominica 3. Quadragesimæ.
Euangelium ex cap. 11. Luc.

Et illud erat mutum. Verecundia in confitendis, non in perpetrandis peccatis. 133. 759. & sequentibus. & quomodo peccator sua excuset peccata. 131. & sequentibus. & 460. *Cum fortis armatus.* Cur appellet diabolum fortem, & qualiter illi occurrendum. 145. *Erat mutum;* additur, & *surdum;* quia nihil sic curat diabolus. 177. A seruitute diaboli nos liberauit Christus. 231. *Assumis septem alios spiritus nequiores se.* De anima reincidente in peccata. 305.

Feria 4 post Dominicam 3.

Euangelium ex cap. 15 Matth.

Quare

INDEX CONCIONVM.

Quare discipuli tui transgrediuntur, &c. Quomodo Sancti defectus excusent, & occultent, at mali obseruent, & proferant. 382. & sequentibus. Mali id maximè volunt, scilicet omnes alios iniquos esse. 456. Proprium est eorum, qui non considerant propria peccata, de alienis ferre iudicium. 369. & contra eos, qui iudicant secundum visionem oculorum, & externam apparitionem. 267. *Quare & vos transgredimini preceptum Dei?* Maledictus dum de aliis loquitur, seipsum percutit. 458. Contra eos qui solam externam puritatem curant. 632.

Feria 6. post Dominicam 3.

Quantum profit lenitas verborum in Prælati, quam erga Samaritanam ostendit Christus. 46. *Tu forsitan petisses ab eo.* Dubitationem non in concedendo, sed in petendo posuit. 81. *Fatigatus ex itinere sedebat.* Sic laborat, sic fatigatur, qui sic amat: vide amorem Dei erga nos lit. A. Proponuntur defectus aliorum, ut corrigantur, & omnipotentia Dei ostendatur. 383. 385. *Qui biberit ex hac aqua, sitiet iterum.* 557. 558. Cur sola temporalia sitim caulent: Deus verò tribuat ea bona, quæ sitim expleant. 557. usque ad 563. Deus dolet nostram animam illi desponsatam adulteris commiseri, & cū eis adulterari. 577. & seqq. *Relinquit hydriam,* quia cessit Dei amori. 583.

Dominica 4. in Quadagesima.

Evangelium ex cap. 61. Ioan.

Cum subleuasset oculos. Oculi Dei sunt causa omnium bonorum. 596.

Quia iam triduo sustinem me. Persecrantia in sequela Dei quam utilis sit. 57. & 235. Ut videt indigentiam, statim succurrit antequam petatur. 334. & sequent. *Miserere super turbam.* De miseratione alienæ miseriæ. 524. Deus solus potest saturare, non sic mundus, quæ est causa ut de bonis terrenis multi litigent, & præliantur. 556.

Feria 4. post 4. Dominicam.

Evangelium ex cap. 9. Ioan.

Præteriens vidit, & curauit. Nos videntes præterimus. 334. & sequentibus. Quomodo Deus virum eiecit à mundo suscipit. 585. *Vidit illum.* Oculi Christi sunt causa omnium bonorum. 596. *Scimus quia peccatores non audit Deus.* Verbum adhuc cæci fuit. 86.

Feria 6. post 4. Dominicam.

Evangelium ex cap. 6. Ioan.

Lacrymatur Christus, quia vnum tantum Lazarum erat suscitaturus, & non omnes, qui nulli omnino vult deesse. 68. Lacrymatur, quia mortuus audit vocem Dei, non verò viu. 179. *Ecce quem amas, infirmatur.* Nō petunt aliquid; sed proponunt infirmitatē, quia sufficit Dei pietati dedisse occasionem, ut succurrat. 334. & seqq.

Dominica in Passione.

Evangelium ex cap. 8. Ioan.

Qui ex Deo est, verba Dei audit. Quam vile sit audire verbū Dei. 176. 181. 199. 205. & sequentibus. Contra inimicos veritatis, & qualiter impugnatores veritatis ea illustrent. 506.

†† 3 Per

INDEX CONCIONVM.

Per miraculum subterfugit ipsa sanctitas malorum vnionem & conspirationem. 299. *Nonne bene dicimus nos.* Lingua neque Deo parcit, quia nulli parcit. 454. *Samaritanus es tu, & demoniu habes.* Iniqui volunt omnes esse iniquos. 456. *Benedicimus nos.* Loquuntur mali, vt tales: verba enim ostendunt qualis sit qui loquitur. 237. 438. Vide etiam 460. quod neque demones inter se habent inuidiam. 589.

Dominica in Ramis Palmaru.

Humana prosperitas quam breuiter transeat. 114.

Pro muliere Cananæa.

Euangelium ex cap. 15. Matib.

Disſimulat audire petentem, vt faciat perseuerantem. 76. 77. 88. Delectatur Deus nostris petitionibus, veluti musica, propterea non vult interrumpi. 89.

Pro Diuite auaro.

Euangelium ex cap. 15. Luc.

Induebatur purpura, & byſſo. Diuitiæ in præſenti personatæ sunt. 112. Iuste appellatur stultus hic diues. 193. Miseria istius diuitis. 682. 684. 690. *Habes multa bona posua in annos plurimos.* 661. & sequentibus. *Destruam horrea mea.* Iure destrui debent horrea iniquitatis. 245. *Epulabatur quotidie.* Quomodo tractanda caro. 139. 541. Auaritiæ crudelitas in avarum. 553. 554. *Induebatur purpura, & byſſo.* 571. Ulcera Lazari erant ora clamantia miseriam, & postulantia remedium. 336. De Abraham charitate etiã post hac vitã. 378. De pœna lingue infligenda. 448. *Guita postulat.* 639.

De Latrone beato.

Multa habes 125. 272. 384. 386. 566. 583. 672.

Feria 5. in Cœna Domini.

Cum dilexisset. Qualiter Deus amauit hominem in creatione, & quomodo se illi iam obligauit ad mortẽ. 164. Præuenit nos amor Dei. 282. Quomodo Deus nos diligit. 580. & seqq. Amorem suum in nos ostendit dum gaudens moritur, & solus vult pro nobis mori. 715. Quomodo Christus tunc fuerit Dominus, quãdo vt seruus lauit Discipulorum pedes. 20. Quomodo præ amore appellat Iudam amicum. 296. *Cum dilexisset suos.* Efficacia, & magnitudo amoris Christi. 27. & sequentibus. Quam immunda, & vilis pecuniæ cupiditas quæ adigit Iudam, vt magistrum ac Dominum venderet. 27.

Feria 2. post diem Resurrectionis.

Interpretabatur illis Scripturas; quæ clausæ erant Iudæis. 227. Hospitalitas detinet Christum. 378.

Dominica 1. post Pascha.

Pax vobis. 529. & sequentibus. *ostendit eis manus, & latus;* vt ostenderet veram pacem esse quam ore annuntiauerat, cum ex corde procederet: vbi contra duplices animo, & dolosos, de quibus. 103. 104. 530. 532. 634.

Dominica 2. post Pascha.

Euangelium ex cap. 10. Ioan.

Ego sum Pastor bonus. De benignitate.

INDEX CONCIONVM.

te boni Pastoris. 441. 443. Bonus Pastor cur dicatur Christus. 496. *Et vocem meam audiunt.* Vide quomodo sit munus boni Pastoris per aures oues à faucibus lupi ac leonis extrahere, & de vtilitate audiendi verbū Dei. 177. & sequētib. *Vocem audiunt.* 1. obediunt. 143. 200. 205. *Bonus Pastor animam suam dat pro ouibus suis.* Contra superiores qui propriā vtilitatem quærūt ex ouibus. 289. 413. & seqq. De munere boni Pastoris. 414. *Es aue eas vadis.* 418. 419. De exemplo boni Pastoris. 490. sequētib.

Dominica 3. post Pascha.

Euangelium ex cap. 16. Ioan.

Amen dico vobis quia plorabitis, & flebitis vos. Beatificat hoc in loco Christus lacrymas nostras, qua dere vide 637. & sequentib. 641. *Sed tristitia vestra conuerietur in gaudium.* 643. Ostendit Deus omnipotentiā suam conuertendo labores in gaudia. 380. Vera gaudia solus Deus tribuit, falsa verò habent mundani. 41. 647. Gaudia cœlestia qualia. 556. Glorix bona qualia. 724. *Tristitia vestra conuerietur in gaudium.* Promissā bona mitiora reddunt mala. 718. *Tristitia pignus vitæ beatæ, & cœlestis gaudij.* 126. *Gaudium vestrum nemo tollet à vobis;* fixum, & permanens. 557. & 647.

Dominica 5. post Pascha.

Euangelium ex cap. 16. Ioan.

Si quid petieritis Patrem, &c. Cur Deus peti velit, & de magna orationis efficacia. 75. & 566. *Qualiter,* &c. pro quibus sit Deus exorandus. 563.

564. *In nomine meo;* quia iusta debet esse petitio. 566. 568. 625.

Feria 2. in Rogationibus.

Euangelium ex cap. 11. Luc.

De orationis efficacia, & potentia. 75. & sequentibus. Videtur Christus erubescere si aliqua neget, dum postulatur. 87. *Quæ sunt à Deo petenda.* 563. 625. *Quomodo Deus præstò adsit orationibus nostris.* 746. *Quomodo intelligenda sit improbitas amici.* 758. 759. 762.

In die sancto Pentecostes.

Euangelium ex cap. 14. Ioan.

Siquis diligit me, sermonem meum seruabit. Lex Dei testis est pro nobis, vel contra nos. 301. Hoc etiā ostendit quàm necessaria sint opera ad nostrā salutem. 218. 341. 354. 373. 385. Opera testantur fidem Dei, & dilectionem. 334. *Si quis diligit me,* &c. Quàm suauis sit lex Euangelica, quæ amore, & charitate fudatur, & meritò dicitur lex libertatis, & discrimen inter eā, & legē veterē. 225. & 230. *Ignis decidit sicut lingua.* 454. Et notandum quòd linguæ ignis super capita erant veluti capita iudicantia, quia verba ostendunt hominem. 238. & 448. *Lingua velut corona hominis.* 454. *Pacem relinquo vobis.* De bono pacis. 529. & sequent.

In festo sanctissimæ Trinitatis.

Euangelium ex cap. 28. Matth.

Data est mihi omnis potestas, &c. Christus potestatē à Deo acceptam recognoscit, magis nos recognoscere debemus bona ab eodē accepta, & pro iisdē gratias agere. 71. Gloria tur Christus de potestate propriis meritis cōparata, honoratiores si qui

quidem nos reddunt ea, quæ nobis comparamus. 392. *Dona est*, &c. Potestatem acceptam conuertit in utilitatem suorum. Potentes verò sæculi deprædantur inferiores. 245. 285. & sequentibus. *Euntes ergo*, &c. De diuina bonitate, quæ in omnes effunditur libentissimè. 63. *docete omnes gentes*. Quomodo Prælati, & Doctor debeant esse cõmunis omnibus. 28. & sequent. Quomodo nullum excipiat, quod recti Domini proprium est. 252. & sequentibus. *Baptizantes eos in nomine Patris, & Filij*, &c. *Mysterium sanctissimæ Trinitatis* nobis aperit, quod Iudæis clausum erat; etenim nos sumus amici, illi verò serui. 226. *Docetes eos seruire omnia*, &c. Necessitas operum ad nostram salutem hoc in loco docetur. 331. 332. & sequentibus. 384. Nobis cur expresserit Diuinas personas, non verò Iudæis. 233. *Prædicare Euangelium omni creatura*; quia nostra Ecclesiæ magna est. ibidem. *Ego vobiscum sum*; in pauperibus quidem. 268.

Dominica 3. post Pentecosten.

Euangelium ex cap. 15. Luc.

Erant appropinquantes ad Iesum publicani, & peccatores. 85. *Murmurabam, quia hic peccatores recipi*, &c. Quomodo lingua nec Deo, nec vlli parcat. 455. & sequentibus. Linguam hanc diabolus accendit. 465. Quam longè fiat à Deo perdita anima per peccatum. 524. Misericordia animæ velut ouis perdita per peccatum. ibid. Ovis perdita per insipientiam dum relinquitur bonus Pastor, & à se exit; si enim in se esset, non desereret Pastorem. 150. 152. Māducabat Christus cum peccatoribus vt eos conuertens suam

ostenderet omnipotētiam. 380. *Quare hic peccatores recipi*? Mali volunt omnes inficere, & iniquos reddere. 455. *Gaudium erit in celo*. Quantum Deo placeant lacrymæ penitentis. 645. Vide denique de hoc Euangelio. 612. 722. & 725. De pastoris cura erga oues. 767. Cur Christus nostros errores in oue perdita assimilauerit. 768. vide etiam 769.

Dominica 4. post Pentecosten.

Euangelium ex cap. 5. Luc.

Duc in altum retia. Obediendum verbo Dei. 183. *In verbo tuo laxabo rete*. Perfectio fidei in eo cernitur quòd difficultates omnes naturales superet. 360. Verbo Dei, Deoque maxima fides adhibenda est. 361. & sequentibus. *Exi à me, quia homo peccator sum*. Humilitas Sanctorum cum potiora à Deo accipiunt beneficia. 15. 17. & seqq.

Dominica 5. post Pentecosten.

Euangelium ex cap. 5. Matth.

Qui irascitur fratri suo, &c. Ira curatur silentio. 192. 452. Ira si durat, transit in odium. 196. Ira quomodo superetur. 194. & sequentibus. Amor proximi quomodo occultet defectus illius. 382. 525. Amor proximi. 295. 299. & seqq.

Dominica 6. post Pentecosten.

Vide 4. Dominicam Quadragesimæ.

Dominica 7. post Pentecosten.

Euangelium ex cap. 9. Matth.

Attendite à falsis Prophetis. 98. & sequentibus. Contra duplicitatem animi. & sequentibus. 99. 527. 529. & con.

INDEX CONCIONVM.

contra hypocritas. 99. 101. 281. *A* fructibus eorum. Nota ibi quodd hypocritæ non ferunt fructum suum. *A* fructibus; quia homo est arbor temporalis. 114. Opera nostra, & fidem, & virtutem animi ostendunt. 340. & sequent. 241. 310. 344. 353.

Dominica 8. post Pentecosten.

Facite vobis amicos de Mammona iniquitatis. 110. 266. De iniquitate Mammonæ. 285. 295. De optima ratione iudicandi de fratribus. 525.

Dominica 10. post Pentecosten.

De præsumptione Pharisæi. 83; 548. 614. 616. *Non sum sicut ceteri homines.* Superborum vitium nolle esse sicut ceteri sūt. 597. *Ieiuno bis in Sab batho.* Quo pacto superbia insidietur virtutibus. 603. 605. De exaltatione linguæ superbiæ. 448. 462. *Vilus hic Publicanus.* Contra eos qui secundum externa iudicant. 268. De humilitate Publicani. 15. *Non audebas oculos ad celum levare,* depressus propriæ conscientie pondere. 695. Vide etiâ de hoc Euangelio 432. 434.

Dominica x. post Pentecosten.

Epheta, quod est adaperire; sunt quorum os diabolus aperit, & quorum os Deus aperit. 465.

Dominica 13. post Pentecosten.

Commendatur gratitudo illius Leprosi qui rediit, vt gratias Christo redderet. 75. Pro hoc etiam Euangelio vide 758.

Dominica 14. post Pentecosten.

Nemo potest duobus Dominis seruire. 575. 585. & sequentibus. Quomodo primum querendum sit regnū Dei, & de minima entitate bonorum temporalium. 27. 566. sunt qui pecuniæ velut Deo seruiunt. 207. 256. Non fidēdum temporalibus, sed soli Deo. multa de hac re habes 370. & seqq.

Pæz in Epist. B. Iacobi Apost.

Nolite felicitari esse. 546. & sequentibus. 556. *Nec Salomon in omni gloria sua.* Vnusquisque debet se conformare proprio statui. 571. & sequentibus.

Dominica 16. post Pentecosten.

Ei ipsi observabunt eum. Quomodo mali obseruent defectus aliorum, & boni eosdem excusent. 382. & sequentibus. 612. Quomodo mali omnes volūt esse defectuosos in suis solatiis. 456. & seqq. *Qui se humiliat, exaltabitur.* Quomodo sit proprium humilitatis exaltare. 158. 160. 629. *Cum iniuriatus fueris,* &c. Contra ambitiosos locorū. 396. vsque ad 403.

Dominica 17. post Pentecosten.

Magister, quod est mandatum magnum in lege? Ille tentator necessariō erat ignorans cum esset impudens; est siquidem comes sapientiæ pudor. 518. *Diligas Dominum Deum tuum,* &c. Quomodo amor Dei omnia superet. 380. & seqq. De amore Dei habendo, & proponendo. 583. Vult Deus à nobis diligere, quia nos maxime diligit. 589. & sequentibus. *Diligas proximum tuum sicut te ipsum.* 295. 300. Amor proximi non sola verba, sed opera secum defert. 309. Amor proximi in eo maxime cernitur, quod illius defectus, & occultat, & excusat. 338. 612. 732. & contra iniquos magistros, qui aliud docent, & aliud faciunt. 419.

Dominica 18. post Pentecosten.

Quid cogitatis mala in cordibus vestris? Contra dolosos viros. 103. 104. & 528. 529. & contra eos qui aliud habent in corde; aliud verò in ore. 101. 103. 632. contra eos, qui secundum externa iudicant. 268.

Dominica 19. post Pentecosten.

Simile est Regnum calorum Regi, qui fecit nuptias filio suo. Zelum animæ nostræ

†††

INDEX CONCIONVM.

nostræ habet Deus vt sponsus ipsius. 590. Nuptiæ inter animam, & Deum. 577. & seqq. *Quicumque inuenieritis, vocate.* Deus non est acceptor personarum. 255. 256. & sequent. Vestis nuptialis quæ sit. 316.

Dominica 20. post Pentecosten.

Deus plura tribuit quàm postuletur: petebat Regulus præsertim, absque illa sanatur filius. 64. 612.

Dominica 21. post Pentecosten.

Plura Deus concedit quàm ab eo petantur: postulat seruus tēpus soluendi, & dimittitur illi omne debitum. 66. 564. 566. Humana fragilitas nostra excusat debita. *Patientiam habet in me.* 433. Quomodo cupiditas rerum temporalium lites, & bella excitet inter fratres. 546. Ingratitudo serui, qui conseruum torquet, & suffocat. 305. Iudiciū fit iniquo seruo sine misericordia. 312. 314. Iniquitas serui dum non miseretur cōserui. 525. Non debemus inuehi in alienos defectus, neque de illis iudicare. 526. & sequent. Supplicium illatum aliis, nos debet cautiore reddere. 608.

Dominica 22. post Pentecosten.

Reddite quæ sunt Cæsaris, Cæsari. Imaginem Dei quam in te defers homo, noli reddere Deo deformatam. 479. & quomodo debeamus hominem reuereri propter Dei imaginē quam portat. vide ibidem. *Non respicis personam hominum.* Cōtra acceptores personarum, & eos qui diuites ob externum cultum reuerentur, & colunt. 252. vsque ad 260.

Dominica 23. post Pentecosten.

Si tetigero sumbriam vestimenti eius, &c. Fiducia istius mulieris ipsi maxime profuit. 81. Cur Christus Dominus suscitaturus filiam Archify-

nagogi tibicines elegerit. 84. De fide necessaria ad petitiones nostras. 80. vsque ad 84.

Dominica 24. post Pentecosten.

Cum videris abominationem desolationis. Peccatum est abominatio desolationis. 305. Quātum conducit ad rectē viuendum recordatio extremi iudicii. 311. & de confidentiali iustorum tunc temporis futura. 717. 728.

In communi vnus Martyris.

Si quis vult venire post me, &c. Semper Christus loquebatur de laboribus. 720. *Si quis vult venire post me.* Quātum conducit præuium exemplum superioris ad sequelam, & doctrinam. 420. *sequatur me.* Christus est nobis exemplum patiendi, & tolerandi. 736. *Si quis vult venire post me, tollat crucem suam.* Quāti faciant Sancti sequi Christum per labores. 35. & de beatitudine laborum per quos sequimur Christum, vsque ad gloriam. 120. *tollat crucem suā.* 542. Quām suauiter labores ferantur præeunte Christo, seu cū Deus patientibus assistit. 43. *Qui vult animam suam saluam facere, perdat eam:* quia se tradit proprio appetitui, qui hostis internus noster est. 136. 137. 577. & ideo illi potius debemus occurrere, & nos illi opponere. 143. 540.

In communi plurimorum Martyrum.

Vide in festo omnium Sāctorum, & pro communi plurimorum martyrum tempore Paschali: *Ego sum vltis, & vos palmiæ.* 218. 235. Deo adherendum, non temporalibus. 370. 371.

In communi Confessorū Pontificū. *Sicut homo peregrē proficiscens vocauit seruos suos, & tradidit illis bona sua.* Dei sunt

INDEX CONCIONVM.

Sunt omnia bona. 675. 676. Prælat-
tus, & Dominus debet communica-
re bona seruis, ac subditis, & nulli
deesse. 31. Diuina liberalitas in hoc
homine ostenditur. 63. Vocauit ser-
uos, & omnibus tribuit, quia diuina
liberalitas nulli deest. 68. Hic Domi-
nus tradit bona sua, at Domini ter-
reni aliena bona deripiūt. 245. 285.
Diuina liberalitas etiam ostenditur.
67. 152. vsque ad 157. Talenta sunt
verbum Dei auditum. 218. Lucra-
mur nobis, dum aliis benefacimus
ex talentis nobis commissis. 243.
Quomodo dispensator lucrari de-
beat. 318. *Serue bone & fidelis.* Quo-
modo sit intelligendum in hoc Euā-
gelio. 330. 355. *Domine, quinque talen-
ta tradidisti mihi, ecce alia, &c.* Gratissi-
mus seruus, qui primò accepta bona
Deo cōmemorat. 72. Qualiter Deus
damnet eos, qui nihil aliis profunt.
337. Lucrum quærit Dominus, vt
causas habeat remunerandi. 353.
354. 392. *Vnicuique secundum propriam
virtutem.* Non sic homines faciunt,
quod maximè dolendum est. 406. 407.
Vide etiam cur dixerit, *quia in pauca
fuisse fidelis.* 554. Sunt igitur quæcum-
que temporalia pauca, & breuissi-
mæ durationis. 279. 557. 558.

In communi Doctorum.

Vos estis sal terra. De libertate præ-
dicandi verbi Dei. 232. & quomodo
Doctor Ecclesiasticus debeat acriter
reprehendere, & arguere. 575. 769.
qua de re plura habes 213. 214. Cō-
dienda est benignitas Prælati rigo-
re aliquo. 488. De sapientia Præla-
torum, & prædicatorum. 404. De in-
fatuato sale, & indoctis magistris.
406. *Vos estis lux mundi.* De exemplo
doctoris, & de luce doctrinæ præse-
renda. 412. 420. 421. *Vos estis sal*

terra. Pacem, & concordiam curare
maxime debent magistri, & Docto-
res Ecclesiastici. 519. *Videam opera
vestra bona.* 479. *Qui fecerit, & docuerit.*
490. 519. Verbum Dei debet esse
mordicans. 213.

In communi Confessorum.

*Similes hominibus expectantibus Dominum
suum.* In spe debemus laborare, ac pa-
ti. 512. & sequentibus. *Lucerna arden-
tes in manibus vestris.* 328. 332. 341. 349.
Opera nostra quærit Deus vt remu-
neret, qui lucernas tenere iussit. 353.
& sequentibus, & 384. *expectantibus
Dominum suum.* De incertitudine ad-
uētus Domini, ac mortis cuiuscum-
que nostrum. 662. 670.

In communi Abbatum.

Ecce nos reliquimus omnia. Nego-
tiatio est aliqua relinquere in hac
vita. 112. 274. Quomodo omnia re-
linquenda sint omnino. 276. 550.
Nullius momenti sunt temporalia
omnia, proindèque libenter relin-
quenda. 554. *Ecce nos reliquimus omnia.*
Vana reliquerunt, & bona vera ha-
bent, quæ solus Deus tribuit. 278.
557. 559. 575. *Vos qui reliquistis omnia,*
&c. Debitor est Deus iis, qui propter
ipsū omnia reliquerūt. 276. Quo-
modo Deus suscipiat eos, qui pro-
pter ipsum omnia reliquerunt. 585.
Sedebitis, & vos iudicantes. Quomodo
Deus honoret seruos suos, siue quā-
tus sit honor seruorum Dei. 19.
& deinceps. Meretur verò dignita-
tes, & sedes, quia eas contemnit.
403. Est quidem immunda cupiditas
rerum temporalium, inhonorosque
reddit eos, qui se illis immiscunt.
205. Quam nihili faciendā bona
omnia temporalia. 81.

††† In

INDEX CONCIONVM.

In communi Virginum.

In spe aduentus sponſi animatum noſtram debemus laborare, ac pati, & præparari. 724. Pro virginibus prudentibus, & contra imprudentes facit quoddam caſtitas maximè cõducit ad ſapientiam. 516. *Domine, Domine aperi nobis.* Fides ſine operibus nihil prodeſt. 341. 359. Agnoſcere Dominũ, & habere notiſſimam Dei, & legis ipſius, ipſamque non implere, cedit in maiorem condemnationem. 679. Opera noſtra quæ erit Deus, vt remuneret. 353. 383. Oleum caritatis nõ habuerunt imprudentes. 523. 524. *Nefcio vos.* Alienum ſupplicium nos debet prudentes reddere. 546. *Vigilate, quia nefeitis diem, neque horam.* De incertitudine dici mortis, & aduentus Dei. 662. 671. 674. *Moram autem faciente ſponſo.* Non deſumenda occaſio delinquendi ex eo quoddam Deus diſſeruat ſupplicium. 228.

In feſto plagarum Domini.

Vnus milium lancea latus eius aperuit. Etiam poſt mortẽ vulnerari voluit, ſicut Iacob poſt mortem peregrinari. 44. *Inclinato capite emiſit ſpiriũ.* 127. Lancea latus eius aperuit. 318. 761.

In feſto S. Andreæ Apoſtoli.

Vidit duos fratres. Oculi Dei cauſa totius boni. 595. *miſerentes rete in mare;* cùm pauperes piſcatores elegerit. 270. 271. *At illi continuo relictis retibus ſecuti ſunt Dominum.* 629. Quomodo omnia relinquenda ſint omnino. 276. 550. & cur libenter relinquenda. 553. Vide etiã 79. Negotiatio eſt aliquid relinquere. 112. 275. A labore ad laborem eos vocauit; quia Prælatorũ officium laborioſum eſt. 413. Vocauit eos a piſcatione, quia ſicut piſcatores non eiſdem retibus, neque eodem modo omnes piſces capiunt: ſic

Prælatus non debet eodẽ modo ſubditos gubernare; ſed quoddam lenitate, & manſuetudine. 44. 484. 486. alios verò acriter reprehentione. 214. 215. Aliquando etiam acris reprehentione cõducenda eſt benignitate. 436. 488. Denique magna eſt ars hæc piſcatio: proinde multa indiget ſcientia. 401. 487. A vili inſuper officio eos vocat vt priſtini ſtatus, & officij memores humilitatẽ ſeruariẽt, quam maximè curat Deus in ſeruis ſuis. Hoc vltimum vide 15. 16. Primum verò inuenies 156. 239. 254. 277. *Miſerentes rete,* alij, *reſpicientes:* laudabile vtrumque, quia ſuo ſtatui ſe conformabant; quod Deo maximè placet. 571.

In Conceptione Beatiffimæ Virginis.

Cur Daud ſolus in Genealogia Chriſti Rex nominetur. 16. aliam rationem habes 293. Cur Berſabee proprio nomine non nominetur. 204. 612. Cur peccatores nominentur in hoc Euangelio? quia per poenitentiam omnino mutati ſunt. 381. deinde, vt oſtendatur Dei virtus, quæ adẽ perfectè ſanat peccatores, vt nec cicatrix remaneat. 381. Cernitur in hoc Euangelio varietas, & inſtabilitas rerum temporalium. 279. 368. 559.

In feſto Purificationis B. Mariæ.

Deo obligata erat Beatiffima Virgo à præcepto Purificationis, cam tamen pro perfectiffima obedientia adimpleuit. 183. Simeon expectabat ſalutem Iſraël, non propriũ cõmodum curabat. 28. 496. Modò propria curant homines, & aliena diripiunt. 288. 416. Mortem appellat pacem, quia requies eſt. Solus Deus faciat noſtram appetitum, ideo lumen gen

INDEX CONCIONVM.

gentium in manibus habens mūdo
valedicit. 281. 556. 557. 647. 723.

In festo S. Matthiæ.

Confiteor tibi Pater. Christus cūm
sit caput nostrum, pro nostris bonis
gratias reddit Deo, sicut in manus
accipit munus, & caput discooperi-
tur: quia in re docet nos gratias age-
re Deo. de quo argumento vide 539.
Tollite iugum meum super vos. De beati-
tudine crucis ac laborū. 121. Excel-
lencia legis gratiæ, quæ est iugum
Christi. 225. 231. *Discite à me quia mi-
tis sum.* 217. 420. Quàm pulchra sit
hæc virtus humilitatis corde. *Discite
à me quia mitis sum.* 44. 195. 484. No-
bis se manifestat, & reuelat secreta
velut amicis, qui sunt humiles, non
superbi Iudæi. 227. Iugum suauis re-
spectu antiquæ legis. 228. 267. 270.
614.

In die Annunciationis.

Pro quo vide 610. Qualem humi-
litem in honoribus debemus ser-
uare cūm Beatissima Virgo se tunc
ancillam vocauerit, cūm in Matrem
Dei assumitur. 15. 17. *Dominus tecum.*
Quàm bonum sit Deum habere. Vi-
de in cap. 4. vers. 2. parag. 4.

In die SS. Apostolorum Petri, &
Pauli.

Vos autem quoniam me esse dicitis? Quia
aliter debetis loqui, ac loquuntur
homines, de quibus vos iā interro-
gati, vnusquisque enim loqui debet
sicut est. 237. 438. 460. *Caro, & sanguis
non reuelauit tibi,* &c. Cognitio rerum
diuinarum à Deo est, & ab eo po-
stulari debet. 61. *Tibi dabo clauis Re-
gni cælorum.* Magna potestas: ob quā
multum honorandi sunt Sacerdo-
tes. *Beatus es Simon Bariona.* Patrem
nominat ne cōstitutus in sūmo dig-
nitatis vertice superbiat. 272. *Caro, &*

sanguis non reuelauit tibi. Tribuit Deus
maximam sapientiam Petro, illi
vtique necessariam tanquā vniuer-
sali Pastori. 405. *Porta inferi non pre-
ualebunt aduersus eam.* Quàm pulchra
cernatur hodierna die Dei miseri-
cordia, dū citissimè occurrit Bapti-
stæ in peccato originali existenti.
324. Visitatio dicitur B. Mariæ cūm
ipsa fuerit quæ visitauit, non quæ
visitata est, quia quicūque aliis be-
nefacit, sibi benefacit. 243. Concep-
tus in vtero Virginis Dei Filius stat-
im suū vult communicare gratiam,
& virtutem, quod maximā Dei be-
neficientiam ostendit, & liberalita-
tem. 63. Hanc imitatur beneficus, &
misericors homo. 66. 241. Deus ho-
mo statim hominibus benefacit; at
homines qui volūt esse in terra Di-
j, suos de prædantur. 245. 285.

In die S. Mariæ Magdalænæ.

Vi cognouit quod Iesus accubuit. Di-
ligentia in surgendo à peccatis. 334.
430. Maturanda vtique conuersio.
628. *Erat in ciuitate peccatrix.* Pecca-
tum in honorum reddit peccatorē.
147. vsque ad 152. & de misera serui-
tute peccati. 227. Cur non nomine-
tur hoc in loco proprio nomine.
203. *In ciuitate peccatrix.* Defectus
aliorū nobis proponit Euāgelium,
vt nostros corrigamus. 381. 382.
In laudem etiam Magdalænæ nobis
proponitur peccatrix. ibid. In lau-
dem etiam omnipotentis Dei, qui
talis maximè ostenditur in conuer-
sione peccatoris. ibid. *Vides hanc mu-
lierem?* Pulchriores & humiliores
surgunt sancti. *Hic si esset Propheta,*
&c. Non iudicādum faciliè de aliis.
526. De lacrymarum lauacro. 633.
Quæ etiam de re multa habes 635.
Vi cognouit quod accubuit. Etiam tem-

††† 3 pus

INDEX CONCIONVM.

pus cœnæ, est tempus orationis, & tunc Deus præstò nobis adest. 747.

In festo S. Iacobi.

Defectus aliorum nobis proponit Euangelista, ut nostros corrigamus. 226. 384. *Dic ut sedent hic duo filij mei.* Apud Deum, & apud verum Præsulem, & Regem non respectus ac ratio carnis loca tribuunt, quia omnibus debet esse communis, & nulli addictus. 29. 51. Contra eos qui respectum carnis, & sanguinis in electionibus curant. 409. & sequentibus. Malum ambitionis perfectos etiam homines adorat. 397. *Adorans, & petens.* Quàm viles reddat ambitio ambitiosos. 401. 402. 403. *Nescitis quid petatis.* 716. Beneficium Dei est aliquando ab eo postulantem aliquid non exaudiri. 52. 89. *Non est meum dare vobis.* Erubescit Christus negare ea quæ ab ipso postulantur præ summa benignitate sua. 77. 78. *Dicum ei, possumus.* Quàm audax sit ambitio, & quomodo omnia aggrediatur. 397. Quomodo nihil omnino reuereatur, & quo tempore aggrediatur. *ibid.* *Audientes docem indignis sunt de duobus.* Quomodo pacem turbet ambitio, & commotionem excitet. 395. vide etiam 548.

In festo B. Mariæ ad Niuës.

Antè blasphemauerat Iudæi Christum Dominum, modò exurgit mulier de turba, quæ ipsum laudat, quia vnusquisque loquitur prout mores habet, iniquus scilicet inique loquitur, iustus verò iuste loquitur. 237. 438. *Beatis qui audiunt verbum Dei.* De vtilitate verbi Dei. 87. vsque ad 177. 179. 202. 222. Cõtra eos qui audiunt, nec seruant verbum Dei. quæ etiã de re habes 218. 679. Quomodo verò audiendum sit. verbum

Dei. 179. Hinc est quòd auditores se reprehendant, non prædicatores. 217. audire idem est ac obedire verbo Dei. 183.

In festo S. Laurentij.

Nisi gramum frumenti, &c. In vtilitatem suorum veluti exinanitur, at homines suorum substantiam deprædantur 245. 289. 416. Illudque maximè notandum quòd Christus se inglorium, & solitarium iudicat si solus remaneat; at superbi Principes terræ, gloriosos se iudicant si se solos videant super terram, vnde ab ipsa alios eiiciunt 53. 598. *Qui amat animam suam, perdet eam.* quia se tradit appetiti tui proprio, qui infestus, internusque inimicus est. 136. 137. 538. 540. & sequentibus. Occurrendum proinde est interno huic hosti. 143. 538. 540. & sequentibus. *Siquis mihi ministraverit, honorificabis eum. Pater meus.* Quomodo Deus honore afficiat seruos suos. 19. & sequentibus.

In festo Assumptionis Beatæ Mariæ.

Excepit illum in domum suam. Magna dignitas hospitalitatis, quæ ipsum Deum meretur suscipere. 378. Vnde hospitalitas plus accipit quàm hospitibus tribuat. *ibid.* Quàm vtile sit audire verbum Dei. 177. *Qua etiam sedens audiebat.* Quantam quietem, & mæfuetudinem requirat Dei verbum, ut rectè audiat. 200. 24. *Non est tibi cura, quòd soror mea, &c.* Lingux vitium etiam perfectos aggreditur, & qui multa vitia vicerunt, ab hoc vincuntur. 239. Proinde aperienda est ratio, quæ clauis lingux est. 185. Neque parcat lingua sorori, quòd soror mea; neque Christo, dum ait, *non est tibi:*

INDEX CONCIONVM.

tibi cura, quia lingua nemini in vniuersum parcat. 454. Mōrtiferum utique venenum, quod omnes virtutes perdit. 463. 467. *Martha, Martha sollicita es*, &c. Detractores reprimendi sunt dum audiuntur. 554. *Domine non est tibi cura* quòd soror mea, &c. Non est temerè iudicandum de proximo. 515. 526. Imbecillitas magna est aliorum defectus subnotare, & mordere, vt ex illis honoratior quis euadat, vnde veluti imbecillitatem suam facetur Martha dicens, *dic ergo illi, vt me adiuuet*, quæ sororem iam subnotauerat. 384. *Sedens audiebat*; nec mirum, quia vera gaudia in solo Deo reperiuntur, quæ est ratio cur querimoniam in Deum conuertat, & non in sororem, dum ait, *non est tibi cura*, &c. cui enim se Deus communicat veluti extra se fit. 556. 647.

In festo S. Bartholomæi:

Exiit in montem orare. Qualiter sit Deus orandus. 566. Et in rebus arduis, & magnæ entitatis Deum adire debemus. 75. & sequentibus. 565. & seqq. *Et erat pernoctans in oratione*. Dei orationi instandum. 87. 566. Rectam electionem discipulorum præcessit oratio Magistri. De electionibus vide 259. 257. 403. 492.

In festo decollationis Ioan.

Baptistæ.

Non licet tibi. Reges nequeunt iniqua facere ac iubere, in quo maxime falluntur. 258. 259. *Non licet tibi*. Docet viros Euangelicos liberè loqui. 233. & acriter vitia reprehendere. 214. 215. 424. Dimidium Regni sui promittit pro saltatione puellæ: quod ostendit vilitatem, & inconstantiam. Regnorum, rerumque omnium temporalium. 92. 114.

279. 370. 547. 548. *Volo vt des mihi in discipulum Ioannis*. Postulat hoc post ebrietatem, quia iniusta & iniqua petitio ostendit qualis sit is, cui proponitur. 569.

In die S. Matthæi Apostoli.

Vidit hominem sedentem in telonio.

Oculi Dei causa sunt omnium bonorum. 589. Humilitas Sāctorum etiam in maximis dignitatibus. 13. 14. 15. Quomodo tamē sit superba. Sāctorum humilitas. ibidem. & magna humilitas exaltare solet. 21. 159. 160. 650. Quanti verò fiat à Deo hæc humilitas, quæ in Matthæo hīc cernitur. 610. & sequentibus. Vocauit autem eum à vili & turpi quæstu, & officio, vt pristini status & officij memor humilitatem seruaret. 31. 156. 277. *Surgens secutus est eum*. 629. Quomodo omnia relinquenda 254. 750. & cur libenter relinquenda. 27. 79. 754. Maiorē verò quæstū reperit in sequela Christi, quàm habuerit in telonio. 112. 273. Defectus aliorum nobis proponuntur in hoc Euangelio, & sæpe in Scriptura, vt nostros corrigamus. 385. Hoc etiam sit in laudem ipsorum Sāctorum, quorum defectus narrantur. 389. 412. laudem insuper Dei, qui in conuersione peccatoris, & publicani suam omnipotentiam maximè manifestat. 386.

In festo S. Michaëlis.

Quis putas, maior est in regno calorum? Quomodo superbia insidietur virtutibus, & perfectos, quales erant Apostoli, aggrediatur. 604. Ambitio etiā quomodo perfectos adeat. 397. Ambitio etiam, & superbia quomodo

modo vnitatem, & pacem scindat. 398. 548. Deus verò qui superbis resistit, statim occurrit, nisi efficiamini. &c. 596. 597. *aduocatus parvulum.* 575. Sumptum verò occasionem interrogandi de principatu, & maiestate, quia viderunt Petrum in solutione pretij, vnde elicitur Prælatus suos æqualiter debere tractare, si pacificos, & vnanimes eos vult habere. 30. 44. 252. Humilitatem maximè docet in hoc Euangelio, quam Deus pluris æstimat. 616.

In festo S. Lucæ.

Designauit Dominus, &c. Pauperes quidem elegit discipulos, cur tamen id fecerit. 272. vsque ad 278. *Mosis quidem multa, operarij autem pauci.* Quam pauci veri operarij in Ecclesia Dei reperiuntur. 171.

In festo SS. Simonis, & Iudæ.

Hec mendo vobis, vt diligatis inimicem. Amor proximi commendatur. 295. 299. qui amor occultat defectus proximi. 382. 463. At verò non in solis verbis consistit hic amor; sed opera insuper requirit. 309. dilectio ad conferuandam vnionem, & pacem inter fideles, quam Deus magni facit, vt videre est 548. & maximè necessaria est, vt patet 530. quam etiam maxime curare debent Pastores Ecclesiastici, cum quibus Christus hic loquitur. 519. De laudibus verò pacis. 295. 520. *Si mundus vos odit,* &c. Amor Dei, & mundi inter se pugnant. 583. *Si me persecuti sunt,* & vos persequantur. Laboribus perficiuntur Sancti. 36. 714. Labores Deum socium habent, proinde-

que modò etià potest dicere Christus, me vobiscum persequantur. 44. Laboribus examinatur virtus. 47. Exemplum patiendi nobis præbuit nobilissimum Christus Dominus. Exempla patientiæ multa habemus in Sæctis. 506. proinde patienter ferendæ sunt persecutiones. 712. contra eos verò, qui in laboribus conqueruntur. 728. Quantum verò valent exempla patientiæ ad ferendum libenter labores. 730.

In festo omnium Sanctorum.

Aperiens os suum docebat eos. Maximam libertatem in docendo, & prædicando denorat, & inculcat. 214. *Beati pauperes spiritu.* 108. Propria doctrina Christi de laboribus. 718. Ostendit Deus omnipotentiam suam in conuertendo labores in lætitiā, lacrymas in risum, &c. 380. *Beati qui persecutiones patiuntur.* 121. Futura bona promissa reddūt mitiora mala præsentia. 720. *Beati misericordes.* 314. Misericordes, & benefici imitantur Dei naturam. 67. & sibi benefaciunt misericordes. 243. *Beati mundo corde.* 633. *Beati qui esuriunt, & sitiunt iustitiam.* 628. *Beati qui lugent.* 637. quoniam ipsi consolabuntur. 438. *Gaudete, & exultate,* &c. 735. Labores pignora sūt vitæ beatæ. 125. *Beati estis cum maledixerint vobis homines.* 469. Pacifici cur dicatur Dei filij. 530. pacis verò turbatores dicuntur filij diaboli. ibid. Pax quātum Deo placeat. 548. eius necessitata. 323. *Merceres vestra copiosa est in cælis.* Ideo iusti solos labores in hac vita quærun. 722. 723.

QVÆSTIO



QVÆSTIONES PROOEMIALES.

*Quæ sit huius Epistola materia, quæ utilitas, ac necessitas,
& quo loco in Bibliis ponatur.*

QVÆSTIO PRIMA.



EMPORIBVS Apostolorum exorta est Simonis hæresis, teste D. Augustino lib. de Fide & Operibus cap. 14. asserentis iustificari hominem per fidem sine operibus; quæ præsertim Samariæ non longè ab vrbe Hierosolymitana infelici germine (vt Iustinus testatur) coalescens, in dies magis grassabatur, aduersus quam noster Apostolus, sicut Petrus, Ioannes, & Iudas fecerunt, insurrexit, summæque prudentia multa in eam profert, dum multus est in opere-

rum commendatione, sine quibus fidem esse profus inanem affirmat, contra impiam Simonis doctrinam, de qua D. Irenæus lib. 1. cap. 20. Cui velut fluuii carnis libertate fluenti Iacobus fortissimum huius Epistolæ aggerem opposuit; in quos enim campos non exundasset malè accepta viuendi libertas, si scelestis quibuscunque absque labore, perinde ac vilissima merces, sic esset prostituenda potius, quam præstanda felicitas patriæ? Et ingredientibus hostibus Ecclesiam Dei, murum, & antemurale obiecit: sic enim appellauit D. Hieronymus lib. 8. Comment. in Isai. cap. 16. fidem & bona opera, cum ait: Murus bonorum operum, & antemurale rectæ fidei, vt duplici septa sit munimento; non enim sufficit murum habere fidei, nisi ipsa fides bonis operibus confirmetur. Hic murus, & antemurale, siue circummurale, de viuis lapidibus extruitur. Similia habet Prosper de Vita contemplat. lib. 1. cap. 19.

Pæz in Epist. B. Iacobi.

A SICVT

1. *Esdr.*
cap. 4.

Si c v t igitur olim dum Iudæi ex captiuitate Babylonica reuerſi, in templi reedificatione à vicinis Samaritanis impediabantur, vna quidem manu laborabant; altera verò contra hoſtes gladio decertabant; ſic etiam noſter Apoſtolus contra hæreſim à Samaria itidem prouenientem, non ſolum curat vt fideles incitentur, & confirmentur in ſana doctrina, verum contradicentes arguit, & impia dogmata introducentes ab oppugnatione domus Dei, gladio ſpiritus fortiter repellit, hoſtium impetum frangit, & retundit, leonum ora obturat, & fortis factus in bello, ſtrenuè operandum, & bona opera exhibenda docet; dùmque id facit, & hæreſim illius temporis, & eandem noſtra ætate ab Orco excitatam, & adauctam expugnat. Et enim, teſte D. Hieronymo epiſt. ad Creſiphontem, hæreſes ad originem reuocallæ, confutallæ, hæreticorum ſententias prodidiſſe, ſuperallæ, eſt quod accuratè geſſit Iacobus in hac Epiſtola.

Hebr. 11.

Apoc. 9.

Vnde conſtat quàm vtilis, ac neceſſaria ſit hæc Epiſtola, quæ vaſtatori igni hac tempeſtate graſſanti occurrit: verum eſt enim illud Ioannis Oraculum, quo dixit; *Et quintus Angelus tuba cecini, & vidi ſtellam de cælo cecidiſſe in terram & data eſt ei clauis abyſſi. Et aperuit puteum abyſſi: & aſcendit fumus putei, ſicut fumus fornacis magna, & obſcuratus eſt Sol, & aer de fumo putei: Et de fumo abyſſi exierunt lociſte in terram, & data eſt illis poteſtas, ſicut habent ſcorpiones:* hæc enim in hæreticis, Luthero, & aliis incentoribus in orbem effuſis fortiri effectum, proh dolor! apertè cernimus. Quis enim nouorum hominum in hæreſibus recentibus excogitandis, veteribus reuocandis, ac renouandis, vtriſque diſſeminandis, fucandis, propugnandis, fulciendisque ſolertiam, audaciã, atque rabiẽ non miretur? Quod præcipuè cernere licet in reuocatione ſopitæ, ac antiquæ hæreſis de ſufficiencia ſoliſ fidei abſque operibus ad ſalutẽ, cui Iacobi doctrina denuò opponenda, eorũque oculis propalanda. Quod etſi alij fecerint, id tamẽ ne nos faceremus, nihil retrahit: præclare etenim D. Aug. poſt plurimorũ de B. Trinitate libros, ſuos quoque euulgaturus dixit lib. 1. c. 3. Vtile eſt plures libros à pluribus fieri, diuerſo ſtylo, non diuerſa fide, etiã de quæſtionibus eiſdem, vt ad plurimos res ipſa perueniat, ad alios ſic, ad alios verò ſic. Cùm enim ingeniorum varietas ſit infinita, ſit ratione ea, vt pro cuiusque captu res, quæ traduntur, & faciliùs in animos influant, & firmiùs inhæreant memoriæ, & ad vſum expeditiùs depromantur, quod meliùs, aptiùſque fiet, ſi quæcunque Sãcti Patres dixerunt, & Iacobi doctrinæ fuerint coherẽtia, proferamus. Ipſi namque, ſicut dixit Aug. lib. 2. contra Iulian. quod inuenerunt, hoc tenuerunt, quod didicerunt, hoc docuerunt, quod à patribus acceperunt, hoc filiis tradiderunt. Vnde apud Baſil. lib. de Spiritu ſancto c. 29. Dionyſ. Alex. citatur non ex mente ſua loquẽs, ſed, vt Baſilius ait, forma, regulãque à ſenioribus, qui ante nos vixerunt, accepta. Et Theodoret. lib. 1. Hiſt. Eccleſ. cap. 5. Ioannem Chryſoſt. producturus: Annon hũc, inquit, putas Apoſtolicam fidei ſeruaſſe regulam? Cùm ergo Apoſtolica hæc doctrina pernecceſſaria ſit contra No-uatores, eandem Sãctorum Patrum testimoniis adornatam trademus, vt eorum coherẽtia cum veritate à Iacobo tradita clariùs eluceat, & hæreticorum

cōrum impudentia execranda propaleatur.

N E Q V E verò præfens Epistola ad vitandos tantum Nouatorum errores prodest, sed etiam ad Catholicorum mores componendos, fideles in Sacramentorum doctrina instruendos, in pauperum subuentione, in vitando inuidiæ zelo, in allèrenda proximi dilectione perutilis utique est. Vnde Thomas Malleolus in Valle liliorum cap. 33. dixit: Vide Sanctum Iacobum fratrem Domini Epistolam Canonice scribentem, formam Christianæ vitæ, & Religionis perfectionem continentem. Rabanus Maurus de Vniuerso lib. 5. cap. 3. Iacobus frater Domini vnâ scripsit Epistolam ad ædificationem Ecclesiæ pertinentem, cuius sententia immensam scientiæ claritatem legentibus videtur infundere. Et Otto Frisingensis lib. 3. cap. 16. Iacobus frater Domini, ciuitatem Dei non solum factis informauit, sed vnâ de septem Epistolis, quæ Canonice dicuntur, valde vtilem, & salè sapientiæ conditam scripsit Epistolam; quæ proinde in omnium oculis debet versari, quando omnium maximè interest.

I N sacris verò Bibliis prima aliarum septem Canonicarum Epistolarum ponitur; & ab Eusebio lib. 2. Hist. cap. 22. & Nicephoro libro 2. Hist. cap. 38. appellatur etiam prima. Licet autem in hoc dignitatis rationem habitam plerique negent, id tamen non minimam huius Epistolæ dignitatem esse existimo. Ratio verò cur primo loco ponatur, temporis quo scripta fuit, esse videtur, scilicet, ante alias septem Epistolas. Sicut enim nulla alia de causa Matthæus, alique Euangelistæ, quàm propter ordinem temporis in scribendo, eo modo dispositi sunt, quem cernimus, non verò quia Matthæus Hebraicè scripserit; sic & hæc Epistola ante alias, imò & ante Petri Epistolas ponitur, quia ante alias scripta fuit. Nam prima Petri creditur scripta anno Domini quadragesimo quarto, & secunda anno sexagesimo tertio; hæc verò Epistola scripta est paulo post dispersionem Christianorum, in eorum solatium, & leuamen. Contigit autem ea dispersio, & persecutio Ecclesiæ paulo post mortem Christi, eiusque in cælos Ascensionem. Post Petrum scripsit Iudas Thaddæus; vnde videtur imitari secundam Petri. Quodd verò Ioannes vltimus scripserit, apertè constat, & ostendit Baron. tom. 1. Annalium. Ex quibus fit consequens, quodd prius noster Iacobus scripserit, primæque proinde hæc Epistola inter Catholicas, ac Canonicas collocetur.

Quæ huius Epistolæ inscriptio.

Q V Æ S T I O II.

I L L V D pro titulo huius Epistolæ aduertendum est; omnes aliorum Apostolorum Epistolas, post Epistolas Pauli in Canonem relatas, Græcum in Bibliis titulum *Catholicarum* gerere; quem Latina Sixtiana reti-

A 2 nuerunt,

nuerunt, licet non affixerint nisi prima, quæ est Iacobi, & vltima, quæ est Iudæ; Regia etiam priori. Complutentia solam Iacobi cum titulo *Canonica* nominant; nostris emendatis Vatablus fauet, atque Brixianus. Hieronymus in Prologo harum Epistolarum *Canonicas* eas vocat, qui tamen lib. de Viris illustribus c. 47. *Catholicas* eas perpetuò vocat. Cassiodor. de Diuin. lect. cap. 8. non has propriè, ac solas septem, sed simul quæ Pauli sunt, nomine communi *Canonicarum* Epistolarum insignit, sicut & alij alios sacros libros: recentiores tamen interpretes dicunt esse hoc nomen peculiare his Epistolis, rationemque reddentes, aiunt: vel quòd ad *Canonicam* Scripturam pertineant: vel quoniam *Authores* Canone comprehenduntur Sanctorum, utpote qui Apostoli fuerint vel quia continent canones, ac regulas credendarum, & agendarum rerum. Licet verò istis de causis (sicut notauit Carthusianus) Pauli etiam Epistolæ *Canonicæ* dici possint, hanc appellationem sibi vendicarunt iam hæ septem postremæ Epistolæ, ut sicut vnus suas *Author* Paulus, ita nomen vnum istas designaret.

NEQUE verò nobis placent Iodocus in Damascenum, Clémentius, & Feuardentius in hanc Epist. cum aiunt, imperitia scriptorum factum esse, ut commutatis aliquibus mediis syllabarum literis, pro Catholicis Epistolis, *Canonicæ* dictæ sint: etenim Concilium Roman. sub Gelasio, Concil. Carthaginense III. cap. 47. Hieronymus dicto Prologo, & alij Sancti Patres, Authores, & codices eodem titulo aperte vtuntur. Quis verò audeat dicere Concilia, & Patres deceptos, & corrupta per imperitiam voce vsos: Vnde in Concil. Antiocheno sub Iulio Papa I. *Canonicæ* Epistolæ eandem significationem præ se ferunt cum Catholicis (quales Dionys. Alex. dicitur scripsisse) id est, generalibus, quæ etiam dicuntur *Encyclicæ*, id est, circulares, & *Ecclesiasticæ*.

HIS itaque sic præmissis, Oecumenius hic, & antea Leontius de Secretis act. 2. tom. 4. Bibliot. Patr. Isidor. lib. 6. Etymolog. cap. 2. ideo *Catholicum* nomen huic, & aliis dictis Epistolis affixum putant, quòd non ad vnā scribantur gentem, velut Paulinæ; sed generaliter ad omnes. Oecumenio adhærent plures Græci, quorum ille nescit ex sententiis Commentarium. Leontius verò profitetur se loqui ex ore Theodori Abbatis, & doctissimi Philosophi. Idem etiam fundamentum affert, & probat Martines in Epist. Iudæ, part. 2. de titulo.

CÆTERVM hæc ratio in pròptu habet obiectionem in 1. Epist. Pauli ad Corinth. vbi Paulus non iis duntaxat, sed & omnibus, qui inuocant nomen Domini nostri Iesu Christi in omni loco ipsorum, & nostro, scribere se dicit: & in 2. & 3. Ioannis Epist. quas ille ad priuatas misit personas. Et licet recentiores hanc obiectionem nitantur diluere; vtùm communis responsio omnino satisfaciatur aliorum iudicio relinquo; dicendumque existimo, *Catholicam* hanc, & alias Epistolas appellari, quoniam passim ab omnibus, & vbique receptæ sunt, ceu diuinæ, sacræque Scripturæ, tum etiam quia ipsomet numero septenario, qui maximè refert vniuersitatem, deno-

denotant vniuersalem doctrinam, quam continent, & vniuersales personas, nempe Apostolos, à quibus editę sunt, cùm non habeant vnum auctorem, à quo vno peculiari nomine denominentur.

Quanta sit auctoritas huius Epistolę.

QVÆSTIO III.

QVONIAM hæretici hanc Epistolam reiiciunt, notant, ac mordent, vt videre est apud Lutherum Præfatione in Nouum Testamentum, vbi dicit hanc Epistolam non habere Euangelicum genium; & in captiuitate Babyl. cap. de Extrema vnctione, non esse dignam Apostolico spiritu; & in cap. 22. Genes. vbi asserit delirare Iacobum; & apud Vitum Theodorum in summariis Bibliorum, vbi dicit, in aliquot locis reprehensibilem; & apud Ioannem Bugenhagium Pomeranum ad cap. 4. Epist. ad Rom. vbi impium argumentum, & ridiculam collectionem huius Epistolę reddet; & ad cap. 3. longę, vbi dicit, in Epistola Iacobi quædam esse, quę videntur Ebionitis similia, & apud Volfgangum Musculum in Locis Communibus, cap. de Iustificatione, vbi asserit eam veritati fidei præiudicare. Non parum gratum fore existimo, si eam ab hæreticorum calumniis vindicantes, maximam insimul Epistolę auctoritatem comprobauerimus. Etenim Concil. Laupicense cap. 58. eam recipit, & vocat Catholicam Epistolam. Concil. Carthagin. III. cap. 47. Mileuitan. c. 7. Arausicanum II. c. 25. Cabilonens. II. cap. 33. Parisiens. c. 13. Tolet. VIII. c. 14. & citant, & probant hanc Epist. Probant insuper, & asserunt summi Pontifices, Clemens Rom. lib. 2. Constitut. c. 8. Alexand. I. Epist. 2. Innocentius I. Epist. ad Exuperium c. 7. Urbanus I. Epist. ad omnes Episcop. Sixtus III. de malis Doctoribus, & operibus fidei. Leo Magnus Ser. 2. de Quadrages. Gregorius Magnus multis in locis. Zacharias epist. ad Bonifacium. Nicolaus I. epist. 9. Ioannes VIII. epist. 38. Innocent. III. ad Psal. 2. Pernitent. Citant, & venerantur antiquiores Patres, Dionys. Areopag. cap. 1. de Cœlesti hierarch. Clemens Alexand. qui, teste Cassiod. lib. 1. Diuin. lect. cap. 8. eam Attico sermone declarauit. Hyppolitus de Consummatione mundi. Orig. passim. Athanasius multoties, præcipuęque epist. 39. & epist. de Nicęna Synod. & ad Episcop. Africę. Cyrill. Hierosoly. Catech. 4. Cyril. Alex. lib. 4. in Ioan. & 14. Thesauri. Tertull. de Orat. c. 8. & lib. cont. Iudęos c. 2. Cypr. ad Nouat. Hilarius 4. de Trinitat. Ephrem sapissime. Basil. in Asceticis. Nazian. earmine de Canonicis Scripturę libris. Cassian. lib. 12. Instit. c. 6. Arnob. in Psal. 32. Prosper de Vocat. Gentium lib. 1. cap. 24. Greg. Turonens. de gloria Martyr. lib. 1. cap. 41. vt posteriores Patres relinquam, & quos in expositione context. adducemus.

Ex quibus constat, quanti faciendę sit nostri Apostoli Epistola probata tot Concilijs, confirmata à summis Pontificibus, adductęque à Patribus

A 3 omni

omnibus. Vnde pro defensione eius possemus dicere cum Athanas. dicta epist. de Nicæna Synod. vbi nostrum refert Apostolum : Quomodo non odio digni sunt, qui nunc tandem contradicunt, homines nimirum tales, quales D. Iacobus duplices corde, & instabiles in omnibus viis appellat: neque enim alij, aliterue appellari possunt, qui Iacobi Epistolam non recipiunt, nec venerantur. Ideoque merito Isidorus Pelusi. lib. 1. epist. 93. se Iacobi auditorem ratione huius Epistolæ gloriatur.

FACIT etiam pro commendanda præsentī Epistola, id quod quisque facile in ea recognoscet, si aduertat in ipso scilicet ingressu Apostolicum characterem, cum eandem præ se ferat inscriptionem, quæ ponitur in Epistola ab Hierosolymit. Concil. (cui idem Iacobus interfuit, & pars eius magna fuit) ad Ecclesiam Antiochenam; etenim salus ibi postulatur, sicut Iacobus initio suæ Epistolæ. Et sicut loci, ac temporis ratio postulabat, alii-que fecere Apostoli, Simonis hæresi se opponit.

Ad quos missa fuerit hæc Epistola.

QVÆSTIO IV.

EX principio huius Epistolæ constat, Iacobum eam Iudæis conuersis, & causâ hîc dispersis scripsisse: quod non minima est laus Iacobi; sicut etiam & Petri, quod peculiaris Iudæorum Apostolus haberetur: pluri enim initio nascentis Ecclesiæ fiebant Iudæi, quos ex omnibus mundi populis in peculiarem sibi Deus elegerat, sui cultum

Rom. 9. docuerat, Filij sui aduentum promiserat, vnde & ex eis natus est secundum carnem, & illam mundi portionem, ac terram, quam aduentui suo consecrarat, eis dedit in possessionem hereditariam & quia ad ipsos præcipue missus est Filius Dei in carne; vnde à Paulo dicitur Circumcisionis minister, propter veritatem Dei, ad confirmandas promissiones Patrum, cuius ministerij functio erat Euangelium docere, comprobatio, miracula edere; finis verò, perditos lucrificare; propterea cum socios legationis, quæ ipsi obeunda erat, assumpsit duodecim, iubet illos ad Israëlitas tantam legationem deferre, dicens; *In viam gentium ne abieritis, & ciuitates Samaritanorum ne intraveritis; sed potius ite ad oues, quæ perierunt domus Israël.* Quæ fuit ratio cur Ioannes Euangelista initio sui Euangelij Iudæos suos (i. Christi Domini) appellauerit: sic enim interpretatur D. Chrysost. hom. 8. in cap. 1. Ioan. & Cyrill. ibidem ea verba Ioannis, & *sui eum non receperunt* Quasi diceret Ioannes (inquit Cyrillus) non est mirum si mundus Filium Dei non nouerit; quoniam ipse populus Iudæorum, quem sibi Deus peculiarem delegerat, Filium Dei præsentem, & ad salutem præfer- tim ipsorum venientem non recepit. Suos itaque commisit Christus discedens Iacobo, eisdem ut peculiari Pastor scribit, & legatione pro Christo fungens, Christi Domini fide, & doctrina instruit, & quos verbo non poterat, scripto docet.

NEQ

Nec mirum si cum Iudæis scribat, Græcè tamen id faciat; enimuerò lingua Græca omnium erat communissima, vt etiam testatur Tullius in Oratione pro Archia Poëta. Vnde & Paulus Romanis, & Petrus disperfis Græcè scripserunt: id quæ iure optimo factum esse à Iacobo censendum est, cum hæc Epistola & Catholica sit, & omnibus proinde eius doctrina debebat innotescere, & Canonica itidem, vtpote quæ continet formam Christianæ vitæ, ac Religionis; *καὶ* enim Græcè, Latine est *forma*, aut, *regula*, quæ ideo in vulgatissima, ac notissima lingua erat proponenda.

Quis fuerit Author.

QVÆSTIO V.

QVONIAM, sicut aduertit D. Ambrosius in cap. 1. Luc. diuina Scriptura docet non solum mores in iis, qui prædicabiles sunt, sed etiam parentes oportere laudari, vt veluti transmissa immaculatæ puritatis hæreditas in iis, quos volumus laudare, præcellat; quod D. Paulus minime reprehendit, vt perperam voluit Beza 1. ad Timoth. 1. Loquitur enim de iis tantummodo genealogiis, quas quotidie texebant, & inanis gloriæ cupidi iactabant Iudæi, siue Gentiles, dum de suorum Deorum prosapiis inaniter gloriabantur, vt ibi annotauit Chrysost. alioqui non rectè Spiritu sancto dictante, tot in Genesi, Exodo, & Paralip. genealogiæ describerentur; imò neque Matthæus, & Lucas Christi Domini auos, atauosque texerent. Vnde Sidonius lib. 7. epist. ad Perpetuum, Natalibus, inquit, seruanda reuerentia, quia & hoc non omittendum Euangelista monstrauit; nam Lucas laudationem Ioannis aggressus, præstantissimum computauit, quod Sacerdotali de stirpe veniebat. Et D. Hieronymus epist. 8. Disciplina est ab auis, & atauis, & omni retrò nobilitate ornare quem laudant: est enim gloria parètum natis præclarus, & magnificus thesaurus, sicut dixit Plato in Epitaph.

ILLUD ergo à nobis exponendum erit, quinam fuerint parentes nostri Authoris; qua de re non minima est controuersia, & utraque pars (in duas enim diuiditur) grauissimos habet assertores. Etenim Epiphanius tom. 2. lib. 1. ait; Iacobus filius Ioseph natura erat, frater autem Domini vocabatur propter conuersationem; erat enim hic filius Ioseph, ex vxore Ioseph, non ex Maria; enimuerò, vt idem Epiph. testatur tomo 2. lib. 3. hæres. 78. Ioseph habuit primam vxorem suam ex tribu Iuda, & perperit hæc ipsi liberos numero sex, quatuor masculos, & duas fæmelas, quemadmodum Euangelium secundum Matthæum, & secundum Marcum declarauerunt. Quibus verbis videtur existimare Epiphanius, eos qui à prædictis Euangelistis fratres, aut sorores Domini appellantur, esse ex Ioseph, & prima illa vxore progenitos. Idem censent Hyppolit, teste Niceph. lib. 2. cap. 3. Orig. in cap. 13. Matt. Euse. 2. lib. Histo. cap. 1. Nyssem.

ora

oratione 2. de Resurrectione Christi. D. Chrysost. hom. de Annuntiatione Virg. Theophylact. in Matth. c. 27. Euthym. in cap. 2. Matth. Ambrosius in Epist. ad Galat. cap. 1. Hilarius in cap. 1. Matth. Simeon Metaphrast. in Vita Iacobi.

CONTRARIA tamen sententia, eaq; probabilior, asserit Iosephum nullam ante Virginem habuisse vxorem; quod probat D. Hieron. contra Heluidium prope finem, ubi ait D. Iosephum fuisse Virginem; ut ex virginali, inquit, coniugio Virgo filius nasceretur: Mariæque Ioseph cultos potius fuit, quàm maritus. Similia habet D. Aug. Ser. 14. de Natiuitate Dom. & Theodoret. in cap. 1. Epist. ad Galat. Bernard. Rupert. Beda, Gerson; quibus accedunt omnes ferme recentiores doctissimi. Ideoque Petrus Damian. epist. 11. c. 4. ait, Ecclesiæ fidem in eo esse, ut non modò Deipara, verùm etiam putatiuus pater, atq; nutritius Virgo habeatur; satis enim rationi consonum videtur, ut qui discessurus ex hoc mundo ad Patrem, Ioanni Virgini Matrem Virginem commendauit, eandem mundum ingressurus, Iosepho etiam Virgini seruandam, & seruiendam commiserit.

NE c. officit quòd Iacobus frater Domini appelletur; namque ab Euangelistis Alphæi filius dicitur: solent enim Euangelistæ filios nomine patris insignire, Iacobum autem dicunt Alphæi, Matth. c. 10. Marc. 3. Luc. 6. Dicitur ergo frater Domini ratione matris, quæ soror putatur sanctissimæ Virginis, non germana, ex Anna genita, sed consobrina ex spore, vel fratre patris, aut matris suscepta sicut mos est Scripturæ simili consanguinitate coniunctos, fratres appellare. Qua de re videndus Hieronymus contra Heluidium cap. 8. Potuit insuper noster Iacobus dici frater Domini ratione similitudinis solent enim multoties fratres simillimi esse. De Iacobo autem sic scribit Ignatius Epist. 2. ad Ioannem Seniore: Iacobum referunt Christo Iesu simillimum facie, & vita, & modo conuersationis, ac si eiusdem vteri frater esset gemellus, quem dicunt, si videro secundum omnia corporis eius lineamenta; video Christum Iesum.

Fv i itaque pater nostri Apostoli prædictus Thaddeus, mater verò Maria illa, de qua Marcus ait: *Erant mulieres à longè aspiciemes inter quas erant* Marc. 15. *Maria Magdalene, & Maria Iacobi minoris, & Ioseph mater;* quod idem asserit Matthæus. Vnde patet non posse stare, id quod Hyppolitus suprà citatus Mat. 27. asserit, scilicet, matrem Iacobi fuisse Salomé: constat enim Salomen fuisse matrem filiorum Zebedæi; deinde quomodo ea, quæ fuerat vxor Iosephi, superstes esse poterat tempore Passionis? Illud insuper aduertunt, quòd Maria mater Iacobi interdum dicitur Cleophæ, siue à patre, siue à gentilitate familiæ, siue alia ex causa, ut Hieronymus contra Heluidium ait, qui subdit: Si autem inde tibi alia, atque alia videtur, quòd alias dicatur Maria Iacobi minoris mater, & hic Maria Cleophæ; discere Scripturæ consuetudinem esse, eundem hominem diuersis nominibus nuncupare. Theophylactus verò in cap. 27. Matth. ait prædictam Mariam propterea Cleophæ fuisse nuncupatam, quòd fuerit filia Cleophæ, eademque vxor Alphæi, non quidem illius, qui pater fuit Matthæi Apostoli.

Qualis

Qualis fuerit noster Author.

QVÆSTIO VI.

NO N defuerunt qui negauerint nostrum Authorem fuisse Apostolum; inter quos est Caietanus hic: sed apertissimè constat eum fuisse Apostolum; etenim Matthæus sic ait; *Duodecim autem Apostolorum nomina sunt hæc, primus Simon, qui dicitur Petrus, Iacobus Zebedæi, & Ioannes frater eius, & deinde Iacobus Alphai, & Paulus ad Galat. 5. Alium Apostolorum vidi neminem, nisi Iacobum fratrem Domini.* Denique in Actis Apostolorum dicitur ob persecutionem Ecclesiæ omnes fuisse dispersos, præter Apostolos: sed Iacobus remāsit Hierosolymis, indeque potiùs dispersos per literas consolatur: ergo fuit verè Apostolus; & vt talis mansit in ciuitate. Neque verò audiendi sunt, qui dicunt tertium adhuc fuisse alium Iacobum, eundemque esse Authorem huius Epist. cōtra quos videndus est Eusebius lib. 2. Hist. cap. 7. & D. Hieron. citato libro contra Heluidium, vbi ait; Nulli dubium est duos fuisse Apostolos Iacobi vocabulo nuncupatos, quorum alter hic est. Videndus item Baron. tomo primo, anno Domini 44. Et certè hunc nostrum Iacobum vocat Apostolū Anacletus epist. 1. Alexander I. epist. 2. Urbanus I. epist. ad omnes Episcopos. Innocent. I. ad Decentium cap. 8. Hieremias Constantinop. respons. 1. cap. 1. Hist. 4. de Trinitat. Ambros. mansione 18. & in Thalmud Babylonico Discipulus Iesu dicitur.

Hic igitur Apostolus, si verum est quod scripsit Agelippus, teste D. Hieronymo de Scripturis Ecclesiasticis, & D. Antonino titul. 31. cap. 8. & Epiphan. hæresi 29. in matris vtero sanctificatus est, & fortè à iustificatione illi collata, & per totam vitam conseruata dictus est Iustus. Et D. Cyril. Alex. lib. 2. in Ioan. eum appellat Spiritu sancto plenum. Nec mirum proinde, quòd iustus vsque adeò vir perpetuus de iustitia, & operibus concionator existat. De eo verò sic habet D. Chrysost. homil. 5. in cap. 5. Matth. Tam fuit Iacobus mirabilis, vt genua eius bodura isse callo dicantur, tantàmque in eo fuisse carnis incuriam ferant, vt adhuc viuents omnia fere mēbra morerentur, atque assiduitate orationis, iugique ad pauimentum prostratione corporis frontem quoque eius callo similiter obductam, vt nihil fere à cameli genibus discreparet. Quibus habet similia Epiphanius lib. 3. tom. 2. vbi inter alia; Læneum, inquit, vestimentum nunquam induit: hunc nomine non amplius appellabant, sed Iustus erat ipsi nomen, animatis nō participabat, calceamenta non induit: & multa de viro dicere possem, & de virtuosa ipsius conuersatione. Ferrum in eius caput non ascendit, non se in balneo lauit, imam tunicam non mutauit, experts coniugij, & fidus custos perpetuæ virginitatis fuit. Putatque idem Epiphan. Iacobum fuisse illum; qui relicta sindone nudus passionis tempore aufugit; hoc idcirco opinatus, quòd eum lineam sindonē semper induere solitum Agelippus,

Pæz in Epist. B. Iacobi.

B Clemens,

Matt. 10.

Galat. 5.
Act. 8.

Clemens, & Euseb. affirmant. Tradit præterea nudis pedibus incedere solitum; & D. Hieron. in cap. 1. Epist. ad Galat. ad finem de eo sic ait: Vir tantæ sanctitatis, & rumoris in populo, vt fimbriam vestimenti eius certatim cuperent attingere. Videndus denique de Authore nostro Euseb. lib. 2. Histor. cap. 23. Chrysost. hom. 2. in Matth. Antiochus Monachus 2. tomo Bibliot. Patrum homil. 72. & D. Hieron. in catalogo Scriptorum Ecclesiast. vbi plura ex Ægesippo referens, addit, quod Saluator mûdi statim post suam Resurrectionem iuit ad Iacobum, & apparuit ei; iurauerat enim Iacobus se non comesturum panem ab illa hora, qua biberat calicem Domini, donec videret eum resurgentem à mortuis. Et paulo post. Asserte, ait Dominus, mensam & panem; tulit panem, & benedixit, ac fregit, & dedit Iacobo Iusto, & dixit ei: Frater mi, comede panem tuum, quia surrexit Filius hominis à dormientibus. Ægesippum insuper apud Eusebium lib. 2. Hist. cap. 2. audiamus: In templum solus intrare solitus est, atque ibi genibus humi positus, pro populi peccatis veniam postulare, qui propter singularem iustitiæ præstantiam Iusti, & Oblæ (quod Latine populi præsidium dici potest, & iustitia) nomen, sicut Propheta de eo memorant, inuenit.

F V I T autem Iacobus primus qui Missam post Christi Domini Ascensionem celebrauit, cum adhuc omnes Apostoli Hierosolymis congregati essent. Licet enim D. Petrus omnium Apostolorum caput, Vicarius Christi, & summus Ecclesiæ Pontifex esset, cessit tamen Iacobo in huiusmodi celebratione, eo quod Episcopus illius esset ciuitatis; & de manu eiusdem, vt pie creditur, acceperunt tunc temporis primò sanctissimam Eucharistiam omnes Apostoli, insimulque beatissima Virgo Mater. Fundamentum præbuit Ekius tom. 3. de Sanctis, vbi sic ait: Hunc honorem reliqui Apostoli detulerunt sancto Iacobo, vt permiserint primitias (hoc est, primam Missam) illum suas celebrare Hierosolymis; quod de inde fecit Petrus in Antiochia, & Marcus in Alexadria. Vnde noster Iacobus propriam Missam cõposuit, quã posteris reliquit, & cuius meminit VI. Synodus generalis can. 32. vbi sic habet: Iacobus frater Domini secundum carnem, cui primùm credita est Hierosolymitana Ecclesia, & Basilii Cæsariensis Episcopus, quorum claritas per Orbem effulsit, in scripturis dederunt nomina celebrationem.

ORDINATVS est autem Episcopus eodem anno, quo Redemptor noster Dominus Iesus Christus consummato Redemptionis humanæ mysterio, cœlos ascendit. Si quis (inquit D. Chrys. hom. 87. in Ioannem) à me percontaretur, quomodo Iacobus sedem Hierosolymitanam accepit; responderem ego, hunc totius Orbis magistrum preposuisse Petrum. Porro ipsam ordinationis mysterium, quod cõsecrationem visitatori vocabulo dicere cõsueuimus, ab eodẽ Petro, Ioanne, ac Iacobo fratribus esse cõsummatum, epistola, quæ dicitur Anacleto docet; & habetur tomo primo Cœcil. testaturq; inde traditam fuisse à Petro formam, vt nõ minus quàm à tribus Episcopis electus Antistes consecraretur. Cõtingit autem hæc Iacobi ordinatio die 27. mens. Decemb.

C O N

CONSTITUTVS itaque Hierosolymitanus Episcopus, non legitur in externas profectus esse Prouincias; sed ne Iudæi, quorum causâ munus illud suscepérat, omnino derelicti haberentur, loco constitit, nec sicut cæteri ad gentes in diuersas Orbis partes abire permissus est, idque iure optimo, quandoquidem fratris Domini nomen sortitus est. Iam verò secundùm illam legem Deuteronomij. *Quando fratres habitauerint simul, & unus ex eis absque liberis fuerit mortuus, uxor defuncti non nuber alteri; sed accipiet eam frater eius, & suscitabit semen fratris sui*, desponsauerat sibi Dominus Iesus Synagoga, cuius caput Hierosolymis erat, & ob hanc sponsam, quam vnice diligebat, & ad quam quærendam, & amplectendam confessus est se ad terras venisse, iuxta promissiones Patrum, & speciale fœdus initum cum genere Abraham, reliquit Patrem in cælis, insuper & Matrem in terris, quæ ideo in ipsius Natiuitate eum reclinasse in præsepio, & non potius in brachiis amplexata dicitur; imò & eleuatus in Cruce, se à Patre derelictum conqueritur, & Matrem velut alienam, & extraneam alloquitur; aliumque substituit filium, vt sic propter sponsam Synagoga, & Patrem, & Matrem se dereliquisse testaretur, illique soli adhæsisse, vt verè per totam adhæsit vitam, vnde nec Discipulos Synagoga terminos egredi permissit, vt vidimus q. 4.

Satis superque seminauerat verbum in Synagoga Christus Dominus, docuerat quotidie in templo, confirmauerat signis & prodigiis, quæ si alibi facta fuissent, facillè conuerterentur ij, qui ea cernerent, & quo citius, & vberius iactum semen surgeret; sicut aqua effusus est Dominus, & dispersa sunt omnia ipsius ossa; vbi diuus Augustinus: Purgata, inquit, sunt mentes, rigati sunt fructus, vt multiplicati pullarent. Et Bernardus Serm. de quadrupl. debito: Illius sanguis, non guttas, sed vndas à quinque partibus corporis emittebat in terras; nec sic tamen Iudæi conuertebantur, nec filij ex ea sponsa prodibant, nec proles aderat tali patri, nec natos tali sponso impia progenuerat Synagoga, imò spinas pro floribus, acetum pro vino propinauerat. Emortuo ergo Christo Domino Synagoga sponso, & veluti absque liberis discedente, fratri Domini incumbere semen defuncti fratris suscitare, & Hierosolymitanæ Ecclesiæ desponsari, caputque & Pontifex constitui, vt filij, ac fideles nascerentur, fouerentur, & alerentur in fide, moribus, ac Religione instituerentur; quod eleganter sanè attigit diuus Bernardus 2. de Considerat. cum ait: Iacobus, qui videbatur columna Ecclesiæ, vna contentus est Hierosolyma, Petro vniuersitatem cedens; pulchrè verò ibi positus est suscitare semen defuncti fratris, vbi occisus est ille; nam dictus est frater Domini. Hæc igitur fuit ratio, cur cum cæteri Apostoli per totum Orbem ad fines vsque illius vagarentur, & veluti nubes volarent, quò rorem doctrinæ omnibus vsquequaque gentibus infunderent, solus Iacobus Hierosolymis mansit, soli huic ciuitati veluti defuncti fratris Christi Domini sponsæ adhæsit, vt semen illius iactum iamdiu suscitaret, filiosque progigneret Christo, fideles scilicet qua de re videndus Eusebius lib. 2. Histor. cap. 2.

NE QVÆ verò derogat præcellenti Iacobi sanctitati, quòd ipse minor Iacobus dictus fuerit, id namque factum est causa differentia à Iacobo Zebedæi, qui maior est appellatus, vel ob ætatem, vel ob staturam; non quasi noster Iacobus minor in sanctitate, ac dignitate dicatur, imò Andreas Cæsareensis in Apocal. cap. 36. magnum Iacobum vocare ausus est. Quod idem habet D. Maximus lib. 3. de Virtutibus, & Vitiis cap. 92. vbi ait: Magnus Iacobus qui dicitur frater Domini. Et Richar. de Sancto Victore in annotationib. ad Psal. 8. appellat Iacobum vnum ex magnis duobus Christi. Ostendit insuper eum non fuisse minorem, insigne illud, & ornamentum, quod in capite gestabat, lamina scilicet, siue bractea aurea, cuius meminit Epiphani. hæres. 29. & Hieron. de Scriptorib. Ecclesiast. cæterique ferme omnes Ecclesiastici Scriptores. Rationem affert Epiphani. loco citato, in signum scilicet Regalis Sacerdotij, quod Christus Dominus transtulit ad Ecclesiam, cuius Sacerdotij primus, non minor extitit minister actualis. Qui igitur fieri potuit, vt qui tanta excelluit sanctitate, à qua & nomen Iusti sortitus est, & consanguineus, similisque & facie, & vita Christo, & magnæ ciuitatis, Deoque charissimæ gentis Pastor fuit, minor ob inferiorem vitam, ac gloriam dicatur? Facit etiam quod Ægesippus, Epiphanius, & alij asserunt, Iacobo scilicet tantummodo concessum, vt ingrederetur Sancta Sanctorum, quod summo, ac magno Sacerdoti, idque semel tantummodo in anno licebat; neque enim credendum est, inferiori, ac de media plebe, & vulgari opinione homini fuisse concessum.

TANTA itaque, tamque conspicua sanctitate eum effulsisse tradunt, vt quamuis Iudæorum Magistratus in cæteros sæuirent Apostolos, ipsi tamen nullum negotium facerent, sed honore potius prosequerentur; quod non Ægesippus tantummodo Apostolorum temporibus proximus, sed Iosephus Iudæus lib. 10. Antiquitatum testatur, dum ait, tanta eum apud vniuersum populum æstimatione claruisse, vt propter illatam ipsi necem existimauerint Hierosolymam excisam, & Iudaicum populum acerbissima clade afflictatum fuisse.

QVANTA verò eius inter reliquos Apostolos fuerit autoritas, inde facile licet colligere, quòd Diuus Bernardus dixit 2. de Considerat. ipsum scilicet, Petro Apostolo celsisse vniuersitatem. Porro cedente Domini fratre, ait Bernardus, quis se alter ingerat Petri prærogatiuæ? quasi nullus inter Christi Domini Discipulos Iacobo posset cœquari, aut Petro. Facit etiam id, quod notauit Simeon Metaphrast. in Vita nostri Apost. cum ponderat id, quod Paulus dixit Galat. 3. *Alium Apostolorum vidi veni- nem nisi Iacobum fratrem Domini.* Vtpote inquit, quòd res esset magna, & digna quæ mandaretur memoriæ, videre Iacobum. Vnde etiam Iudas Apostolus initio suæ Epist. vbi scriptores gloriæ & honoris titulos solent quasi in vestibulo domus præponere, vt mox dicemus, se Iesu Christi seruum, fratrem autem Iacobi appellat, quasi nihil post seruum Dei sequatur, nisi fraternitas Iacobi; quæ verò dignitas sit seruitutis Dei, cum nostro Iacobo iam

iam dicemus. Insuper & Tertullianus libro contra Gnosticos sub finem, Iacobum cum Petro, Paulo, & dilecto Ioanne confert, dicens neminem magis nosse medullas Scripturarum, quàm Paulum, Ioannem Theologum, & Iacobum. Quibus habet similia Hieronym. tom. 2. epist. ad Paulin. dicens: Iacobus, Petrus, Ioannes, Iudas Apostoli septē Epistolas ediderunt tam mysticas, quàm succinctas, & breues pariter, & longas, breues in verbis, longas in sententiis, ut rarus sit, qui in earum lectione non cæcutiat. Tandemque eius auctoritas inde probatur, quòd Euseb. lib. 7. Histor. c. 15. dicit usque ad sua tempora Hierosolymis cum veneratione seruata fuisse ligneam Cathedram, ex qua Iacobus conciones habere solitus erat ipsèque Iacobus creditur conuertisse primò ad fidem Philetum, & Hermogenem, qui postea à fide exciderunt.

Si quis verò adhuc quæreret cur cum tantus inter Apostolos fuerit noster Iacobus, ei tamē Christus Dominus Matrem Virginem non commendauerit? respondet Chrysologus Ser. 49. Matris, inquit, non potuit habere curam, qui inter primordia, & in illo Iudaico tunc furore Hierosolymitanam singulariter rexit Ecclesiam.

IACOBI mortem sic refert Epiphanius loco citato. Moritur Iacobus frater Domini in Hierosolymis, ubi vixit post Saluatoris assumptionem annis plus minùs 24. anno suæ ætatis 96. à fullone ligneo percussus in caput, deiectus à pinnaculo templi, & delatus, at nihil læsus, inclinavit autem genua, & orauit pro ipsis, qui eum deiecerant, ac dixit, *Ignosce ipsis Domine, non enim sciunt quid faciunt.*


Quo verò ad eius sepulchrum spectat, videndus Euseb. lib. 2. Hist. cap. 2. ubi ita ait: Vitam beato & felici martyrij cruciatu affectus, afflictusque amisit, in quo loco prope templum, ubi columella eius nomine inscripta adhuc manet, corpus tumulo mandatum est. Et

D. Hieron. de Scriptoribus Ecclesiasticis. Eius sepultura, inquit, titulum usque ad obsidionem Titi, & ultimam Adriani notissimum habuit. Quidam

è nostris in monte Oliueti eum putarunt conditum, sed falsa eorum opinio est.

B 3

COM



COMMENTARIJ IN EPISTOLAM B. IACOBI APOSTOLI.

CAPVT PRIMVM.

Verſ. 1. *Iacobus Dei, & Domini noſtri Ieſus Chriſti ſeruus.*

EXPOSITIO LITERALIS.



1. Cor. 7.

EST vocabulum, *ſeruus*; tam apud Græcos, quàm apud Latinos æquiuocum ad mancipium, & miniſtrum: quo autem modo hoc loco ſumatur conſtare nequit. Poſſeſt proinde duplex eſſe ſenſus, vt dicat ſe ſeruum emptitium Chriſti, iuxta illud: *Empti eſtis pretio, nolite fieri ſerui ſicut ſerui hominum.* Secundus ſenſus erit, quòd tanquam fidelis Chriſti miniſter, eius doctrinæ, & mandatis exequendis inferuiat, non ſuum negotium agat, quod ipſe præmittit, vt doctrina, quam apponit, libentiori animo ab auditoribus, & diſcipulis ſuſcipiatur, animoque altiùs fixa remaneat.

1. Cor. 6.
vltim.

Matth. 18.

APPELLAT autem ſe Dei, ac Domini noſtri Ieſu Chriſti ſeruum, quæ verba dupliciter poſſunt intelligi, tranſitiuè ſcilicet, & intransitiuè; poſſunt enim referri ad eandem perſonam, vt ſit ſenſus: *Iacobus ſeruus Ieſu Chriſti, qui eſt Deus, & Dominus noſter*: ſic enim de eo dixit Ioannes Euangelista. *Hic eſt verus Deus*, non contentus quòd eum dixerit Deum, niſi verù Deù addidiſſet, ſicut notauit Auguſt. 1. de Trinit. c. 6. eundemque profeſſus eſt Filium Dei viuì Petrus. Sic expoſitus præſens locus eſt non ſolùm

solùm contra Arrium, Deitatem Christi negantem, sed contra Ebionitas, Cærinthianos, Carpocratianos, & alios hæresiarchas, qui eo tempore iam surrexerant, vt colligitur ex Irenæo lib. 3. & ex Tertulliano lib. Præscriptionum, qui cum Iudæis Christum hominem tantum, & duntaxat filium Ioseph, non autem Deum, ac Dominum dicebant: & prædictus huius loci sensus ab antiquis receptus est contra dictos hæreticos, vt aduertit Feuardentius hic.

OECEUMENIUS verò, Lyran. D. Thom. Hugo, Titelman. & Carthusian. disiunctim hæc verba explicant, quasi in illis duarum diuinarum personarum seruum se Iacobus profiteatur: quæ expositio diuinam Christi maiestatem comprobatur; quandoquidem ex æquo Dei Patris, & Filij se seruū gloriatur Apostolus, & vtrumque Deum, ac Dominum proficitur, & æqualem Patri in honore Filium ostendit: & in hoc sensu explicatus locus refellit errorem Noët. Sabellij, & Priscilliani, qui Patrem cum Filio in vnam confundunt personam: at verò Iacobus dum se vtriusque seruum dicit, duas personas apertè ostendit.

ADDITIONE verò D. Thom. in his duabus Spiritum sanctum intelligi, tanquam vtriusque vinculum, nexum, & amorem ab utroque spiratum. Initium autem suæ Epistolæ (quæ potius libri nomē quàm Epistolæ meretur, vt hic notauit Caictan.) dedit Iacobus in nomine Iesu Christi, vt sicut hoc nomen à tota Beatissima Trinitate in principio libri vitæ æternaliter fuit scriptum, sicut dixit Bernar. Ser. 49. in Cant. ita ab eodem auspicaretur hoc opus; opere insuper nos docens id quod Paulus scripto, dum dixit: *Omne Colof. 3. quodcumque faciis in verbo, aut in opere, omnia in nomine Domini nostri Iesu Christi, gratias agentes Deo & Patri per ipsum.*

§. I.

Humilitas Iacobi, & Sanctorum ostenditur.

IN TITULO huius Epistolæ solent inquirere præcipui interpretes rationem, quæ ductus noster Apostolus prætermisit honoris, dignitatisque titulos, cum suppeterent plurimi, vtpote qui Apostolus, Ecclesiæ columna, frater Domini, Iustus, Hierosolymitanus Episcopus ab omnibus acclamabatur, seque solùm Iesu Christi seruum cognominauerit: dicuntque id humilitatis causâ fecisse, ac vt Scribarum, & Phariseorum fastum deprimeret, quandoquidem Iudæis scribebat, qui splendidos honoris titulos, sicut & primos acubitus admodum ambiebant; nihil verò pulchrius præ foribus suæ Epistolæ potuit diuus Iacobus nobis proponere tanta modestia, & humilitate. Etenim, teste Tertulliano, modestia claram, & stabilem comparat autoritatem. Et iterum: Si inest in oratione mixta modestiæ grauitas, nihil admirabilius fieri potest: arrogantes, superbos, insolentes nemo libenter audit, nemo æquo animo illis obtemperat. Et diuus Hieron. epist. ad Celan. tom. 1. Nihil est, quod nos ita & hominibus

Galat. 2.
Galat. 1.

Luc. 14.

Luc. 8.

minibus charos, & Deo faciat gratos, quàm si vitæ merito magni, humilitate infimi simus: quod appositè etiam notauit D. Bernar. in Publicano, qui oculos ad cælum leuare non audebat; Regnum cælorum, inquit, Serm. de quatuor mod. orandi, vim patitur, vim faciebat Publicanus ille, qui dum non audeat oculos ad cælum leuare, ipsum cælum ad se poruit inclinare. & 2. de considerat. Nulla splendidior gemma in omni præcipue ornatu summi Pontificis, quo enim celsior cæteris, eo humilitate apparet illustrior, & se ipso.

Reg. 2. c.

1. E. 4. vera commendabilis est humilitas, quæ, sicut dixit Chrysost. hom. 12. in 1. encl. quando occasiones habet ut extollatur, & se ipsam humiliat, & suppressit, quid enim laudis, si vilis homuncio humilis sit? Vnde Augult. erm. 213. de tempore: In summo honore summa tibi sit humilitas, honoris enim laus est humilitatis virtus, superbire verò, & fastuosum esse, opus est eius, qui pusillo animo est, ut notauit Theophylact. Ioan. 13. Ideoque Dauid dum Michol ipsi exprobrauit, veluti indecore ante arcam Dei saltanti, Regia humilitate respondit: *Ero humilis in oculis meis, & cum ancillis, de quibus locuta es, gloriator apparebo.* Quod exposuit Brixian. Non ob id ab ancillis, & vxoribus seruorum meorum contemnaris, sicut à te vili pensus sum, sed magis ab illis laudabor: quis enim non mirabitur, nec laudabit honorant humilitatem, cum honoris, & dignitatis laus sit humilitas? Etenim, sicut dixit Bern. homil. 4. super missus est, non est magnū esse humilem in abiectiōe, rara est virtus humilitas honorata. Vnde & Deus eam humilitatem sic exaltauit, ut solus Dauid inter tot Reges in Genealogia Christi Regia nomine decoretur, cum Matthæus ait, *Iesse genuit Dauid Regem; Dauid autem Rex,* &c. quod in nullo alio Rege dicitur, quasi is solummodo Regiam dignitatem, sceptrum, ac coronam inter alios mereatur retinere, qui inter Regia insignia talem, ac tantam corā Domino nouit exhibere humilitatem, & abiectiōem. Vnde Chrysolog. Serm. 23. ad ea verba, quæ Christus Dominus dixit: *Nolite timere pusillus grex, quia cōplacuit Patri vestro dare vobis Regnum:* acquisiuit, inquit, humilitas, superbia quod amisit.

Matth. 1.

Num. 17.

Hic est quod cum Deus voluit Moysen de successore eligendo ad introductionem promissæ terræ, cuius ingressum ipsi prohibuerat, admonere, dixit: *Tolle Iosue filium Num, &c. Dabis ei precepta cunctis videmibus, & partem gloria tua,* seu, de decore tuo, ut vertit Vatabl. hoc est, transferes in eum gloriam tuam, ornando, & commendando eum verbis, ostendèsq; eum diuinitus constitutum, ut tibi succedat, eique in omnibus obtemperetur. In Hebræo verò, pro eo, quod nos legimus, *partem gloria tua,* habetur, *dabis ei partem humilitatis tua,* ut significetur totam gloriam, honorem, & verum ornamentum Sanctorum esse humilitatem, & in iustis pro vno, & eodem reputari gloriam, & humilitatem, hac vna re superbis, si laudes & titulos gloriarum contemnant, sicut loquitur D. Bernard. Serm. 16. in Cant. qui etiam 2. de considerat. sic alloquitur Eugenium Papam. Quidni erubescas minimus inueniri in magnis, qui te recordaris magnum in minimis excitisse? hæc te cōsideratio facit honoris contemptorē, in honore etiā ipso, atq; id magnum.

SIMI

SIMILIA habet Eusebius Emislenus homil. de Sancto Maximo, vbi ait: Qui iam dudum in Abbate Pontificem gesserat, postmodum Abbatem in Pontifice custodiuit; fugax voluptatis, appetitor laboris, honoris impatiens; pauper in pecunia, diues in conscientia, humilis ad merita, superbus ad vitia.

HANC etiam Sanctorum humilitatem in honoribus ostendit optimus locus in lib. Num. vbi cum septuaginta viros à Moyse delectos sancto suo Spiritu Deus replere vellet, ad Moysen ex illis duo de septuaginta tantum conuenerunt, & hos egregio illo dono Spiritus Deus repleuit. *Remanserant autem*, ait sacer textus, *in castris duo viri, quorum vnus vocabatur Eldad, & alter Medad, super quos requieuit Spiritus: nam & ipsi descripti fuerant, & non exierant ad tabernaculum. Cumque prophetarent in castris, euectus puer, & annuntiavit Moysi, dicens, Eldad, & Medad prophetant in castris.* Statim Iosue filius Nun, minister Moyse, & electus ex pluribus, ait: Domine mi Moyses prohibe eos. At ille: Quid, inquit, æmularis pro me? quis det, vt omnis populus prophetet, & det eis Dominus Spiritum suum? Ecce tibi ostendimus locum, qui totus humilitatem in summis honoribus redolet; paucis accipe, quæ multa postulant. Primò namque sese offerunt Eldad, & Medad, qui ex quadam animi modestia non venere vocati, quòd honorem horruerint, quòd se tanto impares oneri, & honori existimauerint, quòd sese alios digniores omnino putauerint, non quòd Moyse imperium, authoritatem, iudicium, promissumue aspernarentur. Etenim D. Hier. mansione 13. ait: Non imperij negligentes, sed humilitate submissi, dum se honore arbitrantur indignos; & Cyrill. Hierosol. Catech. 16. idem videtur sentire. Deinde etiam notanda occurrit Moyse humilitas, qui nihil prorsus dolet, si existentibus aliis Prophetis, defineret ipse aliis antecellere, & præstare; cum bonum si in vno tantum sit, eum admirabilem, & præ omnibus magnum, ac excellentem faciat: si verò in pluribus esse incipiat, vilescere incipit; & quasi è vulgo vnus tantum aliquis videri, namque rara, pretiosiora. Hanc igitur honoris, & præstantiæ imminutionem nihili faciens, humillimus Moyses, ait: *quid æmularis pro me? quis det vt omnis populus prophetet?* quem postea imitatus Paulus ait. *Quid enim? dum omni modo, siue per occasionem, siue per veritatem Christus annuntiatur: & in hoc gaudeo, sed & gaudebo.* Si *Philip. 1.* verò causam cur Iosue voluerit prohibere Eldad, & Medad à prophetia, velimus indagare, reperiemus apud Abulensem ibi eam primò assignari, quòd scilicet prædicerent illi Moyse mortem, futuramque Iosue dignitatem, & principatum; quod Hierosolym. Thargum etiam tradere videtur: sic enim habet apud Eliam ex Genebrardi versione fol. 560. Remanseruntque duo viri in castris, quorum vnus vocabatur Eldad, alter autem Medad, & infederat super eos Spiritus sanctus. Eldad sic vaticinabatur: En Moyses Propheta, Scriba Israëlitarum congregatus est de medio mundi, & Iosue filius Nun eius discipulus post eum administrabit res exercitus. Miram igitur Iosue modestiam, qui de sua ipsius gloria, & amplificatione sic dolet, quis non miretur? vel quis satis vnquam mirabitur? quanti

Patet in Epist. B. Iacobi.

C enim

enim eiusmodi spem, vel oraculū æstimasset, imò & redemisset alius, quod ille audire renuit, & silentio prohibet? Viden' igitur qui superbire indignitate potuit, qui nec illius prænuntiationem audire præ humilitate potuit, nec marcescere, obscurariæ Moysis gloriam passus est, etiam cum ipse inde efflorescere propriam cerneret? Dignissimus hac in re, qui Moy-
sis gloriæ substitueretur.

MERITO ergo D. Iacobus lectorum animos conciliaturus, imò dignitatem maximam ostēsurus, dignitatum titulos subiecit, dignus proinde, qui ab omnibus, & humiliter legatur, & in humilitate imitetur. Vbi cum Guarrico Serm. 1. de purificat. sic libet dicere: Vtinam fratres mei nos illam haberemus humilitatem in peccatis nostris, quam veri Sancti habuerunt in virtutibus suis. Dignitates omittit Apostolus, virtutes tacet, se solum seruum gloriatur Christi, cum plerique sola vitia ostentent, peccata in aream edant, iniustitias in forum adducant, sanguinem ponant in baltheis, seruique diaboli velint videri, & agnosci.

Hæc insuper humilitate Iudæorum superbiam retundit, & elationem reprehendit, quorum tumentes animi Christi Domini submissionem abhorrentes, ipsum proinde reiecerunt, quia non maiestatem exhibuit, sed formam serui accipiens, humilem paupertatem sectatus est, ait siquidem Tertull. 3. contra Marcion. Iudæi negant venisse Christum suum, quia non in sublimitate venerit; & Chrysost. hom. 2. in Act. Apost. Messiam quærebant, qui ditare, non qui sanare posset, imò quia mitis, & humilis ad erigendos deiectos homines venit, Iudæi in ipsum veluti humi iacentem, imò humilem lapidem offenderunt, sicut loquitur Aug. tract. 4. in Ioan. attamen lapis hic offensionis ab eis reprobatus, factus est in caput anguli, & super ipsos cadens, eosdem contriuit, & comminuit, ut non nisi dilacerati, ac discissi in toto terrarum orbe valeant consistere. Propter hoc, inquit Bernar. epist. 322. viui quidam apices nobis sunt in vniuersas regiones, & dum iustas tanti facinoris pœnas habent, testes sunt nostræ Redemptionis, vnde Ecclesia ait, *Disperge illos in virtute tua, & depone eos protector meum Domine.* Ita factum est, dispersi sunt, depositi sunt, deposuit enim superbos Iudæos humilis Dominus, & omnipotens Deus; confundit verò eorum elationem ambitiosam, & fugiendam humilis Discipulus, dum se solum seruum Christi appellat, humili cognomine contentus, cætera quæ honorem possent redolere, omittens.

§. II.

Ostenditur summa dignitas seruorum Dei.

Nisi fortassis ea potius placeat ratio, quam assignat Didymus Alexand. præceptor D. Hier. in breuissimis huius epistolæ Commentariis, tom. 6. Bibliot. Patrum, vbi ait, ob id Sanctum Iacobum serui titulum
suz

suæ epistolæ præfixisse, quoniã sicut homines mortale gloriã appetentes in suis cõscriptionibus dignitates, quas habere putant, præponunt: ita Sancti viri in epistolis potissimum se seruos esse Domini nostri Iesu Christi proferunt, æstimantes hæc appellatione supra regna totius mudi consistere; quod videtur voluisse Dauid in illa iactatione, *o Dñe ego seruus tuus, ergo seru' tuus, Psal. 115. filius ancilla tue*, ubi illa reduplicatiua, *seruus tuus, seruus tuus*, iactantiã quandã denotat, qua probat, quãti faceret huius seruitutis dignitatẽ, in qua humiliter superbire, & in Domino seruos Dei gloriari licet. Vnde Phil. lib. de Cherub. Seruire Deo maxima est gloriatio, nõ modò libertate maior, sed & diuitiis, & principatu, & omnibus rebus, quas mortales mirantur, pretiosior, vnde nullam aliam seruitutem veluti ignominiosam patitur, quia ipsa vera libertas est animæ; quod deducit subtiliter idem Philo lib. de confusione ling. ex sacris literis, in quibus dictum est, *dimitte populum meum, Exod. 7. ut mihi seruiat*, quasi dedecet Dei seruos sub alterius Regis potestate degerere, quandoquidem eis vera libertas contigerat, & inamissibilis dignitas.

TESTATVS est hoc Salomon cum ait, *Fili accedens ad seruitutem Dei, ista Eccl. 3. in iustitia*; ubi posset quis dubitare, cur filius ad seruitutem vocaretur, si enim seruus, quomodo filius? imò ideo filius, quia seruus; namque in domo Dei idem penè sunt & filius, & seruus. Vnde Chrysol. Serm. 7. ad illa verba, *Pater noster, qui es in calis*, ait: Nemo cum se filium clamat, manere se miretur in habitu seruitutis; & Serm. 14. Hæc seruitus non obligat, sed absoluit, non onerat, sed honorat, abstergit seruitutis maculam, non incurrit, impleta est Christi sententia, qua dixit, *qui vult esse Dominus, sit seruus, Mat. 20. Beata est hæc seruitus quæ dominationem generat sempiternam*.

ANNOTAVIT hoc ipsum D. Ambr. epist. 6. in Iosepho vendito à fratribus, & pro pecunia seruituti perpetuæ addicte, de quo tamen pulchrè, inquit Ambros. dixit Psalmista, *in seruum venundatus est Ioseph*, non seruus factus, quomodo seruus factus, qui totam terram acquisiuit? non fecit igitur eum seruum venditio. Vbi latè probat Ambros. Iosephum, quia seruus Dei erat, nullam aliam seruitutem potuisse incurrrere, quantumcunque hoc niterentur inuidi fratres dum eum vendunt. Psal. 104.

ACCENIT etiam illud, quod idem Ambros. pro nostro instituto affert epist. 4. dum expendit querimoniam Labani in fuga Iacobi, cum dixit: *Cur ignorante me fugere voluisti, nec indicare mihi? si annuntiasses, inquit, mihi, emissem te*. Affert igitur rationem ob quam Iacob clam, nec petita licentia, è Labani domo euasit. Se subiicere, inquit, non debuit, vt ab eo tanquam seruus dimitteretur, etenim si à focero abeundi facultatem postulasset, eidem in hoc subiectionem, & seruitutem profiteretur, cum tamen hæc à Dei seruis procul exulet, utpote qui filij, liberi, domini, ac Reges sint; quæ si probemus, minimè extra eorum vagabimur.

NOTATV dignum censuit Aug. tom. 3. lib. 5. de Genesi ad lit. c. 11. Deum in sacra Scriptura tunc se Dominum cognominasse, cū hominem in paradiso constituit, eūque rebus omnibus præfecit. Nullo modo, inquit, vacare arbitror, sed nos aliquid magnū, & magnū aliquid admodum, quodd ab

ipso huius diuini libri exordio, vsque ad hunc locum nunquam positū est, Dominus Deus: nunc verò, vt ad id ventum est, vt hominem in paradiso constitueret, ita Scriptura locuta est. *Sumpsit Dominus Deus hominem, & posuit eum in paradiso.* Id autem magnum quod hac in re latere dixit August. esse existimo, quòd quando Deus hominem constituit in paradiso, ad eum cuncta animantia, & volatilia adduxit, vt videret qui vocaret ea, qua in re illum omnium viuentium principem constituit, & paradiso præfecit. Tunc se igitur Dominum appellari vult, quando iam possit referri ad eum seruum, quem ad dominationem, & præfecturam totius Orbis euexerat, is utique Dominus declarandus, & pro tali tunc habendus, quando serui ipsius possint domini appellari, quæ fortassis est causa cur in seruis suis Deus gloriatur, quia scilicet eos nobiles, liberos, filios, & dominos videt. Vnde Chrysost. hom. 10. in Epist. ad Rom. ait: Non aliter gloriatur, quam solent, qui summis sunt honoribus affecti, in omnes illud euulgans, hoc in Abraham fecit vbique dicens; Ego sum Deus Abraham, Deus Isaac, & Deus Iacob; atqui famulos magis oportebat gloriari: verum illud ipsum Dominum facere videmus, quia scilicet tantam gloriam, & honorem cerant in seruis, quos dominos prius constituit.

FACIT insuper pro præsentī argumento id quod Christus Dominus post venerandam illam pariter, & admirandam lotionem pedum dixit Discipulis. *Ioh. 13. Vos vocatis me Magister, & Domine, & bene dicitis, sum etenim.* Optime equidem tunc temporis consistare poterat, ipsum esse Magistrum, quando exemplum, ac doctrinam præbuerat non vulgarem. Non ita notum erat in eo seruili opere, & obsequio, esse Dominum, siquidem Discipulis velut seruus lauerat pedes, ac si illi domini essent: sed si rem attentius consideremus, & altius velimus tremendum opus rimari, tunc se Christus Dominus apertissime ostendit Dominum, quando Discipulos suos sedentes vt dominos lauit, & lauando dominos constituit; est enim ipse *Apo. 19. Rex regum, & Dominus dominantium*; ideo tunc Dominus benedicitur, quando vt dominos seruos pertractat. Quæ fuit ratio cur D. Thomas præfatione in epistolas *Psal. 71. Canonicas* exposuerit ea verba Psalmi. *Adorabunt eum omnes Reges terre, omnes gentes seruient ei*; per distributionem accommodam, vt sit sensus: quotquot seruient ei, erunt Reges, quia ei seruire regnare est, secundum Gregorium in Glossa ibi ad Rom. 1. *Paulus seruus Iesu Christi.*

AGNOUIT pretium, & honorem huius seruitutis Esau, dum eam pro benedictione postulauit, sicut aduertit D. Ambrosius libro de parad. cap. 14. vbi referens id, quod contigit Esau, quando rediens è uenatione, vt benedictionem paternam acciperet, eam à Iacobo sibi præreptam agnouit deprecando, *nunquid non reseruasti, ait, & mihi benedictionem? cui Isaac respondit: Dominum tuum illum constitui*; quasi filio per hoc satisfaciens, & benedictionem, quam postulauerat, concedens. Ait ergo Ambrosius: Seruitus Dei, donum est, inter benedictiones numeratur huius seruitutis obsequium; nam Isaac in loco benedictionis eam dedit Esau; filio suo, vt seruiret fratri suo. Denique benedictionem ille poscebat,

etiā

et si vnam sibi cognouisset esse præreptam, tamen aliam postulabat. *Numquid una benedictio tibi est patrum?* per hanc igitur seruitutem, qui gratiam benedictionis amiserat, credit se ipso futurum esse meliorem, si typum Christi veneretur in fratre. Vnde constat tanti æstimadam esse Christi seruitutem, vel etiam in typo ac ænigmate, vt inde & amissa benedictionis dolor temperaretur, & cumulati honoris gradus is, qui denuò acquirebatur, existimaretur. Quamobrem D. Hieron. super Psalm. 133. ait: Putamus parum esse, quod dicitur, *Ego seruus Domini*, summa virtus hoc est mereri, quomodo quasi dignitatem vendicat, qui dicit, ego seruus Imperatoris sum, & nemo audet accedere ad seruum Imperatoris; sic infinita dignitas se dicere seruum Dei.

NON ergo dixerim humilitatis causâ solum ceteros titulos Iacobum subtrixisse, imò eisdem prætermisissis, eum qui alios longè excellit, honoris ergo sibi merito apposuisse, imò & ea humilitas eundem satis exaltauit, quod proprium humilitatis est, sicut notauit Ambros. Serm. 20. in Psalm. 118. vbi notans illud, *humiliauit semetipsum, propter quod & Deus exaltauit illum*, &c. Laborauit Apostolus demonstrare quanta sit humilitatis gratia, quantas eius profectus: accipe ergo argutis auribus, si putas quòd Christo profuit humilitas sua, cui ergo non proderit? si illum exaltauit, quem non augebit? Si itaque Iacobus humilitatis gratia se seruum Christi appellauit, eundem Iacobum satis nobilitauit, & euexit talis humilitas, sicut ipsa consuevit.

Verf. i. *Duodecim Tribubus, quæ sunt in dispersione, salutem.*

EXPOSITIO LITERALIS.



IUDÆORVM gens, quæ à duodecim Iacobi filiis, veluti à fontibus, sicut arena maris, & stellæ cæli, innumerabilis emanauit, varias dispersiones perpessa est, in supplicium ingrati tudinis, quæ Deum reliquit, & post idola gentium, velut adultera abiit. Etenim regnante Ozia, Salmanasar Rex. decem Tribus transtulit in durissimam captiuitatem, quando & Tobias etiam abductus est, easque collocauit in Hala, & Habor flu-^{4. Reg. 17.} uuiis Gozan in ciuitatibus Medorum; & de hac captiuitate loquitur Angelus Raphael apud Tobiam, & istius captiuitatis reditus nunquam in Tob. 12. Scriptura narratur.

SECVNDÒ captiuitas facta fuit à Nabuchodonosor Rege Babylonis regnante Joachim super duas Tribus, quando omne pretiosum ablatum est, & Hierusalem nihil relictum, exceptis pauperibus populi: *prostrauit enim inde omnes thesauros domus Domini, & thesauros domus Regiæ, & concidit vniuersa vasa aurea, transtulit vniuersos principes, & omnes fortes exercitus,*

C 3 decem

decem millia in captiuitatem, & omnem artificem; & cetera quæ facit textus refert 4. Reg. cap. 24.

4. Reg. 25. TANDEM dispersæ sunt omnino cum perfido Rege Sedecia; funditusque euerfa ciuitas, & templum flammis absumptum, & hæc tres dispersiones factæ sunt ante Christi aduentum. Misera itaque Iudea inter Assyrios, & Ægyptios constituta, ab vtrisque conculcabatur, & dissipabatur, vt satius ducerent Iudei cum feris potius, quàm cum efferais hominibus degere in melotis, & pellibus caprinis, in speluncis, & cauernis terræ; quæ de re videndus liber 1. Machab. cap. 2. & liber 2. cap. 5. & hæc fuit ratio cur in omnem nationem, quæ sub celo est, palantes, effugiũque quærentes dispergerentur.

- NON existimo autem Iacobum sic dispersis Iudeis hanc epistolam conscripsisse, sed potius iis, qui in prima Ecclesiæ persecutione dispersi sunt post necem S. Stephani, quæ est sententia Bedæ, ac plurimorum recentiorum, de qua dicitur. *Facta est in illa die persecutio magna in Ecclesia, quæ erat Hierosolymis, & omnes dispersi sunt per regiones Iudeæ, & Samaria.* Mitto aliam dispersionem per Romanos factam, quando tot hominum millia de terra sancta expulerunt, & per totum orbem dissiparunt, de qua prophetauerat Dauid Psalmo 58. *Deus ostendit mihi super inimicos meos, &c. disperse illos in virtute tua:* nam hanc dispersionem ob necem Christi Domini illatam videtur Propheta prædicere; fuisse verò tunc temporis maximam Christianorum multitudinem, inde licet colligere, quia præter quingentos adhuc agente in terris Christo, 1. Corinth. 15. octoque millia duabus Petri concionibus aggregata, Actorum 2. Lucas quasi de innumerabili multitudine dixit cap. 5. & 6. magis auctam credentium in Deum multitudinem virorum, ac mulierum creuisse, atque multiplicatum esse numerum Discipulorum in Hierusalem valde, & multam etiam turbam Sacerdotum obediisse fidei; & licet numerum definire sit difficile, Baronius tomo 1. anno Christi 35. coniicit, quindecim millia fuisse eiecta. Loquens verò Athanasius de hac dispersione homil. de semente; Habes, inquit, in Actis Apostolorum post lapidatum Stephanum Discipulos dispersos, & quasi seminos, non quod imbecillitate disiecti, sed fidei gratia ita diuisi essent: sed enim ita dispersi, vt seminatoris frumenta effecti, ad panem superæcolestem, vniuersumque Orbem peragrantes viuificæ doctrinæ virtutes, efficacisque disseminarint. Vnde Gregorius Nyssenus Serm. de sancto Stephano; Nisi, inquit, ab Stephani cæde populus Iudeorum in Discipulos leuisset, forsitan solummodo Hierosolymis Euangelij gratia inclusa esset; nunc verò omnes vtiq; gentes sermo præcurrens ad fidem adducit.

Hic igitur Christianis ob Christi fidem dispersis scriptis Iacobus, sicut notauit D. Thom. Beda, Titelman. Carthusian. innuit Oecumenius, asserit Baronius, apertè habet Feuàrdentius, probatque Gagneius. Vnde miror Lorinum Actor. 8. versu 1. dixisse communiorem esse sententiam, quod Iacobus respexerit aliam dispersionem, seu Assyriaca illa fuerit, seu

seu Babylonica, seu per varios Assyriorum, & Ægyptiorum principes facta. Constat enim in primis Christianos esse homines, quibus hanc epistolam scribebat, unde totus in ea concionator est de operibus exequendis, mutus verò de operibus Christi, de notitia, ac doctrina fidei: hortatur deinde ad patientiam, & taciturnitatem, ratione scilicet præsentis tribulationis: & cum eo tempore prædicta contigisset dispersio, quænam alia potuit subintelligi nomine dispersionis simpliciter prolato, nisi ea quæ tunc in ore omnium circumferebatur, & quam tunc ij, qui ad fidem fuesant conuersi, patiebantur? His ergo Iacobus præsentem scripsit epistolam.

Ea verò ratio, quam prædictus Author pro se assert, quodd scilicet Iacobus scripserit duodecim Tribubus, cum tamen illæ omnes non essent ex Babylonica captiuitate reuersæ, sed duæ solum, nempe Tribus Iuda, & Benjamin, proindeque fieri non posse, vt scripserit Apostolus dispersis Tribubus post necem Stephani, hæc, inquam, obiectio facilem habet solutionem: non eam quidem, quam plerique assignant, scilicet, quando duæ Tribus soluta captiuitate Babylonica in patriam reuersæ sunt, simul cum illis multos ex aliis Tribubus rediisse: quæ est sententia Theophylacti in cap. 10. Matth. & Theodoret in Osee c. 3, ad finem.

Hæc tamen solutio nobis non placet, namque constat ex D. Hieron. in cap. 2. Malach. ibi. *abominatio facta est in Israël*; & ex 1. lib. Esdræ c. 2. ex Iosepho lib. 11. Antiquitat. c. 1. & 4. eos, qui redierunt ex prædicta captiuitate, fuisse tantummodo ex duabus Tribubus, alias verò decem mansisse trans Euphratem, qua in re nullum omnino dubium videtur esse.

DICENDUM proinde censeo cum Iosepho lib. 8. Antiquitatum cap. 3. quo tempore regnum Israël diuisum est sub Roboam, ad ipsum Hierosolymis degentem ex tota Israëlitarum multitudine confluisse Sacerdotes, Leuitas, & quotquot è reliqua plebe probi erant, ac vero Dei cultu tenebantur, cuius rei causa erat in primis Hierosolymitanum templum, vbi eis licebat adorare, & offerre, quod eo libentiori animo faciebant, quo plus offendeantur Ieroboami tyrânide, & idololatria, dum homines cogebat vitulos aureos adorare, & colere, quò factum est, vt Roboami regnum integro triennio talibus accessionibus cresceret: quæ omnia desumpsit Iosephus ex 2. Paralip. c. 11. vbi dicitur; *Sed & de cunctis Tribubus Israël, quicumque dederant cor suum, vt quærerent Dominum, venerunt in Hierusalem, & roborauerunt Iuda regnum.* Initio etiam Regni Ezechie non pauci ex Israël videntur ad duas Tribus accessisse, vt pater ex 2. Paralip. c. 2.

OMNES ergo, qui ad duas Tribus accesserunt sicut cum eis abducti sunt, ita pariter & reducti ex Babylone, & nomine Iuda intelliguntur, desumpto nomine à maiori parte, indeque factum est, vt tempore aduentus Christi ex omnibus Tribubus Hierosolymis degeret homines, qui ibidem conuersi, grauiter postea fuerunt afflicti, & à propriis sedibus eiecti ab infidelibus Iudæis. Vnde & Actorum 2. dicitur. *Erant in Hierusalem habitantes Iudæi: viri religiosi ex omni natione, quæ sub celo est; quod de finis habitatoribus plerique intelligunt.* Insuper, & qui ad sacrificia

alicui

ascendebant, poterant etiam Religionis studio ibidem commorari.

L I C E T I verò sic dispersis & electis ex omnibus Tribubus scripserit noster Apostolus, communis tamen est doctrina, & omnibus in vniuersum necessaria, quod aliàs de Paulo notauit Tertullian. lib. 5. contra Marcionem, cum ait: Nihil de titulis interest, cum ad omnes Paulus scripserit, dum ad quosdam. Quibus habet similia August. lib. 1. contra Cresconium Donatistam cap. 9.

I N S V P E R Q V E S I Iacobus dispersis, & peregrinis scribit; omnes qui secundum Deum viuunt, peregrini in terra appellantur, quod eleganter docet Augustinus Serm. 32. de verbis Domini, & testatur David cum ait; *Quoniam advena & peregrinus ego sum, sicut omnes patres mei.* Proinde nobis omnibus conuenit præsens doctrina, & velut nobis inculcata suscipienda est.

C V M verò Iacobus dispersis, afflictis, ac miseris scribat, neque opes, aut diuitias, libertatemue imprecatur, quam ipsi magnopere viderentur appetere, sed sola bona spiritualia, salutem scilicet, in præsenti gratiæ, & in futuro gloriæ, ait D. Tho. & alij. Neque enim hæc in re audiendus est Caiet. inter Catholicos, nec Erasinus, Lutherus, Osiandæque in annotationibus ad hanc epistolam, nec in Centuriis Magdeburg. Centur. 1. lib. 2. col. 54. & 53. dum putant hanc salutationem esse purè humanam, quia nihil Dei, vel Iesu Christi gratiam, aut pacem sonat, sed profano more salutat. Namque Act. 15. Apostoli Antiochenos, & Syrios salutantes eisdem verbis vtuntur, & Iudæi ad fratres suos in Ægypto 2. Machabæorum 2. & Angelus ad beatam Virginem Luc. 1. *Aue.* Christus etiam mulieribus Matth. ult. *aue:* & Cyprianus in principio epistolarum ponit *Salutem.* Deinde quid est Iesus nisi salus? quam precatur sibi David dicens Psalmo 3. *Dic anima mea, salus tua ego sum.*

S. I.

A Iudæis fit prima persecutio in Ecclesia, eorumque innata crudelitas, & contra Christianos sauiens ostenditur.

I T A Q V E prima Ecclesiæ persecutio à Iudæis facta est, vt impræsentiærum videmus: quapropter Tertullianus in Scorpiaco, Synagogas Iudæorum fontes appellat persecutionum nostrarum, & Hieronymus ad illa verba Hieremiæ Threnorum 4. *Filia populi mei crudelis quasi struthio in deserto;* & ad illud Iob. 3. *Induratur ad filios suos, quasi non sint sui;* ait. Indurata est crudelis Synagoga Iudæorum contra Apostolos, & prædicatores Noui Testamenti, qui de ipsa gente nati fuerant, quasi non essent filij sui, odio eos habens; & externos deputans, crudeliterque illos ubique in deserto gentium persequabatur, propter Euangelium Christi. Cum enim Iudæi natura esset. *crudeles;* causa fuit, cur toties eis esum sanguinis in lege Dominus pro

prohibuerit, sicut notauit Theodoret. q. 2. in Deuteron. cùm ait. Cur tam frequens interdicit Iudæis esum sanguinis? existimo legis scopum esse, nempe vt cruentum eorum sanaret animum: quæ etiam fuit ratio cur illis multa dura permiserit, duris corde, sicut notauit Abulens. q. 23. in cap. 20. Iosue, inter aliæque illud erat, vt confanguinei alicuius viri occisi casu, & sine odio, possent interimere occisorem, antequam ingrederetur aliquam ciuitatem refugij. Vbi Lyran. ait; Licet interfector à casu esset innocens, & puniretur sine sua culpa, in hoc quod erat profugus à ciuitate sua, & confugiebat ad aliam, non tamen hoc erat sine causa, quia ex more ipsius gentis inter amicos defuncti poterant seditiones, & homicidia oriri, maxime quia Iudæi crudeles erant, & proni ad effusionem sanguinis, ideo ad hoc malum euitandum manebat homicida exul ad tempus. Cùm ergo Iudæi natura sua essent crudeles, & in causis fidei simulatus legis zelus, & pudorem ipsis abstulerit, & licentiam innata sauitiæ præbuerit, non mirum si tam crudeliter debacchantes Christianos vsquequaque persequerentur. Et vt multa crudelitatis Iudaicæ exempla omittam, vnum referam vnde cætera facile sit coniecere; refert siquidem noster Guagu. lib. 7. Histor. Francorum, quod cùm Galliarum Rex Philippus Longus viueret, per subornatos à Iudæis leprosos, omnes vbique putei veneno infecti sunt; idemque religiosus & accuratus Auctor plura crudelitatis inaudita refert facinora, quæ longum esset recensere.

Idem O. Hieron. epistola 65. dixit: Si expedit odisse homines, & gentem aliquam detestari, miro odio auersor circumcisos, vsque hodie enim persequuntur Dominum nostrum Iesum Christum in Synagogis Satanæ. Et Origines lib. 6. contra Celsum ait, Iudæos architectos, ac disseminatores fuisse calumniarum Gentilium contra Christianos, vt verbi gratiâ, quando viuente Petro urbis incendium afflictum est Christianis, eoque nomine ferarum tergis coniecti, canum laniatui obiecti sunt, vel crucibus affixi, vel flammati, ac in usum nocturni luminis vsti, teste Tacito lib. 15. Et Eusebius Emislen. homil. de Sancto Steph. ad illa verba; *Veni Mat. 23. super vos omnis sanguis iustus*, &c. sic habet: Nemo Christianorum vsquam occisus est, qui eorum vel manibus, vel affectu non sit occisus, vnde & omnium rei esse dicuntur. Et ad illa verba; *à sanguine Abel iusti, vsque ad sanguinem Zachariæ*, ait: His verbis Saluator dicere videtur, quod hæc impia generatio tantam poenam pro suo scelere patiatur, quâta pateretur, si omnium sanguinem fudisset, qui ab Abel fusus est, vsque ad Zachariam. Hæc igitur impia, & crudelis gens contra nascentem gratiæ legem, & Euangelij doctrinam statim sauire cœpit, & Christianos in totum Orbem dispergere, quorum tum temporis vnum erat cor, & vna anima, quanuis corporaliter dispersi essent, proindeque vnica ad eos mittitur epistola.

Pæz in Epist. B. Iacobi.

D

§. II.

§. I I.

Crescit & dilatur Ecclesia Dei persecutionibus.

NO N minuitur tamen Ecclesia persecutionibus, sed augetur, sicut dixit Leo Papa Serm. 1. de Petro, & Paulo, semen liquidem est sanguis Christianorum, plures efficimur, quoties metimur à tyrannis, sicut dixit Tertull. in Apolog. cap. ult. & Bernard. Serm. 1. in Cant. Puto quidem quòd non parua insuper, & in hoc ipso apparebit prerogativa, si quis diligenti cura aduerteret quantum ubique per orbem vinea Domini Sabaoth dilatauerit terminos suos à die illa, qua Hierosolymis à filiis matris suae expugnata est, & exturbata vnà cum prima illa sua plantatione, multitudinem dico credentium: nec enim ita inde enulsa in persecutione fuit, vt non alibi plantaretur, atque aliis locaretur agricolis, sed migravit, creuit, dilatata est, tanquam cui benedixit Deus, pulsa de ciuitate, ab vniuersitate exciperis; vnde Iustinus Martyr Dialogo cum Tryphone ait. Vineae putatione ad vbertatem prouocantur, ita Ecclesia persecutionibus crescit. quibus habet similia Serm. de Iuencio & Maximo martyribus, & Hilarius 7. de Trinitate: Ecclesiae proprium est, vt tunc vincat, cum læditur, tunc obtineat, cum deseritur; & Leo Papa Serm. 6. de Epiphania, Cruenta impietate, ait, in Dei populum sauebant, quasi ad maximam gloriam suam pertinere ducerent, si de terris nomen Christianum auferrent, nescientes Ecclesiam Dei per furorem suae crudelitatis augeri, quando in suppliciis, & mortibus beatorum martyrum, qui putabantur minui numero, multiplicabantur exemplo, cumque daemones saeuiendo, nihil videret proficere contra Ecclesiam, terrores praescriptionum in avaritiæ mutat incendium, & quos Christianos damnis non fregit, cupiditate corrumpit: malignitas enim longo vsu propriae imbuta nequitiae, non deposuit odium, sed vertit ingenium, quòd sibi mentes fidelium blandius vrat, inflammatur concupiscentiis, quos non potest vexare tormentis. Dixerat hoc D. Hieron. in vita Malachiae. Persecutionibus creuit Ecclesia, martyriis coronata est, postquam ad Christianos Principes venit, potentia quidem, & diuitiis maior, sed virtutibus minor facta est. Videndus denique Chrysost. in cap. 6. Act. Apostol. vbi ait. Post tentationes creuit Ecclesia, non ante. Plura hac de re habet Aug. Ser. 48. de Sanctis, & lib. 22. de ciuit. Dei cap. 6. Chrysost. homil. 4. de verbis Isai. *vidi Dominum*, tom. 1. & Serm. de S. Pentecost. tom. 3.

I L L V D verò notandum est, dispersionis Ecclesiae Christianae poenas luere ludæos in totum terrarum orbem dispersos, & dissipatos, quòd breuiter, & eleganter dixit Nazian. ora. 12. Vna utique illis calamitatis columna, totus terrarum orbis est; quòd exposuit Elias Cretensis dicens: Quemadmodum columnæ ex ære, vel lapide excitatae, aut vituperationes, aut ærumnas aliquorum continentes, pratercuntibus illas spectandas exhibent, sic totus terrarum orbis, per quem ludæi dispersi sunt, instar columnæ

columnæ, eorum miseram conditionem prædicat. Notauit hoc Origen. hom. 9. in Genes. cum ponderat id, quod dictum est Abraham; *multiplicabo semen tuum sicut stellas cæli, & sicut arenam, quæ est in liore maris*; Ego puto, ait Origen. quodd utrumque exemplum possit utrique populo aptari (Iudaico scilicet, & Christiano) aptabitur verò si dicamus Christianos stellis comparari, quia à Sole mutuam lucem accipiunt, & cum cælis, quibus affixæ sunt regulatissimo motu cientur. Iudæos verò arenæ assimilari, quæ ab undis, imò & à leui aura agitur, quod contigit Iudæis per totum orbem dispersis. Qua de re videndus est August. in Psalm. 88. Qualiter verò à Romanis in eos sit animaduersum refert Iosephus lib. 7. de bello Iudaico cap. 17. & 18.

§. I I I.

Sola spiritalia vera bona, proindeque ea tantummodo imprecanda, & inquirenda: & de salutationibus Sanctorum.

SOLA M spiritualement salutem dispersis fratribus precatur, cæteraque bona omittit, quæ, sicut dixit Christianus Philosophus Heron apud Nazianz. orat. 23. bonorum nomen obtinere non possunt, quodd dominos suos haudquaquam meliores, imò etiam persæpe deteriores efficerent, nec constanter cum his à quibus possidentur, manerent. Vnde Bernard. Serm. 30. in Cantica, loquens de promissionibus Veteris, ac Noui Testamenti, ait. Graue legis iugum, testibus ipsis Apostolis, qui hoc & sibi, & patribus importabile clamant, graue iugum, & vile præmium: nam terra est in promissione; meritoque propterea de nobis conqueritur D. Chrysost. hom. 8. in epistolam ad Hebræos; Omne studium in iis, quæ ad vitam hanc pertinent, euacuatur, de spiritualibus autem nulla ratio est. Et Cyprian. epist. 2. ad Donatum: O nominum quanta diuersitas! bona appellant, ex quibus nullus illis, nisi ad res malas usus est. Et Bernard. Serm. de primordiis, &c. Non tam bona, quam minora mala, plus molestiæ continent, quam iucunditatis; vt inductione probat Basil. in Psalm. 33. ideoque Gregorius 2. Moral. capit. 16. ait: Propterea terrena nobis pro voto non proueniunt, Christus quippe dixit, *petite regnum dei, & hæc omnia adiciuntur vobis*, hæc (scilicet temporalia) in adiectionis parte, tanquam adiectitia dicit datum iri; nos autem ordinem peruertimus, & petimus terram, & bona terrena, quasi cælestia additionis loco nobis dentur; idcirco neque ista, neque illa habemus: euigilemus aliquando, & efficiamur futurorum desideratores, sic etiam ista sequentur, &c. Quibus verbis illorum videtur carpere cæcam cupiditatem, qui inania bona sequuntur, quæ potius nos debent sequi, dum ad patriam pergimus. Vnde Clemens Alexand. orat. ad Gentes ait: Ne ergo porcis efficiamur similes, sed vt germani filij lucis intueamur lucē, & sursum aspicimus, ne nos esse adulterinos deprehendat Dominus, quemadmodum Sol aquilas. Et Aug. in

D 2 Psalm. 36.

Psal. 36. Aurum non potest tibi esse argentum, vinum non potest tibi esse panis, lux non potest esse potus, Deus tuus totum tibi erit.

Ex quibus patet, cur Apostolus cæterorum omnium, quæ afflictis maximè conducere videbantur, oblitus, sola spiritualia precatur fidelibus, solam exoptat salutem, insimul docens quid præ oculis debeamus habere, & præ omnibus curare, salutem scilicet: quam exposuit D. Thom. intelligendam esse de gratia in præsentia, & de gloria in futuro, quod etiam videtur dixisse Dauid: etenim ubi nos habemus, *Prosperum iter faciet nobis*

Psal. 67. Deus salutarium nostrorum, Regia Biblia habent: *In onus imponet Deus nobis salutem nostram*, ut scilicet nihil aliud curemus, quam id quod semper portandum nobis Deus commisit, salutem scilicet nostram, quam velut onus tradidit, ne aut caderet, aut amitteretur; potestque huic oneri rectè adaptari id quod Bernar. dixit Serm. 15. in Psalm. *Qui habuit*: Onerificum animal est homo tempore suæ mortalitatis, fert quippe hoc onus, leue quidem amanti Deum, eiusque visionem exoptantibus. Et ut magis nobis inculcatam esse cerneremus curam huius salutis, quam nobis imposuit ferendam, illi etiam propositam ut acquirendam testatur idem Dauid, sic enim exposuit Theodoret. illud Psalm. *Saluabit sibi dextera eius*. Sc-

Psal. 97. pius, inquit, diximus manum, actionem dicere, dexteram verò bonam actionem: dixit autem hominum salutem eius potentia esse opus, immensa autem benignitate utens, suum quæstum hominum vitam ducere, propterea non dixit, *saluabit eos dextera eius*, sed *saluabit sibi*; & Basil. eodem loco Psalm. Mortalium vitam suam dicit esse emolumentum, propterea non dixit, *saluabit eos*, sed, *sibi*, quibus habet similia D. Hieronymus ibi.

Hanc igitur salutem nostram, quam Deus ut proprium quæstum curat, & ut emolumentum sibi acquirit, quam iugiter curandam, & præ oculis habendam nobis imposuit, neque enim purare debemus hoc onus supra dorsum, & post oculos nobis esse impositum, sed in manibus, tantquam pretiosum aliquid portandum, hanc, inquam, solam Apostolus suis exoptat, & ante omnia commendat. Sunt autem Sanctorum virorum salutationes, ac bonæ preces efficaces iis, qui digni sunt, sicut ait Chrysost. hom. 10. in 1. ad Timoth. cap. 4. Vnde Christus Dominus præcepit Discipulis, ut domos, quas intrassent, salutarent. Et Philo lib. de charit. ait, preces Moysis (scilicet Deuter. 33. de iis enim loquitur) ratas fore credendum est, quandoquidem illæ ab amico Dei profusæ sunt. Hoc igitur agnosceus Iacobus, spiritualia bona imprecatur, dum ait, *fidelibus, qui sum in dispersione salutem*.

§. IV.

Paternus, verusque amor circa absentes filios, & amicos maximè probatur, & quòd Prælatus omnibus debeat esse communis.

IN RE suo utitur Iacobus, ait Didymus Alexand. hoc loco, dum circumcisionis Apostolus, his qui ex circumcisione sunt, quantumvis disper-

sis, &

sis, & absentibus scribit, eosque consolatur simul, & hortatur; qua in re & paternum amorem ostendit, & Pastoris officio fungitur. Paternum amorem dixi, quia is maximè in absentia comprobatur: est enim absentia, sicut dixit Bern. Serm. 51. in Cant. nouerca amoris. Vnde ipse ait: Cum propè est quod amatur, viget amor, languet cum abest: is verò amor, quem absentia neque minuit, nec extinguit, paternus utique comprobatur. Quod dixit Ambros. Serm. 28. Quàuis à vobis, inquit, abfuerim corpore, tamen à vobis amore non defui, & quanquam essem de vestra deuotione securus, trepidabam tamen, quia hoc ipsum, quod in vobis noueram, non videbam: hic enim affectus paternæ pietatis est, vt de absentibus liberis non tam certa spe gaudeat, quàm sollicita cogitatione, & simul ac eos videre desierit, amare plus nouerit, ac per hoc intelligimus quòd amor inter præsentes gratus sit, inter absentes molestus. Videndus etiam Bernardus epist. 201. quæ est ad Balduinum Abbatem, cum ait. Sicut mater vnicum amat filium, ita te diligebam hærentem lateri meo, placentem cordi meo, diligam & absentem, ne solatium meum ex te, & non te videar dilexisse, eras pernecessarius mihi, atque hinc vel maximè claret, quàm syncerè te diligam: hodie nempe te caruissem, si quæsissem de te quæ mea sunt.

Hoc ipsum quod prosequimur, ostendit Nazianz. eleganti similitudine orat. 18. Desiderabamus, inquit, vos filij, parique, vt mihi persuadeo, desiderij affectu à vobis expetebamur, atque hætenus inter nos disiuncti, ac diuulsi, vt desiderium nostrum vtrinque cognoscere, atque ita locorum distantia, & interuallo, quemadmodum pictores tabulas expectare possemus. Tota verò similitudinis vis in eo videtur consistere, quòd sicut oculi, quod iusto propius admotum est, non vident, sed opus habent moderata quadam interuallari distantia, quæ sunt verba Basilij homil. 5. in Martyrem Iulitam: ita paternus affectus non inter præsentes, sed absentes potius debet probari, quod etiam Euripides dixit in Hecuba, cum Græcorum Imperatorem sic alloquitur:

Pictoris instar nonnihil tu diffusus,

Quenam malorum me premat moles vide.

OSTENDIT igitur patris amorem erga absentes filios noster Iacobus, dum eisdem dispersis, & absentibus scribit, afflictos consolatur, nutantes confirmat, & de ipsorum salute tam sollicitum se ostendit; in quam sententiam optimè dixit Greg. lib. 30. Moral. c. 8. Charitas, quæ diuisa vnire consuevit, vnum cor Pauli per multa diuidi compellit.

PASTORIS insuper officio fungitur, dum non solum docet præsentes, sed absentes sua doctrina instruit, sicut Cyprianus tempore, quo quærebatur ad mortem, absentes oues per epistolas suas gubernabat; ad Pastores siquidem pertinet, imprimis subditorum mores componere, & de rebus fidei instruere, utpote ratione pro animabus ipsorum reddituros; vnde & præsentes verbo, & exemplo debent instruere, absentibus verò non deesse, saltem per epistolas. Et hunc Apostolicum morem imitati sunt

D 3 Summi

Summi Pontifices, Clemens, Anaclethus, Gregorius Magnus, Leo, Innocentius, & alij, quorum tot extant decretales, & doctrinales epistolæ: hos etiam secuti sunt Ecclesiæ proceres, & primates, Ignatius, Dionysius, Cyprianus, Ambrosius, Augustinus, Hieronymus, Nazianzenus, Basilus, & præ omnibus Isidorus Pelus. D. Chrysost. discipulus, qui teste Nicephoro lib. 14. cap. 53. vnam myriadem. i. decem epistolarum chiliades conscripsit, quibus sacros omnes vtriusque Testamenti Codices exposuit. Adeoque præscis illis temporibus scribendi epistolas vsus percrebuerat, vt Clemens Petri successor, ad nostrum Apostolum Iacobum iam vita functum, quasi ad viuentem scripserit, vt sub nomine fratris Domini alios Episcopos, ac Præsules de rebus necessariis admoneret, vnde aliqui existimant epistolas sub nomine Clementis ad Iacobum non esse scriptas ad Iacobum: sed falsuntur, quia plerique tam sacri, quàm profani Authores ad demortuos scripserunt. morèque sic scribendi mutuati sunt à Platone, qui Dialogos instituit, in quibus introducuntur viri vita functi de rebus necessariis colloquentes.

E s t ergo docendi, ac scribendi operi iugiter incumbendum: hoc enim
 1. Tim. 3. est opus, quod Episcopus dicitur desiderare, & cuius cessationem redarguit Christus Dominus, dum Matth. 23. tacitè reprehendit Scribas, & Phariseos, dicens: *super cathedram Moysi sederunt Scribae, & Pharisei* neque enim tam videtur reprobare quodd sedcant, cum hoc proprium sit magistrorum, sed quodd orientur: & ab operatione cessent, hoc enim verbum plerumque *cessationem, & quietem ab operando* significat, vt videre est apud Pierium Valerianum lib. 4. 3. Quo sensu dixit Horatius, *sedet qui timui ne succederet*, id est, cessat, & quiescit, qui nō sperat aliquid assequendum. Et cum Dominus se vniuersalem Pastorem dixit, inde veluti necessariò infert doctrinam vniuerso orbi præbendam. *Euntes ergo docete omnes gentes*, Matth. 28. quæ verba ponderans Ber. lib. 2. de confid. ait: Qui inssi sunt ire in orbem vniuersum, non orbem circuierunt præsentia corporis, sed mentis providentia. Et Ieremix 3. *Conuertimini, quia ego vir vestrum, & introducam vos in Sion, & dabo vobis Pastores iuxta cor meum, & pasceni vos scientia, & doctrina*, vnde Chrysost. in 1. ad Timotheum notauit id, quod Apostolus dixit Ephes. 4. *alios autem Pastores, & Doctores*. Vt quid, inquit Apostolus dixit, oportet Episcopum esse Doctorem, nisi vt doceat, neque satis esse, quodd doceat exemplo vitæ, imò oportere eum laborare in verbo, & doctrina? Quātumuis autem absentibus vitæ monitis accurrit, docens factio verum Pastorem nulli deesse debere, imò omnes, & præsentibus, & absentes summo studio curare. De probo Iosia Rege dicitur Ecclesiastici 49. *In omni ore quasi mel indulcabitur eius memoria, & ut musica in conuiuiis*. Desiderium huius Regis absumpti inde deducit Ecclesiasticus, quodd memoria retinerent illum ad instar mellis, ac musicæ in Regni administratione se habuisse, mellis siquidem dulcedine ille tantummodo fruitur, qui illud in ore versatum degustat, quod nisi per propinquam attractionem fieri nequit: at verò musico concentu, & modulantium vocum varietate potiuntur, & qui proximi cantoribus adsunt, & illi etiam,

etiam, qui remoti ac distantes audiunt. Ille ergo Pastor dulcem sui memoriam ad posteros relinquit, qui & propinquis, ut mel dulcorem impertitur & absentes etiam, ut musica recreat, ac reficit, nullique omnino deest.

ROGAUIT Moyses Num. 27. Deum ut praeferret populo illi hominem tali administratione dignum, cumque his verbis deprecatur, *Provideat Dominus Deus spiritum omnis carnis hominem, qui sit super multitudinem hanc.* Plerique vertunt, ut in annotationibus marginalibus Bibliorum videre est, *Provideat Dominus Deus spiritum, & Hebraicus Codex habet, Provideat Dominus Deus spiritum omni carni.* Quasi velit pastorem, ac gubernatorem esse spiritum, & animam populi, in eo scilicet, quod sicut animus in toto corpore, & in qualibet eius parte totus adest, nullique deest, sic & animarum Rector omnes singulariter debet curare, nullumque quantumvis distantem deserere, diuinamque curam, prout potuerit, imitari; quam expertus Augustinus ita dixit 3. Confessionum cap. 11. Sic curas unumquemque nostrum, tanquam solum cures, & sic omnes tanquam singulos. Et in lib. Soliloquiorum cap. 14. In toto tempore totum me simul consideras semper; ac si nihil aliud considerare habeas, sic super custodiam meam stas, sicut si hominum oblitus sis, & mihi soli intendere velis: quocunque iero, tu me Domine non deseris, nisi prior ego te deseram.

NOTAUIT ad praesens institutum Abulens. id, quod Scriptura narrat, factam scilicet fuisse famem in diebus David tribus annis iugiter: cuius famis causam ipse apponit ibi quaest. 2. ex mente Rabbi Salomo. & Rabbi David Kimhi, quoniam David dabat omnia munera sua uni solummodo Sacerdoti Hiræ Ioratithæ, qui vocabatur Sacerdos David, & quando Rex aliquis dat omnia munera sua uni Sacerdoti, inducit famem super terram, debet siquidem Rex non uni, sed omnibus prodesse, non unum, sed omnes curare, quia omnibus addictus est. 2. Reg. 21.

HÆC expositio licet nostro argumento videatur inferuire, nullatenus placere potest, cum sacro contextui contradicat; unde rem praesentem, conficit ille alius locus, quando Tribus Iuda Davidem reduxit Hierusalem; qua de re conquestæ sunt undecim Tribus apud eundem Regem, & dixerunt: *Quare ieiunasti frater nostri viri Iuda? respondit autem omnis vir Iuda. Quia propior est mihi Rex.* super quæ verba sic optime Abul. q. 34. In hoc non respondebat conuenienter Tribus Iuda, quia licet eis propior esset Rex (erat siquidem ex eadem Tribu) non tamen ad eos solos pertinebat; ideoque potius debebant concludere, propior est mihi Rex, ideo ego debui esse principalis in transductione eius, non tamē quod essem sola; & q. 36. David considerabatur dupliciter, scilicet in quantum Rex, vel in quantum persona priuata, si ut persona priuata, magis pertinebat ad Iudam, quàm ad omnes Tribus, eo quod erat de cognatione eius; si in quantum Rex, magis pertinebat ad Tribus Israël, quàm ad Iudam, quia in quantum Rex, erat princeps illius populi totius, & viri Iuda computabantur ut una pars; at verò Rex non unam tantum partem, sed omnes æqualiter respicere debet, qui omnibus, non uni debitor est. 1. Reg. 10.

Cap. 29.

EXPRESSIT Iob quomodo suos gubernauerit, & se in administratione Regni habuerit, dum dixit, *in circuiu meo pueri mei*; qui sicut centrum terminat omnes lineas, quæ etiam ad ipsum tendunt à circumferentia æquali vtrinque distantia, ita totus pater debet omnibus filiis, & dominus omnibus seruis, totusque singulis instruendis, & gubernandis adesse; vnde & addit, *diademate, iudicio meo*; gubernandi enim methodus debet omnes amplecti, omnibus æqualiter adesse, & æquanimiter prodesse.

HINC est quodd in sacro sermone, quantumuis, *esse in medio*, dum de priuatis personis dicitur, nihil aliud significet, quam esse intra, vt patet 4. Reg. *In medio populi mei ego habito*, id est, intra urbem, sicut cæteri ciues, attamen quando de Principe, ac Rege sermo est, pressè, & strictè accipitur pro eo qui in medio suorum est sicut centrum in medio circuli, ex quo in quacumque partem circumferentiæ rectus sit prospectus, nullibi maior vni parti proximitas, quam alteri reperietur: sic erat arca in medio populi, sic Chusi ad Absalon: *tu eris in medio eorum*; sic Salomon: *seruus tuus in medio est populi*; sic Moyses: *non ascendam tecum*; propriè ex Hebræo, *non ascendam in medio tui*; & Exod. 34. *Prostretur esse in medio populi*.

2. Re. 17.

3. Reg. 1.

Leuit. 26.

Exod. 3.

HÆC est ratio cur dum Petrus videns Dominum gloria perfusum, redundante scilicet animæ beatitudine ad corpus vsque illustrandum, voluit ea pulchritudine solus potiri, & vniuersalem Dominum secum tenere; vnde & dixit: *Domine bonum est nos hic esse*. Euangelista Marcus cap. 9. notanter dixit, *non enim sciebat quid diceret*; quod eleganter exposuit D. Bernard. de vita solitaria ad fratres de monte Dei. Nesciens quid diceret, ait, quia visa Dei maiestate, commune bonum intra priuatum suum visus est conclusisse, & quo omnes æqualiter frui debebant, ipse solus frui curabat.

IN quam sententiam facit locus ille Cant. 1. quando diuina sponsa ad peculiarem lectum, propriumque domicilium vocauit cœlestem sponsum, dicens: *Lectulus noster floridus, signa domorum nostrarum cedrina*, &c. cui inuitanti respondit sponsus, *Ego flos campi, & lilium conuallium*. Illa monstrante lectum, ille vocat ad campum, ait Bernard. Serm. 47. in Cantica. Voluit ipsa seorsum in cubiculo frui sponso, ipse verò tacitus eam reprehendit, dum se florem campi, & lilium conuallium dixit, quod non vni, sed omnibus patet, odorem efflat, pulchritudinem ostendit, vt inde intelligant communes viri, singularitatem cauere, discantque omnibus patere, præesse, ac prodesse, nulli peculiariter addici.

CUM ergo Apostolus iis, qui erant Hierosolymis verbo, ac doctrina non deesset, absentibus etiam, ac dispersis, scripto saltem, vt verus Pastor, ac Magister voluit adesse. Qua etiam in re indefessam curam Discipulorum ostendit, quibus & præsens, & absens subuenit; quod etiam Genes. 41. voluit Moyses significare, dum dixit, *Provideat Dominus Deus spiritum*: quia spiritus semper vigilat, & nunquam dormit. Qua ratione, vel in somnio fames, & abundantia futura populi, Pharaoni in vaccis ostenditur, quia Rex nunquam debet dimittere curam sui populi, indeque est, vt in Scriptura nomine *spiritus*, cura intelligatur, sicut videre est in Concordantiis Benedicti,

nedicti, verbo spiritus, & cura: quo pacto venit intelligendus locus ille Numerorum 11. *Auferam de spiritu tuo, iradámque eis, ut sustentent tecum onus populi*; ubi spiritus ex mente Benedicti, idem est atque cura, quo pacto intelligitur, iam in hoc sensu Moyses, cum ait. *Provident Dominus Deus spiritum*. Cum igitur Apostolus iis, qui Hierosolymis erant, verbo, ac doctrina deesset; absentibus, ac dispersis scripto saltem voluit adesse, utrosque diligens ut Pater, curans ut Pastor.

Verf. 2. *Omne gaudium existimate fratres, cum in tentationes varias incideritis.*

EXPOSITIO LITERALIS.

MAGNA Christianæ Philosophiæ vis, quæ naturas rerum videtur immutasse, & labores, ac ærumas in gaudium vertisse, & quo graviora ingruunt mala, eo iubet copiosiori affici gaudio; Oecumenius enim, & Variablis legunt, *pro summo gaudio existimate*; D. Thomas, & alij, *perfectum gaudium*: in Scriptura enim, *omne*, perfectum significat, Psalm. 106. *Omne escam abominata est anima eorum*, id est, perfectum, & absolutum cibum, qualis erat manna. 1. ad Timot. *Omne patientiam*, id est, perfectam; & 1. ad Corinthios 13. *Si habuerit omnem fidem*, id est, perfectam, & absolutam fidem. Quibus addimus, in Scriptura, *gaudium sumi pro confidentia*, ut patet Ezechielis 24. *Cum abstulero gaudium dignitatis eorum*, ubi Hieron. *confidentiam, & gaudium dignitatis*.

TENTATIO NUM verò nomine, omne calamitatum genus, quod pro fide, ac pietate à perfidis, & improbis hominibus inferri potest, intelligit: quo sensu Ægypti plagæ vocantur *temptationes*; Deuteronom. 29. & cæcitas oculorum Tobiae cap. 2. persecutio David Psalm. 17. *Quoniam in te eripiar à tentatione*, laboris, vigiliis, perigrinationes, & persecutiones suas appellat Christus *temptationes* Luc. 22. *Vos qui permansistis mecum in temptationibus meis*. Quam etiam phrasim secutus Tullius in Tusculanis, dixit. *Animi valentes morbo tentari non possunt, corpora possunt*.

VARIAS autem dixit *temptationes*, eo quòd nonnullæ à Deo, aliæ à nobis, & ab aliis in nos procedunt, ut dixit Oecumenius, vel *varias*, id est, magnas, ac multiplices, ut ait Carthusianus.

HIC verò locus, quo nos Apostolus gaudere iubet in tentationibus, non pugnat cum eo, quo Christus Dominus nos docuit orare, ne nos inducat in tentationem. Namque, sicut dixit Aug. lib. 2. de Serm. Domini cap. 14. aliud est induci in tentationem, aliud tentari; nam sine tentatione probatus esse nullus potest, siue sibi ipsi, siue alij: non ergo hic oratur, ut non tentemur, sed, ut non feramur in tentationem, tanquam si quispiam cui necesse sit igne examinari, non oret, ut igne non probetur, sed ne exuratur. Ioseph tentatus est adulterij illecebra, tentata Susanna, similiter

Petrus in Epist. B. Iacobi.

E

& Iob, & alij, sed inducti in tentationem non sunt. Et epistola 121. Cum dicimus, *ne nos inferas in tentationem*, admonemur hoc petere, ne deserti Dei adiutorio, alicui tentationi vel consentiamus decepti, vel cedamus afflictis; & hæc est communior huius loci expositio. Consultit ergo Discipulus lætari in tentationibus, præcipit Magister precari, ne eisdem cedamus. Hoc ipsum dixit Petrus 1. Can. cap. 5. *Communicantes Christi passionibus gaudete*, quod Cyprianus legit: *Per omnia gaudete*, & fecerunt Apostoli gaudentes, quoniam digni habiti sunt pro Christo contumeliam pati, Act. 5. vnde Agatha ad carcerem quasi ad epulas inuitata ibat. Marcus, & Marcellianus fratres confixi ad supitem negabant se tam iucundè vnquam epulatos, quàm cum libenter Christi causa tormenta ferrent: & Tiburtius in prunis, velut in rosis, incedere se protestabatur.

APPELLAT autem Iacobus discipulos quibus scribit, *Frates*, quod nomen discipulis, ac fidelibus cōmune fuit in primordiis Ecclesiæ, vt ostendit Baronius anno Domini 43. & hæc nomenclatura sæpe vsus est Christus Dominus, Matth. 23. Luc. 22. & Ioan. 20. & Apostoli frequentius, vt videre est in omnibus epistolis Apostolorum, & in antiquis Patribus, Iustino in Apologia 2. Clem. Alexand. 2. Strom. Tertul. c. 39. Apologetici, vbi ex eo quòd infamarentur à Gētibus ob hoc nomen, sic ait: Sed & quòd fratres nos vocamus, non aliàs opinor infamant, quàm quòd apud ipsos omnes sanguinis nomen de affectione simulatum est. Fratres autem etiam vestri sumus iure naturæ, matris vnus, etsi vos parum homines, quia mali fratres, at quanto dignius fratres, & dicuntur, & habentur, qui vnum patrem Deum cognouerunt, qui vnum spiritum biberunt sanctitatis? sed eo fortasse minùs legitimi existimamur, quia ex substantia familiari fratres sumus, quæ penes nos fere dirimit fraternitatem, omnia indiscreta sunt apud nos, præter vxores. Quibus habet similia Athenagoras Philosophus Christianus oratione pro Christianis, & Minutius Felix in Octauio. Aliam etiam rationem affert Tert. huius nominis, incredibilem scilicet amorem inter Christianos vsque ad Gentilium, inquit, stuporem, qui non poterant quin exclamarent. Vide vt inuicem se diligant, & vt pro altero mori sint parati? Videndus Chrysost. hom. 21. ad Rom. Fratres estis, eosdem partus dolores soluistis; & Ambros. Serm. 9. Maior est fraternitas Christi, quàm sanguinis, hæc interdum sibi inimica est, illa sine intermissione pacifica, illa inter se communia cum æmulatione diuidit, hæc propria cum gratulatione communicat, illa in consortio despicit interdum germanum, hæc assumit frequenter alienum; & Cyprian. lib. de orat. Dominica: Concordes, atque vnanimes esse in domo sua Deus præcipit, & quales nos fecit secunda natiuitate, tales vult renatos perseverare, vt qui filij Dei esse cœpimus, in Dei pace maneamus, & quibus spiritus vnus est, vnus sit animus.

VEL etiam, vt notauit Didymus, fratres appellat, quia ad perfectionem, & virilem patientiam inuitat, & ideo non filios, sed fratres appellat, quia filij teneriores sunt, & vix tantæ perfectionis capaces: vnde Christus
Dominus

Dominus Ioan. 13. dixit, *Filioli adhuc modicum vobiscum sum*, super quæ verba Rupertus lib. 1. 1. Commentariorū in Ioann. ita ait. Vno, eodēque nomine, dum dixit, *Filioli*, maternam sui amoris gratiam, & infirmam tum temporis Apostolorum designat infantiam, nam ex quo fortes facti sunt, Spiritu sancto armati, filij sunt: nunc autem quia timidi sunt, & patrem se qui non valent, filioli sunt. Et diuus Thomas super hæc verba: Filiolos appellat, quia adhuc erant filij paruuli, non firmati, non perfecti virtute ex alto, & Ioannis 21. dixit Christus Dominus Discipulis, *Pueri nunquid pulmentarium habetis?* quod explicans Chrysolog. Ser. 78. ait: Quia eos fidei virtute repperat destitutos, & à virili robore inuenerat perdeiectos, arguit tales, pueros nuncupando; ibi erat Petrus, qui negauerat, Thomas, qui dubitauerat, Ioannes, qui fugerat: non ergo vt fortissimos milites. sed vt pueros cōpellat, vt timidos, & quos idoneos necdū deprehendit ad præliū, vt tene-ros inuitat ad mensā. At verò Iacobus, quia discipulos fortes cernebat in pressuris, & ad perfectam patientiam inuitabat, non filiolos, aut filios, sed fratres vocat, vt fortiores, & laboribus induratos.

§. I.

Omne, ac summum gaudium Sanctorum in laboribus, & arumnis ostenditur.

AGGREDIMVR igitur Sanctorum scientiā, quæ, sicut dixit Bern. Serm. ad illa verba, *Iussum deduxit Dominus*, est temporaliter cruciari, & delectari, ille enim moeret, & deflet si sibi malè sit in sæculo, cui non bene potest esse post sæculum, cuius viuendi fructus omnis hic capitur, ille poenā de aduersis mundi sentit, cui & lætitia, & gloria omnis in mundo est, ait Cyprianus lib. cōtra Demetrianum; at verò hi, quos secundum tentationū varietatem expectat & præmij magnitudo, læti, ac festiui, & quærunt tentationes, & ab eisdem inueniuntur. Vnde Dauid dixit, *Lætati sumus pro diebus, quibus nos humiliasti, annis, quibus vidimus mala*, Psalm. 39. de qua lætitia dixit Bern. Ser. 87 in Cant. Hoc genus lætitie cœli nescierūt, nili per Ecclesiæ filios & Greg. Nyss. ad ea verba Christi Matth. 5. *Beati qui persecutionem patiuntur*, ait. Fructuum qui sperantur, flos afflictio est, iam verò anima sancta visis floribus, qui æternitatis fructum inamissibilem promittunt, gaudio perfusa annuntiat, *Flores apparuerunt in terra nostra, tempus putationis aduenit*; Cantic. 2. Dum enim capita amputantur, & mēbra præscinduntur, flores martyrum apparent: & voces gaudij in Ecclesia resonant.

MERITO proinde Dauid ait, *Tribulationem, & dolorem inueni quasi bonum athleta*. Quæsiuit certamina, vt coronam inueniret, ait Ambrosius de obitu Theodosij, sed etiam gratulatur Dauid se inuentum ab eisdem tentationibus, dum ait. *Tribulatio, & angustia inuenerunt me*. Quærunt, inquit, Ambros. Serm. 18. in Psalm. 118. tribulationes, & necessitates iustum, & interdum inueniunt, interdum non inueniunt cum inuenitur cui corona debetur, non inuenitur, qui idoneus certamini non probatur. In

E 2 quam

quam sententiam facit locus ille; dum Israel adoravit Deum; conversus ad lectum suum caput. Septuaginta habent, *Adoravit Israel summitatem virgæ eius.* Quæ igitur convenientia inter caput lectuli, ubi cervical ad sustentationem capitis ponitur, & virgam, qua plerumque labores, & supplicia in Scriptura significantur? Expoluit hoc D. Hilarius Canone 11. in Matth. Nunquam dulcius sancti requiescunt, quam dum laboribus fatigantur. Vnde Hier. in regula Monachorum: Christianis vexilla crucis sunt deliciae, trophæa nostræ vitæ, non pompis, sed miseris reputantur, in nostra classe viri fortes opprobria sciunt portare, non munera, ideoque plus vobis datum est, non solum, ut credatis, sed etiam ut pro Christo patiamini.

VIDENDVS hac de re est Ber. Ser. 21. in Cantic. cum explicat ea verba sponsæ, *Trabe me post te*; quasi sancta anima nihil magis optet, quam Dominum Iesum per crucem, ac labores sequi, & comitari; peruentura quandoque ad montes gaudiorum per viam ærumnarum, ac persecutionum. Addit verò Bern. Quam pauci post te o Domine Iesu ire volunt, cum tamen ad te peruenire nemo sit, qui nolit, hoc scientibus cunctis, quia delectationes in dexterâ tuâ usque in finem: propterea volunt omnes te frui, at non ita imitari, conregnare cupiunt, sed non compati. Videndus item Chrysologus Serm. 84. cum explicat eam legationem, quam pro singulari beneficio, filius Dei commisit Apostolis, dicens: *Sicut misi me Pater, sic & ego mitto vos.* Mitto, inquit, ad tolerantiam famis, ad onera vinculorum, ad squallorem carceris, ad perferenda omnia genera pœnarum, mitto, non auctoritate adhuc iubentis, sed toto diligentis affectu. Vbi nõ vulgare beneficium diuina bonitas censet conferre Apostolis, si ipsos perferendis laboribus committat.

HIC est, quod sicut in prima hominis conditione Deus, ipsum omnis laboris, & defatigationis expertem vitam habere voluit, sic in reparatione, eiusdem laboriosam vitam, miseris, & ærumnis plenam habere voluit, & pro beneficio concessit in remedium damni illati, & felicitatis amissæ. Mirabitur iure optimo quis, dum inciderit in eum locum Genes. 12. qui ita habet: *Septuaginta quinque annorum erat Abram cum egrediretur de Haran mortuo patre.* Difficultatem subministrat ille alius locus, ubi sic ait sacer Gen. 11. Textus. *Vixit Thare septuaginta annis, & genuit Abram;* & in fine capitis additur. *Facti sunt dies Thare ducentorum quinque annorum, & mortuus est in Haran.* Qui ergo fieri potuit ut Abrâ septuaginta tantum fuerit annorum, quando egressus est de Haran, mortuo patre, si post natiuitatē eius, quæ fuit anno septuagesimo Thare usque ad mortem ipsius Thare patris Abram tantum, & triginta anni adhuc elapsi sunt? Difficultatem conspiciens D. Hieron. inquit. Hebraic. ad hunc locum, indissolubilem hanc questionem appellat: soluit tamen dicendo, ex illo tempore dies vitæ, & tempus ætatis Abrahæ reputari, ex quo peregrinari cœpit, & apud externos persecutiones, ac labores perpetuæ: ac si ad hoc solum nobis à Deo vita concessa credatur, ut laboribus, & miseris ferendis, felicem illam, ac beatam vitam acquiramus. Vnde Euseb. Emis. hom. de Sanctis Martyrib. Ephipodio, &c. Ca-

ucto,

uete, ait, ne bonam vitam, si quando afflictionibus subditam videritis, miseram iudicetis, caute ne in arena mundi, in quam ad subeundos agones missi sumus, aliquam felicitatem expectandam putetis: beatitudo parari hic potest, non potest acquiri; non hic quæras, quod nullus Sanctorum obtinuit, non hic quæras, quod nec Christus inuenit.

REQUIEM quærebat Dauid cum fugiens à facie Saülis profectus est in Maspha ad regem Moab, cuius tutelæ, ac fidei parentes suos committens, ait. *Maneat oro pater meus, & mater mea vobiscum, donec scia quid faciat mihi Deus.* 1. Re. 22. Id igitur mirum, quod statim additur: *Dixit Gadi Propheta ad Dauid: Noli manere in præsidio, proficiscere, & vade in terram Iuda.* Si ergo Dauid in præsidio, & sub vmbra Regis Moab securus erat, cur diuinitus mittitur ad terram Iuda, vbi à Saüle ad necem quærebatur? Scio aliam huius rei rationem: inseruit nobis ea, quæ est apud Carthusianum, & Hugonem Victorinum. Iubetur, inquit, abire, vt persecutionem sustineat, & vt in terra sua, & à suis, à quibus acerbiora proueniunt mala, laboribus exerceatur, & per eos victor euadat, & de persecutore Saüle triumphum erigat: is enim tantummodo vincit, qui crucem fert secum, succumbit verò, & bello premitur, qui crucem non tollit, ac tolerat, sicut dixit Cyrillus in collectan. cap. 16. præsignatumque asserit in Moyse extendente manus in crucis figuram, vt populus Israël deuinceret Amalecitas.

CELEBRIS mihi videtur locus apud Nazianz. orat. 40. cum quærit quamnam fuerit ratio cur paterfamilias, qui ad vineam suam excolendam operarios conduxerat, non maius præmium, auctamue pecuniam dedit illis, qui à primo mane ad vesperam vsque laborarunt, quam iis, quos vesperare vocauit, quique breui temporis spatio sunt operati. Respondetque, hoc ipsum amplius laborare, amplioris mercedis loco habendum est his certè, qui animo sunt non omnino illiberali, & sordido; vbi vides ipsum laborem præmij loco æstimandum, & tanquam mercedem reputandum: quod videtur dixisse, si non amplius dixit orat. 24. Pro Christo pati animi magnitudine præditis viris, ad sequentia certamina velut arrha existit; & 2. orat. de pace: nequaquã detrimentum ducimus pati, sed potius non pati, idque eo magis, quod periculorum quæ pro Christo patiuntur, gustum cepimus.

NOTANDVS etiam est locus, dum Christus Dominus ait Discipulis. *Amen dico vobis, nemo est, qui reliquerit domum, aut fratres propter me, qui non accipiat centies tantum, nunc in hoc tempore domos, & fratres, & agros cum persecutionibus;* vbi Christus Dominus præmij loco cum cæteris multiplicatis bonis persecutiones enumerat, iuxta Brixiani expositionem, qui ait: Ipsæ persecutiones, pars muneris est. Vnde iam placet ea expositio quam Hilar. Can. 31. affert ad ea verba; *Pater si possibile est, transeat a me calix iste;* vbi ait Hilar. Qui vt à se transeat, rogat, non vt ipse prætereatur, orat, sed vt in alterum, id quod à se transit, excedat, transeat calix à me, id est, quomodo à me bibitur, ita ab iis bibatur, sine spei diffidentia, sine sensu doloris, sine metu mortis; ideo autem si possibile est, quia & carni, & sanguini hominum grauis terror est, & difficile est eorum acerbitate corpora humana

E ; non

non vinci: facile autem erit si quis aduertat, & beneficia esse diuinitus concessa, & monitum esse Iacobi, dum ait: *omne gaudium existimate*, &c.

VND E iam non mirum si aliter exponamus illud Actorum 26. quàm communiter solet exponi, quando coram Agrippa dixit Paulus: *Opto apud Deum, omnes qui audiunt me hodie fieri tales, qualis & ego, exceptis vinculis his; quasi omnia bona auditoribus exoptaret*, vincula tamen tanquam peculiare bonum, in quo nullum admittit eorum sitibundus consortium, sibi soli reseruat. Videndus tamen Chrysost. hom. 33. in primam ad Corinth. vbi reddit rationem cur Paulus exceperit vincula ab aliis, quibus cætera bona exoptabat; vt qui, inquit, nondum istam gloriã nostram degustarint, vbi philosophari discent, etiam catenæ, & vinculorum decus admirabuntur.

FACIT etiam pro hac re expositio Origenis, & Nili circa illam vestium dilacerationem, quando auditis tentationibus, quæ inuictum Iobi animum ostentarunt, scidit vestimenta sua: dicunt etenim id fecisse Syrorum more, qui cum conferendæ essent cum hoste manus, vestes scindebant, & nudo pectore sese in medios hostes audacter coniciebant; quod respicit vulgatum illud Gregorij homil. 32. in Euangel. Nudi ergo cum nudis luctari debemus: nudatus igitur ipsos labores aggregitur, prouocat, ac laceffit, vel se illis obiicit, ac offert nullo operimento, sed ipso corpore ærumnas omnes suscepturus. Videndus Theod. lib. 3. Hist. Eccles. 11. dum refert de quodam adolescente, qui in tormentis semper tacuit, inde verò eductus cœpit clamare, tanquam si tunc torqueretur. Videndus etiam Basil. lib. de Spiritu sancto, c. 8. & August. lib. 2. de Ciuit. cap. 23. & lib. 4. de doctrina Christ. cap. 20. ad ea verba Pauli ad Rom. 8. *in his omnibus superamus*; vbi Græcè habetur, *superuincimus*, quod energiam habet, quàm Chrysost. ibi sic exposuit. *Superuincimus*, quia non solum vincimus, sed cum omni facilitate superamus, ita vt simus admirationi. Melius Basiliius hom. in Psal. 114. Vincit, inquit ille, is qui necessitate quapiam illatis non cedit, nec frangitur, at superuincit, qui sua sponte accersit dolores permolestos, & acres, quod suæ edat specimen patientiæ. Quod & significatum vult Orig. lib. 2. in Iob. dum vestibus se exuit, quasi nouos accerferet dolores, & saniem vulneris testa radebat, vt vires gratiæ superiores esse omni tentatione significaret. Videndus etiam pro hac re Clemens Alexand. 4. Strom. cap. 7. vbi ostendit virum perfectum impleri gaudio, dum patitur, & D. Thom. in illud Abac. *Ego autem in Domino gaudebo*; quod ipse intelligit de gaudio tribulationum, quo iusti perfunduntur, & exultant dum tribulantur. Videndus etiam Tertull. lib. ad Martyres, dum ait nihil interest vbi sitis in sæculo, qui extra sæculum estis, nihil crux sentit in neruo, cum animus in cælo est.

IN hoc sensu melius intelligentur ea verba lib. Num. 29. vbi sic habetur: *decima dies mensis septimi (qui est September) erit vobis sancta, atque venerabilis, & affligetis animas vestras*. Vbi pro eo quod nos legimus, *erit vobis dies venerabilis*, legit Origenes ibi homil. 25. *erit vobis dies propitiationis*, quasi Deus nihilo magis nobis propitiatur, quàm cum nos in afflictionibus consti

constitutos videt; unde idem Orig. addit: O mira festiuitas! dies festus animæ afflictio appellatur, quia videlicet festiuitas cum ipsa afflictione coniungitur: enim uerò gaudium cum tentatione coincidit, & ideo is, qui in tentationes varias incidit, iubetur omne gaudium inde habere.

NON bene innotescit quo pacto impletum sit illud, quod Deus dixit de Iacob, & Esau, *maior seruiet minori*, siquidem non legimus Esau aliquando serui obsequium fratri minori Iacob præbuisse; quin potius dominum suum Esau confellus est Iacob: sed quando, & quomodo illi seruiert, exposuit Augustin. tomo 2. Sermon. 78. de tempore: Seruiet, inquit, persequendo, quomodolinx, vel mallei auto; quomodo molæ seruiunt tritico, quomodo panibus coquendis fornalia. Famulatum enim, & obsequium exhibuit, dum eundem persecutus, exulare, & peregrinari coëgit. Et ad hunc sensum possumus intelligere id quod dicitur de Iacob, *honestauit illum in laboribus*; vbi Græcus Codex habet; *locupletauit in erumnis*, vel, *per erumnas*; quod non solum de diuitiis materialibus intelligendum censeo, sed de spiritualibus, unde constat ille modus loquendi apud Gueric. Sermon. 2. de Sancto Benedicto, dum ait: Poterit inuidus ille tentator seruire, sed hoc erit seruire, poterit vrere, tundere, dissecare, sed hoc erit coronas fabricare. Idem habet Euseb. Emislen. hom. de Sæcto Stephano, cum ponderat orationem Stephani pro lapidantibus: Nec mirum, ait, si eis nescit irasci, per quos sibi videt aulam Regni cœlestis aperiri, per quos æternis sæculis se intelligit consecrari, tantum abest vt in tormentis tristetur, quod pro torquentibus deprecatur.

BENE hoc agnouit Ioseph, dum fratres qui ipsum vendiderant, honorifico excepit conuiuio, nullumque malum pro malis reddidit; cuius rei rationem affert Phil. lib. de Ioseph. Aded, inquit, pœnam ab eis abstinuit, vt tanquam benemeritis daret munera reddito pretio, quasi eo vellet soluere beneficium persecutionis, eiectionis in cisternam, venditionis in Ægyptum. Facit etiam & ille locus Hierem. quem Matth. mysticè de cæde innocentum intelligit. *Vox in Ramah audita est, ploratus, & ululatus, Rachel* Hier. 31.
Matth. 23. *plorans filios suos*: quem locum D. Hilar. Can. 1. in Matth. sic explicat, vt Rachel typum Ecclesiæ gerat: hæc igitur Ecclesia in occasione filiorum noluit consolari, quia non sunt; rationem autem cur renuat cōsolari, pulchrè explicat Euseb. Emislen. Sermone de innocentibus: Noluit consolari, inquit, quia nō sunt. Sancta namque Mater Ecclesia, quanuis multum de filiorum suorum nece lugeat, consolationem non recipit, quia non sunt in tali euentu dandæ, vel suscipiendæ consolationes: vbi enim lætitia vincit lacrymas, gaudium mœrorem, gloria passionem, ibi consolatio necessaria non est, magis enim lætandum est de illa vita, quàm de ista sit dolendum. Superfluas itaque censet Eusebius consolationes vbi superabundat consolatio, lætitiaque rationes suppetunt: quod idem dixit hom. de Sancta Bandina, loquens de Martyribus Lugdunensis Ciuitatis, afferensque hunc intellectum ad eadem verba, *Rachel plorans filios suos, & noluit consolari*; dicens, Ita hæc beata parens, & triumphalium illustris patria,

tria, bellatorum tantorum diues pignorum meritis, et si ad momentum oculis inspicientium orbari visa est, nequaquam tamen indiget consolari, nec plorat filios suos, quia in videndis luctibus dum perderet, acquiescivit. Hilarius verò loco citato: *Noluit consolari, quia non sunt*, sic explicat, quia non erant mortui, qui reputabantur mortui, noluit consolari, in æternitatis enim profectum per Martyrij gloriam efferebantur: consolatio autem rei amissæ, & non auctæ præstanda est. Videndus etiam hac de re Chrysostomus hom. 3. de variis in Matth. locis cum ait: Duo diuersa in eo conspicio, quodd flet, & quodd consolari contemnit, si enim fleuit, cur consolari contempsit? aut si noluit consolari, cur fleuit? & respôdet, conditio a matre deserta, sed spe gloriæ consolatio humana contemnitur, plangit affectus: sed fides exultat.

S E D quoniam Hieremiæ locus adhuc progrediendi locum aperit, cõsiderandum utique venit, cur Rachel introducatur in necem infantium innocentum plorans filios suos, cum potius filij Liæ innocentes esset nuncupandi; vtpote quia in Bethsehem fuere occisi, quæ non in Tribu Benjamin filij Rachelis, sed in Tribu Iudæ filij Liæ sita erat, ac proinde eidem Liæ tanquam matri luctus infantium competeat; & licet multi hac de re multa dicant; dicendum utique videtur, quodd ex felicitate alterius sororis infelicitatem suam miserè deplorat Rachel, quasi lamentetur, plangitque edat ex eo, quodd filij sui non fuerint occisi, sicut sorori contigerat; perpendens quantum gaudium esset, vel in cæde filiorum tentari.

1. Cor. 1. V N D E iam licet aduertere id quod Paulus dixit, *exhibeamus nosmetipsos, ut Deum in multis patientia, quasi morientes, & ecce viuimus, ut castigati, & non mortificati, quasi tristes, semper autem gaudentes*; vbi D. Anselmus ita ait. Notandum, quia in his, quæ sunt aduersa, dictum est, quasi, ut, sicut, tanquam, quasi tristes, ut seductores, &c. In his verò quæ sunt prospera, non sic est dictum, ait enim quasi tristes, semper autem gaudentes, tristitia nostra habet quasi, gaudium autem nostrum non habet quasi, quando spes, qua gaudemus, certa est: tristitia verò nostra habet quasi, quia in somniis transit: qui somnium indicat, addit quasi, quasi sedebam, quasi loquebar, &c. nostrum quasi tristitia est, gaudium non est quasi. Vult itaque Anselmus propterea Paulum dixisse, *quasi tristes, ut castigati, &c.* quia ea omnia Paulo veluti in somnis, in figuræ, non realiter contigisse videbantur, quæ tristitia, & acerbæ erant, præ gaudio; at gaudium & lætitiâ in veritate, & non apparenter illi contigisse. Et in hoc sensu exponit Theophyl. illud ad Hebr. 12. *Omnis autem disciplina in presenti quidem videtur non esse gaudij, sed mœroris.* Vbi nomine *disciplina* labores intelligit. Ait ergo Theophyl. Pulchrè ait, videtur non esse, non enim verè est mœroris, quomodo enim fuerit mœroris, cum sit lætitiæ mater? sed nobis qui ægrè ferimus, videtur. Dictum est etiam Chrysost. hom. 5. ad pop. Calamitarum nomina, philosophantibus sunt nomina rebus carentia.

Isai. 63. Hoc ipsum gaudium in tentationibus prædixit vates Euāgelicus Isaias, dum de rege Mesiâ ita vaticinatur respectu suorum subditorum, *cum omni tribula*

tribulatione eorū non est tribulatio. Hebraice verò habetur, *non fuit tribulatio sub eis.* Quod Vatablus sic exponit: cum maximè videbantur affligi, tunc non verè affligebantur, leuante Deo afflictiones eorum, imò conuertente in gaudium, dum post prædictas persecutiones ait, *gaudete, & exultate.*

Hoc etiam ostendit Ambros. Sermone 45. in Latrone beato, qui prius, inquit, gloriari cœpit in malis sentiendis, quam puniri: non enim patitur supplicium, dum paradisum promeretur. Petro dicitur à Christo: *Non potes me modo sequi, sequeris postea;* & huic dicitur, *mecum eris in paradiso,* tanquam Discipulus ille differtur, & hic tanquam socius inuitatur. Quid ergo potuit mœstus pati, qui passionis socium Deum habet, & dolorem leuantem, & in gaudium tormenta ipsa transmutantem? Gloriam etiam in passione Latronis infert Ambrosius, quia vtrique in ea paradisus resonare videtur, & ex vtraque parte, veluti gloria clauditur, ipse postulat memoriam in Regno Christi, hic promittit eodem die cœlestem fruitionem. Mala ergo, quæ vndique comitantur bona, cur non latus excipiet, qui in eis gloriatur, & iam veluti beatus?

In quam sententiam videndus Tertull. lib. de fug. persecutionis, vbi interpretatur id quod Christus Dominus dixit Discipulis. *Cum vos persecuti fuerim in ciuitate ista, fugite in aliam;* vbi Tertul. non censet Christum Dominum voluisse, vt fugerent Discipuli persecutiones, sed potiùs ad eas tolerandas confugerent, & post tormenta perpessa in vna ciuitate, ad aliam denudò persequendi confugerent, non quasi, inquit, tacitè in aliquam ciuitatem fugiendum erat, sed quasi vbique annuntiaturis, & ex hoc vbique persecutionem subituris. Videndus etiam Philo lib. *Quod deterior;* &c. vbi ostendit Rebeccam significare patientiam, quæ promissa est in matrimonium Isaac, cuius nomen significat *gaudium*, siue *rison*, qui enim per patientiam tolerat, gaudium, & lætitiā velut coniugem, & sociam habet.

Idem Sancti, & labores irritant, & lacessunt, & inuentos se à laboribus gloriantur, ideo tentationes præmij loco excipiunt; quod prosequitur Chrysostomus hom. 6. de fide Ann. in tom. 1. nullamque consolationem admittunt, imò quasi mala, non mala sustinere videntur, quia iuxta Apostoli doctrinam, omne perfectum gaudium existimant, cum in varias incidunt teutationes. Pro qua re videndus est Greg. hom. 35. in Euangelia, cum ponderat id quod dixit Christus Dominus Luc. 21. *Capillus de capite vestro non peribit.* Caro incisa dolet, capillus incisus non dolet, cur timetis ne pereat, quod incisum dolet, quando & illud in vobis perire non potest, quod incisum non dolet?

A VGET autem rationem gaudij in tētationibus, quæ pro fide ac Christo adueniunt, si velimus hac in re Christo Domino pro nobis summo gaudio patienti rependere; quod notauit Chrysost. Serm. 35. de patientia Iob. Si pro me seruus cum gloriam existimasset, non tam in gloria esse, quam cum pro me crucifigeretur, putabat, quid me pati non deceat? audi enim dicentem ipsum, *Glorifica me Pater.* Quid ais? Ad crucem raperis cum prædo-

latus, & sacrilegis, vt execratorum hominum mortem luas sputis pollu-

Matth. 5.

Ioan. 13.

Mat. 20.

Ioan. 12.

F

tum

tum iri, & alapis pulsatum iri, & hæc gloriam appellas? multo magis ergo istam gloriam putare debeo. Notauit etiam hoc Augustinus tract. 65. in Iohannem, ubi de Christo Domino moriente cum lætitia, ait: Quam mirandi generis mors est, cui parum fuit non esse in pœnis nisi esset insuper in deliciis: Et hæc fuit causa, sicut notauit Leo Papa Serm. 10. de Passione, c. 5. cur prohibuerit fletum super ipsum: quia non decebat luctus triumphantium, lætitiā, & gaudium, quod in passionibus ad imitationem ipsius, & ex consilio Iacobi debemus existimare.

APPELLAT autem Iacobus *omne perfectionis gaudium*, quia frustra aliud in vita quaeritur, falsumque, si forte inuentum fuerit, experiemur, nam si gemitus inenarrabiles sunt, & ut loquitur Tertul. de Trinit. vel apud eum Nouatus, ineloquaces, quibus poilulat Spiritus pro nobis: meritò lætitia, cuius idem Spiritus author est, erit inenarrabilis, & gaudium perfectum, ac verum. Vnde Salomon profano gaudio dixit. *Quid frustra deciperis*: Quod Græci, ac vetus translatio reddunt: *Quid hæc facis*: & Olympiod. si exponit. Quid me allicis, ut huiusmodi rebus gaudeam? circumuagare à me longius, & absistere, deciperis enim, dum me fallaci gaudio decipere posse existimas: etenim, sicut dixit Tertullian. lib. de spectaculis c. 29. quæ maior voluptas, quàm fastidium ipsius voluptatis: Et Cyprianus lib. de pudicitia: Voluptatem vicissè, voluptas est.

VND E August. Sermone 4. de verbis Apostoli, illud, quod nos legimus, *narrauerunt mihi iniqui fabulationes*, legit, *narrauerunt mihi delectationes suas*: felix anima, quæ huiusmodi delectationibus delectatur in tua suauitate. Doce me Domine, ut suavis sit veritas, dulcis contaminetur iniquitas, similiaque habet Serm. 37. & de verbis Domini. Sæculi lætitia, ait, est impunita nequitia, luxurientur homines, turpitudine sædentur, nihil patiantur mali, & videte sæculi gaudium, longè aliter est omne gaudium.

EST O tamen, magna sint, & honesta, ait Bernard. Serm. de conuersione ad clericos, quæ mundus interim amatoribus suis erogare videtur, sed infida esse quis nesciat? certa nimirum eorum breuitas, & ipsius quoque breuitatis finis incertus: quod notauit Hugo Victorinus in Psalm. 15. & Caiet. cum ponderat Christum Dominum, cum ingrederetur ciuitatem Hierusalem, fleuisse, Luc. 19. cæteris acclamantibus: Inter tot honores, inquit, sedens super asinam flet, non extollitur, non magni facit honores, qui doloribus, clauis, cruce, mortèque clauduntur, & tam citò intereunt: quod etiam videre est in primo homine, quem Deus posuit in paradisi voluptatis, Genes. 2. Hebraicè *in homo Eden*; terram autem Eden interpretatur D. Hieron. terram instabilem, & fluctuantem, sicuti solent gaudia, & voluptates vitæ instabiles esse. Vnde Philo lib. de victimis notauit, cur in legis oblationibus prohibitum fuerit mel. Illud quoque, ait legislator, iubet oblationem omnem fieri sine fermento, & melle, neutrum ut imponatur altari dignum existimans. Mel fortassis ideo, quod hæc figura doceat profanam ducendam quamcumque voluptatem, dulcem

dulcem haustu, sed cruciatus afferentem difficiles, à quibus animam concussam labefactari necesse est. Quomodo ergo in his erit omne gaudium, si nec gaudium reperiri potest? Quod dixit Plat. in Manone, siue de veritate, *nec gaudere impiis, scia, gaudium impiorum gaudium est.*

MELIVS proinde, ac rectius gaudium, ac lætitiā in tentationibus debemus existimare, cum per eas ingrediamur gaudium Domini, omne utique, ac perfectum, cuius vel sola memoria dulces reddit tentationes, omnēque gaudium, & delectationem affert, sicut testatur David Psalm. 76. *Memor fui Dei, & delectatus sum.* Quid faciet in præsentia, qui in sola memoria delectatur? ait Bern. de verbis Apost. *Non est regnum Dei, &c.* Ideoque Card. Baronius ait in Martyrologij præloquio c. 1. o. fauus mellis a Sanctis Martyribus in persecutorum rabie coagmentandum, fauus ille mellis ex ore leonis depromptus, typicè præmonstrauit.

VND E iam licet deducere, cur luctator Iacob oblatus tibi à Laban gaudium reiecerit, quando scilicet, in scio socero, cum vxoribus ad patriā remeabat: ipsum insequutus Laban, ad eumque petachiens, ait. *Cur ignorante me fugere voluisti, nec indicare mihi, ut prosequerere cum gaudio, & cantibus, & tympanis, & citharis?* super quæ verba Philo lib. 1. legis allegoriarum ita ait. Nunc ais quidem te liberam eam mittere, re autem ipsa fateris quod detinueris eam (scilicet animam) in carcere; nam si eam cum instrumentis musicis, tympanis, citharis, aliisque singulorum sensuum voluptatibus prosequutus fuisses, non verò deduxisses. Supponens ea omnia, quæ voluptatem aliquam sensibilem ingorunt Iacobo, qui typum animæ gerit, potius captiuam detinere miseram animam, quam delectationibus fallacibus sic allicijunt. Ideoque Ambros. epist. 4. in persona Iacob sic respondet Labano talia proponenti. Quomodo nunc me dimisisses, an cum lætitiâ, quæ plena est moestitudinis? cum tympanis, & organis immoderate modulantibus? cum cymbalis animam ferientibus? sonis dissōnis? his me delectari posse credidisti? his reuocari? hæc sunt quæ ego fugi: fugi, ne me talia sequerentur, non enim talibus deductoribus ad Ecclesiam Dei peruenitur, ad quam tendebat Iacob fugiēs vmbra inanium rerum, & plausibilibus præponens seria, &c. quæ prosequitur idem Philo lib. de migratione Abrahæ.

ADEO Q V E verus cum tentationibus luctator Iacob verum gaudium in eisdem existimauit, ut nec mortuus requiem voluerit habere, sed etiam in eo statu agitationes perpeti, & experiri: id quod aduertit D. Ambros. oratione de fide Resurrectionis, ponderans, quod Iacob dixit filio Ioseph iam moribundus; *facies mihi misericordiam & veniā, ut non sepeliās me in Ægypto, sed dormiam cum patribus meis, & auferas me de terra hac.* Ait ergo Ambros. Sanctus Patriarcha Israël profugus patria, fratre, parentibus, stuprum filiæ, generi necem fleuit, famem perterritus, sepulturā defunctus amisit, trāsferri enim ossa sua, ne vel mortuus requiesceret, obsecrauit: quasi tot labores præ gaudij magnitudine ei pauci

viderentur, eosdem & mortuus voluit dum peregrinatur, petpeti; vnde & noster etiam Iacobus omne, ac perfectum gaudium in tentationibus collocavit. De falsis verò gaudiis impiorum videndus August. 8. confess. c. 22. & 14. de Ciuit. & Pl. 86. prope finem, & Ser. 37. de verbis Domini. Chrysost. homil. 5. in 2. ad Corinth. Seneca epistola 8. & epistola 60. & Plato in Philebo, vbi docet malos nulla vera læticia affici, sed similes esse febri laborantibus, & qui interdum delectari videntur, cum tamen febricitent.

§. I V.

Ostenditur gaudium in tentationibus, ex societate Dei in illis.

Psal. 90. ERIT fortassis ratio, & causa istius gaudij quam attingit Bernard. in *Psalm. Qui habuit*, Sermone 16. quodd scilicet sic tentati socium Deum habeant in tribulationibus, quod per Dauid promisit Deus, dum dixit: *Cum ijs so sum in tribulatione*; super quæ verba ita ait Beruard. Vnde scimus quodd nobiscum sit in tribulatione? ex eo vtique, quodd in tribulatione nos sumus. Quis enim sustineret? quis subsisteret? quis persisteret sine cor? Omne gaudium existimate, quoniam *iuxta est Dominus iis, qui tribulato sunt corde*: ideoque Salomon dixit de Iacobo, *Pro fugum ira fratris instum deduxit per vias rectas, honestauit illum in laboribus*. Et de Ioseph. *Venditum non dereliquit; imò descendit cum illo in foveam*. Quod expendens Ambros. lib. de Ioseph. c. 5. ait: Nihil mirum si visitet Deus in carcere positos, qui se ipsum in suis inclusum esse memorauit. Hoc ipsum dixit Dauid apertissime; *Redemisti tibi ex Aegypto gentem, & Deum eius*; vbi Vatablus sic ait: *Deum*, id est, te ipsum, quodd videaris affligi, cum hi affliguntur. Ideoque visus est in camino ignis ardentis Nabuchodonosori Regi, dum dixit: *Ecce video quatuor viros solutos ambulantes in medio ignis, & nihil corruptionis in eis est, & species quartus similis filio Dei*; vbi multi veteres Authores; sicut indicat Hieronymus, Christum fuillè existimarunt, qui venerat soluere ligamenta, & ardorem ignis mitigare.

PROBAT hoc ipsum Hieron. libro. 2. in cap. 6. Ierem. ad ea verba, *Filia populi mei accingere cilicio, quia repente veniet vastator super nos*. Licet enim, ait Hieron. septuaginta interpretes legerint; *vastator veniet super vos*, multo tamen misericordius Deus dixit, *super nos*, vt quidquid super futurum est populum, super se quoque venire testetur. Sic Hieron. qui etiam in cap. 8. Ierem. ad ea verba, *Super contritione populi mei contritus sum, & contristatus sum, super obitum me*. Respondet Deus, quodd in afflictione Hierusalem ipse iudicatur afflictus. Videndusque est in hanc sententiam Philo lib. de Ioseph. vbi respondet, cur oblitus fuerit pincerna Pharaonis Iosephi in carcere remanentis, asseritque non decere Iosephum liberari à pincerna, sed potius à Deo, quem comitem habebat in vinculis: per manum enim potentis Iacob, id est, Dei, soluta sunt vincula brachiorum eius.

Meri

Merito proinde gaudium prædicat in tribulationibus Iacobus, quæ certum socium Deum habent, & liberantem, & subleuantem. Vnde de persecutione Christianorum dixit Nazianz. oratione 2. de Pace. Hoc ex omnibus, quæ patimur, clarissimum, & magnificentissimum est, quod cum Deo periclitamur.

§. I V.

Ostenditur benignitas Prælatorum erga subditos.

OSTENDIMVS literalem rationē cur Iacobus discipulos nominaverit fratres. Illud nunc in memoriam reducimus, quæ scilicet benegnitatem, & modestiam in sibi subditos, & inferiores usus fuerit: Fratris enim nomen, totum patheticum, & affectuosum est. Quapropter & in Cantic. Sponsus, ac Sponsa sæpe eodem utuntur, & Hesiod.

Sed nec germano quisquam est æquandus amor.

Et Latinus Poëta Æneid. 7. per hyperbolen dixit.

Tu potes unanimes armare in prælia fratres.

VNDE, sicut refert Gellius lib. 13. noct. Artic. cap. 10. *Publium Nigid. argento, subtilique veriloquio, fratris vocabulum interpretatur. Frater, inquit, est dictus, quasi ferre alter.* Ea igitur fuit etiam ratio cur Iacobus discipulos, subditos, exules, afflictos, & meritis suis longè inferiores appellat fratres, ut discant maiores non superbire, subditosque fratres, & non seruos existimare. Quod dixit Iesus Sirach: *Rectorem te posuerum, noli extolli, esto quasi Eccl. 33. vnus ex eis*, quod præcipuè in verbis præstandum esse docet præsens locus.

NOTANDVS venit hic locus ille in lib. Num. vbi Dominus ad Aaronem Pontificem Maximum sic ait: *Fratres tuos de tribu Levi, & septem patris tui sinne tecum, præstos, sim, & ministrem tibi.* Cur ergo diuina Oraculum eos, quos ministros Aaroni assignat, fratres itidem nominat? Alias iam huius nominis causas attulimus, præterquam quod Scriptura, eiusdem tribus viros, fratres soleat nuncupare; modò vnus nobis adsit Oleaster: Superbiunt, inquit, nonnunquam superiores ministri, aliosque inferiores despiciunt, quasi suo Marte, & labore Sacerdotij dignitatem acquisissent. Quare voluit Dominus hic Sacerdotes, quasi fratres Leuitas habere: Sacerdotem proinde admonuit fraternitatis, & consanguinitatis Leuitarum ad eum. ut si aliquando prælatura eum super Leuitas extolleret, fraternitas memorata æquaret. Prosequitur hoc argumentum D. Gregor. 21. Moral. cap. 11. vbi ait: Omnes homines natura æquales genuit, sed pro variis meritis, aliis alios dispensatio iusta præponit: ne autem præpositi superbiant, premendus est tumor elationis: si enim apud semetipsam mens decesserit de veritate culminis, inueniet planitiem naturalis æquitatis, &c.

FACIT etiam pro hac re id, quod aptè notauit Lorinus initio 2. epist. Petri ad ea verba, quæ Christus Dominus dixit Petro, *Simon Ioannis. Data* Joan. 21.

F 3 opera,

opera, inquit ille, Simonem, non Petrum nominauit post resurrectionem, cum oues ei committere voluit, vt Pastor Ecclesie constituendus intelligeret statum, & conditionem suam, ac vilitatem naturalem.

Et Ambros. lib. 2. Offic. c. 7. idem notauit in Moyse. Quam miti sermone, inquit, appellabat populum, consecratur in laboribus, &c. Merito estimatus est supra homines, vt & vultui eius non possent intendere, & sepulturam eius non repertam crederent, quia sic sibi totius plebis mentes deuinxerat, vt plus cum pro mansuetudine diligerent, quam pro factis admirarentur. Quod idem prosequitur in Dauidis benignitate. Hinc est quod D. Greg. 5. Moral. c. 8. existimat Nabuchodonosorem ex homine in belluam diuinitus conuersum, quia in sibi subiectos ferina mente, & animo fuerat; vnde & acerba, ac aspera verba in eisdem proferre credendum est, cum tamen Bern. Serm. 29. in Cant. hoc dicat: Neque sub specie quasi corripiendi verbo acuto, & vrenti transfigere audeas vllatenus animam, pro qua Christus affigi cruci dignatus est. Et Serm. 5. in vig. Natiuit. ait: Neque hominibus sine lenitate, plusquam Deo sine fide placere possibile est. Et Nazia. orat. 17. Multa benignitate, ac humanitate perfici scio, vt quæ ad debitam gratiâ referendâ pudore ipso compellat.

Es t optimus pro hac re ille locus lib. Num. c. 10. vbi *Moyſes Hoab filio Regis Madianita cognato suo dixit: Proficiscimur ad locum, quem Dominus daturus est nobis, veni nobiscum, vt beneficiamus tibi, quia Dominus bona promissu Israel. Cui ille respondit: Non vadam tecum, sed reuertar in terram meam, in qua natus sum. Et ille: Noli, inquit, nos relinquere: tu enim nostri in quibus locis per desertum castra ponere debeamus.* Super quæ verba sic ait Rupertus lib. 1. in Num. c. 28. Plerumque persuadere elatis vtilia melius possumus, si profectum eorum nobis potius, quam illis profuturum dicamus: si eorum meliorationem nobis magis, quam sibi impendi postulamus: facile enim ad bonum elatio flectitur, si eius inflexio prodelle & aliis credatur. Neque enim Moysem ignorantia itineris angustabat, quem & ad prophetiæ scientiam cognitio diuinitatis expenderat, quem columna exterius præibat, quem de cunctis interius per conuersationem cum Deo sedulâ locutio familiaris instruebat. Sed videlicet prouidius vir, elato auditori colloquens solatium petiit, vt daret: ducem requirebat in via, vt dux ei fieret ad vitâ. Egredere itaque, vt superbus auditor voci ad meliora suadenti, eo magis fieret deuotus, quod putaretur necessarius, & vnde se exhortatorem suum præcedere crederet, inde se sub verbis exhortationis inclinaret: vsque adeo enim profunt lenia verba, vt lapideum animum emolliant, durum cor flectant, & ad viam veritatis reducant.

Ioan. 4. Quid vultis, cum eam audiret dicentem: *Quomodo tu Iudeus cum sis, bibere à me possis, quæ sum mulier Samaritana?* Quibus verbis omnem adiuturum, & occasionem visa est intercludere diuinæ doctrinæ: institit tamen mitissimus Dominus, blandoque sermone iterum aggreditur, cui illa reperiçssa ait: *Domine, nequein quo haurias habes, &c.* Quid igitur tam citò Dominum

Dominum vocat, quem immediatè, vt Iudæum execrabatur? Respondet Caietan. ibi. Priùs dixerat tu, modò dicit, Domine, incipit enim adorare Iesum audita placida responsione eius, qua ferreum, & obduratum cor emollierat. Videndus item pro hac re est Heimanus Crusierius, ante vitam Philopœminis apud Plut. vbi refert Augustum Cæsarem Cinnam Pompeij nepotem, ex consilio vxoris Liuiæ, humanissimis verbis fuisse allocutum, vt sic tandem quod feueritatem non poterat, lenitate perficeret. Videndus pro hac re Macrobi. 1. Saturn. cap. 11. dicens: *Unac putat arrogantissimum illud mansisse proverbium, quo iactatur, totidem nobis hostes esse, quot seruos? Non habemus illos hostes, sed facinus, cum in illos superbi sumus, contumeliosissimi, crudelissimi sumus, & non quantum necesse, sed quantum libet, exercere volumus in seruos.* Plura hac de re habet Seneca epill. 47. & 3. de Beneficiis cap. 22. & 28. Gentianus in Com. ad Clem. Alex. 3. Pædag. cap. 11. quibus addendus est, imò, & præponendus Aug. 19. de Ciuitate Dei cap. 15. Cyprian. ad Demetrianum, Chrysolog. Serm. 123. Plutar. lib. de cohibenda ira.

Verf. 3. *Scientes quòd probatio fidei vestra patientiam operatur.*

EXPOSITIO LITERALIS.



AM reddit rationem cur in laboribus lætandum esset, & tentationes quasi omne gaudium æstimandæ, quia scilicet aliquas secum afferunt utilitates, plurimi ducendas. In primis enim probant, & examinant fidem; electos siquidem Dominus tanquam aurum in fornace probare solet, non quòd ei innotescant, sed vt electi seipfos cognoscant, & imbecillitatem, ac inconstantiam propriam penitus contemplantur: quo pacto Christus Dominus Petri fidem probauit in mari, in lotionem pedum, in Passione, & dum ter petiit ab illo, si plus aliis cum diligeret. Deinde, vt per talem probationem, electorum fides aliis ad exemplum profit. Sic enim affirmat Paulus, persecutiones, vincula, carceres, & afflictiones, id est, tentationes suas multum profuisse Euangelij promulgationi, quoniam fratres constantiam eius cernentes, audebant sine timore loqui verbum Dei. Vtrumque docuit Nazianz. orat. 19. Quid mirum, si Sancti quoque viri malis premantur, siue ad limi quantumvis exigui purgationem, siue ad veritatis explorationem, & philosophiæ documentum, siue denique ad imbecilliorum eruditionem, qui illis fortiter aduersa perferre cõdiscunt, rebusque calamitosi minimè frangi, debilitarique? Ea tãdè utilitas quã textus assignat, est, quòd scilicet huiusmodi probatio patientiam exerceat, acuat, atque producat. Vnde Vatablus legit, *exploratio fidei patientiam parit.* Sed posita sententia Iacobi, quòd probatio patientiam operetur, contrarius illi videtur alius locus Pauli, vbi dicitur. *Patientia operatur probationem.* Si enim patientia ^{Rom. 5.} *ope-*
ratur

ratur probationem, quomodo probatio operatur patientiam, sicut hîc ait Iacobus: daretur siquidem circulatio in causis. Nulla tamen implicatio, aut contrarietas est in his locis, ut aduertunt omnes interpretes.

ET pro explicatione aduertendum est ex diuo Thoma, super epistolam ad Romanos loco citato, probationem dupliciter posse accipi. Primo modo, secundum quod est in probato, & sic probatio est ipsa tribulatio, per quam homo probatur. Altero modo sumitur pro probatum esse, & examinatum. Primo igitur modo accipitur à Iacobo, quando dixit. *Probatio fidei vestra patientiam operatur*: sic enim probatio in homine parit, ac producit patientiam. Secundo verò modo sumitur à Paulo, quando dixit, *Patientia operatur probationem*: ex eo enim quòd quis patienter tribulationem sustinet, probatus redditur, eiusque virtus inspectata magis nitet. Et fortè nihil aliud voluit Iacobus quando dixit, *Patientia autem opus perfectum habet*, id est, ostendit perfectionem virtutis. In quam sententiam dixit Cyprian. de Idol. vanit. Dolor veritatis testis. Et lib. de immortalitate, in principio: Fides tentationibus non vincitur, sed probatur; idemque habet epist. 9. vnde Epictetus Philosophus in Arriano cap. 6. *Quidnam queso esset Hercules, nisi laurus, leoque exiisset, & hydra, & ceruus, & ursus, &c.*

ALIAM rationem conciliandi hæc loca affert Beda, ut scilicet intelligatur, quòd probatio fidei patientiam operatur, quia ea ratione facit fideles per patientiam exerceri, ut per hanc fides eorum quàm sit perfecta probetur. Sed cum hoc sit in genere causæ finalis, ideo non placet quia verbum illud, *operatur*, efficientiam denotat.

NON est omitendus hoc loco Chrysolog. Serm. 110. vbi ad ea verba Pauli, *Scientes quòd tribulatio patientiam operatur*, &c. sic ait: Ecce quibus tribulationibus sustus perfectum roboratur in virum, in tribulatione, patientia, probatione, & spe. Tribulatio, fratres, velut primam iusti viri concurrit, & concurbat infantiam, sed cum inuenerit ista patientem, ad maiora adolescentem iam bonæ indolis tunc erudit. Tribulatio patientiam operatur, patientia est, fratres, quæ Christi iuuenem aptum probat esse virtutibus.

§. I.

Tentationibus, & laboribus examinatur animi virtus.

PRÆSENS locus docet gaudendum nobis esse, cum à Deo probamur, & tentamur, ut nos dignos se inueniat, quod dixit idem Deus apud
 Mai. 34. Isai. cap. 54. *Ecce ego creavi fabrum sufflantem in igne prunas*; vbi per fabrum intelliguntur tyranni, & persecutores, qui Sanctis viris tribulationes infligunt, ut probentur apud Deum, sicut notauit Nazianzen. orat. de laudibus Athanasij, & Tertullian. lib. de fuga in persecutionibus, dicens: Cum exurimur persecutionis ardore, tunc probamur de fidei tenore,
 hæc

hæc erunt ignea iacula diaboli, per quæ vſtio fidei, & conflatio adminiſtratur; etenim, ſicut dixit Athanaſius q. 7. vbi nullus eſt aduerſarius, non manifeſtantur dextri regis milites. Et Cypr. lib. de laude Mart. Quoniam nos terrenis tentationibus probat Dominus, & his ſæculi malis ſcrutator Chriſtus expendit, gratulandum nobis eſt, atque lætandum, quòd non illis nos perennibus referuat exitiis, ſed gaudet ab omni contagione purgatos. Quæ de re plura habet idem Cyprian. epistoſa 56. Etenim quod ignis eſt auro, hoc & animis tribulatio, ſordem abſtergens, faciens mundos, &c. quæ proſequitur Chryſoſtomus homil. 66. ad popul. In quam ſententiam dixit Tertullianus lib. de fuga in perſeq. In quantum iuſtitie iniquitas æmula eſt, in tantum materia eſt ad teſtimonia eius, cuius eſt æmula: dum enim iniquus iuſtum perſequitur, probatam reddit iuſtitiam eius, quem iniuſte perſequitur, ideòque Eucherius in lib. 2. Regum cap. 10. ait: Sic electorum delideria, dum premuntur, aduerſitate proficiunt, ſicut ignis ſtatu premitur, vt creſcat, & vnde quaſi extingui cernitur, inde roboratur: in eo namque oſtendimus quanta ad Deum cupiditate flagramus, ſi non ſolum ad eum per tranquilla, & mollia, ſed etiam per aſpera, & dura tranſimus.

PHILO libro de migrat. Abrah. notauit illud, quod dicitur, *venerunt in Marà, nec poterant bibere aquas, eo quòd eſſent amara, ibi conſtitit ei præcepta, & ibi tentauit eum.* Exod. 15. Eſt certiffimum, inquit, experimentum animæ in labore, atque amaritudine, alioqui non facile quòd vergat, diſcernitur. Nam multi nimis citò deſeſſi ſunt, non ferentes laborem, granem aduerſarium, manus præ languore dimittentes, ſicut athletæ, qui deſperant de victoria, alij autem progreſſi ſunt, &c. Clariùs idem Philo lib. de ſacrificio Abel, & Cain. Labor, inquit, inter præcipua bona. Hunc enim, ſi verum dicendum eſt, omnis felicitatis, omniſque virtutis principium hominibus Deus declarauit, ſine quo nihil honeſtum. Nam ſicut ſine luce videre non poſſumus, quia nec colores, nec oculi ad videndum ſufficiunt, eodem modo animæ oculus nullam virtutis actionem poteſt atrectare, niſi à labore, ſeu luce adiutus. Vbi vides, quòd ſicut colores videri, aut diſcerni nequeunt abſque luce, ita nec virtutes percipi, talèſque probari abſque labore. Vnde Gregor. 11. Moral. cap. 17. de reprobis intelligit illud: *Conſitebitur ubi cum benefeceris ei.* In hoc, inquit, mès iuſta ab iniuſta diſcernitur, quòd omnipotentis Dei laudem inter aduerſa conſitetur, quòd non cum rebus frangitur, non cum caſu gloriæ exterioris cadit, ſed in hoc magis, qualis cum rebus fuerit demonſtrat, quæ & ſine rebus robuſtior ſtat. Et Nazianz. orat. 24. Ex ipſis periculis robur Sancti viri collegerunt: Philoſophicus enim animus, ex eo quòd paſſus ſit, generoſior redditur. Auguſtinus verò in Pſalm. 36. & in Pſal. 118. Vires fidei tentatione diſcutiuntur, eadèmq; inexercitata languet. Deus perſequationibus tyrannorum, & fraudibus hæreticorum illam examinat, exploratque utrùm ſolida, conſtansque permaneat, nec ab illa deficiamus, etiamſi de hac vita, propter eam exeuendum fuerit, quibus habet ſimilia Iren. lib. 4. cap. 14. Quibus ad-
Paſz, in Epiſt. B. Iacobi. G *denſus*

dendus est Origenes homil. 23. in Num. cùm ait; Aurifex vas frequente r admouet igni, subdit malleis, rasoriis perstringit, vt purgatum fiat, & valeat ad speciem quam prospicit, peruenire. Additque, idem penitus accidere, vt quis fidelis in vas electionis euadat. Similia habet Ambrosius tract. de 42. mansionibus, & Hieron. in epist. ad Fabiolam.

Vnde Seneca libr. 1. de prouidentia ait. *Donum vitum Deus in deliciis non habet, experitur, indurat, sibi illum preparat.* Demetriusque, teste Stobæo Serm. 18. dicere consueuerat nihil sibi videri infelicius eo, cui nihil vquam euenit aduersi, quòd oporteat talem hominem, aut sibi ignotum esse, vt qui nunquam sui periculum fecerit, aut diis inuisum, quem præterierunt velut ignauum ad fortunæ conflictum. Ex quibus omnibus liquet temptationem esse probationem, qua vir sanctus examinatur, virtutes nitent, fidésque purior redditur. Solius autem fidei meminit hoc loco Iacobus, quia est substantia, & fundamentum cæterarum virtutum, sicut probauit Ambrosius Psalm. 1.

§. II.

Tentationibus patientia acquiritur.

SECVNDA temptationum, afflictionumque vtilitas est patientia; quæ inde tanquam habitus repetitis actibus acquiritur, quod eleganti similitudine exposuit Nazianzenus loco proxime citato. Ex eo enim quòd animus passus sit, inquit, vt candens ferrum frigida aquæ aspersione, ita periculis obdurescit. Impenetrabiles enim thoraces ferrea, quæ ictibus hostium, ferreisque globulis debent obistere, aqua frigida aspersa in fabricatione obdurantur. Cui addendus est Ambrosius lib. 1. de Pœnitentia, cap. 13. vbi de diabolo sanctum Iob persequente ita ait: Sic & Sanctum Iob magis armavit, postquam vulneravit, qui diaboli morsum pertulit, sed venena non sensit. Iam verò patientia armatura est, sicut probat Cyprian. libro de lapsis. Hæc igitur est armatura fortium, qua hostium incursum debent excipi, non illis infligi: vnde mille clypei pendunt ex Dauidica turri Ecclesiæ, non verò gladij, hâstæ, aut alia instrumenta offensionis: Christiana siquidem fortitudo in perferendis, nō infligendis malis consistit, in patiando, non verò offendendo pensatur. Nam sicut dixit Isai. *Iusti multarum fortitudinem*; quod exposuit Gregorius 7. Moral. cap. 8. Alia, inquit, iustorum alia reproborum fortitudo, iustorum in tolerandis malis, reproborum in inferendis. Patientiæ igitur clypeus quo labores debent excipi, eisdem fabricatur, & induratur, quasi calens ferrum aquæ frigida aspersione. Vnde Ambrosius de interpell. David: Non scindatur ferro anima tua, sed vt anima Ioseph, ita anima tua ferrum pertranseat. Sic enim legit illud quod vulgata habet; *Ferrum peritansui animam eius*, quasi anima Ioseph, laboribus indurata ipsum ferrum penetrauerit, non verò ferrum ipsam animam. Ita enim contingit animis temptationibus diu

diu probaris, qui velut globos à se expellunt, & reiciunt tentationes, eisdem minime cedentes. Quod dixit Tertullianus lib. de Patientia. cap. 8. Plus, ait, improbum cordis sustinendo; omnis iniuria, seu lingua, seu manu incussa cum patientiam offenderit (id est, inuenerit) eodem ictu dispungetur, quo telum aliquod in petra duritiæ constantissimæ libratum, & obtusum. Concidit enim ibidem irrita opera, & nonnunquam percussus in eum qui emisit, reciproco impetu seuit. Nempe idcirco quis te lædit, vt doleas, quia fructus lædenti in dolore læsi est: ergo cum fructum eius euerteris, ipse doleat necesse est amissione fructus sui. Vnde Ambrosius lib. 7. in Luc. cap. 10. notauit qua ratione voluerit Christus Dominus, vt iniurias acceptas offensibus rependeremus, quando dixit; *Qui te percussit in maxilla præbe illi & alteram.* Hoc pugno, inquit, percussit Dominus verberantem, grauiora contumacibus mansuetudo vulnera refert; fit enim vt iudicio suo ipse se damnet, & quodam stimulo sui compungatur affectus, qui relatum sibi sedulitatem pro iniuria, quam fecit, aduertit.

Hæc est ratio, quare postquam per patientiam fortes senserat Paulus Romanos, dixit eis, *Date locum ira*, non quidem resistendo, aut fugiendo, sed percutienti in dexteram maxillam, vertendo, & offerendo aliam, sicut exposuit Basilus in reg. breuiorib. 244. Orig. & Ambros. ibi. Voluit enim Apostolus, vt qui Christianum offenderet, ipsum per patientiam probatum inueniret, quandoquidem vulneribus minime cedebat, imò obduratus, & immobilis stabat.

Cum ergo militia sit vita hominis super terram, & currendum nobis sit per patientiam ad propositum certamen, sicque reportandæ promissiones, necessaria utique est patientiæ armatura, quando superanda omnis fortuna ferendo est, talique clypeo ignea nequissimi tela accipienda. Officina autem ubi construitur hæc armatura, est fidei probatio per afflictiones, quod testatur noster Apostolus, dum ait. *Probatio fidei vestra patientiam operatur.* Illud tamen notandum velim, non esse vsque adeò tribuendam patientiam laboribus, vt negemus esse etiam præclarissimum Dei donum, quod dixit Dauid: *Tues patientia mea. Domine.* Et idem fatetur cum ait. *Ab ipso patientia mea.* Quod etiam probat Augustinus Sermon. de Sancto Vincentio. Videat qui velit, viginti & sex utilitates patientiæ, apud Tertullian. lib. de eadem. & Cyprian. lib. de bono patientiæ, quæ maximè conducunt ad toleranda omnia aduersa, mente imperterrita.

Verf. 4. *Patentia autem opus perfectum habeat; ut sitis perfecti, & integri, in nullo deficientes.*

EXPOSITIO LITERALIS.



QUONIAM Græci interpretes, Beda, & emendati codices Latini legunt hunc locum per modum imperandi, *patientia opus perfectum habeat*. Quod notanter positum esse dicit Oecumenius. Animaduerte, inquit, quod non dixerit per indicativum, *opus perfectum habes*, sed, *habeat*. Non enim prædicat eam, quæ præfuit, virtutem, sed quæ accedit, & quomodo fieri oporteat, statuit. Quasi velit his verbis Apostolus: Aduertite, ut patientia habeat perfectionem suam, hoc enim est proprium huius virtutis, idemque sensus est, si legatur in præfenti.

VEL etiam erit sensus: Nolo tolerantiam vestram esse momentaneam, & infructuosam, sed perfici, & consummari per multiplices tentationes, & afflictionum sustinentiam usque ad nouissimum certamen, & ultimam pugnam. Namque aliquando patientia perseverantiam significat, ut quando dixit Christus Dominus: *In patientia vestra possidebitis animas vestras*; idem est atque in perseverantia vestra, eandem namque sententiam referens apud Matth. dixit: *Qui perseveraverit usque in finem, hic saluus erit*: Ut sitis perfecti, in fide scilicet, & integri in omni virtute, in nullo deficientes, ab exequutione scilicet operum honorum, nec tentationibus succumbentes, vel sitis perfecti in interiori dispositione, & integri in omni affectione, non deficientes in virtutum operibus. Etsi enim in hoc miserrimum luto hæreamus, & admodum imperfecti sumus, continuisque certaminibus expositi, diuina tamen gratia perfecti, & integri erimus, & eisdem certaminibus probabimur, ut perfectiores, imò perfectissimi redditi, Deo in patria listamur.

§. I.

Quàm perfectos reddat patientia Sanctos in laboribus.

T absconditam doctrinam sub labore, & patientia aperiamus; namque D. Aug. illud Psalmi, *Qui singis laborem in præcepto*, legit, *Qui abscondis doctrinam sub labore*; aduertendum est hunc locum primò ostendere, patientiam perfectos, & elaboratos reddere Sanctos, quod dixit David, *Satiabor cum apparuerit gloria tua*, ubi alij legunt; *Satiabor cum afflictus fuero ad similitudinem tuam*. Eos enim, quos præsciuit, & prædestinavit Deus conformes fieri imagini Filij sui, ad ipsius etiam imaginem, & patientiæ exemplar torqueri, & affligi permittit: qui sicut ovis non coram tonante se, sed coram occidente obmutuit; sicut prosequitur Ber. hom.

i. in

1. in *missum* est, de quo etiam Tertullian. lib. de Patientia dixit: Hinc vel maxime ô Pharisei Dominum cognoscere debuistis, patientiam huiusmodi nemo hominum perpetraret. Vnde cum ei dicerent insultantes Iudæi, quodd si descenderet de Cruce, illi essent credituri, noluit, quia patientia docebat, potentia differebat. Id enim, tanquam perfectissimum voluit docere, & inculcare potius quam ipsam Dei potentiam. Proditur enim Deus iniuriarum acerbitate, sicut dixit Ambros. lib. 2. in Luc. c. 3.

A. C. V. T. E. quidem in hanc sententiam notauit Chrysol. Serm. 101. id quod Christus Dominus dixit: *Dico autem vobis. amicis meis, ne terreamini ab his, &c.* Ad Dei amicitias, inquit, sublimatur, qui propter Deum humanas despicit mortes, nescit timores; si amicos morum facit imitatio, morum similitudo coniungit, conuenienter eos amicos vocat Christus, quos imitatione sua mundi iacula, & ipsam mortis formidinem conspiciat, & præuidet calcaturos, vobis proinde hoc dico, non omnibus, sed amicis.

H. I. N. C. est quod postquam Abraham vidit quo animo, qua patientia & taciturnitate filius Isaac se sacrificio aptauit, & gladio subiecit, à cælo prohibitus ne eundem occideret, *accepit*, inquit Paulus, *eum in parabolam*; Vatablus explicat: Accepit eum in similitudinem, vt esset similitudo Christi; nihil enim in terris sic potuit similitudinem illius hominis Christi, in quem desiderant Angeli prospicere, ob oculos proponere, quam adolescens ille, qui tantam exhibuit patientiam. Sic igitur deinde eum colebat pater, quali in eo veluti in typo, & figura hominem Deū coleret.

H. O. C. ipsum mihi videtur adumbratum in eo, quod contigit Iacob cum Esau fratre, cuius iram ex consilio Rebecca, quæ sapientia dicitur, declinauerat, profectus Mesopotamiam Syriæ, vnde cum iterum rediret memor benedictionis ablata, & primogenituræ præreptæ, quæ animum Esau contra ipsum admodum concitauerant, quemque ipse sedare curauit, currens tamen Esau obuiam fratri suo, amplexatus est eum, stringensque collum eius, & osculans fleuit, longè aliter euenit, quam quicquam polleret existimare; offensus amplectitur offensorem, spoliatus primogenitura, & benedictione osculatus eum, qui hæc præripuit, super collum eius flet. Audiamus quid dixerit Iacob: *Accipe munusculum, sic enim vidi vultum tuum, quasi viderim vultum Dei*; ac si diceret: Non mihi videris homo, quando tanta lenitate, & patientia ea, quæ aduersum te commisi superas, & omittis, & non solum offensas dimittis, sed me quoque offensorem amplexaris, & maculas iniuriarum tuis etiam lacrymis diluis, vultus iste tuus similitudinem Dei refert; nihil enim sic reddit imaginem Dei in terris, quam ea patientia, quæ in te relucet. Proinde accipe munus, & sacrificium, quod Deo in ipsius imagine offero.

V. I. D. E. N. D. V. S. Nazianz. orat. 1. contra Iulianum, vbi narrat de Aristhene Philosopho, qui cum à petulanti quodam, & audaci homine toto ore contusus, atque comminutus fuisset; in fronte dumtaxat, quasi in statua percussoris nomen inscripserat; metaphora sumpta scilicet à pictoribus, qui in picturis suis subscribunt, faciebat Apelles, verbi gratia; quod.

G 3 etiam

etiam refert Diogen. Laërt. in vita Cratetis, quem Nicodramus percussit in facie, Philosophus autem in sua fronte scripsit: *in faciebus Nicodramus.*

IN quam sententiam facit id quod Chrysost. dixit Serm. 35. de Patient.

Iob tom. 5. cum loquitur de eo bonis spoliato, vulnere percusso, patienter tamen ferente. Fingite, inquit, vobis illam auream effigie gemmatam, non tam splendido Rex solio sedet, quam tunc insignis ille, clarusque in stercore sedebat, nisi corpus vulneribus perterebat, interiores radij non emicuisissent, nisi in stercore constitisset, diuitias eius non noueramus. Posset verò quis imaginì aureæ patientiæ subscribere, faciebat persecutio, perfecit patientia. Vel etiam possemus ex doctrina eiusdem Chrysostomi prædictorum Philosophorum mentem explicare, qui hom. 1. in Psal. 50. ait: Hæbent imagines superscriptiones præfixas, in quibus scriptum est, quod prælium vicerint, idèque nomina offensorum in facie posuerunt, ut ostenderent se de illis per patientiam triumphasse.

OPVS etiam perfectum habet patientia, quod Deus in laboribus incepit, per patientiamque construxit, & perfecit in cælo. In quem sensum

Thren. 1. possumus adducere locum illum Hierem. *Cogitauit Dominus dissipare murum iherusalem, & erigendos parietes, sed in opere patientiæ edificatur, dum terrena habitatio deiicitur, bonaque temporalia amittuntur, & lapides qui in-*

feruiunt huic ædificio, probati quidè sunt, tunctionibusque & pressuris expoliti, dumque percutiuntur, simul perficiuntur, & eriguntur, quod fate-

Psal. 14.

tur David, cum dixit, *Tribulationes cordis mei multiplicatae sunt;* vbi D. Hieronym. ex Hebr. Tribulationes cor meum sursum ferri fecerunt, creuerat

vtique opus illud donec perfectum redderetur in cælesti Ciuitate. Vnde D. Basil. in Psalm. 33. Illa cælestis Hierusalem non est bellatorum spoliū, sed longanimitè, & mansuetè omnia tolerantium sperata hæreditas. Quibus habet similia Chrysost. hom. de patientia Iob. Vnde ad illam per patientiam currimus, sicut dixit Paulus, vel etiam volamus, sicut notauit

Iob. 5.

Gregor. 6. Moral. cap. 7. ad ea verba: *Homo ad laborem nascitur, & auis ad volatum.* Quia, inquit, inde mens ad summa euolat, vnde caro infimis durius (id est, patiētius) laborat. Annon quasi auis Paulus ad volatum natus fuerat, qui tot aduersa sustinens dicebat: *Nostri autem conuersatio in cælis est?* Volut auis ergo ima transcendit, quem adhuc corpore in terra demorantem iam iam in sublimibus spei plena subleuabat penna.

EST optimus pro hac re ille locus 2. Corinth. 11. vbi Paulus innumeros penè labores perpeßos enumerat, cum ait: *Ter virgis cæsus sum, semel lapidatus sum, ter naufragium feci, &c.* postea verò subdit, *Venio nunc ad reuelationem;* & præclara in se à Deo collata beneficia pergit recensere. Videnturque ordinem prorsus inuertisse, cum præ omnibus, sicut notauit Chrysost. Dei beneficia ob oculos proponere debuisset. Sed ad rem præsentem præclare Orig. homil. 9. in Num. Enumerat, inquit, se super cæteros in tribulationibus fuisse; quò ostendat in his gloriam Domini consequi potuisse; quasi rectè probasset ex laboribus exantlati gloriam adeptam. Nec minùs facit

facit id, quod notauit Chrysost. Serm. 123. dixisse scilicet Abrahamum diuiti epuloni, Lazarum recepisse in vita mala, postmodum verò consolari: id sufficit, inquit ille, ad gloriam, si non fecit bona, sed recepit mala. Quasi recte inferatur, bona cœlestia asitura illi, qui mala in presenti patienter sustinuit. Opus ergo perfectum habet patientia, cum ad gloriam vsque perficienda ascendat dum ptemitur, euolet dum violatur.

N 151 forte patientia opus perfectum habeat, dum naturalem perfectionem longe superat. Haec etenim in agendo perfectionem constituit, at verò patientia in patiando, & tolerando opus perfectum habet, sicut etiam ex defectibus perficitur. Ea enim quæ amissimus (si patienter toleremus eorum amissionem) nobis ad perfectum profunt: quod notauit Chrysost. hom. 35. de patientia Iob. loquens de iis, quæ amittimus. Licet tibi, si talia pateris, tanto affici præmio, quanto si ea vltro erogares: cuius rei rationem reddit idem Chrysost. hom. 68. ad pop. Quoniam quidem bene mereri dando, est anima fructus, & voluntatis: pati verò, est infestatio, & violentia, quæ perfectum opus habet, si toleretur. Perfectionem verò, quæ in patiando reperitur, prosequitur Gregor. lib. 5. Moral. cap. 13. vbi ponderat ea verba Eliphæ ad Iob. *Vbi est timor tuus, forisudo tua, & patientia tua, & perfectio viarum tuarum?* Quibus verbis ordinatè enumerat virtutes, perfectionemque apponit patientiæ. Ait ergo Gregor. Quia perfectio de patientia nascitur, statim post patientiam, viarum perfectio subinfertur. Ille enim verè perfectus est, qui impatiens non est.

F A L L O R, nisi perfectio patientiæ satis comprobetur ex eo quòd cum diabolus cæteras omnes virtutes aggredi audeat, hanc admiratus fugit, & iuxta hanc positus obmutescit; quod notauit Tertull. lib. de Patient. cap. 16. quod etiam prosequitur D. Chrysost. Serm. 35. de patient. Iob. Cum esset Iob, inquit, in possessione bonorum, diabolus suspicionis aliquid habebat. Non gratis, inquit, Iob te colit; postquam autem pecunias abstulit, eumque omnibus nudum reliquit, tunc ostensum est deinde impudens os eius, nihilque quod præterea diceret habuit, &c. tunc victus cessit. Quid est diabole quòd ita fugis, &c. meritò proinde tanquam perfectissimæ virtuti tribuitur corona, ac palma cœlestis, ideòque viginti quatuor illi seniores ad Regni gloriā, & coronā euecti, dū procidentes dicunt Agno, fecisti nos Deo nostro Regnū .i. Reges, (vñ habet Græca lectio) & Sacerdotes, & regnabimus si per terrā. explicant scholia Græcanica: per tolerantiam afflictionum, Regni victoriæ corona insigniti sumus, hoc enim perfectum opus reddit patientia. Vnde Paulus volens se perfectū Apostolū probare dixit. *Signa Apostolatus mei facta sunt super vos in omni patientia, in signis, prodigiis, & virtutibus;* vbi patientiā signis, & prodigiis vides anteposuisse: qui enim bonum certamen vsque ad finem seruando certat, se perfectum probat.

M E R I T O interrogabit quis, cur cum Dominus omnia ablata bona duplicata reddiderit Iobo, filios non item restituit, nisi quo numero fuerant ablati: rationem reddit Tertul. lib. de Patientia. Sustinuit, inquit, tam voluntariā orbitatē, ne sine aliqua patientia viueret. Quātuncūque enim certa

certamen patientiæ vicerat, quo tandem in fine meliùs triumpharet, voluit diu, per totamque vitam, filiorum mortes pati.

L I C E T autem diuus Thom. per opus perfectum intelligat opus priuilegiatum, scilicet opus Martyrij, in quo perfectissima charitas relucet, non indiget quidem patientia hoc opere ad perfectionem, cum ipsa martyres faciat sine sanguine, sicut dixit Chrysost. hom. 33. in 1. ad Corinth. Relucetque etiam in patientia charitas, quatenus omnia suffert, semperque credit, & spem infractam conseruat, & non solum ea, quæ patitur, tolerare amat, & persequentem diligit: quod notauit Gregor. hom. 7. in Ezech. Patientia, inquit, vera est, quæ & ipsum amat, quem portat: nam tolerare, & odisse non est virtus mansuetudinis, sed velamen furoris, quibus habet similia Tertull. cap. 15. de Patient. ideoque patientiæ in nullo deficienti sola restat, ac debetur corona gloriæ: illa enim vera terra promissionis, non in gladio possidetur, sicut dixit Ambros. Psalm. 43. neque brachio capitur, sed patientia possidetur, & acquiritur. Nisi tandem illud sit opus perfectum, quod vult Apostolus vt habeat patientia, si omne gaudium quis existimans, & cum Apostolis gaudens patiat. Nam, sicut notauit Bern. Serm. 3. de Circumcisione: Si moleste expeperis sustinere, etiamsi exterius impleas, non est hæc virtus patientiæ, sed velamen malitiæ.

§. I I.

Perfectio patientiæ in perseuerantia patiendi probatur.

P O T E S T etiam esse sensus huius loci, vt non semel, ac iterum solum aduersus tentationes obluetumur, sed vsque ad finem decertantes perseueremus, sicut dixit Paulus; *In disciplina perseuerate*, hoc est, in flagellis, & laboribus, vnde patientia Græcè dicitur, sustinentia. Potestque hæc expositio confirmari ex D. Hieronymio, ad Rom. cap. 2. vbi per patientiā, perseuerantiā intelligit, dicitque: Tunc erit perfectum opus, si vsque in finem perseuerauerit. Ea enim perfecta, & consummata est patientia, quæ ad vltimam vsque persecutionem immobilis perseuerat; quod docuit Orig. lib. 2. in Iob, quando in persona eiusdem Iob ait: *Quandiu tu percutis, ego sustineo*: quasi perfectæ patientiæ mensura sit permanentia in tolerando. Et Bernard. epist. 129. Perseuerantia, inquit, meretur viuus gloriam, coronam virtutibus: prorsus absque perseuerantia, nec qui pugnat victoriam, nec palmam victor consequitur. Tolle perseuerantiam, neque obsequium mercedem habet, nec beneficium gratiæ, nec laudem fortitudo. quibus habet similia D. Gregor. 2. Moral. cap. vlt. & eodem lib. cap. 4. ait: Per Moysen caudam hostiæ in altari offerre præcipimur, vt videlicet
Exod. 19.
& Levit. omne bonum, quod incipimus, etiam perseuerante fine compleamus. Et
3: in Scriptura finis, & victoria idem sunt, vt patet ex titulis Psalm. *in finem*, id est, pro victoriâ consequuto. Thren. 3. *Periit finis meus*, Arias vertit, *durationem*, Pagninus *fortitudinem*. Lxx. *victoriam*. Idco Aug. Serm. 86. de diuersis.

In cru

In cruce per totam istam vitam debet pendere Christianus : non enim est in hac vita tempus euellendi clauos. Quid enim proderit vno, vel altero certamine superato, tandem persecutori manus dare? Ea siquidem est patientia, quæ perfectum opus habet.

In hanc etiam sententiam videndus est Philo lib. *Quod omnis probus sit liber*, ubi ait: Spectaui aliquando certantes, alterum obtundentem pugnis, totis viribus contendentem ad victoriam, tandem lassum, & infortunatum discedere: alterum tanquam saxum, ferreumque nihil plagis cedere, solaque patientia superare aduersarium, & ad extremum adipisci victoriam; huic similem bonum virum censeo, qui validè confirmatus, certo animi proposito efficit, ut aduersarius prius delassetur inferendo iniurias, quam ipse quicquam agat præter animi sui sententiam. Cumque per illatas iniurias, earumque tolerantiam sanctitas veluti elaboretur, ea, quæ vsque ad finem confirmata non fuerit, perfecta nequit esse.

Pro qua re videndus est ille locus Plin. lib. 35. cap. 10. ubi de Parrhasio pictore ait. *Confessione artificum in lineis extremis palinam adeptus est. hac in pictura summa sublimitas, corpora enim pingere, & media verum, est quidem magni operis, sed in quo multi gloriam exiulerint, extrema corporum facere, & desinens pictura modum includere, rarum in successu artis inuenitur: ambire enim debet se extremis ipsa, & sic desinere, ut promittat alia posse, ostendatque etiam quæ occultat.* Vbi totam perfectionem in conclusionem, & deductionem ad perfectum finem collocat, quam in perseverantia virtutum constituimus, & in deductionem vsque ad finem vitæ, & terminum figuræ huius mundi quæ cito præterit. Namque, sicut dixit Bernard. epist. 78. cepisse nihil proderit, nisi perseverare contigerit. Quod videtur significatum in veste Sacerdotali, in cuius fimbria, & sine iussa sunt appendi malogranata, quæ sola inter cætera poma coronam à natura videntur meruisse, ut significatum intelligeremus, eam solam virtutem, quæ ad finem vsque peruenit, & ad ultimum perseverat, esse coronandam gloria, & pro regia habendam. Cui doctrinæ consonat id quod Bern. dixit epist. 109. Studete perseverantiæ, quæ sola virtutum coronatur. quæ de re multa etiam habet idem Bernard. epist. 129. ubi perseverantiam appellat forem patientiæ. Videndus est hac de re Euseb. Emis. hom. 5. ad Monachos. Orig. hom. 5. in Genes. Cyp. epist. 7. Hieron. tom. 9. in cap. 8. 2. ad Corinth. Ea itaque perfecta patientia est, quæ immobilis ad omnes conflictus perseverat, & triumphatrix evadit.

Verf. 5. *Si quis autem vestrum indiget sapientia, postulet à Deo, qui dat omnibus affluentem, & non impropere.*

EXPOSITIO LITERALIS.



Ac est secunda huius capituli exhortatio de vera, salubri, & Christiana sapientia à Deo summis precibus exquirenda. Sunt autem, qui hæc sapientiam restringunt ad doctrinam de patientia. Ideoque *Pater in Epist. B. Iacobi.* H. D. Thom.

D. Thom. ait: *Si quis vestrum indiget sapientia* .i. sapida scientia ad condiendam amaritudinem tribulationum, vel ad degustandum prædictæ patientiæ fructum, ostenditque perfectæ patientiæ radicem esse sapientiam, quia
 2. Cor. 11. *patiens multa gubernatur sapientia*, vnde Paulus ait: *Libenter suffris insipientes, cum suis ipsi sapiemes*, id est, ex eo qui avos reputatis sapientes, debetis patienter tolerare insipientium iniurias. Et Salomon Prouerb. 19. *Doctrina viri per patientiam dignoscitur*, vbi vox Hebræa *חכמה* *scherbel*, intellectum significat. *Qui non est iustus quid scit? Sapientia enim non inuenitur in terra sicut vinetum.*
 Eccle. 34. *Probat. 26*

Alti verò intelligunt prudentiā supernaturalem, quæ spiritus vitæ vocatur à Paulo, de qua dictum est, *Testimonium Domini facit sapientiam præstans parulis*. Vnde & Oecumenius ait, probationem, ac tolerantiam in afflictionibus, non esse opus quorumvis hominum, sed eorum, qui secundum Deum sunt sapientes, propterea ad sapientiæ postulationem impellit eos. Et Beda; Si quis vestrum non potest intelligere vtilitatem temptationum, quæ fidelibus probandi causa eueniunt, postulet à Deo tribui sensum, quo dignoscere valeat quanta pietate pater castiget filios, quos æterna hæreditate dignos efficere curat.

Et ne quis diffideret se petentem sapientiam posse consequi: ad allucandos animos, precesque sedulo pro sapientia fundendas, summam Dei liberalitatem proponit, qua omnibus affluenter tribuit: vbi Græcam vocem alij reduunt *benignè*, alij *absolutè*, alij *candido animo*, sed melius, *oberrimè, largissimè*. At verò August. Hieron. & cæteri Patres Latini legunt cum vulgata, *affluenter*, quod significat effusam liberalitatem Dei; iuxta illud Pauli, *Dives in omnes qui inuocant illum*. & alibi: *Potens est omnia facere superabundanter, quam petimus, aut intelligimus*. Est autem diuinæ liberalitatis conditio, quod nulli deficiat, & omnibus præsto sit, sine personatum acceptione, sicut notauit hic D. Thom. Secunda verò conditio est, quod Deus sua beneficia non impropere, siue non exprobet, vt vertit Vatablus. Quæ omnia lucidiora fient ex apposita doctrina.

§. I.

Ostenditur connexio patientiæ cum sapientiâ.

Hic locus in primis iuxta ea, quæ notata sunt circa literam, ostendit veram patientiam simul cum sapientia reperiri, quod dixit Sapiens
 Prov. 14. *Multa prudentia vir tolerans est, intolerans validus stultitia*. Quem locum notauit Chrysost. hom. 33. in 1. ad Cor. vbi ait: Patientia vniuersæ Philosophiæ radix, charitas omnia suffert; duce scilicet Sapientia. Et Prouerb. 19. dixit Salomon. *Doctrina viri per patientiam noscitur*; quorum verborum sensus est, quem habet Gregor. homi. 35. in Euang. à quo mutuatus est Beda in Commentario: ex patientia hominis cognoscitur, quod doctus sit ac prudens. Vnde Cyprian. lib. de Patientia, post Tertull. loquens de Philosophis. *Tam falsa*, inquit, illis patientia, quam sapientia fuit; conuenit autem prædicta

dicta expositio cum Hebræo, ubi habetur, *Intelligentia hominis differre faciem eius*, & ut quidam sapiens dicit, teste Oecumenio, *Ira perdet sapientes*. Facit etiam ille locus Sap. 10. cum de sapientia sic ait: *Hæc in filij misericordia fortem custodiu*, i. patientem, ne viscera eius nimis commouerentur, quominus alacri animo filium immolaret, ut bene explicat ibi Brixianus. Quibus habet similia Augustinus lib. de Patient. quam dicit comitem sapientie.

In quam sententiam notauit Orig. hom. 10. in Genes. Rebecca, quæ exponitur *patientia*, non habuisse ornamenta usque dum ea recepit à seruo Abraham, qui venit quærere uxorem filio domini sui. Ait ergo Origenes: Putamus, quia pater Rebecca vir diues, non habebat brachialia, & in aures, quas imponeret filiz suæ: Tanta eius aut negligetia erat, aut auaritia, ut filiz ornamenta non daret? Sed Rebecca non vult de auro Batuelis ornari, non sunt ei condigna ornamenta hominis barbari, & imperiti: de domo Abraham requirit monilia, quia patientia de domo sapientis ornatur: nõ potuerunt ergo aures Rebecca recipere decorẽ suum, nisi veniret puer Abraham, & ipse eas ornaret: sed hæc prius accipere non potuit, nec mereri, nisi venisset ad puteos haurire aquam. Vbi vides patientiam ad domum sapientis vocari, ut in ea commoretur, & coronetur, & in ipso labore, & exercitio oriendi aquam, patientiam insignibus sapientis exornari.

H v t c allegoria alteram annexere non erit iniucundum, quam habet Philo lib. de plantat. Noë, ubi notauit id quod dicitur: *Prospiciens Abimelech, Rex Palaſtinarum per fenestram, vidit eum* (i. Isaac) *iocantem cum Rebecca uxore sua*. Ait ergo Philo: Is Isaac, qui risus exponitur, ac lætitia, quam conuenit ludere cum tolerantia, Rebecca Hebræis nominata, quasi dicat: Gaudium in brachiis patientiæ reperitur, inuicem sese amplectuntur, alternisque ludit vicibus, quod ipsum Iacobus noster dixerat, *Omne gaudium existimate, cum in temptationes varias incideritis*: quod insuper notauit Clemens Alexand. 1. Pædag. c. 5. O prudentem, inquit, ludum, ac disciplinam, risus à tolerantia adiuuatur. Rex autem (scilicet qui hunc ludum videt) cui nomen erat Abimelech, mihi videtur esse quædam supramundana sapientia, quæ considerat mysterium, nisi enim sit sapiens, non potest hunc congressum, & complexum lætitiæ, & patientiæ considerare. Solus igitur sapiens hoc videt, & considerat. Quod enim aliud negotium sapientem decet, quam ludere, gaudere, hilarescere cum honesta tolerantia? Et hæc est ratio, quare in solis sapientibus tolerantia reperiatur, quia & illi soli hunc ludum spectant.

Gen. 26.

V N D E non mirum si sapiens patientia prudens consilium præbeat, & difficillimis occurrat negotiis: quod notauit Ambros. lib. 2. de Iacob, & vita beata, cap. 4. quando scilicet Esau in corde suo dicebat. *Veniens dies luctus patris mei, & occidam Iacob*: Rebecca verò hoc sciens, vocat filium, consiliumque de fuga præbet. Veniat, inquit Ambros. Rebecca, hoc est, inducatur patientia, bona custos innocentie, suadeat ut ira locum demus, offensioni subrepat obliuio, mater pia abesse sibi dilectissimum filium to-

Gen. 27.

H 2 lerat,

lerat, plus ei collatura, quàm lasit, utrique tamen consulens, ut alterum immunem à periculo, alterum integrum præstaret à crimine. Quia sic potuit consulere, nisi prudens tolerantia? Quis vultque vtile consilium apponere, nisi sapiens patientia?

lib. 28.

Vnde iam patet quare dicatur non posse comparari sapientiam vitro, quod non solum referendum existimo ad pretium, in quo tunc temporis vitrum, vel gemmæ (si ita intelligas locum) habebantur, sed ad id, quod per vitrum potest significari, quasi sit sensus: Nullam proportionem ad sapientiam habet is, qui si vel in leuē incidat tentationem, velut vitreus frangitur, & comminuitur, talis nec sapientiæ comparabitur, neque eam comparabit. Nam, sicut dixit Seneca epist. 60. *Vir sapiens ad omnem incursum inuictus, non si pauperias, non si ludus, non si ignominia, non si dolor impetum faciat, pedem referet, usque adeo patiens est vir sapiens, & perfecta patientia, cum sapientia reperitur;* quam tamen à Deo postulandam docet Apostolus. Hæc enim sapientia, quæ in patientia delitescit, non cuique obuia est, neque opus quorumuis hominum, ait Occumen. sed eorum, qui secundum Deum sapientes sunt, & à Deo id consequuntur. Vnde Chrysost. lib. 2. de adorando Deo ait: *Quemadmodum ciuitas, quæ muris cincta non est, facile venit in potestatem hostium, propterea quod absit id, quo fuerat hostis incursum arcendus, sic & animam non munitam precibus diabolus facile in suam redigit ditionem, nec multo negotio omni scelerum genere implet.* Postulanda proinde summis precibus à Deo est huiusmodi sapientia.

§. I I.

Sapientia rerum cælestium à Deo postulanda est.

DIXIMVS secundum aliquorum sententiam hunc locum significare, à Deo postulandam esse sapientiam, quæ requiritur ad cognitionem eorum, quæ conducunt ad salutem; quæ expositio est diui Cyrilli Alex. 1. Dialog. de Trinit. & August. lib. de sancta Virginitate cap. 42. & multorum ex recentioribus, quam sapientiam videtur definiuisse Aug. lib. 1. contra Academic. cap. 3. dum ait: Sapientia mihi videtur esse rerum humanarum, diuinarumque, quæ ad beatam vitam pertineant. Et ante August. Lactan. lib. 3. cap. ult. Qui vult sapiens esse, & beatus, audiat Dei vocem, discat iustitiam, se contrarium suæ natiuitatis norit, humana contemnat, diuina suscipiat, ut suum bonum, ad quod natus est, possit adipisci. Hac igitur sapientia indigemus ad ea omnia, quæ ad salutem pertinent: qua ratione dixit D. Amb. Ser. 14. in Psal. 118. Tu imitator esto Dei, quomodo imitator: ut omnia per verbum facias, nihil sine verbo, sicut per Verbum diuinum cõdita sunt omnia, quod est Sapientia Patris, ita & tu sapientia comitatus ad quamcumque actionem eliciendam progredere: quod enim inde consequitur, illud est, ut quæcunque iuxta normam sapientiæ feceris, quantumuis exigua videantur, reuera magna sint. Namque, sicut dixit

dixit Philo, sapientis nullum opus est exiguum, lib. de Abraham.

An postulandam verò hanc sapientiam, dicit necessariam indigentiam, id est, cognitionem illius indigentia, *si quis indiget sapientia*: quisquis enim se reputat sapientem, ad hanc sapientiam ineptus est. Quod notauit D. Gregor. 13. Moral. cap. 14. ad illa verba Iob, cap. 17. quando amicos alloquebatur. *Sequitur vos omnes conuerimini, & venite, & non inueniam in vobis ullam sapientem*. Quæst, inquit, Gregor. quòd eos ad sapientiam vocat, & tamen optat ne illos sapientes inueniat, nisi quòd ad veram sapientiam venire non possint; qui fallæ suæ sapientiæ fiducia decipiuntur de quibus scriptum est: *Ve qui sapientes estis in oculis vestris, & coram vobismetipsis prudentes*; & quibus rursus dicitur Roman. 12. *Nolite prudentes esse apud vemetipsos*. Unde idem prædicator egregius hos, quos carnaliter sapientes inuenerat, ut sapientiam veram perciperent, priùs fieri stultos quærebat; indigus igitur postulet. Hæc enim scientia est, quam cognouit Bern. epist. 107. dum ait: Scientiam non lectio, sed vnctio, non litera, sed spiritus, non eruditio, sed exercitatio in mandatis Domini, &c. Est enim hæc sapientia contraria in omnibus mundanæ scientiæ, de qua dicitur, *Sapientes sunt, ut faciunt mala, bene autem facere nesciunt*; de quibus sapientibus D. Thom. præfatione in epistolas Canonicas ait, quòd sicut Vrias portant literas mortis suæ; Literas, inquit, mortis suæ portant viri literati, qui sciunt, & docent, & non faciunt. Itæ sunt literæ sine sigillo, id est, scientia sine vita, & ideo non creditur eis. Vnde August. lib. medit. c. 5. Abs te sapere, est desipere, te verò nolle, est perfecte scire.

VE R A ergo sapientia est, qua & Deum, & eius præcepta, ac verba cognoscimus, eundemque veneramur, ac diuinas personas colimus, ac cognoscimus. Deus verò fidem nostram variis tentationibus explorare solet, ut sic probati, & patientia integri ab eodem coronemur: hæc, inquam, donum Dei est, ab eodemque postulanda, sicut testatur Ecclesiast. cap. 1. *Omnis sapientia à Domino Deo est*; à quo Salomon eam consecutus est. Ipse dat sapientiam sapientibus, & Philosophis; ac Isaias, & Paulus eam inter dona Spiritus sancti enumerant. Ideoque August. lib. de natura & gratia c. 16. ait: Non solum adimpletionem præceptorum Dei pendere ex gratia libero cooperante arbitrio, verum eadem nosse, & intelligere. Cur enim, inquit, oratur, ut accipiatur, si ab homine est, ut habeatur? Cui subscribit Ambros. lib. de 42. mansionibus filiorum Israël mans. 27. & Cyrill. Alexand. lib. de Adoratione in spiritu, & veritate. Si enim ad cognoscendas omnes veritates naturales collectiue sumptas sine admixtione erroris, necessaria est aliqua gratia, ut ostendunt Theologi 1. 2. q. 109. quanto magis ad cognoscenda præcepta Dei.

Q V O D autem verba Dei scripta non cognoscamus sine Dei adiutorio, ostendit Bernar. lib. de vita solitar. dicens: Quo spiritu Scripturæ factæ sūt, eo spiritu legi desiderant, ipso etiam intelligendæ sunt, nunquam ingrederis in sensum Pauli, donec vsu bonæ intentionis in lectione eius, & studio assidue meditationis spiritum eius imbibereis. Quibus habet similia

Athanas. lib. de Incarnat. Verbi. Cyrill. Alexand. 1. contra Iul. Cyrill. Hieroso. Cathechesi 13. Cassian. collat. 14. c. 14. Beda in cap. 23. Prouerb. audiendūque Ephrem lib. de armatura spirituali c. 8. Cum te, ait, ad legendum, siue etiam ad alium legentem audiendum paras, primum ora Dominum. Domine Iesu Christe aperi aures, atque oculos cordis mei, vt audiam, & intelligam, & faciam voluntatem tuam. Pietati itaque in primis studendum, & precibus incumbendum est iis etiam, qui seriō literis operam nauare vtilem, & salutarem cupiunt.

C O G N I T I O etiam Dei ab eodem postulanda, & excipienda est. *Mat. 11. nemo enim nouit Patrem, nisi Filius, neque Filius, nisi Pater, & qui voluerit Filium reuelare.* Matth. 11. & Petro post confessionem dictum est: *Cave, & sanguis non reuelauit tibi, sed Pater meus, qui est in cœlis.* Et Irenæ. lib. 4. cap. 14. Deum scire nemo potest, nisi Deo docente; & Gregor. 5. Moral. cap. 26. Deus nobis multum proficientibus parum de se aliquid sensibus nostris aperit, si tamen dici in illo parum, vel aliquid potest. Facit & illud August. toties repetitum; Trinitas beatissima sibi sola nota est. Et Philo lib. de præmiis, & poenis. Solem hunc visibilem num alia re, quàm Sole ipso adiuti cernimus? Lucis aspectum nonne luci debemus? Ad eundem sanè modum etiam Deus per seipsum illustrat sui notitiam, cooperante nemine, quod ea res excedat vires omnium. Proinde August. Soliloqui. c. 5. Semper cæcus fuissē, nisi me tu illuminasses. Et 4. Confess. c. 16. Scis tu Domine, quia & celeritas intelligendi, & discernendi acumen donum tuum est. Cum igitur ex nostris tantam inopiam patiamur, & ad tam multa indigeamus sapientia, necessarium nobis est eam à Deo summis precibus postulare. Nam qui remedium non querunt suæ egestati, digni sunt qui in ea tabescant, sicut dixit Augustinus lib. de Natura, & Gratia cap. 17.

§. I I I.

Proponitur affluentia diuinæ liberalitatis.

C O G N O S C E N S diuinam liberalitatem Iacob dixit fratri suo: *Summe benedictionem, quam donauit mihi Deus, tribuens omnia;* vbi pro cognomine diuinitatis ponitur, quod omnia tribuat; idque dixit Philo lib. de somniis. Secundum naturam conuenit Deo dare, imò ipsa natura Dei est dare: quod prosequitur D. Thom. 1. contra gent. cap. 39. vbi ait, liberalitatem esse virtutem maximè propriam Dei, quia solus se cōmunicat, sicut fons bonitatis. Et Aug. tract. 19. in Ioan. Deus tibi totum est. Si esuris, panis tuus est, si sitis, aqua tibi est, si in tenebris es, lumen, si nudus, immortalitate tibi vestis est. Et Bern. Sermon. 3. de Circuncis. Totus mihi datus, & totus in meos vsus expensus; & Ser. 57. in Cant. Non est, qui similis sit tibi, munerator copiosissime, remunerator æquissime, gratis respicis humiles, misericorditer saluas peccatores. Quibus habet similia Hieron. ad Tryphonem. Et Chrysost. hom. 9. in epist. ad Roman. & Ambros. in Mal. 1.

EXPENDIT autem Chrysost. hom. 14. in Gen. summam Dei liberalitatem,

tem, qui prior nobis semper est in donis, nulla ex parte nostri expectata ratione. Quis prodignitate, ait, admirabitur communis omnium nostri patris liberalitatem? Cum nullum adhuc bonitatis specimē prae se ferret Adam, tanta à Deo beneficia accepit. Neque enim dimidiatam illi dedit rerum fruitionem, neque à pluribus abstinere iussit, & ceteris frui: sed participem omnium, quæ sunt in paradiso, esse voluit, ab vno solo ligno abstinere præcepit, monstrans re ipsa, nullius alterius gratiâ hoc ipsum se facere, quam vt tantorum beneficiorum auctorem cognoscere posset. Sicut autem in reconditis diuinæ prædestinationis mysteriis Paulus peritus cæcutiens ad diuinas sapientiæ Dei diuitias recurrit, sic & nos in diuinæ affluentiae pelago omnes capiente, debemus recurrere ad diuitias diuinæ liberalitatis, non enim aliunde videtur emanare hæc in omnes affluentia, nisi ex summis diuitiis bonitatis diuinæ.

M V R M V R A V E R A T ingratus populus contra Moysen & Aaron, qui allium potius, & cepe, quam cælum flagrare malebat, sicut eleganter loquitur Tertull. lib. contra Psychicos cap. 5. Volens verò diuina liberalitas ipsorum ora cibo aliunde allato replere, & obturare cælesti, dixerunt Moyses, & Aaron ad omnes filios Israel: *Mane videbitis gloriam Domini.* Hebraice habetur, *diuitias Domini*: quis enim alius pro gloria duceret, pessimæ genti, & populo nequissimo cibum, & optimum, & affluenter ministrare, nisi is, qui diues est in bonitate, & qui nec diminutionem in bonis patitur, nec retentionem?

DIXIT Dominus ad Abrahā. *Tibi, & semini tuo post te dabo omnē terrā Chanāā in possessionem sempiternam, & ero eorum Deus.* Vbi D. Chrysost. homil. 39. merito inquit, quid hæc vltima verba significant. Quid est, inquit, & *ero eorum Deus*? & respondet. Multam me eorum curam habere ostendam, & meum subsidium illis præstabo; quod & diuinam bonitatem ostendit, & Dei liberalitatem in homines aperte probat.

Homo erat in Synagoga habens dæmonium immundum, & exclamauit voce magna dicens: *Sine, quid nobis, & tibi Iesu Nazarene: venisti perdere nos? & increpauit illum Iesus dicens: Obmutescere, & exi ab eo: exiit ab illo, nihilque illum nocuit.* Difficultas hoc loco est, quidnam significet verbum illud *perdere*. Multi multa dicunt. Id nobis videtur congruentius, perditionem suam hoc loco vocare dæmonem, si non amplius permittatur nocere mortalibus (nec enim aliud delictum inter peccata eorum dæmonum, qui in abyssu agunt, & eorum, qui in hoc aëre, omnes siquidem diuina carent visione, & dolore torquentur, & in hoc sensu perditum iam sunt) vsque adeò tamen oderunt homines, & salutis eorum torquentur inuidia, vt perditionem suam putent, & prædicent, si eis nocere prohibeantur. Licet autem Dominus Iesus venisset perdere dæmones, & eorum in homines, præsertim prædestinatos, imperium abolere, non tamen statim, sed paulatim id effecturus erat, & completurus in die iudicii. Nec primaria ratio veniendi in mundum fuerat dæmonis perditio, vt falsò dæmon conquerebatur, sed hominum salus & redemptio.

Hic ergo positus audiamus elegantem huius loci expositionem apud Tertul. lib. 4. contra Marcio. c. 7. Incepit, inquit, illum Iesus, planè ut inuidiosum, & in ipsa confessione petulantem, & malè adulantem, quasi hæc esset summa gloria Christi, si ad perditionem demonum venisset, & non potius ad hominum salutem, qui nec discipulos de subactione spirituum, sed de candida salutis gloriari volebat: sic ille. *Quæ verba ostendunt Dei naturam, & bonitatem ad bonà potius largienda promptissimam, non ad poenam aliquam infligendam; qui enim dicit omnibus affluenter, non nisi prouocatus punit, & affligit. Quod ostendit apertè id, quod Christus Dominus dixit: Datus est mihi omnis potestas in celo, & in terra. Eum ergo docerè omnes gentes, &c. Qui crediderit & baptizatus fuerit, saluus erit, qui verò nō crediderit, condemnabitur;* ubi vides, & potestatem acceptam, in hominum salutem impendi, & ex se salutem promittere, condemnationem verò, non nisi prouocatum incredulitate minari.

Mat. ult.

Quod insuper in hac affluetia diuinæ liberalitatis adnotare libet, est; quod Dei beneficia, quia magna, illà statim testatur, & diuinam largitatem ostendunt. Pro qua re est ille locus cum dicitur: *nuntium est regi, quod benedixisset Dominus Obededom, & omnia eius, propter Arcam Dei.* etenim illo modo tempore, quo fuit Arca in domo Obededom, credendum est prolem eius Deum multiplicasse, fructus insuper agrorum & iumentorum; & omnem substantiam eius, dedisseque illi hilaritatem, & salutem, ita ut in omnibus rebus ipsius apparuerit augmentum. Inquit ergo iam Abul. ibi q. 13. quomodo sciebat, quod ista benedictio esset propter Arcam? & respondet, quod cognoscebat ex duobus. Primò, ex magnitudine sua, nam licet aliàs homines augeantur in bonis, sicut communiter accidit, illa augmenta sunt parua, vel non veniunt accumulata, in Obededom autem venerant magna bona, qualia non solent accidere communiter: deinde, quia aliqua ei acciderunt bona, quæ in nullis hominibus, vel in raris visa sunt, ex quo apparebat non venire illud ex communi fortuna, sed ex speciali Dei munere. Vnde iam colligimus ea bona, quæ à Deo proueniunt, & in magnitudine, & in qualitate diuinam testari affluentiam, & liberalitatem.

PONDERAVIT autem Fulgentius in Prologo librorum ad Filom. hanc Dei in donando affluentiam. Ecce, inquit, qualis est Dominus noster, ut donando debeat, & quanto magis donat, tanto magis eum debitorem esse non pigeat. Pro qua re facit ille locus, quando postquam Deus sitientem populum percussione virgæ ad petram satiauit aqua, *veni Amalech, & pugnabat contra filios Israel, dixitque Moyses ad Iosue. Pugna contra Amalech; cras ego stabo in vertice collis, habens virgam Dei in manu mea.* ubi paraphrasis Chald. per explicationem addit, *virgam, qua facta sunt miracula;* quasi vellet Moyses sumendo virgam in manu, ipsa propositione acceptorum beneficiorum, quæ per virgam diuinitus facta fuerant, Deum obligare ad fugandos, debellandosque hostes Israël: quæ itidem arte usus est Iacob, dum timens fratrem Esau, & volens ab eo diuinitus eripi, hoc ab eo postulat proponendo, & nume-

ran

rando, quæ à Deo acceperat beneficia. *In baculo*, inquit, *meo transiui Iordanem, nunc cum duabus turmis regredior, erue me de manu fratris mei Esau*. Constituit Iacob Deum debitorem sibi in ea occasione subueniendi, ex beneficiis, quæ iam à Deo faretur accepisse, donando enim debitor constituitur qui donat omnia affluenter.

OSTENDIT hanc Dei bonitatem id, quod optimè notauit Abulen. in eo quod Dauid in expeditione, quâ fecit contra inobedientem filium Absalôn, dum staret iuxta portam, populisq; per turmas suas egrederetur cemeni, & milleni, præcepit Ioab, & Abisai, & Heibai, dicens: *Seruate mihi puerum Absalôn*. vbi in Hebræo est, *Mansuescete*, vel, *lenite ius super Absalonem*. Vbi Hebræi exponunt noluisse Dauidem, vt milites contra Absalonem cum magno impetu irent. Sed cur quæso lenitatem præcepit, cum eum vt communem hostem aggredi vult, & in eum exercitum instruit, & expedit? vel cur parcendum præcepit ante congressum? Quæstioni satisfacit Abul. q. 7. Dauid, inquit, erat certus de victoria suorum. Sed dicit aliquis, vnde Dauid erat certus? respondendum, quod Dauid orauit Dominum, vt infatuaret consilium Achitophel, & sic factum est: dicitur enim in sacro textu, quod nutu Dei dissipatum fuerat consilium Achitophel, quod erat vtile; & ideo sic confidebat Dauid, quod iam in omnibus, quæ erant contra Absalonem, Deus exaudiret eum, primum namque beneficium pignus cæterorum sequentiũ erat.

HINC iam est quod sibi vim videtur inferre Deus opt. max. quando se se in omnes summè liberaliter non diffundit. Quod notauit Guar. Serm. 3. de Annunt. his verbis: Omnium humanarum infirmitatum, vel iniuriarũ, quas pro nobis pertulit diuina dignatio, sicut tempore primam, sic etiam humilitate ferè maximam existimo, quod in vtero nouem mensium tempore Maiestas illa incircumscrip̃ta passa est contineri, quando ita penitus à semetipso defecisse visus est. Tanto tempore nihil illa sapientia loquitur: nihil illa virtus manifestum operatur: nullo signo Maiestas, quæ clausa latet, proditur? Non sic in cruce, &c. Vim enim sibi videbatur inferre, dum se non affluenter communicabat, nec pretiosum, imò infiniti valoris sanguinem largissimè effundebat pariter cum vita.

CONFIRMATUR insuper hæc diuina liberalitas ex eo quod notauit Plutarch. & Euseb. Cæs. lib. 2. de Præparat. imagines scilicet, quæ ab Ægyptiis decernebantur diis, ligneas fuisse, non lapideas: quia lapis durus, & infructuosus est, nec etiam fuisse anreas, aut argenteas, quia sunt colores terræ steriles, & infœundæ. Et de Cyro, qui adhuc vivens (vt habet Arrianus) à Persis, & Medis Deus habitus est, refert Xenophon, instante morte, iussisse ne in aureo, argenteoq; loculo conderetur, sed terræ mandaretur, vt etiam mortuus simul cum terra fructificaret, ne id quod Deo naturale erat, nempe dare, & prodesse in morte amitteret. Cùmque hi vel in media caligine cognoscerent Dei affluentem liberalitatem, quid mirum si Iacobus dicat Deum dare omnia affluenter?

QVOD si intelligas idem esse dare affluenter, atque dare plusquam ab eo postuletur, videatur Chrysost. hom. 27. in Genes. & D. Hieron. in epist.

Patr. in Epist. B. Iacobi.

I ad

ad Refinum tom. 1. ubi docet Deum plus tribuere, quam rogetur: quo
Eph. 3. sensu dixit Apost. ad Eph. cap. 3. *qui potens est omnia facere superabundanter,*
1049. 4. *quam poscimus, aut intelligimus.* Facit etiam Cassianus collat. 13. cap. 16. dum
ponderat regulum, de quo Ioan. cap. 4. qui dum facilius credit & grotantem
filium suum posse curari, quam mortuū suscitari, presentiam Domini festi-
num implorasse, dicendo, *Domine descende priusq. an moriatur filius meus;* cuius
infidelitatem licet Dominus arguerit, tamen non secundum infirmitatem
fidei eius gratiam sue diuinitatis exercuit, nec presentia corporali, quem-
admodum ille volebat, lethales febrium morbos, sed verbo suæ pote-
statis exclusit: quam superabundantiam gratiæ etiam in illius paralytici
curatione Dominum legimus effudisse, cui languoris sui tantum, quo corpus
fuerat resolutum, remedia poscenti, animæ prius ingerit sanitatem, deinde
corporis. Videndus etiam Bernar. qui hoc in p. tre nihil perditissimi sic pro-
Luc. 15. bavit Ser. contra vitium ingratitudinis. Prodigus certè filius ad filiorum
numerum aspirare timebat, beatum se reputans si fortè vel in mercenari-
orum numerum reciperetur, minimè tamen sufficere potuit paternæ piete-
ti, nisi tam copiosam misericordiâ ei exhiberet, cui posset & ipse, qui nun-
quam à patre discesserat filius, inuidere; quod etiam notauit Chrysost. ho-
Matt. 18. mil. 20. ex variis in Matt. cum ponderat, Dominum absoluisse seruum multo
debito obstrictum, qui solam dilationem ad solutionem postulabat. Ille,
ait Chrysost. dilationem petiit, hic omnino remisit, plûsq. impetrauit ille,
Eph. 3. quam petierat. Quapropter & Paulus ait: *qui potest omnia prestare superabun-*
danter quam poscimus, aut cogitamus. Nam ne cogitare quidem potes tan-
tùm, quantum ille paratus est tibi largiri. Ne te igitur pudeat, nè erube-
scas, imò erubescere quidem propter peccata, sed caue ne desperes, quin po-
tius accede, vt Dominum tibi propitium reddas, occasionemque illi des per
remissionem peccatorum clementiam suam erga te declarandi. Qui si ti-
mueris accedere, impediisti ipsius bonitatem, largissimæque eius benigni-
tati quantum in te fuit, obstitisti.

Si verò causam istius affluentiae requiramus, nullam aliam eo modo quo in
Deo assignari potest, inuenies, nisi diuinam bonitatem seu ipsius diuitias;
namque liberalitas iuxta Basil. reg. breui. resp. 214. est quando quis etiam
non requisitus, absque præcedentibus meritis, sua sponte, & voluntate etiam
ingratis benefacit: ex parteque hoc assequutus Senec. lib. 4. de Benef. c. 3.
dixit; *Nulla Deo dandi beneficij causa est.* Similia habet c. 4. & lib. 5. ubi docet
Deum cum sit natura beneficus, præstare nobis non solum ea, quæ perti-
nent ad necessitatem, sed quæ ad voluptatē, quod dixerat elegantius D. Pau-
lus 1. ad Tim. 4. *qui prestat nobis abundè omnia ad fruendum.* Quod potest expli-
cari ex Aug. lib. 1. de Doctrin. Christ. c. 4. quod Deus nobis tribuat tempora-
lia, & spiritualia; temporalia quidem ad vtendum, spiritualia verò & æter-
na ad fruendum. Videndus etiam Plut. lib. de discrimine adulat. & amici. *Of-*
ficium, inquit, *quod ab amico proficiscitur, nihil ostentationis aut plausibilis habet hoc*
pactò etiam arbitror Deos plerumque bene mereri de mortalibus, vt non censeantur bene
mereri, & ob id ipsū beneficere arbitror Deum, quod suapte natura gaudeat beneficere.

§. IV.

§. I V.

Imitatur Dei naturam beneficus homo.

PRÆDICTAM Dei in donando affluentiam imitatur beneficus homo. Nihil enim tam diuinum habet homo, quàm beneficentiam, sicut docet Nazianzenus orat. 17. Licet, inquit, tibi, nullo labore Deum fieri, noli diuinitatis consequendæ occasionem abiicere. Et orat. 16. Fac calamitoso sis Deus, Dei misericordiam imitando. Et Clemēs Alexandrin. 2. Stromat. reuerà imago Dei est benefaciēs homo. Quod prosequitur Chrysost. hom. 7. de elemosyna: & probat Theodoret. quest. 20. in Genes. dum quærit; quā in re consistat ratio imaginis Dei in homine, ad quam dicitur creatus. Quemadmodum, ait, Deus longanimis est, ita homo longanimis habet se ad imaginem Dei, eamque imitatur per beneficentiam, & liberalitatem. Quā de re multa habet Philo. lib. de creat. Principis, & lib. de Iudice, lib. 1. legis allegor. docuitque D. Leo Serm. 6. de Collectis, vbi ait: In aliorum indigentia materia vobis data est diuinæ bonitatis imitandæ, ut per vos etiam in alios diuina beneficia transirent. Idemque habet Ser. 10. de Quadrag. & Hilar. in c. 10. Matt. ad ea verba. *Sicut gratis accepimus*: quod etiam agnouit Tullius, dum oratione pro Quinto Ligario ait: *Homines ad Deos nulla re propius accedunt, quàm dando, nihil habet fortuna melius, quàm ut possis, nec natura melius, quàm ut velis seruare quamplurimos.*

Is igitur homo qui aliis beneficus non fuerit, nec in eos contulerit beneficia, nec homo ferè censendus est, frustraque in mundo esse existimandum de illo est. Ad cuius rei confirmationem facit elegans locus Ruperti lib. 1. in Gen. c. 8. vbi quærit cur cùm quatuor mundi sint elementa, ignis, aër, aqua, & terra, hæc duo tantum, sc. terram, & aquam, scriptor sacre historię suis nominibus expresserit, & aërem nō proprio, sed tenebrarum nomine significauerit, ignis verò nullatenus meminerit? Videtur ergo sentire propterea aërem alieno nomine fuisse nuncupatum, quia vna tantum lux ex eo prodierat verò aquam, & terram simpliciter nominatas, quia pluribus rebus producendis materiā subministrarunt; ignem verò nullquam nominatum, quia nihil ex eo productum memorat sacer textus. Ait ergo Rupertus: Constat quia de tenebris istis, quæ erant super faciem abyssi, lux effulsit, testante Paulo, cùm dicit, *quia Deus, qui dixit de tenebris lucem splendescere, eluxit in cordibus nostris.* Non ait, in tenebris; sed de tenebris Deus lucem splendescere dixit. Porro de terra, & aquis productæ sunt omnium species rerum, quas nouimus. Solus ignis, licet gignentibus terræ, & aquis cooperetur, nihil tamē ex ipso gignitur, & proinde de hoc elemento non iniuria siletur, quasi frustra in mundo esse censeatur. Si id ergo elementum, quod cæteris rebus non profuit, quasi non sit, à Deo præteritur silentio, nec illius aliqua sit mentio, quanto maiori ratione ille homo inutilis censebitur, & quasi nō sit reputabitur, qui oblitus Dei similitudinē, quā benefaciendo gerit, nulli subuenit, nemini prodest, adiumentū est?

I 2. SED

SEDEO deuentum est, vt iam homines non Deum velint imitari, sed eos, qui simul cum Abimelech ad Isaac venerunt, vt contraherent cum illo amicitiam, ad quam conciliandam hoc solum proponunt: *Nihil tuorum attigimus, nec secutus quod te laderet.* Vbi quidam ex recentioribus dixit, Latronum misericordia, cum non quantum valent, nocent. Pro beneficio enim ducunt, nullum malum intulisse: quæ etiam est misericordia, & beneficentia nostri temporis; satis namque beneficus censetur homo, qui nullum malum infert, nullumue bonum aufert.

CÆTERVM, sicut dixit D. Leo Serm. 1. de Ieiunio sept. mens. parum est non auferre aliena, nisi largiaris & propria. Et Chrysostom. homil. 16. in epist. ad Ephes. Mihi nihil facere, hoc ipsum est malum facere. Ideoque in sacra Scriptura Sancti vocantur benedicti, vt patet ex Psal. 4. *Sciote quia mirificauit Dominus Sanctum suum;* vbi vox Hebræa significat *beneficium*, & *misericordem.* Et Psal. m. 144. *Sancti tui benedicant tibi,* vbi Hier. transtulit, *misericordes.* Soli enim ij, qui diuinam liberalitatem imitantur, Sanctorum numero adscribi possunt, & merentur. Videndus est pro hac re Chrys. homil. 21. in 1. ad Corinth. & Basil. hom. 6. in ditescentes; & Strabo lib. 10. bene dictum & hoc, homines Deos imitari, quando benefecerint; & Virgil. Ecloga 1. Cæsarem Deum suum appellat propter beneficium.

§. V.

Diuina liberalitas nulli omnino deest.

NON est omittenda ea conditio diuinæ liberalitatis: quod scilicet omnibus absque personarum acceptione sua bona largiatur, id quod ostendit Christus Dominus in parabola illius hominis peregri proficiscentis, qui vocauit seruos suos, eisdemque tradidit bona sua, affluenter quidem omnibus donans, quando nec inutilem, & infructuosum seruum prætermisit: quod etiam ponderauit Hugo Victorinus lib. de opere trium dierum c. 9. dum quærit, cur Deus plura venenata, & inutilia homini condiderit, cum tamen in eius vtilitatem vniuersam hanc rerum machinam extruxisse videatur: respondetque Deus etiam illa creare voluit, quæ humanis vñibus necessaria non esse præuidit: si enim sola necessaria tribueret, bonitas quidem esset, sed diues non esset. Quod etiam eleganter profertur Philo lib. 1. legis allegor. Benignus, inquit, cum sit Deus, largitur bona omnibus, etiam non perfectis, inuitans eos, vt æmulatores virtutis, atque participes fiant, ostentansque immensas diuitias suas, quod sufficiat etiam his, quæ non magnam vtilitatem inde capiunt; quoties enim pluit in mare, fontes producit in locis desertissimis, tenuem, & asperam, sterilemque terram rigat, inundans fluminibus, quid aliud exhibet quam inimitatem diuitiarum benignitatis suæ? quod etiam dixit Paulus Act. 14. *Deus, inquit, dimissu omnes gentes ingredi vias suas, & quidem non sine testimonio semetipsum reliquit benefaciens de cælo, dans pluias, &c.*

PRÆSCIERAT quidem Iudam peccaturum, & loculos habiturum, pecuniam

niam tamen ei committit, cumque ad Apostolatum vocat, ne ei defuisse in aliquo pro excusatione asserret. Notauit hoc Ambros. 1. Officiorum c. 16. dicens: Inter duodecim Apostolos est electus, & loculos pecuniarum, quas pauperibus erogaret, commissos habuit, ne videretur inhonorus, aut quali egenus Dominum prodidisse, & ideo, vt iustificaretur in eo Dominus, hæc ei contulit. Etenim, sicut bene aduertit Senec. 2. de beneficiis, c. 32. *non est magni animi beneficium dare, & perdere, hoc est, magni animi, & perdere, & dare.* Videndus pro hac re Clemens Alex. 1. paedag. c. 9.

Hoc etiam probant Theologi, dum dicunt, Deum semper ita se gerere cum hominibus, vt neminem ita relinquat, quin iuxta suæ prouidentię dispositionem cor eius tangat, ita vt possit homo cooperari, & se disponere, vel ad remissionem peccati, vel saltem ad aliquam maiorem gratiam, qua paulatim perueniat ad vltimā dispositionē. Et Cōcilia definiūt sēper in hac vita dari locū pœnitentię agēdæ, vt patet ex Cōcil. Lateran. c. firmiter. de summa Trinitate, & sumitur ex Concilio Tridentino, sess. 14. & sess. 6. cap. 14. & Orig. lib. 7. in epist. ad Roman. ait, Deum etiam Pharaoni non defuisse. Et August. epist. 49. quæst. 2. ait: Voluntas Dei nunquam in hac vita defuit iustitiæ, pietatiq; mortalium. Quod etiam habet lib. de Pœnitentiæ medicina cap. 5. & habetur nomine eiusdem Augustini lib. de Prædestinat. & Gratia cap. 15. Chrysost. hom. 4. de Lazaro, Greg. 17. Moral. c. 4.

O S T E N D I T tandem Deum omnibus velle bona affluenter tribuere, id quod pulchrè notauit Chrysost. Sermon. 64. in eo quòd Christus Dominus Lazarum suscitaturus lacrymatus est. Habet hoc, inquit, natura corporis *han. 6.* humani, vt producat lacrymas vis gaudij, vis mœroris. Hinc est, quòd Christus non dolore mortis, sed illius lætitiæ recordatione lacrymauit, qui voce sua, voce vna omnes est mortuos perpetuam suscitaturus ad vitam, fremuit spiritu, & tota se viscerum commotione conturbat, quia adhuc solum Lazarum, & non omnes mortuos suscitabat. Viden' igitur si alicui deerit, & qualiter omnibus affluat, qui lacrymatur quando vnum, & non omnes (quod tamen faciet) ad vitam reuocat?

N E C mirum quòd det omnibus affluenter, quando mensura bonorum, quæ nobis communicat, est bonitas ipsius, sicut dixit Philo lib. de sacrificio Abelis & Cain. Merito proinde David dixit Psal. 102. *qui coronat te Ps. 102. in miserationibus*, quia nullus si aduertat, se liberum aliqua ex parte, aut ratione inueniet à diuina liberalitate, quæ omnes circumquaque, & affluenter astringit, amplectitur, & perfundit.

§. V I.

Vera liberalitas beneficia non commemorat, nec exprobrat.

S E C V N D A M diuinæ liberalitatis proprietatem in eo positam docet Iacobus, quòd collata beneficia Deus non impropet, ne ipsum aut quòd det pœnitere videatur, aut lucrum querere, aut accipientem pudore afficiat. Hinc est quòd Deus dixerit Isai. 55. *Sicut exaltatur celi à terra, sic*
I 3 exaltare

exaltate sunt via mea à viis vestris. Quibus verbis videtur significare, quòd sicut cælum, seu corpora cœlestia in hæc inferiora influunt absque eo quòd à terra aliquid accipiant, è contrà verò terra, hîsi vel semina, vel pluu-
tas de super accipiat, nihil omnino profert: sic etiã Deus omnia nobis don-
 nã elargitur, ductus propria bonitate, & liberalitate, cùm à nobis nihil
 accipiat, aut velit, cùm nullo indigeat, vnde nec impropertat, nec pudefa-
 cit eum, cui bona elargitur.

H o c docuit Booz, quando messoribus dixit. *De vestris quoque manipulis*
Ruth c. 1. *proiicite de indigritia, & remanere permitte, ut absque rubore colligat, & colligentem ne-*
mo corripiat. Vbi viduæ Ruth & necessitati; & honori consuluit; quod per-
 fecta liberalitas ad imitar diuinæ, debet maxime præ oculis habere. Verus
 quippe beneficus non impropertat dona, quia dona sunt, sicut dixit Ber-
 Serin. 16. in Cant. vbi etiam fatetur, Deum ideo non impropertare dum af-
 fluenter dat, quia non vendit, & sine pœnitentia sunt dona eius. Et Am-
 brosius lib. 1. Offic. cap. 30. Perfecta, inquit, liberalitas est, vbi silentio quis
 regit opus suum, & necessitatibus singulorum occultè subuenit, quem
 laudat os pauperis, & non labia sua. Affectus tuus nomen imponit ope-
 ri tuo, quomodo à te proficiscitur, sic æstimatur: beneficium enim quod
 honori viduæ; aut virgini periclitanti occurrit, non debet eius famæ, pu-
 doris obesse.

E t hæc videtur fuisse ratio, cur in sacra Scriptura beneficia, & elec-
 mosynæ honoris nomine intelligantur, sicut notauit D. Hieronym. in
 cap. 15. Matth. ad illa verba: *Deus dixit, honora patrem tuum, & matrem.* Ho-
 nor, inquit, in Scripturis non tantum in salutationibus, quantum in elec-
 mosynis sentitur. *Honora,* inquit Apostolus, *viduas quæ verè viduæ sunt;* hic
ad Ti. 5. honor donum intelligitur. Et alio in loco, *presbyteri duplici honore honoran-*
di, 2. Tim. 2. 17. *maximè qui laborant in verbo Dei.* Hinc est quòd Balac dicebat. *Paratus sum*
honorare te; in beneficiis enim & honor cernitur dantis, & honori prospici-
 citur recipiētis. *Stultus* verò *acriter impropertabit,* exigua dās, multa impropertās.
Ecc. 18. Ideoque Abrahā noluit oblata accipere, *ne dicas,* inquit, *ego dāui Abraham.*
Gen. 14.

PRÆSENSQVE probat institutum id quod notauit Chrysoſt. hom. 1.
 1. Reg. 17. in Psal. 50. tom. 1. quando Saül induit vestimentis suis Dauid, & imposuit
 galeā, vestiuitque eum lorica: quod cùm fecisset Rex, progredi iuxta mo-
 rem non valebat, quia, inquit Chrysoſt. non permittebat hoc fieri Deus,
 sed vt nudus vinceret, & non arma Saülis virtutem victoriæ partirentur,
 ne diceret Rex, quoniam arma vicere mea; proiicit arma, & induit fidu-
 ciam. Vbi Saülis stultitiam ostendit Chrysoſt. cùm sibi victoriæ trium-
 phum arrogaret, si de strenuitate adolescentis derogaret, quia cum pro-
 pria armatura induisset. Odiosum sanè, & stultum hominum genus, bene-
 ficia exprobrantium contra præscriptam à Iacobo regulam, quam Seneca
 posuit lib. 2. de benef. c. 10. his verbis: *Beneficij lex inter duos est, alter statim*
oblivisci debet dati, alter accepti, nonnunquam lacerat animum, & premij frequens me-
ritorum commemoratio. Est c. 9. dixerat, *beneficia in acta non mitto.* Est autem in
 acta mittere, scripta seruare in perpetuā memoriā, quomodo apud Iuuenal.

Fient

Fient ista palam, cupiente & in acta referri.
Ideoque Martialis.

*Crede mihi, quamvis ingentia Posthume dones,
Auribus perireum garrulitate sui.*

Q V I B V S habet similia Plut. lib. de profect. virtut. sent. Quapropter & verus liberalis Booz, cuius initio meminimus, dixit: *de vestris manipulis prouicite de industria.* vbi si vocem Hebræam consulamus, sicut ibi aduertit Rab. Salom. ambiguum inuenimus, quia etiam significat *obliuisci*, unde possumus legere, *obliuiscendo obliuiscimini*; quasi diceret, ita hoc pauperi viduæ spicas colligenti relinquit, vt simul ibi relinquatis memoriæ huius beneficii, ne fortè aliquando eius commemoratio subrepat, quæ simul exprobratio erit. Vnde & Comic. in Andr. dixit de quodam, qui vultustatem amicitie inculcabat; *Istæ commemoratio, exprobratio est.* Cum ergo in diuina liberalitate, quæ nobis imitanda proponitur, nullus prorsus defectus possit reperiri, meritò Iacobus dicit, beneficia sua non impropere.

C A T E R V M huic cõditioni diuinæ liberalitatis, quod scilicet non impropere, videtur ob stare pleraque loca sacræ Scripturæ, in quibus Deus impropere Israelitis: *Hæcne reddis Domino, popule stulte?* Cum Dauidi superiora dona exprobrat. Salomoni itidem cum ad idola defecit. Esai. 1. *Filios eun- trini, & exaltati.* Et apud Osgam c. 2. enumerat beneficia collata in Iudæos, & abusum illorum. Et Hier. 16. exprobrat beneficia eidem populo collata. Et Christus Dominus tribus ciuitatibus, quas & verbis, & signis vocauerat, exprobare cœpit.

*Deut. 32.
1. Reg. 12.
1. Reg. 17.
Matt. 11.*

H V I C difficultati omnes respondet, ex parte suæ bonitatis Deum non exprobare, sed id facere propter abusionem, ingratitude, & demerita illorum, qui diuina beneficia receperunt, quod ita intelligendū est, vt per talem exprobrationem velit Deus ostendere, se iuste diuina beneficia ab impiis auferre; imò & supplicia inferre. Nisi fortè ea sit ratio quare Deus collata beneficia obiciat, vt scilicet ingrati resipiscant, & maioribus beneficiis digni per cognitionem ingratitude, & eiusdem pœnitentiam reddantur.

O S T E N D I T igitur in primis exprobratio ingratos indignos, qui beneficiis acceptis potiantur: quod significasse mihi videtur moriens Iacob, dum filio Ioseph dixit: *Si inueni gratiam in conspectu tuo, pone manum tuam sub femore meo, & facies mihi misericordiam, & veritatem, vt non sepelias me in Aegypto, sed dormiam cum patribus meis, & auferas me de terra hac, condasque in sepulchro maiorum meorum.*

S I autem velimus inquirere quare Patriarcha tantus, cuius cœli, cui viuenti totus mundus exilium fuit, & adhuc in terrâ degenti cœli postes reuerati sunt, tantopere de corpore suo curauit, & locovbi pulvis in puluerem reuerteretur; audiamus quid Rupertus dixerit li. 9. in Gen. c. 21. sic enim responderet: Quia terra repromissionis, terra erat Domini Dei dicentis, *Terra in qua dormis, dabo tibi, & semini tuo.* Donum autem Dei, qualecunque sit, siue magnum, siue paruum, cœlestè, siue terrenum, pro honore, vel charitate dantis pretiosum est, & debet esse in oculis sapientis ideo

Genf. 28.

Iacob

Iacob tantam curam gessit illius terræ saltem post mortem acquirendæ. Si ergo moriturus cōtinuò promissiones terræ, quas acceperat, tanta cum gratiarum actione veneratus est, vt saltem mortuo corpore illam tenere cuperet, quanto magis viui possessores curare debuerunt, sic in ea viuere, vt non iratus Deus donum suum ingratis rursus auferret? Ita Rupert. ex cuius discursu illud colligimus, Dei dona in oculis habenda, quò sic eisdem grati in possessione eorum securi maneamus, à qua meritò ingrati expelluntur.

Q u o d idem Rupert. notauit lib. 2. in Genes. c. 39. in primo parente, qui tot beneficia diuina accepta, per ingratitudinem tam citò amisit. Animaduertendum est, inquit, quàm pertinaciter primus homo terrenus à Creatoris laude mutus perstitit, quàm obstinatis labiis ab omni gratiarum genere abstinuit, & ingratum Domino Deo silentium dedit, formante Deo, & inspirante spiraculum vitæ, non suspirauit eodem spiraculo vitæ acceptæ, in plastræ sui faciem, vt adoraret, & cum glorificaret. Qui ergo gratiam Dei non agnouit, non mirum quòd ad hoc, vt peccaret, & omnia bona amitteret, deuenisset. Aduertit autem D. Chrysost. hom. 18. in Genes. propterea Euam filium sanctissimum Abel peperisse Dei dono, quia pro primo gratias egerat, dicendo: *Accepi hominem per Deum.* Nec omittendus Cyrill. in cap. 4. Ioan. vbi ponderat Christum Dominum secundò in Cana Galilææ venisse, quia libenter cum gratis hominibus conuersatur, maiora beneficia paratus largiri, si memores sint perceptorum. Videndus item Aug. lib. 1. de doctrina Christ. cap. 1.

Gen. 4.
Ioan. 4.

Matt. 23.

H i n c est quòd gratus ille, & fidelis seruus, qui quinque talenta acceperat, & quinque alia lucratus fuerat, ad Dominum accedens, non primùm lucri talentorum memoriam fecit, sed primùm memorat, quæ accepit, postea quæ inuenit, sicut notauit Chrysost. homil. 15. de var. in Matt. loc. Ideoque dum per gratitudinem meminit eorum, quæ acceperat, eorum pariter cum iis, quæ fuerat lucratus possessor cōstituitur, è contrà verò ingratis & exprobat, & aufert Deus ea bona, quæ contulerat. Negat enim beneficium, qui beneficium non honorat, sicut dixit Tert. de Pœnit. c. 4. & c. 3. ait: *Quantulùm dispendij, si ingrato benefeceris? Quod prosequitur etiam Ber. Serm. contra vitium ingratitudinis, dicens; Dum amissum reputat dator, quod ingratus accepit, cauere sibi de cætero, ne tanto plura amitteret, quanto plura conferret ingrato. Quod idem Bernard. dixit Serm. 2. de Cœna Domini: Nunquam non perit, quod datur ingrato.*

N o n vult igitur sua beneficia perire apud ingratos, proinde eisdem exprobat, vt innotescat eosdem diuina bona non mereri, imò diuinam iustitiam prouocare: quod vtrumque dixit D. Irenæ. lib. 4. contra hæreses, cap. 24. Quemadmodum, inquit, Deus semper idem, sic & homo in Deum intentus semper proficiet, exceptorium enim diuinæ bonitatis, & organum clarificationis eius, homo gratus ei, qui se fecit, & iterum: Exceptorium iusti iudicij Dei homo ingratus.

Matt. 23.

Q u o d vitium ita vitandum docuit Christus Dominus, vt etiam ante bene

beneficia accepta docuerit gratias Deo agendas. Ideo enim antequam tur-
bas fame penè enectas saturaret, gratias egit, sicut & antequam Lazarum
è sepulchro rediuiuum educeret; quod etiam fecisse videtur Dauid Psalm. ^{104. 6.}
17. Nam vbi nos legimus, *laudans inuocabo Dominum*, D. Hieronymus tran- ^{Psal. 17.}
tulit, *Laudatum inuocabo Dominum*; quasi prius gratias Deo ageret, quàm di-
uina beneficia postularet, imò ipsa gratiarum actione Deum sibi ad bene-
ficia conferenda conciliaret.

Quod si Deus nos ante beneficia gratos videre vult, memores profe-
cto optabit acceptorum beneficiorum, quò facilius ei gratias pro illis refe-
ramus. Hinc est, quòd post victoriam de Amalech concessam, Moyse dixit:
Scribe hoc in monumentum in libro, & trade auribus Iosue; vbi beneficia, & opera ^{Exo. 17.}
à nobis commemorari inter præsentes solum non patitur, sed scriptis ad
posteror etiam, quò eorum perpetua memoria custodiat, iubet. Hinc est,
quòd de eadem historia semel, & iterum dicitur, *memento. Scribantur deni-* ^{Deut. 24.}
que hæc in generatione altera, & populus, qui creabitur, laudabit nomen tuum. ^{1. dith. 4.}
^{2. al. 101.}

Hinc etiam est, quòd quando ad ingressum promissæ terræ Deus a-
peruit Iordanem filiis Israël, iussit Iosue vt per electos duodecim viros ex-
traherentur duodecim lapides è medio Iordanis alueo, ponerenturque in ^{Ios. 4.}
loco castrorum, vbi figenda erant ea nocte tentoria. Si quæras, in qua ca-
strorum parte fuerint lapides collocati; occurrit Tertull. lib. 4. aduersus
Marcio. c. 13; dicens: Deprehendo duodecim lapides ab Iesu de Iordane e-
lectos, & in Arcam Testamenti conditos. Nequis verò mendum in Ter-
tulliano hoc loco suspicetur, propriam eius opinionem fuisse asserit Pa-
melius, quod ostendit num. 161. Cæterum nullatenus admittenda, quia
tanti lapides, non manibus, sed humeris robustorum hominum allati, quo-
modo Arca non magna, rebus iam aliis, mannæ videlicet yrceo, Deutero-
nomij libro, & fortasse aliis rebus, de quibus cum Paulo Hebr. 9. solet
disputari, completa caperentur? cur deinde in Arcam conderentur, cum
neque ab æstu, neque à frigore, aliæue vlla tempestate, ærisue iniuria læ-
di possent? Mitto, quòd verbum, *posuit*, in Hebræo, ac Græcò, alium longè
situm indicat, quàm vt in Arca iacere illos oportuerit. Vnde miror nostro
sæculo Lorchium Hadamarium in c. 4. Iosue amplexum fuisse hanc opi-
nionem. Huic accedit Rabbi Leui, qui Ralbag à Iudæis nominatur, dum
hos lapides iuxta Arcam depositos fuisse vult: an verò intra ipsum sacra-
rium, ac sanctuarium, an extra, non aperte declarat, sed insinuat fuisse ex-
tra. Melius certè dicet, qui asseret, iuxta Tabernaculum fuisse positos; quo
sensu ego intelligo Serarium, cum enim loco illustri, & ad miraculi
tanti, ac singularis beneficij renouandam memoriam ponerentur; quis
locus aptior, quàm iuxta Tabernaculum, & sub dio, vt omnium oculos ipso-
rum aspectus feriret, & accepti beneficij memoriam acueret? Quæ fuit ra-
tio cur Tertull. eos intra Arcam positos putauerit, & Ralbag apud Arcam
perpetuò asseruatos, & translatos; quod falsum probat Hieronymus in
epitaphio Paulæ, vbi ait: Intuita est castra Galgala, & duodecim lapi-

Pæz in Epist. B. Iacobi.

K des.

des, qui de Iordanis illuc translati fuere alueo.

P O S T igitur sunt prædicti lapides in monumentum filiorum Israël, usque in æternum, & licet titulus quilibet in lege prohibitus videatur, vel in hoc monumento, ac titulo admittenda est specialis dispensatio cum Abulens. q. 12. vel præceptum intelligendum de titulis, qui veluti dii adorarentur, quod videntur ostendere sequentia verba Levitica: *ut adores eum*. Ideoque non comprehendit nostrum titulum, qui de lapidibus constructus est, ut tanti beneficii memoria apud posteros remaneret, & pro eo gratias Deo redderent. Vnde Mafius ibi sic ait: Lubet admirari hoc loco immensam Dei erga humanum genus benignitatem; qui cum nostræ nos salutis, quæ in ipso agnoscendo, amando, colendo tota est posita: plurimis quotidie, maximique beneficiis admonet, atque ad se animos nostros reuocat ad eum, ut nihil effemus. mente obstinatissima, atque in carnis nostræ voluptatibus affirmatissima, nunquam aliò cogitationes nostras auerteremus: insuper etiam adminicula commonstrat, vltro, quæ præclarissima quæque sua in nos beneficia in memoriam deducant, quod digni reddamur acceptis, & accipientis disponamur. Sic pro memorabilissimo illo federe recordando, cogitandoque, quod post orbem submersum cum humani generis reliquiis inibat: iam tunc placatior, arcum suum in nubibus obseruari iussit. Monumentum item sacrosanctæ pactionis, quam cum Abrahamo fecit, Circumcisionem esse voluit. Liberationis Ægyptiacæ ne quando Israëlitis caperet obliuio, sacrum Pascha instituit.

Exod. 16. H ÆC etiam fuit ratio; sicut rectè notauit Oleaster, cur Manna in Arca iussit asseruari; asseruatumque durauerit, velut testis diuini beneficii, & ut filij Israël ea recordatione, aliâ in posterum beneficia mererentur. Hinc etiam est, quod sicut notauit Lippoman. in cap. 2. Exodi, sancti viri beneficiorum Dei memoriam perennem instituentes, filiis nomina, quæ beneficia diuina testarentur, imponebant, ut quodcumque liberos aspicerent, vel vocarent, diuinorum beneficiorum, vel ex nomine recordarentur, & excitarentur ad reddendas pro illis gratias.

S E D ne vetera prosequamur, sunt enim plurima; ab eadem causa profecta sunt, quæ sacrosancta mater Ecclesia nobis proposuit, siue in anniuersariis festis, siue in imaginibus, & statuis, atque simulachris. Christi Seruatoris, reliquorumque Sanctorum monumentis, ut sc. quæ ille salutis nostræ gratia & fecit, & passus est, ea assidue, & grato animo recolentes, ipsius amore inflammemur, ut diligenti cura gratias agendo recipiendorum beneficiorum capaces reddamur.

Luc. 17. P R O quo argumento facit, quod cum Dominus Iesus decem leprosos curandos vellet, dixit: *Ite, ostendite vos Sacerdotibus, dum verò irent, mundati sunt. Unus autem ex illis ut vidit, quia mundatus est, regressus est cum magna voce, magnificans Deum, & cecidit in faciem ante pedes eius gratias agens.* Cur igitur leprosus mundatus non curat præceptum Christi Domini de aduendo Sacerdote, nec præceptum aliud de offerenda oblatione à lege assignata? Rationem reddit Tertullianus libro 4. contra Marcionem capite 33.

Sama

Samaritem, inquit, miratus non mandat offerre munus ex lege, quia satis id obtulerat, gloriam Deo reddens, ideo addit: *Fides tua te saluum fecit*; quia intellexerat veram se Deo omnipotenti oblationem; gratiarum scilicet actionem, apud verum templum, & verum Pontificem eius Christum facere debere. sic ille. Ex quibus verbis illud colligere possumus, nullum sacrificium ad id gratum omnipotenti Deo, quam gratiarum actionem, qua & diuinæ bonitati satisfacimus, & eam denud nobis promeremur.

T A M Q U E necessaria est gratitudinis virtus, ut ad omnia eam Paulus voluerit coniungere, dum ait: *gratias agentes semper pro omnibus*. Vbi D. Hieron. ait. Dupliciter intuendum, ut in tempore, & pro omnibus, quæ nobis accidunt, Deo gratias referamus, ut non tantum pro iis, quæ bona putamus, sed etiam quæ nos coarctant, & contra nostram veniunt voluntatem, in Dei præconium mēs læta prorumpat. Si igitur pro aduersis gratias Deo debemus agere, quanto magis pro bonis liberaliter, & affluenter acceperis? Illud igitur constituendum est, Deum ideo aliquando impropere, ut ingratos ostendat indignos, qui iam deinceps diuina affluentia fruantur. Quia in re adhuc diuina bonitas clementissimè se gerit erga ingratos, dum & subtrahit affluentiam suæ liberalitatis, quæ eis materia districtioris iudicii esse poterat, & impropere, ut in melius corrigantur. Dixit illud Bernardus. Serm. contra vitium ingratitudinis. Fortè clementia esse videtur, ingratis negare quod postulant, ne contingat nobis, ut tanto grauius de ingratitudine iudicemur, quanto magis accumulatis beneficiis ingrati probabimur extitisse. Et D. Ambrosius Serm. 42. Si taciti, & immemores fuerimus diuinorum beneficiorum, tanquam indigni eorum administratione fraudabimur, ut Deum quem beneficiis non cognouimus, malis ingruentibus requiramus, & aduersis stimulemur ad rogandam, qui pro prosperis gratias non egimus ad fruendum. Quibus habet similia Serm. 43.

Q U O D verò exprobratio ingratos corrigit, probat id quod notauit D. Gregorius Papa, obliuionem scilicet diuinorum beneficiorum, esse morbum; de quo intelligendum est illud. *Illuminare his qui in tenebris, & in umbra mortis sedent*. At verò, sicut dixit Clemens Alexand. 1. Pæd. c. 5. medicamentorum potioni, aut applicationi similis est exprobratio, quæ resoluit, &c. Ambo probum obiciunt amicus, & inimicus, sed inimicus quidem irridens, amicus autem beneuolens: amicabilem enim exprobrauit Deus Dauidi, qui mox pœnituit, respuit, & ad noua beneficia promerenda se aptauit. Hoc etiam prosequitur Chrysostomus. hom. 3. de Davide, & Saule tom. 1. Quoties, inquit, nulla data occasione, iactat quis, ac prædicat sua in alium beneficia, nihilo potior est exprobrante. Cæterum quoties id facit, ut cor repto persuadeat, & malam de ipso opinionem habentem flectat in diuersum, is & curator est, & beneficus. Quod sanè fecit Dauid, haudquaquam à Saule gloriam captans, sed iram in illo radicatam auellere studens. Atque hoc nomine Saül collaudauit eum, quod & bene meritis esset; ubi Chrysostomus alludit ad id quod Dauid postquam in spelun-

Ephes. 5.

4. Mor.
cap. 17.
Luc. 11.

K 2 spelun

1. Reg. 24.
Cap. 26.

spelunca pepercit Saül, dixit ei: Ecce hodie viderunt oculi tui quod tradiderit te Dominus in manu mea; vel quando dixit: Tradidi te Dominus hodie in manu mea, & nolui extendere manum meam in Christum Domini. Quando scilicet ingressus tentorium Saülis à nece abstinuit, tulit tamen hastam, & scyphum. Sic itaque intelligenda est diuina exprobratio erga ingratos, quæ singulare beneficium est, cum in eorum emendationem vergat, capacioreque reddat ad diuinam affluentiam promerendam. Et de hac exprobratione non est intelligendus præsens locus, sed de illa, qua superbe gloriatus quis exprobrat, quæ bona in alterum contulit. Vnde Bern. Serm. 16. in Cant. Erubescet anima mea, quoniã etsi illum nõ repetere, & non impropere decet, nos tamen omnino dedecet ingratos, immemoreque extitisse.

Vers. 5.

Et dabitur ei.

§. I.

Cur Deus peti velit, & de magna orationis efficacia, & potentia.

Ioan. 16.
Matth. 11.

Luc. 23.

Ac constanti promissione nos inuitat Apostolus ad perpetuum orationis studium, siquidem perpetuò indigemus in hac vita sapientia illa, de qua sermo est. Is enim qui promissit, si quid petieritis Patrem in nomine meo; & alibi. Omnia quacunque orantes petitis, credite quia accipietis, & fiet vobis, sapientiam postulatus, pro summa affluentia dabit. Et qui ad conuicia surdum se præbuit, ac mutum, & inter mortis dolores orationi, postulationique latronis incunctanter respondit, & dum memoria poscitur, regnum concedit. Luc. 23. sicut ibi aduertit Ambros. dicens: Vberior est gratia, quàm precatio, semper enim plus Dominus tribuit, quàm rogatur, is procul dubio dabit sapientiam ei, qui in fide postulauerit.

Sed statim hoc loco ea se offert quæstio quam affert D. Aug. lib. 2. de ferm. Domini cap. 9. Quid opus est, inquit, oratione, si quidem Deus quid nobis opus sit, iam nouit? Respondetque opus esse oratione, quia ipsa orationis intentio cor nostrum serenat, & purgat, capaciùsque efficit ad excipienda diuina munera, quæ spiritualiter nobis infunduntur: non enim ambitione precum nos exaudit Deus, qui semper paratus est dare suam lucem nobis vitalem, sed nos nõ semper parati sumus accipere, cum inclinamur in alia. Et Chrysost. hom. 19. in Matth. Orandum, inquit, non vt Deum doceas, sed vt insecutas, vt familiaris efficiaris, vt humilieris orando, &c. Hæc tamen simplex Iacobi promissio nos omnes ad orationem prouocat, proposita infallibilitate consequutionis, si pro indigentia postulemus. Quam promissionem in sacris literis repetitam D. Bernard. Serm. 16. in Psalms. Qui habiunt, ad illa verba, Clamatis ad me, & ego exaudiam eum; dulcem

dulcem legem appellat, quæ meritum exauditionis in clamore postulationis constituit. Et Clemens Alexand. 1. Pædag. c. 9. asserens illud Isai. c. 58. *Vocabunt me, & dicam, ecce adsum.* Celerius, inquit, exaudisti quàm ego *Isai. 58.* expectaui Domine. Et Chrysost. ad illa verba Christi. Matth. 7. *Omnis qui petit, accipit;* siue iustus sit, inquit, siue peccator, tantum petere non dubitet, cum constet neminem excludi, nisi qui petere reculauerit. Nazianz. oratione in sanctum Baptismum. O miram beneficentiæ celeritatem! o facilem contrahendi rationem! cum ab eo beneficium petitur, beneficium id ducit: prompta, munifica, atque proluxa natura est, iucundiùs dat, quàm alij accipiant. Et Orig. in epist. ad amicum ægrotum tom. 9. Peti se vult Deus qui quod est nouum inter nos, solus petentem se amat, cui etiam solus, quod mirabile est, irascitur nisi petatur. *Matth. 7.*

H I N C est, quoddam ea omnia, quæ difficiliora possent videri, postulatus Deus facile concessit, quod nos ad petendum inuitaret. A natura inditum est, vt ignis comburat, sursumque vsque ad proprium centrum feratur: trium tamen puerorum petitio flammam ignis excussit, & Helix oratio ignem de cælo descendere fecit, naturalémque leonum sæuitiam Danielis preces cicurauerunt. Quoddam si tempus edax est rerum, contra omnia sub-lunaria præualens, orationi cedit. Nihil aliud enim est tempus, quàm mensura motus, quo scilicet omnes actiones nostras metimur, si tardæ, vel veloces sint: vnde dicimus, consumere tantum, vel tantum temporis. Si quis verò primi mobilis motum cohiberet, hic procul dubio contra tempus præualeret. Postulauit Iosue ne Sol, ac Luna mouerentur; & steterunt *Cap. 10.* Sol, & Luna, donec viscisceretur se gens de inimicis suis; & ita cessit tempus orationi.

S E D adhuc video quid maius concessum orationi, dum ad Petri preces, super aquas eundem: Petrum videmus gradientem impossibile factu, pedes in aquæ quod intelligemus iuxta id quod veteres Ægyptij exposuere, qui vt ostenderent aliquid superficie inambulantes pro hieroglyphico faciebant. Nemo siquidem est, qui nesciat nulla id humana ope, ingenioque fieri posse: nihil enim magis irritum cedit, quàm si quis plantas super aquæ superficiem firmare sibi persuaserit. Ad quod respexit Cic. cum 3. Offic. fluxas, labiles, & inconstantes Epicuri rationes esse disliceret, quippe quæ minùs in solido consistant, quoddam aquæ hærent, vt aiunt. Id igitur quod impossibile, imò & pro impossibilitatis symbolo Veteres circūferebant, orationi possibile ostendit Dominus, quando ad petitionem Petri iussit, ac fecit eum venire super aquam. Sed quid mirum, quoddam impossibile redigat ad actum oratio, quando & ipsum omnipotentem Deum detinet, ac ligat? Ideoque Moyse oranti dixit: *imise me, vt irascatur furor meus.* Omnia igitur subiecta videmus orationi, cum se illi ipsemet Deus veluti subiiciat. Omnia in oratione posuit, qui omnia concessurum se exposuit. *Matth. 14.*

P O S T Q U A M Salomom magnificum Templum illud extruxit, deprecatus est Deum, vt si populus Israël inimicos fugisset, & Deum in domo illa deprecaretur, Deus populum exaudiret. Si clausum fuerit cælum, *3. Reg. 8.*

fames si oborta fuerit, si peccauerint tibi, pleraque alia mala recensendo; orat Deum, ut his omnibus subueniat, dummodo pro his malis orauerit populus in domo illa. Et statim dixit Dominus ad Salomonem: *Exaudiui orationem tuam, sanctificauit domum hanc, quam adificasti, ut ponerem nomen meum ibi*; id est, sicut exposuit Vatab. vocando ædem istam, ædem meam siue de nomine meo. Iam verò ipse Deus dixit: *Domus mea, domus orationis vocabitur*. Mirum quòd nolit eam vocari domum victoriæ, domum abundantia, domum propitiationis, domum curationis, quæ omnia in ea domo promisit inuenturos, qui oraturi accederent. Vocetur; inquit, domus orationis domus mea, ut intelligant homines se omnia in oratione inuenturos; nihilque oranti vnquam defuturum. Dùmque appellatur domus orationis, virtualiter, & implicite appellatur domus, seu promptuarium omnium bonorum.

V N D E possumus intelligere eam expositionem D. Thomæ ad illa *Gen. 32. 3* verba. *Dimitte me, aurora est*; vbi sequutus, ut videtur, Origenem lib. 3. de principiis, & quatum ex eo possumus colligere, Hieron. in cap. 6. ad Ephes. ait: Non puto quòd eodem modo luctaretur cum eo, quo communiter luctantes, sed potius quòd Angelus, siue Deus in specie hominis apprensus, precibus, & affectibus manibus, & amplexibus tenebatur à Iacob. *Que* expositio confirmari potest ex Bern. epist. 120. dum ait; Pugnabimus pro matre nostra armis, quibus licet, non scutis, & gladiis, sed precibus, fletibusque ad Dominum. Subdit igitur D. Thom. explicans prædicta verba; *Dimitte me, iam ascendit aurora*. Nota quòd loquitur ad modum domini, seu viri maturi, & honesti, qui erubescit videri luctari, vel aliqua sibi non condigna agere. Ex mente igitur D. Thomæ hæc lucta precibus agebatur ex parte Iacob. Et licet communis expositio eius loci sit, verè corpoream fuisse luctam, semper necessariò fatendum est, interuenisse ibi orationem, saltem in petenda benedictione, quam cum lacrymis postulasse ait *Osee 12*. Osee c. 12. Ait igitur ille Angelus, qui Dei personam agebat, *Dimitte me*, noluit enim videri sibi non condignè agere, quasi erubuerit Deus, si quis videret Iacob deprecantem, & eum illico non exaudientem.

A B S I T autem erubescendi verbo inuidia. Eo enim vsus est Ambros. in simili, eleganti itidem expositione. Occurrēs enim obiectioni Arrianorum, qua probare conabantur dissimilitudinem, & inæqualitatem Patris, & Filij, ex responsione eiusdem Filij data ad id, quod mater filiorum Zebedæ postulabat de filiis, quando scilicet dixit, *Non est meum dare vobis, sed quibus paratum est à Patre meo*; sic ait Ambrosius lib. 5. de fide cap. 3. Dominus cœli, atque terrarum verècundabatur (ut secundum assumptionem carnis, & virtutes animæ loquar) verècundabatur, inquam, & ut ipsius verbo vtar; confundebar matri pro filiis postulanti etiam suæ sedis confortium denegare. Quam patiens, & clemens Dominus! quam alta sapientia, & bona charitas! Volens enim ostendere, quòd non perfunctoriam rem aliquam Discipuli postularent, sed eam quam impetrare non possent, prærogatiuam ei paternæ honorificentia reſeruauit, non metues ne quid iuri pro

proprio derogaret, qui non rapinam arbitramur esse se aequalem Deo; noluit videri quod peterent denegasse sanctus, & bonus Dominus, qui mallet aliquid dissimulare de iure, quam de charitate deponere. Ex qua expositione illud colligimus; erubuisse Christum Dominum negare id quod ab eo postulabat mater filiorum Zebedæi, & maluisse suum honorem periclitari apud hæreticos, quam liberalitatem erga exorantem. Nam, sicut dixit Benard. Serm. 2. de Sancto Andrea, non potest iure negare petentibus, qui etiam non petentes promouet, & hortatur ut petant, dum ait; *Si vos cum sitis mali, nobis bona dare filijs vestris, quanto magis Pater vester celestis dabit?* Similiaque habet D. Aug. Serm. 36. de verbis Domini.

Q V O D si aliquando indigentes à Deo aliquid postulamus: & non accipimus, contra id quod Iacobus hoc loco docet, inde fortassis proueniet, quod indigos ac necessitate oppressos fratres petentes etiam non audimus; quod dixit Basil. hom. 8. in diuites: Supplicantium ad Deum vox frustra clamat, & in aëra euanesceat, ac dissipatur, Nam & nos rogantes minimè audimus, ob hoc campi steriles, quoniam & charitas friguit. Similia prorsus habet Cyprian. lib. de opere, & eleemosyna, ubi inter alia affert illud: *Qui obtinuit aures ne audiat imbecillum, & ipse inuocabit Deum, & non erit qui exaudiat eum;* neque enim promereri misericordiam Domini poterit, qui ad precem pauperis non fuerit humanus. Et Chrys. hom. 79. ad pop. Cum defeceris orans, & non acceperis, cogita quoties pauperem audisti te petentem, & non exaudisti, & tu quidem hoc ex crudelitate facis, Deus autem ex benignitate.

Verf. 6. *Postulet autem in fide nihil hesitans.*

EXPOSITIO LITERALIS.

NON minima est hoc loco difficultas, quidnam intelligendū sit nomine *fidei*: lōgē enim aliter hoc loco accipitur, atque c. 2. cū dicitur; *Fides sine operibus mortua est.* Nam plerique Scholastici Theologi intelligunt fiduciam, quæ nihil aliud est, quàm modus quidam, & robur spei, ut ait D. Tom. 2. 2. q. 1 29. art. 6. Quod enim fides distinguatur à fiducia, planè colligi videtur ex illo, *in quo habemus fiduciam, & accessum in confidentia per fidem eius;* ubi causam fiduciæ dicit Paulus esse fidem. Et ideo ipse effectus aliquando nomine causæ appellatur, scilicet fiducia nomine *fidei*. Quo pacto intelligunt illud. *Modice fidei, quare dubitasti?* ubi videtur Christus Dominus nomine *fidei* intellexisse fiduciā: ad illā enim habendā paulo antè fuerat Discipulos exhortatus, dicens, *habete fiduciam.* In quāteriam significatione intelligunt illud: *Si habueritis fidem.* Pro qua sententiā vidēdus est Vega lib. 9. in Trid. c. 28. & Lynd. de quadrip. Iust. 1. p. lib. 2. c. 3. Ians. in Cōcord. c. 3 2. & 33. & recēctiores Theologi ad initiū 2. 2. D. Th. quibus

quibus addendus est locus præsentis similis 1. Ioan. 5. *Hæc est fiducia, quam habemus ad eum, quia quodcumque petierimus secundum voluntatem eius, audit nos.* Facit & pro hac sententia vsus Latinorum, qui fidem pro fiducia vsurpare solent, vt patet ex Cicer. pro Quinto Ligario, dicente: *Animaduerte, quæ fide defendam eius causam, qui perdo meam.* Et Terent. in Heaut. *At mihi fides apud hunc est, nihil me istius facturum.*

Rom. 5. A 1. 11 verò existimant hoc loco fidem significare veram fidem Catholicam, quæ requiritur ad efficaciam orationis: nam vt dixit Paulus; *Quomodo inuocabunt eum in quem non crediderunt?* Vnde hoc, quod ait Iacobus, *in fide nihil hesitans*; primò intelligi potest de hæsitatione repugnante veritati fidei diuinæ, quæ pertinet ad intellectum: non quia necessarium sit unicuique credere suam orationem habituram effectum absolute, sed solum sub ea conditione, si habuerit omnes proprietates necessarias, sub quibus promissio orationis facta est, ita vt non hæsitet de illa promissione; *Quidquid orantes petitis, credite, quia accipitis*: quæ in prædicto sensu intelligenda est.

1. 2. cor. 5. V E L secundò, si velimus Iacobum loqui de non hæsitatione in ipso affectu orandi, ideo dicit, vt postulans in fide nihil hæsitet, non quia fides illa sit fiducia, sed quia est radix fiduciæ, & quia ex perfecta consideratione fidei, diuinæque bonitatis, quam fides docet, prouenit, vt fidelis oret cum firmo affectu, & sine hæsitatione, sicut Petrus dixit. *Cui resistite fortes in fide*; non quia resistere tentationi formaliter fiat per fidem; sit enim per voluntatem gratia adiutam, sed quia fides est, quæ voluntatem mouet, & dirigit. Et ita Paulus monet habere fiduciam in fide, & ob eandem causam, quando Christus reprehendit Petrum quòd esset modicæ fidei, & similiter alios Apostolos, de vera fide loquitur, neque eos reprehendit, quia dubitarent de veritate fidei, aut reuelationis, sed quia haberent languidam fidem, & non rectè vterentur illa, ad considerandum ea quæ possent affectum, & fiduciam erigere. Fieri enim potest, vt quis non habeat defectum in assensu fidei, neque in certitudine, qua credit Deum esse fidelē in suis promissis, & tamen deficiat in applicanda practicè hac veritate, & cognitione voluntati, vt secundum illam cum magna fiducia oret, si detur hæsitatio, vel tepiditas in voluntate.

I T A Q U E secundum hanc sententiam, fides hoc loco accipitur pro vera fide includente conditionem, quæ includit promissio, & insuper ipsam promissionem, ita vt credat Deum fidelem in promissis, & si oratio habuerit omnes proprietates, & conditiones necessarias, eam futuram infallibilem, & ita talis fides neque habeat hæsitationem in intellectu, neque admittat in voluntate, imò potius magnam fiduciam, hoc est, magnum spei robur in voluntate excitat. Et hæc videtur germana huius loci expositio, quæ desumi potest ex Cyrill. Hierosoly. Cateches. 5. & videtur esse de mēte Hieron. in Dialogo cōtra Luciferianos; Orig. & Chrysost. in cap. 8. Matt. cōsentaneaque est D. Tho. 2. 2. q. 129. art. 2. Et pro ea videri potest Tolet. Luc. 5. & Maldonat. Luc. 1. 8. quæ bene posuit Suar. lib. 1. de Oratione c. 24. Orandum

dum igitur est in fide, id est, cum fide, ita ut nulla hæsitatio, seu dubitatio de diuina largitate admittatur, quò animus firmiter Deo adhareat postulanti, & ab eo nullo dubio occurrente diuellatur.

§. I.

Fides ad orandum necessaria ostenditur.

OSTENDIT hic locus fidem maxime esse necessariam, ut Deum deprecemur, quod etiam docuit Christus Dominus cum dixit: *Si habueritis fidem, & non blasphemaueritis, omnia quaecumque petieritis in oratione credentes, accipietis.* Vnde Theophylact. Luc. 8. notauit, quò postquam Christus Dominus fidem docuit, dixit. *Filius hominis veniens, putas, pruenies fidem in terra:* Merito, inquit, sermoni de Oratione sermonem de Fide contexit, quoniam omnis orationis fundamentum, & basis est fides. Quod prosequitur August. Ser. 36. de verbis Domini. & Ambros. Ser. 3. in Psalm. 118. & Chrysost. Ser. 7. in 1. Reg. 17. loquens de Zacharia, cui non credenti diuino oraculo abstulit Deus vocem, sic ait. *Qui non credidit, tacuit, Propheta quia credidit, gloriatur: Credidi, propter quod loquutus sum.* Fratres, dat verbum fides, negat infidelitas verbum; quasi velit, non posse quempiam aperire os, nisi ex imperio, & dictamine fidei. Quod testatur Dauid in allato testimonio.

FA C I T ad præfens institutum id quod docet Chrysost. hom. 2. de fide. Annæ, cum ponderat eiusdem fidem, quæ postquam orauit Dominum pro filio obtinendo, addit facer textus; *Abiit mulier in viam suam, & comedit, vultusque illius non sunt amplius in diuersa mutati;* quæ verba cõtinent Hebraïsmum, quem rectè exposuit Vatablus, talisque est: *Neque vultus fuerunt ei amplius, quod nos Lusitanè etiam dicimus habere, seu deponere vultum mœstum, ac tristem.* Vnde & alij vertunt; *Neg, fuit amplius mœsta.* Vides, ait Chrysost. mulieris fidem, priusquam acciperet, quod postulauerat, perinde confisa est, quasi iam accepisset. In causa erat, quò oraret multo studio, citra omnem hæsitationem, aut diiudicationem; hanc ob rem abiit animo pacato.

PRO hac autem fide necessaria ad orationem, & quæ debet expellere quodlibet oblatum dubium, est optimus ille locus cum Christus Dominus prophætæ mulieri dixit. *Sis fides domum Dei; & quis est, qui dicat tibi, Da mihi aquam, si forsitan petisses ab eo, & daret tibi;* vbi notandum est, particulam dubitationis, non poni ex parte eius, qui concessurus esset, sed ex parte eius, qui rogaturus tanta enim fide vult Deus, ut ab eo beneficia petamus, ut si dubitatio aliqua intercedat, tota sit antecedens orationem, si forsitan, scilicet, quis petat, vbi primum verò petierit, fideliter credat, indubitanterque sciat se consequiturum, quod postulat.

VEL tandem illud credere debemus, quod docuit Bern. lib. de Anima, c. 6. Quoniam aut dabit nobis, quod petimus, aut quod nouerit nobis esse vtilius. Quod etiam dixit Aug. tract. 6. super 1. Ioan. Deus si voluntati non dat, salutem dat. quod prosequitur idem Aug. Psal. 26. & epist. 150. Prosper. lib. sentent. sentent. 211.

Præz in Epist. B. Iacobi.

L §. II.

Maxima confidentia debet fidelis, anima Deum orare.

VT CUMQUE intelligatur hoc loco fides, satis tamen docet vitandam esse hesitationem, & Deum orandum summa confidentia, ac roborata spe assequendi id quod à Deo postulatur. Quod notauit Calet. ad ea verba orationis Dominicæ, *Pater noster qui es in caelis*. Magna, inquit, dignitas cuiuslibet orantis, habere Patrem in cælo: recurrere enim iubetis ad Deum non ut seruus ad dominum, sed ut filius ad patrem filiali affectu, filiali fiducia, imò securitate. Et paulò inferius expendit cur à Deo quotidianum postulemus panem? ut quolibet, inquit, die solliciti simus ad recurrendum ad Patrem cœlestem.

Cant. 5. ORITVR autem hæc fiducia ex Dei bonitate, & eiusdem promissionibus, nam, sicut dixit Sponsa, labia diuini sponsi lilia quidem sunt, quia ipsius verba, quibus concessionem promisit orantibus, lilia quidem producant, in nobisque spem & confidentiam excitant. Sunt enim lilia symbolum spei, & confidentiæ, sicut latè probat Pierius lib. 55. titulo de Lilio. Vnde Poëta cum spem de Marcello conceptam significare vellent dixit 6. *Æneid.*

— — — — — *Si quæ fata aspera rumpas;*

Tu Marcellus eris, mambus dæte lilia plenis.

NOTANDA proindeque est Sanctorum confidentia in petendo, cum non deprecando, sed veluti imperando videantur Deum orare, sic dixit David: **Psal. 72.** *Deus iudicium tuum Regi da.* Et alibi: *Firmetur verba tua:* sic docuit Christus Dominus, *Panem quotidianum da nobis, adueniat regnum tuum:* ubi Orig. ait: In-gētis fiduciæ est, imperare cum ores. Quod etiam docuit Theod. ad ea verba: *Spera in Domino, & dabit tibi petitiones cordis tui.* Et Ber. ad præsens institutū exposuit illud, quod dixit Esau patri suo; *Num vnam tantum benedictionem habes pater?* in declamation. super. *Ecce nos, &c. ante finem.* Infelix, inquit, Ber. tu Esau, qui hoc dixisti: quanto enim melius erat dicere cum Propheta, *Vnam peti à Domino, hanc requiram.* Indignus enim benedictione celesti conuincitur, qui dubio quærit affectu, & in fide hæsitans postulat. Quod ostēdit mulier illa, quæ sanguinis fluxū patiebatur, præ magna tamen cōfidētia dicebat. *Si tetigero tantum fimbriā vestimenti eius, salua ero.* Ideoque iuxta confidentiā, quā præbuerat, sanitatē adeō tactū habuit, dixitque ei Christus: *Cōfide filia,* ubi nō contentus, quod in re cōfidētiæ cor respōderit, verbo etiam eandem confirmauit, filiāque ratione istius fiduciæ appellauit, eam namque talis fides filiā Christi effecit, sicut notauit Chrys. hom. 32. in Matth. **Mat. 9.** H o c insuper argumentum probat id quod, Christus Dominus archify-nagogi filiam suscitaturus fecit: tibicines, & turbam tumultuantem prius eiciens: cuius rei rationem reddit Chrys. loco citatō, dicens; Considera flentes, atque plorantes, quasi tam magna videre miracula indignos, omnes eiectos fuisse. Indignitas autem illorum in eo mihi videtur extitisse, quod veluti dissidentes de reditu ad vitam, eam iam emortuam lamentarentur:

tarentur: rationeque istius diffidentie, indigni prorsus erant, qui reditum ad vitam puellæ cernerent, noluitque eam suscitare in præsentia eorum, qui desperati solam mortem lugebant, nihil de vita cogitantes. Nam, sicut dixit D. Thom. 2. 2. q. 82. art. 15. Oratio efficaciam merendi habet à charitate, at verò efficaciam impetrandi à fiducia. Vnde Cassian. Collat. 9. c. 32. dicit, signum futuræ impetrationis esse, quando Spiritus sanctus mouet ad petendum cum magna fiducia, & quasi securitate impetrandi. Et Clemens Alexandrin. 7. Stromat. plus ait paratum esse debere hominem ad orandum, etiam si non impetret, quàm ad impetrandum nõ tamen petendo, ut tota fiducia in oratione colloccetur. Et Bern. de diligendo Deo præsentem Iacobi sententiam optime connectens cum superiori, ait, Quid enim nisi cum omni fiducia postules à Deo, qui dat omnibus affluenter, dubium siquidem non est quod adit libenter in necessariis, qui plerisque, & in superfluis non deest?

PLURA hac de re habet Chrysost. hom. 15. in Ioannem, cum ex eplo paralytici nos ad fiduciam & patientiam cohortatur dicens: Pudeat nos, & incredibilem socordiam nostram deprecemur, triginta & octo annos. ille expectauerat continuos, nec eius impletum est desiderium, nec id culpa, aut negligentia eius factum est, nec propterea desperauit, nos autem, si vel decem dies orationibus inuigilantes non exaudimur, iam tepescimus, &c. Quibus habet similia orat. 3. contra Iudæos, & lib. 3. de Prouidentia. Videndus item est Philo lib. *Quod deier. infidi. solent.* ubi ait: Vero homini quid magis potest esse proprium, quàm spes bonorum accipiendorum à solo Deo, quod genus, si vera fateri volumus, propriè hominum est, tanquam hi, qui non sperant in Deum, extra naturam rationalem censentur. Quibus habet similia libr. de Abrahamo, dicens: Principium parandorum bonorum, spes est, &c. quæ prosequitur in hanc sententiam.

DEBE T itaque summa fiducia, & spe fidelis anima Deum orare, & pro tentationibus quas patitur, & pro bonis, quæ exoptat, ut spe certissima tristitiam depellat, & Deo in postulando adhæreat. Nam si quæcumque spes, etiam falsa, sicut dixit Gregorius 8. Moral. cap. 8. solet mortuum animu refovere, spes quæ Deo, ipsiusque promissionibus innititur, omnia mala propulsabit. Hæc enim est accommodum in malis pharmacum, sicut dixit Nazianz. orat. 2. Apoleget.

ILLUD tamen ad calcem huius sententiæ duximus aduertendum, nos longe aliter hic loqui de fide, & fiducia, ac hæretici loquuntur. Dicunt siquidem fidem accipi pro fiducia de diuina misericordia, quæ sola absque poenitentia iustificat, & proinde nulla bona opera esse necessaria ad beatitudinem consequendam. Quo pacto explicant ea omnia testimonia sacre Scripturæ, quæ asserunt nos per fidem iustificari, ut Abac. 2. *Iustus ex fide vivit.* *Fide purificans corda eorum.* Et alia similia. Contra quos Concil. Trid. sess. 6. Canen. 12. ait: Si quis dixerit fidem iustificantem esse fiduciam diuinæ misericordiæ peccata remittentis, propter Christum, vel eam fiduciam solam esse, qua iustificamur, anathema sit. Quæ creditur ra-

Abac. 2.
Roma 1.
Act. 13.

tiocur Sor. lib. 2. de Nat. & Gratiæ 6. nullatenus admittendum censeat, quodd fides pro fiducia alicubi sumatur, præsertim hoc loco Jacobi, in odium scilicet Lutheranorum. Prædicta namque explicatio Catholica est, & non excludit ea omnia quæ ad iustificationem requiruntur, fiduciam scilicet diuinæ gratiæ consequendæ, & bona opera, in quibus maxime commendandis tam multus est noster Apostolus, vt videbimus.

E r t insuper vltimis cauendum, ne fiducia in presumptionem transeat, & ex parte intellectus, ne quis putet fiduciam impetrandi ponendam in propriis meritis, quia in hoc magnum est periculum superbiæ, & deceptionis, sicut patet in parabola de Pharisæo, & Publicano: ad examen tamen propriæ conscientiæ possunt examinari opera nostra, dum ad orationem accedimus, ne forte ex parte nostri ponatur impedimentum. Vnde Ioannes dixit, *Si cor nostrum non reprehenderit nos, fiduciam habemus ad Deum* Vel etiam possunt in mente representari propria merita ad expellendam nimiam pusillanimitatem, & diffidentiam, recognoscendo tamen ea tanquam Dei beneficia, & concipiendo spem in Deo, quia si illa contulit, maiora dabit; sicque intelligendum est illud Ezechie: *Obsecro Domine memento quomodo ambulauerim coram te in corde perfecto*. Et illud: *In toto corde meo exquisiui te, ne repellas me à mandatis tuis*; & pleraque alia similia loca.

Verf. 6. *Qui enim hæsitat, similis est fluctus maris, qui à vento commouetur, & circumfertur.*

EXPOSITIO LITERALIS.

R o hæsiare, alij legunt disceptare, sicut etiam Matt. 21. *Si habueritis fidem, & non hæsiaueritis*. Ex Græco, non disceptaueritis, vt solent, qui dubitant apud se in vtramque partem disputare. Vnde & Caieran. hic legit. *Non diiudicat*, propriumque est diffidentis, & desperantis. Vnde Oecum. hoc loco ita explicat: Is qui hæsitat dubius circa suas petitiones, vbi paulisper sustinuit, statim recedit, & ideo similis est fluctui maris, de quo dicitur. *Ascendunt vsque ad cælos, & descendunt vsque ad abyssos*. Videtur itaq; sensus huius loci esse, vt explicet hæsitacionem prædictam præsentem similitudine, qui enim fiduciam non habet, neque in desiderando, neque in petendo habet stabilitatem. Vnde Anselmus in epist. ad Philipp. cap. 2. ibi. *sine hæsitationibus*, vt nō hæsitetis in corde vestro, vtrum faciatis, an non, sed firma definitione perficite, ne sitis animo fluctuantes. Et in hoc sensu explicauit Clemens Rom. lib. 7. c. 12. hunc locum, facitque pro eo illud Pauli, vbi de Abraham dicit, *Contra spem in spem credidit*: quod exponens addit *In re promissione* *et non hæsiavit diffidentia, sed confortatus est in fide*. Et illud Azaria: *Non est confusio confidentibus in te*. Stabilitatem igitur in deprecando Deo prædicat Iacobus hoc loco, quam sequenti doctrina enucleabimus.

§. I.

Inftar maris fluctuantis impiorum conscientia nullam quietem habet.

PE R similitudinem, quam Iacobus hoc loco affert, intelligunt Beda, Carth. D. Thom. Glossa, & alij, effectum peccati in conscientia eius, qui orat. latitatis, eodem namque mordente, peccatorem facit hæsitare de perceptione prætorum cælestium, proindeque ad libitum hostis inuisibilis, quasi ad statum raptatur, vnde de impio ad literam dicitur. *Cor impij* ^{Isai 57.} *quasi mare feruens, quod quiescere non potest.* Et apud Iob. *Leuis est super faciem aquarum.* ^{Iob. 2. 4.} quod Nicetas sic explicat. Quemadmodum ea, quæ leuia sunt cum aquæ infederint extimæ, faciliè aquarū impetu hac, illacque iactantur, sic quiuis impius tentationibus rapitur. Est enim certa tempestas in animo peccato subdito.

QUOD notauit Clemens Alexand. 2. Strom. ad ea verba: *Egressus est autem Caina facie Dei, & habitauit in terra Naid, contra Eden.* Interpretatur autem Naid, inquit, id est, fluctus. Postquam enim Adam in peccatum incidit, inde etiam fluctibus concuti, & agitari cœpit, modò ad scopulos timoris allisus, modò pudoris fluctibus obrutus. Sicut enim dixit Tertullian. Apolog. ad Gent. Omne malum aut timore, aut pudore natura perfudit. Quod clariùs dixit Ambrosius in Psalm. 35. loquens de tempestate iactato ac vago Cain: cum adhuc percussor deesset, ipsa sese iniusti cura cruciabat, acceperat signum ne cum aliquis occideret, non ut vitæ suauitate frueretur, sed ne mors auferret ærumnam, ut percussorem suum quotidie timendo pateretur, ipse suus carnifex erat, ipse percussor. Et paulo post subdit: Delictum meum coram me est semper; offunditur vobis vltix vestri imago peccati, nec quietum reum esse permittit. Idemque habet Nazianzen. orat. 28.

QUÆ fuit ratio cur Philo de congressu querendæ eruditionis gratiâ, licet impie deceptus, ausus fuerit allerere, nullum esse alium inferorum locum, quàm impiam animam, suis perturbationibus agitatam; quem sequutus est Origenes lib. 2. Periar. sicut refert, & impugnat D. Hieronym. in epistola ad Auitam; per hyperbolen tamen hanc agitationem animæ fluctuantis sic describit: Deus, inquit, iniustam, impiamque animam fugatam a se ipso longè dissipat in locum concupiscentiarum, ac facinorum, qui locus impiorum vocatur aptius, quàm ille fabulosus apud inferos.

HANC ergo hæsitationem, & inquietudinē in oratione vitandam, vnde tempestates excitantur, docuit Dauid, quando dixit. *Inueni seruus tuus cor suum, ut oraret te oratione hac.* 1. collegi sensus, eosque veluti ligatos habui, ne hæsitando disceptarem, & disputarem. Quæ verba explicans Aug. Psal. 85. ait. Inuenire se dixit cor suum, quasi solet ab eo fugere, & ille sequi quasi fugitium. Et Pythagoras homines adoraturus sedere iubebat, significans animi quietem, & tranquillitatem. Cypr. de orat. Dominic. Quando statim ad orationem, claudatur contra aduersarium peccatus, & soli

L 3 Deo

Deo pateat. Obrepi enim frequenter, & penetrat subtiliter fallens diabolus, preces nostras à Deo auocat, vt aliud habeamus in corde, & aliud in voce. Quæ autem segnities est alienari, & rapi ineptis cogitationibus, quasi sit aliud quod debeas cogitare, quàm quod cum Deo loquaris? Vis esse Deum memorem tui cum rogas, cum te ipse non audias?

Et quia peccatum in conscientia huius tēpestatis origo est, proinde priusquàm ad Deum aliquid petitori accedamus, debemus peccata per pœnitentiam expellere, vt iam reconciliati cum Deo, eidem grati loqui possimus. Namque, vt dixit Clemens Alex. 7. Strom. Precatio cum Deo conuersatio, & collocutio est; proindeque inter familiares, & amicos debet fieri, & supponere deletam offensam. Vnde Augustin. lib. de perfecta iust. ad Iulianum Comitem ait: Sicut est quoddam genus serpentum, quod quando accedit ad fontem ad bibendum, prius deponit venenum, & illud euomit, sic qui ad fontem misericordiæ aliquid petiturus accedit, prius peccati virus deponat necesse est. Et D. Laurentius Iustinianus in ligno vitæ c. 4. Sicut nullum medicamentum proficit, donec ferrum latet in vulnere, ita nihil prodest illius oratio, cuius voluntas versatur in scelere. Videmur enim dum adhuc sumus in peccatis, plenas sanguine manus extollere in sancta, & habentes arma nequitie, & offensionis Regem offensum deprecari. Similiâque habet Bern. Serm. de quatuor modis orandi, dicens: In cunctis actionibus nostris multa opus est animi vigilantia, sed præcipuè in oratione, licet enim semper videamur, sed nunc etiam præsentamus nos quasi facie ad faciem cum Deo loquentes. Sic igitur oret qui orat, tanquam præsentatus ei, qui sedet super excelsum thronum in Angelis. Quæ de re plura habet Chrys. hom. 9. ad pop.

§. I I.

Quomodo Deus peccatores audiat.

NO N tamen ea ratione intelligendum est id quod diximus, quasi Deus orationes eorum, qui in peccato sunt, non audiat. Peccatores namque Deus multoties audit, non solum cum veniam peccatorum postulant, quam Deus semper paratus est concedere, sed etiam cum alia petunt, quæ non ad corpus, sed ad animam pertinent. Quod probatur ex Luc. 11. & 18. & ex Matth. 18. & ostendit Basilii lib. de Constitutionibus Monast. c. 2. & Aug. lib. 2. contra epist. Parm. cap. 8. Namque illud, quod cæcus diuinitus illuminatus dixit, *Scimus quia peccatores Deus non audit*, verbum adhuc cæci fuit, qui necdum satis institutus à Christo fuerit, sicut docet Orig. hom. 5. in Isai. Augustin. tractat. 44. in Ioann. & lib. 50. hom. hom. 43. & lib. 2. contra epist. Parme. cap. 8. lib. 5. de Baptismo contra Donatist. c. 20. & lib. 1. Retractat. cap. 3. Beda, & alij plerique Interpretes ad dictum Ioan. locum. Si enim, sicut dixit Aug. tract. 44. in Ioann. cit. Deus peccatores non audiret, frustra ille Publicanus oculos in terram dimittens, & pectus suum

Ioan. 9.

suum percutiens diceret; *Deus propitius esto mihi peccatori*; Quantos denique *Luc. 18.* iustos triumphantes in cœlo non haberet, nisi eosdem peccatores audiret? sed ea ratione, quia iustorum preces & audit, & declaratur easdem audire; quemadmodum enim si quis bene canentem aliquem audiat, etsi quoddam vocis modulationem, & suauem concentum non tam faciat, si decorum vultum habeat, gratior quidem erit si pulcher sit aspectu simul, & concinne moduletur. Sic etiam, etsi Deus audiat pro sua bonitate peccatores orantes, si tamen gratiæ iam decorem habeant, simulque preces effundant, libentius exaudiet, & facies, & vox Deo grata existit, facies propter puritatem, vox propter confessionem, etenim *confessio, & pulchritudo in Psal. 69. conspectu eius.* Unde & dicit illi, qui eiusmodi est: *Ostende mihi faciem tuam, sonet vox tua in auribus meis. Vox enim tua dulcis, & facies tua decora.* Delectatur igitur Deus ea voce orationis, quæ à pulchra, & decora anima procedit, sicut alias dixit Pœta *Aeneid. 5.*

Gratior & pulchro veniens in corpore virum.

GRATIOR itidem, & oratio quæ à pulchra, & sedata anima tranquillitate gratiæ procedit.

§. I I I.

Ad nostram utilitatem non statim exaudit Deus petitiones nostras; propterea instandum orationi.

ILLUD deinde docet Iacobus in præsentī, non esse statim recedendum ab oratione, sed potius perseverandum sine hesitatione, aut dubietate. Quæ fuit ratio cur Christus Dominus tot modis docuerit orationi insistendum, *Petite, & accipietis, quærite, pulsate.* quod notauit Euseb. homil. 3. ad *Luc. 11.* Monachos, rationemque affert, dicens: Non vult Deus noster bona sua nimia inueniendi facilitate vilescere. Pretiosa, & concupiscibilis merces cupidum amatorem, & avidum negotiatorem requirit. Ergo ille tantorum numerum se promissor non vult in opere suo tepidum, fastidiosum recusare, coactum respuit. Et Anselm. lib. de mensuratione Crucis: Sæpe Domine differs, quod petitur, ut excites magis appetitum, non differs quoddam nolis dare, sed ut aucto desiderio abundantius possis dare. Et lib. meditat. Abscondis thesaurum tuum, ut incites cupidum, recondis margaritam, ut augeas quærentis amorem, differs dare, ut doceas petere, dissimulas audire petentem, ut facias perseverantem. Et Aug. Serm. 5: de verbis Domini. Cum aliquando Deus tardius dat, commendat dona, non negat, diu desiderata dulcius obtinentur, citò autem data vilescunt. Pete, quære, instā, petendo, & quærendo crescis, ut capias, seruat tibi Deus, quod non vult citò dare, ut tu discas magna magnè desiderare; inde oportet semper orare, & non deficere. Et in Psal. 83. hoc idem eleganti explicat similitudine. Oratio, inquit, Sanctorum dilatione tanti beneficii quasi repellitur, ut tanquam ignis, statim re percussus inflammetur ardentius.

Quem

Quemadmodum enim ignis repercussus, in maiores flammās ascendit, ita ea anima, cui Deus statim non concedit ea quæ postulat, ardentius desiderat, deuotiusque petitioni insilbit. Et idem August. Serm. 3. de verbis Apostoli ait: Deus & cum differt, adest, & differendo adest, ne præproperam cum implet voluntatem, perfectam non impleat sanitatem. Et in Psalm. 83. Desiderium differtur, ut crescat, & crescit, ut capiat, desiderando enim extendit Deus animum, & extendendo facit, capaciorem. Quod dixit etiam D. Tom. 1. p. q. 12. art. 6. Pluraque habet hac de re idem August. in Psalm. 85. & optime in Psalm. 21. ad ea, verba, *Deus meus clamabo per diem, & non exaudies.*

In hanc sententiam interpretatur Diuus Gregorius illud quod dixit Sponsa; *In lectulo meo per noctem quasiui, quem diligis anima mea, quasiui illum, & non inueni.* Abscondit se Sponsus, ait Gregor. 4. Moral. cap. 4. ut non inuentus ardentius quæretur, & differtur quærens Sponsa, ne inueniat, ut tarditate sua capaciorem redditam, multiplicius quandoque inueniat, quod quærebat. Vnde beatus Iob de iustis dicit c. 3. *Quasi effodientes thesaurū.* Omnes namque, ait Gregor. cap. 5. qui thesaurum quærent, cum altius offodiunt, ad laborem instantius in ardescunt, quasi velit, ut eodem modo sese habeant, qui orantes Deum alloquuntur, ut scilicet, quo plus temporis in oratione consumpserint, eo feruentiori desiderio inardescant. Propterea Chrysost. hom. 30. in Genes. ait. Negat Deus, quæ ab illo petimus quandoque, non ut neget, sed ut ardentius petamus, quod facere solent patres filiis suis, quos charissimos habent.

OMNES igitur hi Sancti Patres docent dilationem exauditionis in maius commodum cedere deprecantis: quando maius meritum acquirens, capaciorem redditus ampliori censebitur dignus beneficio, duraturo quidem diuturniori tempore, quia diuturnis precibus fuit à Deo acquisitum. Vnde D. Basil. lib. de Constit. Monast. c. 2. ubi multa de oratione inter alia sic ait: Quid profuit Salomoni tam citò impetrata sapientia, quam citò erat amissurus? In quam sententiam facit id quod Gregor. dixit 15. Moral. c. 12. Arbusta, quæ tardius crescunt, annosa perdurant, & quæ in temporis breuitate proficiunt, celerius arefcunt, & quasi cum festinant esse, tendunt ad non esse.

§. I V.

Delectatur Deus petitionibus nostris.

NO N est etiam recedendum statim ab oratione, licet non exaudiamur, quia fortè Deus delectatur, dum nos orantes, & clamantes audit, quasi musicæ concentum audiat. Ideoque fortassis clamantem gentilem non exaudiuit, quantumuis intensa clamantis voce tædio afficerentur discipuli, dicentes: *Dimitte eam, quia clamat post nos;* quia scilicet volebat audire, & vocis inflexionem, & materiam illius concentus, dum dicebat,

Matt. 15.

dictebat, *Miserere mei fili David*. Cretuliderim certe de diuina bonitate, ea voce maxime delectari, quæ in memoriam adducebat virum secundum cor Dei, & misericordiam, quæ est super omnia eius opera, & illius repetitionem voluisse audire, quò magis delectaretur: propterea quæ eius petitioni statim non annuisset. Si enim preparationem cordis audit auris Dei, cur non delectaretur ea voce ex lauciata, & afflictæ animæ procedente?

Hic non miror Stephanum vidisse cælos apertos, & Iesum stantem. *Act. 7.* Eruperat enim ab eius ore illustres ea canticæ, quani moriens candidus, & rubicundus Cygnus extensis in cruce alis, composuit; *Ne statuas illis hoc peccatum*, prolata quidem ad sonum lapidum pulsantium caput ipsius, qui postulabat; & sicut audibilissimi auditores musicæ, statim atque pulsationem instrumenti musici audiunt, fenestras aperiunt, & audituri apparent, sic Christus Dominus reserata cælorum fenestra, quasi promptus auditor, simulque adiutor apparet.

Quæ forte fuit ratio cur intempesta nocte, quando voces suauius, clariùs, & distinctius percipiuntur, surrexerit David ad deprecandum, vel potius laudandum Deum: quasi enim laudes reputat suas quæ sunt petitiones nostræ, vt ostendit locus ille Isai. vbi pro eo quod nos habemus, *Non petam, & non tentabo Dominum*, plerique legunt, *Non petam, & non laudabo Dominum*. Hoc ipsum ostendit id quod contigit, quando exercitus trium Regum siti laborabat extrema: vocatus enim Eliseus, vt Deum deprecaretur, & aquam sitiienti populo peteret, ipse verò dixit: *Adducite mihi; silem* quasi vellet comitari vocem deprecationis musico illo concentu, & cum psaltere canente simul canendo Deum deprecari. Quod etiam cognouit sancta mater Ecclesia, quæ non solum diuinas laudes decantat, sed etiam petitiones canendo proponit. Et in Apoçal. c. 5. dicitur. *Ceciderunt coram agno, habentes singuli citharas, & psalteria aureas plenas odoramentorum, quæ sunt orationes Sanctorum, & cantabant canticum nouum; vbi vidēs orationes simul cum instrumentis musicis coniungi.* Vnde ad ea verba Psalmi 16. *Intende ad deprecationem meam, auribus percipe orationem meam*; Thomas, teste Loxio, refert aliam lectionem, quæ nostro inseruit instituto, *Intende ad cantica mea*. Aquila verò habet, *ad laudationem meam*; quasi diuinas laudes decantet, qui Deo preces offert, & musicam diuinis auribus excitet, qui diuinum implorat auxilium. Quid mirum igitur si diuina bonitas auditionestrarum precum delectata nos diutius postulantes velit audire, & ideo non statim exaudiat? Merito proinde debemus instare, & quacumque hæsitacionem obuiam longè proicere, ne ea admissa fluctibus iactari incipiamus, & ab oratione desistamus.

§. V.

Beneficium Dei est aliquando ab eo postulantem non exaudiri.

INsuper, & occurrit alia ratio, ob quam licet initio nõ obtemperamus, debemus tamen instanter petere, imò & Deo gratias pro eo, quod non. *Pauz in Epist. B. Iacobi.* M obtineat

obtinemus, agere. Aliquando enim, sicut dixit Bern. Sermon. contra vitium ingrati-
tudinis, misericordiae est subtrahere misericordiam, quae madmodum irae, & indignationis misericordiam exhibere. Et Gregor. 15. Moral. c. 12. Maioris iracundiae est cum hoc tribuitur, quod male desideratur, atque inde repentina ultio sequitur, quia hoc quoque obtinuit, quod Deo irascente concupiuit. Vnde Psalm. 77. *Adhuc es, a coram eram in ore israhel. & ira Dei ascendit super eos, & occidit plurimos eorum.* Solent namque tardius apparere divina iudicia cum praepediuntur, ne impleri debeant mala vota. Nam quanto citius malum votum impleri permittitur, plerumque tanto celerius puni-
tur. Et D. Chrysostomus homil. 79. ad Pop. Frequenter, ait, damnosa petis, & periculosa, sed Deus magis tuae curam gerens salutis, non tuam in-
tuetur petitionem. Nam si patres carnales non omnino, quae petunt filij, praebent, non quod petentes aspernentur, sed quoniam eorum curam gerunt, maiorem multo magis Deus, qui plus, & diligit, & plus omnibus no-
uit, quod nobis expedit, avertit. Similiaque habet homil. 30. in Genes. Siue consequamur, inquit, siue non quod petimus, perseueremus tamen in gratiarum actione. Nam cum Deus aliquid nobis negat, non minus est, quam si concessisset, &c. quae prosequitur in hanc sententiam; pro qua videndus est Augustinus in Psalm. 85. dicens. Quid si male vis, non erit tibi non dando misericors: quod etiam prosequitur in Psalm. 111. & tract. 6. super 1. Canonice Ioan. & Psalm. 126. ad illa verba, *Vnam spero a Domino;* & epist. 150. lib. 5. contra Iulian. cap. 3. Prosper. lib. sentent. sent. 112. Merito proinde perseuerandum est in oratione, & minime haesitandum.

Verf. 7. *Non ergo existimet homo ille, quod accipiat aliquid à Domino.*

EXPOSITIO LITERALIS.



CONCLV DIT Apostolus, quod sicut fiducia perseuerans, à Deo impetrat, quae postulat, sic inconstantia, & haesitantia, seu diffidentia nihil prorsus obtinet, quod etiam dixit August. Ser. 36. de verb. Dom. Si fides deficit, oratio perit.

D. Thom. Carthus. Lyrân. & plerique alij intelligunt illa verba, *quod accipiat aliquid à Deo* de solis bonis spiritualibus, attamen particula Graeca *τι*, emphasim habet, & significat ne minima quidem accipiet à Deo hic, vel in futuro, ut addit Interlinearis.

Sic itaque iactatum tempestate, obrutum fluctibus, & ad littus eiec-
tum nobis proponit haesitentem animum, quem supra dixerat similem fluctibus maris. Nec mirum si ita contingat cum amiserit gubernaculum, spem scilicet, quam Plato lib. 1. de Rep. dixit maxime versatiles mortalium mentes gubernare; & anchoram, cui comparat spem D. Paulus ad Hebr. 6.

Ancho

Anchora autem non potest nauem retinere; nisi in solido iaciatur, & sic spes nisi in Deo figatur, non potest fixum animum reddere.

ET hæc diffidentia penè iam emortuam fidem arguit: est siquidem spes sanguis fidei: sicut enim sine sanguine vita corporalis non potest conseruari, sic sine spe fides diu nequit consistere. Similiâque habet Philo lib. *Quod deterius pot. insid.* dicens: Qui virtutem sectatur, deliciis huic conuenientibus fruitur: aut enim acquirit bonum, aut acquireret postea, & habere quidem affert gaudium, rem potissimam, expectatio verò habendi spem, quæ est alimentum animarum virtutem amantium. Quasi velit statim emori animam, quæ habendi, & consequendi fiduciam amiserit, & proinde optatis nunquam posse potiri.

VND E Oecumen. hoc loco concludit, relegandâ esse hæsitacionem, & nullatenus vacillandum; sed confidenter ad Deum accedendum, qui præ misericordia, & bonitate obliuiscitur iniuriarum; & nostri solummodo miseretur. Vnde Christus Dominus rogantibus Apostolis quare non potuissent furiosum eiicere dæmonium, respondit: *propter incredulitatem vestram*; non sic verò Dauid, qui dixit: *Si exurgat aduersum me praelium, in hoc ego sperabo*; vbi iuxta Hebraicum, & Græcū Codicem, sicut obserauit Legionensis in hunc Psalmum, apparet Dauidem hic bellum, atque hostium castra dæmonstrare, & in eis iplis hostium suorum armis spem columitatis suæ posuisse, quò demonstret fiduciam, quam in Deo habet.

Mat. 17.

Psal. 26.

S. I.

Nihili Deus facit bona temporalia.

PROPTEREA D. Thom. & cæteri expositores, quorum meminimus, dicunt hunc locum intelligendum esse de bonis gratiæ, quæ Deus hæsitanti postulationi non concedit, quia ea solūmodò sunt alicuius momenti, & ideo veluti margaritas porcis non exponit, nec diffidentibus largitur. Qua ratione neque verbo dignum censuit Herodem, & petentibus signum de cælo, duriter respondit. Temporalia verò bona nihili faciens profusè concedit etiam malis, & tribuit non solū petentibus, sed & peccantibus. Quod notauit D. Thom. 1. 2. q. 140. art. 10. cum affert illa verba Ezech. 29. vbi dicitur: *Rex Babylonis seruire fecit exercitum suum seruitutem magna aduersus Tyriem, & merces non est reddita ei.* Postea verò subdit: *Eri merces exercitus illius, & dedi illi terram Egypti, pro eo quòd laborauerit mihi*; cum tamen Rex Babylonis non impugnauerit Tyrum, quasi volens Deo seruire, sed potius, vt sibi dominium vsurparet.

Luc. 21.

Mat. 12.

Ezech. 29.

DE obstetricibus etiam Egypti dicitur: *Quia obstetrices timuerunt Deum* Exod. 1. (in celandis scilicet infantibus Hebræorum) *adificauit illis domos*: cum tamen ea in re non fuerit recta earum voluntas; eo quòd mendacium confinxerunt. Quibus in locis videmus, & Regi Babylonis nequiter pugnantem aduersus Tyrum, & obstetricibus vitiose mentientibus tribui à Deo, & Egypti regnum & amplam familiam.

M 2 ET

1.2. 7.
140.

Et licet hoc intelligendum sit ex mente D. Thomæ hic, quod scilicet huiusmodi retributiones dicantur diuinitus factæ: Secundum comparationem ad diuinam motionem, non autem secundum respectum ad malignam voluntatis Regis, obſtetriciunue: aperte tamen ostendit, sicut Theologi Scholaſtici eo loco ſolent aduertere, quàm parui Deus pendat temporalia bona, ſiquidem per actus etiam peccati labe vitiatos, licet ea aliquatenus conſequi. Quod dixit Gregor. 13. Moral. c. 14. in hæc verba: Si principaliter temporalia magna eſſent, nequaquam hæc conditor aduerſariis ſuis tribueret: vnde. & iuſtus indignum ſe eſſe perpendit, vt illa bona appetat, quæ abundare conſpicit & malis, ſed ad percipienda cæleſtia mentem ſuam dirigit, quæ ſibi cum reprobis communia eſſe non poſſunt. Et Philo lib. de vita Moÿſis, ait; animæ pauperis indicium eſſe mirari materiales diuitias, de quibus dicitur. *Quoniam ante te orbis terrarum tanquam momentum ſtatera, & tanquam gutta toris amelucani, qui deſcendit in terram.* Cui conſonat D. Leo Serm. 1. de Reſurrect. dum ſic ait: Temporalia iſta pro tranſactis habenda ſunt, quoniam ex maiori ſui parte iam non ſunt: ſiquidem præterita iam fluxerunt, futurum nondum aduenit; quod autem præſens eſt, vnius puncti momentum eſt. Et Plotinus Platoniciſ Enn. 1. lib. 6. de Pulchro, c. 8. & 9. *Si quis ad hæc (ſcilicet temporalia bona) irruiat, quaſi vera capeſſens, qua tamen velut fumofa imagines apparent in aqua, idem proculdubio patietur, quod (ut fabula tradit) ille perpeſſus eſt, qui umbram captare contendens, in aquam ſe immerſit, atque diſperſit.*

ſap. 11.

Genef. 49.

MORIBVNDVS Iacob pedes ſuos collegit ſuper lectulū, & obiit; quaſi pedes ipſos, quibus ſuper terram incedebat, ab eadem vellet eleuare, ne quid terrenum ſecum in affectu videretur deferre: quod notaſſe videtur D. Ambroſ. lib. 2. de Iacob; & vita beata cap. 9. cum ait: In lecto tanquam in ſepulchro corpus relinquens, aſſurrexit in ſe, & longè ab aliis, atque intra ſemetipſum ſeſe colligens, præſentibus ſe rebus ſubduxerat.

Pſ. 121.

VIDE TVR hoc etiam attigiſſe Dauid, dum dixit. *Stantes erant pedes noſtri*, Pſ. 121. quaſi vltima pedum parte terram attingere proſtiteretur, & ſuſpenſis pedibus, è cælo pendente animo, in terra verſaretur. Quam mentem etiam habuit Clemens Alexand. dum è contrà non abducens pedes, ſed iſdem terendo, & conculcando terram ipſam, dixit orat. ad Gent. Ego calcare terram didici, non adorare. Et 7. Strom. de viro probò, & ſapiente dixit: Propterea onania mundi bona, quæ ſunt in promptu, & ad manum, non diligit, ne humi remaneat.

FACIT pro hoc argumento id quod notaui Rupert. lib. 8 in Geneſe. 9. vbi de Iacob poſt luctam cum Angelo ita ait: Claudicat iſ qui vicit, quia tetigit, qui victus eſt neruū femoris eius, & emarcuit. Quomodo claudicat: videlicet vno pede terræ innitens, alterum à terra ſuſpendens, id eſt, actiuam vitam pro cura ſubditorum non omnino relinquens, & contemplatiuæ pro eius dulcedine totis viribus inhærens. Iſte claudus ſalit, vel aſcendit ſicut ceruus, terramque vix tangere dignatur: nam *conuerſatio eius in cælis eſt*: verumtamen ex parte. Vno enim tantum pede nunc iterim

Philip. 3.

terrim illuc suspensus est donec veniat, quod perfectum est.

IMMVND A duxit Deus habenda reptilia, & quæ multos habent pedes, siue per humum trahuntur. Cuius rei rationem reddit Philo, dicens: Non est abominanda ea anima, quæ una parte corporis sui rept, sed quæ omnibus, aut plurimis hærens vestigiis corporis, nec valens ad diuinos cæli cursus caput attollere: atqui sicut multipedes, ita pedibus carentes reptiles bestiæ damnantur. Illæ propter causam iam dictam, hæc quia totæ humi iacent, & ne minimum quidem attolluntur.

Leuit. ix.
Lib. de
migrat.
Abrah.

VND E possumus quidem inferre ineptos esse cælestibus bonis, quæ vera tantum bona sunt, eos, qui terrenis adhærent, illorum quidem immemores; de quibus meritò Dauid dixit: *Transiui, & ecce non erat, quasiui* Psal. 36.
eam, & non est inuenius locus eius. quod explicauit Bilius ad 2. oratio. Apolog. Nazianz. Qui non est particeps illius, qui semper est, neque esse meritò dicitur. Et ideo Dauid diuitem non inuenit, imò inuenit non esse, qui diuitiis fretus existimauit posse esse. Vnde Greg. 22. Moral. c. 2. ait: Quasi in aquis defluentibus fundamentum ponere est, in rebus labentibus spei fiduciam velle solidare: stante enim Deo, transeunt omnia; quid ergo est ab stante fugere, nisi transeuntibus rebus inharere?

Hoc ipsum expressit Sponsa, testatæque est se non velle vmbra inanium, & temporalium rerum, quæ nunquam in eodem statu permanent, & quando viciniore sunt occalui, maiores videntur, altisque cadunt de montibus vmbra. Sic enim dixit Cantic. 2. *Sub vmbra illius, quem desideraueram, sedi.* Cant. 2. Quæ verba sanctè, ac pulchrè exponens Bern. ait Serm. de Natiuit. B. Mariæ: Non ait, *sub vmbra illius, quem desideraueram*, sed, *quem desideraueram, sedi*, neque enim ipsius expetierat vmbra, sed ipsum profectò meridicem, lumen plenum de lumine pleno.

CVM ergo tam minimæ sint entitatis ea omnia, quæ in terra habentur, meritò Iacobus dixit, hæsitantem hominem non esse consequuturum à Deo aliquid, vel quid. Namque temporalia nullam omnino quidditatem habent, & pro nihilo ea Deus ducit, & à nobis æstimari vult. Qua in re audiendus Bern. epist. 103. Si sapis, si habes cor, si tecum est lumen oculorum tuorum, desine ea sequi, quæ & assequi miserum est. Beatus qui post illa non abiit, quæ possessa onerant, amata inquinant, amissa cruciant. Annon ea facilius cum honore spernis, quàm cum dolore perdis? Annon ea prudentius Christi cedis amorì, quàm mortì? &c.

Verf. 8. *Vir duplex animo inconstans est in omnibus viis suis.*

EXPOSITIO LITERALIS.



VBI NFER T Iacobus aliud malum, quod hæsitatio, & diffidentia secum affert, facile scilicet ab incepto desistere. Is enim cuius animus bifariam diuisus est, nunc Deum credens omnipotentem, & misericordem, mox ambigens, & diffidens, in-

M 3

aqualis,

æqualis, & infirmus in omnibus, quæ tentauerit, reperitur, & proinde nihil mirum, si à Deo talis non exaudiat.

Exil. 2. INTELLIGITVR autem hic locus ex illo Ecclesiast. 2. *Va duplici animo.* Vbi Septuaginta habent, *cordibus timidis.* Vnde Interlinealis hinc ait. Duplex animo facile aduersis terretur, & prosperis irritatur, vt è veritate diuertat. Et Syriacà lectio habet, *Vir dubius mente sua.*

VEL secundò, potest intelligi hæc duplicitas cum Beda, & Lyrano, de eo, qui vult gaudere modò cum sæculo, & modò gaudere cum Deo, qui de bonis, quæ agit, non Deum, sed fauorem querit humanum. De talibus dicitur: *Va ingredientibus terram duabus viis.*

Eccl. 1. 2. PER viam intelligitur opus, aut ratio viuendi vniuscuiusque hominis, siue bona sit, siue mala; vt Gen. 2. *Omnis quisque caro corrupta est viam suam,* & Psalm. 5. *Ne quando irascatur Dominus, & pereatis de via iusta.* Cum verò in plurali ponitur, sicut hoc loco, licet etiam rationem viuendi significet tamen propriè pro operibus accipitur, vt Iob. 40. *Ipse est principium viarum Dei;* & Psalm. 24. *Vniuersa via Domini, misericordia, & veritas;* & Psalm. 90. *Angelis suis mandauit de te, vt custodiant te in omnibus viis tuis.* Vnde & ambulare significat operari, ideòque dicitur, ambulare cum Deo, coram Deo, post Deum, in viis, præceptis, ac lege Dei.

EST igitur sensus huius loci: Is, qui hæsitat, & diffidit, ideòque duplicitatè in animo habet, nihil omnino consequetur à Deo, quia fiduciam non habet, confidenterque Deo non adhæret. Sunt enim huiuscemodi homines inconstantes in operibus suis, facilique negotio ab incepto diuertunt, & aliò auocantur.

AFFERTVR autem hic locus ab Athanas. epist. *Quod Nice. Syn.* vbi sic ait: Hæretici Eusebiani mutato animo tanquam ad vomitum regressi sunt, & quomodo non odio digni sunt, qui nunc tandem contradicunt decretis Concilij Niceni de Consubstantialitate filij cum Patre, eosque quos prodiderunt duces suæ hæresis habere voluerunt: homines nimirum tales quales D. Iacobus duplices corde, & instabiles in omnibus viis appellat? Nunquam vnā eandemque sententiam, sed aliàs aliam fouentes, dictaque sua nunc laude nunc vituperio prosequuntur: vt quod iam probarint, è vestigio damnent.

§. I.

Soli Deo adhaerent iusti, & in eo stabiles inueniuntur.

CVM duplicitas cordis hominum impiorum in eo sit, quòd & Deum corent, & fiduciam etiam in rebus humanis ponant, illud à nobis ostendendum est hoc loco; quomodo iusti totam fiduciam in Deo ponant, illique simpliciter adhæreant. Ideòque Dauid Dixit: *Unam peti à Domino, hanc requiram, vt inhabitem,* &c. vbi Legionensis ita habet: Libido, atque cupiditas

cupiditas plura appetit, neque satiatur vnquam; at rectè constituta ratio vnum bonum, quod & ipsum sit summum bonum, desiderat. Et D. Hier. in cap. 1. Malac. ibi, *si offeras claudum, & nunc malum est?* ait: Clauda est rogantis oratio, quæ duplici mente accedit ad precandum, & audit cum populo Iudæorum; *vsquequo claudicatis vtroque pede?*

OPTAVERAT Esau paternam benedictionem, quam tamen illi præripuit Iacob, quod postquam agnouit Esau, adhuc insistit deprecando patrem, vt aliam ipsi concederet benedictionem; dicebátque. *Num vniam tantum benedictionem habes pater? mihi quoque obsecro vi benedicas.* Super quæ verba ita ait D. Bernar. in declamat. ad Ecce nos reliq. omnia. Infelix tu Esau, qui dixisti, *Num vniam tantum benedictionem habes pater?* quanto melius erat dicere cum Propheta; *Vnam peto à Domino, hanc requiram.* Indignus enim benedictione cælesti conuincitur, qui dubio quærit affectu, duplici petit intentione, aliud sibi refugium parans, si fortè etiam non obtinere cõtingat.

Hoc ipsum notauit Greg. in altero fratre Iacob, qui cùm Mesopotamiam: profectus esset, dixit, *Si fuerit Dominus mecum, & custodierit me in via per quam ego ambulo, & dederit mihi panem ad vescendum, erit mihi Dominus in Deum.* Vbi vides, & velle Dei consortium, & velle temporalia bona duplex videlicet habens cor, & adhuc inconstans in itinere, & in viis suis, sed postea vir factus, & Israel, id est, videns Deum appellatus, ait Gregor. 4. Moral. c. 30. Vno mox pede claudicauit, quia qui vero amore sublimia respicit, iam in hoc mundo duplicibus incedere desideriis nescit. Vno enim pede nititur, qui solo Dei amore roboratur.

PRO cuius explicatione notandum est ex eodem Greg. 6. Moral. cap. 11. desideria esse tanquam pedes, quibus anima graditur. Qui ergo duplici desiderio laborat, duplici pede graditur, & qui Deum desiderat, insimulque bona terrestria, duobus pedibus iter facit, duplexque habet cor, quod etiam multiplicatur secundum amorem & desiderium. Verus proinde Israelita vno mox pede claudicat, & vno tantummodò pede nititur, vnâque petit cùm Dauid, & requirit à Domino, dum cum eo vsque manè luctatur, vnâ assequitur à Patre benedictionem, ne duplex inueniatur animo, & sibi non constet in viis.

11 s verd, qui res mundi exoptant, & inquirunt, meritò dixit Isaias: *Ecce confidis super baculum arundineum confractum istum, si per Aegyptum, cui sinuicus fueris homo, intrabis in manum eius, & perforabis eam.* Consuetum. n. est apud sacros Authores, Aegypti nomine, res huius sæculi intelligerè, quibus qui confidit, & cadit, & læditur.

EST optimus pro hac re locus ille Gen. cùm Ioseph in carcere positus, deprecatus est pincernam Pharaonis. vt innocentiam ipsius, Regi proponeret, quò citius ex illo carcere educeretur, qui tamen in pristinam dignitatem restitutus, oblitus omnino est interpretis sui Ioseph integro bienio, donec pro somnio regis Pharaonis interpretes quæreretur, quo tempore illi in memoriam venit Ioseph, qui sui recordationem enixè postulauerat à magistro pincernarum. Totam igitur rem sic præclare illustrauit

illustravit Aug. ser. 82. de tempore, dicens: Cum, sicut dicit Scriptura, Dominus esset cum Ioseph, & gratiam ei apud principem carceris dedisset, praeuentus tunc est, ut ab homine auxilium postularet, dicens magistro pincernarum. *Memento mei cum bene tibi fuerit, & supplica Pharaoni ut educat me de isto carcere.* Et quia nondum scriptum erat, *bonum est sperare in Domino, quam sperare in homine*, cum in omnibus Dei gratiam meruisset, surreptum est illi, ut ab homine auxilium peteret; pro qua re additi sunt duo anni, quibus adhuc detineretur in carcere; tamquam diceret ei Deus. Ego tibi ostendam, ut magis à me, quam ab homine auxilium postules. Sine ulla autem dubitatione credendum est, quod pro castigatione sancti Ioseph non permisit Deus magistrum pincernarum ut in mente haberet, quod ei sanctus Ioseph, quando de carcere dimissus est, supplicauerat. Hæc August. cui addendus est Chrysost. homil. 6. in epist. ad Titum; ubi eundem locum sic prosequitur; *Memento mei apud Regem.* Merito & ipse hoc passus existimatur, quoniam dixit, *memento*, ut disceret in hominibus non esse confidendum, sed spem omnem in Deum dirigendam. Qua de re videndus Hieron. lib. 5. in cap. 18. Isai. & Basil. in Psal. 7.

VND E Philo lib. de Abrahamâ irridet eos; qui cuilibet rei præter Deum se credunt, atque fidunt. Cui præter Deum, inquit, credendum est? Principatibusne, an gloriis, honoribus, opibus? &c. Qui credit Deo, illis non credit.

VITANDA proinde est duplicitas cordis, & soli Deo confidendum, & hac in re vnicum, & simplicem Deum, ad cuius imaginem conditi sumus, debemus imitari. Quod docuit Ambros. epist. 1. ubi pōderat ea verba: *Audi Israel, Dominus Deus tuus, cum unus est.* Ad similitudinem, inquit, Domini, vnus esto, atque idem non hodie sobrius, cras ebriosus, hodie pacificus, crastina die litigiosus: mutatur enim vnusquisque morum varietate, & fit alter in quo non agnoscitur, quod fuit, & incipit esse quod non fuit, sui degener: graue est mutari in peius.

§. II.

Proponitur constantia Sanctorum, & inconstantia, ac varietas iniquorum.

EX varietate, & duplicitate cordis, quam hoc loco reprehendit Apostolus, possumus colligere quantum conducat ad virtutem firmitas, & constantia in eadem. Quæ fortè fuit ratio, cur apud Græcos Sancti appellarentur *ἄνθρωποι*, authore Plutarco. de Oracul. defect. *ἄνθρωποι* autem idē significat, quod *ἄνθρωποι* in Domino sperantes, & confidentes; de quibus dixit David: *Qui confidunt in Domino, sicut mons Sion*; stabiles scilicet, ac firmi, quasi mons Sion. Et ex stabilitate, quam prædicta dictio importat deductum est nomen, quod à Latinis dicitur *os*, quod significat solidamentum illud, quo corpus sustentatur, &

& ideo Christo nullum os fuit comminutum, quia neque eius firmitas potuit concuti. Latina etiam vox, *Sanctum*, deriuatur à verbo *Sancio*, quod significat stabilire, & firmare. Vnde Tull. 1. de Amicit. dixit. *Hæc prima lex in amicitia sancitur.* Et Horat. Satyr. 3.

— Eben

Quam temerè in nosmet legem sancimus iniquam!

FACIT etiam, quia *sancire*, quod est firmum reddere, aliquando significat sacrare, & sanctificare, adeò vt vbi nos legimus in sacra Scriptura *sancire*, legat sæpe Tertull. *sancire*, vt patet ex lib. 4. contra Marcion. & lib. de Ieiun. quibus in locis afferens illud Ioelis, quod nostra Vulgata habet: *Sanctificate ieiunium*, ipse legit, *sancite ieiunium*. Tandemque id, quod in sacris literis firmum, & stabile, & inconcussum dicitur, appellatur sanctum. Tenor Domini sanctus permanet in seculum seculi. Et iterum: *Fundamenta eius in montibus sanctis.*

Psal. 15.
Psal. 86.

VNDE D. Chrysost. homil. 2. ad Pop. ait; Sanctorum virorum constantiam à nemine lædi posse, ac si corpus adamantinum haberent. Quod idem prosequitur hom. 8. super Ioan. Similiâque habet Greg. 14. Moral. cap. 4. cum ponderat ea verba Iob. *Qui fecit ventis pondus.* Fecit, inquit, ventis pondus, quia dum superna sapientia replet animas, eas maturitate indita graues reddit, non illa grauitate qua dicitur, *filij hominum vsquequò graui corde?* Aliud namque est grauem esse per consilium, aliud per peccatum, aliud est grauem esse per constantiam, aliud per culpam. Ista enim grauitas pondus habet oneris, illa virtutis. Pondus ergo accipiunt animæ, vt ab intentione Dei, non iam leui motu dissiliant, sed in eum fixa constantiæ grauitate consistant. Rectè ergo dicitur, *fecit ventis pondus*, quia cum leues motus animi misericorditer dignatur aspicere, hunc protinus ad constantiæ maturitatem firmat. Et D. Aug. in Psal. 136. ait, Flumina Babylonis sunt omnia, quæ hic amantur, & transeunt. Graues autem viri, & considerati, Babylonis fluminis, vel fugiunt penitus, vel super illa sedent. Noli sedere in flumine, noli sedere sub flumine. Debet enim iustus, & perfectus vir super omnia transeuntia firmus, & stabilis permanere, nullisque fluctibus agitari, aut decursibus deuolui. Et Bernard. 4. de consider. Transitoria ista, quæ stare nullo pacto queunt, fac vt à te transeant, non per te. Vnde Nazianz. orat. 27. Eorum, ait, qui tentantur, alij mihi videntur velut leuissima quædam corpora, à mari abripi, distrahi que, ac ne tantillū quidem aduersarum rerum impetum sustinere, alij petreæ instar esse, quicūque nimirum philosophica ratione vtuntur, ac supra vulgi humilitatem euecti, humana omnia immunoto, ac firmo animo ferunt, &c.

HANC in virtute constantiam, & tenacitatem probat Rupert. explicans ea verba Exodi: vbi Deus, vt Paschalis agnus absque macula, & maculus esset, præcipit. Macula, inquit ille, peccatum est, erit ergo absque macula, id est, sanctus, innocens, impollutus. Sed parum habet gloriæ sola innocentia, si non adesset fortitudo quoque, ad agenda perfectæ iustitiæ opera. Erit ergo & maculus, hoc est, fortis, quia nihil fæmineum, hoc est, *Paiz. in. Epist. B. Iacobi.*

N molle,

Apo. 11. molle, & fluxum, admittit Deus, unde in Apocalyp. dicitur de muliere magna, quia peperit filium masculinum qui recturus erat gentes. Qui sensus ex eo adhuc roborari potest, quoniam sicut notauit Plin. lib. 11. cap. 49. *Mares in omni genere fortiores, praterquam in pantheris, & ursis.*

H 1 N C etiam est, quod moribundus Dauid ante omnia superstiti Salomon **1. Reg. 1.** moni constantiam, & fortitudinem commendat, dum ait, *Confortare, & esto vir;* ubi Abulens. q. 3. Accipe constantiam, & fortitudinem, & non sis sicut pueri, qui propter impetum passionum habent maximam mobilitatem in opere, & proposito, sed esto vir, ut propositum tuum de bono constans sit, & non traharis ad diuersa per passiones, instar vagi, & inconstantis pueri.

Q V O D etiam non latuit Senecam epistola 60. ubi ita ait: *Sapiens inconcussus, cum Diis ex pari uiuit.* Pluraque habet in breui lib. de Prouident. Et Lyricus lib. 3. Od. 3.

*Iustum, & senacem proposui virum
Non cinium ardor praua inuentium,
Non vultus instantis Tyranni
Mente quauis solida.
Si fractus illabatur orbis
Impavidum seriem ruinae.*

E X quibus omnibus constat, quantam habeat connexionem virtus cum constantia, & firma soliditate.

E contra verò impius, neque sibi constat, sed continuò agitatus cum Caino fluctuat, & cum impio Satan perpetuo circuitu perambulat, qui quietus in culmine stare contempsit; id quod notauit Greg. 2. Moral. c. 3. quia ab illo spiritalis potentiae volatu corruens, ad gyrum laboris venit. Hinc est enim quod de eius membris per Psalmistam dicitur: *In circuitu impij ambulat.* **Psal. 11.**

A D V E R T I T autem 7. Moral. c. 3. 4 & 13. propterea de iniquo dici in circuitu ambulare, quia non rectà tendit ad vitam æternam, cum sese contineat intra circulum rerum temporalium, ut Remig. August. & alij obseruant, semperque in peripheria incedere, neque ad centrum, qui Deus est, pertingere, ut ait Caietan. imò pueros sese gyrantes imitari, sicut dicit Hugo Card. neque de virtute in virtutem ire, aut ad priora se extendere, sed in perpetua reuolutione, & inconstantiā versari. Quam instabilitatem iniquorum dixit Ecclesiast. *Impius facit opus instabile;* Hebraicè, *Facit opus mendacis;* Græcè, *Facit opera iniusta;* idem enim videtur esse iniustum atque instabile; & Psal. 1. ubi dicitur, *Beatus vir qui non abiit in consilio impiorum;* Heb. habetur, *in consilio iniquiorum.* Cum enim iniqui homines velut nubes sine aqua salienti in vitam æternam, à ventis tentationum circumferantur, nullatenus consistere possunt in via aliqua perfectionis, & rectà in Deum tendere, sed potius agitantur aqua iniquitatis, instar illius rotæ, ac molæ, quæ collo impij appensa est, donec tandem in profundum inferni demergantur.

Psal. 71. **Q V O D** etiam videtur significare Dauid cum dixit: *Propter dolos posuisti*

eis;

ubi Hebraicè habetur; *In lubricitatibus constitues pedes eorum*: sicut enim qui lubrico, & lutoſo graditur itinere, paſſim prolabitur, & vbique in faciem cadit, ſic etiam iniuſti homines, inſtantes in virtutis itinere reperiuntur, proindeque numquam ad terminum accedunt, imò antequam perueniant, vbique cadunt

§. III.

Duplices corde ostenduntur hypocritæ.

OECUMEN. hoc loco, D. Thom. Carthuf. & Feuard. virum duplicis animi eum intelligunt, qui in bonis operibus non Dei retributionem, ſed hominum fauorem quærit, qui proinde citò ab incepta virtute deſiſtit. Quæ eſt doctrina Gregorij 8. Moral. c. 24. vbi de huiuſmodi hominibus intelligit illud Pſalmi: *Fiam ſicut fenum adificiorum, quod priuſquam euellatur, exaruit.* Fenum quippe ædificij in alto naſcitur, ſed nequaquam pin-
gini radice ſolidatur. Et ideo dixit Baldath: *Spes hypocrita peribit.* Quid enim
in cunctis operibus ſperat, niſi honoris reuerentiam, gloriam laudis, à
melioribus metui, Sanctus ab omnibus vocari? ſed permanere ſpes hypo-
critæ non valet, quia æternitatem non quærens, fugit quod tenet, nequa-
quam quippe mentis eius intentio in illa gloria figitur, quæ ſine fine poſ-
ſidetur. Proindeque inſtans eſt in viis virtutis, qui popularem auram
ſolam venatur.

VOCATUR autem hypocrita duplex corde, quia exteriùs ſe alium oſtendit, cum longè aliter interiùs ſe habeat. Eique proinde competit illud Oſæ 7. *Facti ſunt quaſi arcus doſoſus*, qui vnâ partem ſagitta petere videtur,
cum tamen in aliam de facto ſagittam mittat. Quod vno verbo dixit Ter-
tul. Apolog. contra Gent. Mimicè veritatem tractas. Sicut enim hiſtriones in theatro perſonam agunt alienam laruati, & inde exeuntes in propria apparent, ita hypocritæ induunt ſe ornamentis virtutis, cum intrinſecus nequiſſimi ſint.

HANC duplicitatē cordis expreſſit Bern. Ser. 42 in Cant. comprobâtque ex illis verbis, *Pondus, & pondus, meſura, & meſura, virumque abominabile eſt apud Deum.* Quid enim, ait Ber. tu te depretiaris in ſecreto apud te ipſū, veritatis trutina ponderatus; & foris alterius pretij mentiēs, maiori te pondere vendis nobis, quàm ab ipſa accepiſti. Time Deum, & noli hanc rem peſſimam facere, vt quem humiliat veritas, extollat voluntas. Hoc enim eſt reſiſtere veritati, hoc pugnare contra Deum.

ET Gre. 7. Mor. c. 12. Bene contra peruerſam mentem ſub Iudææ ſpecie per Iſaiam dicitur: *Eriſ cubile draconum, & paſcua ſtruthionum.* Quid ſtruthio-
num nomine in hypocritis designatur? Struthio quippe volandi ſpeciem habet, ſed vſum volandi non habet, quia & hypocriſis cunctis intuentibus imaginem de ſe ſanctitatis inſinuat, ſed tenere viam ſanctitatis ignorat: in peruerſa mente ſtruthio paſcitur; quia & latens malitia callidè tegitur, & in mentium oculis ſimulatio bonatis antefertur. Et Bernard. Serm. de ſancto Benedicte notauit ea verba Pſalm. 1. *quod fructum*

suum dabit in tempore suo; contra hypocritas: obseruat enim aliquos edere fructum non suum, sed alienum, vt hypocritas, similes Simoni Cyrenæo, qui crucem portabat non suam, nempe angariatos, & quæ non amant amore gloriæ, quam desiderant facere impulsu commodo, vel vana gloria.

Quæ omnia aperte ostendunt duplicitatem cordis, quæ in hypocrita reperitur, cum alium se simulat interius, alter reuera sit exterius. Proferunt hypocritæ exterius fructum virtutis, qui ab interiori non procedit, & ita ferunt fructum non suum: sicut dixit Ber. Serm. de sancto Benedicto: afferens dicta verba Psalm. 1. quod fructum suum dabit in tempore suo. Arbores, ait, quæ fructum faciunt, sed non suum, hypocritæ sunt cum Simone Cyrenæo crucem portantes non suam, qui religiosa intentione carentes angariantur, & quæ non amant, amore gloriæ quam desiderant, facere compelluntur. Cumque istorum virtus in extrema tantum superficiei appareat, & nullo nixa roboretur fundamento, facile euanescit, & obliteratur, & velut hederæ Ionæ vno die nascitur, & excinditur. Quod significauit Apostolus cum dixit: *Inconstans est in omnibus viis suis*, quod inde oritur, quia in primis huiusmodi hominibus violenta est omnis virtutis perfectio, cum sit fructus non proprius, nullum autem violentum durabile. Deinde, quia cum aucupentur hominum laudationem, si nemo adsit, cessat virtus: quod de eleemosyna dixit Nazianz. & de cæteris virtutibus dici potest. orat. 19. vbi ita ait: Permulti ad promptum animo faciendos sola honoris cupiditate ducuntur, vbi autem largitio arbitris caret, illic quoque largitio languescit & obtunditur.

NECESSARIO itaque inconstans debet esse hypocrisis, quæ à populari aura dependet, & hominum beneplacitum, qui nunquam in eodem statu permanent, comitatur. Totus igitur hic locus clamat, vitandam esse hypocrisim quæ mater inconstantiae est, & nullatenus obseruandas externas laudes. Quod eleganter dixit Epictet. in Enchir. cap. 28. *Satis, ait, tibi in omnibus sit Philosophum* (.i. probum & iustum) *te esse, si autem videri etiam vis, tibi ipsi videre, & satis erit.* Et Plutarc. lib. de profectib. virtut. sentiendis. *Proficientis ergo in virtutis studio est, non modo si quid amico donauit, sed cum id conseruare, & reticere, sic enim sibi ipsi placens, neque seipsum continens, sed gaudens, seipso atque contentus, ut satis idoneo teste, ac spectatore pulchrorum ostendit rationem iam intra sese conuersam radices agere, & quod inbei Democritus, ex seipso sui obiectellandi materiam petere condocessatum esse.*

Vnde obseruauit Philo lib. de Abrahamâ id quod Patriarcha famulis eum comitantibus ad sacrificium dixit: *Expectate hic: ego autem, & puerillus usque properantes postquam adorauerimus, reuertemur ad vos.* Data opera, inquit, Philo, longè à tergo relictis etiâ duobus famulis, ne se corâ testibus ostentare videretur. Hoc ipsum docuit Greg. 19. Moral. cap. 13. allegoricè exponens illud quod de primo parète dictum est: *Posuit eum in paradiso voluptatis, ut operaretur, & custodiret.* Operatur enim ex sētētia Gregorij ille qui agit boni virtutis, quod præcipitur, qui tamē eadē opera custodire, & cōseruare tenetur, ne sicut Eleazar, qui in prælio feriens elephātē strauit, sed sub ipso, quē extinxit,

extincit, occubuit. Miserum namque est sub virtutis, & triumphi tegumento supplicium acquirere, dum externas venatur laudes, & in inferno torqueri ob fictas, & apparentes virtutes, quas in cælo videbit hypocrita feliciter coronatas.

Vnde Hugb Cardinalis in lib. Prouerb. cap. 6. optimè dixit, quòd quæ admodum formica grana ex quibus ali postea debet, detruit, & arrodit, teste Plinio lib. 11. c. 30. ne priusquam ad destinatum necessitatis tempus perueniant, in fruges exeant, & in nihilum abeant, ita prorsus cauendum, dum ne de bonis operibus, quæ in hac vita congregamus, aut efferamur, aut humanam gloriam expetamus. Est enim id quali iam grana germinare, & euanesce.

SED illud ad calcem totius huius discursus notandum velim, ab Authoribus initio citatis duplicem corde appellari hypocritam, qui vecors, & sine corde apud Job dicitur. Sic enim intelligit D. Gregor. 8. Moral. cap. 25. de hypocrita illud. *Non ei placebit recordia sua.* Magna quippe, ait Gregor. *Job. c. 8.* recordia est laboriosa agere, & auræ laudis inhiare, forti opere præceptis cælestibus inferuire, sed terrenæ retributionis præmium querere. Vt enim ita dixerim, qui pro virtute, quam agit, humanos fauores desiderat, rem magni momenti vili pretio venalem portat: vnde cæli regnum mereri potuit, inde nummum transitorij sermonis quærit: vili ergo pretio opus vendit, qui magna impendit, sed minima recipit. Vt vecors itaque hypocrita decipitur, & ut duplex corde, inconstans est in omnibus viis suis.

§. IV.

Contra duplices, siue multiplices animo.

POTEST etiam hæc animi duplicitas simplicitati opponi. Sic enim D. Tho. etiam exponit: Duplex animo, qui aliud interiùs, aliud exteriùs agit: iuxta illud. *Va duplici corde, & homini ingredienti duabus viis.* Fundamentumque habet in textu Græco, vbi habetur, *bianimus*, & qui duplicem habet animum seu cor, significatque animum fictum, dolosum, ac simulatū, quod magna imperfectio est. Sicut è contrà simplicitas perfectio dicitur in sacris literis, à radice *Thaman*, quæ significat finire, vel consummare, aut consummari. Vnde Dauid dixit, *Latetur cor meum, ut timeat nomen tuum.* Siue ut ex Hebræo potest legi; *Vni*, seu, *congrega cor meum, ut timeat nomen tuum.* Siue cum D. Herony. ibi. *Vnicum fac cor meum.* Timebat enim aliquam duplicitatem, siue fallaciā, nobisque normam præbebat. Et D. Hieron. in reg. Monachorū, titulo de Virtut. humil. &c. ait Nihil sic placet Deo, sicut simplicitas, & innocentia. Vnde Spiritus sanctus in volatilibus non apparuit, nisi in columba propter simplicitatem.

ET hæc videtur fuisse ratio, cur diuinus Sponsus perfectæ Sponse oculos commendans dixerit Cant. 5. *Oculi eius sicut columba desuper riuos aquarum, quæ lacte sunt lota;* cuius laudationis rationem reddens Nyssenus oratio-

ne 13. in Cant. ait: Ni hil erroneum, nihil vanum præter ipsam rerum veritatem, velut umbratili quodam simulachro fraudulenter repræsentent, sed ipsissimam veritatem intueantur erroneis huius vitæ spectris, & imaginationibus nequaquam admissis.

- Exol. 17.* N O N clarè innotescit, cur tam acriter diuina iustitia contra Amalech sauerit, cum sempiternum bellum in illum prædicet, deletionem nominis illius præcipiat, & vltimam stragem iubeat. Tantæne animis celestibus iræ? cur in ipsas fœminas sauitum? cur in paruulos, & lactentes contra leges, quas de bellis ipsemet Deus præscripsit? quid meruere boues animalia sine fraude & dolo? Alij alias reddunt rationes: hanc non difficile colliges ex Abul. 1. Reg. 15. q. 2. 3. 6. 7. & 8. Amalechitas scilicet pacem, & amicitiam ostentasse Israëlitis, cum ad hoc, qui de transitu agerent certos illi homines ablegassent, postea tamén ex inopinato, ex insidiis, à tergo postposita fide promissioque in agminis extremos, fessos, & debiles, viros, *Deut. 23* fœminas, paruulosque irruisse. Ideo sic Israëllem alloquitur: *Mememo quæ feceris tibi Amalech in via quando egrediebaris ex Ægypto, quomodo occurreris tibi* (pacifice scilicet) *& extremos agminis tui* (per insidias, & à tergo, vt opponitur occurui) *qui lassè rāscebant cecideris, quando tu eras fame, & labore confectus, & non timueris Dominum.* In eos igitur qui dolosè, & fictè egerunt, diuinitus iam sauitum audiamus. *Cum ergo Dominus Deus tuus dederit tibi requiem, & subieceris cunctis per circuitum nationes in terra, quæ tibi pollicetur est, delebis nomen eius de sub cælo. Cane ne obliuiscaris.* Nihil enim simplicissimus Deus omnis compositionis penitus expers magis odit, quàm dolosam animi duplicitatem sibi omnino oppositam.

PROSE QVITVR hoc argumentum Lactant. Firmin. lib. 4. cap. 17. cum ponderat, cur Deus populo suo circumcisionem præceperit. Illa, inquit, carnis circumcisio non caret vtique ratione, quia si Deus id vellet, sic à principio formasset hominem, vt præputium non haberet, sed huius secundæ circumcisionis figura erat significans nudandum esse pectus, id est, aperto, & simplici corde oportere nos viuere, quoniam pars illa corporis quæ circundicitur, habet quandam similitudinem cordis, & ob hanc causam Deus nudari eam iussit, vt hoc argumento nos admoneret, ne inuolutum pectus haberemus, sed quæcunque simulationem abiceremus. Facit insuper pro hac re ea laus, & commendatio Sponsæ, quando ei diuinus Sponsus dixit, *Statura tua assimilata est palmæ*; quæ verba de animi simplicitate, & candore sic exposuit Ambros. lib. 3. Exameron cap. 7. Palma viuens semper manet conseruatione, & diuturnitate, non immutatione foliorum, nam quæ primò germinauerit folia, ea sine vlla substitutionis successione conseruat. Imitare ergo eam, ô homo, vt dicatur tibi, statura tua similis facta est palmæ, serua viriditatem pueritiæ tuæ, & illius innocentie naturalis, quam à primordio recepisti, vt plātatus secus decursus aquarū, fructū tuū in tēpore tuo habeas præparatū, & foliū tuū nō defluat. sic ille. Vbi apertè carpit eos, qui alienum fructum oris proferunt, ab eo quem intus in corde habent, & qui modò habent vnū verborū opperimen-

tum,

tum, deinde aliud, sibi neutiquam in verbis constantes. Longè aliter simplex Apostolorum animus, qui hanc prerogatiuam consecuti sunt, ut eorum umbra ægrotos curaret, quando nullum eorum folium elabi, mutari-ve potuit, idem perpetuò manens, & apparens.

PROSEQVITVR hoc ipsum argumentum idem Ambros. in eo, quòd Isaac percepta flagrantia vestimentorum Iacobi, quem Scriptura *Gen. 27. Gen. 15.* simplicem prædicat, dixit: *Ecce odor filij mei sicut odor agri pleni, cui benedixit Dominus.* Est sensus horum verborum, ait Ambrosius, ut Isaac naturalem prædicet odorem, quid enim pleno rore suavius? quid vitis odore iucundius? quid fabæ flore gratius? ego, & odorem ipsum terræ simplicem, atque syncerum pro gratia benedictionis accipiam, quam fraus nulla composuit, sed veritas indulgentiæ cœlestis infudit. Neque enim aliud sic laudari meretur, quàm quod fucò, & simulatione caret, non redolet simulata virtus, sed offendit, & verè sapientes homines, & simplicem omnino Deum, qui simplices suæ benedictionis rore perfundit, & supercœlestia paruulis, & simplicibus communicare solet. Vnde Salomon dixit: *Cum simplicibus eris* *Prover. 3.* *sermocinatio eius* (scilicet Dei) Hebraicè habetur: *Cum rellis consilium, & secretum eius;* ubi vides idem prorsus esse simplicem hominem, ac rectum hominem, cui Deus consilia sua, & secreta aperit.

DUPPLICITATEM etiam animi censet quidem prohibitam à Deo diuus Gregorius 8. Moral. c. 31. in eo quòd dicitur; *Non induas vestem ex lana, lin&que contextam.* Ait igitur: per lanam quippe simplicitas, per linum verò subtilitas designatur. Ea nimirum vestis, quæ ex lana, linòque conficitur, linum interiùs celat, lanam in superficie demonstrat. Vestem ergo ex lana, linòque contextam induit, qui in loquutione, vel actione qua utitur, intus subtilitatem malitia operit, & simplicitatem foris innocentiae ostendit. Quia enim sub puritatis imagine deprehendi calliditas non valet, quasi sub lanæ grossitudine linum latet.

SIMILEM prohibitionem ostendit Oleast. in eo quòd noluerit Deus Israëliticum populum panem fermentatum comedere, neque arare terram in asino & boue, aut serere diuerso semine. Voluit, inquit, nos simplices esse, & simpliciter apud proximos conuersari. In quam sententiam notauit Philo lib. de Gigantib. Moysen laudatas, elegantèsque artes, picturam, atque statuariam è sua Republica cieciùs, quòd veritatem, ait, mendacii vitient, illudentes per oculos animabus facilibus, & credulis. Cum enim hæ artes conentur obliuiscere oculis tanquam vera, viuia, & solida ea, quæ ficta, inanimaque sunt, totæ falsitati incumbunt, ac duplicitati. Et proinde relegandæ sunt, & in exilium meritò mittendæ; namque, sicut dixit Ambros. 3. Offic. cap. vlt. Inimicus vitari potest, amicus non potest, si insidiari velit: illum cauemus, cui non committimus consilia nostra, hunc cauere non possumus, cui commisimus. Quòd verò Ambros. ad nostrum institutum faciat, ostendunt ea verba, quæ præmiserat, scilicet, qui est vnanimis, ipse amicus est, quòd vnitas animorum in amicis sit.

Hic igitur si falsi sint, nequeunt vitari, utpote domestici latrunculi, qui omnes

omnes domus angulos scrutantur, & agnoscunt, latrunculos dixi, quia decipere, ac duplici animo fallere de, prædari utique est. Vnde Cyprian. epist. 1. ad Colof. § 2. illud quod nos legimus, *Videat ne quis vos decipiat per inanem philosophiam*, sic ipse legit, *Videat ne quis vos depradeatur*; quod etiam habet Ambros. ibi. Et idem Cypr. lib. de Patient. Videndus etiam idem Ambros. lib. 6. Exameron. c. 8. ubi expendens ea verba Christi Domini: *Vulpes foveas habent*; Fouca, inquit, alta pectus est hominis, ubi sunt noxia, & fraudulenta consilia. Ex huiusmodi igitur foveis egrediuntur falsi latrunculi, de quibus conqueritur David, cum ait: *Sicut novacula acuta fecisti domum*. Nequitia, inquit Ambros. 3. Offic. cap. 11 arguit proditorem, eo quod instrumentum huiusmodi ad hominis adhibetur ornatu, & plerumque ulcerat. Si quis igitur præterdat gratiam, & dolum neget, instrumenti huius comparatione censetur: quasi David cõqueratur, quod simulata amicitia fuerit eum aggressus inimicus, & iisdem significationibus amicitia, quæ animum solent leuare, ipsum hostiliter vulneraverit. Suntque impij hac in re similes terra, de qua sumpti sunt, & in quam reuertentur, quæ exterius, flores, fructusque suavisimos profert, cum in corde inferorum sedes contineat, demonisque, & damnatos habeat reconditos: sic & isti proferunt exterius verborum flores, sermoneque viridantia folia, cum tamen in corde habeant reconditum venenum. Vel similes dixerim iis ægritudine simulantibus, de quibus Sextus Iulius Stratagemat. lib. 4. c. 9. ubi refert quod C. Pompeius cum suspectos haberet Haucenses, vel Tucenses, & vereretur ne præsidium reciperent, petiit ab eis, ut ægros interim apud se resciri paterentur, fortissimisque habitu languentium missis civitatem occupavit.

Cum vero hæc vafrities, & duplicitas tam directe simplici virtuti opponatur, inde est quod candidiores animi facilius decipiantur, sicut notavit D. Ambros. 3. Offic. c. 10. in ea fraude, qua Gabaonitæ vsi sunt ad Iosue, c. 9. Adeo sancta erat, inquit, illis temporibus fides, ut fallere aliquos posse non crederetur: quis hoc reprehendat in Sanctis, qui cæteros de suo affectu æstimant; & quia ipsis amica est veritas, mentiri neminem putant, fallere quid sit ignorant, libenter credunt, quod ipsi sunt, nec possunt suspectum habere, quod non sunt? *Innocens credit omni verbo*; non vituperanda facilitas, sed laudanda bonitas. Oportet enim quemlibet hominem simplicem esse, maxime vero Christianum columbina simplicitate, simplicem in malo: azymum sine fermento malitiæ, & nequitia.

Recte vero à Deo exigitur simplicitas, qui & actus purissimus dicitur, & opponitur prauitati. Inter alia autem diaboli nomina serpens est à vafritie, siquidem peccare hominis est, insidias tendere diaboli, sicut dixit Hieronym. 1. contra Rufinum. Caret merito simplicitatis, inquit Ambros. 3. Offic. cap. 9. omne arte elicatum, & fraude compositum: sed & *filio dolofo*, ait Pro. 14. Salomon, *nihil erit boni*.

Non disputo quatenus in bello possit esse locus doli, ac stratagematibus, & insidiis, hæc ut liceant, abesse mendacium necesse est, tamen oportet etiam hosti seruari fidem. Videndus D. Thom. 2. 2. q. 40. & tota q. 111. & Ambro

Ambrosius 1. Offic. c. 9. & 3. Offic. c. 10.

CÆTERVM cum fallere nequissimum sit, & falli itidem defectuosum; notauit D. Bernard. epist. 327. quodnam remedium Christus Dominus vtrique rei prouiderit: sic enim ait; Nec nouum, nec mirum est humanum animum posse fallere, vel falli, cauendum & hoc, & illud, quia vtroque periculum, ad vtrique cautelam nobis apposuit magni consilij Angelus, quando dixit: *Esote prudentes sicut serpentes, & simplices sicut columbe*; vt nec prudentia decipi, nec simplicitas decipere possit. Nobis iussit nos esse serpentes, ne deciperemur, aliis præcepit esse simplices, ne duplicitate noceremus eosdem fallentes. Attamen humana malitia inuertit sensum præcepti Christi Domini, qui dum iussit esse prudentes, ac sapientes, ne ab aliis deciperemur, sic ab hominibus nequam intelligitur, quod sint sapientes in decipiēdo alios; & in fallacia sitam volunt esse prudentiam, sicut dixit Ambrosius in Apolog. David cap. 9. Nonnulli circumuenire, aut fallere arbitrantur esse sapientiam.

HANC igitur fallaciam comitatur inconstantia, & instabilitas, quia cum illa à peccato deriuata sit, sicut dixit Ambros. lib. de Paradiso cap. 13. ad illud Genes. *Et cognouerunt, quod nudi essent*. Antè quidem, ait, nudi erant propter morum simplicitatem, & quod amictum fraudis natura nesciret, nunc autem multis simulationum inuolucris mens humana velatur. Merito proinde peccati instabilitatem ab eodem participatam habet.

ALIAM etiam rationem possumus assignare ex lib. Eccles. cap. 32. vbi dicitur. *Cor ingrediens duabus viis non habebit successus*, quia scilicet necesse illi est quantum in vna processit, in altera retrocedere; & iugi vagatione huc, illucque cursare: vel tandem, quia cum seruile sit vitium, serui conditionem patitur, vt nulla quiete fruatur, nullam sedem habeat, etiam cum maxime sedere videtur: qua ratione subnotauit, imò exprobrauit hoc vitiū Ciceroni Laberius Eques Romanus; cui ille locū denegauerat, dicens, quod angustè sederet: *Demiror*, inquit Laberius, *quod angustè sedas, cum soleas duabus sedere sellis, duobusque loca occupare*: insinuans eum duplicem corde, & obliiciens contra ingenuitatem, fallaciam scilicet exprobrando. Nam sicut dixit Aug. Psalm. 75. Fraudulenti mores sunt hominis illiberalis, & abiecti. Et Nazianz orat. 3. contra Julian. Priuato homini, inquit, astutè aliquid facere fortasse concedemus. Nam qui vim apertè adhibere nequit, hic si vafre, & callidè aliquid faciat, veniam aliquam meretur. Imperatori autem vi, & potentia superari cum admodum turpe sit, tum verò turpius, & indignius est conatus suos, & intentiones arte occultare. Vbi vides Nazianz. Imperatori exprobrare vafritiem, & duplicitatem, quæ ingenium, & regalē animum dedecet. qua de re vidēdus Bern. Ser. 82. in Cant.

VIDENDVS item D. Paulinus epist. 4. ad Seuerum, vbi ostendit multipliciati Nabuchodonosori respondiſſe multiplicem pœnam. Coma enim tristi leonem, aduncis vnguibus vulturem, sensu, & pabulo bouem referebat.

VIDENDVS itē Philo lib. *Quod prob. su liber*; vbi inter alia sic ait: Omnes Pæz. in Epist. B. Iacobi.

O va

vastri, & ambiguae fidei homines, vulgò nominantur illiberales, & parum ingenui. Idem habet lib. de Creat. Princip. cum dicit. Est & aliud interdictum iustissimum, quo cauetur, ne Reipublicae Princeps dolose versetur inter suos subditos: nam fallaces mores ad seruile, non liberale ingenium pertinent, dum rebus simulatio prætexitur.

- 2 Reg. 3. V E N I T Abner ad Dauid in simplicitate cordis, & ad contrahendam cum illo amicitiam, eique fecit Rex conuiuium, & ostendit omnia amoris signa: adueniens postea Ioab profectum iam Abner reuocauit, vt loqueretur ei in dolo, & occidit illū seorsim ad medium portæ. Voluit se Rex purgare, & ostendere se nullam omnino ansam præbuisse fallaciæ, & ait: *Mundus ego sum, & Regnum meum apud Deum in sempiternum à sanguine Abner; sepeliuit eū maximo comitatu, & plurimis lacrymis.* Quod expendens Ambrosius in Apolog. Dauid, cap. 7. sic ait: Dauid vt sanguinem innocentem à se tolleret, quem fuderat dux eius exercitus Ioab, quando Abner de ineunda societate tractaret, dux licet aduersarij agminis insidiis appetitus occubuit, quem fleuit, & post luctum eius ambulans depositis infulis potestatis exequiarum iusta curauit. Quo facto docuit etiam aduersarij fidem promissam esse seruandam, idque non solum ea ratione fecisse existimo, sed insuper ne prædictam fallaciam à Rege processisse quis putaret, ideo se omnibus purgare voluit à foedo, & seruili vitio, qui etiam dixit: *Virum sanguinum, & dolosum abominatur Dominus, & iterū: disperdet Dominus vniuersa labia dolosa.* Inquam sententiam notauit Plinius lib. 8. cap. 15. leonem animalium regem dolis carere, & suspicione, quasi hæc dedecere irrationalem etiam Principem, & maiestatem regiam. Ideoque Senec. epist. 121. *Magnam rem, inquit, puta vnum hominem agere, præter sapientē autem nemo vnum agi. Ceteri multiformes sumus, modo frugi tibi videbimur & graues, modo prodigi, & vani; mutamus deinde personam, & contrariam ei sumimus, quam eximus.* Ideoque Horat. quem ibi refert Seneca, ait;

Nunquam eundem, nec similem sibi.

N E c mirum igitur quod inconstans sit in omnibus viis suis vir duplex animo, si neque etiam sibi potest constare. Et qui pares vulpibus se fecerunt, partes vulpium erunt, nec aliquid à Deo consequentur.

Verf. 9. *Glorietur autem frater humilis in exaltatione sua, diues autem in humilitate sua, quoniam sicut flos sæni transibit.*

EXPOSITIO LITERALIS.

H O R T A T V R iterum Apostolus fratres dispersos, & afflictos ad patientiam, & longanimitatem, in primisque abiectos, & afflictos ærumnis, exilio, & paupertate. Nam vox Græca *ταπεινός* afflictum sonat, & præcipue ad pauperiam redactum, ideoque illi opponitur ὁ πλούσιος, id est, diues, cui omnia necessaria suppetunt. Vilitatissimum autem est in diuinis literis, vt humilitas sumatur pro afflictione. Sic enim Psal. 9. dixit Dauid:

Psal. 9.

uid: *Respice humilitatem meam de inimicis meis*; & Psal. 24. *Vide humilitatem meam*, Psal. 24. & *laborem meum*. quibus in locis humilitas afflictionem significat, vt ibi vertit Vatab. & Genebr. quo etiam sensu dixit Psal. 118. *Bonum mihi, quia humiliauisti me*, id est, vexasti, & afflixisti, vel vtilissimū mihi fuit, quodd in miseriam redactus sum, vt iidem Interpretes notarunt.

L I C E T ergo humilitas afflictionem significet, hoc loco tamen præcipue videtur significare pauperiem, quam exules à patria eieci perpesti sūt, vel ob Christianæ fidei confessionem patiebantur tunc temporis: ideo enim & coniungit per oppositionem diuites. Deinde etiam & proponitur præmium, exaltatio scilicet, cuius nomine omnes Interpretes intelligunt beatitudinem, quæ peculiari iure paupertati addicta est ex ore Christi Domini, qui dixit: *Beati pauperes spiritu, quoniam ipsorum est regnum celorum*. Ideoque Interlinearis hoc loco: Factus pauper, & depressus inter malos, hanc humiliationem intelligat apud eum exaltationem. Matt. 5.

H O R T A T V R deinde diuites, & quouis modo in hoc sæculo fortunos, ne inani, & præpostera diuitiarum fiducia absorbeantur, imò vt se contineant in officio, consideratione calamitatis imminētis, imò animum erigant si contingat ea amittere. Quæ est expositio Oecum. Caiet. & Feuard.

A T verd D. Hieron. in Threnis ad fin. Beda, D. Thom. Carthus. Brixian. Glos. & alij, hoc intelligunt ironice dictum, & per irrisionem; vt sit sensus: Quid est quodd glorientur diuites huius sæculi, nisi fortè glorientur in humilitate, qua omnes æquans cinis, diuites humilissimum in locum cum illo auaro deiiciet? Ideoque Apostolus reddens rationem, quare diues non debeat secunda fortuna niti, eam petit ab inconstantia, quandoquidem similis est floribus, quibus nihil speciosius dici potest. At huiusmodi decor fugacissimus est, sic etiam præpostera, & peruersa est fiducia in opibus, quæ tam subito marcescunt, & decidunt.

C R E B R A est autem in Scriptura hæc comparatio fœni cum homine, vt patet 4. Reg. 19. Ecclesiast. 14. Isai. 37. & 40. Iob. 40. Psalm. 36. 91. & 120. Vnde Psalm. 44. qui epithalamium seu nuptiale carmen habet pro titulo, *pro iis qui commutabuntur filiis Chore*. Symmachus, Aquila, & Theodotion, & D. Hieron. *pro floribus*, seu, *pro liliis*, vt breuitatem commutationis inculcarent. Et ideo Hieron. epist. ad Lætiam: Citò flores pereunt, citò violas, & liliam pestilens aura corrumpit. Inseruit autem ad explicandam fragilem conditionem rerum humanarum, virtutum scilicet, potentiar, & diuitiarum, &c. Qua de re vidēdus Ambros. 3. Examer. cap. 7. Aug. tract. 7. in Ioan. & Serm. 40. de verb. Domini. Greg. 16. Moral. c. 5. & 15. Chrysost. hom. 28. in Genes. Cypr. de Disciplina & habit. virg. Basil. hom. 5. Examer. & hom. *de non adhaerendo reb. huius vite*, & Ephrem tom. 2. Parænes. 4. & 18. Facit illud Manruani.

*Mirabar celerem fugitiua etate rapinam,
Et dum nascuntur, consensuisse rosas.*

§. I.

Nihil tam dives, quàm vera paupertas.

DO C E T in primis Iacobus persecutiones non solum patienter sustinendas, præcipueque paupertatem, de qua litera intelligitur; sed gaudenter etiam propter præmium futurum, quod paupertati respondet, sicut notavit Bernard. Serm. 4. de Adventu, expendens ea verba, *Penna columbe deargentata*. Magna, inquit, quædam penna est paupertatis, quæ tam citò volatur in regnum cælorum. Nam in aliis virtutibus quæ sequuntur (scilicet apud Matt. cap. 5.) promissio futuro tempore indicatur, paupertati non tam promittitur, quàm datur, unde & præsentì tempore enunciatum est, quoniam ipsorum est regnum cælorum: cum in cæteris dicatur, *hereditabunt, consolabuntur*, & similia.

Ps. 67.

Matt. 5.

QUA PROPTER Caietan. hoc loco optimè exponit. Sic gloriatur frater humilis propter paupertatem (humilitas non est hic nomen virtutis, sed conditionis) in sublimitate promissâ sibi in cælesti regno.

1. Cor. 8.

LÆTANDVM igitur ait in paupertate humili, & in afflictionibus, quæ ipsam solent comitari, proposita exaltatione futura. Quæ proposita dixit Nanzianz. orat. 1. Apolog. Paupertatem, & inopiam exprobrabant: ac istæ sunt diuitiæ meæ, hæc me non solum gloriantem, sed arrogantem facit. Videntur enim mihi inimici, dum hoc obiciunt, id obicere, quod vestigiis illius incedam, qui *propter nos inops factus est, cum esset dives*. Atque utinam exuere me possem panniculis istis, quibus circumdari videor, ut nudus effugerem spinas sæculi, quæ retinent, & reuocant pergentes ad Deum. Si mihi itidem loquendi forma vtitur orat. 24. ubi magnas diuitias inopiam appellat. Et oratione de laudibus Basilij præferens eius paupertatem illi, quæ habuit Crates Thebanus, & Diogenes Cynicus, ait: Hic procul ab omni arte, & quæstu abalienatum animum à rerum omnium possessione abduxit, & ut nauis vitandi periculi, & leuandæ navis gratiâ onera subtrahunt, sic & ipse sponte abiectis omnibus, securus hoc vitæ pelagus pertransiit. Ideoque D. Aug. 13. Confess. cap. 8. Omnis mihi copia, quæ Deus meus non est, egestas est. Quibus habet similia Ser. 205. de Temp. & Clemens Alexand. 2. Pædag. c. 3. Veræ diuitiæ sunt paupertas cupiditatum. Et Hieron. tom. 1. epist. ad Heliodor. de vita Solitaria: Astatim dives est, qui cum Christo pauper est: perfectus seruus Christi nihil præter Christum habet.

Et merito diuitias hi sancti Patres appellant paupertatem: sicut enim dixit Ambros. epist. 10. Cum regnum Dei pauperum sit, quid esse locupletius potest? Facit in hanc sententiam id quod notavit Aug. Serm. 205. de tempore, ad ea verba Pauli 1. Timoth. 6. *Præcipe diuitibus huius sæculi, non superbi superbi superbi*. Præcipe, inquit, diuitibus huius sæculi, quia sunt diuites alterius sæculi pauperes. Et ut sciatur de quibus loquatur diuitibus, addidit, *huius sæculi*. Unde iam exaltatio paupertatis ostenditur, quam Bernar. etiam in hoc mundo sic deducit epistol. 23. Nobilis, inquit, reuera titulus pauper

paupertatis, quam ipse Deus ore commendans prophetico, Thren. 3. *Ego sum, ait, vir videns pauperitatem meam*, super omnes regios thesauros, hic vos titulus nobilitat amplius. Exaltationem autem futuram meretur paupertas, quæ solo Deo contenta, nihil terrenum voluit, donec cælestes diuitiæ aduenirent, & quanto plus temporalia despexit propter Deum, tanto maius ius ad cælestia videtur habere.

V I D E N D U S hac de re Hier. epist. 8. quæ est ad Demetriadem, & 11. quæ est ad Ageruchiam, & 27. quæ est ad Eutochium, & 50. de vita Hilarionis. Cyprianus Sermon. de lapsis, Ambrosius lib. de Viduis. & August. lib. 5. de Ciuita. capite 18. vbi pauperitatem nobilissimorum Romanorum, qualis fuit Lucius Valerius, Cincinnatus, & Fabricius, eleganter laudat. Quorum primus in suo defunctus est Consulatu, usque adeo pauper, vt nummis à populo collatis, eius sepultura curaretur. Secundus, cum quatuor iugera possideret, & ea suis manibus coleret, ab aratro abductus, vt Dictator fieret, maior utique honore quam Consul, victis hostibus ingentem gloriam assequutus, in eadem paupertate remansit. Tertius amplissimis muneribus à Pyrrho Epirotarum Rege inuitatus, promissa itidem quarta parte Regni, à Romana ciuitate, & paupertate diuelli non potuit. Ex horum igitur paupertate argumetur Aug. ad Christianam, cui magna exaltatio correspondet, sicut in præsentī testatur Iacobus. Vnde Ambros. Serm. 10. Nudi, inquit, in sæculo nascimur, nudi accedimus ad lauacrum, vt nudi quoque, & expediti ad cæli ianuam properemus. Incongruum autem, & absurdum est, vt quem nudum mater genuit, nudum suscepit Ecclesia, diues intrare velit in cælum.

V N D E Christus dixit: *Si vis perfectus esse, vade, vende omnia*. Usque adeo nuda virtus apta est cælo, vt quantuis iustus, quantuis sanctus, aurum, vel diuitias possidens non possit esse perfectus; talem enim voluit adolescentem illum Dominus ad Paradisum redire, qualis Adam fuerat de sublimitate Paradisi deiectus. Nudus enim Adam incola Paradisi fuit.

F A C I T etiam ad præsens institutum id quod notauit D. Prosper lib. 2. de Vita Contemplat. c. 16. dixisse scilicet Deum Leuitis: *Nihil possidebitis, neque habebitis partem inter fratres vestros, ego enim pars, & hereditas tua*. Deus, ait Prosper, cum dicit filiis Leui: *Non habebitis partem inter fratres vestros, ego Dominus portio tua*, satis ostendit, quod ij, qui terrenæ hereditatis contempserint portionem, Deum spiritualiter mereantur possidere, vel ab ipso possideri, & eo solo perfrui. Quid ultra querit, cui omnia suus Conditor sit: quid potest eo esse felicius, cui efficitur suus Conditor census, & hereditas eius dignatur esse ipsa Diuinitas? Vnde Philo lib. de Plantat. Noë ait. Quis potest dicere, ipse mihi solus est Deus, nisi qui nullam istarum inferiorum rerum amplectitur? quibus habet similia Seneca epist. 18. dicens: *Nemo, alius est Deo dignus, quam qui opes contempsit, &c.*

E o usque autem hanc humilium pauperum exaltationem euexit D. Bern. vt pauperes Reges soleat appellare. Sic enim habet epist. 103. Volo esse amicum pauperum, magis autem imitatore, ille gradus pro-

Luc. 16.

ficentiū est, hic perfectorū. Amicitia pauperū, Regū amicos constituit, amor paupertatis Reges, quoniam ipsorum est regnum cœlorum. *Facite vobis amicos de mammona iniquitatis, ut cum defeceritis recipiant vos in æterna tabernacula.* Vides quā magnā dignitatem sancta paupertas sit consecuta, vt non modò patrociniū ipsa non querat, sed & ferat indigentibus, quale est absque interuentu cuiuspiam Angelorum, vel hominum sola diuinæ gratiæ confidentia accedere per temetipsum ad vultum gratiæ, capessere summā rerum, attingere totius magnificentiæ culmen. Simila habet idem Bern. Serm. 4. de Aduentu, vbi pauperes appellat Reges cœli, & proinde veros pauperes nulli cedere humilitati, & afflictioni. Videmus, inquit ille, pauperes aliquos, qui si veram haberent paupertatem, non ad eò pusillanimes inuenirentur & tristes, vt pote Reges, & Reges cœli. Sed hi sunt, qui pauperes esse volunt, eo tamen pacto, vt nihil eis desit, & sic diligunt paupertatem, vt nullam inopiam patiantur. Et epist. 208. ait idem Berna. Suscipe pauperes ciues Sanctorum, & domesticos Dei, parum dixi, ciues, Reges sunt ipsorum est enim Regnum cœlorum, iure & merito paupertatis. Hanc ergo exaltationem menti obiciendam pauperibus præcipit Apostolus, ad hoc vt afflictus pauper gaudeat in ipsa humiliatione: qui enim se mox contemplatur futurum Regem, faciliè lætatur de paupertate, qua Regnum acquiritur.

§. I L

Proponitur dignitas, & exaltatio paupertatis.

Canti. 7.

NISI forte præcipiat Iacobus lætari fratres humiles, & pauperes in exaltatione ipsius paupertatis, quæ magnanima, supereminens est, cum terrena omnia, quibus plerique inhiant, despiciat, & conculcanda iudicet, quod videtur placuisse diuino Spōso in ea anima iusta quā sibi Sponsa elegerat, cum dixit: *Quam pulchri gressus tui in calceamētis filia Principis?* Aduertit autē Amb. Ser. 17. in Pl. 1 8. animæ profectū his verbis significari, Enimuerò si calceamēti nomine terrena omnia intelligātur, tota Spōsæ pulchritudo in eo cōsistat, quodd ea calcādo, & pedibus veluti calceamēta supponendo, superior, & eminentior euadit. Quod videtur attigisse Amb. de obitu Valentiniani. Plerumque enim fœminarum calceamenta eas eminentiores reddunt, & è terra aliquatulum euehunt. Ea igitur anima meritò pulchra in calceamentis diuino Sponso occurrit, quæ terrena omnia conculcando superior, eminentior, cœlōque viciniō, & Deo propinquior redditur. Qui verò sic inferioribus rebus eminet, nōne in tali exaltatione meritò gloriari debet? Vnde Clem. Alex. 2. Pædag. c. 3. Vera animi magnitudo est, diuitias despiciere. Et D. Thom. 3. p. q. 7. art. 2. In hoc ipso, inquit, quod Christus omnes diuitias contempsit, in se summum gradum magnificentiæ ostendit. Quin imò & Tull. 1. Offic. dixit: *Nihil tam angusti animi, tàmque parui, quàm amare diuitias, nihil honestius, magnificentiūsq;e, quàm pecuniam contemnere.*

PROINDE

PROINDE verus pauper lætari potest, & debet in magnificentia, & exaltatione paupertatis. Imò etiam in iis, qui diuitias possident, vt se earum dominos indicent, necessaria est prædicta eminentia, vt scilicet eo animo eas possideant, vt si casu iis spoliuntur, tristitia minimè afficiantur. Quo sensu exposuit Anselm. eà verba Pauli, *tanquam nihil habentes, & omnia possidentes*. Estote, ait Anselm. tanquam nihil habentes, id est, mentis despectu cuncta, quæ habetis pro nihilo ducentes, vt tali cogitatione sitis omnia vestra possidentes, quia tunc mens vestra per hæc non tenebitur in imis. Vbi videmus necessarià esse exaltationem paupertatis, vt quis ab infimis rebus eleuatus, tanquam Dominus superemineat, alioqui potius erit vir, vel potius seruus diuitiarum, sicut dixit Dauid: quæ verba expendens Ambros. lib. de Nabuthe Iezraelita c. 14. ait. Bene viros diuitiarum appellat, vt ostenderet eos non possessores diuitiarum, sed à suis diuitiis possideri. Et Cypr. lib. de lapsis. Possidere se credunt, qui potius possidentur, census sui serui, nec ad pecuniam suam domini, sed magis pecuniæ mancipati. Similiòque habet epist. 2. ad Donat. & Greg. 14. Moral. cap. 28. & Senec. epist. 120. *Diuitias, inquit, habent diuites quemadmodum febrem, cum eos potius febris habeat, imò & torqueat.*

LÆTARI insuper potest humilis bonis omnibus spoliatus, quia pulchrior redditur superfluis ablatis. Vnde & auferenti potest dicere. *Sicut nouacula acuta fecisti dolum.* Vbi Aug. Ecce quid faciunt Sanctis mali, capillos radūt. qui quidē capilli superflua rerū tēporalium significāt, quibus ablatis pulchrior redditur animæ vultus, & diuinæ pulchritudini vicinior, ac similiior. Vnde in hūc sensū intelligit Greg. l. 31. Moral. c. 19. illud Isai. *Sustollam te super altitudines terre.* Altitudines, inquit, terræ sunt diuitiæ, lucra, rerum abundantia, quæ, quisquis per ima adhuc desideria incedit, eo ipso alta existimat: at si semel cor in cœlestibus figitur, mox quàm abiecta sint cernitur, quæ alta videbantur. Cum igitur sic humilis pauper diuinitus fuerit eleuatus, meritò in tali exaltatione lætari debet.

§. III.

Quanti Deo placeat animus non adherens terrenis.

DOCEt etiam præfens hic locus quanti Deus faciat eos, qui bonorum spoliationem æquanimiter ferunt, & hoc est humiliari sub potenti manu Dei, vt nos exaltet in die visitationis; quo sensu Origen. hom. 22. in Num. interpretatur id, quod dicitur de festo Tabernaculorum: *Lætabimini coram Domino Deo vestro.* Lætatur, inquit, super te Deus, cum te viderit in hoc mundo in tabernaculis habitantem, cum te viderit non habentem fixum, ac fundatum animum, ac propositum super terram, nec vmbra vitæ huius quasi possessionem propriam, sed veluti in transitu positum ad veram illam patriam festinantem, ac dicentem: *Incola ego sum, ac peregrinus.* Sunt enim æterna sola bona bonorum, sicut appellat August. Libro de Spiritu, & litera cap. 2.

CON

CONGRUIT etiam id quod Nazianz. dixit orat. 18. Negotiatio omnium præstantissima, qua breuia, & fragilia bona cum sempiterna gloria commutantur, quibus iure possumus dicere: *eris omnipotens; contra hostes tuos*, ubi Vatablus legit; *Aurum tuum eris omnipotens*; & Caietanus, *eris Sadai in thesauros tuos*. Proindeque non ægrè tolerandum est; si quæcunque terrena, & temporalia sunt, amiserimus, solis cœlestibus intenti, & lætabundi. qua de re videndus est Tertull. lib. de Patientia, cum ita habet: Cupiditatem omnium malorum radicem Spiritus Domini per Apostolum pronuntiauit, eam non in concupiscentia alicui tantum constitutam interpretemur; nam & quod nostrum videtur, alienum est; nam nihil nostrum, quoniam Dei omnia, cuius ipsi quoque sumus. Itaque si damno affecti impatienter fenserimus, non de nostro amissum dolentes, affines cupiditatis deprehendemus; alienum quærimus, cum alienum amissum ægrè sustinemus. Qui damni impatientia concitatur, terrena cœlestibus anteponendo, de proximo in Deum peccat; patientia in detrimentis, exercitatio est largiendi, & communicandi, non piget donare eum, qui non timet perdere.

Quod ergo Deo placere voluerit, & donare pro Deo debet quæ bona habuerit, & si iisdem per vim spoliatur, lætari debet in humilitate, & spoliatione sua: quod faciet si aduertat non sua fuisse ea, quibus caret. Plura hæc de re habes apud Chrysost. homil. 34. in Genes. & hom. 57. ad Popul. August. lib. 2. de Serm. Domini in monte, c. 12. & 27. & tract. 122. in Ioan. & Comment. in Psal. 143.

§. I V.

Non licet diuitibus in diuitiis gloriari.

DIXIMUS ea verba; *Glorietur diues in humilitate sua*; secundum plerumque esse intelligenda per ironiam, quasi nihil habeant quo gloriantur, nisi in humilitate, qua omnes æquat cinis. Impossibile enim est, ut hoc quis considerans glorietur in diuitiis. Et inde est, quod Apostolus eas non appellet suas, cum humilitatem dicat suam. Quod dixit Dauid: *In imagine pertransiit homo*. Vbi Genebr. Imaginem, inquit, opponit veritati, & rei solidæ. Imò videtur esse allusio ad scenam, & representationem, qua interdum pauper personam, & imaginem induit Regis, ac diuitis: dimissa autem larua, pauper sicut antea remanet. quod prosequitur Chrysost. hom. 2. de Lazaro & Diuite, dicens: In præsentia vita paupertas, & diuitiæ nihil aliud sunt, quam personæ. Quemadmodum instante vespere ubi fuerint ex theatro egressi, habitumque fabulæ deposuerint, qui prius Reges, ac Duces esse videbantur, post apparent hoc quod sunt: Ita postquam mors aduenerit, cum diuitiarum, paupertatisque personas deposuerint, omnes illuc profecti, atque ex operibus iudicati, declarant qui verè sint diuites, qui verè pauperes. Sic Chrys.

MORS Lazaro pauperis personam detraxit ipsumque verè diuitem, & in

in sinum diuitiarum Abrahæ translatus ostendit. E contra verò epulo diues exiit personam diuitis, & ostendit vsque adeo extremè indigentem, vt vel guttam aquæ clamans postulare. Nonne igitur delirium esset, si qui personam Regis in theatro agit, inde gloriaretur, sciens paulò post se illa exutum pauperem, & humilem remansurum? Sic ludibrio dignus censendus est, qui in diuitiis gloriatur, & non potius in humilitate sua. Vnde Ambros. Serm. 1. 3. in Psal. 118. sic ait. Qualis dementia est diuitum, qui opibus solent superbire, cum de alieno non liceat gloriari? Inflatur plerumque homines, & tumido ore supinat rerum affluentia sæcularium, nisi pudeat in te aliena magis, quàm propria laudari. Et Bern. Ser. 4. de Aduentu. Quid vobis cum terrenis diuitiis, & gloria temporali, quæ nec veræ, nec vestræ sunt; si vestræ sunt, tollite eas vobiscum, sed homo cum interierit non sumet omnia, neque descendet cum eo gloria eius. Veræ ergo diuitiæ, non opes, sed virtutes quas secuta conscientia portat. Et Basil. hom. 7. in diuit. auar. Post mortem ille, quem nolis accipiet facultatem tuam, ob rem relictam nihilo pluste serui honorabunt, sed sepulchrum fortasse, funerisque sumptus negligent, hæredi tuo placere studentes.

Hoc ipsum prosequitur Tertull. lib. de Patient. c. 7. Nihil nostrum, inquit, Dei omnia, cuius ipsi quoque nos: itaque si damno affecti impatienter senserimus non de nostro amissum dolentes, affines cupiditatis deprehendemur, alienum querimus, cum alienum amissum dolentes ægrè sustinemus. Et Clemens Alexand. orat. ad Gent. Præter futuram vitam, cætera omnia fluxa, & fragilia sunt, ac veluti in calculorum ludo alias ad alios iactantur, & transferuntur, neque quidquam est ita possidentis proprium, quod non vel temporis tractu finem capiat, vel liuore ad alios traducatur. Consonat his quæ diximus D. Aug. Ps. 83. cum ponderat ea verba Pauli: *Præcipe diuitibus huius mundi, non superbe sapere, neque sperare in incerto diuitiarum.* 1. Tim. 4. Quid enim tam incertum, quàm res volubilis? Nec immeritò ipsa pecunia rotunda signatur, quia non stat.

Quid igitur fieri potest, vt superbe gloriatur, qui naturam diuitiarum considerauit, & earum inconstantiam? Imò eam præuidens vtiliter gloriabitur in humilitate, & obsequio exhibendo pauperibus, fructuose largiendo ipsas diuitiis: quo sensu dixit Senec. epist. 4. *Nullum bonum iuuat habentem, nisi ad cuius amissionem preparatus est animus, quia amissio præuisa non torquet, & sic paratus liberè, & fructuose potest seminare, vt in exultatione colligat.*

§. V.

Sicut flos sæni transit terrena prosperitas.

QUIA diximus vñtatissimam esse in Scripturis comparisonem fœni cum potentia, diuitiis, & cæteris sæculi bonis, ideo eam in præsentibus sanctis Patribus prosequemur. Primo igitur aspectu sese offert cæcus ille, cui Dominus manus imposuit, cumque interrogauit si aliquid videret? *Pat. in Epist. B. Iacobi.* P Ipse

Mar. 8. Ipse verò respondit. *Video homines ut arbores ambulantes, vbi Chrysol. Ser. 176.* ait. Quare sicut arbores, & non ut columnæ: neque stantes, sed ambulantes? quia post curam Christi viderat, quòd homines velut arbores transirent in hoc sæculo, non manerent: temporalem plantationem germinis humani esse in hac vita mox videt, quem curauerit Christus. Huius igitur arboris flores manè exoriuntur, vespere decidunt, & arescunt.

Quis vidit præcisos ramos floribus opertos, quibus in ingressu Christi Hierosolymæ ciuitatis viam sternebant turbæ, qui putaret eos iam breui in spinas conuertendos, in verbera, in clauos? Quod eleganter prosequitur Bernar. Sermon. 2. de Ramis palmarum, his verbis: Celebramus hodie processionem, & paulò post passionem. Quid sibi vult mirabilis ista coniunctio? aut cogitauerunt Patres nostri passionem addentes processionem? Nam processio quidem meritò representatur hodie, quæ facta est hodie; passio verò cur addita est, quam sexta feria constat esse sequutam? Opportune utique processionem passio coniuncta est, ut discamus in nulla latititia huius sæculi habere fiduciam, scientes quoniam extrema gaudij luctus occupat, propterea non sumus stulti, ut occidat nos prosperitas nostra. Similia habet Sermon. præceden. Optimè etiam breuitatem floris expressit Sponsus cum dicit, *flores apparuerunt in terra nostra.* Est enim sensus: Cum iam apparuerint, egressique sint flores, nihil amplius immorandū. Est enim tempus putationis, quo scilicet amputetur antequam marcescant; sic enim exposuit hunc locum Greg. Nyssen. qui etiā videndus est lib. de hominis opib. ad ea verba; *Faciamus hominem.* Vndarum, inquit, instar res nostræ nos fugiunt.

Genes. 1. Non est omittendus hoc loco Ambros. lib. de Isaac, & anima c. 4. cum expendit ea verba Salomonis; *Extruxi mihi piscinas aquarum, ut irrigarem syluam lignorum germinantium.* Quibus verbis ex mente D. Ambrosij rerum humanarum conditio acutè exprimitur. Nā sicut piscinæ nō nisi assiduo labore, multoque sudore implentur, & eadem qua implentur die ad hortos irrigandos exhauriuntur, ita profectò mortaliū spes & desideria non nisi multis exantlatis laboribus quandoque implentur, sed vix dum impleta sunt, protinus exhauriuntur, & omnino intereunt. Concludit proinde Ambros. dicens: Non immeritò ergo piscinas habet Ecclesiastes, qui vidit nullam abundantiam esse sub Sole, sed si quis abundare velit, in Christo abundet, cum quo etiam qui egenus est, satis diues est.

Eccles. 2. Videndus etiam Hieron. Isai. 40. vbi inter alia sic ait: Reuera si quis fragilitatem carnis aspiat, ipsumque quod loquimur, dictamus, & scribimus, de vitæ nostræ parte præteruolat. Quibus habet similia Greg. 11. Moral. c. 16. Videndus etiam Aug. in Psalm. 53. & Chrysost. hom. 34. in Matt. Multaque habet de breuitate florum Clem. Alexand. 2. Pædag. c. 8. vbi docet, ideo rosam citò marcescere, quòd odoris plurimum fluxum emittat, symbolumque & signum esse marcidarum voluptatum, quæ breui decorem, & odorem perdunt. Idem prosequitur Chrysost. ad ea verba Psalm. 128. *Fiant sicut fenum iæclorum.* Talis, inquit, est iucunditas rerum, quæ ad hanc vitam pertinent: simul enim & cernitur, & interit. Videndus item Plut. de ser. Num. vindict.

Hæc

Hæc igitur similitudo ostendit breuitatem sæcularium rerum, quibus nullus omnino gloriari debet. Vnde Clem. Alexandrin. 4. Strom. ex Antiphane Comico dicit, quod Plutus diuitiæ appellarentur. Is enim dicebatur Deus diuitiarum. Iam verò fabulæ cum in aduentu claudum esse fingunt, in recessu verò alatum, quia diuitiæ claudis veluti pedibus, & lento gradu accedunt, at verò aquilinis euolant alis, & quàm ocysimè præterlabuntur. Quod dixit Seneca epist. 92. *Incrementa lentè exeunt, festinantur in damnum.*

PROSEQUITUR hoc argumentum Philo lib. *Quod Deus sit immutabilis*, dicens: An putas rem vllam mortalem veram esse, & non tanquam in suggestu quodam ab inani, & incerta opinione sustineri? Non aliter quàm somniorum ludum. Quod si non libet singulorum fortunas perquirere, vide regionum integrarum, & gentium mutationes. Floruit quondam Græcia, sed Macedones potentiam ei abstulerunt, sicque regnorum felicitates quæ ad modum florum defecerunt, percurrit. Quapropter Chrysost. hom. 60. in Matt. dixit, diuites potiùs diuitiarum transmissores, non dominos esse appellandos. Quibus habet similia hom. 45. & Aug. 4. Confess. c. 10. Omnia oriuntur, & occidunt, & oriendo quasi esse incipiunt, & quo magis celeriter crescunt ut sint, eo magis festinant, ut non sint. Quod etiam attigit Senec. epist. 92. *Longam moram, ait, dedi malis properantibus, qui diem dixit, horam, momentumque temporis evertendis imperiis sufficere. Effet aliquod imbecillitatis nostre solatium, verumque nostrarum, si tam a celeritate repararentur cuncta, quam a finium. Quidquid longa series multis laboribus, multa Dei indulgentia struxit ad unus dies spargu, ac dissipat; nihil priuatum, nihil publice stabile est, iam hominum, quàm urbium fata voluuntur.* Similia habet epist. 89.

VNDE Basilius hom. 15. in Psal. 61. explicans ea verba, *Verumtamen vani filij hominum, mendaces in staueris*: sic ait. Cur vani? quia mendaces. Quid igitur est quod dicit, quod vnicuique nostrum in occulto statera quædam à Conditor nostro constructa est, in qua rerum naturas discernere ac diiudicare potest? Pondera diligenter, quid tibi conducibilis: Malè ponderas, praua bonis præferens, vana veris potiora ducens, temporalia æternis præponens; prætereuntem voluptatem pro indefinente lætitia eligens.

FACTUM etiam pro breuitate huius sæni transeuntis id quod notauit Ambros. lib. 4. in Luc. ad ea verba. *Ostendit illi omnia regna mundi in momento temporis*. Bene, inquit, in momento temporis, & sæcularia, & terrena demonstrantur. Non enim tam conspectus celeritas indicatur, quàm caduca fragilitas potestatis exprimitur. In momento enim cuncta illa prætereunt, & sæpe honor sæculi abiit antequam venerit. Quid enim sæculi potest esse diuturnum, cum ipsa diuturna non sint sæcula? Cur ea quæ ad vsum tibi diuturna esse non possunt, ad supplicium diuturna deposcas?

ILLUD tandem in hac similitudine sæni ad res temporales aduertendum censeo, quod dixit David Psal. 91. *Cum exortis fuerint peccatores sicut faxem, & apparuerint omnes, qui operantur iniquitatem, ut intereant in faculum sæculi.*

P. 2. Vbi

Vbi videtur innuere conuenientiam, & vicinitatem, quam fœnum habet ad ignem: disconuenientiam itidem, quæ reperitur inter breuitatem, quæ fœnum floret, & transit, & æternitatem pœnarum. quod dixit August. in Psalm. 53. Tu, inquit, noli esse vir imprudens, & stultus, vt hæc attendendo intereas in sæculum sæculi. Isti florent in felicitate sæculi, pereunt virtute Dei: non enim quomodo florent, sic pereunt, florent enim ad tempus, pereunt in æternum, florent falsis bonis, pereunt veris tormentis.

Et D. Greg. 31. Moral. c. 18. Arentia cordi sunt hominum, qui in huius sæculi spe peritura plantata, æternitatis fiduciam non habent: virent autem quæ illi hereditati inhærent. Quisquis itaque intrinsecus arere formidat, arentia extrinsecus huius mundi desideria fugiat, & æternam patriam appetens, in æterna cordis plantatione vireat. Plura hæc de re habet idem Gregor. hom. 14. in Ezech. Meminisse igitur debemus quàm breui transeat huius sæculi fœnum, ne cum eo florere potius eligamus, sed æterna inquirentes, quæcunque in mundo sunt, pedibus conculcemus.

Verf. 11. *Exortus est enim Solcum ardore, & flos eius decidit, & decor eius deperit, ita & diues in itineribus suis marcescet.*

EXPOSITIO LITERALIS.



EXPLICAT, ac prosequitur similitudinem floris. Sicut enim Solis ardore flores euanescent, & emoriuntur, adeo vt flosculum, qui natus ad Solis exortum gratissimo colore, atque suauissimo odore blandiebatur sensibus hominum, Sol occidens videat morientem. Coloris itaque, & odoris gratia ad Austri flatum, ad Solis æstum languet, senescit, interit, & cadit. Ad eundem modum diuitum felicitas, si refluxerit fortuna, purpura nigrescit, gemmæ hebetantur, &c. Quam eandem similitudinem prosequitur Ambros. lib. 1. Examer. c. 7. Hodie videas adolescentem validum, pubescentis ætatis virtute florentem, gratia, specie, suauis colore, crastina die tibi facie, & ore mutatus occurret: plerosque. n. aut labor frangit, aut inopia macerat,

cap. 40. &c. Sic & Isaias dixit, *Exsiccatum est fœnum, & cecidit flos, &c.* Et David. *Quoniam tanquam fœnum velociter arescent, & quemadmodum olera herbarum cito decident.*

DVBIVM tamen est hoc loco quidnam intelligatur per exortum Solis cum ardore. Communisque expositio habet intelligi Christum Dominum, aduentumque eius ad puniendum vanum, & superbum diuitem. Neque mirum quod in Scriptura aduentus Domini etiam intelligatur de peculiari iudicio, & supplicio. Sic enim intelligendus est Isaias cap. 2. *Dies Domini exercituum super omnem superbum, & excelsum.* Sic intelligitur illud Amos cap. 5. *Va desiderantibus diem Domini*, quia scilicet per contemptum dicebat populus, vtinam veniret dies Domini. Sic Sophonias cap.

cap. 1. *Inxi* est dies Domini, vbi D. Heron. ait: Diem Domini intelligamus *Soph. 1.* captiuitatis, & vltionis in populum peccatorem.

Sic v r igitur tempus diuinæ vltionis appellatur dies Domini: ita hoc loco potest intelligi per exortum Solis. Tunc enim dies perfectus incipit, dies, inquam, Domini, cuius sententiæ rigor arefacit fœnum, quoniam iniquorum prosperitatem dissipat, & condemnat, sicut perdit Solis ardor decorem vultus fœni, id est, pulchritudinem, ac virorem superficiei fœni. Vnde Iob. *Vidi iniquos Domino flante perisse*, in actibus scilicet suis vitiosis, iuxta illud, *Corrupti sunt, & abominabiles facti sunt in iniquitatibus suis.* Iam enim superius monuimus per vias, & itinera intelligi cuiusque opera. *Iob. 4. Ps. 12.*

§. I.

Breuitas bonorum temporalium.

N O n mirarer quidem si ad exortum Solis quæcumque vana, & caduca sunt, occultarentur, & nitorem, quem in nostræ ignorantie tenebris habent, amitterent. Nam etiam gloriam Moysis in quam filij Israël intendere non poterant, Paulus non gloriam, ad comparisonem Euangelicæ gloriæ dixit, sicut notauit Hier. in c. 1. Ecclesiast. Mirum tamen est, quod ad exortum Solis flores diuitiarum, honoris, ac dignitatis humanæ marcescant, & decidant. Pharaon manè florens, vespere factus est esca piscium. Balthassar vino, & dapibus sese ingurgitans, mox totus horrore trepidans noctu ab hostibus occiditur. Nabuchodonozor nunc exultat in aula, illicò cum lupis vlulat. Aman felici aura nauigans, & Israëlitarum diuitiis iam iam florens, continuè de felicitate cadens infelici arbore pendit. Herodes velut Deus colitur, & in momento à vermibus absuntitur. *Exod. 34. 2. Cor. 3. Dan. 5. Dan. 4. All. 12.* Quod argumentum prosequitur Chrysost. in epist. ad Eutrop. tom. 5. Vbi nunc, ai., est resurgens consulatus ambitio? vbi resplendentes ad inuicem siderum toto orbe lampades? vbi diuerforum munerum pompa? vbi coronæ, & varius totius orbis ornatus? vbi tubæ, & theatralis illa populi adulantis acclamatio? Repentini spiritus flatu, tamquam folia cuncta decussa sunt, & arbor nuda derelicta est. Et nō solum nuda; sed & ab ipsis conuulsa radicibus; vbi variæ adulantium facies? vbi coniuæ? vbi paropside? vbi denique omnis illa potentia, & clientium greges ad gratiam cuncta loquentium? Nox erant omnia illa, & somnium, & die exorto nusquam comparuerunt. Et homil. in Ps. 9. tom. 1. appellat sæculū caducū, & fœneū.

FACIT etiam pro hac re id quod dixit Origen. lib. 2. in Iob loquens de vili statu illius quando in sterquilinio sedebat. Idcirco, inquit, tanquam putredo, & stercus effectus dignè sedeo super stercus; omnes homines instruens, quia omnis terrena gloria in putredinem, & stercus, atque vermes conuertitur. Ideoque Iob etiam dixit: *Vidi stultum firma radice, & maledixi pulchritudini eius statim.* Vbi notanda venit particula (*statim*) quasi voluerit quæprimum maledicere pulchritudini, antequam omnino desineret esse: timuit *Iob. 5.*

muit enim, si statim non malediceret, ne statim non inueniret cui malediceret. Gregor. verò lib. 6. Moral. cap. 4. super eadem verba ita habet: Bene ergo maledixit pulchritudini eius statim, quia qui honoratur in via, in peruatione damnabitur, & quasi per amœna prata ad carcerem peruenit, qui per præsentis vitæ prospera ad interitum tendit.

Vnde iam libet cum Tertull. lib. de corona milit. hoc loco dicere. Quid tibi cum flore morituro? habes florem ex virga Iesse, super quem tota diuini Spiritus gratia requieuit, florem incorruptum, immarcescibilem, sempiternum. Et cum Ambros. lib. de Isaac, & anima cap. 4. Exultabimus Domine, & lætabimur in te, non in diuitiis, auri, argentique thesauris, non in possessionum fructibus, non in potestatibus, non in conuiuiis, sed in solo Deo. Prosequitur hoc argumentum D. August. tract. 2. in 1. epist. Ioan. vbi sic ait: Rerum temporalium fluuius trahit, sed tanquam circa fluuium arbor nata est Dominus noster Iesus Christus. Tene lignum, tene Christum, &c. & Serm. 205. de Temp. Audiant diuites, si tamen sunt, **1. et 1. Tim.** audiant Apostolum. *Præcipe diuitibus huius mundi non sperare in incerto diuitiarum, sed in Deo, inquit, viuo.* Fur tibi tollit aurum, quis tollit Deum? Quid habet diues, si Deum non habet? quid non habet pauper, si Deum habet? &c. Similiâque habet in Psalm. 83. & Greg. 22. Moral. cap. 2.

Psalm. 75. OSTENDITVR in super breuitas diuitiarum in eo, quod Deus peculiari ratione animaduertit in eos, qui diuitiis abundant, & floribus potestatis elati superbiunt, quo titulo veluti insignitur. *Qui aufert spiritum Principum;* vbi Augustinus ita exposuit: Audaciam scilicet superborum. Et sicut non solum ardor Solis, sed vehemens etiam ventus flores exsiccat, & absument, sic Dei Spiritus, ac status diuitias conterit. Id enim sonat illud. **Psalm. 47.** *In spiritu vehementi conteres naues Tharsis.* Nam, vt ibi habet Hieronymus: Nauigio Tharsis comparantur qui in huius sæculi fluctibus circumferuntur omni vento luxuriæ, & vanitatis. Cui accinit Nyssen. orat. 14. in Cant. Nauis Tharsis, inquit, innataus vitiositas. Cuius rei ratio ea esse videtur, quia licet Tharsis quoduis pelagus altum significet, teste Hieronym. epist. ad Marcellam, & in cap. 1. Ionæ. Quod etiam Rabbi Salomon, quem refert Genebrar. Psalm. 47. Vnde Symmachus, Aquila, & Theodotion illum locum Isai. cap. 23. *Ululate naues Tharsis;* vertunt, *ululate naues maris;* & Paraphrasis Chaldaea eodẽ in loco *Iamab* posuit, quod mare significat. Nihilominus tamen certam orbis partem significat, de qua videndus Iosephus 8. Antiq. cap. 7. & recentiores, qui multa hac de re congerunt: vt Pineda de rebus Salomonis lib. 4. c. 14. & c. 16. & Barrad. 1. tom. Vnde quotannis infinita propemodum auri, & argenti copia Hierosolymam asportabatur, vt patet ex 3. Reg. 1. & 2. Paralipom. 9. Vnde iam constat, cur Dominus in naues Tharsis veluti sæuiens introducatur, quia aurum, & argentum afferbant. Vnde Hieronym. ad ea verba Isai. *Super omnes naues Tharsis;* ita habet. Arguuntur itaque hi, qui volentes iuxta Apostolum diuites fieri, incidunt in tentationes, & in laqueum diaboli, & dicitur eis quod vlulare debeant scientes omnes negotiationes huius mundi esse perituras, & contempla

templatione gaudij, atque lætitiæ in luctu, lacrymâsque vertendâ, & statim subdit: Omnes negotiatores segetibus cōpatantur, quæ citò arescunt. Quod etiâ probat locus ille Sophoniæ. *Disperierunt omnes inuoluti argenti, ubi Septuaginta, teste Hiero. habent, qui erecti erant in superbiâ, & pauperes deficiebant, ira veniente vastati sunt, ubi Hiero. ait: Cōsidera quodd nō dixerit: Peribūt qui erecti sūt argēto, sed iā nūc antequā eis veniat supplicij dies, in eo ipso quodd superbiat, & sēper de thesauris suis cogitēt, & leuiat eis, perierint, atque corruerint: quod qui intellexerit, puto eum nō sitis cupere diuitias, in quibus non peribunt, sed perierūt, qui erecti sunt. Ex quibus possumus breuitatē horum florum scēni, qui vel vermibus corrodentibus decidūt intelligere: vermem enim diuitiarum superbiâ appellauit Aug. Sermon. 5. de verb. Domini: Omne pomū, inquit, omne granū, omne lignum habet vermē suum, & alius est vermis mali, alius pyri, alius fabæ, vermis diuitiarum superbia, vel etiam Sole exurente decidunt, & arescunt.*

V E N I T tandem hoc loco illud aduertendum, quod prosequitur Abul. 2. Reg. c. 13. q. 20. Deum scilicet repleuisse omnia huius sæculi bona magnis amaritudinibus, ne mortales eorum apparenti felicitate deciperentur, quinimò facile cognoscerent nullam stabilem felicitatem in eis posse reperi, proindeque bonum singulare, & immutabile inquirerent, in quo tantummodò animus noster satiatus conquiescit; sic enim dixit D. Aug. lib. 22. de Ciuit. Dei. Ideo huius vitæ dulcedo amaritudinibus, & ærumnis respersa est, vt alia vita quæretur, quæ nulla amaritudine perturbetur. Hæc igitur vti ratio cur mirabiliter Deus eos quos præcipuos in aliqua re audiuius, miseros itidem reddidit, ne felices omnimodè putarentur, ex eo quodd aliqua ratione omnes alios præcessissent. Nullus inter mortales maius robur, maioreque vires sortitus legitur, quàm Samson, qui mille viros contra se pugnantes asini mandibula occidit, portas vrbs cum vectibus simul eruens super humeros detulit, tandēque sibi illata morte expleuit vitā: nam prius à fœmina deceptus, manibus hostium traditus, miserabiliter deturpatus, ad molam asinariam turpiter molere coactus est; amaram denique vitam dura morte compleuit. Nullus cursu agilior quàm Asaël, qui cursu sylvarum capreas superabat, ipsa tamen velocitas ei mortem peperit. Nullus fortassis pulchrior Absalone, ipsa tamen cæsaries, quæ ei pulchritudinis non minimum erat ornamentum, laqueum præbuit, quo facilius transingeretur suspensus. Nullus Salomone aut sapientior, aut ditior, vide tamen quem exitum & sapientia, & diuitiæ habuerit. Nullus Alexandro maior, ipse tamen expleto regnandi desiderio, veneno extinctus, minutusque periit. Concludit proinde Abul. Sic narrat Scriptura horum excellentias, vt postea eorum concludat excidia, vt sic in nullo eorum bonorum, quæ à nobis potissima iudicantur, felicitatem esse liqueat, aut stabilitatē reperiendam existimemus.

V E N D E iure optimo stultus appellatur ille, qui diuitias sibi in multis promittebat dies, nocteque, & in tenebris perimitur, sicut optime adnotauit Orig. hom. 27. in Nu. Sicut noctis, & in tenebris primogenita Egypti fuerit

Cap. 1.

Iudic. 15.
& 16.

Reg. 2.

3. Reg. 3.
& 11.

Luc. 12.

fuere

fuere occisa, quandoquidem mundum, & tenebras eius diligens non conspicebat orientem Solem, qui huius mundi flores exsiccat, & eorum decorem marcescere facit, sicut & diuites in omnibus itineribus suis. Et hæc
 Mat. 13. fuit ratio cur Christus diuitias fallaces appellauerit, quia cum manè exoriantur, vespere decidunt, & arescunt, & mendaces filios hominum in stateris aliter iudicantes Dauid dixit, ut ibi Asterius interpretatur. Videndus denique pro hoc argumento Aug. Serm. 141. de tempore.

Verf. 12. *Beatus vir qui suffert tentationem, quoniam cum probatus fuerit, accipiet coronam vitæ, quam repromisit Deus diligenti bus se.*

EXPOSITIO LITERALIS.



HVCVSQVE ostendit Apostolus, quo pacto diuitiarum flores exeant, quam cito euanescent & exurantur: modò ostendit, quo pacto iustus floreat sicut palma, quæ aduersus ipsum pòdus insurgit, sursumq; innititur, quæque tenuis è terra prodians, & quasi radix de terra sitienti, quanto vicinior cælo, tanto grossior, & crassior adolescit: sicut enim hoc loco interpretatur D. Thomas illud. *Suffert tentationem*, id est, sursum fert, pro eis quæ sursum sunt

OCCURRITQVE hoc loco notanda ea lectio, quam sequitur Tertul.
 2. 21. lib. de Resurrectione carnis. Nam pro eo quod nos legimus; *Iustus ut palma florebit*, ipse habet; *iustus ut Phoenix florebit*. Næque, teste Plinio lib. 10. c. 2. *Phoenix senescens, casta, thurisq; surculis construit nidum, replet odoribus, flammisque absimulur, & emoriur, ab ipsisque cineribus, ubi combusta viam finis, rediituna prodit, & unde occubuit, resurgit*. Huius igitur instar, iustus floret: is enim ardor, quo flores diuitiarum decidunt, & eorum decor perit, est initium vitæ, ac beatitudinis iustorum, imò in hac vita finis. Sicut enim beatitudo patriæ est finis nostræ ultimus: sic & beatitudo, quæ Iacobus hoc loco assignat, est finis tentationum, & laborum, sicut notauit Hifychius lib. 7. in Leuit. c. 7. Beatitudo igitur de qua hic est sermo, intelligitur de beatitudine viæ, & in spe.

VEL potius idem est, *beatus vir*, atque *felix vir*. Tentatio verò ita fumentada est, ut afflictiones quasunque comprehendat, de quibus initio huius
 Cap. 12. capitis egimus. Et Angelus dixit Tobie, *quia acceptus eras Deo necesse fuit, ut*
 Sap. c. 3. *tentatio probaret te*. Et Sapiens. *Deus remanet eos, & inuenit eos dignos se*. Sic enim probatur iustus, tanquam aurum in fornace, ac per ignem, sicut Iob.

QUO dixerim propter aliam probationem, qua Deus etiã iustos probat, & de qua Dauid dixit: *Domine probasti me, & cognouisti me*, scilicet, cum illum ad Regnum, & felicitatem euexit: qua quidem promotione Dauidem probauit. Namque, ut ibi Theodoret ait, sicut in rebus tristibus probamur, eodem quoque pacto in secundis rebus exercemur.

SEDE

SE^o probatio per labores, & ærumnas multo verior, & solidior. Tunc enim se Paulus verum Dei ministrum ostendit in multa patientia, in tribulationibus, & necessitatibus. 2. Corinth. 6. Et hæc probatio Sanctorum vñitata est in Scriptura. Prouerb. 17. Ecclesiast. 2. Zach. 13. & passim alibi. Accipiet igitur sic probatus coronam vitæ, quam fideli, & probato promisit Dominus, Apocalyp. 2. Et quam repositam sibi gloriabatur Paulus 2. Tim. vlt.

REPROMISSIO autem in præsentem idem est, ac promissio, & ideo plerique vertunt, *quam promisit Deus*. D. Thom. verò verbum, *Repromisit*, sic explicat, vt significet iterum, & iterum promisit, in veteri promisit, sed repromisit in Nouo Testamento; promisit per Prophetas, repromisit per Apostolos, imò ipse Filius Dei proprio ore palam, ac sæpe eam promisit in Euangelio.

CORONA autem vitæ dicitur præmium essentiale gloriæ dandum à Christo Domino, qui dixit per Prophetam, *Spiritus Domini super me*, &c. vt *Isai. 61. darem eis coronam pro cinere*, quod confessus est Dauid, dum ait: *Qui coronat israhel in misericordia, & miserationibus*; vbi Aug. Coronat in nobis Deus misericordias suas. De qua corona loquitur Paulus 1. Cor. 9. ad Timoth. 2. & Petrus epist. 1. c. 5. & Ioan. Apocalyp. 2.

PORRO per hoc quod ait, *quam repromisit Deus diligentibus se*, innuitur nullam actionem, passionemue esse meritoriam æternæ vitæ sine charitate, iuxta illud Pauli: *Si tradidero corpus meum, iua vt ardeam, charitatem autem non habuero, nihil mihi prodest*. Vel etiam potest innuere hic locus, Deum iis, quos plus diligit, grauiores, ac plures immittere tribulationes, quòd eos dignos se inueniat, vel ad se tandem adducat, reducens eos à via iniquitatis.

§. I.

Expenditur beatitudo, quæ in tentationibus, & laboribus reperitur.

BEATUM prædicat hoc loco Apostolus eum, qui per varias afflictiones in hac vita probatur. Quia si beatitudo Sanctorum prædestinatorum in patria consistit, in eo quòd similes Christo Domino sint, & corpore glorioso, & anima beata; *Quos enim præsciuit, & prædestinauit conformes sibi imaginis Filij sui*. Beatitudo viæ consistit etiam in eo quòd similes eidem simus in laboribus perferendis, & aduersis pariendis: qua ratione dum Paulus recenset labores, quos patiebatur, ait: *In omnibus tribulationem patimur, sed non angustiamur, persecutionem patimur, sed non derelinquimur, deuicimur, sed non perimus, semper mortificationem Iesu in corpore nostro circumscremes, vt & vita Iesu manifestetur in corporibus nostris*. Vita Iesu, scilicet patientis appareat, & reluceat in nobis etiam patientibus, ferentes crucem, quam tollendam iussit, iugiter eam in corpore portant. Calicem namque, quo in Scriptura toties mors, & labores significantur, verus Ioseph Beniaminitis, id est, filij dextræ, quos ad dexteram vocabit in iudicio, prius immittit: deinde

Pauz in Epist. B. Iacobi.

Q. verò



Rom. 8.

1. Cor. 4.

Mat. 16.

Mat. 25.

Gen. 43.

Eccle. 41.

verò eos vocat ad conuiuium, & tanquam pignus hæreditatis, calicem Iaboris priùs tradidit. Vnde Nazianz. orat. 1. cont. Iulian. de fidelibus afflictis loquens, appellauit persecutiones thronos gloriæ, & beatitudinis, de qua Iacobus in presenti. Quorum, inquit, abiici, & conslernari, & quorum throni, quorum nuditas, & quorum corruptibilitas, indumentum. Quod etiam confirmat Bern. Serm. ad milites Templi cap. 1. *Si beati qui in Domino moriamur.* Sed age huius beatitudinis cõditiones perlustremus, quarum prima erit securitas in suppliciis, ac laboribus, dum nihil verentur, nulli omnino cedunt. Ideoque Bernar. loco cit. O vita secura, vbi absque formidine mors expectatur, inò & exoptatur cum dulcedine, & excipitur cum deuotione! Multis prosequitur hoc argumentum Chrysostom. hom. 18. ad Popul.

HABET etiam & suo modo impossibilitatis donum hæc beatitudo laborum, sicut late ostendit Cypr. epist. 9. vbi inter alia ait: Congressi estis in acie, donec acies succumberet victa, nec cessistis suppliciis, sed vobis potius supplicia cessierunt, finem dolorum, quem tormenta non dabant, coronæ dederunt: laniena grauior ad hoc diu perseverauit, non vt stantem fidem deiceret, sed vt homines Dei, ad Dominum velocius mitteret. Quibus etiã habet similia lib. 9. de laude Martyrij. Ex multis verò hoc desumimus. Quantæ, inquit, sit gloriæ ponderate: huius vitæ cupiditatibus, atque ab omni animum natura, mundi quæ commercio segregatum contra aduersantis discrimen opponere, nec fructum torquentis horrere, animari hominem dolore, quo credatur extingui, & id sibi in argumentum virtutis assumere, quod cruciatui putat prodesse, qui punit, stat immobilis pœnis suis fortior, &c. Cui addendus Nazianz. loco cit. vbi de Martyribus sic ait: Cum igni & ferro, & belluis, & tyrannis, & presentibus malis, & denunciatis alacri animo, velut in alienis corporibus, inò quasi corporum expertes dimicarunt.

FACIT etiam in hanc sententiam id quod notauit Orig. hom. 16. in Genes. 47. Genes. Vendidi se scilicet Ægyptios possessiones suas præ magnitudine famis. vbi ipse legit: *Obtinuit enim eos fames.* Vituperatio, inquit, mihi videtur in hoc Ægyptiorum contineri, non enim facile de Hebræis scriptum inuenies, quia obtinuit eos fames, licet enim scriptum sit, quia inualuit fames super terram, non tamen scriptum est, quia obtinuit Iacob fames, aut filios eius, sicut de Ægyptiis dicitur, obtinuit eos fames. Quamuis enim veniat etiam ad iustos fames, non tamen obtinet eos. Propter quod & gloriantur in ea, sicut Paulus inuenitur libenter gloriari huiusmodi passionibus, cum dicit: *In fame, & siti, & frigore, & nuditate.* Denique de Abraham Genes. 12. temporibus scriptum est: *Quia fames facta est super terram, descendit Abraham in Ægyptum habuere ibi, quoniam inualuerat fames super terram;* non dicitur, quia inualuerat fames super eum.

NEQVE etiam gaudium deest huic beatitudini, inò illud initio capituli prædicauit Apostolus dicens: *Omne gaudium existimate.* vbi cum eo superabundantem lætitiã tribulationum ostendimus. Prebât quæ Paul. Rom. 8. *Gloriamur*

viatur in tribulationibus; ubi Chrysoſt. ait: Aliis quidem in rebus certamina laborioſa eſſe ſolent, patiuntque tum dolorem, tum afflictionem, corollæ autem ac præmia voluptatem affertunt. At hic non ad eandem rationem ſe res habet, quin potius lætæ, atque certamina iucunditatis, haud paulo pluſquàm vel ipſa præmia. Similiâque habet hom. 9. in eandem epistol. & D. Greg. 4. Moral. c. 1. dnm explicat ea verba Pſalm. 138. *Sicut tenebra eius, ita & lumen eius.* Rom. 8.
Pſa. 138

Et ſicut beatitudo ſolis electis, & prædeſtinatis competit, & conceditur: ita & hæc ſufferentia laborum. Qua ratione D. Greg. 12. Moral. c. 5. ait: Reproborum vita tanto ſine flagello dimittitur, quanto ad nulla præmia ſeruatur. Et 6. Moral. c. 7. Quasi per aincena prata ad carcerem peruenit, qui per præſentis vitæ proſpera ad interitum tendit. Confirmat etiam & hanc beatitudinem quam proſequimur nomenclatura Sanctorum Dei, hanc Martyres appellantur, veluti qua proprio titulo decorantur. Sic enim Eccleſia dicit: *Sancti mei qui in carne poſui certamen habuiſtis: Sancti tui Domine mirabile conſequui ſunt ier.* Et David de iisdem dixit: *Preſioſa in conſpectu Domini mors Sanctorum eius.* Cùmque ante mortem prohibuerit quemquam laudari, eos, qui perſequutionem patiuntur, aperiens os ſuum, Beatos dixit, & magnam dilectionem ipſorum commendauit, eosque tandem ſic alloquitur. *Mens es tu, cùm tranſieris per aquam, ſecum ero, & ſtamina non operiet te, cùm ambulaueris in igne, non combureris, quia ego Dominus Deus tuus.* Vbi laborantibus, & patientibus ſe totum addicit, & eoſdem ſibi veluti peculiares vendicat, & appropriat. Eccle 11.
Mat. 5.
Eſai. 41.

In hoc tamen differt hæc beatitudo Sanctorum patientium in via, ab ea, qua in patria Sancti comprehenſores dicuntur beati. Namque illic beatificum obiectum eſt ipſe Deus, quem intuentur, ac diligunt beati: beatitudo verò de qua loquimur, Deum habet ſpectatorem. Quod notauit Tertull. lib. de Patient. c. 14. dum de beato Iob ſic ait: Quale in illo viro phœretum Deus de diabolo extruxit? quale vexillum de inimico gloriæ ſuæ extulit? ridebat Deus, diſſecabatur malus. Itaque operarius ille victoriæ Deus. Clariùſque hoc habet lib. ad Martyres. c. 3. Stat, inquit, conſictus, & victoriæ ſuorum Agonothetes Deus viuus, Xyſtarches Spiritus Sanctus, Epitaphes Chriſtus Ieſus. Corona æternitatis brauium, Angelicæ in cælis ſubſtantiæ politia, gloria in ſæcula ſæculorum. Vnde & Senec. lib. de Prouidentia, dignum duxit ſolo Deo ſpectaculum, quo probandus laboribus perfectus vir obicitur. *Non video, inquit, quid habeat in terris Iuſti pulchrius, ſi conuerti animi vellet, quàm viſpectus Catonem iam patribus non ſemel fractis ſtantiem, nihilominus inter publicas ruinas erectum.* Ecce ſpectaculum dignum ad quod reſpiciat imitans operi ſuo Deus, ecce par Deo dignum. Vir fortis cum mala fortuna compoſitus. Sic ille. Sic & nos cum Iacobo poſſumus dicere, Beatus vir qui ſufferit tentationem, quia & Deum habet ſpectatorem, & tam multas beatitudinis conditiones in ſe experitur, dum ad ſupernam beatitudinis coronam per tentationes probatur. cap. 1.

§. I.

Probantur fideles sicut aurum in fornace, ad auream gloriæ coronam.

PROXIME ad beatitudinem accedit ea consideratio, qua sicut homo à Deo conditus agnoscitur ad supernam beatitudinem, sic ad tērationum probationem, & prædictam viæ beatitudinem à Deo ordinatus videtur, imò & affirmavit Iob, dum dixit, *Homo nascitur ad laborem*. Quod etiam deducit Ambros. Serm. 10. in Psalm. 118. ex illis verbis Dei. *Faciamus hominem ad imaginem, & similitudinem nostram*. Cætera, inquit, dixit, & facta sunt, ut homo fiat, specialis quidam Dei accedit hortatus, ut tanquam laborantis Dei in huius munere creaturæ significetur operatio; Deus quidem experts laboris est, sed tamen Scripturæ verba quid aliud nisi studiosam tui ob gratiam operationem eius ostendunt? Si Deus in te laborauit, qui laborare non novit, cur ipse fugitans sis laboris? Quibus verbis videtur nobis inculcare necessitatem laborandi, & patiendi. Si enim Deus in nostri structura veluti laborauit, & nos in nostra salute nunquam debemus cessare, aut quiescere.

QUO etiam videtur dixisse David, cum ait, *Quoniam propter te mortificamur tota die, afflicti sumus sicut oves occisionis*. Quæ verba sic exponit Chrysost. Ser. 15. in epist. ad Rom. Quoniam, inquit, homines sumus, atque ideo non datur innumeras subire mortes, ostendit (David scilicet) præmia nostra ob id nihilo magis imminui. Nam tametsi nostræ naturæ, velut hæreditario iure datum sit semel tantum mori, præstitit tamen hoc Deus, ut voluntate si placuerit quotidie mortem pati liceat, sustinendo scilicet quæcumque nobis illata fuerint mala, etiam usque ad mortem. Ideo enim & Chrysost. legit, *quoniam propter te morti tradimur tota die*. Neque enim vno, vel altero die fit hæc probatio, quæ sola morte finitur. Qua etiam ratione beatitudinem imitatur, dum iugis, & veluti sine interruptione ad propositam usque meritâ decurrit. Quod notauit Ambros. in Ps. 38. ubi pro eo quod nos legimus:

Psal. 38. *Ecce mensurabiles posuisti dies meos*. Alias, inquit, habet, *Ecce palæstras posuisti dies meos*. Quod si palæstras accipimus dies, ex nomine intelligimus plenos certaminis, & laboris. Quoniam palæstræ, luctatores in agone dicuntur, qui luctantur ad coronam. Ergo quia nobis lucta non solum aduersus carnem, sed aduersus spiritualia, dies nostri, hoc est, vitæ istius, in labore sunt, & dolore. Quod etiam notauit D. Gregor. 8. Moral. c. 3. ad ea verba. *Militia est vita hominis super terram*, dicens: Hoc in loco translatione veteri nequaquam militia hominis nuncupatur, sed tentatio.

NO T A N D U M verò est quodd hæc eadem vita hominis non tentationem habere dicitur, sed ipsa tota tentatio esse perhibetur. Vnde merito D. Hieron. epist. ad Heliodorum: Erras, inquit, frater, erras si putas vnquam Christianum persecutionem non pati, tunc maxime oppugnaris, si te oppugnari nescis. Aduersarius noster sedet in insidiis cum diuitibus in occultis. Est itaque iugis hæc beatitudo tentationis, habens pro termino initium beati

beatitudinis patriæ: quod notauit Chrysost. supra. Illic, inquit, erit corona vitæ, sicut ait Iacobus: hic erit via, qua itur ad vitam. Quod idem profectur Ber. Sermon. 1. in Ramis palmarum. Disce, inquit, in passione, qua sit eundem: hæc est enim via vitæ, tribulatio præsens via gloriæ, via ciuitatis habitaculi, via regni, secundum quod latro clamat de cruce, *Memento mei Domine, dum veneris in Regnum tuum.* Eundem eum vidit (scilicet per crucem & passionem) quod cum peruenisset, sui memorem esse rogauit. Peruenit ergo & ipse. Sed tu vis nosse quam compendiosa via? eadem die meruit cum Domino esse in Paradiso: ideoque ei dicitur; *Hodie mecum eris.* Tam citò enim peruenit per crucem, ac tormenta, quæ sunt via compendiosa, & initium beatitudinis patriæ. Proindeque meritò beatus vir qui fuffert tentationem: disponitur enim, expenditur, & probatur ad veram, & formalem beatitudinem patriæ. Ideoque Cyprian. iuxta hanc Iacobi sententiam sic ait lib. de laude Martyrij. Quoniam nos terrenis tentationibus probat Dominus, & his sæculi malis scrutator Christus expendit, gratulandum nobis est, atque lætandum quòd non illis nos perennibus referuet exitiis, sed gaudeat ab omni contagione purgatos. Quibus habet similia Chrysost. Sermon. 10. in epist. ad Rom. Cum securitate ac libertate, inquit, futuris bonis potiemur, tanquam in schola aliqua vitæ præsentis per morbum, per afflictionem, per tentationes, per paupertatem, per cætera item quæ mala esse videntur, eruditi, vt apti efficiamur ad futurorum bonorum perceptionem; vbi vides quæcumque laboris sunt, in hac vita considerata esse veluti scholam, & præparationem ad aliam. Pro qua re illud est aduertendum, quod notauit Maldonatus ad cap. 2. Matthæi, inquirens causam, cur Angelus dixerit Ioseph. *Accipe puerum, & fuge in Ægyptum.* Videtur, inquit ille, Ægyptus esse schola filiorum Dei, quia adolere non possunt, nisi vexentur. Luc. 22. Matt. 2.

ETIAM pro nostro instituto facit ille locus Isaïæ. *Ecce ego creauit fabrum sufflantem in igne prunæ;* vbi nomine fabri intelligitur persequutor, qui dum plus sequitur in Sanctos, magisque persequutionum ignem accendit, eos magis probatos, ac purgatos reddit, tanquam aurum in fornace. Ideoque Tertull. lib. de fuga in persequutione c. 3. ait: Cum exuimur persequutionis ardore, tunc probamur de fidei tenore. Hæc erunt ignea iacula diaboli, per quæ vstio fidei, & consilio administratur. Ideoque Dauid de suis laboribus dixit. *Qui exaltas me de partibus mortis;* vbi D. Chrysost. Non dixit, liberas, sed exaltas, non enim in eorum malis tantum soluendis subsistit Dei beneficium, sed facit eos etiam admirabiles, insignes, & clariores. Et Nazianz. orat. de laudibus Athanasij: Persepe, inquit, in impiorum manus ac potestatem iusti veniunt, non vt illis honor habeatur, sed vt horum virtus exploretur. Similiâque habet August. 4. de Ciuit. Dei cap. 3. Tertull. in Apologet. plura de hac re habet. Cap. 54. 2. 9.

TANDEMQUE Seneca lib. de Proident. cap. 4. *Magnus es vir; sed unde scio si tibi fortuna non dat facultatem exhibenda virtutis? Descendisti ad Olympum? si nemo præter te, coronam habes, victoriam non habes, non gratulor tanquam viro forti, sed tanquam consolaturn Prostratus. adeptus. Honore auctus es? Idem dicere & bono*

possum, & illam occasionem difficilior casus dedit; in qua una vim sui animi ostendit. *Non enim ex malis, quod non sustinisset, transiisti sine aduersario vitam. Nec me si tui quid potens, nec tu quidem ipse, calamitas virtutis occasio; &c.* Similiâque habet cap. sequentis. Ideo ergo beatus vir qui suffert tentationem, quoniam probatur; & expenditur ad cottoniam gloriæ, quam repromisit Deus diligentibus.

Tentationes vite pignora sunt æternæ coronæ.

I L V D etiam hoc loco aduertendum est, Iacobum, quò firmiores redderet fideles ad tolerandos labores, ipsis præmium proposuisse, ut si labor terret, merces etiam inuitaret, sicut latè prosequitur Bern. 2. de Cōsideratione, circa medium. Byssini etenim, alba, & munda stola gloriæ priusquam induatur; multos præcedentes habet labores: byssus enim hoc habet, quod cum fragilis, & vilis herba sit, arte tamen, & multo labore confusa, & concocta in candidissimum byssum conuertitur. Sic etiam & nullus Sanctorum sine præuio certamine coronatus est, aut sine pressuris candidam stolam induit. Pro qua re notauit Gregor. 8. Moral. c. 5. id quod dixit Paulus. *Non sunt condigna passionis huius temporis ad futuram gloriam, qua reuelabitur in nobis.* Quomodo, ait, remunerationis linteo sudores tanti laboris tergat; denunciat Paulus. Cuius clatiorem rationem reddit c. 3. eiusdem lib. pondetans ea verba Iob. cap. 7. *Sicut mercenarij dies eius.* Electus quisque, inquit, vitam suam quasi mercenarij dies pensans, tanto fidentiùs spe tendit ad præmium, quanto nunc robustiùs perdurat ad laboris incrementum. Qui sic decursus præsentis temporis pensat, dies cum operibus numerat, ne à labore transeant vacua vitæ momenta formidat, aduersis gaudet, passionē reficitur, microrū refouetur: quia subsequenti vitæ præmiiis tanto se remunerari largiùs conspiciat, quanto pro amore illius quotidianis se mortibus veriùs impendit. Et Cyprian. lib. 3. contra Demetrian. inter alia: Nullus dolor est de incurratione malorum præsentium, quibus fiducia est futurorum bonorum.

Q V I B V S omnibus rectè pensatis, sicut hoc loco dicit Iacobus; Beatus vir qui suffert tentationem, possumus & nos dicere; Infelix vir, qui hinc habet consolationem, & felicitatem. Sic enim Christus Dominus postquam dixit; *Beati qui persecutionem patiuntur beati qui lugent;* subdit: *Ua vobis diuilibus, quia habetis consolationem vestram. Ua vobis, quia ridetis nunc, quia lugebitis, & flebitis.* Vni risui duplex responder luctus. Vnde August. lib. Soliloquior. c. 21. Qui hic consolantur Domine Iesu, indigni tua consolatione habentur; sed qui hic cruciantur, à te consolantur. Nemo potest in utroque sæculo consolari; nec potest hic quisque; & in futuro gaudere. Et Ambrosius ad ea verba. *Consummata estis tentatione. Tolle,* inquit, Martyrum

Martyrum certamina, tulisti coronas, tolle cruciatus, tulisti beatitudines, &c.

SE. D. illud mirum hac in re, quod notauit Aug. lib. 83. quæst. 82. iustos scilicet, laetos, & beatos in tentationibus, etiam separata spe futurae beatitudinis, sic enim ait: Iusti etiam in solitudine spe futurae uitæ accenduntur, & lætius præ amore veritatis torquentur, quam luxuriosi præ cupiditate ebrietatis epulentur. Vtique adeo beatus est qui subit tentationem.

Q. V. O. D. tandem ostendit Job dicens: *Si iniquus sum, non timebo caput suum* Job. 10.
in afflictione, & in miseria. Vbi Ambrosius lib. 2. de bono mortis, c. 3. legit, *Non peioro reclinare caput.* Quia in loco videtur esse allusio ad id quod Christus Dominus dixit: *Vniuersos foueus habens, & volucres celi, & omnes, sicut autem homines, non habet vbi caput suum reclinet.* Quod contingit plerumque adopiui filijs ad beatitudinem electis, qui præ labore nullibi quiescunt, nec vquam caput reclinant, sicut nostrum omnium exemplar Filius Dei naturalis, si quando caput inclinauit, id fuit in Cruce, dum inclinato capite emisit spiritum. Beatus igitur qui præ tentationibus quantumuis lassus, caput nunquam reclinat, sic enim aptius erit tale caput ad coronam vitæ, quam repromisit Deus diligentibus se. Mat. 3.
Ioh. 19.

Quomodo gloria sit corona vitæ.

DIXIMVS beatitudinem supernaturalem patriæ appellari in Scriptura coronam, hoc verò loco appellatur corona vitæ. Quia sicut notauit Bernar. Sermon. 17. in Ps. *Qui habitat*, ibi verè viuatur, vbi viuenda vitæ est, & vitalis, ibi dies boni, vbi interminabilis longitudo dierum, quod quidem in sola patria contingit, proindeque iure dicitur corona vitæ, imò potius vitarum, vt plurali numero perfectionem huius vitæ exprimat sacra Scriptura. Nam vbi nos habemus, *Credo videre bona Domini in terra viuentium*, in Psal. 16. Hebræo est: *in terra viuarum*, quia multipliciter in beatitudine vitæ possidetur. Et D. Thom. hic dicit. Accipiet coronam vitæ, id est vitam perpetuam, quæ non finitur, sicut nec corona habet finem, & dicitur vitæ ad differentiam coronæ mortis, qua coronantur mali, quorum supplicium in circuitu rotabatur, nunquamque ad finem perueniunt, est. Et de quo dicit Iheron. *Locustæ coronantur in tribulatione.* Ier. 22.

DICITUR autem hæc corona repromissa, vt censetur debita, quod notauit Augustin. in Psalm. 83. Deus donator est indulgentiæ, debitor coronæ, unde debitor est. Debitorem ipse se fecit, non accipiendo, sed promittendo, non enim dicitur, redde, quod accepisti, sed, redde, quod promissisti. Rom. 6.
 Hæc tamen doctrina, quæ dicit gloriam esse premium, ac coronam laborum, & meritorum, contradicunt Hæretici, qui ex eo loco Pauli ad Rom. 6. *Gratia Dei, non opera*, deducunt beatitudinem gratis donari, & ex gratia, ac proinde non veluti coronam, & ex meritis. Ceterum vt breuiter rem

con

concludamus, ne in alienam messem falcem mittere videamur. Concilium Trid. sess. 6. c. 16. definit essentialē gloriā, seu vitam aeternā cadere sub merito etiam de condigno. Quam veritatem omnes Catholici amplectuntur. Patetque ex sacra Scriptura. Namque ad Galat. 6. dicitur. *Qui seminat in spiritu, de spiritu metet vitam aeternam.* Et Rom. 2. dicitur, patientiæ boni operis respondere vitam aeternam. Estque denarius diurnus, qui redditur operariis, ut merces, Matt. 20. ex doctrina omnium Sanctorum Patrum.

Galat. 6.
Rom. 2.

Mat. 20.

Lo c v s verò Pauli, qui affertur, potest intelligi. Primò, quòd vocet gratiam, ipsam vitam aeternam in semine, scilicet, quia est semen vitæ aeternæ, & fons aquæ salientis in eam. Sed quia hæc expositio licet contineat veram doctrinam, repugnare videtur contextui, & Patrum expositioni, potest secundo dici, quòd vita aeterna appellatur gratia, quia fundatur in gratia, & est gratia pro gratia. Etenim Paulus præmiserat, *stipendium peccati mors*, quàm potest homo sub arbitrio mereri, imò vix aliud de se potest. Ne quis verò putaret hominem eodem modo posse vitam aeternam promereri, conuertit sermonem, & asseruit vitam aeternam esse donum gratiæ, non quali non sit etiam stipendium meritorum, sed quia est donum supra naturam, & merita eius fudari debet in gratia. Ita Augustinus lib. de Gratia, & lib. Arb. c. 8. q. 15. 16. 20. & 22. & in Enchirid. c. 17. & epist. 105. & in Psal. 102. ibi. *Qui coronat te in misericordia, & miserationibus.* Coronat, inquit, Deus in nobis misericordias suas. Et plerique Patres, quos recentiores afferunt ad locum Pauli cit.

Neque verò semper hæc gloria datur ex merito actuali, & condigno homini, cui confertur, licet omnibus detur ex merito Christi. Namque interdum contingit dari absque merito recipientis, tum in paruulis, qui nullum habent meritum, tum in adultis, qui in eo instanti, quo iustificantur, nullum prorsus habent actum liberum, quia contingit non actu attendere, vel etiam non sentire. Ut si quis dormiens, vel ægrotus extra sensum baptizetur, vel absoluat ex præcedenti dispositione, qui in iustificationis instanti nihil omnino meretur: & si statim decedat, consequetur gratiam sine actuali merito.

V r q v s tandem rem pro nostro instituto absolvamus; corona vitæ, seu prima gloria, de qua nobis est sermo, & in qua est cardo difficultatis inter Scholasticos Theologos, datur homini, qui iustificatur per virtutem dispositionem, per eandem dispositionem ex merito de condigno. Quæ est sententia D. Thomæ 1. 2. q. 112. art. 3. ad 3. & sumitur ex D. Thom. 1. p. q. 62. & 63. Quibus in locis consulendi sunt recentiores Scholastici, in illo enim actu concurrunt in eo instanti omnes conditiones necessariæ ad meritum de condigno, namque est supernaturalis, & homini iusti. Licet enim ea dispositio quoad substantiam suam non sit à gratia habituali, informatur tamen per illam eo ipso quòd in eodem instanti coexistit illi Deus: habet deinde talis actus promissionem, & nihil insuper desideratur iuxta Concilij doctrinam. De augmento verò gloriæ nulla omnino est dubitatio, quòd possit mereri de condigno.

Verf. 13.

Verf. 13. *Nemo cum tentatur, dicat quod à Deo tentatur: Deus enim incentator malorum est. Ipse autem neminem tentat.*

EXPOSITIO LITERALIS.

TENTATIONIS etymon Hebraicum est à *Nisab*, quod est *signum*, siue *indicium*. *Nasa* enim quod est *tentare*, tunc planè fit, quando signo, aut indicio aliquo volumus quippiam agnoscere. Est autem tentatio, ut quidam definiunt, experimenti sumptio de eo quod tentatur, an sciat, an possit, an velit quod tentatione ab eo exquiritur.

ALIJ dicunt: Est exploratio ad eliciendam ignotæ rei notitiæ, quo sensu Tertull. de Orat. c. 9. dixit: Absit ut Dominus tentare videatur, quasi aut ignoret fidem cuiusque, aut deiicere sit consentiens. Illud verò quod hic habet noster textus, *quod à Deo tentatur*, Græcè habetur, *quod à Deo tentor*, & aliquis Codex Latinus antiquus ita habet. Et Hieron. lib. 2. contra Iovinian. ita legit: eundemque sensum habet, atque nostra Vulgata.

POST QUAM igitur Iacobus loquutus est de tentationibus, quæ probationis causâ à Deo veniunt electis, quales sunt morbi, deprædationes, iniuriæ, & cæteræ ærumnæ, ac miseriæ, nunc agit de tentationibus quas intus, infectione naturæ mouente, toleramus, quæque nos ad peccatum incitant. Et sensus est. Si quem aut spoliatio proprietatum, aut mundi illecebræ, aut afflictionum moles dimouent à rectæ mentis statu, non est quodd imputet Deo, sed sibi. Nam ut ille nullis malis sollicitari potest; sic enim Græca vox passivè accipi potest, ut sit sensus, non est tentabilis, siue non potest tentari; ita neminem prorsus ad mala sollicitat, & pertrahit.

SCIO quidem non deesse, qui dicant genitiuum illum *incentator malorum*, ad malos homines referendum, nam probos, & iustos solet ipse tentare; sic enim tentavit Deus Abraham, Dauidem, Iobum, Tobiam, & alios, impios verò non tentat: indèque intentator malorum dicitur. Quam expositionem videtur probare Clemens Romanus lib. 2. Constitut. Apostolic. c. 8. dicens. Vbi igitur conuitium propter mendacium sit, beatus erit: ait enim Scriptura. *Vir reprobis non tentatur à Deo*. Quasi velit Deum reproborum hominum nequaquam esse tentatorem.

LICEAT verò ille genitiuus pluralis ad masculinum etiam possit referri, maxime quando præcedit ad quod referatur in masculino, hic nihil omnino præcessit, imò ait Apostolus: *Nemo cum tentatur*: quæ verba ostendunt hanc doctrinam vniuersalè esse, pertinereque ad omnes in vniuersum homines, siue probi, siue reprobi sint, qui pro comperto habere debent se nunquam ad mala, & peccata à Deo induci. Insupèrque vulgare in sacris literis est, ut illè genitiuus neutraliter pro malis rebus, non pro malis vi-

1. Cor. 10.

Rom. 2.

1. Cor. 10.

2. malorum inuētores; & Sapient. 15. malorum inuētores digni sunt morte. Patet

Petr. in Epist. B. Iacobi.

R deni

denique ex subsequentibus Iacobum loqui de malis culpæ, quæ à Deo non proueniunt, sed à nobis; quæque propriè appellantur mala, sicut dixit Basil. hom. *Quod Deus non est auctor malorum*. Malum, inquit, propriè peccatum, hac verè dignum appellatione. Locuſ verò ex Clemente allatus. *Vir reprobuſ non tentatur à Deo*, potest exponi de tentatione impellente ad peccatum, vel non tentari reprobuſ, quia non indiget tentatore, secundum illam celebrem sententiam Ioannis Clymaci, qui ait; quosdam homines esse aded excæcatos, & dados in reprobuſ sensuſ, ut non egeant aliquo tentatore, cum ipsi sibi sint Satanæ. Et eò tendit vniuersa hæc doctrina, ut amputet excusationem iis, qui ut liberiùs peccent, Deo imputant peccata sua.

Cum verò tentare aliquem propriè loquendo, nihil aliud sit quàm periculum facere virtutis, alteriùs rei, quæ in alio latet, hæc aliquando tentatio fit, aut propter eum, qui tentat, ut scilicet notitiam inde habeat illius rei, quam ignorabat in eo qui tètatur, & hoc modo Deus neminem tentat.

Deut. 13.
Genes. 22.

Quod si Deuteron. 13. dicitur; *Tentat vos Deus, ut sciat si diligitis eum*; sensus est, ut scire faciat, quodd diligitis eum: sicut illud Gen. 22. *Nunc cognoui quòd times Deum*; exponit Diodorus: Omnibus notum feci. Et August. q. 57. in Genes. ac Gregor. 28. Moral. cap. 7. Nolle te feci.

Hæc insuper tentatio ad acquirendam notitiam dupliciter fieri solet. Vno modo, ut is qui tètatur, in aliquod malum inducatur, qua ratione dæmon homines tentat, non ut ipse experientiam sumat, parum siquidem hoc ipse curat, sed ut in peccatū impellat. Et hoc modo dicit Iacobus Deum neminem tentare.

Alio verò modo fit tentatio in ordine ad eum qui tentatur, ut scilicet ad bonum aliquod promouatur, quo pacto Deus tentat, ut vel homo suam imbecillitatem agnoscat, & diuinam virtutem inquirat, & imploret, vel ut ipsius virtus exerceatur, aut ut alij etiam ipsius exemplo instruuntur, de quibus dixit Iacobus: *Beatus vir qui suffert tentationem*. Sicque Deus tentauit Iob, Abraham, & Tobiam, ut exerceret, aliisq; notam faceret ipsorum virtutem, tantòque exemplo proficerent. Et de hac tentatione dicebat Da-

vid. 25. uid. *Proba me Domine, & tenta me, ure renes meos, & cor meum*. Et de sanctis viris Hebr. 11. ait Paulus: *Lapidati sunt, scelti sunt, tentati sunt*, & quæ sequuntur.

Et hæc est communis doctrina, quam sæpissime docet August. ut videre est lib. 2. de consensu Euangelistarum c. 30. vbi ait: Sub alia significatione intelligitur tentatio, de qua dictum est; *Deus neminem tentat*, & sub alia, de qua dictum est; *Tentaſ vos Deus vester*. Similiâque habet lib. de verb. Domini Serm. 11. & 72. & q. 57. in Genes. & epist. 146. & 16. de Ciuit. cap. 32. & sic intelligit hunc locuſ Anselmus 1. ad Tull. c. 3. Ipse, inquit, neminem tentat, secundum eam tentationem, quæ deceptionis, vel seductionis est, secundum verò eam, quæ probationis est, tentauit Deus Abraham. Idemque habet Beda hoc loco. qua de re videndus Ambros. lib. 1. de Abraham c. 8. & Aug. tract. 43. in Io. & lib. 2. de ferm. Domini in môte c. 14. & seq. Gregor. 28. Moral. c. 5. Cyrill. Alex. lib. de Adorat. in spiritu & verit. & Pag. lib.

lib. 1. cap. vltimo, vbi pleraque loca ex Scriptura affert. Videndus item Rabbi Moyſes lib. 3. æqui-uoc. cap. 18. & 24.

Ex hoc loco poſſumus colligere id quod docet D. Irenæus lib. 3. cap. 12. & lib. 4. cap. 77. eam ſcilicet hæreſim, quæ Deum malorum, peccatorumque authorem conſtituit, ortam fuiſſe iam temporibus Apoſtolorum, Simone Mago authore, quem omnium hæreticorum parentem vocat idem Irenæus, cui ſe oppoſuit B. Iacobus, eandemque præſenti ſæculo ab inferis reuocatur Melancthon, & Bucerus, quos ſequuti ſunt Oecolampadius, Petrus Vermilius; Caluinus, Beza, & quotquot Hugnoſticorum inſauito nomine comprehenduntur. Cæterum de fide eſt, Deum non eſſe authorem peccati, quod oſtendit Scriptura cum ait, Deum odiſſe peccatum, & Eccleſiaſt. 15. *Non dicas, ille me implanauit, non enim neceſſarij ſunt ei homines impij, ne- Ecl. 15. mini mandauit impiè agere, & nemini dedit ſpatium peccandi;* Græcè verò habetur, *licentiam peccandi*, id eſt, nulli data eſt vitæ dilatio vt peccet, ſed vt cum alio conuertatur. Et hoc definit Concilium Triden. ſeſs. 6. c. 19. quod latè probant Theologi Scholaſtici hoc tempore ad 1. p. D. Thomæ q. 14. & q. 19. Qua de re latè egit Suar. lib. 2. de Auxilijs. Probâtque Nazianz. Orat. 3. cont. Iulian. ante medium, dum de Iuliano ita ait: Quibus rationibus non ille ad malum excitatus eſt. Deus enim nullo modo cauſa mali eſt, quippe natura bonus, vitiũque eius eſt, qui elegit, haud tamen ab impetu ſuo reſpreſſus eſt. Et Ambroſ. lib. 2. Examer. cap. 8. Eradicari malitiam Deus vult ab animis ſingulorum, quomodo eam ipſe generaret cum clameſt Prophe-
ta: *Deſine à malitijs veſtris, deſine à malo, & fac bonum?* Quomodo ergo ei ini- Pal. 3.
tium à Domino damus? Sed hæc opinio feralis eorum qui perturbandam Eccleſiam putauerunt. Et Aug. 5. de Ciu. Dei c. 9. Malæ voluntates ab illo non ſunt, quia contra naturam ſunt, quæ ab illo eſt. Et in manuali c. 2. Qui Deum bonum, & ſanctum negat, authorem malorum eum comminiſcens, Deum omnino eſſe negat.

§. I.

Quàm proprium hominum ſit excuſatio in peccatis.

EX eo hæretici Deum peccatorum auctorem conſtituerunt, vt ſic propria peccata poſſent excuſare, quod à primis parentibus veluti hæreditario iure accepimus, vt notauit D. Greg. 22. Moral. c. 9. in Adamo, qui cum argueretur à Deo quodd de ligno vetito comediffet, illico reſpondit, *Mu- Gen. 3. lier quam dedifti mihi ſociam, ipſa mihi dedi de ligno, & comedi.* Ad hoc requiſiti fuerant vt peccatum, quod transgrediendo commiſerant, conſitendo dederet, ſed alij bene, ſibi met vtrique deſenſionis ſolatia, quã conſeſſionis elegerunt: cumque excuſare peccatum voluit vir per mulierẽ, mulier per ſerpentem, auxerunt culpã, quã tueri conati ſunt; obliquè Adam Dominum tangens, quodd ipſe peccati eorum auctor extiterit, qui mulierem fecit: & Eua culpã ad Dominũ referens, qui ſerpentẽ in paradifo poſuiſſet. Sic ergo

R 2 reatum:

reatum suum dum defendere moliuntur, addiderunt, vt culpa eorum atrocior disculsa fieret, quàm fuerat perpetrata. Vnde nunc quoque humani generis rami ex hac radice amaritudinem trahunt : vt cùm de vitio suo quisque arguitur, sub defensionum verba, quasi sub quædam se arborum folia abscondat, & velut ad quædam excusationis sue opaca secreta faciem Conditoris fugiat, cum qua occultatione non se Domino, sed Dominum abscondit sibi. Quod etiam dixit idem Greg. eodem lib. c. 13. & lib. 4. Moral. c. 19. & Augusti 14. de Ciuit. Dei c. 14. & Ambrosi. lib. de Paradiso c. 13. Et de iis qui Deum accusant, suum excusantes peccatum, putat Augusti. intelligendum esse illud Ps. 58. *Non miserearis omnium, qui operantur iniquitatem*; indigni enim sunt quibus tu miserearis illi, qui cùm implorare debeant Dei auxilijantis opem, eius innocentiam accusant.

Psal. 38.

Hic verò obiciendum esse hunc locum Iacobi, *Deus intentator malorum est*, docet Aug. lib. de Gratia, & lib. Arb. c. 2. & Serm. 3. de Annunciatione, de Adamo se excusante, imò & Deum accusante sic ait: Quis si humiliter se accusasset, & in auctorem suum culpam non retorisset, à Paradiso non exulasset; quod etiam prosequitur Abulensi. super ea verba Genes. 3. *Mulier quam dedisti mihi*. Hoc dixit Adam ad excusationem suam. O prauum cor, excusando se accusat Deum, quod si se accusasset, omnes nos ab accusatione, & iudicio liberasset. Videndus hac de re Bernardus libro de præcepto & dispensat. Basil. in Psal. 37. ad ea verba: *Quoniam iniquitates meae supergressæ sunt caput meum*. Et Chrysost. hom. 7. ad Pop. & hom. 17. super 1. ad Cor. vbi docet non esse Deum accusandum, quod homines fecerit corporeos non est enim causa malorum corpus, neque enim iniustum Abelem fecit corpus, neque Angelos sanctos non habere corpus, & ideo grauius peccauit Adam, quàm Eua: namque Eua culpam retulit in serpentem, Adam verò in Deum dum dixit, *mulier quam dedisti mihi*.

Genes. 3.

Psal. 37.

Genes. 3.

QUANTVM autem displiceat Deo huiusmodi excusatio, ostendit Rupertus lib. 1. in lib. 1. Reg. c. 28. vbi loquens de Saule se excusante de violatione præcepti, quod illi impositum erat, vt nulli omnino rei de Amalec parceret, quando ei dixit Samuel; *Quare non audisti vocem Domini, sed versus ad prædam es, & fecisti malum in oculis Domini? & ait Saül ad Samuelem. Imo audii vocem Domini, & ambulauit in via per quam misit me Dominus, & adduxi Agag, & Amalech interfeci. Tulit autem de præda populus oves & boues, præmitias eorum quæ casa sunt, vt immolet Domino Deo suo*. Ait ergo Rupertus. Hoc nequissimum est cùm post voluntatem peccati quod primum est, & post effectum operis, quod secundum est, atque post vsum peruersum, quod tertium est, additur defensio peccati, quod quartum est, & hic nullus venit locus est. Nam, & per Prophetam Deus dicit, *super tribus sceleribus Damasci, & super quatuor non conuertam eum*. Igitur tantis exacerbatus iniuriis Spiritus Domini recessit à Saule, & exagitabat eum spiritus nequam à Domino, grandis pena Regis, grandis confusio populi. Similia habet Origenes homilia 8. in Leuit. vbi ponderat præceptum illud Leuitici. *Quicumque maculatus fuerit lepra, & separatus est ad arbitrium Sacerdotis, habet hic*

1. Reg. 15.

Leuit. 13.

bit vestimenta dissuta, caput nudum, os veste coniectum, comminutum, ac sordidum se clamabit. Per quæ, inquit Orig. designat lex eum, qui in anima leprosus est, id est, qui peccatis confixus est, non oportere adluere sibi tegumenta, & turpitudines operire peccati. Sicut enim is, cuius vestimenta dissuta sunt, nudam atque inteetam gerit turpitudinem corporis, ita oportet eum, qui peccatis aliquibus obseptus est, mala sua, & flagitia nullis verborum asumentis, nullis excusationum velaminibus operire, ut ne fiat sepulchrum dealbatum. Verumtamen leprosus iste os tantummodo iubetur obtegere. Quid est hoc quod omnes corporis partes nudas habere præcipitur, os solum operire iubetur? Nonne palam est quod ei, qui in lepra peccati est, clauditur sermo, clauditur ei os: quasi velit peccatorem ad excusandos defectus, & peccati inquinamenta opertum, clausumque habere os, ipsumque tantummodo aperire ad confessionem peccati, ut iustificetur. Quod notavit Chrysost. hom. 20. in Gen. ubi affert illum locum Isai. secundum versionem Septuaginta; *Dic tu iniquitates tuas primus, ut iustificeris.* Audi, inquit, Prophetam dicentem. *Dic tu prior iniquitates tuas, ut iustificeris.* Non simpliciter ait, *Dic tu iniquitates tuas*, sed adiecit, *prior*, hoc est, ne expectes Deum te arguentem, ne prætoleris authorem, ipse præueni, & rape sermonis principium, ut accusatoris linguam obmutescere facias. Scholastica, quæ habet, & explicat eundem librum hom. 3. de Pœnitentia, ubi eleganter ponderat peccatum confusionem importare, & pœnitentiam confidentiam. Sciens igitur Satanas peccatum quidem confusionem habere, mutauit ordinem, deditque confusionem quidem pœnitentiæ, confidentiam verò peccato, impudens quis peccatum exequitur, nusquam ipsi pudor egreditur inde, cum peccatum consummauerit, atque ut pœniteat pudore tenetur. Miser & infelix, rem cum facis non erubescis, erubescis cum pœnitere, & confiteri debes peccata. Diaboli hæc est astutia, quod te in peccato erubescere vetat, & peccatum dicere impedit pudore: nouit enim, si homo erubuerit peccatum, fugiet illud, inuerecundus autem vel difficile pœnitere potest. Merito autem Tertullianus lib. de Penitent. Tantum confessio releuat delictorum, quantum dissimulatio aggrauat. Confessio enim satisfactionis consiliū est, dissimulatio cōtumacia. Enimuero qui dissimulat, & excusat, libertatē peccandi nititur assequi, & se in dies iniquitatis volutabro ingurgitat.

D E qua re videndus Plutarch. libro de profect. virtut. sentiend. ubi ait: *Scium est Diogenis illud dictum ad quendam adolescentem, qui visus in caupona, intro in eam fugiebat. Quanto, dicebas Diog. magis intro fugies, tanto magis in caupona eris.* Ita quis vitiosus quanto magis inficiatur suum vitium, tanto magis ipsum penetrat, ac sese includit in morbum. Quomodo nimirum pauperes quanto magis sese diuites esse simulant, ob ipsam arrogantiam sunt pauperiores.

S E D hoc originarium, & hæreditarium malum vsque adeo inoleuit, ut vel etiam in schola Christi Domini repertum fuerit; quod notauit Chrysolog. Serm. 78. in eo, quod de Petro dicitur: *Et audivisti quia Dominus est, tunc i-* Ioan. 21, *et se praeiunxit, erat enim nudus.* Mirum, inquit, fratres, & verè mirum, quia qui

in naui nudatus est, in mare se demersit indutus, reatus semper refugit ad velamē: denique sicut Adam, ita & nunc Petrus post culpam suam gessit tegere nuditatem, qui fuerat sancta nuditate vestitus. Negauerat Petrus Magistrum cum iuramento, cui promiserat etiam se permanfurum vsque ad mortem, audiuit Dominum interrogantem is, qui nudus in naui erat, induitur, & se in mare immisit, vt veste culpam operiret. Infert autem recte Ber. de gradibus humilitatis in hunc modum: Qui procaciter etiam aperta defendit, quando occultas, & malas suas cogitationes cordi suo aduenientes humiliter reuelabit? Reuelanda itaque sunt Deo quæcumque mala committimus, nullaque quærenda excusatio in peccatis, multoque minus ea, qua culpa in Deum refundatur authorem, cum ipse intentator malorum sit, & nemo nisi impudenter possit dicere, quod à Deo ad mala tentatur.

Verf. 14. *Unusquisque verò tentatur à concupiscencia sua abstractus, & illectus.*

EXPOSITIO LITERALIS.



OSTQVAM Apostolus negauit Deum peccatorum authorem, aut causam esse, quem statim dicit fontem esse vnde omne datum optimum procedit, ostendit iam principium, & originem peccatorum, sicut optimè hunc locum explicat D. Hieronym.

Rom. 9. contra Iouinianum. Sicut in bonis, inquit, operibus perfectior est Deus, non enim volumus, neque curremus, sed Dei miserentis, & adiuuantis est, vt peruenire ad calcem valeamus: sic in malis, atque peccatis semina nostra sunt incentiua, perfectio autem Diaboli. Appetitus enim sensitiuus iustitia originali destitutus, qui à Theologis dicitur fomes peccati, & hic appellatur concupiscencia, tendit in bonum sensibile contra rectam rationem, & voluntatem abstrahit à bono, & allicit ad malum; quæ duæ voces ostendunt duo, quæ in peccato inueniuntur, nempe auersionem ab incommutabili bono, quod significat vox illa (*abstractus*) & conuersionem ad bonum commutabile, quod est voluptate inescari ad ruinam, & relicto Creatore ferri in creaturam, & hoc significat vox (*illectus*.)

Rom. 7. Galat 3. Est autem hæc concupiscencia veluti pellex quædam rationem stimulans ad ea, quæ carnis sunt, & sensum oblectant, quam idcirco Deus in baptizatis reliquit, tum vt memores simus antiqui peccati, tum vt pugnemus cum illa ad victoriam, & maius meritum, eamque appellat Paulus legem carnis, & membrorum repugnantem legi mentis, captiuantem hominem; & de hac etiam dicit idem Paulus, *Concupiscit aduersus spiritum.*

Vnde patet præcipuam peccatorum causam, & originem intra nos esse, ac degere, quam naturæ corruptionem cognoscens August. lib. Soliloq. c. 15. Quod cecidi, ait, fuit ex me, quod sustinui, ex te; quoniam sicut boni est,

est, parui, vel magni, donum tuum est, & nostram non nisi malum est. Ex hoc etiam loco colligunt Theologi cum D. Thoma 1. 2. q. 80. non omnium peccatorum causam esse Diabolum: quod etiam probat August. lib. de Ecclesiast. dogmatib. c. 82. Et Nazianz. lib. sentent. sentent. 82.

ILLUD tamen semper prae oculis habendum in hac materia, quod notauit Ber. lib. de Gratia, & lib. Arbit. hanc scilicet concupiscentiam, quantumvis abstrahat, & alliciat, non tamen cogere voluntatem, aut violentiam nostrae inferre libertati, semper namque manet verum, quod dixit Dominus ad Cain; *Sub te erit appetitus tuus, & tu dominaberis illius.* Et quod Ecclesiast. dixit: *Deus reliquit hominem in manu consilii sui, adiecit illi mandata, & praecepta, bonum, & malum, vitam, & mortem, ad quodcumque voluerit, apponit manum suam.* Ideoque August. libro 50. homiliarum hom. 40. Noli consentire concupiscentiae tuae, non est unde concipiat nisi de te.

DOCEAT tandem hic locus ipsam concupiscentiam non esse peccatum, sed ad peccatum inclinare, & allicere, quod dixit Trid. sess. 5. in hac verba. *Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam nunquam intellexisse peccatum appellari, quod verè & propriè in venatis peccatum sit, sed quia ex peccato est, & ad peccatum inclinat.* Et D. Aug. lib. de Nuptiis, & concupiscentia c. 23. Sicut vocatur frigus pigrum, quod pigros faciat, sic & concupiscentia peccatum, quod in peccatum inducat. Neque verò excludit noster textus, quod Diabolus aliquando per concupiscentiam tentet, cum id plerumque faciat.

Non erit autem abs re hoc loco referre, quibus modis vincantur huiusmodi tentationes. Fit enim id primo non solum non peccando, sed etiam proficiendo aliquo modo in ordine ad salutem, qui est proprius victoriae modus, ut notauit D. Th. in 2. d. 28. q. 1. art. 2. ad 6. ex August. 21. de Ciuit. c. 16. dicente: Tunc vitia victa deputanda sunt, cum Dei amore vincuntur. Secundo, contingit superari tentationem non consentiendo peccato, ad quod inclinat, aliud tamen, licet fortasse minus, committendo, ut cum aliquis vincit tentationem furti ex solo affectu honoris, vel simili; & haec non est victoria, nisi secundum quid. Tertio, contingit superari tentationem nihil omnino peccando, neque etiam in ordine ad salutem proficiendo, siue quia homo negatiue se habet suspendendo actum, ut quidam Scholastici volunt, siue (quod magis morale est) eliciendo actum ordinis naturalis propter aliquam honestatem moralem. Prior tamen vincendi modus nobilior omnino est, & ad illum necessaria gratia est. Quartus deinde sequitur modus, qui tunc gratiam postulat, cum gratis tentatio vincenda est, quae modò in scholis communior sententia, est ut nunc supponimus, & latius probatur in materia de gratia.

Offenditur cētatio, & pugna concupiscētia aduersus spiritum.

EX hoc loco deducit Cyrillus Alex. valde lubricam, & periculofam esse vitam humanam, quando nobis incedēdum sit inter voluptates, & appetitus, qui nos ad varia peccatorum genera alliciunt, lubricam dixi, quia, sicut dixit Ambr. de bono mortis c. 3. *Memento quod lutum me fecisti.* Nota, si ergo lutum est corpus, oblinet nos utique, non diluit, & coinquinat animam inquinamento intemperantiæ. Vbi illud aduertendum censeo, quod lutum, & lubricum est, & inquinando accommodatissimum; quia lubricum, toties prolabimur, quia lutum, toties inficimur. Estque tandem maledictum hoc lutum, seu terra qua constamus, quæ ideo spinas, & tribulos ex sese profert, sicut dixit Ber. de vita solitaria ad fratres de monte Dei, his verbis: Hæc maledictio est Adæ, vñ in terra laboris nostri, & in agro cordis, vel corporis nostri noxia, vel inutilia gratuito passim vbique proueniunt: vtilia verò, vel necessaria, & salutaria cum labore. Similia habet Ambros. Psal. 43.

Est etiam periculosa vita, quia, sicut dixit Nazianz. orat. 1. cum eo hoste dimicandum habemus, qui nos internè oppugnat, ac nobismetipsis (quo nihil miseriuse est) tãquam armis in perniciem nostram vtēs, peccati morte nos afficit. Quod etiam expressit Chryso. Ser. 171. ibi. *Ab inuis exenti de corde.* Matt. 7. Tolerabilis est hostis cum muris arietat extrinsecus, cum foris positus cedit aliquando confictui, cui verò est intus inimicus, cuius aduersarius in ipsis penetrabilibus iam defæuit, iste se intelligit, & sentit oppressum, & cætera, quæ vide. Ideo optimè ait Philo lib. *Quod deterior insidiari solet.* Virtutis amatores baiulant sarcinas maximas, affectum erga corpus, & voluptatem corporis, præterea certamen aduersus externa bona, delectationesque, quæ inde proueniunt. Et bene quidam dixit: nos circumferre certamen iuge quidem, & cruentum, de quo Paulus, *Caro concupiscit aduersus spiritum.* Hoc enim internum bellum armis desideriorum fit, vt eius atrocitatem, & periculū consideremus. Quis enim non pertimesceret hostem, cuius vel saltem desideria possunt occidere? Quis non tandem succumberet humanis armorum ictibus, cum hostem secum circumferret?

QUA in re illud notandum occurrit, nihil in rerum natura tam efficax, ac potens posse reperiri, vt voluntate, & desiderio possit alium occidere. So-
 Psal. 113. *Ille Deus omnia quæcumque voluit, fecit.* Appetitus item, & caro dum concupiscit aduersus spiritum immortalem quidem, peccati vulnere occidit. Ideo-
 Rom. 7. *que ex præcordiis conqueritur Paulus. Infelix homo, quis me liberabit de corpore mortis huius?* id est, quis me liberabit à vi, & potentia huius appetitus inordinati, qui verè est hostis: Corpus etenim in sacra Scriptura significat veritatem rei. Quo sensu ad Colossē. 2. veritas legis gratiæ opponitur vmbre, & figuræ veteris legis. *Nemo vos diiudicat in cibo, aut potu, aut in parte diei festi, quæ sunt vmbra futurorum, corpus autem Christi.* vbi D. Thomas. Legalia, inquit,
 Coloss. 2. vñ.

vmbræ sunt, veritas autem rei pertinet ad Christum. Et iuxta hanc phrasim explicat August. epist. 7. illud ad Colossē. 2. *in quo* (scilicet Christo) *habitat omnis plenitudo diuinitatis corporaliter*, id est, non in vmbra, vel figura, sed *Coloss. 2.* re ipsa, & in veritate. Secundum istum ergo modum loquendi, censet Paulus quoscumque alios hostes fictos, seu figuratos, & quamlibet pugnam apparentem, solam verò eam, qua caro concupiscit aduersus spiritum, esse veram, & realem pugnam. Ideoque Fulgentius epist. 4. ait, in vincendis propriis cupiditatibus magnam esse certaminis difficultatem, quia non extrinsecus ex altero, sed intrinsecus ex seipso certanti homini concupiscentiæ carnalis generetur aduersitas. Ideoque merito Tertull. lib. de Monogam. cap. 15. Rideo, inquit, cum infirmitas carnis opponitur, quæ summa fortitudo dicenda est. Vnde & Nazianz. Orat. de pauperum amore, appellat corpus infidum, quia scilicet nullam fidem seruat animæ, sed iugiter illi aduersatur. Et Orat. 16. ait: Corpus vt inimicum odi, atque auersor, vt vinculum fugio, hostis est blandus, insidiosus amicus, semper namque est in insidiis, vt aggrediatur, incendat, & eripiat animam. Vnde Bern. Serm. 6. de aduentu ait: Nobilem hospitem habes, o caro, nobilem valde, & tota salus tua pendet de eius salute. Quis quæso rusticus, si fortè nobilis apud eum voluerit hospitari, non libenter in angulo domus, vel in ipsis cineribus acubabit cedens hospiti? Vt quid ergo pro temporalium qualibet delectatione contristas, & lædis hospitem istum, quando nec sentire villo modo poteris nisi per ipsum? Si tibi tantum confert exul, quantum præstabit reconciliatus? Sed proh dolor! insurgit concupiscentia aduersus spiritum, & nostri corporis armis in nostram perniciem diabolus vitur, quod deplorat idem Bern. lib. de Anima c. 15. Diabolus, inquit, plus confidit in adiutorio carnis, quoniam magis nocet domesticus hostis, illa verò ad subuersionem meam cum illo foedus iniit, vt pote de peccato nata, & in peccato nutrita, vitiis corrupta ab ipsa origine, sed multo amplius vitiata praua consuetudine. Hinc est quoddam tam acriter concupiscit aduersus spiritum; hinc est quoddam diabolus baculo nostro nos cædit, & manus nostras proprio cingulo ligat, & caro quæ data est nobis in adiutorium, fit nobis in ruinam, & scandalum. Grauis lucta, & graue periculum est aduersus domesticum hostem pugnare, maxime cum nos aduenæ simus, & ille ciuis. Ille suam habitat regionem, nos exules sumus, & peregrini.

Et quod difficiliorem, periculosioremque reddit hanc pugnam, est quoddam non aperto Marte cū hoste decertamus, imò semper nobis est in insidiis, & sub amici habitu latenter oppugnat, quod merito deplorat David, postquam se deuictum, & expugnatum lenit dicens: *Humiliaſti nos in loco afflictionis; vbi* Psal. 43
D. Ambros. Pulchrè autem, inquit, Aquilæ interpretatio quemadmodum intelligere debeamus locum afflictionis expressit, dicendo: Quoniam humiliasti nos in loco Sirenium. Sirenes verò quædam fuisse puellas Gentilis tradit historia, quæ vocis suauitate, canendi illecebris, audiendique studio illectos nauigantes ad littus admouere nauigiâ prouocabant, eosque cum gratiam vocis sequerentur, scopuloso in loco naufragium facere soliti.

Paiz in Epist. B. Iacobi.

S

tos.

tos Vetusitas posteris tradidit. Itā ergo sæculi voluptas nos quadam carnali adulatione delectat, ut decipiat. Humilitas autem, inquit Ambrosius, operis est, per quod caro ista peccati corpus effecta est, & locus afflictionis. Hæc Ambrosius. Ex cuius explicatione constat conqueri Dauidem se abstractum, & illectum, humiliatumque ac victum Sirenium, & voluptatum vocibus, permittente Deo, quæ ipsum delectando deceperunt. Namque, sicut dixit Nazianzus. Orat. 4. contra Iulianum, facile imposturam facit quicquid delectat. Quod probat illud Gen. 3. *Vidi mulier quod esset bonum ad vescendum, &c.* ubi Oleaster ait: Cum femina cepit affici scientiæ desiderio, statim pomum oculis apparuit desiderabile; & quod mirabilius est, gustui suave: nunquam gustauerat, aut senserat, unde ergo nouerat fructum bonum ad vescendum, nisi ex corrupto affectu scientiæ boni, & mali?

Quo vero habitu nos aggrediantur hi hostes ostendit Philo lib. 2. legibus allegor. Voluptas, inquit, non quale est subiectum, tale id agnoscit cogitatione; sed addit arte mendacium, rem inutilem transfert in ordinem vitium. Et sic cætera percurrit Philo, tandemque concludit. Ergo omni voluptati decipere est proprium. Aduertit autem Seneca epist. 7. *omnia vitia in aperto leniora esse, facile enim viuuntur, quæ verò in occulto, grauiora, & difficiliora.*

NEQUE verò hoc artificio seu fraude utitur solum concupiscentia, ut rationem superet, sed ut superatam libenti animo, & sua sponte ligatā contineat. Quod eleganter aduertit beatus Ephrem de linguæ malo, aliisque vitiis. Probè, inquit, nouit callidus, & versutus hostis, quibus, ac qualibus nos vinculis obstringat, & si nos inuitos in suos casses coniecerit, fore ut celeriter confractis illis mens nostra iterum in libertatem se vindicet, quapropter iucunda, ac grata unicuique vincula iniicit, in quibus libetius cōquiescat; potest enim mens nostra, Deo duce, ex inimici se laqueis eximere, nunc verò iisdem obstricti gaudemus, ipsaque captiuitate superbimus. Sic ille. Sed prudens ac probus vir cum sciat concupiscentiam mortiferum animæ nostræ hostem, se illi minimè credit, quantumuis simulato, & sub amici habitu latitanti.

Hoc contigit Dauidi, qui postquam cessit voluptati, & appetitui potiundæ vxoris alienæ, ita deinceps cautus, & peruigil mansit, ut nec etiam vero, & necessario desiderio fores voluerit aperire, ut illi satisfaceret. Exoptauit sitibundus Dauid aquam de cisterna Bethlechem, ubi statio Philistinorum erat, illic tres adolescentes irruerunt castra Philistinorum, & Regi aquam desideratam quamcunq; attulerunt; at ille noluit bibere, sed libauit eam Domino. Quod expendens Chrysostomus hom. 1. in Ps. 30. ait: Allata ergo aqua intellexit Rex quid fecerit, quia in pugna validissima sitim suam non valuit continere, ideoque vicit desiderium suum, quod sciuit cum alieno periculo adimpletum: allatā accipiens aquam, bibere noluit, sed semetipsum reprehendit, & Domino eam libauit: non enim aqua erat, sed sanguis. Vides iam quomodo castigatus de priori concupiscentia, postmodum cautiore factus, & qui corpus adamauerat, & ruerat, aquam

aquam desideratam, & necessariam, & sitiens bibere noluit, victor sui factus. Victum iam se erubuerat David abstractus, & illectus à concupiscentia sua, noluit proinde se credere desiderio, noluit siti satisfacere. Timuit enim latentes insidias, horruit appetitum, etiam habitu, & specie veræ necessitatis, ne incurreret in deceptionem, & ne deceptus tandem occumberet, & cupiditatem quam sibi non potuit auferre, potuit mitigare, sicut dixit Ambrosius lib. 1. & Iacob, & vita beata cap. 1. Concupiuit ut homo, sed concupiscentiæ non satisfecit ut sanctus, & perfectus victor. Aliud est enim concupiscere, aliud post concupiscentias suas ire. Non concupiscere perfectus est, post concupiscentias suas non ire pugnantis, luctantis, ac vincentis est, sicut prosequitur Aug. Serm. 5. de verbis Apostoli, ubi admonet post concupiscentias nostras ne eamus.

CONVENIT maxime præsentī argumentō id quod Origen. homil. 7. in Genes. notavit circa illud, quod dicitur: *Sic vidisses Sara filium Agar & A-* Gen. 11.
gyptiæ ludentem cum Isaac filio suo, dixit ad Abraham: Ecce ancillam hanc, & filium eius. Illud autem pro explicatione Origenis aduertendum est, dixisse Paulum de his duobus filiis Abrahæ. *Is qui de ancilla secundum carnem natus est, qui* Galat. 4.
vero ex libera, per re promissionem: quæ sunt per allegoriam dicta. Quasi Isaac non sit secundum carnem natus, imò vero secundum spiritum. Dicit verò Apostolus hæc allegorica esse, ut nos quid faciendum sit noverimus, docetque Ismaëlem figuram, & symbolum esse carnis, seu carnalis concupiscentiæ: Isaac verò significare rationem, & spiritum. Quid verò his addit exponens Apostolus, inquit Origen. videamus. *Sed sicut tunc is, qui secundum carnem natus est, persequabatur eum, qui secundum spiritum, ita & nunc.* Tamen secundum ea, quæ scripta sunt, non video quid mouerit Saram, ut filium ancillæ iuberet expelli. Ludebat cum filio suo Isaac, quid læserat, aut quid nocuerat, si ludebat? quasi non hoc in illa ætate etiam gratum esse debuerit, quod luserit filius ancillæ cum filio liberæ: tum deinde miror Apostolum, qui ludum hunc persequutionem pronunciauit dicens: *Sed sicut tunc is qui secundum carnem, persequabatur eum, qui secundum spiritum, ita & nunc;* cum utique nulla persequutio Ismaëlis aduersum Isaac nota referatur, nisi hic solus ludus infantie. Sed videamus quid in hoc ludo intellexerit Paulus, & quid indignata sit Sara. Superius enim iam exponentes spiritaliter, loco virtutis exposuimus Saram. Si ergo caro, cuius personam gerit Ismaël, qui secundum carnem, spiritui blandiatur, qui est Isaac, & illecebrosis cum eo deceptionibus agat, si delectationibus alliciat, voluptatibus molliat, huiusmodi ludus carnis cum spiritu Saram maxime, quæ est virtus offendit, & huiusmodi blandimenta, acerbissimam persequutionem iudicat Paulus. Et tu ergo, o auditor, si tibi libidinis alludat illecebra, si virtutis es filius, tanquam persequutionem maximam fuge, intelligere debes, quia sub specie ludi blandam persequutionem pateris. Hucusque Origenes. Cuius locum sicut transcripsimus, utinam memoriæ insertum haberemus, quod cautiore circa incertum, imò fallacem hostem redderemur, qui nullam præterit occasionem decipiendi, nul-

lum reueretur locum, nullum præterit tempus.

Luc. 1. Hoc optimè notauit Chrysolog. Serm. 88. in Zacharia patre Ioannis Baptistæ, qui in ipso tempore placationis offendit, qui dum credit, dubitat, dicente Angelo: *Quia non credidisti verbis meis*: dum postulata promeretur, incurrit; munera ipsa dum suscipit, condemnatur, qui vocem, dum vocem percipit, tunc amisit: namque cum inferret incensum, Deumque verum crederet, & populo Deum placaret, tunc deliquit dubitando, & dum pro lapsu cæterorum orat, ipse prolabitur, vt iam constet nullibi posse esse securam fragilem, labilemque naturam, quæ semper secum portat hostem, concupiscentiam scilicet, à qua vnusquisque tentatur abtractus, & illectus.

QUÏS ergo iam dicat se à Deo tentari, cum tentationum fomitem perpetuò asportet, quod prosequitur Greg. lib. 3. Moral. cap. 28. Tinea, inquit, de veste nascitur, & eandem vestem, de qua oritur, oriendo corrumpit. Quali quædam verò vestis animæ caro est, sed hæc nimirum vestis habet tineam suam, quia ab ipsa carnalis tentatio oritur, à qua laceratur velut à tinea, totusque homo consumitur, cum de se oritur vnde conteratur. Vnde Leo Serm. 11. de Quadragesima ait: Quis non infirmatur in carne, quis non sordescit in puluere, quis postremo est tantæ puritatis, vt iis non polluat, sine quibus vita non ducitur? Beata mens, quæ peregrinationis suæ tempora, casta sobrietate transcurrit, & in iis per quæ necesse est eam ambulare, non manet, vt hospita magis, quam domina terrenorū. Quod idem prosequitur Serm. 4. de Ieiunio Pentecost.

QUAPROPTER Bern. de vita solitaria assignat nobis modum, quem obseruare debemus, vt tutiores ab huiusmodi hostibus, & securiores ab iis domesticis latrunculis possimus per hanc viam ad patriam vsque transire. Nec sic, inquit, habendum est corpus tanquam propter illud viuamus, sed tanquam sine quo viuere non possumus: Sic nobis cum eo est conuiuendum, vel conueniendum, quasi non diu nobis sit cum eo commorandum, sicque, vt si aliter euenerit, non vrgeamur ad exeundum. Quod etiam dixit Senec. epist. 14. *Sic gerere nos debemus, non tanquam propter corpus viuere debeamus, sed tanquam non possumus sine corpore.* Facit etiam in hanc sententiam August. Serm. 5. de Ascensione: Ordinemus, inquit, & custodiamus in nobis statum vtriusque substantiæ, ne animam nobiliorem vtiq; hominis portionem Tartaro pars deuoluat inferior, sed secum potiùs cælo sanctificatum corpus acquirat. Sic August. Semper proinde vigilandum, semper nobis armis est incumbendum, ne inimico succumbamus: semper denique illud præ oculis habendum, quod hic dixit Iacobus: *Vnusquisque tentatur à concupiscentia sua abstractus, & illectus.* Et quod dixit Dauid: *Sacrificate* **Psal. 4.** *sacrificium iustitiæ*; per quod August. & alij penitentiam intelligunt. Remigius verò ait, petagi hoc sacrificium de medio tollendo taurum superbiæ, hædum lasciuia, &c. Chaldæus verò habet, *domare concupiscentias vestras, & reputabitur vobis sicut sacrificium iustitiæ.*

*Ex fragilitate humana certior colligitur diuina misericordia,
& remissius supplicium.*

IL L V D etiam ostendit hic locus, pronitatem hanc nostram ad malum, & difficultatem ad bonum in primis nos admonere, vt à Deo iugiter auxilium, & vires contra domesticum hostem postulentus: sicut enim ipsum perpetuò in hac vita animæ alligauit, sic & postulat⁹ debet auxilium præbere ad victoriam de eo reportandam. Quo sensu mihi videtur dixisse Tertull. lib. de Resurrect. carn. c. 6. loquens de efformatione primi parentis de limo terræ: Limus ille non tantum Dei opus erat, sed & pignus. Fuisse enim videtur pignus, quo Deus se obligauit ad ferendam opem, si luteus homo caderet, itidémque subueniendum ne pluries caderet, alioqui non de tam fragili materia hominem condidisset, nisi se eo ipso obligasset, & occurrere, & succurrere: Quis enim nõ sordescit in puluere? quis non cadit in labili via? Aut quomodo non confringetur luteum, & fragile vas, quod solus plasmator in integrum potest restituere, & aptare in vas gloriæ per gratiæ infusionem? Et ideo Theologi Scholastici docent potius Deum humanam naturam lapsam reparasse, quàm Angelicam, quia ex fragilitate cecidit. Qua de te videndus Bernar. Serm. 1. de Aduentu; & Gregor. 4. Moral. c. 9. Quo enim humana natura imbecillior est, & fragilior, quàm Angelica, eo magis diuinam prouocat misericordiam, & Deus illius miserendo benignitatem suam manifestat.

Hæc etiam imbecillitas mitiorem reddit diuinam iustitiam, cuiusque aciem hebetat. Cum enim habeamus Pontificem, qui possit compati infirmitati nostræ, secundum eandem nos puniet, & iudicabit. Ideoque Dauid dicebat: *Iudica me secundum iustitiam meam*; vbi Basilius ita ait. Quærendum est quomodo cum alibi dixerit: *Ne intres in iudicium cum seruo tuo*, iam dicat, *Iudica me secundum iustitiam meam*? Illic quidem dicit: Ne inquiras vitam meam ad normam beneficiorum meorum, hic verò non vult ad collationem Dei iudicari, sed secundum se ipsum: quasi velit Dauid iudicari à Deo secundum eam iustitiam, quæ sociam, inimicam tamen habet concupiscentiam, & secundum propriam fragilitatem, quæ in eo maximè appareret, quodd fragilis homo tentatur à concupiscentia sua abstractus, & illecebratus. Cui sententiæ plurimum fauere videtur id quod Paulus ait: *Mihi pro minimo est, vt à vobis iudicer, aut ab humano die, qui autem indicat me, Dominus est*: quasi dicat, si ab hominibus iudicaret, ipsorum pertimescere possem crudelitatem, quando nullo habito respectu fragilis naturæ absque misericordia punirent, sicut quemlibet defectum obseruant, iudicant, submurmurant, & calumniantur. At verò qui me indicat, Dominus est, proindeque non tam timere, quàm sperare debeo. Sic ferè explicat Ambrosius hæc verba Pauli. Ait enim in Psalm. 38. Pulcherrimè eum iudicem elegit, qui nulla fraude fallatur, vt eum nec occulta prætereant, nec infirmæ

Hebr. 4.

Psal. 7.

Psal. 141.

1. Cor. 4.

conditionis lapsus offendant, qui fragilitati norit ignoscere. Ideoque Cyprian. epist. 53. admonet adinueniendos ad Ecclesie gremium fratres, qui ex infirmitate carnis ab illa defecerant, ad imitationem scilicet diuinæ iustitiæ, quæ fragiliori facilius nouit ignoscere.

Verbis. Deinde concupiscentia cum conceperit, parit peccatum: peccatum vero cum consummatum fuerit, generat mortem.

EXPOSITIO LITERALIS.



LEGANTI metaphora, simulque gradatione rem declarat Apostolus, & processum peccati secundum se: ac docet post tentationem concupiscentiæ, quæ sine peccato esse potest, est tamen causa, & origo peccati, continuè sequi peccatum, si quis non caueat. Nam ex concupiscentia oritur delectatio in parte inferiori, quæ nonnullum peccatum est, non tamen mortiferum, donec adsit consensus mentis deliberatus, idè enim subiungit: *Peccatum verò si consummatum fuerit, accedente nimirum pleno consensu, generat mortem.* Ita hunc locum explicat Aug. lib. 5. cont. Iulian. c. 3. & Irenæ. 4. cont. hæres. c. 9. Ambros. lib. 1. de Iacob, & vit. beat. cap. 3. quam expositionem sequuntur Scholastici cum D. Tom. 1. 2. q. 74.

TRES igitur motus concupiscentiæ distinguit Apostolus, quos Theologi agnoscunt, & appellant suggestionem, delectationem, & consensum, post Gregor. hom. 16. in Euang. & Bedam hoc loco.

PRIMVS igitur motus inuoluntarius est, quo quis à concupiscentia tentatur. & ad peccatum incitatur sine ullo consensu: & hunc motum non dicit esse peccatum, ut reuera non est. Neque enim admittenda est doctrina Caietani 1. 2. q. 74. art. 4. dum ait, in appetitu sensitivo per se etiam independentem à voluntate esse libertatem, licet imperfectam, quæ sufficiat ad peccatum veniale, non verò ad mortale.

SECUNDVM motum vult Apostolus esse imperfectè voluntarium cum addit: *Concupiscentia verò cum conceperit, parit peccatum.* Esse autem hunc motum imperfectè voluntarium, proindeque peccatum, sed veniale, patet, quia nominatur peccatum, distinguitur tamen à peccato cōsummato, & mortem generante. Ex quo intelligimus hunc secundum motum non esse peccatum consummatum, nec generare mortem, ac per hoc non esse peccatum mortale.

TERTIVM tandem motum adiungit perfectè voluntarium, quem declarat Apostolus esse peccatum mortale, dum ait: *Peccatum verò cum consummatum fuerit, generat mortem.* Neque enim per consummatum peccatum intelligi debet solum peccatum operis, & exterius patratum, ut aliqui voluerunt, sed quodcumque peccatum, cui plenus accesserit voluntatis assensus, ut ait August. lib. 5. cont. Iulian. Beda hinc, & alij. Neque enim licet dubitare,

habitare, quodd desiderium adulterij, si voluntarium sit, generet mortem, cum Dominus dicat: *Qui viderit mulierem ad concupiscendum eam, iam mœchatus est in corde suo.* Mat. 5.

Hæc sine dubio videtur vera huius loci expositio, quam præter Bedam, Carthus. & alios recentiores probauit Bellarmin. lib. 1. de amissione gratiæ c. 9. & lib. 5. c. 7. vbi hunc sensum deducit ex Cyrillo Alexan. lib. 4. in Ioan. cap. 5. dum explicat hunc locum. Probat idem Bellarm. lib. 1. de Purgator. c. 11. Et talem tentandi processum, imò & metaphoram prosequitur D. Aug. lib. 2. de Genes. contra Mariachæos, dicens: Etiam nunc in vnoquoque nostrum nihil aliud agitur, quum ad peccatum quisque dilabitur, quam tunc actum est in illis tribus, serpente, muliere, & viro. Nam primò fit suggestio, siue per cogitationem, siue per sensus corporis, quæ suggestio cum facta fuerit, si cupiditas nostra non moueatur ad peccandum, excludetur serpentis astutia, si autem mota fuerit, quasi mulieri iam persuasum erit, sed aliquando ratio viriliter etiam commotam cupiditatem refrænât, atque compescit, quod cum sit, non labimur in peccatum, sed cum aliqua luctatione coronamur. Si autem ratio consentiat, & quod libido commouerit, faciendum esse decernat, ab omni vita beata tanquam de Paradiso expellitur homo: iam enim peccatum imputatur, etiam si non subsequatur factum, quoniam rea tenetur in consensione conscientia. Similia habet idem Aug. Psal. 48.

Est itaque concupiscentia veluti Eua, cui aliquid obiicitur tanquam bonum, & per illud allicitur, & abstrahitur, quod dixit Aug. lib. 1. de lib. Arbit. c. 16. Peccata omnia hoc vno genere continentur, cum quisque auertitur à diuinis, scilicet abstractus, & ad multa humana, atque incerta conuertitur, id est, illecectus. Si autem concupiscentia instar Eux diabolo assentitur, & complacet in obiecto; concipit utique ex tali complacentia, & quod ad se pertinet, parit illud, quia ipsa actu consummaret. Qua ratione meritò ab Origene hom. 13. in Iosue, anima dicitur peccati mater: sed quia non potest sola, nisi superior pars, quæ est veluti Adam, accedat, id est, nisi ratio consensum præstet, per huiusmodi consensum consummatur peccatum, quod si consummatur, generat mortem, & ex peccato veniali efficitur mortiferum.

Sic vtrumque autem in conceptione est delectatio, in partu quidem est dolor, sic etiam post huiusmodi partum statim reclamatione conscientia. *Tribulatio enim, & angustia in omnem animam hominis operantis malum*, quod prosequitur Chrysost. Concione 4. de Lazaro. Peccatum, inquit, simul atque commissum est, reperitque finem, tum demum extincta voluptate amarus poenitentiae stimulus succedit: è contrà accidere solet mulieribus, nam illis ante partum labor est ingens, post partum verò relaxatio doloris simul cum infante egrediente: verum hic non item, sed dum parturimus, concipimusque turpes affectus, delectamur. Cæterum vbi enixi fuerimus, concipimus illum puerum, peccatum, tunc conspecta foeditate partus, discruciamur grauius quam mulieres parturientes.

Q v o

QUONIAM VERO nullus homo potest esse sine conceptu, sicut dixit August. Serm. 20. de verb. Domini. Etenim alij concipiunt de Christo, alij de diabolo, qui concipiunt dolerem, & pariunt iniquitatem, & vix sic pragnantibus, & nutriendis: curandum nobis utique est, ut à Deo concipiamus assentiendo diuinæ gratiæ motionibus, cooperando diuino adiutorio, ut tandem cum eo concipiamus, & pariamus spiritum salutis ac vitæ, Vitalis enim est gratiæ conceptio, & partus cum conceptus concupiscentiæ generet mortem.

§. I.

Omni cura, & diligentia occurrendum est motibus concupiscentiæ.

EX hoc loco deducunt Sancti Patres quanta cura, & diligentia debeamus concupiscentiæ motibus obuiare, & nascentes, ac pullulantes fœtus, imò spinas huius terræ post peccatum maledictæ, in ipso natiuitatis initio suffocare, & comprimere, ne postea nobis sint in interitum. Vnde Nazianz. Orat. 49. prauas cogitationes vocat primogenita Ægypti, & semen Babylonis, quod oportet allidi ad petram, ut eum locum interpretatur Nicetas, & prosequitur Ambros. 2. de Pœnitent. c. 11. Vnde Chromatius. Episcop. Rom. in c. 5. Matt. tom. 7. Biblioth. Sanct. Idcirco, inquit per Dauid Spiritus sanctus de hoc ipso ita loquitur, *Beatus qui tenebit, & allidet paruulos suos ad petram*, hunc beatum, & verè Euangelicum virum ostendens, qui desideria, & concupiscentias carnis per inhirmitatem humanam nascentes, statim antequam crescant, in ipso natiuitatis exordio per fidem Christi, qui petra dictus est, enecauerit. Et Hieron. epist. ad Eustoch. Beatus, inquit, qui cum ceperit cogitare, statim allidet paruulos suos ad petram, dum paruulus est hostis, interfice, ut illius nequitia elidatur in semine. Si miliæque habet Ephrem Parænes. 40.

ET hæc est cura, & sollicitudo, quam Sponsus monet adhibendam erga vineam suam, dum ait: *Capite nobis vulpes paruulas, quæ demeliumur vineas, nam vinea nostra floruit.* Iubet ergo capi dum paruulæ sunt: dum enim cogitatio mala in initiis est (sicut ibi ait Origen.) facile potest abici à corde. Nam si diu permaneat, adducit animam ad consensum. Ut morbis corporis, sic & animæ, si statim occurreris, facile medicinam feceris, sin serò, frustra sis; virgam velit vel puer, quercum adultam nec Milo Crotoniates. Ideoque Euseb. Emilsen. hom. 3. ad Monachos. Euenit, ut qui primo tempore emendare noluerit, incipiat in sequenti nec velle, nec posse. Et Senec. epist. 60. *Omnes virtutes suas sapiens undique expendat veluti milites, ut ubicumque inuesti aliquid oriatur, illic parata presidia sint.*

EGRESSURIS filijs Israël de terra Ægypti, & postea quotannis in memoriam huius egressionis, & libertatis iussit Deus ut azyma cum lactucis agrestibus ederent. Quod innuere videtur semper præ oculis futurum esse animæ in libertatem spiritus vindicatæ, ut omnino abstineat à fermentis

fermentato, tumido scilicet & elato appetitu, qui sursum contra rationem insurgit, cumque compressum, & constrictum habeat. In hoc enim azymi à fermentatis differunt, quod hi elati ac tumidi, illi panes depressi sint, ac submissi. Constringitur autem appetitus, dum præ amaritudine agrestium lactucarum dulcis concupiscentia respuitur. Hoc fere notauit Philo lib. de congressu quær. erudit. grat. Præceptum est, inquit, ut azyma edantur cum lactucis agrestibus, non ut sint vice obsonij, sed quando cohibere concupiscentias ne feruescant, & turgeant, quidam putant amarum: & subdit. Lege quoque cautum est nequid fermenti, aut mellis inferatur in altarium: est enim difficile voluptates corporis, vel inanes tumores animæ consecrare tanquam puras, cum suapte natura impuræ ac profanæ sint.

DEBEMUS deinde attentè inuigilare cum armatum, & paratum hostem habeamus. Ideo enim Christus Dominus diabolum appellat fortem, sicut Marc. 3. norauit Hieron. quia scilicet non debemus esse securi. Idemque habet Matt. 11. Chrysost. in imperf. hom. 30. dicens: Fortem dixit, non ut nos terreat, sed ut magis nos faciat esse sollicitos. Pro qua re est optima ea allegoria, quam prosequitur Ruper. lib. 2. in libros Reg. c. 24. quando scilicet dormiente ostiaria domus Isboseth ingressi sunt feruente die latenter Rechab, & Baana frater eius, percusseruntque, & occiderunt Isboseth. Ostiaria, inquit Ruper. triticum purgat, cum mentis custodia discernendo virtutes à vitiis separat, quæ si obdormierit, in mortem proprii domini insidiatores admittit. Nequaquam verò Isboseth hac morte succumberet, si non ad ingressum domus mulierem, id est, ad mentis aditum mollem custodiam deputasset: fortis namque virilisque sexus præponi cordis foribus debet, quem nec negligentia somnus opprimat, nec ignorantia error fallat: namque sicut notauit Bernard. in illud Iob. Iob. 5. in sex tribulationibus, &c. peccatum in foribus est, nisi ipse aperias, non intrabit, appetitus in corde prurit, sed sub te est, nisi sponte cesseris, nihil docebit. Et Tertull. lib. exhortat. ad castitat. Diaboli opus vnum est tentare, quod in te est an velis, at ubi voluisti, sequitur, ut te subigat, non operatus in te voluntatem, sed nactus in te possessionem voluntatis. Similiâque habet Chrysost. hom. 22. ad Pop. diemens. Cani similis est voluptas, si pellas, fugit, si nutrias, permanet. Propter ea dixit Apostolus, Iacob. 2. resistite diabolo.

Parua vtiq; scintilla peccati cum in nobis inueniat fomitem, & paratum, & solum, ne in magnum proueniat incendium, initio statim debet extingui: Cap. 47. halitus enim inimici (sicut Iob dixit) prunas ardere faciunt. Quæ verba sic explicat Gregor. 33. Mor. cap. ultimo. Ardet, inquit, desideriis animus, cum diaboli suggestionibus instigatur. Ardent homines, cum quodlibet temporale appetunt: quia nimirum vrunt desideria, toties Leuiathan halitus prunas accedit, quoties eius occulta suggestio humanas mentes ad delectationes illicitas pertrahit. Qui ergo oris eius non vult flamma affici, iuxta Doctoris veri sententiam, non lignum, fœnum, stipulam, sed 1. Cor. 31 aurum, argentum, & pretiosum lapidem curet inueniri, quia tanto ignis

Petr. in Epist. B. Iacobi Apost.

T

suasionis.

suasionis illius amplius incendit, quanto se ei ad consentiendum molliorem quisque præbuerit. Sed qui nulla ratione conceditur, ut mens in hac corruptibili carne posita nequaquam suasionis illius ardore tangatur, restat ut ad orationis opem se sine cessatione conuertat; flammam quippe suggestionum illius extinguit citius vnda lacrymarum.

VIDENDVS denique pro huiusmodi cogitationibus repellendis idem Greg. lib. 1. in libros Reg. c. 15. Origen. hom. 11. in Iosue. Basil. de Virginit. Bern. Ser. 3. de Natiuit. Amb. in c. 4. epist. 2. ad Cor. Philo lib. 2. leg. allegor. vbi tractat fugam Iacobi e domo Labani: Si pulchritudine, inquit, cõspecta captus periclitaris; ne ostendas ad eam, fuge clam ab illius imaginatione, nam continuæ reminiscentiæ veras formas imprimendo lædunt mentem, & inuitam concitant; in his enim clancularia fuga saluti esse solet, cunctatio verò superat rationem, libertatem ferocem seruituti mansuetæ præferens. Facit etiam huc similitudo qua vtitur Bernar. de interiori domo c. 39. Sicut vipera, inquit, à filiis suis in vtero positis lacerata perimitur, ita nos cogitationes nostræ intra nos nutritæ occidunt. Annectenda etiam est ea similitudo qua vtitur Chrysost. hom. 3. de verbis Isai. *Vidi Dominum.* vbi ita habet: Quemadmodum cerua confixa iaculo in vitali corporis parte, etiamsi venatorum effugiat manus, nihil inde fert lucris, sic & anima accepto concupiscentiæ iaculo, si cum eo permittatur abire, ipsa per se corumpitur ac perit.

Ex quibus constat quantum nobis conducatur ipsas appetitus suggestiones comprimere, nec sermonem contrahere, simulatamue carnis amicitiam admittere. Tales enim motus subrepunt, ut ait Aug. ser. 6. de verbis Apostoli; & vsurpant sibi oculum, aurem, linguam, &c. Qua in re debemus audire, imò consentire cum Senec epist. 22. dicente. *Time est sincere animum, id est, appetitum, luctari cum officio. Est enim regina ratio, & mens, quæ proculcare debet appetitum, non cum eodem luctari.* Ex epist. 117. *Non obtinebis ut desinam, si incipere permiseris. Imbecillus est primo omnis affectus, deinde ipse se concitat, & vires dum procedit, parat, excluditur facilius, quam expellitur.* Pro qua re etiam facit id quod commendauit Chrysost. in c. 1. Marc. dicens: Non est audiendus malignus, etiamsi præuaricationem non præcipiat. Christus Dominus demones loqui vetuit, qui cum Dei Filium prædicabant, non enim est credendum armato hosti, sicut veteres clamabant Romanorum leges. Præcingendum itaque est cor, & pectus, & mammillæ zona aurea, ut omnia quæ intra nos sunt, Deo benedicant, & præsit homo volatilibus cœli; id est, sicut optimè per allegoriam exposuit Basil. homil. 16. *Examer.* ut imperitet ratio aëri uagis, & plenis vanitatis cogitationibus.

Quo melius autem fiat, custodiendi sunt sensus, ne per illos ad nos malum ingrediatur. Pro qua re facit quod notauit Plutar. in quæst. Roman. quæst. 27. vbi quærit, cur muri sacri fuerint apud Romanos, porta verò profana? Cuius rei non alia est ratio, quam quia ea, quæ muro cinguntur, tuta sunt, ea autem, quæ portam habent, quæ mala introducuntur, profana: sic & ea anima, quæ omnem aditū profanæ concupiscentiæ intercludit,

sit, tuta profectò est, & sanctitatem facillè conseruabit. Similia habet idem Plut. in lib. de Curiositate, vbi ait. *Oportet sensum nequaquam foris diuagari, velut farnulum absque custodia.* Et Iustinus in epist. ad Zenam & Serenum. Qui bene viuere vult, is neque videat multa, neque audiat, neque studeat audire, neque si audiat, aut videat, audire se, aut cernere existimet: forma enim tranquillitatis animi hinc sumit exordium. Quæ fuit ratio, cur Nazianz. Orat. 6. ianuas sensibus nostris apponi mandauerit, quæ tempestiuè aperiantur.

NEC minùs etiam conducit ad cauenda pericula concupiscentiæ, id quod docet Hierony. tom. 1. epist. ad Celerantiam, dicens. Satis prodesse ad cautionem dicimus etiam minima pro maximis cauere, tanto enim faciliùs abstinemus à quocumque delicto, quanto illud magis metuimus: nec citò ad maiora progreditur, qui etiam parua formidat. Accinit & illud Plutare. lib. de profect. virtut. sentiend. *Signum, inquit, non exiguum est, quod rectè proficiens nullum iam peccatum exiguum putat, sed omnia studiose vitat, atque obseruat.* Quod quidem si obseruauerimus, nec concupiscentia concipiet, nec pariet peccatum, quod mortem generat.

§. II.

Peccatum generat mortem.

ADVERTIT hoc loco Beda peccatum consummatum generare mortem, quod dicit respicere è contrario id quod suprà dictum est de eo, qui suffert tentationem, quoniam cum probatus fuerit, accipiet coronam vitæ: Sicut enim, qui tentatus superat, præmia vitæ meretur, sic qui tentationi succumbit, meritò ruinâ mortis incurrit. Est autem prima mors peccatum, quam consequitur secunda mors sempiterna, scilicet priuatio visionis, ac fruitionis diuinæ.

RATIONEM autem primæ, & secundæ mortis declarat Aug. lib. 3. de Ciuit. Dei cap. 11. dicens: Mors animæ fit cum eam deferit Deus, sicut corporis, cum id deferit anima. Totius homini mors est cum anima à Deo deferta deferit corpus, ita enim neque ex Deo viuit anima, neque corpus ex anima. Et subdit: In damnatione nouissima, quamuis homo sentire nò delinatur, tamen: quia sensus ipse, nec voluptate suauis, nec quiete salubris, sed dolore pœnalis est, non immeritò mors est potius appellata, quàm vita. Ideo autem secunda, quia post primam illam est qua fit cohærentium diremptio naturarum, siue Dei & animæ, siue animæ & corporis. Et 6. de Ciuit. Dei cap. vlt. Si anima, inquit, in pœnis viuit æternis, mors illa potius dicenda est, quàm vita, nulla quippe maior, & peior est mors, quàm vbi non moritur mors. Quòd verò damnatio æterna dicatur in Scriptura mors, patet ex epist. ad Roman. *Qui talia agunt, digni sunt morte.* Et iterum: *Stipendium peccati mors.* Et in Apocal. Infernus, & stagnum ignis dicuntur mors. Et apud Ezechiel. *Anima que peccauerit, ipsa morietur.* Quo sècu August. lib. quinta

quaginta homil. hom. 4. 2. ex presenti loco Iacobi sic infert: Vel mortem time, si peccatum non times.

QUOD verò peccatum dicatur mors, probatione non indiget, satis sit **Dab. 13.** id quod Susanna dixi senibus impudicis: *Si hoc egero, scilicet quod vultis, mors mihi est.* Vnde Gregor. lib. 4. Moral. Vera mors est, qua anima separatur à Deo. Quibus habet similia Nazianz. Orat. 19. Et August. Serm. 5. de verbis Dei. Sicut anima est vita corporis, sic animæ est vita Deus: sicut expirat corpus cum animam emittit, ita expirat anima cum Deum emittit; Deus emissus mors animæ, anima emissæ mors corporis, mors corporis nescia, mors animæ voluntaria. Et Laët. lib. 3. de falsa Relig. c. 12. Sicut corpus ab hostibus suis victum morte mulcatur, ita superatus à vitiis animas moriatur necesse est. Ideoque Orig. hom. 15. in Gen. super illa verba dicta Iacob: *Filius tuus vivit*, ait. Si peccasset cum vxore Domini sui, non puto quòd hoc Patriarchæ à Deo fuisset nunciatum, *Vivit filius tuus.* Anima enim quæ peccat, ipsa morietur. Et in hoc sensu intelligitur ille locus Genes. quando Rebecca dixit Iacobo: *Consurgens fuge ad Labian fratrem meum, cur viroque orabor filio in vno die?* à diuo Ambr. lib. 2. de Iacob, & vit. beat. Non quasi metuisset Rebecca, ut ad pugnam venientes mutuis conciderent vulneribus, sed quòd si alter alterum occideret, uterque incurreret mortem eodem die: occisus quidem corporalem mortem, fraticida verò mortem spiritualem. Mater pia, inquit Ambrosius, abesse libi dilectissimum filium tolerat, plus ei collatur aquam læsit, utrique tamen consulens, ut alterum immunem à periculo, alterum integrum præstaret à crimine.

NEQUE officit quòd imprudentis fraticida Caini mors nunquam expressè legatur in Scriptura, sicut notavit Philo lib. de Migratione Abrahamæ, imò extat hoc oraculum. *Apposui Dominus Caino signum, ne quis eum inuenerit interficeret.* Cur ita? Opinor, inquit Philo, quia impietas malum est infinitum, quod semel accensum nunquam extinguì potest. In quam competit illud poëticum, *Immortale malum, nulla debile morie.* In eo igitur sensu hæc mors non moritur; quia nunquam finem habet: imò verò adeò vera est mors peccatum, ut respectu illius, mors corporis non vera mors, sed umbra mortis dicatur à Propheta. *Humiliasti nos in loco afflictionis, & cooperuisti nos* **Psal. 43.** *umbra mortis,* quæ verba sic explicat Greg. 4. Moral. c. 17. Quos constat non spiritu, sed sola carne mori, nequaquam se vera morte, sed umbra mortis dicunt operiri; umbra enim mortis, mors carnis accipitur, quia sicut vera mors est, qua anima separatur à Deo, ita umbra mortis est, qua caro separatur ab anima. Cauenda proinde summa cura, & diligentia est commotio concupiscentiæ, & suffocandus eius motus, ac conceptus, ne mortem nobis generet, cum pleno consensu fuerit consummatus.

Vers. 16.

Verſ. 16. *Nolite itaque errare fratres mei dilectiſſimi.*

EXPOSITIO LITERALIS.



POST QVAM D. Iacobus ostendit vndenam originem, & principium ducant peccata in nobis, concludit nullius mali, & peccati Deum esse authorem, inò impiissimum errorem esse hoc leuiter suspicari. Vnde sibi quisque debet imputare, & adscribere propria scelera, & eadem cum Dauide, Manasse, Niniuitis, Petro, Magdalena, & Latrone deplorare, & de iisdem pœnitere. Enimuerò inde falsam de Deo concipit opinionem, qui Deum peccati facit causam, quia seipsum minimè peccatorem agnoscit, qui enim seipsum attentè consideraret, & propriam nequitiam fateretur, & Dei bonitatem prædicaret: quo sensu dixit Cypr. lib. cont. Demetrianum, vt cognoscere Deum possis, te antè cognosce. Fieri enim non potest, vt qui propriam malignitatem agnouerit, aliunde quærat excusationem, cum totam delinquendi causam in se reperiatur. Hæc fuit causa, cur Paulus se primum, & maiorem omnium peccatorum dixerit, non quodd maior omnium extiterit, sed quia talem suam nequitiam intellexit, & tam se delinquentem vndeque contempnit, vt nullum prorsus scelerationem existimauerit. Quod notauit Bern. ad fratres de Monte Dei. Neque enim hoc dicebat, (scilicet, *Venit Deus peccatores saluos facere, quorum prius ergo sum*) mentiendi præcipitatione, sed æstimandi afflictione, qui enim perfectè examinãdo semetipsū intelligit, suo peccato nullius peccatū par esse existimat. Qua ratione elegatè idē Bern. de gradib. humilitat. deceptum dicit Phariseum, dum dixit, *Non sum sicut ceteri homines*; 1. Tim. 1. Phariseus, inquit, se solum decipit, quem solum excipit. Similem vtique decepti nem cauendam monet Iacobus, dum ait: *Nolite errare*, vtique in cognitione vestri, quæ est causa, cur Deum ignoretis, & eidem vestram nequitiam per nequissimum errorem tribuatis, vel etiam: *Nolite errare in cognitione bonitatis diuinæ*, quæ est causa cur eidem culpæ notam inuratis. Si enim solum Deum bonum cognosceretis, vestræ malitiæ defectus fateremini. Qua ratione dixit Bern. lib. de Anima cap. 1. Quanto in cognitione Dei proficio, tanto ad cognitionem mei accedo. Ex eo enim quodd quis Deum solum bonorum causam, & principium cognoscit, consequens inde est, vt se solum peccatorem, & nequam confiteatur.

Et non solum consistit hic error in eo quodd falsò, & per summam impietatem Deum faciamus authorem impietatis, sed insuper quodd deceptis nullum peccatorum remedium nobis superſit; quĩ enim fieri potest, vt veniam postulemus, & ploremus ante Deum, quem inductorem existimamus, & medelam inquiramus ab eodem, quem vulneris inflictoorem asserimus? Est igitur cognoscenda in nobis causa sceleris, & à Deo omnino releuanda, quò ab eodē facilius possimus impetrare remediū, sicut dixit Cypr. lib. de Lapsis: Si eladis, ait, causa cognoscitur, medela vulneris inuenitur.

T 3 QVOD

Quod si quis adhuc ex eo sibi persuadeat aliquo modo peccatum in Deum relabi, quodd infirmam carnem, imò peccati carnem nobis tribuerit, licet hoc ita factum sit in supplicium peccati prioris parentis, insuper audiat Tertullian. lib. ad Martyres c. 3. Scimus ex Dominico præcepto quodd caro infirma sit, spiritus promptus: non ergo nobis blandiamur, quia Dominus consensit carnem infirmam esse. Propterea enim prædixit spiritum promptum esse, ut ostenderet quid cui debeat esse subiectum, scilicet ut caro seruiat spiritui, infirmior fortiori, ut ab eo etiam fortitudinem assumat, colloquatur spiritus cum carne de communi salute, ut infirmitatem carnis spiritus promptitudo iuuare possit, Deo auxiliante.

§. I.

Peccatum error, & insipientia est.

Sunt qui velint hoc loco ex eo Iacobum hæc verba addidisse, postquam in nobis peccati principium, & originem positam esse ostendit, ne peccato assensum per errorem, & deceptionem præberemus. Sic enim multoties peccatum error in Scriptura appellatur; vnde David: *Erravi sicut ovis, quæperii*; & iterum: *A mandatis tuis non erravi. Errauerunt ab vero. Erravimus à via veritatis. Verumtamen ambulavi in erroribus Israël.* Similiâque passim habet facer Textus. Quem loquendi modum sequitur Ambros. lib. de Noë, & arca c. 30. dicens. Omnes mores pessimi erroribus. i. peccatis delectantur alienis. Et in Ps. 35. dum loquitur de peccato Cain, & de signo quod illi Deus imposuit, ait: Semper nobis error noster tanquam malus exactor occurrat. Iuxta quam sententiam dixit Augustin. 11. de Genes. ad literam c. 23. de Lucifero. Continud impius, consequenter, & mente cæcus. Hinc est quodd peccatum insipientia appellatur Pl. 37. *Non est sanitas in carne mea à facie insipientia mea*; vbi Origenes relatus à Genebrar. rectè peccata insipientiam vocat: nemo enim sapiens ea admittit. Et Chrysost. hom. 28. in epist. ad Romanos ait: Psallamus itaque operum cautionem, ut peccatum dæmone peius eiiciamus; demon siquidem non semper regno cælesti priuat, sed subinde sit, ut prosit sobrio, ac vigilantibus: peccatum verò omnino prostermit. Voluntarius quippe dæmon est peccatum, spontaneâque insania. Similiâque habet idem Chrysost. hom. 40. in Ioan. & Cic. Orat. in Pison. *sua quemque fraus, suum scelus sua, audacia de sanitate, & mente deturbat.* Et inde est quodd plerique Theologi existimant non posse dari peccatum, quin præcedat error in intellectu.

Quo verò tempore iniquus in errore est, obscurum, & tenebrosum habet intellectum. quod notavit Ambr. 2. Apolog. David, cum ait: Non mediocre, inquit, quod Nathan denunciavit David: inferior, scilicet Propheta Nathan sciebat, quod David nesciebat, usque adeo caligat animus obumbratus vitiorum nube. Tunc verò cognoscit peccator ignorantiam & errorem propriæ iniquitatis, cum pro eadem pœnas luit, sicut notavit.

notauit Gregor. 15. Moral. c. 31. dum interpretatur ea verba Iob. *Dei ser-* Iob. 17.
nabit filiis illius dolorem patris, & cum redanderis, tunc sciet. Nescit, inquit, impius
 mala, quæ fecit, nilicūm pro iisdem malis puniri iam cœperit. Vnde & per
 Prophetam dicitur: *Dextero dabit intellectum;* & per Balaam de semetipso dici- Iai. 18.
 tur. *Dixit homo, cuius obturatus est oculus, qui cadet, & sic uidentur oculi eius;* con- Num. 14.
 silium quippe contra Israëllem præbuit, sed post in pœna uidit quid prius
 ex culpa commiserit: electi autem quia nec peccare debeant, præuident
 eis uidelicet oculi ante casum latent; iniquus uero post casum oculos aper-
 rit, quoniam post culpam iam in pœna sua conspicit, quia malum debuit
 vitare quod fecit. Concludit tandem: Omnis peccator prudens erit in pœ-
 na, qui stultus fuit in culpa: quia ibi iam dolore constrictus, ad rationem
 oculos eperit, quos hic voluptati deditus clausit: & pœna torquente exi-
 gitur ut sapiat, qui hic excæcante se superbia despiebat. Cui tamen sua
 sapientia iam tunc minime proderit, quia hoc ubi operari iuxta sapien-
 tiam debuit, tempus amisit.

Et hic error in eo potissimum consistit, quod peccator incommutabile
 bonum pro vili, abiecto, & falso relinquit: qua ratione dum à Dei amicitia
 discedit, veluti à semetipso, & à propria mente egreditur. Quod dixit opti-
 mè Philo multis in locis, sed præcipuè lib. 2. legis allegor. cum ponderat
 ea verba Genes. 3. *Fugit Adam a facie Domini.* Hic introducit, inquit, dog- Genes. 3.
 ma, quod omnis malus exul est, quod intelligendum est, & à conspectu, &
 amicitia Dei, simulque à semetipso, quod notauit Chrysol. Serm. 2. in eo
 quod de impio, & scelerato homine dicitur, qui in se reuersus ait: *Quam Luc. 15.*
uerternarij in domo patris mei abundanti panibus? In se, inquit Chrysol. redit qui
 à se antè recesserat, à se migrat, & ab homine totus transit in bestiam. Et
 Serm. 5. Cum in se esset, non erat secum. Quod etiam notauit D. Greg. 8.
 Moral. cap. 10. cum expendit id quod Christus Dominus dixit dæmoniaco,
 quem sanauerat, *Vade in domum tuam.* Soler, inquit, domus inhabitatio
 cordis intelligi. Vnde sanato dicit. *Vade in domum tuam,* quia nimirum dig- Matt. 9.
 num est, ut peccator post veniam ad mentem suam redeat: ad contemplan-
 dum quippe Creatorem homo conditus fuerat, ut eius semper speciem
 quæreret, atque in soliditate illius amoris habitaret, sed extra se per in-
 obedientiam missus, mentis suæ locum perdidit, quia tenebrosis itineribus
 sparsus, ab inhabitatione veri luminis elongauit.

In hoc autem potissimum peccatoris error cernitur, quod sibi admo-
 dum, & plusquam dici potest, nocet, sibi que mortem quasi demens propriis
 manibus infert. Vnde Ambros. in illud Psalm. *Dixit iniustus, ut delinquat in* Psal. 55.
semetipso; quod Ambros. legit: *Ut delinquat sibi.* Quicquid, inquit, iniustus lo-
 quitur, iniquitas est, quæ in suum refertur authorem, sicut viperæ partus,
 quæ primò suam scindit parentem, sibi generat vulnera, seipse confodit.
 Serpens alijs infundit venenum, iniustus sibi: in eum enim refunditur
 quidquid effuderit. Iniustus igitur & alijs inutilis, & sibi noxius, ideoque
 Salomon ait, *Si malus euaseris, solus habies mala.*

COMPART autem Ambros. peccatum viperæ partui, quæ matrem
 nascendo

nascendo occidit ; quod etiam Iacobus dixit : *Peccatum enim consummatum fuerit , generat mortem* ; hoc enim sibi impius delinquendo ascisit , & lucratur. Cum autem animæ mors sit peccatum , quod est plus quàm nobilissimum , cum à nobis auferat gratiam , & Deum ; quod vers. 15. vidimus in §. 2. & cap. 4. latius ostendimus. Interim videatur Gregor. 4. Mora. cap. 17. & Origen. homil. 15. in Genes. Nazianz. Orat. 19. Merito Chrysost. miratur quod umbram , & similitudinem mortis præ insipientia sic vitemus , sic timeamus , cum tamen veram mortem velimus , & amplectamur. Sic enim habet hom. 5. ad Pop. Calamitatum nomina philosophantibus sunt tantum nomina , vera autem calamitas , Deum offendere , & eorum quæ ipsi non placent , aliquid facere ; & post multa subdit : Fratres mei ne pueri efficiamini sensibus , sed malitia infantes sitis : etenim puerilem timemus pauorem , mortem timentes. Pueri enim parui laruas quidem timent , ignem verò non timent , sed si ad lucernam lumen habentem portari contingat , inconsideratè manum immittunt lucernæ , & flammæ , & contemnendam quidem personam horrescunt , at verè timendum ignem non timent. Sic quidem & nos timeamus mortem , quæ est larua contemptu digna , peccatum verò non timeamus , quod est verè timendum. Et hæc non ex rerum natura , sed ex ignorantia nobis accidere consueverunt. Igitur mortem lugere omittens , luge peccata , ut ipse dissoluas : propter hoc enim tristitia facta est , non ut in morte , nec in illa alia re tali doleamus , sed ut ipsa ad delenda vitamur peccata. Sic Chrysost. Quid igitur maioris potest esse infantiæ , quàm nobis mortem inferre ? quis maior error , quàm à via veritatis volentes errare : quæ maior cæcitas , quàm verum lumen deferentes , tenebras querere : à qua nos reuocat Iacobi sententia. *Nolite fratres mei errare.*

Verf. 17. *Omne datum optimum , & omne donum perfectum desursum est , descendens à Patre luminum , apud quem non est transmutatio , nec vicissitudinis obumbratio.*

EXPOSITIO LITERALIS.

ROST QUAM Iacobus ostendit Deum nullatenus esse peccati authorem ; quo magis id ipsum inculcaret , pleniusque probatum relinqueret , ostendit Deum fontem , & principium omnium bonorum , tenebrasque peccati longè à Patre luminum abigendas , cum in eo neque obscuratio , neque illuminandi varietas , aliæque defectus vnquam possit reperiri. Ait ergo , omne datum , ac donum à Deo in nos descendere. Quæ verba aliqui sic intelligunt , ut repetitio prorsus sit emphatica. Ita Feuard. Alij *datum* ad naturam , *donum* ad gratiam referunt. Alij per *donationem bonam* , seu *boni* , ut Græcè habetur , leguntque Occumen. & Vatabl. intelligunt quam

quâcunq; supernaturalē gratiā gratis datam, per donū verò perfectū, gratui-
tam ex Dei beneficentia iustificationem, adoptionem, & vitæ æternæ
donum. Ita Carthus. & Salmeron. Vel tandem per optimum datum intelli-
guntur dona gratiæ, quibus de virtute in virtutem proficimus, & per donum
perfectum gloria, qua habita nihil remanet promerendum, & acquirendum.
Ita D. Thom.

ADVERTENDUM verò est, quòd longè aliter hoc loco sumitur particula,
desursum, atque Ioan. 3. cū Ioan. Baptista dixit: *Qui desursum venit, super om-
nes est: nā desursum ibi accipitur pro, paterna substantia*, vt significaret Ioannes
eum hominem esse Deum, sicut contra Arianos colligit Cyrill. ibi, & alij.
Patres.

HÆC dona igitur dicuntur descendere, quia sicut omnia dona quæ spe-
ctant ad terram fecundandam, & plantis, ac fructibus, cæterisque omni-
bus ornandam, vt Solis calor, imbres, nix, ros, cælestesque influxus, è cælo
in terram descendunt, iuxta illud. *Quomodo descendit imber, & nix de calo, & il-
luc ultra non reuertitur, sed inebriat terram, & infundit eam, & germinare eam facit,
& dat semen ferenti, & panem comedenti, &c.* Ita etiam omne donum, quod in
hominem terrenum confertur, vt fecundetur, & bene agat, fructusque bo-
ni operis ferat, de cælo dicitur descendere. Pro qua re Cyril. Alex. lib. 2.
in Ioan. c. 65. ita ait. Quid supra creaturas præter ineffabilem Dei natu-
ram, qui desursum, ac desuper accommodari propriè possit? cætera enim
omnia seruitutis iugo premuntur, solus autem Deus naturaliter regnat,
quare ipse solus verè super omnia est; tandèmq; concludit. Optimè di-
ctum, *desursum est, descendens à Patre luminum*. Vnde etiam est, quòd sicut na-
turalia dona, quæ ex his mundi rebus mendicamus, & in nobis sunt natu-
raliter, ascendere dicuntur. Qua ratione Christus Dominus dixit: *Quid
turbauit ovis, & cogitationes ascendunt in corda vestra?* Ita supernaturalia, de quibus
hic est sermo, descendere dicuntur.

APPELLAT autem Iacobus Deum luminum Patrem, id est, autorem,
vt exponit Vatabl. & alij. Hebræorum enim more alicuius rei author dici-
tur pater eiusdem. Vnde Genes. 4. *Label vocatur pater habitantium in tentoriis, Genes. 4.
atque pastorum*, & eius frater Iubal pater canentium cythara, & organo. Et Chri-
stus appellatur *Pater futuri sæculi*, Itai. 9. hoc est, auctor, vt exponit Lorin. in *Esa. 9.
2. epist. Ioan.* Videndus Philo lib. de decalogo, cū ponderat, omnes crea-
turas esse velut germanas ratione vnius Patris, & authoris omnium. Imò,
& apud Latinum Poëtam Ennius Epici carminis author, pater vocatur.
Ait enim Horatius lib. 1. epist.

*Ennius ipse pater, nunquam nisi patris ad arma:
Profilium dicenda.*

VNDE Aug. lib. 22. contra Faustum c. 9. appellat Deū lucem lucificā, quia-
scil. cæteræ lucēs sunt participatæ à prima luce, quæ lucē impertitur aliis.

SED dubium maximum est, quidnam intelligant per illam vocem (*Lu-
minum*) sunt enim plerique qui velint intelligendam esse secundam, & ter-
tiam personam sanctissimæ Trinitatis: quarum principium productiuum

Pater in Epist. B. Iacobi Apost.

V est:

est Pater. Etenim Filius lumen appellatur de lumine, quia producit per cognitionem, & per verbum sit omnis manifestatio; quod autem manifestatur, lumen est. Indéque factum est, ut de Christo tanquam de lumine dixerit Zacharias pater Baptista: *Illuminare his qui in tenebris, & in umbra mortis sedent*, & Simeon, *Lumen ad revelationem gentium*. Idéque dum exortum est hoc lumen in terris, statim additur: *Claritas Dei circumfusa*. Et de se ipso dixit idem Filius in carne: *Ego sum lux mundi*; & de eodem dixit Ioannes: *Erat lux vera*. Spiritus sanctus etiam Patri, & Filio coæternum, & consubstantialie lumen frequentes seipsam cuiusdam lucis manifestavit spectaculo, ipsúmque inuocando dicit Ecclesia: *Veni lumen cordum*.

ET iuxta hunc sensum, qui nouioribus placet, & probatus fuit Cyrillo Hierosolymitan. Cateches. 7. Pater æternus appositè dicitur Pater, id est, fons, & principium luminum supernaturalium, nimirum Filij, quem generat, & Spiritus sancti, quem cum Filio spirat. Et ex hoc loco existimat verisimile Feuard. sumpsisse occasionem veteres Theologos, Dionysium, Tertullian. Iustin. Nazianzen. & Hilar. quando de Beatissima Trinitate disserant, ipsam exponendi gratiâ comparare cum lumine, in quo spectatur splendor, calor, & ipsam lumen, quæ tria distincta, & coæua sunt, & tamen vnum quoddam videntur. Insupérque ut lumen, seu ignis, sine vlló sui detrimento alterum, & tertium gignit: sic, & Pater, sine vlla Deitatis suæ distractione, aut iactura Filium gignit, & Spiritum sanctum producit; quod multis demptis imperfectionibus intelligendum est, quas emouere, ad nos modò non pertinet.

ALII verò per Patrem luminum intelligunt ipsum Deum, qui Pater, author, ac Creator est Angelorum, qui lumina quædam sunt participata, & vocantur ab Apostolo *Angeli lucis*. Vnde Nazianzen. Orat. 2. in Pascha: Secundi splendores procreati sunt primi splendoris administri, primario Dei fulgore collucentes. Ille ob splendorem Lucifer, &c. Quam expositionem probauit Didymus Alexand. hoc loco.

POTEST etiam dici Pater luminum, quæ contulit homini, cui & rationis naturalis lumen concessit, & lumen supernaturale gratiæ, & lumen gloriæ, tandémque alios aliorum lumina constituit, iuxta illud: *Vos estis lux mundi*. Et id Pauli: *Inter quos lucetis, sicut luminaria in mundo, verbum vitæ continentes*. Vnde Hieron. apud Pac. libro 4. cap. 34. Pater est luminum, qui dixit Apostolis: *Vos estis lux mundi*.

ADVERTIT autem August. lib. 2. contra epist. Parmenian. c. 19. & 20. & epist. ad Honorat. cap. 3. aliud esse lumen illuminatum, aliud illuminans: Deus est lumen illuminans, cætera illuminata, meritò proinde Deus dicitur Pater luminum. Allucinati verò plerique gentilium, ignem pro Deo coluerunt, quem è cælo lapsum iactabant. Id de Chaldeis existimant, qui quòd Scriptura dicit Abraham cum aliis eductum de Vr Chaldeorum, exponunt de igne, in quem coniectus fuerat Abraham, quòd noluerit ignem adorare. Cuius traditionis meminit Lyran. ibi. Hieron. lib. de Tradition. Hebraic. in Gen. & Rabbi Moyses in suo Directorio. lib. 3.

c. 30. De aliis verò gentilibus meminit Ammianus lib. 23. & Strabo lib. 15.

Dicit deinde Apostolus; *apud quem non est transmutatio*. Quibus verbis ostendit magnam differentiam, quæ datur inter Solem, qui veluti fons est luminis naturalis, & Patrem luminum, Deum scilicet. Ille enim ob interpositam Lunam, vel nubem, vel terram, varias lucis mutationes, & varietates generat. Vox verò Græca, quæ alludit ad Solem, & pro qua noscitur Vulgatus habet (*vicissitudinis obumbratio*) sonat *conuersionem*; & ideo Oecumen. legit, *nec conuersionis obumbratio*. Dupliciter verò Sol tenebras, & umbras inducit. Primò, suo motu diurno, & hæc est transmutatio localis, deinde quadam vicissitudine, ac sui ipsius conuersione à tropico in tropicum, quomodo generat diuersas umbras, & quanto magis ad nos accedit, ac recedit, maiores, vel minores sunt umbræ; Deus verò nullas patitur mutationes ac varietates.

Scio quidem aliquos *obumbrationis*, siue *umbra* nomen ita accipere, quasi dicat Apostolus, in Deo non solum nullam esse mutationem, sed nec ullam quidem mutationis vel adumbratam speciem, hoc est, nullam mutationis apparentiam, quæ expositio placere non potest. Nam si mutationes quoque apparentes à Deo essent remouendæ, non diceret Scriptura pœnituisse Deum quod hominem fecisset, neque verbum factum esse carnem, mortuum, & à mortuis suscitatum: quæ licet non sint mutationes, tamen maxime videntur esse. Neque verò necessarium est, vt Deus sit immutabilis, quod à Deo remoueat omnis apparentia mutationis. Est igitur sensus huius loci, etsi Pater luminum corporalium, hoc est, Sol, mutabilis in se est, & mutatione sua, qua circuit terram, modoque ad nostrum hemisphærium accedit, modo recedit, & sic est nobis causa diei, & noctis, tamē Deus Pater luminum spiritualium, neque in se est mutabilis, neque aliqua voluntatis suæ mutabilitate est causa vicissitudinis, quæ reperitur in lumine gratiæ, & in umbra peccati, quasi veluti accessu ad nos lumen gratiæ coniferat, & recessu tenebras peccati inducat; quia concupiscentia, & malitia nostra ab eodem auertimur, & tenebras peccati incurrimus. Sicut contingeret si fixo permanente Sole globus terræ eam faciem, quæ modo ab eo illustratur, in Solis umbrā inuerteret, vt in tenebris remaneret. Quod mihi videtur dixisse interlinearis Glossa, cum hoc loco sic habet: *In cuius natura nulla mutabilitas, sed idemitas, & non solum in natura, sed etiam in distributione donorum, quia sola dona lucis, & non tenebras errorum immittit*. Vnde August. lib. de Speculo cap. 30. sic ait: Apud eum non est transmutatio, & ideo apud eum cursus temporis, diei, noctisque alternatione nequaquam variatur. Quibus habet similia Gregor. lib. 12. Moral. c. 17. Quia in Deo, inquit, mutabilitas non venit, nulla eius lumē umbra vicissitudinis intercidit. Et D. Th. hic. Apud quem non est transmutatio in natura sua, qui omnino immortalis est, nec vicissitudinis obumbratio in effectu, quia ab ipso semper procedit lux, nunquam tenebræ. Dum verò D. Thom. appellat Deum immortalem, idem est, atque appellare immutabilem: ideoque August. 1.

V. 2. da

Genf. 6.
Ioh. 1.

de Trinit. cap. 1. illud Pauli; *Qui solus habet immortalitatem*: intelligit de immutabilitate. Sic enim ait; Immortalitatem aliquo modo habet creatura, nullam autem habere mutabilitatem, solius est Creatoris. Et Bernard. Ser. 81. in Cant. Omnis mutatio quædam mortis imitatio est. Et D. Gregor. 12. Moral. cap. 17. sic exponit præsentem locum. Quid mutabilitas nili mors quædam est; quæ dum rem quamlibet in aliud immutat, quasi occidit quod fuerat, ut incipiat esse quod non erat, apud quem non est transmutatio, nec vicissitudinis obumbratio: ipsa enim mutabilitas vmbra est, quæ quasi obscuraret lucem, si hanc per aliquas vicissitudines permutaret, sed quia in Deo mutabilitas non venit, nulla eius lumen vmbra vicissitudinis intercidit.

¶ I. I. V. D. deinde aduertendum est, hæc verba, *apud quem*, ex Græco duplicem significationem habere, scilicet, *in quo*, & *à quo*. Priorique significatione insinuat in Deo ipso nullam esse mutationem, quod maxime intelligitur de contrariis effectibus. Posteriori verò modo indicatur non provenire à Deo eam mutationem, quam diximus, ab illuminatione gratiæ in vmbra, & obscuritatem peccati: quasi dixerit Apostolus: Neque in Deo est mutatio, neque ab eo provenit variatio luminis, & tenebrarum. Vñtatiſſimūque est hic modus loquendi in Scriptura. Namque illud Iob. 12. *Apud ipsum est sapientia, & fortitudo*, significat hæc quidem esse in ipso Deo; & Dauid dum dicit: *Apud Dominum gressus hominis diriguntur*. Et, *Copiosa apud eum redemptio*, significat ab eo. Sic ut & Ecclesiastic. dum ait: *Scientia legis apud Deum*, significat in Deo esse talem scientiam. Et cum ait: *Via honorum apud ipsum*, significat ab eo.

¶ S. I. verò quæras quænam significatio videatur magis intenta ab Apostolo hoc loco; etsi utraque admittenda sit, ut nulla admittatur in Deo mutatio: posterior tamen plus ad mentem Apostoli videtur facere, quia hæc excludit à Deo vicissitudinem luminis gratiæ, & vmbra peccati, quæ de re præsens sermo erat.

¶ Ex hoc loco deducunt Sancti Patres, & Theologi Scholastici immutabilitatem Dei. Quod generale attributum omnia in vniuersum mutationum genera remouet à Deo, quod nec etiam impius Magus Balaam ignorauit cum dicit: *Non est Deus quasi homo, ut memiaur, neque ut filius hominis, ut mutetur*. Et Dauid fatetur: *Tu autem idem ipse es, & anni tui non deficient*. Et de se ipso ait Deus: *Ego Deus, & non mutor*. Quod definitum est in Concilio Lateranensi in cap. *Firmiter*. & ostendit Aug. 1. de Trinit. c. 1. & lib. 11. de Ciuit. Dei c. 21. & lib. de Virginit. c. 41. vbi pro eo quod nos legimus: *Nec vicissitudinis obumbratio*; ipse legit; *Nec momentanea obumbratio*; & lib. 1. Confess. c. 4. vbi ait: *Amas, nec æstuas, zelas, securus es, poenitet te, & non doles, irascersis, & tranquilluses, opera mutas, & non mutas consilium*. Similia habet lib. Meditat. c. 49. & in Manua. c. 1. & de Trinit. lib. 3. c. 15. & 16. Hierony. lib. 1. contra Iouinian. vbi legit: *Nec conuersionis vmbra culum*. & lib. 2. contra Pelagian. c. 3. vbi ait: *Deus lux appellatur, & tenebræ in eo non sunt vllæ, quia omnium aliorum lumina aliqua forde maculantur*; Aposto

Non lux sunt mundi, sed tenebræ in eis sunt aliquæ: Luna non splendet, & sol. 15. stella non sunt munda in conspectu eius. Vide Origen. hom. 9. in Ezechiel. Dionys. Arcopag. de cœlesti Hierarch. cap. 3. & de diuin. nomin. cap. 5. Iustin. Mart. quæst. 36. & 1. ad Orthodoxos. Irenæu lib. 2. cap. 28. & 47. vt cæteros Patres omittamus in re notissima, pro qua videndus D. Tho. cum suis.

§. I.

Quia omnia bona à Deo descendunt, à nobis gratiarum actiones pro ipsis ad Deum debent ascendere.

EX hoc loco ad nostram institutionem deducit Aug. lib. de sancta virgin. c. 41. omnia bona, quæ in nobis reperiuntur, esse Deo referenda, quod maiorem induamus humilitatem; inde enim quis se magis inutilem seruum, & humiliorem hominem confitebitur, quo plus cognouerit nihil boni in se, sed omnia à Deo emendicata habere. Quo sensu diuina beneficia lumina quædam sunt, quæ diuinam bonitatem clariùs ostendunt, nostram indigentiam manifestant, duritiem liquefaciunt, ingritudinemque exurunt. Vnde Ambros. dixit nostri cognitionem esse veluti pondus, ne superbiamus, ac leuiter efframur, dum superna bona in nobis affluunt. Et ideo laudat Petrum cum dixit: *Exi à me Domine, quia homo peccator sum.* Sic Luc. 4. igitur habet 3. de Virginiib. Vir sapiens, & grauis, in quo esset Ecclesiæ firmamentum, & magisterium disciplinæ, nihil vtilius sibi esse prospexit, quàm ne secundantis operis extolleretur euentus; & ideò, *Exi, inquit, à me, quia homo peccator sum;* non ergo rogat vt deseratur, sed ne infletur. Ergo & tu si munera diuina superfluere in te, & redundare cognoueris, tuam meritè virtutem gratiam Deo redde, contemplationemque corporis velut nauis suburram tuncipe, ne te in tantis mundi fluctibus iactantiæ alicuius aucta circums. rat. Hæc Ambros. Enimuerò cum à Patre luminum in nos descendant bona, in nos etiam debemus per cognitionem descendere, non per superbiam eleuari.

Et hæc etiam fuit ratio cur Deus manum illam, qua Moyses tanta opere- Exod. 4. raturus erat miranda, & tot mirabilia editurus, priùs infecit lepra, vt quando postea Moyses ad manus suæ extensionem creaturas obtemperantes cerneret, meminerit, id non prouenire ex aliqua virtute manus inhaerente, sed à Patre luminum descendente, & huius luminis illustratione seipsum perlustraret, & totum se cognosceret, & humiliter Deo submitteret, manus illicò eleuando ad cælum, vnde gratia miraculorum super manus descenderat. Ita ferè Theod. quæst. 10. in Exod. vbi ita habet: *Dextera priùs à propha signis diuinis inferuiuit, & elementa mutauit, quæ res Moysen etiam admonuit non superbire debere. sed agnoscere naturam, cum recordatione dexteræ lepra priùs infectæ. Quò ergo nos Deo subiiciamus in bonis, meminisse oportet omnia à Deo bona prouenire.*

ANSELMVS verò in epist. ad Hebr. c. 9. hoc ideo putat à Deo dictum, quia omnia nostra bona Deo nostro debemus reddere, & referre. Sic enim ait: Virtutes in fontem suum penitus refundere debemus, nihil ex eis nobis ascribendo, sed tibi à quo omne donum perfectum, pro eis grates referendo. Quasi velit per humilitatem simul, & gratitudinem diuina beneficia ad Deum veluti ascendendo refundi, & remeare, ad eum veluti modum quo artificiosis meatibus, & aquæ ductibus aqua, quæ ex alto loco præceps fertur, alia via ad eandem euehitur, & ascendit altitudinem à qua descendit, sic itidem & diuina beneficia, quæ à Patre luminum descendunt, ad eundem per humilitatem, & gratitudinem euehantur.

NEQUE verò mirum erit si dicamus quod humilitas ascensionem operetur, quæ ad ima semper descendit: etenim aqua semper veluti repens, & adhærens, ascendit, attamen non per se erigitur, nec ipsa siue adminiculo fursu fertur, sed alteri innixa fluit, & quæ ex natura sua descendit, beneficio artis, & alterius iuuamine ascendit. Qua ratione Fulgen. epist. 6. ad Theodorum, de Conuersione cap. 6. dixit: Crescat in te humilitas animi, quæ vera est, & integra sublimitas Christiani, & tanto magis in te cognosces Dei gratiam crescere, quanto magis tibi humilitatem cordis videris abundare. Et clarius lib. de Prædestinat. Sæctor. Est hoc proprium humilitatis, ut per eam fiat animus sublimis, sicut homo elatione humilis. Ideo Bern. Serm. i. 3. in Cant. per allusionem ad ea verba Ecclesiast. 1. *Ad locum unde exeunt flumina, reuertuntur, ut iterum fluant*, ita ait: Si copię aquarum secretis, subterraneis, & recurſibus incessanter æquora appetunt, ut inde rursus ad vsus nostros iugi, & infatigabili erumpant obsequio, cur non etiam spirituales riuus, ut arua mentium rigare non desinant, proprio fonti sine fraude, & sine intermissione reddantur? Ad locum unde exeunt reuertantur flumina gratiarum, ut iterum fluant, remittatur ad suum principium, cœleste profluvium, quo vberius terræ refundatur, qualiter inquit? qualiter dicit Apostolus, *in omnibus gratias agentes*. Similiâque dixit epist. 181. *Æquabo*, inquit, beneficia votis, quæ factis non possum. Desideriis diues sum, & certe verus beneficus amplius non requirit; danti itaque quicquam gratius ab accipiente rependi non potest, quam si gratum habuerit, quod gratias accepit.

Hoc ipsum notauit Philo lib. de victimis offerentibus. De altari, inquit, exteriori mandatum extat, *ignis in altari ardebit perpetuus*. Merito, ut equidem arbitror, nam quia perennes Dei gratiæ nec deficiunt, nec perimuntur, sed interdiu, nocturneque fruendas se præbent, nobis hominibus gratiarum actionem hæc sacra flamma figurat semper instaurandam, ne quando extingatur. Sed cur ignis gratiarum perpetuam actionem significat? Credo equidem, quia sursum semper fertur, & quasi euolare in supremam regionem videtur. Qua de causa, & igni alas tribuit Scriptura sacra Cant. 8. Itidem & gratiarum actio sursum fertur, & veluti alatum lumen ad Patrem luminum ascendit, à quo recognita, & perfecta dona descenderunt.

NEQUE verò fuit necesse Iacobo expresse gratiarum actionem inculcare,

re, quæ ex hoc oco colligit Ambrosius, imò satisfuit diuina beneficia simpliciter nobis proponere illa enim per se commendantur, & gratum animum exposcunt; quod optimè notauit Ambros. lib. de Noë, & arca cap. 22. cum ponderat egressum ex arca, postquam se incolumem, & saluum à communi, & vniuersali strage vidit, altare erexit, & sacrificando Deo egisse gratias pro tanto beneficio, quod Deus illi talem oblationem præcepisset. Iustus, inquit Ambros. intellexit eam veram gratiarum actionem esse, quæ non iuberetur, sed deferretur, qui autem debitum gratiæ, vt à se exigatur, expectat, ingratus est. Ideo etiam satis existimauit Iacobus diuina beneficia nobis proponere, & eorundem principium, & originem Deum ostendere, vt inde nobis eorum recognitionem, & gratitudinem præceptam esse intelligeremus.

QVA in re illud obseruandum velim, gratiarum actionem non solum recognitionem diuinorum beneficiorum esse, sed insuper eorundem testem. Cum enim neque possimus dicere, *Domine Iesu*, aliumue actum supernaturalem elicere, nisi diuinitus adiuti, neque etiam poterimus Deo ob supernaturalia bona gratias rependere, nisi etiam eiusdem beneficio: quod (vt Sanctos Patres omittam, qui multi pro hac re sunt) notauit Philo lib. *Quod sit Deus immutab.* cum ait. Cui gratia debetur, nisi Deo? aut quomodo ei referetur, nisi per hæc ipsa quæ accepimus? & ita dum gratias referimus, denuo gratiam accipimus, estque gratitudo testis, vbi veritas luminum desuper datorum relucet. Ideoque lumen plerumque è cælo missum est super gratiarum actiones, sicut patet in sacrificio Abelis. Vbi enim nos habemus, *Respexit Dominus ad Abel, & ad munera eius*: Theodotion vertit: *Inflammas Dominus super Abel*, & vt placet Hierony. in tradit. Hebr. in Genes. inflammas etiam super sacrificium Abraham, super Aaronis, Gedeonis, Dauidis, Salomonis, & Heliae.

§. II.

Deus author omnium bonorum.

OSTENDIT deinde omne datum, & beneficium à Deo in nos prouenire, & descendere: si enim vel etiam mala pœnæ, & labores à Deo etiam sunt, quanto magis & bona erunt? Vnde Aug. epist. 87. ait. Quid ergo non misericorditer præstatur hominibus à Deo, à quo etiam tribulatio beneficium est: Nam res prospera donum est consolantis, res autem aduersa donum est admonentis Dei. In quo sensu facillè intelligitur id quod Christus Dominus Pilato dixit. *Non haberes in me potestatem ullam, nisi tibi desuper datum esset*: vbi fatetur potestatem sibi pœnas infligendi veluti datum optimum defursum in eum descendisse, ideo ait, *nisi tibi desuper datum esset*. Et simili loquendi modo dixit Paulus: *Vobis donatum est pro Christo, non solum ut in eum credatis, sed etiam ut pro ipso patiamini*.

DICUNT VR verò dona Dei perfecta, quia in nullo nobis deest, imò iuxta

Genes. 8.

1. Cor. 12

Gen. 4.

Gen. 15.

Leuit. 9.

1. ad. 6.

1. Par.

21.

2. Par. 7

13. Reg. 18

Ioan. 19.

Philip. 1.

Job. 10.

iuxta nostram indigentiam occurrit, & ad mensuram, quidquid deficiat, perficit. Vnde Job. c. 10. *Viam, & misericordiam tribuisti mihi*, vel, vt in Hebræo est, *fecisti, & concinnasti viam, & misericordiam meam*. i. ad mensuram mei, id quod necessarium erat, concessisti. Quod expresserunt magis Septuaginta Interpretes dicentes, *Viam, & misericordiam disposuisti apud me*. i. debito loco, & ordine, & tempore beneficia tuæ misericordiæ contulisti. Nec est fas, inquit Philo lib. de Sacrif. Abel, & Cain, vt ille quicquam imperfectum largiatur. Itaque integra, absolutæque sunt dona ingeniti omnia. Et Ber. Ser. 17. in Cant. ostendens quomodo Deus sese nobis benefaciendo accommodet, ait: Ducit nos, & reducit de claritate in claritatem, tanquam Domini Spiritus, quandoque rapiens ad se in lumine suo, quandoque contemperans, & illuminans tenebras nostras, vt siue supra nos, siue apud nos, semper in luce, semper vt filij lucis ambulemus.

L o c o etiam dat, qui etiam ad nos per beneficia defursum descendit, nec mirum, quia nos non poteramus ascendere: neque verò mirum est, si descendant beneficia, cum & ipse etiam ad nos descenderit, sicut notauit Aug. Ser. 127. de Tempore, dicens: Ex eo quòd homo non poterat ascendere, dignatus est ad hominem descendere.

Psal. 1.

T E M P O R E etiam dat, quòd perfectiora sint Dei dona, & optima eius data. Quod notauit Ambros. in Ps. 1. vbi de Christo intelligit illud Psal. 1. *quod fructum suum dabit in tempore suo*. Si lignum, ait, est sapientiæ, cur in tempore dabit, & nò semper? Potest sapientia semper fructum dare, sed quia sapientia est, debet sapienter dare, dispensare prudenter. Nouit sapientia, quibus, quando dare debeat, quæ nec folium amittit ligni sui. Iam verò ea dona, quæ opportuno tempore obueniunt, & optima, & perfecta sunt.

Genes. 1.

F I E R I denique non potest quin dona Dei, & optima, & perfecta sint, cum ipse donando se perfectissimum, & optimum ostendat. Aduertit hoc Tertull. 2. contra Marcion. c. 4. in eo quod Gen. 1. dicitur Deum benedixisse ea quæ iam creauerat. Sic & benedicebat, ait Tertull. qui benefaciebat, vt tibi totus commendaretur bonus, & dicere, & facere. Pro qua re videntur est Chrysost. hom. 30. *Quòd nemo laeditur nisi à seipso*. vbi ostendit beneficia diuina esse literas, quæ deleri nunquam possunt, & in quibus relucet diuina bonitas.

Prov. 24.

M E M I N E R I M U S tandem, omne datum optimum à Patre luminum descendere, vt ignem inferni nobis proponamus, si vel in tanto beneficiorum lumine super nos vbique descendente, cæcutientes prolabamur, vel in tanta luce perfecta dona non agnouerimus. In die septies cadit iustus, & septies resurgit; si tamen cadat in die, vt aduertit Ber. Ser. 17. in Cant. vt se cadere videat, & cecidisse sciat, & resurgere cupiat, & requirat manum adiuantis: miserè enim cadit, qui in die, & inter tot lumina cadens, nec casum videt, nec per humilitatem saltem resurgere nititur: habet enim humilitas Deo adiuvante, suos per quos ascendat gradus, iuxta illud, quod dixit Dauid: *Ascensiones in corde suo disposuit*; vbi habetur Hebr. *Semitas altas in corde suo*. Vnde D. Aug.

Ps. 81.

D. Augu. 14. de Ciuitate c. 14. Est aliquid humilitatis miro modo quod sursum faciat cor. Et in Psal. 37. Si fueris humilis, erigeris. Ideoque Chrys. homil. 66. in Matth. ait: Attende, & videbis nihil esse humilitate altius, quia depressam animam eleuat; quod vt faciat quamcitissimè, aduertendum est id quod notauit idem Chrysost. hom. 1. in Act. Apostolorum, vbi quærit, cur Spiritus sanctus, qui donum est, & principium omnium donorum cum Patre, & Filio, diffusus fuerit in Apostolos in igne, præmissoque turbine: & respondet, id fuisse ad commonefaciendum, scilicet, iudicium. Cum enim donum accipimus, iam instat iudicij, atque examinationis tempus. Beneficus enim Dominus, qui dat omnibus affluenter, etiam iustissimus est exactor, vt rationem ponat cum seruis suis, & exposcat de luminibus nobis collatis, qui ideo Pater luminum dicitur. Quod ipsum notauit Clem. Alex. orat. ad Gent. vbi ait: Si obedieris, lucem, si non obedieris, ignem.

Verf. 18. *Voluntariè enim genuit nos verbo veritatis, vt simus initium aliquod creature eius.*

EXPOSITIO LITERALIS.



IERON. lib. 1. cont. Iouinian. & Caiet. hic legunt, *volens*, Oecum. & Varabl. *destinata voluntate*. Alij verò *gratuita beneuolentia*. Græcè, *ἐλαφίς*, id est, *voluntate*, quæ omnia ostendunt Deum nos penitus, liberè, nullo coactum nostrorum operum merito, aut vlla necessitate obstrictum, sed suæ beneficio voluntatis nos genuisse, seu progenuisse, vt alij legunt.

Et potest in primis referri ad beneficium creationis, quo nos cum nihil prorsus essemus, sponte condidit, rationis, gratiæ, & gloriæ capaces, idque per Verbum suum. i. consubstantiali Filium, quem natura, intellectus actu vnicum genuit. *Nam per ipsum omnia facta sunt, ex ipso, & per ipsum, & in ipso sunt omnia.* Creatio namque multoties generationis nomine venit intelligenda. Vnde Gen. 2. *hæ sunt generationes*. i. creationes, *cali, & terre, in die quando creata sunt.* Deut. 32. *Deum qui te genuit, dereliquisti.* Ideoque Deus Pater in Scriptura ratione creationis nominatur: quod notauit Hieron. ad Ephes. 3. Sicut solus bonus dicitur, ita & solus Pater, quia creator est omnium. Quæ est ratio quare Adam ratione creationis filius Dei appelletur. Et Paulus dixit: *Vnus Deus, & Pater omnium.* Vbi Hierony. qui auctor est omnium. Et Salmom. *Flagellat omnem filium quem recipi*: quam expositionem tenet Oecum. primo loco ponit Feuard. probat Athan. Ser. 4. cont. Arian. & Ber. eam ex parte probare videtur Serm. 16. in Cant. vbi exponens præsentem locum ait; Deum cogita factorem tuum, cogita Patrem.

SECVNDO, possunt hæc verba referri ad regenerationem spiritua-
lem, quæ fit in Baptismo, in quo accedente verbo per Christum præscripto
Pater in Epist. B. Iacobi.

X. ad

Ioan. 3.
Ad Ep.
5.
Ad Tit.
3.

ad aquæ elementum, fit Sacramentum, quo renascimur, & renouamur in filios adoptionis: quam regenerationis necessitatem asseruit Christus cum dixit. *Nisi quis renatus fuerit ex aqua, & Spiritu sancto, non potest videre regnum Dei.* Et Paulus dixit, Christum Ecclesiam suam mundare lauacro aquæ in verbo vitæ, iterumque dixit nos saluos fieri per lauacrum regenerationis, & renouationis Spiritus sancti. Ita Beda, & alij. De qua generatione videndus Cyrill. lib. 9. in Ioan. cap. 47. Aug. Serm. 51. de verb. Domini. & lib. 1. de Consensu Euangelist. c. 3. & lib. cont. Secundinum c. 5. & in Psalm. 49. In hac ergo generatione, aqua vicem dicitur subire matris, verba autem sacramentalia Patris. Ideoque Dionys. de cælest. Hierarch. vocauit Baptisterium matrem adoptionis.

TERTIO, referuntur hæc verba ad regenerationem spiritualem, quæ
Ioan. 1. fit verbo veritatis, seu verbo veraci, quod est Euangelium, ratione cuius dedit potestatem filios Dei fieri. Vel verbo veritatis, id est, Iesu Christi doctrina, qua Deo, vitæque cælesti progignimur. Quæ expositione probat D. Thom. Carthus. Lyrans. Interlinear. Glos. & recentiores hoc loco. Genuit igitur nos, ait D. Thom. cum prædicta Glossa, in filios gratiæ, qui prius eramus filij iræ verbo Euangelij Christi, qui veritas est, verbo, inquam, tanquam semine spirituali, quia semen est verbum Dei. Ideoque ait Paulus: *In Christo Iesu per Euangelium ego vos genui.* Et Chrysost. homil. in Psalm. 9. Vos germinis Ecclesiæ, qui estis vno verbi semine concepti, agnoscite qui cantatis, &c. Eandem expositionem probat Fulgent. responsione ad 3. obiectionem Arian. vbi ex hoc loco, & aliis rectè contendit, homines iustificatos appellari nouas creaturas, & nouos homines, insuperque probat verba *creandi*, & *generandi* frequenter significare illam sanctificationem, & renouationem, qua per Christi verba, & doctrinam renouamur. Quam etiam expositionem probat Bernar. Serm. 2. ad Fratres. Eamque tandem confirmat Aug. lib. cont. Adimantum cap. 5. vbi ait: Natura dicitur quispiam filius eius, à quo genitus, doctrina illius, à quo edoctus. Sic Paulus discipulos filios vocat: *filii mei, quos iterum parturio.*
Ad Ga. 4

LICET autem accommodata sit verbis Apostoli superior expositio, cum negandum non sit Baptismum esse veram, & primam generationem spiritualem, tamen hæc vltima accommodatio videtur, cum sequentia verba indicent perfectionem spiritualem, quam Christi doctrina attulit. Deinde, quia veritas proprius refertur ad veram doctrinam, & prædicationem, fauētque versio Vatabli, quæ habet: *Progeniuit nos sermone veritatis.* Et licet hæc vox, *sermo*, rem non conficiat, ex parte tamen ostendit. Ideoque Ber. loco citato ait: Gratias ei, qui regenerauit nos etiam hac vice in spem vitæ, voluntariè enim nunc propriè genuit nos, verbo vtique veritatis: nam quod prius nos genuit Sacramento equidem pietatis, et si voluntarium generanti, genitis tamen voluntarium esse non potuit, in quibus adhuc nullus voluntatis vsus, nullum rationis exercitium fuit; nunc demum voluntaria generatio, qua scilicet voluntariè accipimus verbum Dei in corde, eidemque Deo fauente liberè assentimur, & obedimus.

VT

UT finis initium aliquod creature eius. Syriacè hebetur, *Vi finis primitia rerum ab eo conditarum*. quod etiam habet Vatabl. Gracè verò: *Ut principatum obtineamus inter creaturas eius*. Etenim per hanc genituram ratione adoptionis principatum habemus, & sumus primitia creaturarum, sicut notauit August. in Psalm. 59.

VEI etiam possunt referri hæc verba ad Apostolos, qui constituti sunt principes, seu principatum gratiæ obtinentes, ut per illos cæteri homines ad Christi fidem peruenirent: plerumque enim nomine *creatura Dei* in Scriptura, præsertimque in nouo Testamento, significatur homo, non qualis esset natura sua, si ita crearetur, nec qualis per peccatum redditus est, sed qualis renouatus per Christi gratiam: hic igitur gratia renouatus dicitur noua creatura, nouusque homo. Imò si propriè loquendum est, ipsa reparatio, & renouatio dicitur noua, aut creatura Dei, indèque more Hebræorum creatura ponitur pro re creata, id est, pro homine reparato per gratiam. Vnde Paulus: *Si qua ergo in Christo noua creatura, vetera transierunt, facta sunt omnia noua*: & alibi: *In Christo enim Iesu neque circumcisio aliquid valet, neque praputium, sed noua creatura*; & iterum: *Induite nouum hominem, qui secundum Deum creatus est*. Denique: *expoliantes vos veterem hominem; induentes nouum, qui renouatur in agnitionem Dei*. 2. Cor. 5.
Gal. 6.
Eph. 2.
Coloss. 3.

LICE T enim gratia secundum communem Theologorum sententiam non creetur, ut patet ex D. Thom. 1. 2. q. 112. art. 1. & clariùs quæst. 110. art. 2. ad 3. ipse tamen D. Thom. dicit hominem secundum gratiam creati. Ratio ipsius est; quia ex nullis meritis suis gratiam recipit, & ita appellatur creatio moralis, sicut & creatio physica nullum præsupponit subiectum. Hoc ipsum probat Basil. hom. *Quod Deus non est author malorum*. ubi *creatura*, & *creationis* nomen pro renouatione vsurpari ostendit. In hoc igitur sensu videtur interpretandus præsens locus; quasi dixerit: Ideo nos genuit spiritualiter, & ad se vocauit doctrina sua Christus Filius Dei, ut à nobis procederet initium sanctitatis, & reparationis humanæ, & à nobis qui caput sumus (sic enim D. Thom. interpretatur initium) defluat doctrina, & prædicatio in cæteros fideles, qui Deo debent renasci, & qui primitias huius renouationis habemus, reformationis simul initium.

Ex qua expositione iam elicitur totius sententiæ verus, & germanus sensus, & cohærentia cum superioribus. Est enim sensus: Tantum abest, ut Deus sit author, seu intentator peccati, ut potiùs sit fons, & principium illuminationis spiritualis; ab hoc enim fonte dimanant omnia bona, non naturalia solum, sed supernaturalia, ab hoc lumine omnes supernæ illustrationes, absque vlllo defectu, seu diminutione, idque non necessariò, & naturaliter, sed liberè, & ex electione voluntatis suæ: qua ratione nos vocauit, & regenerauit, & primitias spiritus concessit, ut ex nobis creatura, & renouatio spiritualis initium sumeret, cuius nos principes esse voluit.

§. I.

Si Deus nos genuit, ipsum ut Patrem debemus reuereri, & ut filij eius pie, & iuste viuere.

SE D quia tres illas generationes, quæ in duas coincidunt, quibus Deus nos liberè genuit, proposuimus, qualiter inter se cohareant, videamus. Prima igitur generatio fuit creationis. Secunda regenerationis. In prima, inquit Bern. de dilig. Deum: me mihi dedit, in secunda, se, & ubi se dedit, me mihi reddidit, datus ergo, & redditus me pro me debeo, & bis debeo. Quibus habet similia Euseb. Emis. hom. 6. in Pascha, ubi ait: Magnum quidem mihi est de Deo quòd esse me sentio opere suum, sed multo plus, quòd transiisse ipsum video in pretium meum, quandoquidem tam pretioso munere ipsa redemptio agitur, ut homo Deum valere videatur.

I L L V D autem aduertendum est; primam generationem pignus fuisse secundæ, sicut eam vocauit Tertul. lib. de Resur. carn. c. 6. ubi agens de primi hominis creatione, ait: Recogita totum illi Deum occupatum, ac dedicatum, manu, sensu, opere, consilio, sapientia, prouidentia, & ipsa in primis affectione, quæ lineamenta ducebat; quodcumque enim limus exprimebatur, Christus cogitabatur homo futurus, quod & limus, & caro. Limus ille iam tunc imaginem induens Christi futuri in carne, non tantum Dei opus erat, sed & pignus. Insuper etiam videmus, quòd dum veluti Pater ex præcordiis animam in faciem plasmatis hominis inspirat, iam tunc quodammodo pollicebatur se vitam, & animam expositurum pro secunda creatione ac generatione filiorum, quòd eorum semen longæuum videret. Et ideo fortasse hominem de luto produxit, fragile inque naturam concessit, ut inde videretur quodammodo obligari ad ipsum reparandum, & rescindendum, si cecidisset. In hoc etiam sensu interpretatur Ambros. illud, quod dicitur Genes. 2. *Requieuit Deus ab omni opere quod patrarat.* Sic enim ait cap. ultimo lib. 6. Examer. Gratias ago Domino Deo nostro, qui huiusmodi opus fecit, in quo requiesceret. Fecit cælum, & non lego quòd requieuerit, fecit Solem, Lunam, & stellas, nec ibi lego quòd requieuerit, sed lego quòd fecerit hominem, & tunc requieuit, habens qui peccata dimitteret; aut forte tunc iam Dominicæ passionis præcessit mysterium, quo reuelatum est, quia requiesceret Christus in homine, qui requiem sibi prædestinabat in corpore pro hominis redemptione.

EA igitur requies quam in prima generatione Deus habuit, secundæ generationis fuit præludium, qua ipse dū in sepulchro requieuit, redemptos propria morte generauit; vtramque generationem veluti connexam voluit, quòd magis sibi dupliciter genitos filios amore deuinctos haberet, & in nostris iniquitatibus dissoluendis, ac abstergendis confidentiam gigneret: dum scilicet meminerimus duplici titulo nos Patrem habere Deū. Et ideo D. Bern. Ser. 16. in Cant. dum præsentem locum Iacobi pertractat, ait: Deum cogita factorem tuum, cogita benefactorem, cogita Patrem, cogita

gita Dominū, ad omnia reus explange, per singula, ad primum, & vltimum respondeat timor tuus, ad duo media pudor. Pater sanè non metuitur cūm pater sit: patris enim est misereri semper, & parcere, & si percutit, virga, non baculo percutit, & cūm percussisset, sanat, paterna vox est. *Percutiam, & ego sanabo*: at verò cogitantem quòd Patrem offenderim, est certè quod pudeat, et si nō quod terreat. Volūtariè genuit me verbo veritatis, non stimulo carnalis cupiditatis excussit, quemadmodum genitor carnis meæ; deinde etiam non pepercit Vnigenito pro sic genito: ita ipse quidem Patrem se exhibuit mihi, sed non ego me illi vicissim filium, quam fronte attollo iam oculos ad vultum Patris tam boni, tam malus filius: Pudet indigna gessisse genere meo. Confundor, confundor audire. *Si pater, vbi est honor meus?* & August. Ser. 5. de verb. Domini. Fratres, ad eò mali, bonum Patrem habemus, ne semper mali remaneamus.

Dent. 32.

Malac. 1.

Si quis verò inquirat, cur Deus, & creationem, & redemptionem voluerit in Scriptura sancta generationem appellari, audiat D. Chrysost. hom. 1. o. in epist. ad Roman. sic dicentem. Non ita gaudet vocari Dominus, vt Pater, neque sic amat habere seruū, vt filium, magis enim hoc, quàm illud querit. Propterea quippe fecit quicquid vnquam fecit, & vnigenito etiam Filio non pepercit, quatenus ius adoptiuorum adipisceremur, ipsumque non solum vt Dominum, sed vt Patrem quoque diligeremus. Affectus verò iste, quo valde cupit à nobis amari, aliunde non est, quàm ex eo quòd ipse prior nos vehementer diligit.

Vt ergo ostenderet quantum homines diligeret, quantique eosdem faceret, generationem appellari voluit ipsam creationem, & redemptionem, quòd se nobis Patrem inculcaret, cuius amor indefectibilis est. Quæ fuit ratio cur Moyses dixit Deo: *Numquid ego concepì omnem hanc multitudinem, vel genui eam, vt dicas mihi, Porta eos in sinu tuo?* vbi fatetur talem anioris ostensionem, & tantam curam, ac diligentiam in solis parentibus reperiri, qui tam affectuose filios diligunt. Et quando Dauid filium patricidam iure persequutus est, dixit Scriptura. *Cessauit Rex persequi Absalon, eo quòd consolatus esset super Amnon interitum*. vbi Brixianus legit. *Desiderium inerat Dauid, vt egrediretur ad Absalon*. Paternus enim amor vindictam sumens de Dauide persequente filium, ipsum cogebat, vt veluti è se egrediens parentis cor inobedientem filium quereretur, & reduceretur. Probat tandem id quod dicimus difficilis locus Gen. 33. vbi de Iacob dicitur. *Emis partem agri à filiis Hemor patris* Genes. 33. *Sichem centum agnis*; cūm tamen nullum alium filium constet habuisse Regem Hemor præter infelicem Sichem. Vnde difficultas tollitur, si nomine filiorum Hemor, eius subditi intelligantur. Quo sensu etiam Macrobius ait, Dominos à Romanis patres familias vocatos, vt seruos quasi filios tractarent. Et quia Hemor subditos summa beneuolentiā gubernabat, vt eandem nobis ostenderet Scriptura, ipsum dixit patrem eorum. Sic & Iacobus, vt in notitiam diuinæ erga nos dilectionis deueniamus, dixit nos ab eodem progenitos.

Nem. 11.

1. Reg. 17.

Genes. 33.

X

Ephes. 5.

ET hanc dilectionem Patris Dei nobis imitandam proponit Paulus, cū dixit: *Estote imitatores Dei, sicut filij charissimi.* vbi Chrysost. hom. 17. Non simpliciter, inquit, dixit, vt Deum imitemur, sed vult, vt in quibus nobis bene sit, paterna inuicem viscera alius in aliū habeamus. Et ideo Paulus: *Charitas Dei urget nos.* Videtur enim nobis vim inferre, vt fratres inuicem diligamus, quandoquidem filij sumus vnius ac summi parentis, qui nos voluntariē, & summe dilexit, postquam vt seruos produxerat verus Dominus. Hinc est quod Tert. lib. de Resurr. carn. de homine quasi filio Dei loquitur, & vt filium Dei hominem fere describit, dicens: Diligit carnem, vt sibi proximam manuum suarum operam, ingenij sui curam, afflatus sui vaginam, molitionis suæ reginam, liberalitatis suæ hæredem, Christi sui sortem, etsi infirmam, sed virtus in infirmitate perficitur, etsi imbecillam, sed medicum non desiderant nisi male habentes.

H V I V S autem generationis originem, & principium ostendit ortum habere à voluntate nos iamdiu diligente, ideoque dixit, & *voluntariē genuit nos.* Vnde merito Chrysost. hom. 17. in cap. 5. ad Ephesios ait: Amator esto dilectionis, per ipsam saluatus es, per ipsam filius Dei factus es. Et idem Chrysost. Psalm. 118. Quid autem, inquit, diligendum diligitur? Et Nazianz. in Tragœdia, *Christus patiens*; alloquitur Christum dicendo: Beneuolentia Patris te occidit, quæ aliis est salus. Rationes verò ob quas ipsa dilectio diligenda est, assertit Fulgen. epist. 5.

ILL V D tamen hac in re notandum censeo, quod cū Deus nos in esse spirituali produxerit liberè, & ex sola dilectione, loquitur de eadem generatione, & de bonis per eandem collatis, quasi naturaliter, & sine libertate ea contulerit, ad eū modū quo ipse naturaliter, & necessariò generat Filium, seu producit Verbum: & in vniuersum generatio opus naturæ est, & nullatenus ad voluntatem pertinet, vt significet nostri dilectionem, quantumuis liberam, Deo veluti innatam, & eundem in hominibus sic genitis complacere. Neque verò hoc mihi tam mirum videtur, quādo hominum amor eundem Deum factum hominem, hominis filium fecit. Genuit igitur nos voluntariē, qui hominis genitus per summum voluntatis affectum appellatur, & licet huiusmodi nomenclatura aliis rationibus innitatur, quæ ad rem nostram non faciunt, illa modò placeat, quæ asserit Deum hominem, ideo se filium hominis appellasse, quod denotaret triumphum de asserto in libertatem homine. Quo pacto se duces Romani Prouinciarum subiugarum nominibus, cohonestabant, & Apostolus ex Saulo Paulum, ob Sergium Paulum Proconsulem redactum in prouinciā Christi appellari voluit sicut placet Augustino 8. Confess. c. 4. & aliis. Vnde Pet. Chrysolog. Ser. 70. Homo, inquit, redi ad Deum sic amatus à Deo, & ad illius gloriam da totum te, qui se totum propter te ad suam deduxit iniuriam, & voca patrem fidens, quem tanto amore tuum probas, sentis, intelligis esse genitorem. Se igitur appellat Patrem dum nos voluntariē in spiritualement vitam generat, & se filium hominis vocat dum humanum genus regeneratum, & à dæmone vindicatum videt. Vnde iam concludit

D. Anselm.

D. Anselm. lib. de Mensuratione Crucis, §. 4. Sic totum cor nostrum tuo debemus amori, ut quicquid de eo alteri damus, tibi subtrahamus.

§. I I.

Quales debeant esse Viri Ecclesiastici, Sacerdotes, ac Religiosi.

VERVM venerabilis Beda hoc loco, quem sequitur Carthusian. ad illa verba. *Et sumus iniustum aliquod creatura eius.* Quidam, inquit, ita transtulit; *Volens genui nos, ut sumus primitiæ creaturarum eius*, id est, ut cæteris, quas cernimus, creaturis sumus meliores. Primitias namque frugum, vel animalium Domino consecrare lex præcepit, tanquam præcipuas & meliores. Primitias autem auri, & argenti ad opus tabernaculi iussit conferri, id est, optima quæque in metallis. Et de antiquo Dei populo dixit Hierem. *Sanctus Israël Domino primitiæ frugum eius.* vbi Hieronym. ostendit populum de gentibus electum, & congregatum esse. Et Vatab. vertit; *sacrosanctus erat Israël Domino, & frugum eius primitiæ.* Quod magis explicans ait: Tanquam res Deo dicata, quæ pollui non debet. Cui sensui possumus adaptare illam expositionem Caietani, in qua ipse singularis est. Ea namque verba; *Voluntarie genui nos verbo veritatis*; sic ipse explicat. *Verbo veritatis*, datui casus est, explicans ad quid geniti sumus. Secundum esse gratiæ non sumus progeneri ad fabellas, sed ad sermonem veritatis, ut sumus quædam primitiæ: & quemadmodum primitiæ offerebantur Deo, sic nos offeramur tanquam primitiæ omnium creaturarum.

VND E colligimus omnes viros Apostolicos, & Ecclesiasticos primitias Deo debere esse, tototque Deo dicatos, & à terrenis abdicatos. Quod mihi probat singularis locus Exodi, vbi de hominibus Deo consecrandis dicitur; *Faciesque unctionis oleum compositum opere unguentarii, Aaron, & filios eius unges, sanctificabisque eos, ut Sacerdotes fungantur mihi.* Et post hæc subdit: *Caro hominis non ungetur ex eo.* Quomodo ista cohæreant, non tam faciliè apparet. Præcipit enim, ut ungetur Aarō, & filij eius, illicoque prohibet, ne hominis caro ex eo ungetur. Eaque videtur adæquata responsio, si intelligamus eos, quos ad tabernaculi cultum, & sui obsequium Deus elegerat, non iam deinceps debere esse homines, hominumque more degere, sed totos veluti cælestes humanam conditionem excedere, & superare. Quod notavit Ambrosius. epist. 6. ad Irenæ. dum ponderat, eum segregasse Sacerdotes à populo. Iussit, inquit, Deus Sacerdotes ascendere ad montem populo deorsum stante, & Moysen nube recepit: sobriam à turbis dignitatem, seriam vitam, singulare pondus dignitas sibi vendicat Sacerdotalis. Quomodo potest observari à populo, qui nihil habet secretum à populo, dispar à multitudine: quid enim in te miretur, si sua in te recognoscit, si nihil in te respiciat, quod ultra se inueniat, si quæ in se erubescit, in te quem reuerendum arbitratur, offendat? Supergrædiamur igitur plebeias opiniones, & strata quædam gregalis conuersationis. Ita Ambrosius.

C V I

C V I accedit Dionysius de Ecclesiast. Hierarch. cap. 1. dicens: Ut enim qui Sacerdotium dixit, sacrorum simul omnium vno vocabulo significauit ordinem: ita & qui Sacerdotem, & Pontificem dixit, augustiorem, prorsusque diuinum insinuat virum totius sanctæ conscientie peritissimum, in quo liquidò ac perspicuè sacratus omnis ordo suus, & perspectus sit, & possit agnosci. Et cap. 3. loquens de lotionē manuum Sacerdotis in sacrificio, ait: Ablutio illa non fit ad delendas corporis sordes, quæ iam lotæ fuerunt, atque ideo abluuntur non manus, sed solæ extremitates digitorum, ad designandum leuissima esse tollenda. Qua de re videndus Clemens Rom. 8. constitut. c. 5. & Cyrill. Cat. 5. myst. D. Tho. 3. p. q. 8. art. 3.

Num. 12. H O c ipsum ostendit id quod quærit Theodoret. quæst. 23. in Num. Cur scilicet, cum Maria, & Aaron conuitiati fuerint Moyse, illa sola pœnas luit, manente Aarone absque lepra? reddensque rationem, ait: Quoniam leprosus secundum legem immundus esse videbatur; Aaron autem radix erat Sacerdotum, & origo, propterea ei Deus parem pœnam non inflixit, sed per sororem terruit. Ex qua Theodoreti ratione facile colligitur, nihil scilicet immundum pati Deum in viris sibi dicatis. Videndusque hac de re idem Theodoret. quæst. 1. & quæst. 3. in Leuiticum, cum quærit quare victimam, quæ pro Sacerdote offertur, prorsus lex cremari præceperit? Respondetque, ut integritatem Sacerdotis demonstraret, qui non aliquatenus, sed totum planè se dedicauerit Deo vniuersorum.

V I D E N D U S Q V E etiam Cyprian. de singularitate Clericorum, cum ait: Talis conuenit cura sinceritatis sacratis, qualia sunt sacra ipsa, quibus exhibent officia seruitutis, ne circa Dominum offendant ipsi quod tractant, aut circa populum incipiant impedire, quod prædicant.

Num. 35 E S T optimus pro hac re locus in lib. Num. cap. 35. vbi diuinum oraculum dixit Moyse: *Præcipe filiis Israël, ut dent Leuitis de possessionibus suis vrbes ad habitandum, & suburbana earum.* Et inde est quòd Sacerdotes in mediis Tribubus Israël habitabant. Quare solas ciuitates eis cōcesserit, dixit Oleast. ibi. Si ergo, bone Sacerdos, Deus tuus, ager tuus, vinea, & prædium tuum, quem summa diligentia colas, quando nihil terrenum est, vnde tam copiosos fructus colligere possis sicut ab eo. Hæc certè ratio ostendit, cur solas vrbes ad habitandum, non prædia, non vineas, aut oliuetæ concesserit. Sed adhuc inquirendum nobis restat, cur non in aliqua Tribu ciuitates Sacerdotibus assignauerit, sed illos per omnes Tribus disperferit. Cui quæstioni respondet Procop. Dispergit, inquit, Leuitas per omnes Tribus, ut sanctitatis eorum excellentia sanctos vbique vrbium incolas reddat. Talis namque debet esse Sacerdotum sanctitas, ut ciues suos, & cohabitatores sanctiores reddat, & puriores.

F A C I T etiam pro hac re Athanas. lib. de Passione: vbi infert virum Deo, sicuti primitias, dicatum, si quid ex se profanis vsibus accommodet, id Deo vsurpari. Illud, inquit, sciendum, nec oportet ignorare, quòd quæcumque promissimus Deo, iam nostra non sunt, sed in ære Dei sunt, adeò vt siquid inde subtraxerimus, haudquaquam id. faciamus, veluti quæ nostra sunt,

sunt vsurpantes, sed vt quæ Dei sunt sacrilegio deprædantes. Nouum latrocinij genus nobis ostendit Athanasius, dum nec de nostris nobis aliquid licet vsurpare, id tamen potest explicari secundum phrasim Nazianzeni Orat. 24. vbi Ananiam, Saphiramque nouos appellat fures, dum absconderunt pecuniam, quam de venditione agri acceperunt. Noua, inquit, haud dubiè est propriarum rerum subreptio. Et D. Bernardus de vita solitar. ad fratres de Monte Dei. Nolite negligere, nolite tardare, grandis vobis restat via, non solum vouistis omnem sanctitatem, sed omnis sanctitatis perfectionem, & omnis consummationis finem, non est vestrum solum attendere quid præcipiat Deus, sed quid velit, aliorum est Deo seruire, vestum adherere.

Ad confirmandum præsens institutum facit id quod Philo notauit lib. de Victimis, cum ita habet. Nec mysterio caret, quod iubemur pedes victimarum abluere. Pedum lotio significat non humi posthac incedendum, sed per æthera. Amans enim Deum anima, reuera in cælum à terris emicat, sumptisque alis petit sublimia. &c. Anima igitur quæ veluti primitiæ Deo offertur, à terra debet eleuari. Ideo enim, & oblationes in lege eleuabantur, ne iam aliquod cum terrenis habeant commercium, sed tota sursum ferantur. Quod dixit Theod. quæst. 1. in Leuit. dum meminit, Abrahamum in sacrificio quod obtulit Gen. 15. aues integras obtulisse, cum tamen vaccam, capram, & arietem per medium diuisisset: insuper etiam legem, auium diuisionem aliquam non præcepisse, sed integras offerendas. Quemadmodum, inquit, Patriarcha volatilia non diuisit, ita nec legislator ea iubet diuidi. Nam qui volant, Deum ex toto corde diligentes, non partiuntur animum, collocantes illum tum in terrenis, tum in cælestibus, sed totum sursum ferunt.

Ex quibus omnibus constat, quæ perfectione pollere debeat gens, quæ veluti primitiæ Deo dicata est, & quæ sanctitate ceteros debeant præcellere ij, quos sibi Deus peculiari iure tanquam primitias vendicauit. Constat etiam quanto supplicio eosdem debeat afficere, quando eos veluti vulgus viderit degentes, & carnaliter conuersantes. Quod notauit Procopius in Oza, qui admisit vt Arcam Domini non Sacerdotes, sed bruta animalia deferrent: dicit Ozam ea re deceptum, quod Palæstini hoc modo eam deducentes, nihil aduersi passi fuerint: quæ etiam fuit sententia Theodoretici q. 20. Cæterum, inquit, considerandum erat illos, neque legem Domini nouisse, neque Sacerdotes Domini habuisse, vt sit sensus: Non sic irritat diuinam iustitiam, si secularis, & ex vulgo aliquis Deum non tam reueretur, aut diuina præcepta sic ad amissum custodiat, quam prouocat, si homo Dei, si vir Ecclesiasticus aut Religiosus perfectissime non obseruat, & quæ Deus iubet, & quæ vult. Cæteri, vt Palæstini, Arcam Dei, ipsiusq; legem, utcumque possunt, deferre, at Sacerdotes humeris, manibus, animo, & religioso incessu debent asportare.

Et hæc est illa querimonia, qua apud Ezechiel. 43. Deus cõquestus est; simul & comminatus supplicium, dicens: *Qui fabricati sunt linnen suum iuxta* Eze. 43.
Paiz in Epist. B. Iacobi Apost. Y. linnen

limen meum, & postes suos iuxta postes meos, & polluerunt nomen sanctum meum, propter quod contempsisti eos in ira mea; quæ locum sic exponit Hieron. Vt sciamus hoc dici de Ecclesiâ, iungitur, *& non polluent ultra domum Israël nomen sanctum meum;* quod proprie ad eos pertinet qui sanctæ conuersationis in Ecclesia commorantur. Audiant indignationem Domini commoueri, quando in consecratis Deo locis indignus habitator est. *Fabriscus sum,* inquit, *limen suum iuxta limen meum;* vt nihil interesset inter sacrum, & profanum, & *postes suos iuxta postes meos,* vt vnus Laicorum, & Sacerdotum esset introitus. Existimo autem quod non polluat nomen Dei nisi ille, qui visus est nomini eius credere, & ex illius censi vocabulo. Sic Hieronymus. Ostendit autem hic locus longè aliter debere ingredi Ecclesiam Sacerdotem, ac secularem, seu profanum, maximamque differentiam inter vtrosque esse considerandam, quæ nisi interueniat, necessariò, & infallibiliter adueniet indignatio Dei, quæ à solis iis, qui nomine Dei sunt insigniti, cultuique eius dicati, prouocata censetur. Quod singulariter mihi videtur significatum esse in eo loco Leuit. vbi sic dicitur: *Homo qui maledixerit Deo suo, portabit peccatum suum, & qui blasphemaueit nomen Domini, morte morietur;* vbi supplicia, quæ crimini correspondent, ostendunt quid interueniat inter vtroque delictum, nâque in in eo, qui maledixerit Deo suo, apponitur pœna peccati venialis, in eo verò qui blasphemaueit nomen Domini, mors infligenda proponitur. Videamus igitur in quo differant hæc duo crimina. Maledicit Deum, ait Zichius relatus à Glossâ, qui nescienter blasphematur, & peccatum recipit, id est, pœnam peccati. Nomen verò nominat, qui in scientia blasphematur, hoc autem facit, qui eius scientiam per spiritum acquisiuit: non meretur ergo tam graue supplicium profanus vir, qui Dei notitiam non habet, ac Dei familiaris, & seruus, qui eum ex nomine nouit, qui eius verba profert, qui se Deo mancipauit, cuiusque appellationem habet, dum seruus Dei dicitur. Is enim iure morietur, si nomen Dei viuientis, & videntis irreuerenter proferat, & ideo hoc loco Aquila vertit; *Vir qui blasphemaueit Deum suum;* est enim Deus veluti peculiaris eorum, qui illi ministrant; quique se Deo deuouere. Is ergo si Deum offendat, grauissimè punietur.

Hoc potest confirmari ex eo quod notauit Theodoret. q. 1. in Leuit. Similem scilicet hostiam iussisse Deum offerri pro vno peccato Sacerdotis; vitulum scilicet immaculatum, ac pro peccatis totius populi, vt se tam indicaret offensum vnico Sacerdotis peccato, ac multis, & omnimodis vniuersi populi delictis.

Cap. 31. Est etiam pro hac re optimus locus apud Hierem. vbi dicitur: *Erant filij Israël, & filij Iudæ iugiter facientes mala in oculis meis ab adolescentia sua.* Vbi Septuaginta habent: *Eram soli peccantes in oculis Domini.* Quæ versio difficilem reddit hunc locum, dum soli filij Israël dicuntur peccare, cum ceteræ gentes multipliciter Deum offendant. Vnde Hieronymus ibi: Num & aliæ gentes eo tempore, quo Israël, Iudæque peccabant, malum non fecerunt? Et soluit difficultatem in hunc modum: *Qui habet notitiam Dei, & recedit ab eo, solus peccat in oculis Dei, qui verò inerte-*
duli

duli permanferint,quafi illo non vidente, & negligente, delinquant. Vnde & Daud fanctus, qui corruerat in peccatum, loquitur, *Tibi foli peccavi, & malum coram te feci.* Adeo igitur abominatur Deus peccata eorum, qui fingularem Dei notitiam habent, & qui Deo approximant tanquam primitiæ, & ob id ab aliis segregati dicuntur, vt ipfi foli peccare cenfeantur, quafi ab aliis illatas offenfaf non curet, nec videat, neque cenfeat puniendas. Tales nos voluit effe ficut decet fanctos, tam grauiter puniri voluit fi delinquamus, audiamus ipfum, & confundamur audientes: *Disperdam nomina adiuuorum cum Sacerdotibus.* vbi Septuaginta legunt; *Disperdam nomina Sacerdotum cum Sacerdotibus.* Explicat verò D. Hieron. ibi quid fit *disperdere nomina Sacerdotum;* qui fruftra, inquit, fibi applaudunt in Epifcopali nomine, & in prefbyterij dignitate, & non in opere. Vnde fignanter non ait, & opera Sacerdotum cum Sacerdotibus, fed nomina, qui tantummodo falfa nomina præferunt dignitatum, & malis operibus fua nomina deftruunt. Et idem Hier. Soph. 3. Non dignitas, inquit, & nomina dignitatum, fed opus dignitatis, & principes, & Iudices, & Prophetas, & Sacerdotes faluare confuevit. Et 1. Timot. 3. ad ea verba: *Qui Epifcopatum defiderat, bonum opus defiderat.* Videte, inquit, qui dixerit, bonum opus, & non dignitatem. Si autem defpecto opere folam afpexerit dignitatem, citò corruit turris in Siloa, & Ecclefiz cedri fulmine feriuntur, & erecta cernix frangitur, & Cygnus extento collo tam fublimem fe tendens, inter immundas volueres computatur. Quod etiam dixit D. Greg. hom. 17. cum ponderat ea verba Chrifti Domini: *Meflis quidem multa, operarij autem pauci.* Ad mellefem, inquit, multam operarij pauci facti funt, quod fine graui mœrore loqui non possumus. Ecce mundus Sacerdotibus plenus eft, fed tamen rarus inuenitur operator, quia officium quidem Sacerdotale fufcipimus, fed opus officij non implemus.

Q V I verò cum fint primitiæ Dei, fe fe dedunt fæculi negotiis, & voluptatibus, videant, & caueant ne de eis poffit dici, quod per fummam humilitatem de fe dixit D. Bernar. epift. 249. Tempus eft vt non obliuifcar mei, clamat ad vos mea monftruofa vita, mea ærumnofa confcientia; ego enim quædam chimæra mei fæculi, nec Clericum gero, nec Laicum, nam monachi iamdudum exui conuerfationem, nō habitum. Vt ergo viri Ecclefiaftici veras fui muneris partes gerant, fui nominis perfectioni respondeant, fibi fubditos rectè inftuant, Dominoque fuo, vt integri ferui placeant, præ oculis femper habeant, effe primitias Deo dicatas, omniumque creaturarum perfectiffimòs.

§. III.

Qualem honorem, & reuerentiam exigit fuma dignitas Sacerdotalis.

O ECV MEN. hoc loco fic exponit illud, *vt effemus primitia;* hoc eft, inquit, primi, & honoratiffimi, quafi Deus voluerit primitias fux

Y 2 Eccle

- Ecclesie, Ecclesiasticos scilicet viros, quales sunt Sacerdotes, & Religiosi, primis honoribus affici, & omni reuerentia coli. Quod etiam in veteris legis Sacerdotibus obseruauit Hiero. ad Fabiolam; quatenus illis Deus præcepit. *Sacerdos super cuius caput fustum est unctio oleum, & cuius manus in Sacerdotio consecrate sunt, caput suum non discooperiet.* Quod etiam Moyles ex ore Domini dixerat Aaroni, & filiis eius, *Capita vestra nolite nudare.* Eam enim voluit esse Sacerdotum authoritatem, vt capita nullatenus discooperirent, quod proprium videtur Regum ac Principum. Et Deut. 17. supremum causarum tribunal apud Sacerdotes constituit, quorum iudicio standum esse iussit dicens: *Sequeris sententiam eorum, nec declinabis ad dexteram, neque ad sinistram: qui autem superbierit nolens obedire Sacerdotis imperio, ex decreto iudicis morietur homo ille.* Qua in re illos pares, vel superiores Regibus constituit, quatenus vltimum, & supremum iudicium, & tribunal, vnde non liceret appellare, apud Sacerdotes constituit.
- Num. 3. 6.** CAVTVM equidem in lege veteri erat ne viri, aut femina vnus Tribus alteri Tribui nuberent, quod præceptum (vt hoc obiter aduertamus) intelligendum maximè est, quando ex connubio viri cum femina diuersæ Tribus, hæreditatum confusio sequeretur, sicut rectè annotauit Rua in
- Exo 1. 6.** Quodlibetis, controuersia 3. positua. Cæterum viris de Tribu Leui licuit vxores accipere de Tribu Regia Iuda. Sic Aaron qui erat de tribu Leui, duxit vxorem Elisabet sororem Nahafon ex Tribu Iuda. Sic Ioiada Sacerdos de Tribu Leui, duxit filiam Regis Zoram, qui erat de Tribu Iuda. Videnturque est D. Augusti. lib. 2. 3. contra Faust. per multa capita; & lib. 2. de consensu Euang. cap. 1. & 3. Huius igitur rei rationem affert Lyran. dicens: Dispensatum fuit vt Tribus Sacerdotalis, & Regia, possent commisceri tum propter nobilitatem vtriusque, tum vt Reges per Sacerdotes familiaritatem cum eis habentes, in vero Dei cultu tenerentur, adde ne Reges supra Sacerdotes sibi viderentur esse. Tantum enim honoris deferri voluit Deus Sacerdotibus, qui tunc solum adumbrabant eos, qui cum Principe, & Rege Regum ad mensam sedent, de mensa enim altaris locum intelligunt D. Ambros. & D. August.
- Num. 1.** NON est etiam omittendum hoc loco quodd cum in aliis Tribubus viri numerentur à viginti annis, & supra, & pueri, sicut & femina in sacra Scriptura ferè semper omittantur, vt quid ignobilius Leuitas, quos Deus è medio Israël pro omni primogenito accepit, numerari iussit à filio mensis, & supra. Vbi eleganter sanè Oleaster ait: Agnosce Sacerdos, quanti te fecerit Deus tuus, vt te potius infantem, quàm secularem iuuenem, aut virum velit habere ministrum?
- FACIT & illud quod Philo libro de præmijs Sacerdot. adnotauit, dum quarit rationem, cur Deus Sacerdotum Tribui non adscripsit certam promissæ terræ regionem ad ipsorum sustentationem? Et postquam dixit, vt circa solum Dei cultum occuparentur, &c. infert: Ex his liquet Sacerdotes equiparari honore, ac maiestate Regibus, siquidem illis tanquam Principibus conferri tributa imperat. Hanc tamen ponit differentiam, quodd

quod gentes coactæ, & gementes vix tandem conferunt, execrantes quæstores ceu pestem publicam, nunc has, nunc illas excusationes fingendo, ne ad præstitutum tempus tributa repræsentent: at hæc gens Sacerdotibus debitam pecuniam libens, gaudensque depromit, quasi non daret, sed acciperet. Qua in re voluit ostendere, quanto maior sit Sacerdotum excellentia Regali. Illi enim libentissimè soluuntur tributa, huic verò per tyrannidem, & extorsionem. Et Hieronym. in tradition. Hebraic. ad lib. Paralipom. ait: In libris Regum filij David Sacerdotes; in Paralipom. primi ad manum Regis scribuntur. Ad vnum enim sensum vtrumque conuenit, quia hic dicit eos primos, & illic Sacerdotes: quasi velit D. Hier. primos seu honoratissimos, ac Sacerdotes idem ferè debere esse, quod etiam ostendit, & prosequitur Abul. 2. Reg. 8. quæst. ult.

IN quam sententiam notauit Chrysost. hom. 5. in verba Isai. *Vidi Domini* 2. Pa. 16. *num;* tom. 1. cum pertractat audaciam Ozia, qui ingressus est templum Domini, vt adoleret incensum, quod Sacerdotum munus erat. Aduersus omnem, inquit, supremum principatum legem transgressus est, siquidem Sacerdotium principatus est ipso etiam Regno venerabilius, ac maius. Ne mihi narres purpuram, neque diadema, neque vestes aureas, vmbra sunt isthæc omnia, Sacerdoti thronus in cælis collocatus est, & de cælestibus negotiis pronunciandi habet auctoritatem. *Quaecumque ligaueris super terram, erunt ligata & in cælis, & quaecumque solueris, erunt soluta.* Matt. 18. Quid cum hoc honore conferri possit: à terra iudicandi principalem auctoritatem sumit cælum: nam Iudex sedet in terra, & Dominus sequitur seruum. Itaque medius stat Sacerdos inter Deum, & naturam humanam, illinc venientia beneficia ad nos deferens, & nostras petitiones illuc perferens, eoque Deus ipsum Regale caput Sacerdotibus subiecit, nos erudiens quod hic Princeps est ille maior. Siquidem id quod minus est benedictionem accipit ab eo quod præstantius est.

HI N c est quod in veteri lege tantam voluit esse Pontificum auctoritatem, vt neque in suorum morte aliquam mœstitiæ, luctusue ostensionem præbere permiserit. Quod notauit Philo lib. 2. de Monarch. vbi ait: Vt resistat mœstitiæ, & fortis malit videri quàm miserabilis. Postulat enim in eo viro lex præstantiorem homine indolem; quippe qui Deo sit familiaris præ cæteris, situs in quodam diuinæ, humanæque naturæ (si verum fateri licet) confinio, vt hoc mediatore Deus propitiatur hominibus, & eiusdè ministerio porrigat eis, largiaturque suam gratiam. Noluit itaque Deus superiorem omnibus terrenis hominem de terrenis naturæ incommodis tristari, sed immobilem, & integrum, & quasi nullo carnis affectu tangatur, persistere, vt Regalem & supremum animum omnes in eo agnoscerent: qui enim in confinio diuinæ, humanæque naturæ collocatus est, capite vtique supereminet alto, pedibusque quæcumque terrena, & humana sunt, debet conculcare, subitusque habere.

MIRVM vtique in confirmationem huius argumenti id quod notauit Cyprian. epist. 2. ad Coraelium Papam, Apostolum Paulum Anania, qui

Y ; cum

eum contra legem, & rationem percuti iussit, dixisse: *Percutiet te Deus parietibus tuis*. & cum ei dictum esset: *Sic insimulas in Sacerdotem Dei maledicendo*: Sic enim Cyprian. legit; quamvis Domino iam crucifixo, ait Cyprian. sacrilegi, & impij, & cruenti illi esse corpissent, nec iam quicquam de Sacerdotali honore, & autoritate retinerent, tamen ipsum quanuis inane nomen, & umbram quandam Sacerdotis cogitans expauit. *Nesciebam*, inquit, *fratres, quod Pontifex esset*. Et si inane nomen, & umbram expauit Paulus, videamus, qua reuerentia, & honore debeant veri Sacerdotes coli, & quanti sint faciendi. Enimvero olim in lege veteri dixerat Deus: *Si pactum meum custodieritis, eritis mihi in Regnum Sacerdotale*; at quoniam non seruauerunt pactum, ideo nobis illa conditionalis promissio fuit impleta, ampliori tamen, & illustriori modo: quod videtur insinualle Petrus 1. Can. 2. cum promissione in Exod. factam longè aliter proponit, & explicat. Nam ibi dicitur, *Regnum Sacerdotale*, at verò Petrus ait: *Vos autem genus electum, Regale Sacerdotium, gens sancta*, &c. Quæ verba meo iudicio excellentiâ nostri Sacerdotij exprimunt, & quantum Regalem dignitatem superet, manifestant. Etenim olim Sacerdotium veluti adiectum erat Regali honori, ideoque Regio veluti substantiuo additur Sacerdotium. Vnde & dicitur: *Eritis mihi in Regnum Sacerdotale*. At verò in lege gratiæ, quia Sacerdotes maiores sunt Regibus, & pluris faciendi, ideo Petrus inuerlis verbis, & translata loquendi forma ait: *Regale Sacerdotium*, quasi ipsa etiam Regia maiestas minor, & inferior sit Sacerdotio, cui veluti quid annexum, & minoris momenti adiectiuum apponitur, ideoque dicitur, *Regale Sacerdotium*. Quam loquendi formam obseruauit Clem. Alexand. 7. Stromat. cum ait: Homo qui est verè Regalis Sacerdos; vbi etiam Regia excellentia additur Sacerdotio, quasi accidens subiecto, à quo sustentatur, & cui innititur, cum minoris sit entitatis.

INGRESSVS Christus Dominus Hierusalem Regio triumpho asinam ascendit, ceduntur rami, strata apparet via Discipulorum palliis, communi applausu, infinitumque acclamatione, subsequens, & præcedentium vocibus excipitur, adimpletur promissio per Zachariam facta: *Ecce itaque Rex tuus; ipse tamen pauper, & humilis*: in Regio triumpho parum curauit diuitias, cultum, & ornatum; sed dum Sacerdotis officium peragere constituit, præter consuetudinem illius, qui nec vbi caput reclinaret habebat, quærit cœnaculum magnum, stratum præparari iubet, pretioso vnguento delibutus exorditur Sacerdotale opus, & si plerisque creditur, in Smaragdo consecrat. Voluit facto ostendere quantum excedat Sacerdotium Regiam dignitatem, quam in paupertate ostendit, & qui pauper nascitur, magno apparatu consecrat, idque in domo exornata, & præparata peragit: conuenit utique Sacerdotio omnis cultus, decet Sacerdotalem dignitatem omne decus, & ornamentum, quia omnem superat dignitatem.

ET quia suorum dignitatem ita euexit, & supra omnes collocauit, inde est quòd Sacerdotibus, Deoque dicatis viris illatam offensam veluti in se commissam

commiffam cenfeatur, quam mentem habuit Paulus dum dixit: *Blasphemamur, & obsecramus*. Etenim blasphemia, vt à Theologis definitur, est falſa loquutio aduerſus Deum prolata. Quomodo ergo Apoſtolus dicit ſe blaſphemari: nunquid in Deum tranſierat, aut ſe Deum voluit haberi? Minime quidem. Sed nouerat ita Deum velle ab omnibus Sacerdotem coli, timerique veluti Deum, & illatas Sacerdoti iniurias, quaſi ipſi Deo illatas cenſeri, ideo dicit ſe blaſphemari, vt iam non hominem, ſed Deum in homine Sacerdote, & Religioſo offenſum exiſtimaremus. Vnde Concilium Auiſgranenſe ſub Ludouico Pio Imper. c. 3. tom. 3. Licet Sacerdotes in multis ſint negligentes, non tamen vituperandi, nec deſpiciendi, ſed propter illum, cuius miniſterium gerunt, audiendi, & congruo honore venerandi. Poſt Apoſtolos enim ad ipſos hæc ſententia dirigitur: *Qui vos audi, me audit, & qui vos ſpernit, me ſpernit*. Quapropter attendendum eſt quòd Sacerdotum Chriſti ſpretio ad iniuriam Chriſti pertinet, cuius vicem, & miniſterium gerunt. Sunt itaque Sacerdotes primitiæ Dei, quos ipſe primos, & honoratiſſimos in Eccleſia voluit eſſe, ſicut interpretatur Oecumenius prædicta verba Iacobi.

Verſ. 19. Scitis autem fratres mei dilectiſſimi. Sic autem omnis homo velox ad audiendum, tardus autem ad loquendum, & tardus ad iram. Ita enim viri iuſtitiam Dei non operatur.

EXPOSITIO LITERALIS.

PLERIQUE Græci codices hoc loco habent; & ita legit Oecumen. *Itaque fratres mei chariſſimi*, aut, *Quapropter fratres mei chariſſimi, ſi omnis homo velox, &c.* quod reprobatur Feuard. & ſuſpectum dicit. Potest tamen facile ad bonum ſenſum reduci, quaſi dicat; Etſi hoc ſciatis, utpote in lege inſtructi, hortor tamen pro meo munere, vt faciatis. Amplectenda tamen eſt vulgaris lectio, quam Bed. Aug. & alij veteres ſequuntur, tuncque ſenſus huius loci eſt: Notum eſt vobis omne quod ſcribimus, notum itidem vniuerſa, quæ ſcribimus, eſſe veriſſima, & ſanctiſſima, verum tamen non ſufficit vobis hoc ſcire, niſi ſitis veloces ad audiendum verbum Dei, &c. niſi forte ea particula, *Scitis*, idem ſit atque ſciatis, vel ſcire debetis oportere quòd omnis homo ſit velox ad audiendum. Et ſic intelligit eum locum Lyræ. Monet igitur audiendum verbum veritatis omni cura, & diligentia à Doctõribus itidem veritatis, inquit Interlinearis; tardum verò debere eſſe ad loquendum, nam hoc pertinet ad Doctõris officium, ad quod ſe ingerere eſt præſumptuoſum; & ita Gloſſa in præſenti ait. Ne ante tempus præſumat docere, tardum inſuper debere eſſe ad iram, rationemque ſubnectens, ait: *Ira enim viri iuſtitiam Dei non operatur*. Eſt autem ira viri ea, quæ præuenit rationem.

nem. Quo etiam modo actus præuenientes rationem, à Theologis dicuntur actus hominis, id est, quoad substantiam, & entitatem, vel quoad modum operandi.

Hæc igitur ira opus verè iustum, & Deo acceptum non operatur, iracundo quippe bonum, & iustum videtur quicquid ab ira suggeritur; quod dixit Aug. ad Dioscor. Nulli irascenti ira sua videtur iniusta. Vel *ira viri*, id est, ira fortis, & deliberata, & adulta, sicut ait D. Thom. Ideoque non dicit ira pueri, quæ citò transit, & facile abigitur.

IUSTITIA Dei non operatur, minùs videtur significare quàm dicit. Significat enim quòd contra Dei iustitiam operatur: nomine verò *iustitia* intelligit omnes virtutes. Qui verò iustitiam virtutem singularem hoc loco intelligit, sciat Iacobum potius de virtute iustitia, quàm de alia loqui virtute, quia ira induit magis formam iustitiæ, quàm alterius virtutis, cum tamen ipsam iustitiam dissipet; sicut dixit Greg. 5. Moral. c. 31. Ira, inquit, iustitiam dissipat, per iram iustitia relinquitur, sicut scriptum est: *Ira viri iustitiam Dei non operatur*, quia dum perturbata mens iudicium suæ rationis exasperat, omne quod furor suggerit, rectum putat.

Nec omittenda expositio D. Thomæ 3. p. quæst. 15. vbi intelligit hunc locum de ira, quæ rationem præoccupat, & ipsam trahit ad operandum, & tunc propriè ira dicitur operari. Nam operatio tribuitur primario agenti, & secundum hoc intelligitur quòd ira viri iustitiam Dei non operatur. Quando verò ira sequitur rationem, ut instrumentum, operatio quæ est iustitiæ, non tribuitur iræ, sed rationi.

VEL tandem potest esse sensus, *Ira viri*, &c. homo ira percitus, & inflammatus nullum iustitiæ divinæ locum relinquit, quandoquidem in eo nulla residet humanitas, nulla commiseratio, nulla æquitas, nulla charitas. Ita exponit hunc locum Cassian. lib. 8. Collation. c. 1. Vnde Ephrem tract. de virtutib. & vitiis cap. de iracundia, ait: Homo iracundus audiat Apostolum Iacobum dicentem; *Ira viri iustitiam Dei non operatur*, verè miser, & infelix, omnibus inimicus, apud Deum certè, & homines despectus est. Vnde Terull. lib. de Orat. c. 10. Quomodo placabit Patrem iratus in fratrem? Quare de re videndus Laurent. Iustinian. lib. de casto Cónubio Verbi, & animæ, c. 11. & Bed. lib. 2. cap. 28. in Prouerb. Salomonis.

§. I.

Proponitur utilitas audiendi verbum Dei.

TRIA monet hoc loco Iacobus: promptitudinem scilicet ad audiendum verbum Dei, maturitatem in loquutione, & tarditatem in ira. Et quod attinet ad primum, meritò incipit Apostolus ab auditu; hoc enim primò nobis Deus cõmendauit, sicut aduertit Ambr. 1. Offic. c. 2. vbi ponderat ea verba Deuteronomij: *Audi Israël, Deus, Deus unus, Deus unus est*. Prima vox,

Deut. 6.

inquit, Dei dicit tibi, audi, si audias, custodies vias tuas, & si lapsus es, citò

cor

corrigem non dicit loquere, sed audi. Ideo Eva lapsa est, quia loquuta est viro, quod non audierat à Domino Deo suo. Hoc ipsum à nobis velle Deum ostendit ceremonia illa Leuitici, vbi in consecratione Sacerdotis extremum auriculæ sanguine tangebatur illius victimæ, quæ offerebatur: isque sanguis, sicut notauit Theodoret. quæst. 8. in Leuit. typus erat sanguinis salutaris. Est autem prima via salutis audire Dei verba, tumque facilius efficacia, & virtus salutaris sanguinis in nobis apparet, cum aures verbis saluti aperimus: & ideo fortassis hoc sacrificium, quod nostra Vulgata appellat *consecrationis*, vocatur Septuaginta, *explicationis*, alij verò *consummationis*, quasi ea ceremonia voluerit Deus nobis esse inculcatum, primum totius consummationis, & perfectionis gradum, & exordium consistere in audiendo Dei verbo. Quod videtur agnouisse Dauid, quando dixit Domino; *Aures autem perfecisti mihi*. i. me promptum ac paratum ad audiendum reddidisti. vbi Chaldaicè habetur: *Aures ad auscultanda precepta tua formasti mihi*. & D. Hierony. ex Hebræo transtulit, sicut & Rabbini. *Aures perfodisti*, seu, *aperuisti mihi*. i. me seruum tuum perpetuum fecisti, aures perforando, quod erat apud Israëliticum populum signum serui, vt patet ex lib. Exod. & denotat etiam seruum Dei velocem debere esse ad audienda Domini sui præcepta, & ad hoc perforatas, seu apertas habere aures. Quod etiam mihi probat Salomon dū petiit à Deo *cor docile*, vbi Hebraicè habetur, *cor audiens*, Græcè verò, *cor sapiens*. Non enim fiet particeps sapientiæ Dei, neque ab eodocetur nisi cor audiens, quod velox fuerit ad audiendam diuinam sapientiam, & dixerit, loquere Domine, quia audit seruus tuus.

M I R V M equidem quòd cum omnes viri Israël Gedeoni dixerint: *Domine, minare nostri tu, & filius tuus, & filius filij tui*; ipse responderit: *Non dominabor vestri*, &c. dixitque ad eos: *Unam petitionem postulo à vobis; Date mihi inanes ex prada vestra*. Qua in re voluisse videtur suorum aures profanis inauribus minime ornari, sed promptas, & peruias Dei verbis esse, & solas eas in aures habere, quas sponsi sodales sponsæ promiserunt se facturos. Super quæ verba sic ait Ber. Serm. 41. in Cant. Fides ex auditu, audi filia, & vide: videre desideras, sed audi prius, gradus ad visum est auditus, proinde audi, & inclina aurem tuam ornamentis, quæ tibi fecimus. Vnde Origen. homil. 8. in Exod. Tu ergo si verbum Dei, quod in Ecclesia prædicatur, tota fide, tota deuotione suscipias, fiet tibi ipsum verbum quodcumque desideras, si tribularis, consolatur te Deus dicens: *Cor contritum, & humiliatum Deus non sperni*. Si lætaris pro spe futura, cumulat tibi gaudia, dicens: *Lætamini in Domino, & exultate iusti*. Si iracundus es, mitigat te dicens: *Desine ab ira, & derelinque furor*. Si in doloribus, sanat te dicens: *Dominus elenat de terra inopem*. Sic ergo manna verbi Dei reddit in ore tuo saporem quemcumque volueris, dum modo per aures ingrediatur. Ideo ergo Gedeon paratas suorum aures voluit, dum in aures postulauit, quòd per eas omnia hæc bona possent aditum in animam reperire.

I n quam sententiam tropologicè intellectus venit ille locus Amos cum ait: *Quemodo seruat pastor de ore leonis duocruca, aut extremum auricula, sicut eruen-* Cap. 3.
Paiz. in Epist. B. Iacobi Apost.

1. Pet. 3. *turfily Israel.* Supponamus Leonem illum rugientem, *qui circum querens quem deuoret*, aliquam tandem ouem boni Pastoris deuorasse, ita tamen, ut adhuc remanserit extremum auriculæ extra Leonis os: adhuc, inquit Deus, hæc ouis omnino non perijt, possum enim ego diuinus Pastor ad aurem vocare, imò per eam totam ouem extrahere, dum enim superest auris ad auditum, adhuc ad vitam potest reuocari, imò & per me reuocabitur. Quæ de re videndus Bern. Serm. 28. in Cant. ubi inter cætera sic de Centurione, ad vocem Christi clamantis, conuerso ita habet. Si attenderet quod apparebat, quid nisi deforme, & nigrum oculis spectantium occurrebat, & solus erat risui, qui solus potuit esse terrori, solus honori esse debuerat? Vnde igitur aduertit pulchritudinem videns quoddam sic clamans expirasset? Ergo ad vocem credidit, ex voce cognouit: erat enim fortasse ex ouibus eius, de quibus ait: *Mat. 27. Vocem meam audiunt*, oculum species sefellit, auri veritas sese infudit, auri Dei Filius, auri formosus innotuit. Oportebat enim ut vnde irrepit morbus, remedium intraret, & per eadem sequeretur vestigia vita mortem, tenebras lux, venenum serpentis antidotum veritatis, auris prima mortis ianua, prima aperiretur & vitæ. Non difficile proinde erit extrahere totam ouem, cuius extremum auriculæ extra os Leonis remansit.

I D E O ubi diuinum verbum aperto ore cæpit in terris insonare, ac docere, statim diabolus aures hominum curauit obstruere. Quod optime notauit Chrysost. Serm. 52. in eo homine qui Christo dixit: *Magister attuli filium meum habentem spiritum surdum, & mutum.* Nô dixit, ait Chrysolog. Attuli filium meum surdum, & mutum, sed habentem spiritum surdum, & mutum. Nunquid nequitia spiritalis humanis distinguitur mæbris, & sensibus angustatur humanis parum esset, si hoc pater solus sua supplicatione dixisset: sed Dñs ait: *surdus, & mutus spiritus ego precipio tibi: exi ab eo.* Respondens verò propositæ quæstioni ait: Hoc loco quid Diabolus homini fecerit declaratur, antiquus refuga ubi Deum terris reperit aduenisse, obstruxit aures hominû, & obseratis humani sêsus foribus spelûcæ suæ latebrâ pectus fecit, & parauit humanû: æstimâs quoddam illuc auditus verbi, & virtus diuini nominis penetrare nô posset, & patres desperaret curare posse eum qui audire non poterat, quandiu enim aures diuinæ prædicationi patent, & cælesti admonitioni auditus præstet est, via salutis diuino fauente auxilio potest faciliè aperiri.

Hoc etiam confirmare possumus ex August. tract. 42. in Ioan. ubi sermonem Dei similem dicit esse hamo, sicque capere fidelem, sicut in piscem capit; tunc capit, inquit, quando capitur, & si sermo meus caperetur, caperet. Possumus etiam in eodem sensu intelligere illud Osee: *Et ero quasi leana Ephraim*, ubi paraphrasis Chaldæa habet, *Verbum meum quasi leana erit domus Ephraim.* Sustulit igitur quis leânæ filios è cubili, ubi eos reliquerat, dum ad venationem abiit, postquam ablatos inuenit ferocissima redditur, de ea enim tunc temporis dixit Virgilius 3. Georg.

Tempore non alio catulorum oblata leana

Sauior errauit campis.

Etenim postquam ablatos catulos inuenit, rugiens insequitur eum, qui
extra

extraxerat, qui dum crudelē rugitum audit, deponit leūculos, sequi fugā commendat in tutiorem recondens locum. Sic vox Dei audita, qui veluti læna filios lamentatur ablatos, facit vt deprædator relinquat prædam, vt in cubile Leonis Iuda reducat. Sic primum hominem reduxit, non ad *Genf. 3.* pristinam innocentiam, sed ad primam gratiam, dum in Paradiso clamando ait: *Adam vbi es?* Qua de re videndus Ambr. lib. de Paradiso cap. 14. & Bern. loco citato.

Vnde iam possumus intelligere cur Christus Dominus Lazarum susci- *Ioan. 11.* taturus, prius lacrymatus est. Nunquid lacrymis indigebat, vt exaudiretur à Patre, aut lacrymis postulabat vitam, qui vita erat? Nihil horum puto fuisse in causa, sed quod iam iam viderit quatrduanum mortuum è sepulchro rediuiuum ad ipsius vocem velociter allurgere, viuentes verò homines veluti Deo mortuos, Dei verbum nolle audire, imò & eo audito in peccati sepulchro adhuc sopitos iacere. Qua de re videndus est Origen. homil. 13. in Exod. vbi ita ait: Illæ mulieres, quæ in aures suas obtulerunt, vt fieret vitulus, insipientes erant, quæ à veritate quidem auerterunt auditum, ad fabulas autem impietatisque conuerterunt. Videndus item Bern. Ser. 1. in Septuages. Nonnullos, inquit, sic interdum audientes inuenies, ac si nihil omnino ad eos pertineant, quæ dicuntur, non intrare cor suum, non discutere mores suos, non cogitare, ne fortè quod audiunt dictum sit propter eos, magis autem si, sermo Dei, qui suo, non eius qui loquitur arbitrio fertur quocumque voluerit, si, inquam, manifestè aduersus vitia illa processerit, quibus se sentiunt obligatos, dissimulant, & auertunt oculos cordis. In his ego salutis signa non video; magis autem vereor ne fortè non audiant verbum Dei, quia non sunt ex Deo.

FACIT etiam id quod habet Philo lib. *Quis sit heres rerum diuinariam*. Multi, inquit, aures in auditorium, non mentem afferunt, ipsi foris interrim vagantur, & multa de multis apud seipso agitant: dum hæc cogitationi obstrepunt, fieri non potest vt exaudiat qui loquitur. Nam eius vox non ad homines fertur, sed ad inanimatas statuas, quæ aures habent, & non audiunt. Meritò proinde Apostolus ante alia cōmēdat, vt veloces simus ad audiendum verbum Dei, percipiendūque per aures remedium malorum nostrorum:

Et quia sic ad salutem conducit auditio verbi Dei, castasque aures voluit nos habere; quod notauit Ephrem in eo quod Christus Dominus os diabolo tradiderit osculandum. Vnus enim Iudas diabolus erat, aures tamen seruauerit dum dæmones ipsum laudantes noluit audire, imò à se abegit; quod etiam fecere Apostoli ab eo edocti. Inquit igitur Ephrē tract. *Act. 16.* de linguae malo, aliisque vitiis: Vnde mors principium habuit? nonne per aures Euz, dum eam serpens alloquitur, aditum sibi patefacit? Potest enim improbus dæmon per os loquentis tacentem occidere, & quem proprio lædere nequit ore, per auditum interficit. Dæmones ipsos clamoribus veritate confitētes Saluator noster obmutescere iussit. Cur Apostoli dæmonem à quo laudabantur, audire renuerunt? Nonne ideo ne mun- *Luc. 4.* *Act. 16.*

Z. 2.

de ac

de ac castæ eorum aures impuris illorum vocibus contaminarentur? Sed ipsum sponte morti obtulit Saluator, & sermonibus mendaciæ aurem nequaquam præbuit; os suum aperiens acetum cum felle gustavit, qui cælesti verba auribus excipere recusavit: os proditori osculandum exhibuit, & deceptoris responsum dare noluit. Sic & tuum os maledicis osculandum præbe, aures verò minimè. Nam si tuum illis os præbueris, osculum illos condemnabit, sin aures illis accommodaveris, iam te verborum gustus occidet. Nónne totum corpus militis ferreo thorace munitur? accidit autem & illud ob laxiorem constitutionem lædi: nam si per tenuem aliquam rimulam telo aditus patefiat, strenuo militi mortem affert. Quanto magis per apertas aurium fores morti ingressus dabitur? Magna siquidem est auris fenestra, quippe per quam mors in mundum ingrella cunctas deuoravit gentes, ac nationes, & insatiabilis adhuc remanet.

In quam sententiam notauit Clemens Alexan. 1. Stromat. debere nos non solum linguam, sed aures etiam castas habere. Namque sicut notauit Plut. de Auditione; *Solam hanc viam audiens sibi virtus reliquit. Virtus enim, inquit, multas partes corporis, multaque loca aditum, spatiumque ad animam penetrandam præbent, unica virtutis ansa aures sunt.* Et Senec. epist. 124. *Claudenda sunt aures malis vocibus etiam primis, nam cum initium fecerunt, admissæque sunt, plus audiunt.*

OBSERVANDÆ proinde sunt aures, ne diaboli suasionibus pateat aditus, idque maiori cura, quia semper aures patent, obturandæ tamen diabolico incantatori; prudenti verò aperiendæ: sic enim prædicatorem verbi sui appellauit Deus apud Isaiam cum ait: *Auferet prudentem eloquij mysticis;* vbi Theodotion vertit: *Prudentem incantatorem;* Hieronym. verò exponens hunc locum ita ait. Incantator mihi videtur esse eruditus, & exercitatus tam in lege, & Prophetis, quàm in Euangelio, & Apostolis, qui possit singulas animi perturbationes sua sanare doctrina, & ad statum mentis reducere, dum & scortator recipiet castitatem, & ganeo frugalitatem. De istiusmodi incantatoribus contra serpentes, & aspides, id est, contra peccatores, Dauid loquebatur. *Furor illis secundum similitudinem serpentis, &c.*

MERITO autem portæ animæ, quæ sunt aures, referandæ sunt prædicatoribus, quia & ipsi in Scriptura portæ nostræ salutis dicuntur. Sic enim intelligit Gregor. hom. 15. in Ezech. vbi ait. Potest porta nomine vnusque prædicator intelligi, quia quisquis nobis ianuam Regni cælestis ore suo aperit, porta est. In quam sententiam videndus est Bern. Serm. 28. in Cant. cum quærit: quare potius Petrus auriculam serui, quàm aliam partem amputauerit? Vt viam, inquit, faceret veritati. Videndus etiam Greg. Ath. 7. Nicen. Orat. de sancto Stephano ad ea verba. *Continuerunt aures suas.* Neque enim dignæ erant, ait, profanorum, & impurorum aures, quæ diuinæ apparitionis exciperent narrationes. Videndus etiam Hierem. c. 6. ad ea verba: *Quem alloquar, aut conestabor? Ecce incircuncisæ aures eorum, & non possunt audire.* vbi Theodoret. Vocat aures incircuncisas, quæ sine discrimine excipiunt omnia, cum tamen noster Apostolus velocitatem solum in audiendo

diendo verbo Dei prædicet, vt velociter etiam se ad eum conuertat, nam sicut dixit Horatius epist. 1.

*Nemo adeo ferus est, vt non miscere possit:
Sed modo cultura patientem accommodat aurem.*

§. I I.

Auditores verbi Dei debent exequi ea quæ audiunt.

OECUMENIVS hoc loco aduertit, non esse hæc verba Iacobi intelligenda tantum de nuda auditione, sed potius docere strenuitatem in opere, & referenda ad eum, qui postquam audiuit, procedit ad ea præstanda, quæ audiuit. Nouit enim, inquit Oecumen. eum qui subdit auditum cum studio ad ea, quæ dicuntur, & præbiturum seipsum paratum ad eorum operationem. Et hi sunt veri auditores verbi Dei. Neque enim omnes qui audiunt, sunt auditores verbi Dei, sicut dixit Theophylactus in Matth. 11. Ideoque Christus clamabat, *Qui habet aures audiendi, audiat;* super Luc. 11. quæ verba Gregor. homil. 15. in Euangel. ait. Omnes qui illic aderant, aures corporis habebant, sed qui cunctis aures habentibus dicit; *Si quis habet aures audiendi, audiat;* aures proculdubio cordis requirit. Curate ergo vt acceptus sermo in cordis aure remaneat. Curate ne semen extra viam cadat, &c. Similiæque habet August. Serm. 18. de verbis Domini. Surdos quàm multos, inquit, ante oculos suos Dominus intuebatur, cum diceret: *Qui habet aures audiendi, audiat.* Quis enim ante illum sine corporis auribus stabat? Quas ergo alias aures nisi interioris hominis requirebat? Ad hoc ergo sermo Dei prædicatur, ad hoc exhortationes Ecclesiæ morales, ad emendandas carnales concupiscentias.

QUANTVM autem valeat vera auditio verbi diuini, de qua hic est sermo, & proinde quanta cura, & diligentia veloces ad illud audiendum debeamus accurrere, ostendit D. Bernard. Serm. de multiplici vtilitate verbi Dei audiendi, cum ita ferè ait: Sicut Deus in cælo clarè visus erit omnia in omnibus ad glorificationem, iuxta illud: *Visu Deus omnia in omnibus;* ita verbum Dei in hac vita auditum iam est omnia in omnibus ad iustificationem. Audiat illud peccator, & statim conturbabitur. *Audiat, & conturbatus est venter meus;* & licet mortuus sit in peccato, si audierit, viuet: *Verba quæ ego loquor, spiritus, & vita sum.* Si cor induratum fuerit, verbum Dei liquefaciet illud: *Emitte verbum suum, & liquefaciet ea, &c.*

TANDEM conducit ad hanc diligentiam, & promptitudinem audiendi, & obseruandi verbum Dei, quia melius, & vtilius est cum modò audire vocantem, consulentem, & ad multum exprobratē, quàm in iudicio audire reprobantem. Quod dixit Bernard. Serm. de verbis Abacuc. *Super custodiam meam,* &c. vbi affert ea verba: *Hodie si vocem eius audieritis, nolite obdurare corda vestra.* Vtilius, inquit, & multo salubrius est hodie audire eum consulentem, admonentem, docentem, & ad multum redarguentem, increpantem, &c. quàm in die illa tam amarè audire illum iudicantem, &

Z 3 condemnan

condemnantem, &c. Merito proinde Iacobus monet, ut omnis homo sit velox, & promptus ad audiendum verbum Dei.

MONET tandē hic locus diligentia, & celeritate in doctrina, ac rebus salutis adhibēdā, sicut notauit idē Oecu. in quibus nullatenus est immorandum. Sicut enim dixit Nazianzen. Orat. in sanctum Baptisma: Pari in vitio sunt promptitudo ad vitium, & procrastinatio ad virtutē. Ideoque Mich. 7. dicitur: *Præcoces ficus desiderat anima mea*, seu, ut habent Septuaginta, & legit Theodor. *Præmatura desiderauit*. Sunt enim ij fructus, qui velocius cæteris, citiusque marcescunt. Eorum namque virtutibus Deus maximē delectatur, quæ citius ac velocius Deo proueniunt, & ad diuini Solis illustrationem, internamque vocem statim conuertuntur. Vnde rectē notauit Philo lib. de Sacrificio Abelis, & Cain, illud Genes. 4. *Factum est post aliquot dies, obtulit de fructu terra munera Domino*. Duplex, inquit, seipsum amantis crimen. Vnum, quod post aliquot dies, non continuō gratias egit, alterum, quod de fructu obtulit, non de primo fructu; ybi videmus tarditatem, & negligentiam, veluti duplex crimen obiurgari. Et lib. de Abraham aduertit idem Philo, velocem eum fuisse ad audiendum, & exequendum Dei mandatum circa egressionem de terra, & cognatione sua, dicitque: Iter a accelerauit in regionem exteram; rem factam se habere putans, si mandatum exequeretur celeriter. Quæ totidem verbis habet Origenes homil. 4. in Genes. Hanc proinde diligentiam nobis commendatam esse voluit Apostolus cum ait: *Sit autem omnis homo velox ad audiendum.*

§. I I I.

Proponitur excellentia obediendi verbo Dei.

NEQUE verò erit inepta expositio, si dicamus per hæc verba; *Sit autem omnis homo velox ad audiendum*, inculcatam esse promptitudinem, & obedientiam ad obsequendum verbo vitæ, quo nos genitos esse dixerat. Est enim frequentissimum in sacris literis per *audium* significari obedientiam. Videatur August. Hieronym. Cassiodor. Lyran. & alij ad Psalm. 39. ibi. *Aures autem perfecisti mihi*. Videantur & expositores in Leuit. 8. *Dum aures intinguntur sanguine*. Videndus etiam Pierius Valerian. lib. 3. & lib. 33. Quod ostendit Theodoret. quæst. 45. in Exod. cum quærit, cur Deus perforari iussit aurem Hebræi serui libertatem recusantis. Et respondet: Indicat signum illud auditus organo appositum, seruum omnem obedientiam præstare debere. Et Aug. Serm. 64. de verb. Domin. ad id quod Christus dixit: *Veni hora quando mortui audient vocem Filij Dei*. Quid est, inquit, qui audierint? Qui obedi erint, & obtemperauerint, ipsi viuent.

COMMENDAT igitur iuxta hanc expositionem, promptitudinem ad obediendum verbo Dei, quam etiam commendauit Bernard. in eo quod Act. 2. Paulus statim ac vocem de cælo audiuit, dixit: *Domine, quid me vis facere?* Obre

O breue verbum, inquit Bernard. Serm. de Conuersione Pauli, sed efficax, sed dignum omni acceptione ! quàm pauci inueniuntur in hac perfectæ obedientiæ forma, qui suam ita abiecerint voluntatem, vt neque cor ipsum proprium habeant, vt non quid ipsi, sed quid Dominus velit omni hora requirant, dicentes sine intermissione: *Domine, quid me vis facere?* & illud Samuelis; *Loquere Domine, quia audi seruus tuus.* Eheu! plures habemus Euangelici illius cæci, quàm noui Apostoli imitatores. *Quid vis* (ait Dominus ad cæcum illum) *ut faciam tibi?* quanta est miseratio tua Domine, quanta dignatio tua! Sicine Dominus quærit, vt serui faciat voluntatem? Verè cæcus ille, quia non considerauit, non expauit, non exclamauit. Absit hoc Domine: tu magis dic, quid me vis facere? Hoc idem prosequitur Greg. 33. Moral. cap. 24. Intueri libet vbi est sæuus prosequutor, vbi lupus rapax? Ecce in ouem iam versus est, qui percontatur à Pastore semitam quam sequatur.

SANCTA illa quatuor animalia quæ ostensa fuere Ezechieli; statim ac impetus spiritus adueniebat, citato cursu ferebatur. Cursus velocitatis rationem si inquiras, ea aptissima occurrit. Quod quatuor illi vultus, quatuor mundi partes respiciebant, vnde ad nullam poterant mitti, ad quam prius conuersum vultum non haberent, quasi iam in via essent, vt quocumque mitterentur, abirent; & quia parati erant celerius conficerent iter. Viden' igitur si accommodatius obedientiæ symbolum vsquequaque possit reperiri: debemus siquidem, si veri obedientes esse velimus, eam animi præparationem habere, vt quocumque mittamur, iam illò conuersam inueniat faciem adueniens præceptum. Sic enim veloces erimus, non solum ad audiendum, sed ad exequendum diuinum mandatum.

Vnde August. Serm. 68. de Tempore, laudans Abrahami obedientiam ait: In re tam ardua nulla illi dubitatio fuit, sed sententiam Domini, tanquam qui optaret, accepit. Et Tertullian. lib. de Pœnitent. ait: Audaciam existimo de bono Diuini præcepti disputare. Et Bernard. epist. ad Adamum Monachum: Non est dubium, inquit, quin maiorem gratiam mereatur qui se paratum exhibet ad mandatum, quàm qui obedire satagit post mandatum. Quibus habet similia D. Hieronymus tom. 4. in regul. Monachor. cap. 10. vbi loquens de Patribus, qui in eremo degebant, ita ait; Subditi antea conabantur iussa implere, quàm forent emissa, & quibusdam quodammodo indiciis nitebantur prophetare de voluntate mandantis. Ideoque verus obediens Simon (sic enim hoc nomen exponitur) statim ac audiuit Magistrum adesse, se misit in mare, quò velocius ad ipsum properaret. Cæteri nauigio veniunt, ipse solus ante omnes, vel mediis fluctibus vult accedere.

INSIGNIS prorsus obsequij, & obedientiæ disciplina fuit illa, quam adollescentes in afferenda Dauid exoptata cisternæ aqua exhibuerunt: statim namque atque ipsum Regem sitientem audierunt, per medios hostium cuneos irruentes afferunt aquam. Maximum obedientiæ opus fuisse ait

ait Ambros. in Apologia David cap. 7. in qua permisit Rex suos milites exerceri, vt etiam per pericula voluntarij milites obtemperarent; noluit tamen bibere, & profudit illam Domino. Dignum enim, inquit Ambrosius, tanto munere fuit, vt quæ erat viuidæ virtutis insigne, fieret pietatis sacrificium. Enimuero opus tantæ obedientiæ non Regi debuit, vel etiam sitienti inferuire, sed Deo, cui soli ea debetur offerri. Ideoque Cassian. lib. 4. Institution. cap. 12. ait de Monachis; Cum sonitu pulsantis ostium, ad orationem scilicet, seu opus aliquod inuitantis, certatim è cubilibus suis vnusquisque prorumpit, ita vt is qui opus scriptoris exercet, quam reperi- tus fuerit inchoasse literam, finire non audeat, sed in eodem puncto, quo ad aures eius sonitus pulsantis aduenerit, summa velocitate profiliens, ne tantum quidem moræ interponat, quantum cæpti apicis consumit effigiem.

OPTIMUM autem consilium erit, quod velociores simus ad obediendum, illud quod Hieron. in epist. ad Rusticum de forma bene viuendi ponit: Præpositum, inquit, timeas vt Dominum, diligas vt parentem, credas tibi salutare quicquid ille præceperit. Nec de maiorum sententia iudices, cuius officium est obedire, & implere quæ iussæ sunt, dicente Moysè: *Audi Israël, & tace.* Aduertit autem Bernard. Serm. de quadruplici bono; Euam dubitando de præcepto Domini, aperuisse viam, vt diabolus eam deciperet. Nihil enim magis tentator exoptat, quàm si quem disceptantem, & dubium inueniat circa diuina iussæ. Quod Deus, inquit Bernar. pro certo posuerat, dicens: *In quacunque die comederitis, morie moriemini*, ista sub dubio supponit; *ne forte moriamur.* Audi igitur ingenium, malitiàmque serpentis, *nequam*, inquit, *moriemini.* Deus affirmat, mulier dubitat, Satan negat. Si & ego timeo, ne sicut serpens Euam seduxit astutia sua, sic & sensus vestri corrumpantur. Ideoque Gregor. lib. 2. in lib. Reg. c. 4. Vera obedientia nec Præpositorum intentionem discutit, nec præcepta discernit, quia qui omne vitæ suæ iudicium Maiori subdidit, in hoc solo gaudet, si quod sibi præcipitur, operatur. Nescit enim iudicare quisquis perfectè didicerit obedire, quia hoc tantum putat, si præceptori obediat. Puer Samuël nec vocatus, nec repulsus offenditur, quia vocantis, aut repellentis animum videre noluit, qui in hoc solo gaudere nouerat, quod obediuit. Præceptum namque in hoc solum pensari debet, quod maioris præceptum est, & qui obedientiæ bonum exequitur, non inunctum opus debet considerare, sed fructum.

VELOCES tandem simus in audiendis, & exequendis diuinis præceptis, quod in terris similes simus spiritibus Angelicis potentibus virtute ad audiendam, & exequendam vocem Domini. Quæ ratione D. Bonauent. tom. 2. de Ecclesiast. Hierarch. comparat obediētes principatibus cœlestibus, qui, vt inquit Dionys. ab eo relatus, ad principalem principatum Dei formiter sunt motiui. Qui ergo, inquit Bonauen. suis maioribus humiliter obtemperât, in se principatum ordinem repræsentant, & de ministris Dei dicitur: *Ibani ad similitudinem fulguris cornuscant*: quod miram celeritatem in.

in obedientia significat: licet enim fulgura celeriter accendantur, semper tamen aliqua temporis mora interponitur, qua ignis possit materiam superare: coruscare autem possunt vno, & eodem temporis puncto per vniuersam aëris regionem: sic itidem & animalia mysteriis plena cursum suum ad spiritus iussionem incitabant, ut arsisse, vel potius effulsisse tanquam fulgura viderentur. Hanc ergo diligentiam, & promptitudinem obedientiae nobis hoc loco commendat Iacobus, dum ait: *Sit autem omnis homo velox, &c.*

§. IV.

Quantum conducat tarditas ad loquendum, & praemeditatio sermonis.

POST QVAM audiendi celeritatem docuit Apostolus, tarditatem iam praecipit in his, quae periculosam habent administrationem, ut sunt loqui, & ita sci. *Tardus*, inquit, *ad loquendum, & tardus ad iram*. Nam & inconsulta loquutio, & incircumspecta ira non nouit vnquam in debitum desinere, sicut hic aduertit Oecumen. Ideoque Aug. in Psal. 139. ex hoc loco sic deducit, qualis debeat esse seruus Dei; ut magis, inquit, optet audire, quam dicere, sicut scriptum est. *Sit autem omnis homo velox ad audiendum, tardus autem ad loquendum*, & si fieri potest, hoc cupiat, non habere necessitatem loquendi. Vnde & Ioannes non tam gaudebat, quia loquebatur, sed gaudebat, quia audiebat. Ait enim: *Amicus sponsi stat, & audiit eum, & gaudium gaudet propter vocem sponsi*. Gaudium tibi sit in auditione Dei, & necessitas tibi sit in loquutione tua. Et Nazian. Orat. 2. Apologet. reddens rationem huius dicti Augustini, ita ait: Semper minus periculosum esse audire quam loqui existimetis, ac proinde libentius de Deo quidpiam discatis, quam doceatis.

IN quam sententiam notauit Ambros. Psalm. 38. illud Salomonis: *Labia sapientis alligata sunt intellectu*. Quando ergo, inquit, vides illud dentibus protoruis sapientem tacere, dic, ligauit iste intellectu labia sua, seruat thesaurum cordis sui, ut argentum eloquij sui examinatum, & purgatum quando oportet, proferat, ne quispiam prius fur in cor eius, aut perturbator irrumpat, & ad eos captiuum trahat, quibus flagitia sua vendat. Sic similiter Bernard. lib. de ordine vit. dixit: Alliga, moneo, sermonem tuum ne luxuriat, sit restrictior, & ripis ipsius coërceatur, citò lutū colligit amnis exundans. Quibus verbis videtur ostendere Bernard. in multiloquio non decesse stultitiam, & peccatum, sicut dixit Salomon. Quod optimè explicat appposita similitudo inundantis fluij.

NE c minus praesens institutum conficit id quod dixit Ecclesiasticus: *Verbis tuis facio stateram*; quem locum sic interpretatur D. Ambros. 1. de Offic. cap. 18. sic. cap. 3. dicens: Lingua tua menti subdita sit, ad mensuram sermones proferat libra examinatos iustitiae, ut sit grauitas in sensu, in sermone

Paëz in Epist. B. Iacobi.

AA pon

Psal. 44. pondus, atque in verbis modus. Hoc se fecisse gloriatur Dauid iuxta expositionem D. Hilarij, cum dixit: *Lingua mea calamus scribe*. Intelligentis lingua, inquit Hilar. in Psalm. 51. ex meditatione sapientiae sit, & eadem rursus tanquam calamus scribentis, nihil incompositum, nihil incertum agat, sed his quae aut cogitata, aut lecta fuerint, obtemperans celeriter ex ratione consilij obsecundet. Vnde Gellius lib. 10. cap. 25. refert ex Capitolino, taciturnitatem esse consiliorum thesaurum. Et apud Persas, teste Curtio lib. 4. ad finem, vetus disciplina silentium vitae sanxit periculo.

Hic habet similia Gregor. homil. 11. in Ezechiel. Quasi, inquit, quoddam nutrimentum verbi est censura silentij, & per excrecentem gratiam sermonem accipit, qui prius ordinate per humilitatem tacet. Vbi quasi emortua, inania, & famelica ea appellat verba, quae à silentio non procedunt. Videndusque est idem Gregor. 7. Moral. cap. ultim. & 3. part. curae **Psal. 140.** Pastoralis, cum ponderat id quod dixit Dauid: *Pone Domine custodiam ori meo, & ostium circumstantia labijs meis*. Qui ergo, inquit, ori suo poni non obstaculum, sed ostium petiit, aperte docuit, quod & per disciplinam retineri lingua debeat, & ex necessitate laxari, quamvis os discretum & congruo tempore vox aperiat, & congruo taciturnitas claudat. Similemque expositionem affert Hugo Victorin. lib. de Claustro animae: Ostium dixit, non murum, si enim murus poneretur, loquendi licentia omnino negari videretur, sed ostium ponitur, quod & tempore, & loco clauditur, & aperitur. Est tempus & locus tacendi, & loquendi.

NEQUE huic ostio deest clavis, quam dixit esse rationem D. Chrysost. in Pl. 50. Os nostrum, inquit, perpetuo custodiamus, rationem ei tanquam clauem adhibentes, alioqui ostium semper patens incurfibus inimicorum facile ab eisdem diripietur, & tota domus solo aequabitur. Quod etiam confirmat illud Ambros. 1. Offic. cap. 3. vbi notauit quod dixerat Ecclesiastic. **Cap. 18.** *Aurum, & argentum tuum alliga*; Argentum, inquit ille, tuum, eloquium tuum est; quasi velit ex ea ratione claudendum esse velut aurum, & argentum, ne furibus pateat, sed claue rationis aperiendum os pro tempore, & ratione.

SEMPER mihi placuit id quod aduertit Plut. in institut. Laconic. Cephisophontem professum de quavis re per integrum diem se dicere posse, vrbe sua Lacones eieciisse, dicentes; boni Oratoris (addimus, & probi etiam viri) esse orationem rebus aequalem habere. Necessarium enim erat huiusmodi Oratori velocem nimis in dicendo, facilemque ad loquendum esse, qui in re parui momenti tantam inueniret dicendi materiam: at verò dicendi modus rei subiectae debet adaequari, alioqui extra mensuram vel veritatis, vel dignitatis foede egredietur. Sicut notauit Clem. Alex. 1. Strom. Scriptura, inquit ille, ait, ne sis prolixus in sermone; dictio enim est tanquam vestis in corpore, res autem sunt carnes, & nerui; debet igitur sermo adaptari materiae de qua habetur: qua in re apertissime falluntur homines, qui quoddam multa loquantur, eloquentes se reputari
exi

existimant, cum vel tacendi imperitiam testentur, vel stultitiam in mutilo-
quo indicent. Primum dixit Philo lib. *Quod deter. prior*, &c. his verbis. Qui
narrant, quæ non decet non eloquentiam ostentant, sed silendi impoten-
tiam. Contra quos Prouerb. 3. dixit Sapiens: *Fili, ne desinas*; quæ verba Prouerb. 3.
sic exponit D. Ambros. Serm. 4. in Psal. 118. Quicumque, inquit, est faci-
lis in verbis, velut plenus rimarum hac, atque illac effluens, interiora
enacuat sua, & exterioribus passionibus inundatur, tegere se nesciens,
nec tenere verbum, quod acceperit. Secundum probat illud Ecclesiastic.
Sagitta infixæ femori canis, sic verbum in corde stulti: sicut etenim canis non acqui-
escit donec resiliendo infixam excutiat sagittam, sic stultus, & impru-
dens non poterit consistere, donec quicquid conceperit, ore effutiat, &
euomat. Quæ fuit ratio cur Cicero 3. de Orat. appellauerit stultitiam lo-
quacem, quia nequit stultitia tacere dum debet; imò & eadem sunt signa
stultitiæ, & loquacitatis; quod notauit Plin. lib. 11. cap. 52. ubi ait; *auri-
cularum magnitudinem stultiæ, & loquacitatis notam esse.*

LOQUACITATEM igitur innocentiae, virtutisque naufragium, atque
incentium prolaptionis, & culpæ, sicut eam appellat Ambros. in Psal.
36. reprehendit Iacobus, dum nos tardos esse ad loquendum iubet, infir-
mul docens hoc necessarium esse, ut securius, & melius loquamur. Quod
ostendit ea excusatio, quam Moyses proposuit Deo, dum ipsum ad lega-
tionem mitteret; sic enim ait: *Obsecro Domine, non sum eloquens ab heri, & nu-
dius tertius, & ex quo loquutus es ad seruum tuum, impeditioris, & tardioris lingue* Exod. 4.
sum. Qui locus videtur contrarius illi alteri, ubi Stephanus de Moyse di-
cit; *Erat potens in verbis, & operibus suis*, id est, erat eloquens, iuxta Ori-
genis expositionem homil. 3. in Exod. quam affert Carthusian. At verò Act. 7.
cum se ineloquentem appellauit, Dei comparatione loquutus est. Hugo
Victorin. aliam probabilem expositionem assignat, qua docet nihil obesse
huic, quam Stephanus videtur affirmare, eloquentiæ, in eloquentiam
quam de se Moyses profitebatur in Exodo. Nam dicit, tamen si ex aliorum
sententia, propterea se non eloquentem dixisse, quia diu moratus fuerat
in terra Madian, videlicet per quadraginta annos, ac proinde oblitus
erat linguæ Ægyptiacæ, ut ei Aaron frater, qui ex Ægypto non discesse-
rat, dandus interpretes fuerit. Vtraque istarum expositionum probabilis est.
Verum huic postremæ ob stare videtur ipse Textus, dicit etenim Moyses;
ab heri, & nudius tertius, & ex quo loquutus es ad seruum tuum. Attamen Caietan.
illud poni vult pro præcedente tempore, & longo. Ex quo sequitur
horum verborum sensum esse: Ita iam impeditus sum ad loquendum ex-
pedite coram Ægyptiis ipsorum lingua, ut neque colloquio tuo, qui lin-
guas infantium facis esse disertas, amotum fuerit id impedimentum. Ad
præsens verò institutum maxime facit id quod Græcus Auctor. in Catena
ait; scilicet, Moyseni fuisse tardum ad loquendum, quia ita se alluebat, erat,
ut tutius, cautiùsque loqueretur: quod confirmat doctrina Naz. Orat. in Qua-
drages. ieiunij tempus: ubi reddens rationem, cur diu à sermone, & loquutione

abstinuerit, ait: Vt res similitudine illustrior fiat; is qui ex longo intervallo sagittam mittens, scopum tamen attigerit, ille utique propius collimans, à scopo haudquaquam aberrabit, is qui amplissima maria naui transmiserit, idem quoque vicina littora legere minimè dubitabit, qui maioribus rebus superior extitit, minores quoque conficiet. Atque hæc mihi causa fuit, cur sermonis vim omnino constringerem, sic enim fore speravi, ut non iam ex ore meo immodicus sermo exundet. Lingua multa quæ tæta esse oportebat, in hominum aures euomuntur. Hæc sæpe ex animo perturbato, grauius ira percito conuictiorum omnis generis velut spumam quandam extra diffundit, omni eam loquendi difficultate ad certum tempus orbaui; sic fiet, ut mediocritatem postea minimè aspernetur sermone domito, atque represso, iræ quoque fluctus non quidem facile, sed tamen domatur. Hæc Nazianz. cui addendus est Amb. Ser. 22. in Psal. 118. cum

Ecl. 18. linguæ applicat id quod dicitur de auribus. *Sepi aurem tuam spinis.* Vtinam, inquit, & linguam obsepas, ne loquaris, quæ sæculi sunt, audias quæ sæculi. Quæ verba eadem videntur esse cum verbis Iacobi; *Veloce ad audiendum; tardus autem ad loquendum.* Cuius tarditatis rationem reddit in Psalm. 38. Non omne, inquit, otiosum verbum, & criminofum est, attamen omne quod non fructuosum, periculosum est, & eradicabile.

V I D E N D U S etiam Plut. lib. de educand. liber. *Quod tacitum,* inquit, *fuit, facile datur eloqui, quod dictum est, inditum fieri nullo modo potest.* Et lib. de auditione sic ait. *Epaminondam laudans Spintarus aiebat; non facile se cum alio rem habuisse, qui & plura nosset, & pauciora diceret. Ac naturā animi propterea unicuique nostrum duas dedisse aures, unam linguam, quod pauciora loqui debemus quam audire.* Quæ omnia manifestè ostendunt quàm rectè Iacobus dixerit tardum debere esse hominem ad loquendum. Quod si plura adhuc velit loqui, secum quidem loquatur, sicut notauit Seneca epist. 16. dicens: *Nihil proderit aq̃uè minimū cum alijs loqui, & plurimū seculum.*

§. V.

Viriosa aliquando ostenditur taciturnitas.

ICET totus hic locus ostendat non esse totum spiritum proferendum; quod de stulto dixit Salomon, sed in posterum reservandum, & vsque ad tempus tacendum, quod in Sponsa laudatum esse allerit Ambr. quando ei à Diuino Spōso dicitur: *Oculi tui sicut columbæ extra taciturnitatem tuam,* quæ postrema verba desumpsit ex c. 4. Cant. iuxta versionem Septuaginta Interpretum. Ideo verò hoc dictum esse putat, quod & spiritualiter videat, & nouerit tempus tacendi esse, & tempus loquendi, ut in tempore sermonem suum proferat. Quia verò ante hæc verba extra *taciturnitatem tuam* dixerat Spōsus: *Sicut cortex mali punici genatus:* videamus quomodo Philo Episcopus hæc verba exponat. Comparatur, inquit, sancta anima malo punico,

punico, quia fouet in sinu suo cogitationum, & desideriorum optimorum grana pulcherrima, quæ se opportuno tempore promunt, & aperiunt. Tempore igitur accommodato præmeditata verba debet prudens Christianus loqui, quod si non faciat, vicio illi vertendum erit, maximè si in publico loco constitutus sit, qui si taceat, meritò cum Propheta potest dicere. *Va mihi quia taciui*; quæ verba sic explicat D. Grego. 7. Moral. c. 17. dicens: Plerumque nimis taciti dum quorundam mala respiciunt, & tamen in silentio linguam premunt, quasi cōspectis vulneribus vsum medicaminis subtrahunt, & mortis auctores fiunt, quòd virus, quod poterant eiecere loquendo noluerunt. Vnde & immoderatum silentium, si vitium non esset, Propheta non diceret; *Va mihi, quia taciui*. Et Hilarius lib. contra Constantium Augustum ait: Tempus est loquendi, quia iam præterit tempus tacendi, clament Pastores, quia iam mercenarij fugerunt, vltiùs tacere dissidentie signum est, non modestie ratio, quia non minùs periculi est semper tacuisse, quàm nunquam, neque immatura loquor, qui diu taciui, nec sine modestia taciui, qui aliquando iam loquor, & ne quidem ex causa mea loqui existimater, tantum adhibui ad silentium tempus. Similiâque habet N. zian. Orat. ad 150. Episcopos. De aliquibus, inquit, Ecclesiæ Prælati alij pietatem fugiunt; vt tamen pietatem libera oratione promulgare non audeant, siue certo consilio, & dispensatione, sine metu, atque ignauia eò confugientes, vt qui animo quidem, & mente sani sint, vt affirmât, ceterû plebis sanitati minimè consulât, perinde ac si ipsis nō aliorum, sed sui dumtaxat cura, & præfectura commissâ sit. Quæ de re videndus est Bernar. 1. de Considerat. & Gregor. 3. p. Pastoral. admonitione 15.

Esd. 6.

ALIQUANDO etiam debemus loqui, ne quis modestiam in conscientiam ducat, sicut dixit Sallust. in bello Iugurthino; ne quis ex nostro silentio deducat esse culpæ obnoxios. Quæ etiam ratione Salomon dixit. *Respondet stulto iuxta stultitiam suam, ne sibi sapiens esse videatur*. Quod confirmat Basil. epist. 75. vbi sic habet. Quoniam multos iam silentium nostrum eò rapuisse video, vt ex illo intentas calumnias confirmarent, nos quoque non lenitatis, ac patientie gratiâ, sed quòd ad exprimendam veritatem os aperire neutiquam ausim, eoque silere me arbitrantur, ob eam vobis causam scribere conatus sum. Et Climachus gradu 4. dixit: Non minùs periculosum semper tacuisse, quàm nunquam; alioqui Elaias vix sibi non dixisset, quia tacuit.

Prov. 16.

ALIQUANDO denique licet modestè loqui, vt exitum aliquem dolori aperiamus, ne interclusus recrudescat, vt maiori tandem impetu extrà feratur. Quod dixit Philo lib. de Ioseph, de ipsius fratribus cum post enarratum somnium odio habentibus. Tegentes, inquit, odium, & dispensantes in tempus aliud, vnde magis angebatur in dies (scilicet odium) nam affectus qui premuntur, ne per verba expirent, grauiores redduntur. Et lib. de somniis dixit: Affectibus, ceu animæ vulneribus oratio remedium est saluberrimum, proindeque aliquando licet loqui, neque id prohibet Iacobus, sed immaturè loqui, dum ait: *tardus autem ad loquendum*

AA 3

§ VI.

Accommodata etæ requiritur ad docendum, & prædicandum.

Hic locus secundum mentem Bedæ, admonet aurem quanto citius fieri potest, accommodadam esse docenti, serò autem os aperiendum ad doctrinam. Et in hoc sensu apertè est contra eos, qui ante tempus, docendi, ac prædicandi prouinciam assumunt, cum tamen ad docendum diu prius edoceri sit necesse, quia prædicandi scientia quodammodo Angelica est, sicut dixit Clemens Alexand. 1. Strom. ac proinde non cuique conuenit. Vnde Cyprian. lib. de Ieiunio, & Tentation. ait; hæc ætate (scilicet tricesimo anno Christi) tempus doctrinæ insinuatum esse rationabile, & ante has metas perperam inuadi magisterium. Data est forma, quia non competit annis impuberibus sedere in Cathedra, & in primogenitis bouum aratio prohibita est. Et Clem. Alexan. 2. Pædag. c. 7. probatam ætatem in Oratore requirit. Probata, inquit, ætate bona est oratio.

Deut. 15.

E t Nazianz. Orat. 39. quæ est in sancta lumina, notauit, cur Christus ante prædicationem, & miracula, ad trigessimum annum uoluerit à Ioanne baptizari. Et respondet: Quæ res nobis documento esse debet, adhibendam prius esse purgationem, nec antè suscipiendam esse concionandi prouinciam, quàm ad spiritualis, & corporeæ ætatis perfectionem ventum fuerit: hoc ad eos spectat, qui iuuenili ætati confidunt, atque ad instruendam doctrina plebem, aut Ecclesiæ præfecturam amplectendam tempus omne idoneum esse arbitrantur. Iesus trigessimum annum agens, & tu ante lanuginem senes doces, aut docere posse credis, nec ab ætate, nec à moribus fortasse auctoritatem habens? Ac deinde hic Daniel profertur, ac nonnulli alij iuuenili ætate Iudicij munere functi, atque in ore, & lingua exempla sunt. Quisquis enim iniuste aliquid admittit, facti sui defensiones in promptu habet: at pro Ecclesiæ lege nequaquam censendum est quod tarò accidit, quandoquidem nec hirundo vna ver, nec geometram linea vna, nec denique nautam vna nauigatio facit. Hæc Nazian. Similia habet Orat. in sanctum Baptisma. Quæ etiam doctrina confirmatur ex D. Greg. Papa lib. 11. Moral. c. 4. ubi ita habet: Infirma ætas etiam cum rectè sapit, ad prædicandum non debet incautè profilire, ideòque subditur, *In antiquis est sapientia,*

Job. 12.

& in multo tempore prudentia. Illa enim dicta in sapientiæ radice solidata sūt, quæ per viuendi vsum etiam actuum experimento conualescunt.

PLURA hac de re habet homil. 1. in Ezech. ibi. *Et factum est in tricesimo anno.* Et in hoc sensu etiam D. Thom. 3. p. q. 36. art. 4. respondet secundo argumento quod sibi proposuerat, cur scilicet Christus cum à principio suæ conceptionis habuerit sapientiæ, & scientiæ thesaurum, non citius prædicare cœperit. Dicitque quodd licet sapientiæ abscondita sit inutilis, non tamen ad sapientem pertinet, ut quolibet tempore manifestet seipsum, sed tempore congruo. Dicit enim Ecclesiast. 20. *Est tacens non habens sensum loquela, & est tacens, sciens tempus apti temporis.* Sic ergo sapientia Christo

Eccl. 20.

da

data non fuit inutilis, quia seipsum tempore congruo manifestavit, & hoc ipsum, quod tempore congruo abscondebatur, est sapientiæ indicium.

MERITO igitur Iacobus docet Christianum hominem tardum esse debere ad loquendum, maximè in publicis Ecclesiæ conuentibus, & non nisi probatum, legitimèque missum docendi munus debere usurpare, ne temerè, & illotis manibus in suggestum prodeat, dicturusque circumspectus sit, & prudens, ne lingua mentem præcurrat, priusque tandem sit humilis discipulus, prudensque auditor, quàm Magister, aut Doctor.

§. V I I.

Agitur contra vitium ira.

AD MONET tertio Apostolus, ut tardi, ac pigri simus ad iram; quæ in re, & prudentem Doctorem, & optimum medicum se præbet, dum mortifero, naturali tamen morbo remedium adhibet. Quod etiam notauit Ambrosius in exhortat. ad Virgines; dum expendit illud Psalm. *Irasimini, & nolite peccare.* Non quod, inquit, imperaret iracundiam, sed quò id quod naturæ esset, & auferri non posset, & quasi bonus medicus remedium daret, ut ipsa iracundia non noceret. Et epist. 82. explicans eadem verba Psalm. Indulget, inquit, naturæ quam homo præuenire non potest, mitigare potest. Quod etiam docuit Hieron. tom. 4. in regula Monachorum, cum ait: Grandis offensa, nolle placare offensum, quanquam affectus, & perturbationes, quandiu in tabernaculo huius corporis habitamus, & fragili carne circumdamur, moderari, & regere possumus, amputare non possumus. Ideo Psalmista dicit: *Irasimini, & nolite peccare*; quia irasci hominis est, & finem iræ ponere Christiani, alioqui mortifera omnino reddetur.

AGRESTIS venator, & ferarum insectator Esau, qui totus iracundiam redolebat, seruitio Iacobi fratris mansuetissimi incipitur, cuiusque seruus constituitur. *Dominum*, inquit Isaac, *et cum illum conspici*: quod scilicet effrenata ira pro libito non exardesceret, & velox non prorumperet. Rectè, inquit Ambrosius lib. 2. de Iacob, & vit. beat. cap. 3. eum subdidit, ut regentis imperio suum melioraret affectum. Domina est pietas crudelitatis, mansuetudo duris moribus præstat; & cætera quæ prosequitur in hanc sententiam. Cohibenda proinde est ira, & tarditate domanda, ne præceps feratur, rationemque præcipitem agat: ideoque Paulus dixit: *Pax Dei exultat in cordibus vestris.* Græcum autem verbum, pro quo Vulgatus translulit, *exulter*, significat *vincere*, vel *palmam ferre*, ideoque Biblia Regia habent: *Pax Dei superet in cordibus vestris.* Et Pagnin. *Pax Dei palmam ferat*, quasi dixerit Paulus: Quando cum aduersario contendis, & ira exacerbante furere incipis, non vincat, neque exardescat iracundia, sed brauium, & palmam ferat pax, & rationes, quæ ad pacem conducunt. Quam etiam expositionem sequitur Theodoret. dicit enim: Si quis ab aliquo molestiam acceperit, habeat in corde pacem Agonothetæ officio fungentem, & regentem.

DEBET

DEBET itaque vir prudens tardus esse ad iram, cohibendo illam rationis frano, ne per futorem excurrat. Vnde Beda hoc loco ita ait: Non velocitatem iræ vetat, vt tarditatem approbet, sed admonet, vt hora perturbationis, ac litium, ne nobis ira subrepat, caueamus, aut si subreperit, intra oris septa eius cohibeamus impetum, & exacta hora ad integrum à nostro corde expurgemus. Quomodo etiam D. Thom. ad Ephes. 5. lect. 8. exponit illud: *Sol non occidat super iracundiam vestram*, id est, non obtenebretur dictamen rationis. Et Ambros. 1. Off. c. 21. Iracundia, inquit, caueatur, aut si præcaueri non potest, cohibeatur, si præuideri potest, ratione opprimatur, aut si prius occupatus fuerit animus ab indignatione, quàm consilio prospici, ac prouideri potuerit ne occuparetur; meditare quomodo motum animi tui vincas, iracundiam temperes. Ergo si præuenerit iracundia, & accenderit in te, nō relinquas locum tuum, locus tuus patientia est, locus tuus sapientia est, locus tuus ratio est, locus tuus sedatio indignationis est. Non mediocriter est mitigare iracundiam, non inferius quàm omnino non commoueri: hoc nostrum est, illud naturæ. Et Bern. Serm. 29. in Cant. Commotio tua ibi moriatur, vbi oritur, nec permittatur exire, quæ mortem portat, ne perimat, vt possis dicere cum Propheta: *Turbatus sum, & non sum loquutus*. Et Basil. homil. de Ira: Da tempus, inquit, ad optimam eligendā partem opportunum: nam è duobus alterum proculdubio consequeris, aut inimicum tuæ mansuetudinis exemplo mitiorem reddes, vel certe si despexeris, acrius illum vindicabis. Quid enim aduersario durius esse potest, quàm te animum gerere contumeliis omnibus altiores? Noli tuam perfundere mentem; sine illum frustra te allatrare, in se ipso disrumpi, ardebit magis, & animo æstuiabit.

PRÆSENTEMQVE Iacobi locum iubet opponi iis, qui sæpe, ac celeriter ob res etiam nullius momenti irascuntur, atque indignantur, Ephrem de virtut. & vit. titulo de Iracundia. Pro qua re etiam videndus est Chrysost. hom. 3. de Dauide, & Saule. Et Greg. lib. 5. Moral. cap. 30. vbi ita habet. Quoties turbulentos motus animi restringimus, ad similitudinem redire Conditoris nitimur. Videndus item Plutar. lib. de cohibenda iracundia; vbi docet, in ea ad silentium, veluti in portum recipiendam animam, quam ira aggreditur. Similiāque habet lib. de fera numinis vindicta. Et Senec. lib. 3. de Ira c. 11. *Maximum*, inquit, *remedium ira dilatio est; vt primus eius feruor relanguescat, & caligo, qua premit mentem, aut resideat, aut minus densa sit*. Quod fecit, sicut docebat Diogenes, teste eodem Seneca c. 37. eiusdem lib. qui cū disputaret de ira, adolefcens quidam ei in faciem conspuit, cui ille respondit: Non quidem irascor, sed dubito an irasci oporteat. Videndus etiam Philo lib. 2. legis allegoriarum, cū explicat illud: *Impone super rationale doctrinam, & veritatem*; in remedium furentis iræ. Et Epictet. in Enchiridio cap. 12. & 21.

DEBEMVS etiam locum iræ dare, quia velocitas in iracundia, maxime circa conuitia illata, eorundem confessio est, tarditas verò innocentie contestatio est. Quod notauit Amb. lib. 2. de Interpellatione c. 2. cū
ponde

ponderat ea verba Iob. in c. 19. *Ecce video in opprobriis, & non loquar, nec respon-* ^{1ob. 19.}
debo conuiuiis vestris. Imitemur, ait Ambr. hunc virum, qui silentio suo redar-
 guebat conuiuitantes; ostendebat enim virtutem animi sui, quem contume-
 liæ non mouerent, & conscientia innocentiam manifestabat, qui obiecta
 crimina non recognosceret, sed quasi aliena videret. At si nobis aliquid
 obiciatur, dum nos purgare volumus, acerbamus, dum vlcisci cupimus,
 confitemur. Quod ipsum etiam probat Nazian. Orat. 3. contra Iulianum.
 Ex eo quod ait Paulus; *Maledicimur, & benedicimus*; quod scilicet, non tam ^{1. Cor. 4.}
 obiectum crimen, quàm veritas ipsa nos lædat, proindeque non excande-
 scimus ob iniurias illatas.

Hoc ostendit Seneca accommodato exemplo eorum, qui ægritudine
 maxima laborant, qui si vel leuiter tangerentur, statim irascuntur, & exclamant: *Vi*
uicera, inquit lib. 3. de ira c. 7. *ad leuem tactum, deinde etiam ad sus-*
spicionem tactus condolescunt, ita affectus animus minimis offenditur, adeo ut quosdam
salutatio, epistola, oratio, & interrogatio ad litem euocent; nunquam sine querela agri
tanguntur. Et lib. de ira c. 3. *Imbecilla se ladi putant, si tangantur. Si ergo velocius*
excandescent, & velox sis ad querelas, agrum te profecto fateris, & laborantem obiecta
morbo indicas, alioqui tardus esses ad iram. In quam sententiam notauit August.
 Ser. 1. 18. de Tempore; Christum Dominum ad obiecta crimina in passione
 nihil respondisse. Ambiat, inquit, defendi qui metuit superari, festinet lo-
 qui, qui timet vinci, nolo sic defendi iustitiam, sicut solet iniquitas excusa-
 ri. Susanna inter inimicos tacuit, & vicit. ^{Dan. 13.}

Nisi forte ea sit ratio ob quam nos Iacobus tardos ad iram esse velit,
 ut nihil omnino exequamur, nisi postquam expergefacti ab ira resipueri-
 mus: est enim quedam mentis insania, proindeque in ea retardandi sumus,
 ad imitationem Dei, cuius ira tam tarda est, ut in sacra Scriptura idem sit
 Deum irasci, atque differre. Vnde Ps. 83. *Distulisti Christum tuum*; Hierony. ^{Psal. 83.}
transulit, iratus es aduersus Christum tuum, & Ps. 77. Audiuisti Dominus, & distu- ^{Psal. 77.}
lit. i. excauidit, & iratus est: statim namque additur, & ignis accensus est in Ia-
cob, & ira ascendit in Israël.

Pro nostraque eruditione facit id quod notauit Hierony. epist. 83.
 ponderans ea verba Pauli 1. Timot. 3. *Non vinolentum, non percussorem, sed mo-* ^{1. Tim. 3.}
destum. Vnum, inquit, apposuit bonum duobus malis, ut temulentia, & ira
 modestia refrænentur, sicut enim ebrius ligari, seu teneri debet donec in
 mentem reducatur; quidquid enim tunc temporis fecerit, rationi dissonum
 erit, sic & ira percitus, quam appellauit ebrietatem Origen. hom. 7. in Le-
 uit. & insaniam Basil. hom. de ira; debet proinde retineri, & retardari ab
 executione, iracundia affectus, donec rationis compos factus, mentique
 redditus secundum normam rationis possit operari, alioqui nisi tardus
 fuerit ad rem, & velox in ea cohibenda, tardus erit in illa, quia non tam
 cito cessabit. Quod notauit Tertull. in eo quod dicit Paulus: *Sol non occidas* ^{Ephef. 4.}
super iracundiam vestram; alioqui non iam passio, sed diuturnus morbus erit.
 Quibus habet similia Aug. in Psal. 25.

REM hanc explicauit Chrysost. hom. 3. in Ioan. dicens: Vehemens
Pater in Epist. B. Iacobi. BB affectus

affectus iræ est, nisi mox sedetur, hic morbus multas generat calamitates, domos, & familias totas euertit, veteres dissoluit consuetudines. Occurrendum igitur erit, ne præceps in exequutionem feratur. Pro qua re celebre est illud apud Platonem, cum baculum contra feruum sustulisset, longo sic constitit tempore, iram, ut ipse aiebat, puniens, & coercens, nolensque iuxta iræ impetum operari. Quod etiam notauit Ambros. de obitu Theodosij in eodem Imperatore, cum dicit: Beneficium se putabat augustæ memoriæ Theodosius, & tunc propior erat veniæ, cum fuisset commotio maior iracundiæ. Prærogatiua ignoscendi erat, indignatum fuisse, & optabatur in eo quod in aliis timebatur, ut irasceretur. Similiâque habet in Exhortat. ad Virgines; ubi ponderat illud Sapientis: *Noli festinare in spiritu tuo irasci, quia ira in sinu stultorum requiescit*, hoc est, et si causa sit, quæ moueat indignationem, non sit festina vindicta, ne immoderatio calor indignationis exæstuet; non potest auferri, quod naturalis est motus, sed moram inserit, ut medicina consilij temperet iracundiam. Est enim ira grauis passio, sicut dixit idem Ambros. in Psal. 36. Volentemque mitius iudicare, in furorem rapit, ut perimat quem putauerit coercendum, sæpe transuerberat innocentem, amicos, & fratres plurimi peremerunt.

QVAPROPTER laudandum est illud Rom. Decretum Tiberio Augusto, & Germanico secundo Coll. quo statutum est ne sententia mortis damnatus intra decimum diem occideretur; sicut notauit Baronius tom. 1. Annal. Et ne adhuc aliqua suspicio iracundiæ remaneret, spatium dilatauit Theodosius Imperator Catholicus, qui, sicut refert Euseb. Cæsariens. fanciuit ne sententia mortis exequutioni mandaretur usque ad diem trigessimum.

FACIT etiam id quod notauit Plut. lib. Problem. ubi reddit rationem, cur Consules Romani lictores sibi præeuntes ducerent, qui facem virgarum simul cum securi asportarent, ut indicarent scilicet, si tandem ad plectendum aliquem deueniendum esset, saltem in soluendis virgis, & præparandis ad supplicium tempus aliquod consumi, ad sedandam iracundiam.

Vnde Salomon dixit: *Fatum statim indicat iram suam*, vel ut alij legunt, teste Hierony. *pronunciat iram suam*, per exequutionem scilicet, quæ in imprudentibus celerrima est. Et hæc est ratio, sicut notauit Augusti. cur Matt. 7. ira leui festuæ comparatur. Vnde Chrysost. hom. 2. de Dauide, & Saule, notat qualiter Dauid iracundiam vicerit aduersus Saulem, quem in spelunca facile potuit occidere. Egressus est, inquit, Dauid de spelunca tanta cum gloria cum quanta tres pueri egressi sunt e camino ardenti. Nam quemadmodum illos non exussit ignis, ita hic non conflagrauit iræ incendio, & illis quidem foris nihil ignis in quo versabantur, nocuit, hic vero cum intus haberet carbones accensos, cum foris videret diabolium caminum incendentem, idque variis modis, ab inimici conspectu, ab exhortatione militum, à solitudine eorum, qui Saüli possent auxiliari, à præteritorum memoria, à futurorum periculorum metu, tamen non exarsit Dauid, sed exiuit purus, & intuitus inimici faciæ, hinc maxime sumpsit animi fortem, ac

phi

philosophicum, & quemadmodum Daniel ascendit à lacu superatis Leonibus, ita hic sauioribus animi motibus superatis. Ad imitationem proinde Davidis, & iuxta doctrinam Apostoli, tardi debemus esse ad iræ commotionem, vel ad iræ executionem. Dan. 14.

§. VI.

Quantum conducat mansuetudo ad virtutem.

Hæc insuper, & sequentia verba mitem, ac sedatum animum proclamant, & mansuetudinem prædicant, quæ tam decet Sanctos viros, ut sanctificationem perfectam absque tarditate ad iram negauerit Ber. Sic enim habet Serm. 5. in vigilia Natiuitatis: Sanctificamini magis de virtute in virtutem proficundo; in quibus tamen sanctificabimur? Legi de quodam dicente Scriptura; *In fide & lenitate ipsum sanctum fecit illum.* Sanè ut perfecta sit sanctificatio, esse mansuetudinem, & socialis vitæ gratiam à Sancto Sanctorum discamus oportet, sicut ait: *Discite à me, quia mitis sum, & humilis corde.* Et hæc est ratio, cur Deus in lege veteri prohibuit edere carnes à bestiis captas, sicut notauit Theodoret. quæst. 5. in Exod. Ut scilicet doceret homines mansuetiorem agere vitam, quæ nihil ferinum, crudele, & iracundum habeat; humanus enim animus nequit Deo placere, aut ei appropinquare, sed cum Caino exulare à Diuino conspectu. Eccl. 45. Math. 11. Exod. 22. Levit. 5.

VIDEAMVS nunc quàm tardi fuerint ad iram qui Deo maximè placuerunt. De Iobo diximus, qui ad opprobria ridebat, & de Dauide; de Moyse verò audiamus Ambrosium 2. Offic. cap. 7. Quantas Moyse à populo illatas absorbebat contumelias, & cum Dominus in insolentes vindicare vellet, se tamen pro populo offerebat frequenter, ut indignationi diuinæ plebem subduceret; quàm miti sermone post iniurias appellabat populum, consolabatur in laboribus, deliniebat oraculis, fouebat operibus? Meritò æstimatus est supra homines, ut vultui eius non possent intendere, sepulcrum eius non repertam crederent, quia sic sibi totius plebis mentes deuinxerat, ut plus eum pro mansuetudine diligerent, quàm pro factis admirarentur. Ij enim qui tardi sunt ad iram, non solum Deo, quem imitantur, admodum placent, sed & hominibus supra modum grati habentur, et si non fuerint minimè grati. Hoc dixit Bernard. Serm. 5. in vigilia Natiuitatis. Hominibus sine lenitate non plus quàm Deo placere sine fide possibile est. Illud autem dixit Chrysost. hom. 2. de Dauide, & Saule. Vbi postquam ostendit ad conspectum hostis Saulis in spelunca non exaruisse, ostendit insuper ideo à suis fuisse magis dilectum. Ex reuerentia, inquit, quam hosti præstitit, re ipsa perspectum habuerunt, quàm beneuolum animum gereret erga suos. Caterum qui mitis est erga eos, à quibus molestia affectus est, multo magis erit erga beneuolos: idcirco postea Dauid non iam ut homini, sed ut Angelo parebant. Et de eodem Dauid prosequitur Ambrosius loco citato. Dauid fortis in prælio, mansuetus in imperio, 1. Reg. 24.

patiens in cōuitio, ferre magis promptus, quàm referre iniurias, ideo tam charus erat omnibus, vt iuuenis ad regnum etiam peteretur inuitus, resistens cogeretur, senex ne praelio interesset à suis rogaretur, quòd mallent omnes pro ipso periclitari, quàm ipsum pro omnibus. Quæ omnia ideo attulimus, vt perspiciamus quanti facienda sit tarditas ad iram, illius præoccupatio, ac repressio, quæ & Deo gratos, ac similes, & hominibus amabiles reddit.

§. I X.

Ira passio iudicium, ac iustitiam tollit.

R E D D I T iam Apostolus rationem, quare furenti iræ debeamus obuiare, & illius suggestiones, ac motus reprimere: *ira enim*, inquit, *viri iustitiam Dei non operatur*, id est, ira præter, aut contra rationis iudicium, iustitiam veram impedit, atque perturbat. Sic intelligit hunc locum D. Greg. 5. Moral. cap. 30. Per iram, inquit, iustitia Dei relinquitur, quia dum perturbata mens sibi rationis iudicium exasperat, omne quod furor suggerit, rectum putat. Quod etiam D. Thom. notauit hic, dum respondet ad eam difficultatem, quam sibi proposuerat, quare scilicet magis dicat Apostolus iustitiam Dei quàm aliam virtutem? Et respondet: quia ira induit magis formam iustitiæ, quàm alterius virtutis. Vnde D. August. epist. 148. ait: Nulli irascēti ira sua videtur iniusta, ita enim inueterascens ira fit odium, dū quasi iusti doloris admixta dulcedo eam intra se detinet, donec totum accescat. Similiâque habet epist. 87. Quod licet intueri in Rege Ægypti, qui

Exod. 1. accensus ira contra Israëlitas, furorem appellat sapiētiam: *Populus Israël*, inquit, *mulius, & fortior nobis est, venite, sapienter opprimamus eum*. Ira itidē quā Gehu

4. Re. 10. contra Achab habebat, cogit eum vt furorem zelum Dei appellet. Ideoque Cassian. lib. 8. Collationum c. 1. iræ mortiferum virus de recessibus animæ nostræ funditus eruendum persuadet, eo quòd nec maturitatem consilij possideat: nec vitæ participes, nec iustitiæ tenaces, sed nec spiritalis quidem, ac veri luminis capaces poterimus existere, nec iustitiæ moderamina valebimus obtinere, quia ira viri iustitiam Dei non operatur.

E S T autem iustitia Dei omnimodè iusta, quia omni prorsus caret passione, quod dixit Sapiens cap. 12. *Tu dominator viriuis cum tranquillitate iudicas*. Et notauit Clem. Alexand. 1. Pædag. Propterea, inquit, vel solus est Iudex, quòd solus sit in quem peccatum non cadit, & liber est ab omnibus humani animi perturbationibus. Quomodo igitur faciet iustitiam Dei ira viri, cum nec etiam pueri, quia facilis ad iram est, iustitia prosit? quod dixit Hierem. *Ecce nescio loqui, quia puer ego sum*; vbi Vatab. ita vertit: *Timeo ne fortius puniam, quàm instituam, quia puer, & iuuenis penè sum*. Vnde Bernard. epist. 257. notans ea verba Psalmi; *Honor regis iudicium diligit*; addit, sed absūt, vt ad præiudicium mansuetudinis; namque si iratum fuerit iudicium,

iudicium, potius inimici odium, quàm Dei iustitiam operabitur, & hostilem vindictam, quàm regiam integritatem, quæ solam emendationem intendit. Cum verò ira, sicut & odium malum intentat, sicut ait D. Thom. 1. 2. q. 46. artic. 6. nullum commercium cum iustitia potest habere, quæ bonum tantummodo intendit, imò magis aliis, quàm sibi prodest, utilitates suas negligit, communia emolumenta præponens.

Quod si aliquando ira Deo tribuitur, audiamus hac de re Hieremiam. *Nunquid me ad iracundiam provocant, dicit Dominus? Nonne semetipsos in confusio-* Hierem 7.
nem vultus sui hoc est: Non irascor ego proprie, nec perturbor, sed ipsi se dignos efficiunt ira mea propter scelera sua, quibus thesaurizant iram, & euadunt vasa iræ. Et sic intelligendus est Lactantius lib. de ira, & D. Tho. Rom 2.
1. 2. q. 47. art. 1. cum dicunt dari in Deo iram, scilicet sine commotione & tristitia, namque idem D. Thom. 1. p. q. 20. art. 1. ait, iram proprie dictam includere imperfectionem, supponit enim tristitiam in irato, neque fieri solet sine aliqua sanguinis commotione, sicut ait Aristot. 2. Rhetor. c. 2. n. 4. Vnde Greg. 32. Moral. cap. 7. furorem illum, quem Deus in die iudicii habiturus describitur, sic explicat: Furor Domini dicitur non perturbatio diuinæ substantiæ, sed super peccatores malè sibi conscios examinatio iusta vindictæ: quanvis enim eum tranquillū in iudicio videat, tamen quia feriendos se ab illo non dubitant, eum suis motibus perturbatum putant. Similia habet Augu. lib. 1. contra aduersarium legis & Prophet. c. 20. Is ergo operabitur iustitiam Dei, qui ipsius tranquillum, & serenum animum in iudicando fuerit imitatus: talis namque, sicut ait ibidem Gregor. districtum iudicium inconcussus exerit, quia permanens mansuetus, iniustos punit. Is autem qui ira ducitur, iustitiam Dei non operatur, proindeque neque iustitiam: sola enim, quæ secundum Deum, & rationem est, nomen iustitiæ mereri debet. Namque, sicut notauit August. Concione 26. in Psalm. 118. Iustitia non solet dicit bona iustitia, vel mala, sicut aliquando dicitur bonum, malumue iudicium, ut cum Christus Dominus dixit: *Relinquit iudicium iudicare;* sed eo ipso iam bona est, quia iustitia est: sic autem non dicitur bona iustitia, vel mala iustitia, sicut non dicitur bonus iustus, vel malus iustus, quia continuò bonus quisque sit iustus. Hæc Augustinus. Ex quibus constat, eum qui iræ locum in animo aperit, iustitiam Dei non operari, imò neque iustitiam. Iob 7.

VEL tandem ideo Iacobus dicit: *Ira viri iustitiam Dei non operatur,* quia ira nunquam relinquit locum, ut quis iustitiam beneuolam, misericordiæque admixtam exequatur, quæ solet esse Dei iustitia, sicut videtur notasse Dauid Psalm. 114. cum ait: *Misericors Dominus, & iustus, & Deus* Ps. 114.
noſter miſereatur. Aduertit autem Ambros. de obitu Theodosij, bis misericordiam Dauidem posuisse, semel verò iustitiam. In medio, inquit, iustitia est gemino septo inclusa misericordiæ, quasi nullum alium exitum Dei iustitia habeat, nisi per misericordiam, quò tandem ad nos beneuola perueniat. Vnde Clem. Alexand. 6. Stromat. Bona est Dei iustitia, & iusta eius bonitas. In ordine planetarum illud obseruare solent Astrologi, Mar-

tem, qui terribilem habet, seu maleuolam influentiam, collaterales habere iouem, & Venerem, qui placidissimi sunt, quod Martis influxus temperetur. Ita & misericordia vndique iustitiam Dei comitatur, quod misericors iustitia sit, sicut & cum iratus est, misericordiae recordatur. Cum ergo iri viri solam vindictam meditetur, clarè patet non posse Dei iustitiam imitari.

§. X.

Quando laudabilis sit ira.

NEQUE VERÒ hic locus est contra rectam, ac iustam iram, eamue prohibet, cum laudabilis sit. Vnde Christus ira seu zelo accensus, flagris expulit de templo eos, qui domum Patris sui faciebant domum negotiationis, & speluncam latronum. Eadem ira fuit in Moysè, quando à Pharaonis aula eiectus est, quando in cultores vituli effraetis sacrarum Legum tabulis excanduit, quando in Dathã, Core, & Abironem diuinam ultionem accersuit. Eadem accensi Phinees, Samuel, Samson, Iéphte, Gedeon, Dauid, Helias, Iosias, Mathatias, Iudas Machabæus, de improbis & sceleratis hominibus populi sui poenas sumperunt. Vnde & Iustinus Martyr q. 80. ad Orthodox. ex facto Elisæi, qui pueros illulores feris discerpandos tradidit, probat seueritatem aduersus inemendabiles esse vtiliorem, quàm patientiam. Hilarius etiam in Psal. 59. ostendit patres pie & misericorditer irasci contra peccata filiorum, & præsentis vindictæ seueritatem adhibere ad salutem Spiritus, sicut Paulus Corinthium incestuosum tradidit Satanæ ad interitum carnis, vt spiritus saluus esset. Et Bernard. 2. de Consideratione, pro præsentis doctrina ad Eugenium Papam, sic ait: Nónne, si exis in agrum mundi, & vides infructuosa, pudebit otiosam iacere securim? Age ergo, puta tempus putationis adesse, si tamen meditationis præiuit, accingere gladio tuo, glorifica manum, & brachium dextrum in faciendo vindictam in nationibus, increpationes in populis: si hæc facis, honorificas ministerium tuum, & ministerium te; non mediocris iste principatus, exturbare malas bestias à terminis tuis, quod greges tui securi in pascua educantur, domabis lupos, sed ouibus non dominaberis.

V I D E N D U S pro hac re D. Aug. Serm. 16. de verb. Domin. & de sermone Domini in monte c. 19. & D. Greg. in Præfat. ad lib. Iob. c. 2. cum ponderat id quod Christus Dominus dixit: *Si habueritis fidem tanquam granum sinapis*. Granum, inquit, sinapis non contritum leue est, si verò conteratur, inardescit, sic vir sanctus in feruorem virtutis vertit, quidquid in illo antè despicabile, infirmumque videbatur. Et Chrysost. hom. 11. in Matt. Iusta ira, inquit, mater disciplinæ. Itaque non solum non peccant, qui cum causâ irascuntur, sed è contrà nisi irati fuerint, peccant, & cætera, quæ prosequitur in hac sententia. Similiâque habet hom. 16. & hom. 3. in Ioan. & homil.

& homil. 6. de laudib. Pauli; vbi ait: quasi enim gladio aciem, ita menti nostræ iræ acumen imposuit Deus, vel natura, vt utamur quando oportet: namque si ira non esset, neque doctrina proficit, neque iudicia itant, neque crimina compescuntur. Et Basil. hom. de ira: Pars animi irascibilis nobis ad multa virtutis opera necessaria, quando veluti miles quidam apud Ducem arma sumens, paratus est eius iussu auxilium præbere; sic si iracundia rationi adiutrix contra peccatum fuerit, neruus est animæ quidem indignatio, fortitudinem, constantiamque ac robur ad res bene, & ordine agendas præbens. Nec enim si contra iniquitatem desit indignatio, & ira, satis eam odio quo decet, persequi poteris. Quamobrem sic existimo, æquè circa diligendam virtutem studium habere, atque aduersus vitium odium retinere oportere: quoniam veluti canis pastori, sic ira rationi obediens, mitis quidem, ac mansueta iuuantibus eam, & à ratione reuocabilis erit; nam canis ad vocem, & ad aspectum alienum toruus, & agrestis, notos verò, &c. Ira similiter optima est, opitulaturque animæ prudenti. Et Oratione contra irascentes, appellat iram bonarum actionum ministram. Gregor. verò 5. Moral. cap. 31. instrumentum, & ancillam virtutis. Et Tullius 4. Tuscul. cotem fortitudinis. Vnde Plato in Philabo, & 4. de Rep. ait; *Fortem, & audacem non posse esse eum, qui non irascitur.* Et Aristoteles 4. Ethic. cap. 5. *Qui non irascuntur pro quibus oportet, & vbi oportet, fatui sunt: neque enim sentire, neque dolere videntur.* Videndus denique Isidor. Pelusiot. lib. 2. epist. 239. & lib. 3. epist. 338. vbi aduertit negligentiam irascendi in filios, quam Heli habuit, acerba morte soluisse. Videndus denique Seneca epist. 58. & lib. 2. de ira. 1. Reg. 4.

Verf. 21. *Propter quod abiicientes omnem immunditiam, & abundantiam malitiæ, in mansuetudine suscipite insitum verbum, quod potest saluare animas vestras.*

EXPOSITIO LITERALIS.



QUÆ radix vnde in nobis ira nascitur, immunditia est, & prauum desiderium, hoc loco subiungit hæc omnia remouenda esse, vt sic facilius relegetur ira, & melius inseratur animabus nostris verbum Euangelij. Prius enim, diuina gratia mediante, immunda omnia, & noxia euellenda sunt, & extirpanda, quemadmodum agricolæ faciunt agrum expurgantes, in quem semen iacturi sunt, & postea Christi doctrina inferenda, vt facilius crescat, & vberius fructificet. Etenim impuritates luxuriæ coinquinare solent terram nostram, sicut Christus Dominus dixit Matthæi 23. *De corde exeunt Mal. 15.* mala cogitationes, homicidia, adulteria, fornicationes, hæc sunt quæ coinquinant hominem. Et ideo Paulus. *Mundemus nos*, inquit, *ab omni inquinamento carnis, & spiritus, perficientes sanctificationem in timore Dei.* Hic igitur primò ponit 1. Cor. 1.

ponit inquinamenta, per immunditiam intellecta, ita enim ferè omnes interpretes exponunt: deinde inquinamenta spiritus monet reicienda per abundantiam malitiæ. Malitia etenim secundum Aug. lib. 50. hom. 20. est nocendi amor, qui delectatur malo alieno. Ambr. verò in Psalm. 118. ait:

Psalm. 118. Malitia nihil aliud est, quàm mentis deprauatio. Et explicans illud; *declinate a me maligni*, ait: Vbi malignitas est, ibi custodia cœlestium mandatorum esse non potest: deponenda proinde malitia, quæ, sicut dixit Achan. de Passione, magis lædit eos à quibus habetur, quàm in quos intenditur, vt qui natura fumus agrestes, & infructuosi, domestico surculo quasi cicuremur, & renouemur, fiatque in nobis noua insitio, qua veluti cum corde nostro verbum auditum coalescat. Vnde Gregor. homil. 9. in Euangelia: Carnis locus proprius terra est, ideo ea quæ de cœlo sunt, illi debent inferi.

Epist. 1. Rom. 1. NE QVE verò nobis vnquam potest placere eorum opinio, qui hunc locum intelligunt de verbo à natura nobis insito: & ideo Paulus appellat verbum salutis, & virtutem Dei ad salutem omni credenti. Et Iacobus. ideo appellat verbum insitum, ad differentiam verbi congeiriti, sicut optime notauit hoc loco Caiet. id est, de foris importatum.

Psalm. 2. Ecclesi. 5. REQVIRIT autem hoc verbum tanquam dispositionem, mansuetudinem, vnde Dauid: *Docetis mites vias suas*; & Syracides; *Esto mansuetus ad audiendum verbum Dei, vt intelligas*. Et Dionys. Arcopag. in epist. ad Demophilum, dicit Moysen propter multam mansuetudinem, Dei apparitione dignum habitum. Et Hilar. relatus à D. Thom. 2. 2. q. 57. art. 4. Per mansuetudinem mentis nostræ habitat Christus in nobis.

EST autem mansuetudo necessaria ad suscipiendum verbum, sicut ait D. Thom. sup. q. 157. art. 4. Primò, faciendo hominem compotem sui per diminutionem iræ. Secundò, quia ad mansuetudinem pertinet, quòd homo non contradicat verbis veritatis, quod plerumque aliqui faciunt ex commotione iræ. Et ideo Aug. 2. de doctrin. Christian. ait: quòd mitescere est non contradicere diuinæ Scripturæ, & doctrinæ. Ideoque immanitas Pharaonis, Herodis, & Pilati effecit, vt verbum Dei à se repellerent. In mansuetudine ergo insitum nobis verbum potest animas nostras saluare, si operi mandetur, operante diuina gratia, sicut dixit Aug. lib. 4. de Doctrina Christiana c. 16. Adiuumenta, inquit, doctrinæ tunc prosunt animæ adhibita per hominem, cum Deus operatur vt profint.

Ioan. 5. SED adhuc ego mansuetudinem hoc in loco intelligo, non vt opponitur iræ, aut immanitati, sed vt dicit quietem, attentionem, & reuerentiam ad audiendum, & conseruandum Dei verbum, & doctrinam regni cœlestis, vt instar boni seminis radices agere possit, & fructum facere in cordibus nostris, quod vtique necessarium est. Vnde Christus Ioan. 5. ait: *Neque vocem eius vnquam audistis, & verbum eius non habetis in vobis manens, quia quem misit Pater, huic vos non credidistis*. Vbi verbum Dei non habere in se manens, nihil est aliud, quàm sacram doctrinam non recipere, ita vt ad quærendum Christum Filium Dei, & res alias spirituales incitarentur, sicut rectè
iti

ibi explicat Cyrill. Alexan. sed instabiles esse, nec locum dare sacræ doctrinæ, vt in cordibus nostris radices agat; vnde Paul. 1. Thessalon. 3. *Cum accepissetis à nobis verbum Dei, accepistis illud non vt verbum hominum, sed (sicut est vere) verbum Dei;* vbi D. Tho. explicat, firmiter in corde tenuistis: est etenim verbum Dei sicut imber, & nix de cælo, quæ inebriat terram, & infundit eam, & germinare facit, teste Isai. c. 55. Proinde in mansuetudine, quiete, auuiditate, ac sollicitudine suscipiendum est, sicut illi, de quibus Act. 17. *Susceperunt verbum cum omni auuiditate, quotidie scrutantes Scripturas.* Et hanc mihi expositionem probat noster Author, cum statim addit immediatè: *Estote factores verbi, & non auditores tantum;* licet enim diuinum verbum efficax, & operatorium sit, debemus nos cooperari diuinæ, ac interiori doctrinæ gratiæ: quo sensu factores verbi audientes erimus. Ad hoc autem requiritur quies, mansuetudo, & permanentia, ac conceptio interna verbi. Et hoc existimo esse suscipere in mansuetudine insitum verbum Dei. Vnde & Salomon dixit in Proverbiis c. 5. *Fili mi, attende ad sapientiam meam, & prudentia mea inclina aurem tuam, vt custodias cogitationes;* vbi Brixianus ait, sensus est: Opus est vt summam custodiam adhibeas animo, & linguæ, cum aurem accommodare volueris sapientiæ meæ.

S V N T tamen, qui hunc locum intelligant de Verbo personali, quod insitum est naturæ humanæ per Incarnationem. Ita intelligit hunc locum D. Anselm. in narratione de Transfiguratione. Et hanc expositionem ponunt secundo loco, quasi eam omnino approbantes Beda, & D. Thomas. Vnde Syriaca versio in Bibliis Regiis habet; *Excipite Verbum illud, natura nostra insitum*, ideoque fortassis Glossa ait; *Excipite cum magno honore.* Et Concilium Viennense interpretatur, Christum esse insitum Verbum, nec dissentit communis Theologorum loquutio, dum per insitionis vñionem explicant hypostaticam, quæ illam superat, & in pluribus defectibilem ostendit. Sic verò intellectus locus de Incarnatione Verbi, id quod sequitur (*quod potest saluare animas vestras*) intelligendum est, non dispositiuè, sicut de verbo audito, sed effectiuè, & dicitur quod potest saluare, & non quod de facto saluabit, ne excludere videatur humani Arbitrij libertatem.

I L L V D tamen aduerto, Apostolum fuisse loquutum secundum communem loquendi modum, quo Verbum diuinum dicitur humanæ naturæ insitum, & vnitum. Si enim esset loquendum Scholasticorum more, potius natura humana diuino Verbo inserta diceretur: nam sicut id cui inseritur, & innititur ramus, suppositum est, sic id cui innititur humanitas, suppositum est, & sicut arbor præexistit, & præsupponitur insitioni, ita etiam Verbum præexistit Incarnationi. Sicut insuper arbor per ramum insertum producit fructus meliores, quàm quos ramus per se posset producere, sic persona Verbi per humanitatem producit opera maioris valoris, quàm sola humanitas in proprio supposito produceret. Vnde Ber. Ser. 3. in Vigil. Nati. Addidit, inquit, honorare limum nostrum, & ei vim rationalem immisit; voluit quoque infirmiora nostra abundantiori gloria sublimare, & cōtraxit se maiestas, vt quod melius habebat, videlicet semetipsū,

Pæz in Epist. B. Iacobi Apost.

CC Ri

limo nostro coniungeret, & in persona vna sibi inuicem vnirentur Deus & limus. Nihil Deo sublimius, nihil vilius limo, tantæque dignitate limus ascendit ad Deum, vt quicquid in eo limus fecit, Deus fecisse credatur, quicquid limus protulit, Deus in illo protulisse dicatur. Similiâque habet Ambros. Sermon. 10. in Psalm. 118. & Leo Ser. 5. de Natiuit. c. 3.

Apoc. 5. HABET etiam hæc expositio fundamentum in Scriptura; nam Apoc. 5. dicitur Christus radix Dauid, & c. 22. *Ego sum radix, & genus Dauid.* Sicut igitur ex radice, siue trunco, & furculo inserto fit vnum per insitionem, sic ex Verbo diuino tanquam ex radice, ac trunco, & ex natura humana, sumpta ex stirpe Dauid, tanquam ramo insito factus est vnus Christus. Hæc expositio, vt patet, probabilis est. Prior tamen communior, & menti Apostoli congruentior.

§. I.

Per pœnitentiam abiiciuntur peccata.

IS qui paulo antè iracundiam cohibendam docuit, docet iam vt contra nosmetipsos irascamur, quò melius abiiciamus omnem immunditiam; iratus enim Publicanus contra se, dum percutiebat pectus suum, & à se pœnas exigebat, sicut dixit August. Sermon. 36. euomuit congeriem peccatorum. & Sermon. 35. ponderans ea verba Psalm. *Irascimini, & nolite peccare.* Volo vos, inquit, irasci, sed vt non peccetis; vt autem non peccetis, cui debetis irasci nisi vobis: quid est enim homo pœnitens, nisi homo iratus sibi? Et D. Thomas lect. 8. in cap. 4. ad Ephes. Hæc est, inquit, bona ira, de qua dicitur imperatiuè; *Irascimini*, scilicet, contra peccata vestra, & *nolite peccare*, scilicet, de cætero, contra quæ iterum oporteat irasci. Et Bern. Sermon. 44. in Cant. Si peccato, inquit, irasceris, nõ solum minimè peccas, sed & quod peccaueras, exterminas. Sic igitur abiiciuntur peccata. Vnde Ezechiel, *Proiicite à vobis omnes prauaricationes vestras*: quas si pœnitendo proiecerimus, Deus easdem omnino delebit & ad vitam gratiæ reducet, quod notauit Tertul. lib. de pœnitent. c. 4. vbi affert illud Ezechiel. *Numquid voluntatis meæ est mors impij, dicit Dominus, & non vt conuertatur à vitis suis, & viuat?* quem locum ipse ita legit; *Vt ego, dicit Dominus, nolo mortem peccatoris.* Cum Dominus dicat, inquit Tertull. Pœnitentiam malo, quàm mortem, ergo pœnitentia vita est, cum præponitur morti. O beatos nos quorum causa Deus iurat! o miseros, si nec iuranti Domino credimus!

QUIA verò difficile poterat videri tam multa iterum mala opera reuicere, quomodo id posset fieri docuit Bern. Sermon. de Cant. Ezechie ad illa verba: *Recogetabo tibi omnes annos meos in amaritudine animæ meæ.* Oportebat, inquit, si fieri posset, reuiuere me, vt ita loquar, denuò quòd malè vixi, sed quia hoc non possum, saltem recogitabo tibi omnes annos meos, faciam recogitando, quod reoperando non possum. Plura hac

hac de re habet Auguft. in Pfal. 84. & in Pfal. 50. & Hieron. epift. ad Ruficum; & nos infra ad cap. 3.

§. I I.

Quàm immundum peccatum fit luxuria.

NO MIN E autem immunditia, & malitia intelligunt aliqui hoc loco carnis, pecuniæ, honoris, & vindictæ cupiditates. Licet verò plerique distinguant inter peccata carnis, & spiritus, potest omnibus dictis cupiditatibus malitia, & immunditia accommodari, siquidem prædictæ cupiditates nos admodum inficiunt, & nostram malitiam ostendunt, quod in primis patet in vitio luxuriæ. Vnde Paulus de castitate loquens, dixit: *Non vocauit nos Deus in immunditiam, sed in sanctificationem;* & illud Ecclesiast. *Macula in gloria;* de luxuria intelligitur. Vnde Tertul. lib. de pudicitia, eam appellat rem immundi spiritus: ideoque perditum filium similem porcis reddidit. In quam sentent. venit locus ille Lactant. Firmian. lib. de fals. Relig. c. 20. vbi obseruat Romanum populum cum diuinis honoribus vellet afficere eam mulierem, quæ Rom. imperij authorem & parentem suo lacte educauerat, animal potiùs eiusdem nominis cum muliere colendum existimasse, quàm vulgatæ pudicitia mulierem, quasi minùs impurum esset animal, quàm inhonestæ mulier. Romuli, inquit. nutritrix Lupa honoribus est affecta diuinis, & ferrem, si id animal fuisset cuius figuram gerit. Author est Liuius Laurentiæ esse simulachrum, & quidem non mentis, sed mentis ac morum. Fuit enim Faustuli vxor, & propter vulgati corporis vilitatem Lupa inter pastores. i. meretrix nuncupata est: vnde etiam Lupanar dicitur. Refert etiam ibidem Lactant. Athenienses cum vellent honorare meretricem nomine Lænam, quòd Tyrannum occidisset, & sic ab eodem patriam liberasset; ne sub nomine, ac figura meretricis coleretur, eius animalis effigiem posuisse in templo deinceps colendam, cuius nomen illa gerebat; vsque adeò immundam animam reddit luxuriæ vitium.

E T vt aliena mittamus, probat hoc locus ille Psalm. *Tota die contristatus ingrediebar;* vbi Hebr. habetur. *Tota die denigratus,* seu, *attratus ingrediebar;* adulterio scilicet cum ea quæ fuit Vriæ, dum tamen ipsi erat. Vnde D. Chrysost. homil. 77. ad Populum: Non tantùm, ait, eum ornabat purpura, quantum huius peccati macula scedabat, quod commiserat cum vxore Vriæ, quæ propter eandem immunditiam propitio nomine non nominatur ab Euangelista Matthæo. Sicut etiam & infans, quem ex adulterio concepit, ac peperit, sine nomine obiit. Vnde Paulus dixit: *Fornicatio, & omnis immunditia nec nominetur in vobis.* Et Chrysost. hom. 24. in Gen. aduertit, dixisse Scripturam; *Corrupta est terra coram Deo,* non verò, corrupti sunt homines, quia carnis, inquit, peccatum fecit, vt homines suo nomine vocari non sint digni.

I N hanc sententiam facit etiam id quod notauit Abul. quæst. 1. in c. 33. Deut. Cur scilicet Moyses cæteras alias Tribus benedicens, omiserit Si-

mœonis Tribum; idque ea de causa factum esse dicit, quia Princeps de Tribu Simœonis luxuriatus fuerat cum scorto Madianitide. Ait namque Scriptura: *Erat nomen viri Israhelæ, qui occisus est cum Madiunitide, Zambri filius Salu, dux de cognatione & Tribu Simœonis.*

Num. 25.

Q V O D si præ immunditia nec ore capiendum est hoc vitium, neque etiam aliquid illius tanquam immundum tangendum est, quod eleganter notauit Ambros. lib. de Ioseph, cum aduertit, ipsum dimisisse pallium in manibus impuræ dominæ, quæ ipsum ad adulterium incitabat. Contagium, inquit, iudicauit, si diutius moraretur, ne per manus adulteræ libidinis incentiua transirent, sicut enim si pallium in cœnoso luto incideret, is qui munditiam vestis curaret, illud non reassumeret, sic & Ioseph immundum luxuria pallium cum periculo etiam propriæ vitæ reliquit.

Gen. 13.

Q V O D si tactum immundi vitij obseruatum inuenimus, non minùs prohibitum reperiemus visum, quasi oculi offenderentur immundo oblecto luxuriæ. Quæ fuit ratio, cur Deus prohibuerit vxori Loth, ne oculos in impuros Sodome incolas conuerteret: quia verò respexit post tergum, versa est in statuam salis. Naturam suam, inquit Ambros. lib. 2. de Virginit. quia impudicos licet castis oculis aspexit, amisit; & hæc fuit causa cur immunda peccatrix retrò accessit ad Christum, & attulit alabastrum vnguenti pretiosi, metuens ne oculos, aut nares Christi offenderet, quem tamen non offendit quadriduus frater iam fœrens.

Luc. 7.

2. Mach
Cap. 7.

N O T A N D V S etiam est pro præsentī instituto locus Clementis Alexand. 7. Stromat. vbi reddens rationem, cur Iudæi non ederent porcina carnem, ait, quod sit animal procliuē ad cōitum. Et addit: Ea ratione, neque hircum lex sacrificat, præterquàm propter solam malorum amandationem. In quibus verbis satis obscuris mihi videtur esse allusio, ad illum locum Leuit. vbi hircus mittebatur in solitudinem, quasi ea immissio fuerit sacrificium Deo oblatum. Etenim si vitium carnis significabatur in hircō, nullum prorsus sacrificium Deo sic poterit placere, nisi hoc immundum vitium à nobis relegetur, & mittatur in exilium, nunquam amplius rediturum; quod est cum Iacobo abiicere immunditiam.

Cap. 16.

F A C I T etiam id quod notauit Origen. hom. 13. in Num. quod postquam obtinuerunt filij Israhel ciuitates Amorrhæorum, ascenderunt etiam viam, quæ ducit in Basan, vbi erat Og rex Basan; sed ad hunc neque legatos mittere dignantur, neque petere ab eo, vt per terram eius transeant, sed continuo configunt cum eo, & superant tam ipsum quàm populum eius. Videamus ergo, inquit, quæ est Basan: Basan interpretatur *turpido*. Merito ergo nec legati mittuntur ad istam gentem, nec transitus per terram eius poscitur; nullus enim transitus nobis debet esse, nullus accessus ad turpitudinem, sed ab initio statim expugnanda, & omnimodè cauenda est. Aduersus Og ergo ita præcipitur bellum gerendum, vt non relinquatis ex eo, inquit lex, viuentem. Nullum ergo à filiis Israhel oportet relinqui in regno turpitudinis, & dedecoris viuentem. Fiet autem hoc quod monet Origen. si faciamus quod docet Iacobus: *Abiicientes omnem immunditiam*

diuam luxuriæ, quò tandem puri coram Deo appareamus.

OSTENDIT hoc optime ille locus, cum fugiens Dauid à facie Saülis, venit ad Achimelech, petiitque ab eo, si quid haberet ad manum, vel quinque panes, aut quidquid inuenisset. Cui Sacerdos respondit: *Non habeo laicos panes ad manum, sed tantum panem sanctum: si mundi sunt pueri, maxime à mulieribus?* Illud ergo iam difficile apparet, cur de puritate puerorum Sacerdos interroget, cum eis etiam puris nullatenus liceret velci talibus panibus. Aliò rem D. Hieron. deflectit. Nostram conficit Procopius, cum ait: Ostendit, inquit, sanctitatem, & castimoniam eodem nos cum Pontificibus honore dignos efficere: aptosque proinde reddere pueros, ut participes fiant panum, quos soli Sacerdotes sumere poterant: nec mirum si castitas laicos homines Sacerdotibus similes reddit, cum Angelis cœlestibus eos pares quodammodo efficiat, sicut profequitur D. Hieron. ad Eustoch. epist. 22. cap. 9. vbi ostendit, Filium Dei in terris nouam familiam ad sui obsequium elegisse pro Angelis, à quibus in cœlo adoratur, nempe virgines, & castos. Qui igitur ad hanc puritatem vult accedere, debet abicere omnem immunditiam luxuriæ, & incontinentiæ, ut purus sanctus sanctissimo Domino sisti possit.

§. III.

Quàm immunda sit cupiditas pecunia, & rerum sublunarium.

IMMUNDOS etiam nos reddit pecuniæ cupiditas, & desiderium lucrandi, & acquirendi; quod ostendit locus ille Esaiæ: *Stultus satua loquitur, vbi Vatab. vertit: Sordidus sordide loquitur.* Exponens autem quis iste sordidus sit, dicit esse auarum. Cui consonat illud Osæ, *Ephraim factus est in-dicie, quoniam capiti abire post sordes;* vbi Chaldaus rem exponens ait: *post mammona iniquitatis;* quæ sunt diuitiæ, ut patet ex Euangelio. *Facite vobis amicos* Luc. 16. *de mammona iniquitatis.* Ideoque D. Ambr. epist. 82. ponderans ea verba Petri: *Argentum, & aurum non habeo,* ait, gloriatur in paupertate, quasi refugiat contaminationem, argentum non habeo, sed nec requiro.

ET in hanc sententiã facit id quod Philo notauit lib. de migrat. Abrahæ, explicans præceptum illud Leuit. vbi immunda censentur omnia reptilia, & quæ multos habent pedes, propter adhesionem scilicet, quam habent cum rebus terrestribus. Videndus item lib. de Charitate: Contemplari, inquit, libet istos sordidos, & ne obolares quidam minutias spernentes, usurarios in magnis diuitiis inopes. Videndus etiam Chrysostom. hom. 40. in Matth. vbi huiuscemodi viros sic comparat cum operariis luti, ac cœni. Nullum, inquit, est inter auri sollicitos collectores, & cœni, atque laterum operarios discrimen: nam ut tunc Pharao atrocissimus ille Tyrannus flagellis ad colligendas paleas compellebat Hebræos, sic etiam nunc Diabolus ad officium laterum flagellis cupiditatum multos incendit. Quid enim aliud est aurum quàm cœnum? & argentum quid aliud

quàm palea? Sicut ergo palea ignem, sic pecuniæ cupiditas auaritiæ flammam incendit, & quasi cænum inquinat possidentes, à qua vt nos liberaret, venit verus Moyses Christus Dominus in Ægyptum huius sæculi.

Num. 22. NOTAVIT etiam in hanc sententiam Orig. hom. 14. in Num. Deum non posuisse verba sua in corde Balaam, quia præ cupiditate immundum erat. Si dignus, inquit, fuisset Balaam, verbum suum Deus non in ore eius, sed in corde posuisset; nunc autem quoniam in corde eius desiderium mercedis erat, & cupiditas pecuniæ, verbum Dei non in corde, sed in ore eius ponitur. Agebatur enim mira, & magna dispensatione, vt quoniam Prophetarum verba, quæ intra aulam continebantur Israëliticam, ad gentes peruenire non poterant, per Balaam, cui fides ab vniuersis gentibus habebatur, innotescerent etiam nationibus secreta de Christo mysteria, & thesaurum magnum proferret ad gentes, non tam corde & sensu, quàm ore, & sermone portatum. Et quia corde immundus erat Balaam, ab immundo animali edocetur, sicut notauit Aug. Etenim Deus Balaam primò vocatum detinere voluit, dum ei dixit: *Noli ire cum eis, neque maledicis populo, quia benedictus est.* Attamen dum eum iterum legati adeunt, dicuntque Regis nomine: *Paratus sum honorare te, & quicquid volueris, dabo tibi;* oblitus præteritæ prohibitionis, iterum Deum de professione consuluit. Vbi Rupertus. Explorat improbus Dei secreta, si fortè permitteret Dei patientia, quod vt faceret persuadebat ardens cupiditas. Cui Deus: *Si vocare te venerint, surge, & vade cum eis.* Mirum profectò quòd cum Deus abire permittat Balaam, mortem ei in via stricto gladio minetur. Rationem reddit Aug. ibi q. 48. dicens: Videns Dominus cupiditatem deuictam muneribus, permisit ire, vt in iumento quo vehabatur, eius auaritiæ coërceret, hoc etiam confundens dementiam, quòd prohibitionem Domini per Angelum factam asina transgredi non auderet, quam ille cæcus cupiditate transgredi conaretur. Vbi vides auri cupidum hominem ab asinaveluti edoceri, & coërceri, imò & confundi, dum illa præcepto sistitur, ille post præceptis in promissa fertur.

TRIBVS Ruben, & Gad, ac dimidia Tribus Manasses, cum vidissent Iazer, & Galaad aptas animalibus alendis terras, venerunt ad Moysen, & Num. 32. cæteros Principes, atque dixerunt: *Terra quam percussit Dominus in conspectu filiorum Israël, regio vberissima est ad pastum animalium: & nos serui tui habemus iumenta plurima, precamur, si inuenimus gratiam coram te, vt des nobis famulis tuis eam in possessionem, nec facias nos transire Iordanem.* Vbi eleganter notauit Oleaster, eos nihil sibi, totum verò pecoribus exoptare, & postulare, ex eo quòd pecudes suas plus quàm se diligebant: vsque adeò enim immundæ redduntur animæ, quæ pecudibus, pecuniæ, & fortunæ bonis congregandis student, vt ea omnia sibi, salutis, & promissæ patriæ miserabiliter anteponan, & solis terrenis bonis intenti terram pro cælo videantur commutare, ac velut bruta terrenum solum, & pastum curare; sicut ibi prosequitur Origin. homil. 26.

Cent. 1. LONGE aliter ea anima de iustis hominibus dicit: *Reli diligam te;* quod

quod Alanus exponit: Qui non incuruantur, sed diriguntur; qui enim incuruantur, quia luto involuuntur, imundi apparent. Ideoque Bern. Serm. de Primord. &c. ait. Et ubetee, quod in recto corpore curua sit anima. Annon confunderis caput sursum habere, qui sursum cor non habes? memor nobilitatis tuæ, pudeat te tantæ deiectionis. Et Serm. 1. ad Fratres, ait: Sunt qui similes brutis animantibus derisui sese faciunt esse immundis spiritibus, qui profecto clamitant illudentes; *Incuruare, transcamus.* quæ Esa. 51. verba ponderans Greg. hom. 30. in Euang. quasi dicta à malignis spiritibus iis animabus, quæ terrena cupiunt, ait: Pudeat terrena concupiscere, & dorsū mentiū ascendentibus aduersariis præbere. Terram semper inuictur, qui curuus est, & quo præmio sit redemptus non meminit, qui imaque rit. Et D. Amb. lib. Exam. cap. 3. Caue, inquit, o homo pecudū more curuari, caue ne in alium te non tam corpore, quàm cupiditate desectas.

CERNITVR etiam cupiditatis immunditia in eo quod vir cupidus, & auarus diuitiis se veluti seruū addicit. Quod ostendit communis expositio Patrum ad eum locum Psal. *Nihil inuenerunt viri diuitiarum in manibus suis.* Psal. 85. Vnde Ambr. epist. 7. Pecunia, inquit, plerumque sibi dominos emit. Plurāque habet hac de re Senec. epist. 117. & probat Basil. hom. 2. in varia loca Scripturæ, in Iuda proditore, qui verum Deum vendidit, inquit, propter Deum falsum, pecuniam scilicet, quam adorabat. Vnde Clem. Alexan. Orat. ad Gent. ait: Ego calcare terram didici, non adorare. Quia verò cupidi diuitiarum se seruos constituerunt, ideo diuitiæ eosdem veluti seruos seruire faciunt, & violenter opprimunt. Vnde apud Oseam dicitur, *Dives effectus suum, inueni idolum mihi;* vbi aliqui ex Hebr. legunt. *Inueni vim mihi;* inueni scilicet, qui mihi veluti Dominus vim inferat, meque violenter opprimat. Osee 12. Quod dixit Nazian. Orat. 24. in principio, vbi ait: Aurum est occultus Tyrannus, per quem multa sursum, deorsumque veluti in talorum ludo iactantur. Quæ verba Helias Cretensis sic explicat: Tyrannum vocat, quod auri cupidus vim asserre, eosque veluti Tyrannide opprimere possit. Inuisibilem verò propterea quod tacens, minimèque conspectum auaros subiiciat, ab eisque quæ decreuerit, per vim abducatur.

EANDEMQUE seruitutem exposuit Chrysost. hom. 30. *Quod nemo laditur nisi à seipso,* dicens: in tantum amor pecuniæ omnem animam fatigat, vt neque amicitiarum, neque propinquitatis, interdum etiam nec coniugis, aut filiorum amor det locum; quibus affectibus inter homines nihil præfertur, amor tamen pecuniæ omnia hæc humi deiicit, sæuit vt barbarus, feruet crudeliter vt Tyrannus, debacchatur impudenter vt meretrix, nusquam miseretur, nusquam pudet. Et hæc videtur ratio, cur Christus Dominus lucro seruientes assumptis flagellis è templo eiecerit, puniens eos veluti seruos flagellis, nou fustibus: cædebantur namque olim serui flagellis, vt patet ex l. in seruorum. ff. de pen. vbi dicitur: *Ex quibus causis liber fustibus caditur, ex his seruus flagellis cedi debet.* Vnde iam possumus intelligere cur Salomon loquens de diuitiis à Deo datis Iacob dixerit: *honestas illius in laboribus;* quod idem est atque locupletauit & ditauit. Vnde Ioan. 1. Sap. 10.

Græcus

Græcus codex habet, *locupletauit in arumnis*, vel, *per arumnas*. Vt scilicet intelligeremus solas eas diuitias, quæ à Deo proueniunt, mundas, honestasque esse, cæteras verò sordidas, & inhonestis ferè artibus, ac simulationibus comparatas. Quapropter de eis rectè intelliguntur verba Iacobi, cum ait: *Abiicientes omnem immunditiam*. Vbi non omittendus Phocion, cui teste Plut in vita ipsius milit dono ex Asia centum talenta Alexander. His Athenas deportatis, quæsiuit ex ministris eius Phocion qua de causa in multis Atheniensibus tantum munus sibi soli Alexander largiretur? ubi responderunt illi, *Quod te existimet vnion virum bonum, & honestum*. Ergo *sinas me*, inquit Phocion, *talis ut habear, & sim*. Quo dicto satis confirmauit pecunias sordidum, vilem, & abiectum reddere hominem, dum ipsarum cupiditatem in eo testantur.

§. I V.

Vilis, & immunda. Vindicta cupiditas.

VILEM, & immundam constat esse vindictæ cupiditatem; quod etiam possumus deducere ex Dauide, qui cum inimicum Saûlem in spelunca confodere posset, id tamen omisit facere, quod videns Saûl, ait: *Quis cum inuenerit inimicum suum, dimittet eum in via bona? & nunc scio quod certissime regnaturus sis, & habiturus in manu tua Regnum Israël*. ubi vides ex eo iudicasse Regium eum animum, quod à vindicta abstinuerit: Vnde cum mirarentur Israëlitar quod idem Dauid de Semei vindictam non fumeret, cum iam in Regali folio ei set cõstitutus, eisdẽ respondit: *Cur efficiemini mihi in Satan? An ignoro hodie me factum Regem?* quasi dedeceret maiestatem Regis cum subditorum cura vindictæ memoriam retinere. Hinc etiam est quod Salomon vnctus Rex nihil mali intulit Adoniæ fratri. 3. Reg. 1. imò illi pepercit, dum Regnum viuente patre affectauit; postquam verò Abisag in vxorem petiit, illum iussit occidi. Rationem reddit Abul. ibi q. 45. dicens: Vt iustificaret actus suos maxime in principio Regni, nam si propter primum delictum occidisset Adoniam, videretur hoc fecisse solum ex vindicta, quæ quidem immundum redderet regnandi initium, & deturparet Regiam cathedram, dum vilem animum in vindicando ostenderet. In quam sententiam notauit Oleast. ea verba Deut. *Non videbis asinum fratris tui, vel bouem eius cadentes in via, & abscondes te ab eis*. Pusilli, inquit, animi est tunc odij, aut iniuriæ meminisse, cum proximus tuus auxilio indiguerit superioribus armis cum eo dimicas, si aduersus eum indigentem præliaris.

Possimus hoc ipsum ex Philosophia ostendere, si meminerimus Philosophos nobilitatem visus præ aliis sensibus ex eo deducere, quod contraria in visu nullam omnino efficiant impressionem, neque ad contrariorum visionem oculi tam facili lædantur. Longè tamen aliter res se habet in aliis sensibus; etenim si aliquis gustauit rem amaram, licet statim assumat

assumat aliquid dulce, adhuc nihilominus amaritudo inest, & sentitur: idem tamen oculus qui album colorem videt, poterit & nigrum mox videre, nec lædetur, ideoque & nobilior sensus. Nobilis itidem, & superior animus nullam à contrariis patitur impressionem offensæ, ad hoc vt de illis postea vindictam sumat. Hoc ipsum perpendens Ambros. lib. 2. de Iacob, & vit. beat. ait. Minus aut. Esau, quod fratrem suum occideret, & dolebat sibi benedictionem esse præreptam, cuius vtique se dignum mansuetudine debebat probare, non scelere. Quibus verbis ostendit. Ambros. Esau se indignum reddidisse primogenituræ dignitate, dum vindictam de fratre curauit, cum nobile vindictæ genus sit ignoscere, sicut dixit Bern. de interiori domo c. 43. Quibus habet similia Chrysost. hom. 3. in epist. ad Rom. circa finem: Forti, inquit, ac generoso animo feramus, hic enim demum est solidus honor. Et Nazai. Orat. 19. de Patre suo: Multi, inquit, quibus offensus erat, in ipso iuxta articulo percussi sunt, resipuerunt, ad eum accesserunt, genua prociderunt, veniam impetrarunt, pulchrè victi discesserunt.

VIDENDVS QVE hac de re est Aug. Serm. 4. de Sanctis. & Ambros. Serm. 7. in Psal. 118. vbi ostendit iustum longè debere esse ab ultionis atrocitate, imò & ab accusationis seueritate. Sed dices, inquit, quomodo dixit ipse Dauid; *Lætabitur iustus cum viderit vindictam*: Mihi videtur quia lætetur, quod ipse euaserit, non quia impij puniantur. Tantam itaque malitiam censet Ambros. in vindicta reperiri, vt neque de ea quæ à Deo fit, liceat lætari. Vnde Tertull. lib. de Patient. cap. 10. vocat vindictam indicem malitiæ; proptereaque eidem tanquam remedium adhibetur mansuetudo. Vnde Nazianz. Orat. 25. Si consilio, inquit, meo pareas, operam dabis, ne quid mali inferas, sed lædendi potestatem satis magnum lucrum ducas, ac te cultum Christo offerre existimes, qui noluit vindicari cum posset, sed pati; sicut notauit Tertull. in lib. de pudicit. c. 21. cum ponderat Christum Dominum neminem damnassee. Quia non decebat, inquit, eum scire, qui pati venerat. Quibus habet similia Chrysost. hom. 2. de Iuda proditore.

EST OPTIMUS locus pro hac re apud Tertull. lib. 4. contra Marc. c. 16. cum ponderat Christum Dominum iussisse, vt alapam in facie vna infligenti, alteram maxillam percutiendam offeramus. Nouam, inquit, planè patientiam docet Christus, etiam vicem iniuriæ cohibens, permissam à creatore, oculum exigentem pro oculo, & dentem pro dente, contra ipse alteram amplius maxillam offerri iubens, & super tunicam pallio quoque cedens. Sic per Zachariam præcepit, ne vnusquisque malitiæ fratris sui meminerit, sed nec proximi: & rursus, malitiæ proximi sui vnusquisque ne recogitet. Multo magis patientiam indixit iniuriæ, qui indixit obliuionem. Sed & cum dixit: *Mihi vindictam, & ego vindicabo*; proinde patientiæ docet vindictæ expectatricem. Facilius vim comprimi scit representatione talionis, quam repromissione talionis; vtrumque autem constituendum fuit pro natura, & fide hominum. Sic ille. Existimo autem propterea vindictam à Deo promissam, vt à nobis licentiâ eam assumendi ablatam intelli-

Pater. in Epist. B. Iacobi.

D D

ge.

geremus, & vt interpositum tempus irascenti animo mederetur, si diuinus amor non abstulisset vindicandi cupiditatem. Vnde Lactant. Firmian. lib. 6. cap. 18. Cauere quisque debet diligenter, ne quando inimicum sua culpa faciat, & si quis extiterit tam proteruius, qui bono, & iusto faciat iniuriam, clementer ac moderatè ferat, & ultionem non sibi assumat, sed iudicio Dei seruet, malitque hac de causa contemni, dummodo semper boni fungatur officio, mali nunquam: *Beatus vir qui facit hoc, & est custodiens manus suas, ne faciat omne malum.* Contra eos autem qui interiecto tempore vindictæ penitus obliuiscuntur; videndus Chrysost. hom. 52. ad Populū, vbi ostendit in huiusmodi hominibus id efficere tēpus, quod facere Dei lex non persuasit.

T v m temporis verò maiorem laudem quis meretur, si à vindicta abstineat, cum vlcisci possit, si velit, & vel totum libenter propter Deum dimittit, vel diuinæ iustitiæ reseruans à vindicando cohibet se. Ostendit hoc D. Ambros. lib. 10. in cap. 22. Luc. cum ponderat ea verba Christi Domini: *Qui non habet, vendat tunicam suam, & emat sibi gladium.* O Domine, inquit Luc. 22. Ambros. cur emere me iubes gladium, qui ferire me prohibes? cur haberi præcipis, quem vetas promi? nisi fortè, vt sit parata defensio, non ultio necessaria, & videar potuillè vindicari, sed noluisse? non iniquus Dominus, qui cum se possit vlcisci, maluit immolari. Qua in re præclarum nobis reliquit exemplum abstinendi à vindicta, cum facile eam possimus sumere: quod videtur voluisse Christus Dominus ostendere cum sola voce prostrauit cohortem: statim verò se comprehendendum obtulit, sicut eo in loco adnotarunt grauiores interpretes.

Vnde iam licebit intueri cur hæc propria Dei virtus dicatur abstinendi, scilicet ab ultione; quam postulauit Dauid, dum dicit: *Deduc me Domine in iustitia tua, propter inimicos meos;* prout eum D. Aug. & D. Chrysost. interpretantur, vt sit sensus: Compellor equidem propriam vitam tueri inter medios hostes, non tamen sinas me id facere, ita vt videar dum me defendo, animo vindictæ alios offendere, imò precor, vt te duce tuam hac in re iustitiam imiter, quæ non vindicandi, sed corrigendi plerumque solet animo supplicia inferre, & omnipotentiam tuam parcendo maximè, & miserando manifestas. Vnde Chrysolog. Sermon. 139. In te commissorum remissor esto peccatorum, ne perdas in te diuinæ infusæ potestatis. Nulla enim alia in re videtur homo ad diuinam potestatem propius accedere, quàm si vindictæ oblitus offensam inoffenso dimittat animo; etenim si quis bona pro bonis tribuat, & amicum diligit à quo diligitur, hoc & naturale est, & in publicanis reperitur: si verò offensus parcat, & iniurias dimittat, infusæ profectò diuinæ potestatis videtur obtinere, & viscera Patris misericordiarum induere; quanto verò magis quis à purissimo Deo recedit, tanto magis ad immunditiam accedit. Vnde & meritò quis se à vindicta debet purgare, sicut fecisse videtur Rex Salomon, quando iustissimè occidi fecit Ioab; reddens enim rationem cur id fecerit ait, *Occidit duos viros meliores se, Abner, & Amasam, & reuerteretur sanguis illorum in caput Ioab.* Cur ergo non refert id quod facer textus assignat? *Venit nuntius ad Salomonem,*

nem, quod Iob declinasset post Adoniam. Cur si eos quos occiderat enumerat, mortem Absalonis omittit, quam contra Davidis præceptum intulit, & solas duas mortes proponit? Respondet Abul. ibi. q. 40. quia volebat, inquit, ostendere Salomon se procedere ex solo zelo iustitiæ, si tamē occidisse Absalom dixisset Iob, videretur procedere ex zelo vindictæ, cum Absalom esset frater Salomonis, ideo tacuit: videretur enim contaminatus immunda vindictæ cupiditate. Quod idem argumentum profectitur idem Abul. q. 45. ad cap. 1. lib. 3. Regum.

N E C mirum si vilem, & immundam existimarunt vindictam ij qui superno lumine sunt illustrati, cum cæci Gentiles sic de ea sint olim philosophati. Etenim cum improbus, & petulans homo contumelia, & maledictis totam diem insectaretur Periclem in foro seria tractantem, tulit patienter, vespereque comiter domum regressus est. Affectante isto, & omnibus contumeliis eum impetente, ingressus ædes, cum iam nox esset, iussit vni ex servis, vt loco vindictæ hominem maledicum accenso lumine comitaretur, ac reduceret ad domum: de domo utique, & animo principis. Abicienda proinde est immunda, & malitiosa vindicta, vt in mansuetudine suscipiamus insitum verbum, quod potest saluare animas nostras.

§. V.

Auditores verbi Dei modesti, ac mansueti in eo audiendo debent esse.

ABIECTIS ergo immundis & malitiosis cupiditatibus, inter quas non minorem locum habet cupiditas dominandi, quam tamen omisimus ad initium cap. 3. vbi eius immunditiam cum cæteris defectibus latius persequemur; præparanda est infructuosa & sterilis nostra hæc terrena inhabitatio, quæ vsque ad insitionem diuini verbi inculta, & spinosa erat. Vnde Tertullia. lib. de Pudicit. c. 6. Luserit ante Christum caro, imò perierit antequam à Domino suo requisita sit; nondum enim erat digna dono salutis, nondum apta officio sanctitatis, adhuc in Adam deputabatur cum suo vitio, facile quod speciosum viderat concupiscens, & ad inferiora respiciens, & de ficulneis foliis proriginem retinens, inhærebat vsque aded in ea libidinis virus; at vbi sermo Dei descendit in carnem, ne nuptiis quidem resignatam, & sermo caro factus est, ne nuptiis quidem resignandam: exinde caro quæcumque in Christo reliquas sordes pristinas soluit. Alia iam res est, noua emergit, iam non ex seminis limo, non ex concupiscentiæ fumo, sed ex aqua pura, & mundo spiritu. Hæc Tertull. Indomitam proinde carnem compescere debemus, mitemque ac mansuetam reddere, vt in mansuetudine suscipiamus insitum verbum, suscepturi deinde & possessuri promissam mansuetis terram. Primum docuit Dionys. de Diuin. nomin. c. 1. in fine. Expiatas, inquit, aures sanctis diuinorum nominum expositionibus applicemus, sancta sanctis, ex traditione diuina in-

DD 2 sinuantes,

simantes, eaque à risu & illusione radium adhuc, atque infidelium vindicantes.

Ecl. 5. SECUNDUM iam ostendimus in explicatione literæ, & dixit Ecclesiast. *Esto mansuetus ad audiendum verbum Dei, ut intelligas*, quod fecit Maria sedens secus pedes Domini tanta cum mansuetudine, ut nec sororis querimoniam audisse dicatur. Vnde Chrysost. hom. 45. in Gen. Nihil tantopere dicenti necessarium est; ut auditoris benevolentia; ut doctrina cœlesti perfundatur. Quod præclare ostendit vellus Gedeonis cœlesti rore persutum.

Psal. 89. Etenim per vellus potest aptè mansuetudo accipi; namque Psalm. 89. ubi secundum versionem Septuaginta legitur, *Quoniam superveniens mansuetudo*, in Hebræo legi potest ita *græc.* quod Deut. 18. n. 4. & Job. 32. n. 20. vellus est, ab animalium scilicet mansuetissimo resectum, nempe oue, vel agno, quæ mansuetudinis symbola esse solent: in vellus proinde cœlestis descendit pluvia, quia in humilium, & mansuetorum animos diuina influit gratia, consolatio, & doctrina: *Quem enim respicit cœlestis Dominus nisi pauperculum, & contritum spiritum, & trementem sermones suos?* ubi Vatablus habet, *Qui est humilis, & fracto spiritum.* Et Ambros. legit *mansuetum*: sic enim habet de Oratione de Obitu Theodosij: Dilexi virum misericordem, humilem imperia, corde puro, & pectore mansueto, qualem Dominus amare consuevit, dicens: *Supra quem requiescam, nisi supra humilem & mansuetum?*

Isai. 66. TERTIUM docuit Amb. in Psalm. 43. ad ea verba: *Non in gladio suo possederunt terram. Quæ* est igitur, inquit, terra quæ non brachio capiatur, non gladio possideatur, nisi terra promissionis, de qua ipse Propheta dicit: *Credo videre bona Domini in terra viventium*: ideoque non gladio acquiritur, sed mansuetudine possidetur. Nemo ergo impacificus, nemo arrogans, aut superbus, sed mansuetus, & humilis corde, qui nihil sibi arroget, sed totum ad gratiam referat; eam possidebit. Quibus habet similia Hieron. tom. 4. in reg. Monach. In hac ergo mansuetudine suscipienda est insitio verbi, & prædicationis diuinæ: cum enim mansuetudo simillima sit Diuinæ naturæ, sicut notavit Greg. 5. Moral. c. 30. citius adhærebit insertus surculus, germinabit, fructumque afferet. Vnde Ber. epist. 79. in principio: Bonum, ait, valde rarum ostendisti, dum minoris te non solum non contempseris monita, sed gratias insuper retuleris monitori, prudenter utique non à quo, sed quod moneris attendens; tenentes tuæ humilitatis insigne, ampliori iam fiducia monemus. Quibus habet similia. Serm. de sancto Benedicto.

ATTAMEN sicut insitio non fit sine infectione, & vulnere, quo truncus ipse & secatur, & aperitur: ita etiam hæc spiritualis insitio, qua verbum Dei nostris animis inseritur non fit sine vulnere & læsione. Vnde Paulus dixit: *Vivus est sermo Dei, & penetrabilior omni gladio accipit*: quod modò cum plerisque intelligo de doctrina Dei, cum tamen sciam aliter posse, & fortè melius intelligi. Probar insuper Ecclesiast. dum ait: *Verba sapientium quasi stimuli, & quasi clavi in altum defixi*; quæ verba Greg. Nyssen sic vertit. *Verbum Dei instar clavi ignis.* Vnde Clem. Alexan. 1. Stromat. c. 8. Est, inquit,

Heb. 4. *re pre*

reprehensio veluti quædam chirurgia affectionum animæ; à veritate autem abcessus sunt affectiones, quas sectione diuidente oportet coarguere: medicamentorum autem potioni, aut applicationi est similis exprobratio, quæ resoluit. Et c. 10. ostendit quo pacto surculus iste inferatur. Increpare etiam, inquit, dicitur admonere; admonitionis autem etymologia est mentis immissio: quasi velit Clem. Alex. ostendere eum, qui alterum increpat, & reprehendit (quod idem dicendum est de eo qui docet) veluti intellectum & mentem alteri inferere, & immittere.

Vnde mirum non erit, si dolorem quis sentiat dum increpatur, & dum mentem recusat, veluti amens conquerendo vociferetur. Ideo Ambr. Serm. 6. ait. Malui peccatum vestrum incusando acriter increpare, quam leuiter dissimulando nutrire: quisquis enim fratrem non arguit peccantem, quodammodo hortatur, vt peccet. Et hæc videtur fuisse illa deploratio Hierem. cum ait: *Propheta tui viderum tibi falsa, & stulta, nec aperiebant iniquitatem tuam.* Est enim aperienda iniquitas, non blandimentis fouenda. Ideoque Cyprian. lib. de Lapsis: Qui peccantem blandimentis adulantibus palpat, peccandi somitem subministrat, nec comprimit delicta ille, sed nutrit: at qui consiliis fortioribus redarguit, simul atque instruit fratrem, promouet ad salutem. Sic oportet Dei Sacerdotem non obsequiis decipientibus fallere, sed remediis salutaribus providere aperiendum vulnus, vociferetur, & clamet licet, & conqueratur æger impatiens per dolorem, gratias agat cum senserit sanitatem. Et August. libro 4. de Doctrina. Christiana capite 24. de seipso ita loquitur: Cum apud Cæsaream Mauritanie populo dissuaderem pugnam civilem, vel potius plusquam civilem, egi quidem granditer quantum valui, vt tam crudele atque inueteratum malum de cordibus pellerem dicendo, non tamen egisse me aliquid putavi, cum eos audirem acclamantes, sed cum flentes viderem, acclamationibus quippe se delectari, flekti autem lacrymis indicabant. Quibus habet similia Hieronym. lib. 2. in Esai. cum ait: Ille est Doctor Ecclesiasticus, qui lacrymas, non risum mouet, qui corripit peccatores, qui nullum beatum, nullum dicit esse felicem. Et epist. ad Nepotianum de vita Clericor. Docente, inquit, te in Ecclesia, non clamor populi, sed gemitus suscitetur, lacrymæ auditorum laudes tuæ sint. Videndus item cum explicat prædicta verba Ecclesiastæ: *Verba sapientum sicut stimuli*; vbi ait: Si cuius sermo non pungit, sed oblectationem facit audientibus, iste non est sermo sapientis; debet dolores & vulnera infligere, similiaque habet ad ea verba Esaiæ: *Aspices tui misceri vino aquam.* Pro quo Symmachus vertit, *Vinum tuum mixtum est aqua.* Ait ergo Hieronym. Omnis Doctor, qui austeritatem Scripturarum, per quam potest audientes corripere, vertit ad gratiam, & ita loquitur vt non corrigat, sed delectet audientes, vinum sanctarum Scripturarum violat, cum è contrario Dominus noster aquas in vinum verteret, & tale vinum quod miraretur architrictinus.

QVONIAM verò sumus in re maximè necessaria corruptis moribus sanandis, serpentibusque vitiis amputandis, & proh dolor ! ij quibus

insitio verbi Dei incumbit, proprij muneris obliti, delectationem potius aucupantur, cum debeant refecare, & aperire iniquitates, metumque incutere, ac lacrymas elicere; rem latius a Magistris ac Doctoribus sanctis tractatam, quam consueuimus, prosequemur, ut ab iisdem discant, qui Ecclesiam Dei docent. Notandus proinde est Nazianz. Orat. de suis Serm. ad Iulian. vbi ait: Nihil molle ac remissum; nihil numerosa concinnitate multitudini iucundum eloquar: (malam quippe gratiam amatoribus meis rependerem hoc orationis genere vtens) verum admodum robusta & acri, ac vehementi dicendi ratione vtar, qua & ipsi fortasse meliores efficiemini. Et Berna. epist. 7. Vereor displicere quibusdam quod dicturus sum; ceterum mihi magis verendum puto, ne tacendo veritatem, non veraciter cantem illum versiculum: *Iustitiam tuam non abscondi in corde meo. Quibus habet similia in Apologia, & Serm. 59. super Cantic. vbi ait: Illius Doctoris libenter audio vocem, qui non sibi plausum, sed mihi planctum mouet. Et Cyprian. lib. 1. Epist. epist. ad Donat. Accipe non diserta, sed fortia, neque ad audientia popularis illecebram culto sermone fucata.*

Psal. 39.

Cap. 5.

REFERENS autem August. lib. 4. de Doctrin. Christ. c. 14. hunc locum Cypriani, ita habet: Auertat Deus ab Ecclesia sua quod de Synagoga Hierem. dixit: *Pauor, & horrenda facta sunt super terram. Propheta: prophetabam iniqua, & Sacerdotes plausum dederunt manibus suis, & plebs mea dilexit sic, & quid facietis in futurum?* Ad quæ verba sic addit Augustinus: O eloquentia tanto terribilior, quanto purior, & quando solidior, tanto vehementior, &c. quæ prosequitur. Et Chrysost. hom. 38. ad Popul. Hoc, inquit, Ecclesias Dei subuertit, quoniam neque vos sermonem queritis audire compunctiuum, sed qui delectare sono valeat, & verborum compositione tanquam citharædos, & citharistas audientes; & nos segniter, & ærumnosè vestras sequimur concupiscentias, cum sit opus eas excidere; & idem sit ac si quis pater frigido, & plus debito molli filio, licet ægrotanti placentiam offerat, & aquam frigidam, & quæcunque dumtaxat delectare solent, vtilium verò nullam gerat curam, postmodum à medicis incusatus se purget, dicens: quid faciam, non sustineo flentem puerum cernere, miser, & infelix, & proditor? Nec enim huiusmodi patrem dixerim: quanto enim melius est breui contristatum semper incolumem reddere? Hæc & nos patimur, verborum fucos conquirentes, & compositiones, & elegantem iuncturam, ut delectemur, non prosumus. Consideramus quomodo videamur admirabiles, non quomodo mores componamus. Similiâque habet hom. 5. de Sacerdotio; qui inter alia inquit: Aures suas vulgus assuefecere, non ut ad vtilitatem, sed voluptatem potius audiant, quod faciunt, qui vel de tragædis, vel de cytharædis iudicaturi sedent.

Eccle. 15

Eccle. 19.

ILLUD tamen hoc in loco est aduertendum, singulare Dei beneficium esse, virum Apostolicum postposito omni metu, cum oportet ea quæ necessaria sunt, liberè loqui: ideoque Ecclesiast. dicit quasi aliquid magnum promittens; *In medio Ecclesia aperiet os eius. i. palam & liberè loquetur. Quod idem promisit Ezechiel, dicens: In die illa pullulabit cornu Domini: & tibi dabo*

Dabo apertum. i. liberā facultatem loquendi ea quæ necessaria sunt. Vnde contra eos qui solam laudem ac voluptatem quarunt, intelligit maledictionem illam Ruben; *Non crescas, quia ascendisti cubile patris tui*; Rupert. lib. 9. in Genes. c. 26. vbi ita habet: Ruben similis est quicumque thorum Dei Patris, id est, plebis eius regnum adultero introitu ascendit, scilicet non audientium salutem, siue profectum, sed gloriae suae quærendo voluptatem, quemadmodum iste ascendendo patris sui cubile, non exinde generare sobolem, sed proprii corporis quasiuit explere libidinem.

V I D E N D U S pro hac re est D. Chrysost. homil. 4. ad verba Isai. *Vidi Domin. in fine to. 1. vt loquitur de Azaria audacter loquente ad Oziam 1. Paril. 26. & dicente; Egredere de sanctuario, non est tui officij Ozia, vt addeas incensum Domino, sed Sacerdotum.* Ait ergo Chrysost. Vide libertatem, vide mentem seruire nesciam. Aduertit autem acutè Chrysost. non appellasse eum Regem, sed Oziam, dum dixit: *Non est tui officij Ozia.* Proindeque, ait Chrysost. vidisti Regem, nec vidisti diadema. Ne mihi dixeris esse Regnum, vbi est legum translatio. Et homil. 5. ait: Non appellauit eum Regem, neque titulo Principatus appellauit, propterea quòd ipse præueniens sese dignitate deiecerat, vbi apertè ostendit virum Euangelicum peccata postposito metu in quocumque etiam præcipuo viro debere arguere, liberèque reprehendere: quia in re proprio munere fungitur, dum ille qui delinquit, obliuiscitur officij; Sacerdotis enim est, sicut ibi addit Chrysostomus, tantum arguere, liberamque præstare admonitionem, non mouere arma, non clypeos vsurpare, non vibrare lanceam.

I L L V D Q V E semper præ oculis habendum est, quod dixit Philo in lib. *Quis sit heres rer. diuin.* Admiranda, inquit, virtutes sunt, vel fiducia, vel sermonis libertas aduersus præstantiores, quando res eam postulat. Neque verò nos retardare debet audientium querimonia: possumus enim eisdem cum Hieronym. ad Nepotian. de vita Cleric. dicere: Neminem specialiter meus sermo pulsauit, generalis de vitiis disputatio est, qui mihi irasci voluerit, ipse de se, quòd talis sit confitebitur. Vel cum eodem in epist. ad Rusticum, de forma bene viuendi, vbi ait: Dum mihi irascuntur, suam indicant conscientiam, multòque peius de se, quàm de me iudicant: ego enim neminem nominabo; prudentis viri est, ac prudentium fœminarum dissimulare, ac emendare, quod se intelligant, & indignari sibi magis, quàm mihi, nec in monitorè maledicta congerere. Vnde Bernard. in Apolog. vitia carpens: Scio me offendere vitiosos. Quod elegantibus similitudinibus exposuit Clem. Alexand. 1. Pædig. cap. 9. vbi ait: Quemadmodum speculum non est malum deformi, quòd ipsum ostendat qualis sit: & quemadmodum medicus non est ægrotanti malus, quòd ei febrim annunciet, nō enim medicus est causa febris, sed ipse febrim arguit: ita nec is qui reprehendit, ei malè vult, qui laborat animo, neque ei delicta adiungit, sed ea quæ adsunt peccata ostendit, ad hoc vt auertat ab huiusmodi studiis. Ex quibus patet diuini verbi concionatorè contēnere debere audientiū querimonia, dummodo rectè officio suo fungatur, sicut & auditorum officium est susci

est suscipere in mansuetudine insitum verbum, quod ipsorum animas saluare potest.

§. VII:

Suscipiendum in mansuetudine Dei Verbum caro factum, & ad nostram salutem natum.

QUAE verò probabilis est ea expositio, qua per insitionem Verbi intelligitur Incarnatio, suscipiendum utique monet Apostolus insitum Verbum, & in terris natum in mansuetudine, quod iam dixerat *Psal. 1.* David illis verbis: *Apprehendite disciplinam, ne quando irascatur Dominus; ubi in Hebræo habetur: Osculamini Filium, ne forte irascatur, & pereatis à via.* Et eandem mansuetudinem prædicabant Angeli in nocte Natiuitatis, quando recens natum nobis annuntiabant Verbum, ut ipsum in mansuetudine agrestes viri quærerent. Qua metiam docuit Chrysost. Serm. 6. ad illa verba *Psal. 99.* *Sciote quia Dominus ipse est Deus:* Dominus, inquit, Deus est, qui fuit in carne nostra pusillus, qui fuit in cunabulis nostris capax, dulcis in gremio, mitis in habitu, in nostro contubernio blandus, & ideo introitus in conspectu eius in exultatione, quia totum pauorem Diuinitatis, totum metum Iudicis in habitum nostrum dedit, prouidenti locauit aspectu, ut ingressus non pœnas Iudicis metuat, sed parentis præsumat amplexum.

Test. 3. Cum ergo sic ad nos venerit Diuinum Verbum, ut agnus mansuetus, meritò in mansuetudine vult suscipi. Quod etiam videtur notasse D. Paulus, cum dixit: *Apparuit humanitas, & benignitas Saluatoris nostri Dei.* Apparuit, inquit Bernard. Serm. de dilig. Deo, humanitas & benignitas: nam potentia quidem occultata est, quando in infirmitate venit. Et Serm. 1. de Natiuitate Domini: Potentia in rerum creatione apparebat, sapientia in rerum gubernatione, sed benignitas misericordiæ nunc maxime apparuit in humanitate. Vnde Clemens Alexand. 1. Pædag. cap. 9. Si non suscipitis benignitatem, cognoscetis potestatem. Et Bern. Ser. 45. in Cant. Quàm pulcher es, inquit, Angelis tuis, Domine Iesu, in forma Dei, in dic æternitatis, in splendoribus Sanctorum! quàm mihi decorus in ipsa tui huius depositione decoris! etenim vbi te exinanisti, vbi naturalibus radiis lumen indeficiens exuisti, ibi pietas magis emicuit, ibi charitas plus effulsi, ibi ampliùs gratia radiauit. Quàm clara mihi oreris stella ex Iacob! quàm lucidus flos de radice Jesse! Et homil. 3. super Misus est: Magnificetur à nobis paruulus magnus Dominus, quos ut faceret magnos, factus est paruulus; studeamus effici sicut paruulus iste, discamus ab ipso *quia mitis est, & humilis corde*, ne magnus videlicet Deus sine causa factus sit homo paruulus; discamus huius humilitatem, imitemur mansuetudinem. Et Guarrius Serm. 2. de Annunciatione: Quid sic hominem excitare potest ad amorem Dei, quàm præueniens hominem amor Dei, tam vehemens ad hominem, ut homo propter hominem velit fieri? Quibus habet similia August.

in

in Manual. cap. 16. Nam, sicut rectè dixit Euseb. Emiss. homil. 6. de Pasca; maximum circa hominem Diuini amoris insigne est, quòd inter ipsa mundi principia imaginem ac similitudinem Dei sui seruus accepit: sed penè amplius est quòd nunc formam serui Deus author assumpsit; grandi dignatione primo homini spiraculum vitæ de suo pius formator infudit, sed nunc penè maiori charitate pro eodem homine non iam sua dedit, sed seipsum impendit, ac tradidit. Magnum quidem mihi est de Deo, quòd esse me sentio opus suum, sed multo plus est, quòd transisse ipsum video in pretium meum, quandoquidem tam copioso munere ipsa redemptio agitur, vt homo Deum valere videatur; inter hæc multum quidem est quod abstulit diaboli nequitia, sed multo plus est quod Dei reddidit misericordia.

Q V O D si pietas postulat recenter natum infantem suscipiendum, educandum, & amplectendum expositum, quanto maiori cum ratione suscipiendum est naturæ nostræ insitum Verbum pro nobis, imò & nobis de cælo expositum? vt eum eleganter appellat Tertull. lib. 4. contra Marcionem c. 21. De cælo, inquit, expositus, semel grandis, semel totus, statim Christus, spiritus, & virtus, & Deus, &c. Quem ergo hominem hominibus cælum exposuit, & proposuit Deo sacrificium iustitiæ etiam rigorosæ, in mansuetudine suscipiamus, suscipiendum postea in crudelitate, & incredulitate à Iudæis occidendum & flagellandum.

S V S C I P I A M V S, inquam, in mansuetudine, & puritate insitum naturæ nostræ Verbum, & præueniamus in confessione faciem eius, vel cum Sole, quem D. Ambros. Serm. 16. citiùs aduenisse ait, quando natum est Verbum in carne: Nox, inquit, nocturnis horis cum Christus nascitur, aliquantulum aduentu maturiore decerpit, & ex eo factum puto, vt nox decrederet, dum Sol festinus ob Dominicæ Natiuitatis obsequium, antè mundo lucem protulit, quàm nox sui temporis cursum consummaret; quin potiùs ipsam noctem fuisse non dico, nec aliquid obscuritatis habuisse, in qua Pastores peruigilant, exultant Angeli, astra deseruiunt. Suscipiamus proinde in mansuetudine hoc Verbum, ad quod fortè priùs vocati sunt Pastores, qui mansuetum pecus custodiebant, oues scilicet. Quod videtur notasse Hieron. epist. ad Eustoch. de Obitu Paulæ, dicens: Dùmque feruant oues, inuenerunt Agnum; fuit quidem hucusque Leo, iam venit Agnus dominator terræ, qui tollit peccata mundi, proindeque potens est saluare animas vestras, quisque ex Agno Pastor factus perditam ouem, mansuetam tamen requireret, & super humeros reducet.

NE QV E vereamur accedere in mansuetudine, quia non ad puniendum, sed ad saluandum insitum nobis est, ideòque Bern. Ser. 1. in die Natiuitatis: Ne fortè, inquit, dicas; *Etiā nunc vocem tuam audiui, & abscondi me, ecce in-* Genes. 3.
fans est, & sine voce, nam vagientis vox magis miseranda est, quàm timenda, aut si cui fortè terribilis, sed non tibi, paruulus factus est, tenera membra Virgo Mater pannis alligat; & adhuc tremore trepidas, & non potiùs amore deficiis? Etenim si Ionathas postquam audiuit Dauidè dicentem

Pax in Epist. B. Iacobi Apost.

E E Saül

1. Reg. 17. Saül ipsū esse Filium hominis Bethlehemitæ, sic ad eum affectus est, ut
 18. eum dilexerit quasi animam suam, & expoliauerit se tunica sua usque ad
 gladium, & arcum suum, quanto magis nos arma iniquitatis deponere de-
 bemus, & in mansuetudine, ac intimo pectoris affectu suscipere Verbum,
 postquam audiuius factum esse carnem in Bethlehem, & esse Filium ho-
 minis Bethleemitæ? Merito proinde Chrysol. Ser. 141. Tu homo si non
 mox cum Angelis, agnosce vel tardissime cum iumentis, ne dum moraris,
 ipsis iumentis quibus ante comparatus fueras, postponaris. Ecce iumenta
 adulantur caudis, blandiuntur auribus, linguis lambunt, & motu quo pos-
 sunt, authorem suum fatentur contra naturam in tuam venisse naturam.
 Plura hac de re habet Bern. Ser. 2. in Cant. & Guarric. Ser. 1. de Annun-
 ciat. quæ omnia cum Iacobo proclamant, suscipiendum, venerandum, di-
 ligendum, & inferendum animabus nostris inileum nostræ naturæ Ver-
 bum, quod venit ad nostram omnium salutem. Quodque antiqui Patres
 2615. tamdiu exoptarunt, vnde Dauid Psalm. 15. dicebat, *Satiabor cum apparue-
 rit gloria tua.* Aug. ibi & Greg. 18. Moral. cap. 29. *dum manifestabunt gloria tua.*
 Theodotion, *cum apparuerit dextera tua*, quæ omnia de Filio Dei in carne ap-
 pete intelliguntur.

Verf. 22. *Estote factores verbi, & non auditores tantum, sal-
 lentes vosmetipsos.*

EXPOSITIO LITERALIS.

- N**E verò quis falleretur existimando solam verbi ac fidei auditio-
 nem sufficere ex eo quod dixisset: *Sit omnis homo velox ad audiendum;*
 ostendit iam Apostolus necessariam esse exequutionem doctri-
 næ Euangelicæ, quod etiam dixit Paulus; *Non auditores legis iusti sunt apud*
Deum, sed factores legis iustificabuntur. Et Christus Dominus: *Seruus sciens volun-*
tatem Domini sui, & non faciens, vapulabit multis. Et alibi. *Omnis qui audit verba*
mea, & facit ea, assimilabitur viro sapienti, qui edificat domum suam supra petram. Et
 in Apocalyp. *Beatus qui audit, & seruat verba prophetiæ huius.* Vnde August. Ser.
 1. de Blasph. in Spirit. sanct. Scopus Christianæ religionis est, ut quæ ex do-
 ctrina veritatis didicimus, opere impleamus. Vnde patet id quod addit Iac-
 obus, *sallentes vosmetipsos*, quod Glossa exposuit: si per solum auditum sal-
 uandos vos putatis, qui seipsos, dum hoc existimant, decipiunt, quod
 optime probat Basilius homil. Examer. Ex similitudine vitis, quam
 2620. Christus Dominus proposuit. Similitudinis, inquit, Domini te non im-
 memorem esse certè scio, qua sese vitem, & patrem agricolam esse dix-
 it, nosque singulos per fidem insertos palmites appellauit, atque ad co-
 piosè ferendos fructus inuicat, ne ob inutilitatem condemnati igni tradamur.
 Quam eandem doctrinam ex hoc loco deducit Damascen. lib.
 2. Paralell. cap. 18. quæ est contra Simonianos, Gnosticos, Eunomianos,

Lu

Lutheranos, & Calvinianos, solius fidei prædicatores, imò fidei proditores, ac perditores, quorum dicta factis deficientibus erubescunt, sicut dixit Tertullian. lib. de patient. in principio. Qua de re postea à nobis, Deo dante, agendum est.

§. I.

Verbum Dei auditum opere adimplendum est.

Hic locus admonet, ut verbum Dei auditum opere compleamus: quò videtur respexisse Paulus cum mandatorum obseruationem, plenitudinem fidei vocauit: *Accedamus*, inquit, *cum vero corde in plenitudine fidei*; Hebr. 10. super quæ verba D. Thomas lect. 2. sic habet: Fides plena fit duobus modis, & quantum ad materiam fidei, ut nempe credantur omnia, quæ proponuntur ad credendum, & quòd sit fides formata, quod fit per charitatem operantem. In quam sentent. etiam Origen. & Hilar. interpretantur parabolam de talentis, dicuntque talenta esse verbum Dei auditum, & eloquia casta, quorum prouentum, & lucrum per bona opera Deus requirit. Matt. 25. Vnde Beda Luc. 19. Qui pecuniam à Doctore percipit, emitque credendo, necesse est eam cum vsuris soluat operando, ut quod auditu didicit, exequatur & actu. Vnde Chrysost. hom. 12. in Genes. Quanto quis sapius audierit, tanto maiorem ultionem attrahet non faciens quæ dicuntur. Quod etiam confirmat Origen. homil. 13. in Exod. & hom. 8. in Iosue; & Fulgent. lib. 6. de Incarnat. & Grat. cap. 6. Legalis auditus, inquit, non solum neminem de potestate tenebrarum eripuit, quin etiam peccatoribus cumulum præuaricationis adiecit; quod dixit Ambros. Serm. 8; cum ait: Prædicatio Sacerdotis in plebe, saluandis est correctio, contestatio iudicandis; contestamur enim illis ante iudicium quid illos maneat in ipso iudicio, ut tunc omni excusatione submota, & rei sint de peccatis, & obnoxij contemptu. Vnde & ego interdum parcens vobis tacere vellem, sed malo, vos contumaciæ causas reddere, quàm me negligentia sustinere iudicium.

Hanc eandem doctrinam probat Origenes homil. 27. in Numer. cum ponderat id quod dicitur; *Exierunt in manu Moysis, & Aaron.* Ad exeundum, inquit, de Ægypto non sufficit vna manus Moysis, quæritur & manus Aarón, Moyses indicat scientiam legis; Aaron sacrificandi Deo, & immolandi peritiam. Opus est ergo, ut exeuntes de Ægypto non solum scientiam legis & fidei, sed operum, quibus Deus placetur, fructus habeamus; ideo enim & manus commemoratur Moysis, & Aaron, ut opera per manus intelligas; cum animæ vitia purgantur, manus Aaron operatur in nobis, & manus Moysis nobiscum est, cum ad hæc ipsa intelligenda illuminamur ex lege, & ideo vtraque manus necessaria est de Ægypto exeuntibus, ut inueniatur in eis non solum fidei, & scientiæ, sed & actuum, operumque perfectio; & tamē hæc nō sūt duæ manus, sed vna in manu

Moyſi, & Aaron, & non in manibus, vnum enim opus vtriuſque manus eſt, atque vna perfectionis expletio. Merito proinde Apoſtolus monet, vt non auditores tantum, ſed factores ſimus verbi. Quod facilius fiet, ſi (vt Plutar. meminit libr. de audiendo) cum ab auditorio ſoli apud nos fuerimus, quæcumque audiuiſus, correxerimus: ſi enim oportet ex tonſtrina, ſurgentem accedere ad ſpeculum, caput attrrectare, comam ſpectare, vt tonſa ſit, & diſcrimen tonſuræ, multo magis ex auditorio, ſcholæque digreſſus ad ſeipſum debet exemplò reſpicere, contemplarique animum ſuum, an qua ægritudine vel leuitate depoſita leuior eualeſcit, & erectior.

Verſ. 22. *Quia ſi quis auditor eſt verbi, & non factor, comparabitur viro conſideranti vultum natiuitatis ſue in ſpeculo.*

Verſ. 23. *Conſiderauit enim ſe, & abiit, & ſtatim oblitus eſt qualis fuerit.*

EXPOSITIO LITERALIS.



PROPOSITA ſimilitudine oſtendit Apoſtolus quàm vanum & inutile ſit verbum Dei audire, nec tamen iuxta illud morum correctioni ſtudere, cum ad hoc nobis proponatur. Ideoque auditores verbi, qui meliores minimè redduntur, ſimiles omnino exiſtunt homini contemplanti natiuum vultum in ſpeculo terriſſimo, qui nihil curat maculas, quas in facie viderat, abſtergere, proindeque tam deformis abſcedit, atque acceſſerat: imò ob debilem impreſſionem in ocalis factam, ſtatim obliuiſcitur qualem ſe conſpexerat. Sicut igitur nihil prodeſt huic homini ſe, maculæque vultus ſui vidiſſe, quandoquidem eas non abſtergit, ſic non prodeſt homini audire verbum Scripturæ, vel prædicationis, niſi illud quod audit aure, aut videt oculo, impleat opere.

Dubium tamen eſt hoc loco, quidnam per *natiuum vultum* intelligatur. Græci enim exiſtimant eſſe, quòd ſcilicet homo ad Dei gloriam ſit conditus, & ad imaginem Dei factus, quod contemplari debet in literarum ſpeculo; qui verò auditor tantummodo eſt, nec illi etiam curæ eſt ad prototypi effigiem ſe componere. Alij verò per *vultum natium* intelligunt naturam corruptam, egentem ex parte Dei gratiæ influxu, ex parte verò noſtri cōtinua cura, & emundatione: quia etſi culpæ remittantur, cupiditates tamen noſtræ malæ non ideo tolluntur, ſed repullulant. Qui ergo audit, ac videt, & de remedio adhibendo non eſt ſolicitus, hic tantum in ſpeculo, non in reiſa ſe conſiderat.

CÆTERVM exiſtimo Apoſtolum loqui non de vultu natiuo præciſè ſumpto, ſed maculis deturpato, puluere, & ſquallore obſito, quem is, qui breuiter ſe vidit ad ſpeculum, non curauit abſtergere, quantumcumque ei

tunc

tunc in mentem venerit. Ita ferè D. Thomas, Titelman. Lyran. & alij communiter, & Ber. Ser. 1. de septem panibus.

NEQUE verò abs re Apostolus similitudinem speculi non in muliere, cui familiaris admodum est speculi intuitio, & consultatio, sed in viro posuit, qui obiter speculum intuetur, & non curiosè sese ad illud componit, & examinat. Vnde Hieron. in Sophon. 1. Qui in fœmineo lâguore mollicus comam nutrit, vellit pilos, cutem polit, & ad speculum comitur, quæ propriè passio & insania fœminarum est; ideo ergo ut explicaret Iacobus incuriam eius, qui infructuosè verbum Dei audit, comparat viro consideranti vultum natiuitatis suæ in speculo.

§. I.

Verbum Dei speculum est, iuxta quod debemus componere, & ornare animas nostras.

EX hoc loco constat verbum Dei scriptum, aut auditum, esse speculum nobis propositum, in quo natiuum vultum debemus considerare, quòd scilicet simus ad æternam beatitudinem conditi, quòd virtutibus exornemur, moribùsque componamur. Iussit olim Deus, ut fieret labrum, siue concha ex ære & speculis mulierum, quæ obseruabant ad ostium tabernaculi, in quod Sacerdotes intuentes, vultus detergerent, & aqua in labro contenta lauarent: ut sic puriores, ac mundiores Deo sisterentur. Dicit autem esse specula mulierum, ut meminerint Sacerdotes non ad instar viri, sed mulieris examinandos & componendos, consultò, diùque defectus scrutando, quòd melius perficerentur. Specula mulierum, inquit Greg. homil. 17. in Euangel. sunt præcepta Dei, in quibus se sanctæ animæ semper aspicunt, & si quæ in eis sunt fœditatis maculæ, deprehendunt, cogitationum vitia corrigunt, & quasi retinentes vultus, velut ex reddita imagine componunt, quia dum præceptis Dominicis soletter intendunt, in eis proculdubio, vel quid in se cœlesti viro placeat, vel quid displiceat, agnoscunt. Moyses ergo labrum de speculis mulierum fecit, quia lex Domini lauarum compunctionis peccatorum nostrorum maculis exhibet, dum ea per quæ sanctæ animæ superno Sponso placuerunt intuenda præbet, quibus si diligenter intendimus, internæ nostræ imaginis maculas videmus, videntes autem maculas in pœnitentiæ dolore compungimur, compuncti verò quasi in labro lauamur. Et Aug. Concione 4. in Psal. 118. circa præsentem Iacobi locum sic ait: Mandata Dei siue cùm leguntur, siue cùm memoria recoluntur, tanquam speculum intuenda sunt, secundum Apostolum dicentem: Si quis auditor est verbi, & non factor, &c. Similiâque habet Serm. 112. de Tempore; & Serm. 38. ad Fratres in Eremitio; & Orig. hom. 6. in Leuit.

QVO magis verò præsens doctrina eluceat, notandus est locus apud Senecam lib. 1. Natural. quæst. c. 17. xvi. ita ait: *Inuentia sunt specula, ut homo*

EE 3 ipse

ipse se nosceret; multa ex hoc consequuta. Primo, sui notitia, deinde & ad quadam consili-
lion, formosus, ut vitaret infamiam, deformis, ut sciret redimendum esse virtutibus,
quidquid corpori deesset, iuuenis, ut flore ætatis admoneretur illud tempus esse discen-
di, & fortia audendi, senex, ut indecora canis deponeret, & de morte aliquid cogita-
ret. Ad hoc verum natura facultatem nobis dedidit nosmetipsos videndi, fons cuique per-
lucidus, apud leue saxum imaginem reddit:

— Nuper me in luto vidi,

Cum placidum venis staret mare. —

VNDE Bias dicebat: In speculo te ipsum contemplare, & si formosus apparebis, age qua deceant formam, si deformis, quod in facie minus est, id morum compensato pulchritudine.

IVXTA hanc igitur Philosophorum doctrinam debemus accedere ad propositum nobis speculum, ut maculas diluamus, virtutibusque exor-
nemur. Artifex misericordia Dei, inquit D. Leo Serm. 1. de Quadrages. cap. 4. splendidissimum in mandatis suis condidit speculum, in quo homo-
faciem suæ mentis inspiceret, & quàm conformis imagini Dei, & quàm dissimilis esset, agnosceret. Et Bern. Serm. 1. de septem panibus; Euange-
lium, speculum veritatis nemini blanditur, nullum seducit, talem in eo se quisque reperiet qualis fuerit, ut nec ibi timore trepidet, ubi non est timor, nec lætetur cum malè fecerit. Et afferens præsentem locum, ubi qui se consideravit in speculo, statim oblitus est, ait: Nos autem, fratres, non sic obsecro, non sic, sed consideremus nosmetipsos, & in ea quam audiuius sacri Evangelij lectione meditemur, ut proficiamus ex ea, & corrigamus secundum eam, si qua in nobis deprehenderimus corrigenda; propter hoc enim optat Propheta dirigi vias suas ad custodiendas iustificationes Domini, tunc inquit; *Non confundar cum perspexero in omnibus mandatis tuis.* Quod ipsum nouerat Nazian. quando Orat. de Quadragesim. Ictum. dixit: Ego diuinis oraculis euoluendis mentis puritatem collegi; quod ipsum videtur ostendere ille locus Psalm. *Apprehendite disciplinam*; quod Septuaginta sic verterunt: *Osculamini puritatem*; quasi tota animæ puritas, & pulchritudo ex disciplina, & mandatis Domini colligatur. Vnde Aug. Serm. 16. de verbis Domini, dicit, eos qui Prædicatorem aliquem laudant, nec tamen ad illius prædicationem corriguntur, contra se testes esse. Et D. Chrysost. hom. 6. ad Populum, non satis putat si quis audiendo verbum Dei componat mores suos veluti ad speculū, sed insuper, ut domum re-
tet admonitionē filii, vxori, & necessariis omnibus. Vide Greg. 2. Mor. c. 1.

§. I I.

Contra viros curiosè se ornantes.

QVONIAM diximus Apostolum posuisse similitudinem eius qui se ad speculum verbi Dei non exornat, in viro considerante vultum matritutis suæ in speculo, potius quàm in muliere, quia viri obiter tantum solent

solent specula intueri; muliebre autem est curiosè se ad speculū compone-
re, nō existimari prætereundam miseram nostræ tempestatis conditionem,
vbi viri muliebriter speculis vtuntur, impensius componuntur, & curio-
sius exornantur, quibus possumus dicere cum Bern. Ser. 2. de verbis Isaïæ,
Vidi Dominum: Erubescant cultu indigno viris, interdicto mulieribus, se-
metipsos potiùs dehonestantes, quàm ornantes, componere. Et Clem.
Alex. lib. 3. Pædag. c. 3. Eò vsque processit luxus, vt non solum fæminæ
hoc inani studio laborent se ornandi, sed etiam viri. Et Diogenes Cyni-
cus apud Lærtium videns adolescentulum muliebri cultu, seu effæmi-
nato indutum, dixit: *Non te pudeat deterius, quàm naturam ipsum de te ipso sta-
nuere? illa enim te virum fecit, tu te ipsum in mulierem resingis.* Et apud Stobæum
idem Diogenes ad adolescentem etiam se ornantem dixit: *Si ad viros frustra,
si autem ad mulieres, nequies.* Pro qua etiam re notauit Beroaldus lib. 2. de
Transformatione, ex Seneca, capillos affectari solere ab iis qui magis so-
liciti sunt de capitis sui decore, quàm de salute, qui inter speculum, & pe-
cuniam sunt occupati, qui concinniores malunt esse, quàm honestiores,
qui Rempub. suâ turbari minùs curarent, quàm comam.

Est et optimus locus etiam apud Liuium lib. 2. de bello Punico, vbi de
Scipione Africano ita dixit. *Adornabæ eum promissa casaries, habitusque corporis,
nō cultus munditiis, sed virilis verè ac militaris.* Quibus habet similia Silius Itali-
cus lib. 8. de bello Punico, & Ælianus lib. 8. variæ Historiæ, vbi de Alexan-
dro notauit, sine cura formæ capillos habuisse disiectos, atque confusos.
Pluræque hac de re habet Seneca epist. 115. 116. vbi inter alia ait: *Non est
ornamentum virile concinnitas.* Si ergo eo tempore maximum vitium erat viris
affectata compositio, & concinnitas, maiori cum ratione, postquam lux ve-
ra de cælo descendit ad depellendas omnes tenebras ignorantiae, & vitio-
sitatis, nisi fortè ea sit ratio, cur homines hoc tempore toti sint in concin-
nandis capillis, in exornanda facie, in coaptandis, componendisque ve-
stibus, quia cum in compositi omnino sint mores, tota compositio ad exter-
num cultum translata est: illudque ex eo quod in more positum est, colligo;
quod si hoc tempore loqueretur Apostolus, non de hominibus diceret
obiter se intueri ad specula, parùmque in eis visos defectus curare.

Verf. 24. *Qui autem perspexerit in lege perfecta libertatis,
& permanferit in ea, non audior obliuiosus factus, sed fa-
ctor operis, hic beatus in facto suo erit.*

EXPOSITIO LITERALIS.



AMNAVERAT superius incuriam, & negligentiam auditorum
circa compositionem defectuum, quos in prædicatione verbi
Dei, veluti in speculo agnoscebant, iam à contrario ostēdit quem
ordinem

ordinem obseruare debeant, vt proficiant, & corrigantur: debet enim in primis auditor perspicere, seu, vt Græca vox sonat, introspicere, vultu demisso, & oculis intentis, penetrarêque, & non in superficie speculi remanere, & sic vultum componere, & maculas delere ad præsentiam legis Euangelicæ, quam *perfecta libertatis* vocat: Græcus verò Codex, Syriacus, & Complutenlis habet, *legem perfectum libertatis*, id est, quæ est libertatis, ob rationes quas mox subiungemus.

HANC verò attentam inspectionem. contraponit superiori considerationi vultus natiuitatis in speculo, sicut etiã ex oppositio illius quod dixerat: *Abiit, & statim oblitus est qualis fuerit*, ponit, & *permanferit in ea*, seu, vt Græci habent; *permanferit sic*; obseruando scilicet, & poliendo vultum, iuxta illud Ioannis. *Qui seruat verbum Dei, verè in hoc charitas Dei perfecta est: & in hoc scimus quoniam in ipso sumus, qui dicit se in Christo manere, debet sicut ille ambulauit, & ipse ambulare*; id est, debet, sicut ipse docuit, facere, ipsùmque imitando sequi. Est enim Hebraismus in sacris literis frequentissimus, vt patet ex Psal. 1. *Beatus vir qui non abiit in consilio impiorum*; vbi Pagninus vertit, *qui non ambulauit cum impiis, nec eorum impietatem sequutus est*. Deinde etiam quia superius dixerat. *Oblitus est qualis fuerit*, dicit oportere auditorem non esse obliuiosum, sed factorem operis, ne scilicet postea cum Dauide conqueratur: *Aruit cor meum, quia obliuus sum comedere panem meum*, scilicet, non faciendo quod audio. Est enim animæ cibus facere voluntatem Dei, sicut dixit Christus Dominus: audire verò est tantùm videre cibum, non manducare.

D V P L I C I T E R verò potest homo diuinorum obliuisci verborum. Primò, ea è sua memoria penitus amittendo, secundò, ea non adimplendo, quauis eorum recorderetur. Nam & inuariabilis Deus obliuisci dicitur eorum quos iusto iudicio perire permittit, eo quòd per modum obliuiscen-
tis circa illos se habeat. Vnde dicitur. *Quare in perpetuum obliuisceris nostri?* Qui ergo factor verbi extiterit, hic beatus in suo facto erit, id est, per opera sua beatitudinem consequetur. Vnde Christus Dominus dixit: *Si hac seitis, beati eritis, si feceritis ea*. Vel, beatus in facto suo erit, merito scilicet, & spe, non in verbo tantùm erit beatus, ait D. Thom. sed in facto; in custo-
diendis enim illis retributio multa, non dicit, in audiendis.

§. I.

Lex Euangelica libertatis lex est.

P O S T V L A T hic locus, vt de libertate legis Euangelicæ dicamus, de qua sine dubio loquitur Apostolus, quidquid contradicant Hæretici, contra quos pro hac re videndus est Bellarminus tom. 1. lib. 1. de verbo Dei cap. 18. Nostra igitur lex gratiæ, libertatis lex dicitur, ratione gratiæ, & charitatis, vt ex Scriptura colligit August. lib. de Natura, & Grat. & Galat. 3. cap. 57. *Si spiritus ducimini, non estis sub lege*. Vtique lege, quæ timorem incutit,

incutit; non tribuit charitatem, quæ charitas diffusa est in cordibus nostris, non per legis literam, sed per Spiritum sanctum, qui datus est nobis. Hæc est lex libertatis, non seruitutis, quia charitatis, vtique non timoris, de qua Iacobus Apostolus ait: *Qui autem perpexerit in lege perfectæ libertatis*. Similiâque habet lib. de Continentia c. 3. & tract. 41. in Ioan. vbi ait: Noli libertate abuti ad liberè peccandum, sed vtete ad non peccandû; erit enim voluntas tua libera, si fuerit pia, eris liber, si fueris seruus, liber peccati, seruus iustitiæ. Similiâq; habet lib. 1. de ser. Domini in môte.

ET vt melius cognoscamus perfectam libertatem legis Euangelicæ, aduertendum est, multifariam in Scripturis nomen *seruitutis* accipi: & quod attinet ad præsens institutum, tripliciter seruitus accipitur. Prima enim seruitus est legis, de qua Paulus in epistola ad Galat. Secunda est peccati, de qua Paulus in epistola ad Rom. Tertia est seruitus corruptionis, de qua in eadem epistola, vbi etiam ait: *Ipsa creatura liberabitur à seruitute corruptionis in libertatem gloria filiorum Dei*. Et quia tunc temporis dabitur hæc libertas, ad quam modò solum ius habemus, nihil de ea in præsentia.

DE prima igitur seruitute sic ait Paulus: *Duo sunt testamenti, vnum in monte Sinai, in seruitutem generans*. Vnde Chrysost. hom. 14. in epist. ad Roman. ait: Quomodo literæ seruitutis erant, scilicet legis antiquæ, adducito in medium vniuersam populi Iudaici institutionem, ac viuendi formam, & tunc istud quoque clarum erit: etenim & supplicia peccantibus & vestigio infligebantur, & merces rectè facientibus congrua statim subsequerebatur, non aliter quàm quemadmodum solet famulis dari diemsum diurnum, & plurimus vndique timor ob oculos inualescebat, licet illi quidem vocati sint filij, vocati tamen sunt non aliter quàm veluti serui, nos autem vt liberi facti adoptionem accepimus, & cælum expectamus; & cætera quæ in hanc sententiam prosequitur. Videndus hæc de D. Aug. lib. de spiritu & lit. c. 13. & seq. lib. de Grat. Christ. c. 8. lib. de Nat. & Grat. cap. 57. & lib. 3. contra duas epist. Pelagianorum c. 4. & lib. 4. cap. 5. & multo elegantius sanè q. 92. in Exod. vbi luculenter hac de re disserit. Videndus item D. Hieron. lib. 1. Dialogorum contra Pelag. Chrysost. lib. de Virginitate c. 49. & in epistolam ad Ephes. cap. 1. ibi. *Qui benedixit nos omni benedictione*. D. Greg. hom. 32. in Euang. & Hugo de Sanct. Vict. lib. Sentent. sententia 63. Paul. Burg. 1. p. Scrutinij, dist. 8. c. 6. vbi ex autoritate Rabbiorum probat Deum filiis Veteris Testamenti tanquam pueris rudibus temporalia bona promississe, & mala corporis fuisse comminatum.

OSTENDIT autem Theodoret. q. 34. in Deuter. Deum se habuisse cum Hebræis, veluti cum seruis, dum quærit, qua de causâ Iudæos subiecit maledictionibus, & benedictionibus, cum Christus Dominus dum perfectam scientiam traderet perfectis, pollicitus sit regnum cælorum implentibus, transgressoribus autem gehennam comminatus. At verò Iudæis, inquit, humi repenti præditis animo, & terrena sapiente, terrenas maledictiones, & benedictiones indulsit. Quibus habet similia q. 36. cum quærit, cur in lege plures sint maledictiones quàm benedictiones. Improbi.

Pæz in Epist. B. Iacobi Apost.

FF. serui,

serui, inquit, non tam mouentur promissionibus libertatis, quàm plagarum comminationibus: vnde & velut seruos viles, & abiectos eos dicitur
Psal. 43. vendidisse Deus sine pretio. Super quæ verba ait Ambrosius. Si ementis & vendentis affectum consideres, vnusquisque sibi viliorem vendidit, potior-
 rem emit, vendidit populum Iudæorum nõ in clemetia Dei, sed sua culpa emptus est populus Christianus, ille peccatis veditus, hic emptus sanguine.

PROBAT insuper hanc seruitutem, quia sicut seruus epistolam domini sui clausam, & signatam deferret ad filium, aut amicum, ita & Iudæi sacras Scripturas asportabant, veluti clausas epistolas nobis tanquam filiis tradendas, & tanquam amicis à Deo aperiendas, quibus ipse dixit: *Iam non dicam vos seruos, sed amicos, quia omnia quæ audiui à Patre meo, nota feci vobis.* Vbi notanda venit particula illa (*omnia*) quam rectè ibi exponunt Chrysost. Theophylact. & Euthym.

Cant. 7. FACIT tandem id quod Rupert. notauit ad illa verba: *Quàm pulchri greges tui in calceamentis filia Principis?* vbi ostendit calceamenta esse insigne libertatis seu ingenuitatis. Quod insuper possumus confirmare, quia indulgens pater filio prodigo reuertenti a via sua pessima, ei in gratiam iam recepto imperat dari calceamenta in pedibus. E contrario verò Isaias in signum captiuitatis populi, ambulauit nudus & discalceatus. Cum ergo

Luc. 15. Synagoga esset veluti serua, eius Princeps dum à Deo eligendus vocatur, discalceari iubetur; *Solve calceamenta de pedibus tuis:* quantumque enim Princeps illius Reipub. esset, ad seruilem adhuc statum pertinebat. E contrario

Cap. 10. verò ad Ecclesiæ Principē Petrum ait Angelus: *Præcingere, & calcea te caligas tuas;* quia Princeps erat Ecclesiæ primitiuorum in libertatem assertorum.

Exod. 3. MITTO ceremoniales leges onerosas, namque moralia nobis quoque imponuntur, vt sæpe monet Augu. docens ratione istorum non distingui duplex Testamentum. Qua de re videndus est lib. de spiritu, & litera c. 14. & 10. cont. Faust. c. 2. & tract. 3. in Ioan. & in *Psal. 73.* videndus etiam Leo de Ieiunio decimi mensis, Ser. 6. & Ser. 14. de Passione, vbi ait; quæ utrique Testamento erant congrua, nulla esse commutatione variata. Mitto igitur Circuncisionem, Sacrificia, Purificationes, Neomenias, Tabernaculorum præcepta, ceremoniasque & umbras, quibus Hebræorum populus aded grauatus erat, vt Petrus eam legem appellet, *iugum graue,* cum tamen Christus suæ legis iugum suauē dicat. Quod ingeniosè explicauit

Act. 15. Paulus dum dixit: *Quicumque baptizati estis, Christum induistis.* i. ipsius legem professi estis. Vsus est autem verbo *induendi*, vt significaret, quod sicut indumentum nulli est oneri, neque vestibus quis prægrauatur, ita vt eas pro onere ducat, imò pro honore: ita suauē iugum legis Christi onerosum minimè est, imò suauē & decorum.

Mat. 11 QUAM graue autem esset iugum legis antiquæ, ex eo constat, quia, si-
Galat. 3 cut obseruat Abul. in c. 1. Ruth quæst. 24. vniuersa legis præcepta erant sexcenta & tredecim. Affirmatiua scilicet ducenta & quadraginta octo, negatiua, trecenta sexaginta quinque. Quod idem notauit Guiljelm. Parisiens. lib. de fide & lege cap. 1. & Galatin. lib. 1 c. 4. Paul. Burgenf. 1. p.

Scruti

Scrutinijs, distinct. 8. c. 9. Rabbi Moyses Ægyptius lib. 3. Perplexor. c. 56. dicit, Iudæos obligatos ad obseruanda ducata quadraginta & octo præcepta affirmatiua, secundum numerum membrorum corporis humani, & trecenta sexaginta quinque negatiua, secundum numerum dierum anni. Ideoque merito August. Ser. 9. de verb. Dom. veterem legem vocat sarcinam innumerabilem obseruationum, necessaria tamen sarcina, vt durus & peruiçax populus in officio contineretur, ne veluti serui vacantes otio, ad vitia, & idololatriam abriperentur.

CÆTERVM, cum hæc ita sint, in eo maxime cernitur seruitus legis veteris, quod vires non suppeditabat ad sui impletionem, sicut notauit Aug. epist. 44. Vnde & in Scriptura lex ea dicitur ignea, quia habebat virtutem ignis, illuminandi scilicet, & manifestandi peccata: vnde dicitur, *præceptum Domini lucidum: lucerna pedibus, & mandatum lucerna est.* At non habebat virtutem Ignis comburendi & consumendi. i. delendi ac tollendi peccata. Vnde Gregor. hom. 7. in Ezechiel. legem veterem similem fuisse dixit illi igni, qui in rubo visus est, qui licet in rubo luceret, ipsumque collustraret, non tamen comburebat, aut consumebat. Similiter lex Moysis illuminabat Iudæos, qui erant tanquam rubus spinis obsitus. i. peccatis, eadem demonstrando, sed minimè comburendo, aut consumendo, quia vim ad id minimè habebat; lex verò gratiæ vnà cum præceptis gratiam præbet, quia homines adiuti, faciliè, liberè, ac libenter implent ipsa præcepta. Et propterea Christiani dicuntur non esse sub lege, & iustus insuper dicitur non esse lex posita, non quod eam seruare non debeant, sed quia lex eos non premit, aut grauat cum eam libentissimè seruent; *vbi enim venit plenitudo temporis, misit Deus Filium suum factum ex muliere, factum sub lege, vt eos qui sub lege erant, redimeret, vt adoptionem filiorum reciperemus.* Quoniam verò sumus filij Dei, misit Deus Spiritum Filij sui, qui Spiritus testimonium reddit spiritui nostro, quod sumus filij Dei.

SED ne aliquis scrupulus in hac materia remaneat: si aliquis quærat, vtrum in statu legis veteris daretur iustis gratia ad implendam legem, & peccatoribus remissio peccatorum, sicut in lege gratiæ datur: dicimus hæc omnia tunc temporis non dari vigore legis, sed hdei Christi futuri; status enim legis quantum ex se erat, non dabat virtutem vt impleretur. In quo maxime differt à lege perfectæ libertatis, quæ hoc nomen etiam ideo sortitur; & nos dicimur liberi, quia non timore facimus quod iustum est, sed amore; vt prosequitur Aug. tract. 41. in Ioan. & lib. de catechizandis rudibus c. 21. & D. Thom. lect. 3. in c. 4. ad Galat. Videndus est hac de re D. Aug. lib. 1. ad Simplicianum c. 5. & lib. 1. 5. contra Faust. c. 8. lib. 17. c. 6. & lib. 2. contra aduersarium legis c. 3. Prosper lib. Sent. sententia 321. & D. Ber. Ser. 22. in Cant. Illudque tandem hoc in loco aduertendum est, quod notauit Euthym. in cap. 1. Ioan. ibi, *gratia, & veritas per Iesum;* nos omnino pèscare debere, vt quanto maiori gratia digni habiti sumus à Christo, tanto & ad maiorem nos obligari virtutem, ne tanto beneficio indigni conuersantes, dignum tanta ignauia supplicium sustineamus.

Ostenditur misera seruitus peccati.

1. ad. 8.
Rom. 6.

SECUNDA seruitus est peccati, iuxta illud; *Quis facit peccatum, servus est peccati*. Quod etiam dixit Paulus: *Non regnet peccatum in vestro mortali corpore*; vbi Chrysost. eleganter aduertit, non dixisse Paulum, non exerceat tyrannidem in vestro mortali corpore, sed non regnet, ad insinuandum nos non necessitate, sed voluntate peccare: Regnum enim est subdentium se voluntariè; quod etiam profequitur Greg. 14. Moral. c. 9. vbi explicat eadem verba Pauli. Licet ergo peccati actus statim transeat, manet tamen peccator servus peccati, quia illi obediuit, & ab illo superatus est, quod significauit Paulus dum dixit: *Nescitis quoniam cui exhibuistis vos seruos ad obediendum, serui estis eius cui obedistis, siue peccati ad mortem siue obediuntis ad iustitiam*. Vbi Paulus ostendit seruitutem consistere in obedientia, quæ peccato quasi domino exhibetur. Quod insuper probat Petrus cum ait: *A quo quis superatus est, huius & servus est*. vbi Petrus videtur alludere ad ius Gentium, quo licebat bello captos seruituti addicere. Quia verò versamur inter spiritum & carnem, si vicerit spiritus, spirituales sumus, si verò caro, seruituti carnis addicimur, & peccati serui efficimur. Et in eodem sensu Aug. tract. 41. in Ioan. appellat seruum charitatis illum, qui seruit charitati. Manet insuper transactio peccati actû macula eiusdem peccati, veluti stigma serui, talesque dicimur, quandiu eadem non deletur.

2. Pet. 2.

H V I V S igitur status miseriam sic exponit Ambros. lib. de Nabuthe c. 6. Qui facit peccatum, servus est peccati, semper in laqueis, semper in vinculis est, nunquam liber à compedibus, quia semper in criminibus. Quàm misera seruitus seruire peccatis: natura ipsius nescit munia, nec somni ipsius nouit vices, aut cibi fungitur suauitate, cuius nullum est immune seruitium, dulcis enim somnus serui, etsi modicum, vel multum edat. Et Aug. tract. 41. in Ioan. O miserabilis seruitus: plerumque homines cum dominos malos patiuntur, venales se petunt, non quærentes dominum non habere, sed saltem mutare. Seruus peccati quid faciat? quem interpellat apud quem se venalem petat? Deinde seruus hominis aliquando sui domini duris imperiis fatigatus, fugiendo requiescit, seruus peccati quò fugit? secum se trahit quocumque fugerit, non fugit seipsam mala conscientia, non est quò eat, sequitur se, imò non recedit à se, peccatum enim quod fecit, intus est. Similia totidem verbis habet Euseb. Emill. hom. 3. in Pascha; vbi intolerabile dicit iugum, sedam dominationem, & erubescendam subiectionem peccati, melioremque esse vernaculorum rationem, quos originis videtur inclinasse conditio.

V N D E Chrysost. hom. 19. in priorem ad Corinth. loquens de Ioseph vendito; Seruus, inquit, erat, qua in seruitute omnium liberrimus erat, contra libera illa maiorem in modum erat seruilis, cum seruo suo blandiretur, ac supplex fieret. Audiant serui, & liberi. Vter seruiuit, qui rogatus est,

est, an quæ rogauit? quæ supplex fuit, an qui contempsit? Quid tibi profuerit, quæso, quodd nemini hominum seruias, si teipsum afflictibus subicias? si quidem homines septennero parcere didicerunt, illi autem domini nunquam de perditione tua satiantur. Et Ambros. lib. de Ioseph. Rectè, inquit, vxor domini (ait sacer Textus) sollicitauerat, non ipsa domina, quæ non potuit extorquerè, quod voluit impetrare: nā quomodo domina, quæ dominandi non habet affectum? Et Ber. 1. de Consideratione: Annon seruus, cui dominatur iniquitas? quid interest, volens seruias an inuitus? Nam etsi coacta seruitus miserabilior, sed affectata miserior. Videndus hac de re D. Ambr. lib. 2. de Iacob, & vit. beat. c. 30. Aug. Ser. 13. de verbis Apostoli, & lib. 5. cont. Iulian. c. 13. Ephrem to. 1. Serm. exhortat. ad pietat. Irenæ. lib. 3. Philo lib. *Quod solus prob. sit lib.* in principio.

ET vt miseram hanc seruitutem prosequamur, illud præ oculis habendum est; infelicem scilicet hominem propriis peccatorum actibus constringi, & alligari, sicut Salomon dixit: *Funibus peccatorum suorum constringitur impius.* Cui accinit Isaias dicens; *Va qui trahitis iniquitatem in funiculis vanitatis;* vbi D. Hieronymus ita habet. Quodd autem iuxta Hebraicum, & omnes alios Interpretes appellantur funiculi vanitatis, hoc significat, quodd facientibus peccatum facillè textitur, & tam inane, & futile, vt araneorum fila textuntur, sed cum inde volumus exire, solidissimis vinculis neclimur. Videndus etiam idem Hieron. in illud Osee; *Ligauit eum spiritus in alis suis,* Osee 4. cum sic exponit: Immundus spiritus ita ligauit Iherusalem alis suis, & cum liberè volitare non patitur, nec sinit ecclesiæ cōtemplari, aut amare: quodd dixit Aug. 8. Confess. c. 5. Ligatus eram non ferro, sed ferrea voluntate. Et Gregor. 4. Mor. c. 25. Quot vicibus, inquit, prauæ frequentationis peccator astringitur, quali tot vinculis ligatur, & sic multiplicatur captiuitas, ac seruitus peccati, duriórque ac miserabilior fit multiplicatis vitiis.

Hoc in sensu allegorico ostendit ille locus Hieremiæ, cum de captiuitis in Chaldaea Iudeis dicitur: *Migravit Iuda propter afflictionem, & multitudinem seruientis.* Quibus verbis, vt plerique existimant, non significatur causa exilij Iudæ, sed acerbitas talis exilij, sicut insinuat D. Hieron. Amplectitur Figuerio; & exposuit hunc locum præceptor meus colendissimus Gabriel à Costa, vt sit sensus: propter multitudinem seruitutis, qua seruiebant apud Chaldaeam miseri Hebræi, & propter eorundem afflictionem, durissimum factum est exilium, in quo scilicet nulla dabatur requies, vt dicitur cap. 5. fatuetque textus Hebr. huic expositioni, vt pater apud Paguin. & Vatabl. Si ergo acerbitas huius seruitutis in eo cernebatur, quodd domini multiplicarentur, & lassus nulla daretur requies, sed ærumnosa, & acerbè tractaretur, inde iam licet colligere, quàm acerba sit seruitus peccati, vbi miser peccator tot vinculis religatus detinetur, & ad nutum seruire veluti cogitur, neque oculos ad cælum attollere permittitur.

LIGATUS ergo peccator, miserque seruus moueri non potest sine malo, sicut dixit David: Quod aliqui de illo malo, qui malorum princeps est, intelligunt: sic enim diabolus plerumque vocatur malus. Vnde pro eo

FF 3 quod

Gen. 3. 9.

Prov. 6. 1. Isai. 5.

Osee 4.

Thren. 1.

Psalm. 9.

libertas in hac vita datur,quanuis vera sit libertas virtutis,qua serui constitui mur iustitiæ: ideoque August.vbi sup.Eris liber,si fueris seruus, liber peccati, seruus iustitiæ. Noli libertate abuti ad libere peccandum, sed vt-
re ad non peccandum: erit enim voluntas tua libera, si fuerit pia. Prima libertas est carere criminibus.

V N D E Philo libr.de Nobilitat.loquens de parentibus Iacob, qui ipsius dominio, & potestati fratrem Esau subdiderunt, sic ait: Eum hoc affecerunt beneficio, vt fratri eum subiicerent, existimantes id ei fore vtile, si homo nequam in sua potestate non relinqueretur. Et lib. *Quod omnis prob. sit lib.* loquens de prædictis duobus fratribus, ait: Communis amborum pater miseratus eorum, eum qui à virtute descuerat, precatur fratri seruire; seruitutem, quæ videtur maximum malum, existimans rem insipienti vtilissimam, ne si relinqueretur in sua potestate, prolaberetur in omnem licentiam: sed per potioris curam emendatis moribus in melius proficeret, quasi ingenuitatem, ac libertatem esset amissurus Esau, nisi maioris imperio in officio contineretur. Similiâque habet Plutar.lib.de Auditione; vbi inter alia sic ait: *Soli hi vinum, vt volum, qui quid velle debeant, didicerunt, ineruditi autem, & rationis expertes anima incitationes, atque actiones exilime quandam ignobilémque voluntatis libertatem multa cum penitentia coniunctam habent.*

§. I I I.

Ostenditur perfectio nouæ legis.

Q V I A verò Græci hoc in loco appellant nouam legem, perfectam, necessariò duximus explicandam eius perfectionem, maximè cum vetus lex fuerit imperfecta; quod dixit Paulus: *Nihil ad perfectum adduxit lex,* Hibr. 7. id est, nullum hominem, sicut bene attigit Theophylact. Et patet ex eo quod de solo homine dictum est: *Omne quod datur mihi Pater, ad me venit.* Hoc 1. Ian. 6] autem ideo dicit Paulus, quia omnia legis sacrificia non potuerunt perficere hominem, id est, sanctificare, & ad vitam vltimam perducere, quæ est vltima, & maxima hominis perfectio: quod tamen potest, & efficit lex gratiæ; qua fortè ratione ab Apostolo de iis, qui in ea degunt, dicitur: *In quos* 1. Cor. 10: *finis seculorum deueniunt.* Cumque iuxta Philosophorum doctrinam, finis, & bonum conuertantur, videtur Paulus dixisse, bonum, & perfectionem omnium temporum ad legem gratiæ, & ad Christianos deuenisse: quod videtur confirmari ex illo quod dixit Abacuc: *Domine, opus tuum in medio* Cap. 3: *annorum vinifica illud;* vbi Arias Montanus legit, *inter annos*, vt sit sensus: Perfice opus tuum in potissima temporum portione, sic enim particula (*inter*) accipitur in sacris literis, vt patet ex illo, *Afferamus ad nos Ar-* cam Domini, & *veniet in medium nostri*, seu, *inter nos*; quod aliqui ita exponunt, quasi dictum sit: Veniet in optimum totius nostræ congregationis locum. Ideoque Guarrius Abbas Sermon. 1. de Annun-
ciat.

ciat. de lege gratiæ sic dicit: Felicitas temporum, in quibus tanta plenitudo gratiæ, & omnium bonorum; ecce enim venit plenitudo temporis.

I D E O Q V E, vt hanc plenitudinem, & abundantiam gratiæ denotaret Christus Dominus, clauces regni cælorum tradidit seruo, Sacramento-
 rumque ministri eandem gratiam ministrant, cum tamen tempore sterilitatis clauces horrei non soleat Dominus cuique committere. Quam eandem abundantiam gratiæ ostendit modus illo loquendi: *Non dat Deus spirituum ad mensuram.* Vnde Tertul. lib. 5. contra Marcion. c. 3. ait: Destruillex habuit, ex quo vox Ioannis clamauit in eremo, *Parate vias Domini,* vt fierent riui, & colles, & montes repleti. Et cap. 5. legit eum locum
 Ioan. 3. Isai. 52. *Quam maturi pedes euangelizantium pacem!* pro eo quod nos legimus, *quam speciosi.* Fuit enim lex verus, semen, at lex gratiæ maturos protulit fructus, & veros, sicut prosequitur idem Tertullian. lib. 4. contra Marcionem.

VEL etiam dicitur lex gratiæ perfecta, quia veluti adultis, & viris iam factis tradita est, & in omnes nationes adoleuit, cum illa alia veluti fuerit lex puerorum paruula, & vbera non habens, vmbra, & figura futurorum. Vnde Theodoret. quæst. 18. ad illud. *Nunquid ego concepi multi tudinem hanc, vt dicas mihi, porta eos?* Ex his, inquit, patefecit illorum imperfectionem, & stoliditatem, dum eos comparauit infanti, qui nihil aliud possit, aut velit, quam lac sugere. Et quæst. 2. in Deut. responder tacitæ cuidam obiectioni, quæ poterat proponi, cur scilicet in Scriptura non fiat expressa mentio trium Diuinarum personarum? Iudæis, inquit, adhuc infirmis hæc exacta Theologia exhiberi non poterat, quoniam inde dicendi plures Deos occasionem cepissent. Idcirco nomen Diuinum in veteri Testamento singulari numero pronuntiatur.

ET D. Leo Ser. 18. de Passione c. 2. ita rem explicat; & de perfectione legis gratiæ sic loquitur. Præcesserunt figuræ, vt sequeretur effectus, & in aduentu rerum nunciatarum finita sunt officia nuntiorum, indulgentius nobiscum egit doctrina cælestis, quos in hæc mundi tempora distulit, ad intelligentiæ facultatem, vt multo pluribus, & vatibus vteremur, & restibus. Quod probat etiam Ambrosi. ex eo loco Psalm. *Annumianu iustitiam tuam in Ecclesia magna.* Quid est, inquit, quod addidit, magna, nisi quia fuit antè non magna? quæ est magna, nisi de totius orbis terrarum partibus congregata? Alibi tamen legimus, *Confitebor tibi in Ecclesia magna, in populo graui laudabo te.* Ibi ergo Ecclesia magna, vbi populus grauis, hoc est, non inquietus, & mobilis, qui sedit manducare, & bibere, & surrexit ludere, grauis populus, qui fidem Deo suo seruet, & qui non aliqua leuitate mutetur, neque nutet, & fluctuet. Quibus verbis eleganter exponit Ambros. mores & conditionem puerorum, quibus veluti imperfectis vacua, & egena elementa tradita sunt, cum nobis perfecta lex contigerit.

§. V.

Qua libertas debeat in Christiano reperiri.

POTERIT etiam Euangelica lex dici libertatis, quia libero homine digna est, sicut etiam teste Seneca epist. 58. *Liberale dicuntur artes, quia libero homine digna sunt.* Quæ libertas legis ad hunc sensum redacta seruitutem à Christiano homine exulare iubet, ne veluti seruus hominibus placere studeat; quod monuit Paulus dicens: *Nolite fieri serui hominum*, vbi Theophylact. Vel vniuersos instituit, vel Christianum hominem, vt nihil ad humanam gratiam facitet, neque illorum iussa, qui prava iniunxerint, exequatur. Et Chrysost. homil. 19. super hæc verba Pauli; *Nolite fieri serui hominum*, hoc est, nolite eis parere cum turpia præcipiunt. Deinde, neque nobis ipsis serui fieri velimus: ostenditque fratres Iosephi non veluti liberos homines circa ipsum se habuisse. Nonne, inquit, magis serui fuerunt quam serui ipsi, cum patri, mercatoribusque mentirentur? Talis minimè liber est. Christiana Religio in seruitute libertatem elargitur, nemo te quicquam lædere poterit, cum seruiles mores non habueris, quibus si obnoxius fueris, nulla est tibi libertatis utilitas, etiam si millies liber esses.

QUÆ de re plura habet Philo lib. *Quod omn. prob. sit lib.* ex quibus aliqua decerpendo sic ait: Bonus vir prudenter agit omnia, solus ergo liber est. Quidni? cum nec cogi possit, nec vetari. Ergo nemo bonus seruus est. Nonne decet illud Zenonium succinere, facilius esse virem inflatum mergere, quam quemuis virum probum inuitum ad aliquid agendum cingere? nam inuictus animus rationis rectæ placitis confirmatus cedit nemini.

HANC etiam libertatem in seruo Dei requirit D. Hieronym. alia etiam via, in regul. Monach. cap. de virtut. Humilitat. dicens: Caue ne rumusculos hominum aucuperis, ne offensam Dei populorum laude commutes; per bonam & malam famam, à dextris, & à sinistris Christi miles graditur, nec laude extollitur, nec vituperatione frangitur, non diuitiis tumet, non contrahitur paupertate, & læta contemnit, & tristitia: nam iusti, & fortis viri est, nec aduersis frangi, nec prosperis subleuari. Talem ergo virum, talémque animum liberum, & ingenuum decet libertatis lex. Hanc autem libertatem præcipuè in Apostolicis viris, & nouæ legis annuntiatoribus prædixit Ezech. cap. 29. cum ait: *In die illa pullulabit cornu domus Israël, & tibi* Ezech. 29.
dabo apertum os in medio eorum; quæ verba libertatem in docendo, ac loquendo denotant, possuntque explicari ex illo loco Ecclesiast. 15. vbi dicitur, *In medio Ecclesie aperiet os eius;* quem Ecclesia affert pro Doctoribus sanctis Eccle. 15.
liberè annuntiantibus legē libertatis: significatq; liberè corā omnibus loquetur. Insuper & explicatur ex illo Haie 58. vbi dicitur: *Clama, ne cesses,* 1/ai. 58.
quasi tuba exalta vocem tuam; vbi Septuaginta habent: *Clama in fortitudine.* i. constanter, nec parcas hominum licentiæ in peccando; quod est officium. Prædicantium. Qua de re videndus Aug. Serm. 106. & Ser. 66. Greg. lib. 1. Pastor. p. 2. c. 4. Bern. lib. 4. de Consider. & Philo lib. *Quis sit heres,* & c.

Pat. in Epist. B. Iacobi.

G G vbi

vbi sic habet: Sunt admirandæ virtutes fiducia sermonis, libertas aduersus præstantiores, quando res eam postulat, vt illa Comica sententia vera potius sit, quàm ludrica; *Si seruus semper consuecat silentio, fiet nequam, neque discet loqui liber;* & cætera quæ prosequitur in hanc sententiam.

Exod. 2. CESSIT quondam Moyses accusationi de homicidio Ægyptij, fugiensque abscessit in terram Madian, cumque eum Deus ad liberationem populi vocasset, iussit soluere calceamenta; quod explicans D. Ambr. lib. 7. in c. 10. Luc. sic ait: Mortale, atque terrenum calceamentum iubet soluere, cum mitteretur ad populum liberandum: huius enim minister muneris timere nihil debet, nec à suscepto officio mortis periculo retardari; ipse enim cum defensionem fratrum, hoc est, Iudæorum, voluntarius receperat, calumniæ terrore reuocatus est ab incepto, & fugit ex Ægypto; & ideo cum Dominus affectum eius probasset, conditionem autem vidisset infirmam, animi eius, mentisque vestigium mortalibus vinculis censuit exuendum. Quod si Deus neque in serui Repub. animum affectibus hærentem passus est, quomodo patietur in lege perfectæ libertatis aliquam huiusmodi adhesionem, vt quis ab officio diuellatur metu, vel spe, aut alio huiusmodi affectu? imò, sicut dixit Greg. lib. 17. Moral. c. 4. vnde quisque eripi à morte poterat, inde grauius ad mortem tendet, quia nequaquam à præsentibus mentis oculus separatur. Et qui cum vxore Loth sola terrena respicit, ad supernam ciuitatem, quæ libera omnino est, nequit ascendere.

DEBET proinde oculos ad authorem libertatis conuertere, & liberè per omnia incedere, quod videtur dixisse Salomon, quando ait: *Oculi sapientis in capite eius;* vbi Hieronym. Hugo Cardin. Olympiod. & Salon per caput intelligunt Christum Dominum, qui totius Ecclesiæ caput est, & legis libertatis conditor. Qui ergo oculos in Christum solummodo defixos habuerit, sapiens hic, ac liber omnino erit à seruitute mundi. E contrà verò qui seruus est peccati, sola cogitare, sola amare nititur, quæ sibi ad commodum temporale suffragentur; sicut ait Gregor. 7. Moral. cap. 5. Vnde per Salomonem dicitur: *Oculi stultorum in finibus terre;* quia hoc solum tota cordis intentione conspiciunt, per quod ad finem terreni desiderij perducantur. Nequaquam verò suæ considerationis obtutum in terra peccator figeret, si ad sancta sui Redemptoris itinera mentis oculos leuaret. Vnde per Salomonem rursus dicitur, *Oculi sapientis in capite eius;* quia videlicet sapiens quisque illum tota intentione considerat, cuius se membrum esse per fidem pensat. Hæc Gregor. qui similem doctrinam habet 20. Moral. c. 3. & homil. 2. in Euang. & Ber. lib. de ordine vitæ.

§. V.

Laudatur permanentia in virtute cum Deo.

CONSULIT deinde Apostolus permanentiam, quam videtur explicasse additamentum quod Græci assignant, & *permanens* sic; quod ostendit perfectam esse futuram permanentiam illius, qui in lege perfecta per-

spe

spexerit, scilicet per fidem, & per charitatem. Est siquidem duplex modus manendi in Deo: alter, per fidem mortuam, quo pacto fideles peccatores in Deo manent, sicut palmites infrugiferi, tamen vitibus vniuntur, qua similitudine vsus est Christus Dominus. Alter modus manendi cum Christo est per dilectionem, ut palmites fecundi suis vitibus adhærent, à quibus omnem virtutem accipiunt. Et de hac perfecta permanentia loquitur Iacobus ex sententia D. Thomæ, Carthusiani, & aliorum. Idque ostendit ex operatione, qua non auditor obliuiosus, sed in spe beatus erit: qui enim vnitur Deo per fidem, & dilectionem, debet, sicut videt in legis speculo, operari, & ad nutum obedire, quæ est perfecta permanentia cum Deo. Sic aut verò ex inmanentia Patris cum Filio, & Spiritu sancto ratione vnius essentia, & voluntatis, vna, & eadem oritur operatio externa: vnde deductum est commune Theologorum axioma, confirmatum à Concilio Toletano 6. cap. 1. & Concilio Toletano 2. in Confessione fidei: sic ex permanentia cum Deo deducitur operatio, & excluditur obliuius iussiois Diuinæ. Quod probat ille locus Psalm. 13. vbi Dauid ait; *Deus meus es tu, quoniam bonorum meorum non egesset.* Paraphrasis verò Chaldaea habet: *Bonum meum nisi à te;* & D. Hierony. *Bene mihi non est sine te.* vbi rectam operationem in Deum presentem videtur refundere, prout aliqui explicant dicta verba. Ideoque Chrysost. tom. 3. Sermon. 2. de Feria 5. Passionis explicat illud, *Petrum sequebatur à longe.* Si propè sequeretur, semper Dominum fateretur. Videndus hac de re Rupert. lib. 3. in Genes. c. 14.

IDEOQUE Sponsa tenens diuinum Sponsum, dimittere nolebat; & Iob dicebat: *In nidulo meo moriar: & sicut palma multiplicabo dies.* Vbi D. Gregor. lib. 19. Moral. cap. 16. ait. Palma tardè proficit, sed diu in viriditate subsistit. Et Bernardus Sermon. 1. in die Paschæ. Neminem audiamus, non carnem, non sanguinem, non spiritum quemlibet, descensum suadentem de cruce, persistamus in cruce, moriamur in cruce, deponamur aliorum manibus, non nostra leuitate. Sic ille. Qui videtur alludere ad descensum de cruce, quem Iudæi Christo suadebant, ut sic inceptum opus nostræ Redemptionis imperfectum relinqueret. Dicebant ergo: *Si Rex Israël est, descendat de cruce, & credemus ei.* Imò verò, ait Bernard. quia Rex Israël est, titulum Regni non deferat, virgam Imperij nõ deponat. Si Pilatus quod scripsit, scripsit, Christus nõ perficiet, quod incepit? Ipse enim cæpit, & saluabit nos. Ad imitationem proinde eius quodlibet inchoatum virtutis opus consummare debemus, Christoque Domino immobiliter adhærere, & affigi, ita ut neque mors, neque vita; nec aliud quidpiam nos ab eo possit separare. Vnde Hierony. in regula Monachorum cap. de Pœnitentia ait: Non quaeruntur in Christianis initia, sed finis. Paulus malè cæpit, sed bene finiuit. Iudæi laudantur initia, sed finis proditiōe fœdatur.

Verf. 25. *Si quis autem putat se Religiosum esse, non refranans linguam suam, sed seducens cor suum, huius vana est Religio.*

EXPOSITIO LITERALIS.



POST QVAM Iacobus ostendit non sufficere ad salutem verba Dei audire, sed oportere insuper operibus adimplere, nunc ostendit neque hoc sufficere, imò nec fieri, nisi peccata loquutionis vitentur. Et sicut posuit similitudinem de eo qui se inutiliter intuetur ad speculum, ita nunc de falsa, seu inutili, ac vera Religione agit, vt rem conficiat.

DVSITAM tamen hoc loco interpretes, quidam nomine *Religiosi* ac *Religionis* intelligat Iacobus, vtrum scilicet intelligat omnes fideles, qui Christianam Religionem amplectuntur, an verò loquatur de aliquo strictiori vitæ statu, qui ad paucos spectet. Et licet plerique existiment de solis fidelibus loqui, cui sententiæ fauet Syriaca lectio, quæ habet: *Si quis existimat se seruire Deo*, & ita ad omnes in vniuersum Christianos videtur pertinere; sicque exposuit hunc locum Cyrillus Alex. lib. 3. in Ioan. cap. 26. vbi referens hunc locum pro *Religioso* ponit *fidelem*, sic enim habet: *Si quis in vobis fidelis videtur, qui non refranat*, &c. Sic enim interpretatur Abbas Isaias Orat. 21. de Pentecost. tom. 2. Biblioth. vt alios multos omittamus. Vox tamen Græca *ἁγνότης*, vt hoc loco ait Oecumen. plus quiddam habere videtur quàm *fides*; & Brixianus dixit significare quandam occultam agnitionem, & stabilimentum eorum, quæ per fidem contemplamur. Quod mihi explicat Græcus Codex dum habet: *Si quis in vobis, seu, inter vos*. Vnde existimo sanè loqui Apostolum de quibusdam qui arctiori vinculo, consiliorum Christi perfectionem tunc temporis sequebantur; quod hominum genus vulgò dicimus deuorum, vt hic notauit quidam ex recentioribus, possuntque hæc verba intelligi de iis, qui relictis omnibus sequebantur Christum, & seipfos castrarant propter Regnum cælorum.

LICET autem hoc probabiliter possit dici, illa superior expositio est communior, & aptior communi doctrinæ, quam tradidit Apostolus in hac epistola. Et ideo plerumque Religio sumitur pro Christiana professione: quo sensu Lactant. lib. 4. diuinar. Institution. cap. 28. ait: Hac conditione gignimur, vt generanti Deo iusta & debita obsequia præbeamus, hunc solum nouerimus; hunc sequamur, hoc vinculo pietatis obstricti Deo, & religati sumus, vnde ipsa Religio nomen accepit. Et ad id dicimus nomen Religionis à vinculo pietatis esse deductum, quòd homines sibi Deus religauerit, & pietate constrinxerit, quia nos seruire ei vt Domino, obsequi vt parenti necesse est. Idem ferè habet Hieron. in cap. 7 Amos; & Ambro. lib. de Virginit. Aug. lib. 1. Retract. cap. 13. & lib. de vera Religione cap. 55. Isidor. lib. 28. Etymolog.

Siquis igitur non refranet linguam suam per fidem, scilicet, quam habet,

habet, & per opera fidei, ait Glossa, sed seducens cor suum, id est, seorsum
ducens, quod est fons omnium loquutionum, ab iis quæ sibi conueniunt,
vel seducens cor per falsam opinionem, non intelligens se puniendum pro
peccato linguæ. Significat autem hoc verbum *seducere*, non tantum decipe-
re, sed blandè adulando, & alliciendo, & facilem rem reddendo suadere. Sic
enim Apostolus de Pseudoapostolis dicit: *Per dulces sermones, & benedictiones* Rom. 16.
seducunt: corda innocentium; vbi Anselmus: Insidiosa, & blanda adulatione co-
rum peccata alleuant, & tanquam sanctis benedicunt.

SED VCI igitur cor suum qui sibi met linguæ volubilitatem rem faci-
lem persuadet. Et propriè seductio communis est hominibus, & sæpe in
sacris literis inculcata. *Ecce, inquit Propheta, paruum dedi te in gentibus, & Hier. 49.*
contempnibilem inter homines, arrogantia tua decepit te. Et Esai. *Sapientia tua, & scien-*
tia tua ipsa seduxit te. Denique Paulus: *Si quis existimat se aliquid esse, ipse se seducit.*
Huius igitur qui sic se decipit, vana est Religio, id est, frustra se Christia-
num esse fatetur, seu inutilis est Religio quam præ se fert, cum totam vir-
tutum structuram deiiciat iniusta loquela.

§. I.

Virtutem comitatur silentium, ac moderata loquela.

OSTENDIT hic locus connexionem silentij cum virtute, & dependen-
tiam, quam habet Christiana, & religiosa vita à moderata loquutio-
ne. Vnde Greg. 7. Moral. cap. 7. exponens præsentem Iacobi locum ita ait:
Aquæ more se habet humana mens, sicut enim detenta aqua sursum ele-
natur, sic humana mens circumclusa, ad superiora colligitur, & relaxata
deperit, quia se per infima inutiliter spargit: quot enim superuacuis verbis
à silentij sui censura dissipatur, quasi tot riuis extra se ducitur; vnde & re-
dire interiùs ad sui cognitionem non sufficit, quia per multiloquium exte-
riùs expansa vim intimæ considerationis amittit; vnde scriptum est: Sicut
vrbs patens absque murorum ambun, ita vir qui non potest in loquendo cohibere spiritum
suum. Quia enim murum silentij non habet, patet inimici iaculis ciuitas
mentis, & cum se per verba extra semetipsam eiicit, apertam se aduersario
exhibet, quam tanto ille sine labore superat, quanto & hæc eadem, quæ
vincitur, contra semetipsam per multiloquium pugnat. Sic Gregor. Quod
etiam ostendit Isaias cum dixit: *Erit cultus iustitiæ silentium.* Vbi (*cultus*) idem
est, ac ornamentum, & decus: quasi nullum aliud sanctitas habeat, quàm
silentium: sic enim hunc locum exposuit Concilium Tolet. 5. quæst. 4. in
loco benedictionis. Ideoque Ioseph cum esset iustus noluit sponsam tradu-
cere, sed tacuit donec cœlitus admoneretur; commendauitque huiuscemo-
di decorem iustitiæ Sponsus in anima iusta, cum dixit: *Labia tua sicut vitta co-*
cinea. vbi illud notandum censeo, quod cum labia Spôsæ duo fuerint, vni
tantummodo vittæ comparantur: non enim tunc censuit laudandum os
Spôsæ cum aperiebatur ad loquelam, duoque visebantur labia seiuncta,
sed quando instar vnius præ taciturnitate coniuncta, & vnita erant; quod

GG 3 qui

quidem silentium virtutem animi loquitur, & Religionem mundam commendat. Vnde D. Hiero. epist. ad Marcellam de Asella virgine ita ait: Habebat silentium loquens, quasi dum nihil loqueretur, plus de propria sanctitate diceret, quam posset loquendo explicare.

NEQUE verò intelligendum est hoc loco, illud silentium laudari solum quod per omnimodam refectionem linguæ fit, sed moderatam loquutionem, & sanam, ac rationabilem sermonis formam, iuxta veritatem, & rationem, quæ & Religionem, & conditionem cuiusque facile ostendit; quod videtur probate David cum dixit: *Exultauit lingua mea.* vbi Hiero. ex Hebr. vertit: *Exultauit gloria mea.* Idemque habet Paraphrasis Chaldaea. Et rationem reddit Brixianus: Quod, inquit, in Hebr. est, *gloria*, Græcus reddidit, *lingua*. Nam sermo est quo præcipue dignitas hominis constat. Vnde illud colligitur, dignitatem, gloriam, & virtutem cuiusvis hominis facile colligi, & probari ex sermone ipsius.

Dist. 17.

In quam sententiam confirmandam facit illa separatio facta à Moyse, dum Iordane transmissio constituit super montem Garizin ad benedicendum obseruatores diuinorum præceptorum, Simeon, Leui, Iudam, Isacar, Ioseph, & Benjamin, è regione verò in monte Hebal posuit viros ex aliis sex Tribubus. Notarunt autem Oleast. & Brixian. cum Theodoret. quæst. 34. in Deut. benedicendi facultatem concessisse Moysen Tribubus ex liberis oriundis, ad maledicendum verò semiseros constituisse; quibus annumeratus est Ruben, ut qui in scelus maculari paterni thori prolapsus fuerat. Etenim nobiles, & sancti viri, quando secundum rationem loquuntur, bene loquuntur, ignobiles verò, & iniqui, maledici sunt, simul & loquaces. Ideoque Nazianz. Orat. de silent. Quadrag. ieiun. ait: Prouidentem est ne quem vllum sonum edamus, qui à Dei laude discrepet. Equidem ipse puris sacrificiis, quibus magnum illum Regem mortalibus concilio, puram linguam seruabo: neque enim committam, ut ab aliena lingua fœda atque obscœna mente viuificum illud sacrificium purissimo Deo mittam. Quæ verba satis ostendunt decere sanctam, & religiosam animam certa, ac pura verba. Illudque notandum quod Hieron. epist. ad Celantiam ait de vitiosa loquela: Tanta huius mali libido mētes hominum inuasit, ut etiam qui procul ab aliis vitiis recesserunt, in istud tamen, quasi in extremum diaboli laqueum inciderint: tu verò hoc malum ita effuge, ut non modò non detrahas, sed ne alij detrahenti aliquando credas. Facit etiam quod notauit Philo lib. de victimis: vbi ponderat oblationem & victimam pro peccato in templo omnino consumi, tum in sacrificio, tum quia Sacerdotes illa vescébantur in templo, ita ut nec eorum, inquit Philo, domesticæ feminae, nec ipsi qui offerunt, partes capiant, videlicet, ne exprobrentur peccata pristina iactata in vulgum susurris inimicorum, & linguis petulantium gaudetium aliena ignominia. Vbi vidēs eos, qui Religionem constringunt, silentio teneri, maximè circa aliena peccata, alioqui si vel detegant, vel exprobrent, vel immoderatè loquantur, vana utique erit eorum Religio.

§. II.

Qui non considerant propria peccata, facile de alienis loquuntur.

IL L V D etiam hoc loco notandum censeo, iuxta eorum expositionem, qui idem volunt esse *seducere*, atque cor seorsum ducere, & separare: illos non refranare linguam suam, procliuioresque esse ad loquendum de aliis, qui seducunt proprium cor, & separant ab iis quæ in se possent agnoscere, corrigere, & deplorare. Auertit Iudas oculos à se, dum cognouit Thamar concepisse, iudiciûmque ferens dixit; *Produce illam vt comburatur*: Genes. 38. at postquam ylis annulo, armilla, & baculo reduxit cor, proprium scelus in memoriam adducens, illicò refranans linguam suam dixit: *Iustior me est*, iustiorémque appellat, vt notauit D. Hierony. non quòd iusta fuerit, sed quòd comparatione Iudæ minùs malè fecerit, non vaga turpitudine, vt ille libidini consentiens, sed quærendo filios, vt mittamus Iudam totius mali causam fuisse dum illam marito iniuste priuauit. Facit etiam pro eodem instituto ira Dauidis ad propositionem parabolæ Nathan, cum dixit: *Filius mortis est vir qui fecit hoc. Quem reddet in quadruplum*: postquam verò Prophetam reducens cor Dauid, ei dixit. *Tu es ille vir*, mox se peccatorem, & solum reum confessus est. Quem locum expendens Chrysost. tom. 1. homil. 1. in Psal. 50. sic eleganter rem prosequitur: Lex Exod. 22. præcipit furantem duplici restitutione vinciri; iste autem, & legè est prætergressus; iubet quippe ipsum interimi: sic enim aliena peccata solemus reddere grauiora, vt acerbissima assignemus supplicia, cum propria nitamur extenuare. Videndus Abulensis 2. Reg. c. 12. q. 2. Vnde Bernar. Serm. 4. de Aduentu, dicit: Quidam tam vehementer contra aliorum delicta zelantur, vt videri possent esurire, & sitire iustitiam, si esset apud eos de suis quoque peccatis idem iudiciûm, nam contra alios tam impudenter; quam inaniter æstuant, seipsos tam insipienter, quàm inutiliter palpant. Similiâque habet lib. de interiori domo c. 42. & 43. dicens: Tandiu quisque sua peccata ignorat, quandiu curiosè aliena considerat, qui semetipsum aspicit, non quærit quid in aliis frequenter reprehendat, sed in semetipso quid luceat. Pro qua etiam re videndus Greg. lib. 5. Moral. c. 30. vbi ait: Quasi aqua ignis extinguitur, cum surgente furore animi sua cuique ad mentem culpa reuocatur, quia erubescit sibi peccata non parcere, qui Deo, vel proximo semper recolit parcenda peccasse. Plura hac de re habet Chrysost. hom. 43. in Matth. vbi ita ait inter multa: Sedeat mens atque cogitatio tua iudex in animam, atque conscientiam tuam, adducas omnia delicta tua in medium, scrutare quæ animo commisisti, & pone dignas singulorum pœnas, dicas tecû assiduè, quare hoc, aut hoc ausus es? Quòd si ab his cōscientia tua refugit, aliena verò curiosè rimatur, dic ad ipsam: non ego iudex in alios, &c. Videndus Aug. Serm. 94. de Tempore c. 4. & Ber. Serm. 40. in Cantica. Et Hieron. in cap. 23. Matthæi, & in c. 6. Lucæ, vbi exponit ea verba Eccl. 7: *Noli esse iustus milium*; de iis qui rigidi, ac truces aduersùs aliena peccata

peccata sunt. Non est igitur seducendum cor à proprijs defectibus, & nequitijis: sic enim facile reformabimus linguam nostram, ne contra alios exeratur, si proprias infirmitates per reductionem cordis, ad internam considerationem perspexerimus.

Verf. 27. Religio munda, & immaculata apud Deum, & Patrem, est visitare pupillos, & viduas in tribulatione eorum, & immaculatum se custodire ab hoc saculo.

EXPOSITIO LITERALIS.

DIXERAT superius beatum fore factorem operis, & vanam Religionem eius, qui linguam non coërceret; nunc ostendit quænam opera maximè Deo placeant, quæque puram, & sinceram Religionem testentur, scilicet, misericordia erga proximos, & innocentia in conscientia: necessariò enim debet & Deo placere immaculata vita, & patrem obligare cura erga egentes, & afflictos filios. Charitas verò erga proximos primus sanctitatis fructus est, vnde eleemosyna vocatur *fructus iustitiæ*, & quo solum iustitiæ pinguius fuerit, maiores fructus iustitiæ proferet.

2. Cor. 9.

AGIT ergo hoc loco de ea Religione, quæ Deo, non hominibus accepta est, utpote quia nequeat falli, sincera, & pura apud Deum, qui omnium Pater est, vel coram Deo Filio, & Patre æterno, qui cum Spiritu sancto vnus est omnium Deus.

OMNES verò egeni per pupillos, & viduas debent intelligi, & hoc loco hi numerantur, quia plerumque miserabiliores sunt: viduitatis namque ærumnæ innumeræ propemodum sunt, vnde Nyssen. Opere de Virginitate c. 3. ait: Quæ sunt viduitatis propria incommoda? quotusquisque est qui omnia accuratè enumeret? De improuiso viduitas, ærumna, solitudo, caligo, & tenebræ, luctus, lamentabiles ploratus; & cætera quæ prosequitur.

PUPILLOAVM etiam genus miserrimum est, ut qui interdum neque querendi, neque appetendi artem nouerint, ideòque Deus dicitur Pa-

7. al. 6. ter orphanorum, & iudex viduarum, & alibi: In iudicando esto pupillis misericors, Eccles. 4. ut pater, & pro viro matri illorum.

EST autem visitare, consulere, ac prospicere necessitatibus eorum, & in vno visitationis opere omnia opera misericordiæ impendenda proximis miseris intellige, quod Deus maximè commendat in Scriptura. Vnde Exo. 22. dicit: Vidua, & pupillo non nocebitis, si leseritis eos, vociferabuntur ad me; similiæque Psal. 145. habentur Deut. 10. & 14. & 16. Isai. 1. Hierem. 5. Denique Psalm. 145. Pupillum, & viduam suscipiet. Et Ecclesiastic. 7. Non desis plorantibus in consolatione, & non te pigeat visitare infirmum; ex iis enim in dilectione firmaberis. Beatus preinde qui intelligit super egenum, & pauperem; quia ex hac parte in hoc consistit religio munda, & immaculata.

Exo. 22.
Psal. 145.
Eccles. 7.
Psal. 40.

ALTERVM verò Religionis officiũ est; *immaculatum se custodire ab hoc saculo.* id est;

id est, purum & immunem ab amore temporalium, & concupiscentia carnis, oculorum, & superbia vitæ, quæ totum mundum occupant. Vnde Paulus dicebat: *Noli conformari huic sæculo, sed renouamini in nouitate sensus vestri: & iterum. Qui viuimus hoc mundo, tanquam non viuamus.* Et de seipso ait: *Mihi mundus crucifixus est, & ego mundo.* Et Apostolus Ioannes: *Charissimi nolite diligere mundum.* Intelligitur autem quomodo Iacobus loquatur de mundo (sic enim aliqui legunt, pro eo quod nos habemus *sæculo*, nam *sæculum*, in unum significat, de quo plura in lib. Ioseph. siue de arcano sermone cap. 1. 2. titulo, *Sæculum*) si aduertamus cum August. tractat. 5. super 1. Ioann. & epist. 120. ad Honoratum, quod cum nomen, *Mundi*, æquiuocum satis sit in Scriptura sacra, accipitur tamen plerumque pro obiecto appetitus inordinati.

Rom. 12.
1. Cor. 7.
Galat. 6.
1. Ioan. 2.

ADVERTIT autem D. Thomas hoc loco, propterea Iacobum monuisse; ut se quisque immaculatum custodiret à sæculo, & mundo, quia mundus omnino maculatus est: & Glossa ait: *Qui mundum diligit, immaculatum se non custodit.* Vnde idem D. Thom. affert versus qui dici solent.

Mundus non mundus, quia mundus polluit. Ergo

Qui manet in mundo, quomodo mundus erit?

Quibus addere possumus alios ex libro Manual. cap. 30.

Quisquis amat mundum tibi prospice, quò sit eundum.

Hac via qua vadis, via pessima, plenaque cladis.

VIDENDVS QVE est D. August. initio Comm. in Psalm. 121. vbi docet. amorem mundi immundum prorsus esse.

§. I.

Opera misericordie commendant maximè Christianam Religionem.

NIHIL sic testatur mundam, & immaculatam Religionem, quàm charitas erga egentes proximos impensa, & cura in eorum necessitatibus subleuandis, ideòque Scriptura beneficos viros ac misericordes Sanctos appellat, ut patet ex Ps. 4. vers. 4. Ps. 111. vers. 6. & 9. Prouerb. 10. vers. 2. & passim alibi. Et vbi nos habemus, *misericordia*, vel *elemosina*, in Hebræo, aut in Græco est, *institia*, ut patet Gen. 32. vers. 10. Ps. 23. vers. 5. Ps. 102. vers. 6. & 18. Daniel. 4. vers. 25. Nec omittenda est hac in re transmutatio literarum cum similitudine & sono; **דח** *chesed* significat *misericordie*; **פד** *sedek* significat *institia*; ideòque Prouerb. 21. vbi nos habemus, *facere misericordiam*, Septuaginta habent, *facere institia*: Hebraicè habetur, *facere institiam*. Vidend. s. que est hac de re Hierony. Ps. 144.

Prou. 144

IDEOQVE Ambr. 1. Offic. c. 11. ait: Nihil tam commendat Christianam animam, quàm misericordia, nec quisquam magis beatus, quàm qui intelligit super pauperum necessitatem. Vnde Christus Dominus in die Iudicii ob solam misericordiam promittit se daturum gloriam electis; *Esuriui enim, & dedistis mihi manducare*: è contrà verò reprobos ob defectum charitatis

Matth. 25.

Paetz. in Epist. B. Iacobi.

HH.

in tenebras eiicit. Quod expendens D. Leo Papa Ser. de Collectis, ait: Quasi nec alias virtutes dextri, nec alias offensiones habeant sinistri, sed illo magno summoque Iudicio tanti æstimabitur vel largitatis benignitas, vel tenacitatis impietas, ut pro plenitudine omnium virtutum, & pro summa omnium commissorum, & per vnum bonum isti introducantur in Regnū, & per vnum malum illi mittantur in ignem æternum. Nemo ergo dilectissimi de vllis sibi bonæ vitæ meritis blandiatur, si illi defuerint opera charitatis. Hæc virtus omnes facit viles esse virtutes. Similiaque habet Aug. in Psal. 111.

1. Ioan. 3. FACIT etiam in hanc sententiam locus ille Ioan. cum ait: *Filioli mei, non diligamus verbo, neque lingua, sed opere & veritate. In hoc cognoscimus, quia ex veritate sumus, & in conspectu eius scilicet adhibemus corda nostra.* Quibus verbis ex sententia Varabli vult Apost. esse conscientias sedandas, & placandas animas in die Iudicii, quando omnia commota, & perturbata fuerint, ex memoria scilicet operum charitatis erga proximos: qui enim tunc temporis recordatus fuerit pupillos, & viduas in necessitatibus eorum visitasse, cor & animum sedatum, & tranquillum habebit. Quod etiam videtur dixisse Dauid in eo vers. commemorato. *In memoria æterna eris iustus, ab auditione mala non timebit.* vbi in Hebr. pro eo quod Vulgatus transtulit, *iustus*, habetur, *beneficus*, seu, *elemosynarius*. Hic igitur non timebit ab auditione mala; quod D. Hierony. intelligit de sententia lata contra reprobos, quando dicit supremus Iudex: *Discedite maledicti in ignem æternum.*

- HANC autem beneficiendi proximo obligationem, & necessitatibus eorum occurrēdi rationem, quali iurātam fidem colligit D. Ber. ex eo quod dixit Dauid: *Qui iurat proximo suo, & non decipit.* Sic enim habet Serm. in Psal. 14. *Quis ascendet, &c.* Non sumus inutiles proximo, ne in vano ei iurasse probeamur: nec de vtilitate proximi simpliciter voluit commonere; de iuramento nos conuenit, ut agnoscamus debitum, ut promissam fidem irritam facere vereamur. Omnes proximis iurati sumus, cum quibus in Ecclesiæ viuimus vnitatem. Noli ergo putare gratuitum bonum quod exhibes proximo, ut liceat etiam dissimulare, si velis; debitor es sacramenti cautione, & propria professione teneris. Quibus verbis ostendit Ber. Religionis Christianæ, de qua noster Apost. loquitur, professionem, veluti votum, & iuramentum includere, opera misericordiæ erga proximos, & ad eorum exhibitionem omnes fideles iuramento, & religione constringi. Vnde Paulus dicebat.
1. Cor. 11. *Quis infirmatur, & ego non infirmor?* Quem sequutus est Cypr. lib. de Lapsis dicens: Doleo vobiscum, fratres, cum singulis copulo pectus meum, & mœroris, & funeris luctuosa pondera participo, & cum plorātibus ploro, cum deflentibus desleo, cum iacentibus iacere me credo, in prostratis fratribus, & me prostravit affectus. Hinc enim incipit prima affectio erga miseros.
- Cap. 10. Sicut enim notauit Gregor. lib. 20. Moral. c. 26. ad ea verba Iob. *Compatiebatur anima mea pauperi;* Ille perfectè tribuit, qui prius in se dolentis passionem transfert, quia quisquis perfectè indigenti compatitur, minus æstimat omne quod dat, exteriora enim largiens rem extra semetipsum præbuit: qui autem

autem fletum, & compaſſionem proximo tribuit, ei aliquid etiã de ſemetipſo dedit; rem quamlibet plerumque dat, etiam qui nõ compatitur, nunquam autem, qui verè compatitur, quod proximo neceſſarium conſpicit, negat. Videndus etiam pro hac re Gregor. 3. Moral. cap. 10.

Sic igitur affectus Chriſtianus erga fratres egentes, debet ſedulò eis occurrere, & hac in re mirum ſtudio commiſerationis beati Iob. imitari, qui de ſe ita ait: *Si oculos vidue expectare feci*; quali non eorum tantum deſiderio, & voluntati, ſed oculis, & expectationi ſatisfacere curaret, imitatus Deum qui *deſiderium pauperum exaudivit*; vnde Vatabl. in eo loco Iob. legit: *Si viduas lactavi vana ſpe*, ſtatim enim ſubueniebat, ne aliquid temporis ſperando conſumerent. Iob. 31.
Pſal. 10.

ILLUD deinde hac in re aduertendum, pupillos, & viduas æquiparari Sacerdotibus, de quibus optimè dixit Philo lib. de præmiis Sacerdotum: Viſtus lautior argumentum euidentis eſſe poteſt pietatis publicæ. Si ergo pietas, & Religio in tribuendo abundanter Sacerdotibus omnia neceſſaria cernitur, Religio etiam munda & immaculata eſt, viſitare pupillos, & viduas in neceſſitatibus eorum. Vnde ſicut actus Religionis circa cultum Dei verſatur, ipſumque Deum attingit, ſic & miſericordia erga egenos. Quod fatetur Chriſtus Dominus cùm dixit: *Quod uni ex minimis meis feciſtis, mihi feciſtis*. Vnde Chryſoſt. homil. 36. ad Pop. ait: Magna res eſt, o homo, vir miſericors, hæc maior eſt gratia quàm mortuos ſuſcitare: multo namque maius eſt, quàm in nomine Ieſu mortuos ſuſcitare, eſurientem paſcere Chriſtum. Nam hîc quidem tu de Chriſto bene mereris, illic autem ipſe de te. In ſignis ipſe Deo debes, in eleemoſyna verò Deum habes debitorem.

Is autem Dominus qui in ſubueniendis viduis, & pupillis ſic ſe obligatum fatetur, in ipſorum offenſione maximè ſe læſum oſtendit: indeque Ambroſ. 2. Offic. c. 29. colligit ex 2. lib. Machab. cap. 3. Heliodorum de cælo tactum fuiſſe, quòd auſus fuerit diripere ærarium, in quo bona viduarum continebantur. Aſſequutus eſt hanc Dei conditionem Plato Dialog. 12. de Legib. vbi docet, miſerorum cauſas proprias Dei eſſe; proindeque neminem pupillum, aut viduam lædere debere, ne lædens Deum hoſtem inueniat. Videndus hac de re Tertull. lib. ad vxorem c. 8. & Heliodorus in libro cui titulus eſt; *Ἐργα καὶ κήρυγμα. Opera & diſc.*

§. II.

Qui neceſſitatibus indigentium ſubuenit, ſibi maximè prodeſt.

QVONIAM Iacobus in præſenti monet viſitare pupillos, & viduas, & eorum neceſſitatibus occurrere, quòd altiùs hæc doctrina animis noſtris inferatur, illud præ oculis habendum eſt, eum ſcilicet, qui aliorum miſeriis, & neceſſitatibus occurrit, ſibi imprimis benefacere. Quod videntur oſtendere duo loca, quali inter ſe pugnantia: etenim David Pſalm. 67. ait. *Aſcendiſti in altum, cepiſti captiuitatem, accepisti dona in hominibus; at*

HH 2 verò

Ephes. 4. verò Paul. ad Ephes. 4. referens hunc locum ait: *Ascendens in altum captivam duxit captivitatem, dedit dona hominibus.* Videtur enim repugnàtia in eo quòd acceperit dona, qui dedit dona. Rem tamen videtur conciliare D. Aug. in Psal. 67. quòd idem Dominus, qui in membris suis accipit dona ab hominibus (quod enim vii ex minimis tribuitur, ipse accipit) idem dona tribuit ei à quo accipit; ipsūque accipere Dei in paupere, comitatur divina retributio. Qua de re videandus Chrysosto. homil. 21. in priorem ad Corinth. & Basil homil. 6. in ditescentes; vbi ita habet: Benefactorum gratiæ in dantes reuertuntur, dedisti esurienti, tibi cōsulūisti, quod, enim dedisti, cum auctario reuertetur. vbi multa hac de re prosequitur. Est etiam

Heb. 12. pro hac re ille locus ad Heb. 13. *Beneficentia & communionis nolite obliuisci;* vbi *beneficentia* idem est ac *communio*. Theophylact. verò legit pro *communione*, communicationem, & sic ferè exponit: Sacrificium beneficentiæ meritò appellauit communicationem. Est enim quādam remuneratio, hic enim dat pecunias, ille verò reddidit benedictionem, inuicēque bona communicantur, vt qui elemosynā tribuit, accipiat statim retributionem.

Prov. 31. FACIT id quod Salomon de muliere forti ac sapienti dixit: *Manum suam aperuit inopi, & palmas suas extendit ad pauperem.* Quibus in verbis illud difficile apparet, quòd eadem quæ ad tribuendam elemosynam manum aperit, statim veluti ad recipiendum palmas extendit. Enimuerò elargitio elemosynæ in apertione manus consideratur, non in extentione palmæ, quandoquidem ad tribuendum aliquid alteri, manum aperiāmus necesse est, non sic verò vt palmas extendamus, qui habitus est postulantis. Tunc enim palmas extendimus, cū aliqñd ab aliquo postulamus. Ea igitur videtur de causa Salomon dixisse, mulierem bene affectam erga egenos aperuisse manum vt daret, simulque eādem extendisse, vt inculcaret ipsammet manum, quæ pauperi porrigitur, posse in simul extendi, vt ab eo elemosynæ mercedem, & retributionem accipiat. Vnde Clem. Alex. 1. Parad. elemosynam confert cum pilæ ludo, in quo eadem pila, quæ eiecta fuerat per reflexionem redit ad eum, qui ipsam eiecerat. Et 2. Stromat. ait: Rectè dedisti, rectè accepisti. Pro qua re videndus est Ambr. de obitu Theodosij; vbi ait: Bonum est misericors homo, qui dum aliis subuenit, sibi consulit, & in alieno remedio vulnera sua curat. Et Ser. 8. Beneficium, inquit, largientis præbenti magis permanet, quàm suscipienti, nam misericordia quidem ad indigentem peruenit, gratia autem multiplicatæ mercedis permanet tribuenti. Esurienti dedisti panem, ille quidem pastus est, sed ad te redit quod dedisti cum fructibus, & vñtis. Quod si difficile putas; cōsidera frumentum quod seminatur in terra, si non ad seminantis potius, quàm ad suscipientis lucra cedit. Similiāque habet Serm. 39. Videndūque Chrysost. hom. 53. ad Pop. cū ait: Propterea Dominus te iussit bona alteri dare, vt ea ipse retineas, nam donec ipse solus ea detines, nec ipse quidem habes, cum alteri verò dederis, tunc & ipse cepisti.

PROBAT etiam præsens institutū vxor Tobie dum irridens simul cum

Cap. 1. propinquis (ij enim eo in loco nomine *parentum* intelliguntur) dixit: *Tibi*

est

est spes tua pro qua elemosynas faciebas? Quibus in verbis non interrogat de spe futuri præmij, & æternæ beatitudinis, quæ solùm in nouissimo die reuelatur. Stultèque ideo de eadem vxor interrogaret, cùm adhuc irrita minimè appareret, sed loquitur de ea spe præsentis retributionis, pro qua Tobias elemosynas faciebat, credens scilicet, statim ac dum eas faceret, consequuturum se præmium earundem, sicut reuerà consequutur, nesciente tamen vxore, quæ de temporali lucro, & reditu spem Tobie intelligebat, cùm tamen longè melius esset spirituale, quo ipse abundabat. In qua retributione, sicut notauit D. Leo Serm. 10. de Quadragesi. c. 5. illa interuenit manus, quæ panem frangendo auget, & erogando multiplicat; neque enim poterit non erogare manus Christi, dum in paupere elemosynam accipit, quando manus tornatilis est plena hyacinthis.

FACIT etiam id quod noauit Hieronym. super ea verba Christi Domini: *In quancunque ciuitatem intraueris, interroga quis in ea dignus sit, & ibi maneat.* Aduertit igitur Hieronym. præmittendum examē de eo qui dignus sit, vt beneficium accipiat recipiendi peregrinum, ac pauperem Discipulum, non tribuens beneficium ei qui apud se mansurus est, inquit, sed accipiens: hoc enim dicitur; *quis in ea dignus sit*, vt magis se nouerit accipere gratiam, quàm dare. Videndus etiam hac de re Hilar. Can. 10. in Matth. cùm ponderat id quod dixit Christus Dominus: *Quicumque dederit calicem* Matth. 10.
licet aquæ frigide, non perdet mercedem suam. vbi ait: Nō inania in eos, nec etiam leuia, quæ sub frigida: aquæ nomine designat, officia esse decernit.

MIRVM alicui videbitur quod de elemosynaria illa vidua Tabitha dicitur: *Hac erat plena elemosynis, quas faciebat.* solent enim elemosynæ crumenas euacuare, & horrea exhaustire, sed re bene inspecta, *qui miseretur pauperi, Domino sueratur.* Act. 9.
Prov. 19. Et elemosynæ implent, non exhaustiunt horrea: imò potius ea destruuntur horrea, vnde nihil ad pauperum sustentationem extrahitur. Quod notauit Amb. Serm. 8. ad ea verba diuitis auari: *Quid faciam,* Luc. 12.
quia non habeo quò congregem fructus meos? *Destruam horrea mea.* Cui ego, inquit Ambros. respondeo; & rectè quidem facis: nam verè destruere debes horren iniquitatis, & ea quæ malè edificaueras, manibus tuis ipsis subuertere, destruere promptuaria, ex quibus nullus misericordiam consequutus est. Sed ais, quid iniustum est, si cùm aliena non inuadam, propria diligentius seruo? Tot te scies inuadere bona, quot possis præstare quod velis. Et Aug. Ser. 5. de verb. Domini: Nihil, inquit, diues habet de diuitiis suis, nisi quod ab illo postulat pauper. Cùm ergo ea vidua tot bona pauperibus elargita fuerit, quid mirum si plena dicitur operibus, & elemosynis, quas faciebat?

HOC ipsum quod prosequimur, intellexit Dauid, cùm dixit: *Opera manuum nostrarum dirige super nos.* vbi eleganter Theodoret. ita ait, Pulchra additio huius clausulæ, *super nos*, nam iustitiæ lucrum nostrum est, & Deus quòd virtutis studiosis fauet, & his suffragatur, horum sanè fructum serentes metunt. Idèoque Chrysost. homil. 36. ad Pop. Est autem elemosyna cùm promptè præstatur cum largitate, cùm non dare, sed accipere te putaueris,

HH 3 cùm

cum tanquam beneficium accipiens, & quæstum faciens, non autem iacturam, &c. Curare proinde debemus propriam utilitatem in elemosynis faciendis, quibus & nobis benefacimus, & Religionem mundam, & immaculatam coram Deo ostendimus.

§. I I I.

Contra eos qui viduarum, ac pupillorum, & pauperum substantiam auferunt, nec eos exaudiunt petentes.

SI verò Religionem testatur cura pauperum, egenorum subleuatio, viduarum pupillorumque visitatio; videamus utrumnam nostra tempestate immaculata vigeat Religio, quando nec clamantes pauperes exaudiuntur, quando ad nos venientes miseros repellimus probris plenos, muneribus vacuos, quando possumus optimè cum Zacharia appellare; *quærens Basan*, quos eo loco interpretatur Chaldaeus Satrapas Prouinciarum, qui similes sunt quercubus; dum nullum homini fructum ferunt, sed solis porcis glâdes & siliquas, solòsque canes, equos, & accipitres alunt: & cum Abacuc deplorare homines, *quasi pisces maris factos*, de quibus dixit Bas. ho. 7. Exa. quoddam maiora pars pisciù liguriùt alter alterù, atque deuorât. Vnde Amb. lib. de Nabuthe c. 1. ait: De Achab & Nabuthe historia tempore vetus est, vsu quotidiana; quis enim opulentissimorum non exturbare contendit agellulo suo pauperem? quousque extenditis diuites insanas cupiditates? nunquid soli habitabitis super terram? cur eiicitis consortes naturæ? Eruer. 59. Ecce religiosa vidua tota suppellectili despoliatam domum suam dolet, & tu eadem suppellectili domum tuam ornatam esse lætaris? non compungeris, cum vides in hospitio tuo lacrymas alienas. Qua de re videndus August. Serm. 25. de verb. Domini; & Gregor. 21. Moral. cap. 14. vbi ait: Sunt nonnulli qui mox, vt ab egenis fratribus fuerint necessaria postulati, post dona largituri, priùs in eos contumeliosa verba iaculantur, nec magni est operis, quoddam postulata tribuunt, quia ipso donationis suæ munere vix eundem excessum sermonis tegunt; quibus bene per Ecclesiast. dicitur: *Fili mi in bonis non des querelam, & in omni dato non des tristitiam verbi mali*. Quibus verbis docet Gregor. eos qui in pauperes probra iaculantur, non iam elemosynam tribuere, sed illatam verbis iniuriam oblato munere compensare. Contra quos etiam facit illud quod notauit Hierony. epist. ad Eustoch. de custod. Virginit. per allusionem ad id quoddam dixit Petrus, *Argentum, & aurum non est mihi, quod autem habeo, hoc tibi do*. At nunc, inquit, multi licet sermone taceant, opere loquuntur, fidem, & misericordiam non habeo, quod autem habeo argentum & aurum, hoc tibi non do: quæ omnia in nostra ætate (proh dolor!) & vbique reperiuntur, ideoque maculatam Religionem Christianam, & immundam pietatem ostendunt; dum enim vigeat charitatis ardor, & Christianæ Religionis perfectio, viduarum in primis diligentissima cura habebatur, vt patet ex 1. ad Timoth.

moth. 5. & ex Constitutionibus Apostolorum à Clemente collectis lib. 3. & lib. 2. c. 30. ubi vult viduas, & orphanos existimari in figuram altaris, quemadmodum virgines honorari in figuram thuribuli, & incensi. Quae de re videndus Ambrosius lib. de viduis; Aug. lib. de bono viduitat. & epist. 121. & Ignatius in epist. ad Tharsenses, ubi appellat viduas altare Dei: quod intelligitur, quia sicut in altari offeruntur sacrificia, ita & in iis, quae viduis tribuantur, maximè placatur Deus. Et de cura pauperum, suo tempore dixit Hieronymus. loquens de Pammachio, in epist. ad eundem obscure satis, nec minùs eleganter: Munerarius pauperum, & egentium candidatus; quasi velit quòd sicut tunc temporis is qui munus aliquod Reipub. affectabat, donariis & muneribus omnes deuincire nitebatur, quò pro eo suffragium ferrent, ita & Pammachius pauperibus morem gerens, eisdemque beneficiendo supplex obsequebatur. Sicut insuper candidatus ille dicebatur, qui munus aliquod ambiebat, sic & Pammachius egentium candidatus erat, dum velut alter Abraham ab eis postulabat, ut ipsius hospitium, & elemosynam dignarentur accipere: & quae modò pauperes ostentant submissionis signa, ea tunc exhibebat ille pauperum beneficiarius. Ideoque Chrysost. homil. 41. in Genesim ad ea verba quae Abraham dixit Angelo: *Domine, si inueni gratiam coram te, ne praeceas seruum tuum*; sic ait: Dicere, *Domine*, est captantium beneuolentiam, dicere autem, *si inueni gratiam in oculis tuis*, hoc est admirabile beneficium, inquit, das, non accipis, &c. Immaculata tunc erat Religio, proinde pauperes excipiebantur, ardens erat caritas, proinde ad egenos deueniebat: modò quia friget, eorum obliuiscimur necessitatum, clamoresque non audimus. Audiamus tamen Chrysost. hom. 1. in priorem ad Cor. *Quomodo dices; Miserere mei Deus secundum magnam misericordiam tuam*, cum tu non secundum magnam misericordiam miscerearis, fortasse autem neque secundum paruam?

§. I V.

Quantam curam Deus gerat viduarum, ac pupillorum.

DIxi MVS *viduarum, ac pupillorum* nomine omnes miseros, & egentes intelligi, ideoque hoc in loco istorum tantum meminisse Apostolum. Illud necessariò duximus aduertendum, propterea horum fecisse etiam mentionem, quia maxima est Deo cura de ipsis. Quod fortè significat illud: *Pulchra sunt gena tua sicut turris.* Ubi per *turrim* viduam intelligere videtur. Cant. 1. Id namque vulgare est, deductumque ex eo quòd haec auis amisso coniuge ad secundas nuptias minimè redeat, sicut notauit Basil. hom. 8. Examer. & Ambrosius. 5. Examer. cap. 19. & Hieron. 1. contra Iovinianum. Vnde Nazian. in praeceptis ad Virgines, sic de ea cecinit, prudètemque auem vocat.

— *Turris viduata marito*
Exincto, gemit assidue, luctuque requirit.
O verè sapiens volucris! — — —

Pulchræ

Pulchræ igitur videntur genæ viduarum diuino Sponso, vel vt earum lacrymas, quibus ipse delectatur, abstergat, vel vt earum verecundiam, quam per *genas* intelligit Honorius, custodiat, & foueat. Vnde dicitur *pater orphanorum, & iudex viduarum*. In quibus verbis illud notandum cenſeo, cum, *Eccl. 4.* qui pater est orphanorum, esse etiam maritum viduarum, sicut dicitur in Scriptura, sed fortè ideo dicitur iudex viduarum, quòd viduæ non tam marito, quàm iudice egeant, quia viduæ causa non ingreditur apud iudicem sine causa, & earum sententia, sicut pupillorum vanalis est; sicut loquitur Aug. Et hæc fortassis est ratio, cur Apostolus subiunxerit post visitationem viduarum, & pupillorum; *& immaculatum se custodire ab hoc saculo*; quòd periculosum est pupillorum curam gerere, sine aliqua lucri emungendi macula, & viduas visitare absque læſione famæ; pluresque locos Scripturæ, quibus benigna Dei cura de orphanis & viduis declaratur, vide apud Cyprian. lib. 3. Videndusque est hac de re Tertullian. lib. 1. ad uxorem. cap. 8, vbi ita ait: De viduitatum honoribus apud Dominum vno dicto eius per. *Isai. 1.* Prophetam expeditum; *Iuste facie vidua, & pupillo, & venie, disputemus, dicit Dominus*. Duo ista nomina in quantum respectui humano, in tantum diuinæ misericordiæ exposita suscepit tueri Pater omnium. Vide quàm ex æquo habetur, qui viduæ bene facit, quanti est vidua ipsa, cuius adſertor Dominus disputabit? Non tantum virginibus datum opinor, licet in illis integritas solida, & tota sanctitas de proximo visura sit faciem Dei, tamen vidua habet aliquid operosius, quia facile est non appotere quod nescias, & auerſari quod desideraueris; nunquam poterit virgo felicior haberi, at vidua laboriosior. Tandemque aduertit id quod Dominus dicit de iis, qui viduis, & pupillis bene faciunt: *Venie, & disputemus*; quòd cùm Dominus sit Pater omnium, & præcipuè pupillorum, iudexque viduarum, licentiâ tribuit, vt possint de paterno iure, vel cum ipso Domino disputare, quinsnã vrior eorundè sit Pater, an Deus, an is qui pupillis iudicat, & defèdit viduâ?

Es t etiam pro hac sententia singularis locus in Prouerb. cùm dicitur: *Agnum pupillorum ne introcas, propinquus enim illorum fortis est: & ipse contra te iudicabit causam illorum*. vbi pro propinquo, in Hebr. est vox (גוֹל) *goël*, quæ significat redemptorem, & vindicem: sicut hoc loco multi vertunt. Et Hierem. 50. noster interpres de Deo dixit: *Redemptor eorum*; frequenter tamen hæc dictio pro propinquo accipitur, idè quia, vt præcipitur in lege, cùm quis paupertatè preſſus apud Israëlitas venderet possessionem suam, ille qui propinquior erat, poterat venditum redimere. Vnde factum est, vt propinquior ille qui habebat ius redemptionis diceretur גוֹל *goël*, hoc est, redemptor; pro quo Latinus interpres reddidit *propinquum* hoc loco, & Leuit. 25. & Ruth. c. 3. & 4. Itaque quia hîc de agri est sermo, quibus pupillus sæpe ab impiis spoliatur, contra quos à Deo defenditur, rectè interpres vocat Deum pupillorum propinquum, talem scilicet, qui eorum agros, & possessiones tueatur, atque redimat è manibus vendicantium sibi illas iniustè; & ita non dicitur Dominus pupillorum propinquus, quia propè illis adest, iuxta illud Psalm. *Propè est Dominus his qui tribulati sunt corde*; sed quomodo.

modo consanguineus, aut frater dicitur alicuius propinquus : & ita voluit Sapiens ab iniuria pupillorum homines detertere, dum Deum ipsorum propinquum dicit, & Dei erga ipsos curam ostendere.

Hoc insuper ostendit Philo lib. de Magistratu; cùm, vt peculiarem curam Dei erga Hebræorum gentem ostenderet, sic ait : Vniuersa Iudæorum gens locum obtinet pupilli, si cum cæteris comparetur ; attamen Moyse dixit, Deum, cui gens ista se totam dicauit, eius orbitatem, & solitudinem commisereri, quandoquidem ea sola ex vniuerso hominum genere Deo pro parente tributa est.

Ex quibus constat quanta cum ratione Apostolus dixerit, *Religio munda, & immaculata visitare pupillos, & viduas*. Ideoque semper in Ecclesia vterque Magistratus, Ciuilis, & Ecclesiasticus magnam curam gessit orphanorum, & viduarum, vt testantur Orphanotrophia in vtroque lure, atque exemptio à censu capitationis iis concessa cum viduis à Valentiniano & Valente l. 4. de Censibus. Cod. Theodof. Extat etiam in Actis Basilij, Ambrosij,

Chrysostomi, aliorumque Episcoporum, qui pauperum patres nominantur, & sunt, peculiari studio eos consuluisse viduis, & harum contra ipsosmet Imp. aliisque Principes patrocinium fortiter suscepisse; Clericorumque Regularium ordo, qui Somaſchini vocantur, orphanorum ex instituto curam

profutetur. Et hæc
de 1. cap.

Pæz in Epist. B. Iacobi.

II CAPVT





CAPVT SECVNDVM.

ARGVMENTVM TOTIVS CAPITIS.



IN hoc capite duo tantum inculcat Iacobus vitanda, scilicet, personarum acceptionem, quò pauperes & humiles minimè abiiciantur, imò in omnibus foueantur, & inde amplectenda bona opera, quibus fides erga Deum maximè elucet: & ad hæc duo capita reducuntur eo omnia, quæ in hoc toto adducit ac docet.

Verſ. 1. Fratres mei, nolite in personarum acceptione habere fidem Domini noſtri Ieſu Chriſti gloria.

EXPOSITIO LITERALIS.



Zec. 14.

POSTQVAM B. Iacobus informauit fideles ad bene se habendum respectu sui, hic cōsequenter idē facit respectu proximi, & ostendit iuxta regulas Christianæ fidei non agere eos, qui spernentes pauperes, & nihili pendentes miseros, diuites solum ac sæculi potētes venerātur, cū à Domino toties pauperes videamus commendatos, eidēque humiles ac paruulos acceptos, & laborantes vocatos ad refectionem, & quietem, omnēsque quantumuis claudos ac cæcos ad regales nuptias inuitatos. Quæ omnia ostendunt fidei offensionem maximam esse, si quis acceptionem personarum, quæ trahitur vel à genere, vel à diuitiis, vel alio humano respectu sectetur: & fortè ad cōmendandam hanc

hanc communem charitatem, & omnium indiscriminatim susceptionem, præmisit hoc loco nomen, *Fratres*; & sensus est; Qui in Christum creditis, nolite ob personarum respectum quicquam malè facere, aut pauperes, aut humiles contemnere, cum potius sit obtemperandum præceptis Iesu Christi Domini gloriæ cœlestis, qui eadem remunerat, eos, qui eam promerentur, non secundum personarum acceptionem, sed secundum meritorum gradus, & proportionem, imò eandem beatitudinem impertitur eis, qui pro eius amore aliqui pauperibus erogarunt. Particula enim (*gloria*) refertur ad Christum, sicut etiam refert Paulus eodem vsus Hebraismo. *Deus Epist. 1.* & *Pater Domini nostri Iesu Christi gloria*, id est, Deus gloriosus. Sic & Christus hoc in loco dicitur *gloria*, id est, gloriosus.

OECUMEN. verò hoc loco in eo ponit coherrentiam cum superioribus verbis, in quibus Apost. dixerat, Religionem mundam, & immaculatam præter opera misericordiæ in hoc consistere, quòd se quis immaculatum ab hoc sæculo custodiret; idèque modò docere Apostolum, nullatenus admittendam personarum acceptionem, nam qui cum respectu, inquit Oecumen. aliquid facit, multa macula, multòque probro seipsum replet, proximum dedecore afficiens, ac seipsum etiam ante illum. Urbana equidem, & arguta expositio; verum non accommodata contextui; sicut nec illa quam affert D. Thomas: Nolite credere, inquit, quòd Dominus noster Iesus Christus gloriatur in personarum acceptione, ipse enim contrarium fecit, *Act. 10.* qui non est personarum acceptor. Sed ille planior sensus quem posuimus.

Es t autem personarum acceptor, qui propter diuitias, externum factum, ac gloriam, aliàsue huiusmodi qualitates diuites reueretur, & pauperes despicit, qui maximam offensam inurit communi fidei ac Religioni. Nam, ut dixit Chrysost. homil. 7. in epist. ad Roman. Magistratui iniuriam facit, qui eum singulorum hominum magistratum facit; & non omnium; fuissetque obruendus fluctibus Ionas, qui Deum non omnium gentium, sed Iudeorum tantum esse voluit. Et Plutar. lib. de pietat. erga fratres ait; fuisse quendam Gracum Agesilaum à populo multatum, quòd muneribus publicos Magistratus recenter creatos sibi peculiaries redderet. Præsensque Iacobi locus similis est Petri, cum ait: *Animas vestras castificantes in fraternitatis amore, simplici ex corde inuicem diligite attenitius.* Quæ verba Syriacè sic habentur: *Cum sanctificaueritis animas vestras per obedientiam veritatis, & fueritis pleni charitate absque acceptione facierum, id est, personarum, ut ex puro & integro corde vos inuicem diligatis.* Cum enim fides, & lex Christi, charitatis lex sit, omnes ex æquo debet comprehendere, & sic nec diuitem propter diuitias eligere, nec pauperem ob inopiam despiciere.

§. I.

Contra acceptores personarum.

Hic locus aduersatur acceptioni personarum, seu, ut verti potest ex Græco, *acceptioni vultus*, aut, *faciei*, ut passim etiam constat ex Hebr.

II 2 & iuxta

& iuxta modum loquendi sacrae Scripturae dicitur, quando in aliqua distributione non respicitur causa, sed persona, id est, conditio personae, nihil ad praedictam distributionem faciens, ob idque is qui minus dignus est, praefertur digniori, ut quando aliquis Praelatus beneficia, officia, vel sacros ordines omnibus dignioribus confert indignis, vel minus dignis, quia amici, consanguinei, diuites sunt. Vel cum iudex sententiam pro amico, nobiliter fert, non pro eo qui ius habet; quae de re videndi Theologi in 4. distinct. 15. apud D. Thom. 2. 2. quaest. 63. Ideoque D. Hieronymus in c. 1. Malachiae ait; Iacobum hoc loco plenius hoc peccatum arguere inter omnia peccata Leui, siue eorum qui ex Leui sunt Sacerdotes Dei, quod accipiant faciem in lege, ut non causas, sed personas considerent, iustumque, & pauperem despicientes, iniquos diuites suscipiant, vel honorent, ad

Psalm. 81. quos in Psalm. dicitur: *Usquequo indicatis iniquitatem, & facies peccatorum sumitis?* Namque, ut recte obseruauit Ambr. epist. 82. in Ecclesia diues, & pauper, seruus, & liber, Graecus, & Scythia, honoratus, & plebeius, omnes in Christo vnum sumus, nemo praesumat, quia diues est, plus sibi deferendum, ille est diues in Ecclesia, qui pauperi, non sibi diues est. *Sanguine pretioso redempti estis*, utique non solis pecuniolis, dictum est c. 3. epist. ad Galat. Nulla apud Deum discretio personarum est, nisi morum & vitae, ut omnes vnius fidei meritis distinguantur, non personis. Vnde recte Chrysost. hom. 9. In Ioan. & Cyrill. lib. 1. c. 13. Beda, Theophylact. & Euthym. ad ea verba Ioan. in c. 1. *Quotquot autem receperunt eum, dedit eis potestatem, filios Dei fieri*; adnotarunt, significare nullam gentis, nullam personarum rationem Christum Dominum habuisse, sed omnes qui se receperunt, siue Iudaei, siue Graeci, siue Barbari, siue liberi, siue serui essent, filios Dei effecisse, quia non est personarum acceptor Deus, sed in omni gente, qui timet Deum, & operatur iustitiam, acceptus est illi, dicit enim Scriptura: *Omnis qui credit in eum non confundetur, non enim est distinctio Iudaei, & Graeci: nam idem Dominus omnium, diues in omnes qui inuocant illum, non est Iudeus, neque Graecus, non est seruus, neque liber, non est masculus, neque femina.*

E t ideo merito Dauid gloriatur nihili omnino fecisse malignos homines cum plurimi aestimaret timentes Dominum; sic enim de se loquitur:

Psalm. 14. *Ad nihilum deductus est in conspectu eius malignus, timentes autem Dominum glorificat;* quod Hieronymus sic transtulit: *Despicitur in conspectu eius improbus, timentes autem Dominum glorificat.* Et haec est ratio, cur de capite totius Ecclesiae dicatur: *Non secundum visionem oculorum indicabit.* Pro quo Septuag. habent:

1. ai. 11. *Non secundum gloriam indicabit;* docens nos ferre iudicium de meritis, non de personis, de virtute, non dignitate. Quod exposuit postea Basil. homil. 21. ex variis, ubi sic ait. Adfunt tibi ob oculos fratrum differentiae, hic pauper, ille diues, hic hospes, alius domesticus, si iudicaueris, ne inaequalia videas, diuitem sublimem, pauperem humilem, noli in distribuendis honoribus respectus habere inaequales: est enim diues saepe mendax, pauper verò iustus, non igitur tantum faciem spectabis, sed occulta penitioraque considera; cum honora qui pretiosa possidet. Similiaque habet.

Hier.

Hier. epist. ad Saluinam de seruanda viduitate: Vnusquisque non hominum, sed rerum pondere iudicandus est, nec diuiti obsunt opes, si eis bene utatur, nec pauperem egestas commendabiliorem facit, si inter sordes, & inopiam peccata non caueat. Idemque docet Aug. 8. Confess. c. 4. & Ber. 2. de Considerat. sic alloquitur Papam Eugenium: Non sit in te acceptio personarum, non parui te reum peccati existimes, si facies peccatorum, & non potius causas iudicas meritorum. Vnde & D. Leo Serm. 10. de Quadrages. ait; Quos viles facit carnalis sapientia, nescimus quam pretiosos spiritualis sit factura gratia. Et Chrysost. in imperfecto, hom. 22. Si diuitem honoras, propter personam ipsius honoras eum, si autem pauperem honoras, propter personam Christi honoras. Et Concione 2. de Lazaro post medium: Non moribus demus, sed homini, nec illius ob virtutem nos eius misereatur, sed ob calamitatem.

NE QVÆ verò hoc in loco omittendus est ille in cap. 4. Canticorum, vbi Ecclesia Dei dicitur, *Fons hortorum, & puteus aquarum viuentium*, vbi Ambros. lib. de Isaac, & anima, c. 4. Exuberat, ait, ut haurire eam cominus, & rigare eius affluentia possit hortum fluctibus abundantem, sic enim omnibus patet absque exceptione alicuius; illud namque est aduertendum, quod sicut in horto ad omnes æquæ areolas riuulus deriuatur, sic & fides, & omnia gratiæ bona, omnes fideles ex æquo amplectuntur, nullo penitus excepto; quod etiam dixit Isai. c. 58. cum de populo Dei ita loquitur. *Erit quasi hortus irriguus, & sicut fons, cuius non deficiunt aquæ*, sed omnibus haurientibus patens, ac præstò adest. Quod insuper videtur dixisse Balaam Num. 24. cum ait: *Quam pulchra tabernacula tua, ut valles memorise, ut horti iuxta fluios irrigui!* Quæ quidem loca aperte ostendunt, quantam offensam in Deum committat ille, qui in Dei Ecclesia vllā excipit personam, aut præ cæteris aliquam suscipit, cum ex æquo omnes velit amplectendos fideles.

ET præterquam quod grauissimum peccatum sit acceptio personarum, & Deo maxime displiceat, est insuper damnanda imprudentia in huiusmodi existimatione, dum de hominibus iudicamus, non secundum ea, quæ propria hominum, & fidelium sunt, sed secundum ea, qua fortuna attulit, casusque tulit. Vnde Gregor. hom. 28. in Euang. ait: Superbia nostra nescit pensare homines propter homines, sola quæ circumstant hominibus pensat, naturam non aspicit, honorem Dei in hominibus non agnoscit. Et paulo post: Cum pensamus quæ circa ipsos sunt, negligimus pensare ipsos, eo profectò quod interiora minimè prouidemus. Quibus verbis argutè docet Gregor. acceptionem personarum oriri ex defectu nostræ cognitionis, qui dum non possumus cognoscere quid in homine sit, iudicium ferimus secundum ea, quæ cum homine videmus. Quia in re, & in nosmetipsos, & in proximos iniuri sumus, dum præ defectu cognitionis de aliis multoties decepti iudicamus. Namque, sicut dixit Senec. epist. 37. *Quemadmodum stultus est, qui equum empturus, non ipsum inspicit, sed stratum eius ac frenos, sic & stultissimus est, qui hominem, aut ex conditione qua vestis modo nobis circumdata est, estimat. Seruus est: sed fortasse libero animo. Seruus est: hoc illi nocebit, aliis non nocebit. Melius*

II 3 tamen

Cant. 4.

Num. 24.

tamen Basilii. Quid, quæso, ab externis probas homines, præcordia verò mentemque minimè curas? si illustres in vita videris, cōsidera æs esse apparatus, intus cœnosa omnia; cōtrà verò quidam intus aurum habent, exteriori testa circumdatum, hoc est, thesaurum in vasis fictilibus absconditū. Igitur respice æqualia ac plana, suū cuique tribuens honorem. Quod idē docuit Ap. cum ait: *Nolite in personarum acceptione habere fidem Domini nostri Iesu Christi.*

§. II.

Acceptio personarum pacem, & unitatem scindit.

PRÆTER QVAM quodd personarum acceptio non rectè cohæreat cum fide Christi, qui omnes ex æquo docuit amandos, est plerumque discordiæ & perturbationis initium; primūque proinde murmur & veluti dissidium quod in Ecclesia Christi contigit, quādo cor vnum erat, & quando primitias Spiritus acceperat, inde ortum habuit, quodd viduæ Græcorum despicerentur, & præferrentur Hebrææ, vt constat ex textu Syriaco, in ministerio quotidiano vel eleemosynarum distributione, sicut Chrysost. & Oecumen. id explicant: offenditur namque communis charitas singulari aliqua acceptione. Quod notauit Basil. in institut. Monach. Ser. I. vbi agens de Religiosis conuentibus, sic ait: Porro in eiusmodi hoc communi contubernio ne utiquam patitur charitatis lex aliquas conuenire seorsum, aut amicitias, au sodalitates, si quidem nullo modo fieri potest, quin affectiones istæ, quæ in hanc magis quàm in illam propendunt partem, plurimū incommovent communi omnium concordia. Quamobrem æqualiter se diligere inter se omnes debent; idēque aduersus vniuersum fratrum cœtum charitatis tenendus est modus: quodd si quis inuentus fuerit, qui maiori quādam animi propensione Monachum, fratrem, vel propinquum, vel alium quemuis quauis de causa videatur diligere, hunc castigare oportebit, vt iniuriū publicæ charitati; siquidem in eo quodd quis aliquem vnum plus diligit, facillè indicat reliquos se in amore inferiores habere. Vnde illud possumus colligere cum Iacobo, non esse accipiendam fidem Christi, quæ charitate firmatur, cum iniuriis, & offensionibus charitatis. Quod prosequitur idem Basil. Reg. 19. ex fusiū disputatis; & Reg. 34. 35. & 39. & 131. Hoc assertum nobis videmus in c. 4. lib. Iudicum, vbi pugnatura Debora cum Rege Chananæorum, ex duabus tantū Tribubus Nephthalim, & Zabulon decem millia peditum elegit, qui primo congressu victores euaserunt. Pro victoria Debora canticum edidit, quo non solos victores commendauit, sed & alias Tribus, quæ ad bellum minimè fuere egressæ pluribus exornat encomiis; cuius rei rationem si quæras, eleganter sanè reddit Caiet. dicens: Consentaneum fuit, vt Debora iudex in publica laude, illarum Tribuum, quæ abfuerant, pro bono pacis inseru erit: solet enim in similibus euentibus quælibet exceptio, acceptiue communem pacem turbare.

MERITO proinde Scriptura commendat gubernandi methodum à Dauide obseruatam, dum ait: *Faciebat Dauid iudicium, & iustitiam omni populo*

pulo suo; statimque addens qua ratione iustitia fieret, & conseruaretur absque offensione, ait: Porro *Iesaphat* plus *Achilud* erat à commentariis, ubi in Heb. habetur, erat *recordator*. Pagn. verò. *Figurina*, & in re simili *Procopius* ex 2. Reg. 20. *reuocans in memoriam*. Dicit verò Rabbi Salomon, quem sequitur *Petrus Comestor*, *Glossa*, & *Dionysius* 2. Reg. 8. quòd officium eius erat repetere, seu recordari casus varios qui venerant ad *Dauid*, vt per ordinem expedirentur. Primus primò, & secundus secundò, & sic de aliis absque delectu, & acceptione: qua in re optimè iudicandi, & gubernandi methodus sita esse videtur: ne postremus primò exauditus, & primus tandem expeditus totius Regni pacem perturbarent, & acceptionem personarum in communi Rege, contra communem æquitatem testarentur.

Pro qua re facit quòd cum Deus vellet benefacere *Abrahæ*, prius cum separauit à *Loth*; Genf. 13. vt ibi bene notauit *Cleaster*: & locuturus familiariter cum *Moyse*, Exod. 24. *Operuit nubes monem, & habitauit gloria omni super Sinai, regens illum nube*: noluit enim Dominus populum videre quàm familiaris illi seruus esset *Moyse*, ne id agrè ferret, & acceptorem personarum putarent; vt ferè ibi notauit idem *Oleaster*. solent enim maiorum fauores inuidia nau fouere, & alere: vnde *Isaias* cap. 50. ubi se à Deo peculiariter dilectum testatur dicens; *Dominus meus auxiliator meus*: statim subiungit, *Ecce omnes quasi vestimentum conterentur, sine a comedit eos*. Tritum verò est apud Sanctos Patres, per *lineam* intelligi inuidiam, quæ ex singulari fauore erga aliquem nata est, statim oriri.

Pro eodem argumento facit etiam ea diuisio in terra promissionis, iuxta cuiusque Tribus proportionem, quæ vt seruarietur, dixit Dominus ad *Moysem*: *Pluribus maiorem partem dabis, & paucioribus minorem*: quod posset *Moyse* facere iuxta hoc sibi impositum præceptum, adhuc tamen vltèrius Deus addidit, vt ea diuisio fieret per sortes, sicut patet ex Scriptura. In quibus cum incertus, & varius sit euentus, posset ampliori Tribui breuior, & strictior locus contingere. Huic tamen difficultati occurrit *Lyran.* & *Abul.* cap. 18. *Iosue*, quæst. 5. qui dicunt Deum peculiari prouidentia iussisse mittere tales sortes, & illarum eductionem ita ordinasse, vt maior portio maiori Tribui veniret, breuior verò minori (licet hac re sint qui putent æquam terræ portionem cuique Tribui obtigisse, vt videre est apud *Masium* ad cap. 18. *Iosue*, num. 4.) ideo tamen voluisse, vt huiusmodi portiones per sortes cuique Tribui obuenirent, vt omnis dissensio amputaretur: posset enim quis prætexere querimoniam in diuisionibus, dicendo eas factas fuisse ex aliquo humano respectu, vsque aded periculosa est singularis acceptio in publica administratione. Quod probauit singularis amor *Iacobi* erga dilectum *Ioseph*.

Vnde *D. Gregor.* lib. 2. in lib. 1. Reg. c. 3. sic explicat eam querimoniam, quam Deus de *Heli* Sacerdote fecit, dicens: *Honorasti filios tuos magis quam me, vt comederetis primitias omnis sacrificij Israël populimei*. Filios, inquit *Grego.* & propinquos magis quàm Dominum honorant, qui ad sacros ordines personas eligunt, non ex conuersationis honestate, sed amore propin

Num. 26.

Iosue 13.
& 18.

1. Reg. 2.

propinquitatis, nec curant quales sint, qui ad spirituale ministerium veniunt, sed tantum ut temporali dignitate præferant, quos carnali affectione complectuntur. Ideoque merito Aaron Summus Pontifex laudatur, qui dixit patri suo, & matri suæ. *Nescio vos; & fratribus suis, ignoro vos, quæ locum ad nostram eruditionem sic illustravit paraphrasis Enkeli, qui ait, patris sui, & matris suæ non est misertus, quando rei fuerunt iudicii, faciem fratrum suorum, & filiorum non accepit.* O utinam hunc Pontificem nostri temporis Pontifices imitarentur, & non facies suorum acciperent, pacem & unitatem Ecclesiæ turbantes, fidem Christi offendentes, communemque æquitatem perdentes! Laudandus item Paulus Iureconsultus lib. 5. Sent. de titul. fsc. aduocat. dum prohibuit indigenam in propria patria officium fiscale administrare, ne aut gratus, aut calumniosus apud suos esse videretur.

§ III.

Contra eos qui plus quam par sit, diuites reuerentur.

FACIT & pro nostra eruditione hoc in loco ea expositio, moralis utique, quam D. Thom. ponit: sic enim explicat verba ista; *Nolite in personarum acceptione habere fidem Domini nostri: quasi velit: Nolite fidem Domini nostri in talibus rebus ponere (scilicet in potentiis, diuitiis, gratia, &c.) ut ea quasi Deos colatis: fides enim terrena omnia contemnenda docet, non adoranda, sicut dixit Clem. Alex. Orat. ad Gent.* Iam verò cæci homines diuites reuerentur, & potentes adorant: quo sensu potest intelligi illud Osee, quando in persona diuitis ac potentis dicitur: *Dives effectus sum, inueni idolum mihi.* Scio quidem communem expositionem esse quam Hierony. ibi assert, quod scilicet sibi ipsi diues inuenierit idolum, quando & ipse diuitias veluti idolum colit. Sed fortassis non erit inepta expositio, si quis dicat iisdem verbis voluisse diuitem significare se idolum reperisse, quod sibi apponeret, ut in eo ab insipientibus adoraretur, qui in diuite diuitiarum idolum solent colere. Namque, sicut dixit Salomon: *Pecunia obediunt omnia.* ubi in Heb. est, *Pecunia respondent omnia*; nullus enim dedignatur responsum pecuniæ dominæ tribuere, cum nemo pauperi respondeat: quod magis exponunt Septuaginta dum sic verterunt; *Pecunia humiliantur omnia:* sicut enim transeunti Regi omnes ciues ac clientes magna submissione reuerentiam exhibent, sic pecuniæ omnes humiliter cedunt: quod singulariter ostendit Laban, qui ut vidit armillas & in aures in manibus sororis suæ, rescivit, quæ à quo accepisset, à seruo scilicet Abrahæ, cuius ipse consobrinus erat, non dedignatus est talem seruum appellare Domini benedictum, imò veluti dominum alloqui dicens: *Ingrederere benedixit Domini: cur foris stas? praparaui domum, & locum camelis.* Non mirum quod sic humiliter inuitauerit eum, à quo viderat acceptas armillas & in aures. Est enim, sicut dixit Hilar. Can. 33. in Matt. in pecunia honor sæculi, qui possumus etiam addere, imò pecunia honor sæculi est.

NOTAVIT

NOTAVIT autem Seneca epist. 117. ex quo in honore pecunia cæpit esse, verum rerum honorem cecidisse, mercatorésque, & vanales inuicem factos homines; non iam quærunt, ait, quale sit quid, sed quanti. Neque enim iam de qualitate hominis, aut morum, sed de quantitate diuitiarum inquirimus, & quos diuites inuenimus præ omnibus, veluti Deos colimus: contra quos aduertit optimè Philo lib. 1. de Monarchia fuisse datum à Deo illud præceptum: *Non facietis vobis Deos argenteos, & aureos.* Videtur mihi, inquit ille, subesse præceptum auaros valde arguens, vnde cumque argētum, & aurum sibi quærentes, & acquisitum tanquam numen recondentes in penetralibus, totam suam felicitatem acceptam illi referendo, quin & illos, qui cum non possint proprias diuitias colere, quod his careant, alienas mirantur, non minùs auari quàm illi priores, quos adoraturi manè ad ædes illorum tanquam ad sanctissima templa cursitant, bona petituri ab his quasi numinibus; quibus quidem possemus in memoriam reuocare id quod dixit Bernard. Serm. 4. de Aduentu: Aurum, & argentum nōne terra est rubra, & alba, quam solus hominum error facit, aut magis reputat pretiosam? Et quod dixit August. lib. 5. de Ciuit. cap. 6. Remota iactantia, quid sunt omnes homines nisi homines?

EST autem hac in re maxima hominum dementia, dum alios colunt, ob ea quæ propria ipsorum non sunt, & ipsorum insuper stultitia, qui in veneratione volunt esse ob illa quæ non ipsorum, sed aliena sunt. Si enim vestra sunt, inquit Bernar. vbi suprâ; tollite ea vobiscum, sed homo cum interierit non sumet omnia. Et D. Ambros. Serm. 13. in Psalm. 118. Inflat plerumque homines, & tumido ore supinat fastigium nobilitatis, & rerum affluentia sæcularium, nisi pudeat in te aliena magis, quàm propria laudari. Et D. Ignatius ep. 3. ad Magnesianos, hæc eadem de re loquens: Nolite errare in aliena gloria. Quod prosequitur Philo lib. de Abraham dicens: Diuitiæ generis quæ nobilitas, maiorum & fortunæ ista laus sunt, non ipsorum qui habent. Non est igitur cur diuites, & nobiles quasi Deos colamus, & veluti idola reueremur, cum Apostolus id prohibeat hoc in loco, ex sententia D. Thomæ, manifestaque ratio idem doceat.

§. IV.

Non est acceptor personarum, qui sanctiores aliis præponit.

LICET autem hic locus prohibeat acceptionem personarum, nō tamen: Leò tendit, vt qui virtute alios antecellunt, non debeant præferri aliis, qui nō tam pollent sanctitate. Namque, sicut notauit Hugo de Sanct. Vict. de Institut. Nouitior. c. 5. Meliores diligere, superiores honorare debemus, quia par contumacia est, siue in eo, qui propter inferiorem gradum in homine virtutem despicit, siue in eo, qui propter vitam inferiorem, gradum superiorem contemnit. Quod etiam prosequitur Aug. tom. 2. epist. 19. post medium; vbi ait: Nec sanè quantum arbitror, putandum est leue esse pec-

Præ in Epist. B. Iacobi Apost.

KK ca

catum in personarum acceptione habere fidem Domini nostri Iesu Christi, si illam distantiam sedendi ac standi ad honores Ecclesiasticos referamus. Quis enim ferat eligi diuitem ad sedem honoris Ecclesiæ contempto paupere instructiori atque sanctiori? Si autem de quotidianis confessoribus loquitur, quis non hic peccat nisi cum apud seipsum intus ita iudicat, ut ei tanto melior, quanto ditior esse videatur? Hoc enim videtur significasse cum dicit: *Nonne iudicatis apud vosmetipsos, & facti estis iudices in quarum cogitationum?* Est proinde præponendus melior, quia tunc non accipimus personam hominis, sed respicimus ordinationem Dei; quod eleganti similitudine explicat Basil. Ser. 2. de Institut. Monach. Et prosequitur Ber. lib. 2. de Considerat. Aug. 8. Confess. cap. 4. Et nos latius prosequemur cum Apostolo, cum dicit Deum elegisse pauperes.

§. V.

Contra Iudices acceptores personarum.

Gen. 1.

PETIT autem ex opposito hic locus Iudices acceptores personarum, qui ac si nullam haberent notitiam fidei Christi, accipiunt personas hominum, & causas iudicant diuitum ac potentum, pauperes verò despiciunt, cum tamen in Scriptura Iudices Dij appellentur, sicut inter alios notauit Theodoret. q. 5. 1. in Exod. ut Deum imitentur, qui non est acceptor personarum, sed de omnibus ei cura est. Qua ratione illum solum Iudicem appellauit Clemens Alexand. 1. Pædagog. c. 2. In quam sententiam notauit Philo lib. de Ioseph, quatuor capita in quæ diuiditur fluuius ille, qui egreditur de loco voluptatis, significare quatuor Virtutes Cardinales, cumque de Prudentia ac Fortitudine in primis duobus adumbratis, dicatur circuire peculiare terras contra Assyrios: deinde, inquit, vadit Tygris, id est, contra voluptates Temperantia. Porro Iustitia quam nobis refert Euphrates flumen, nec oppugnat quemquam, nec circunvallat, nec habet aduersarium. Quare? quia huius (scilicet Iustitiæ) est suum cuique reddere, quolibet postposito respectu: quasi nulla peculiaris Prouincia quæ perfluat, assignetur Tygridi, quia omnium Iustitia esse debet, & nulli peculiariter addici, nec vllam personam accipere. Quod ipsum etiam notauit August. loquens de eodem fluuiio lib. 2. de Genes. contra Manichæum c. 10. Quibus habet similia Concione 26. in Psal. 118. dum ait; Iustitiam non posse dici bonam, vel malam, quod intelligendum esse existimo secundum effectum, & iudicium externum; ei enim qui innocens est, dicetur bona, dum eundem absoluit, iniquus verò eam malam, & acerbam sentiet, dum ex merito puniatur: & ita, sicut videndi organum omni prorsus colore caret, quo possit omnes percipere, sic & Iustitia, ut possit cuique suum reddere, & integrum ius seruare, nullam denominationem habere debet. Vnde & ea Iustitia quæ mala est, neque Iustitia est, sicut ibi notauit Aug. & Hiero. in Reg. Monach. c. de Iustitia; sic de ea ait: Patrem, vel fratrem non nouit, sed nouit

v c.

veritatem, personam non accipit, & Deum imitatur. Videndus est Ambros. Serm. 20. in Pl. 118. cum ponderat id quod Christus Dominus dixit: *Ego non possum à me facere quicquam*. Hic, ait Ambros. personam Iudicis propositumque suscipit. Bonus enim Iudex nihil ex arbitrio suo facit, & domesticæ proposito voluntatis, sed iuxta leges & iura pronuntiat, sicut audit, ita diiudicat, & sicut habet negotij natura, decernit. Plura hac de re habet idem Ambros. epist. 20. ubi eundem locum Ioannis explicat.

Vnde iam patet quàm ineptè deceptus fuerit iniquus ille Iudex, Pilatus scilicet, qui malam & bonam voluit habere potestatem Iudicis, dum dixit: *Nescis quia potestatem habeo crucifigere te, & dimittere te*; quasi utramque haberet potestatem Iustitiæ, cum tamen solum habuerit potestatem dimittendi innocentem, & cruci affigendi iniquum, alioqui, & bona simul ac mala esset Iustitia illa, imò potius, & solummodo mala. Ideoque Ambros. inuehitur in eum dicens: *Vsurpas o homo potestatem quam non habes, tua, Pilate, voce constringeris, tua damnaris sententia; per potestatem igitur non per æquitatem crucifigendum Dominum tradidisti; per potestatem absol- uisti latronem, authorem vitæ interfecisti, mala potestas, licere quod no- ceat, potestas ista tenebrarum est. Namque potestas Iustitiæ nõ est in dam- nationem, & absolutionem simul, ut scilicet, & damnare quemquam simul possit, & absolvere: sed diuisa, ut pro meritis, vel dimittere possit, vel puni- re. Quoddam in iustè contra hoc fecerit Nabuchodonozor, exprobrauit filio eius Balthasaro Daniel Dei monitu, dicens: Quos volebat, interficiebat, & quos volebat, percutiebat, & quos volebat, exaltabat, & quos volebat, humiliabat. Quia verò filius patris vestigia sequutus, pro velle exaltabat, & humiliabat, in- terficiebat, & dimittebat; quoddam diuini, vel absolueret, vel puniret, secun- dum Iustitiæ normam diuinum itidem est regnum ab eodem, & datum Me- dis, & Persis.*

VIDENDUS etiam pro hac re est D. August. tom. 4. q. 88. in Exodum, cum explicat ea verba Exod. 23. *Pauperis non misereberis in iudicio*; ubi sic ait: Nisi addidisset (*in iudicio*) magna esset quæstio. Sed intelligendum esset, etiam si scriptum non esset. Sed cum additum est, nulla quæstio est hoc esse præcep- tum. Ne fortè cum iudicamus, videamus Iustitiæ esse pro diuite contra pauperem, & nobis rectè facere videamur, si contra Iustitiæ pauperi fa- ueamus causâ misericordiæ. Bona est ergo misericordia, sed non debet esse contra iudicium; iudicium sanè illud appellat Scriptura, quod iustum est.

Hæc etiam fuit ratio, cur Arcopagita, sicut refert Lucianus in Her- motimo; noctu & in tenebris iudicare solebant, ne ad dicentes respice- rent, sed ad ea quæ dicerentur. Et olim, sicut refert Pierius Valer. lib. 35. ea statua, quæ Principem referret, proponebatur auersis oculis, ut Iusti- tiam à donis alienam esse debere, & nulla mulceri facundia oportere signi- ficarent. Nam, ut Cassiodorus ait lib. 11. cap. 32. gratanter exoluit, quod deberi iustè cognoscit, & tunc quæ oportet, fiducialiter suggerun- tur, ubi non est æqualis auditus. Ideoque à recentioribus hoc loco com- mendatur Aristoteles lib. 1. Rhetoricorum, quoddam illam partem Oratoriæ,

KK 2 quæ

quæ ad commouendos affectus exposita est, condemnauerit, ne quando in delinquentis fauorem commoueret iniuste Iudicem. Videndus denique Tertullian. lib. 2. de Oratore, vbi seridò dolet, quòd multo plura homines iudicant odio, aut amore, aut cupiditate, aut iracundia, aut dolore, aut lætitia, aut spe, aut timore, aut errore, aut aliqua permotione mentis, quàm veritatis præscripto, &c. Et cum Philosophi ita abhorruerint personarum acceptionem, constat quanto longius sit releganda à fidelibus, quando fides Domini nostri Iesu Christi ita dissonat à personarum acceptione.

Verf. 2. *Etenim si introierit in conuentum vestrum vir an-
nulum aureum habens, in veste candida: introierit autem
& pauper in sordido habitu.*

Verf. 3. *Et intendatis in eum qui indutus est veste præclara, &
dixeritis ei: Tu sede hic bene; pauperi autem dicatis: Tu sta
illic, aut sede sub scabello pedum meorum.*

Verf. 4. *Nonne iudicatis apud vosmetipsos, & facti estis iudices
cogitationum iniquarum?*

EXPOSITIO LITERALIS.



PROPOSITIONEM generalem de non accipiendis personis probat hypothefi, seu exemplo assignato in Textu, quo iniquitatem in acceptione personarum facilius probet. Sed quò melius intelligatur hic locus, primò agemus

De conuentibus fidelium.

OLIM fiebant eo modo quem D. Clemens assignat lib. 2. Constitut. c. 59. dicens: Conuenitur in Ecclesiam singulis diebus, mane, & vespere, ad canendos Psalmos, & preces in templo faciendas, potissimum autem die Sabbati, & die Dominico, qui est dies Resurrectionis. Meminit autem simul diei Sabbati, & Dominici, nam in illis Ecclesiæ nascentis incunabulis lex Moyfi simul cum Euangelio obseruabatur, & ideo Sabbatum cum die Dominico: postea, sepulta cum honore Synagoga, solus dies Dominicus celebrandus remansit. Conueniebat ergo vniuersa Ecclesia in vnum, vt patet ex 1. Corint. 11. & Act. 2. Vnde Paulus: *Non deferentes collectionem nostram, sicut consuetudinis est quibusdam.* Quod non ita intelligendum est, sicut voluit Sa in Annotation. ad c. 2. Act. quòd scilicet ita tunc habitarent eodem loco, sicut moris nunc est Religioforum; id namque in tanta fidelium multitudine, & diuersitate, difficile creditu est, sicut ibi

ibi notauit Lorinus: sed sicut diximus ex Clemente. Idque primitus fiebat in templo Hierosolymitano, quod discipuli conueniebant, ut orarent, & prædicarent, quandiu à Iudæis id permissum est. Quando verò ab hoc sunt eiekti, & prohibiti, in honestis fidelium domibus conueniebant. Acto- rum enim 10. Petrus in ædibus Cornelij concionem habuit ad multos qui conuenerant, & in domo Mariæ Ioannis Marci matris congregata Eccle- sia sine intermissione orationem faciebat pro liberatione Petri ex Herodis carcere. Et in Cœnaculo magno, in quo Christus sacrosanctum Euchari- stia Sacramentum instituit, Apostoli perseverabant post ascensionem cum mulieribus, & Maria matre Iesu, ubi à Christianis postmodum ædificata fuit præclara Ecclesia, quam vocarunt Ecclesiam sanctam montis Sion, teste Metaphraste, Iuuenal. Damas. & Niceph. Et Philo Iudæus apud Eu- feb. lib. 2. Hist. c. 17. refert, Christianos tunc habuisse domos Deo dica- tas, in quas ad peragenda sacra conueniebant. Et Clem. lib. 2. Constitut. c. 56. formam templorum sic describit: Primùm quidem sunt domus oblon- gæ ad Orientem versùs, naui similes, ex vtraque parte pastoploria (id est, lueraria, armariola, vel tabernacula, in quibus Eucharistia pro infirmis, vasa sacra, libri, vestesque Sacerdotales seruarentur) habentes, &c. Qua de re videndus Feuard. hoc loco. Meminit horum conuentuum Basil. hom. in aliquot Scripturæ locos, ubi sic ait; Hac de causa sit iste conuentus, ac Patres nostri has fidelium congregationes in templis statuerunt, ut quæ singulis diebus discere non valeamus ob eorum penuriam, qui hæc doceant, & admoneant, singulis annis illa in communi sollemnitate, ac celebritate conuenientes accipiamus, deinde ea tanquam viaticum ad reliquum tempus custodiamus. Deducti sunt autem prædicti fidelium conuentus à consuetudine Synagogæ, sicut patet ex D. Ambros. in 1. ad Cor. c. 4. ubi ostendit in his conuentibus seniores sedisse in cathedris, sequentes in sub- selliis, nouissimos in pauimento super mattas. Plura de his conuentibus vide apud Baronium anno Christi 57. cap. 159.

Act. 11.

De annulis seu fibulis aureis.

OLIM, teste Pierio lib. 41. annulum veteres non ornatus, sed signan- di causâ circumferebant. Postea vsi sunt aureis annulis viri ac mulie- res, ad modestum ornatum ac iucundum. Nam Iudas Patriarcha annulum, Gen. 38. & armillam quam ferebat, dedit Thamâr. Et Iudith castra Assyriorum adi- turâ sumpsit annulos, & armillas suas. Deinde vsi sunt homines annulis ad indicium nobilitatis, & rerum pro Repub. præclare gestarum. Vnde Alexand. ab Alex. lib. 2. c. 19. testatur Romanos Legatis suis ad externos profecturis annulum aureum, velut insigne munus dedisse. Videndus Ma- crob. 7. Saturnal. c. 13.

Gen. 38.

Judith. 10.

VERVM non est hoc loco sermo de huiusmodi annulis, sicut aliqui, teste Baronio 1. tom. decepti existimarunt, putantes à Iacobo hoc loco nobilissimum descriptum hominem, qui annulum aureum, ut egregium

KK 3 nobili

nobilitatis insigne gestaret in digito, sicut hîc putat Oecumen. & candidissimo indumento esset decoratus, nam quod ad anulum spectat, non ornabatur illo manus, sed vestis. Et ita annulus in veste candida, idem erat quod aurea fibula, qua vestis præstringeretur: pro annulo enim fibulam accipi satis probat locus ille Exodi, cum dicitur; *Stringatur rationale annulis suis.* Quod expressius declarat Iosephus lib. 1. 3. Antiquitat. c. 9. cum ait: Tum Antiochus adolescens missis literis, & Legatis ad Ionatham, socium & amicum eum nominat, & Pontificatum ei confirmat. Ad hæc aurea vasa & pocula, vestemque purpuream, & ius utendi misit ei, nec non fibulam auream. Sed clarius hoc habetur 1. Machab. 10. *Alexander Rex addidit adhuc glorificare Ionatham, & misit ei fibulam auream, sicut consuetudo est dari cognatis Regum.* Erat itaque apud gentem Hebræam nobilitatis insigne annulus, seu fibula aurea. Et ita intelligendus est hic locus, non verò de annulo manus, sed vestis; & ideo noster Author videtur anulum cum veste coniungere.

De veste candida.

VESTIS candida olim insigne erat nobilium, ut constat apud Salomonem; *Beata terra, cuius Rex nobilis est.* Vbi in Hebr. est; *Ben chorim*, id est, *filius candidorum.* Vnde & Christus Dominus, quando ludibrij causâ indutus est veste alba, id quidem factum est, ut irridendo quasi nobilem tractarent per ludibrium: & cum gloriosus in maiestate apparuit, *vestimenta eius sunt alba sicut nix.* Vnde Tertullian. lib. de Resurrect. carnis, sic recenset manumissionis insignia: Famulum tuum libertate mutaueris, & vestis albæ nitore. Sicut enim olim latus clauus vestimenti genus erat, quo viri patritij, ac Senatores utebantur. Vnde Horat. lib. 1. Serm.

— — — *Et laurum dimisi pectore clauum.*

Sic etiam & apud Hebræos vestis candida insigne erat nobilitatis. Quare latius Baronius anno Christi Dom. 34. Et multa apud recentiores in c. 4. Thren. ad ea verba; *Lacte candidiores.* Et de vestibus Salomonis ad locum Matth. 6. ibi; *Quia nec Salomon in omni gloria sua vestitus est, sicut unum ex istis.*

De Sedibus.

HIC locus Iacobi supponit Hebræorum morem, apud quos Reges, Magistratus, virique nobiles in sublimiori loco sedebant: idque non solum in administratione Reipub. sed etiam in publicis conuentibus, aut disputationibus. Id enim ostendit quod in parabola de inuitatis dixit Christus Dom. intendens quomodo primos accubitus eligerent: *Amice, ascende superius*, ascendebatur siquidem ad illos: inferiores verò sedes ignobilioribus donabantur, ideoque dicebat Isaïas: *Descendens sede in pulvere virgo sion.* *Et alibi: Suscituans de pulvere egenum, ut sedeat cum Principibus.* Iterumque: *Exaltavi te de pulvere.* Locus igitur ignobiliorum

rum infimus erat, nobiliorum verò superior & sublimior; quod explicare videtur Ambrosius in illud: *Sicut reuelatum fuerit sedenti*, &c. Hæc traditio, inquit, Synagoga est, quam nos vult sectari, quia Christianis quidem scribit, sed ex gentibus factis, non ex Iudæis, ut sedentes disponent, seniores dignitate in Cathedris, sequentes in subsellis, nouissimi in pavimento super mattas. Quod sine dubio respicit illud: *Est malum quod vidi sub Sole, posui stultum in dignitate sublimi, & diuites sedere deorsum*. Et ideo D. Thom. in illis verbis, *Sede sub scabello pedum meorum*, vilem locum intelligit, id est, iuxta, seu infra pedes meos, sicut illud, *Sede hic bene*, significat commodè seu honorificè. Est igitur totus hic locus contra eos qui diuites ex solo externo apparatu pensantes reuerentur, & honore afficiunt, pauperes verò quantumvis virtute præditos contemnunt: qua in re iniquissimè iudicant, peruersèque de Christiana fide iudicare videntur.

§. I.

Contra eos qui homines ex ornatu exteriori aestimant.

CUM Iustitia distributiva iubeat pium pauperem præferri impio diuiti, maxime læditur ab iis, qui præponendum docent diuitem ob solas splendidas vestes auro, gemmisque ornatas, cum tamen tota hominis dignitas ex interiori ornamento pensanda sit, sicut notauit Ambrosius lib. de Instit. Virg. cap. 3. ubi quærit cur Deus cum cætera omnia laudauerit quæ fecit in principio, solum hominem prætermiserit; cuius rei rationem reddit in hunc modum: quia alia in specie sunt, homo in occulto, nihil in bestiis plus reperies, quàm quod videtur, in homine nihil est inferius, quàm quod videtur, qui cum & animo constet, & corpore, hoc utique in eo seruit quod videtur, illud autem regit, quod non videtur. Merito alia in exordio laudantur, istius laudatio reservatur: quid enim tam altum, & tam profundum quàm mens hominis: ideo homo laudatur, quia non in forensi pelle, sed in interiore homine. Nemo ergo se despiciat quasi vilem, nec contuitu corporis sese aestimet. Similiâque habet Chrysostomus hom. 23. ad Popul. Externæ, inquit, dignitates ex signis intrinsecus circumpositis manifestæ sunt, nostras autem ab anima uotas esse docet, fidelem enim non ex solo munere videri oportet, verum & ex vitæ nouitate.

HIC est quod Philo lib. de insomniis, eleganter dixerit animæ pauperis indicium esse, mirari materiales diuitias, itidemque proprium hoc esse imperiti populi, & suapte natura mobilis, quique solum præsentibus intentus est, exiitque tum præteritorum memoriam, tum etiam in futurum spem adimit. Mirandum verò est quàm commune hoc vitium sit, quantumque homines ducantur ab externo tantummodò apparatu: qua in re maxime placet id quod dixit Chrysostomus in 1. ad Thessal. homil. 10. Incantatio, inquit, quædam est, & præstigium, quod aurum & argentum tantopere à nobis honorantur.

S I autem velimus rationem indagare cur splendoras vestes miremur, & externum cultum veneremur, ea quidem videtur esse, quod terrestria tantum curantes, cœlestia ne minimùm quidem perpendimus. Iure verò approbat Clem. Alexan. lib. 2. Pædag. cap. 10. Cæcum Sophistam, qui virtutis, & improbitatis aptas descripsit imagines. Hanc enim, improbitatis scilicet, fecit candida veste. i. splendida indutam, virtutem verò sola verecundia ornatam: quæ quidem descriptio ostendit virtutem non externo apparatu, apparentiue ornatu indigere, cum ex se honorem perpetuò habeat comitem, sicut dixit Hieron. in Epist. ad Eustoch. Nihil verò nobis clariùs potest ostendere quanta cæcitate, & ignorantia nostra hac tempestate homines laborent, quàm quod veneremur externas corporis vestes, cum præclaras animi dotes nihili faciamus, cum fieri optimè possit, ut malus homo plura bona habeat, sicut profectur August. Serm. 12. de verbis Dom. cum ita ait: Omnia quæ circa iacent oculis tuis elegantia, & pulchra, si tibi possent respondere, nōne & tibi clamarent, sicut tu nos bona vis habere, sicut & nos volumus habere bonum dominum; tacita voce interpellant contra te Dominum tuum: Ecce tanta bona dedisti huic, & ipse malus est. Illudque mirum hac in re est, quod bona videtur *insurgere* cōtra malū domini, & iniquū possessore, nos verò ipsū colimus propter bona quæ iniuste, & iniquè possidet, & de iniusto domino cōquerruntur.

NEQUE in hoc tātummodo apparet inordinatum vitium, sed inde aliud emergit non minùs utique dolendum, quod cum homines videant se in pretio haberi, & honore affici propter externam vestium elegantiam, totam curam, & diligentiam impendunt in exornando corpore, nullam penitus in animo componendo, & quia nolunt iam virtutibus se claros reddere, vestibus nobilibus indutos se curant ostentare. Vnde possumus cum Apelle dicere, sicut notavit Clem. Alex. 3. Pædag. cap. 10. id quod dixit cuidam ex suis discipulis, qui Helenam multo auro ornatam depinxerat: *O adolescens cū non posses pingere pulchram, pinxisti diuitem*: etenim homines cum veræ pulchritudinis ac virtutis ornamenta nō assumant, vestes candidas, aureum annulum habentes induunt, quarum conspectu, & apparatu apud homines multi sunt.

MEMINERIMVS tamen huiuscemodi decorem, & ornatum emi potius quàm haberi, sicut notavit Ambros. lib. de Virginib. contra immoderatum vestium luxum. Cum vestes tegendi corporis, non ornandi gratiā repectæ fuerint, sicut notavit Athanas. in Exhortat. ad Monachos lib. 1. postquam tamen homines viderunt ex vestibus potius, quàm ex moribus se æstimari, totos sed ad vestium elegantiam comparandam dederunt. Nisi fortè ea sit ratio, quod defectus occultare; vitia tegere, peccata operire, turpiusque cælare vestibus intendunt; proindeque si vestes ac animas sub hasta ponatur, & ornamenta splendida, ac ipse homo venundetur, quilibet parum etiam doctus, potius vestes sibi quàm animum eligeret, cum tamen longè aliter se res debuerit habere, sicut profectur Clem. Alex. l. 2. Pædag. c. 10. Ut mihi, inquit, videtur, oportet id quod tegitur ex tegumento ostende

ostendere se esse eo melius, vt templo imaginem, & corpore animam, & veste corpus; nunc autem contra omnino. Si corpus quidem venundetur, nunquam mille drachmas Atticas inuenerit, vnam autem vestem mille talentis euentes, se esse vestibus inutiliores & viliores arguunt.

QUAPROPTER Ephrem de vita spiritali ita ait: Noli splendido ornatu vestium gloriari, memor quomodo ouinis pellibus indutus fuerit Helias, & sacco Isaias, quali item Ioannes Baptista vsus sit. Quare non vestium splendore studeas esse conspicuus, sed per bona sanctaque opera luceat lux tua. Qua de re plura habet Seneca lib. 10. epist. 77. *Gladium bonum, inquit, dices, non qui deauratus est balthus, nec cui vagina gemmis distinguitur, sed cui est ad secundum subtilis acies. Regula non quam formosa, sed quam recta sit queritur. Ergo in homine nihil ad rem pertinet quantum ariet, quantum feneret, à quam multis saluetur, quam pretioso incumbat lecto, sed quam bonus sit. Nemo istorum quos diuitie honoresque in altiori fastigio ponunt, magnus est. Quare ergo magnus videtur: cum basi illum sua meiris. Parius pumilio, licet in monte consuerit. Colossus magnitudinem suam seruauit, cuius si steterit in puteo. Hoc laboramus errore, quod neminem estimamus, eo quod est, sed adiciamus illi, & ea quibus ornatus est, imò ex illis ipsum estimamus, & meimur.*

Si autem velimus ad retrò secula recurrere, & qualiter tunc temporis homines vestimentorum cultum curarint indagare, illud statim occurrat, quod notauit D. Thomas ad cap. Genes. 37. in ea veste polymita, seu, varia, vt habent Septuaginta, quam fecit Iacob dilecto filio Ioseph; quæ tantummodo frustorum, filorum vel liciorum varietate distincta erat, splendidissima tamen pro eo tempore. Ait ergo D. Thomas: In hoc ipso, quanquam isti Sancti Patres essent diuites, apparet, quod communiter induebant filios suos satis rusticanè, alias non referretur hic tunica prædicto specialiter data Ioseph. Vnde & Scriptura pelliceas tunicas, quas Deus primis parentibus dedit, cum ex pellibus essent confectæ, eas tamen honoris vestes appellat. Pro eo enim quod nos habemus: *Fecit eis tunicas pelliceas*; Paraphrasis Chald. sic habet: *Fecit Dominus Deus Ade, & uxori eius vestimenta honoris super cutem carnis suæ, & induit eos.* Quodlibet enim vestimentum olim honoratum erat, modò verò homines ex vestibus honorantur. Et ideo passim decipiuntur, quia honor ex incerto exhibetur. Quod notauit argutè Tertull. lib. de cultu mulierum, cum ait: Iam certè improbitas honestissimis quibusque vsque ad errorem dignoscendi coarctauit. Qua de re etiam videndus Greg. homil. 28. in Euang. cum queritur quòd iam in hominibus non homines, sed diuitias veneramur. Et contra vestimentorū superfluitates videndus est Hier. in vita Pauli Eremitæ, & in epist. ad Eustoch. ad Heliodor. ad Marcell. ad Nepotian. ad Rustic. & Dialog. 1. cont. Pelag. Bern. 3. de Considerat. Chrysost. hom. 21. in Gen. hom. 50. in Matth. 60. & 68. in Ioan. homil. 7. ad Coloss. homil. 7. ad Philippenf. & homil. 39. ad Pop. Ambros. lib. de Virginib. Basil. in Comment. super cap. 3. Esai. & homil. in Psalm. 45. Nazianz. aduersus mulieres sese ambitiosius ornantes. Cyprian. de habitu Virginum; & lib. de bono pudicitia;

Paer. in Epist. B. Iacobi.

L. L.

vbi

vbi celebrem illam affert sententiam: Mirum, inquit, negotium, mulieres ad omnia delicatæ, ad vitiorum sarcinas, auri scilicet, gemmarum, ac vestium fortiores sunt viris. Quæ verba nos etiam ad viros possumus convertere, qui collo erecto, constrictis cruribus, totoque ligato corpore patiuntur incedere, cum nec minimum aliquid violentum admittant in satisfactionem scelerum suorum. Videndus denique Innocent. de vilit. condit. human. Qui omnes docent nullatenus curandam esse vestium multitudinem, & curiositatem, ne contra Iacobi doctrinam diuites solum ex vestibus colamus, ac veneremur, pauperes verò in vilibus vestibus contemnentes confundamus.

§. II.

Quanti faciendi sint pauperes.

DOCEt etiam hic locus nullatenus reiiciendos pauperes, aut contemnendos, cum Christus Dominus ipsum pauperis cognomen sibi vendicauerit. Namque Propheta dixit: *Ecce Rex tuus venit tibi iustus, & Saluator, & ipse pauper*; & cum Angelus pastores ad inuiscendum eundem natum inuitat, signa paupertatis præmittit dicens: *Inuenietis infantem pannis inuolutum*, aded pauperem vitam duxit, ut neque vbi caput reclinaret, habuerit, secumque solam detulerit ad crucem paupertatem. Notauit hoc D. Ber. epist. 23. dicens: Nobilis reuera titulus paupertatis, quam ipse Deus ore commendans prophético ait: *Ego sum vtr videns paupertatem meam*. Super omnes regios thesauros hic vos titulus nobilitat amplius, &c. & loquens de pauperibus Dauid, ait: *Honorabile nomen eorum coram illo*: Hebr. & Chaldaicè habetur; *Preiosus sanguis eorum coram illo*: quasi nihil magis curæ sit Deo, quam vita & salus pauperum: ideoque eos nobis maximè commendat, cum ipsos dominos Regni cælorum dicit, ut eos scilicet veneremur quasi dominos. Vnde Ber. epist. 103. ait: Volo te esse amicum pauperum, magis autem imitatore, ille gradus proficientium est, hic perfectorum. Amicitia pauperum, Regum amicos constituit, amor paupertatis Reges, quoniam ipsorum est Regnum cælorum. Assertitque idem Bernard. in confirmationem id quod Christus Dom. dixit: *Facite vobis amicos de mammona iniquitatis, ut cum defeceritis, recipiant vos in æterna tabernacula*. Vides, inquit Bernar. quia magna dignitas sancta paupertas sit, ut non modò ipsa patrociniū sibi non quærat, sed & ferat indigentibus, quale est hoc absque interuentu cuiuspiam Angelorum, vel hominum, sola diuinæ gratiæ confidentia accedere per temetipsum ad vultum gratiæ, capessere summam rerum, attingere totius magnificentiæ culmen.

Hic est quoddam in lege veteri pauperes iam ut dominos voluit tractandos, quibus sine villo labore fructus terræ concessit ab aliis seminatorum, veluti à seruis, sic enim interpretatur Aug. illud præceptum Exod. c. 23. vbi

vbi ita habetur: *Sex annis feminabis terram tuam, & congregabis fruges eius, anno autem septimo dimittes eam, & requiescere facies, vt comedant pauperes populi tui, & quicquid reliquum fuerit, edant bestiae agri.* Quorum verborum sensum sic elicit Aug. q. 89. in Exodum, vt sex annis seminarent, & colligerent filij Israel fructus agrorum, septimo verò anno seminarent, attamen non colligerent, sed dimitterent quidquid fuerat seminatum, vt pauperes colligerent, & inde alerentur; tantam enim curam gessit Deus pauperum, vt eos in labores aliorum voluerit ingredi, & tanquam dominos absque sudore, labore, & cura alimoniam quasi à clientibus, & seruatorum agris colligere.

Est in hanc sententiam notandus locus ille apud Chrysost. Serm. 14. ad illa verba Psalmi. *Beatus qui intelligit super egenum, & pauperem;* vbi differentiam ponit inter id quod est videre oculis, & intelligere mente. Subiecta, inquit, oculis, exposita in publico non est intelligere, sed videre: vis est intelligentiae si rimetur viscera, si deprehendat occulta, si tecta nudet. Oremus, fratres, vt ipse nobis intelligere intelligenda concedat, qui se intelligi in paupere sic demonstrat, quod ipse qui caelum tegit, sit nudus in paupere, quod in eum sententia esuriat satietas rerum, quod sitiat in sitiente fons fontium, beatus proinde ille censendus est, qui hoc intelligit, vt super pauperes intelligat, eorum necessitatibus occurrendo, eosque à necessitatibus eruendo. Quod argumentum prosequitur Ambros. Serm. 3. in Psalm. 118. vbi inter alia ait. Nihil grauius, quam vt fratres nostros pauperes superbo oculo despiciamus, conformes nobis intolerabili repellamus fastidio, nostra indignos gratia iudicantes, quia sunt inopes, cum paupertas facilius sit Deo, quam thesaurus acceptior. Et epist. 10. aded colendos existimat pauperes, vt eos paupertatis nomine sentiat indignos. Sic enim habet: Cum Regnum Dei pauperum sit, quid esse locupletius potest? Similiaque habet Serm. 110.

Hinc est quod apud Deum pauperes propria sortiuntur nomina, non sic verò diuites, vt videre est cap. Luc. 16. in historia diuitis epulonis, vbi optimè Caietan. Apud mundanos, ait, diuitum nomina sciuntur, cum de eis verba fiunt, pauperum verò nomina nec sciuntur, nec, si sciuntur, digna existimantur propria appellatione, sed si de aliquo eorum sermo incidit, dicitur, quidam pauper. Totum oppositum est secundum ordinem spiritus, & propterea diues appellatur homo quidam, pauper autem appellatur nominatim Lazarus, quod ostendit quanti fiat apud Deum paupertas, quam ex nomine nouit, quam in manibus descripsit, cum ait: *Esuri- & dedisti mihi manducare, &c.*

Hoc idem argumentum prosequitur Philo libr. de Plantatione Noë. Nazianzen. orat. 20. & 28. Chrysost. homil. 48. in Matth. Vnde iam nobis potest constare quanta cum ratione Iacobus hoc loco doceat, non esse contemnendos pauperes, diuitibusque postponendos, quos Christus Dominus tanti fecit, nobisque suscipiendos ac venerandos reliquit, dicens: *Pauperes semper habetis vobiscum.* Quae promissio si-
 milis etiam videtur alteri, qua de se dixit; *Ecce, ego vobiscum sum* Mat. 28.

usque in consummationem seculi. Qui igitur & se, & pauperes veluti magnum beneficium reliquit in mundo, quomodo pauperes patietur abiici? & qui pauperes iudicat, hoc est, vindicat, aut absoluit, eorumque iudex, & defensor est, quomodo ipsorum offensas inultas relinquet? quique eos nobis reliquit honorandos, quomodo non eorum repulsam vindicabit?

Verf. 3. *Nōne iudicatis apud vosmetipsos, & facti estis iudices cogitationum iniquarum?*

EXPOSITIO LITERALIS.



ACCEPTORES igitur personarum, & eos qui diuites pauperibus praponunt, damnat hoc loco, ac si dicat: Non pndet vos tam pueri, corruptique iudicij: Iudicatis siquidem iuxta iniquas cogitationes, quia non respicitis existentem, & realem personæ bonitatem, sed apparentem. Vnde Gloſſa, *mundus pauperem abiicit, diuitem colit, fides Christi aqua docet.* Qui igitur sic iudicant, corrumpunt iudicandi vim, sicut ait Oecum. & Brixian. nullam inquisitionem facientes, vter sit honorandus, paupérne probus, an diues improbus. Corrumpūt etiam iudicādi vim, eligentes malas cogitationes, rationique dissonas, & omittentes eas, quæ pauperes spiritu dicant esse amplectēdos.

LICET ergo (*iudicare*) plerumque accipiat in bonam partem, pro eo quod est sententiam pro aliquo ferre, vt patet ex Psal. *Iudica me Domine, quoniam in innocentia mea ingressus sum.* Et apud Oſeam: *Sponsabo te mihi in iustitia, & iudicio;* id est, sententiam pro te feram, repellendo diabolum iniustum possēſſorem, qui te inſidiis & malignitate ſuparat: hoc tamen loco in malam partem ſumitur; qui enim fert iudicium contra pauperes, iniquē proſectō iudicat, cū pro eis iudicet Deus, & in eorum fauorem; quod dixit Dauid: *Pſal. 71. Iudicabit pauperes populi, & humiliabit caltemtiorē.* Iniquæ verō cogitationes hoc loco dicuntur, quæ ſunt contra rationem, ſicut æqua cogitatio dicitur, quæ eſt iuxta dictamen rationis. *Nunquid aqua tibi videtur tua cogitatio?* vbi Varabl. *An hoc iſtum eſſe putas, quod iudicaſti?*

COMPLUTENSIS verō lectio hoc loco habet: *Nōne diiudicatis in vobismetiſus?* Quasi velit Apoſtolus: Qui immeritō, & contra rationem prapōnitis diuites iniquos pauperibus probis, nōne iudicati eſtis ab interna cōſcientia, & ab eadem damnati tanquam impij iudices, qui poſtpoſitis rectis cogitationibus iniquas elegiſti? Quem ſenſum amplectuntur aliqui ex recentioribus, qui ſic exponunt: Nōne vos coarguit, & furdo verbere flagellat propria cōſcientia, quōd plus moueant vos externæ veſtimentorum pompæ, quā virtutes? Vnde Baſil. homil. 21. quæ eſt in aliquot Scripturæ locos: Si iudicaueris, ne inæqualia videas, ne videas diuitem ſublimem, pauperem humilem, &c. quæ proſequitur in hanc ſententiā.

§. I.

§. I.

Contra eos qui iudicant secundum visionem oculorum, & externam apparentiam.

FA C I T hic locus contra eos qui secundum externam faciem de rebus iudicant, qui ferè semper decipiuntur, imitantes Phariseum, contra *Luc. 7.* Dominum, & Mariam iniquè iudicantem, & primam etiam mulierem, quæ *Genes. 3.* *vidi pomum quod esset pulchrum, & ad vescendum suave;* poterat quidem iudicare oculis esse pulchrum, non tamen de illius suauitate potuit rectè iudicare, ideòque de ea secundum visionem oculorum iudicante sic ait Ambros. lib. de Paradiso cap. 13. Infirma author iudicij, quæ de eo quod nondum gustauerat, iudicabat: & ideo non facile, nisi siquid diligentius pertractauerimus, quod interiori probauerimus affectu, videtur opus aliud quod esse sumendum.

IM I T A N T V R insuper istiusmodi homines Iosue, & Principes Israël, qui secundum vestes, & calceamenta Gabaonitarum eosdem iudicantes, *Iosue 9.* nec os Domini interrogantes, ab eisdem decepti sunt. Vnde Christus Dominus dixit: *Nolite iudicare secundum faciem.* Super quæ verba sic ait Chrysostomus *Ioan. 7.* in Ioan. 48. Hoc non illius sæculi hominibus tantum dictum est, sed & nobis, nullus sit nobis respectus an pauper quis sit, an diues, rem ipsam inuestigemus. Eleganter autem ibi August. tract. 30. in Ioan. tom. 9. ait: Hoc quod Dominus notauit hoc loco, euadere in hoc sæculo, magni laboris est, non personaliter iudicare admonuit quidem Dominus Iudeos, admonuit & nos. Et Dauid contra sic iudicantes ait: *Uisnequid indicatis iniquitatem, & facies peccatorum sumitis?* Vbi Agellius ita habet; Dignitatem, potentiam, opes; etiamsi cum scelere coniuncta sint, magni penditis, iustitiam, innocentiamque, si his ornamentis careat, contemnitis. Facit etiam id quod notauit Hieronymus lib. 2. in Isai. vbi ait. Cauendum est, ne iustitiam iusti pro inopia despiciamus; quod & in epistola Iacobi præcipitur, ne honorantes impios diuites, & despicientes sanctos pauperes, fiamus iudices iniquitatis. *Ysa. 21.*

NE C minus rem conficit Epictet. in Enchirid. c. 59. qui contra iniquos iudices sic ibi argumentatur: *Hi sermones non congruunt. Ego sum diuor te, ego igitur melior sum. Ego sapientior te, igitur melior te. Hi autem magis congruunt: Ego te diuor sum, mea igitur possessio, quam tua melior est. Ego te sapientior, mea igitur oratio, quam tua melior. Tu vero neque possessio es, neque oratio.* Conqueritur etiam Ambros. de hoc iniquo iudicio, 2. Offic. cap. 1. vbi inter alia ita habet: Hoc malum iam dudum humanis influxit mentibus, ut pecunia honori sit, & animi hominum diuitiarum admiratione capiantur, quod ex debilitate iudicij prouenit, cum secundum faciem iudicent, non secundum rem.

AD E O autem hoc iniquum iudicium auersatus est Moyses, sicut Origin. & Philo. notarunt lib. de Gigantib. ut laudatas, elegantisque artes,

LL 3 pictu

picturam scilicet, atque statuariam è sua Repub. reiecerit, quòd veritatem, inquit, mendacis vident, illudentes per oculos animabus facilibus & credulis. Ostendunt namque nobis armatum militem, leonem aduncis, & acutis vnguibus hominem disrumpentem, cùm tamen neque miles, neque leo addit, sed inanimis imagines, quæ iudicantem secundùm visum fallere possunt. Cui defectui volens occurrere Christus Dom. dixit, vt essemus *ad instar serpentium*, ne scilicet facile deciperemur. Quæ verba sic exposuit Ber. epist. 327. Nec nouum, inquit, nec mirum est humanum animum posse fallere, vel falli, cauendum est hoc, & illud, quia vtrobiq; periculum dicit: *Esote prudentes sicut serpentes, & simplices sicut columba*; vt nec simplicitas decipi, nec prudentia decipere possit. Hæc Bern. Aliis igitur simus columbæ, ne eis noceamus, nobis verò simus serpentes, vt prudentia iniquas discernamus cogitationes, ne ab eisdem penitus obruamur. Veræ namque cogitationes, & rationi conformes sunt, quæ præcipuum locum debent obtinere, imò & in nobis ipsæ debent ferre sententiam. Ideòque Brixian. & Caietan. hoc loco legunt: *Et non diiudicari estis in vobismetipsis*. Quibus verbis videtur innuere præcipuum in nobis iudicem debere esse rationem, nòsque ipsos iuxta dictamen rationis sententiam pronuntiare.

Verf. 4. *Audite, fratres mei dilectissimi, nōne Deus elegit pauperes in hoc mundo, diuites in fide, & cohæredes Regni, quod repromisit Deus diligentibus se?*

EXPOSITIO LITERALIS.

AD H V C est in probatione superioris sententiæ, pauperes scilicet non esse despectui habendos, cùm Deus eosdẽ honoret, extollat, & in Apostolos, Euangelistas, & amicos, & fratres elegerit, eosdẽque amplissima, & constantissima fide ditauerit, eisdẽ cœlorum mysteria reuelauerit, *abscondens ea à sapientibus & prudentibus*; & denique eos in confortes gloriæ, atque Regni sui cohæredes adoptauerit: sic enim *terribilis Dominus in consiliis super filios hominum*, ex primis nouissimos, & ex nouissimis primos facit, quia viæ illius, ac cogitationes non sunt vt nostræ; ideoque Paulus ait: *Videte vocationem vestram, fratres, quoniam non multi sapientes secundum carnem, non multi nobiles, sed quæ stulti sumi mundi, elegit Deus, vt confunderet sapientes*. Quod prosequitur August. 12. de Ciuit. c. 5. & Serm. 59. de verb. Dom. & tract. 7. in Ioann. vbi aduertit, quòd licet Christus Dom. laudauerit Nathanaëlem, ipsum tamen in numerum Apostolorum non acciuit. Intelligere, inquit, debemus ipsum Nathanaëlem eruditum & peritum legis fuisse. Et quia eruditus & peritus legis erat, non est electus ad Apostolatam. Volbat autem Dominus eligere idiotas, vnde confunderet mun

mundum. Et Cyrillus Alexand. ait: Studiosissimum Scripturarum virum diligentissimūque cognouerat Christus Dominus. Sic etiam & olim in Patriarchas & duces pastores elegit, vt constat Gen. 41. Exod. 3. in Reges & Imperatores, agalones, & rusticanos cooptauit, vt constat 1. Reg. 9. & 10. & 3. Reg. 19.

QVOD autem sit, *eligere diuites in fide*, exposuit Aug. lib. 1. de Prædestinat. Sanctorum c. 17. vbi ait, idem esse eligere diuites in fide, quòd facere diuites & hæredes: quæ expositio maximè placet iis Theologis, qui ex hoc loco colligere volunt electionem ad gloriam fuisse ex meritis præuisis.

HANC tamen Augustini expositionem pro se etiam adducunt ij qui volunt electionem prædestinatorum antecessisse præuisionem meritum, dicuntque hæc verba Iacobi ex mente Augustini ita esse intelligenda: Elegit pauperes diuites in fide, hoc est, elegit pauperes, scilicet antequàm quicquā boni vel mali egisset, vt eos faceret diuites ex sua electione, & pietate.

DICT deinde eos elegisse, vt cohæredes faceret Regni. Loquitur autem Apostol. de Beatitudine, quæ nomine *hæreditatis* intelligitur, & filiatione adoptiua ad nos pertinet: & cohæreditas intelligi debet respectu Christi Domini, qui cum sit Filius Dei naturalis, est hæres Dei, & nos cum ipso cohæredes, qui etiam filij sumus non naturā, sed adoptionis gratiā, Christūque Dom. fratrem habemus, & confratres eius sumus: tales enim nos vocare dignatus est dicens; *Vade ad fratres meos, & dic eis: Ascendo ad* ^{Ioan. 10.} *Patrem meum, & Patrem vestrum;* & non est confusus multos habere fratres, ^{Hebr. 2.} & cohæredes.

VOCAMVR ergo cohæredes Christi pro nobis mortui, quatenus hoc ipse meruit, vt quam habebat naturalem gloriam, nos acquireremus, vt hæreditariam .i. morte eius comparatam, qui etiam per eandem mortem nos comparauit in hæreditatem, & possessionem. Vnde patet connexio verborum Apostoli: *Elegit pauperes diuites fieri*, in fide scilicet, & gratia, cui vt fructus semini respondet gloria, quæ est hæreditas.

ILLUD scio in hac hæreditate difficile; cur possit dici hæreditas à nobis possessa, cum pater nullatenus decesserit? Quod soluit D. Thom. in c. 8. ad Rom. lect. 3. dicendo, non debere Patri conuenire illam conditionem, vt decedat, quoniam hoc conuenit iis tantum bonis quæ à pluribus simul haberi non possunt. Vel secundò soluitur difficultas, dicendo quòd accesserit mors ipsius Dei, non quidem secundum propriam naturam, quia ipse non moritur, sed secundum communicationem idiomatū, vt quia Christus idem est homo, atque Deus, dicatur Deus mortuus, quia homo; & vbi testamentum est, mors necesse est intercedat testatoris. Verum, vt sic, qui Deo frueretur tanquam hæreditate, non rectè intelligeretur Deo frui, vt mortuus denominatur Deus, & hæc denominatio supponit prò Filio Dei. Vnde in *hæreditatis* nomine illud solum spectandum est, quod perfectionem importat, nempe omnia bona Patri nostri Dei possidere seclusa imperfectione, vt mors scilicet Patris interueniat, sicut optimè notauit Caietan.

DICTVR tandè Regnū repromissū, ait D. Thomas, quia Deus promisit per

per Prophetas, & repromisit per Apostolos, insuperque dicit repromissum Regnum diligentibus se, quia dilectio sola diuidit inter filios Regni, & perditionis.

§. I.

Proponuntur rationes, cur Deus pauperes elegerit, ut eis bona gratia communicaret.

P R I M A.

Ut ostenderet omnipotentiam suam.

1. Cor. 1. **P**OSTULAT hic locus, ut aliquas congruentias assignemus, siquidem rationes nequimus proponere, cur Deus pauperes, & stulta mundi ad fundandam Ecclesiam suam elegerit. Primaque sese offert petita ex eo quod notauit D. Thomas 1. p. quaest. 45. & 1. cont. Gent. c. 44. eo scilicet esse maiorem virtutem alicuius agentis, quo de minori potentia materiae formam aliquam extraxerit: cumque ad docendas Gentes, praedicandum Euangelium, & ostendendas diuitias bonitatis Dei nullum ineptius appareat medium quam ipsi pauperes, & abiecti homines, ideo ad ostensionem infinitae virtutis tales ad hoc munus assumpsit, & elegit Deus; quod notauit Theodoret. q. 11. in Exod. ubi quaerit, cur cum Dominus Moysis ministerio sit usus, eum exilis vocis, & tardioris linguae fecerit; & respondet, quoniam istud potentiam diuinam magis illustrabat: quemadmodum enim piscatores, publicanos, & cædones veritatis Prædicatores, & Doctores pietatis creauit, sic per vocem infirmam, & linguam tardam confudit sapientes Aegypti. Est etiam in hanc sententiam locus apud Augustinum. 10. Serm. 1. de Cruce, & Latron. ubi quaerit, cur Christus Dominus secum detulerit in caelum Latronem cum eo ob propria scelera crucifixum, quod videbatur dedecere immaculatam illam Ciuitatem in quam nihil immundum & coinquinatum intrat? Hoc fecit, inquit Augustinus. sacratissimam ingrediens patriam, non conculcans Paradisum istius pietatis opere, sed honorans, neque confundens Latronis introitu, sed illustrans, honor namque Paradisi est talem Dominum habere, qui etiam Latronem dignum facere posset Paradisi deliciarum. Similiaque habet tractat. 7. in Ionam. & nos postea plura dicemus. Ut igitur Deus diuitias bonitatis suae ostenderet, pauperes elegit; quod etiam notauit Philo lib. de Victimis, cum ponderat, cur Deus susceperit defendendos pupillos, & viduas. Quibus habet similia lib. de creatione Principis; & Plato in Menon. Videndusque omnino Tertullianus. libro ad uxorem.

* *

S E

Ut pauperes se cognoscendo, diuinam bonitatem recognoscerent.

SECUNDA congruentia eligendi pauperes, ea esse videtur, quia cum eos elegerit, ut diuites in fide, & principes suæ Ecclesiæ constitueret, noluit ut aliquid sibi in tali electione attribuerent, sed totum in diuinam bonitatem refunderent, si scilicet, meminissent vnde fuerint assumpti. Quod argumentum prosequitur Aug. 22. de Ciuit. Dei c. 5. & Serm. 59. de verb. Dom. ubi ait: Noluisti eligere Senatores, sed piscatores: sciebat enim si eligeret Senatorem, fore ut diceret Senator: Dignitas mea electa est; si Philosophum, diceret: Eloquentia mea electa est. Dicit autem Christus: Veni tu pauper, sequere me: tu nihil habes, nihil nosti, sequere me. In quam sententiam notauit Theodoret. q. 16. in Exod. vocasse Deum Moysen de rubo, ut eum populi Israëliti liberatorem constitueret, infimul & Legatum ad Pharaonem, in cuius conspectu admiranda prodigia erat patraturus, ad manus, virgæque protensionem; dixitque illi: *Mitte manum tuam in sinum tuum, quam cum misisset in sinum, protulit leprosam instar niui.* Ait ergo Theodoret. Legislatoris manum infecit lepra, & quæ admiranda illa perpetrarat, cum prius fuisset leprosa, signis diuinis inferuiuit, & elementa mutauit. Quæ res Moysen etiam admonuit non superbire debere, sed agnoscere naturam eum recordatione dextræ prius infectæ, ut scilicet totum postea diuinitus sibi concessum agnosceret, neque alicui elationi tribueret locum.

In quam sententiam videtur dixisse Salomon: *Oculi sapientis in capite eius:* Eccl. 2. quæ verba sic intelligit Caietan. ut significant, quod sapientis oculi videant proprium caput reflexe, tanquam in speculo, eo quod primum noscat seipsum; quod magis adhuc innotescet, si aduertamus nomine (*capitis*) in sacra Scriptura rei principium, primæque primordia multoties intelligi. Patet ex eo loco Ps. *In capite libri scriptum est de me.* i. initio statim libri, ut explicat ibi Titelman. & alij. Sic & illud Amos: *Quapropter nunc migrabunt in capite transmigrationum.* Quod ibi exposuit Hierony. in hunc modum: Qui primi sunt diuitiis, primi captiuitatis iugum sustinebunt. Sic & fons Paradisi diuidebatur in quatuor capita. i. in quatuor fluuiorum initia. Sic & columnarum capita dicuntur summitates earum. Oculi igitur sapientis iuxta hunc sensum in capite eius sunt, quia initia propria contemplatur, & vnde inceperit & creuerit, intuetur, quod diuina beneficia superaddita melius recognoscat, & quod in se agnoscat bonum, Deo attribuat.

Ne autem id faceret recens creatus Episcopus ex Iudaismo, pertimescens Paulus prohibet eligi neophytum. *Ne elatus, inquit, in superbiam incidat, & in iudicium diaboli.* Quod iudicium, inquit D. Hierony. lib. 2. in Isai. nullo est aliud nisi superbia; & ita sensus verborum est: Non eligatur recens, seu paruulus in fide, ne idem illi contingat quod diabolo, qui oblitus se ex nihilo paulo antè fuisse productum nobilem, sapientem, & gratia ornatum, cum id totum Deo deberet referre, eidem voluit conquiri, simili-

Paiz in Epist. B. Iacobi Apost.

MM lissquo.

lisque Altissimo ad Aquilonem sedere : solent enim insipientes cum subito euehantur, oculos non in capite habere, id est, in principio, sed potius in pedibus, ut ceteros despiciendo conculcent, & quò ascendere possint, conspiciant. Vnde Bern. ad Eugen. 2. de Considerat. sic ait: Quàm opportunè cum eo qui es, etiam quod antè eras, consideras, & adhuc quod eras, & non minùs hoc es, quàm quod factus es post, fortè & magis : denique illud natus es, mutatus hoc, non in hoc mutatus, non reiectum illud, sed istud adiectum, quod quidem factus, non natus es ! Quid tibi horum videtur ad te principalius pertinere, quod factus, an quod natus ? Nónne quod natus ? Salubris copula, ut cogitans te summum Pontificem, attendas pariter viliissimum cinerem non fuisse, sed esse.

Mat. 17. E T hæc fortassis fuit ratio, cur semel, atque iterum Christus Dom. dum
Ioh. 15. de suprema suæ Ecclesiæ dignitate cum Petro loquitur, parentis ipsius Petri meminit, quò magis commendaret Petro, vnde à Christo Dom. ad dignitatem tantam fuerit promotus, ne postea sui obliuisceretur, & in iudicium diaboli incideret. Vidensque David, quàm utilis huiuscemodi recordatio esset ad cauendam superbiam, & humilitatem seruandam, dicebat:

1. Pa. 17. *Quis ego sum, Domine Deus, & quæ domus mea, ut prestares mihi talia ? Sed & hoc parum visum est, &c.* Quæ verba ponderans D. Chrysost. hom. de iisdem, tom. 1. sic ait: Non erubuit quod erat, ut esset quod non erat, inde cunctæ potentia ascendent, id est, totum posse, &c. quæ prosequitur in hanc sententiam.

Gen. 31. S I c similiter recordatus Iacob prioris paupertatis, posteriores diuitias tali memoria seruandas rectè putauit, dum dixit: *In baculo meo transui Jordanem istum, & nunc cum duabus turmis egredior, erue me de manu fratris mei*

Am. c. 1. *Esau, quia valde eum timeo.* Sic itidem & Amos initio suæ Prophetiæ vilem, & abiectum pastorem se fatetur dum ait: *Verba Amos qui fuit in pastoribus Thecæ; ut simili recordatione se gratum Deo profiteretur, & Prophetiæ donum per humilitatem custodiret.* Ideoque Laodicensis Episcopus acriter à Deo reprehenditur, quia propriæ vilitatis oblitus, de diuitiis spiritualibus gloriabatur: *Dicit, quia diues sum, & locupletatus, & nullius egeo, & nescis quia in es miser, & miserabilis.*

1. Co. 4. I R E igitur Deus qui talem recognitionem propriæ vilitatis in suis exigit, ideo pauperes elegit diuites in fide fieri, ut scilicet diuitias à Deo acceptas cognoscerent, proindeque super paupertatem cognitam clariore redderentur, & ne postea spectaculum mundo facti, à se oculos auertentes, exordati superbirent, & superbientes præ inani gloria auolarent. Quæ de re Bernard. Serm. 31. ex paruulis, eleganter exponit illud Pauli: *Spectaculum facti sumus mundo & Angelis, & hominibus;* dicens: Si ita oculi omnium in nos, nostri quò abierunt? Aut quare soli ipsi recesserunt à nobis? A dextris siquidem, & à sinistris tanto studio circumspecti, soli dissimulamus inspicere vitam nostram, soli nosmetipsos negligimus intueri. Multi namque si se ipsos intuerentur, & quales à Deo fuerint electi, meminissent, non tam sibi placerent, quàm Deo; nec sui oblitri Deo omnino displicerent.

TER

T E R T I A.

Quia paupertas propinquior, & vicinior cælo est.

CV M nihil in terra melius, nihilque cælo vicinius paupertate potuerit reperiri, proinde Deus pauperes elegit ad diuitias gratiæ eis communicandas, coheredēsque Regni cælorum ipsos faciendos: quam paupertatis excellentiam notauit Grego. epist. 5. Nihil, inquit, in hoc mundo appetens, nihil pertimescens videbar mihi in quodam vertice stare, ita vt in me penè impletum crederem, quod pollicente Domino ex Isaia didicissem: *Sustollam te super altitudines terre.* Super enim altitudinem terræ Cap. 38. sustollitur, qui & ipse quæ alta, & gloriosa præsentis videntur sæculi, per mentis despectum calcat. Illud autem mihi ostendit modus loquendi Gregorij, quod sicut is qui aliquid pedibus calcat, ita illi superponitur, vt superior inde euadat: sicis qui diuitias, & optima quæque terræ calcat, eisdem pro calceamentis vitur, quibus superior & eminentior redditur, sicut dixit Ambros. de Obitu Valentiniani; & per consequens vicinior cælo apparet, eique potest meritò competere illud; *Quam pulchri gressus tui in calceamentis filia Principis!* Vnde Gregor. Nyssen. lib. de Beatitudinib. c. 1. Si ad suprema nos atcedere oportet, ab iis quæ deorsum trahunt inopes simus, vt in supernis versemur. Et D. Hieronym. in epist. ad Exuperium: Proice sarcinam sæculi, nec quæras diuitias, nudus & leuis ad cælum euola, ne alas virtutum tuarum auri deprimant pondera. Et Bern. Serm. 4. de Aduentu, notauit, quàm celeriter pauper euolet ad cælum, quàmque proximus eidem sit, vel etiam dum in terra commoratur: ad illud namque Psal. *Penna columba de argentea;* sic habet. Magna quædam penna est paupertatis, quæ tam citò volatur in Regnum cælorum; nam in aliis virtutibus quæ sequuntur, promissio futuro tempore iudicatur, paupertati non tam promittitur, quàm datur. Psal. 67.

Hinc est quod notauit Ambros. lib. 2. de Iacob & vit. beat. c. 9. Patriarcham Iacobum moribundum pedes suos ad lectum collegisse, & sic animam efflasse; quasi se præsentibus rebus subducendo. Probat insuper præfens institutum id quod Philo notauit lib. de Plantatione Noë, dicens: Quis potest dicere; Ipse mihi solus est Deus, nisi qui nullam istarum inferiorum rerum amplectitur? proinde pauperes elegit sibi Deus, quibus se communicaret, & diuitias gratiæ largiretur, ostendens insuper in hac electione magnum pretium paupertatis. Quod dixit Bern. Ser. 1. de Vigilia Natiuit. Paupertas, inquit, non inueniebatur in cælis: porrò in terris abundabat hæc species, & nesciebat homo pretium eius: hanc itaque Dei filius concupiscens, descendit vt eam eligat sibi, & nobis quoque sua æstimatione faciat pretiosam.

M M 2 Q V A R T A.

Q V A R T A.

Quia Deus paupertati debitor est.

I s igitur qui se omnibus presentis sæculi rebus abdicarunt, debita quidem est Dei participatio, & electio. Quod notauit Ambros. Serm. 51. de Iuda proditore, cum affert rationem, cur Christus Dominus voluerit pretio venditionis suæ emigrum in pauperum sepulturam, quasi etiam ipsis pauperum corporibus Deus debitor censeretur. Illius, inquit, figuli qui hominem plasmavit, ager Christi sanguine emptus est peregrinis, qui erant sine domo, sine patria, & toto orbe exules iactabantur, ut requies Christi sanguine proderetur, ut quibus non est in mundo possessio, iis in Christo sit sepultura; istos autem peregrinos quos esse dicimus, nisi deuotissimos Christianos, qui renunciantes sæculo, & nihil possidentes in mundo, in Christi sanguine requiescunt? Christianus enim qui mundum non possidet, hic totum possidet Saluatorem, qui se à carnalibus vitiis tanquam peregrinum, & alienum custodierit, is Christi requiem mercatur. Hinc est quod Tertull. lib. 4. contra Marcion. cap. 14. loquens de prædicatione Christi, aduertit à paupertate suam exortum fuisse doctrinam.

Mat. 5. Qui à consolatione pauperum, inquit, & esurientium, & flentium exortus est, statim se illum representare gestiuit, quem demonstrauerat per *Isai. 61.* Isaiam cap. 61. *Spiritus Domini super me, propter quod unxit me, ad euangelizandum pauperibus;* quibus sc. maximè debitor est Deus, cum omnia propter ipsum reliquerint in mundo, quod negotiationem appellauit Nazianz. ut mox dicemus. Vnde etiam Nazian. in tract. de Beatitud. Felix qui Christum fortunis omnibus emit. Similiâque habet Orat. 28. & Orat. 18. ubi ait: Hæc negotiatio præstantissima, qua breuia & fragilia bona cum sempiterna gloria commutantur. Videndûsque hæc de re est Prosper lib. 2. de vita Contempl. c. 16. Bern. Serm. 24. in Cant. Hieron. epist. ad Heliodorum. Gregor. 4. Moral. c. 30. August. Serm. ult. de Diuersis, cum ait: Quid est gloriosius homini, quàm sua vendere, & Christum emere? Merito proinde ij qui mundi bona contemnentes, præ omnibus diuitiis Deum sibi elegerunt, ab eodem eliguntur diuites fieri in fide.

Q V I N T A.

Quia paupertas sola ea quæ Dei sunt, curat.

P R O P T E R E A etiam videtur Deus pauperes elegisse ad fundandam Ecclesiam, ad annunciandum Euangelium, & ut eis communicaret diuitias fidei, quia, sicut hoc loco optimè aduertit Oecumen. cum non distrahantur circa res mundi, ubi accesserint ad fidem magis strenui redduntur, ac operi magis insistentes. Liberum verò animum ad exequendum viri Euangelici munus probat optimè Chrysost. esse necessarium lib. 2. aduerf. vituper.

vituper. vit. Monast. in hunc modum: Vnde enim, vel ex qua causa ei nocere potest aliquis: pecunias ille non habet, vt damnum metuat, patriam non habet, vt exilium sibi aliquis intentet, gloriam non metuit, vt dedecus timeat; vnum reliquum est mors, sed eam qui intulerit, non modò non lædet, aut aliquo afficiet mœrore, verùm funera illi conferet emolumenta; & ita liber, & expeditus est animus, vt Deo in omnibus obsequatur, & vt nunquam à charitate Dei cum Paulo possit separari. Rom. 8.

H A N C etiam aptitudinem ad Dei obsequium, in pauperibus significatam intelligo, in eo quòd Moyse agens de professione populi Israëlitici ex Ægypto, ad Pharaonem dixit: *Cuncti greges pergent nobiscum, non remanebit ex eis vngula*; ne scilicet aliquid de rebus sæculi apprehendere illa posset, aut inde detineri, ad quòd vel minima vngula sufficit. Namque, sicut notauit Ephrem de linguæ malo, aliisque vitiis; contingit vt auis in laqueum incidens, minima capiatur vnguicula, alarum vires franguntur, ac debilitatur ob vnguem vilem, & cum totum corpus sit extra laqueum, totum tamen retinetur. Cui consonat id quòd dixit Ber. Ser. in illud; *Beatus homo qui inuenit sapientiam*. Non æstimemus pretium, sed impedimentum considerare. Anima igitur quæ nihil omnino reliquit in Ægypto, Dei Ecclesiæ aptissima est, Deoque potest dignum offerre sacrificium, libera ab ergastulis, quæ ipsam possent irretire, & in solitudine, Dei quietem impedire. Vnde Greg. 18. Mor. c. 25. Quid quietius, quàm nihil huius sæculi appetere, aut habere? Et Ber. super *Ecce nos reliquimus omnia*: Hæc fugiendarum, inquit, causa diuitiarum præcipua est, quòd aut vix, aut nunquam sine amore valeant possideri, limosa siquidem & glutinosa nimis non modò exterior, verùm etiam interior substantia nostra videtur, & facillè cor humanum omnibus quæ frequentat, adhæret. Quò ergo diuino operi essent insistentes Dei ministri, à rebus mundanis abstractiores elegit.

O S T E N D I T autem quàm ineptus sit rebus cœlestibus tractandis & assequendis locus optimus in lib. Num. vbi duæ Tribus, Ruben scilicet & Gad, ac dimidia Tribus Manassès Moysen precantur, vt eis facultatem tribuat in ea regione ante ingressum promissæ terræ remanendi. Quid ergo homines post tot labores perpestos, tot viæ annos transactos, ab ingressu felicitissimæ terræ à Deo electæ, & promissæ potuit in limine ipsius retardare? audiamus. *Habemus*, inquiunt, *iumenta & pecora multa nos serui tui, ne nos facias transire Iordanem, ecce circa Iordanem terra regionis vberissima est ad pascum animalium*, &c. Vides eos nihil prorsus sibi, multum pecoribus deferentes, nisi fortè nomine brutorum veniunt intelligendi; vsque aded enim similitum hominum animus consuevit brutescere, vt soli pastui intentus cœlestia nec curet, nec appetat, instar illius diuitis, qui animam ad cibum, & potum inuitabat, *Anima mea, comedere, & bibe*, quasi spiritus possit bonis sensibilibus, & corporeis vesci, & ali. Ideo D. Greg. 23. Moral. c. 10. de his hominibus ait; *Qui iumenta multa possident, Iordanem transire refugiant*, quia quos multa mundi impedimenta occupant, habitationem cœlestis patriæ non requirunt, nec Sanctorum sortem expectant dicente Paulo, Num. 32.
Luc. 12.

Animalis homo non percipit quæ Dei sunt. Hoc itaque solet contingere iis qui congregandis fortunæ bonis, iisque seruandis omnimodè sunt intenti, ut illis regio, & bona cælestia in posterum possidenda minimè veniant in mentem: sed infima hæc bona diligentes, illis perpetuò curent adherere. Vnde Philo lib. de Opificio Mundi, aduertit Deum post creata omnia, hominem tandem produxisse paratis omnibus: quæ illi ad vitam necessariæ erant. Mox, inquit, ut natus est homo, paratum inuenit quidquid ad vitam opus erat, ut futura disceret. Nolu it enim Deus, quem ad sui contemplationem condiderat, in necessariis conquirendis diuagari, & à Dei obsequio diuelli.

Exod. 25. Hoc ipsum adumbratum videtur Exod. 25. in Cherubinis quos Deus in Propitiatorio iussit apponi, ut expansis alis operirent Oraculum, qui respiciebant se mutuò versis vultibus in Propitiatorium; mirum utique quòd non Seraphinos, nobiliores siquidem spiritus, iusserit Dominus apponi, sed Cherubinos, plenos utique scientiæ, sicut decet Euangelicos viros: sed illud mirabilius, quòd Salomon fecit in domo Sancti Sanctorum duos alios Cherubinos, qui extensas habebant alas, facièsque eorum erant versæ ad exteriorem domum. Illi etenim Cherubini quos Deus elegit ad docendam fidem Euangelij, & Dei noticiam euulgandam, versos vultus habebant in Propitiatorium, solùmque Christum & ipsius honorem, & cultum respiciebant, pauperes siquidem erant, & ut tales à Deo electi, ut diuites essent in fide, nihilque terrestre inquirebant vel admittebant. At verò labentibus ar. nis, decursuque temporis alij Cherubini in domo Sancti Sanctorum visi sunt, qui facies conuersas habent in exteriorem domum, id siquidem tantummodo intuentur quod eis utile quæstuosumve per fores Ecclesiæ ingredi potest, vel si exteriùs euocentur à Regibus & Principibus, & proprium tantummodo commodum curant.

Quod verò pauperes elegit, quia suæ Ecclesiæ aptos ministros inuenit, tanquam reprobos ab Ecclesia sua reiicit avaros, ac diuites, & contra eos zelo & flagellis armatur. Vnde D. Aug. lib. 1. Retract. 13. retractat, & corrigit quod aliquando dixerat, scilicet, Christum Dominum nihil fecisse vis, sed omnia suadendo, & monendo. Cum enim hoc diceret, fatetur nondum sibi occurrisse eum locum Euangelij, quando Christus Dominus fecit flagellum de funiculis, & eiecit e templo omnes ementes, & vendentes, quæ vniuersalis loquutio videtur etiam ipsos Sacerdotes & Pontifices tangere, quorum auaritia ea sacrilega venditio fiebat in templo, sicut docet Cyrill. lib. 2. in Ioan. c. 27. Extatque in hanc sententiam epistola Pij I. Summi Pôtificis asserentis Sacerdotes vendentes fuisse eiectos. Et similia habet Iulius primus epist. contra Orientales Episcopos pro D. Athanasio. Vnde probabile valde est hanc negotiationem fuisse Sacerdotum, quam mihi maximè probat zelus, & ira Christi Domini: qui enim pauperes elegit ad Ecclesiam suam, Sacerdotes avaros ferre non posset. Vnde ab eorum reprehensione exorsus est suam prædicationem, & ferme moriens illud ipsum vitium reprehendit; alius est enim ingressus in templum, cuius meminit Ioannes, ab eo

ab eo quem refert Matthæus. In vtroque autem Christus Dominus armatus est contra auaritiam, & in primo ingressu impudentes eos ostendit, in secundo autem, latrones dixit. Qua de re videndus est Bernar. 1. de Considerat. vbi multa de hac re habet, & Serm. 7. de donis Spiritus sancti, & Ser. 10. super Cant.

S E X T A.

Paupertas capacior ad accipiendas diuitias gratia.

EA insuper videtur congruentia in hac pauperum electione, quia, scilicet, cum eisdem vellet Deus diuites reddere opulentissimis fidei diuitiis, non inuenit capaciores animos ad easdem accipiendas, quam pauperum, qui omnia mundi bona contempserunt, ad supernaturalia tantummodo anhelantes. Quod videtur dixisse Chrysost. hom. 2. ad Pop. In omnibus, inquit, philosophemur, & nihil nobis inopia lædere poterit, quin clariores reddet, & omnibus diuitibus copiosiores: quid enim, dic mihi, Elia pauperius? sed propterea omnes diuites vincebat, quoniam pauper hic erat, ipsam. verò paupertatem ex mentis opulentia elegit, quoniam enim omnem pecuniarum copiam animi sui magnitudine esse putauit inferiorem, nec philosophia sua dignam, ideo tantam pauperiem amplexatus est, maximas tamen diuitias discipulo reliquit; sicut rectè ponderat Ambr. epistola 10. quæ pro hac re videnda est.

Hoc etiam notauit Anselm. explicans ea verba Pauli, *Nihil habentes, & omnia possidentes*; vbi sic ait: Estote tanquam nihil habentes, id est, mentis despectu cuncta quæ habetis pro nihilo ducentes, & tali cogitatione sitis omnia vestra possidentes, quia tunc mens vestra per hæc non tenebitur in imis. Videndusque pro hac re erit Bernar. Serm. de Natiuit. beatæ Mariæ, cum admodum subtiliter exponit ea verba Sponsæ. *Sub vmbra illius quem Cant. 2. desideraueram, sedi.* Non ait, inquit Bernar. sub vmbra eius quam desideraueram, sed, sub vmbra illius quem desideraueram, sedi neque enim ipsius expetierat vmbra, sed ipsum profectò meridiem, lumen plenum de lumine pleno. Quibus verbis illud docet Bernardus eam animam, quæ in se thalamum præparauerat diuino Sponso, nihil de vmbis inanum rerum habuisse, imò quo magis omnia terrena concubabat, aptior & capacior diuino Sponso fruendi reddebatur. Quod etiam dixit Senec. epist. 8. *Nemo alius est Deo dignus, nisi qui opes contempsit: & ideo olim Flamini Diali non modo tangere hederam criminosis erat, verum etiam nominare;* quia cum per hederam, tenacitatem, & terrestrem adhesionem veteres indicauerint, vt videre est apud Pier. Valer. lib. 5. 1. nolebant virum Deo dicatū, re, vel cogitatione inescatū deprehēdi, quò melius Deo sisteretur, & ipsius cūmunicationē participaret. Et hæc fuit ratio, cur Sancti Patres Christianam paupertatem diuitē appellent, vt videre est apud Naz. Orat. 20. vbi de sancto Basilio ait: Diuitiæ illi erant, nihil habere. Et apud Leonem Serm.

Serm. 4. de Quadrages. cùm ait: Christiana paupertas diues est, quia plus est quod habet, quàm non habet, nec pauet in isto mundo indigentia laborare, cui donatum in omnium rerum Domino omnia possidere: pauperes proinde elegit diuites fieri in fide, quia hi solum fidei diuitias capiebant, quia amplum, & liberum animum habent omnia despicientem.

§. I I.

Virtutes sunt vera diuitia.

ILVD deinde cum Dionys. hoc loco libet annotare, dixisse, scilicet, Iacobum, Deum elegisse pauperes, vt eosdem diuites in fide redderet, quò intelligeremus solas virtutes, quarum fundamentum est fides, esse veras diuitias, vnde Paulus dicebat Timotheo: *Præcipe diuitibus huius sæculi, non sublimè sapere sed bene agere, & diuites fieri in bonis operibus.* Quod argumentum prosequitur Bernard. Serm. 4. de Aduentu, dicens. Quid vobis cum terrenis diuitiis, & gloria temporali, quæ nec veræ, nec vestræ sunt? Veræ ergo diuitiæ, non opes, sed virtutes, quas secum conscientia portat, vt in perpetuum diues fiat. Et Greg. homil. 15. in Euang. Solæ diuitiæ sunt quæ nos diuites virtutibus faciunt. Similia habet Ambrosius lib. 3. epist. 10. ad Simplicianum. Verè, inquit, diues qui in conspectu Dei potest diues videri, in cuius conspectu terræ exigua mundus ipse angustus est, sed solum illum Deus diuitem nouit, qui sit diues æternitati, qui non opum, sed virtutum fructus recondat. Idem ferè habet Augustinus libro 2. de Lib. arbit. cap. 19. & Clem. Alexan. 6. Stromat. Veræ, inquit, diuitiæ, est abundantia in iis quæ sunt ex virtute actionibus, paupertas autem est inopia in moderatis actionibus. Et Chrysost. homil. 47. ad Pop. Vestes, & aurum, & argentum, hæc quidem sunt vermium pensa, virtutem autem indutus talem habet vestem, quam non tantum tinea, verum & mors ipsa lædere nequit; & meritò, non enim hæ animæ virtutes ex terra originem trahunt, sed sunt fructus spiritus, &c. Videndus etiam lib. 2. cont. vituper. Vit. Monast. & homil. 81. in Matth. & homil. 13. in Genes. & Euthym. in cap. 12. Lucæ. Meritò ergo Iacobus eos quos Deus elegerat, vt eis communicaret dona gratiæ, & virtutes, diuites futuros dicit, cùm virtutes sint veræ diuitiæ.

§. I I I.

De hereditate Regni cælestis, & de eius promissione.

DI C I M V R deinde cohæredes Regni promissi, & hereditatis gloriæ, quam nulli totaliter, singuli pro meritis, atque prout inter filios alius alio eidem patri est charior, gratiorque, accipiet; superest tamen & redundat locupletissima, differunt namque maximè hereditates hominum, ac Dei, sicut notauit Aug. Ser. 13. de verbis Apostoli Serm. 119. de
Tem

Tēpore & in Pl. 136. & 149. vbi ait: Relinquit homo filiis suis hæreditatē non possidet cum filiis, & tamē magnū se facit, & gratias sibi agi desiderat, quia voluit dare quod non possit auferre, moriens enim tolleretur secum, puto, quia si posset, nihil hic filiis suis dimisisset. Hæredes Dei sic sunt, vt ipse Deus sit hæreditas nostra, hæc hæreditas nō minuitur copia possessorum, non fit angustior numerositate cohæredum, sed tanta est multis, quāta paucis, tanta singulis, quanta omnibus, non talis te fecit hæredem, cui mortuo succedas, sed cum quo in æternum viuas. Et Ambrosius in Psal. 118. Omnes possident, nec minuitur hæredi quicquid ab hæredibus vindicatur, manet emolumentum integrum, & eo magis singulis crescit, quo pluribus fuerit acquisitum. Alia conditio est hæreditatis humanæ, si diuisa fuerit, emolumenta minuuntur, & hæredis est damnum, ascriptio hæredis, indiuisum Regnum Christi est, indiuisa hæreditas, quomodo fieri poterat, vt diuisa esset hæreditas, cūm hæreditatis fructus sit indiuisus? solida ad singulos Christi dona perueniunt, omnes habent, & nemo fraudatur.

Et ideo inter hæredes nulla omnino dissensio, æmulatio, aut inuidia reperietur. Namque, sicut notauit Ber. epist. 103. quānam inuidiæ causa potest esse, vbi sortium magnitudini consortium multitudo nihil detrahit. Ideoque singuli beati de propria visione, & hæreditate, & de aliorum bonis itidem gaudebunt, vt dicit Aug. tract. 67. in Ioan. & Gregor. 4. Moral. c. 42. Charitas enim patriæ omnia bona fecit communia; quæ in re dicuntur à Theologis omnes beati æquales: sed illud omnino notandum, hoc gaudium quod ex natura rei comitatur beatitudinem essentielle, veluti passio, daturque iuxta mensuram beatitudinis, non esse in omnibus æquale intensiue, proindeque beatiorem magis gaudere de sua beatitudine, quā minus beatum de sua gaudeat, quia gaudebit ex qualitate intensiori, insuper & beatiorem, & qui clariùs videt Deum, perfectiùsque hanc hæreditatem acquisiuit, intensius gaudere de beatitudine, & hæreditate alterius, quā ille alter de sua beatitudine gaudeat, propter idem fundamentum, quia scilicet gaudet ex qualitate intensiori, quæ prerogatiua in solis cohæredibus Christi potest reperiri, vt scilicet vnus plus gaudeat, ac lateatur de bono, & de gloria alterius, quā ille alter de propria gloria lateatur.

De qualitate autem huius hæreditatis audiendus est Bern. Serm. de triplici genere bonorum. Quæ est, inquit, copia vbi nihil quod nolis sit, totum sit quod velis? & Serm. de nimia fallacia præsentis sæculi: In remuneratione torrens est voluptatis, & fluminis impetus, flumen planè est, sed quod affluat, non quod fluat, vel effluat, flumen vocatur, non quod transeat, vel pertranseat, sed quod abundet. Et Serm. de verb. Apost. *Non est regnum Dei*, &c. notat id quod Dauid dixerat: *Memor fui Dei, & delectatus sum.* Psal. 76. Quid faciet, inquit, in præsentia, qui in sola memoria delectatur? & Serm. in Festo S. Martini: Non sine causa, inquit, cælum dicitur, quia planè eximium quid celatur in eo, celatur, inquam, sed non negatur, videre enim nobis datur in terra ipsam cæli exteriorem pulchritudinem, non adire, videmus patriā, sed à longè salutamus, adoramus illas delicias, nō gustamus.

Pæz, in Epist. B. Iacobi.

NN

Viden.

Videndus etiam Chrysost. homil. 14. in epist. ad Roman. ubi postquam multa dixit de cœlesti beatitudine, ait: Ne quis mihi gehennam hic obiciat; nam omni gehenna grauius est ab hac gloria excidere, innumeris suppliciis peius est ab hac sorte alienari.

MAGNITUDO verò huius hereditatis tanta est, ut vel vnius diei fructio comparari cum passione omnium tormentorum possit. Quod etiam dixit Aug. Sermon. 2. de omnibus Sanctis; & Ber. Ser. 1. de iisdem. Videndus item idem Aug. 3. de liber. arbitr. ad fin. Tanta iucunditas lucis æternæ, inquit, ut etiam non liceat amplius in ea manere, quàm vnius diei mora, propter hoc solum innumerabiles anni huius vitæ pleni deliciis, & circumfluentia temporalium bonorum rectè meritoque contemnerentur.

Hanc ergo hereditatem repromisit Deus diligentibus se: necesse siquidem fuit promitti, ac repromitti præmium, quò Deum diligereamus, cum tamen eundem gratis amare debeamus. Namque, sicut rectè dixit Anselm. lib. de Mensur. Crucis, §. 6. Si aliquid gratis amare voluimus, ubi melius quàm in te amore nostrum locabimur? Et D. Leo Ser. 5. de Ieiunio septimi mensis: Rationalis animus, qui sine dilectione esse non potest, aut Dei amator est, aut mûdi, in dilectione Dei nulla nimia in dilectione mundi cuncta, sed noxia. Et Clem. Alex. 4. Stromat. Si quis, ait, seipsum diligit, diligit Dominum, & cõfiteatur Dominum, ut suam seruet animam. Et Bed. in 1. Ioan. c. 2. Qui quis Deum non amat, profectò ostendit quia quàm sit amabilis non nouit, quàm sit suauis Dominus, & dulcis, gustare, ac videre nõ didicit.

QUONIAM verò, & hæc ratio bonitatis diuinæ non sufficiebat ad hoc, ut homines Deum diligere, voluit ipse eosdem prius diligere, ut sic saltem redamaretur ab eis. Quod dixit Guarric. Sermon. 2. de Annunciat. Quid sic, inquit, hominem excitare potest ad amorem Dei, quàm præueniens hominem amor Dei? Melius August. lib. de catechizandis rudib. c. 4. Si amare pigebat, saltem redamare non pigeat. Nulla est enim maior ad amorem inuitatio, quàm præuenire amando, & nimis durus est animus, qui dilectionem, si nolebat impendere, nolit & rependere. Vnde Chrysost. Ser. 70. sic clamat. O homo redi ad Deum, sic amatus à Deo, & ad illius gloriam da totum te, qui se totum propter te ad suam deduxit iniuriam, &c. Videndus item Bern. de diligendo Deo, ubi sic habet: Multum meruit à nobis, qui & immeritis dedit seipsum nobis; quid enim melius se ipso poterat dare, vel ipse? Ergo si Dei meritum quæritur, illud est præcipuum, quia ipse prior dilexit nos, dignus planè qui redametur, præsertim si aduertatur quis, quos, quantumque amauerit, &c. quæ prosequitur. Similia habet Sermon. 9. in Psal. *Qui habuit*, ubi ait: Non aliter pro amicis Christus mortuus est, nisi pro acquirèdis, aut potius pro iam amicis, etsi nõdum quidem amantibus, sed tamè iam amatis. Ideoque Paulus dixit: *charitas Christi urget nos*; videtur enim ipsa Dei dilectio præueniẽs nos admodum urgere, ut eadẽ illi soluamus redamando.

2. Cor. 5.

QUIA verò vidit nec præueniendo hominem dilectione, posse ab eodem amorem extorquere, addidit beneficia & promissiones Regni, & hereditatis diligentibus. Hæc est enim lex Adam, Domine Deus, ut beneficiis elicia

eliciatur amor, nutriatur, & augeatur. Quod etiam in paterno amore qui naturalis admodum est, notauit Theodoret. quæst. 77. in Genes. in eo quod Isaac rusticum & impium Esau diligebat ob munera ab eodem patri illata. Auxit, inquit, amoris occasionem, quod officiosus erat patri; venatio enim illius ei erat cibus. Hac igitur de causa addidit Deus promissiones iis qui ipsum diligerent, quod facilius ab eis dilectionem eliceret. Vbi illud necessarium venit notandum, quod dixit Anselm. loco superius cit. vbi Deum sic alloquitur: Si aliquid amare volumus pro muneribus, quâto plura dabis, & quâdo plus promittis, tâto magis gratis amari mereris.

Ex hoc verò loco colligunt Theologi, promissionem Dei interuenire in operibus iustorum, necessariam vtique aliquo modo ad exactam rationem meriti. Cum enim Deus sit supremus Dominus, à nemine potest obligari, nisi ipse velit, & promittat: quo sensu dixit D. August. 1. Confess. c. 4. Reddis debita nulli debens, vtique sine promissione, & voluntate tua. Similiâque habet Ser. 16. de verb. Apost. & est sententia Concil. Senonens. c. 16. in Decret. fidei; vbi dicit iustitiam nostrorum meritorum non fundari in absoluta condignitate, sed magis in gratuita, & liberali re-promissione. Quod etiam significat Concilium Moguntinum c. 8. & Trid. sess. 6. cap. 16. quatenus dicit iustos debere sperare vitam æternam, tanquam hæreditatem filiorum, & tanquam mercedem ex Dei promissione bonis operibus, & meritis reddendam: ideòque Paulus dixit; *Ei qui operantur, Rem. 4. merces non imputatur secundum gratiam, sed secundum debitum.* Videndus. August. tract. 3. in Io. & in Ps. 83. Cyprian. de Opere, & Eleemosyna, in fin. Chrysost. ho. 3. in Mat. Fulg. lib. 1. ad Moni. in Præfat. Ber. de gratia, & libero arb.

Verf. 6. *Vos autem exhonoraſtis pauperem. Nõne diuites per potentiam opprimunt vos, & ipsi trahunt vos ad iudicia?*

Verf. 7. *Nõne blasphemant bonum nomen, quod inuocatum est super vos?*

EXPOSITIO LITERALIS.



C O E L I G I T Apost. grauitatem peccati quod committunt ij qui pauperes contemnunt postquam ostendit quanti eos Deus fecerit, deinde duplici interrogatione vrget, reprehendit, & conuincit deprauatos diuitum mores, vt inde concludat nullam omnino subesse causam, ob quam pauperibus præferri debeant, simulque ostendit quos diuites reprehendat, crudeles scilicet, & tyrannos, qui nec Deum timent, nec homines reuerentur, qui diuitias suas Christo præponunt, pauperesque rebus spoliant, & sine culpa accusant tanquam maleficos, & salutiferum nomen Iesu blasphemant, eosque qui illud inuocant, persequuntur, quod Apostolorum temporibus plures Gëtilium, & maxime Iudæorum Procures fecisse constat ex Act. c. 4. 5. & 7. ex epist. ad Hebr. c. 10. & ex 2. epist. ad Thessal. c. 2.

Id ergo quod nos habemus; *Exbonorastis pauperem*, Complut. & Occum. legunt, *Contempti habuistis pauperem*. Quod Beda existimat intelligendum de illo cui dictum est, *Tu sis illic*, cum tamen habenti annulum aureum dictum sit: *Tu sede hic bene*. Quæ fuit expositio Aug. epist. 29. & habet Interlinear. Id autem quod dicitur, *per potentiam opprimunt vos*, bene exposuit Varabl. dum transtulit; *Tyrannidem exercent in vos*; & Interlinear. Auferendo bona, & verberando, & ipsi trahunt vos ad iudicia. i. sine culpa faciunt vos condemnare in iudiciis. *Blasphemant autem bonum nomen*, scilicet Christi Iesu salutiferum, quod *inuocati estis super vos*, ad protectionem vestram.

Est autem in his verbis Hebraismus, qui significat appellari & nuncupari nomine alicuius. Vnde Iacob de filiis suis dixit: *Vocetur nomen meum super vos*, id est, vocemini & nominemini filij mei. Et apud Isai. mulieres dixerunt: *Inuocetur nomen tuum super nos*, id est, dicamur vxores tuæ. Et apud Nehemiam, *Inuocatum est nomen tuum super me*, id est, tuus Propheta, & seruus appellor.

POTEST igitur referri hic loquendi modus ad appellationem nominis secundum quam fideles dicebantur Christiani à Christo Domino, sicut Platonici à Platone, ait Lyran. Tertull. verò in Apologet. c. 3. & Laetant. lib. 4. c. 7. docent hoc nomen dici ab vnctione, quibus suffragatur Aug. 20. de Ciu. Dei c. 10. dicens: Omnes Christiani dicimur propter mysticum chrisma quo vngimur. Adhuc tamen hoc nomen respicit Christum vñctum oleo diuinitatis. Vbi non est omittendus Amb. Ser. 12. in Psal. 118. dum ait: Christianum dum dico, perfectum dico, in Christo enim plenitudo dignitatis est, cuius nomen vsurpas, qui vocabulum geris, interpretationem vocabuli perfectionemque cur refugis?

POTUIT etiam nomen Christi super fideles inuocari, quia ab ipsis tanquam omnipotentis Dei omnipotens Filius, ac consubstantialis suppliciter inuocatur, iuxta illud Isai. *Ipsam gentes deprecabuntur, in ipsam gentes sperabunt*. Et Pauli: *Sanctificatis in Christo Iesu, vocatis Sanctis cum omnibus qui inuocant nomen Domini nostri Iesu Christi*. Qui est etiam modus loquendi David; *Psal. 98. Samuel inter eos qui inuocant nomen eius*. Et lib. Genes. *Iste cepit inuocare nomen Domini*.

NOMEN igitur Christi inuocatum erat super fideles ad ipsorum protectionem, sicut modò etiam est. Vnde quotidie cum Hierem. solemus dicere: *Tu autem in nobis es Domine, & nomen sanctum tuum inuocation est super nos*. Multabant igitur Iudæi, & diuites Gentiles eos qui Christo seruiebant, iudiciali sententia, vel etiam nullo expectato iudicio, Christianorum bona diripiebant, vt præter alios meminit ex epistola quadam Melitonis Episcopi Sardenfis in Asia, Euseb. lib. 4. Hist. cap. 25. & nomen Christianum, teste Iustino Apolog. 1. & 2. sufficiebat, vt eos constitueret. Quod etiam prosequitur Tertullian. in Apologet. cap. 2. vbi inter alia sic habet: Solum id expectatur, quod odio necessarium est, confessio nominis, non examinatio criminis, sufficiebat enim, vt quis se confiteretur Christianum, ad hoc vt acerbissimo supplicio afficeretur.

§. I.

Qualiter diuites & potentes saculi erga pauperes se habeant.

MIRUM equidem iudico, & notatu dignum censeo, quàm mole au-
diant in sacra Scriptura diuites & potentes. Diuitiæ namque, sicut
notauit Greg. nec bonæ ex se, nec malæ sunt. Non est, inquit ille 7. Mor. c.
17. census in crimine, sed affectus. Quod exposuit apta similitudine Clem.
Alex. 3. Pædag. c. 6. cum ait: Diuitiæ sunt serpenti similes, quem si quis ne-
scit inoffense eminens accipere, bestiam sine periculo summa cauda ap-
prehendens, ea manu circumplicabitur, ac mordebit. Pulchrè callent ser-
pentum instar repentes diuitiæ, dum peritè, vel imperitè apprehenduntur,
inhærete, & mordere: sed si quis se præbens magnificum, rectè, & scienter
eis utatur, cum verbi carmine bestiam detraxerit, ipse manserit illæsus.

CUM ergo hoc ita sit ferè semper, in Scriptura diuites iniqui, & per
tyrannidem pauperes opprimentes nobis proponuntur. Ideo Amos dixit:
Ue qui opulenti estis in Sion; vbi Septuaginta habent: Ue spernentibus in Sion, Cap. 6,
statim namque ut aliquis est diues, cæteros aspernatur, & pauperes inho-
norat. Et Paraphras. Chald. eo in loco ita habet: *Ue qui estis de gentibus; diui-*
tes enim sic viuunt, quasi de gentibus quæ ignorant Deum, essent. Et apud Cap. 12.
Iob. ea verba, Abundant tabernacula prædonum; intelligit D. Thomas de diui-
tibus, qui in res alienas irruunt. Iterumque apud eundem: *Nec cognouit ty-* Cap. 34.
rannum; & Rabini dicunt significari diuitem. Quod etiam dixit Micheas,
cum de primoribus & diuitibus Reipub. sic ait: *Qui optimus in eis est, quasi* Cap. 7.
paliurus est: quod sic eleganter exponit Hieron. Paliurus pungens & reti-
nens, pungens appropinquantem sibi, & adunco dente comprehendens,
Quod ideo mihi videtur dixisse Hieronym. quia diuites præterquam quod
verbis iniuriosis pungunt, insuper adunco dente aliena diripiunt, & ap-
prehendunt.

PRO quo instituto est optimus locus apud Iob. cum Baldad de tyrannide
superuenturæ mortis sic ait: *Calcet super eum quasi Rex interitus; vbi Sep-* Iob. 18.
tuag. habent: Teneat eum necessitas causæ Regali. Aquila verò sic interpretatur:
Incidat ei a vna æquæ, id est, *fortunarum spoliatio à Rege illi coningat.* Quasi nihil
aliud habuerit ad significandam tyrannidem, & crudelitatem aduenientis
mortis, quæ nulli omnino parcat, subitoque rebus omnibus spoliat, quàm
si eam conferret cum tyrannide præpotentis viri aut Regis. Vnde Nice-
tas dixit: *Re &c* significatur in homine Rege, nam illo nihil crudelius.
Qua de re videndus Greg. 15. Moral. c. 12.

IDIUSVM etiam ostendit Amos, quando per vncinum pomorum ei Amos 8.
fuit ostensa Nabuchodonosoris tyrannis, sicut ibi exponit D. Hiron. Idem
Propheta nobis exposuit modum, quo se habeant diuites erga pauperes, Amos 2.
cum dixit: *Super tribus sceleribus Israël, & super quatuor non conuertam eum, pro eo*
quod vendiderit pro argento iustum, & pauperem pro calceamentis. Hoc ipsum
ostendit Caiet. cum expendit diuitias appellari *mammonam iniquitatis,*

NN 3 Luc.

LUC. 16. eo quòd raræ sint quæ secum iniquitatem non afferant.

QV I A verò locus Amos obscurus est, pro eius expositione illud prænotandum, quòd cum Deus omnia hominum peccata, nisi pœnitentiam egerint, seuerè puniat: est tamen quoddam peccati genus quod hanc punitionem trahit, vocat, & accelerat, illud scilicet, quod contra pauperes & imbecillos inferiores à potentioribus committitur, quale est hoc, de quo in præsentì agit Amos; deinde proponendæ sunt expositiones aliquot, quia plures circûferuntur, & quid nobis probabilius videatur ad præsens institutum eliciendum. Etenim difficultas consistit in iis verbis; *Pro eo quòd vendiderit iustum, & pauperem pro calceamentis*. Quidam enim authores nimium acres in disputando contra Iudæos, dicunt, iustum, de quo hîc est sermo, esse Christum Dominum, quem Iudæi pro vili pretio vendiderunt: primûsque author huius sententiæ fuit Rabbi Samuel in epist. ad Rabbi Isaac c. 6. in Bibliothec. Patrum, tom. 5. cui mordicus adhæret Petrus Galatin. 4. de Arcanis Catholicæ verit. c. 24. & Adrian. Finus lib. 6. cui titulus est, *Flagellum Iudæorum*, c. 42. Ex eo tamen displicet hæc sententia, quia Hierony. qui allegoriis gaudet, nihil simile dicit, nec Theodoret. nec Rufin. insuper quia hæc Prophetia non pertinet ad duas Tribus, quæ Christus crucifixi sunt, sed ad decem, quæ multo ante eius aduentum captivæ ductæ sunt: licet enim ex aliis Tribubus plerique accesserint, adhuc tamen duarum Tribuum gens cæteros excedebat, & quia numerati sunt semper, Iudas dicti in Prophetis, quatenus scernitur ab Israël.

LYRANVS deinde sequutus Rabbi Salomonem, existimat venditum iustum pro calceamentis, quasi coactus fuerit pauper ad diruendam clausuram, id est, sepem vel maceriem, quæ erat inter vtriusque possessiones, ut vna fieret possessio, integræque maneret diuiti. Quæ expositio iam ostendebat qualiter diuites opprimant pauperes, quod ait Iacobus in præsentì, & quanti Deus faciat talem oppressionem: illi tamen obstat nostra translatio, quæ etiam est Septuag. Hierony. & omnium recentiorum. Enimverò vox originalis passim in Scriptura *calceamentum* significat, & numerus dualis *calceorum*, qui in Hebræo habetur, eandem refutat expositionem, nec potest ex sacra Scriptura probari, vocem hanc aliquândo *maceriem* significare aut *sepem*.

THEODORET. ergo videtur sentire, pauperes à potentioribus spoliatos vsque ad calceos. Eius siquidem sunt hæc verba: Nec calceos quidem pauperum lucrifacere recusarunt, qui extremum hominibus vltimum præbent. Quo argumento probat Amos peiores esse Israëlitas Tyriis & Gassitis. Nā si illi Israëlitam iustitiam, siue iniustitiam viderent Idumæis, Israëlita proprios fratres diripiebant, & nudabant, quod extremum nequitiae est: & ideo persistit Propheta in ostendenda crudelitate diuitum in pauperes, qui conterunt super pulverem terra capita pauperum, & viam humilium declinant: quæ verba ostendunt potentiores magna ignominia affectisse pauperes, qui ab eis indignis modis pessundabatur, nā pauperum capita conspiciebatur pulvere conspersa, eo quòd iactati à superioribus diuitibus, eorumque famulis, sæpe terrā ferire cogebantur, & raptos pulveres capillis auferre, & sordes contra

here.

here. Pulverem autem oppressionis, & sordiditatis signum esse constat apud prophanos auctores, ut videre est apud Homer. Iliad. 3. & Psalter. *Quoniam humiliata est in pulvere anima nostra, conglutinatæ est in terra venter nostræ.* Plal. 41. Ideoque additur, *viam humilium declinant*, id est, commune ius libertatæque vendunt, ita ut in omni re inferior sit semper causa pauperum. Vnde Chaldaeus habet, *& iuri obscuriorum adue: santur*: qua etiam significatione sumitur *viam* apud Iob. *Subuerterunt pauperum viam.* Qui totus locus Prophetæ Cap. 24. ostendit quomodo diuites opprimant & inhonorent pauperes.

Hoc et insuper etiam ostendit locus ille Genes. vbi proponens sacer Textus causam diluuij sic ait: *Videntes filij Dei filias hominum*; vbi Paraphras. Chald. Genes. 6. habet, *filij potentium*: quod etiam habet Symmachus, teste Hieronym. in Tradition. Hebr. Et tunc sensus erit: Per potentiam & tyrannidem procerum filij acceperunt mulieres, quas volebant, quibus pro libito abutebantur. In quam sententiam notauit Ambr. lib. de Nabuthe c. 4. id quod de Achab refert Scriptura, mæstum scilicet, quia non potuit auferre vineam Naboth, non manducasse panem suum. Quoniam, inquit Ambros. quærebat alienum, non manducauit panem suum, etenim diuites magis alienum panem, quam suum manducant, qui raptu viuunt, & rapinis sumptum exercent suum. Hæc Ambros.

Nec mirum quodd diuites alienum pauperum panem quærant, & comedant, cum pauperibus veluti pane vescantur, ipsorumque famam, noménque corrodant. Quod dixit Dauid, cum ait: *Qui deuorant plebem meam,* Psal. 52. *ut cibum panis.* vbi D. Hilar. Comedunt operarij iniquitatis populum Dei, ut cibum panis, qui Sanctorum iniuriis viuunt, quos vexatio Prophetarum, & vastatio Ecclesiæ, & omnis iniquitatis delectat operatio, comedunt quoque qui eum obrectationis morsu dilacerant, & cætera quæ prosequitur in hanc sententiam.

Hoc et etiam ostendit locus libr. Iud. 17. vbi de quinque viris ex Tribu Dan ita dicitur; *Euntes igitur venerunt Laïs: videruntque populum habitantem in ea absque timore, securum, & quietum, nullo ei penitus resistente, magnarumque opum,* &c. Vbi vides populum securum, & quietum, quia nullus ibi erat qui resisteret, vimque inferret præ magnitudine opum, soli enim qui iis abundant, alijs resistunt, & pauperibus se opponunt. Vnde Nazianz. de suis Sermonibus ad Iulianum, sic ait: Ne diuitias nostras cum aliorum lacrymis misceamus, à quibus tanquam rubigine, & tineæ consumantur, aut, ut Scripturæ verbo vtar, euomantur. Vbi Nicetas dicit esse allusionem ad cap. 20. Iob. vbi dicitur. *Diuitiæ quæ iniuste colliguntur, tandem euomentur.* Sicut Iob. 20. enim ille, ait Nicetas, qui noxiū aliquē cibū pariter cū vtili miscuit, utrumque solet euomere, sic qui diuitias cum lacrymis pauperum coniunctas comparat.

Et D. Saluianus Massiliens. Episcopus sumpta occasione ex præsentī Iacobi loco suæ tempestatis mala in nobilibus sic deplorat lib. 3. & 4. de Iudicio & Prouident. Dei: Grande hoc, inquit, testimonium Apostoli est, nisi fortè immunes se ab eo nobiles putent, quia sunt soli diuites nomina

nominati: sed autem iidem sunt nobiles, qui & diuites, aut si sunt diuites præter nobiles, sunt tamen & ipsi quasi nobiles. Quis autem est vel nobilitum, vel diuitum horrens crimina? quis est aut innocentiam seruans, aut à cunctis sceleribus manus abstinens? aut vllus immunis est vel ab homicidio, vel à stupro: quis aut humano sanguine non cruentus, aut cœnosa impuritate non sordidus? Quotus quisque iuxta diuitem pauper, aut intactus, aut tutus est? vt pauci illustrentur, mundus euertitur, vnus honor Orbis excidium est, &c.

Vnde iam possumus ad præsens argumentum explicare locum illum *Cap. 12.* apud Oseam, cuius supra meminimus: *Diues effectus sum, inueni idolum mihi, seu, inueni vim mihi*, statim enim atque aliquis diues effectus est, illic inuenit vim, & tyrannidem quam pauperibus possit inferre: cui consonat & ille locus Psalmi. *Eccce loquens in ore suo, & gladius in labiis eorum, quoniam quis audiuit?* vbi Chaldaice ita habetur: *Labiis suis dicunt* (scilicet diuites) *præualebimus: quoniam quis ille qui audiat, & puniat?* Ideoque Plato lib. 5. de Repub. & Dialog. de Iust. impossibile iudicat valde diuitem, valde probum esse, & virtutem ita à diuitiis discrepare, quasi vtræque in lance statæræ sint posita, semperque in contrariam partem declinent. Vnde eos sic alloquitur Ambrosius. supra c. 3. Iniuriam vestram putatis, siquid pauper habeat, quod dignum possessione diuitis æstimetur, damnatum vestrum creditis quicquid alienum est, vniuersis creatus est mundus, quem pauci diuites vobis defendere conamini. Qua de re videndus est Chrysost. homil. 13. in 1. ad Corin. & hom. 14. in epist. ad Rom. vbi contra eos qui mendicos inhonorant, sic ait: Si quando accesserit qui obolum petat, confestim conuiciamur, obiurgamus, impostoremque vocamus. Non horres, ô homo, quodd pro pane qui petitur, impostorem vocas? Nam etsi imposturam is tibi faceret, nihilominus tamen vel ob id ipsum illius misereri debebas, eo quodd fame premente impostoris coactus sit subire personam: si petierit argentum, aut aurum, rationem habebunt quæ suspicaris, si verò pro necessario te accesserit, quid quæso intempestiue philosopharis? Et hom. 36. in Matth. ait: Dare misericorditer non vis, quid igitur criminaris, quid tribulas calamitosam, atque miseram animam? refugit ille ad manus tuas, ceu in tranquillum portum, cur tu omnium fluctuum vim in illum cõcitas, & maioris hyemis sibi reddis procillas?

ILLVDQVE hoc loco deplorandum, diuites scilicet, qui occasionem habent subueniendi pauperibus, eosdem persequi, opprimere, & inhonorare. Quod videtur notasse D. Ferrandus Carthagin. Eccles. Diac. ad quem scripsit D. Fulgentius, cuius meminit Tritthemius, & Isidor. in Parænes. ad Reginum, in 4. Reg. cum dicit: Eleemosynarum sacrificium quis ita posset offerre, sicut dux optimus, cui magnitudo potestatis abundantes præbet occasiones misericordiæ tribuendæ? Potentiorum est facilitas eleemosynarum, &c. Bernard. epist. 103. Hoc vestram ornat, coronat, nobilitat dignitatem, si quem ministerium prohibet esse pauperem, administratio prober pauperum amatorem.

§. II.

Quomodo se habeant Sancti in diuitiis, & potestatibus erga pauperes.

NON est autem hæc Iacobi doctrina sine exceptione intelligenda, quasi omnes ubique diuites pauperes opprimant, & inhonorent: sunt enim qui eorum curam gerunt, & ne in aliquo defraudent, maximè curat; quod de se dixit Iob. *Si leuani super pupillum manum meam, etiam cum viderem me in porta superiorem.* Super quæ verba Greg. 21. Moral. c. 15. sic scribit. Sancti viri quia cum personis minoribus, & contentionum negotia subeunt, dum grauari vel in minimis timent, ipsi contra iustitiam grauari nequaquam refugiunt. Et eodem lib. c. 10. in confusionem potentum ac superborum ait: Sancti viri cum præsumunt, non in se potestatem ordinis, sed æqualitatem conditionis attendunt, nec præesse gaudet hominibus, sed prodesse sciunt, quod antiqui patres nostri non tam Reges hominum, quam pastores pecudum fuisse memorantur. Et cum Noë Dominus filiisque eius diceret: *Crescite, & multiplicamini;* subdit, & *terror vester, ac tremor sit super cuncta animalia terræ;* non enim ait, super homines, qui futuri sunt, sed, *super cuncta animalia terræ;* homo quippe animalibus, non autem cæteris hominibus natura prælatus est, & idcirco dicitur, vt ab animalibus, & non ab homine timeatur, quia contra naturam superbire est, ab æquali velle timeri. Vide, vt timebat Dauid pauperum, & inferiorum panem comedere, qui nec oblatam aquam à militibus voluit haurire. Et quomodo non largiretur necessaria, qui in necessitate positus, siti que enectus, aquam in qua milites afferenda laborauerant, degustare noluit? Pro qua re videndus Ambrosius in Apolog. Dauid c. 4. vbi hoc factum Dauidis expendens, sic ait: Prospexit ne cui Regum bibendi vsus alienis periculis quæreretur, & piè vulnus conscientie ostendit, quod aqua tot virorum quæsit sanguine, suauitatem bibendi habere non posset, quæ propositæ mortis horrore constaret. Ad instar proinde horum se debent habere Christiani fideles, quibus Deus bona suppeditauit: ideoque fortè pauper Lazarus in sinu diuitis Abrahæ ostensus est, vt nobis inculcatum crederemus sinum, ac domum diuitum, proprium debere esse locum, & habitaculum pauperum; ideo itidem, & Iacobus in præfenti ostendit qualiter iniqui diuites se habeant erga pauperes, vt iusti diuites intelligant longè aliter ipsorum necessitatem, vitam, & honorem curandum esse.

§. III.

Christiani vita debet nomini correspondere.

ILLUD etiam monet hic locus, quod si impij, hæretici, & pagani absque occasione nomen bonum Iesu Christi, quod inuocatum est super nos, & à quo dicimur Christiani, blasphemant, cauere debemus, summaque diligentia

Pätz in Epist. B. Iacobi.

OO cura

curare, ne ansam præbeamus corruptis moribus, & impia viuendi ratione, blasphemandi nomen Domini, & illudendi nomē Christiani, quod à Christo deducitur, in eo qui nihil omnino de doctrina & imitatione Christi habet. Vnde August. lib. de vit. Christian. tom. 1. Tu Christianum illum putas, cuius nunquam pane vlllo saturatur esuriens, cuius potu nullius sitis extinguitur? &c. Absit vt huiusmodi Christianus dicatur; Christianus est qui

1. Ioa. 2. Christum in omnibus imitatur, sicut scriptum est: *Qui dicit se in Christo manere, debet, sicut ille ambulauit, & ipse ambulare.* Et Chryl. Orat. 5. cont. Iudeos: Christianus es, ideo hoc nomen accepisti, vt Christum imiteris, eiusque legibus operum exhibitione pareas. Similiāque habet hom. 4. in Matt. Oportebat, inquit, vniuscuiusque fidem non locis, sed moribus indicari. Nam sæcularium decora dignitatum ab extrinsecus positis cernuntur insignibus, fidelis non modò à communione mysterij, verum etiam de nouitate vitæ debet agnosci: fidelem enim Solem esse conuenit, & luminare mundi. Plurāque habet hom. 13. in 1. ad Corin. & Aug. enarration. 2. in Psal. 25. ad ea verba: *In Ecclesijs benedicam te Dominum*, vbi ait: Hoc est benedicere Deum in Ecclesijs, fratres, sic viuere, vt per mores cuiusque benedicatur Deus. Sed pro dolor! nunc ob Christianorum scelera nomen Domini tota die blasphematur; ideoque meritò Bern. Serm. de Conuers. Pauli ait: Nunc persequuntur Christum qui ab eo vtique Christiani dicuntur. *Amici tui, & proximi tui aduersum te appropinquauerunt, & steterunt.* Coniurasse videtur contra te vniuersitas populi Christiani, à minimo vsque ad maximum, à *plama pedis vsque ad verticem non est sanitas vlla.* Similia habet Serm. ad Pastor. in Synod. Meritò, inquit, clamat Ecclesia Sancta hodie: *Ecce in pace amaritudo mea amarissima.* Multis modis persequutus est Ecclesiam diabolus, sed nunquam grauius, quàm hodie, quia nunquam fuit maior perditio Christianorum. Ecclesiam incipientem persequutus est per Tyrannos, proficientem per Hæreticos, iam lætam, & florētem prosequitur per motus illicitos. Fuit ergo amaritudo Ecclesiæ amara quidem in persecutione Tyrānorum, amarior in versutia Hæreticorum, sed amarissima hodie per prauitatem desideriorum.

- Hic igitur qui Ecclesiam ad extremum amaritudinis deducunt, indigni profecto sunt qui Christiano nomine censeantur, quandoquidem à diu dictum est Hieronymo, non esse Christianum, sed potiùs Ciceronianum quod frequenter lectioni Ciceronis incumberet; vt testatur idē Hieronym. epist. ad Eustoch. de Custod. Virginit. Et qui super se Christi nomen inuocant ad protectionem, deberent inuocare & ad imitationem. Vnde & Christus Dom. illis qui de Abraham Patrē gloriabantur, dixit: *Si filij Abrahæ estis, opera Abrahæ facite.* Et Ber. 2. de Considerat. Si filius es Prophetarum, vendica tibi nobile genus simillimis moribus.

- TIMEO proinde ne qui inaniter nomen Christi super se inuocāt, Christi præcepta non exequentes, neque Christum imitantes, potiùs inuocent ad acerrimum supplicium, sicut notauit Cyrill. Hierosolymit. apud August. tom. 2. epist. 206. vbi ait tantum differre inter Christianorum pœnas,

&c

& Paganorum in inferno, vt Paganorum cruciamenta respectu eorum, quæ falsi Christiani, & peccatores sustinent, sint quasi nulla, quanquam ineffabilia sint, nec à viuentibus cogitabilia. Qua de re videndus August. epist. 105. ad Sixtum Presbyterum. Et Concione 2. in Psal. 30. Orig. hom. 3. in Hierem. & hom. 5. in Ezechiel.

Sic ergo debemus viuere, super quos bonum nomen Christi inuocatum est, vt qui ex aduerso sunt, nihil habeant malum dicere de nobis, sed simus, *sine querela simplices filij Dei in medio nationis praua & peruersa*, Patrem *Philip. 2.* Christum, qui nos genuit verbo veritatis, vita & operibus referentes.

Verf. 8. Si tamen legem perficitis Regalem secundum Scripturas; Diliges proximum tuum sicut teipsum, bene facitis.

Verf. 9. Si autem personam accipitis, peccatum operamini, redargui à lege quasi legis transgressores.

EXPOSITIO LITERALIS.

NE verò ex tradita Apostoli doctrina quis vellet inferre, diuites omnino odiendos tanquam inimicos Christianorum, aut contemnendos, excusationemue vellet prætexere in eis præferendis ex lege Dei, quæ proximum, imò inimicum iubet diligere, subiungit hæc verba; quasi dicat: Si diuites honore præuenitis, eo quòd Dei imaginem referant, vel propterea quòd legi diuinæ de proximi dilectione studetis obedire, vehementer id probo, & laudo, cum videam eosdem vos persequi & odisse. Ille autem veraciter charitatem habet, sicut ait D. Gregor. hom. 27. in Euang. qui amicum diligit in Deo, & inimicum diligit propter Deum; sin verò (quod magis crediderim) eos reueremini ob vestrum splendorem, bonorumque affluentiam, grauiter in ipsam quam obtenditis legem delinquitis, quæ iubet proximum diligere; pauper verò proximus vtique est.

LEGEM igitur Regalem appellat hoc loco legem diuinam, in Veteri ac Recenti Testamento multoties latam, ratamque habitam. Deut. 5. Leuit. 19. Exod. 20. Matth. 22. & 19. Luc. 10. quæ ideo Regalis appellatur, vel quia est præceptum charitatis, quæ inter & supra cunctas alias virtutes, velut Regina incedit, eisque formam, & vitam impertit: vel ab effectu, quia Reges facit, vt ait D. Thom. Vnde dicitur: *Fecisti nos Deo nostro Regnum & Sacerdotes.* Et: *Vos estis Regale Sacerdotium;* vel ab authore, quia Rex *Apo. 5. 1. Pet. 2.* Regum eam proprio ore promulgauit Matt. 20. vel quòd sine diuerticulis instar viæ Regiæ omnibus pateat plana, recta, æquabilis. Ita Carth. & alij.

GLORIOSA verò Regiam putat ab excellentia quam inter cæteras leges fortitur. Ex quibus iam patet reiiciendum Caictanum hoc loco, dum

PP 2 propterea

propterea Regalem existimat dictam, quia Reges terræ respicit, qui Praefectos, vel nuncios, vel sibi gratos honorandos iubent, quali dixerit Apostolus. Si propterea diuites honoratis, vel quia sunt praefecti à Rege, vel quia sunt nuncij Regis, vel quia sic statuit Rex, ut patet de Mardocheo, bene facitis hanc Regalem legem obseruantes: quæ expositio præterquam quoddam sequentibus verbis improbat, quæ legem hanc traditam in Scriptura ostendunt, conuincitur præterea ex Textu Syriaco, qui habet; *Legem Dei.*

Si igitur hanc legem perficitis. i. perfectè impletis, prout in Scripturis sanctis docetur, ac continetur, maximèque, vbi dicitur: *Diliges proximum tuum sicut te ipsum;* vbi nomine (*proximi*) intelligitur omnis homo; ex Aug. epist. 52. ad Maced. & 1. de doct. Christ. c. 30. Insupérque Angelos comprehendit, ut etiam habet D. Thom. Matt. 22. & 2. 2. q. 26. art. 10. Excluduntur tamen iis homines, & Angeli, qui æternis flammis sunt mancipati; ex D. Thom. sup. art. 11. *Sicut te ipsum.* i. spiritualiter, desiderando ei dona gratiæ, ac virtutum in via, donaque gloriæ in patria: imò & cooperando ei ad ista pro posse. Cætera quoque misericordiæ opera tam corporalia, quàm spiritualia ei impertiendo pro viribus, tempore opportuno, exigente rationabili causa. *Benefacitis.* i. non ita dico diuites non esse preferendos, quasi sint odiendi, aut contemnendi, sed eorum dilectio ordinatè est exhibenda saluo ordine charitatis & æquitatis. *Si autem personas accipitis,* iuxta sensum præhabitu, *peccauit operamini, faciendo contra præceptum Dei, redarguit à lege,* quia eadem lex redarguit eos; insupérque ea, quæ dicit: *Nulla erit distantia personarum, ita paruum audietis, sicut & magnum;* & iterum; *Non consideres personam pauperis nec honores vultum potentis.*

Est autè hæc redargutio intelligenda ex doctrina Christi, qui dixit: *Non lite putare, quia ego accusaturus sum vos apud Patrem, est qui accusat vos Moyses, & iterum: Qui spernit me, & non accipit verba mea, habet qui iudicet eum, sermo quem loquutus sum, ille iudicabit eum in nouissimo die.* Cum enim lex Dei sit norma, & regula iuxta quam debemus operari, ea iudicabit de nostris defectibus, infimulque de iis testimonium feret. Ideo enim toties à Dauide testimonia appellatur.

PARTICULA autem (*quasi*) veritatem hoc loco indicat, non similitudinem tantum, quemadmodum & Ioannes dixit: *Vidimus gloriam eius, gloriam quasi unigeniti.* Ista quippe acceptio personarum in lege Mosàica, atque Euangelica prohibetur. Et ita qui in ea delinquit, reuera transgressor est, & non quasi transgressor per similitudinem solum.

§. I.

Regia virtus charitas, dum amicos & inimicos diligit.

LEGEM Regalem perficere, hoc loco idem est, atque eam obseruare: videtur enim perfectio legis esse ipsius obseruatio, imperfecta enim & veluti inanis est ante obseruationem: qua fortè ratione dixit Augustinus.

Aug. lib. quest. Veter. & Nou. Testament. q. 101. Lex inter ipsa primordia sensum suum planè ostendit; etenim dum incipit obseruari, veluti sensum, & vitam incipit habere. Et in hoc sensu etiam intelligo id quod dixit Philo lib. de Ioseph. Leges medicis similes sunt in ciuitate, quia sicut bonitatis, & scientia medici ex eo maximè pendet, vt credatur, eique ægroti obediunt, quò remedia effectum sortiantur: Sic etiam leges inde maximè probantur, & perficiuntur, si exequutioni mandentur, ipsisque obtemperetur. Sicut insuper medici præscriptum ordinem contemnimus, de cuius peritia nullam ferè concipimus opinionem; sic & illius legis iussa reiicimus, cuius perfectione nullā prorsus existimamus. Vnde Tertul. in Apolog. Suspecta est lex quæ probari nō vult, aut quæ probata si fuerit, nō dominatur.

REGALIS igitur appellatur à Iacobo lex diligendi proximum, ab ipsa charitate, quæ forma & Regina cæterarum virtutum est; insuperque mater dicitur earundem à D. Laurentio Iustinianò lib. de Ligno vitæ, c. 3. Et ideo tanquam mater studiosa sollicitudine ad cuncta virtutum facta dilatur, proindèque dicitur *plenitudo legis*. Et licet à duobus præceptis incipiat, ad innumera se extendit, sicut ait D. Greg. 10. Moral. c. 4. qua in re se maximè Reginam indicat. Vnde Bern. de ea dixit Ser. 83. in Cant. Vbi venerit, cæteros in se omnes traducit, & captiuat affectus.

Rom. 15.

DEINDE ab effectu, quia Reges facit, dum filios Dei constituit eos, qui charitatem habent. Vnde Ioannes dixit: *Omnis qui diligit, ex Deo natus est.* 1. Ioan. 4. Qua de re videndus Cyprian. lib. de Patient. vbi ostendit qua ratione charitas nos filios Dei constituat.

EST etiam Regalis hæc virtus, quia magnanima, dum amicos, & inimicos capere potest, ac diligere. Vnde Cyprian. lib. de Zelo, & Liure; illud Pauli, *Charitas patiens est*, legit ipse, *Charitas magnanima est*, id est, omnes capit. Regium certè animum ostendit Dauid, dum ex charitate pepercit Saül, quod agnoscens ipse Saül dixit: *Nunc scio quòd certissimè regnaturus sis, & habiturus in manu tua Regnum Israël.* Quam etiam latitudinem cordis erga proximum ostendit, dum ægrè ferens Abisai, quòd Dauid parceret Semei, respondit: *Quid mihi & vobis filij Seruie, cur efficiamini mihi hodie in Sathan? ergone hodie interficietur vir in Israël: an ignoro me hodie factum Regem?* quasi dedecret Regem quemquam odisse, & non potius omnes paterno amore complecti. D. Bernar. verò super hæc verba sic ait Serm. 34. in Cant. O verè hominem secundum cor Dei, qui se vliscenti potius, quàm exprobranti succensendam patauit!

1. Cor. 13.

1. Re. 24.

2. Re. 16.

ET hæc fortè erit ratio, cur in genealogia Christi cùm plerique qui fuere Reges nominentur, nullus tamen Rex appelletur, sed proprio vocetur nomine, solus tamen Dauid dicatur Rex. *Genuit Dauid Regem. Dauid autem Rex.* Qui enim amicos, & inimicos Regio amplectebatur amore, & omnes indiscriminatim, vt sibi proximos diligebat, is meritò Rex & fuit, & dicitur.

Matth. 23.

REGIUM etiam animum videre est in Iosepho Prorege, qui fratres conuicio excepit, singulisque proferri iussit stolas binas, immemor iniuriæ,

Gen. 43.

OO 3

foliùsq̃ue

- Gen.* 38. soliúsque charitatis memor. Quod perpendens Rupertus lib. 9. in Genes. e. 13. sic ait. Inimicis suis qui inter edendum vendiderant eum (*sedemes enim vt comederent panem, viderunt viatores Ismaélitas de Galaad*) inimicis inquã suis, qui manducando esurientem vendiderant, cibum dedit & potum, & eis à quibus tunica talari polymita nudatus est, ecce binas singulis dedit stolas. Regius equidem animus à Regia virtute charitatis quæ coronas Regni in patria etiam imponit. Etenim inimicorum amor animum solet magnum Regiũque reddere; vnde Didymus, Chrysost. & Euthymius obseruant in Psal. 4. dilatationem cordis postulari, & magnanimitatis donũ, ac latitudinem charitatis, qua etiam inimici ab eo diligerentur. Quod notarunt ibi Haymo & Remigius. Quantumque enim charitas in subeunda
- Ioa.* 11. morte pro Deo probari videatur, quia *maior nemo hac dilectionem habet*: notauit tamen acutè, & doctè sanè Euseb. Emyssen. homil. de Sancto Stephano, quòd Stephanus in Martyrio actum dilectionis inimicorum exhibet quasi aliquid maius, dum pro impiis, ait, Deo plenus exorat, etiam de alieno peccato iustitiam suam cumulat: intelligemus, inquit, quantum bonum sit dilectionis, quæ commendare adhuc potest passionem.

NISI fortassis ea tandem sit ratio cur charitas dicatur Regalis, quòd nunquam veluti serua laborem sentit, sed vt domina voluptatem habet, quod prosequitur August. tract. 65. in Ioan. cum ait: Quam mirandi generis mors est, cui non satis fuit non esse in pœnis, nisi esset insuper in deliciis! & tract. 9. in 1. Ioan. Charitas, inquit, non est amarus exactor, vbi charitas est, & qui exigit, dulcis est à quo exigitur. Quod significatum videtur in Samfone, quando ad Philistæam dilectam profectus, leonem interemit, posteaque dum in patriam remearet, in ore demortui leonis fauum mellis inuenit, quia amor quæcumque difficillima sunt, dulcia & suauiæ solet reddere.

§. II.

Charitas inimicorum proprium symbolum fidei Christianæ.

- Ioa.* 13. *15.* **A**PPELLATUR etiam hæc lex de diligendo proximo quantumvis infenso, & inimico, quales ostendit diuites in pauperes Christianos, Regalis ab autore & renouatore Christo, qui eam suam, & nouam legem ea ratione dixit. Vnde Tertull. lib. de Pat. dixit: Dilectio est summum fidei Sacramentum. Et lib ad Scapulam c. 1. dilectionem dixit propriam bonitatem Christianorũ; & c. 2. Apologet. Christianus nullius est hostis. Vnde Cyprian. tract. de simplicit. Prælator. Hoc vnitatis Sacramentum, hoc vinculum concordie inseparabiliter coherentis ostenditur, quãdo in Evangelio tunica Domini nostri Iesu Christi non diuiditur omnino, nec scinditur, sed integra vestis accipitur, Sacramento quippe vestis declarauit fraternam Ecclesiæ vnitatem. Quis ergo sic est sceleratus, vt credat scindi posse vnitatem Ecclesiæ indumentum Christi? Similiãque habet August. tract. 65. in Ioan. vbi ait: Charitas symbolum peculiare, & proprium fidelium

lium est. Sicut verò omnes scientiæ propria habent principia, sic & dilectio inimicorum est proprium principium Christianæ disciplinæ; sicut notauit Brixian. ad ea verba Christi Dom. *Diligite inimicos vestros*, ubi notandum venit id quod aduertit Nazianz. Orat. 1. contra Iulian. in fine. Nihil scilicet præclarior, ac præstantius, quàm quod aliis scelerum fines (sc. mortes) iuxta legem vindicantibus, nos principia (sc. desideria occidendi) quoque ipsa punimus.

Cum ergo Christus Dom. sit lux mundi, voluit eum illustrare in ordine, *Ioan. 8.* & modo charitatis: sicut autem noctu, vel dum nebulosus adest dies, ea quæ à nobis remotiora sunt, nequaquam perspicimus, sed ea tantum quæ nobis proximiora, & præ manibus adsunt, sic ante aduentum veræ lucis non videbant homines, vt diligerent, nisi sibi coniunctos, vel consanguinitate, amicitia, aut peculiari aliqua ratione; & iuxta hunc sensum intelligunt aliqui non de Ecclesia, sed de Synagoga illud: *Soror nostra paruula est, & vbera non habet*, quia nondum maternam charitatem erga omnes exhibebat, sed solos fratres, & filios Abrahæ diligebat, quod etiam dixit Paulus: *Sum essem paruulus, sapiebam vt paruulus, loquebar vt paruulus*; æmulatorque paternarum traditionum solos Iudæos diligebat, Christianos persequebatur. Postquam verò factus est vir, euacuâs quæ erant paruuli, debitorem se constitebatur omnibus hominibus, eumque sollicitudo omnium Ecclesiarum premebat, quia tunc iam illuminata erat charitas; sicut eleganter dixit Ambrosius lib. de Isaac, & anima, cap. vlt.

Vnde cum Christus Dom. loquutus est de amplitudine charitatis, eandem ad inimicos vsque dilatauit: addidit enim; *Estote perfecti, sicut & Pater vester*. Quæ verba ponderans Cyprian. lib. de Patient. dixit: Quæ gloria est similem Deo fieri! Et Ambros. Sermon. 10. Si te; inquit, non læsit frater, obsequium meretur, vt diligas; quòd si forsitã læsit, magis obsequium meretur, vt vincas. Hæc enim nostræ Christianitatis summa est, in eaque similes Deo Parenti efficimur. Vnde Dei Filius in cruce pendens, pro se orans, quasi extraneus dicit: *Deus, Deus meus, vt quid dereliquisti me?* At verò cum pro occisoribus orauit, Patrem inuocat; *Pater ignosce illis*. Orare enim pro inimicis, eosdemque diligere, actus proprius est Filij Dei, qui ipsum aded pulchrum in ipsa sui depositione decoris reddidit, vt dixerit Aug. Sermon. 50. de verb. Dom. in hoc maximè innotuisse cæcitatem Iudæorum, dum ipsum pulcherrimum pro inimicis orantem non agnouerunt. Ille, inquit, qui vos quasi sedos tolerauit, qui pro vobis formosus orauit; *Pater ignosce*, &c. Est denique optimus pro hac re locus apud Lucam c. 6. ubi villicus iniquitatis diffamatus apud Dominum suum, quasi dissipasset bona illius, iustus rationem reddere, conuocatis debitoribus debitum ab vnoquoque ita remisit exigebat, vt ex centum cadis olei, quinquaginta tantum acciperet; mox laudauit Dominus villicum iniquitatis, quòd prudenter fecisset, idque mirum cum ipse parum diligenter se habuerit, cum dimidium remiserit. Quæstionem soluit Bern. epistola 257. Iustit. inquit, laudatus est qui Domino suo rerum maluit, quàm personarum iacturam facere, & quia dignus est,

est, qui sic operatur mercede sua, vno tali opere quos ille retinuit seruos, & sic fecit amicos,

§. III.

Regalis & communis via charitatis.

DICITUR etiam lex charitatis Regalis, quia sine diuerticulis instar Regiæ viæ omnibus plana, & aperta patet, omnibusque communis est, vnde Paulus dixit: *Ambulate in dilectione*. Et Aug. de hac via intelligit ea verba Ps. *Latius mandatum inuimus nimis*; quod etiam habet epist. 121. ad Probam; & in Ps. 103. & ante eum Ambr. Ser. 12. in Ps. 118. vbi ait. Quam latum est mandatum charitatis! omnes utique effectu inclusit, qui non exclusit inimicos. Iudæi & Gentiles vix suos diligunt, Christiano etiam inimicos non licet non amare. Et Tertull. in Apologet. Si inimicos iubemur diligere, quem debemus odisse? Item, si lege vicem referre prohibemur, ne de facto pares simus, quem possumus cadere? Similiâque habet Chrysost. hom. 44. in Act. Apost. & multa Ber. in Ps. *Quis ascendet*.

ILLUDQUE in hac Regali lege mirum, quod omnes velut seipsum iuxta eam quisque debet diligere, miserans plerumque non deliberans, sicut de Samuele pro impio Saule anxio dixit Ber. epist. 12. qui etiam de Dauide addidit. Fundebat lacrymas Dauid filio parricidæ, etsi non profuturas, pietatem. Respicit enim charitas rationem proximi, non odij causam contemplatur, idcirco Christus Dom. proditorem amicum appellat, quia ipsum adhuc diligebat, & ex dilectione denominabat amicum; sicut dixit Gregor. 3. Moral. c. 14. Dignum est ut à nobis non ex sua nequitia, sed ex nostra beneuolentia amici nominentur.

NORMAM verò ac regulam istius dilectionis addit Apost. ex sacro Textu. (*sicut se ipsum*) quod expendens Naz. Orat. 1. contra Iulian. ait de fidelibus, apud quos lex & norma amicitiae quisque ipse est, atque eadem proximi velle, quæ sibi ipsi. Et Orat. 16. Nec magis gaudendum nobis est quod commoda valetudine vtimur, quam lugendum quod fratres misera & afflicti. Voluit namque supremus legislator in suæ Ecclesiæ edificio, cuius murum igneum esse voluit, iuxta illud Zachariæ: *Ego ero ei murus ignis*, viuos lapides inuicem connecti dilectionis glutine, ardentis calce. Is enim paries in lapide angulari adunatus diutius permansurus coherentiam & viuam vnionem lapidum viuorum exigit. Sic enim appellauit Petrus fideles 1. Can. c. 2. Iam verò lapides ut in parietem confurgant, inuicem coaptantur etiam per scissuras, & quod melius cohæreant, franguntur, inuicemque onus portant. Quod etiam dixit Paulus: *Charitatem habere, quod est vinculum perfectionis*. Author verò operis imperfecti in Matt. hom. 7. Sicut in corporali, inquit, edificio lapis ad lapidem cemento mediante constringitur, sic in edificio Ecclesiæ Christianus ad Christianum charitate mediante connectitur.

Q V O D

QVOD si deficiente charitate hæc coherencia, & vnio dissoluatur, facile corruet ædificium, pariesque dissoluatur. Vnde veluti supplicium minabatur id Deus Regno Israël cum dixit: *Ponam Samariam sicut aceruum lapidum in agro, cum plantatur vinea; quod, scilicet, citissime Regnum illud dilaberetur, in nihilum prorsus redactum; sicut enim soluti, nec conglutinati lapides, quantumuis in aceruum cumulentur, & erigantur, facile tamen corruunt, cum alter alteri minimè adhæreat, sic Respublica ac Regnum, vbi ciues inuicem non diliguntur, nec charitate conglutinantur, facile dissoluitur, & finitur.* Vnde Chrysost. hom. 5. ad Pop. Si sint vnanimes duo, vel decem, non vnus iam vnus est, sed decuplus eorum quisque fit, & in decem vnum inuenies, & in vno decem, siue inimicum habeat, vnum offendens tanquam decem offenderit, indiguit vnus, sed non est in egestate, horum quisque viginti manus habet, & oculos viginti, & totidem pedes, non enim suis tantum oculis intuetur, verum & alienis, non suis tantum, verum & illorum manibus operatur, non enim ipse tantummodo pro se, verum & illi pro eo curam gerunt; vidisti charitatis excellentiam, qualiter vnum inexpugnabilem reddit, & multiplicat, &c.

Mich. 1.

NEQVE verò hoc tantummodo est in ordine ad mutuam defensionem, & conseruationem, sed etiam ad obliuiscendum diabolo, illique bellum inferendum; quod notauit D. Gregor. hom. 8. in Ezechielem, vbi ponderat ea verba Cant. 6. cum de Sponsa dicitur, *Terribilis, ut castrorum acies ordinata.* Cant. 6. Quid est, inquit, quod ab hostibus, ut castrorum acies sit timenda? non magno vacat intellectu comparatio, & idcirco est subtiliter intuenda: sci-mus enim quia castrorum acies tunc hostibus terribilis ostenditur, quando ita fuerit constipata, atque densata, ut in nullo loco interrupta censeatur. Et nos ergo cum contra malignos spiritus spiritualis certaminis aciem ponimus, summopere necesse est, ut per charitatem semper vniti atque cōstricti, nunquam interrupti per discordiam inueniamur, quia si quælibet opera in nobis bona fuerint, si charitas desit per malum discordiæ, locus aperitur in acie, vnde ad feriendos nos hostis valeat intrare. Videndus Ber. de modo bene viuendi c. 41. vbi ait: Nihil æquè molestum dæmoni, ut concordia; si enim de ieiunio agatur, ipse nunquam comedit, si de vigiliis, non dormit, si de paupertate, nihil habet, si de continentia, hæc est ei naturalis: concordiam ægerri-mè fert teneri in terra, quam ipse non potuit seruare in celo. Similiâque habet Ser. 2. de Septuages.

Cant. 6.

MIRVM tamen videbitur, quod is qui pacis, & dilectionis est author, inimicitiarum itidem fuerit, dum dixit: *Inimicitias ponam inter te, & mulierem, & semen tuum, & semen illius;* idque non tantum quoad propensionem, aut occultas inimicitias; sed actuales, apertas, & in noendi conatum erumpentes. Quod exponens Oleast. ait: Vides Deum discordiæ esse authorem, ut dicas non esse minoris virtutis malos amicos, seu illorum amicitiam dissoluere, quam bonam fouere. Ideoque Christus Dom. dixit; *Non veni pacem mittere, sed gladium;* & David. *Disperge illos in virtute tua.* Namque, sicut dixit Cyprian. de singularitate Clericor. indubitanter meliora sunt odia, quæ

Genes. 3.

Mat. 10.

Psalm. 58.

Petr. in Epist. B. Iacobi Apost.

P. P. dum

dum separant, neminem maculant. Et Aug. initio Cōcionis 2. super Ps. 36. Duo mali vix se patiuntur, & quando se videntur diligere, conscientia sibi debet, non amicitiam, tūc secū concordant, quando in perniciē iusti cōspirant, non quia se amant, sed quia eū qui amandus erat, simul oderūt. Et Ber. Ser. 24. in Cont. Ineunt familiaritatē ad maledicendū, concordēs ad discordiā, cōciliāt inter se inimicissimas amicitias. Et sicut ait Philo lib. de Cōfusione linguarū; nihil inter eos conuenit, nisi quoddam pariter discrepant, idem & in febribus vsu venit. Nā & quotidiani, & tertiani, & quartani, vt medicorum filij vocant, circuitus, stas horas habent, nocturnas, diurnasque, & eūdē semper seruant ordinē, vt felicitatē perdunt vitæ vnitæ & ordinariæ.

Cap. 6. Vnde de huiusmodi viris dixit Hierem. *Ut as & ferrum vniversi corrupti sunt.* Quem locum sic optimē interpretatur Brixianus: *As siue chalybs coniungitur ferro, vt ex eo fiant arma, sic alter alteri adherent ad faciēda mala.* Hieron. verō sic ibi exponit: Ex mutua malorum vnione nihil nisi perniciosum hominibus erumpere potest. Pro qua re videndus est Greg. 34.

Iob. 41. Moral. c. 2. cū ponderat ea verba Iob. cap. 41. vbi ait; *Membra carnis eius coherentia sibi*: quæ verba dicit de dæmone, cuius carnes asserit esse reprobos omnes, inter quos maior est vnio, quàm inter fratres, nam fratres inter se separantur, membra verō carnis realiter vniuntur. Videndus item Hieron.

Iob. 41. vbi explicat illud eiusdē Iob. *Corpus illius quasi scuta fusilia compactum squamis*, &c. Corpus, inquit, diaboli omnes consortes eius intelligēdi sunt, quos tāta consensione, atque conspiratione Deus dicit illi coniunctos, vt indissolubili connexione sint eidē copulati. Quod etiam ostenditur in seditione

Num. 16. Core, Num. 16. vbi cū Moyses ad tabernaculi ostiū se reciperet, vt Deum pro omnibus precaretur, ait: *Fortissime Deum, vno peccante, contra omnes iram tua defauit?* vbi aduertit Oleast. Quomodo vno peccante, si tam multi peccarunt: Etenim Core, Dathan, & Abiron surrexerunt contra Moysē, alique filiorum Israël ducenti quinquaginta. Dissoluendaque videtur difficultas, si dicamus iniquos homines ad patrandum scelus ita de more inter se conuenisse, ac si vnus tantummodo homo esset.

VTINAM ergo charitatis legis, & mutæ per dilectionē vnionis author, inimicitias ponat inter huiusmodi amicitias. liberamq; viam iustis aperiat, quæ prædonibus vnitis scatet, è quorum manibus haudquaquam quis

Mat. 23. potest euadere. Vnde notauit Gregor. 34. Moral. c. 3. Paulum non potuisse euadere, nisi quando vnio malorum dissipata est, diuisis, scilicet, Phariseis & Sadducæis: Soluta est, inquit Greg. multitudo in duas partes, & Paulo via ereptionis aperitur, quia quem turba tumultuantium vnita constrinxerat,

Ioa. 8. diuisa laxabat. Ideo etiam & Christus Dom. vt euaderet vnionē conspirantiū contra ipsum, volentiūque eū lapidare, abscondit se; & alibi per miraculū horum medium transiit. sicut notauit Orig. homil. 19. in Luc. Insuper igitur Deus eorum consilium, & confundat linguam, sicut eam confusionem linguarum interpretatur Philo lib. de Confusione linguarum: ac si diceret, inquit, muta, surdāque faciamus vitia singula, vt nec loquendo,

Gen. 14. nec allentiendo damnum inferant.

§. IV.

Debet fidelis diligere proximum, sicut seipsum, & agitur contra proprium inordinatum amorem.

CV ex diuina charitatis lege teneatur quisque proximum diligere, sicut seipsum, id est, ad id, & propter id, atque eodem fine & animo, quo seipsum diligit, seu similiter ac se diligit, sicut notauit D. Thom. 2. 2. q. 44. art. 7. Non est intelligendum, ait, sicut seipsum, quantum ad hoc quod aliquis proximum sibi æqualiter diligit, sed similiter sibi, vnde Caietan. Mat. 22. Non dicit, diliges proximum quantum teipsum, sed sicut teipsum. Quod etiam explicat D. Th. 2. 2. q. 26. art. 4. & 5. Hæc verò dilectio à duobus præceptis deriuatur, sicut notauit Greg. 10. Moral. c. 14. Scilicet, quod ab alio tibi odis fieri, vide ne tu alteri facias. Et ipsa veritas Matth. 7. *Qua* Matth. 7.
vultis vt faciant vobis homines, & vos facite illis: quibus duobus per vnum malitia compescitur, per aliud benignitas prorogatur, vt malum quod pati non vult, quisque non faciens cesset à nocendi opere; & rursum bonum quod sibi fieri appetit, impendens erga vtilitatem proximi exerceat: sed hæc duo dum sollicita intentione cogitantur, cor ad innumera virtutum ministeria tenditur. Similiæque habet hom. 38. in Euang.

NE M O tamen istius legis iam memor extat, sed quisque seipsum tantum, suæque diligit, nisi forte existimet à seipso deceptus, nihil sibi proximiis quàm seipsum, & proinde legē de diligendo proximo obseruare, dum se tantum diligit; *Omnes quæ sua sunt querunt, non quæ Iesu Christi, & salutis* Phil. 2.
proximorum. Vnde possent de proximis interrogati cum impio Caino respondere: *Nescio, nunquid custos fratris mei sum ego?* Quid enim de proximis possunt respondere, qui ipsorum dolores, & ætumnas non curant, indigentia non subueniunt: imò cum stulto Nabal dicunt: *Tollam ergo panes meos, &* Gen. 3.
aquas meas, & carnes pecorum, quæ occidi in soribus meis, & dabo viris, quos nescio unde sunt Et cum filiabus Labani tandiu in domo Patris manent, quandiu aliquid emolumenti in ea habent, postea verò interrogati, an velint patri adherere dicunt; *Nunquid habemus residui quicquam in facultatibus, & hereditate domus Patris nostri?* Omnes denique diligunt sola munera. Vbi D. Hieronym. Gen. 31.
lib. 1. in Isai. Non dixit, accipiunt; hoc enim sæpe necessitate fit, sed qui non putant amicos, nisi à quibus dona perceperint, nec os considerant amicorum, sed manus; de quibus optimè Bernard. epist. 185. Das ingratiss, das immeritis, siquidem tua, non te diligunt, imò certè nec te, nec tua, sed quæ sua sunt, quærunt. 1. Reg. 25.

QUAM exitiosus autem sit huiusmodi amor, dixit Clem. Alexand. 6. Stromat. in hunc modum. Nimiis amor sui est semper quibuscumque causa omnium malorum. Et Chrys. hom. 20. in epist. ad Ephes. Execrandum hoc verbum, meum, & sceleratum à Diabolo est inuentum. Quod optimè expressit D. Saluianus libr. ad Ecclesiam: Nunquid est vllus hominum, qui non omnia, quæ fecit, vel salutis suæ, vel certè vtilitatis gratiā faciat? Ne-

PP 2 mo,

mo, opinor. Omnes enim ad effectum, atque appetitum utilitatis suæ, naturæ ipsius magisterio atque impulsione ducuntur. Non solum autem omnium malorum causa est amor proprius, sed præcipue abolendæ charitatis in proximos. Cum enim meum, & tuum, frigidum sit verbum, sicut optimè dixit Chrysost. Orat. de sancto Philogonio tom. 3. Meum, inquit, & tuum frigidum illud verbum, & quidquid est malorum in vitam nostram inuehens, innumeræque gignens bella, ardori charitatis opponitur, eundemque extinguit. Deinde, cum ex sententia Gregorij homil. 5. in Euang. quicquid in hoc mundo nobis concupiscimus, hoc proximis inuideamus, qui fieri potest, ut proximi amori locus supersit, cum omnia nobis optemus, & sola nostra queramus? Contra quos nihil durius proferre possumus quam id quod D. Maximus Centuria 5. cap. 14. ait, sc. diligere proximum supra seipsum, maximè proprium esse legi gratiæ. Vide igitur qualiter redarguendi sint à lege, qui nihil nisi se diligunt, quanto magis supra se?

A D E O Q V E hoc vitium inoleuit, omniumque irrepsit animis, ut inde liceat cuique inferre decrepitam mundi ætatem, & morientem iam mundum: sicut enim initio nascentis orbis, dumque adhuc infans esset, ad instar infantis primus homo oblatione pomi vetiti deceptus est, spoliatusque originalis iustitiæ bonis, deinde adolescens mundus ardore libidinis *Genes. 6.* æstuans, aquarum inundationem postulauit, postea in virili ætate, viribus, armisque colluctatus, dominandique cupiditate correptus, nobis proponitur libris ludic. Reg. ac Machab. quasi singula vitia singulas ætates committentur, & cuilibet statui respondeant proportionata vitia; modò dum mundus senio confectus, oculisque caligans, se solummodo videt, ad seque omnia attrahit, & refert moribundus, veluti senex morti proximus vestes, & operimenta colligit: sic itidem in se collectus mundus, se tantum diligit, imò se minimè diligit, quin potius odit; qui enim malè amat, proculdubio odit, sicut dixit August. tractat. 50. in Ioann. qui etiam lib. quinquaginta homil. hom. 37. sic ait: Primum discere amare Deum, deinde teipsum, post hæc, dilige proximum sicut teipsum.

P V T A N T homines nonnulli legitimo ordine se amare, quando res alienas rapiunt, quando se inebriant, quando per diuersas calumnias iniusta lucra conquirunt; isti tales audiant Scripturam dicentem: *Qui diligit iniquitatem, odit animam suam. Psal. 10.*

D E I N D E maximum in se exercet odium, dum sibi quisque adimit potestatem Deum adeundi, truncosque reddit pedes ad currendam viam, perueniendumque ad promissum brauium. Namque, sicut dixit Augustinus in Psalm. 33. Pedes tui charitas tua est, duos habeto pedes, noli esse claudus. Qui sunt duo pedes? duo præcepta dilectionis Dei, & proximi. Istis pedibus curre ad Deum. Istos proinde pedes sibi misero auferit, qui seipsum solummodo diligit, & omnia alia propter seipsum. Pro qua doctrina facit etiam id quod dixit August. in Psalm. 140. Amor iste tartareus est, viscum habet, quo deiciat in profundum, non pennas, quibus leuet in cælum.

§. V.

Quomodo lex redarguat transgressores.

DOCEt etiam Apostolus hoc loco diuinæ legis opus esse nos coarguere, & damnare de peccato acceptionis personarum, cum ipsa præcipiat quemlibet proximum, quasi nosmetipsos diligere. Quod etiam dixit Ambr. lib. de fuga sæculi c. 7. Lex factum damnat. Et Chrysost. homil. 11. in epist. ad Rom. Ipsa quidem lex redarguit prætergressionem, gratia autem soluit. Vnde notauit Alcuinus, & D. Hieronym. sæpe à Dauide in Psalm. 118. præcepta Dei testimonia appellari, vt homines intelligant, inquit, Hier. se coram testibus deliquisse; lex enim Dei testimonium perhibet contra præuariatores; quo sensu dixit Christus Dom. Moysen accusaturum Iudeos, quia scilicet ex ipsius libris sint conuincendi in iudicio de incredulitate Messia, & de præuicatione præceptorum. Ioan. 5.

FACIT etiam & ille locus Deut. quando Deus apparuit de monte Pharaon, & in dextra eius ignea lex. vbi Caietani interpres sic existimat vertendum, à dextris eius ignis, & lex, non quasi Deus in sua dextera habuerit legem, & ignem, sed apparatus Iudicis describitur eo in loco, cuius alius minister legē deferrebat, alius verò ignē, vt intelligerēt delinquētes diuinā animaduersionem per ignē significatam, proindeque legis obseruationē curarent. Deut. 33.

POSSVMVS etiam & huius redargutionis à lege aliam rationem assignare, quia si leges dicuntur medici à Philone suprà relato, si viri consiliarij à Dauide; namque vbi nos habemus. *Testimonia tua meditatio mea est, & consilium meum iustificationes tua.* Felix transtulit: *Mandata tua solatia mea, & iustificationes tua viri consilij mei.* Cum verò & medici, & consiliarij in vtilitatem eius qui eos vocat, dirigantur: vnde Salomon dixit; *Si seruaueris mandata, seruabunt te;* qua quidem in re cordati Pharisei, si sic etiam in obseruando essent, mandata Decalogi complicantes, & ligantes, in fronte quasi custodiam, & munimentum sui habebant, vt Hieron. annotauit; Phylacterium enim ex proprietate sua custoditorium est, conuenitque in legem quæ nos custodit, vt non in capite solùm, sed etiam in corde sit. Inde ergo est quoddam redarguat eos qui legem non seruant. In quam sententiam videndus est Hier. tom. 1. epist. ad Celantiam, cum ita ait: *Quid tam superbum, ingratum, &c. quàm illius præcepta despiciere, qui ideo aliquid imperat, vt causas habeat remunerandi? neque enim obsequij nostri Deus indiget, sed nos illius indigemus imperio: mandata eius desiderabilia super aurum, & lapidem pretiosum, in custodiendis illis retributio multa.* Idcirco illa immensa bonitas Dei offenditur, quia eam per tanti etiam præmij detrimenta contemnimus. Similiâque habet D. Greg. 8. Mor. c. 9. vbi ostendit legis obseruantiam in nostram, non legislatoris vtilitatem cedere, ideoque existimat dictum à Iob, *quid faciam tibi?* Ostenditur, inquit, quia hæc ipsa bona, quæ agere præcipimur, non præceptori, sed nobis profunt. Vnde Salomon ait, *Donum bonum tribuam vobis.* vbi propriè ex Hebr. doctrinam, aut legem Psal. 118. Prov. 7. Iob. 7. Prov. 4.

legem tribuam vobis, quia singulare donum Dei est, quod custodientibus maximè prodest, ideoque Dauid maximam voluptatem iusti, & delectationem in lege Domini asserit; pro eo enim quod nos habemus, *in lege Domini voluntas eius*, Hebraica veritas, voluptatem & delectationem sonat, quam iustus habet, dum obseruat legem Dei, quæ tota nobis proficiua est, & utilis. Ideoque meritò nos redarguit, dum contra eam delinquimus; quæ in re nobis maximè nocemus.

Verf. 10. *Quicumque autem totam legem seruauerit, offendas autem in uno, factus est omnium reus.*

Verf. 11. *Qui enim dixit, Non mæchaberis, dixit &, Non occides. Quòd si non mæchaberis, occides autem, factus es transgressor legis.*

EXPOSITIO LITERALIS.

NE alicui leue peccatum videretur acceptio personarum, & defectus in charitate circa proximum, neue aliquis diceret, etsi honoratiorem locum diuitibus præstaret, ob id tamen se legem non transgredi, ex eo, quia pauperi non detraxit, aut quid incommodi intulit; respondet Apost. potius esse transgressorem totius legis, & contèptorè authoris eiusdè esse reputandum.

PRIMA igitur difficultas huius loci posset versari in explicando quid intelligat Iacobus hoc loco per legem. *Legis* namque nomen in sacris literis non est angustum, vt tantum sumatur pro ea ratione, quæ iubet faciendâ, & contraria prohibet, sed sumitur etiam pro ea parte, quæ mores vtrumque instruit, vitæque informat; quæ ratione lex complectitur alios etiam libros præter Pentateuchum, quos Christus legem appellat; *Nonne* 10. 40. *scriptum est in lege vestra; Ego dixi, Dî estis?* & iterum: *Vi compleatur sermo qui in* 10. 13. *lege eorum scriptus est; Odio habuerunt me gratis.* Quæ loca ex Dauide sumpta sunt. Et Paulus proferens testimonium ex Genes. ait: *Qui sub lege vultis* Gal. 4. *esse, legem non legistis; Scriptum est enim, quoniam Abraham duos filios habuit; & quod* Isaïas scripsit, ait in lege scriptum esse, *quonia in aliis linguis, & labiis aliis loquar* 1. Cor. 14 *populo huic.* Vnde Greg. Nyss. Præfat. in Cant. Magnus Apostolus, inquit, legem dicens, spirituale legis nomen comprehendit, etiam historicas narrationes, adè vt vniuersa à Deo inspirata Scriptura sit lex iis, qui ipsam legunt, non solum per præcepta, sed etiam per historiam erudiens, & ad cognitionem mysteriorum, & sinceram vitæ institutionem. Hoc tamen loco strictius sumitur lex, prout solum comprehendit Decalogi præcepta.

SECUNDA huius loci difficultas oritur ex multis variisque eius interpretationibus: iamque suo tempore August. de eo sic ait epist. 29. ad Hieron. *Quæro, & per Deum obsecro, vt exponas mihi quod multis existimo profuturum, quomodo accipiendum quod in epistola Iacobi scriptum est.*

est. *Quicumque totam legem seruauerit, offendat autem in uno*, &c. Singulas proinde retere mus expositiones, vt cuique liceat quam maluerit, probare.

PRIMA est Augustini cit. epist. 29. quem sequitur Beda, probat Occumen. & alij. vt sit sensus: *Qui delinquit contra charitatem, in qua comprehenduntur omnia præcepta, reus vtique fit omnium.*

Hæc expositio in eo potest fundari, quia antea loquutus fuerat Iacobus de Regali lege charitatis; & pro ea facit id quod dixit Gregor. hom. 27. in Euang. Præcepta Domini multa sunt, & vnum. Multa per diuersitatem operis, vnum in radice charitatis, dixeratque, omnia vnum præceptum sunt, quia quidquid præcipitur, in sola charitate solidatur. Idemque Aug. Sermon. 61. de Tempore, circa præsentem locum sic ait. *Qui offenderit in uno.* Quid est hoc vnum, nisi quod supra diximus, *Mandatum nouum do vobis, vt vos inuicem diligatis?* Quid est hoc vnum, nisi quod Apostolus dicit; *Omnis lex in vno sermone completur; Diliges proximum tuum, sicut teipsum?* Vnde sequitur, vt qui vnum aliquod præceptum violat, cōsequenter violet charitatem; quemadmodum pulchrè docet Author operis imperfecti in Matth. hom. 35. Sicut, inquit, miles, si toto corpore fuerit armis vestitus, & vnā partem haberit nudā, nihil ei prodest, quodd toto reliquo corpore fuerit ferro vestitus, si per illam partem sagitta eum percusserit, sed sic cadit, quemadmodum si totus fuisset nudus; & sic Christianus, si iustitiam fecerit, & in vno peccauerit, similiter peccator statuitur, ac si semper peccasset. Similem etiam doctrinam habet Greg. lib. 19. Moral. c. 16. quam ex hoc loco Iacobi confirmat, & ex illo Ecclesiastici 9. *Qui in vno peccauerit, multa bona perdet.* In quam sententiam etiam facit Hieron. relatus hic à D. Thom. qui ait: Vbi est charitas, quid est quod possit abesse? vbi non est, quid est quod possit prodesse? Hanc denique sententiam sequitur Innocentius I. Sermon. 1. in Dominic. 2. post Pascha. Reus itaque fit omnium præceptorum qui peccat contra charitatem, à qua pendent omnia Dei præcepta.

SECUNDA expositio est D. Hieronymi lib. 6. in Isai. vbi asserit fieri omnium præceptorum reum, qui vnum aliquod præceptum infringit, quod sic prosequitur. Dauid dicebat. *Benedic anima mea Domino, & omnia interiora mea nomen sanctum eius.* Quomodo enim cithara non emittit vocalem sonum, atque compositum, si saltem vna chorda rupta fuerit, sic spiritualis venter Prophetæ, si vna in eo virtutum chorda defuerit, non poterit melos dulce resonare. Philosophorum quoque sententia est, hæc se sibi virtutes, & Apostoli Iacobi, cui vna defuerit, huic omnes virtutes deesse. Quæ sententia potest confirmari ex ratione legis ex Hebr. Nam nomen legis *חורר Thorah*, quidam deducunt à radice *חור Thur*, quod est explorare, aut circumquaque lustrare, & obsidere, quia lex vniuersa est diligenter exploranda, & circumquaque custodienda & obseruanda, ne quis in vno offendat: cum enim præcepta omnia legis connexa sint, in vna offendens, fit & omnium reus. Vnde Basil. *De oper. infructuos. nō communic.* Iniquus, inquit, est omnis qui legem ex parte seruat, vel qui vnum tantum neglexerit mandatum, vnum, inquit, quauis minimū, si desideratur in lege tota, excidisti lege. Fauentque huic

Ioh. 15

Psal. 101

huic expositioni aliqui recentiores hoc loco, qui dicunt, *factus est omnium reus*, quia nihil ei prodest reliqua seruasse, si vnum non seruat.

Ex. 18. TERTIA expositio est Thomæ, Catrensis, & Carthusiani, qui dicunt quod offendens in vno sit omnium reus, non absolute, & simpliciter, sed quodammodo, quatenus scilicet omnium bonorum operū præcedentium meritis priuatur, iuxta illud Ezech. *Si auerteris se iustus, & fecerit iniquitatem, omnes iustitie, quas fecerat, non recordabuntur; & iterum. Qui in vno peccaueris, multa bona perdet.*

QUARTA expositio, quam velut propriam ponit Caietan. & dicit esse literalem intentamque ab Apostolo, est D. Hieronymi Dialog. 1. cont. Pelag. Eam habet Glor. & sequitur D. Thom. 1. 2. q. 73. art. 1. quodd, scilicet dicatur reus omnium, eo quod in Deum peccet qui totius legis author est, quique contemnitur. Ille verò qui eum contemnit in vno, quantum est ex se, in omnibus videtur contempsisse, sicut qui dissentit vni articulo fidei, omnibus dissentire videtur, fidemque amittit, & quod omnia præcepta tunc non infregerit, vel fuit, quia defuit occasio, vel ex alio humano respectu.

ULTIMA expositio est Lyrani & Titelmani, & facit hunc sensum. Qui in vno peccauerit, factus est omnium reus, incurrendo pœnam damni, quæ est carentia diuinæ visionis, & incurritur per quamlibet transgressionem legis Diuinæ, quæ in omnibus peccatis æqualis est, pœna scilicet damni. Quanquam pœnam sensus incurrat grauiorem, qui plures transgressionem committit. Quodd verò de pœna damni intelligatur hic locus, litera sequenti ostenditur, quæ ait: *Qui enim dixit; Non mœchaberis, dixit & Non occides, &c.* In qua expositione illud notandum velim, quod etiam cæteris expositionibus conuenit, optimèque aduertit Bellarmin. lib. 1. de amiss. grat. c. 12. longè aliter accipere Apostolum hoc loco *offensionem*, atque cap. 3. cum ait: *In multis offendimus omnes*; hic enim de offensione criminali, vbi verò de veniali loquitur, ideòque hic addit; *Factus est omnium reus.* Ibi verò subiungit; *Qui autem non offendit in verbo, hic perfectus est vir*; quo quidem additamento declarauit se de ea offensione loqui, quæ perfectioni, non necessariz integritati opponitur.

ILLUD etiam cum August. & Hieronym. aduertendum est hoc loco, neminem scilicet ex eo posse rectè colligere omnia peccata æqualia, vel paria esse; quod fuit Stoicorum paradoxon, vt apparet ex Cicer. in 3. Paradox. Posteaque fuit hæresis Iouiniani proscripta, & damnata ab eodem Aug. lib. de hæresib. cap. 82. & epist. 29. & à D. Hieronym. lib. 2. contra eundem paulo post medium.

VNDÉ miror quodd Castro lib. 12. v. *Peccatum*, hæresi 8. neget notā fuisse Hieronymo hanc hæresim, cum etiā Aug. dicta epist. laudet Hiero. quodd cum errorem Iouiniani doctè confutauerit. Etenim Christus Dom. disertè confirmat quædam peccata aliis esse grauiora, cum ait; *Qui irascitur fratri suo, reus erit iudicio, qui dixerit Raka; reus erit concilio. Qui autem dixerit, fatue, reus erit gehenne ignis.* Quod insuper probatur ex Mat. 12. Io. 19. & Deut. 25. Ezech. 9. 1. Ioan.

1. Ioan. 5. Ex Patribus videndus Nazianz. in Carmine ad Virgin. Orig. hom. 5. in Leuit. & Hieron. in c. 9. Ezech. & in epist. ad Celantiam. Qua de re videndi recentiores Theologi cum D. Thoma 1. 2. q. 73. art. 2.

§. I.

Quæ mala per peccatum incurramus.

Hic locus ad nostram eruditionem, miseram peccatoris conditionem. Rob oculos proponit, qui quolibet mortali peccato reus gehénæ red-
ditur, bonæque supernaturalia gratiæ amittit, excepta fide & spe, dummo-
do contra has virtutes non delinquat. Præcedentia insuper merita morti-
ficat, ita vt nihil ei tunc possint prodesse: quo sensu possumus intelligere
illud Osee, *Maledictum, & mendacium, & homicidium, & furtum, & adulterium* Cap. 4.
inundauerunt. Vbi enumerans peccata illius populi, eleganti similitudine
ostendit eorundem effectum, quodd scilicet, sicut aquæ cum sese aluei nō ca-
piunt, per ripas, & loca vicina expanduntur, & quicquid seminatū, natūm-
que fuerat, operiunt; & demoliūtur, sic quodlibet enumeratum peccatum,
quicquid seminatū, & natum fuerat, destruit. Est enim peccatum veluti Mat. 24.
illa abominatio desolationis stans in loco sancto; ideoque Dauid iniquita- Psal. 135.
tem odio habens, eandem abominabatur. Stans igitur abominatio peccati
in loco sancto, anima scilicet, quæ ante peccatum admissum locus sanctus
erat; *templum Dei estis vos*, ait Paulus. Et Clem. Alex. 7. Stromat. animam ius- 1. Cor. 6.
tam altare Dei dixit. Sic enim habet: Aram autem verè sanctam iustā ani-
mam. Omnia igitur bona animæ sanctæ hæc abominatio desolationis de-
molitur & perdit. Vnde Bernar. 5. de Considerat. cap. 10. Peccato redacti in
nihilum, iteratō creati sumus. Et Serm. de Triplici coharētia vinculorum; Psal. 77.
Ego ad nihilum redactus sum, & nesciui, verè ad nihilum, i. ad peccatum.

QUæ in re similes videntur peccatores Nazaræis antiquis, qui votum Num. 6.
ad tempus emittentes, si viso mortuo ante vltimum diem sui voti pollue-
rentur, ad primum denuō recurrebant. *Dies priores*, inquit Textus, *irritantur*,
quoniam polluta est sanctificatio eius: ac si non perseverasse in obseruantia le-
gis, idem foret ac non inchoasse, vt bene ibi exponit Rabanus, qui assert il-
lud Ezech. vbi dicitur: *Cum conuersus fuerit iustus à iustitia sua, & fecerit iniquita-* Ezech. 13.
tem, omnes iustitie eius obliuioni tradentur. Et D. Hieron. lib. 6. in c. 15. Isai. expli-
cans illa verba: *ad torrentem Salicum ducent eos*, ait: Peccatores ducuntur ad Isai. 15.
vallem Salicum, vt nullus in eis fructus remaneat; hanc enim seminis ha-
rum arborum esse naturam dicunt, vt qui illud in poculo hauserit, liberis
careat, fructu, scilicet, bonorum operum. Multaque hac de re habet Hiero-
nym. lib. 7. & lib. 17. in Isai. & lib. 1. in Thren. & August. tract. 1. in Ioann.
vbi ait, nihil fieri homines cum peccant. Quod etiā profequitur D. Thom. 1. Cor. 13.
in illud Pauli: *Si charitatem non habuerit, nihil sum.*

Hic est quodd D. Ambrosius per admirationem, & exaggerationem
interpretatur illud quod dixit Deus Adamo. *Vbi es?* Sic enim habet libr. de Gen. 3.

Paiz in Epist. B. Iacobi.

QQ.

Parad.

- Parad. c. 14. Non locum quærit, qui nouit arcana; non in quo loco quæro: sed in quo situ, quò te perduxerunt peccata tua? Unde Chrysost. Sermon. 2. de Prodigio, explicans illud quod Lucas ait; *In se reuersus*, ait: In se rediit qui à se antè recesserat, & Sermon. 5. Cùm in se non esset, non erat secum. Videtur enim extra se ferri, mentemque & intellectum egredi, qui pro vili & commutabili bono, tot simul bona amittit, & tot malorum fit reus. Pro qua sententia est etiam videndus Gregor. 8. Moral. cap. 7. c. cum ponderat id quod Christus Dom. dixit cuidam quem curauerat; *Vade in domum tuam*. Quia nimirum dignum est, vt peccator post veniam ad mentem suam redeat, extra se per inobedientiam missus, mentis suæ locum perdidit. Cùm ergo per quodlibet peccatum tot bona amittantur, quæ non posset amittere, qui rectæ mentis compos esset: cùmque reatus æternæ pœnæ incurrat, summopere curandum est, vt omnia seruemus quæcumque nobis Deus mandauit. *Debitores enim sumus vniuersæ legis faciendæ*, sc̃m̃ is qui in vno offendit, statim omnium reus fiat.
- Luc. 15. de Prodigio, explicans illud quod Lucas ait; *In se reuersus*, ait: In se rediit qui à se antè recesserat, & Sermon. 5. Cùm in se non esset, non erat secum. Videtur enim extra se ferri, mentemque & intellectum egredi, qui pro vili & commutabili bono, tot simul bona amittit, & tot malorum fit reus. Pro qua sententia est etiam videndus Gregor. 8. Moral. cap. 7. c. cum ponderat id quod Christus Dom. dixit cuidam quem curauerat; *Vade in domum tuam*. Quia nimirum dignum est, vt peccator post veniam ad mentem suam redeat, extra se per inobedientiam missus, mentis suæ locum perdidit. Cùm ergo per quodlibet peccatum tot bona amittantur, quæ non posset amittere, qui rectæ mentis compos esset: cùmque reatus æternæ pœnæ incurrat, summopere curandum est, vt omnia seruemus quæcumque nobis Deus mandauit. *Debitores enim sumus vniuersæ legis faciendæ*, sc̃m̃ is qui in vno offendit, statim omnium reus fiat.
- Mat. 1. cùm ponderat id quod Christus Dom. dixit cuidam quem curauerat; *Vade in domum tuam*. Quia nimirum dignum est, vt peccator post veniam ad mentem suam redeat, extra se per inobedientiam missus, mentis suæ locum perdidit. Cùm ergo per quodlibet peccatum tot bona amittantur, quæ non posset amittere, qui rectæ mentis compos esset: cùmque reatus æternæ pœnæ incurrat, summopere curandum est, vt omnia seruemus quæcumque nobis Deus mandauit. *Debitores enim sumus vniuersæ legis faciendæ*, sc̃m̃ is qui in vno offendit, statim omnium reus fiat.
- Galat. 5. *Debitores enim sumus vniuersæ legis faciendæ*, sc̃m̃ is qui in vno offendit, statim omnium reus fiat.

§. II.

Vitanda transgressio legis ratione ingratitudinis.

- NO N est tamen omittenda hoc loco ea expositio quam affert August. lib. de vera & falsa pœnitentia cap. 14. quòd is qui offendit in vnum præceptum, fiat omnium reus, propter ingratitudinem; quam expositionem affert Magister in 4. distinct. 16. Sicut enim parabola de seruo debitore docet, omne debitum aliàs etiam dimissum, & condonatum, repetitum fuisse à seruo nequam, qui beneficij accepti oblitus, & domino ingratus, noluerat parcere, & misereri conseruo suo roganti: dignus namque censetur ingratus seruus, qui diuinis beneficiis spoliatur, & maiori supplicio afficiatur. Sumit enim nouum peccatum incrementum ex ingratitudine prioris remissionis, quanuis remissorum non redeat reatus, vt sanior habet doctrina. Proindeque Ioan. 5. monet sanatum Paralyticum. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Et pro hac re est Aug. videndus lib. de fide & operib. c. 25. Ser. 84. de Temp. Ser. 12. de verb. Dom. & Ser. 112. Cócione 2. super Pl. 80. Ioannes Collator, Collat. 5. c. 25. Chrysost. hom. 44. in Matt. cùm ponderat reditum Spiritus maligni ad eam animam quam reliquerat diuina gratia, afferentis secum septem spiritus nequiores se.
- Mat. 18 præceptum, fiat omnium reus, propter ingratitudinem; quam expositionem affert Magister in 4. distinct. 16. Sicut enim parabola de seruo debitore docet, omne debitum aliàs etiam dimissum, & condonatum, repetitum fuisse à seruo nequam, qui beneficij accepti oblitus, & domino ingratus, noluerat parcere, & misereri conseruo suo roganti: dignus namque censetur ingratus seruus, qui diuinis beneficiis spoliatur, & maiori supplicio afficiatur. Sumit enim nouum peccatum incrementum ex ingratitudine prioris remissionis, quanuis remissorum non redeat reatus, vt sanior habet doctrina. Proindeque Ioan. 5. monet sanatum Paralyticum. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Ioan. 5. monet sanatum Paralyticum. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Eccles. 17. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Eccles. 34. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Luc. 11. Chrysost. hom. 44. in Matt. cùm ponderat reditum Spiritus maligni ad eam animam quam reliquerat diuina gratia, afferentis secum septem spiritus nequiores se.
- Mat. 18. præceptum, fiat omnium reus, propter ingratitudinem; quam expositionem affert Magister in 4. distinct. 16. Sicut enim parabola de seruo debitore docet, omne debitum aliàs etiam dimissum, & condonatum, repetitum fuisse à seruo nequam, qui beneficij accepti oblitus, & domino ingratus, noluerat parcere, & misereri conseruo suo roganti: dignus namque censetur ingratus seruus, qui diuinis beneficiis spoliatur, & maiori supplicio afficiatur. Sumit enim nouum peccatum incrementum ex ingratitudine prioris remissionis, quanuis remissorum non redeat reatus, vt sanior habet doctrina. Proindeque Ioan. 5. monet sanatum Paralyticum. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.
- Luc. 11. Chrysost. hom. 44. in Matt. cùm ponderat reditum Spiritus maligni ad eam animam quam reliquerat diuina gratia, afferentis secum septem spiritus nequiores se.
- Mat. 18. præceptum, fiat omnium reus, propter ingratitudinem; quam expositionem affert Magister in 4. distinct. 16. Sicut enim parabola de seruo debitore docet, omne debitum aliàs etiam dimissum, & condonatum, repetitum fuisse à seruo nequam, qui beneficij accepti oblitus, & domino ingratus, noluerat parcere, & misereri conseruo suo roganti: dignus namque censetur ingratus seruus, qui diuinis beneficiis spoliatur, & maiori supplicio afficiatur. Sumit enim nouum peccatum incrementum ex ingratitudine prioris remissionis, quanuis remissorum non redeat reatus, vt sanior habet doctrina. Proindeque Ioan. 5. monet sanatum Paralyticum. *Ecce sanus factus es, iam noli peccare, ne deseris tibi aliquid contingat*. Et Ecclesiastic. ait: *In duobus contristatum est cor meum: & in tertio iracundia mihi aduenit. Vir bellator deficiens per inopiam, & vir sensatus contemptus, & qui transgreditur à iustitia ad peccatum, Deus parauit eum ad rompheam*. Et iterum: *Qui baptizatur à mortuo, & iterum tangit eum, se. rediens ad peccatum: ut ibi exponit Interlinearis, quid proficit lauatio illius?* (quasi dicat: nihil, vt ibi Lyran. nam immundus efficitur sicut antè); sic homo qui ieiunat in peccatis suis: & iterum eadem faciens, quid proficit humiliando se: quem locum ad hoc propositum exponit Rabanus ibi; & Gregor. in Psalm. 4. pœnitent. & lib. 1. epist. 39.

DE

DEBET igitur peccator introductus in promissam gratiæ terram, secum expendere vnde exierit, & ad quæ bona admissus sit, ne ea tandem amittens, maiorum suppliciorum fiat reus. Namque, sicut dixit Aug. Ser. 67. de Tempore, semper Dei beneficia quæ nullis præcedentibus meritis nobis collata sunt, cogitamus, peccata nostra nobis aut non dominantur, aut si fortè subreperint, citò per pœnitentiam corriguntur: ad quam recordationem facit locus ille Iosue: *Tulit lapidem prægrandem (is autem erat Iosue 14 ex illis qui fuerunt desumpti ab alueo Iordanis siccato) posuitque illum subter quercum que erat in Sanctuario Domini.* Quòd si quis statim obliuiat, fieri non posse vt in Sanctuario Domini esset quercus, cum Deus dixerit in Deut. *Non plantabis lucum, & omnem arborem frondosam iuxta altare Domini Dei tui.* Cap. 16. Omisiss aliis solutionibus, in præsentī argumento sufficiet ea quam affert Lyran. sequutus de more Rabbi Salomonem. Obseruat igitur vocem Hebræam *האלה* *Allah*, æquiuocam esse, & significare cum quercum, cum limen: quando ergo dicitur, *posuit lapidem subter quercum*; Lyranus intelligit *subter limen*; & ita existimat loquendum. Iuxta hunc igitur sensum ideo Iosue posuit lapidem allatum ex Iordane, qui ad promissam terram præbuit ingressum, vt filij Israël ingredientes Sanctuarium recordarentur diuini beneficii, per talémque recordationem à Deo in ea terra sibi concessa conseruarentur. Sic etiam & reconciliatus peccator meminisse debet vnde exierit, ne tandem à gratia excidat, & per ingratitudinem fiat denuò omnium reus.

§. III.

Summa cura custodienda est qualibet virtus, propter mutuat earum connexionem.

THESAVRVM ergo in vasis fictilibus portantes vigilare debemus, 2. Cor. 4. ne quando in latrones incidamus, à quibus spoliati omnibus bonis, Luc. 10. plagis insuper afficiamur. Sed omnem curant subinferentes minstreus in fide nostram virtutem, in virtute autem scientiam, in scientia abstinentiam, in abstinentia autem patientiam, in patientia autem pietatem, in pietate autem amorem fraternitatis. Cum enim omnes virtutes inter se connexæ, & concatenatæ sint, vt ostendit Ambros. lib. 5. in Luc. c. de Beatitude. Hierony. in c. 5. Isai. & in c. 56. & lib. 1. contra Pelag. Aug. lib. 6. de Trinit. cap. 4. & epist. 29. Bern. 1. de Considerat. c. 6. Scholastici Theologi cum Magistro in 3. distinct. 36. & recentiores cum D. Thom. 1. 2. q. 65. quod etiam sequuti sunt Philosophi, vt patet ex Plut. Orat. 1. de fortuna Alexandri, cum ait: *Stoicum decretum est, quidquid agit sapiens, omnibus cum virtutibus agere, & vnāquamque virtutem primas obire partes, reliquas autem socias omnes sibi perficienda rei aspicere.* Quod etiam dixit Seneca epist. 68. *Cum aliquis tormenta fortiter patitur, omnibus virtutibus utitur, fortasse cum vna in promptu sit; & maxime appareat patientia. Caeterum illic est fortiundo, cuius patientia, & poressio, & tolerantia rami sunt, illic est prudentia, sine qua nullum.*

QQ 2 inuirt

incitur consilium, illic est constantia, illic est diuiduus ille comitatus virtutum, &c.

Vnde rectè colligit D. Ambros. loco citato, qui vnam habet virtutem, ceteras omnes habere, sicut & qui vnam offendit & amittit, ceteras cōsequenter lædit, & amittit. Neque enim vnaquæque virtus verè est virtus, ait Gregor. 1. Mor. cap. 19: si mixta aliis virtutibus non est, &c. quæ latè in hanc sententiam prosequitur.

CAVENDVM proinde & vigilandum nobis est, quò virtutum chorum in nobis custodiamus, imò & à nobis. Pro qua re videndus est Aug. lib. 8. de Genes. c. 10. cùm quærit, cur Scriptura dixerit; *Possit eum*, sc. Adam, *Deum in Paradiso voluptatis, ut operaretur, & custodiret*, cùm nullus alius extiterit, à quo tunc temporis posset Paradisus custodiri? & respondet; Paradisum custodire posset non aduersus improbos aut inimicos, qui nulli erant, sed eundem Paradisum ipse sibi custodiret, ne aliquid admitteret, quare inde mereretur expelli.

Verf. 12. *Sic loquimini, & sic facite, sicut per legem libera:is incipientes iudicari.*

EXPOSITIO LITERALIS



V C V S Q V E instruit fideles ad exhibitionem honoris debiti, modò instruit ad opera misericordie exhibenda, de quibus latè agit. Sensum igitur præsentium verborum optimè attingissè videtur D. Thomas hic, quasi dicat Apostolus: Ne ergo sitis transgressores legis, sic loquimini, scilicet, verba charitatis, & sic facite, scilicet, opera pietatis. Non enim sufficit pietas & charitas in verbis, nisi etiam sit in factis, idque meliùs facietis, si attendatis fore ut statim sitis iudicandi (idem significat, *incipientes iudicari*) per legem Euangelicam quæ libertatis, est ob rationes iam dictas, & quia caret respectu personarum, sicut optimè notauit hoc loco Oecumen. Iudicandi igitur estis per legem Euangelicam, secundum quam dicit supremus Iudex: *Venite benedicti Patris mei, possidete paratum vobis Regnum à consuetudine mundi: esurui enim & dedistis mihi manducare; reprobi autem dicer: Discedite à me maledicti in ignem æternum, qui paratus est diabolo, & angelis eius: esurui enim, & non dedistis mihi manducare.*

§. I.

Debent verba fidelis erga proximum maximam charitatem redolere.

Hic locus in primis admonet, verba nostra ad proximos indigentes secundum charitatis leges esse proferenda, quod dixit Author Ecclesiastici. 4. stici. *Congregationi pauperum affabilem te facito*, vbi rectè Glossa: decet Christianum, equalibus & inferioribus affabilem esse & mitem, senioribus humilem, & iterum: *Nōne ardorem refrigerabit vos? sic & verbum melius quàm datum?* Nōne ecce verbum super datum bonum: ipsūque optima similitudine expressit

pressit Salomō cū dixit: *Sicut vitia coccinea labia tua*; vbi videtur fieri allusio ad eam vittam, siue funiculum (sic enim plerique ibi legunt) quo phlebotomus ante venæ scissionem, brachium alstringit, quo ita venas preparat ac disponit, vt etiam antequam phlebotomom accedat, venæque scindatur, ipse sanguis sponte erumpere, vtrōque egredi videatur: Sic & ea verba quæ charitate sunt plena, proindeque coccinea, ita alstringūt audientem, ita animum vndeque ligant, vt vel etiam ipsum sanguinem, per quem vita significatur, & in quo consistit, præfudere cogatur qui ea audit. Laudat igitur Salomon in anima, quæ Christi Sponsa est, labia charitate plena, diuinōque igne rabentia, quæ proximum audientem ligant, & vsque ad sanguinis effusionem obligant. Nihil enim sic primò internum animum ostendit, quàm lenia verba, vt qui in necessitate constitutus, remedium petiturus ad alium accedit, primo veluti vestibulo iam libentissimo animo suscipiatur. Vnde D. Ambr. lib. 2. de Abraham c. 1. Mens in sermonibus nostris habitat, & gubernat verba nostra, & vis eius ac disciplina in sermone elucet, & bonus paterfamilias à primo illo vestibulo domus æstimatur. Ita etiam de sermonibus nostris, mens nostra perpenditur, adeoque iudicat egens ac pauper frater se libenter suscipiendū, qui in primo limine verbis, scilicet, charitate feruidis suscipitur, & iam iam datur.

IN hoc sensu Christus Dom. dixit: *Bonus homo de thesauro suo proferi bonum.* Nam cor thesauro simile est, in illōque aurea & argentea verba concipiuntur & confluunt, indeque ad leuandas egentium miseras proferuntur. Videndus pro hac re Chrysost. hom. 38. in Matt. cū ita habet: Siquis lapide percussus, cæteris omnibus relictis ad genua tua sanguinolentus confugiat, aliōne tu vulnere caput eius percuteres, & vulneri adderes vulnus? Nequaquam profectò; sed potius priori vulneri medelam adhibere contenderes. Cur igitur oppositum in pauperes facis? An ignoras quantum prodellē incunda, & quantum obellē dura possit oratio? Similiāque habet hom. 21. in epist. ad Rom. vbi inter alia sic habet: *Quomodo ad Deum dicis; Miserere mei? quomodo peccatorum veniam petis, qui ei conuiciaris, qui tibi nihil peccauit, pœnāque pro fame, tantāque necessitate exigit? Non erigis iacentem, ecquid deiis? non succurris pauperati, quid coneris? Similiāque habet hom. 22. in eandem epistolam, multāque habet hom. 36. in Matt. & hom. 51. vbi probat, nos verbis posse efficere opera misericordiæ. Videndus hac de re Greg. 21. Moral. c. 14. vbi acriter agit in eos qui contumeliosè respondent egentibus.*

§. II.

Verba nostra debent comitari opera misericordia in egenos.

QVONIAM verò simulata est ea dilectio quæ in sola voce ac verbis posita est, vnde Ioann. dixit: *Filioli, non diligamus verbo, neque lingua, sed opere & veritate:* addit Iacobus, *sic facite*, quasi dicat. Iuxta normam charitatis

QQ 3 proximo

proximo loquimini, & iuxta eandem facite, ne quod luxuriat in flore sermonis, tenuetur & hebetetur in fructu, sicut dixit Ambrosius. Ser. 12. in Ps. 118. Et, sicut ait, Greg. 21. Moral. cap. 14. dilectio nostra semper exhibenda est, & veneratione sermonis, & ministerio largitatis, in cuius rei significationem videtur omnium rerum Creator dixisse ut fierent ea que fecit: *Ipse dixit, & facta sunt*; & postquam ea condidit, eadem benexit, fecit, inquam, & loquutus est. Cuius rei rationem possumus petere à Tertulliano. 2. contra Marcionem c. 4. cum ita habet: Sic benedicebat quæ benefaciebat, ut tibi totus Deus commendaretur bonus & dicere, & facere. Voluit itaque piensissimus Dominus in ipso Creationis limine, & verbis declarari bonus, & operibus ostendi, ut eum etiam imitaremur & bene loquendo, & benefaciendo fratribus.

IN quam sententiam facit id quod notauit Philo lib. de Decalogo; dixisse scilicet Scripturam, quando Deus dedit legem populo. Vniuersus populus videbat vocem apertissime, magna enim vox auditur; Diuina visu percipitur. Quare? quia quæcumque Deus dicit, non verba sunt, sed opera, quorum iudicium non tam est penes aures, quam penes oculos. Ex qua notatione Philonis illud colligimus, Deum verbis opera adiungere solere; verbaque operibus induere, ideoque cum proprium sit verborum auribus percipi, verba Dei eo quod nunquam ab operibus sciungantur, ratione operum dicuntur videri, potius quam audiri. Voluit enim Deus nos instruere, ut quantum possemus verbis opera coniungere niteremur. Quibus similia habet lib. de migratione Abrahamæ.

FACIT etiam ad præsens institutum ordo, quem Sponsa sequuta est in commendando Sponso. Statim enim atque laudauit Sponsi labia, continuo manus eiusdem commendauit; sic enim habet: *Labia eius lilia distillantia myrrham primam, manus eius torquiles aurea*. Verba namque Diuini Sponsi perpetuo operibus coniunguntur, ideoque idem est loqui in Deo ac operari. Ad imitationem ergo Dei admonet Iacobus ut iuxta charitatis legem loquamur & faciamus, voxque ac manus nostræ electi Iacob reperiantur esse, quod in Iudicio extremo diuinam benedictionem promereamur accipere. *Venite benedicti Patris mei*.

Hoc ipsum docuit Hieronymus. in reg. Monach. c. de charite. vbi per occasionem explicat illud Pauli, *hospitalitatem sectantes*; quod ipse legit, & ita habet vox Græca; *Hospitalitatem persequentes*; ut non leui, vltimoque sermone, & (ut ita loquar) summis labiis hospites inuitemus, sed toto mentis ardore, & pectoris charitate teneamus, quasi auferentes secum de lucro nostro atque compendio.

ILLUD tandem hoc argumentum concludet, quod dixit Dauid de ore ac verbis sancti viri: *Os iusti mediu abitur sapientiam*. vbi Hebr. habetur; *Os iusti fructificabit*, vel *propagabit*. Verba enim iusti inania, & sterilia non sunt, sed simul cum fructu bonorum operum egrediuntur: utpote qui secundum legem charitatis, & loquitur, & facit.

§. III.

Quantū conducat ad bene operā dū recordatio extremi Iudicij.

QUO faciliiori autem ratione verbis opera adiungamus, faciamusque ea quæ loquimur, vrgens proponit motiuum extremi Iudicij, in quo secundum legem debemus iudicari: reuera enim nihil tam efficax ad retinendos homines in officio quàm vltimi Iudicij attenta consideratio. Vnde Dauid: *Dixi iniquis, nolite iniquè agere, & delinquentibus, nolite exaltare cornu, quoniam Deus Iudex est.* Notauitque Origen. hom. 5. in Psal. 36. ea verba Davidis superius allegata, *Os iusti mediabitur sapientiam, & lingua eius loquetur iudicium.* Duplici modo, inquit, lingua iusti intelligitur loqui iudicium, siue pro eo quòd omnia recto iudicio, & cum deliberatione, & consilio loquitur, vel quòd semper de futuro Iudicio loquitur iustus, vt commonens semper vel semetipsum, vel qui se audiunt. Et Basil. hom. in Martyrem Iulitam, & in Psal. 32. Quando peccandi tibi libido incesserit, veniat quæso in mentem horrendi iudicij Christi recordatio, vbi excelso sublimique folio ille Iudex præsidet, omnis verò creatura astant tremebunda, aderunt terrifici dæmones, &c. Et Chrysost. Sermon. aduersus impios Hæreticos: Quando loqui incipio de consummatione sæculi, & de secundo Christi Aduentu, horrore corripior & obstupesco, nam etsi cuncta opera Domini admirabilia sunt, & magna atque tremenda; at consummationis, & secundi ipsius Aduentus mysterium, omnem sermonem ac mentem cogitationemque excedit. Et Sermon. in illud Isai. *Si volueritis*, &c. ad finem tomi 1. Quis potest cogitare peccatum, qui supplicium cogitando veretur? & hom. 38. in c. 5. Ioan. Hoc Iudicium semper præ oculis habeamus, ita semper virtuti vacare poterimus, nam sicut qui diei illius obliuiscitur, tanquam fræno abiecto in precipitium defertur; *Inquinata sunt via illius in omni tempore: & causam avertit; auferuntur iudicia tua à facie eius:* ita quem continuus hic percellit timor, *Psal. 5.* modestè viuendi viam ingreditur.

Videndusque est D. Hier. epist. ad Florent. August. lib. 6. Confess. c. 16. lib. Soliloquior. c. 14. & Sermon. 35. de verbis Apostoli. Nec omittendus Nazian. Orat. 15. dum ait: Formidabile illud tribunal erit, magisque etiam iustum quàm formidabile, imò, vt rectius dicam, idcirco formidabilius, quia iustum. Quid responsi dabimus, cum præter beneficiorum multitudinem, quibus acceptis ingrati permansimus, plagas etiam insuper nobis probo vertet, ac medicinarum genera, quibus sanati non sumus, recensabit? Et Gregor. 14. Moral. c. 30. Cum in illo tremendo examine Iudex federit, videri potest, placari non potest, quia facta prauorum, quæ diu sustinuit tacitus, simul omnia reddet iratus. Et D. Bernard. epist. 1. ad Robertum. expendens id quod Dauid dixit: *Cum accepero tempus, ego iustitias iudicabo;* ait: *Psal. 74.* Quid faciet de iniustis iudiciis, qui ipsas quoque iustitias iudicabit? Illo verò loco nomine (*iustitia*) debemus intelligere ea quæ perfectissima nobis in vita esse videtur, sicut notauit Greg. 5. Moral. c. 8. dū dixit: Sæpe ipsa iustitia nostra

nostra ad examen diuinæ iustitiæ deducta, iniustitia est, & sordet in districtione Iudicis, quod in æstimatione fulget operantis. Vnde Paulus; *Nihil mihi conscius sum, sed non in hoc iustificatus sum*: qui causam mox insinuans ait, *Qui autem iudicat me, Dominus est*. Similia etiam habet 9. Mor. c. 10. & cap. 14. & Aug. 2. Confess. & 6. Confess. c. 6. & c. 13. Bernar. Sermon. 54. in Cant. vbi affert illud Sophoniæ: *Scrutabor Hierusalem in lucernis*; intelligit verò per (*Hierusalem*) viros iustos, & perfectos, quorum opera Deus sigillatim inquireret. Quid tutum, inquit Ber. in Babylone, si Hierusalē manet scrutinium? Hæc igitur qui pauet, cauet: nam qui negligit, incidit, sicut dixit idem Bern. Sermon. de Conuers. ad Cleric. c. 5.

MODVM autem cauendi apposuit Aug. lib. 50. hom. hom. vltima, dicens: Si timer homo quòd oportet nos præsentari ante tribunal Christi, ascendat ipse aduersus se tribunal mentis suæ, constituat se ante seipsum, loquatúrque & operetur, quasi per legem libertatis incipiens iudicari, vt docet Iacobus. Sic enim fiet vt postea non diiudicetur. Aduertit autem idem Aug. Sermon. 120. de Temp. magnam iam peccati pœnam esse, memoriam futuri Iudicii perdidisse.

Verf. 13. *Iudicium enim sine misericordia illi, qui non facit misericordiam; super exaltat autem misericordia iudicium.*

EXPOSITIO LITERALIS.



REDIT rationem Apostolus, quare erga proximum debeamus loqui, & operari, quali mox iudicandi à Deo iuxta charitatis legem. In extremo namque Iudicio quando magis necessaria erit misericordia, illi tantum concedetur qui misericorditer se in fratres habuerit. E contra verò qui nullam misericordiam præstiterit, nullam à Deo Iudice liberatricem misericordiam consequetur. Tunc enim primas partes obtinebit, superiorque euadet misericordia.

IVDICIVM igitur in Scriptura significat sententiam, 4. Reg. 25. *Apprehensum Regem duxerunt ad Regem Babylonis in Reblatah, qui loquutus est cum eo iudicium.* Hierem. 1. *Loquar iudicia vera cum eis super omnem malitiam eorum.* Dubium igitur est quid significet hoc loco, *iudicium sine misericordia*. D. Thomas intelligit iudicium damnationis, id est, iudicium absque misericordia liberante, & absolvente, sicut loquitur Caiet. hic. Ille qui non fecerit misericordiam, sicut contigit seruo illi, qui non est misertus conserui sui. Et ita hoc iudicio sumpto etiam pro damnatione, & supplicio per sententiam Dei illato, carebit misericordia saluatrice, non tamen omnino carebit misericordia, quia reprobis adhuc citra condignum puniuntur; sicut prosequitur August. 21. de Ciuit. Dei, cap. 24. vbi extendens Dei misericordiam ad damnatos, & quasi retractans id quod dixerat 2. de Ciuit. c. 24. & 27. lib. 3. de Symbol. ad Catechum. cap. 8. ait: Quibus placet istam sententiam

tentiam ex Psal. 66. *Nunquid obliuiscetur miseri Deus, aut conuicti in ira sua misericordias suas?* vsque ad illa impiorum tormenta protendere, saltem sic intelligant, vt manente in eis ira Dei, quæ in æterno est pronunciata supplicio, non contineat Deus in hac ira sua miserationes suas, & faciat eos non tanta, quanta digni sunt pœnarum atrocitate cruciari, non vt eas pœnas vel nunquam lubeant, vel aliquando finiant, sed vt eas mitiores, quàm merita sunt eorum, leuiorésque patiantur: sic enim & ira Dei manebit, & ipsa ira sua miserationes suas non continebit. Quibus similia habet Hier. in cap. vlt. Isaia. vbi ait iustitiam Dei apud inferos esse clemetia admixtam. Quod deducit Genebrar. ex illo loco Psalm. *Miserationes eius super omnia opera eius;* vbi sic ait: Ad vniuersa eius opera misericordia eius pertingit, erga omnia misericordiam suam exercet, vt & supplicium gehennæ moderatius sit, ac mitius, quàm scelerum nostrorum atrocitas mereatur, vtpote quia Deus vindex iustam pœnam misericordia & lenitate temperare solet. Et D. Thom. 1. p. q. 21. art. ad 1. In damnatione, inquit, reprobis apparet misericordia, non quidem totaliter relaxans, sed aliquammodo alieuans dum punit citra condignum.

SUPEREXALTAT autem misericordia iudicium. Syriac. habetur; *Exaltati estis per misericordias super iudicium;* quoniam misericordia hominem superexaltat, & extollit in iudicio, ne condemnetur. Græcè verò habetur: *Gloriatur, seu, exultat misericordia aduersus iudicium;* tanquam victrix, vt ait Caiet. Quoniam, scilicet, iudicium superat, & de iudicio triumphat, siquidem misericordes, vt ait Occum. misericordiam consequuntur, confertque misericordiam cum oleo quo athlete corpora ungebant. Dat enim, inquit, oleum elabi, ne ab aduersariis tenantur, & ita in vniuersali iudicio misericordia nostra erga egenos dabit effugere impetus, ac pericula, quæ à demonibus accusatoribus nostris imminébunt. Vnde Aug. lib. 30. homil. hom. 39. Ante fores gehennæ stat misericordia, & neminem perauitit in carcerem mitti. Similiâque habet eodem lib. hom. 19.

PERIQUÈ verò per Enallagem dici putant, misericordiam pro misericorde, rem videlicet pro persona, vt sit sensus: Qui misericors fuerit, securo, & confidenti animo erit in iudicio, nec est quoddam damnationem pro peccatis suis metuat. Quæ sententia ita intelligenda est, vt non foueat eorum errorem, qui putant grauissimos peccatores etiâ in delictis suis perseverantes, & morientes, tandem fore saluandos, si benefici, & misericordes fuerint in pauperes. Quod Aug. apertè refutat, & conuincit falsitatis lib. 21. de Cruce. 27. & in Enchirid. ad Laurent. c. 7. & Lactant. lib. 9. Diu. Inst. c. 13. Idemque Aug. Psal. 143. hunc locum interpretatur sic. Quid est, *superexaltat misericordia iudicium?* superponitur misericordia iudicio, in quo inuentum fuerit opus misericordiae.

VEL tandem possumus illud, *Superexaltat*, explicare metaphora sumpta à trutina, seu bilance, quasi in iustissima Dei libra, in vna lance iudicium collocetur, in altera verò misericordia, cæterum misericordia iudicio præponderet, ideòque lancem in qua iudicium est, eleuet, assurgereque

Pæz. in Epist. B. Iacobi.

RR faciat,

faciat, quia scilicet maioris ponderis est, quàm misericordia, plùsque placet Deo, sicut aliqui dixerunt, teste Carthuf. hoc loco.

Nisi forte placeat, superexcedere misericordiam iudicium, quantum ad affectus. Sicut hunc locum exponit Genebrat. Psal. 144. quæ est etiam expositio D. Aug. q. 105. in Exod. cum ponderat, Propitiatorium de super legem fuisse positum: similiâque habet q. 129. in eundem lib. cum loquitur de ornatu summi Sacerdotis.

§. I.

Quantum conducat in Iudicio misericordia erga egentes.

Hic locus, ex communi Patrum sententia, vrget eos, qui immisericorditer se erga fratres habent, cum Dominus pactum veluti constituerit nobiscum, & sponderit se eodem modo erga nos habiturum, quo nos vsi fuerimus in fratres, sicut prosequitur Aug. lib. 2. de Sermone Domini, c. 18. & hom. 41. in qua Orationem Dominicam exponit. Et Cypria. ad ea verba, *Sicut & nos dimittimus*. D. Leo Serm. 6. de Collectis, cum ponderat illa verba, *Dimittite, & dimittetur vobis*; vbi ait: Quid hac iustitia benignius? quid hac retributione clementius: vbi sententia iudicaturi, in potestate ponitur iudicandi? & Serm. 12. de Quadrages. Iusta, inquit, & benigna conditio, vt homo sententiam Dei ex suo libret arbitrio, & eo sibi iudicio obstringat Dominum, quo iudicauerit ipse conseruum.

Matth. 18. PRO qua sententia notauit Chrysost. hom. 20. ex variis in Matth. in seruo illo nequam qui *tenens suffocabat conseruum, & procidens conseruus rogabat eum, dicens: Patiemiam habe in me, & omnia reddam tibi*. Notat igitur crudelitatem suffocantis, cui à domino omne debitum fuerat dimissum, & supplicium denuò illatum ob immanitatem in conseruum. Per verba, inquit, quibus ille remissionem impetrauerat, per ipsa hic quoque seruari postulat: ille præ nimia crudelitate ne his quidem verbis flectebatur, nec ei in mentem veniebat, quodd his verbis ipse seruatus esset. Accusato autem Dominus ait: *Serue scelestè, omne debitum remisi tibi*. Quid hoc domino benignius cogitari potest? Cum ei deberet decem millia talentorum, ne verbo quidem illum contristauit, neque scelestum vocauit, sed venundari tantum iussit, idque in hoc, vt absolueret eum à debitis: postquam autem erga conseruum malus apparuit, tunc demum irascitur, & exasperatur. Vnde Chrysost. Serm. 71. ait. Homo tibi misericordie factus es ipse mensura, quantum quæris misericordie, fac tantum. Similiâque habet Ser. 70. Et Author Ecclesiastici: *Relinque proximo tuo nocenti te, & tunc deprecanti tibi peccata soluentur*. Homo in hominem similem sibi non habet misericordiam, & de peccatis suis deprecatur.

2. Col. 40.

VND E iam constat quare Dauid beatum dixerit eum virum, qui *intellegit super egenum & pauperem*, quasi dicat: Beatus qui non tantum videt pauperem, sed in eo intelligit Christum indigentem, & bona, quæ Deus misericordiis promittit. Ideoque Ambros. 1. Offic. c. 11. Neque quisquam ma-

gis

gis beatus, quàm qui intelligit super pauperis necessitatem; in die Iudicii habebit salutem à Domino, quem habebit suæ debitoræ misericordiæ. Expendens verò Chrysol. Serm. 14. sequentia verba Psalmi. *In die mala liberabis eum Dominus*, ait: In die mala illi Deus liberator assistet, qui à malis pauperem liberarit. In angustiis illum Deus clamantem audiet, qui pauperem cum clamaret, audiuit, non videbit diem malum, qui dies bonos habere pauperem fecit. Sine causa accusant peccata, quem pauper excusat. Excusari non potest, quem fames pauperis accusarit. *Dominus conseruet eum, & viuificet eum*, conseruet, ne rapiatur ad pœnam, viuificet, vt resurgat à mortuis, & recipiat vitam. *Uniuersum stratum eius versasti in infirmitate eius*. Dominus versat stratum nostrum, quando nobis aduersa vertit in prospera: concluditque. Beatus, qui scœn erãdo pauperi, ipsū sibi Iudicē præstitit debitore.

Et quoniam incidimus in expositionem istius Ps. adhuc adnotanda sunt verba illa: *Dominus conseruet eum, & beatum faciat eum in terra*; quæ quidem sic exponit Palatius in c. 5. Matt. Nullus, inquit, in cœlo simul & in terra beatus; at legem hanc sola violat misericordia. In hanc sententiam facit id quod notauit D. Leo Serm. 5. de Collectis, dum expendit, Christum Dominum dicturum reprobis in Iudicio: *Ite maledicti in ignem æternum: esuritis enim, & non dedistis mihi manducare*. Electis verò: *Venite benedicti: esuritis enim, & dedistis mihi manducare*. Quasi, inquit ille, nec alias virtutes dextri, nec alias offensiones habeant sinistri, sed illo magno summoque Iudicio tanti æstimabitur, vel largitatis benignitas, vel tenacitatis impietas, vt plenitudine omnium virtutum, & pro summa omnium commissorum, & per vnum bonum isti introducantur in Regnum, & per vnum malum illi mittantur in ignem æternum. Nemo igitur, dilectissimi, de vilis sibi bonæ vitæ meritis blandiatur, si illi defuerint opera charitatis. Hæc virtus omnes facit viles esse virtutes, quæ ipsam quoque fidem ex qua iustus viuít, sui admixtione viuificat. Similia habet Serm. 11. de Quadrages. vbi ait: Apud summum Patrem, qui non fuerit in charitate fratrum, non habebitur in numero filiorum. Videndus item Aug. 21. de Ciuit. Dei c. 27. Et Euthym. in cap. 2. S. Matt. vbi ponderat, Christum Dom. in Iudicio sola opera misericordiæ retulisse, quia voluit confirmare, quodd hæc maximè requiratur, & præ omnibus expectat. Videndus item Chrysol. loco cit. vbi ait quodd Abel passus sit, quodd seruauit mundum Noë, quodd Abraham fidem suscepit, quodd Moyses legem tulit, quodd Petrus Crucem resupinus ascendit, Deus tacet, & hoc elamat solū, quodd comedit pauper. In cœlo prima est esurientis annona, prima stipendia pauperis tractantur in cœlo. Beatus cuius nomen toties Deo legitur, quoties ratio pauperis recitatur in cœlo. Et Chrysol. hom. 33. ad Pop. Eleemosyna astat tribunali, non tantum patrocinians, verum & ipsi Iudici persuadens, vt reo patrocinium præstet, & pro eo sententiam ferat. Similiaque habet hom. 5. & 7. de Pœnit. & hom. 6. in 2. ad Timot. D. August. lib. 50. homil. hom. 19. & hom. 39.

QUANTVM autem in die Iudicii Dominus deferre debeat pauperibus, ex eo facillè perspicitur, quodd cum Iudex debeat omni prorsus carnis, & sã-

RR 2 guinis

Matt. 25

Galat. 5

cap. 25

guinis respectu carere, quò melius ijs cuique possit tribuere, & iusticiam rectè administrare, tamen Christus Dom. dum sederit in sede Maiestatis vltimam sententiam laturus, pauperes fratres suos minimos appellabit, id est, summe dilectos, & in deliciis habitos, sic enim dicit per Matt. *Amen dico vobis, quandiu fecistis vni ex his fratribus meis minimis, mihi fecistis.* Vnde Ephrem in eos qui in Christo obdormierunt, sic infert: Si vnus aliquis frater Regis plurimum sepe patrocinando, ac precando potest apud proprium fratrem Regem, quàto magis vbi fratrum interpellat, flectitque multitudo? Bonum in illa hora tibi subueniet auxilium, si pauperibus mendicis hic compassus fueris. Boni pro te apud Christum tunc erunt aduocati, qui hic egeni antè nutriti, & misericordiam consequuti, protecti, ac conuocati, boni tibi hi fratres istic reddentur, sicut sunt fratres Christi, & in die mala bona tibi reddent, quæ à te hic acceperunt. Vnde Ambros. Serm. 39. optimè probat, quòd in reddendis aliis rebus proficimus ijs quibus conferimus, in eleemosyna verò nobis vtilis admodum sumus. Rectè proinde Chrysolog. Serm. 42. aduertit Christum venientem ad iudicium prius de eleemosyna verba facere, quàm iudicet de reatu: Cùm sederit, inquit, super thronū gloriæ suæ dicet, *Esuriui, & non dedistis mihi manducare.* Nò dixit: Occidistis, ait Chrysol. furtum fecistis, sed, esuriui ego, & non dedistis mihi manducare: de crimine non præstabit causas, cui de misericordia causa constabit. Quare: quia date eleemosynam, & ecce omnia munda sunt vobis: nò iudicabitur de culpa, cui de largitate laus defertur à Iudice: vindictam non exigit humanitatis, debitum qui fateretur, esuriui, & dedistis mihi manducare. Manducat Deus in cælo panem, quem perceperit pauper in terra. Da ergo panem, si Deum debitorem, non Iudicem vis habere. Misericordiam nescit diuinus ignis exurere. Similiâque habet Ser. 41.

Coloss. 3.

QVONIAM autem misericordia superexaltat iudicium, & veluti vici-
in illud exultat, meritò Paulus ait: *Induite, sicut electi Dei sancti viscera misericordie.* hoc enim videtur nuptiale indumentum, quò qui caruetur, foras eicietur. Debet autem hæc vestis non exterius, & supra corpus indui, sed interius & instar viscerum. Vnde Pauli verba sic explicat Chrysost. hom. 4. in epist. ad Rom. Beneuolū, inquit, & misericors est omnē Sanctorum genus, propterea Paulus dicit: *Induite, sicut electi Dei viscera miserationis.* Vides exacti verbi vsum, non enim simpliciter dicit, Misere mini, sed, induite misericordiam, vt quemadmodum indumentum perpetuò nobiscum est, ita sit misericordia, neque simpliciter dicit: Induite misericordiam, sed, viscera miserationum, vt naturalem pietatem sequamur. Vbi ostendit, quòd sicut dedecet virum nobilem, & honestum vestibus exui, nudumque videri: sic maximus debet subesse pudor, si misericordiae vestis aliquando deesse comperiaturo viro iusto. Quòd, ne aliquando contingat, debet hæc vestis fieri non accidentalis, sed substantialis ac naturalis, vt per viscera misericordiae ad imitationem Dei miseris succurrere possit.

PATEBIT autem hoc celerius, si videamus quòd etsi in Scriptura iustitia, & zelus nominis vestium veniant intelligenda, tamen illarum vestium

nomina sortiuntur, quæ nos non semper comitantur, sed plerumque diu deponimus: etenim iustitiæ cingulū appellatur ab Isaia; *Erius iustitia cingulum* ^{cap. 11.} *lumborum eius.* Zelus item, pallium dicitur ab eodem Propheta: *Operus quasi pallio zeli.* Quis verò non videat nos multoties, & pallium, & cingulum deponere, etiam dum vel cætera vestimenta non deponimus? At verò misericordia iugiter nos comitari debet, ut internum cordis ac viscerum vestimentum. Idēque Aug. 9. de Ciuit. Dei c. 5. In corde posuit misericordiam, dum dixit: Misericordia est alienæ miseriæ in nostro corde compassio. Quæ de re videndus est D. Thom. 2. 2. q. 3. art. 2. in corpore. Et Gregor. 20. Moral. c. 26. Chrysost. hom. 37. ad Pop. in initio.

Cum ergo nostra misericordia superexaltet iudicium Dei in nos, diuinamque misericordiam nobis conciliet, ei debemus incumbere ante Iudicii tempus, sicut prosequitur Chrysost. homil. 5. de Pœnit. ubi ita ait: Ante Iudicii tempus mitigabilis est iudex; quare dicit David. *Prooccupemus faciem eius.* Illic magnum Iudicem ars Rhetoris nulla decipiet, & nullius potentia mitigabitur, dignitati non condescendet: hic verò Iudicem exorabimus, & placabimus non pecunia, magis autem (si verum dicere oportet) clemens ipse piusque pecuniæ suadetur, non ipse manu, sed per inopes accipiens. Da inopi pecuniam, & Iudicem mitigaueris. Quibus habet similia Cyprian. lib. de Lapis, circa finem: Incunctanter, inquit, & largiter fiet operatio, id est, eleemosyna, sensus omnis in medellam vulneris erogetur, opibus, & facultatibus nostris, qui de nobis iudicaturus est, sceneretur. Similia habet etiam Hilar. in Psal. 51. & Euseb. Emyllenus hom. 1. de initio Quadragesimæ, dum ex Scriptura probat, orationibus, & eleemosynis purgari peccata. Per utramque ergo rem, inquit, sed maximè per eleemosynam misericordia Dei requirenda est. Oportet itaque, ut tibi res utraque consentiat, illa rogat, hæc imperat, illa quodammodo Iudicis audientiam deprecatur, hæc gratiam promeretur, illa ostium pulsat, hæc aperit, illa supplicat, sed supplicantiem ista commendat.

Cumque etiam necessaria ad salutem sit charitas in egenos, prouidit misericordia omnipotentis Dei materiam nostræ misericordiæ, ne cui deesset, adauxit pretium vilibus rebus, ut omnibus superearet: unde dixit, *Quicumque potum dederit calicem aquæ frigide, non perdet mercedem suam.* Quæ verba expendens D. Leo Serm. 6. de Quadrages. ait: Tanta seruis suis Deo præparante compendia, ut etiam præbitio aquæ, cuius vsus gratuitus, atque communis est, præmio non caveret. Quibus similia habet Greg. Nyssen. lib. de Beatitud. & Chrysost. homil. 22. in Gen. Theodoret. Serm. 7. de Prouident. & D. Hieron. commentatus eadem verba Christi Dom. notat illud quod dicitur, *aqua frigida.* Frigida, inquit, aquæ, non calida, ne in calida, pauperatis ex penuria lignorum, occasio quæreretur, quin imò, & iis, qui nihil omnino habeant, unde eleemosynam faciant, remedium assignat idem Hier. in Psal. 111. Qui non habet, inquit, unde faciat eleemosynam, liber est quantumcumque dare voluerit, tantum dedit, quia voto dedit. Quibus habet similia D. Leo Serm. 5. de Ieiunio, ubi inter alia ita ait: Aequatur ple-

Matth. 10.

RR 3 rum

rumque merito, quod distat impendio, quia potest esse par animus, ubi impar est sensus. Nouit Dominus omnium vires, &c.

Ita autem, qui abundant proponenda est Chrysostomi doctrina in hom. 21. in priorem ad Cor. ubi ita habet: Non dare, sed largi dare, id demum est eleemosyna: quænam, quæso, tibi utilitas, cum ex diuitiis tantum exhibeas, quantum si quis ex pelago cyathum daret? Quomodo autem dicēs, *Aspiceret mei Deus secundum magnam misericordiam tuam*, cum tu non secundum magnam misericordiam miserearis: fortasse autem nequē secundum paruum non potest autem parua eleemosyna, ac leuis misericordia superexaltare iudicium multorum, ac grauium peccatorum, quæ sicut onus graue graua sunt super nos. Videndus est etiam pro hac re idem Chrysost. homil. 34. in Genes.

§. I I.

In una eleemosyna cetera virtutes continentur.

NON est autem mirandum, si misericordia superexaltet iudicium, cum vniuersa iustitia in sola niteat & reluceat misericordia. Vnde & accipitur iustitia pro ipsa eleemosyna. *Dispersi, dedi pauperibus, iustitia eius manet in seculum seculi*, & alibi: *Iustitia liberabit à morte*. Nōsque iam superius plura de hac re diximus. Ratio verò huius rei ea esse videtur, quod vir misericors & eleemosynarius videatur reddere omnibus, quod suum est, imprimis enim sibi tribuit, quod natura postulat, compassionem scilicet, & misericordiam, & se indigentem, & pauperem, ac fragilem confitetur. Vnde Aug. Serm. 41. de verbis Domini, ait: Agnoscit se pauperem, qui agnoscit iuxta se pauperem; quomodo enim non pauper es, qui petis panem nostrum quotidianum? estque nobis compassio, & commiseratio naturalis.

Vnde qui misereri renuit, claudit viscera sua, reprimatque naturalem impetum, & affectum: nam viscera in quibus numeratur cor, iecurque, sedes sunt affectuum, & ad alienam miseriam, veluti naturaliter teneriora redduntur, & patefiunt, imò & mollesciunt. Vnde Hierem. *Defecerunt pro lacrymis oculi mei, conturbata sunt viscera mea, effusum est in terra iecur meum super conuersione filia populi mei*. Et de muliere illa, cuius filius medius iam iam diuidebatur, dicitur: *Commota sunt viscera eius*. Vnde etiam is qui in visceribus misericordia nos visitauit ex alto, seu, propter viscera, ut legit Ambros. vel Prosper 1. de Vocatione gent. cap. 7. latus ipsum voluit aperiri, apertumque consecrari, ut per foramina corporis paterent viscera misericordiae, in quibus nos visitauit, sicut dixit Ber. Ser. 61. in Cant.

Quia ergo alienæ miseræ subuenit, quod suum est, proprium facit, dum non continet, nec claudit viscera misericordiae. Qua de re videndus Oecumen. in epist. ad Coloss. c. 3. cum ponderat ea verba: *Induite viscera misericordiae*; docetque Paulum voluisse, ut erga fratres indigentes affectum paternum exhiberemus, & sic erga illos commoueremur, sicut parentes erga filios, quos ex suis visceribus genuerunt.

TRIBUIT

TRIBUIT etiam homo id quod debet Deo, dum ad ipsius imaginē conditus est, ipsius bonitatem, dum aliis largitur imitando. Vnde Ambr. 1. Offic. c. 11. Bona misericordia, quæ & ipsa perfectos facit, quia imitatur perfectum Patrem. Et Leo Ser. 10. de Quadrag. c. 5. Vbi Deus curam misericordię inuenit, ibi imaginem suę pietatis agnoscit. Quod etiam profequitur Ser. 6. de Ieiunio. In quorundam, inquit, indigentia materia vobis data est diuinę bonitatis imitandę. Idem profequitur Naz. Orat. 16. & Clem. Alex. 2. Stromat.

TRIBUIT etiam vir misericors pauperi victum suo quasi iure debitum. Vnde D. Leo loco proximè cit. Multis, quæ vobis suppetunt, defunt, vt per vos etiam in alios beneficia diuina transirent. Et Serm. 5. de Ieiunio, ait. Pauperes sub diuersis molestiis iusticia Dei laborare permisit, vt & miseros pro patientia, & misericordes pro beneuolentia coronaret. Et Aug. Serm. 5. de verbis Domini. Est bonum quod faciat bonum, & bonum vnde facias bonum; bonum quod facit bonum, Deus est: aurum, argentum bonum est, non quodd te faciat bonum, sed vnde facias bonum. Habes non vnde sis bonus, sed vnde facias bonum. Pluręque habet similia Chrysost. hom. 34. in Genes. vbi ostendit Deum dedisse bona diuitibus, vt pauperibus benefaciant: & ita dum eleemosynam tribuunt, id quod debent, exequuntur: tandemque eleemosyna suum tribuit Christo in pauperibus indigenti, & postulanti. Quod profequitur Leo Serm. 2. de Collect. vbi ait: Ne negligatis in egentibus Christum, qui tantum nobis pauperes commendauit, vt se in ipsis vestiri, ac suscipi testetur, & pasci. Plura habet Serm. 2. 3. 4. & 5. & Chrysost. hom. 34. in Genes. Esto, inquit, fidelis eorum, quæ tibi à Domino concessa sunt, bonorum dispensator, vt adiutus illius penuria, tibi supernam concilies gratiam: audies enim; *Serue bone, & fidelis, quia in pauca fuisti fidelis*, &c. Et hom. 7. in epist. ad Roman. ostendit quantum debeamus Christo in pauperibus egenti, & postulanti.

Mat. 25.

§. I.

Ostenditur misericordia in dimittendis offensis.

CONCILIATUR in super diuina misericordia in dimittendis offensis, ad imitationem diuinę misericordię. Vnde August. Ser. 15. de verbis Domini, ait: Duo sunt opera misericordię, quæ nos liberant, quæ breuiter posuit Dominus in Euangelio; *Dimittite, & dimittimini, date, & dabitur vobis*. *Dimittite*, ad ignoscendum pertinet, *date*, ad præstandum beneficium. quod etiam profequitur lib. 2. de peccat. merit. & remiss. c. 3. Magnum tamen opus misericordię appellat lib. 2. contra epist. Parmen. c. 10. dimittite proximo peccata & offensiones. Vnde Serm. 185. de Temp. in hoc sensu interpretatur præsentem Iacobi locum, sic enim habet: Fortè peccauit in te aliquis, dimitte illi veniam à te petenti, ne dum fratri negas misericordiam, claudas Patri indulgentiam, dicente Apostolo, *Iudicium sine misericor*

Luc. 6.

ricor

ricordia fieri illi, qui non fecerit misericordiam. Videndusque est pro hac re lib. 50. homil. hom. 36. in fin. & Chrysost. hom. 62. in Matth. ubi ponderat ea verba Christi; *Sic faciet vobis Pater meus: Si non dimiseritis unusquisque fratri suo de cordibus vestris;* non dixit, ait Chrysost. Pater vester, sed. Pater meus: non enim digni sunt isti quorum Deus Pater vocetur, cum ita nequam sint, ut homines odio prosequantur.

QUANTUM autem placeat Deo hæc dimissio offensus, probauit optime Bernard. epist. 257. ubi inter alia sic habet. Dispensator ille, cuius laus est in Euangelio, elegit potius fraudem facere Domino suo, quam proximo non misereri. Pro centum nunc quidem octuaginta, nunc verò quinquaginta redhibuit. Iuste laudatus est, &c.

PLVS aliquid hac de re dixit Gregor. 22. Moral. cap. 8. ubi inter alia. Qui omnino dimittit, & non dat, etsi non plenè operatus est, meliorem tamen partem misericordiae tenuit; qui autem dat, & non dimittit, omnino nullam misericordiam facit, quia ab omnipotente Deo munus ex manu non accipitur, quod corde obligato in malitia profertur. Videndus tadem est D. Leo Scr. de Martyribus in fin. ubi ait: Qua fronte vis ut tibi Deus dignetur dimittere multum, cum tu non acquiescas dimittere parum? Et in hunc sensum explicat Chrysost. hom. 78. in Ioan. illud ad Roman. *Noli vinci à malo.* Qui non remittit, inquit, potius iuuat eum qui in ipsum peccauit, hic enim minus, ille verò maius sibi damnum infert; quod est vinci à malo. Cum ergo dimittere offensiones, sit facere misericordiam, nos qui de innocentia constare non possumus, ut securi de venia simus, illud debemus curare, ut misericordia in dimittendis offensis nobis illatis, iudicium superexaltet, suppliciumque omnino aboleat. Nam, sicut notauit Hilar. Can. 4. in Matth. super ea verba; *Beati misericordes, quoniam ipsi misericordiam consequentur:* in tantum Deus beneuolentiae nostrae in omnes delectatur affectu, ut misericordiam sit solis misericordibus praestiturus.

§. IV.

Misericordia neminem excipit, aut iudicat.

ILLUD autem debet præ oculis habere is qui facit misericordiam, quod absque delectu omnibus parcere, & subuenire tenetur; nam, sicut dixit Bern. epist. 12. Vera misericordia non iudicat, sed afficit, non nititur discussione, occasione contenta. Et Salomon: *Qui obseruat ventum, non seminat, & qui considerat nubes, nunquam metet.* Qui locus ad literam videtur intelligendus de eleemosyna, quam semini comparat Paulus cum ait: *Qui parit seminari.* In reliquis siquidem iustitiarum operibus videmur quodammodo percipere fructum, dum ea facimus: at eleemosynam facientes, quodammodo proiicere videmur. Sensus igitur est secundum D. Hieronym. Qui cui bene faciat considerat, saepe praeterit eum qui meretur accipere. Ideoque Tertul. lib. 4. contra Marcionem ad hunc sensum explicat illud Christi Domini: *Omnipotens*

petenti se tribue. Luc. 6. Omni, inquit, petenti te dato, utique indigenti, vel tanto magis indigenti, etiam & abundanti. Quae de te videndus Euthym. in c. 5. Matth. ubi docet, non diiudicari dignum ab indigno. Eo enim quod petit dignus est; qualiscumque sit. Nam & Deus omnia ad vitae sustentationem aequaliter contulit omnibus hominibus, bonis, ac malis, fidelibus, & infidelibus.

E. t. Ambr. lib. de Nabuthe cap. 8. Non requiras, inquit, quid unusquisque meretur, misericordia enim non de meritis iudicare consuevit, sed necessitatibus subvenire, iuvare pauperem, non examinare iustitiam: scriptum est enim; *Beatus qui intelligit super egenum & pauperem.* Quis est qui intelligit? qui compatitur ei quem aduertit consortem naturae. Ut enim optime aduertit Naz. Orat. 19. multo satius est ob eos qui digni sunt indignis quoque largiri, quam dum metuimus ne de indignis bene mereamur, dignos etiam beneficio fraudare. Quod etiam dixit Demosth. Orat. de Corona, ubi ait: *Praestat propter dignos indignis etiam honorem habere, quam dignos merito honore spoliare propter indignos.* Pro qua sententia optime exponit Nazian. Orat. funebri in laudem parentis, quae est 10. locum Isaiae, cum ait: *Vinculum & electionem tollens.* Hoc est, inquit, ut interpretor, tenacitatem, & explorationem eius, qui accepturus est, sitne videlicet dignus, necne, ac murmuris verbum cum largitione, quod quidem plerisque accidit qui tribuunt quidem, verum hoc non adiciunt, ut promptè ac libenter tribuant. Quod quidem maius ac perfectius est, quam praebere. Facit etiam Greg. 3. p. Pastoral. admonit. 21. ubi ita habet: Nonnulli huius mundi diuites, cum fame cruciuntur Christi pauperes, effusis largitibus nutriunt histriones; qui verò indigenti etiam peccatori panem suum, non quia peccator, sed quia homo est, tribuit, non peccatorem, sed iustum pauperem nutrit, quia in illo non culpam, sed naturam diligit. Pluraque hac de re habet Cyprian. lib. 5. ad Quirin. c. 1. & Aug. in Psal. 202.

ALIAM insuper rationem, quare non sit faciendus delectus in distribuendis eleemosynis, ponit Chrysost. hom. 34. in Genes. ubi ait: Non cum tantum attendentes qui accipit, in dandis eleemosynis sumus liberales, sed aestimemus potius quis ille sit, qui in pauperem collocata, ut sibi impensa imputat, & pro datis solutionem pollicetur: atque ita animo illum intuentes, magna promptitudine dare studeamus, & largam dum adhuc tempus est, sementem faciamus, ut ubertim metamus. Qui ergo misericordiam sine iudicio, & delectu fecerit, misericordiam superexaltantem iudicium consequetur, & iudicium sine misericordia proculdubio euitabit.

§. V.

Quam grave sit onus peccati.

QUONIAM verò misericordia superexaltat iudicium peccatorum, eleuatque eam lancem, in qua illorum iudicium, id est, supplicium, *Paiz. in Epist. B. Iacobi.*

SS. vt



ut saepe in Scriptura hoc nomen significat, considerare debemus pondus peccati, ut inde quantum Eleemosynæ & misericordiæ in alia lance superimponere debeamus, facile sit coniicere.

ET ENIM David dixit: *Iniquitates meae sicut onus graue gravata sunt super me;* & paulo post: *Miser factus sum, & curuatus sum usque in finem.* Vnde Chrysost. hom. 32. ad Pop. Graue & onerosum est peccatum, & omni plumbo ponderosius: sic & Achab postquam hoc sensit, deorsum inclinatus ambulabat.

Psal. 37.

3. Reg. 21.

Quibus verbis alludit Chrys. ad id quod dixit Scriptura 3. Reg. 21. Achab demisso capite incessisse. Hoc etiā prosequitur Amb. ad Virginem lapsam, c. 3. vbi ait: Nōne tuam faciem conscientiae commissum tanquam plumbum inclinatur, & premit?

VIDENDUM est etiam Chrysost. hom. de Iona Propheta, ad finem tomi 1. vbi ponderat tempestatem, qua iactabatur naus Ionæ, de qua dicitur: *Navis periculiabatur coneri, & timuerunt nauta, & clamauerunt viri ad Deum suum, & miserunt vasa, qua erant in navi in mare, ut alleniarentur ab eis; & Ionas descendit ad interiora navis.* Nautæ, inquit Chrysostom. nondum agnita causa naufragij, nauem aliquantulum rerum iactatione subleuari arbitrabantur, & nihilominus nauigium turbabant: apud se enim periculi sarcinam retinebant, & magis magisque Prophetæ corpore grauabantur, non corporis magnitudine, sed peccati, nihil enim graue æquè & onerosum inuenies, quàm peccatum; ideoque Zacharias plumbo peccatum figurauit.

Cap. 5.

DENIQUE quantum ponderis habeat inde licet coniectare, quod neque cælum veluti sustinere potuerit Angelorum peccatum, & quia grauius quàm ocyssimè descendunt, Sathan veluti fulgur corruisse dicitur. Vt igitur misericordia iudicium, ac supplicium peccati eleuet, eiusque lancem sursum ferat, multum misericordiæ & eleemosynæ superimponi debet, & charitati pauperum iugiter instandum.

LUC. 10.

§. V I.

Quomodo misericordia Dei superexcedat eius iustitiam, ceteraque attributa.

QUIA verò à multis hic locus exponitur de Diuina misericordia, quæ iudiciū, ceteraque attributa excedit, omnibusque Dei operibus præcellit; quæ fuit expositio D. Aug. lib. 2. de peccator. merit. & remiss. c. 3. Anselmi in ep. ad Hebr. cap. 9. Cyrill. Alexand. in Ioan. lib. 5. c. 13. Carthus. & aliorum hoc in loco: proinde ineptum non erit, imò iucundum fore spero, eam in laudem Diuinæ misericordiæ prosequi.

EAM igitur deducit Ruper. lib. 4. in Exod. c. 23. vbi agit de vestibus summi Pontificis, in eo quod Rationale iudicij appensum, & concatenatum fuerit superhumerali, in quo ipse diuinam misericordiam adumbratam esse asserit, cum per Rationale, iudicium Dei intelligatur; vnde & dicebatur Rationale iudicij. Notandum igitur, inquit, quod in superhumerali non solum catenulæ,

catenulæ, sed & yncini sunt, qui Rationali iudicij constringant, quia videlicet in misericordia Redemptoris, nostræ spei anchoræ sunt, ut semper misericordia superexaltet iudicium.

AD VERTIT insuper Anselmus loco cit. super Arcam Testamenti fuisse Propitiatorium, ideo, quia superexaltat misericordia iudicium; unde & David ait: *Miserationes eius super omnia opera eius.* Et August. lib. Medit. c. 2. exponens hæc verba ita ait: Tu factor omnium Deus, licet in cunctis operibus tuis sis mirabilis, mirabilior tamen crederis esse in operibus pietatis, unde de temetipso per quendam seruum tuum dixisti: *Miserationes eius super omnia opera eius.* Et Chrysol. Ser. 42. Magna, ait, sunt opera Domini, sed magnitudinem præcellit misericordiæ magnitudo, nam cum dixisset Propheta, *Magna opera Domini*, adiecit alibi, *Misericordia eius super omnia opera eius.* Misericordia, fratres, implet cælum, replet terram; Domine, inquit, in cælomisericordia tua; & idem ipse: *Misericordia Domini plena est terra:* & reuera fratres periisset totum quod Deus fecerat, nisi misericordia subuenisset. *Miserere mei Deus secundum magnam misericordiam tuam.* Quare magnam? quia misericordia tua, inquit, magna est super me, & eruiisti animam meam ex inferno inferiori. Et si Deus reddit per misericordiam, quod per iudicium deperierat, homo tibi quid stare, quid constare sine misericordia putabas? Sic ille, cuius hac in re sententiam inde possumus comprobare, quodd cum iustitia, sapientiæque Dei vnica prædicetur, sola tamen misericordia multiplex de eo dicitur: item D. Petrus & Paulus non misericordiam Dei annuntiat solummodo, sed Deum Patrem misericordiarum effertur. Et si David dixit: *Iustitia tua sicut montes Dei;* idem addit: *Magna est super cælos misericordia tua.* Quibus verbis id proculdubio nobis videtur inculcare, scilicet, talem ac tantum excessum reperiri in misericordia Dei respectu iustitiæ, ac cæterorum attributorum (ut nostro more loquamur, fatemur enim & identitatē realem, & æqualitatē) quali cœlestes orbes supra montium cacumina efferuntur. Quantumcunque enim magnus censeatur furor Domini, attamen distillat. Fluium tamen pacis, id est, misericordiæ, declinat super nos Deus, & torrentem inundantem. Ideo & Chrys. in Psal. 50. annotauit, Dauidem Dei misericordiam inuocasse. Cum misericordia, inquit, inuocatur, tollitur examini locus, vbi flagitatur, interrogatio cessat, vbi postulatur, iudiciū non sœuit, vbi petitur, pœnæ locus non est, vbi misericordia, quæstionulla, vbi misericordia, cōdonatio respōsio est: qui autem flagitat misericordiā, non audet nomē propriū suū exprimere, solum dicit, *Miserere mei Deus.* Quādo David exposuit māluerudinē, & propter eā petiit exaudiri, nomē expressit suū, *Memeto Domine David, & omnis māsuetudinis eius.* at vbi de misericordia sermo est, nihil amplius memoratur, quia ea sola sufficit, & nullum requirit meritum, aut opus, cum etiam super omnia opera Domini sit ipsa misericordia. Quibus habet similia Ambros. de obitu Theodosij, cum ponderat ea verba Psal. *Misericors Dominus, & iustus, & Deus noster misereatur.* Bis, inquit, misericordiam posuit, semel verò iustitiā, in medio iustitia est gemino septo inclusa misericordiæ. Vtrinque enim videtur

SS 2 teneri,

Psal. 144.

Psal. 134.

Psal. 33.

Psal. 32.

Psal. 50.

Psal. 35.

1. Petr.

Can. c. 1.

2. Cor. 1.

Psal. 35.

1. Psal. 12.

1. i. 66.

Psal. 114.

teneri, & superari iustitia à misericordia, ne tandem, nisi permittente misericordia, & in ordine ad ipsam egrediatur.

In hoc autem singulariter relucet superexaltatio misericordiam ad iudicium & iustitiam Dei, quia quando nostra demerita ipsam irritaret, & prouocare videntur, sola misericordia occurrit, quod videtur dixisse Dauid
Psal. 113. illis verbis: *Tempus faciendi, Domine dissipauerunt legem tuam: sic enim facere in*
Dan. 9. Scriptura idem est, atque misereri, iuxta illud Danielis: *Placare Domine sal-*
tende, & fac id est, miserere, sensus aequaliter potest esse: Tunc adest tempus miserendi, & subueniendi, quando homines iustitiam tuam prouocant, dissipando legem tuam, sic enim consuevit tua diuina misericordia. Quam expositionem ex parte videtur amplecti Theodoret, dum *tempus faciendi*, ex-

poluit per tempus consurgendi in auxilium.
 Hoc argumentum prosequitur Rupert lib. 3. in Genes. cap. 14. in eo, quod offensus Deus quasiuit Adam. offensorem, eumque ad se vocauit.
Genes. 3. Adam ubi es? Non reus, inquit, & prauaricator Adam Deum prior inuocauit, sed Deus Iudex prauaricatorum prior vocauit, cum hoc illi magis expediret, vt praeoccuparet faciem eius in confessione, & dignam faceret satisfactionem offerre, &c. Et Bern. Sermon. ad Fratres de Monte Dei, hoc ipsum perpendens, sic Deum alloquitur: Graciam ipsi gratia, & si dici potest, plus quam gratuite miserationi, quae beneficiis obruit non solum inmetitos, sed etiam nimium male meritos, & ingratos.

Ioan. 8. FACIT etiam ad praesens institutum locus ille Ioan. quando ad Christum adduxerunt mulierem comprehensam in adulterio, ipse vero digito scribebat in terra. Quod expendens Chrysolog. Sermon. 115. ita ait: Cum apud Dominum accusaretur adultera, avertit faciem suam Dominus, & declinauit in terram, ne crimen cerneret, quod puniret, & maluit, fratres, in puluere scribere veniam, quam dare in carne sententiam. Recte proinde Hieron. cap. 55. *Derelinquat impius viam suam, & iniquas cogitationes suas, & reuertatur ad Dominum, & ad Deum nostrum, quoniam multum est ad ignoscendum.* Super quae verba ita ait Fulgent. in epist. 7. In hoc, multo nihil deest, in quo omnipotens misericordia, & misericors omnipotentia est. Videndus hac de re August. qu. 33. in Exod. cum ponderat Deum iussisse Pharaoni, vt festinaret congregare pecora sua, & quaecunque illi essent in campo, ne grandine interirent. Quod, inquit August. non tam indignauerit, quam misericorditer admonet in ipsa indignatione, & supplicio, quod clarius manifestetur diuina misericordia, qua Deus irascens temperat poenam.

Vnde licet inferre quam bene Iesus Sirach de misericordia Dei ita dixerit: *Speciosa misericordia Dei in die tribulationis.* Enimvero licet semper misericordia Dei pulchra sit, tamen in die tribulationis pulchrior, & lucidior apparet: tribulatio vero significat supplicium, iudiciumque. Vnde Gregorius illud Iob. *Eripiet de angustia pauperem, & reuelabit in tribulatione aurum eius*, intelligit de supplicio. Sic enim ait 26. Moral. c. 23. Aurem in tribulatione reuelare, est auditum cordis verberum plagis aperire. Denique, Hugo Cardin. tribulationem intelligit iudicium. Vnde iam sensus huius loci potest esse

Pul

Indignatio, & speciosior apparet diuina misericordia cum adest dies, & tempus ultionis, & iudicij, in eoque cernitur eius pulchritudo, quod parcat & misereatur iis, quibus tribulatio, iudicium, & iustitia debebatur. Quod si tandem hostis prouideatur excessibus, in delinquentes animaduertit, in ipsa punitione relucet diuina misericordia. Quod notauit Ber. Ser. de verbis Aba euc. *Cum iratus fueris, misericordie recordaberis.* Et ipsa, inquit, indignatio non est nisi iudicij, quam de misericordia est. Et ideo in ipsa indignatione, & supplicio misericordia clarescit & apparet. Post terræ apertionem, & deuotionem in *Dardani* & *Abiron*, & post combustionem quinquaginta vi- Rom. 16.
rocorum, *inimicus* quicquid multitudine *Israel* contra *Moysem* & *Aaron*. Cumque orire-
mur *factio*, & *monstrum* diceret; *Moyse* & *Aaron* fugerunt ad tabernaculum faderis;
dixit autem *Moyse* ad *Aaron* *Tolle thuribulum*, & hausto igne de altari, mitte incen-
sionem de super, pergens tuus ad populum, & rages pro eorum enim egressa est ira à Domino,
& plaga desuit. Ita factum est, & cessauit plaga. Illud igitur difficultatem hoc
in loco ingratum, quod tunc indignatio, & supplicium die sequenti factum
est, cum *Moyse* in tabernaculo erat, unde ergo illud nouit? Abul. lib. q. 29.
respondet. In libro apparet Dei clementia, qui quaquam puniret populum,
tamen reuelat à *Moyse*, & ipse oraret pro eis, & Deus sua ab indignatione
fluctare nunc, & irasus misericordie recordaretur, ignemque diuinæ iræ, mi-
sericordie profusio temperaret.

Ac ceteris est furor Domini contra *Israel*em, & sermo Domini fa-
ctus est *Gad*, qui dixit *Dauid*; *Triquet tibi datur optio; aut septem annis veniet sa-*
mas in terra tua, aut tribus mensibus fugias aduersarios, aut tribus diebus eris pestilen-
tia in terra tua. Voluit *Dauid* potius incidere in manus Dei, respiciens ad
multas Dei misericordias. *Immisit igitur Dominus pestem in Israel à mane usque*
ad tempus consummum, sc. usque ad vespertam; quando offerri solebat sacri-
ficium vespertinum. Vbi eleganter *Vatablus* hoc commendat misericor-
diam Dei, qui pro diebus tribus, vnum tantum diem immiserit pestem, &
in media ira misericordie recordatus sit. Additur enim in sacro Textu. *Mi-*
serius est Dominus super afflictione, & ait *Angelo* percutienti populum; *Sufficit.* Quo
in loco notauit Abul. q. 37. in Hebræo haberi, *Consolatus est Dominus*, & re-
ferri ad ipsū Deū, ita ut ipse cōsolatus sit in se incessatione illius afflictio-
nis, & supplicij, quandiu enim ipsa inferebatur populo, videbatur Domi-
nus summam pati molestiam & afflictionem cum afflicto populo, donec
illius tandem miseretur.

Hoc ipsum notauit prælatè D. Ambrōs. in nequissimo Rege Iero-
boam, qui dum contra Prophetam loquentem in sermone Dei, manum ex-
tendis de altari, dicens: *Apprehendite eum, exaruit manus eius quam extenderat*; cum-
que ad virum Dei dixerit, *Deprecare faciem Domini Dei tui, ut restituatur ma-* 3. Reg. 19.
nus meus tibi; & ille orauerit Dominum, *reversa est manus Regis ad eum*, &
facta est sicut prius fuerat. Miratur ergo, imò prædicat, & extollit Ambr. lib. 2.
de Virginibus, tam maturum misericordie aduentum in ipsa Dei indigna-
tione, qua citissime temperat supplicium, vel iustissime infictum.

Hæc igitur est ratio, cur nolit videri Deus dum punit, quia exerceat

Genes. 19. alienū opus eius ab eo, vnde & vxorem Loth in statuam salis conuertit, quia scilicet retrò aspiciens ipsum Deum comburentem, & deuastantem nefarias ciuitates, voluit videre, quo modo Deus non vult videri, quia misericors & miserator est. Hoc item apparet ex eo quod dixit Dauid, Deum semitam iræ suæ fecisse, quasi viæ & semitæ iræ, & purificationis ita sint vepribus, & spinis obstitæ, vt si quando iudicium venire necesse sit, opus habeat viam veluti aperire, & aspera, ac inculta in vias planas redigere; quod singulari loquendi modo expressit Dauid cum dixit, *Vniuersæ viæ Domini misericordia.* Ita ad singulos, inquit Ber. Serm. 12. in Psal. *Quib. habuit*, ita ad omnes cōmuniter venit, quasi viæ p̄r quas Deus solet incedere, sunt misericordix, qualis ea fuit quando vt mulierem Samaritanam sonarem, venit ad fontem Iacob fatigatus ex itinere, quod celeriter conficiebat; quia nescit tarda molimina is qui ambulat vias misericordiæ, quæ in aperto sunt, cum iræ necesse sit nouas vias aperire.

Psal. 77.

Psal. 14.

Ierem. 1.

Deut. 32.
Iob. 16.

Hoc ipsum expressit Hieremias dum loquens de supplicio illato Hierusalem, sic ait: *Terendū arcium suum quasi inimicus, firmam dexteram suam quasi hostis.* Illud igitur notādū venit, quod cum in Scriptura *iratus* sit, Deum *iratus* sagittario cōparari, vnde dicitur, *Sagittas meas complebo in eis;* & alibi: *Posuit me quasi signū;* in quod scilicet dirigit sagittas iræ suæ, hoc tamē loco dicitur firmasse manū ad collimandā sagittam: eaque videtur fuisse ratio, quod scilicet rarissimē sagittas immittat in homines, & non tā assuefactus directioni sagittarū sit, sicut plerumque cōtingit iis qui rarō incūbūt sagittādī officio, qui nili manum satis firmauerint, ab scopo facilē aberrabunt; proindeque Deus necesse habet, quasi insuetus firmare dextrā, ne incassū sagitta abeat, quia alienum a se opus exerceat, nec potest certum insigere vulnus, qui solū misericordiæ intendit, & à qua nullus omnino fugere potest, quin attingatur, imò & compleatur beneficiis. Quod optimē notauit Ambros. lib. 2. de Pœnitent. c. 5. vbi ait: Arbitror quod etiam Iudex potuisset tanta Dei miseratione non excludi à venia. Et Chrysost. hom. 2. in Psal. 50. Noli dicere quomodo? (scilicet misericordia Dei pertingat ad nequissimos homines) admirare, & glorifica, vbi misericordia Dei imploratur, quæstio non expetitur. Quid est peccatum ad Domini misericordiam? Tela araneæ, quæ vento flante nusquam comparet.

Iona 1.

Facit etiam id quod Tertull. notauit lib. de Pudicitia, cum affert rationem, cur Ionas iubente Domino, vt Niniuis prædicaret, surrexit vt fugeret in Tharsis. Ionas, inquit Tertull. misericordiam Dei prouidens etiam in extranos profusam, destructuram præconium videbat; quasi diceret, cognouisse Ionam Dei misericordiam nō defuturam Niniuitis, si respicerent, proindeque ne eius prædictio & prophetia falsa, & inanis videretur, noluisse enūciare: quæ quidem videtur genuina ratio illius fugæ in Tharsis, vt patet ex Theodoret. Rupert. & aliis. Probatūque ex contextu eiusdem Prophetæ, dum postquam vidit Deum pepercisse ciuitati, contra quam sententiam tulerat, dixit: *Obsecro Domine, nunquid non hoc est verbum, cū adhuc essem in terra mea: Propter hoc præoccupauī, vt fugerem in Tharsis:*

scio

no enim quia in Deus clemens, & misericors, patiens & multa miserationis, & ignoscens super malitia. Et denique culus misericordia superexaltat iudicium.

CONTENDEBAT & instabat Abraham ad Deum, ne perderet nequissimas ciuitates, perdēs simul iustos cum impiis, proposuitque, quod si quinquaginta iusti fuerint, si quadraginta, si triginta, si viginti, eoque res deuenit, vt dixerit Abraham, quod si inuenti fuerint ibi decem, cui dixit Dominus, *Non delebo propter decem.* Aduertit autem optimē ibi Caiet. statim addidisse Scripturam, *Abiitque Dominus postquam cessauit loqui ad Abraham.* Recessit, inquit Caiet, non expectans vltiores preces, quasi si expectasset, misericordia amoueret supplicium, & superexaltaret iudicium. Vnde meritō D. Greg. diuinam misericordiam nobis proponit in hunc modum hom. 13. in Euang. Pensate, fratres, quia concludit pietas Dei duritiam nostram: non est iam quid homo excusationis inueniat, Deus despicitur, & expectat, contemni se videt, & reuocat, iniuriam de contemptu suo suscipit, & tamen quandoque reuertentibus etiam præmia promittit; ideoque postquam Iacobus dixit misericordiam superexaltare iudicium, rectē addidit, iudicium districtum subiturum eum, qui hanc ineffabilem misericordiam non fuerit imitatus. Videndus item est idem Greg. homil. 1. in Ezechielem, & Philo. lib. de Vita Moyſis, cū ponderat cur sensim Deus punierit Pharaonem, non simul inflixerit supplicia, cū longē aliter se habeat in beneficiis conferendis: vnde dicit, *Dilata os tuum, & implebo illud,* Psal. 80. Hoc etiam cerne-
re possumus in eo, quod Deus nunquam punit ob peccata adhuc commit-
tenda, cū beneficia tribuat ob bona præuisa & facienda. Ideo Dauid Psal. 31. *Dixi, confitebor aduersum me iniustitiam meam Domino, & tu remisisti impietatem peccati mei.* vbi Augult. O magna pietas, vt ad solam promissionem peccata dimiserit, nondum pronuntiat ore, & tamen Deus iam audit in corde.

§. VI I.

Non desumenda occasio delinquendi ex magnitudine Diuina misericordiae.

Nemo tamen ex eo quod misericordia Dei superexaltet iudicium, & sit super omnia opera eius; vnde & per exaggerationem Philo lib. *Quod Deus sit immutabilis*, dixit in Deo antiquiorē esse misericordiam, quā iudicium. Nemo, inquam, indeumat occasionem licentius peccandi, vt ait Tert. lib. de Pœnitent. c. 8. Nemo, inquit, deterior fiat eo quod Deus bonus sit, toties remittens, quoties delinquimus. Nam, vt ait Gregor. loco cit. tanto districtiorem iustitiam in Iudicio exerit, quanto longiorem patientiam ante Iudicium prorogauit. Hinc etenim Paulus ait: *Ignoras quoniam benignitas Dei ad pœnitentiam te adducit?* Hinc Psalmista ait: *Deus Iudex iustus, fortis, & longanimis.* Dicturus longanimum, præmisit iustum, vt quem vides peccata delinquentium diu patienter ferre, scias hunc quandoque etiam districtē iudicare. Et apud Nahum Prophetam capite 1. dici

Rom. 2.
Psal. 7.

dicitur, *Deus patiens & magnus formidine*, sed prius, *amulans & ultiscens* (quod repetitur ter) & *irascens*; quod autem subditur: *quia mundans non faciet innocentem*: descriptio est iustitiæ ipsius, ut ibi notat Rupertus, qui pro hac re videndus est. Hinc per quendam sapientem dicitur: *Altissimus est patiens redditor*. Patiens redditor dicitur, quando peccata hominum, & patienter patitur, & reddit, nam quos diu, ut conuertantur, tolerat, non conuersos diutius damnat, sicut notauit D. Greg. hom. 13. in Euangelia.

Ad hoc respiciens Paulus exhortatur, ut poenitentiam de peccatis agamus, idque in hunc modum: *Obsecro vos, fratres, per misericordiam Dei, ut exhibeatis corpora vestra, hostiam viuentem*, &c. Hortatur ergo per misericordiam Dei, quæ occasio peccandi solet esse, ut à peccatis conuertamur. Namque quanto longanimior modò esse videtur, tanto distri&tor postea erit. Quod explicatur iuxta mentem Augustini in eo quod dicitur: *Deisti metuenibus te significationem, ut fugiam à facie arcis*. Videte, inquit ibi Aug. quid sit in arcu, nonne sagitta in priora mittenda est, neruus tamen retrò extenditur in contrarium, quò illa mittenda est, & quanto plus erit eius extensio retrorsum, tanto maiori impetu venturum est: sic etiam quanto misericordia Dei in se veluti contrahitur, tanto, nisi resipiscamus, penetrabilior euadet ad iudiciũ, quod modò superexaltat. Quod etiam videtur voluisse significare Deus, cum misericordia vtens, & supplicium trahens, arcum posuit in nubibus, ut scilicet intelligerent eo acerbius futurum supplicium, quo tardius adueniret. Merito proinde rogat Paulus per misericordiam Dei, ut nos Deo exhibeamus hostiam viuentem, sanctam, Deoque placentem, ne ipsam misericordiã in iram conuerſam experiamur.

Verſ. 14. *Quid proderit fratres mei, si fidem quis dicat se habere, opera autem non habeat? Nunquid poterit fides saluare eum?*

EXPOSITIO LITERALIS.

HÆC est secunda pars huius capituli, in qua primam, & præcipuam intentam doctrinam de operibus Iacobus proponit, ostenditque fidem operibus destitutam, non solum non sufficere ad veram iustitiam, & salutem, sed etiam inutilem esse, atque inanem. Sed pro explanatione mentis nostri Apostoli, notandum utique id quod Aug. lib. de fide & operibus, c. 14. tom. 4. ait, nempe, ab initio nascentis Ecclesiæ fuisse quosdam homines impios, & impuros, qui ut voluptatibus indulgerent, finxerunt, ac docuerunt, ad obtinendam iustitiam, & salutem, solam fidem sufficere, Deumque nihil amplius à nobis exigere, quàm ut credamus. Id quod probare nitebantur ex quibusdam locis Pauli perperam intellectis, sicut notasse videtur Petrus 2. epist. c. 3. Præcipuusque locus erat Rom. 5. *Iustificati ex fide*. Quoniam ergo, ut ait D. Aug. hæc opinio fuerat exorta, aliæ Apostolicæ epistolæ Petri, Ioannis, Iacobi contra eam maximè diriguntur intentio.

intentionem; vt vehementer astruant fidem sine operibus nihil prodesse. Hoc etiam habet Aug. in Pl. 3. 1. Fuit etiam in eadem heresi Valentinus, teste Irenæo, lib. 1. c. 1. & Epiphano lib. 1. contra hereses c. 3. 2. Postea docuit Eunomius, & discipulus eius Aëtius, de quibus Aug. lib. de heresib. c. 5. 4. nostrôque sæculo eandem docuerunt Lutherus, & Calvinus, & alij, licet alia ratione, ac antiqui Hæretici.

LICE T ergo sine fide impossibile sit placere Deo, sique fides fundamentum ædificij spiritualis, vt eleganter ostendit D. August. Præfat. in Psalm. 31. nisi tamen superædificatio operis accedat, nihil valet, imò seruus, qui cognouit voluntatem Domini sui, & non fecit secundum voluntatem eius, vapulabit multis, cum Dominus reddat unicuique secundum opera eius. Et Iob dixit: Absit à Deo impietas, & ab Omnipotente iniquitas. Opus enim hominis reddet ei, & iuxta vias singulorum restituet. Et Dauid. Semel loquutus est Deus, duo hac audiui, quia potestas Dei est, & tibi Domine misericordia, quia tu reddes unicuique secundum opera sua. Quo in loco verbum (semel) significat immutabiliter. Sicut cum idem Dauid dixit: Semel iuravi in Sancto meo, si Dauid mentiar. Et Iob. Semel loquitur Deus, & secundo id ipsum reperit, id est, firmissimum, & immutabile voluntatis suæ decretum dicit. Sic igitur firmissimè dixit, & promisit se redditurum secundum opera vniuscuiusque. Et apud Matth. Filius hominis venturus est in gloria Patris sui cum Angelis suis, & tunc reddet unicuique secundum opera eius. Quod idem habetur Apocalyp. 2. 2. Rom. 8. 1. Cor. 3. 2. Cor. 4. & 5. Cuius sententiæ, & veritatis confirmatio tradita est à Patribus Concilij Trident. latissimèque comprobata sess. 6. cap. 16. & 8. & 9. Can. item 9. & 12. & 14.

Hebr. 11.

Luc. 12.

Matt. 16.

Iob. 34.

Psalm. 65.

Psalm. 88.

Iob. 33.

Matt. 16.

§. I.

Propositur necessitas bonorum operum, quæ præter fidem, ad salutem requiruntur.

CUM ergo apertissimè constet necessaria esse bona opera ad salutem, præter fidem, diabolus multis, quibus auferre non potuit fidem, sustulit charitatem, & agro cordis, auaritiæ radicibus occupato, spoliavit fructu operum, quos non priuauit confessione labiorum, sicut eleganter dixit D. Leo Serm. 4. de Collectis. Qui tamen aduertit Ser. 6. de Epiphania, c. 4. dixisse Paulum ad Titum: Sumus qui confitemur se nosse Deum, factis autem negant; Cor hominum, ait, de operum ostenditur qualitate, & formas mentium species detegit actionum. Vnde Aug. ad illa verba 1. Ioan. 3. Ipse est Antichristus, ait: Quisquis factis negat Christum, Antichristus est. Non audio, quid sonat, sed video quid iuuat, opera loquuntur, & verba requirimus. Ipseque addit: Si confiteamini verbis, & factis negatis, fides talium morum, propè est fides demoniorum. Plura de hac re habet tract. 3. & 6. in eandem epistolam, & 15. de Trinit. ait. Fides quidem potest sola esse, sed non prodesse. Et Origen. hom. 11. in Matth. exponens historiam de siculnea sine fructu arefacta ad Patz. in Epist. B. Iacobi Apost.

Cap. 1.

T T uer

- Cap. 11.** uertit dixisse Marcum, *non esse tempus sicorum*. Quare ergo Dominus arefecit eam? Vnus fructus est charitas, huius tempus est, quando non est difficile fructum reddere charitatis, postea verò addit, quia Christus Dom. supra humanam naturam conatur nos erigere, ideo indignatur, quando non fert homo fructum, etiamsi commodum non videatur tempus sicorum, propterea ait: *Ego dixi, Dyaboli, & filij excelsi omnes; vos autem sicut homines morimini*, si non secundum spiritum vixeritis, sed secundum carnem, nō redentes fructum omni tempore, siue tempus sit sicorum, siue non, siue occasio se offerat ad bene operandum, siue ista desit. Videndus Hier. lib. 1. in
- Thren. 1.** Lamentationes, vbi ponderat ea verba; *Torcular calcavit Dominus virginem filiam Iudæ*, i. animæ virtutibus infœcundæ, & bonis operibus vacuæ, nec fidei fructum gignenti, Dominus torcular calcavit, quando eam pro sterilitate sua, & otiositate inimica pœnam condignæ vindictæ luere facit.

OPTIME proinde Ioannes ait, secundum quod legit D. Chrysost. *Qui in Christo credit, debet sicut ille ambulare, & ipse ambulare*. Quod ita exposuit D. Prosper 2. de vita contemplatiua c. 21. Quid est, *ambulare, sicut ipse ambulauit*, nisi libenter facere, quæ fecit, sequi quod ipse præcessit: Et Greg. 25. Moral. c. 10. Sicut super fundamentum fabrica, sic super fidem opera construuntur: Et lib. 3. in 1. Reg. c. 3. notat consilium illud Sacerdotum: *Si dirigeritis Arcam Dei, nolite dimittere eam vacuam*. Quid est, inquit, Arca vacua, nisi diuina scientia sine bona operatione? Vacuā namque Arcā remittere est de cognitione spiritualium Sacramentorum fructum boni operis nullum ferre, &c. quæ videnda sunt in hanc sententiam.

QVAPROPTER meritò Ambr. Serm. 10. in Psal. 118. notauit, dixisse Christum Dom. *Omnis qui audit verba hac, & fecerit ea, similis est viro sapienti*. Non ergo, ait, qui audit tantummodo, similis erit, sed qui facit quæ audierit. Et sanctus Ephrem de Panoplia, siue de armatura spirituali. Sunt plerique, ait, fidem habentes operibus destituti, sed ista non est fides (intellige, viua) mortua est enim, quia fides sine operibus mortua est. Qui ergo fidem habet, & operatur opera ipsius, ipse fidem habet. Hanc tu posside, mi frater, & esto sanus, atque integer fide, seruensque proposito ad mandata Saluatoris nostri exequenda, vt & tu ab illo vocem illam audire merearis:

Matt. 25. *Euge serue bone, & fidelis, intra in gaudium Domini tui*; bonum quippe propter opera; fidelem autem propter fidem, Dominus appellat.

EST autem hoc in loco aduertendum id quod optimè notauit Bern. Serm. 2. de Purificatione, scilicet patrem familias otiositatis coarguisse illos, quos adhuc ad se per fidei vocationem non asciuerat. Quid hinc statim tota die otiosi? quare non operamini? Cùm arguantur otiositatis, ait, ipsi quoque quos nemo conduxit, qui iam conducti sunt, si otiosi inuenti fuerint, quid merentur? Vocauit enim nos Deus vocatione sua sancta ad vineam, & Ecclesiam, vt operemur in ea; & si ante vocationem fidei adeo displicet defectus operationis, quanto magis displicebit si in ipso operationis, & laboris loco opera non habeamus?

ET D. Basil. lib. regular. fusiùs disputat. respons. 27. ponderat, Christum Domi

Dominum malitiam cum pigritia coniunxisse, dum dixit: *Serue male*, & *pi-*
ger: quasi non possit non esse malus, qui bona non operatur. Hoc ipsum vi- Matt. 25.
 detur dixisse Sophar c. 1. 1. Iob. cum ait: *Vir vanus in superbiam erigitur*; ubi (va- Iob. 11.
num) idem est, ac vacuus, & inanis, quique nullum prorsus habet bonum
 opus. Septuag. habent: *Homo frustra natus sermonibus*, videlicet frustra cona-
 tur traicere verborum tantum adminiculo, & argumentationum velis ma-
 re illud vitreum, quod est ante diuinum tribunal, ut tandem accedat ad su- Apoc. 4.
 periorum locum Sanctorum, qui sunt supra illud mare cantantes, namque
 dum loquitur, potius fluminibus obruetur, & suffocabitur dum clamauerit;
 proindeque opus est, ut manibus remigando, & operando accedere nita-
 tur: frustra enim nititur sermonibus, qui solis operibus niti debet.

QVOD Christus Dom. dixit: *Neque omnis qui dixerit, Domine, Domine, intra-* Matt. 7.
bis in Regnum celorum. Quod expendens Hilar. Can. 6. in Matt. ait: Quid enim
 meriti est dicere Domino, Domine, Domine? Nunquid Dominus non erit?
 & quæ officij sanctitas est nominis nuncupatio, cum cælestis Regni iter
 obediencia potius voluntatis Dei, non nuncupatio repertura sit: De nostro
 igitur est beata illa æternitas promerenda, præstandumque est aliquid ex
 proprio, ut bonum velimus, malum omne vitemus, totoque affectu præcep-
 tis cælestibus obtemperemus, ac talibus officiis cogniti Deo sumus, agen-
 tesque potius quod vult, quam quod potest, gloriemur. Hæc ille. Quibus
 habet similia Chrys. homil. 56. in Ioan. Glorificemus, inquit, Deum non fi-
 de tantum, sed & vita, aliter non esset gloria, sed blasphemia.

HI NC iam intelligitur, cur sanctus Isaac caligans visu, non ad vocem
 tantum benedictionem concessit, sed tetigit insuper, tentauit, expertusque Gen. 27.
 est manus, postea benedictionem largitus est, quia scilicet non ij benedi-
 ctionem Domini consequentur, qui Dominum inuocauerint, sed qui ma-
 nus, operaque protulerint, ij benedicti Patris reputabuntur. Vnde Iustinus
 Martyr, & Philosophus Orat. cont. Gent. dixit, Christiani officium magis
 in agendo positum esse, quam in dicendo, vel docendo.

I N quam sententiam notauit Theodoret. quæst. 1. in Leuit. quare Deus
 prohibuerit offerri mel ad altare, aitque: Nonnulli dixerunt, inde nos in-
 strui, ex propriis laboribus persoluenda esse sacrificia, ex consilio Salomo- Prov. 3.
 nis, quo dicitur: *Honora Dominum ex iustis laboribus, & prabe primitiæ illi de*
fructibus iustitiæ; at fructus apic à labore nostro non procedit, quasi velit
 ideo tale sacrificium Deo displicere, quia nihil laboris in cooperando, con-
 gerendo, & componendo impendimus, & ita nec fructus, nec opus nostrum
 est, sed totum è labore & industria apic procedit. Quæ etiam fuit ratio, cur
 Dauid noluit offerre Deo holocausta gratuita, in quorû acquisitione nul- 1. Re. 24.
 lus labor, & operatio ipsius Dauid intercesserat.

PROBAT insuper præsens institutum id quod dixit Theophyl. su-
 per illa verba Pauli: *Ipsius enim sumus creatura conditi in Christo Iesu in operi-* Coloss. 2.
bus bonis, cum ita habet: Ut ne, si audias nos ex operibus haud esse iusti-
 ficatos, deses fias circa opera, subiicit, post fidem iam haud nulla ope-
 rum est commoditas; & necessitas. Conditus es enim in Christo Iesu in

TT 2 operi

operibus bonis, ac quemadmodum principio, cum non esses, produxit te ut esses, sic etiam nunc, ut bene esses, te protulit, condiditque es, ut non otieris, verum ut opereris, circumambulesque in bonis operibus, hoc est, omnem aetatis tuæ cursum in hisce perficias, nō duos, trēve annos in operibus bonis, non vno nimirum opere, sed omnibus. Et fortē hæ sunt lucernæ ardentes, quas tenere iubemur in manibus; quandiu enim lucerna ardens est, operatur ignis combutendo; ut intelligamus manus nostras nullatenus debere cessare ab operatione, donec Dominus adueniat. Et ideo D. August. Serm. 215. de Tempore, ait; Ut nomen Christianum non ad iudicium, sed ad remedium habeamus, conuertamus nos ad opera bona, dum in nostra sunt potestate remedia.

N O T A T V dignum hoc loco censetur mare illud æneum, de quo 3. Reg. 7. & 2. Paralipom. 4. quod erat aqua plenum; rotundum in circuitu, habebatque, sicut testatur Ioseph. 8. Antiquitat. cap. 3. hemisphærij schema, seu dimidiæ sphæræ figuram, ita ut si alterum vas illi æquale imponeretur, integra ac perfectæ sphaera remaneret. Quod quidem, sicut appositè exponit Euch. lib. 3. in lib. Regū cap. 21. mysticè moraliter significabat, fidē; quæ in Baptismo recipitur, non sufficere ad cōplendam perfectionem vitæ spiritualis, nisi accedat in adultis observatio mādatorum, operumque executio, tanquam media sphaera imponenda alteri mediæ sphaeræ fidei. Quod videtur respexisse Paulus, cum mādatorum observationem plenitudinem fidei vocat. *Accedamus*, inquit, *cum vero corde in pleniudine fidei*. Super quæ verba D. Thomas lect. 2. sic ait: Accedentem ad Deum oportet credere. Nec sufficit qualiscumque fides, sed requiritur fides plena, quod fit duobus modis, scilicet, & quantum ad materiam fidei, ut credantur omnia, quæ proponuntur ad credendum, & quod sit fides formata, quod est per charitatem, scilicet, operantem. Quod ipsum docuit Paulus cum ait. *Quicumque baptizatus sumus in Christo Iesu, in morte ipsius baptizati sumus, ut quomodo Christus surrexit à mortuis, ita nos in nouitate vitæ ambulemus*. Quem locum explicans D. Aug. lib. de verb. Apost. c. 15. dicit. Quid est, in nouitate vitæ ambulare? breuiter dico: est perficere, ne fortē non intelligatis, & pigrius ambuletis. Semper tibi displiceat quod es, si vis peruenire ad id quod non es: semper adde, semper ambula. Et in Psalm. 69. explicat id quod Christus Dominus dixit: *Mementores estote uxoris Loth*. Ait ergo Aug. Vbi respexit, ibi remansit; facta est statua salis, ut te condiat: in exemplum enim tibi data est, ut tu cor habeas, & non remaneas fatuus in viâ; attende remanentem, & transi, attende respicientem retrò, & ad anteriora intentus esto.

F A C I T etiam pro hac re expositio Chrysostomi homil. 9. in Ioann. quem sequuntur Theophyl. & Euthym. ad ea verba Ioann. *Dedit eis potestatem filios Dei fieri*: intelligunt enim per talem potestatem, fidem primam, & rationem filiationis reducant in progressum nostrum, post habitam fidem, & gratiam. Dedit, inquit Chrysostom. eis potestatem filios Dei fieri, non statim fecit eos filios Dei, ne per ignauiam perdant gratiam, sed dedit eis potestatem, ut diligentiores reddantur. Aliud enim est per Baptis-

mum,

num, aliquem à Deo adoptari aliud per Evangelicorum præceptorum ob-
servantiam filium Dei fieri, nam illud principium est, hoc finis: fides enim
baptismalis indicium est filiationis, quæ per charitatem consummatur, &
perficitur: quod intelligendum est secundum perfectionem, & consumma-
tionem; non quasi per baptismalem fidem quis non regeneretur in adopti-
uum filium Dei, sed quia hæc fides ad opera ordinatur.

Hoc etiam docuit Paulus, dum ait: *Dedi semetipsum pro nobis, ut nos* ad Tit. 2.
redimeret ab omni iniquitate, & mundaret sibi populum acceptabilem, secta-
torem bonorum operum. Græcè habetur; *zelotem bonorum; vcl pulchrorum*
operum. Hierony. verò, *amulatorem bonorum operum*, quasi non tantum velit
Deus Christianum esse operarium utcumque, sed sectatorem, amu-
latorem & zelotem, qui zelo, & fervore operandi afluat: ideoque
Chrysostom. super hæc verba Apostoli, ait: Vides ut non simpliciter à no-
bis opera virtutis exigantur. Addidit nempe Paulus, *sectatorem*, hoc est, mag-
nam cum alacritate atque ingenti studio, & animo virtutis opera capessen-
tem. Qua in re vehementia quidam adlit necesse est omnino laudabilis,
&c. Et D. Leo Serm. 4. de Quadrages. cap. 2. dixit: Fides fortitudo est cha-
ritatis, charitas robur fidei, & tunc verum nomen, ac vetus est fructus am-
borum, cum indissolubilis utriusque manet connexio, in Christo valet
fides, quæ per dilectionem operatur: hic est enim quidam efficacissimus ge-
minarum alarum volatus, quoad promerendum, & videndum Deum pu-
ritas mentis attollitur; nam qui ait: *Sine fide impossibile est placere Deo*; idem
dicit: *Si habuero fidem, iæa ut montes transferam, charitatem autem non habuero, nihil* Hebr. 11.
1. Cor. 13.
mihi prodest. Instet fides sperare quod credit, instet charitas propitiare quod
diligat, & cui intelligentiæ concessione subiicimur, eidem pietatis imita-
tione iungamur. Quibus habet similia Bern. Serm. 5. super, *Vidi Dominum*,
&c. Superbus, inquit, ille Lucifer lucem præferens, non ignem habens, al-
teti tantum innixus alæ, casum facere potuit, non volatum, exultavit luci-
dus, non incensus.

V I D E N D U S Hieronym. lib. 8. in c. 21. Isaïæ, & in c. 4. Daniel. Clem.
Alex. 5. & 6. Stromat. Irenæ. lib. 4. contra hæres. c. 72. August. de pecca-
tor. merit. & remiss. cap. 15. & lib. 83. quæst. q. 37. & Serm. 38. de Tempo-
re, Tertullian. lib. 4. contra Marcionem. Orig. hom. 8. in Exod. & hom.
2. in Cant. Ambros. lib. de Elia, & Ieiunio. Cyp. lib. de habitu Virginum; &
Serm. de Eleemosyna. Ephrem de vera Pœnitent. c. 1. Epiphan. lib. 1. hæres.
64. Chrysost. hom. 5. in Matt. & hom. 48. in Ioan. Greg. lib. 3. in lib. Reg.
cap. 3. & 23. Moral. cap. 10. Theodor. in c. 1. epistolæ ad Timoth. Ex qui-
bus omnibus satis constat veritas receptissimæ doctrinæ, quam hoc loco
tradit Iacobus, quam modò contra Hæreticos nostri temporis proponimus,
qui ut cælo simul & terræ se reddant inuisos, aduersus ipsos cæli Prin-
cipes, Ecclesiæ lumina Orbisque Magistros insurgunt, imò & contra Ve-
ritatem, quæ habet, iustificationem, hominis à fine initium sumere, bono-
rum autem operum studio conservari, & perfici, solam verò fidem non pos-
se quenquam adultum saluare.

TT 3 Vers. 15.

Verf. 15. Si autem frater, aut soror nudi sint, & indigeant victu quotidiano.

Verf. 16. Dicat autem aliquis ex vobis illi: Ite in pace, calefacimini, & saturamini, non dederitis autem eis qua necessaria sunt corpori, quid proderit?

EXPOSITIO LITERALIS.

STENDIT Apostolus exemplo appposito inutilem omnino esse fidem sine operibus. Sicut enim liberalitas, quæ in solis verbis consistit, non est virtus, neque habet meritum, sicut etiam blandiloquentia, quæ egentibus est inutilis, nullum meritum conciliat: sic fidei professio, quæ solis verbis constat, torpet velut inanis, & vacua, cum debuerit per charitatem operari. Hæc de litera, quæ in se perspicua est.

§. I.

Fides per opera charitatis perficitur, & comprobatur.

OSTENDIT hic locus ad veram integramque pietatem non sufficere recta, blandaque verba, nisi re & opere auxilium præstetur indigentibus: similisque est illi Ioan. *Qui habuerit substantiam huius mundi, & viderit fratrem suum necessitatem habere, & clauseri viscera sua ab eo, quomodo charitas Dei morietur in eo?* Et: *Filioli non diligamus verbo, neque lingua, sed opere & charitate;* nam, ut dixit August. tract. 49. in Ioannem, nemo amat, & deferit. De eiusmodique verbis eleganter dixit Bernard. epist. 7. Præclara verba, sed verba; cum pauperes non verbis indigeant, sed opere & charitate, & si nudæ, ac solæ voces ad Dominum non sufficiunt, nisi accedant opera, quid proficiant lenia verba in pauperes, si non dederit qui loquitur eis necessaria? Vnde Hilar. in Psalm. 133. ait. Preces nudæ non proficiunt, eleuanda opera nostra sunt in sancta, id est, in nudis vestiendis, in esurientibus cibandis, hæc nos in hac corporis nostri infirmitate sanctificant, & hoc non ignorat Propheeta dicens: *Elevatio manuum mearum sacrificium vespertinum;* nunc enim in consummatione sæculi, quod est vespertinum, non in tauris, & hircis, sed in operibus bonis, Deo hostia est. Et Chrysost. homil. 53. ad Pop. Charitas est non in solis verbis, nec penitus in salutationibus, sed cura, & in ipsis rebus officium, putà, paupertatem solvere, ægrotantibus subuenire, eruere periculis, in necessitatibus assistere, &c. Quibus habet similia Author operis imperfecti in Matth. ubi ponderat, eam ficam, in qua nihil, nisi folia inuenta sunt, præfigurasse eos, in quibus sola verba lenia, & religiosa reperiuntur.

Q V Q

Quo magis verò horum imperfectio, imò immanitas elucescat, proponit Apostolus indigentes sub nomine fratrum, ac sororum; qua ratione eos, ad quos recurrunt, possent mouere ad pietatem vnde & eis conuenit quod dixit Amos: *Va vobis, qui opulenti estis in Sion, & condisitis in monte Samaria, Op- Cap. 6.*
timates capita populorum, &c. & nihil patiebantur super contritione Ioseph. Quæ verba expendens Aug. 4. de Doctrina Christi in. c. 7. ait: Miro decore nō dictum est, nihil patiebantur super contritione fratris, sed positus est pro fratre, Ioseph, vt quicumque frater proprio significaretur eius nomine, cuius ex fratribus fama præclara est, vel in malis quæ pendit, vel in bonis, quæ rependit. Quem tropum nondum inuenerat humana dicendi ars, sicut ibi notauit August. neque veteres Rhetores, cū tamen aptissimum sit ad amplificandam immanitatem eorum, quorum nulla est commiseratio miserorum fratrum: quam insuper explicat Paraphrasis Chaldaea, dum ita habet. *Va qui pacati estis in Sion, & quies in summa rerum abundantia.* Enimuerò si amico qui extremè non indiget, statimtribuendum est quod petit, iuxta illud Salomonis: *Ne dicas amico tuo, vade, cras dabo tibi, cum statim possis dare,* quanto magis fratri extremè indigenti subueniendum est, & tribuendum quod illi necesse fuerit? Prou. 3.

Vnde Iob gloriabatur pauperibus nihil negasse: *Si negani,* inquit, *pauperibus quod volebant, & oculos vidua expectare feci;* super quæ verba ita ait Greg. Iob. 31.
 21. Moral. c. 11. Petentem sibi viduam expectare noluit, vt non solum ex munere, sed ex celeritate quoque muneris bonorum operum merita augeret. Illa autem verba, *oculos vidua expectare feci,* fortè significant tantum abfuisse, vt oculos viduæ expectare faceret, vt potius ipse expectauerit viduam, cui occurreret, & subueniret, ad imitationem Dei, de quo dicitur: *Expectat Dominus, vt misereatur vestri.* Quod etiam notauit Cyril. lib. 2. in Ioan. Iai. 30.
Ioan. 5.
 ad ea verba Christi Ioan. 5. *Vis sanus fieri?* Magnū, inquit, misericordiæ Christi est argumentum, non expectare semper laborantium preces, sed sua misericordia præuenire. Quod argumentum etiam eleganter prosequitur Theodoret. in Psalm. 22. ad ea verba, *Misericordia tua subsequetur me.*

NOTA VIT insuper Gregor. in hanc sententiam 21. Moral. cap. 8. dixisse Iob. *Si despexi prætereuntem eo quod non habueris indumentum,* ignoto enim proximo misertum se indicat, quem prætereuntem vocat, quia apud piā mētem plus natura valet, quàm notitia. Nam vnusquisque qui indiget, eo ipso quod homo est, ei iam incognitus non est. Vt ergo eorum impietatem arguat Iacobus, qui miseriis, & necessitatibus pauperum nihil commouentur, ostendit eos nec misertos fuisse ratione naturæ, nec ratione fidei Christianæ, quæ nos omnes sub vno Patre fecit fratres. Cū etiamsi nullus talis respectus interueniret, deberemus pauperum inopiam subleuare, eorumque miseriis occurrere; sicut eleganter prosequitur Chrysostomus homilia 80. in Matth. Si enim, inquit, inimicus fuisset, nōne ad misericordes etiam flectendos, mitigandosque suffecissent passiones illæ, inedia scilicet, frigus, vincula, nuditas, ægrotatio? Hæc enim etiam ini

inimicos mouere possent. Canem plerumque famescere videntes frangimur, & belluarum inedia nonnunquam flectimur. Tu verò Domino famesciente non domaris, qua ratione poterunt hæc excusari? Vt ergo ostendat qualiter teneamur indigentibus subuenire, eos sub nomine fratrum nobis propositos asserit Iacobus.

§. I.

Contra eos qui solis verbis pauperibus occurrunt, & fidem comprobant.

DIVVS Greg. Pap. 20. Moral. c. 14. tractans præsentem locum Iacobi, ait: Dilectio nostra semper exhibenda est, & veneratione sermonis, & ministerio charitatis. Vnde præsentibus verbis ex eius sententia eos carpit, qui cum possint opere, verbo tantum pauperibus occurrunt, cum tamen Paulus dicat, hos non debere esse *diuites* verbis, sed *operibus bonis*, facile tribuere, communicare, &c. Sed eò res iam deuenit, ut solis iam verbis pauperibus occurratur, & nullo omnino artificio possit frater nudus, & egenus obolum extorquere. Vnde Nazian. Orat. de pauperum amore; Noctes, inquit, diésque vagantur inopes, & nudi, ac tecto carentes, morbum ostentantes, Creatoris hdem, atque opem. implorantes, alij aliorum membris pro iis, quibus carent videntes, tantum animos hominum ad misericordiam petraherentium artifices, panis nonnihil postulantes, aut per exiguum obsonij, aut pannosam quandam ac sordidam vestem, in obscænitatis subsidium, aut vlceribus solatium: ac clementiæ apud eos, facilitatisque laudem non habet, non qui ipsis quæ necessaria sunt suppeditauit, sed qui non sœuè, atque acerbè ablegauit. Multisque interiectis subnectit: Dum secundo vento nauigas, ei qui naufragium facit manum porrige, ne expectes, ut in te ipso discas quantum malum sit inhumanitas, quantumque bonum viscera egentibus aperire, ne experiri velis Deum aduersus eos, qui alta ceruice incedunt, ac pauperes prætereunt, manum extendentem. In alienis calamitatibus hæc discas, egenti paruum aliquid dato, neque enim paruum est ei, qui omnibus rebus caret, &c. quæ pro hac re videnda sunt.

Deut. 16. E T fortassis nihil aliud adumbrabat præceptum illud; *Non plantabis lucum, & omnem arborem frondosam iuxta altare Domini Dei tui*: Nisi Deo displicere omnino eos homines, quos Plato inuensas arbores, & Philo cælestes plantas vocauit, dum solo foliorum tegmine, verborum scilicet prolatione, absque fructu, & operatione operiuntur, quorū folia, verbaque citò decidunt, fructus nunquā reperitur. Vnde D. Isidor ad prædicta verba ait: nemus, frondentes arbores infructuosæ, sola delectatione visus plantata, Gentiles sunt. Nos autem circa altare Dei, id est, Dominicam fidem, nihil in verbis infructuosum componimus. E contra verò diuinus Sponsus commendat ficum, quæ protulit grossos suos: quia præcoque ficui pro foliis, ac floribus fructus est; nondum foliis vestitur, & iam fructibus exornatur.

qua

qua de re videndus Plinius lib. 4. c. 26. Est enim gratissima Deo ea arbor, quæ non habet flores, foliæque verborum, sed fructus bonorum operum, quibus fratribus egentibus possit mederi.

Vnde iam intelligitur locus ille Hieremiæ, quem Hieronym. ibi lib. 3. de Christo Dom. intelligit, dum ait. *Uæ mihi mater mea, non peperci, nec peperci.* cap. 25.
mihi quisquam. vbi Septuag. habent, *Non profui, nec profui mihi quisquam:* quasi illud deplorat Christus Dom. nullum, scilicet, reperiri in terra, qui eum in pauperibus esurientem pascat, aut sitientem potet. Vnde Theodoret. ibi sic habet: *Non debui, nec debui mihi quisquam.*

Qui verò sic non audit clamantem fratrem, nec subuenit egenti Christo in paupere, meritò cum Diuite auaro non exauditur, imò plura contra eum in vno paupere ora aperiuntur, cum ipse hianti præ fame ori nihil ingesserit. Pro qua doctrina videndus est Chrysolog. Ser. 120. vbi ita habet: Quia obduratis auribus vnus oris nihil erat vox clamantis ad aperiendum cor Diuitis, totum corpus pauperis Lazari vulneribus aperit, vt in admonendo Diuite tot essent pauperis ora, quot vulnera, vlcera producuntur: hiatus vulnerum dilatatur, vt quem vox esurientis non mouerat, vel suspiria, vel dolores, & tot ærumnarum congeries commoueret, imò aperta ora clamarent ad Deum pro tam sæua immanitate, dum tot ora clamantia in vno fratre non audiuit. Sicut autem dixit Aug. tract. 9. in 1. Can. Ioan. Vbi charitas est, & qui exigit dulcis est, & à quo exigitur. Quod ipse explicat sumpta similitudine à brutis, quæ petentes filios, imò percutientes patienter ferunt. Videmus, inquit, vbera vaccarum à grandiusculis vitulis capite percuti, & propè ipso impetu leuare matrum corpora, nec eas tamen calce repellere vitulos, sed si desit filius, qui sugat, mugitu prouocare ad vbera. Propterea ergo pauperes repellimus, nec audimus, aut solis verbis eis satisfacimus, quia deest supernaturalis charitas, quæ eos vacuos minimè abire permittit. Vnde D. Leo Ser. 7. de Collectis ait: Illa fides nobis cauenda est de suæ infecunditatis exemplo, quam Dominus nihil habentem quod esuriens sumeret, perpetua sterelitate damnauit. Qua de re videndus Greg. hom. 31. in Euang. & Chrysost. hom. 21. ad Roman.

§. III.

Contra eos qui pauperes spoliant, dum subuenire deberent.

QVOD si is, qui videns nudum fratrem, egentemque victu, & solis verbis, non operibus occurrit, condemnabitur, quanta damnatione ple-
cendi sunt ij, qui rapiunt aliena? sicut dixit Greg. 3. p. Pastoral. c. 21. quod etiam profequitur Aug. Ser. 38. de Sanctis, vbi ita habet: Si in ignem mittitur qui esurienti non dedit panem suum, puta quod mittendus est, qui tulit alienum: Si in ignem mittitur qui nudum non vestit, quod mittendus est qui vestitum spoliauit: si periturus est qui carcerem non visitauit, quid de illo fiet qui fortè in carcerem misit? Rogo vos fratres charissimi, hinc attēdite, V.V. quam
Pat. in Epist. B. Iacobi Apost.

quam spem habere possunt, qui mala faciunt, quando illi perituri sunt, qui bona non faciunt?

Matt. 3. DENIQUE alio loco Dominus terribiliter nos admonet, dicens: *Omnis arbor, quæ non facit fructum bonum, excidetur, & in ignem mittetur;* non dixit, quæ facit fructum malum, sed quæ non facit fructum bonum. Et Bern. epist. 104. Attende, inquit, quid mereatur iniquitas, si sola sufficit inutilitas ad damnationem. Reuerâ secura non erit spina, vel tribulus, ubi securis infructuose arbori poni videbitur, nec parcat pungenti, qui minatur sterili. Quibus habet similia Chrysost. homil. 21. ad Rom. ubi post multa sic concludit: Si ergo non pascuntur ita condemnabuntur, quam putas, pœnam dabunt, qui non solum non pascunt, sed conuiciantur? maiorem utique dabunt, si deprædantur. Considerare ergo debemus, Deum nostros profectus; suos putare fructus sicut eleganter prosequitur Bernard. Serm. 63. in Cant. ut eos per manus pauperum Domino offeramus.

Verf. 16. *Sic & fides, si non habeat opera, mortua in semetipsa.*

EXPOSITIO LITERALIS.



NONIAM hoc in loco agit Iacobus de fide mortua, de qua saepe agit in hoc capite; id semel explicandum est, ut deinceps intelligatur. Fides igitur, ut est habitus intellectualis à Deo intellectui infusus, sumitur ut informis, id est, sine consortio, & coniunctione charitatis. Sic enim potest realiter dari fides, ut definitum est contra hereticos in Trid. sess. 6. c. 15. & Can. 28. vel, ut formata & adiuncta charitati. Fides igitur sine charitate, nec virtus Theologica est, nec intellectualis. Primum patet, quia non perficit nos ad ultimum finem, nec facit bonum habentem, nec opus eius perfectum reddit; quod Paulus dixit 1. Cor. 13. *Si habuero omnem fidem, charitatem autem non habuero, nihil sum.* Et quod non sit virtus intellectualis, patet, quia licet perficiat intellectum ad cognoscendum verum supernaturale, quantum pro isto statu potest cognosci, tamen sine charitate non habet statum virtutis, quia non habet firmitatem in operando in omni euentu, quæ necessaria est ad rationem virtutis. Hæc prælibasse satis sit, latius namque probantur à Theologis in 3. dist. 23. & apud D. Thom. 2. 2. q. 24. art. 5.

1. Cor. 13.

HÆC duo igitur quæ illi desunt, habet à charitate, & hæc est ratio quare à Theologis dicatur forma fidei, non quia charitas sit propria forma fidei, siue essentialis, ut anima dicitur forma hominis; aut accidentalis & extrinseca, ut albedo corporis, charitas namque & fides sunt duæ virtutes specie distinctæ, quæ duas diuersas potentias perficiunt, sed quia perfectionem iam dictam addit fidei, ideo metaphoricè dicitur forma ipsius, secundum analogiam, videlicet ad formam propriè dictam, quæ suo modo subiectum perficit. Vnde Aug. lib. 6. contra Iulianum c. 117. ait. Qui

Qui rectè amat, proculdubio rectè credit, & sperat, qui verò non amat, inaniter credit, etiam si sint vera, quæ credit. Quibus habet similia 15. de Trinit. c. 18. & in Præfat. Ps. 31. Irenæ. lib. 4. cap. 25. Cypr. Serm. de Zelo & Liure. Ambros. lib. 2. Offic. c. 2. & in Psalm. 1. In quam sententiam notauit Hugo ea verba Ioannis in epist. 2. *Gauisus sum valde*, venientibus fratribus, & testimonium perhibentibus veritati tuæ, vt significant veritatem fidei cum charitate in opera prodeuntis, quasi si fides spectetur sine charitate operante, & secundum habitum dumtaxat, non ad eò videatur vera, sed inanis & mortua; ideo enim addit Apostolus verbum *ambulandi*, quod denotat opus viuientis.

Hinc iam licet colligere, fidem dici mortuam sine charitate, cuiusque operibus, non quomodo homo dicitur mortuus, qui post mortem non est, sed quomodo corpus dicitur mortuum, quod post mortem est, sed non viuit. Vita namque non est de essentia fidei, quemadmodum est de essentia hominis, sed per metaphoram dicitur fides viua, cum operatur, mortua, cum non operatur, sicut etiam aqua dicitur viua, quæ continuò fluit, vt in fonte & fluuiis, mortua verò dicitur, quæ non mouetur, vt in stagnis, & paludibus, cum tamen vtraque verè & propriè sit aqua. Spes etiam iuxta hanc doctrinam dicitur viua, ad quam accedunt opera, vt dixit Paulus: *Spe salui facti sumus*. Et Petrus: *Regenerauit nos spem viuam*. quanquam non sit Rom. 8. tam vñtatus loquendi modus.

In hoc igitur sensu dicit Aug. de Spiritu & litera, c. 32. Charitas, quæ 1. Petr. 3. est vita fidei, ipsam non præcedit, sed sequitur fidem. Et Bern. epist. 42. Mortua fides est, quæ non operatur ex dilectione, quasi non habens animam ipsam dilectionem, qua vegetetur, & moueatur ad opera. Et Serm. 24. in Cant. Qui diuidis actum à fide, inique diuidis, fidem perimis tuam, nam fides sine operibus mortua est. Munus mortuum offers Deo. deinde subiungit: Credis in Deum? fac Christi opera, vt viuat fides tua: fidem tuam dilectio animet, probet actio.

Vel dicitur mortua fides sine operibus & charitate, quia se habet instar arboris non ferentis fructum. Et ideo Iudas in sua Canonicæ, Hæreticos 1. appellat non tantum arbores autumnales, sed etiam bis mortuas, eradicatas, tum, quia neque fructum charitatis, & boni operis ferunt, in quo assimilantur arbori autumnali, quæ licet radicem habeat, videtur tamen mortua, cum nullum iam habeat, neque ferat fructum, tum etiam, quia fidem non habent, quæ est radix omnis bonæ actionis, in quo assimilantur arbori bis mortuæ, vel eradicatæ. Nam quæ eradicata est, caret vita fructus, & vita radicis. Autumnali verò arbori nondum eradicatæ assimilare possumus fideles peccatores, qui cum radicem habeant, scilicet fidem, carent fructu charitatis & operationis. Et Plinius lib. 16. c. 26. infelices arbores damnatæque Religione appellat, quæ nec fructu ferunt, nec semen quidem.

Fides igitur est radix charitatis, bonæ operationis, & iustificationis nostræ, vt dixit Trid. sess. 6. c. 8. & Aug. epist. 105. his verbis: Cum aliquis excitatus diuina gratia, concipiens fidem ex auditu, mouetur in Deum

credens vera esse quæ diuinitus relecta sunt, & hac fide intelligens se peccatorem esse, à diuinæ iustitiæ timore concussus, ad diuinam misericordiam seconuertendo in spem erigitur, Deumque fontem omnis iustitiæ aliquo modo, saltem imperfecte diligere, & aliquo modo detestari peccata incipit, ut ipse paulatim ad iustitiam disponatur; & quemadmodum radix in arbore lentim succum præbet ramis, eosque alit, quousque fructum ferant, sic fides mouens nos ad opera, quibus paulatim ad iustificationem disponimur, succum nobis, & motum aliquem subministrat.

Est quædam ante aduentum fructus charitatis dicatur fides mortua, quia tali fructu caret: tunc enim comparatur arbori solum autumnali, & non omnino eradicatæ, aliquem tamen habet actum vitæ, eumque suppetat ad bene operandum, dum paulatim nos disponit, & deducit ad iustificationem: & sicut arbor in autumno dicitur mortua, quia foliis & fructu caret, quæ præcipua vita arboris dicitur, & tamen intra se, & ex radice sua habet motum vitæ, quia continuè alitur, sustentatur & disponitur ad fructum: sic fides in peccatore, dum non fert fructum charitatis, dicitur mortua: vita charitatis, in se tamen adhuc habere dicitur aliquem motum vitæ, quando ad iustitiam paulatim hominem prouehit. Etenim si D. Thom. 3. p. q. 8. art. 3. ad 2. dicit, fidē sine operibus, & charitate mortuā esse, per eam tamen peccatores esse actu membra Christi, quia percipiunt à Christo aliquem actum vitæ, scilicet ipsam fidem: maiori ratione fides, quæ in peccatore ad iustitiam mouet, & excitat ante aduentum charitatis, dicetur habere in se aliquem vigorem vitæ.

§. I.

Connexio inter fidem & opera charitatis.

NON eatenus igitur hæc Iacobi doctrina intelligenda est, ut negetur, fidem initium salutis esse, & substantiam, seu initium substantiæ nostræ, ut loquitur Paulus, eumque explicat Chrysost. quasi per eam subistamus, nati simus, essentiales facti, fundatique spiritali essentia, & regeneratione, ut loquitur Theophylact. Ideoque Ambr. in Psal. 1. Virtutes sine fide folia sunt: videntur virere, sed prodesse non possunt, agitantur vento, quia non habent fundamentum, quanti Gentiles habent misericordiam, &c. sed fructum non habent, quia fidem non habent; labuntur cied folia, ubi ventus flauerit. Et Paulus eam euellit, de eaque potissimum agit cum Hebræis, quoniam hi aduersus istam contentiosius pugnabant, & eam opponit operibus legis, ut intelligamus non per talia opera contingere salutem, sed per gratiam, quam fides implorat, quæque nisi credentibus non conceditur. Qua de re videndus Aug. lib. de Prædestinat. Sanct. c. 7. Greg. Nazianz. Orat. 28. & Conc. Trid. sess. 6. c. 8.

Sed intendit Iacobus ostendere, solam fidem non sufficere, neque oris confessionem, nisi accedant opera, sicut neque sufficiunt lenia blandaque verba

verba fratri indigenti, cum adest substantia, qua illi subueniri possit; quod dixit Greg. 23. Moral. c. 10. his verbis: Non satis est habere fidem, nisi vita sit fidelis, nonnulli fidem medullitus tenent, sed viuere fideliter nullatenus curant, quibus diuina Prouidentia saepe contingit, vt propter hoc, quod nequiter viuunt, & illud perdant, quod salubriter credunt. proindeque versans praesentem locum Iacobi D. Aug. lib. de fide & operib. c. 14. ait: Quousque falluntur qui fide mortua sibi vitam perpetuam pollicentur? & c. 21. Nequaquam mens incauta fallatur, vt se existimet Deum cognouisse, si eum hinc mortua, hoc est, sine operibus confiteatur, more demonum, & ideo se iam non dubitet ad vitam aeternam esse venturam, quia Dominus dicit, *Hae est autem vita aeterna, vt cognoscant te Deum verum, & quem misisti Iesum Christum.* Venire quippe debet etiam illud in mentem, quod scriptum est: *In hoc cognoscimus eum, si mandata eius seruauerimus: Qui dicit, quia cognouit eum, & mandata eius non seruat, mendax est, & in hoc veritas non est.* Similia habet lib. de Continentia c. 14. & lib. 83. q. 37. & enarrat. in Psalm. 31.

F A C I T etiam expositio D. Anselmi in c. 1. epist. ad Rom. quae est etiam aliorum, cum ait: Obedire fidei, non est solum assentiri, sed opere complere quae fides ostendit facienda. Vnde Christus Dom. Ioan. 5. dixit. *Veni hora, in qua omnes, qui in monumentis sunt, audient vocem filii hominis, & procedent qui bona fecerunt, in resurrectionem vitae, qui vero mala, in resurrectionem iudicii.* Vbi notauit Aug. dicto lib. de fide & operibus c. 23. non dixisse Christum, procedent, seu prodibunt qui crediderint, sed, qui fecerint: quod etiam notauit Chrysost. homil. 38. in Ioan. & Theophyl. cum de hac re ita habet: Quoniam iam superius dixerat Christus, *qui verbum meum audit, non indicatur*, ne quis forte hoc solum satis esse ad salutem arbitraretur, ideo Christus Dominus statim adiunxit, *qui bona fecerunt, ibunt in resurrectionem vitae*; sic Theophylact. Videndus hac de re etiam D. Prosper lib. 3. de vita contemplat. c. 12.

ORDINATUR itaque cognitio fidei ad exequenda opera. Vnde licet communior Theologorum sententia, sacram Theologiam dicat esse scientiam simpliciter speculatiuam; plerique tamen, vt Albertus Magn. in sum. 1. p. tract. 1. q. 3. memb. 3. Durand. q. 6. Prolog. Richard. q. 4. Greg. q. 5. art. 4. & alij; quin & Scotus in Prologo, q. 4. tenent, esse scientiam practicam, quod alij etiam Theologi concedunt per extensionem, vt videre est apud D. Thom. 2. 2. q. 4. art. 2. Etenim, sicut docuit Paulus; *Omnis Scriptura diuinitus inspirata, utilis est ad docendum*; quod etiam videtur sentire Aug. 1. de Doctrina Christ. c. 11. & lib. 2. c. 27. Greg. hom. 10. in Ezechiel. Quod si Aristoteles 1. Ethic. c. 3. ait, finem moralis Philosophiae non tam esse cognitionem, quam actionem, qui fieri potest, vt cognitio fidei non dirigatur ad operationem; & vt fides, sicut volunt Haeretici, sufficiat ad salutem; cum potius in sacra Scriptura scire idem sit, ac amare, per charitatem, scilicet operante, vt videtur notasse Orig. in c. 8. epist. ad Rom. & Aug. 1. de bono Perseuer. c. 28. Ideoque Philo lib. de migratione Abrahæ, ait: Opera sapientis nihil differunt a diuinis eloquiis: quaecumque enim Deus iubet, acquiritur, statim exequuntur, & notitia eloquiorum ad operationem dirigitur.

Vnde Chrysof. hom. 8. in 2. ad Timot. fides, inquit, sine operibus, figura solum absque virtute est. Recto ergo, pulchro, & venusto corpori virtute destituito, picturaq; assimili fides absque operibus rectè comparatur. Pro qua sententia notauit pulchrè idem Philo lib. de profugis; Labanum scrutatum fuisse totam suppellectilem Iacobi, quarentem idola, eadem tamen minimè reperisse. Quamuis, inquit, Laban scrutaretur totam animale domum Iacob, non inuenit, vt Moyses narrat, simulachra, plenus enim erat negotiis, non somniis, & variis inaginationibus. Nec enim in ea anima simulachra falsa, & vana idola potuerunt inueniri, quæ tota posita erat in negotio, & operatione, cum vera notitia Dei practica esse soleat, & dirigere ad operationem.

Est optimus pro hac re ille locus apud Ezechielem cap. 1. vbi ita habetur: *Similitudo quatuor animalium; quatuor facies vni, & quatuor pennæ vni, & manus hominis sub pennis eorum in quatuor partibus.* Cum ergo pennæ ad volatum inferuiant, & manus operationi, vnde & per illas solent opera designari, id in hac visione videtur manus sub pennis protendere, sc. connexionem inter cognitionem rerum cœlestium, & operationem, iuxta eadem notitiam; quod optimè videtur expressisse Greg. lib. 6. Moral. c. 18. vbi ita habet. *Quid per pennas, nisi cognitionem possumus sentire Sanctorum, qua ad summa transuolant, & terrena deferentes, sese in cœlestibus librant; quid per manus nisi operationes accipimus? quia cum in proximi amore se dilatant, bona, quæ prævalent, etiam corporaliter administrant.* sic ille. Vbi vides & manus pennas adiuuare, & eleuare, & in alarum remigio extensionem manuum fundari, quasi nec pennarum expansio sine manuum extensione daretur, nec manus extenderentur, nisi pennis sursum eleuatis. Quanquam enim sine fide impossibile sit Deo placere, tamen fides sine operibus mortua est. Vnde Chrysof. homil. 21. in Genes. Non est ingloriosa nominis (sc. fidelis) appellatione fidendum, nihilque prodest vocabulū virtute vacuum.

Hoc ipsum ostendit Ambros. lib. de Parad. c. 13. vbi aduertit, Adamum, Genes. 3. postquam peccauit, operuisse se foliis ficus, existimantem se posse operire magnitudinem peccati appositis foliis, cum pro eo tollendo ad fructus deberet recurrere. Adam, inquit, postquam peccauit, de foliis ficus fecit sibi succinctorium, qui de fructibus magis gustare debuit: iustus fructum eligit, folia peccator. Additque. Ergo quicumque præuaricatur mandatum Dei, spoliatur atque nudatur, & fit ipse sibi turpis, vult se operire quibusdam ficus foliis, &c. Cui accinit Greg. 16. Moral. c. 22. cum explicat ea verba. *Nudos dimittunt homines, indumenta tollentes, quibus non est operimentum in frigore.* Dicitque esse verba Hæreticorum, qui bona opera è medio tollunt, quæ sunt vera indumenta. Sicut vestimenta, inquit, corpus, sic bona opera protegent animam; vnde cuidam dicitur, *Beatus qui vigilat, & custodiū vestimenta sua, ne nudus ambulet.* Plurāque hac de re habet idem Gregor. lib. 19. Moral. cap. 16.

HÆRETICI itaque cum in quorundam mentibus bona opera destruūt, nimirum velamina indumentorum tollunt. Additque. Cum verò hæretici

per

peruerſis allegationibus rectæ fidei, eis opera ſubtrahunt, quid agunt, niſi ut qui adhuc deſideriorum carnalium frigora ſentiunt, ſine bonorum actuum veſtimento moriantur? Boni operis tegmen accipimus, quo quiſque regitur, ut ante omnipotentis Dei oculos, prauitatis eius ſeditas operiatur. Vnde ſcriptū eſt, *Boni, quorum remiſſæ ſunt iniquitates, & quorum reſta ſunt peccata.* Deceptus proinde Adam, ſe foliis voluit operire, non fructibus, ideoque ſe mortuum tunc temporis oſtendit, quia fides ſine operibus mortua eſt. Quod etiam probat D. Chryſoſtom. Serm. *Quod Dauid. a Cantica diuerſis ſubſeruiam noſtris conſolationibus,* ubi ſic habet: Quemadmodum cibo vita hæc ſuſtentatur, ſic & ſi bonis actionibus adnitamur, ſpiritu potiemur, quo parto, & bonis operibus abundabimus, quibus contra ſi caruerimus, idem à nobis ſpiritus auolabit. Pſal. 31.

§. I I.

Perit citò fides ſi operibus non fouetur.

AD noſtram doctrinam myſticè moraliter poteſt eſſe ſenſus huius loci: Fides ſi non habeat merita, mortua eſt in ſemetipſa, id eſt, interit, deſinitque eſſe fides, niſi alatur, & ſuſtentetur bonis operibus. Vnde Oecumen. hoc loco: Neque vnguentum in capſula recondideretur quæ luto plena eſſet, neque in homine impuro fides immitteretur. Addimus, aut conſeruarietur à Deo. Quod etiam dixit Paulus: *Habemus myſterium fidei in conſcientia bona;* quali ibi conſeruetur fides. Quem etiam ſenſum videtur innuere Gloſſa cum habet. Mortua eſt contra ſemetipſam, quali mors fidei, & otium ab operibus, contra ipſam fidem ſit, quandoquidem inde deperditur. Inueniòque hunc ſenſum probatum à Cardinali Toletò ad Rom. c. 2. ubi ait: Fides, niſi ſequantur opera, perit. Et in hoc ſenſu dixit Auguſt. Gratiſimus ex eo quod habemus, ut addatur quod non habemus, & non perdamus quod habemus. Et Chryſoſt. eleganti ſimilitudine hoc declarat in imperfecto hom. 52. Oleum, inquit, dicitur opus miſericordiæ, quia ſicut oleum lumen lampadis fouet, ſic opera bona ſubminiſtrant conſcientiam fidei, & vigorem accendunt: multiſque interpoſitis ait. Extinguitur lampas hominis, quando fides eius deficit, & quemadmodum ſubducto oleo minuitur lumen lucernæ, ſic malus conſideratione operum ſuorum malorum ſemetipſum confundit. Vnde Paulus: *Habemus fidem, & bonam conſcientiam, quam quidam repellentes, naufragauerunt circa fidem.* Videndus etiam homilia 13. in epiſt. ad Ephes. & homil. 26. in Ioan. inſupérque ſimilia habet homil. 13. eiſdem operis, & imperfecti. Et huc fortè ſpectat illud Apoc. 2. ad Angelum Eccleſiæ Epheliſiorum. *Prima opera fac, ſin autem, mouebo candelabrum de loco ſuo;* id eſt, ſi opera deficiant, tua penitus fides, ſicut lucerna conſumpto oleo extinguetur. Probata eſt hæc doctrina Ambroſio Serm. 11. in Pſalm. 118. dicenti: Fides inexercitata languſcit, & crebris otioſa tentatur in commodis; remiſſas excubias callidus inſidiator irrupit, & rumpit. 1. Tim. 3.

Pl. 136.

1. Cor. 13.

rumipit. Et Gregor. 25. Moral. c. 10. Nonnulli fidem medullitus tenent, sed viuere fideliter nullatenus curant, insequuntur enim moribus, quod credulitate venerantur, quibus diuino iudicio sæpe cōtingit, vt per hoc quod nequiter viuunt, & illud perdant, quod salubriter credunt, & sæpe cū bene viuere negligunt, etiam persequente nullo vsque ad perfidiam dilabuntur; super quos bene per Prophetam sub Hierusalem specie inimicorum destruentium verba memorantur, à quibus scilicet dicitur: *Exinanite, usque ad fundamentum in ea.* Paulus quippe ait; *Fundamentum aliud nemo potest ponere præter id quod posuit, quod est Christus Iesus.* Inimici ergo destruentes vsque ad fundamentum Hierusalem exinaniuat, quando peruersi spiritus à corde fidelium, destructo prius ædificio boni operis, soliditatem quoque exhauriunt Religionis; vsque ad fundamentū exinanisse, est euerso bene viuendi opere, etiam robur fidei dissipasse. Vidēdus hac de re Hieronym. lib. 4. in cap. 3. Ezechiel. vbi ponderat, Hæreticos propter morum corruptelam fidem amisisse. Et Chrysost. hom. 27. in Ioan. cū dicit: *Omnis qui malè agit, non verè credit.* Et Lyrabus ad illa verba Pauli 1. Timoth. 1. *Habens fidem, & bonam conscientiam, quam quidam repellentes, circa fidem naufragauerunt;* quia sicut nauta, inquit, faciens naufragium perit, & alij cū eo; sic tales à fide cadentes, inducunt alios ad infidelitatem. Fouenda proinde est fides bonis operibus, ne illis destituta omnino deficiat, & mortua sit contra seipsam.

Verf. 18. *Sed dicit quis: Tu fidem habes, & ego opera habes: ostende mihi fidem tuam sine operibus, & ego ostendam tibi: ex operibus fidem meam.*

EXPOSITIO LITERALIS.



Nō tāt adhuc Apost. in probatione illius, quod proposuerat, fidem, scilicet, sine operibus non prodesse ad salutem. Et hoc est tertium argumentum desumptum ex hypothesi duorum hominum valde dissimilium, quales fuerunt, verbi gratiā, D. Petrus, & Simon Magus, siue D. Paulus, & Elimas Magus, Stephanus, & Nicolaus, Ignatius, ac Ebion, Irenæus, & Valētinus, Augustinus, & Lutherus, Hieronymus, & Caluinus, quorum vnus gloriatur de sola fide, proindeque de salute se certum prædicat: alter verò accedit non solum habens fidem, sed insuper interna, externaque opera virtutum. Hic igitur illum alium de sola fide gloriantem sic poterit refutare, & convincere: *Tu fidem habes, sicut asseris, at quomodo id mihi verum esse persuadebis, cū fides res sit spiritalis, & inuisibilis?* oportet autem & Solem suo splendore, & ignem ardore, fumoque, & arborem ex fructu probari, & cognosci, quia ergo ratione fidem tuam emortuam, & solam mihi manifestabis?

stabis? imò ex eo quòd operibus careas, videris illa carere. Ego verò tibi fidem meam operibus comprobabo, cum & oleum, & lampadem accensam habeam, proindeque à cœlesti sponso accipior, tu quia vacua gloriaris lampade, excluderis. Ego veluti arbor secus decursus aquarum, fructum profero in tempore, tu vt ficulnea sterilis malediceris, ego sicut oliua fructifera, tu sicut mirix in deserto. Proindeque & fructum habeo, & fidem comprobabo, quorum tu nullum efficis. Ideoque Luc. 5. dicitur, *quorum fidem vt vidis*, loquens de iis qui portabant paralyticum. Licet verò Christus viderit internam fidem, insuper etiam vidit opera ex fide emanantia.

Hæc fidei probatio ex operibus, probabilis vtique censenda est, & moralis, & ex connexionione quam bona opera habent cum fide, cuius plantationem sequuntur flores bonorum operum, quæ nobis profunt. Ostenditque hic locus, fidem, quæ saluti inferuit, debere probari bonis operibus, alioqui neque viua erit, mortuum autem quomodo potest saluare; neque conseruabitur, neque testes habebit. Vnde Saluianus Massiliensis Episcopus lib. 4. de Prouidentia, tom. 4. Biblioth. tractans hunc locum Iacobi, ait: Hoc indicat, actus bonos Christianæ fidei quasi testes esse, quia Christianus nisi opera fecerit bona, fidem suam penitus probare non possit, ac per hoc quòd probare non valeat, quia sit, sic omnino habendum est, quasi non sit. Opera verò meritoria supponunt fidem, gratiam, & charitatem, & hæc tanquam radicem ostendunt, ac truncum. *Plantati namque in domo Domini, in atrijs Dei nostri orebunt*; licetque plantatio fidei habeat dignitatem, præcellit tamen efflorescentium honor, quia, vt initium in plantatione est, ita gaudiū boni operis in flore est; sicut dixit Hilarius in Ps. 133.

Q V O N I A M verò atrij fecimus mentionem in plantatione fidei, & flore boni operis, non incongruè asseremus, quæ in præsentem sententiam de atrio habet D. Gregorius homil. 22. in Ezechiel. vbi aduertit, atrium in quadro positum dici, & longitudinem significare longanimitatē spei, latitudinem verò charitatis amplitudinem, quæ in eordibus fidelium vacua non est; nam per fidem, quicquid valet, operatur. Vnde Paulus: *In Christo Iesu neque circumcisio aliquid valet, neque præputium, sed fides, qua per dilectionem operatur*. Si ergo, in vita fidelium iuxta quendam modum, per singulos perfecta est longanimitas spei, perfecta latitudo charitatis, perfecta certitudo fidei, perfectum studium operationis, atrium templi per quadrum centum cubitos habet, in mensura autem quadri non aliud latus maius est, atque aliud: concluditque; cum ergo virtus, tempus, & locus operandi suppetit, tanto quis operatur, quanto Deum nouerat, & tantum se nosse Deum iudicat, quantum pro Deo bona opera operatur. Metiantur ergo fideles populi virtutes in quadrū, quia vnusquisque, qui in hoc vitæ exercitio versatur, tantum credit, quantum sperat, & amat, & tantum operatur, quantum credit, amat, & sperat: fides namque ex operibus ostenditur, probatur, ac metitur.

Galat. 5.

F A C I T in huius sententiæ confirmationem visio illa Ezechielis, vbi de animalibus illis mysticis dicitur, *manus hominis sub perinis eorum in quatuor* Cap. 3.
Part. in Epist. B. Iacobi Apost. X X par

partes. De qua visione iam diximus superius præcedenti versu. Vt hinc notum fieret, fidem, quæ ad suprema per cognitionem volamus, manifestari per extensionem manus, scilicet per operationem, mortuamq; & ineptam esse ad volatum eam fidem, quæ manus subter non haberet, & ingem operationis comitatum. Vnde D. Aug. in Ps. 183. ibi, *qui ambulat super pennas ventorum.* Pennæ quibus anima plumescit, & attollitur sursum, sunt bona opera & virtutes, in duabus alis omnes pennæ, quia toto lex in duobus consistit mandatis. Quisquis dilexerit Deum, & proximum, animam habet pennatam, si enim anima non habet pennas, potest clamare cum Dauide: *Quis dabit mihi pennas, sicut columba?*

Psal. 54.

Idcirco etiam in hanc sententiam id, quod notauit Orig. hom. 10. in Gen. famulum scilicet Abrahæ, dum iussu domini sui sponsam Isacco elegit Rebeccam, statim protulisse in aures, & armillas, ut aures manûsque simul ornatas haberet. Liq; spiritaliter intelligens, ait: Vult enim aurea in auribus suscipere verba, & aureos actus in manibus habere. Verba enim aurea, sunt verba fidei, quæ ex auditu est, quæ eam perpetuo comitantur, & ornant; aurei actus, operationes scilicet virtutum. Ea ergo anima, quæ cum diuino sponso contrahit, fidem ac operationes tanquam ornamenta habet, imò operando meruit ea consequi. Ideoque idem Orig. habet: Hæc prius accipere non potuit, nec mereri, nisi venisset ad puteos haurire aquas, sc. gratiæ salientis in vitam æternam.

Rom. 10.

Est etiam optimus locus apud Hierony. contra Iovinianum, cum ita habet: In legionibus sunt duces, sunt tribuni, comissa tamen in pugna vacant nomine dignitatum, & sola fortitudo exquiritur. Qui locus potest optimè exponi ex eo quod præsens vita militia super terram dicatur, & perpetua nobis sit colluctatio, in qua non sola fidei nomenclatura sufficit, nisi opera accedant, fidemque testatam ostendant. Vnde in Apocal. Angelo Thyatiræ dicitur, *noni opera tua, & fidem, & charitatem tuam:* quantumcunque enim ordine generationis fides initium sit, & radix totius nostræ iustificationis, & ordine perfectionis, charitas virtutum forma dicatur, prius fidei meminit diuinum Oraculum, ut nobis sic meliùs inculcaret, quantum operibus deferendum sit; & qualiter fidem, & charitatem testentur. Quod eleganter prosequitur Cypri. tract. de immortalit. dicens: Gratulari oportet, & temporis munus amplecti, quod dum nostram fidem firmiter promimus, & labore tolerato ad Christum per angustam Christi viam pergemus,

Apoc. 1.

præmia vitæ eius, & fidei, ipso iudicante capiamus, &c.

Vbi notanda veniunt ea verba (*labore tolerato, fidem promimus*) quasi nihil sic promat, ostendat, & testetur fidem, quàm vel mala ob fidem perpeffa, vel bona à fide per charitatem prouenientia.

Vers. 19.

Verſ. 19. *Tu credis, quoniam unus eſt Deus, bene facis; & demones credunt, & contremiſcunt.*

EXPOSITIO LITERALIS.

Hoc eſt quartum argumentum contra ſolius ac nudæ fidei aſſertores, quod Auguſt. expēdens lib. de Fide & Operib. cap. 15. ait: Quid verius, breuius, & vehementius dici potuit? Eſt autem ſenſus horum verborum, Non putes te aliquid magnum facere, credendo vnum eſſe Deum, idque nobis probatam oſtendere fidem tuam. Namque actus credendi, qui procedit à fide informi, licet non ſit meritorius, bonus tamen eſt ex genere, proindeque bene facis. Caterum, idcirco non ſufficit nuda fides, actus ſue illius, quia demones non ſolum credunt, ſed inſuper timent. Namque Lucas refert dixiſſe demones. *Quid nobis, & tibi, Ieſu Nazarene? Scio te, quia ſis Filius Dei*, inſuperque dicitur. *Exibant demonia multa clamantia, & dicebant: Quia tu es Filius Dei*, & tamen talis cognitio, & profeſſio nihil omnino eis prodeſt. Sic & tibi non proderit nuda fides.

Sed quoniam Apoſtolus hoc loco fidem demonum cum fide hominis peccatoris comparat, illud difficillimum reſtat diſcutiendum, breuiter tamen, ne extra chorum vagari videamur, utrū fides, qua demones credūt, ſit habitus inſuſus. Etenim D. Thom. 2. 2. q. 18. art. 3. id videtur affirmare. Ait enim: Fides informis poteſt eſſe in demonibus, & damnatis, ſecundum illud Iacobi; *Demonies credunt, & contremiſcunt*; id quod videtur concedere in ſolutione ad 2. Sed quia ſcio hoc poſſe ſolui ex eo, quod argumentum ſolum pro ſpe directe, non pro fide eſt, hanc ſententiam habet Magiſter in 3. diſt. 2. §. *aliud eſt*: ubi ait; Fides quam demones, & falſi Chriſtiani habent, qualitas mentis eſt, ſed informis, quia ſine charitate eſt. Et in fine habet. Quia & in malis quædam Dei dona ſunt. Probātque ex Auguſtino in Pſal. 77. & tract. 10. ſuper epiſt. Ioann. Idem tenet Alenſ. 3. part. quæſt. 64. mēb. 7. & aliqui ſententiarij, inter quos præcipuus eſt Dur. in 3. diſtinct. 23. quæſt. 9. art. 2. qui aſſerit, fidem manere in demonibus non ſolum quoad actum, ſed etiam quoad habitum. Cenſetur probabilis ſentētia à quodam ex recentioribus 2. 2. diſput. 1. quæſt. 5. puncto 2. quam corroborat autoritate Auguſtini 19. de Trinit. cap. 18. & in Enchirid. cap. 8. & lib. 50. homil. hom. 17. & Serm. 16. de verbis Apoſtoli; & lib. de Fide & Operibus cap. 14. Multis hoc probat Catherinus hoc in loco, & alij recentiores doctiſſimi.

Nihilominus communis ſententia tenet, in demonibus, & damnatis non eſſe fidem inſuſam, quia hæc donum Dei eſt ſuapte natura ordinatum ad beatitudinem, comparandam, iuxta illud Petri: *Reportantes finem fidei veſtre, ſalutem animarum veſtrarum*; & cum damnati exciderint ab

omni spe Beatitudinis assequendæ, iure sunt spoliati fide, ne frustra in eis remaneret, quæ natura sua ad talem finem ordinatur à Deo, & conseruatur. Insuperque nos per fidem ambulamus, iuxta Apostolum: at verò illi sunt in terminis; & actus fidei etiam procedit ex bona voluntate, vt docet Theologi. August. verò lib. de fide ad Petrum c. 3. dicit, quòd Angeli mali non possunt mala vnquam carere voluntate. Idemque habet D. Thomas 1. p. q. 64. art. 2. & Magister in 2. dist. 7.

CREDUNT ergo dæmones per fidem ortam ex coniecturis, & signis, quibus conuincuntur ad ita iudicandum, & ideo est fides coacta, & extorta ab ipsa rerum euidetia, cum vera fides libera sit, captiuam nimirum pia voluntate in obsequium. Et ideo, sicut optimè notauit Bellarmin. 1. de Iustificat. cap. 15. sed ante eum Caietanus hic, dicit hoc loco Iacobus, *Dæmones credunt, & contremiscunt*, inuiti, ait Caiet. nos verò credimus, non contremiscentes, sed sponte ac libenter. Et de hac fide intelligendi sunt Patres, præcipuè Aug. lib. 50. homil. hom. 17. Dæmones dixerunt: *Tu es Filius Dei*, timore, Petrus amore. Ait insuper: Discernenda est vigilanter, & diligenter fides dæmonum à fide Sanctorum. Videndus tamen Palatius hac de re in 3. dist. 23. disp. 9.

Luc. 4.
Mat. 16.

NEQUE nouum in Theologia est, actus naturales fidei, vel spei, vel amoris posse conuenire cum actibus supernaturalibus, in materia etiam supernaturali, circa quam versantur, vt videre est apud D. Thomam 2. 2. quæst. 5. art. 2. & 3. Capreol. in 3. distinct. 24. latius in Scot. d. 23. vbi Gabriel. Almain. Paludan. & alij; Caietan. 1. 2. quæst. 109. art. 4. Sot. de Natur. & Grat. lib. 2. cap. 8. Et sic debet intelligi Molin. in Concord. q. 14. art. 13. disp. 7. §. Ut ergo; & Vigerius in Institution. cap. 20. §. 20. versu 18.

QVIBVS positis, ad institutum nostrum reuertamur. Illud iam præ oculis habendum est, fidem hominum improborum partim conuenire cum fide dæmonum, partimque ab ea dissidere. Conuenit in eo quòd vtraque est vera, & recta fides ex parte obiecti, & materie circa quam versatur, denique conueniunt, quòd vtraque infructuosa est. Comparat ergo Apost. fidem hominū improborum, qui charitate carēt, cum fide dæmonū, quòd homines peccatores veritatibus supernaturalibus fidei assensum præbent sine vtilitate & merito, sicut faciunt dæmones, licet non per fidem eiusdem naturæ & rationis. Sic etiam D. Aug. lib. vnico de Baptismo cap. 10. fidem dæmonum comparat cum fide Petri. Et ita mens Apostoli est solum colligere, fidē sine operibus nihil omnino prodesse. Vnde August. tract. 6. in Ioan. Magna est fides, sed nihil potest, si non habeat charitatem. Noli de fide gloriari adhuc dæmonibus comparandus. Similia habet Serm. 16. de verbis Apostoli. Et D. Saluianus lib. 4. de Prouidentia, expendens præsentem locum, ait: Nunquid errauit Apostolus, vt hominis Christiani fidem dæmonibus compararet? Non vtiq; sed ostēdere illud volens, quia sine operibus bonis nihil sibi per fidei supercilium deberet. Idcirco autem dicit à dæmonibus Deum credi, scilicet vt, sicut dæmones cum Deum credant, tamen in per

peruerſitate perdurant, ita qui à malo opere non ceſſat, & in bono opere non proficiat.

ILLUD etiam hic neceſſariò aduertendum, quòd quando dicitur demones contremiſcere, hic timor non eſt aliquis ex his qualiſ ſpeciebus, de quibus Theologi in 3. diſtin. 34. & cum D. Thom. 2. 2. q. 19. cum neque ſit donum Spiritus ſàcti, ab eòue aliqua ratione procedat: ſed ſit timor, ac terror quidam ex apprehenſione ſupplicij ineuitabilis, Maieltatisque inferentis tale ſupplicium, quo timore conuièti, diuinam Maieltatem reuerentur, ipſiùſque præceptis quàm maxima ſubmiſſione obtemperant. Vnde Gloſſa hoc loco ait: Qui Deum creditum non timent, demonibus crudeliores, & proteruiiores ſunt. Inde autè inferitur, in peſſimis hominibus Dei timorem nequaquam reperiri, quoniam ei non obtemperant, & in eius obſequio non detinentur, neque etiam corriguntur. De timore namque intellexit D. Auguſt. illud Pſalm. *Ad alligandos Reges eorum in compedibus, & nobiles eorum in maniciſ ferreis*; nihil enim nos ſic ligat, & cohærere facit Deo, ſicut ipſius timor. Ait ergo Auguſt. Ferrea, inquit, vincula ſunt quandiu timent; amèt, & aurea erunt. Et Ber. Ser. de triplici cohærentia, &c. Eſt qui clauis configitur, quem timor Domini ligat. Quod proſequitur Clem. Alexan. 2. Stromat. Quos non expugnat ratio, eos manſuefacit metus. Et Theodoret. Ser. 7. de Prouidentia; Timor, inquit, affectuum motus frænare, & animæ propenſionem ad malum coèrcere conſueuit. Ideòque meritò Tertull. lib. de Pœnit. c. 2. Vbi metus nullus, emédatio proinde nulla. Qui ergo cum Deum credant, neque reuerentur, neque ei adhærent, ac obtemperant, peiores utique Dæmonibus dici poſſunt, qui credunt, & contremiſcunt.

Verſ. 20. *Vis autem ſcire, ô homo inanis, quoniam fides ſine operibus mortua eſt?*

Verſ. 21. *Abraham Pater noſter nōne ex operibus iuſtificatus eſt, offerens Iſaac filium ſuum ſuper altare?*

EXPOSITIO LITERALIS.

NANEM hoc in loco eorum fidē appellat, quæ operibus deſtituta eſt, eòſque conſequenter inanes, qui de ſola fide gloria-bantur, ſicut de virginibus fatuis dixit Bernard. Ser. 1. de Sancto Victore; quòd de vacuis gloriabantur lampadibus, cum viua fide, & bonis operibus deſtituerétur: ſumpta metaphora à vaſis vacuis, quæ eo magis ſonant, & crepitant, quo plus vacua ſunt. Particula verò (*quoniam*) idem eſt ac (*quòd*). Multi verò Codices pro *mortua*, habent *oſioſa*; & ita legit Concilium Trident. ſeſſ. 6. cap. 8. & Auguſtin. Sermon. 3. de Tempore. At lib. 88. quæſt. q. 76. vocat vacuam. Sed idem eſt, vt innuit Concil.

XX 3 Trident.

Trident. dum & mortuam, & otiosam dixit. Græca tamen, Syriac. Complut. & correctæ habent, *mortua*. *Offerens*, id est, offerre paratus. quod Deus tanti fecit, ac si realiter obtulisset; ideoque Occumen. Tigurin. & alij, *cum obtulisset filium suum*.

V R G E T ergo argumento, & exemplo Abrahamæ, & probat mortuam, & inutilem esse eam fidem, quæ per charitatem non operatur; quæ de re videndus est Aug. Ser. 50. de verbis Domini. vbi expendit illud Pauli: *Si linguis hominum loquar, & Angelorum charitatem non habeam, nihil sum*. Magna, inquit, August. res est fides, montes transferens, illa quidem magna sunt, sed si hæc ego sine charitate habeam, non illa, ego nihil sum. Vbi rectè deducit fidem, quantumvis donum Dei sit, nihil nobis prodesse, si opera nõ accedant. Præuocat autem Apostolus eos, qui de Iudæis crediderat, vt quasi bona soboles primi, & maximi sui parentis actus sequerentur, imò proponens exemplum, quo omnes fideles comprehenderet, omnes in vniuersum admonet hac præsentī doctrina, sicut initio aduertimus, licet enim nos ex gentibus nati simus, & non ex Abrahamæ semine iuxta carnem, si tamen eius fidem, obedientiam, & pietatem imitamur, eius filij censemur. Est enim pater non his tantum, qui sunt ex circumcisione, sed etiam his, qui sequuntur vestigia fidei, quæ est in præputio Patris nostri Abrahamæ; sicut ait Paulus. Scriptum est enim, *quia patrem multarum gentium constitui te*. Vnde August. in Psalm. 105. Si gratiam Dei firmo corde retinemus, sumus Israël, & semen Abrahamæ, non enim carnaliter circumcisa genti tantummodo factus est pater, cui dictum est: *Patrem multarum gentium constitui te*. Quæ de re plura habent Anselm. Chrysost. & ceteri expositores super ea verba Pauli, *Ut sis pater omnium credentium*. Ideoque perpendens Abrahamæ factum Origen. hom. 18. in Gen. ait. Propter te hæc scripta sunt, quia & tu credidisti quidem Deo, sed nisi opera fidei expleueris, nisi omnibus præceptis etiam difficilioribus parueris, non agnosceris, quia timens Dominum.

T O T A ergo maximæque rei difficultas versatur in explicanda præsentī loquutione Apostoli de iustificatione ex operibus. Cui statim se opposuimus aliqua loca Pauli, vt Rom. 4. *Si ex operibus iustificatus est habet gloriam, sed non apud Deum*. & ad Galat. 2. *Non iustificabitur homo ex operibus legis*. Similiæque habet ad Galat. 3. ad Tit. 3. ad Philip. 3. ad Rom. 11. imò & apud Matthæ. *Fides tua te saluum fecit*. Similia reperiuntur Luc. 8. & Act. 13.

P R O I N D E occurrit solutio aliquorum recentiorum, qui dicunt Paulum intelligendum esse de quadam iustitia, & munditia legali, quæ potest esse in peccatore, quam tamen interpretationem non patiuntur verba illa allata in primo loco (apud Deum) & præterea Paulus loquitur de operibus, de quibus dixerat, *secundum patientiam boni operis querunt vitam æternam*, & ideo aperte est sermo in iis locis de vera iustitia.

A L I I verò sequuntur Andræã Vega in Opusculo de Iustificatione, quæst. 2. ad 1. censent particulam (Ex) quæ coniungitur cum voce (operibus) longe aliter famiã Paulo, atque à Iacobo hoc in loco. Apud Paulum enim dicunt significare meritum, & debitum, vt excludat à iustificatione quæcumque opera,

opera, quia non iustificamur ex merito bonorum operum; apud Iacobum verò eandem particulam solum denotare cooperationem ad iustificationem, licet non conducant opera per modum meriti, vt eis tanquam debita cor respondeat iustificatio; per opera verò intelligunt quæcunque opera ex auxiliò gratiæ mouentis, quæ ad iustificationem disponunt, non verò concurrunt per modum meriti, sed per modum cooperationis.

Hæc tamen expositio nobis non placet, quia Patres Concilij Triden. sess. 6. cap. 10. vtuntur præsentī loco Iacobi, vt probent ex operibus iustificari hominem quoad augmentum gratiæ. Vnde Can. 32. damnat eos, qui dixerint opera hominis iustificati non mereri augmentū gratiæ, & iustitiæ.

PRO vera igitur solutione, & expositione præsentium verborum aduertendum est, verbum, *iustificari*, trifariam in sacro sermone sumi. Primò, pro eo, quod est ex non iusto fieri iustum, quomodo sumpsit Paulus hoc verbum, cum dixit: *Ex operibus legis non iustificatur omnis caro coram illo*; & *iustificati per gratiam ipsius*. Et iterum: *Credenti in eum, qui iustificat impium*; & sæpe alibi, vt ad Galat. 3. & Act. 13. & vbicunque Paulus agit de prima iustificatione hominis, docens eam fieri gratis, & absque operibus legis, sed per fidem & gratiam Christi. In hoc sensu vsurpat verbum, *iustificandi*. Quando autem dicitur iustificatio, fieri ex fide, id intelligendum est, non quasi fides sola sufficiat ad hanc primam iustificationem, vt constat, latèque probat Castro de Hæresib. verbo, *Fides*, hæres. 2. Sor. 2. de Nat. & Grat. a cap. 3. vsque ad 8. Bellarm. 1. de Iustificat. cap. 12. Sed, sicut dixit Triden. quia fides est humanæ salutis initium, & fundamentum, & quia illam comitantur cæteræ dispositiones ad iustificationem necessariæ.

SECUNDO modo, verbum, *iustificari*, ponitur in Scriptura pro eo, quod est iustior fieri, & in iustitia crescere, & proficere: quo sensu intelligi oportet illud Ecclesiast. *Ne verearis usque ad mortem iustificari*; & illud Apocalyp. *Qui iustus est, iustificetur adhuc*, id est, iustitiam iustitiæ accumulet; iustitia enim latitudinem habet, & iustus potest fieri iustior, ac melior.

TERTIO tandem modo accipitur hoc verbum, *iustificare*, pro eo quod est habere, vel æstimare, vel declarare, aut ostendere aliquem esse iustū, & sanctum. Cum enim Iudex aliquem hominē accusarū de aliquo crimine, causa rectè cognita absoluit, innocentemque pronūciat, dicitur more loquendi Scripturæ iustificare eum. i. declarare eum, ac pronūciare iustum. Quo sensu intelligendus est ille locus Prouerbiōrū, cum Deus reprehendens iniquos Iudices, qui damnant insones, & absoluunt impios ait: *Qui iustificat impiū, id est, iustū pronūciat, & absoluit, & condemnans iustum, abominabilis est vterque apud Deum*. Sic Iob. *Vere scio quod ita sit, & quod nō iustificetur homo composuiss. Deo*: & paulo inferius. *Si iustificare me volueris, os meum condemnabit me*. Et Ecclesiastic. *Non te iustifices ante Deum*: & legisperitus Luc. 16. *volens iustificare se*. & illud Pauli. *Dens est qui iustificat, quis est qui condemnet?*

Hæc igitur proposita distinctione & explicatione Aug. lib. de spirit. & lit. c. 26. hanc locorum repugnantiam cōciliat dicens: opera non præcedere

Rom. 3.

Cap. 18.
Cap. 2.

Cap. 17.

Rom. 8.

dere iustificationem, quasi ex virtute operum iustitia debeat, & detur, ut homo ex iniusto fiat iustus: cum talis iustitia gratis detur per fidem, & gratiam, non propter opera, aut ex vi eorum, & hoc docere Paulum in omnibus illis locis, scilicet, hominem non iustificari ex operibus legis, sed gratis per fidem. Nomine verò (*legis*) venit intelligenda, non ceremonialis tantum, sed etiam moralis, quæ Decalogum comprehendit. Huius itaque legis opera non sunt satis, ut homo ex peccatore fiat iustus, imò iustificatus homo sic gratis, opera potest ipse implere per gratiam, quæ antea perficere non poterat, & ita homines fiunt iusti, ut faciant opera legis, non verò virtute operum iustificantur.

A T quando Iacobus hic ait Abrahamum ex operibus iustificatum fuisse, loquitur de secunda iustificatione, qua iustitia accepta augetur, & crescit, quod augmentum fit per opera ex fide, gratia, & prima iustificatione procedentia.

HÆC est mens, & vera expositio Augustini, quam ipse multis in locis asseruit, præcipuè que lib. 2. contra Iulianum, & lib. 83. quæst. q. 76. **Rom. 4.** ubi explicat difficultatem illam ex Paulo, dum contendit Abraham fuisse iustificatum ex fide, & non ex operibus. Tandem in fine quæstionis postquam multa de Pauli, ac Iacobi sententia dixit, ait: Non sunt sibi contrariæ duorum Apostolorum sententiæ Pauli, & Iacobi, cum dicit unus iustificari hominem per fidem sine operibus, & alius dicit inanem esse fidem sine operibus, quia ille loquitur de operibus, quæ fidem præcedunt: iste, scilicet Iacobus, de iis, quæ fidem sequuntur. Sic etiam Paulus multis locis ostendit, alioqui, ut ipse Augustinus annotavit, Paulus si adversaretur Iacobo, sibi etiam esset contrarius, quia dicit, *Factores legis iustificabimur*; & iterum: *Fides, quæ per dilectionem operatur.* **Rom. 2. Galat. 5.**

E S T ergo sensus, quod Abraham iustificatus est, id est, crevit maxime in iustitia & gratia per opera subsequenta iustificationem, maxime verò per obedientiam nunquam satis laudandam, qua proprium filium hæredem diuinarum promissionum, à matris gremio abducens, ligavit super struem lignorum iam iam immolandum. Totus ergo iustitiæ progressus non ex fide tantum, sed simul ex operibus fit. In hoc sensu explicarunt hunc locum Patres Concilij Trid. sess. 6. cap. 10. ut diximus. Et Andreas Vega lib. 10. super Conc. Trid. Claudius Guiliardus in c. 4. epist. ad Rom. in conciliatione.

I D E O Q U E mihi nullo modo potest placere ea conciliatio Pauli, & Iacobi, quam asserit Seraphinus Comiran. in conciliatione locor. commun. tom. 3. quam multis tueretur quidam ex recentioribus ad 1. 2. D. Thom. quatenus asserit Iacobum loqui etiam de prima iustificatione. Admirorque virum doctissimum, & in exponendis locis Sanctorum Patrum sanè acutissimum, velle in suam sententiam perducere Augustinum lib. 83. quæst. q. 76. ubi postquam ex Paulo estendit, neminem iustificari ex operibus, sed gratis, ita ait. Quibus sententiis manifestè docet, non eos præterito bono ad fidei iustificationem peruenisse, nec meritis eorum istam gratiam

gratiam datam, quando dicit: *Et hac quidem fuistis*: sed cum dicit; *Qui talia agunt, regnum Dei non possidebunt*; satis ostendit, iam ex quo crediderunt bene operari debere, quod & Iacobus dicit, & multis omnino locis idem Apost. Paulus satis aperteque prædicat, recte viuendum omnibus, qui in Christo crediderunt, ne ad penas perueniant; quod & ipse Dominus commemorat dicēs: *Non omnis, qui dicit mihi, Domine, Domine, intrabit in regnum celorum, sed qui facit voluntatem Patris mei, qui in celis est.* Et Luc. 6. *Ut quid dicitis mihi, Domine, Domine, & non facitis quæ dico vobis?* Quibus verbis August. expresse videtur asserere, Iacobum loqui de secunda iustificatione, eos verò qui crediderunt, intelligit iustificatos, ideòque præmisit; quod si cum crediderit, mox de hac vita decesserit, iustificatio fidei manet in illo; & ita per fidem intelligit, simul etiam alios actus, quos iustificatio consequitur.

N E Q U E officit id, quod hic author opponit, scilicet Raab meretricem, quam Iacobus asserit, per illud opus recipiendi exploratores populi Dei iustificatus fuisse: potuit enim eo tempore iustificata esse ex fide, & motione Spiritus sancti, ut aliqui viri doctissimi recentiores existimant, præterquam quod posset dei cum Lyrano, & Abulens. q. 14. eam tunc temporis iam non fuisse meretricem; & constat eam confessam fuisse verum Deum, dum dixit: *Dominus Deus vestester, ipse est Deus in celo sursum, & in terra deorsum: perimusimus & elanguit cor nostrum.* Timor verò initium salutis est, sicut docet Trid. sess. 6. Can. 8. & D. Thom. 3. p. q. 85. Cum ergo habuerit fidem, ut Paulus testatur Hebr. 11. qua de re videndus Caiet. & Theodor. q. 1. Abulens. q. 48. Serarius q. 17. & Masius ibi. Et cum conceperit timorem, potuit diuina gratia tunc temporis disponi, & iustificari, & ex operibus postea crescere in eadem gratia, sicut iustificatus est Abraham.

P O T E S T etiam esse sensus; quod ex operibus iustificatus est Abraham in tertia acceptione, id est, declaratus iustus à Deo, qui dixit; *nunc cognoui, quod timeas Dominum.* Quod Theodor. exposuit, omnibus notum fecisti quod timeas Dominum, & ego maxime id comprobauit. Per timorem verò pietas, religio, & charitas in Deum significatur, ut notauit Theodoret. q. 90. in Genes. cum quaerit, quare Iacob iurauerit per timorem patris sui Isaac? Timorem, inquit, Isaac, vocauit pietatem ipsius. Et Ber. Ser. de donis Spiritus sancti notauit illud Act. 10. *Religiosus ac timens Deum*, connexa scilicet esse timorem, ac religionem, nec manere posse alterum sine altera. Vnde, in Deut. vbi nos habemus, *Deum tuum adorabis*, Hebr. habetur, *timebis*. Illud autem hoc loco notandum est pro ista doctrina de operib. tam sæpe à Iacobo inculcata, Deum nolle fructus fidei, operæque nostræ, quasi ei aliquid inde commodi accrescat, nam, sicut dixit Iob. cap. 35. *Quid prodest Deo si iustus fueris si peccaueris, quid ei nocebis?* Sed ut causas habeat diuina bonitas remunerandi, quod dixit August. epist. ad Paulin. & Arment. benignus exactor est, non egenus, qui non crescat ex redditis, sed in se faciat crescere redditores, nam quod ei redditur, reddenti additur.

Quàm necessaria sint bona opera ad salutem.

Ps. 13. **I**N ANEM hoc loco appellat Apost. eum hominem, qui in vano accipit animam suam, ac Dei fidem, cum scriptum sit, quod *nō ascendet in montem Domini, nisi qui non acceperit in vano animam suam*; quod Bern. ad hunc sensum intelligit epist. 104. ubi ita habet: O si vacuam manum inuenerit ille donorum promptus quidem auctor, sed importunus exactor! veniet enim ad inquirendum quod suum est cum vsura, quid quaeso dignum te iudicabis, qui factus ad imaginem Creatoris, comparatus es iumentis insipientibus, dum nihil spirituale aut aeternum elaboraueris?

1/a 16. EXPROBRAVERAT Dominus illis, qui confidebant in baculo arundineo, inani, ac vacuo, cuius ideo si innitatur homo, intrabit in manum eius, & perforabit eum: sic itidem vacuus operibus, si innitatur inani baculo fidei, mortis aeternae, & interminabilis supplicij lapsum minimè euadet. Quae fuit ratio, cur fortis illa mulier, & inuentu difficilis iurè à diuino Spiritu laudetur, quia in primis misit manum suam ad fortia, substantia, & completa. Quod sacer contextus exponens ait. *Et digiti eius apprehenderunt fusum*. **Prov. 1.** vbi particula (*Et*) potest esse rationalis, & causatiua, quasi sit sensus, Misit manum suam ad fortia, quia digiti eius apprehenderunt fusum; ubi alij legunt, *firmavit manum suam super fusum*. Pro cuius explicatione notandum omnino est discrimen inter colum, & fusum, quod illa pensa continet, indeque fila deducuntur, & proinde quicquid in colu est, adhuc non est operatum, sed deducitur inde, & in orbem torquetur: at verò quicquid fusus continet, retortum, operatumque & confectum est. Iam ergo liquet, quare commendetur ea anima, quae firmat manum super id quod operata est consilio manuum suarum, non innititur colui, quia pensa infecta, & minimè operata sunt, sed super fusum, qui iam quicquid habet, totum id operatum est, ut inde colligamus, fidendum nobis esse, & firmandas manus, non super inanem, & vacuam arundinem, aut mortuam, seu otiosam fidem, sed super plena & perfecta opera, quae fortia sunt ad sustinendum iudicium, & conficiendā viam. Vnde Euseb. Emislen. homil. de Machabæis ait: Agnoscamus, charissimi, veras caelorum clauces, meritorū esse virtutes. Quātum arbitror, omnes in nobis habere possumus clauces regni caelorum. Paulus humilitatis, ac pietatis clauibus vsque ad tertiam regiam penetravit. Nullus profecto, aut excusationis, aut veniæ relinquetur locus, quando omnis anima in promptu habere cognoscitur opportunum pro sui qualitate praesidium.

Mat. 25.
Luc. 16. Hic intelliges, cur cum homines soleant appellare fideles seruos eos, qui deposita, & tradita bona Dominis intacta, & in integrum reddunt, apud Deum ille solum dicatur fidelis seruus, qui operatus, lucratusque est aliquid, quod supra bona tradita cum eisdem simul Domino offerat, imò potius ille, qui de bonis Domini sui debitoribus remisit, fidelis praedicatur. Cuius rei rationem optimam reddit D. Cyprian. lib. de Opere &

Elec

Eleemos. expendens hunc locum Euangelij. Operarios, inquit, fructuosos appellat fideles, infructuosos verò, & sterilibus fidem derogat. Frustra itaque quis de fide gloriatur, si bonorum operum fructus non habet, quando à Domino infidelis dicitur, & è contrà commendatur tanquam fidelis ille, qui fructuosus est. Vnde Gregor. Nazianz. Orat. 28. Ut actio si a fide deferatur, laudem non meretur, ita fides sine operibus mortua est.

P R O qua sententia est optimus locus apud librum Iudic. quando viri Galaad in fugam verterunt Ephratæos, moxque occurrerunt ad vada Iordanis, per quæ Ephratæi debebant patriam repetere, & ut cognoscerent, verum ij, qui transibant, essent Ephratæi, cogebant eos proferre vocem hanc, *Scibboleth*, quam illi, quia duræ pronuntiationis est vox, cum non possent distinctè pronuntiare, sed potius proferrent, *Sibboleth*, in ipso vado Iordanis occidebantur, & in transitu transibantè vita. Illud autem est observandum quòd *Scibboleth*, significat spicam granis plenam, & onustam, *Sibboleth* verò spicam granis exutā. Quòd si adiungamus id, quod notavit Hier. Iordanem scilicet, significare fluvium iudicij, illud profectò ex hoc loco colligimus, Deum in transitu cuiusque, & in flumine iudicij quæsiturum opera, fructus, & solida grana: quòd si, vacuās, & inanes inuenerit spicas, inanis iste homo occidetur, & in ignem mittetur. Et quantumcumque fidem dicat habere se, nihil ei proderit, quia fides sine operibus mortua est.

D I C E B A T Ioannes iis, quos baptizabat; *Facite fructum dignum pœnitentiæ*, Matth. 3. ubi acutè Caiet. Oportet vós facere, non, dicere fructum humani operis dignum pœnitentiæ: si professus es militiam, oportet te facere fructum dignum militia: si ascitus es in Senatorem, fac fructum dignum Senatoria dignitate; similiter qui profitentini pœnitentiam, facite fructum dignum pœnitentiæ. Est autem fructus pœnitentiæ dignus, perseverare in operibus penitentiae.

§. I I.

In una obedientia plures virtutes continentur.

I L L V D verò in primis adnotandum occurrit, quod Iacobus dicit, Abrahamum ex operibus iustificatum, & assignans qualia fuerint ea opera, vnicum profert sacrificium, quod non plura fuisse opera, sed vnū duntaxat. Cuius dubij solutio in eo videtur consistere, quòd obedientia perfecta multiplex est, & instar multorum actuum apud Deum reputatur. Quod videtur notasse Salomon cum dixit: *Vir obediens loquetur victorias*, Prov. 12. quælibet enim alia virtus peculiarem sibi vendicat triumphum, & victoriam, sola obedientia aliarum virtutum gloriis potitur; ideòque dicitur: *Sicut iuris David, collum tuum; quæ adificata est cum propugnaculis, mille elypei pendente ex ea, quasi spolia de victoriis*, Cant. 4. Collum enim sponsæ, eius significat obedientiā, sicut notavit Orig. lib. duarū hom. in Cant. & Theod. ad illa verba; *Collum tuum, sicut montem*. Hæc igitur sponsæ obedientia spoliis, & triumphis

Y Y 2 aliarum

Gen. 1.

aliam virtutum coronatur, ac decoratur. Vnde dixit: *Collum tuum, sicut monilia*, super quæ verba D. Bern. Sermon. 41. in Cant. ait. Solet ornari collum monilibus, non ipsis comparari, sed hoc illis faciat; quibus, quia de proprio non inest decor; aliunde necesse est, unde se speciosas mentiantur. Nam Sponsæ collum ita in seipso formosum est, ut extrinsecus non requirat ornatum, in tantum ut ipsorum quoque quæ ad ornatum queruntur, monilium possit adæquare nitorem. Voluit ergo diuinus Sponsus obedientiam per collum quod iugo subditur significatam, non minus ornata esse triumphis aliarum virtutum, quam si singulas comparasset; hinc sanguine enim palmas habet Martyrum, sine certamine Confessorum laudes, sine separatione gaudium contemplationis. Ideoque sicut de Manna, quod omnium rerum continebat saporem, dictum est, *Manhu*, quod significat, *quid est hoc?* Ita de perfectissima obedientia Abraham dixit Deus; *Quia fecistirem hanc eam*; que proprio nomine ideo non significauit, quæ tot virtutum rationem, & nomen fortiri potest.

Exod. 16.

§. III.

Eximia fortitudinis actus exitit Abraham; dum filium Isaac obtulit, insimulque fidei.

IN SIGNIS fortitudinis actus enituit in Abrahamo, dū ea omnia, quæ paterna viscera poterant sauciare, postposuit. *Tolle filium*, ait Dominus, *quem diligis Isaac*, &c. Super quæ verba D. Chrysost. hom. 47. in Genes. ait: Vnumquodque verbum per se sufficeret ad sauciandam animam iusti; eaque sigillatim expendens addit: Admiror ego quomodo hæc iustus aures ferre potuerit. Insuper, sicut notauit Origen. hom. 8. in Gen. præcipit Deus deferre, offerreque filium in monte, qui à domo Abraham distabat itinere trium dierum: sic in proximo, ait Origen, non erat mors aliquis, cum totum ageretur in montibus: sed per triduum iter protenditur, & per totum triduum recusantibus curis, paterna viscera cruciantur, ut omni hoc spatium tam prolixo intueretur filium pater, cibum cum eo sumeret, tot noctibus penderet in amplexibus paternis, inhaereret pectori, cubitaret in gremio. Vide in quantum tentatio cumulatur. Deinde consideras interrogantem Isaac, & dicentem, pater, ait; & hæc pro tempore à filio prolata tentationis est vox. Quomodo enim putas immolandus? filius per hanc vocem viscera paterna concussit? Et Ephrem tom. 3. Sermon. de Abraham & Isaac. In hoc ipsum verbum Isaac, vox pueri, acriter afficit viscera patris: quomodo enim non consternatur Abraham lacrymis, non amplius patris nuncupationem deinceps expectans? Videndus hac de re D. Ambrosius lib. 1. de Abraham c. 8. cum ait: Quanta molimina immolaturus, ne raptus subito ad immolandum æstimaretur? tunc namque potius temeritas, quam fortitudo esset, nisi diuturna præcessisset præparatio sacrificij.

ILLUDQUE tandem in maiorem commendationem fortitudinis Abraham conli-

considerandum, quod ibi de se fatetur Ephrem. Quotiescumque sanè pueri istius contemplatus sum imaginem, nunquam sine lacrymis præterire potui, præsertim dum efficax picturæ artificium demulceret animum, & perspicuam huic historiæ afferret cognitionem. Quod si ita Ephrem animus ad picturam immolandi filij, patrisq; immolantis afficiebatur, qualiter pertransiret viscera doloris gladius super viuum Isaac mox iugulandum?

Q V A igitur fortitudine sese Abraham habuerit, habet Philo lib. de eodem in hæc verba: At ille nihil mutatus, vel corpore, vel animo, cōstanti vultu, ratione constantiore, correptum filium aræ imponit, simul strictum librat gladium, tunc Deus ex aëre increpans, facinus impedit, iubens iniuriam abstinere à puero, & bis patrem inclamans nomine, vt auersus & retractus eadem omitteret. Vbi non parui faciendum censeo bis patrem inclamatum, quasi necessarium fuerit retardare Abrahamum à filij iugulatione per nominis paterni recordationem, ac si penitus fuisset oblitus pro aris adesse filium, tanta namque fortitudine, & constantia extenderat manum in filium, quasi non esset Abraham pater, nec suppositus vulneri infligendo dilectus Abrahamo Isaac. Quod exposuit D. Ambr. lib. 1. de Abraham cap. 8. Repetuit, inquit, vocem, tanquā veritus, ne præueniretur studio deuotionis, & vna vox impetum ferientis reuocare non posset.

HÆC igitur est ratio, cur fortis dicatur Abraham à Salomone, cum ait: *In filij misericordia fortem custodiuit: seu, vt habet Græca editio, in filij visceribus fortem custodiuit,* hoc est, in filij, vt dicunt, viscerato amore, qui filius viscera quoque patris vocatur, fortem custodiuit Abraham, ne iussionem Dei de occidendo filio detrectaret: quam lectionem tuentur Iansen. Burg. & D. Chryf. fortem vocat mentem Abraham, ingens robur animi eius, rationem omnem humanæ naturæ, affectumque vincens.

Nec est, quod nobis Gentiles obiciant contra hanc fortitudinem, sicut notauit Philo, fortiora quædam facta in eodem genere ex historia sua, qualia legi possunt apud Ciceronem. 1. Tusc. vt de Ezechthæo, Codro, Meneccho, Iphigenia, Hermodio, & Aristogitone, Leonida, Epaminonda, item de Lucio Bruto, de Decijs, & alijs. Respondet Philo, non ex aliorum more id Abraham fecisse, quando nec ad arcendum graue inguens malum, nec iniustus, coactusve, non cupidine gloriæ, famæque, sed sola Deo parendi voluntate id præstitit, quo nihil honestius, præstantius, fortiusque dici potest. Et sicut nullus alius simili voluntate, & virtute tale aliquid gessit, ita prorsus is animus singularis nulli alteri debuit offerri nisi Deo, qui solus dignus est tali obsequio. Vnde David exoptās aquam de cisterna Bethlehem, tres milites singulari fortitudine hostium cuneos penetrantes, aquamque asportantes obtulerunt Regi bibendam, sed Rex noluit bibere, & obtulit illam Domino. Cuius rei causas alias iam assignauimus, facitque ad rem nostram ea, quam assert D. Ambr. in Apolog. David c. 7. Dignum, inquit, tanto munere fuit, vt quæ erat viuide virtutis insigne, fieret pietatis sacrificium, quasi diceret: opus tantæ, tamque admirandæ virtutis, & fortitudinis, soli Deo debet offerri, proindeque opus Abraham, in quo tam

eximia fortitudo renituit, Deo oblatum est, illique nullum aliud aliqua ratione conferendum.

ELVXIT etiam in oblatione Abraham singularis actus fidei, sicut ait Paulus: *Fide obrulit Abraham Isaac, ad quem dictum est. Quia in Isaac vocabitur sibi semen, arbitrans, quia & à mortuis suscitare potens est Deus.* Vnde optimam cenfeo expositionem illorum verborum, quæ Abraham dixit pueris, quos ad calcem montis reliquit, *Expectate hic cum aſino, ego & puer illic usque properantes reuertemur ad vos; allatam ab Orig. D. August. & Alcuino, certò scilicet credidisse puerum secum rediturum, & iugulatum in holocaustum oblatum à Deo suscitari posse, & Deum, qui promiserat ei semen ex Isaac, mentiri non posse.* Quade re videndus August. lib. 16. de Ciuit. Dei c. 32.

§. IV.

Amorem Dei super omnia ostendit Abraham in immolatione filij.

CERNITUR etiam in hoc opere singulari, quoddam pro operibus reputatur incredibilis amor Dei. Enimuero cum vnice diligeret filium, hunc tamen amorem charitas Dei superauit. Quantus autem fuerit amor Abraham in filium, facile ex Scriptura deducitur, dixit enim Deus: *Tolle filium tuum, quem diligis Isaac.* vbi Septuag. habent, *dilectissimum*, Hebr. verò, *quem dilexisti.* Sicut etiam plerique eo in loco legunt. Cuius varietatis obseruandam affert rationem D. Ambros. lib. 1. de Abraham c. 8. vbi sic ait: Pungit pietatis aculeis, non satis putauit dixisse filium, adiungit amantissimum, quem dilexisti: possumus amantissimum ad præsens accipere, & quem dilexisti ad id, ut non recenti quodam impulsu amoris, sed inuito diu, & probato amore significaret dilectum, quod enim ad tempus augetur, ad tempus resoluitur; quod autem diu, aut semper placuit, citò aboleri non potest. Quibus verbis vult Ambros. dilectissimum fuisse Isaac, quia iam diu à patre fuerat dilectus. Et ita Septuag. & Hebr. codex se inuicem exponunt in commendando amore paterno in filium. Cuius rei rationem possumus addere, quoddam in senectute fuerit genitus; solent autem filij senectutis esse charissimi, sicut notauit Philo. Nam serò natos impotentius parentes adamant, vel quia diu desideratos, vel quia nullam postea sperant prolem. Videndus hac de re Homer. lib. 20. Iliad. de Polydoro Priami Regis filio; & Virgil. 8. Æneid. cùm de Pallante Euandri Regis filio dixit:

Dum te, chare puer, mea sera, & sola voluptas,

Complexu teneo, &c.

Hunc igitur amorem pulsauit diuina iussio, sicut notauit Chrysost. hom. cit. Vide, inquit, quomodo per verba ista, scilicet (*quem diligis*) maius incendium succendit ad fornacem amoris, quo iustus in Isaac affectus erat? violentius excitat qui abscondita cordium nouit, volens nobis iusti huius de tegere virtutem, & magnum amorem, quem erga se gerebat. Tentauit Abraham, cū nque segnior fuisset ignis paterni amoris, quasi non diligeret

Filiū

Fillium Dei amore succensus, eodem voluit illum comburendum. Et Orig. homil. cit. Charis, & dulcibus appellationibus iterum ac sæpe repetitis paterni suscitantur affectus, ut amoris euigilantem memoriam ad immolandum filium paterna dextra retardaret, sed ignis supernæ charitatis quicquid inuenit, superauit, & in altari cordis Abraham succensus, ipsum filium in cineres redigere potuit. Similiâque habet Ambros. Orat. de fide Resurrectionem. Quem Ierò suscepit, citò obtulit, nec paterni nominis appellatione reuocatur, cum ille patrem vocaret, hic filium, chara quidem nomen pignora, sed amabilia præcepta.

TANTVM denique diuini amoris in hoc opere intercessit, ut illud vniuersi Filij Dei traditione, & passione voluerit Pater æternus soluendum; quod notauit Rupert. lib. 6. de operib. Trinitat. cap. 30. in hæc verba. Quæsiuit, inquam, ab homine vnigenitum sibi filium immolari, ut suum ipse Filium iusta vicissitudine deberet homini. Igitur cum dicit idem Filius in Euangelio suo: Sic Deus dilexit mundum, ut Filium suum vnigenitum daret; non est dilectio remissa, vel misericordia carens iustitia: nam & homo sic timuit Deum, ut offerre illi non dubitauerit filium suum vnigenitum, quem cum diligeret, non pepercit illi propter Deum, quem miro modo, & immolauit, & tamen non tetigit gladio. Opus ergo summæ charitatis in Abraham soluit Deus Pater tradendo per summam dilectionem vnigenitum Filiū, quem ipsam dilectionem Patris occidisse testatur Naz. Trag. *Christus patiens.*

ABRAHAM; igitur animus in offerendo filio percutit maximè eos, qui dolent de filiis, qui sese offerunt Deo, & quasi demortuos deplorant, qui veram vitam auspiciantur. Qua de re D. Chrysost. lib. 2. aduersus vituperatores vit. monast. ubi inter alia sic ait: Hoc profectò est, quod vnum ego omnium maximè admiror, quòdque omnia iam corrupta sint & perditâ, satis firmum, & validum argumentum esse duco. Et Bern. epist. 110. ad parentes Gaufredi, qui se in Religionem contulerat; Si filium vestrum Deus facit & suum, quid vos perditis, aut ipse quid perdit? sit de diuite ditior, de nobili generosior, clarior de illustri, & quod his omnibus maius est, sanctus de peccatore; si diligitis eum, gaudebitis utique, quia vadit ad Patrem, & talem Patrem, &c. quæ ibi prosequitur in hanc sententiam. Videndus etiam epist. 111. ubi inter alia sic ait: O dirum Patrem, ô sæuam matrem, quorum dolor salus pignoris, quorum consolatio mors filij est, qui me malunt perire cum eis, quàm regnare sine eis, si negligetis salutem vestram, quid iuuat etiam & persequi meam? quare vos non potius sequimini me fugientem, ut non ardeatis? Videndus item Hierony. ad Lætam; ubi loquens de Anna postquam obtulit filium in tabernaculo, ait: Reuersa domum quinque liberos sibi genuit, quia primogenitum Deo pepererat. Et Nazian. Orat. de funere patris, in laudem parentis suæ ita ait: Fuit illustre eius facinus, quod nos prius etiam, quàm nasceremur, Deo nihil futuri euentus metu exterrita promisit, vitæ lucem ingressos protinus consecrauit.

QVA in re multis parentibus imitanda venit Samuëlis mater Anna, quæ

quæ postquam amouit filium à lacte, adduxit secum in vitulis tribus, & tribus modis farinae, & amphora vini ad Dominum in Silo. Quod si parum esset filium Deo offerre pro tota vita, nisi proposito pretio Dominum vellet inclinare, ut ipsum in sui obsequium, & tabernaculi cultum assumeret. Neque dicebat, inquit Chrysost. hom. 1. ad Ephes. Expectabo donec crescat puer, ut rebus mundanis utatur, ut paululum puerili ætati immoretur, sed relictis his omnibus vnum duntaxat intendit, quomodo statim ab ipsis vitæ exordiis spirituales imagunculam Deo fingendam offerat, vel etiam id fecit, quia, sicut dixit Clem. Alex. 1. Pædag. c. 6. verbum est omnia infanti, & pater, & mater, & pædagogus, & altor. Author noster effudit pro nobis suum sanguinem, per quem ad mamillam Patris, quæ curarum obliuionem inducit, nempe verbum, confugimus, verè beati, qui hanc lactant mamillam. Videndus etiam Hieron. ad Lætam, de institutione Paulæ; vbi eleganter ita ait: Postquam ablactaueris eam cum Isaac, & vestieris cum Samuele, redde pretiosissimam gemmam cubiculo Mariæ, & cunis Iesu vagientis impone, natriatur in monasterio, sit inter virginum choro, iurare non descat, nesciat sæculum, viuat Angelicè, sit in carne sine carne.

Est autem maxime contra eos, qui filios Deo oblatos deplorant id quod notauit Chrysost. homil. 3. de fide Annæ: eam scilicet, postquam Deo deuotum filium, in melius conuersum existimasse, & perfectiorem censuisse, quasi per oblationem in alium veluti ordinem esset translatus. Conspiciebat, inquit, deinceps infantem illum, non tantum, ut infantem, verum etiam ut rem Deo consecratam, eoque matri geminus amoris stimulus insitus est, alter à natura, alter à gratia; ac mea quidem sententia, etiam reuercebatur puerum suum, suorum viscerum facta est immolatrix. Imitata est Patriarcham Abraham, sed ille quidem reduxit de monte, hæc verò reliquit in templo, atque seipsam quoque dedicauit cum puero, quasi solido quodam naturæ affectu seipsam templo alligans. Etenim, si vbi est thesaurus hominis, illic est cor, multo magis vbi puer mulieris, ibi & mens erat.

Est optimus pro hac re locus apud Chrysost. tom. 1. hom. de immolat. Isaac. vbi ponderat ea verba, quæ Deus dixit Abrahamo, postquam ipsam vidit paratum ad immolationem filij: *Nunc cognoui quod timeas Dominum.* Nunc, inquit, cognoui, quia amas Dominum magis, quam filium, imò magis amas filium, quia diligis Dominum, quia, dum non pepercisti filio propter Deum, eundem tecum constituisti Domino gloriosum. Et Bern. super *Ecce nos reliquimus omnia*, ait: Oblatus Isaac sanctificatus est, non mactatus, non Isaac, sed aries morietur, non peribit tibi læticia, sed contumacia, cuius utique cornua vepribus hærent, & sine punctiōibus anxietatis esse non potest.

Ex hoc etiam facto Abrahami infert Orig. consolationem parentibus in morte charorum pignorum, cum longè aliter Abrahamus, ex voluntate Domini, filio vitam eripere paratus fuerit: concluditque. Et quidem à te non exigitur istud animi magnitudinis, ut ipse alliges filium, gladium patres, &c. proposito saltem, & mente constans, esto fide fixus, lætus offer filium Deo,

Deo, esto Sacerdos animæ filij tui; Sacerdotem autem immolantem Deo, non decet flere, &c.

Cum ergo in vno oblationis opere tot virtutum actus internenerint, timoris scilicet Dei, siue religionis, obedientiæ, fortitudinis, & amoris Dei super omnia, meritò, cum de ipso loquitur Iacobus, dicit Abrahamum operibus istis iustificatum fuisse, id est, maximum gratiæ, & iustitiæ augmentum denud accepisse, ipsiusque fidem, & iustitiam omnibus deinceps notam ex operibus numeratis.

§. V.

Voluntas pro facto à Deo habetur, & remuneratur.

SE n quid tandem ait Iacobus? *Abraham iustificatus est ex operibus, offerens filium suum super altare*, seu, vt alij legunt, *non obtulisset*, nunquid de facto obtulit filium? Nonne prohibitus est, & pro filio arietem ostensum immolauit, eamque victimam Deus pro Isaac sibi prouidit? Maximè: sed voluntas apud Deum pro facto reputatur; propterea, & ipse ait: *Quia fecisti rem hanc, & non pepercisti*, cum non fecerit, & pepercerit filio. Vnde Chrysost. hom. 47. in Gen. Non euentum considera, sed voluntatem, quantum enim ad voluntatem, cruentauerat dexteram Patriarcha, & per ceruicem pueri immiserat gladium, perfectumque obtulerat sacrificium, idcirco & Dominus quasi sacrificio re ipsa consummato, laudat iustum, & dicit: *Ne feceris ei quidquam, contentus sum voluntate tua*, & ex hac te coronò, & prædico: ego enim voluntatem coronare soleo, & propter mentem præmia præsto. Vnde, sicut sola voluntas Virginis filio patienti compassa, sine effusione sanguinis eam Martyrem reddidit, prout docet Ber. explicans ea verba Lucæ: *Et tuam ipsius animam doloris gladius pertransiuit*, ita Abraham ex sola voluntate sacrificium dicitur peregrisse.

Est optimus ille locus apud Isaiã c. 22. vbi loquens de Eliachim, cui se daturum Pontificatum pollicetur Deus, vt exponit D. Hieron. ait: *Dabo clauem domus David*. vbi nomine (*domus David*) sine dubio templum Salomonis intelligit. Licet verò à Salomone templum sit ædificatum, rectè domus David dicitur, quia ipse primus omnium de templo ædificando cogitauit, ipsumque ædificare summopere exoptauit, ædificassetque, nisi à Deo fuisset prohibitus; quæ est expositio Hieron. Cyrill. Procop. Haimo. S. Tho. Lyran. & Carthus. quos refert Ribera in cap. 3. Apocal. n. 7. & ostendit, quanti apud Deum fiat voluntas, quæ pro opere reputatur, & censetur. Vnde & templum dicitur domus David; quasi ipse extructor fuerit operis, cum tamen illud in votis solummodo habuerit. Videntur pro hac re Chrysost. homil. 3. in 2. ad Timot. c. 2. & homil. 16. ad Rom. c. 16. & Lyran. ad c. 2. Leuitici, vbi in principio agitur de oblationibus rerum non viuientium, dicitque voluisse Deum prouidere deuotioni pauperum, vt qui non haberent animalia, vel aues, possent offerre farinam cru-

Ric. in Epist. B. Iacobi Apost.

ZZ dam,

dam, vel spicas: prima autem verba eiusdem capituli, quæ sunt; *Anima, cum ebullerit oblationem sacrificij, simile erit eius oblatio*. sic ait: Animam dixit sacer Textus, quia oblatio pauperis apud Deum reputatur, ac si obtulisset animam suam, id est, vitam. Tanti namque facit Deus animum, quo offert pauca, volens plura, & pretiosiora offerre, si haberet.

H I NC etiam est, quod quando Christus Dominus dixit; *Beati misericordes, quoniam ipsi misericordiam consequentur*, nõ promisit hoc præmium iis tantummodo, qui operibus misericordiam ostenderunt, sed iis etiam, qui voluntate tales fuerunt; vt exponit Gregor. Nyss. lib. de Beatitudinibus, dicens: Nemo in solis materiis hanc virtutem spectet. Sic enim non cuiusque hominis esset eiusmodi rei successus, præterquam eius, qui opes aliquas haberet ad benefaciendum, quinimò mihi æquius, & verius esse videtur, hanc virtutem ex studio, atque voluntate æstimare: nam, qui bonum voluntate duntaxat in animo sibi proponit, ac destinavit, sed inopia prohibitus est animi destinatione, nihil inferior est eo, qui per opera voluntatem suam ostendit. Quod etiam prosequitur Ambros. lib. 2. de Pœnitent. cap. 8. cum ait. Plura soluendi habet subsidia, qui Deo, quàm is, qui homini debet, homo pecuniam pro pecunia reposuit, quæ non semper debitori præstò est, Deus affectum exigit, qui in sua potestate est, nemo pauper est, qui Deo debet, nisi qui seipsum pauperem fecerit, & si non habet, quæ vendat, habet, quæ soluat omnino. Lacrymæ, ieiunia debitoris boni, census est. Et Hieron. in Psalm. 111. Qui non habet, vnde faciat eleemosynam, liber est, quantumcumque dare voluerit, tantum dedit, quia voto dedit.

Cap. 13. V N D E August. in Psalm. 125. existimat opus viduæ, quod refert Mar-
Cap. 19. cus æquiparandum operi Zachari, de quo Lucas: Ergo, inquit, vidua illa, quæ duo minuta misit, parum seminavit? imò tantum, quantum Zachæus. Minores enim facultates ferebat, sed parem voluntatem habebat: si attendas, quæ dederunt, diuersa inuenies, si attendas vnde dederunt, paria inuenies. Videndus idem August. super Psalm. 36. conc. 2. vbi ait. Voluntas bona, thesaurus pauperum, habet semper, vnde det, cui plenum est charitatis pectus. Videndus iterum Nazianz. Orat. in sanct. Baptisim. cum ponderat, cur Deus pauperibus iussit pelles offerre.

Exod. 13.

N E Q V E verò hoc mirum videri debet, quia, sicut dixit Greg. hom. 5. in Euang. Cor. & non substantiam Deus pensat, nec perpendit quantum in eius sacrificio, sed ex quanto proferatur. Nihil offertur Deo ditius bona voluntate. Et hæc fortassis est ratio, cur Isaias de Seraphinis cap. 1. qui throno Dei assidebant, dixit, quod duabus alis volabant, cum tamen ipsi starent, quia prompti erant ad exequenda mandata Dei; & hæc voluntas pro facto reputabatur. Vnde Greg. 16. Moral. c. 12. ponderat, Christum Dominum dixisse apud Lucam cap. 8. viro, qui cum eo esse volebat, *Redi in domum tuam, & narra*, &c. quia quod in alijs proderat sequela Christi, in hoc proderat votum, & desiderium comitandi ipsum.

O S T E N D I T hoc Christus Dom. in Mariæ vnctione, de qua dixit, *Præueni ungere corpus meum in sepulchrum*, i. finite illam viuo facere, quod mortuo

non

non poterit. Veniet enim ipsa ad monumentum, vnguenta, & aromata portans, sed iam resurgentem frustra me his obsequiis honorabit, sed, ut videatis, quia ea voluntas frustrari non potest, volo prius eam acceptam ostendere, & in effectu prævenire, quandoquidem ipsa me mortuum dum voluerit vngere, surrexisse inueniet, ut in hac colligatur certo certius, me talis voluntatis rerum esse remuneratorem. Vnde Clemens Alex. 7. Stroat. Quid autem, non etiam vota, & instituta ad Deum perueniunt? Videntus hac de re Bernard. epist. 77. & Leo Serm. 5. de ieiunio; & D. Chrysost. hom. 21. ad Rom.

Cum ergo Deus tanti faciat voluntatem operi iam iam applicatam, & animum in ipsius obsequium omnino deditum; licet Abraham prohibitus fuerit dilectum filium iam ligatum, aræque impositum immolare, ratione istius deliberationis dicitur hoc loco iustificatus, dum obtulit Isaac, quem de facto non obtulit in sacrificio.

Nisi fortassis dicatur oblatus Isaac Deo, cum tamen superstes patri datus sit, ob eam rationem quam aduertit Origen. homil. 12. in Num. Obtulit Abraham intrepidus vnigenitum, impositum super aram, cultrum eduxit, inhibetur continuo, & aries ei pro filio datur ad victimam. Vides ergo, quia quæ Deo offerimus, nobis manent. Quibus habet similia homil. 8. in Gen. Cum lætus accesseris ad Deum, iterum tibi reddit, quod obtuleris, & sic licet Isaac superstes mæferit, merito à Iacobo dicitur oblatus super altare.

Verf. 22. Vides, quoniam fides cooperabatur operibus illius, & ex operibus fides consummata est.

EXPOSITIO LITERALIS.

MENS Apostoli hoc loco est, ostendere connexionem fidei cum operibus, & operum cum fide, ut inde colligat, & opera Abraham fuisse meritoria, & sufficientia ad iustificationem, atque etiam testificantia fidem. Iustificatus est igitur Abraham ex operibus, quia fides ea dirigebat, & cooperabatur operibus illius. Ob id enim tam promptè, atque indubitanter filium immolare volebat, quod firma fide crederet per immensam Dei potentiam, cuius parebat imperio, posse eum reuiuiscere. Namque, sicut dixit Aug. in Ps. 31. Opera, quæ dicuntur ante fidem, quantum videantur hominibus laudabilia, inania sunt. Ita mihi videtur esse, ut magnæ vires, & cursus celerissimus præter viam; nemo computet bona opera sua ante fidem, ubi fides non erat, bonum quid non erat: bonum enim opus intentio facit, intentionem fides dirigit; non valde attendas, quid homo faciat, sed, quid cum facit, aspiciat, quod lacertos optimæ gubernationis dirigat. Concluditque: Tene ergo fidem operaturus. Est ergo necessaria fides, ut dirigat opus in eum finem, ad quem oportet dirigi, docens quid agendum sit, & moderans in agendo, & fulciens, ac sustentans operantem, ne deficiat, & ab agendo desistat.

22 2 OPE

OPERAQUE insuper necessaria sunt, vt perficiant fidem, proinde-
que Abraham ex operibus iustificatus est, quia fides illi cooperabatur, &
insuper fides operibus perfecta, augmentata, & ostensa. Fides enim suos
Luc. 17 gradus habet, sicut testatur illud Lucæ: *Domine adauge nobis fidem.* Et Paulus
1. Cor. 10. ait, se spem habere crescentis fidei Corinthiorum.

Ex hoc loco deducunt plerique Theologi Scholastici necessarium esse,
vt actus virtutum acquisitarum, de quibus loquutus est Iacobus in supe-
rioribus, etiam in homine iusto, quæ Abraham erat, sit meritorius de
condigno, vt aliquo modo ad finem supernaturalem per fidem eleuentur:
quod dixit Trid. sess. 6. c. 8. cum fidem appellat radicem omnis iustificatio-
nis, vt etiam secundam comprehendat: quibus habet similia sess. 14. c. 8.
& aperte sentit Paulus tota epistola ad Romanos, docens non esse iustifi-
Galat. 3. cationem nisi ex fide: & iterum, *Fides, quæ per dilectionem operatur.* Et ideo sacra
Scriptura promittit præmium his operibus, dummodo fiat sub aliqua
Matt. 10. ratione ad fidem spectante, vt Matth. 10. Marc. 9. *in nomine meo, in nomine*
Marc. 9. *Propheta, in nomine discipuli.* In quo etiam sensu dicit noster Apost. hoc cap.
1. Pet. 2. *Si autem frater, aut soror nudi sum.* Et Petrus. *Obedite Principibus, aut dominis prop-*
ter Deum. Quod optimè docuit Leo Papa Ser. 71. de Quadrag. c. 2. vbi de ope-
ribus misericordiæ dicit, non esse fraudanda sua laude, si propter naturæ
communicationem fiant, & subiungit: Sed quia, quod ex fidei fonte non
procedit, ad præmia æterna non peruenit, ideo alia est conditio operum
cælestium, alia terrestrium.

NECESSARIO ergo est vt fides, vel aliquod motuum supernaturale coo-
peretur huiusmodi operibus, vt eleuentur, & referantur ad finem super-
naturalem, sicut fides cooperata est operibus Abraham. Rectè verò dicit
fidem ex operibus consummatam, fides namque refertur ad opera, tan-
quam ad finem, vt radix ad fructum, & vt fundamentum refertur ad ædifi-
cium extruendum.

Verf. 23. *Et impleta est Scriptura dicens: Credidit Abraham*
Deo, & reputatum est illi ad iusticiam, & amicus Dei ap-
pellatus est.

EXPOSITIO LITERALIS.



ETERES codices hoc in loco habent, *suppleta est*, sed eandem
prorsus significationem habet, & est sensus: apparuit ex operibus
Abraham completam, & confirmatam fuisse fidem eius, quæ qui-
dem completur cum per dilectionem operatur.

APPARUIT insuper qualem fidem commendavit Scriptura, quan-
Gen. 15. do Deus illi innumeram posteritatem ex futuro filio repromisit, imò &
posteritatem fidelium, de qua fide Paulus dixit: *Qui in spem contra spem cre-*
Rom. 4. *didit:* Et iustis, *Non infirmatus est fide, nec considerauit corpus suum mortuum*
cum fere centum esset annorum, & mortuam vuluam Saræ; in promissione
etiam

etiam Dei non habuit diffidentia, sed confortatus est fide, dans gloriam Deo, plenissime sciens, quia quacumque promissit, potens est facere.

N E C contra firmam Abraham fidem eo loco facit id, quod ipse Domino dixit: Domine Deus, unde scire possum, quod possessorus sum eam (scilicet terram, quam mihi promittis?) hoc enim non dixit ex aliqua habitatione in fide, alioqui illi ad iustitiam non foret reputata: sed voluit tantummodo modum cognoscere implendæ promissionis, & rei, quam crediderat, similitudinem aliquam sibi ostendi, sicut ait Aug. 10 de Ciuit. cap. 24. his verbis. Non enim ait; unde sciam? quasi adhuc non crederet, sed ait, secundum quid sciam, ut ei rei, quam crediderat, aliqua similitudo adhiberetur, quæ eius modus cognosceretur, sicut non est Virginis Mariæ diffidentia quod ait; Quomodo fiet istud, quoniam virum non cognosco? quod enim futurum esset certa erat, modum, quo fieret, inquirebat. Ita etiam Chrysost. & alij.

Luc. 1.

V E L petit signum, non tanquam incredulus, ait Rupert. lib. 5. in Gen. cap. 20. sed tanquam pius pater, futuris filiis prouidit, ne fortè peccantibus illis, pœniteret Deum huius suæ promissionis, & idcirco in promissione aliquid sibi dari optauit, firmamentum fixæ, stabillisque veritatis, & quasi interpositionem iuramenti.

N E C moratus Dominus Deus, quod optabat amicus fidelis, cum petere non auderet, sponte obtulit. Vel tandem petiit signum, sicut notauit Caietan. ut posteritas, tardè semper credula, hoc signo persuaideatur.

C R E D I D I T ergo Abraham Deo, non quærens, sed promptissima fide, ut ait Ambros. lib. 1. de Abraham cap. 3. vbi etiam addit. Bonum est; ut rationem præueniat fides, ne tanquam ab homine, ita à Domino Deo rationem videamur exigere.

C R E D I D I T igitur Deo, & reputatum est illi ad iustitiam. In originali est, reputatum illam, scilicet fidem, ei iustitiam. Est enim verbum, reputatum, seu, imputatum, in voce actiua cum affixo feminino, referens fidem Abraham, unde aliqui referunt ad Abraham, ut sit sensus: Credidit Abraham Deo, & ipse Abraham reputauit sibi fidem eam in iustitiam, iustum enim reputauit se fecisse, dum Deo credidit. Sunt qui censeant, eum locum Genes. unde hic desumptus est: Credidit Abraham Deo, & reputatum est illi ad iustitiam. olim passi- Gen. 15.
uè lectum in Hebræo, punctis aliis, ut tenet Leocastrius lib. 1. Apologet. c. vltim. quod etiam existimat factum in eo Psal. vers. vbi nos legimus: Si ius- Psal. 50.
tificeris in sermonibus tuis, & vincas cum iudicaris; qui Hebræicè legitur actiue, cum iudicaueris, & in aliis locis, quæ ipse affert. Et bene quidem potuit Textus Heb. sic habere.

N I H I L O M I N U S dicendum est interpretem nostrum, Septuaginta, & Apostolos, sapienter, & doctè interpretatos fuisse Hebraïsmum, quo præteritum actiuum ponitur, quasi deponens pro passiuo, ut apud Michæam, vbi dicitur, quia de mercede meretricis congregata sunt; in Hebr. & in Græco est, congregatus. sic apud eundem, vbi nos legimus: Indicabo tibi o homo, quid sit bonum; futuram illud habet vocem præteriti, & in Heb. est, annuntiatus, pro, annun- Cap. 12.
ciatum est. Sic etiam & hoc in loco; & ideo Chaldaus reddidit non actiue, Cap. 6.

Z Z ; sed

sed passivè. Sic Paulus Rom. 4. Proindeque facit hunc sensum: Reputatum est ei ad iustitiam à Deo, non enim ipsius Abraham erat reputare fidem, & acceptare sibi in iustitiam, sed hoc ad Deum pertinebat; & ita legit, & explicat Irenæus lib. 4. c. 13.

Ea igitur fides, qua primò Abraham iustificatus est, quæque illi deputata est ad primam iustitiam, si actus credendi ad solas, & omnes promissiones referatur: qua de re videndus Cardinalis Toletus in c. 4. epist. ad Rom. annotat. 5. vel ad secundam iustificationem, illi deputata est, quia homo iustificatus per credendi actum, dummodo aliud non occurrat præceptum, potest mereri, & in gratia crescere, hæc, inquam, fides completa est per opera, & ostensum est eam fidem, de qua Scriptura agit, esse perfectam, & viam fidem, per hoc, quod filium suum paratus fuit offerre, & circa hoc multa exercuit aliarum virtutum opera, ut ostendimus.

cap. 41
cap. 8.

Quod verò attinet ad ea verba: *Et amicum appellatus est*; illud aduertendum, Abraham non fuisse appellatum amicum eo in loco, ubi fides illi imputata est ad iustitiam, sed in Isaia, ubi legimus, Deum dixisse, *Semen Abraham amici mei*; & in lib. Iudith, ubi dicitur: *Abraham per multas tribulationes probatus, amicus Dei effectus est.*

§. I.

Perfectio fidei in eo cernitur, quòd difficultates omnes naturales superet.

Rom. 4

CELEBRATUR igitur Abraham, illique maximè ad iustitiam reputatus est actus credendi, quia, cum tot rationes dissidentia occurrerent, sicut refert Paulus, Deo dicenti credidit, & adhæsit, dubitandi rationes postponens. Vnde Philo lib. de Abrahamo, ait: In sacris literis extat huius viri elogium, quo dicitur, Deo credidit, id, ut dictum est brevissimum, ita factum maximum: etenim, sicut dixit Chrysost. homil. 54. in Genes. Non attendere ea, quæ videntur, etiamsi omnino sint aduersa, sed solam promittentis potentiam, est vera fides, & maximus honor noster, quem offerre possumus Deo, ut virtute sua fidamus, etiamsi præ oculis videamus diuersa. Quod etiam dixerat idem Chrysost. hom. 39. in Gen. & Chrysol. Serm. 58. Qui fidem querit, rationem non querit; & Ser. 62. Si interrogas, fidem denegas, quam fateris. Si credis, unde venit quomodo? Quomodo, sermo dubitantis est, non credentis: Et Chrys. hom. 45. in Ioan. Quomodo, inquit, indoctrina fidei ex impietate nascitur. Et Athanas. lib. de Vnitate fidei, ait: Credere tibi iussum est, non discutere permissum est, imò fides non habet meritum, cui humana ratio præbet experimentum. Sicut dixit Bernard. super Ecce nos reliquimus omnia, ad fin. ubi illud addit eleganter: An potius homini ostendēti, quàm veritati crederes promittenti? Pluramque habet idem Bernar. epist. 190. ad Innocentium Papam, ubi explicat illud Ecclesiast. *Qui cito credit, lenis est corde.* Et Aug. in Psalm. 109. & Greg. lib. 6. Moral. c. 8. & Theophylact. in c. 1. epist. ad Rom. ubi ait: Si fidē scrutari hæsitando cœperimus, omnium pro

proculdubio patiemur iacturam.

PROVENIT autem difficultas in credendo, non quidem ex eo, quòd eaquæ sunt fidei, & à Deo nobis reuelantur, sint contra rationem, sed potiùs supra ipsam; nos autem intellectu, & cognitione naturali nostra ducimur, & nitimur, vnde difficilè ascendimus ad ea, quæ limites nostræ cognitionis superant. quod prosequitur Chrysolog. Ser. 14. dicens: Omnia opera eius in fide. Sed tu hic totum vis de ratione constare, vbi totum conficit ex fide, quod tamen non sine ratione subsistit, sed ratione Dei, non tua, ô homo. Quid tam rationabile, nisi vt Deus, quicquid voluerit, possit: Idémque prosequitur Aug. epist. 3. ad Volusianum, vbi celebrem illam ponit sententiam: Tota ratio facti, est potentia facientis.

APPARUIT Deus Moyli in flâma ignis de medio rubi, videbátque Moy- Exod. 3.
ses, quòd rubus arderet, & non combureretur, & dixit: *Vadam, & videbo*
visionem hanc magnam, quare non comburatur rubus. Cernens autem Dominus, quòd
pergeret, ait Solue calceamenta de pedibus tuis. Multa equidem significata fuisse
mysteria in illo rubo, asserunt Sancti Patres, præter literalem, & histori-
cum sensum, quo significabatur populum illū iniuriis appetitum, nō fore
subiugandum, sed aduersariis, & aduersitatibus superiorem futurum. Etenim
Hieronym. epist. 17. ad Fabiolam, ait fuisse figuram Ecclesiæ Christi,
quæ persecutionum flammis non consumitur, sed viret, viget, crescit, &
splêdet. Greg. 18. Moral. in principio, non vult, significatam Christi Domi-
ni humanitatem diuinitati vnitam; ab hac tamen non absorptam mortalita-
tem. Ber. Ser. de Virgine Matre; Vnigenitum Dei Filium, humanitatem
nostram assumentem, & virginalem vterum habitantem, immaculatam
seruaturum eius virginitatem dicit. Alij alia inuestigarunt, quæ omnia,
quia captum humanæ mentis excedunt, sicut & quòd rubus arderet, &
non combureretur, cū propriis oculis vellet Moyses perspicere, sensi-
búsque expendere, & secundum humanum iudicium inquirere, iussus est
soluere calceaméta, cederéque iuri sensuum, & rationis naturalis. Etenim
olim, quando quis iuri suo cedebat, soluebat calceamentum, vt patet ex
lib. Ruth, vbi Paraphr. Chald. aduertit, eum, qui rem suam alteri tradebat, (ap. 4.)
calceum insimul reddere, aut chirothecam manus dextræ, quo pacto in-
telligit Theodoret. & alij illud Psal. *In Iudumaam extendam calceamentum meum* Psal. 107.
meum. vbi Græcè habetur: *Iniiciam calceum meum*, vt sit sensus; Faciam
Edom mei iuris, per hoc, quod iniiciam, non verò deiiciam calceamentum
meum. Et in hanc sententiam putat Feuarden in. c. 4. Ruth. intelligendum
esse, cur Dauid in prodizione Absalonis discesserit à Hierusalem discalcea-
tus pedibus, vt scilicet eo facto significaret, se cedere quidem iuri ciuitatis, 2. Reg. 15.
per vim tamen à filio illatam.

C V M ergo constat ex celebri more Hebræorum, depositionem calcea-
mentorū esse idem, quod cedere iuri, meritò Moyses, dū vult videre ocu-
lis, examinare ratione, & metiri intellectu, quare, & quomodo rubus ar-
deret, & non combureretur, iussus est soluere calceamenta, vt iā non auderet
ea, quæ à Deo reuelabantur, naturali cognitione metiri, sed supernaturali
fide

Cap. 7. fide credere, fidemque primæ veritati reuelanti adhibere. Vnde Philo-
lib. de migratione Abraham dicit: Ne appropinques huc, ait Dominus, ac si
diceret, ne accedas ad talem cogitationem (de videndo scilicet, & iudican-
do) nam huic curiositati satagenti humanæ vires non sufficiunt, sed facta
quidem mirare, de causis verò non sis sollicitus. Enimverò ea, quæ superio-
ra, & diuina sunt, per sensum, & intellectum discullâ, & examinata, mini-
mè percipiuntur, quod dixit Isai. *Nisi credideritis, non intelligetis*. Sic enim eum
locum refert, ac legit Euseb. Cæsariensis lib. 1. 2. de Præparat. Euangelic. cap.
7. & lib. 7. demonstration. Euang. c. 1. cum nostra vulgata habeat, *Nisi credi-
deritis, non permanebitis*; quasi nec intelligentiam, nec permanentiam habeat
in fide is, qui humanis rationibus diuina metitur, & rationali discursu cœ-
lestia, ac supernaturalia ponderat.

In quam sentent. facit, quod cum Magdalena magistrum rediuuium
videret, illius pedes latis lacrymis voluit abluere, manibusque contrectân-
do certiorē reddi de veritate corporis resurgentis. Dominus autem pro-
hibuit, dicens, *Noli me tangere*. Super quæ verba Bern. Serm. 28. in Cant. ita
ait: Mittitur ad certiorē fidei cognitionem, quæ utique apprehendit, quod
sensus nescit, experientia non inuenit. *Noli me tangere*: hoc est, desuesce huic
seducibili sensui, innitere verbo, fidei assuesce, fides nescia falli, sensus pe-
nuriam non sentit. Sic etiam, & Moyses iussus est soluere calceamenta, &
cedere iuri oculorum, ac sensuum, dum pergeret videre, quare non com-
bureretur rubus. E contra verò Abraham, qui in spem contra spem credi-
dit, & filium, in quo acceperat repromissiones, immolare intendit, iure lau-
datur, eiusque fides, quæ ei ad iustitiam reputata est, nobis imitanda propo-
nitur, & ab Apostolo celebratur.

§. II.

Nulli rei, præter Deum prudenter credendum est in vita.

LICET autem hæc Abraham fides illi ad iustitiam iure optimo sit reputa-
ta, dum Deo credidit, tamen, ut eleganter aduertit Philo lib. de Abra-
ham; cui, præter Deum credendum est: Principatibusne, an gloriis, honori-
bus, opibus, diuitiis, nobilitati, sanitati, integritati sēsuum, robori, pulchri-
tudiniue corporis? Atqui Principatus omnis est lubricus, innumeris insi-
diatoribus obnoxius; quod si quando confirmatur, id fit non sine multis ac-
ceptis, & illatis calamitatibus: nihilo stabiliores sunt honores, & gloriæ in-
certissima possessio, pendens à moribus, rumoribusque leuium, & impro-
borum hominum, quæ si quando perseuerat, nihil tamen verè bonum in se
continet. Quod etiam eleganter, & luculenter prosequitur lib. *Quod Deus
su immutabilis*. Vnde Nazian. Orat. 16. ait: Cætera omnia, præter Deū, fluxa,
& fragilia sunt, ac veluti in calculorum ludo, aliàs ad alios iactantur, &
transferuntur, nec quicquam est ita possidentis proprium, quod non vel
tempore finem capiat, vel liuore ad alios traducatur. Facit pro hoc argu-
mento locus apud lib. Num. in cap. 10. vbi dicitur: *Si exieritis ad bellum de ter-*

ra vestra, si habebitis epulum, & dies festos, tubis clangentis; quæ ergo conuenientia inter epulas, & bellum, vt utrobique tubarum clangor debeat audiri? Rem soluit Rabanus, dum ait id factum, vt in prosperis, & aduersis eadem semper sollicitudo pulset animum nostrum, & ita nobis in summa rerum prosperitate sciamus formidandum, sicut timere etiam in bello fortissimi, & prudentissimi consueuere, nulli omnino se se credentes, nullibi securi.

Hæc fuit ratio, cur Deus insultans celeberrimæ ciuitati Tyri per Ezechielem Prophetam, eam describit assumpta metaphora pulcherrimæ nauis. *Cedrum*, inquit, *de Libano tulerunt, ut facerent tibi malum, quercus Basan dolauerunt in remos, hyssus varia de Aegypto sexta est tibi in velum*; aliæque omnia necessaria ad nauigationem late prosequitur; solius anchoræ non meminit, rei vtique necessariæ, qua posset teneri pulcherrima nauis, ne tandem collisa ad rupes, & littus naufragium faceret: sed meritò anchoram omisit, vt inde innotesceret, eam felicitatem sic descriptam, instabilem omnino, fluctuantem, & quàm citissimè perituram esse.

Quæ etiam fuit ratio, cur Deus volens ostendere Nabuchodonosori ea, quæ ventura erant supremis potestatibus terræ, in somno quidem ostendit, vt omnem mundi gloriam, fluxam & instar somnij, atque imaginis esse cõstaret. Vnde etiam Iosepho in similitudine stellarum, Solis, & Lunæ, quæ perpetuo motu cum cœlis cientur, vt etiam intelligeret à Deo datam potestatem, quia in mundo est, motibus subiacere. Quapropter Gregor. 6. Moral. c. 7. hac de re dixit: Grauis labor cum magna fatigatione apprehendere, quòd is, qui apprehendit, nouerit diu stare non posse. Et August. epist. 45. meritò conqueritur de iis, qui diligunt ea, quæ in mundo sunt, cum ipse tanta rerum labe contritus sit, vt etiam speciem seductionis amiserit; neminemque iam decipere possit, quandoquidem optimè omnes norūt omnia mundi bona citò transire, & è manibus inopinatò euadere. Vnde nemo, nisi imprudens, eis fidem habet.

Vnde ego assentior iis, qui quando Abraham dixit, *Domine Deus, vnde scire possum, quod possessor sum terram premissam?* dicunt Abrahamum voluisse scire modum, quo securus redderetur de possessione rei instabilis, & quantumcumque terra esset, fugientis, ac mentientis, ne faciliè ea se videret spoliatum. Vnde & illi statim Deus assignauit remedium ad firmandam, stabilisendamque possessionem, dicens. *Sume tibi vaccam triennem, &c.* docuitque sacrificium. Namque, sicut optimè notauit Seraphinus à Porrecta ibi, modus conseruandi in possessione, est cultus diuinus, Deique obsequium: vnde dixit in lege; *Facite præcepta mea, & iudicia custodite, & implete ea, ut habere possitis in terra absque villo panore*; & gignat vobis humus fructus suos, quibus vescamini. Necessarium itaque fuit de cœlo allatum remedium, quo fugientia mundi bona teneri possent, alioqui se illis non crederet Abraham, quantumcumque Deo crediderit. Rem denique conficit id, quod eleganter notauit Ambros. Herodem scilicet puellæ saltanti, eique, & astantibus placenti dixisse; *Pete à me, & dabo tibi, etiam si dimidium Regni mei*, &c. Marc. 6. Ait ergo diuus Ambros. 3. de Virginibus. Vide quemadmodum seculares ipsi de

Petrus in Epist. B. Iacobi Apost.

AAa rebus

rebus suis iudicent, vt pro saltatione etiam regna donentur; quòd si iterum puella saltasset, totum prorsus regnum tribuisset, qui dimidium regni pro prima saltatione promiserat.

- Quod si quis hominibus velit credere, audiat quid sacræ literæ doceat.
- Cap. 34. Etenim illud Iob. *Qui non audiit tyrannum, cum disceptaret cœra pauperem*; sic legunt Septuag. *Vana eis euadent, clamasse, & orasse virum*, ibique Nicetas eleganter sic ait. Qui hominum implorant auxilium, & qui Principibus fidunt, stulti sunt, neque ex ea re lucri quicquam facturi sunt, proindeque maledictus, qui credit homini. Quòd verò sibi etiam quisque minimè credere debeat, ostendit Ber. Ser. 85. in Cant. cum ait de diabolo. In veritate non stetit, quia non est innixus Verbo, in sua virtute confusus, & ideo fortassis sedere voluit, quia stare non valuit, dicebat: *Sedebam in monte testamenti*. Caterum Deo aliter iudicante, nec stetit, nec sedit, sed cecidit: ergo qui stat, si non vult cadere, non fidat sibi, sed nitatur Verbo. Verbum loquitur: *Sine me nihil potestis facere*; ita est, nec surgere ad bonum, nec stare in bono possumus sine Verbo.

- Cum ergo omnia in terra deficiant, fallant, facileque corrumpantur, soli Deo cum Abrahamo credamus, ipsique hæreamus, dicentes cum David: *Deus meus est, quoniam bonorum meorum non eges*. vbi Paraphr. Chald. sic habet. *Bonum meum, non nisi à te, quicquid enim à Deo nobis non prouenit, bonum nostrum minime est*; ideoque idem David ait: *A te quid volui super terram*. Et Cyprian. Orat. de Ascensione Christi. Anima, inquit, cuius est Deus, quid ampliùs querit, si sufficis tui Deo, sufficet tibi Deus. Et Philo lib. *Quis sit hæres diuinarum rerum*; Si cupis, inquit, ô anima, hæres diuinarum rerum fieri, non tantum terram, hoc est, corpus, sensus, & rationem desere, sed te ipsam fuge, rapta extra te ipsam, sicut lymphatici, &c. Vnde meritò Moyses Num. 24. dixit. *Ne timeatis populum terræ huius, quia recessu præsidium ab eis, & Dominus vobiscum est*. vbi Aug. q. 2 3. in eundem lib. sic potius legit: *Recessit tempus ab eis, & Dominus vobiscum est*; quasi ea omnia, in quibus aduersarij confidebant, præsidiumque quærebant, non minùs euolauerint, quàm tempus, quod per sua momenta perpetuò extrahitur. Quis ergo tempori credat? quis mundi rebus fidat?

SED pro dolor! nullus omnino hominum se credit Deo, & omnes adhærent rebus terrenis. Vnde Clemens Alex. Orat. ad gent. ait. O impietatem! scenam, cælum fecistis, & Deus factus est vobis actus. In derisum siquidem habent homines cælestia, altâsque in terra mittunt radices, vt possimus dicere cum Iob. *Vidi stultum firma radice, & maledixi pulchritudini eius*. Super quæ verba Gregor. 6. Moral. ita ait. Quasi firma radice stultus in terra figitur, qui totis desiderijs in terreno amore solidatur. Vnde & primus Cain ciuitatem in terra construxisse dicitur, vt apertè monstraretur, quia ipse in terra fundamentum posuit, qui à soliditate cælestis patriæ alienus fuit.

- Matth. 6. SED, quoniam Deo non credunt dicenti: *Querite primum regnum Dei, sed primò querunt regnare, prosperèque agere in terra, & dum vident se per*

perpetuū in ea degere non posse, proinde necessitate cōpulsī, secundariō de Deo agunt, ideo Deus irridet eos circa ea, quæ primō quærent. Quod notauit Chrysost. hom. 8. in epist. ad Hebr. his verbis. Omne studium in iis, quæ ad vitam hanc pertinent, euacuatur, de spiritualibus autem nulla ratio est, propterea terrena nobis pro voto non proueniunt, Christus quippe dixit: *Quærite primū regnum Dei, & hæc omnia adiciētur vobis*; hæc in adiectionis parte, tanquam adiectitia dicit datum irinos autem ordinem peruertimus, petimus terram, & bona terrena, quasi cœlestia additionis loco nobis dentur. Idcirco neque ista, neque illa habemus. Euigilemus aliquando, & efficiamur futurorum desideratores, sic etiam ista sequentur. Etenim Abraham credidit Deo, quod reputatum est illi ad iustitiā, & insuper concessa rerum omnium copia, & affluentia.

§. III.

Quia Abraham amicus Dei, propterea probatus ab eo est.

AMICVS igitur Dei factus est Abraham, non solū, quia ipsum, vt ^{Genes. 18.} ^{Genes. 17.} amicum alloquebatur, & apud eum diuersatus, nihil eundem potuit celare, sed usque cum ipso iniri, ne tandē amicitia diuideretur, quod significatum est in diuisione vaccæ, primūque Christi Seruatoris parentem voluit esse, sed, quia se deinceps Deum Abrahami voluit nuncupare, sicut notauit Chrysost. hom. 5. 2. in Genes. cū ponderat ea verba: *Ego sum Deus Abraham patris tui*. Considera, inquit, misericordiam Dei: nam cū dixisset; *Ego sum Deus Abraham patris tui*, ostendit quomodo sibi vendicauerit, & proprium fecerit Patriarcham, ita vt dignatus sit se vocare Deum Abrahæ; & Deus orbis, ac conditor vnus hominis, Deum se dicens, non concludit, & abbreviat appellatione Patriarchæ suū dominium, sed magnam in illum suam beneuolentiam monstrat. Ita, inquit, mihi eum proprium feci, vt apud me æstimetur tanti, quanti alij omnes.

QUÏBUS igitur gradibus ad hanc amicitiam peruenerit, dixit Scriptura: *Per multas tribulationes probatus, amicus Dei effectus est*. Etenim pressuræ, & labores, ac pœnæ nos ad cœlestia euehunt, & veluti os ad os cum Deo loqui faciunt; quod notauit Gregor. lib. 6. Moral. c. 7. cū explicat ea verba Iob. *Homo natus ad laborem, & auis ad volatum*: Inde, inquit, mens ad summa eqolat, vnde caro infimis durius laborat. Annon quasi auis Paulus ad volatum natus fuerat, qui tot aduersa sustinens dicebat, *Nostra conuersatio in cælis est*? ideoque Dauid hoc idem fatetur, cū ait: *Tribulationes cordis mei multiplicatae sunt*, vbi Hieronym. ex Hebr. sic transfert: *Tribulationes cor meum sursum ferre fecerunt*: sunt enim tribulationes, quæ mentem, & cor nostrum ad cælum euehunt, & extollunt. Quod etiam notauit Chrysostomus ad ea verba Psalmi; *Qui exaltas me de portis mortis*, vbi ait: Non dixit, liberas, sed exaltas, non enim in eorum malis soluendis subsistit Dei beneficium, sed facit eos etiam admirabiles, insignes, & clariores.

AAa 2 HINC

Hinc est quodd Deus veluti amicum, & familiarem ad se pertrahat, qui labores perpetitur, & in persecutione versatur, & ad suam mensam, & conuiuium adhuc in terris degentem sedere faciat; quod ut probem, statuendum in primis est. licitum minimè fuisse in lege veteri, alicui præter Sacerdotes, vesci pane sancto, sicut refert Hierony. in c. 1. Malachiae. Ex Hebræorum enim traditione, illi conficiebant panes sanctos ex frumento, quod ipsi sererent, metere, molerent, ac denique coquerent, & cum hæc ita se habeant, *Dauid, & quicum eo erant, comederunt panes Propositionis*, ut patet aperte ex Matt. 12. Theod. q. 52. Hierony. Apolog. contra Iouianum Arbor. lib. 4. Theoph. c. 25. Cum ergo licuerit Dauid oppresso fame, sacros panes sumere; aliam, nec contemnendam rationem affert Hieronym. ad nostrum sensum: sic enim habet in c. 2. Sophoniae. Dauid non erat de Sacerdotibus, nec licebat ei comedere panes Propositionis, sed quia per singula crescebat opera, & persecutio Saul, virtutum illius profectus erat, propterea in fuga illius, dum nescit, subitò antistes efficitur, & accipit panes Propositionis, & non violat mandatum. Persecutio igitur Saul Dauidem fecit dignum, qui ad mensam Domini, ut Sacerdos, & amicus sederet, & sacris panibus vesceretur, cum tamen solis Dei familiaribus essent concessi.

Hæc est ratio, cur Dominus consueuerit electos suos laboribus indurare. Quod prosequitur Chrysost. hom. 10. & 15. in epist. ad Rom. Greg. 4. Moral. c. 1. & 12. Moral. c. 15. Ber. Ser. de illis verbis, *Iustum deduxit Dominus*, & c. Cyprian. lib. contra Demetrianum. Clem. Alex. 7. Stromat. Nazian. Orat. 19. & Orat. de laudibus Athanasij. Tertul. lib. de fuga in persecutione c. 3. Aug. 4. de Ciuit. c. 3. & Ser. 82. de Tempor. & in Pl. 55. Vnde Demetrius, teste Stobæo Ser. 18. dicere solebat, nihil sibi videri infelicius eo, cui nihil vnquam euenit aduersi, quodd oporteat talem hominem Diis inuisum, quem præterierunt velut ignaum. Namque, sicut dixit Seneca lib. 1. de Providentia; *Bonum virum Deus in deliciis non habet.*

Non solum ergo per ea bona quæ fecit, iustificatus est Abraham, & amicus Dei factus, sed etiam per ea, quæ pertulit mala, sicut diuina testatur historia. Sic igitur probatus Abraham, amicus Dei dictus est, & reuera fuit operibus quæ ostendit: Amicos, inquit Aug. tract. 4. de virtute Charitat. tom. 9. coniunctio animorum facit. Vnde quidam sapiens huius mundi ait: Idem velle, atque nolle, ea demum vera amicitia est. Quomodo iste sanctus animus coniunxerit Deo, vultis nosse? Sicut Deus Pater vnico Filio suo non pepercit, sed pro nobis omnibus tradidit illum, ita & iste vnico Filio non pepercit, sed iubente, ut immolaretur ei, qui dederat eum, deuotò corde obtulit. Quibus habet similia Ser. 61. de Temp.

Nec contemnenda videtur ratio, ut dicatur Abraham amicus Dei ex eo, quodd obtulit filium, & pro aris constituit immolandum, quod singulare opus diuinam liberalitatem in tradendo vnigenito Filio Dei exposulauit, & id, quod per summam misericordiam Deus postea fecit, in amico prius adumbrari voluit. Iure, inquit Clem. Alex. 1. Pædag. c. 5. Isaac non pallus est, qui primis passionis partes Verbo cessit, nec fas erat, ut dixit Chrysost. hom.

de

de immolatione Isaac, ut qui typum Christi portabat, à patre tunc temporis mactaretur, quia perfecti sacrificij hostia Christo Domino seruabatur. Attamen, sicut notauit Rupert. lib. 6. in Genes. cap. 30. ut non ex sola misericordia staret salus hominis, sed misericordia, & veritas obuiarent sibi, quasiuit misericors Deus capitulum in homine, per quod posset iuste debitor ipse teneri. Quasiuit, inquam, ab homine vnigenitum sibi filium immolari, ut suum ipse Filium iusta vicissitudine deberet homini. Igitur, cum dicit idem Filius in Euangelio suo: *Sic dilexi Deum mundum, ut Filium suum vnigenitum daret.* Non est dilectio remissa, vel misericordia carens iustitia. Nam, & homo sic timuit Deum, ut offerre illi non dubitauerit filium suum vnigenitum. Quem igitur sic elegit Deus, & cui debitor factus est, merito Dei amicus à Iacobo prædicatur.

Verf. 24. *Videris, quoniam ex operibus iustificatur homo, & non tantum ex fide?*

§. IV.

Quàm necessaria sint opera præter fidem.

EX dictis concludit intentum, scilicet, fidem solam non sufficere ad iustitiam, sed eam, quæ per dilectionem operatur. Nam, sicut dixit August. in Psal. 31. Quod credit homo, fidei est, quod operatur, charitatis est; & ideo fides vocatur scutum à Paulo: *Sumentes scutum fidei.* Quis verò vnquam scutum assumpsit, quin simul gladium arripuerit? imò, ideo illud sinistro brachio inseritur, ut dextrum ad pugnandum liberum, & expeditum maneat, alioqui quomodo poterit victoriam reportare fides, vincereque mundum, & ceteros animi hostes, si ea mortua, & sine operibus sit? sicut notauit Bernard. Serm. 1. in octaua Pasche, cum dicit. Nec mirum videri debet, si fides nequaquam vincit, quæ nec viuut quidem, illa enim viuuda, & victoriosa fides est, per quam Christus habitat in cordibus nostris, ut scilicet cooperatores illius simus.

Vnde D. Saluianus lib. 4. de Prouidentia, sic ait: Quæ ergo ratio est, ut ipsi nos falsa opinione fallamus, existimantes scilicet, quia Christiani esse dicamur, quod opitulari nobis inter mala, quæ agimus, nomen bonum possit, cum Spiritus sanctus, nec fidem quidem dicat hominibus Christianis sine operibus bonis posse prodesse? Et Chrysost. hom. 34. in imperfecto. Scitote quia mercenarij sumus conducti, mercenarius sine opere non potest esse opera autem nostra, sunt opera iustitiæ, si mercenarij Christi sumus, primum debemus aspicere, quæ ad gloriam Dei pertinent, proximique profectum, & sicut mercenarius, qua die opus non fecerit, erubescit intrare domum, & petere sibi panem, quomodo tu non confunderis intrare

AAA 3 rare

trare in Ecclesiam, & stare ante cōspectum Dei, quando nihil boni in cōspectu Dei gessisti?

Ioan. 8.

E t hæc fortassis videtur ratio, cur sibi Deus noluerit mel offerri, quia scilicet ex floribus, non fructibus decerpitur, & conficitur, cū tamen Deus velit à nobis honorum operum fructus, prouentūsque è terra nostra, quam versauit manibus, cui fidei semen commisit, quam diuina gratia irrigauit. Quod acutè notauit August. Serm. 47. de verbis Domini, cū ponderat, Christum Dom. quando illi Iudæi adduxerunt mulierem comprehensam in adulterio, se inclinasse, & scripsisse in terra. Nam Dominus, inquit, in terra scribebat, quia fructum requirebat à prima radice fidei, in quo fructū sanctitas animi consistit; quod quidem intelligendum est in adultis, qui possunt, & tenentur operari. Nam paruuli absque operibus saluantur, adulti verd, si non occurrat præceptum aliud, solo credendi actu possunt profectò crescere in gratia, & iustificari secunda iustificatione. Itēque intelligendum est, si per tempus liceat operari, sicut hoc in loco aduertit Beda, & alij, & à Deo statim post infusam gratiam non feratur, sicut raptus est iustus, ne malitia mutaret intellectum eius.

Verf. 25. *Similiter, & Raab meretrix nōne ex operibus iustificata est, suscipiens nuntios, & alia uia eiiciens?*

EXPOSITIO LITERALIS.



E se causarentur opera tanti Patriarchæ Abrahamæ imitari nō posse in abdicatione patriæ, rerūque omnium, & in immolatione vnici dilectique filij; subinfert exemplum mulieris profanæ, & alienigenæ, quæ nullas conciones de lege Dei, de Testamento, aut fœdere illius cum hominibus, deque Messia venturo vnquam audierat, quæ tamen per misericordiæ opera, & officium hospitalitatis cum periculo vitæ exhibitum iustificari meruit, & Israëlítico populo, vt ciuis ascribi, regalisque eorum profapiæ catalogo annumerari, & inter parentes Filij Dei in carne referri; vt tali exemplo commoti traditam de operibus doctrinam susciperēt, manūsque ad opera charitatis ad mouerēt, quæ tam vilia sunt, vt gentilem mulierem illustrem redderent, tamque necessaria, vt in fidei parente Abrahamo necessariò requirerentur.

Iosue 2.

I n limine autem huius sententiæ illud difficillimum occurrit, fueritne Raab ita meretrix, vt infami corporis prostitutione turpem quæstum comparauerit? Deinde, quo pacto potuerit iustificari per opus mendacij, & deceptionis? Etenim, cū viri à Rege missi quærerent duos exploratores, quos domi absconditos habebat, dixit: *Fateor, venerum ad me, sed nesciebam unde essent; cūque porta clauderetur in tenebris, & illi pariter exierunt, nescio quò abierunt; persequimini ciuē, & comprehendite eos.* quæ verba quatuor mendacia videntur continere. Primum, *Nesciebam unde essent*: cū tamen rectè agnouerit.

uerit. Secundum, *etiam porta clauderetur in tenebris, & illi pariter exierunt*; qui tamen adhuc domi latebant. Tercium, *nescio, quid adierunt*; cum tamen in solariorio esse sciuerit. Quartum, *persequimini cito, & comprehendite eos*; cum nondum foris possent persequi, & comprehendere quos illa absconditos domi habebat.

Quod ergo attinet ad primum. Non desunt valida fundamenta, quæ videntur probare, Raab non fuisse meretricem, etenim Hebræi post Chaldaum, voluit fuisse hospitam & couponariam, vel tabernariam. Nam nomen Hebræum, זונא *zonah*, & meretricem significat, & couponariam, vel ciborum venditricem, à זון *zon*. i. frumento, siue specie frumenti. Quamobrem Pagnin. vertit couponariam, id est, quæ vendit escas. Vatabl. *couponam*, seu, *hospitam*. Lyran. hic, & Matth. 1. Titelman. Arias Montanus hic, & Isaia 23. D. August. 18. de Ciuitate Dei. 18. & aliqui ex Rabbini tenent, non fuisse meretricem. Quod idem asserunt aliqui recentiores, qui dicunt verbum Græcum hoc loco, & ad Hebr. 11. à vendendo sumptum esse, vt sit sensus, mulier venditoria. Et ratio hoc ipsum suadet, quia Salmon fuit princeps nobilis de Tribu Iuda, proindeque credibile non est, sibi in vxorem assumpsisse mulierem antea meretricem.

Cæterum, quia Tridentina Synodus præcipit sequendam vulgatam versionem, in qua Raab meretrix appellatur, id quidem statuendum est, eam fuisse meretricem, præterquam quod per se probabilius videatur; nam vox Hebr. apud Septuaginta *meretricem* significat, & apud Paulum, vt ibi notauit Ribera, & Seruius, ac Masius apud Iosue. Ex sanctis Patribus tenet D. Clemens epist. ad Ephesios, Irenæus lib. 4. cap. 37. Idemque probat Hieronym. in epist. ad Pammachium, & in cap. 1. Matth. dum ait, in eo Euangelio nullam sanctarum mulierum assumi, sed eas, quas scriptum reprehendit. Idem tenet Chrys. hom. 5. de Pœnitentia; vbi inter alia sic habet. Erat in fornice, velut in volutabro confusa margarita, aurum in luto abiectum, flos spinis confossus, religiosa anima reclusa impietatis loco. Idem tenet hom. 3. in Matth. & hom. 40. ad Popul. Nazianz. Orat. 40. quæ est in sanctum Baptisma; & Orat. 16. quæ est de pauperum amore, vbi ait: Inter peccatores Raab meretrix, non tantum animi inductione meretrix, ac bene de hospitibus merendi studium, & laudi fuit, & salut. quod etiam ibi prosequitur Nicetas, D. Ambros. lib. 8. in Lucam c. 16. & lib. 2. de Virginibus. Demum August. lib. 6. q. Veter. & Noui Testam. q. 2. in Iosue, eam appellat fornicariam. Idem sequitur Theodoret. q. 2. in Iosue, & in Psalm. 86. & ad Hebr. 11. Procop. in Iosue cap. 2. Euthym. in cap. 1. Matth. & Rabbin antiquiores.

Quod si vera est ea opinio deducta ex multis locis sacre Scripturæ, & à recentioribus comprobata, priscis, scilicet, illis temporibus non fuisse couponas, sed eam viatorum rationem fuisse, vt vel humeris, vel iumentis sua ipsi secum cibaria deferrent, tectum verò raro, idque vel apud amicos, aut certe bonos, & hospitales homines gratis subirent. Vnde Angeli à Loth inuitati dicebant, *minime sed in platea manebimus*. Et Gabaonitarum legati, cum totum peregrinorum è longissima regione aduenientium morem, &

& apparatu studiosissimè simularent, *ulerim*, ait sacer Textus, *sibicibaria*, *saccos veteres asinis imponentes*, & *vires vinarios scissos*, atque *confusos*, *panes quoque*, quos portabant ob *viaticum*, *duri erant*, & *in frustra comminuti*. Si vero cauponarum usus tunc fuisset tot panum, vinique sarcinæ cur assumerentur, cum è publico ciuitatis arario legati marsupia possent implere? Hoc insuper probatur ex libro Iudicum, cum Leuites ille Ephraimita veniens è Bethlehem, occaso iam Sole, urbem Gabaan ingressus, sedebat cum facinulis in platea, quoad senex quidam veniret, cui super hac re roganti, dixit. *Nellus sub tectum suum nos vult recipere, habemus paleas, & fenum in asinorum pabulum, panem, ac vinum in meos, & ancilla tua usus, & pueri qui mecum est; nulla re indigemus, nisi hospitio.*

Iud. c. 19

C V M ergo eo tempore secundum istam sententiam, non extiterint cauponæ, qui accepto pretio peregrinis viatoribus necessaria tribuerent, eosque hospitio exciperent, quando Raab caupona dicitur, in malam partem id accipiendum videtur, ut scilicet sub tecto exciperet eos, qui velut ad luxuriam, & impuritatem ipsam adibant, quod meliùs explorationem simularent & occulerent. Quod etiam confirmat Masius ex eo, quod cum Scriptura meminerit patris, matris, fratrum, ac sororum, mariti tamen non meminit; quod signum est eam non habuisse proprium virum, sed omnibus fuisse communem.

Iosue 6.

I L L V D autem, quod obieciabatur de Salmone, facillè dilues, dicendo mirum nullatenus videri posse, si Princeps eam muliere duxerit, quæ tam insigni in suam gentem contulerat beneficium, quæ respicerat, & iustificata erat; fortè quæ à Deo interiùs admonitus, sibi eam copulauit, ut desponsati Christi, & extensio Ecclesiæ ad Gentilem populum adumbraretur. Etenim, si apud Athenæum lib. 1. 3. Abydeni, ut meretrici, cuius beneficio, & indicio seruitutem depulerant, gratiam referrent, tantopere adlaborarunt, quid mirum, si erga suam Rem. pietas Salmonis ipsum adgerit, ut hanc mulierem sibi matrimonio copularet? ut interim omittamus id quod Masius ait, non fuisse Salmonem abauum Dauidis, sed alium eiusdem nominis, qui Raab duxit uxorem.

S E C V N D V M breuiter expediemus, si ob oculos proposuerimus, mendacium nec propter vitam, nec propter totius mundi lucrum esse licitum: qua de re videndus Aug. tom. 4. duob. libr. contra mendacium ad Consensum; cuius autoritate, & innumeris ex Scriptura desumptis permotus Innocentius III. in c. *super eo, de usuris*; dixit, in Scriptura prohiberi mendacium etiam pro vita alterius seruanda. qua de re plura habent Theologi cum Magistro. in 3. dist. 38. Hoc ergo constituto, non est admittenda ea expositio Ruperti lib. 1. in Exod. c. 7. cum asserit, Raab mendacio officioso, & utili usam fuisse, proindeque non peccasse, imò opus charitatis exercuisse dignum præmio, quo à Deo fuit remunerata: sed dicendum, Raab iustificatam quidem non ob mendacium illicitum, sed ob charitatis zelum, & hospitalitatis opus, quod iuste exercuit in hospites Israëlitas, & quo intendit eorum vitam inco' unem seruare. Sic etiam D. Greg. 18.

Moral.

Moral. c. 27. dixit, obſtetrices Aegypti mentitas quidem fuiſſe, ſed non obmendacium remunerationem à Deo accepiſſe, ſed pro charitatis, & diuini obſequij opere, quod erga Deum, & Dei populum præſtiterunt. Sic & hanc probatam aſſerit Aug. lib. vno contra mendacium c. 9. non quia mentita, ſed quia in homines Dei miſericors fuit, & ita non eſt remunerata fallacia, ſed beneuolentia, benignitas mentis, non iniquitas mentientis. In vno etenim, eodẽque opere, quod alioqui malum eſt, maloque modo agitur, poteſt interdum laude quidpiam dignum aſpici. Teſtis ille, qui ſuracem, fraudulentũque villicum iniquitatis laudauit, quia prudenter feciſſet. Quo ſenſu Iudith factum Simeonis contra Sichimitas laudat, quatenus zelo caſtitaſis in eos irrupit. Videndus idem Aug. eodem lib. c. 17. Iudib. 9.

MERETRICEM autem vocat Raab, quæ ſancta, & iuſta erat, ex more Scripturæ, quæ ſolet nominare res eo nomine, quod ante conuerſionem habebant: ſic virgæ conuerſæ in dracones adhuc vocantur virgæ; ſic cæci. Exod. 7.
Mar. 11.
Ioan. 2.
Ioh. 2. I. qui fuerant cæci, dicuntur videre: ſic de vino dicitur, cum vidiffet Architricleus aquam, vinum factam; ſic Eva dicitur os Adam. Nuntios autem hoc loco appellat, duos exploratores, quos Iſue miſit, vt conſiderarent terram, urbemque Iericho, quos ipſa cum ad mortem quærerentur, abſcondit. Ex operibus verò dicitur Raab iuſtificata, quia in ea ſuſceptione plura laudanda opera interceſſerunt, vt mox videbimus.

§. L

Commendatur hospitalitas.

CVM ex dictis conſtet, non fuiſſe olim cauponarum uſum, ſed quemque viaticum ſecũ portare ſolitus, inde iam apparet charitas iſtius mulieris iam fidelis, vt bene aduertit Titelman. ipſaque teſtatur, vt ſuprà vidimus, & hac in re minimè meretrix; hospitalitas enim character eſt virginalis animæ; ſicut ait Chryſoſt. hom. 48. in Genef. Ex qua Eliezer dimiſſus, ſicut notaui Theodoret. q. 73. in Gen. ad quaerendam filio domini ſui ſponſam, eam deprehendit, idque à Deo expoſtulauit, & quæ diu in luxuriæ incendio vixerat, ab eo per hospitalitatem erepta eſt, veluti alter Loth; ſicut notaui Ambr. epiſt. 82. Genef. 24.

PVLCHRE autem dixit Apoſt. hoc loco, vna via ſuſcepiſſe Raab nuntios, & alia eieciſſe, vt inde colligamus, in ea domo mulieris conuerſæ vias omnes, quæ antea luxuriæ inquinamento deſeruiebant, ad excipiendos, dimittendosque impudicos, conuerſas eſſe in vias charitatis, & oſtia hospitalitatis, ſicut de ſe gloriabatur Iob cum dixit: *Oſtium meum peregrino pa-* Iob. 31. *ui,* vbi Septuaginta addunt, *omni viatori paui.* Sed epitalim, exaggerationemque habet pluralis numerus in Hebr. *Oſtia mea;* quaſi dicat: Vnde quaque paui ad meam domum aditus: volebam non vnico tantum oſtio, ſed multis excipere peregrinos, vt facilius declinarent in meam domum; ſicut explicant ſcholia Vatabli: eandem ergo promptitudinem animi BBb Raab

Paiz in Epiſt. B. Iacobi Apoſt.

Raab significat ea duplicata via, quam Iacobus assignat.

E t hæc est ratio cur ego existimem nuntios Israëlitas, non casu fuisse ingressos domum istius, sed ab eadē inuitatos, & veluti compulsos. Ea enim *Genes 13* mulier, ex qua oriundus erat Messias, debuit ipsius patrem Abrahamū imitari, qui occurrit obuiam, & rogauit. vbi D. Ambr. lib. 1. de Abraham: Fructum hospitalitatis studiosissime requirebat, nec aspexit contentus, occurrit obuiam, adest non quærentibus, rapit prætergredientes, & ait. *Domine, si inueni gratiam*, &c. vbi Chrys. hom. 4. 1. in Gen. Dicere, *Domine*, est captantium beneuolentiam, dicere autem, *si inueni gratiam in oculis tuis*, hoc est admirabile; beneficium, inquit, das, non accipis. Verè enim eiusmodi res, hospitalitas est, quæ magis accipit, quàm dat, qui illā promptè, & alacriter exercet. Et Chrysolog. Ser. 121. Abraham venientibus longè semper occurrit, prætereuntes prece reuocat, nolentes magna cum supplicatione suā compellit ad mensam & Ser. 121. de Lazaro. Non immeritò, fratres, sua nunc nos in requie suscipit, & in ipsa cœlesti beatitudine fungitur dispensatoris officio, quando, dum hic semper suscipit peregrinos, & pauperes, ipsum sub tentorio suo videre hospitem meruit, quem semper habuit largitorem. Et reuera, fratres, parum se beatum credidit, si in ipsa superna gloria ab ipso hospitalitatis pio cessaret officio, & solus donis frueretur diuinis, qui hic humana bona, crudelem se credidit, cuiquam si negaret. Et ideo non prætereundum, noctu ad Raab diuertisse exploratores, quod Angelis cōtigit meridie, vt de hac muliere verum etiam sit, quod de Abraham dixit Ambros. Quando alij requiescebant, iste hospitem explorabat aduentum.

APPARET autem maxima huius mulieris charitas in eo, quòd alienigenas exceperit: nam, sicut dixit Chrysost. hom. 20. in priorem ad Cor. Si virum aliquem magnum, & insignem hospitio exceperis, id non tam pura eleemosyna est, sed partem sibi sæpenumero inanis gloria vendicat, & spes alicuius boni consequendi, quod hospitalitatis remunerationem coinquinat, imò auaritia est, hospitalem esse huiusmodi viris. Sicut prosequitur Ambros. lib. 7. in Luc. Vnde. Origen. lib. 9. in cap. 12. ad Roman. aduertit dixisse Paulum, *hospitalem autem sectantes*: non illud, inquit, solum ostendit, vt venientem ad nos hospitem suscipiamus, sed, vt requiramus, & solliciti simus, & sectemur, ac perquiramus vbique hospites, ne fortè in plateis sedeant. Videndus hac de re Chrysolog. Serm. 121. vbi de Abrahamo sic eleganter loquitur: Peregrinus ipse iugiter laborauit ne peregrini peregrinum se esse sentirent, sub tentorio manens ipse, sine tecto aduenam manere non passus est, & hospitem hospes semper ipse suscepit, sciens se non incubatorem, sed dispensatorem diuinæ posuit largitatis; suscepto hospiti assistit, non assedit, & fuit non conuiua hospitis, sed minister. Abraham viso peregrino, Dominum se esse nesciuit, ipse allator prandij, ad coquinam satissimam addixit uxorem, & qui se, suæque omnia famulis suis credit, committere vix audet hospitem coniugi quàm probatæ, & in ipsa cœlesti beatitudine fungitur dispensatoris officio, qui dum semper hic suscepit peregrinos, & pauperes, ipsum sub tentorio suo videre hospitem

merui

meruit, quem semper habuit largitorem. Et reuera, fratres, parum se beatum credidit, si in ipsa superna gloria ab hospitalitatis pio cessaret officio, & solus donis frueretur diuinis, qui hic humana, crudelem se credidit, cuiquam si negaret.

Nunc mirum, quod hospitalitas fecerit Raab iustiores, & matrem Messiae Seruatoris, cum hæc virtus Ioannem Euangelistam fecerit filium matris sacratissimæ eiusdem Messiae, hospitio enim eam excepit, sicut colligitur ex Nazian. in Tragedia, *Christus patiens*. ex Nicephor. lib. 2. histor. Ecclesiast. c. 3. & lib. 1. c. 18. Baronio, anno Christi 34. c. 29. Quæ virtus ipsam etiam Deum hominem in terra potuit detinere, sicut ex Aug. docet D. Thomas 2. 2. q. 111. art. 1. cum dicit, quare Christus finxit se longius ire, quia, cum longius, inquit, recessurus esset ascendendo in celum, per hospitalitatem quodammodo retinebatur in terra. Denique hanc virtutem appellat Tertull. in Apologet. cap. 20. Catholicæ communionis contestationem, aludens nimirum ad tesseram dari solitam, ut hospites cognoscerentur per illam, ne fraus interueniret. Quæ de re videndus Plautus in Penulo & in Cistel.

Hanc virtutem hospitalitatis commendat Aug. lib. 2. quæst. Euang. c. vlt. Serm. 32. de verbis Domini; Serm. 70. de Temp. Hieron. in c. 1. ad Titum, & alibi passim. Greg. lib. 12. epist. 6. & 24. Chrysost. homil. 30. ad Roman. tom. 4. & homil. 41. in Genes. tom. 1. & tom. 5. homil. de decim. & hospital. & Concione 2. de Lazaro. Nazianz. Orat. de pauperum amore. Clem. Alexan. 4. Stromat. Ephrem in Testamento, & Patænesi 42. & de humilitat. comparanda. Videndus item Chrysolog. Serm. 39. ad ea verba Luc. 11. *Quis vestrum habebit amicum, & ibi ad illum media nocte?* Non potuit, inquit, non impetrare quod voluit, qui ut reciperet hospitem, hospitem, reficeret, totam sibi requiem denegauit.

§. II.

Amor Dei Raab superauit amorem patriæ, qui vehementissimus est.

SINGULARIS etiam Dei amor super omnia in hac muliere cernitur, quia, cum patriæ amor nobis ita naturaliter sit insitus, ut aliqui patriam à patre dictam putent, siquidem est primus parens, & Cretenses, quasi matricem à matre dicebant, sicut aduertit Plut. lib. num seni gerenda Respub. *À patre patriam*, inquit, *dicimus. Ita Cretenses à matre, quasi matricem.* Vnde Tullius 5. Philip. *An potest cognatio propior vlla esse, in qua parentes etiam continentur?* & D. Thom. 2. 2. quæst. 60. art. 3. Patriæ, & parentibus maximè debitor est homo post Deum. Interrogatusque Pythagoras, quomodo oporteat se gerere erga patriam ingratam, ut erga matrem, respondit. Et Plato in Clitone: *An sic es sapiens, ut te latuerit, & patri, & matri, & progenitoribus patriam esse amponendam? atque esse venerabilius quiddam, sanctiusque, & superiore sorte, cum apud Deos, tum apud homines mentis compotes, esse patriam*

BBb 2 collocat

collocandam, colereque eam oportere magis, eique obedire, ac regidius se gerenti minime assentiri, quàm patri, & siquid iubeat, vel dissuadere, illi quantum liceat, vel facere, & paucissimè sustinere quicquid inserit patrandum, vi autem vii nefas est, vel contra matrem, vel contra patrem, maximè verò omnium contra patriam.

Vnde pro patria tot præclari viri olim se deuouerunt, vt de Codro Atheniensium Rege patet apud Iustinum lib. 2. de Deciiis apud Liuium, & Ciceronem 1. Tuscul. vt omittamus Brutum, Curtium, Genutium, Aetolium, Trasylbulum; Themistoclem, Carthaginenses fratres Philæni, & alios. Qua de re vidèdus Valer. Max. lib. 5. c. 6. Nō omittendus Demaratus Lacedæmoniorū Rex, qui cū apud Xerxē exularet, sicut refert Iustin. lib. 2. scirētque parari à Xerxe bellum aduersus Lacedæmonios, amicior patriæ post fugam, quàm Regi post beneficia, ne inopinato bello opprimerentur, omnia in tabellis ligneis Magistratibus scribit, easdēque cera superinducta delet, ne, aut scriptura sine tegmine, aut recens cera dolum proderet, quod fuit in causa, vt se pararent ad bellum.

QUALIS autem amor patriæ fuerit in vno Hieremia, ostendit Iosephus lib. 10. Antiquitat. cap. 11. ait enim. Hieremias neque Ducem sequi voluit, neque aliud ad habitandum ire, contentus habitare in ruinis patriæ, & eius miseras reliquias colere (dum scilicet capta est à Chaldeis.) Vnde Seneca in Troade, actu 4. introducit Andromacham consolantem Hecubam Polyxenæ matrē, quæ Polyxena interimēda erat in ipsa ardēte Troia.

— Nos Hecubā lugenda sumus,

Quas mora classis huc, & huc sparsas feret,

Hanc chara tellus sedibus patriis teget.

Pro hac sententia notauit Rupert. lib. 2. in libros Reg. c. 18. diuinitus factum fuisse, vt cū Dauid esset in Achis, non permetteretur tamen ad bellum exire contra Israëlitas, ne hostis patriæ iudicari posset, si contra suos præliaretur.

Hic igitur amor patriæ, qui Iudithem compulsiuam dimissum ornatum pulchritudinis reassumere, extremoque periculo se offerre, quæ de re præclare Ambr. lib. de viduis ait: Vestem illam iucunditatis, quam viuente viro vestire solebat, induit, quasi placitura viro, si patriam liberaret. Hic amor, seu charitas patriæ, quæ omnes omnium charitates complexa est; & secundum D. Hierony. Theophylact. & Greg. lib. 6. Moral. c. 13. sententiam, fuit in causa inobedientiæ in Iona, & fugæ à facie Domini in Tharlis: nouerat siquidem Ionas diuino afflatus spiritu, tunc periturum populum Israëliticum, cū nationes credidissent, proindeque inobediens fugit, ne ipse primus populi ruinam ostenderet; & prædiceret. Hic amor, quo affectus Christus Dom. secundum Orig. lib. 2. contra Celsum; & Nazian. Orat. 1. Apolog. dixit: *Pater si possibile est transeat à me calix iste.* Vidēs enim Christus Dom. qualia populus passurus esset in vindictam patrati sceleris, mortisque illatæ Filio Dei, ductus amore illius gentis, & quo præuidens ruinā ciuitatis, super illam fleuerat, voluit vitare futurā passionē, quandoquidē propter epotum calicē passionis, videbat vniuersam eam gentem à

Deo

Deo deferendam, & incessanter puniendam. Potuit enim Christus Dom. vltra mortis acerbiteriam, hoc etiam, quo se magis affligeret, contemplari, nec mirum, cum baiulans sibi crucem, & inter tot, tamque acerbos cruciatus, velut sui immemor, soliusque patriæ memor, prohibuit super se flere, iussitque flere ruinam futuram patriæ.

Hic amor usque adeo potens, victorque semper existens, victus est ab amore Dei, omnia loge superante. Nam, sicut notavit Amb. 1. Offic. c. 6. non vehementior est natura ad diligendum, quam gratia. Et Chrysost. in imperfecto, homil. 36. Verè non habet super terram, quod amet, qui bonum caeleste in veritate gustaverit. Vexillum proinde erexit Dei amor in corde istius foeminae; & ideo in fenestra, per quam dimisit viros, coccineum amoris signum, imò vexillum suspendit, catenæque iniecit mulieri gentili, & meretrici, quibus ipsa etiam ligavit nuntios, cum dimisit, quo securius per fenestram descenderent. Vnde Septuag. correcti, pro eo, quod nos legimus; *In fenestra, per quam dimisisti nos*, habent, *per quam ligasti nos*. Hebr. verò habetur, *per quam concaluit nos*. Et quia catenæ amoris diuini erant, qui citò aboleri non potest, fatentur se semper iisdem ligatos, dum secundum Complutens. dicunt, *per quam dimittis nos*. Luc. 23

Nec mirum quod Raab summum capitis discrimen, suorumque extremum supplicium nō timuerit, quæ solum Deum initio pertimuerat & cuius animam Dei amor, ut assolet, ceteros redegerat, & captiuarat affectus, foras miserat timorem, & sicut Sponsa non timuit armatos custodes, nimirum amor timere neminem verus potest. Vnde Ber. Serm. 84. in Cant. Non timéo, quia amo, paucant qui non amant, solet enim diuina charitas in muliebri conditione maiorem vim suam ostendere, ut patet in sanctis mulieribus quæ cum Beatissima Virgine affuerunt cruci Christi, quando omnes relicto eo fugerunt. Vnde Chrysost. homil. 33. in 1. ad Cor. In meticulousa anima suam vim charitas ostendit, quod perinde est, ac si quis plumbeum enssem omnia quæ ferreus solet, efficere cogat, ferreum tamen non reddens, sed plumbeum, & impermutata naturæ esse sinens. Quid Moyses? ob vniuersum Ægyptium tertitus fugit, & sinibus excessit, & tamen ille ipse fugitiuus, & vnius viri minas sustinere non valens, melle charitatis semel rectè gustato, nemine cogente, mori pro suis festinabat, *aut dūnite eis hanc noxam*, Exod. 21
aut dele me de libro vite. Exod. 32

Sic igitur Raab superni amoris igne incensa, Regios satellites nō pertimescit, Regem non veretur, mortem nihili facit, dummodo religioni veri Dei deferat. In quam sententiam notavit D. Ambr. lib. 2. de Iacob. & vii. beat. cap. 5. Laban dum consequitur Iacobum fugientem, quartique deos suos, quos Rachel ex sententia Theod. ibi per summam pietatem abstulerat, volens, inquit, patrem ad æmonum cura liberare, cum intrasset tentorium Rachelis, illa festinans abscondit idola, & sedit desuper, patrique minime assurrexit. Ait ergo Ambr. Nemo credat paternæ legis læsam esse reuerentiam, quod stante patre sedit Rachel, quoniam scriptum est: *qui plius* Gen. 31
diligis patrem, aut matrem quam me, non est me dignus, ubi causa agebatur religio- Mat. 10

B B b 3 nis,

nis, fides debuit habere sedem iudicij, & quasi rea stare perfidia. Propterea ergo Raab satellitibus Regis non defert, & patriæ immemor nuntios alienos abscondit, securusq; dimittit, quia causa agebatur religionis, ubi Gentium perfidia delusa debebat stare, ne timeret homines quæ solum Deum diligebat. Vnde si Ambros. loco tit. de Rachele dixit, Beata Rachel quæ abscondit cultus errorisq; Gentilium, beata etiam Raab, quæ abscondit viros colentes verum Deum à Gentilibus errantibus, quos aberrare fecit, & illudi, ne inuenti Israëlitarum serui Dei perirent.

1. R. 19.

Non comparanda huic Michol Saulis filia, dum maritum David deposuit per fenestram, & statuam posuit super lectum, & sic Regis satellitibus, ipsique Regi illudit. Illa enim rem cum patre gerebat, qui facile placatus paterno amore deceptionem, & fallaciam præterit: hæc autem cum iis, quibus si nota foret salus nuntiorum, protinus humana crudelitate, qua nulla immanior potest reperiri, in eam anima aduertissent, veluti in patriæ, suorumque ciuium proditricem. Illa maritum incolumem curauit, hæc ignotos antea viros occuluit, & in occulto dimisit.

§. III.

Sanum supernæ charitatis consilium.

QUONIAM verò, sicut notauit Chrysost. in celebri hom. 3. 3. super 1. ad Cor. amor magnus doctor est, non contenta Raab quod nuntios hospitio exceperit, & occultarit ne inuenerentur, salubre, & prudens consilium præbuit, quominus ad manus persequentium in via peruenirent, ut scilicet ad montana cōscenderent, ibique per tres dies latitarent, donec satellites in ciuitatem reuerterentur. Et licet mulieris consilium inualidum esse soleat, sicut notauit Aristot. 1. Politic. attamen cum de corde puro, charitatēque, & fide illustrato procedit, optimum censei debet, & in anima charitate perfusa donum consilij adest, ipsumque cor corroborat. Vnde & olim cor hieroglyphicum consilij habebatur, sicut testatur Pierius Valer. lib. 3. 4.

PRVDENS ergo & salubre huiusmodi esse consilium, mihi etiam probat id quod superius probaui, scilicet, tunc temporis iam esse fidelem, & iustam Raab. Aduertit autem Ambros. 2. Offic. multum in cōsiliis valere vitæ probitatem; nam quis in cæno fontem requirat? quis de turbida aqua potum petat? quis vtilem iudicet causæ alienæ, quem videt inutilem vitæ suæ? Vnde & sacræ literæ per (*mundum cor*) intelligunt sinceras cogitationes, & consilia. Non potuit proinde probatum consilium exire nisi de probato, mundoque corde, examinatoque diuini amoris igne. His igitur omnibus operibus, quæ in receptione, & dimissione nuntiorum Raab exercuit, & fidem ac charitatem operantem testata est, & iisdem iustificata, augmento scilicet gratiæ & charitatis.

§. IV.

§. IV.

Non in vituperium Raab, sed in laudem, & in diuinæ potentie commendationem, etiam dum iusta erat, dicitur meretrix.

HOC loco minimè prætereundum censeo, cur ea mulier quæ iusta erat, & amplius iustificata & sancta dicitur, meretrix adhuc ab Apostolo nominetur, cum proprium Sanctorum sit, potius proximorum defectus celare, & operire, quàm in memoriam reducere, sicut notauit Ambros. Ser. 7. in Psalm. 118. in Diuo Iosepho, qui cum Beatam Mariam grauidam videret, cum esset iustus, noluit eam iraducere: Ita, inquit, non solum ab ultionis atrocitate, sed etiam ab accusationis seueritate iusti aliena persona est, potiusque ducit suam remissionem accusari. Idemque Ambrosius hoc ipsum notauit in Dauide, quando præcipiebat militibus egredientibus ad bellum, ut parcerent seditioso, & inobedienti filio, dicens: *Seruate mihi puerum Absalom.* & postea interrogauit: *Vinne puer ille?* ut atrocissimum Absalonis crimen minueret, reuocando in memoriam ipsum esse puerum, mentis impotem, & adhuc immaturæ rationis. At verò postquam suspensus interiit, & nulla iam opus erat excusatione, & diminutione, non puerum, sed filium vocauit suum. *Fili mi Absalom, Absalom fili mi.* Ait ergo Ambros. ad ea verba Psalm. *Gressus meos dirige.* Cur cum puerum dicit, quem postea filium nominauit? Cur non in utroque, aut puerum dixit, aut filium? Si viueret, puer erat, quia parricidio petebat patrem; non enim pietatis nomen accipere debebat, sed infirmitatis, ideoque vir iustus quod religionis fuit, tacuit, quod infirmitatis aspexit; ubi verò est mortuus, apud patrem personæ crimen defecit, naturæ nomen remansit. Sic etiam & Christus Dominus fecit, ubi enim reprehendit discipulos dicens; *Non potuistis una hora vigilare?* statim excusauit & culpam, dicens; *Spiritus quidem promptus est, caro autem infirma,* Matth. 26. Vidédus Bernard. Serm. 40. in Cant. cum ait: *Excusa intentionem, si opus non potes.* quod fecisse videtur Petrus. cum ait Act. 3. *Propter ignorantiam fecistis, sicut & Principes vestri.*

Hoc insuper notauit Philo libr. de Ioseph. ipsum, scilicet, dixisse fratribus, *Accedite.* Ideo, inquit, iubet propius accedere, ne delictum alienum quis auribus acciperet. Insupérque Rupert. lib. 9. in Gen. c. 1. notauit, Iosephum iussisse, ut omnes egredierentur foras, quò se fratribus venditoribus cognoscendum præberet. Bene ergo præceperat, ait Rupert. ut egredierentur cuncti foras, ut nullus interesset alienus cognitioni mutux, non enim alienis iam communicanda erat domestici notitia sceleris, neque sub eorum præsentia pius frater voluit edicere rem tantæ confusionis. Ita namque solet esse curæ iustis alieni sceleris ignominia. quod prosequitur D. Chrysostom. tom. 1. hom. de Moyse; ubi affert ea verba Pauli ad Galat. 6. *Frates, si preoccupatus fuerit homo in aliquo delicto, vos qui spirituales estis,*

Matth. 11

2 Re. 18.
Ibid. c. 19

Gen. 45

hu

huiusmodi instruite in spiritu lenitatis. Naturæ, inquit, infirmitatem nomine (*hominis*) minuatur: sic & nos faciamus, quando cum peccatore aliquo expostulatur, dicamus. Homo est; & naturæ recordatione, ad misericordiam stomachantes prouocemus. Vos, qui spirituales estis, is qui peccat, homo, qui verò bene operantur, spirituales dicuntur. Si spiritualis es, ostende mihi virtutem tuam, non à tua, sed à mea salute: hoc enim spirituale est non despicere sua membra.

Cum ergo iustus sui accusator sit, nō aliorum, sicut notauit Bern. Serm. de septem grad. quod iniquorum hominum proprium est, sicut notauit Ambr. lib. de Noë & Arca c. 30. vbi ait: Omnes mores pessimi erroribus delectantur alienis, non solum erroribus, sed etiam iis, quæ ipsis videantur mala esse, etiam si non sint. Et Clem. Alex. 2. Pædag. c. 7. loquendo de iusto Seth filio Noë, qui patris ueritatem operuerat pallio, Genes. 9. ait. Texit modestia, quod nudarat ebrietas. Qui fieri ergo potuit, ut Iacobus dum præclara Raab opera meminit, eandē meretricē etiā tunc appelleret?

Non quidem id factum putemus, ut nobis in vitiis excusatio, & regimen prætexatur, an sive & occasio liberiùs in peccatis euagandi. Quod notauit D. Bernard. Serm. 1. de omnibus Sanctis in Eua dicens: Propterea beata es Eua, si post culpam, consolationem quæreris lacrymarum, & conuersa ad penitentiam, veniam citiùs obtineres; nunc autem miserimam quæsiisti consolationem de simili casu viri tui, & veneno pessimo, nequissimo videlicet vitio, totam infestisti posteritatem tuam, ut usque hodie perditionem alterius alter suam reputet consolationem. Misera proflus Eua consolatio, & eorum, qui miseriam hanc imitantur, sed beati qui lugent, quoniam ipsi consolabuntur. Iniqua autem consolatio est quæ sumitur ex alienis defectibus, sicut notauit Nazianz. Orat. 13. cum ait: Extremæ misericordiæ est, non propriis viribus, sed aliorum imbecillitate niti, atque considerare. Quod etiam prosequitur Hieron. in cap. 2. Michææ. Cauete, ne alienam ruinam, vestram ædificationem putetis, unusquisque se à suis viribus, non ex imbecillitate alterius metiatur.

1. Cor. 10. IDEO igitur in primis noster Apostolus, Raab nominat meretricem, & in sacra Scriptura defectus Sanctorum referuntur, ut *qui stat videat, ne cadat*; sicut docuit August. 3. de Doctrin. Christ. c. 23. dicens: Si qua verò peccata magnorum virorum legerit, tamen si aliquam in eis figuram rerum futurarum animaduertere, atque indagare potuerit, rei tamen gestæ proprietatem ad hunc usum assumat, ut se nequaquam rectè suis factis iactare audeat, suā iustitia cæteros, tanquam peccatores contemnat, & ad hoc peccata illorum virosum scripta sunt, ut Apostolica illa sententia ubique tremenda sit, qua ait; *Qui stat videat, ne cadat*. Sicut enim in nauarum charitis, scopulosa, vadosaq; loca assignantur, ut nauigantes pericula cauere possint, & certum iter carpere, sic etiam videtur Scriptura proposuisse Sanctorum defectus & ruinas, ut cautiore famus, & quid nobis fugiendum vitandumque sit, probè noscamos. Videndusque pro hac re est Hieron. epist. ad Saluinam, vbi ait. Sic Dauid amicus Domini, & Salomon amabilis eius

eius victi sunt quasi homines, vt & ruina nobis ad cautionem, & pœnitundines ad salutem exempla præbeant. Quis enim in lubrica via non timeat? Similia habet Nazianzen. Orat. 1. de Pace. vbi affert rationem, cur in memoriam reducantur ea, quæ acerba, & nociua sunt: quò cautiore, inquit, in posterum hoc exemplo prudentioresq; reddamur, atque vt in morbis fieri solet, causas ex quibus in hanc miseriam incidimus, fugiamus. Et Bernard. Serm. 3. de Sanctis Apostolis Petro, & Paulo, eos vocat viros misericordiarum, quorum ruina, sicut cautos fecerunt eos qui nunquam ceciderunt; sic desperatos esse nolunt eos qui aliquando peccauerunt. Similiâque habet Serm. 11. in Psalm. *Qui habitat*. Et D. Ambros. 1. de Abraham cap. 6. Nô vti que vitia Patriarcharum Scriptura exposuit, sed vt tu disceres quid caueres, instruunt Patriarchæ, non solum docentes, sed etiam errantes. Et lib. 10. in Luc. 12. Error Petri doctrinâ iustorum est.

VEL etiam Raab peccatricem nominat, vt quis in peccato diu volutus ad pœnitentiam recurrat, virêsq; surgendi assumat. Quod dixit Chrysost. tom. 1. hom. 1. in Psalm. 50. Dei misericordia, inquit, humano generi prouidentiam faciens, & bene gesta Sanctorum, & peccatorum negligentiam in melius commutauit; vt aliorum vulnera alijs prouideant sanitatem. Et homil. 5. de Pœnit. ait: Sicut ipsi Sancti, quorum defectus proponuntur, eisdem superatis ad multam perfectionem profecerunt, sic & nos ad eorum imitationem, de vitiis enim scalam facimus, si vitia ipsa calcamus. Et Bernard. supra ait: Fortè peccasti in sæculo, nunquid ampliùs Paulo? Quòd si & in ipsa Religione, nunquid plus Petro? attamen illi in toto corde pœnitentiam agentes, non solum salutem, sed & sanctitatem consequuti sunt, & salutis ministerium, & magisteriũ adepti sunt sanctitatis. Si Petrus post tam grauem lapsum ad tantam rediit eminentiam sanctitatis, quis de cætero desperet, si tantum egredi voluerit à peccatis? & Aug. hom. 6. de Passione. Cui aliquando, charissimè, tarda videatur esse conuersio? Videndus idem Aug. cum explicat ea verba Psalm. *Docebo iniquos vias tuas*. vbi ait. Docebo iniquos de iniquo, & impij hoc viso statim conuertentur proposito tali exemplo tuæ clementiæ. Similiâque habet D. Chrysost. hom. 6. in Marc. & Hieron. epist. ad Rustic. Hac igitur de causa Iacobus cum commendare voluerit opera virtutis, Raab meretricis meminit, vt ad illius imitationem & exemplar nemo desperet à peccatis. quantumuis grauib; & diuturnis ad iusticiam surgere, & in dies ex operibus ad instar illius iustificari.

VOCAT etiam Raab meretricem, quæ iam in cælo regnabat, & ex qua Christus carnem assumpsit in laudem ipsius Dei, cuius omnipotens misericordia sic illustres & perfectas reddit perditas, ac peccatrices animas. Vnde David Psalm. 86. *Gloriosa dicta sunt de te, ciuitas Dei; memorero Raab & Babylonis scientium me*. Super quæ verba ita ait Cassiodorus. Quid gloriosius quàm vt tanta feciditas prius errantium populorum in vnam ciuitatis pulchritudinem conueniret? Notauit hoc eleganter D. August. tom. 10. Serm. 1. de Cruce & Latrone, vbi ait, Nemo Regum aliquando passus est latronem hominem, aut quenquam alium eiusdem nature confectum secum assu-

Pæz. in Epist. B. Iacobi post.

C C C

mens,

mens, ita in ciuitatem introducere, sed Christus hoc fecit, qui mortis & diaboli victor, & sacratissimam ingrediens patriam, secum latronem introduxit, non conculcans Paradisum istius pietatis opere, sed honorans, neque confundens latronis introitu, sed illustrans: honor namque Paradisi est talem habere Dominum, qui etiam latronem dignum facere posset Paradisi deliciarum. Etenim cum publicanos & meretrices introduceret in regnum cœlorum, non confudit, sed extulit, neque deiecit, sed honorauit Paradisum. Talis est Dominus regni cœlorum, ut meretricēs & publicanos probabiles reddat, ut digni appareant gratia, & gloria, quæ illis est. Quemadmodum enim medicum tunc maxime admiramur, cum viderimus eum difficiles hominum valetudines curantem, mortisque pericula medendi arte vincentem; ita & Christum admirari iustum est, quando insanabilia vulnera in corporibus, & mentibus curat, & quando publicanum, & meretricem ad tantam sanitatem perduxit, ut cœlo dignos ostendat. Hoc etiam profequitur idē August. Serm. 9. de verbis Apostoli, in eo quod Luc. 7. cap. ait: *Ecce mulier quæ erat in ciuitate peccatrix*. Exaggerat facinus mulieris, ut accumulet indulgentiam largitoris. Pluræque hac de re habet Chrysost. homilia de Cruce & Latrone.

Hoc etiam profequitur Ambros. in Psalm. 39. vbi ait: *Trepudiabas draco, quiddā Apostolum subtraxeras Christo, plus dimisisti, quam sustulisti, qui Latronem vides in Paradisum esse translatus, nemo est qui possit excludi, quando receptus est latro, minister tuus eō peruenit, vnde ipse deiectus es*. Et Chrysost. homil. 84. in Ioann. probat Iudeos non dedecorasse, sed ornasse Christum Dominum, dum eum inter duos latrones crucifixerunt: quod enim in dedecus paraauerat malitiā, innocentia conuertit in gloriam; etenim crucifixus inter duos latrones, alterum ē duobus saluum fecit, & reditus est Paradisi locus, qui infamiæ designatus erat. Enimuero, si potentia agentis eo maior probatur, quo de minori potentia materiæ perfectiorem extrahit formam, proculdubio maior elucebit potentia diuinæ misericordiæ, qua de meretrice elicit sanctam, ipsiusque proprii Dei in carne aulā, & qua nec cicatricem quidem tot vulnere relinquit. Qua de re videndus est Chrysost. homil. 3. de Pœnitentia, vbi sic ait. Sic Deus delet peccata, ut neque eorum vestigium remaneat; in corporibus quidem id non est ita, scæpèque vulneratus quisque in facie vulnus quidem curauit, cicatrix verò remanet vulneris argumentum faciei deformitatem habens, atque si abolere contendat, mille medicus modis nequit. Repugnat enim sibi naturæ infirmitas artis, & medicinarum imbecillitas; Deus autem cum deleuerit peccata, sic delet, ut neque cicatrix, neque cicatricis supersit indicium. non vestigium quodquam. Sed & cum sanitate decorem elargitur post pœnæ liberationem, & iustitiam inserit, atque peccantem corâlem facit non peccanti. Similia habet hom. 18. ad Popul. Greg. lib. 9. epist. epist. 39. Chrysolog. Ser. 3. de Prodigio.

OSTENDIT itaque diuina misericordia scientiam & potentiam suam in reddendis perfectis iis animis, qui imperfectissimi antè erant: Quo enim

inc

ineptiores diuinæ gratiæ suscipiendæ videbantur, eò commendabilior eadem gratia, dum tales sanctificat, apparet. Hinc est quòd manum Moysi, quæ tot patratura erat miracula, prius infecit lepra, vt quanto ineptior signis diuinis videretur, sic reddita, tanto Dei potentia clarior redderetur, dum elementa mutaret, & admiranda patraret. In signum magnæ potentia Philippi, sicut ait Plutarc. in Apothegmat. & in lib. de audiēdo; Obynthum Thraciæ urbem deuastasse, soloque æquasse quidam asserēbat, quasi argumentum esset potentia Regiæ, urbem illam delere, rectē tamen respondit quidam Philosophus, qui audierat. Atqui non potuit tam bellam struere. Ideoque Augustus Cæsar gloriabatur se Romam lateritiam accepisse, & marmoream reliquisse. Potentia enim relucet in eo quòd perfectum euadat id, quod imperfectum antea erat, & Dei potentia, si mala amoueantur, pulchræque reddantur ea, quæ fœda & impura erant, sicut notauit Ambrosius Serm. 30. in muliere Samaritana, dicens: Nouo admirationis genere, mulier quæ ad puteum Samariæ meretrix aduenerat, à Christi fonte casta regreditur, & quæ aquâ petere venerat, pudicitiam reportauit, relinquens aquæ vasculum, ad ciuitatem non fert hydriam, sed refert gratiam, vacua quidem videtur reuerti onere, sed plena sanctitate reuertitur, quæ peccatrix aduenerat, reuertitur prædicatrix. Etenim si aquam ciuibus non intulit, tamen fontem salutis inuexit.

MIRABILIS Dei virtus in tali conuersione relucet. Est enim conuersio, manifestatio diuinæ omnipotentia, & ideo orsus est sui manifestationem Filius Dei in carne à conuersione aquæ. Mirabilis etiam potentia gratiæ in conuersione peccatoris apparet. Quam Christus videtur voluisse ostendere Simoni dum dixit: *Vides hanc mulierem?* quasi diceret, non est ea, quam existimas, & me ignorare dicis, imò tu eam ignoras, quia hæc non est quæ fuerat, quod eleganter dixit Chrysolog. Serm. 74. vbi ad ea verba; *Venit Maria Magdalena, & altera Maria;* cum ita habet. Non dixit, venerunt, sed venit: sub vno nomine venerunt duæ, mysterio, non casu, venit Maria, & altera Maria, venit ipsa, sed altera: altera, sed ipsa, vt mulier mutaretur vita, non nomine, virtute, non sexu. Et idem Chrysolog. Serm. 75. Maria & Maria, sic altera, vt ipsa: ipsa vt altera, altera ipsa Maria. Vide ergo Simon hanc mulierem conuersam, alteramque omnino moraliter redditam, & inde deduces omnipotentiam hospitis, quem nec Prophetam fateris; quique in thesauris suæ omnipotentia nihil pulchrius ad ostentationem habet, quàm peccatorem conuersum, & sanctum redditum, sicut dixit Dauid. *Ponens in thesauris abyssos:* & explicat Hugo Cardin. Cum enim abyssus in Scriptura peccatum multoties significet, vt patet ex Hieronymo Abac. 3. ibi: *Dedit abyssus vocem suam;* & alibi sæpe ait Dauid. Abyssos ponit Deus in thesauris, quia nihil tanti facit Deus, quanti peccatorem conuersum, in quo se diuitem in misericordia ostendit, diuitiasque bonitatis suæ patefacit, ac proinde in thesauris ponit.

OSTENDIT & insuper scientiam, sicut interpretatur idem Hug. Card. illud Psalm. *Mirabilis facta est scientia tua ex me,* id est, ex peccato meo,

ait Hugo Cardin. dum scilicet illud abstulisti, & me in Sanctorum numero mirabiliter collocasti.

Ad laudem ergo omnipotentis, qui Raab conuerterat, iustamque reddiderat, eam peccatricem appellat Iacobus; insuper, & ad laudem ipsius, quæ sic operata, & conuerita est. Vnde Scriptura de Enoch, qui ex mente Philonis figura fuit viri penitentis, ait. *Placuit Enoch Deo, & non est inuentus, quia transfudit eum Dominus.* Non est inuentus, ait Philo lib. de Abraham, de translato eo quoddam prior vita culpabilis euauerat, ut non inueniretur amplius, ac si nec fuisset quidem. Transcitur igitur in eruditionem ex ignorantia, in prudentiam ex imprudentia, in fortitudinem ex timiditate. Sicut enim idem Philo dixit lib. de Profugis: Non peccare Deo proprium est: sapienti verò penitere.

IN SVLTATIO illa, & sarcasmus, quo Deus ad Angelos, & ad serpentem mali authorem dixit: *Ecce Adam factus est quasi unus ex nobis.* i. cernite, quam mihi factus dissimilis, cum in maximam, densissimamque mentis cæcitatem, & ignorantia caliginem, vana scientia cupiditate incurreret: sic enim hunc locum Epiphanius, Theod. Heraclæotes, & grauiores interpretes exponunt, sic à quodam ad nostram sententiam exponitur, ut sit assertiua promissio de consequenda diuina similitudine via penitendinis, & contritionis. Erat enim tunc temporis iam Adam pellibus indutus, penitentis habitu, ex illo damnatus, & laboribus addictus. In eo ergo statu per penitentiam similis Deo, & naturæ diuinæ consors fieri poterat, qui scientia inordinato appetitu ei dissimilis factus, est, idque præuidens ait: *Ecce Adam quasi unus ex nobis.*

Quæ ergo iustificauerat se cooperando diuinæ gratiæ, pulchrioremque reddiderat ex operibus sordam antea animam, in maiorem commendationem dicitur meretrix: sicut enim post partam victoriam, assequutimque triumphum milites ac duces victores de morsibus & de cicatricibus formosiores sibi videntur, sicut dixit Tertul. lib. de Orat. c. 5. sic & post partam victoriam de immundo meretricio, turpique prostibulo pulchrior, & clarior reuixit ea, quæ prius in lupanari mortua absque fide & operibus tandiu iacuerat. Et ideo fortassis Iacobus eam magno Patriarchæ Abrahamo coniunxit.

MERITO tandem hoc loco dum de operibus meritoriis Iacobus loquitur, memor est Raab ignorantis Deum, quæ ex operibus aduersus Aegyptios in Hebræorum gratiam editis Deum cognouit, timuit, dilexit, coluit, bonisque operibus prosequuta est, membrumque Ecclesiæ Dei fieri assequuta est, ut vel hinc colligamus quanta cum ratione ab eadem Ecclesiâ sint reiiciendi illi, qui bona opera per summam impudentiam nullo Dei timore concepto abnegant, contra quos stabit Raab meretrix in iudicio, quibus frons meretricis facta est, eosque condemnabit.

Verl

Verf. 26. *Sicut corpus sine spiritu mortuum est, ita & fides sine operibus mortua est.*

EXPOSITIO LITERALIS.



H A c sententia totam de fide, & operibus disputationem propositam claudis Iacobus. Et est sensus. Quemadmodum anima se habet ad corpus, sic charitas operatrix ad fidem, sed quando spiritus a corpore abest, ipsum nihil aliud est, quam cadauer putridum sine motu, aliquoq; vitæ munere. Ergo fides destituta operibus charitatis, nihil ad vitam proderit, proindeque mortua censenda est. Vnde Bernard. Ser. 24. in Cant. I idē tuam dilectio animet, probet actio, &c.

N E Q V E verò hic locus est contra Prophetam Habacuc, quem refert Paulus Roman. 1. Galat. 3. & Hebr. 10. qui sic habet in cap. 2. *Iustus in fide sua vivit.* Quæ verba sunt lapis offensionis, & petra scandali duabus domibus Israël, id est, domui Iuda, scilicet orthodoxis, & domui Israël, quæ recessit a domo David, scilicet, Hæreticis, qui hinc effici putant, ut probeatur iustum ex sola fide vivere. Illud namque advertendum est, Prophetam ibi loqui de prima iustificatione, sicut Paulus postea exposuit locis citatis, ut advertunt recentiores expositores, & aliqui ex antiquioribus, Iacobus verò loquitur de secunda iustificatione, ut patet.

N E Q V E officit dicere, quod Prophetæ loquatur de iusto homine, non de iustificando. Namque iustus ibi dicitur, non tam, qui iam est, quam qui vult esse, ita omnes loquimur. Literatus multa legat, multum cogitet, multum labore, necesse est, id est, qui literatus esse vult. Ita Paulus: *Nemo militans Deo, implicat se negotiis secularibus;* id est, qui Deo militare vult, aut qui verè militaturus est. & Matthæus: *Adorans, & petens aliquid ab eo,* id est, volens petere. Imò & quibus maxima cura fuit ornate loqui, ita loquuntur, ut Horat. lib. 1. epist. 2. *Sponsi Penelopes,* qui non erant, sed esse cupiebant. Et Virgil. 2. *Æneid.*

2. Tim. 2.

Matt. 23.

Et gener auxilium Priamo, Phrygiisque ferebat.

V B I Seruius gener dicitur, qui est, & qui esse vult. Iustus igitur, id est, qui vult esse iustus, ex fide vivet, id est, iustificabitur tanquam fundamento, & radice, quæ tamen fides cæteras dispositiones debet complecti.

L I C E T verò de secunda iustificatione hic locus intelligeretur, adhuc Apostolo non contradiceret. Nam licet significaret iustum ex fide vivere, non propterea opera excluderentur. Nam præpositiones, *per, in, & ex,* licet vnum genus causæ significant, cæteras causas concomitantes non excludunt, etenim qui dixit; *In baculo meo transiit Iordanem,* non significat solo baculo transiisse sine pedibus, & manibus, ac morticæ virtute.

Gen. 32.

E T ut rem concludamus, Salomon dixit: *Omni custodia serva cor tuum,* quia ex ipso vita procedit: sed vivetne animal sine capite, sine hepate, sine

Prover. 4.

CCC 3 pul

pulmone, sine sanguine? Rectè tamen dicitur ex ipso vitam procedere, quatenus vitæ initium est, sic iustus ex fide viuet initiatiue, si tamen simul opera concurrant: sicut & ad primam iustificationem initium quidem est fides, si tamen addantur actus pœnitentiæ, & cæterarum virtutum.

§. I.

*Perfecta sanctitas non in verbis, aut in sola fide, sed in operibus
virtutum consistit.*

EX tota hac doctrina Iacobi constat falsam esse eam, quam ij, quorum meminit Plutarch. in lib. de Superstitione, & L. Florus in epitome histor. Roman. docuerunt, scilicet virtutem in verbis potius, quàm in rebus ponendam, de quibus Horat.

Virtutem verba putas, ut lucum, ligna.

Et Philo lib. de Congress. quærend. crudel. grat. Tertium, inquit, genus est eorum, qui recentem adhuc dictorum tenent memoriâ, sed Sophistæ compertiuntur, non Philosophi, horum laudatur oratio, & vitæ vituperatur: quibus dixit similia idem Philo lib. de Migrat. Abraham, definiens legem Dei. Verba, inquit, Dei opera sunt sapiētis, quod enim Deus loquitur, hoc sapiens operatur. Et lib. de Abraham. per allegoriam ostendit quid significauerit Rex Egypti, dum in suam domum vocauit, ac detulit Sarâ: etiam si pessimus, inquit, quisque virtutem verbis honorat, & extollit in speciem, *Genes. 12.* sed monita eius nemo, nisi probus percipit. Quamobrem Egypti Rex, per quem significatur intellectus, amator corporis, animum agens tanquam in theatro, fingit amorem temperantiæ, cum sit ipse intemperans, vocans ad se virtutem, ut apud vulgus sibi exultationem præclaram comparet, quod ubi vidit ille supremus spectator omnium Deus, pertæsus fucatam improbitatem arguit in elementibus cruciatibus. Etenim sicut dixit Ambros. in Psal. 43. Virtus non in verbis, & in voce, aut simulatione, sed in re, ac in manibus, & operibus consistit. Et per allusionem ad Moysen, qui pro victoria de Amalech, manus eleuabat ad cælum. Exod. 17. Docuit, inquit, nos Moyses leuare ad Dominum manus, pij cultus instituens disciplinam, docuit quemadmodum. Amalech versucia vinceretur, si mores nostros, & opera leuaremus ad Christum, si verò deiiceremus, nullum remedium futurum.

OSTENDI T etiam hic locus id, quod superius iam cum Apostolo satis probauimus, fidem scilicet post baptisma, ut hic notauit Oecumen. ac post iustificatio nem, nihil nobis prodesse destitutam operibus, quod Dominus veluti adi. imbrando nobis tradidit, cum statim post baptisma à Ioanne susceptū, ad desertum secessit, cum diabolo certamina subiturus. Hinc etiam dictum est Episcopo Laodicensi, qui se propter solam fidem dicebat diuitem, sicut optime ibi exponit Beda, & alij. *Nescis quia tu es miser, & miserabilis.* Diues enim, ait Ambr. ibi, rectè dicitur qui omnibus virtutibus ple

plenus, usque ad culmen perfectionis excreuit.

Hinc etiam Isaias veluti definiens fidelem hominem, ait; *Iste dicit, Domini ego sum, & ille vocavit in nomine Iacob, & hic scribet in manu sua Domino, & in nomine Israel assimiliabitur*: quasi dicat; hic postremus operibus ostendet se verum Israelitam esse, propterea merito vocabitur Israelita, se potius, quam voce credens, sicut ille alius, qui solum Dei nomen appellabat: sic enim hunc locum exponit Burgenf. 1. p. d. 1. cap. 2.

In quam sentent. facit id, quod notavit Rupert. lib. 1. Comment. in Levit. c. 29. vbi nomine ignis in altari perpetuo fouendi, intelligit fidem, per appositionem verò lignorum, intelligit opera, quæ quasi quædam fomenta ignis sunt, cum in exercitatione charitatis ministrantur. Ideoque sapiens dixit: *Erunt accepta opera mea*; vbi Græcè habetur, *acceptabilis est scilicet operum*. Sap. 9. Et Orig. hom. 27. in Num. notat ea verba Psalmi. *In manu Moyfi, & Aaron*. Exierunt (inquit) in manu Moyfi, & Aaron. Ad exeundum de Ægypto non sufficit vna manus Moyfi, quæritur & manus Aaron: quia non sufficit fides, sed opera requiruntur. Similia habet Chrysost. hom. 14. in priorem ad Cor. vbi ponderas ea verba cap. 5. *Veniam ad vos, si Deus voluerit & cognoscam non sermonem eorum, qui inquitur, sed virtutem* ita ait: Quam gratia non quæris sermonem Paule? non quoniam non indigeam sermone, sed quoniam in virtute res nostræ sitæ sunt; quemadmodum igitur in bello non eorum qui plurimum iactant ab se gesta, sed qui plurima gesserunt: itidem hoc in loco, non loquentium, sed facientium victoria est gloriaris in facundia, verum si Rhetorum certamen & tempus est, rectè inde gloriaris, sin autem Apostolorum veritas, quid in re superflua inflaris? *Nō enim*, ait ibidem Apostolus, *in sermone est regnum Dei, sed in virtute*. Et Ephrem lib. de vita spirituali: Considera, inquit, verum habeas opera fidei congruentia. Nam si dicendi tantum & audiendi studiosus es, illud in te iacietur, *fides sine operibus mortua est*: profectò mortui sunt omnes, qui *Deum se nosse profitentur, factis autem negant, cum sint*, ut ait Apost. *ad omne opus bonum reprobi*. Similiâque habet Didimus Alexan. Comment. in hunc locum.

QUANTUMVIS ergo is, qui habet fidem, videatur viuere & operari, mortuus est, quoad vitam spiritualem, sicut illi, qui ambulant in tenebris, sedere dicuntur in regione umbræ mortis. Quomodo namque sedere dicuntur, qui ambulant, aut ambulare, qui sedent? Respondet ibi D. Basil. quia non ambulare iuxta Dei lucem, & doctrinam, sedere est, neque vllum gressum ad eolum per verum virtutis tramitem facere. Sic etiam, & qui viuunt in fide, nisi operetur iuxta illam ex charitate, mortuus est. Vnde Baruch. *Conuertere Iacob, & apprehende eam* (scilicet legem) *ambula per viam ad splendorem eius, contra lumen eius*. Baruc. 4.

MERITO proinde Iob gloriabatur se à teneris, & puerilibus annis iuxta superiorem fidei lumen ambulasse. Sic enim habet: *Quando lucebat lucerna eius super caput meum, ad lumen eius ambulabam in tenebris*. Vbi Gregor. 19. Moral. cap. 8. sic ferè explicat. Ille hoc præstat, qui ponit gressus boni operis, directus lumine supernæ loquutionis.

NEC

Nec parum commendat hanc doctrinam Iacobi sepius inculcatam de operibus, id quod Christus Dominus respondit discipulis Baptista querentibus, an esset Messias: *Tu es qui venturus es, an alium expectamus?* quibus ipse: *Renunciate Ioanni, quia audistis, & vidistis, cæci vident, claudi ambulant, &c.* Operibus comprobatur qualem esset, eaque suæ Dignitatis testes adhibet, ut inde colligamus, Christianum itidem operibus comprobandum, illudque vel le ostendit, ut laudem eum in portis operum eius. Nec mirum quod in vita Christus Dominus sui probationem sumeret ex operibus ad nostram eruditionem, quando & in morte etiam operabatur salutem, ut vitam & salutem nostram spiritualem sitam omnino esse in operationibus intelligeremus. Vnde D. Bernard. Serm. feria quarta penult. hebdomadæ, de Christo Domino dixit. In vita passivam habuit actionem, & in morte passionem activam sustinuit, dum salutem operatur in medio terræ. Vbi Bernardus nobis proprietates ostendit, & operationum Christi, in quibus aliquid semper patiebatur, ut ipse ait Serm. de Obedientia, Patientia, & Sapientia. Labor in actionibus, quia dum operabatur, insimul patiebatur, & passionis nobis mirabilem conditionem inculcat, dum simul patiundo operabatur, ut nihil omnino esset in Christo, quod nobis non inculcaret necessitatem operum, dum ipse ad nostram doctrinam, & in actione & passione operatur, & in vita, & in morte operatur, alioqui si non operemur, fides in nobis mortua erit.

MEMINIT Plutarchi. in apoth. morem illum apud Lacedæmonios observatum, qui proficiscentibus ad militiam tradebant scutum sine aliquo schemate, signoque depicto, aut incisio, ut locus esset pingendi, & assignandi in eo quæ præclara in bello quisque gereret, quibus insuper tantummodo posset gloriari, & dum nihil gessisset, nec depictum in scuto gessisset, veluti inglorius tyro habebatur. Ingredientibus itidem nobis Christi militiam contra animi hostes assumimus scutum fidei. Sed inglorij, & veluti mortui reputabimur, dum fides sine operibus, & scutum sine schemate apud nos inuentum fuerit, imò non solum mortua erit fides, quin imò nobis ad mortem erit, maiorique peccato reddet obnoxios, sicut hic notavit Occumen. Quandoquidem talentum fidei accepimus, lucrum tamen bonorum operum non referimus, & ideo quantumvis fidem habeamus, veluti infideles serui puniemur. Velut avarus est enim Deus hac in te, licet inique querit de talento, sicut dixit August. Serm. 49. de verbis Domini. Ideo Bernard. Serm. 2. de Resurrectione. Fidei vitam, inquit, opera testantur: sicut enim corporis huius vitam in motu suo dignoscimus, ita & fidei vitam ex operibus bonis. Itaque vita quidem corporis est anima, per quam movetur, & sentit: vita verò fidei charitas, quia per illam operatur. Vnde & refrigerante charitate fides moritur, sicut corpus anima recedente. Tu ergo si videris hominem in bonis operibus strenuum vivere, in eo fidem esse non dubites, tenens fidei illius argumenta.

ET merito Bernard. hoc ait: quia si bona opera non tulerunt mortuam esse Tabitham viduam, sed rediuviam donarunt viduis & pupillis; neque etiam

etiam sinent mortuam esse fidem, si d illam viuam & perfectam indubitan-
ter testabuntur. Videndus est etiam pro hac re Hieronym. ad Demetria-
dem, vbi ait. Neque tibi sufficit à malis esse otiosam, si otiosa fueris à bo-
nis. Omnis arbor, quæ non facit fructum bonum, excidetur, & in ignem
mittetur. Et blandimur nobis, si malis fructibus non grauemur qui dam-
nandi sumus, si à bonis steriles manserimus. Sic abscindet Pater omnem
palmitem non ferentem fructum in Filio, & qui talentum in sudario ab-
scondit, quasi inutilis seruus, & nequam damnatur à Domino, nec minui-

se solum, sed & non auxisse damnabile est. Mortem igitur timeamus,

nec viui corpore mortuam in animo fidem esse patiamur,

sed dum tempus habemus, operemur bonum, fidelis-

que, & Christianos cum Christo operan-

tes nos esse ostenda-

mus.

Parz in Epist. B. Jacobi Apost.

DDd CAPVT





CAPVT TERTIVM.

ARGVMENTVM.

QUATVOR habet partes hoc tertium caput. In prima docet sacras præfecturas, primasque sedes docendi in Ecclesia nullatenus ambitiosè quærendas. Secunda admonet frænandam esse linguam, quod ut fiat, mala & bona linguæ proponuntur. In tertia curat ablegandas contentiones, emulaciones, & lites. In quarta varios, longèque diuersos effectus veræ ac cælestis, falsæ ac terrenæ sapientiæ enumerans, hanc fugiendam, illam toto animo amplectendam admonet.

Verf. 1. Nolite plures magistri fieri, fratres mei, scientes, quoniam maius iudiciũ sumitis.

EXPOSITIO LITERALIS.

Cap. 10.

Act. 8.



QUONIAM, vt constat ex prologo Lucæ Euangelistæ, quem præmisit Euangelio suo, ex Actibus Apostolorum, & ex Pauli epistolis, prædicantibus Sanctis Apostolis multi ad prædicandum non idonei conabantur Euangelium scribere, prædicare, & abducere discipulos post se, vt Apollo vir in Scripturis doctissimus, qui de lege gratiæ sciens tantum baptisma Ioannis, fiducialiter Christum prædicabat, & tamen quia sapiens erat, didicit à Priscilla, & Aquila, atque ad prædicandi

candi officium iam perfectus rediit. Alij verò, de quibus Paulus ad Timot. *Quidam aberrantes, conuersi sunt in vaniloquium volentes esse legistatores, non intelligemes, neque qua loquuntur, neque de quibus affirmant.* similiâque habet in epistola ad Titum. Ideo ergo similem vanitatem, ac leuitatem in docendo, & prædicando vitare nititur hoc in loco Iacobus. 1. Tim. 1.
Cap. 1.

NOLITE, id est, non querite, non ambite, iuxta illud Christi Domini: *Nolite vocari Rabbi; & illud Ecclesiast. Noli querere ab homine ducatum, neque à Rege cathedram.* Particula verò (*plures*) in plures etiam sententias deducitur. Etenim Glossa sic eam intelligit, vt sit sensus: Nolite in pluribus Ecclesiis esse magistri, vel plures in vna. Nam, vt ostendit Theodoret. q. 2. in Num. decet eos, qui præfunt, subditis esse pauciores. Et ideo Concilium Trid. sess. 7. c. 4. sancit, vt deinceps nullus plura beneficia Ecclesiastica incompatibilia recipiat. Quinimò & Titus Liuius lib. 9. de bello Macedonico, veterem Romanam legem ostendit, duos simul magistratus, præsertim curules, ne quis capere posset, nec gerere, prohibent: nec enim decet plures magistratus ab vno geri, cum vnici ab vno optimum perficiatur opus, vt ait Aristot. lib. 2. Politic. c. 10. & Iustinianus Imp. vetat ne quis pluribus militiis det nomē, & cingulum cingulo addat, neue quis duobus magistratibus affideat, & veriusque iudicii curam gerat. Hanc expositionem hoc in loco videtur amplecti Caietan. dum ait: voluntatem prohibet, non magisterij, sed multitudinis magisteriorum. In quam sententiam dixit optimè Ephrem aduersus vitiose viuentes, & honores affectantes: Cuncti volumus esse duces, cuncti cum autoritate, cuncti cum imperio, cuncti esse magistri, cuncti domini; si igitur omnes Principes ac duces, vbi diuinæ dispositionis ordo, atque differentia? *Nunquid omnes Doctores, nunquid omnes interpretantur Scripturas?* additque. *Nolite plures magistri fieri.* Mat. 23.
Cap. 7.
1. Cor. 12;

NAM si in cælis etiam, vbi omnes incorrupti, & immortales cum ministratorij sint spiritus, noluit Deus vnicum cunctorum esse ordinem, sed, vt cernitis, potestates constituit, & dominationes, Angeli & Archàngeli imperata sibi non transgrediuntur, at nos inuicem collidimur, ac alius alium præcedere studet, aliosque vilipendimus.

TITELMANVS explicat particulam (*plures*). Nolite passim ad magistratiam, & intempestiuè aspirare. Carthus. Non ingratis vos importunè, vanè, & inordinate desiderio commodi proprii ad magistrerium. Vel plures, quia alij docent, alij faciunt. Ita D. Thomas. Vel plures, id est, vt multi solent, vel diuersis sententiis; quod videtur desumi ex Aug. Prologo in lib. 1. Retractionum.

VEL tandem, *nolite plures*, &c. id est, omnes indiscriminatim, temerè, & sine delecta vsurpare officiū docendi in Ecclesia. Ita Feuard. qui nobis placet, cum videatur mentem Apostoli attigisse, & cohareat hic sensus cum illis, quæ docet. Requirit enim præclarum ac gloriosum Doctoris Ecclesiastici munus, hominem insigniter eruditum in omnibus quæ sunt Prophetica, & Apostolica doctrinæ, deinde synceris, & incorruptis moribus præditum, vt exemplis confirmet, quod verbis docuerit, proinde non ita

DD d 1

passus,

passim, & procaciter ambire quis debet hoc munus:

sep. 6. **S** V B N E C T I T deinde rationem Apostolus, quare præcipiat, ut nolint plures magistri fieri, quia, scilicet, maius iudicium sumunt, id est, maius periculum, seu maiorem damnationis occasionem. Occumen. legit: *Scientes, quod maius iudicium sumpturi sumus*; ut referatur ad ultimum iudicium, quod durissimum fiet iis, qui præsumunt. Durum equidem, quia male aliquando intrauerunt, durius, quoniam male vixerunt, durissimum, quia male rexerunt, vel propter peccata subditorum, ac propria, vel ratione muneris, & peccati, quod cæteris paribus maius est; vel ob scandalum, & occasionem aliis in ruinam.

Q V A cogitatio sanctissimos viros remouit ab Ecclesiasticis præfecturis, ut Ambrosium, sicut patet ex eius vita, Augustinum, ut patet etiam ex vita, & ex epistola 148. Chrysostomum, ut videre est etiam in vita, & in libris de sacerdotio. Synecium, epistola 57. Ephrem, apud Nicephor. lib. 9. c. 16. Amonium, apud eundem Niceph. lib. 11. c. 37. Euagrium, ibidem; ut alios omitam, & in regula Monachorum, quæ tribuitur Hieronymo, tom. 9. c. 11. dicitur, iuuenem apparuisse post mortem patruos, qui illi Episcopatum dissuaserat, dixisseque; Grätias pater tibi refero ex dissuasiione Episcopatus. Nam scito, quia nunc essem de numero damnatorum, si fuisset de numero Episcoporum.

S. I.

Contra ambitiosè honores affectantes.

P O S Q V A M Iacobus multam perfectionem docuit, imperfectionem promouet ambiendi, quæ perfectos viros maxime aggreditur & inficit. Enimuero cum hoc vitium spirituales substantias prius in cælo infecerit, spiritualiores itidem viros in terra plus aggreditur. Vnde Ber. hom. 4. super *Missus est*, ait: Video post spretam sæculi pompam nonnullos in schola humilitatis superbiam magis addiscere, quodque magis peruersum est, plerique in domo Dei, non patiuntur haberi contemptui qui in sua non nisi contemptibiles esse potuerunt, ut saltem ibi honorabiles videantur, ubi ab omnibus honores contemnuntur. Et 3. de Consideratione ait: Annon limina Apostolorum Petri, & Pauli prius ambitio quam deuotio terit? Nullū tibi venenum, nullum gladiū plus formido, quam libidinem dominandi. Et Ambros. in c. 4. Lucæ. Sæpe quos vitia nulla defleunt, facit ambitio criminosos.

Tim. 6. **C** A V E N D A proinde est similis cupiditas, quæ radix etiam multorum malorum est, sicut notauit Greg. 1. Moral. c. 12. dicens: Cum scriptum sit; *Radix omnium malorum cupiditas*, cui cupiditas dominij dominatur, subiectus proculdubio malis omnibus demonstratur. & 24. Moral. c. ult. Numerari, inquit, culpæ nequeunt, quæ habendæ potestatis amore perpetrantur. Quæ de re etiam videndus est Leo Ser. 4. de Natiuit. Mala proinde omnia in Ecclesiâ Dei ambitio introducit, tãquã eorū radix. Ideoq. Cypria. lib. de Zelo & Liure, ait: Hinc adulteratur veritas, vnitas scinditur, ad hæreses atque schisma

schismata possilitur, dum obrectatur Sacerdotibus, dum Episcopis inuidentur, dum quis, aut queritur non se potius ordinatum, aut dedignatur alterum ferre præpositum. & Orat. de Ieiunio, & Tentationib. Ambitio pernicioſa ſacrilegij forma, nihil intentatū relinquit, in ſinu Sacerdotū dormit, ibi ſub vmbra recubat, in ſecreto calami ſe fraudulentè occultat. Et Amb. in poſt. Apolog. Dauid. Magnam faciunt tempeſtatem multitudines cupiditatum, & veluti in quodam freto corporis nauigantem animum hinc atque inde perturbant.

PROINDEQUE ſicut aër viſceribus terræ inclufus, dum inde exire conatur, in ſuperiorem regionem, eandem perturbat ac tremefacit, ſic & ſuperbia, dominandique inanis cupiditas dum ſe exerit, & in ſuperiorem locum aſcendere nititur, omnia commouet, & è ſuis cardinibus reſilire facit. Vnde & ipſe Tull. 1. Offic. ait. *Miſerrima eſt omnino honorum contentio*, de qua præclare apud Platonem eſt, ſimiliter facere eos qui inter ſe contenderent, vter potius Rempub. adminiſtraret, vt ſi nauæ certarent, quis eorū potiſſimum gubernaret. Agitaretur namque huc, atque illuc nauis, facilimòque negotio periret, dum omnes ad gubernaculum aſcendere contendunt, & à nullo nauis gubernatur.

Nec mirum quòd magiſterij ac gubernandi appetitus omnia in Eccleſia, & Repub. euertat, ac perturbet, dum quis ſupremum Dei locum, ſiue iure, ſiue iniuria non ab ipſo Deo ambit. Nam, ſicut optimè notauit Bernar. epiſt. 116. Quomodo ſtabit pax hominum coram Deo, vel cum Deo, ſi Deo non poteſt apud homines eſſe tuta ſua gloria? Diſplicet mortalibus angelica illa partitiō, qua gloria Deo, pax hominibus nuntiatur, & dum gloriam uſurpant, turbant pacem. O ſtulti filij Adam, qui contemnentes pacem, & gloriam appetentes, & pacem perdunt, & gloriam! In quam ſententiā Chryſoſt. in imperſecto. hom. 35. in Matth. 20. Quando filij Zebedæi petierunt ſedes, & alij indignati ſunt, ait: Videns Dominus alienum ſpiritum in cordibus diſcipulorum, quaſi hoſtem in ſuis caſtris vagantem expulit, dicens. *Principes gentium dominantur eorum, vos autem non ſic.*

EST optimus illi locus pro oſtendenda ambitionis immanitate erga oues, quando homo veniens de caſtris Säuſ nuntiauit Dauid Säuſlem, & Ionatham interiſſe in prælio, & cum duo alij Säuſis filij bello conſecti fuerint, duos reticet, vnius tantum memor Ionathæ, cuius animæ conglutinata fuerat anima Dauid. Cuius rei cauſam ſi inquiras, ſic proſequitur Abulenſ. ibi q. 4. Iſte iuuenis deſiderabat obſequi Dauid; putabat autem quòd deſideraret Dauid regnum, ideo credidit quòd non poterat magis place-
re Dauid in aliquo, quàm ſi ei nuntiaret illa per quæ ſignaretur opportunitas Dauid ad regnandum, & quia non poterat Dauid regnare viuente Säuſle, nuntiauit primò mortem Säuſis: & quid ſi Ionathas ſuperuiueret mortuo Säuſle, cum ille eſſet primogenitus, quem Säuſ volebat regnare poſt ſe, & valde ſtrenuus, qui à toto populo diligebatur, pro victoria mirabili: quæ de Philiſtæis reportauit, poterat impedire Dauid ne regnaret. ideo iuuenis mortem Ionathæ reſiuntiauit, de alijs filiis nihil curans, qui licet

DD d 3 ſuper

superuierent, non poterant Dauid impedire ne regnaret, sicut nec impediuit Isboseth, qui regnauit post mortem Saülis, regnante interim Dauid in Tribu Iuda, eumque superante; & quoddam esset mens iuuenis inde colligitur, quia ueniens ad Dauid, attulit diadema Regis, & armillas, quæ ei regnum præsignabant. Ex quo posito discursu, illud rectè ad nostrum institutum infertur, propterea malum nuntium non timuisse annuntiare Dauid dilectissimi amici necem, quæ alioqui illi esset acerbissima, summumque ei asferre posset mœrorem, quia putauit Dauid tactum cupidine regnandi, quæ dira cupido esse solet, amicitiaque iura non nouit, nec parentum obitum dolet, nec amorem, quantumuis intentum reueretur, dummodo modus & via aperiatur potiundæ dignitatis, & supremi loci.

Vnde non displicet mos ille Romanorum, cuius meminit Plutar. in Vita Iul. Cæsaris, cum ait: *Cautum erat apud Romanos, ut triumphum ambiens toto ambitionis tempore extra muros fierent.* Timebant enim ambitiosum hominem, quasi communem pestem & hostem. & exul profectò debebat egredi per illam ciuitatis portam ambitiosus Absalom, in qua ingredientes per summam cupidinem præstolabatur, interrogans, quidnam negotij haberent, & sic sollicitabat corda virorum Israël. Quis enim ambitiosum hominem non detestetur, cum sit audax? quis non abhorreat, cum sit impudens? quis non fastidiat, cum sit insatiabilis? quis non suspiciat, cum sit vanus? quis non despiciat, cum sit vilis? quis se illi credat, cum sit versipellis? Singula si probemus, non erit iniucundum, maximè quo tempore maxima quæque hoc vitio dilabuntur, totoque orbe, nulli loco, conditioni, ætati, aut generi parcens, veluti communis pestis serpit, & vniuersale exitium decachatur. Vnde Basil. constitut. Monast. c. 10. Ambitio diabólica pestis est, & sine dubio, qui in huius vitij potestate est, eodem planè cum diabolo morbo laborat.

Ambicionis audacia.

EST igitur ambitio audax, cum sacratiora loca petat, & media passionem Christi, quam ipse exhorruit, ingrediatur, petens sedes dextræ sinitræque manus. Tunc enim accessit mater filiorum Zebedæi, cum Christus dicebat: *Ecce ascendimus Hierosolymam, & filius hominis tradetur, flagellabitur, conspuetur, &c.* cumque fratres sexaginta occidat, alium vendat, patrem agrediatur. Perpendensque hoc D. Chrysost. hom. de Absalom, ait: Vbi solatium patres, & genitores præsidium inuenire debent, inueniunt mortem, cum brutæ pecudes pietatis in parentes iura conseruent, innocentem perimere nefas est, patrem occidere scelus, ambitio. docet id quod natura non nouit, quod pietas ipsa horrescit, audet perficere, quod nouo supplicio Deus cogatur vindicare. Et Ber. Ser. de Conuersad Cleric. cap. 31. Propter ambitionem, inquit, paratos eos videas vniuersa pericula subire, suscitare scandala, sustinere odia, dissimulare opprobria, negligere maledicta, ut non minus sit perniciosa animositas talium, quam pusillanimitas mercediariorum.

F A C I T etiam in hanc sententiam id quod notauit Plut. in Vita Coriolani, ubi ait: *Mos erat Magistratum petentibus, prehensos dextra cines benignis orare verbis in forum operios veste ascendere.* Probo ego quam improbat rationem, scilicet, ob plebis suspicionem, ne veluti armatum, & audacem hostem, ambitiosum hominem fugerent, & detestarentur, omnibusque constaret, inermem esse, ut à timendo cessarent.

E S T etiam pro presenti instituto Iudas Apostolus, dum ambitiosos homines, *fluctus feris maris* appellat *despicientes suas confusiones.* Etenim sicut fluctus maris quascumque immunditias euomunt, & in litus maximo fragore proiciunt, sic & ambitiosi animi impudenter, & audaciter quicquid in se reconditum habent, expuunt, & veluti ipsum cœlum petere, ipsamque terram operire, & conscendere nituntur. Vnde Bern. hom. 1. super *Misericordia* est. Quoties hominibus præesse desidero, toties Deum meum præire contendo, & tunc verè non sapio ea quæ Dei sunt: de ipso namque dictum est: *Et erat subditus illis.* Hanc eandem audaciam ambitionis notauit Clem. Alex. Orat. ad Gent. cum ait: Non facile arcetur cupiditas, quæ metu caret.

Impudentia ambitionis.

E S T etiam impudens ambitiosus, sicut notauit Tertull. lib. de Pœnitent. cap. 11. dicens: Illos qui ambitu obeunt capeffendi magistratus, neque pudet, neque piget incommodis animæ, & corporis, nec incommodis tantum, verum, & contumeliis omnibus eniti in causa votorum suorum, quas non ignobilitates vestium affectant: quæ non atria nocturnis, & crudis salutationibus occupant? Ad omnem occursum maioris cuiusque personæ decrecentes, nullis conuiujs celebres, nullis comestationibus congreges, sed exules à libertatis, & lætitiæ felicitate. Ideoque D. Ber. Ser. de Conuers. ad Cleric. c. 27. per admirationem dicit: Vnde tantus prælationis ardor? unde ambitionis impudentia tanta? Et 1. de Considerat. ad finem: Plena, inquit, ambitionis Ecclesia, non est iam quod exhorreat in studiis, & molitionibus, si Christi discipulos es, ignescat zelus tuus, exurgat autoritas aduersus impudentiam hanc, & generalem pestem, intue-te magistrum sic facientem, & audi dicentem: *Qui mihi ministras, me sequatur;* non parat aures, ut audiat, sed flagellum, quo feriat, verba nec facit, nec recipit, nec sedens iudicat, sed insequitur puniens: ergo tu fac similiter. Erubescant vultum tuum istiusmodi negotiatores, si fieri potest, si non timeant. Et tu flagellum tenes, timeant nummularij, nec fidant in nummis; sed diffidant, abscondant æs suum à te, scientes effundere, quam accipere paratiorem te esse. Notauit autem ingeniosè Ber. ambitionem eo esse impotentiore, quo impudētior est: sic enim habet epist. 126. Ambitio quum pro-rumpit in impudentiam, efficaciam perdit, & quum improbus affectus se aperit, perit effectus, odibile vtique vitium dum in aperto est, ab omnibus detestatur, à nulloque admittitur, dum cognoscitur.

Infamia

Insatiabilitas ambitionis.

NVNQVAM etiam satiatur aut expletur appetitus dominandi, sicut dixit David, *superbo oculo, & insatiabili corde*; ubi Hieronymus transtulit, *alium corde*. Metaphora sumpta à profundis puteis, in quos etiam si multa conciantur, nunquam tamen repleri possunt: ideoque idem Hieron. epist. ad Demetriadem tom. 9. ait. Expleri nescit honorum cupido, celerem habituræ res finem sine fine queruntur. Et Ber. epist. 241. Quem ambitiosum, ait, vidimus aliquando contentum adeptis dignitatibus ad alias non anhelare? Sic & curiosi cuiusquam non satiatur oculus visu, nec auris auditu. Et epist. 42. inter multa alia sic habet. O infinita semper ambitio, & insatiabilis auaritia, cum primos honorum gradus meruerint in Ecclesia, meruerint autem, vel vitæ merito, vel pecuniæ, siue etiam carnis, & sanguinis, quæ regnum Dei non possidebunt prærogatiua, non ideo corda quiescunt duplici semper æstuantia desiderio, quo utique magis ac magis, & dilatentur in plura, & ad celsiora sublimentur, &c. quæ pro hac re videnda sunt.

VIDENDVS etiam Seneca lib. de beneficiis, ubi inter alia ita ait: *Nemo agit de Tribunatu gratias, sed queritur quod non est usque ad Præturam perductus, neque hac grata est, si desit Consulatus*. Et epist. 73. Solebat, inquit, *Attalus hac imagine vii. Vidiſti aliquando canem missa à Domino frustra panis, aut carnis apertio ore captantem: quicquid accipit, protinus integrum deuorat, & semper ad spem futuri inhiet, idem euenit nobis: quicquid expectantibus fortuna proiecit, id sine ulla voluptate dimittimus, statim ad rapinam alterius erecti, & attenti*. Similiâque habet epist. 74. Neque est eorum probationes in re clara, & experientia probata congeramus.

Vanitas ambitionis.

EST etiam ambitiosus vanus, ideoque nomine (*arundinis*) significatum *Cap. 40.* Euit Gregor. apud Iob. in illis verbis: *sub umbra in secreto calami*. Ait ergo Gregor. 34. Moral. cap. 5. Quid aliud designatur appellatione *calami*, nisi mentes temporalis gloriæ deditæ? more quippe calami foris habent speciem, & ostentationem pulchri, sed intus per fatuitatem sunt vacuæ. Et ideo August. in Psalm. 95. Vnde superbires, nisi inanis esses? Videndus etiam Philo lib. de Profugis, & lib. de Ioseph, atque etiam Seneca dicta epist. 73.

Vilitas ambitionis.

EST etiam admodum vilis ambitiosus, cum omnium pene sit seruus: quod notauit Gregor. 17. Moral. c. 12. ad illa verba: *Gigantes gemunt sub aquis*. ubi dicit aquas esse populos, iuxta illud Apocal. *A qua sunt populi*. Ait ergo Gregor. Elati omnes dum in hac vita assequi bonorum celsitudinem cupiunt, sub ponderibus populorum gemunt; quasi dicat, se subiiciunt, & sub

submittunt euiibet de populo conculcandos, dum honores ambiūt, & aucupantur. Quod argumentum prosequitur Chrysost. hom. ad baptizandos: & hom. 49. ad Pop. vbi ait: Omnibus seruis magis est seruus gloriæ cupidus. Et Ber. eleganter dixit, penè seruirem esse humilitatem ambientium; sic enim habet lib. 4. de Considerat. ad medium: Pari pondere æstimaueris eius humilitatem qui timet, & eius qui sperat, vterq; seruit, ille timore, hic spe. Videndus item Cypr. epist. 2. ad Donat. vbi ait: Qui amictu gloriæ fulgere videtur, quantis illud sordibus emit, vs fulgeat? Et Philo lib. de Ioseph. Rectè, inquit, dicitur vendi hominem, nam qui auram populi captans, concionaturus locum superiorem ascendit, sicut venalitij seruus fit ex ingenio propter honores, quos videtur accipere, addicens se innumeris dominis; &c. quæ prosequitur. vbi ostendit, tot dominis se subiicere ambitiosum hominem, quot hominum auram, beneuolentiam, votaque nititur acquirere.

Fraudulencia ambitionis.

EST ambitiosus versipellis, & astutus. In quam sententiam explicat Beda illud Prouerb. *Non inueniet fraudulens in lucrum suum*; sicut vt Septuaginta habent, *Non assequetur dolosus venationem suam*: vbi nominè (*fraudentis*) & (*dolosi*) intelligit ambitiosum, qui totus fraudulentus, & versicolor est. Et D. Basil. in regulis breuioribus, interrogat: 246. explicat illud Pauli; *Charitas non est ambiciosa*, dicitque tantundem esse, ac si dixisset, ab habitu & forma sua non discedit, quasi proprium sit ambitionis, ab habitu & forma sua discedere, &que in varias formas mutare. Vnde Ber. 4. de Considerat. Viri callidi, & dolosi proprium esse solet, tum prætere humilitatem, cum aliquid obtinere voluerit; de quibus Ecclesiasticus: *Est qui se humiliat nequiter*; & interiora eius plena sunt dolo; quantum eos supplices admisistis, postmodum suscipitis graues, insolentes, contumaces, rebelles. Similia habet Serm. 3. ex parulis. Cum honorem, inquit, adipisci desiderant, cæteros sibi prius per amorem acquirunt. Cum verò adepti fuerint, elati potestate, eos ipsos per timorem sibi postmodum subiiciunt, quibus prius priuati non terrorem, sed amorem exhibuerant. Isti ponunt bonum vinum, id est, amorem, & cum inebriati fuerint, tunc id quod deterius est, id est, timorem. Pluræque hac de re habet idem Bernar. super *Ecc. nos reliquimus omnia*. Et Cyrtian. epist. 1. ad Donat. Saos etiam hostes ambitiosus adorare simulat fraudulentè, vt incautos occidat, &que dominetur.

NO TANDA venit hoc loco fraudulenta Absalonis ambitio, qua se cuique de populo submittebat, suggerens falsitatem dum dicebat, *Non est qui se audiat constitutus à Rege*, cum tamen Scriptura enarret constitutos à Rege in officiis, & dicat; *Iosaphat filius Abilud erat à commentariis*. i. pro relatione causarum. Si verò verba Absalonis hunc sensum habent: nullus est iudex qui rectè iudicet, omnes enim diligunt muneræ, & retributiones sequuntur, & ideo litigare coram illis periculosum est: hoc etiam aperte falsum erat, Patz in Epist. B. Iacobi Apost.

E E c quan

quandoquidem ipse sacer Textus ait, *Regnavit David super omnem Israël, faciebat quoque iudicium, & iustitiam omni populo.* Se igitur optabat, & proponebat iudicem; *Quis me constituat iudicem super terram, ut veniant ad me omnes qui habent negotium, & iuste iudicem:* ut per tyrannidem regnum occupans, qui impius & iniustus erat in patrem, erga subditos omnem operaretur iniustitiam. Vnde Sallustius in Catil. *Ambitio multos mortales falsos fieri coegit.* Et Cicerone in Rhetor. *Pralatio simulationem aperit; illis enim difficile est in tempestatibus emperare, qui per ambitionem se esse probos simulavere. Sum enim non ex animo, sed ex fortuna, modo humiles, modo elati.*

Quis igitur fidat, seque credat eiusmodi hominibus, astutis, fraudulentis, & qui se in varias transmutant formas? Quis non è sua Ciuitate & Repub. hanc pestem procul exulare exoptet? Utinam caput huius serpētis nobis similitudinem & locum Dei promittētis, quàm ocyllimè Deus contemnat. Ideo Philo loquens cum nostra anima, sic ait: Si capta fueris hamo alicuius affectus, sustine vincēta esse, potiùs quàm custos carceris. Nam afflicta, gemensque misericordiam inuenies; quòd si ambitioni te ipsam dederis, magnum malum, licet suaue, custodiam carceris suscipies, cui eris per totam vitam obnoxia. Quibus verbis eleganter ostēdit ambitionis vitium, ceteris omnibus ostium carceris aperire, ac claudere, ipsa ambitione semper in carcere manente.

OSTENDIT tandem quàm infidelis ambitio sit circa eos, quibus fidem exhibere debuerat, singularis locus in libro Iudic. quando Sacerdos cōsensit in domus ac deorum deprædationem, ubi primum illi dictum est. *Veni nobiscum, ut habeamus te Patrem ac Sacerdotem, quid tibi melius est, ut sis Sacerdos in domo unius viri, an in una Tribu, & familia Israël?* Quod cum audisset, acquieuit sermonibus eorum, & tulit Ephod & idola, & profectus est cum eis. At verò ubi nos habemus, acquieuit sermonibus, Complutensis habet; *collibuit animo Sacerdotis*, quæ verba Hebraismum continent, & significant; latatum est cor, & cœpit esse animo hilari, nullam prorsus habens memoriam acceptorum beneficiorum in ea domo, in qua diu fuerat commoratus, & ubi plura beneficia fatebatur accepta. Sed statim ambiciosus homo necessitudinē rumpens, beneficia accepta postponens, ad propositum tantum honorem cucurrit.

Nihil verò execrabilius, in hac fraudulentia ambitionis reperiri potest, quàm quòd plerumque sub regimine virtutis, & prætextu iustitiæ sauitiam, ac cru delitatem exequitur. Notauit hoc Abul. q. 2. in cap. 9. lib. Iudic. Cum quaerit, cur Abimeech septuaginta fratres in una petra occiderit, & respondet, voluisse illum videri non hostis, sed iudicis personam agere, sicque per satellites, latronesque suos capi iussisse omnes fratres, deinde quasi facinoris, aut in Abimelech, aut in patriam alicuius rei comperti essent, mortis in illos tulisse sententiam, sicque demum in uno, eodemque supplicij loco super uno aliquo lapide, mactatos. Sic ille. Verum, et si crudelis ambitiosusque homo crudelitatem, & duritiæ occultare voluerit, in petra clarius manifestauit, sicut bene notauit Serat. ibi q. 7. cum ait;

Parricida

Parricida ille verum sibi lapideum inesse cor demonstravit, qui fratres suos tam multos, tam recenti luctu mœstos, tam innocentes, patris adhuc penè calente cadauere, vno eodémque in loco, ac vestigio tam atrociter, tã otiose, ac singulatim non vno aliquo impetu, ac eruptione quasi bellica, omnes simul occiderit. Cui enim parceret ambitiosus, vt honoribus potiatur? quid non recto obteget velamine dominandi cupiditas?

§. I I.

Is dignitates meretur, qui eas contemnit.

ILVD hoc in loco nullatenus omittendum est, manifestam ambitionem, indignum omnino reddere ambitiosum hominem ad dignitates, quas ambit, suscipiendas. Quod notauit Abul. in Absaloue, dum dicebat 2. Reg. 15. *Quis me constituat iudicem super terram, vt veniam ad me omnes qui habent negotium, & iuste iudicem* Ait ergo Abul. ibi q. 5. Ista fallacia non erat nimis latens, quia qui honorem desiderat, non est dignus honore, & qui desiderat statum excellentem, non potest eum conuenienter sustinere, quia honores magni onera grauissima iuncta habent, qui tamen honorem cupiunt, non onera, sed requiem, & præesse desiderant; propter hoc autem Ecclesia instituit, vt quando susciperentur aliqui in Episcopos, quilibet respondeat bis, nolo, vt tertia vice respondeat, volo; quasi in primis ipse intencionem suam ostendat, in tertia autem obediens, voluntati alterius subiaceat.

ELEGANTER hoc prosequitur Bern. epist. 126. & Serm. 18. ex paruulis, vbi ait. Quisquis dominari non appetit, is profecto fructuose præest cæteris instituendis. Et DHieron. epist. ad Heliodor. loquens de eodem, dum Sacerdotium recusabat, ait; Merebatur negando quod esse nolebat, eoque dignior erat, quo se clamabat indignum. Videndus item Cyprian. epist. 52. vbi multa de electione Cornelij Papæ, inter quæ sic ait: Non vt quidã vim fecit, vt Episcopus fieret, sed ipse vim passus est, vt Episcopatum coactus acciperet. Et Chrysost. hom. 35. in imperfecto ad eã verba Matth. *Audientes decem indignari sunt*. Primatum, inquit, honoris concupiscere vanitas est. Primatus enim fugientem se desiderat, desiderantem se odit. & homil. 29. in 2. ad Cor. cap. 13. ait. Si vis gloriam habere, contemne, si enim gloriam secteris, gloria excides. Similia habet homil. 7. in epist. ad Philem. c. 2. Similia habet Greg. 24. Moral. c. vltimo, vbi ait: Tunc solum potestas bene geritur, cum non amando, sed timendo detinetur: quæ vt ministrari rectè valeat, oportet primum, vt hanc non cupiditas, sed necessitas imponat. Videndus item idem Greg. lib. 4. in 1. Reg. cap. 11. cum aduertit, Saulem absconditum fuisse domi. Quia, qui digni sunt, inquit, onus tanti ordinis suscipere, vehementer expauescunt. Videndus etiam idem Greg. lib. 30. Moral. c. 15. in fine, cum ponderat, Christum fugisse, cum cognouit, quodd venturi erant, vt facerent eum Regem. Ioan. 6. & lib. de cura pastor. 1. p. c. 3.

IDEO QVÆ Antisthenes rogatus, quomodo ad Reipublicæ munera ac

cedendum esset, respondit, sicut ad ignem; neque nimis propè, ne comburaris, neque nimis longè, ne frigesceas. Et Epiet. in Enchirid. c. 20. *Ademento*, inquit, oportere te in convivio versari, in quo si secula ad te pervenimus, extrema manu modeste carpe, si transiit qui feri, ne eum detine, si nondum pervenit, ne procul appetuum extende, sed expecta dum ad te veniat; sic erga filios, sic erga uxorem, sic erga principatum, sic erga divitias, et sic aliquando dignus Deorum convivia. Si verò qua appetita fuerint, non capias, sed contemnas, tunc non modo Deorum convivia, sed collega eris. Id enim cum faceret Diogenes, & Heraclum, atque his similes, merito, & divini erant, & vocabantur. Et Plato. 1. de Repub. ad finem: Si daretur Respub. in qua omnes essent sapientes, maiorem inter eos futuram contentionem detrectantium civitatis gubernacula, quàm nunc est in aliis civitatibus eorum, qui talia expetunt. Videnda hac de re oratio secunda Q. Fabij Max. apud Livium Decad. 3. lib. 2.

Vnde magis D. Chrysost. hom. 1. ad Titum: Magna me admiratio tenet eorum, qui huiusmodi onera appetunt, nullaque urgente necessitate, ac legitima vocatione precedente, huiusmodi ministerium suscipiunt, vel etiam procurant, ac negotiantur, perinde atque rem aliquam profanam. Sed hac de re, videndus Dionys. Areopag. de Ecclesiast. Hierarch. cap. 5. par. 3. Cyrill. de Adoratione in spirit. & verit. lib. 1. in principio. Basil. in cap. 3. Isai. Chrysost. homil. 5. in 1. ad Timoth. Ambros. epist. 82. Cyprian. epist. 68. Nazian. Orat. 1. Apologet. Ex quibus omnibus liquet, quàm necessaria sit doctrina, & admonitio Apostoli, dū hic ait; *Nolue plures fieri magistri.*

§. III.

*Qua scientia requiratur in Magistro Ecclesiastico & Prae-
lato.*

ILLUD etiam hoc loco necessariò plorandum, ac clamandum, quòd cum difficile sit homini scire parere; sicut notavit Nazianz. Orat. 1. Apologet. multòque difficilior homini imperare, difficillimùmque tandem homines docere & instruere: vnde addit idem Nazianzen. Ars quædam artium, & scientia scientiarum mihi esse videtur; hominem regere, animal omnium maximè varium & multiplex: & Salomon propterea de se fate-
tur; *Dedi cor meum, ut scirem prudentiam, atque doctrinam, errorisque, ac stultitiam,* seu; ut ex Hebr. vertit Caiet. *ad sciendum tricas, & stultitiam;* est siquidem utilis ac necessaria Magistratui, & Doctori rerum quoque malarum notitia; ut dedocere, atque corrigere possit, & in versutias quoque parabolarum introire. Facile se tamen quisque ad hoc munus intromittit, & faciliori negotio admittitur, cum difficillimum prorsus sit.

Vnde Ioan. Evangelista in Apocalyp. scribens plures epistolas ad diversas brbis plagas; in qualibet earum distinctum ac peculiarem titulum præfigit, cuius rei rationem reddens Hietonym. in Proœmio Commem. epistolæ ad Ephésait: *In vnaquaque earum (scilicet gentiū) specialia vel*
vitia

vitia reprehendit, vel virtutes probat. Et Sanctus Apost. Paulus per singulas Ecclesias vulneribus medetur illatis, nec ad instar imperiti medici vno Colyrio omnium oculos vult curare. Vnde Debbora de Principibus Israël ait. *Cor meum Deus diligit*, inquit, *Principes Israël* in Hebr. est. *Doctores Israël*, *Indic. s.* Vnde Paulus ad Eph. 4. eisdē vult Pastores, & Doctores; neque enim distinguit inter Pastores, & Doctores, tanquam inter alium, & alium ordinem, sed pro eodem utroque usurpat, ut rectē aduertit Hierony. ibi, & August. epist. 5. 9. 4. & post August. Gregor. homil. 2. 1. in Ezechiel. Et Origen. hom. 2. in Leuit. Cyrill. item lib. 2. in Leuit. notant quoddam cum ceteris defectibus & peccatis Deus remedium, & oblationem assignauerit, si per ignorantiam, vel malitiam deliquissent: in peccato tamen Pontificis non addidisse Legislatorem, si per ignorantiam peccauerit, quasi nulla vllō modo in eis supponenda, & admittenda esset ignorantia.

Vnde Bern. epist. 2. 49. Quis dabit mihi homines literatos, & sanctos in Ecclesiis Dei præcellē Pastores? si non in omnibus, certē in pluribus, certē in aliquibus. De iis verō, qui verbum Dei docent, ait Gregor. 18. Moral. cap. 14. Qui ad veræ prædicationis verba se præparat, necesse est, ut causarum origines à sacris paginis sumat, ut omne quod loquitur, ad diuinæ auctoritatis fundamentum reuocet. Et Isaias prædicatorem verbi Dei appellat *prudētem eloqui mystici*, ubi teste Hieronym. lib. 2. in Isai. Theodotion vertit, *prudētem incantatorem*. Rationem verō huius dicti reddens Hieron. ait: Incātator mihi videtur esse eruditus, & exercitatus tam in lege, & Prophetis, quā in Euangelio, & Apostolis. *lai. j.*

QVANTA ergo diligentia, studio, & scientia opus est ad hoc opus perfectissimum, maximēque necessarium in Ecclesia, de quo Clem. Alexand. 1. Stromat. ait: Prædicandi scientia quodammodo est Angelica. Vnde Paulus: quia huic officio à Deo erat deputatus, *Vas electionis* dicitur à Deo. *Al. 9.* Aduertit autem Hieronym. epist. ad Paulin. quidnam significet vas electionis; quia, scilicet, inquit legis, & Scripturarum sanctarum erat armarium. Et Greg. lib. 4. in 1. Reg. cap. 9. dixit: Fortissima Prædicatoris actio illi bene committitur, qui à summis viris magna consideratione dignus tanto ministerio iudicatur.

CVMQUE hoc ita sit, plures nunc volunt Magistri fieri, qui nec discipuli esse meruerunt, cum nunquam didicerint, neque perfuncti fuerint, ut potestea possint effundere, sicut elegāter dixit Bernard. Ser. 18. in Cant. ubi monet Prædicatores, ne velint antē effundere, quā infundi, &c. quæ videnda sunt pro hac re; in qua illud aduertendum notatum à Philone lib. de Ioseph. quoddam cum Deus vellent Iosephum præficere toti Aegypto, prius gubernandi, & administrandi artem didicit, postquam venditus est in Aegyptum; domui enim sui Domini vniuersæ præfectus est. Oportebat, inquit, futurum administratorem Reipub. præexercitati in rebus Oeconomicis, nam & domus quædam parua ciuitas est, & Oeconomia compendiarie Reipub. Sicut etiam ciuitas magna domus est, & Politia communis Oeconomia; vnde facillē discimus eundem esse aptum, & dispensationi do-

E. E. c. 3. mestri

mesticæ, & administrationi publicæ, quanvis hæc multitudine, magnitudinēque differant. Similiāque notauit idem Philo lib. de vita Moyſis, voluisse scilicet Deum, Moyſem officio Pastoris præexerceri ad gubernandam Rempub. Israëliticam. Quod idem dixit Clem. Alex. 1. Stromat. circa finem his verbis: Moyſes ex Ægypto fugit, & oues pascit, vt qui ad pastoralem principatum prius erudiretur, ei enim, qui mansuetissimo hominum gregi cit præfuturus, est præexercitatio ouium pascendarum, scientia.

Si e etiam Christus Dom. quos voluit piscatores hominum, prius fecit piscatores piscium, vt iam ſcirent rete Euangelij expandere, iniurias temporis ferre, tempusque ad iaciendum rete expectare, eisdemque vocatis dixit. *Faciā vos fieri piscatores hominum*; qui modus loquendi longē differt à præſenti dum Iacobus ait: *Nolite fieri magistri*. Non enim reprehendit Apostolus sensim, temporisque decursu fieri magistros, sed temerē, & subito fieri; at verò Christus dixit; *Faciā vos fieri*, quod possumus explicare per modum loquendi Philosophorum, qui de eo quod nondum perfectum, & completum est, dicunt esse in fieri: illud verò quod completum est, in facto esse. Ille ergo Magister, qui *vocat ea quæ non sunt, tanquam ea quæ sunt*, qui que de nihilo omnia produxit, Magistros in fieri esse vult in sua schola, donec in facto esse compleantur. Qua ratione Paulum misit ad Ananiam; vt *tererubescas*; dum *vis fieri magister*, cum nec didiceris, nec velis discere. In quam sententiam notauit Bernar. epist. 8. subito quidem plures Christum Dominum conuertisse, eosdem tamen non statim Doctores creasse, aliud est enim celerem adipisci veniam peccatorum. Quannvis enim Matthæus de telonio vocatus fuerit ad Apostolatus culmen, non prius audiuit cum cæteris Apostolis. *Ite in orbem vniuersum, prædicate Euangelium omni creaturæ*; quàm egerit pœnitentiam multo tempore ac labore, sequendo Dominum quocunque iret.

¶ *Q u o d* si quis obiciat, de Paulo statim dixisse Dominum Ananiz, *Uas electionis est mihi, vt portet nomen meum*; paucisque pōst diebus ingressum Synagogam prædicasse Iesum; audiat Ber Serm. de conuerſ. Pauli, vbi examinat ea verba. *Subito circumfulsit eum lux de cælo*. O vera, inquit, inestimabilis diuinæ pietatis dignatio, illustrat cœlesti fulgore vel à foris, intus adhuc luminis incapacem! Etenim tanta requirebatur lux & sapientia de cœlo in eo, quem tam citò Deus volebat constituere magistrum; & creare Doctorem gentium, vt vel etiam exterius luce repleret, & ab eo quasi redundaret, antequam interius luce perfunderetur. Vsq̃ue adeò difficile est subito factum magistrum apparere, cum sensim diuque in fieri prius esse debeat.

¶ In quam sentent. facit id, quod notauit Ambros. lib. 1. Examer. c. 7. vbi quærit, cur Deus prius fecerit cœlum & terram, postea illa illustrauerit. Ad hoc enim, vt lumen & lux præbeatur, multa quidem prius requiruntur. Hoc idem prosequitur Greg. lib. 7. Registri, epist. 112. vbi ait. Quannvis quispiam inculpati sit meriti, antè tamen per distinctos ordines Ecclesiasticis exerceatur officiis, videat quod imitetur, discat quod doceat. Diu ergo religiosa meditatione poliatur, vt placeat, & sic lucerna flammam non extinguat,

extinguat, sed augeat. Nam cum scriptum sit, ut prius quis probetur, & sic minuitur, multo amplius probandus est qui populi intercessor assumitur, ne fiant causa ruinae populi Sacerdotes mali.

N V L A igitur contra hoc excusatio, quia cunctis nota est sancti solitudo Doctoris, qui neophytum vetat ad sacros ordines accedere. Sicut autem tunc neophytus dicebatur, qui in sanctae fidei erat conuersatione plantatus, sic modò neophytus habendus est, qui repente in Religionis habitu plantatus, ad ambiendos honores sacros irreplevit. Quid celerius, quidque precipitantiùs, quàm ut exoriatur à summitate principium, & antè incipiat esse Episcopus, quàm minister? Similiàque habet idem Gregor. epist. 50. & Nyss. lib. de Vita Moysis.

V N D E Nazianz. Orat. 20. ait. Nunc periculum est, ne ordo omnium sanctissimus, omnium maximè sit ridiculus: non enim virtute magis, quàm maleficio & scelere Sacerdotium paratur, nec digniorum, sed potentiorum throni sunt. Samuël inter Prophetas, ille, inquam, futura prospiciens, sed & Saül vilis ille & reiectitius. Roboam Salomonis filius inter Reges, sed & Ieroboam seruus & Apostata, cumque nec medici, nec pictoris nomen quisquam obtineat, nisi prius morborum naturas considerarit, aut multos colores miscuerit, variatque formas penicillo exprefferit: Antistes contra facile inuenitur, non elaboratus, sed recens quantum ad dignitatem, simul sacus & editus, quemadmodum Poetae Gigantes fabulantur. Vbi Nazianz. pulchra allusione tangit id, quod fabulantur Poetae de Cadmo Agenoris filio, quem apud Thebas Boeotiae urbem, draconis à se interfecti dentes seminasse dicunt, vnde statim Gigantes pullularunt à capite vsque ad femur armati, qui eodem die inito praelio se ipsos mutuis vulneribus confecerunt. Sic igitur subito factos Magistros, & Praefules deplorat Nazianz. simul sacos & editos. Vnde addit: Vno die sanctos fingimus, eosque sapientes, & eruditos esse iubemus, qui nihil didicerunt, nec ad Sacerdotium quidquam prius tulerunt praeter velle. Et Orat. 1. Apologet. post multa, hac de re tandem concludit. Papè quàm egregia praefectura, quàm excelsus animus? protinus Samuelem ab ipsis incunabulis sanctum in ore habemus, protinus sapientes sumus, & praeceptores, & rerum diuinarum cognitione sublimes, & Scribarum & Legistorum primi, nosque ipsos calcælo nostro cœlestes designamus, ac vocari ab hominibus expetimus. Reddentes rationem cur Episcopus creatus aufugerit, ait: Mihi res accidit rustico, an ingenuo viro digna nescio, sed accidit tamen, aliorum me puduit, qui cum plerisque nihilo meliores sint, atque etiam non utinam multo peiores, illotis, ut aiunt, manibus in sanctissima mysteria sese ingerunt, ac priusquàm digni sint qui ad res sacras accedant, sacrarium ipsum ambiunt.

E T Bern. epist. ad Henricum Episcopum Senonens. Curritur passim ab omni aetate, & ordine, à doctis pariter & indoctis ad Ecclesiasticas curas, tanquam sine curis iam quisque victurus sit, cum ad curas peruenerit. Quibus posset applicari illud consilium, quod Quintus Cicero M. Ciceroni Consulatum petenti suggerebat, ut propè quotidie ad forum descen-

descendens, hoc meditaretur, *Nonus sum, Consulatum peto, Roma est.* Debet enim quis secum præmeditari quid mereatur, quid ambiat, quibus superior velit esse. Quæ ferè sententia est Senecæ lib. de Tranquillitate c. 4. ubi ait. *Inspicere debemus primò nosmetipsos, deinde qua aggredimur negotia, deinde eos quorum causa, aut cum quibus agendum est, & ante omnia necesse est seipsum estimare, quia ferè plus nobis videmur posse quam possumus.* Qua de re videndus Ber. epist. 11. ad Carthusienses; & epist. 42. ubi ait: Scholares pueri & impuberes ob sanguinis dignitatem promouentur ad Ecclesiasticas dignitates, & hi de sub ferula transferuntur ad principandum Presbyteris, latiores quòd virgas euaserint, quàm quòd meruerint principatum.

Q V O M O autem pueri, & indocti rectè possunt fungi officio, quod magnam scientiam, longamque experientiam postulat? Vnde D. Chrysost. lib. 3. de Sacerdotio inuehitur in quorundam opinionem, qui dicunt, satis esse ad Præfecturam, ac Magisterium, si quis magnam habeat charitatem, vitæque innocentiam. quod etiam profecquitur lib. 6. de Sacerdotio, & hom. 14. in 2. Corin. quæ incipit. Imperare ars est, & non solum dignitas, comparatur hæc scientia vsu rerum & experientia, quare non debet promoueri aliquis subito ad tantam dignitatem. Vnde Greg. hom. 2. in Ezechielem aduertit, dixisse Prophetam, *Et factum est in tricesimo anno,* quando iam matura aderat ætas, ipsi reuelata fuisse diuina mysteria; insuperque notat, Christum Dominum, cum duodecim esset annorum, interrogasse, non verò docuisse; & affert locum Deut. c. 15. quando dicitur, *Non arabis in primogenito bonis,* primogenitum enim, inquit, bouis accipimus in infirma ætate primi nostri temporis bonam operationem, in qua tamen arandum non est, quia cum prima sunt adolescentiæ, vel iuuentutis nostræ tempora, nobis adhuc à prædicatione cessandum est, vt vomer linguæ nostræ præscindere non audeat terram cordis alieni. Et Hieron. in cap. 4. ad Ephes. ait. In Ecclesiis quanuis quis sanctus sit, Pastoris sibi nomē assumere nemo debet, nisi possit docere quos pascit. Similia habet idem Hierony. in c. 1. epist. ad Tit. & Basil. quæ citat Antonius Monachus tom. 1. Bibl. Patrū Ser. 4. Nauticam consuetudinem, inquit, laudo, quæ remum antea dederit ei, qui nunc gubernator est; caputne est, cui vix alicubi manus est, aut pes, aut aliud aliquod ex corporis membris imperfectioribus?

Amos 8. Q V O D si doctrina cibus est animarum, vt patet apud Amos, ubi Deus famem doctrinæ minatur, quæ in hoc differt à fame panis, & aquæ; sicut notauit Chrysost. hom. 54. in Gen. quòd hæc corpus emaciat, illa animam attenuat. Ex ideo Hieron. ibi cum Propheta: quando doctrina non fuerit, intelligimus perire pudicitiam, castitatem mori, omnes abire virtutes, quia non comederunt verbum Domini. Rectè ergo ille apud Isaiam dixit: *Nolite me constituere super vos, quia in domo mea non est panis;* super quæ verba D. Hieron. ita habet: *Quanti panem non habentes, & vestimentum (cùm ipsi esuriant, & nudi sint) aliis alimoniam, & vestes promittunt, & pleni vulneribus medicos se esse iactant, nec seruant illud Mosaicum: Provide alium quem mittas?* Cui possumus adiungere id quod ait Brixian. in c. 3. epist.

ad Ti.

ad Timoth. Cùm Episcopatum cogitas, ne referas animum ad hæc tempora, quibus Episcopi nihil minus norunt, quàm eas partes, quæ illis à Paulo assignantur, nec quicquam aliud nunc intelligitur appellatione Episcopi, quàm fructus, & veltigalia, & immanes honores, &c.

Hic est, quodd cum filij Heli nesciuerint Dominum, neque officium Sacerdotum, ideo falsas interpretationes adhiebuerint, sicut notauit D. Hieron. in quæst. Hebr. ad 1. Reg. Dixit illi Deus: *Honorasti filios tuos magis quam me, propterea*, &c. Super quæ verba Greg. ait; Filios & propinquos magis quàm Dominum honorat, qui ad sacros ordines personas eligit, non ex conuersationis honestate, sed amore propinquitatis: carnales. Prelati specialis honoris culmina carnalibus propinquis ideo tribuunt, vt Ecclesiasticis facultatibus ditentur, nec curant quales sunt, qui ad spirituale ministerium veniunt, sed tantum vt temporali dignitate præferant, quos carnali affectione amplectuntur, qui reprobos prouehunt, ipsum promissionis ordinem confundere designatur, cum idcirco honoratos filios refert, vt sacrificij primitias ederent: non enim prædicat Sacerdos, vt comedat, sed ideo, vt prædicet, manducare debet. Sed adhuc peius aliquid videmus, dum illi qui ad frangendum panem pauperibus eliguntur, & ad præbendum cibum verbi Dei constituuntur, non solùm non præbent, sed etiam & materialem panem, voluti è pauperum ore eripiunt, nec in vltima egestate largiuntur.

Hinc è contrario Moyses omnes pehitus humanos affectus exuens, vt exemplum relinqueret omnibus absolutius, & purius in successoris alieuius delectu seruandum, ne caro, & sanguis ea in re, quæ vtrique grauissima est, & ideo grauissimè, purissimèque geri debet, præpollerent, immemor penè filiorum, oblitus socij, & administri, cuius ingenium, & prudentiam tandiu fuerat expertus, Dominum conuenit, atque, *Provideat Dominus Deus spirituum omnis carnis hominum*, &c. vbi verbum (*provident*) significat, non simpliciter providere, sed adhibita inspectione, vt obseruare liceat, quænam teneri debeat ratio in constituendis præfectis, & maioribus, idque si usquàm maximè, profectò necessarium in Ecclesiæ gubernatoribus, & magistris, de quibus nobis impræsentiarum cum Iacobo nostro est sermo.

Ad id t. deinde, *Deum spirituum omnis carnis*, quibus verbis inuocat Deum cognitorem omnium hominis affectionum, omnium animi propensionum, motuum, & habituum, vt idem sit, quod alibi dicitur discretor cogitationum, & intentionum cordis, quod proculdubio necessarium est, quando à multitudine eligendus est aliquis, qui ad gubernandi munus aptissimus sit: sunt enim multi in hominum animis recessus, multæ in vultu, & moribus personæ, ac mendacia, ideòque Moyses non quem ipsemet virum bonum, & ad res tantas aptum habilèmq; videret, ac iudicaret, sed quæ ipse cordium scrutator Deus pertissimè idoneum nosset, ac velleret, hunc diu propinquus esset, siue alienus, siue notus, ignotusque, diues, aut pauper, à Deo postulat, miro animi æquilibrio; in quo nec diurnum Iosue ministerium fidele, nec paternus amor propendebat.

Pacz in Epist. B. Iacobi Apost.

FFF

HOM

241 3. HOMINEM deinde postulat, *provideat hominem*, seu, *virum*, in quo verè virtus sit, & masculinum pectus, animique robur, nā effeminati animi, & molles inepti omnino sunt, unde per Iaiam dicitur, *Dabo pueros principes eorum, & effeminati dominabuntur eis*, vbi Hieronymus, atque etiam Rupertus in c. 32. Num pueros intelligunt eos, qui licet huiusmodi maiores sint, moribus tamen, & leuitate puerili sunt: ita tamen Hebræum, Græcūque nomen iuuenes significat ineptos profus gubernandis populis, unde ille apud Lucanum lib. 8. dicebat,

Ætas Nilivici nobis suspecta Tyranni est,

Ætas quippe fides robustos exigit annos.

242 3. Cuius rei rationem reddit Philosophus i. Politic. c. ult. quod ea minor ætas iis ferè prudentia, virtutūque prædiis ad gubernandum necessariis caret, contra verò audacia, superbia, lascivia, cupiditatibus, ac leuitate abundet. Ideoque ingemiscens Ecclesiastes dixit: *Ua tibi terra quia Rex puer est*, siue, vt legit Hieron. ad citatum locum Iaiæ, *immanis est*. Et Senator ille consularis Nicomachus rectè in hanc rem dixit: *Dy auentani, principes pueros, & patres patriæ dici impuberes, quos ad consulatus dandos dulcia, & circuli, & quæcunque voluptas puerilis inuitet. Que malum ratio est, habere imperatorem. Principem, qui sanam curare non nouerit, qui quid sit Respublica nesciat, qui faciat eos Consules, Duces, Iudices, quorum vitas, merita, ciues, familias, gesta non nouit*. Videndus hac de re Cic. Philip. 3.

243 3. Sic ergo Moyses Dominum deprecatur pro successore, non pro filiis, nō pro ministro, dignus utique quis in hac re, & imitetur, & laudetur. Ideoque Philo lib. de charitate sic eleganter rem prosequitur, omnibus quidem, & maximè hoc tempore ob oculos proponendam: Cum mortalis, inquit, huius vitæ finis instaret, oraculo aperto de hoc præmonitus, nullum vel Regem, vel priuatum imitatus est, quorum vnicum votum habetur, ac studium, hæredes, liberōsque relinquere. Sed quamuis pater esset duorum filiorum, neutrum successorem sibi optauit, victor affectuum erga cognatos, ac domesticos. Et poterat, si filios suspicabatur parum idoneos, certè fratris filios extollere, iam virtute meritos Sacerdotium, sed fortasse, aut non placebat, cō à diuinis rebus distrahi, aut potius cogitabat impossibile esse eundem hominem rectè curare simul Regnum & Sacerdotium; quandoquidem alterum Religionis, alterum subditorum curam profitebatur. Aut fortasse non putauit rem tam magnam pertinere ad suum iudicium, maluitque iudicandam Deo committere. Erat ei amicus & familiaris penè à puero Iesus nomine, non vulgaribus conciliatis artibus, sed amore integro; celestique, ex quo omnes virtutes proueniunt, is etiam cōuictor contubernalisque Prophetæ fuit, idem administrationis Reip. particeps, & tantum non Principis Vicarius, multa pro potestate solitus erat gerere. Attamen quamuis sciret hanc esse diuinitatē probitatis hominem, dictis, factisque honestatem eius expositus, & que maximè requirebatur, beneuolentiā erga populum, nec sic quidem ausus est ei principatum committere, ne forte opinione falleretur, non satis fidens humano iudicio, itaque nec sibi

sibi ipsi quidem credens, supplex inuocauit Deum, ut ex optimatibus eligeret vnum aliquem idoneum Principem, qui paternam curam subditorum gereret. Hoc vnum euident argumentum est eximia erga suam gentem charitatis atque fidei. Hæc ille. Quæ omittenda minime existimaui in re maxime necessaria, nostræque tempestate penitus abolita.

Hic etiam notauit D. Hier. in cap. i. epist. ad Titum, his verbis. Moyses amicus Dei, cui facie ad faciem Deus loquutus est, potuit utique successores principatus, filios suos facere, & posteris propriam relinquere dignitatem, sed extraneus de alia Tribu eligitur Iesus, ut sciremus principatum in populos non sanguini deferendum, sed vitæ. At nunc cernimus plurimos hanc rem beneficium facere, ut non quærant eos, qui possunt Ecclesiæ plus prodesse, & in Ecclesia erigere columnas: sed quos vel ipsi amant, vel quorum sunt obsequiis delinuti, vel pro quibus maiorum quispiam rogauit, & ut deteriora taceam, qui ut clerici fierent, muneribus impetrarunt.

Nec etiam omittendus Origen. hom. 22. in Numeros, cum ait: Recessurus Moyses de saculo orat Deum ut prouideat ducem populo. Quid agis Moysen, nunquid filij tibi non sunt Gerson, & Eleazar? aut si aliquid de ipsis dubitas, non sunt illij fratres magni, & egregij viri? quomodo non oras Deum pro ipsis, ut eos constituat populo Ducem? sed discant Ecclesiarum Principes, successores sibi non eos, qui consanguinitate generis iuncti sunt, nec qui carnis propinquitate sociantur, testamento signare; neque hereditariam tradere Ecclesiæ principatum, sed referre ad iudicium Dei, & non eligere illum, quem humanus commendat affectus, sed Dei iudicio totum de successoris electione permittere. Sic Orig. Et prædictus Nicomachus consularis recte etiam in hanc sententiam dixit: Ingens gloria morientis principis est magis Rempublicam amare, quam filios. Quod quidem merito D. Ambr. in Theodosio imperatore laudauit. Etenim si quis in successore eligendo, affectu; & amore, seu opinione ducatur, facile decipietur, & irreparabile Reipublice detrimentum inferet, dum eidem gubernandæ ineptum, insipientem, & incapacem ingeret, vel puerum, vel senem iuuenem.

Et tam multis igitur dictis sic consequens, virum ignarum, & inscium debere potius seruire, quam præesse, obtemperare, quam imperare: quod videtur dixisse Salomô in Proverbiis, illis verbis. *Quomodo si spina nascentur in manu temulenti, sic parabola in ore stultorum.* vbi Septuag. habent; *spina nascuntur in manu ebriosi, seruitus autem in manu imprudentis*; debet siquidem imprudens, & inscius prædicti viro manus dare, imò & seruituti eius se tradere. In quâ sententia post Philonem notauit Amb. lib. 2. de Iacob, & vit. beat. c. 3. Esau, inquit, ut benediceretur, impetrauit, sed eam benedictionem, ut seruiret fratri suo. Etenim qui imperare non poterat, & alterum regere, seruire debebat, ut a prudentiore regeretur: ut bonus pater (scilicet Isaac) cum duos haberet filios, vnum intemperantem, sobrium alterum, quod utrique consuleret, intemperanti præfecit sobrium. Et c. 4. notauit, Iacobum pauisile oues Laban. Sapientia, inquit, regendi officium non omittit, nescit vel in alienis vacare.

NOTAVIT pro hac sententia Salomon errorem Principis iniquè pat-
Eccl. 10. tientis honores, præposterèque iudicantis de meritis, cum ait: *Est malum*
quod vidi sub Sole, posui in stultum in dignitate, & diuini sedere deosum, vbi Hebr.
sicut vertit Pagn. habetur, in excellentiis multis. & Vatab. in summa fastigio. Illud
autem notandum velim, consuetum esse apud Salomonem, assignare & re-
ferre aliud malum quod coniungatur illi, de quo ipse loquitur, vt patet ex
c. 6. 7. 8. & 9. vbi semper ait: *Est & aliud malum.* Attamen dum stultum in dig-
nitate sublimi positum deplorat, non dicit, *Est & aliud malum,* sed simplici-
ter ait: *Est malum quod vidi sub Sole,* fortassis quia in cæteris malis quæ pro-
ponit, aliud simile reperiri possit, at verò nullum omnino inuenitur quod
conferri possit cum tanto malo, quantum reuera est stultum positum esse
in dignitate sublimi, cum ineptus omnino sit, & quasi non sit, debeat repu-
Cap. 14.
Act. 6. tarsi ad honores. Vnde Esther dixit: *Ne tradas Domine seipsum iis, qui non sunt,*
quod possumus explicare ex illo alio loco, vbi de Theoda dicitur: *Ante hos*
Galat. 2. *dies exiit Theoda, dicens se esse aliquem.* Quod ideo dictum est quia cum esset
Magus, Prophetam se venditabat ac magistrum dicebat ergo se esse ali-
quem, cum nihil esset, quando non erat dignus magisterio & honore. Pro-
Galat. 2. batur insuper ex Paulo cum ait: *Conuli Euangelium meum cum his qui videban-*
Eccl. 9. *tur aliquid esse.* Quod D. Thom. dicit esse factum cum maioribus Ecclesie, Pe-
tro scilicet, Iacobo, & Ioanne, & aliis, iuxta illud Ecclesiastic. *Cum sapienti-*
Eccl. 9. *bus & prudentibus tracta.* Vnde patet, eos qui sunt, videnturque aliquid reue-
ra esse, solos esse sapientes, insipientes verò nihil proflus esse. *Ne tradas igitur*
Domine, ait Esther, *seipsum iis qui non sunt,* cum ignari, inscij & stulti sint,
Matth. 5. & ad nihilum valeant, nisi vt mittantur foras, & conculcentur ab homini-
bus, non verò iis præsent, utpote sal vanum & inutile.

MINABATUR Deus Israëlitis populo maximum supplicium apud
Cap. 14. Hierem. Inter alia verò ait: *Onagri steterunt in rupibus, traxerunt ventum quasi*
Dracones. quæ verba D. Hierony. ibi mysticè interpretatur de magistris &
Doctoribus. Quia in re magnum consilium supplicium, in eo, quod onagri
plana relinquentes, vt loquitur Glossa, ad superiora loca ascendant, cumque
graviore plumbo sint, præ stultitia in rupibus stantes, visuntur, vi tamen,
& impulsu indigent, vt ad tantam altitudinem euehantur. Vnde Salomon
dixit: *Sicut qui mittit lapidem in acervum Mercurij, sic qui tribuit honorem insipienti.*
Pro 26. Lapis enim cum gravis sit, vt ascendat, debet vi proijci, alioqui potius descen-
det, sic, vt stultus onager in altis rupibus collocetur, debet vi attolli, to-
tòque conatu assumi.

CÆTERVM meminisse debet, & stultus promotus, & ipsum promouens
vi, & non iure, nihil scdus, magisue detestandum posse reperiri, quàm ho-
norem tribuere insipienti. Hinc est, quòd cum nihil magis cura esset Pha-
Luc. 21.
Matth. 27. riseis, quàm Christum Dominum opprobriis afficere, & ignominiosè tra-
ctare, quem fabri filium calumniabantur, & cum latronibus reputabant,
pretiosa veste indutum illuserunt, & spreuerunt, Regisque titulum igno-
minioso Crucis patibulo affixerunt, iudicantes nihil turpius, indignius,
& contemptibilius posse ostentari, quàm vilem, & abiectum homi-
nem

nem regio apparatu insignitum. Vnde Claudianus de quodam, qui immerito, fortunæque iactu supremum locum fuerat assequutus, dixit;

Vine pudor facti.

INTERROGAVIT Deus Cain; *Ubi est Abel frater tuus? cui respondit. Nun-* Gen. 4.
quid custos fratris mei sum ego? Aduertit autem Philo lib. Quod deter. potior. uisid.
congruenter dixisse, se non esse custodem fratris sui, quandoquidem iniquus, & insipiens homo non poterat præfici custodiæ probi, ac sapientis Abel. Congruenter docet, ait Philo, sanctarum rerum custodiam, non quibusuis hominibus, sed sacratissimasque mentes habentibus Deum commississe.

QVIA verò plures sine delectu magistri fiunt, & in locis superioribus collocantur, proinde tot mala ubique grassari videmus, & malos sine custode, aut timore omnia deuastare: Quod ostendit ille locus Psalmi ubi dicitur: *In circuitu impij ambulanti;* ubi Hieron. legit, *In circuitu impij ambulanti,* Psal. 11.
cum exaltati fuerint vilissimi filiorum hominum. Complutens. habet; Circumquaque oberrant impij, quando euehuntur qui inter homines perditissimi sunt. ubi particula (*circumquaque*) quam etiam Brixian. habet, explicat id, quod nostra lectio habet, *in circuitu;* significat enim libertatem, & deplorandam iniquorum licentiam viuendi: olim namque quando serui libertate donabantur, in signum acceptæ libertatis, in circuitu Domini donantis ambulabant, iuxta quod Satyrice dixit. Perlius, carpens eos, qui è seruili conditione in ordinē equestrem citò transibant;

Quibus una Quiritem

Verigo fecit.

Clarius hoc dixit Seneca epist. 8. his verbis. *Philosophia seruus oportet, ut tibi coningat vera libertas; non differatur in diem, qui se illi subiecit, & tradidit, statim circumagitur.* Hæc enim ipsum *Philosophia seruare, libertas est.* ubi verbum (*circumagitur*) libertatem philosophicam denotat. Est proinde sensus prædicti loci Psalmi. Cum fæx illa hominum euehitur, & primas tenet, tunc impij liberi, ac dissoluti omnia quantumuis sacra proculcant, & destruunt. Soli igitur ij, qui scientia, virtute, & sanctitate præstant, Magistri debent fieri, & superiora loca obtinere, virique probi, ac Religiosi non debent, sicut plures, seu, ut cæteri solent, intempestiuè, immature, & importunè dignitates ambire, & velle, iuxta Iacobi doctrinam. Etenim, sicut dixit Aug. 16. de Ciui. c. 19. *Locus superior, sine quo regi populus non potest, etsi ita teneatur, & administraretur, ut decet, tamen indecenter appetitur, quam sarcinam, si nullus imponit, percipiendæ, atque intuendæ vacandum est veritati, si autem imponitur, suscipienda est propter charitatis necessitatem.* Qua in re optimè dixisse videtur Cicero 1. Offic. in hæc verba: *Suum quisque noscat ingenium, & acrem se, & honorum, & vitiorum iudicem præbeat; ne scenici, plusquam nos videantur habere prudentia. Hi enim non optimas, sed accommodatissimas fabulas sibi eligunt.* Pluræque hæc de re habet Plutar. lib. de Tranquillit. & Seneca lib. 1. de Tranquillit. animi c. 4.

§. IV.

Contra eos, qui propriam Utilitatem tantum ex dignitatibus querunt.

SECUNDUM mentem Carthusiani, prohibet Iacobus appetitum Magisterij intuitu propriæ utilitatis, quod vitium utinam nostra tempestate tam licenter minimè grassaretur, quando omnes querunt quæ sua sunt in magisterio, in præfulatu, imò & ubique. Ideo enim plerique laborant, curantque scire bonum, & malum, ut sicut diu euehantur, & adorentur. Quapropter talis scientia secundum quod coniectare possumus, à serpente persuasa est.

- A**LII ad locum ministerij aspirant, ut ibi dominentur, ponantque secundem ad Aquilonem, ubi omnes stare debent, quibus Paulus ait: *Qui Episcopatum desideras, bonum opus desideras.* Vbi diuus Thomas lect. 1. aduertit, non dixisse bonum desiderium habet, sed bonum opus, scilicet, utilitatem plebis, cui Præful debet inferuire, & superintendere. Episcopus enim, ut idem diuus Thomas aduertit, idem est ac superintendens. Vnde Paulus ingenuè de se fatetur: *Cian essem liber ex omnibus, omnium seruum me feci.* Proindeque Bernardus ad Eugenium Pontificem Magnum ita ait 1. de Considerat. An ideo non seruus, quia non vni seruis, sed omnibus? Nulla turpior seruitus grauiorque, quam Iudæorum seruitus, quam quocumque ierint post se trahunt, & ubique dominos offendunt suos. Tu quoque dic, quæso, ubiquam sis liber, ubi tutus, ubi tuus? Vbi strepitus, ubique tumultus, ubique iugum seruitutis te premit. Similiâque habet secundo de Considerat. Proindeque Moyse res intoleranda visa est, tantæ seruire multitudini. Et Hierem. postquam Deus illum constituit, ut euelleret, &c. *Va, ingemuit, mater mea, quare genuissime?* Et Paulus; *Rogamus autem vos fratres, ut noueritis eos qui laborant inter vos, presidentes vobis.*
1. Tim. 3.
2. Cor. 9.
Num. 11.
Hier. 15.
1. Tess. 5.

QUAPROPTER Bernardus epistola 42. dixit: Meditantibus quidem honores blandiuntur, sed onera pensantibus, tædio sunt, atque formidini. Non autem omnes capient hoc verbum, multi enim non tanta fiducia, & alacritate currerent ad honores, si esse scirent, & onera, grauari profectò metuerent, nec cum tanto labore, & periculo, quarumlibet affectarent infulas dignitatum: hunc vendò quia sola attenditur gloria; & non pœna, purum esse Clericum erubescitur in Ecclesia, seque viles æstimant, & inglorios, qui quocumque eminentiori in loco non fuerint sublimati.

- E**T Gregor. lib. 4. in 1. Reg. c. 10. expendit, Saulem ad regnum Israëliticum questum, abscondum fuisse domi. Abscondunt quippe, ait se ne inueniantur, quia subire dignitatem refugiunt, cuius oneris se esse impares arbitrantur; habet quippe spiritualis prælatio exteriorem gloriam digni
1. Reg. 10.

dignitatis, habet & interioris magnitudinem oneris. Nam rector & honoratur à subditis, & portat eos, à quibus honoratur: cum honoris ergo principio, causa nascitur operis, quia vnde honor à rectore excipitur, inde illud suscipit quo grauetur; grauius ergo onus de honore nascitur. Quæ forte fuit ratio cur nomina filiorum Israel incisa & appensa Rationali in pectore, imò & in humeris in duobus lapidibus à Pontifice portarentur. Quod argumentum eleganter prosequitur Gregor. 17. Moral. c. 12. vbi ostendit hominem in sublimi eleuatum, tantos super se sustinere, quantos suppositos regit.

Hinc est, quòd cum is qui præest, alios debeat sustinere, & portare, maximas vires in eo supponat Scriptura ad sustinendam, & tolerandam sibi commissorum curam, & onus. Vnde Ioseph ad Regis pincernam, proprio muneri restituendum dicit; *Post dies tres restituet te Rex in gradum tuum*, id est, in ablatam pristinam dignitatem; vbi Lippomanus ex Hebr. transtulit; *restituet te super basim tuam*, vt intelligeret dignitatem, nihil aliud esse quàm basim quandam marmoream, quæ superpositum domus superioris pondus sustinet, ac portat. Vnde etiam primores, & principes populi eadem penè allusione, & metaphora, anguli populi dicuntur à Saùle. *Applicate, inquit, 1. Re. 14. vniuersos angulos populi*. Et de Ruben, qui recto originis ordine futurus erat maior in imperio, inter cæteros fratres, talisque dicitur à patre, nisi sicut aqua effunderetur. D. Hieronymus in quæst. Hebr. ibi legit, *maior ad portandum*; vbi Græca lectio, & Romana editio habent, *durum ad ferendum*; qui enim maior est in imperio, maior itidem est ad portandum, maius vtique pondus officij, diutiusque debet esse ad ferendum, & prædictum onus, & innumeros ferè labores, qui prædictum imperium comitari solent.

Gen. 47.

FACIT insuper pro hac re id, quod Scriptura de Ioseph. refert, scilicet, extremos fratrum suorum ad Pharaonem intromississe, vbi per (*extremos*) plerique intelligunt, abiectiones, ac debiliores; quæ nobis modò expositio inseruit. Si quæras, cur id factum sit à Ioseph. Respondet Oleast. Timuit, inquit, ne si Rex strenuos ac nobiliores videret, gerendis Reip. negotiis applicaret, quæ strenuos exigunt viros, robustos requirunt humeros, cum maximà secum ferant onera. Qua in re fratrum amorem testatur Ioseph erga eos, quos ab huiusmodi laboribus subducebat.

LABOREM igitur quærit, qui magisterium appetit, non commodum, & vtilitatem; quod ostendit Theodoretus quæst. 17. in Iosue, vbi quærit; quare Iosue cum cæteris terram distribuerit, sibi nullam portionem assumpsit, sed vrbem nomine Thamnafachar accepit à populo? & respondet: docens eos qui in aliquo magistratu sunt constituti, non suis commodis, sed vtilitati subditorum inservire debere. Qua de re videndus est etiam August. 19. de Ciuit. Dei cap. 14. & Origin. lib. duarum homil. in Cant. hom. 1. vbi ponderat ea verba Cantic. *Posuerunt me custodem in vineis, vineam meam non custodiu.* Quæ verba putat esse animæ gubernantis, & electæ ad regimen aliorum, quæ propter aliorum curam, propriam vineam non custo

custodit, nec peculiare commodum curat.

Caus. 2. E s t optimus locus apud D. Hieronym. cum explicat ea verba Cantic: *qui pascitur inter lilia*, cum tamen Hebr. ita legendum esset, *qui pascit inter lilia*. Ipse tamen existimat legendum esse *qui pascitur inter lilia*, ut sic magis ostenderet diuinus Sponsus vtilitatem nostram ita curæ esse diuino Pastori, ut dum oves inter lilia pascit, ipse simul cum eis pasci videatur. Vnde triumphum & titulum Regis tunc solum visus est accepisse, quando pro suis mortem obibat, ut eis vitam largiretur, quod ostendit Zacharias cum dixit, *Rex tuus venit tibi*, non sibi.

H o c idem profequitur Bern. in Declamationibus super *Ecce nos reliquimus*. vbi aduertit dixisse Christum Dominum Petro, *Pasce oues meas*. Pasce, inquit, nec mulge, nec tonde, additum est, speret ergo discipuli locum, gradum ministri, quæ Dominicum pascere gregem satagit potius, quam tondere. Aug. verò tract. 123. in Ioann. super eadem verba sic ait. Quid est aliud, *Diligis me? Pasce oues meas*; quam si diceretur. Si me diligis, non te pascere cogita, sed oues meas, & sicut meas pasce, non sicut tuas, gloriam meam in eis quære non tuam, dominium meum, non tuum, lucra mea, non tua, ne sis in eorum societate qui pertinent ad tempora periculosa, se ipsos amantes: & addit. Cauendum est eis qui pascunt oues Christi, ne sua quærant, sed quæ Iesu Christi; & in usus cupiditatum suarum conferant, pro quibus sanguis fusus est Christi. Et Bernar. 2. de Considerat. Pascendas vtique oues, non premendas suscepisti. & lib. 3. Tu præsis, ut prouideas, ut consulas, ut procures, ut serues, præsis, ut prosis, ut des illis escam in tempore. & Serm. 77. in Cant. Quem dabis mihi de numero Præpositorum qui non plus inuigilet subditorum marsupiiis euacuandis, quam vitiiis extirpandis? & epist. 2. Quicquid præter necessarium victum ac simplicem vestitum de altari retines, tuum non est, rapina est, sacrilegium est.

Ioan. 10. H o c loco notandus venit ille apud Ioan. Euangelistam, vbi Christus Dominus oues suas commendaturus Petro, prius eum de amore examinat, *Petre amas me?* Commendaturus verò agnos semel, & iterum hoc interrogat. Cur igitur commendaturus oues semel de amore interrogat, bis verò agnos commissurus Petro? dignus sanè qui hoc loco legatur Chrysologus, Serm. 6. vbi ait; Ideo repetit, ut tenuia redditus primordia non cogeret potestate, sed pietate portaret. Etenim cum ex agnis nec lana desumatur, nec lac eliciatur, nihilque vtilitatis pastori proferant, ideo eos accuratiùs commendatos vult esse, quia Ecclesie pastores non commodum curare debent, sed subditorum vtilitati, & imbecillitati consulere, idque proprium commodum ducere.

N O T A V I T hoc Caiet. in 1 lib. Reg. e. 12. in eo quod diuinum Oraculum dato Rege Saule, populo Israëlítico ait; *Si timueritis Dominum, & seruiueritis ei, & audieritis vocem eius, & non exacerbaueritis os Domini, eritis: & vos, & Rex, qui imperat vobis, sequentes Dominum Deum vestrum: si autem non audieritis vocem Domini, sed exacerbaueritis sermones eius, eris manus Domini super vos, & faciet per patres vestros*. Cur ergo primo loco, dum assignatur beneficium diuinæ sequelæ,

sequela, Regis meminit, in suppliciis verò eum omittit, sed solos patres recenset? Quia patrum nomine, inquit Caietanus, Reges appellat, qui quasi patres suorum prosperitatem & utilitatem prospicere debent: idque tum temporis asserit facer Textus, dum datum à Deo Regem asserit: hoc enim peculiare esse debet illius Regis, qui à Deo datus est.

CONDUCIT egregiè pro præsentì argumento id quod idem Caietanus notavit in Pharaone, cui cum Deus multas comminatus fuerit plagas dicens: *in hac vice mihi omnes plagas meas super cor tuum, & iterum extendens manum, percutiam te, & populum tuum peste*; nullam tamen plagam ei in propria persona immisit, nisi quando eum demum submersit in mari rubro: quid ergo dicendum? an puram fuisse comminatoriam sententiam, non assertivam? Pharaon, inquit Caietanus, licet impius Rex fuerit erga Deum, adhuc tamen in corde suos gestabat subditos, unde quas illis plagas Dominus inferebat, omnes in cor Pharaonis immittebat, nec minus dolebat de illatis malis suis ciuibus, quam si in se ipso eadem pateretur.

OSTENDIT etiam, imò, & conficit id quod prosequimur, locus ille apud Lucam, cum asserit Pilatum misisse Christum Scruatorem Regi Herodi, vincitum quidem, alapis cælum, sputum, fœdatum, & iniuriis pro salute nostra affectum. Eleganter sanè Tertull. 4. contra Marcionem referens hoc, ait. Herodi velut munus à Pilato missus est; Osee vocibus fidem reddidit: de Christo enim prophetauerat, & *vincitum eum ducent xenium Regi*; vbi nostra vulgata habet, *delatus est munus Regi vltiori*. Scio quidem locum non intelligi de Christo, sed de idolis, ideòque rectè Pâmelius ibi ait, Tertullianum magis attendere verba, quam sensum. Videtur enim Tertullianus totus in eo esse, ut ostendat dignum profectò fuisse munus quod Regi offerri posset, & quod Rex præ oculis haberet, Regem Messiam pro suis vincitum, afflictum, cælum, & morti iam destinatum; hoc enim videtur propriū esse Regis munus & officium, & si quid pro munere Regi posset offerri, hoc solummodo esset, neque enim alius in terra videri potest tali dono ac munere dignus, nisi Rex, ut eum alium imitari studeat.

EGREDIEBATUR dono Pelopidas, teste Plutar. in eius vita, ad bellum pro patria conficiendum, cumque vxor in prosequendo ad lacrymas effusa, eum ut se seruaret, periculūque subduceret, instanter admoneret: *Id molior*, inquit ille, *privatis semper suggerendum Imperatoribus; ut seruent alios, & pro illorum salute, & columine propriam ubique vitam exponant, nihilque ducant.*

QVÆ fortè fuit ratio cur Deus moribundum Moysen ascendere iussit rit montem Abarim, & contemplari inde terram quam daturus erat filiis Israël, & illa conspecta mortem obire. Omittimus hoc in loco varias expositiones; videtur enim id à Deo factū, quia egregius ille dux, qui ad verbum Domini portauerat suos in sinu suo, quemadmodum mater portare solet, qui que tulerat eos, velut nutritius sedulus paruulos alumnos, ut bene prosequitur Rupertus lib. 3. in Exod. c. 3. imminētis mortis acerbitatem temperare rectè poterat vberriam illius regionis prospectu; verus enim

Pæz. in Epist. B. Jacobi Apost.

G G g pastor

pastor ac Præful suorum vtilitatem etiã vitæ propriæ præfert. Lætus proinde moreretur Moyses, si dum ob oculos mortem videt, viderit inlimul & terram optimam à suis postmodum possidendam.

V I D E N' igitur si Pastoris officio fungitur, qui oves non pascit, sed de eis sumit ipse pastum & emolumentum? Vnde Grogor. hom. 14 in Euang. rectè infert; pastor qui non dat pro ouibus substantiam suam, quando pro his daturus est animam suam? qui verò animam pro ouibus non ponit, mercenarius est, non verus pastor.

V I D E N D U S denique Plato in Phædro, in Apologia Socratis, & Aristot. in suis Politicis cùm docet, ne ex Magistratibus lucra proveniant iis, qui eos gerunt. Quod etiam ostendit Seneca in Medea, actu 5. ubi introducit nunciam referentem Choro, Regnum Creontis periisse, donis acceptis ab iis penes quos gubernatio est.

ADVERSUS autem eos, qui more Sacerdotum Bel, sub nomine Dei comedunt omnia, quæ ad templum afferuntur, insuperque comedunt carnem ouium, & pelles earum deluper excoriant, & ossa earum confringunt, & concidunt sicut in lebe, & quasi carnem in medio ollæ, possumus dicere; *Ue qui edificatis Sion in sanguinibus*, id est, magnas domos ædificatis, magnam servorum cateruam trahitis, & alitis sanguine pauperum. Nam Siracides dixit. *Panis egenium, vita pauperum est. qui defraudat illum homo sanguinis est. Qui auferi in sudore panem, quasi qui occidit proximum suum*; qui quidem obliuiscuntur totum commodum debere esse ouium ac ouilis, id est, Ecclesiæ, non pastorum. Vnde Bernardus ad quosdam Episcopos epist. 229. ait. Ad hoc vos Deus in sublimitate posuit, ut tanto maiori Ecclesiæ suæ vtilitate viuatis, quanto in ea eminentiori autoritate præstis.

PRO qua re facit ea admonitio soceri Moyse ad ipsum, cùm dixit. *Provide de omni plebe viros sapientes, iuvenes Deum, in quibus sit veritas, & qui oderint auaritiā*. Qua de re videndus est Ambros. 2. Offic. cap. 4. Et pro ea facit Alexander apud Plutar. in eius vita, cùm de gubernatoribus lux vtilitati studentibus ita habet: *Odi hortulanum qui ab radice olera abscindit*, quod exposuit Cicero lib. 2. epist. ad Attic. epist. 2. dicens. *Ego odi Principem qui pennis ita incidit, ut nequeant renasci*. quod argumentum prosequitur Philo lib. de Magistratu. & D. Hieronymus ad Furiam, de seruanda virginitate. ubi ait: Detrimētum pecoris pastoris ignominia est.

Q V I ergo suam tantam vtilitatem quærunt, nolint (quia etiam Deus noluit) fieri magistri, aut ad dignitatem allumi. Ideoque Æmilianus Scipio, teste Valer. Maxim. lib. 6. cap. 4. cùm Seruius Sulpitius Galba, & Aurelius Coll. in Senatu contenderent, uter aduersus Viriatum in Hispaniam mitteretur, Senatoribus dissidentibus, & spectantibus quonam Scipionis sententia propenderet: *Neurum*, inquit, *mibi mihi placet, alter nihil habet, alteri nihil satis est*. Ideoque Arist. 3. Polit. c. 8. scribit, secundum rationem opulentos nobilisque sibi arrogare honores. & c. 7. meminit, Carthaginienses non nisi opulentissimis honores, maxime Iudiciarios offerre solitos. Ineptus itaque magisterio & dignitati, qui proprio commodo inseruit. Rarum hoc quidem, nec

nec sic plures fient magistri & suprema loca obtinentes, sed ideo pretiosus & optabilius quod dixit Ber. epist. 248. quæ est ad Eugenium. Si rebus raritas pretiū facit, nihil in Ecclesia pretiosius, nihil optabilius bono utilique Pastore. Proinde sicubi reperiatur, iniiciendæ sunt manus, & totis nifibus satagendum, ne qua vi, ne qua arte malitia, fructuosa promotio valeat præpediri. Illa impedienda, illique obstandum, qua plures in suam utilitatem volunt fieri magistri, contra præsentem Iacobi doctrinam.

§. V.

Non debet magister Ecclesiasticus aliud docere, & aliud facere.

REPRENDIT etiam hoc loco Iacobus eos qui aliud docent, & aliud faciunt, & ita plures sunt magistri, secundum D. Thomæ expositionē, cum tamen vnus magister & facere, & docere debeat, sicut notauit diuus *Exod. 28.* Hieronym. ad Fabiolam, de veste Sacerdotali, in fine. vbi explicans quare in veste Sacerdotali & tintinnabula, & mala Punica appensa fuerint, ita habet. Tanta debet esse scientia, & eruditio Pontificis Dei, vt & gressus eius, & motus, vniuersa vocalia sint, vt quicquid agit, quicquid loquitur, doctrina sit populorum: absque tintinnabulis enim, & diuersis coloribus floribusq; virtutum, nec sanctè ingredi potest, nec nomen Antistitis possidere. Videndusq; est pro hoc eodem argumētō epist. ad Nepotianū de vita Clericorū, & in Comment. super 1. c. Marci. Vnde Chrysol. Ser. 167. loquēs de Ioanne Baptista, ait. Ioannes doctor dicto, factoque magister verus, quod verbo asserit, demonstrat exemplo; magisteriū stat de scientia, sed magisterij authoritas constat ex vita, docenda faciens obedientē perficit auditorē. docere factis sola est norma doctrinæ, doctrina in dictis scientia est, in factis virtus. Scientia ergo illa vera est, quæ fuerit mixta virtuti, illa diuina est, non humana, Euangelio probante, cum dicit, *quæ cepit Iesus facere, & docere, Act. 1.* Præceptor cum docenda facit, & auditu instruit, & format exemplo. FACIT etiam Origen. hom. 13. in Exod. vbi sic ait. Rationale superhumerali contra pectus Pontificis annexum, formam habet sensus rationabilis, humeralis verò ornatus indicium est actuum bonorum. Actus ergo cum ratione, & ratio cum actibus sociatur, vt sit consonantia in vtroque: *Qui enim fecerit, & docuerit, magnus vocabitur in regno celorum.* Sit ergo in nobis sermo de actibus pēdens, vt sermonem actus exornent; iste est ornatus eorum qui in tantum profecerunt, vt præesse populis mereantur. Similiāque habet Orig. hom. 9. in libr. Iudic. tract. 12. in Matt. Cypr. lib. de lapsis, vbi ait: In Euangelio Dominus, in verbis doctor, & consummator in factis, docens quid fieret, & faciens quodcumque docuisset.

ENIM VERO, sicut dicitur apud Daniel. *Qui ad iustitiam eruditi sunt multi, quasi stella in perpetuas æternitates;* ex quarum, scilicet, numero quæ antecedeat eos quos ducebat, & ita illuminabat deducendo antecedens opere & doctrina. quod prosequitur Greg. hom. 21. in Ezechiel. & hom. 12. in GGg 2 Euang.

Euang. & lib. 6. Moral. c. 5. & 16. vbi ait. Ille oene loquendi facundiam accipit, qui sinum cordis, ac perfectè viuendi studia extendit, nec conscientiam loquentem præpedit, cum vita linguam antecedit. & lib. 1. Regitri. epist. 24. ponderat ea verba Exod. vbi dicitur; *Audiatnr sonitus, quando ingreditur, vel egreditur Sancluarium in conspectu Domini, & non moriatur.* Sacerdos namque ingrediens, vel egrediens moritur, si de eo sonitus non audiatnr, quia iram contra se occulti Iudicis exigit, si sine sonitu prædicationis recedit.

APTE autem tintinnabula in vestimentis eius describuntur inserta; vestimenta enim Sacerdotis quid aliud quàm recta opera debemus accipere, **Psal. 131.** Propheta attestante, qui ait, *Sacerdotes tui induantur iustitiam.* Vestimentis itaque illius tintinnabula inhærent, vt vitæ viam cum lingue sonitu ipsa quoque opera Sacerdotis clament. Affertque locum ex Isaia dicente. *Super montem excelsum ascende, tu qui euangelizas Sion;* vt videlicet, qui cœlesti prædicatione vtitur, ima iam terrenorum operum deserens, in rerum culmine stare videatur. Et Chrysost. hoc argumentum profequitur multis in locis, maxime verò hom. 72. ad Pop. vbi expendens ea verba Christi Domini. *Qui fecerit, & docuerit, magnus vocabitur in regno celorum,* ait: Considera quomodo prius actionem posuerit, & mox doctrinam: præcedente enim actione, licet doctrina non consequatur, possunt opera bona voce clariùs docere in nos respicientes: hoc ita semper consideremus, vt prius factis, deinde verbis doceamus. Et Aug. lib. 4. de Doctrin. Christian. c. 27. in initio. Habet autem, inquit, vt obedienter audiatnr, quantacumque dignitate dictionis maius pondus vita docentis quod: ipse eleganter probat super **Psal. 7.** ex iis verbis, *Exurge Domine in precepto quod mandasti, & Synagoga populorum circumdabit te:* Tu prior (inquit Aug.) imple quod præcepisti, & Synagoga populorũ circumdabit te, faciente enim eo, qui præcipit, ad opera illico exeunt omnes qui audiunt.

Cant. 2. FACIT pro præsentis instituto Ber. Ser. 62. in Cant. vbi interpretatur illa verba, *Vox tua dulcis, & facies tua decora;* de iis qui faciunt, & docent. Cum puritate, inquit, mentis, prædicatione veritatis ostenditur, dicens: *Vox tua dulcis, & facies tua decora.* Quid enim internæ decor faciei, nisi puritas? hæc absque prædicationis voce Deo placuit, illa absque ista in nemine; additque; Multi puritate neglecta, antè loqui, quàm videre conati sunt, & aut grauiter errauerunt nescientes de quibus loquerentur, neque de quibus affirmarent, aut turpiter viluerunt, dum qui alios docent, seipsos non docuissent. Videndus idem Ber. Ser. 4. in vigilia Natiuitatis; & Plut. in vita Phocionis, cum enim ferociter insolesceret, & oraret Leosthenes ad populum, dixit ei Phocion, *Oratio tua, adolescens, cupressorum similis est: hæc enim grandes sunt, & excelsa, sed non ferunt fructum.* Videndus idem Plut. in Apophth. cum refert dixisse Philippum cuidam eloquenti Oratori: *Optima quidem de bello Oratio, attamen Orator nunquam vel tubarum clangorem in castris audiuit.*

Ex quibus constat, eum qui non facit quæ docet, nullatenus in Ecclesia posse esse magistrum, imò os taciturnitate signatum debere esse illi qui

qui praua opera habet. In quam sententiam probandam facit Orig. hom. 8. in Leuit. vbi verbat praeceptum illud Leuitici, de leprosis. *Habebis vestimenta diffusa, caput nudum, & veste contextum.* Quid hoc est, ait Orig. quod omnes corporis partes nudas habere praecipitur; & os solum operire iubetur. Nonne palam est quod ei qui in lepra peccati est, clauditur sermo, clauditur ei os, vt fiducia sermonis, & docendi authoritas excludatur. Clausum ergo habeat os peccator, quia qui se ipsum non docuit, docere alium non potest, qui male agendo, loquendi perdidit libertatem. Et Greg. dicta epist. 24. Qui loci, inquit, sui necessitate exigitur summa dicere, hac eadem necessitate compellitur summa monstrare. Illa namque vox libentius auditorum cor penetrat, quam dicentis vita commendat, quia quod loquendo praecipit, ostendendo adiuuat, vt fiat.

NON debent ergo fieri plures magistri, id est, diuisi, vt vnus doceat verbo, alius facto. Nam, sicut notauit Ambro. in Ps. 118. vita bona sine doctrina gratiam habet, doctrina sine vita integritatem non habet. Et Chrysost. hom. 42. in imperfecto. In iudicio quidem si bene vixeris, & bene docueris, omnium Iudex, si autem bene docueris, & male vixeris, tui solius condemnator es: nam bene viuendo, & bene docendo, populū instruis quomodo debeat viuere, bene autē docendo & malē viuendo, Deū instruis quomodo te debeat condēnare. Qui locus refertur in decreto, dist. 40. c. multi. vbi videndum est cap. viliissimus. 1. q. 1. & c. si fuerit, & c. incidet. q. 7. & c. in grauibus.

FACIT etiam id quod notauit Aug. quaest. 8. ex veteri Testamento, cum ponderat, Moysen saepe aliās cum Deo loquutum, solum illustri & splendida facie apparuisse quando Legem accepit: ac si nunquam magis sanctitate indigerit, quam cum praedicator Legis factus est. Videndus etiam Abul. q. 3. in c. 49. Gen. vbi ponderat, cur Iacob regnum Iudae tribuerit, & non Ioseph, dicitque ideo fuisse praelatum, quia in transitu maris rubri stupentibus, & metuentibus ceteris, dux de tribu Iuda primus patefacto tramite ingressus est; vnde recte infert gubernandi potestatem illi esse deferendam. Videndus etiam Boz. lib. 1. de signis Ecclesiae, cum ponderat, cur Petro ceciderint catenae de manibus eius, idque recte factū esse asserit, namque manus, quae nexus peccatorum, & ligamenta iniquitatum debebant soluere, catenis minimē debebant esse obnoxiae.

VIDENDVS etiam est Cyrillus Alex. super Isaiam, cum explicat ea verba: *Posui os meum quasi gladium acutum, & posui me sicut sagittam electam.* Per gladium, inquit Cyril. qui est in ore, verba doctrinae, per sagittam electā, exempla vitae intelligere videtur; quae duo in perfecto magistro coniuncta debent reperiri. Si autem conferamus vtrumque inter se, inueniemus sagittam, id est, exemplum magis penetrare, & ad longius spatium pertinere, quam gladium. Quod prosequitur Cypr. lib. de duplici martyrio. Efficacius, inquit, est vita, quam lingua testimonium, habent & opera suam linguam, habent suam facundiam tacente lingua. Et Amb. epist. 6. lib. 1. Plus tibi & viua vox, & conuictus quam oratio proderit; primum, quia homines amplius oculis, quam auribus credunt, deinde, quia longum iter est per

GGg 3 prae



præcepta, breue & efficax per exempla. Videndus idem Amb. lib. 7. in Luc. Tertull. lib. de Patientia c. 1. Nazian. Orat. in plagam grandinis. Basil. lib. regul. fus. disput. interrogat. 47. Philo lib. *Quod dei. pot. infid.*

DEBET ergo verus & integer magister, iuxta id quod dixit Paulus ad
 1. *epist.* 4. Timot. *exemplum* esse *fideliū*, seu, vt Græcus textus habet, *τυπὺς*, seu, *exemplar*
 C. 4. *in verbo, in conuersatione*, &c. Vnde & ad Titum dicebat: *In omnibus te ipsum præ-*
be exemplum bonorum operum in integritate, in grauitate, &c. Idemque docuit Pe-
 Ep. 1. c. 5. trus cum ait: *Forma facti gregis ex animo*. Græcè verò habetur *forma*, vel, *typi* &
exemplaria; vbi iam multiplex, seu plures, ostenditur magister & forma
 3. Reg. 3. docendi, & forma bene viuendi, non verò plures, quos reprehendit Iaco-
 bus, qui aliud docent, & aliud faciunt. Quos quidem similes eleganter di-
 xit Greg. illi *fœminæ* quæ filium quem vigilans lactabat, dormiens op-
 pressit. Sic enim habet 2. 1. Moral. c. 8. Neque nobis est mente transeundum
 quod apud Salomonem *operum* mulier filium, quem vigilans lactare consueuerat,
 dormiens interemit, quia nimirum magistri vigilantes quidem scientiæ,
 sed vita dormientes, auditores suos, quos per vigilias prædicationis nu-
 triunt, dum quod dicunt facere negligunt, per somnium torporis occidunt,
 & negligendo opprimunt quos alere verborum lacte videbantur. Vnde
 plerumque dum ipsi reprehensibiliter viuunt, & habere discipulos vitæ
 laudabilis nequeunt, alienos sibi attrahere conantur. Nam, vt rectè dixit
 Ouid. 6. Fastorum.

Sic agitur censura, & sic exempla parantur.

Cum iudex alios quod monet ipse facit.

Et Martialis lib. 1. Epigram. 4.

Cur maculas alios, maculosior omnibus Albi,

Et carpi dignus carpere non metuis?

FACIAT proinde, & doceat qui vult esse magister, ne discipulis omnino
 inutilis ad salutem, derisui potius, & contemptui sit, & inde damnationem
 accipiat, vnde salutem posset consequi. Videndus hac de re Stobæus Ser. 3.
 & Diogenes lib. 6. de Vitiis Philosophorum.

§. V.

*Cauenda prælationis ambitio, cum Prælati rationem debeant
 reddere de peccatis, & defectibus subditorum.*

NOTANDA etiam venit ea ratio, quæ quam Iacobus dicit, ne velint plu-
 res fieri magistri: ea verò est, quod sibi durissimum acquirant iudiciū,
 grauissimum periculum, & acerbissimum supplicium, dum de se, & de sibi
 commissis quibus rationem redditori sunt supremo Iudici. Idcoque Grego.
 24. Moral. c. vlt. Penset qui ad satisfaciendum districto Iudici de sua tantum
 anima vix sufficit, quia quot regendis subditis præest, reddendæ apud
 rationis tempore, vt ita dicam, tot solus animas habet: quæ nimirum cogi-
 tatio si assidue mentem excoquit, omnem superbix tumorem premit.

MIROR equidem formam illam loquendi Pauli, cum ait discipulis: *Epi-*
 sto

stola nostra estis vos, quæ illud indicare videtur, defectus scilicet, vitia, & errores discipulorum, ac subditorum imputandos domino, ac magistro eorundem, sicut defectus qui in epistola reperiuntur, solent attribui illi qui eandem scripsit. Et ita serui dominorum, subditi Prælatorum, filij parentum, ac discipuli præceptorum sunt epistolæ, quicquid in illis vitij & erroris conspicitur, istis vitio merito vertitur: proinde illorum manus vel apprehendant ne abeant, vel characterum emendationem corrigant ne reprehensibiles iudicentur.

Hic est quod Abraham alligauerit Isaac dum eum ad præceptum Domini volebat immolare, cuius rei rationem dedit August. de Serm. 73. de Tempore. Ne minus aliquid, ait Aug. putaret exhibere, si impatientia doloris victima calcitraret. Verebatur enim sibi imputari, si vel adactus ultimo dolore, filius incompósitos cerneretur. Genes. 22.

Hic etiam est quod licet Eva prior peccauerit, ideoque secundum aliquos dicatur seducta, prior tamen interrogatur Adam, quia caput mulieris vir. Hinc etiam est quod peccante populo Aaroni dixerit Moyses: *Quid sibi fecit populus hic, ut induceres super eum peccatum maximum?* Quæ de re videndus August. q. 146. vbi ait, ideo hoc peccatum totius populi fuisse imputatum Aaroni, quod illi consenserit, cum potius reprimere deberet: etenim, sicut dixit D. Leo epist. 3. decretali, inferiorum ordinum culpa ad nullos magis referenda sunt, quam ad desides, negligentesque Rectores, qui multam sibi, nutriunt pestilentiam, dum necessaria dissimulant adhibere medicinam. Exod. 32.

Hic etiam est quod in sacra Scriptura nomine *vestium* significantur ij qui sub potestate alicuius sunt. Vnde nomine *vestis* poderis fideles significantur. Ideo Ahias Silonites pallij noui scissione, regni diuisionem significauit. Et Isaias dixit. *His omnibus velus vestimento vestieris, & circumdabis eos quasi sponsa.* Quis ergo non curet vestem compositam, ac mundam habere, cui non vitio vertendum si squalidam, sordidam, & incompositam vestem ferat? Sic itidem culpandus superior in inferiorum defectibus, magister in discipulis ignavis, pater in filiis incompósitos. quod argumentum prosequitur Greg. lib. 2. in lib. 1. Reg. 2. vbi ait. Magnus nobis timor incutitur, quia Heli filiorum culpa damnatur, cuius peccata propria nulla referuntur. Nam bonis subditis ad salutem bene viuere sufficit; Prælati verò propriæ vitæ non sufficit. Quidam bene viuendo præminent, qui auctoritatem, quam Prælatio exigit, nullam habent: nam etsi ad agenda bona excitare subditos satagunt, tamen contraire delinquentibus per zelum rectitudinis erubescunt: qui nimirum etsi, ad redarguendos eos, aliquando exeunt, nocent potius loquendo quam prosunt: quia eorum obstinationem non digna severitate confundunt. Apoc. 1. Reg. 12. Isai. 49.

OSTENDITQUE magis id quod dicimus, si aduertamus Heli è cathedra cadentem obiisse, quod scilicet ex eadem filios non bene edocuerit. quæ de re videndus Chrysost. lib. 3. contra vituper. vit. Monast. & Amb. in Apolog. David c. 6. & D. Hierony. in c. 6. epistolæ ad Ephes. vbi ponderat ea verba Pauli, cum præcipit ut eligatur *Episcopus unus uxoris vir, filios habens subditos,*

subditos, & reddens statim rationem huius electionis, ait: *Oportet enim Episcopum sine crimine esse.* Quasi, inquit Hierony. vitia filiorum parentibus imputentur, coniunctionem causalem interferens, ait; *Oportet ergo Episcopum sine crimine esse.* Non est ergo sine crimine Episcopus, cuius filius non fuerit subditus, & in accusatione luxuriæ.

FACIT in hanc sententiam id quod notant Ambros. lib. de Noë & Arca. c. 30. quodd quando Cham parentem ebrium ac nudatum irrisit, nondum habebat filium, & tamen iam tunc nominatur pater Chanaan. Non poterat, inquit Amb. fieri, ut bohum generaret filium, qui, & naturæ, & eruditionis degener extitisset.

1. Reg. 6. **FACIT** etiam quodd Michol cum Dauidem ante Arcam saltatē increpuit, & irrisit, non nominatur Davidis vxor, sed potius filia Saülis, ut per hoc significaretur superbiam illam à patre suo traxisse; sicut ibi optimè additit Rabanus.

CERTVM igitur cum sit, subditorum, discipulorum, ac filiorum defectus dominis, magistris, ac parentibus imputandos, meritò Dauid dicebat, *Ab alienis parce seruo tuo;* vbi Euthymius ait: Nouerat Reges & Dominos obnoxios esse subditorum, & seruorum peccatis.

QVOD etiam ostendit Diogenes, teste Plut. lib. de docenda virtute; qui videns puerum licentiùs comedentem, & inhonestè cubantem, pædago infixit alapam, quasi ab eo sumens pœnam de discipuli vitio. Qui ergo pro nostris excessibus vix rationē reddere possumus, & pro nostris criminibus pœnas luere, volumus iuxta Apostoli doctrinam, magistris fieri, scientes quodd maius iudicium sumimus.

ILLVD etiam nos ab hoc onere suscipiendo deterrere debet, quodd maiorum vitia omnibus in prospectu sunt, proindeque obnoxia & murmuratiōi, & offensionī. Quod prosequitur Chrysost. lib. 3. de Sacerdotio, vbi ait: Non possunt superiorum vitia dissimulari, sed vel parua & exigua statim manifesta fiunt, quemadmodum in lucidis corporibus, & splendidis facile aduertimus & notamus quodlibet vitium, etiam leue, ut patet in lapidibus preciosis; ita & in iis quos Deus posuit in edito loco imitandos à cæteris. Quod idem prosequitur hom. 1. in epist. ad Tit. & Aug. epist. 137. & 148. Nazi. Orat. in laudem Basilij, vbi rem eleganti similitudine sic explicat: Qui vel vitæ probitate solùm, vel solùm doctrina præstant, atque ab altera deferuntur, hi mihi nihil à luscis differre videntur, qui in magna claritate, in maiori sunt deformitate, siue alios inspiciant, siue ab aliis inspiciantur. Similia habet Orat. in mulieres ambitiosè se ornantes. Et Bern. 2. de considerat. ait. Credo erubescens in summo positum apice videri hominem nudum, festinauit induere insignibus suis, absque his nempe eo deformior, quo illustrior. Nunquid potest abscondi ciuitatis supra montem positæ desolatio, aut latere fumus extinctæ lucernæ super candelabrum, simia in tecto, Rex fatuus in folio sedens? Et Plut. lib. de doctrina Principum ait: *Sunt Principes tam sacri, quam profani instar lucenrium gemmarum; atque adeo si quis in illis neuus apparet, depraetioni patet, & calumnia.* Et Seneca lib. 1. de

Clemen

Clementia c. 6. *Hæc magnitudinis seruitus est, non posse fieri minorem, neque nos motus pauci sentium, &c.* Hæc est ratio cur Damas. lib. 3. Paralel. c. 57. ex præsentī Iacobi doctrina colligit mediocrem statum longè tranquilliorē & securiorē esse qualibet maiori sorte. Quod etiam prosequitur Ber. epist. 237.

PRIVATO etenim homini facilè misericordia impertitur, cum nec sic officiat, cum deficit, nec in ruinam aliorum cadat: at verò fortioribus fortior instat cruciatio. Quod significatum est in illis Principibus, qui contra Solē ex iussu Domini suspensi sunt, quando idololatriam exercuit populus cum filiabus Moab. (Licet enim ibi Oleaster velit iussisse Deum ut sumeret sibi Moyses ad consilium Principes, ut eorum consilio culpabiles suspenderetur. Quam sententiam deducit, & probat ex versione Pagnini, qui ibi vertit. *Accipe Principes populi, scilicet, tecum, & suspendere fac eos*, qui scilicet malum perpetrarunt; probatque idem ex contextu sequenti, quando Moyses vocavit Iudices, ut unusquisque occideret proximum suum. Quod etiam sequitur Abul. & Rabbi Salomon.) Id tamen nullatenus probandum, est ut patet ex Glossa, Lyra, & fere omnibus. Quod etiam probat August. quæst. 52. super Num. tom. 4. ex Septuaginta, & Aquila, qui vertunt. *Confige*, vel potius, *sursum confige*, & Symmach. *suspende*; optimèque perpendit, verbū Græcum significare *exemplum*, ut sit sensus. Ostenta eos Domino contra Solem. i. palam, in conspectu lucis huius, ad edendum exemplum: propterea que Orig. hom. 20. in Num. ait. Populus peccat, & Principes ostentantur contra Solem, ut arguantur à luce. Vides quæ sit conditio Principum populi, non solum pro suis propriis arguantur delictis, sed & pro populi peccatis conglutinati reddere rationem, ne ipsorum sit culpa, quod populus deliquit, ne fortè non docuerint, ne fortè non monuerint, neque solliciti fuerint arguere eos: hæc enim omnia facere Principibus imminet & Doctoribus. Hæc si cogitarent homines, nunquam cuperent, neque ambirent populi Principatum; sufficit enim mihi pro meis propriis argui delictis, quid mihi necesse est etiam pro populi peccatis ostentari, & ostentari contra Solem, ante quæ nihil potest abscondi, nihil obscurari? Sic Orig. quem imitatus est D. Thom. lect. 3. in c. 13. epist. ad Hebr. ubi ait: Graue periculum est hominem de factis alterius rationem reddere, qui de suis non sufficit, & acerbum ac magnum iudicium sibi vindicare, dum vult fieri magister.

§. V.

Debent omnes magistri Ecclesiastici unam & eandem doctrinam proponere.

DOCE T etiam hic locus, ne in multas ac varias sententias Ecclesiæ magistri abeant ex invidia & contentione. Est enim vna columba, & perfecta Sponsa Christi, ubi (*perfecta*) explicat quid sit vna, quia in monachæ seu unitate tota numeri perfectio clauditur: sicut dixit Dionysius

Patr. in Epist. B. Iacobi Apost.

HHh

Arco.

Areopag. proindeque nequit diuidi & dissipari: neque enim vnica foret, nisi sic vnita foret: vnde per vnā Sponsam intelligunt omnes ferme Patres Ecclesiam Catholicam, in qua vna fides, vnāque doctrina debet recipi. In quam sententiam facit ille locus Pauli, cum ait. *Ascendi Hierosolymam secundum reuelationem, & contuli cum illis Euangelium quod prædico in Gentibus.* Vbi Diuus Thomas ait. Contuli, ad inlinuandam vnitatem doctrinæ meæ cum doctrina Apostolorum. Quam etiam commendauit Corinthiis cum dixit. *Idipsum dicatis omnes.* Et Christus Dominus orauit Patrem, vt fideles vnum essent, sicut ipse cum Patre, imitatione scilicet, charitate, & assensu, non æqualitate & vnitatem substantiæ, sicut exponit Aug. tract. 14. & 39. in Ioan. Namque hæretici inde inferebant, non aliam in Patre & Filio vnitatem quam voluntatum, vt refert Hilarius 8. de Trinit. & Ambr. 4. de fide c. 3. Et sicut in Trinitate Spiritus sanctus vocatur nexus & vinculum, quo aliarum duarum personarum vniuntur: Ita Spiritus sanctus author erit concordie & vnitatis fidelium in Ecclesia, quantumcumque Hæretici eam discindere, ac dissecare conentur. Proinde Paulus hanc scissionem prohibuit, dum alij dicebant: Ego sum Pauli, alij, ego Cephæ, alij, ego Apollo, alij, ego sum Christi. *Obsecro ergo vos, fratres, per nomen Domini nostri Iesu Christi, vt idipsum dicatis omnes, & non sint in vobis schismata.* Quod significauit Christus Dominus, quando noluit vestem scindi inter milites, quo tempore, velum templi scindebatur, sicut notauit Athanas. de Passione.

Id ergo secundum mentem Augustini prohibet hoc loco Iacobus, ne, scilicet, magistri Ecclesiastici diuersi, & aduersi inter se sentiant, quod proprium est Hæreticorum, de quibus possumus dicere cum Irenæo lib. 1. c. 8. quod ipse de Gnosticis dixit: Cum sint duo vel tres, de eisdem non eadem dicunt, sed & nominibus, & rebus contraria respondent. Et Tertull. lib. de Præscrip. Mentior, si non etiam à regulis suis variant inter se, dum vnusquisque modulatur pro arbitrio suo. Sicut hodie fieri videmus apud Hæreticos. Hanc ergo pluralitatem Sectarum, ac magistrorum prohibet præsens locus. Vnde Aug. ad citata verba Pauli ait: Cum omnes idipsum dicunt, & verum dicunt, ab vnus veri magistri magisterio non recedunt.

Verf. 2. *In multis offendimus omnes.*

EXPOSITIO LITERALIS.

DIXERAT eos, qui magisterium ambirent, magnum sibi iudicium sumere, & acerbiorē in se diuinam iram vocare, id modò confirmat, adducitque simul secundam rationem, qua eos à tali appetitu reuocet. Enimuerò si in multis offendimus omnes, quis non timeat supremum locum, vbi quicumque lapsus periculosior est, maioreque poenæ luet, cum & sit occulip errandi, & manifestior intuentibus? cumque in multis, cuiuscumque sint ordinis, omnes offendat, quis nō caueat appetere

locum, vnde omnis casus cauendus docetur? maximè si imperfectus & indoctus sit, & cum cuilibet singulari, & priuato homini suppetant occasiones cadendi, multo plures, & faciliores occurrunt in supremo loco, qui & casui est proximior, & vnde casus periculosior.

RET VNDIT itaque hic locus, sicut notauit Caiet. superbiam eorum qui putant se posse sine offensione, & querela præceptoris munere fungi. Quis verò, ait Aug. Ser. 122. de diuersis cap. 1. non contremiscat, cum Apostolus dicit, *omnes*? Expendit autem idem August. epist. 29. tom. 2. ad Hieron. non dixisse Iacobum, *offenditis*, sed *offendimus*, quod prius ponderauerat idem Hieron. 2. aduersus Iouinian.

§. I.

Nemo sine crimine uiuit.

DOCEt inprimis hic locus, omnem hominem quantumuis iustificatum venialiter peccare, nisi specialissimo Dei auxilio teneatur, quod etiam docet Ioannes. *Si dixerimus, quoniam peccatum non habemus, ipsi nos seducimus, & veritas in nobis non est.* Et Prou. 24. *Septies in die cadit iustus.* Ecclesiastic. 7. *Non est homo qui non peccet:* idèque dicitur. *Non iustificabitur in conspectu tuo omnis uiuens.* Et Psalm. 31. *Pro hac* (sc. remissione peccatorum) *orabit ad te omnis Sanctus.* quod docuit Christus Dominus in sua Oratione, ibi, *Dimitte nobis debita nostra.* Ex quibus, & aliis locis hanc veritatem docuit Concilium Mileuit. Can. 6. 7. & 8. vbi declarat, Sanctos non ex humilitate, sed ex veritate confiteri, se esse peccatores & peccare. Nec audiendi sunt ij qui dubitant, an illi Canones sint legitimi illius Concilij, quia Innocentius I. epist. 25. ad illud Concilium, ipsum confirmans, non meminit eorum, nec illius doctrinæ, sed duorum dogmatum, contrahi sc. peccatum originale ex Adamo, & sine adiutorio gratiæ non posse vitari peccata. Et in epistola 1. Cælestini ad Episcopos Galliæ cum referantur Canones istius Concilij vsque ad quintum, hi etiam non assignantur. Namque nunquam tale dubium auditum est cum communi consensu huiusmodi articuli sint recepti, & habeantur in Concilio Africano c. 81. 82. & 83. & eorum materia semper ab Augustino ponatur inter definitas de fide contra Pelagium, vt videre est in epist. 95. & tanquam principium contra Pelagium ponat lib. de bono Perseuerantiæ c. 2. In quantacumque iustitia sine quibuscumque peccatis in hoc corruptibili corpore neminem viuere.

MAIOR dubitatio esse posset, an prædicti Canones infallibilem auctoritatem habeant, an tantum Concilij prouincialis, quia non inuenitur confirmatio illius Concilij? Attamen traditio & consensus Ecclesiæ videtur in hoc gradu recepisse illa decreta; facit etiam, quia Concilium Africanum, vbi Legati summi Pontificis interfuerunt, ea confirmauit. Satisque est nobis Concilium Trident. vbi hoc expressè definitur sess. 6. c. 14 & Can. 23. Idem etiam docuerunt omnes Sancti Patres. August. latissimè lib. de

HHh 2 natura

natura & gratia vbique, præsertim c. 36. & à 60. vsque ad 69. & lib. 2. de peccatorum meritis, & remissione c. 6. & 7. & 13. vbi refert hunc locum Jacobi. & c. 36. & sequentibus, & lib. de perfectione Iustitiæ. & epistola 29. ad Hirony. & epist. 106. & lib. de bono Perseuerantiæ c. 8. vbi adducit Ambrosium lib. de fuga seculi c. 1. & lib. de Ecclesiastic. dogmatib. c. 35. & 36. Item lib. de Gratia Christi c. 40. vbi adducit Cyprianum, qui videri potest de opere & elemosyna, in principio, vbi dicit: Sine vulnere conscientie esse non possumus. Quod & latè prosequitur lib. de orat. Dominica, ibi, *Dimite nobis*, & lib. 2. ad Quirinum c. 54. Hierony. epist. ad Ctesiphontem, vbi ait: Pudeat eos qui aiunt, posse hominem esse absque peccato. Idem habet lib. 1. & 2. contra Iouinian. & in Comment. in Matt. c. 5. & in Epist. ad Saluinam, vbi ex Horatio ait;

——— *Optimus ille est,*

Qui minimis urgetur. ———

Et sæpe Dialogis contra Pelag. Græg. 18. Moral. c. 4. & lib. 1. in lib. Reg. cap. 13. & hom. 17. in Euang. Fulgent. de fide ad Petrum, & lib. 1. ad Monimum; vbi ait. Nunc diuinorum munerum non est perfectâ perfectio: quod Paulus apertè asserit. *Quoiquos autem perfecti sumus, hoc censeamus, non quod iam perfecti sum.* Ex quibus verbis colligit Fulg. vniuersam perfectionem huius vitæ imperfectam esse; fuit enim Paulus perfectus, quia implebat Legem Dei, imperfectus, quia secundum carnem concupiscebatur contra Legem Dei; quam imperfectionem omnes quantumcumque perfecti, experientur. Sic enim Aug. explicat eundem locum Pauli lib. de gratia, & libero arbit. c. 1. & 2. & Psal. 98. Idem docuit Ber. epist. 147. & lib. de præcepto, & dispensatione, & in vita Malachiz, vbi de lucernis in candelabris positis ait. Quem mihi ostendas, vel de illorum numero qui videntur dati in lucem Gentium, non magis de sublimi fumantem, quàm flammantem? Nazianz. Orat. 15. circa finem. Optimè Chrysost. hom. 20. in Matth. vbi numerat leuia peccata quæ à perfectis viris vitari non possunt. Et ad hunc sensum exponit Theodoret. illud Malachiz de Christo Dom. *Ipsè quasi ignis conflans, & quasi herba fullonum, sedebis conflans, & emundans argentum.* Hoc ergo intelligit Theodoret. de purificatione Sanctorum, in quibus, sicut & in purissimo auro, reperiuntur fæces mundandæ.

RATIO huius rei desumenda est ex fragilitate hominis lapsi ad operandū bonū, quæ corruptio naturæ nunquā perfectè sanatur per habituales gratiās, cum semper maneat pugna inter carnē, & spiritum: vt autem caro non extraueniat, vel ignorantia, aut inconsideratio, aut alia passio, necessaria est extraordinaria Dei motio, ac prouidentia, quæ habituali gratiæ non debetur, vnde non obstante gratia habituali manet in homine illa fragilitas prædicta, à qua proueniunt venialia peccata, quæ tamen amicitia cū Deo non dissolunt. Qui enim amicū, vel incautè, vel in re leuissima lædit, non censetur causam dedisse dissoluendæ amicitie, cum sic peccans nihil diuino amorī anteponat, vel adæquet. Nā, sicut notauit Aug. lib. de spiritu & littera c. ult. & lib. de perfectione Iustitiæ ad medium. Bernar. Ser. 50. in Cant.

Ioan.

Ioan. Col. col. 2. c. 2. 3. D. Th. in Opusculo de Perfectione amoris; duplex est dilectio Dei. Altera, qua nihil ei anteponimus, nec adæquamus. Altera, qua perpetuò Deus cogitatur & amatur, & nihil aliud nisi cū eo, vel propter eum amatur: hac posteriori dilectione amatur Deus à beatis in patria, in qua dilectione nec levis quidem offensa potest esse, solique beatissima Virgini Matri ex priuilegio concessa est. P̃tiori verò amare solent etiam perfectissimi homines Deum, cū qua tamen dilectione possunt esse venialia, & leuia peccata, ratione quorum nec iustitia amittitur, nec qui sic delinquit, iusti nomenclaturā amittit. Si enim ij qui in maiora, & mortalia cadunt, propter resurgendi solitudinē, potius iusti & sancti nomen retinēt ac merentur, quā propter frequentes lapsus nomē paccatoris, vt Hieronym. ad Rulticum subtiliter docet, referturque in c. *Septies. de Pœnitentia. dist. 3.* maiori cum ratione is, qui nec amicitiam cum Deo dissoluit, nec iustitiam amisit, licet in multis offendat, & multoties cadat, iustus dicitur.

NOTANDVM etiam est, hoc loco verbum illud, *offendimus*, de præsentī, dicere actualia peccata venialia. Vnde non est cur sententiam Iacobi & Ioannis, Luterus, & alij Hæretici ad concupiscentiam coarctent. Ideoque Hieron. 2. contra Pelag. confutat Pelagianorum effugium, dum dicunt peccatum, & offensam hoc loco, & similibus, dici illud, quod ex natura, & conditione nostra habemus, nec indiget remissione; quod etiam refellit Ioannes Maxentius lib. fidei cap. 30. autoritate 10.

NOTANDVM secundò, hinc conuinci errorē Iouiniani, quem postea sequutus est Pelagius, asserētis filios Dei in hac vita ad eā perfectionem posse peruenire, cū quæ nec leuiter peccēt. Insuper etiā cōiunguntur, dū non distinguunt inter peccatum mortale, & veniale, imò dicunt omnia esse æqualia, sicut breuiter notauit August. lib. de hæresib. c. 82. latiusque tractat D. Hier. lib. 2. contra Iouinian.

NEQVE contra prædictam resolutionem obstat locus ille Lucæ, cūm de parentibus Baptistæ ait; *Incedentes in omnibus mandatis, & iustificationibus sine querela*; quo loco sicut refert Aug. epist. 95. iabutebantur Hæretici, quatenus contendebant hominem posse carere omni peccato.

NAN in primis possumus dicere cum Augustino ibidem, nomine *querela* nō venire quodcumque peccatū, sed graue, quod aliās dicimus mortale, sine quo certum est iustos viuere posse; sicut Paulus dixit, *oportere Episcopum esse sine crimine*, id est, graui peccato. Quia verò non explicat quæ sit ista querela, & omne peccatum etiam leue reprehensibile est. Secundò, videtur dicendum incesisse sine querela, quia nemo hominum apud quos versati sunt, quicquam habuit, quod iure in eis reprehendere possēt. De iustitia enim coram Deo, iam dixerat, eos fuisse iustos ante Deum. Hoc ergo verbo vsus est Paulus in eodem sensu, vt *sitis sine querela, & simplices filij Dei, sine reprehensione in medio nationis prauæ & peruersæ*. Et iterum. *Secundum iustitiam qua ex lege est, conuersari sine querela*, nempe hominum. Idem enim est sine querela, ac sine reprehensione; nam Græcè idem significat, ac si dictum esset, erant incedentes in mandatis, & iustificationibus irreprehensi, scilicet,

Luc. 1.

1. Tim. 3.

Philip. 2.

Philip. 3.

HH h 3 cet,

cet, ut eorum vita nequeat reprehendi ab ullo hominum. Et iterum. *Verbum suum, irreprehensibile, ut is qui ex aduerso stat, vereatur nihil habens malum dicere de nobis*, ubi Paulus non imperat, ut opus nullū peccatum habeat, nec etiam leue, sed ab iis absteineat, quæ iure ab hominibus reprehendi solent, qualia sunt grauiora, sine quibus iusti viuunt.

TERTIO, cauēda est hoc loco interpretatio de humilitate Iacobi, quasi ita loquutus fuerit per humilitatem. Est enim accipiendus locus secundum rei veritatem, ut definitum est in Concilio Mileuitano, Can. 6. quod Hesselius Carthaginense nominauit, idque non respectu aliorum peccatorū, sed in propria quoque persona. Ideoque optimè hoc loco Beda ait: Non dixit, *offenditis*, sed, *offendimus*, cum summus Christi loqueretur Apostolus, & præmiit, *in multis*, subiunxit, *omnes*, ut tanto cautiùs se imperfecti quique in agendo, vel loquendo circumspecterent, quanto certius cognoscerent, quia nec perfecti quidem, & qui Spiritus sancti gratia duce incedunt, huius vitæ viam absque offensione peccati alicuius transire vllatenus possint, iuxta

1ob. 15. quod alibi scriptum est: *Celi non sunt mundi in conspectu eius.*

§. II.

Iusti cum cadunt, statim surgunt.

CÆTERVM notanda est conditio iustorum, qui in multis offendunt, quod licet offendant, præcipites omnino non aguntur, & licet cadant, continuò resurgunt: sicut notauit Hieronym. ad Rustic. Et Chrysost. homil. de Iona Propheta, tom. 1. Petrus tertio denegauit, & cum iuramento ad vilissimæ puellæ verba formidauit, sed ipsa nocte, qua cecidit, ipsa quoque surrexit, ipsa nocte, qua meruit plagam, meruit & medelam, ipsa, qua vulnus sensit, sensit & remedium sanitatis. Idque ex eo, quia in die cadunt, & à gratia Dei non excidunt. Quod notauit Bernard. Serm. 17. in Cant. dicēs;

Prou. 14. *Septies cadi iustus, & septies resurgit*, si tamen cadat in die, ut se cadere videat, & cecidisse sciat, & resurgere cupiat, & requirat manum adiuuantis; proindeque statim resurgit, & plerumque perfectior resurgit. Et in hanc sententiam interpretatur Aug. lib. de correctione, & grat. cap. 9. illud Pauli, *Diligentibus vobis* omnia cooperantur in bonum, ut intelligatur etiam de peccatis, quia ex eis occasionem sumunt maioris cautelæ, & humiliores, feruentiores, & doctiores resurgunt. Sic etiam explicat Bern. Serm. de nimia fallacia præsentis vitæ, ubi inter alia ait. An verò ei peccata ipsa nō cooperantur in bonū, qui ex eis humilior, feruentior, sollicitior, timorator, & cautior inuenitur?

Rom. 8. Vnde Origen. homil. 1. in Cant. (de quibus homiliis D. Hieron. qui eas ex Græco transtulit, in Præfatione ad Damasum ait. In cæteris libris omnes vicit, in Canticis ipse se vicit) interpretatur illud Cant. *Nigra sum, sed formosa*, de nigredine Sponsæ, propter defectus, & de pulchritudine, propter resurrectionem ab iisdem. Deinde ait: Si tu non egeris penitentiam, caue ne anima tua nigra dicatur, & turpis, & duplici fæditate turperis, nigra propter peccata præterita, turpis propter hoc, quia in iisdem vitiis

Cant. 1. per

perseueras. Quod dixit Paulus: *Non ergetur nec peccatum in vestro mortali corpore* Rom. 6. *reg* vbi loco peccati, nouo quodam, & inusitato, sed eleganti vocabulo vtitur Tertull. lib. de Resurrect. carnis; scilicet, *delinquenitia*. Non dicit ergo Paulus, non sit, quia (sicut notauit Gregor. 14. Moral. c. 9.) nemo absque peccato esse potest, sed cauendum est, ne regnet, sed emque gat, & diu dominetur. Nam iniquitas, nisi poenitentia motibus proliciatur, indissolubiliter nobis adheret. Quod prosequitur Hieremias cum causam captiuitatis populi referens, ait. *Migraui Iuda propter afflictionem, & multitudinem seruitutis*: quod licet ad alias seruitutes secundum literalem sensum referatur, mystice hunc habet sensum: Ductus est in captiuitatem populus Israel propter multitudinem seruitutis peccati, quia venditus propria voluntate vni peccato, statim alteri, multisque superuenientibus addicebatur, ideoque miserè in seruitutem redactus est, qui voluntate propria tot multiplicauerat seruitutes. Thren. i.

PROSEQUITUR hoc argumentum Philo lib. de Profugis; vbi notauit, Caini impudentis fratricidæ mortem nullatenus scriptam reperiri, imò appositum signum, ne quis eum inuentum interimeret. Cur ita? ait Philo. Opinor, quia impietas malum est infinitum, quod semel accensum nunquam extingui potest. In quam sententiam competit illud Poeticum.

Immortale malum nulla debile morte.

Apud Deum tamen exanime mortuumque. Videndus pro hac re D. Greg. 2. Moral. c. 16. & totidem verbis D. August. tractat. 60. super Ioann. vbi ait. Non est dubium sic hominis animum esse, quemadmodum & corporis membrum desperatius ægrotare, quando doloris amiserit sensum.

§. III.

Non contemnenda, sed potius cauenda venialia peccata.

CVM ergo hæc ita sint, meritò ea multa, in quibus offendimus, debemus cauere, ne tandem ad maiora deueniamus, non quasi multa venialia simul sumpta possint efficere aliquod magnum peccatum mortale; quod velle videtur Augustinus. Sic enim habet tractat. 1. super 1. Canonic. Ioann. Leuia noli contemnere, si contemnis, quando appendis, expauesce, quando numeras; leuia multa faciunt vnum grande, multæ namque guttæ implent flumen. Quod etiam velle videtur lib. 2. de peccatorum meritis, & remiss. cap. 3. & Concione 3. super Psalm. 118. & tractat. 12. in Ioan. Minuta peccata si negligantur, occidunt, minutæ sunt guttæ quæ flumina implent. Sed mentem Augustini interpretatur diuus Thomas 1. 2. q. 88. art. 3. Multa, scilicet, venialia, si contemnantur, paulatim disponere hominem ad lapsum mortalis peccati. Quod etiam aduertit Gregor. lib. 10. Moral. cap. 14. Si curare parua contemnimus, insensibiliter maiora contemnimus. Similia habet eodem lib. cap. 9. De leuibus vitiis non contemnendis, imò vitandis plura habet diuus Basilius lib. de

de Instit. Monach. cap. 18. & apud Chrysostom. tom. 5. serm. de leuium peccatorum periculis, qui pro hac re videndus est. Videndus item homil. 87. in Matth. & hom. 12. in epist. ad Roman. & homil. 14. ad Ephes. & Oratione de anima, tom. 5. & Theodoret. quæst. 22. in Leuit. Quod leue est, dum prætermittitur, paratiores efficit ad potiora. Et Hieronym. ad Celantiam. Nos etiam multum inter peccata distare credimus, quia & legimus, tamen satis prodesse ad cautionem dicimus, etiam minima pro maximis cauere. Tanto enim facilius abstinemus à quocumque delicto, quanto illud magis metuitur: nec citò ad maiora progreditur, qui etiã pauca formidat. Quod etiam

Cap. 19. Augustinus epist. 19. ad Hieronym. vbi docet, quibus remediis expientur frequentissima venialia, sine quibus nemo viuit. Quibus habet similia in Enchirid. cap. 17. Videndusque Eusebius Emyssen. hom. 3. ad Monachos. Et Plutarch. lib. de profectibus virtutum sentiendis, vbi ait: *Signum non exiguum est, quod recte proficiens nullum iam peccatum exiguum putat, sed omnia studiose vitat, atque obseruat.*

DEBEMVS proinde multa hæc, in quæ incidimus, cauere, & vitare, ne in maiora prolabamur, & occasiones fugere, ne offendamus, & ne minuta quæque maiora reddantur per multiplicem commissionem, maximè verò qui in publico loco sunt, & magisterio ac Prælatura funguntur, quorum vitia dissimulari nequeunt, sed statim manifesta, & veluti maiora fiunt. Qua de re videndus Bernard. Sermon. 31. ex paruulis, cum in hanc sententiam.

1. Cor. 4. interpretatur illud Pauli: *Spektaculum facti sumus mundo, & Angelis, & hominibus*, ita planè, & malis & bonis, cõcluditque illis dignissimis verbis, quòd si oculi hominum in nos sunt, nostri quòd abièrè, aut quare soli ipsi recesserunt à nobis? Quod argumentum etiam prosequitur Chrysost. lib. 3. de Sacerdotio. Pro quo etiam facit Plut. lib. Polit. ad Traianum, vbi ait. *Qui si que sibi vitam, & mores optime excolere debet, quòd prorsus omni nota, vituperationeque careat, quando præsertim eorum, qui præsumunt, non modò singula verba, nec res tantum publicius gesta adinaduerti notatione solent, sed virtus quoque, ioci simul, & seria quoque, domus ipsa, familia, vxor, cubile, curiosius inquiruntur.* Vnde Iuuenal..

Omne animi vitium tanto conspelliùs in se

Crimen habet, quanto qui peccat maior habetur.

Merito proinde D. Leo Sermon. 11. de Quadragesima: *Quis tantæ puritatis, ut iis non polluat, sine quibus vita non ducitur? Beata mès, quæ peregrinationis suæ tempore casta sobrietate transcurrit, & in iis per quæ necesse est eam ambulare, non remanet, ut hospita magis, quàm domina terrenorum.*

§. VI.

Iusti proprois defectus humiliter conscrentur.

INCVLCAT etiam D. Iacobus, & fatetur hanc infirmitatem cadendi in multa, tum quia iustus accusator est sui, quod secundum felicitatis gradum

gradum post innocentiam dixit Cyprianus epist. 3. ad Cornel. & Hierony. contra Vigilantium. Prudentis hominis est scire mensuram suam, nam qui peccare se nescit, corrigi non vult. Sicut ex Epicuro refert Seneca epist. 28. *Tu existimas aliquid de remedio cogitare, quia mala sua viriutium loco numerant?* Ideo quantum potes te ipsum coargue. Proinde Bernardus epist. 2. ad Fulconem, ait: Charitas inde magis dolet, quod cum sis dolendus, non doles, & inde magis miseretur, quod cum miser sis, miserabilis non es: tum etiam quia agnitio, & confessio nostrorum defectuum nos compellit querere ipsorum remedium, & obligat Deum, ut illis subueniat: nam ut dixit Cyprianus lib. de Lapsis: Si cladis causa cognoscitur, medela vulneris inuenitur. Et Seneca epist. 51. *Ideo difficulter ad sanitatem peruenimus, quia nos agnoscere nescimus.* Ideoque Gregor. 3. Moral. cap. 17. Dum quisque considerat quam citius caro ad puluerem redeat, festine superat hoc, quod se de carne intus turpiter impugnat. Et Cypr. epist. 2. ad Donat. Ex cognitione nostrae fragilitatis ait nos consergere in desiderium futurae reformationis eiusdem fragilitatis in patria.

I D E O Q U E Paulus dixit, Christum reformaturum corpus humilitatis nostrae, ut significet solos humiles qui se fragiles, & debiles agnoscunt, huius Iulij miro, & sempiterno candore illustrandos; sicut notauit Bernard. Serm. 47. in Cantic. Et Chrysost. homil. 27. in Matth. ponderat id, quod Lucas refert, Seniores, scilicet, Iudaeorum pro Centurione rogantes dixisse Christo: *Dignus est, ut hoc illi praestes, &c.* Ipse vero de se dixit Christo Domino, *Domine non sum dignus.* Vides, inquit Chrysostomus, prudentiam hominis, vides excellentiam animi, vides singularem quoque Iudaeorum demetiam, dicunt enim dignum esse cui gratiam tribuant, nam cum magis ad humilitatem, facilitatemque Iesu confugere deberent, dignitatem Centurionis praeferrunt: nec ipsi tamen scientes unde obtrendenda esset, dignum esse dicentes cui praestetur gratia; nec quare dignus esset prospicientes; sed non sic Centurio; sed valde se indignum assererat, non salutari beneficio solum, verum etiam ut domum Iesum reciperet. Etenim ipsa confessio indignitatis ipsum reddidit dignum diuinis beneficiis, & medicamento caelesti.

I D E O etiam ille qui confessus est peccata sua, & indignitatem, ut oculos in caelum leuaret, dum sibi displicet, Deo placet; & dum se accusat, a Deo defenditur. Phariseus vero, qui iustitias suas praeclabatur, & offensiones celabat, & in statione medici curandus sana membra ostendebat, damnatus est, quia tacuit unde proficeret, non tacuit unde deficeret: tacuit confessionem, clamauit merita sua. At vero, ut curaretur, debebat tacere, *non sicut ceteri homines*: & fateri cum Iacobo: *In multis offendimus omnes.* Deus tegat vulnera, ait Augustinus Concione 2. in Psalm. 31. Noli tu, nam si tu tegere volueris, erubescens medicus non curabit, medicus tegat & curet, emplastro enim tegit, sub tegmine medici sanatur vulnus, sub tegmine vulnerati celatur vulnus. Similia habet Greg. in expositione 2. Psalmi Poenitential. & Ber. Ser. 5. in dedicatione Ecclesiae; ubi ait: Excludit miseriae dissimulatio miserationem. Ideoque D. Leo Ser. 5. de Ie-
Paetz in Epist. B. Jacobi Apost.

III iunio.

iunio septimi mensis ait; Nihil est efficacius ad exorandum Deum, quàm ut homo ipse se iudicet, & nunquam desinat à venia postulanda, qui se scit nunquam esse sine culpa.

Hæc igitur de causâ Iacobus communem omnium, suamque itidem fragilitatem ostendit, ut eam cognoscentes pro ea remedium inquiramus, & postulemus à Deo, cui dum nos indignos & miseros ostendimus, digni redimur, & misericordiam consequimur.

Næ contra præfatam doctrinam dixit David: *Iudica me Domine secundum iustitiam meam, & secundum innocentiam meam super me.* Nam sicut ibi aduertit Basiliius, ea quæ dicta sunt, humilitatem magis, quàm superbiam redolent. Etenim secundum iustitiam, & innocentiam idem est ac dicere, ad mensuram humanæ fragilitatis iustitiam meam iudicæ, quoniam nos homines in multa delabimur incommoda ob inconsiderationem, & inexperiencem, & fragilem conditionem, quæ iniustitias nostras coram diuina iustitia excusant, & minuunt.

§. V.

Humana fragilitas defectus nostros excusat.

HO c etiã præ oculis debemus habere, quodd scilicet in multis omnes delinquamus, ut proximi in nos offensas, & conditionis nostræ defectus prætereamus, & dimittamus. Si enim Deo fuit ratio (non integra & sola, sicut aduertit D. Thom. 1. part. quæst. 64. art. 2.) redimendi homines naturæ humanæ fragilitas, ut aduertunt Theologi cum eodem D. Thoma 3. p. quæst. 1. & prosequitur Gregor. lib. 4. Moral. cap. 9. ubi ait: Misertus Creator ut redimeret, illam ad se debuit reducere, quam in perpetratione culpæ ex infirmitate aliquid constat habuisse. Ideoque Christus Dom. volens absoluerè mulierem deprehensam in adulterio, digito scribebat in terra, quasi assignans causam absolutionis à crimine, fragilitatem scilicet terrenam, & figmentum nostrum, quoniam pulvis sumus, qui ad quamlibet auram mouetur. Vnde Leo Ser. 11. de Quadrages. Quis non infirmatur in carne? quis non fordescit in puluere? Debet ergo humana fragilitas ad commiserationem, & veniam nos deducere, ut qui in multis offendimus, in multis etiã misericordes simus. Vnde per Salomonem dixit diuinus Spiritus; *Noli esse iustus multum;* quasi dicat; Noli nimiam iustitiam à proximo exigere, & qualibet iniustitiis damnare, aut citissime iudicare, cum nullus sine peccato sit, nec si vnus quidem dici fuerit vita eius, ut habent Septuaginta. Sic enim interpretantur hunc locum aliqui, ut agat contra rigidum ac truem, aduersus aliena peccata, facileque alios iudicantem, atque damnantem; nam qui normam tenet iustitiæ, debet imbecillitates infirmorum sustinere, & errantes in spiritu lenitatis instruere. Vnde Gregorius 7. Moral. cap. 30. Cum alienos, ait, excessus aspiciamus, nostra quibus in aliis excessimus delicta, cogitemus, considerata quip

Ioa. 8.

Eccl. 7.

Rom. 10

quippe infirmitas propria, mala nobis excusat aliena; patienter namque illatam iniuriam tolerat, qui piè meminit, quòd fortasse adhuc habeat, in quo debeat ipse tolerari, & quasi aqua ignis extinguitur, cùm surgente furore animi, sua quæque ad mentem culpa reuocatur, quia erubescit sibi peccata non parcere, qui vel Deo, vel proximo sæpè se recolit parcenda peccasse.

Cum ergo in multis Deum omnes offendamus, debemus multas offensas dimittere, & secundum propriam infirmitatem, aliorum imbecillitates iudicare, & sustinere. Vidèdus hac de re Artianus Philosophus Stoicus lib. 1. in Epictet. cap. 18. & c. 28. ubi docet non irascendum peccatoribus, sed potius condolendum.

§. VI.

Prælati, ac magistri reprehensio mansuetudine debet condiri.

I L L V D tandem non prætereundum est hoc loco, Iacobum se etià offensorum in multis, cum cæteris fateri, ut increpationem de nolèdo magisterio mitiorem redderet, sicut aduertit Feuard. Etenim reprehensio cùm sit veluti chirurgia affectionum animi (sicut dixit Clem. Alex. 1. Pædag. c. 8.) aliquando lenibus verbis, & fomentis debet adhiberi in spiritu lenitatis, unde misericors, & miserator, & iustus Dominus monuit cum vino miscendum esse oleum ad vulnera; ut sit iuste consolans misericordia, & piè sæuiens disciplina, & ex lenitate ac seueritate temperamentum fiat, ut neque multa asperitate exacerbentur subditi, neque nimia benignitate soluantur, sicut dixit Gregor. 20. Moral. cap. 8. Vnde in Scriptura ipsa reprehensio aliquando *unctionis* nomine venit intelligenda, sicut notauit Hierony. Ezechiel. 43. Nam ubi nostra vulgata, & Hebr. codex habet; *Vidi visionem secundam speciem, quando veni, ut disperderem ciuitatem*; Septuaginta habent. *Quàde ingressus sum, utINGEREM ciuitatem*. At ergo Hieron. Plurimam obscuritatem habet, quomodo Ezechiel ingressus sit vngere ciuitatem; nisi fortè illud dicamus, quòd correptio Prophetæ, sit vnctio ciuitatis. Propterea quæ Paulus reprehensionem sic docebat. *Increpa in omni patientia*. Quæ verba pòderans Prosper. 2. de vita contemplat. cap. 5. ait. Propterea addidit, *in omni patientia*, quia leniter castigatus exhibet reuerentiam castiganti, asperitate autem nimia & increpatione offensus, neque increpationem recipit, neque salutem. Et Aug. epist. 63. agens de modo quo subditi reprehendendi sunt, ita ait: Non asperè, quantum existimo, non dūriter, non modo imperioso ista tolluntur, magis docendo, quàm iubendo, magis monendo, quàm minando, & si quid minatur, cum dolore fiat. Videndus Chrysost. homilia 1. in Psalm. 50. cùm de Nathan introeunte ad Dauid ait. Intrauit portans gladium, ut secaret vulnus, sed infirmanti non ostendit, ne abhorreret medicinam. Abscondit de iure ferrum, non sub vestimento; sed sub velamine rationis, non dixit, O inique, ô adultere; sed, sermo mihi, ad te, ô Rex.

Ili. 2

Et

§. I.

Quanta perfectionis sit linguam custodire.

IL L V D hic locus apertè ostendit, moderationem scilicet in loquela, & parcitatem in verbis, signum apertissimum esse perfectionis internæ; nihil enim sic hominem ostendit, ac sermo. Quod notauit Chrysost. tom. 1. hom. de Iacob & Esau, cum aduertit, quòd quantumuis attractu manus deceptus fuisset Isaac, quando existimauit eas esse Esau, cum tamen non essent, sed potius Iacob, statim verò ac loquutus est; dixit: *Vox quidem, vox Iacob est.* Ait ergo Chrysost. Fallit habitus patrem; sed vox indicat veritatem, refert vox quod habitus refellebat, nudat lingua quod tegmina simulabant: ita enim alienum est, quod simulatur, & proprium quod per vocem sentitur. Hoc ipsum ostendit ille locus apud Iob, vbi dicitur: *Docuit iniquitas os tuum, assignaturque ori pro magistro cor.* Ideoque Clem. Alex. 3. Stromat. Qualis sermo, talis est vita. Et Hugo de Sanct. Viçt. lib. 2. de Anima. Mores hominis lingua pandit, qualis sermo ostenditur, talis animus probatur. Similiâque habet Basil. lib. de vera Virginitate: Fluentum, inquit, sermonis quod ministerio linguæ ad exteriora deducitur, fontis ex quo manat index, ac testis est. Quod etiam prosequitur epist. 41. Cui accinit Clem. Alex. 2. Pædag. cap. 5. vbi ait: Cum verba omnia emanent à cogitatione, non est arbor bona, quæ fructus malos facit, nec è contrâ. Et Chamaeus grad. 26. Sicut is qui fert aromata, otiâmsi nolit, ex odore proditur; ita & qui spiritum Dei habet, ex verbis suis agnoscitur.

Hic quoque illud aptandum est: *Sermo est fructus cogitationis.* Quod etiam prosequitur Ambros. lib. 2. de Abraham c. 1. & explicat Philo lib. de Migratione Abrahæ, eleganti similitudine petita ab horologiis, in quibus protensa manus ostendit quæ iam hora insonuerit, & quæ immincat: proindeque Philo appellat sermonem indicem rationis ac mentis, additque: Certè vmbre, imaginique sermo est similis; sicut enim proposita imagine in cognitionem exemplaris ac prototypi deuenimus; ita audito sermone mentem ac vitam loquentis colligimus. Quod etiam dixit Plut. lib. de ædificandis liberis; & Seneca in Prouerbiis: *Imago, inquit, animi sermo est: qualis vita, talis oratio.* Cum ergo ex lingua colligatur animus, qui non delinquit in lingua sua, perfectum & compositum testatur animum, & qui estrænem equum domat, beatum se in facto suo ostendit. Qua de re videndus Basil. interrogat. 28. & Ephrem de vita religiosa.

VN D E iam nobis potest constare, qua de causa viri sancti, nec etiam laceßiti, & prouocati, durum aliquid proferunt; ne auditores fortè offendantur, docuit nos hoc ille Angelus, de quo Iudas in sua epistola ita ait: *Cum Michaël Archangelus cum diabolo disputans altercaretur de Moysi corpore; non est ausus iudicium inferre blasphemiam, sed dixit, imperet tibi Deus. Hi autem quacunque ignorauit, blasphemant, &c.* Vbi videmus D. Michaëlem tametli contumeliose à diabolo laceßitum, & cum eo contendentem, non fuissè ausum maledice

maledicere; sed temperasse sermonem, & cum modestia citra maledictum aliquod in iudicium Dei totum negotium remisisse, dum dixit; *imperi tibi Deus*; hoc est, increpet Deus, & impediatur petulantem, & effrauentem audaciam tuæ loquelæ; noluitque quidquam durius, & acerbius in Dei creaturam proferre. Est enim eo in loco aduertendum, ubi nostra vulgata habet, *imperi tibi Deus*; D. Hieron. in epistola ad Rufinum, Hugon. Eterianum, & Andream Arct. ibi legere, *increpet*, quod & vox Græcæ *ἐπιτιμῶμαι*, etiam sonat. Qui locus nos docet, si quando verbis aliorum duris offensi fuerimus, totum responsum diuinæ iustitiæ committere, & Deum maximè deprecari, ut petulantem erga nos linguam coercere.

Quod si necellum fuerit pro Dei Ecclesia, pro communi bono, pro fratrum defensione durius aliqua contra profanos, & maledicos, ac pestilentes profati, curandum maximè est, ut aperte constet, unde acritas verborum proveniat, ne quis sola verba conspiciens existimet, venenum potius ore propinari, quàm medicinam. Vnde Epiphanius præfatione ad lib. de hæresib. ita ait: Amplius rogati sitis pro indulgenda venia, si alicubi reperietis nos aliquos impetere, aut cauillis incellere, cum alias hunc morem non habeamus. Itaque si alicubi propter zelum aduersus hæreses, & ad auertendos lectores, exacerbati dixerimus aliquos deceptores, aut circulatores, aut miseros homines, ignoscite. Ipsa enim necessitas aduersus huius certaminis doctrinas instans, talem nobis sudorem efficit, & ut lectores auertantur, & ut ostendamus penitus interdicta à nostra doctrina illorum opera, mysteriaque & doctrinas; quò etiam per orationis, ac contradictionis nostræ vehementiam, libertatem nostram ostendamus, & quò etiam aliquos ex ipsis per grauiores putatos sermones effugiamus. Vbi vides nullam prorsus in verbis debere dari acrimoniam, nisi in ordine ad communem utilitatem, & Ecclesiæ, ac Sanctorum defensionem.

§. II.

Quàm difficile sit linguæ vitia superare.

OSTENDIT insuper hic locus rarus admodum inuentusque; difficiles qui vitio linguæ non laborent, quod prosequitur Ephrem de linguæ malo, aliisque vitiis; ubi ostendit sororem Moyse Mariam, quanuis esset alio- Num. 11;
qui Vates ac Prophetissa, propter maledicentiæ verbum lepra damnatam fuisse; & de Moyse ita loquitur. Magnum & horrendum mare viam Moyse præcludere non potuit; sed verbum vnicum iniquè ab eo prolatum (ad aquas scilicet contradictionis) velut murus aliquis ipsi obstitit. Et Ber. Ser. de triplici custodia. Si dixeris, rarus est, qui sermones suos in iudicio disponere videatur, vel ex hoc discas quàm sit rara perfectio, cum nec perfectum inueneris omnibus esse commune. Similiæque habet Orig. in epist. ad Rom. ubi loquens de vitio linguæ, ait. Quod crimen nescio si vel iustos quosque & electos relinquat immunes, sed puto quòd alius plus, alius
mi

natura & gratia vbique, præsertim c. 36. & à 60. vsque ad 69. & lib. 2. de peccatorum meritis, & remissione c. 6. & 7. & 13. vbi refert hunc locum Jacobi. & c. 36. & sequentibus, & lib. de perfectione Iustitiæ. & epistola 29. ad Hirony. & epist. 106. & lib. de bono Perseuerantiæ c. 8. vbi adducit Ambrosium lib. de fuga seculi c. 1. & lib. de Ecclesiastic. dogmatib. c. 35. & 36. Item lib. de Gratia Christi c. 40. vbi adducit Cyprianum, qui videri potest de opere & elemosyna, in principio, vbi dicit: Sine vulnere conscientie esse non possumus. Quod & latè prosequitur lib. de orat. Dominica, ibi, *Dimite nobis*, & lib. 2. ad Quirinum c. 54. Hierony. epist. ad Ctesiphontem, vbi ait: Pudeat eos qui aiunt, posse hominem esse absque peccato. Idem habet lib. 1. & 2. contra Iovinian. & in Comment. in Matt. c. 5. & in Epist. ad Saluinam, vbi ex Horatio ait;

— — — *Optimus ille est,
Qui minimis vrgetur.* — — —

ET sæpe Dialogis contra Pelag. Græg. 18. Moral. c. 4. & lib. 1. in lib. Reg. cap. 13. & hom. 17. in Euang. Fulgent. de fide ad Petrum, & lib. 1. ad Monimum; vbi ait. Nunc diuinorum munerum non est perfectà perfectio: quod Paulus apertè asserit. *Quotquot autem perfecti sumus, hoc censeamus, non quòd iam perfecti sum.* Ex quibus verbis colligit Fulg. vniuersam perfectionem huius vitæ imperfectam esse; fuit enim Paulus perfectus, quia implebat Legem Dei, imperfectus, quia secundum carnem concupiscebat contra Legem Dei; quam imperfectionem omnes quantumcumque perfecti, experiantur. Sic enim Aug. explicat eundem locum Pauli lib. de gratia, & libero arbit. c. 1. & 2. & Plal. 98. Idem docuit Ber. epist. 147. & lib. de præcepto, & dispensatione, & in vita Malachiz, vbi de lucernis in candelabris positis ait. Quem mihi ostendas, vel de illorum numero qui videntur dati in lucem Gentium, non magis de sublimi fumantem, quàm flammantem? Nazianz. Orat. 15. circa finem. Optimè Chrysost. hom. 20. in Matth. vbi numerat leuia peccata quæ à perfectis viris vitari non possunt. Et ad hunc sensum exponit Theodoret. illud Malachiz de Christo Dom. *Ipse quasi ignis confians, & quasi herba fullonum, sedebit confians, & emundans argentum.* Hoc ergo intelligit Theodoret. de purificatione Sanctorum, in quibus, sicut & in purissimo auro, reperiuntur fæces mundandæ.

RATIO huius rei desumenda est ex fragilitate hominis lapsi ad operandum bonum, quæ corruptio naturæ nunquàm perfectè sanatur per habituales gratias, cum semper maneat pugna inter carnem, & spiritum: vt autem caro non præueniat, vel ignorantia, aut incòsideratio, aut alia passio, necessaria est extraordinaria Dei morio, ac prouidentia, quæ habituali gratiæ non debetur; vnde non obstante gratia habituali manet in homine illa fragilitas prædicta, à qua proueniunt venialia peccata, quæ tamen amicitia cū Deo non dissolunt. Qui enim amicū, vel incautè, vel in re leuissima lædit, non censetur causam dedisse dissoluendæ amicitie, cum sic peccans nihil diuino amorì anteponat, vel adæquet. Nā, sicut notauit Aug. lib. de spiritu & litera c. vii. & lib. de perfectione Iustitiæ ad medium. Bernar. Ser. 50. in Cant.

Ioan.

Ioan. Col. col. 2. c. 2. 3. D. Th. in Opusculo de Perfectione amoris, duplex est dilectio Dei. Altera, qua nihil ei anteponimus, nec adæquamus. Altera, qua perpetuò Deus cogitatur & amatur, & nihil aliud nisi cū eo, vel propter eum amatur: hac posteriori dilectione amatur Deus à beatis in patria, in qua dilectione nec levis quidem offensa potest esse, solique beatissima Virgini Mariæ ex priuilegio concessa est. P̃tiori verò amare solent etiam perfectissimi homines Deum, cū quātamen dilectione possunt esse venialia, & leuia peccata, ratione quorum nec iustitia amittitur, nec qui sic delinquit, iusti nomenclaturā amittit. Si enim ij qui in maiora, & mortalia cadunt, propter resurgendi sollicitudinē, potius iusti & sancti nomen retinēt ac merentur, quā propter frequentes lapsus nomē peccatoris, vt Hieronym. ad Rusticum subtiliter docet, referturque in c. *Septies. de Penitentia. distinct.* 3. maiori cum ratione is, qui nec amicitiam cum Deo dissoluit, nec iustitiam amisit, licet in multis offendat, & multoties cadat, iustus dicitur.

NOTANDVM etiam est, hoc loco verbum illud, *offendimus*, de præsenti, dicere actualia peccata venialia. Vnde non est cur sententiam Iacobi & Ioannis, Lutheri, & alij Hæretici ad concupiscentiam coarctent. Ideoque Hieron. 2. contra Pelag. confutat Pelagianorum effugium, dum dicunt peccatum, & offensam hoc loco, & similibus, dici illud, quod ex natura, & conditione nostra habemus, nec indiget remissione; quod etiam refellit Ioannes Maxentius lib. fidei cap. 30. auctoritate 10.

NOTANDVM secundò, hinc conuinci errorē Iouiniani, quem postea sequutus est Pelagius, asserētis filios Dei in hac vita ad eā perfectionem posse peruenire, cū quæ nec leuiter peccēt. Insuper etiā cōuincuntur, dū non distinguunt inter peccatum mortale, & veniale, imò dicunt omnia esse æqualia, sicut breuiter notauit August. lib. de hæresib. c. 82. latiusque tractat D. Hier. lib. 2. contra Iouinian.

NEQVE contra prædictam resolutionem obstat locus ille Lucæ, cūm de parentibus Baptistæ ait; *Incedentes in omnibus mandatis, & iustificationibus sine querela*, quo loco sicut refert Aug. epist. 95. iabutebantur Hæretici, quatenus contendebant hominem posse carere omni peccato. Luc. 1.

NAN in primis possumus dicere cum Augustino ibidem, nomine *querela* nō venire quodecumque peccatū, sed graue, quod aliās dicimus mortale, sine quo certum est iustos viuere posse; sicut Paulus dixit, *oportere Episcopum esse sine crimine*, id est, graui peccato. Quia verò non explicat quæ sit ista querela, & omne peccatum etiam leue reprehensibile est. Secundò, videtur dicendum incessisse sine querela, quia nemo hominum apud quos versati sunt, quicquam habuit, quod iure in eis reprehendere posset. De iustitia enim coram Deo, iam dixerat, eos fuisse iustos ante Deum. Hoc ergo verbo vsus est Paulus in eodem sensu, vt *sis sine querela, & simplex filij Dei, sine reprehensione in medio nationis praua & perversa*. Et iterum. *Secundum iustitiam qua ex lege est, conuersati sine querela*, nempe hominum. Idem enim est sine querela, ac sine reprehensione; nam Græcè idem significat, ac si dictum esset, erant incedentes in mandatis, & iustificationibus irreprehensi, scilicet, 1. Tim. 3. Philip. 2. Philip. 3.

HH h 3 cct.

cet, ut eorum vita nequeat reprehendi ab ullo hominum. Et iterum. *Verbum suum, irreprehensibile, ut is qui ex aduerso stat, vereatur nihil habens malum dicere de nobis*, ubi Paulus non imperat, ut opus nullū peccatum habeat, nec etiam leve, sed ab iis absteineat, quæ iure ab hominibus reprehendi solent, qualia sunt grauiora, sine quibus iusti viuunt.

TERTIO, canēda est hoc loco interpretatio de humilitate Iacobi, quasi ita loquutus fuerit per humilitatem. Est enim accipiendus locus secundum rei veritatem, ut definitum est in Concilio Mileuitano, Can. 6. quod Hesselius Carthaginense nominauit, idque non respectu aliorum peccatorū, sed in propria quoque persona. Ideoque optimè hoc loco Beda ait: Non dixit, *offenditis, sed, offendimus*, cum summus Christi loqueretur Apostolus, & præmiit, *in multis*, subiunxit, *omnes*, ut tanto cautiùs se imperfecti quique in agendo, vel loquendo circumspicerent, quanto certius cognoscerent, quia nec perfecti quidem, & qui Spiritus sancti gratia duce incedunt, huius vitæ viam absque offensione peccati alicuius transire vllatenus possint, iuxta

1ob. 15. quod alibi scriptum est: *Celi non sunt mundi in conspectu eius.*

§. II.

Iusti cum cadunt, statim surgunt.

CÆTERVM notanda est conditio iustorum, qui in multis offendunt, quod licet offendant, præcipientes omnino non aguntur, & licet cadā, continuò resurgunt: sicut notauit Hieronym. ad Rustic. Et Chrysost. homil. de Iona Propheta, tom. 1. Petrus tertio denegauit, & cum iuramento ad vilissimæ puellæ verba formidauit, sed ipsa nocte, qua cecidit, ipsa quoque surrexit, ipsa nocte, qua meruit plagam, meruit & medelam, ipsa, qua vulnus sensit, sensit & remedium sanitatis. Idque ex eo, quia in die cadunt, & à gratia Dei non excidunt. Quod notauit Bernard. Serm. 17. in Cant. dicēs;

Prov. 14. *Septies cecidit iustus, & septies resurgit*, si tamen cadat in die, ut se cadere videat, & cecidisse sciat, & resurgere cupiat, & requirat manum adiuuantis; proindeque statim resurgit, & plerumque perfectior resurgit. Et in hanc sententiā interpretatur Aug. lib. de correctione, & grat. cap. 9. illud Pauli, *Diligentibus* *1) cum omnia cooperantur in bonum*, ut intelligatur etiam de peccatis, quia ex eis occasionem sumunt maioris cautelæ, & humiliores, feruentiores, & doctiores resurgunt. Sic etiam explicat Bern. Serm. de nimia fallacia præsentis vitæ, ubi inter alia ait. An verò ei peccata ipsa nō cooperantur in bonū, qui ex eis humilior, feruentior, sollicitior, timorator, & cautior inuenitur?

VNDÉ Origen. homil. 1. in Cant. (de quibus homiliis D. Hieron. qui eas ex Græco transulit, in Præfatione ad Damasum ait. In cæteris libris omnes vicit, in Canticis ipse se vicit) interpretatur illud Cant. *Nigra sum, sed formosa*, de nigredine Sponsæ, propter defectus, & de pulchritudine, propter resurrectionem ab iisdem. Deinde ait: Si tu non egeris pœnitentiam, caue ne anima tua nigra dicatur, & turpis, & duplici fœditate turperis, nigra propter peccata præterita, turpis propter hoc, quia in iisdem vitiis per

perseueras. Quod dixit Paulus: *Non ergo r. nei peccatum in vestro mortali corpore* Rom. 6.
 ubi loco peccati, nouo quodam, & inuitato, sed eleganti vocabulo utitur
 Tertull. lib. de Resurrect. carnis; scilicet, *delinquenit*. Non dicit ergo Paulus,
 non sit, quia (sicut notauit Gregor. 14. Moral. c. 9.) nemo absque peccato esse
 potest, sed cauendum est, ne regnet, sedemque agat, & diu dominetur. Nam
 iniquitas, nisi pœnitentiæ motibus proficiatur, indissolubiler nobis adhæ-
 ret. Quod prosequitur Hieremias cum causam captiuitatis populi referēs,
 ait. *Migrasti Iuda propter afflictionem, & multitudinem seruientis*: quod licet ad Thren. 1.
 alias seruitutes secundum literalem sensum referatur, mystice hunc habet
 sensum: Ductus est in captiuitatem populus Israel propter multitudinem
 seruitutis peccati, quia venditus propria voluntate vni peccato, statim al-
 teri, multisque superuenientibus addicebatur, ideoque miserè in ser-
 uitutem redactus est, qui voluntate propria tot multiplicauerat serui-
 tutes.

PROSEQVITVR hoc argumentum Philo lib. de Profugis; ubi notauit,
 Caini impudentis fratricidæ mortem nullatenus scriptam reperiri, imò
 appositum signum, ne quis eum inuentum interimeret. Cur ita ait Philo.
 Opinor, quia impietas malum est infinitum, quod semel accensum nun-
 quam extingui potest. In quam sententiam competit illud Poeticum.

Immortale malum nulla debile morie.

Apud Deum tamen exanime mortuūque. Videndus pro hac re D. Greg.
 2. Moral. c. 16. & totidem verbis D. August. tractat. 60. super Ioann. ubi ait.
 Non est dubium sic hominis animum esse, quemadmodū & corporis mem-
 brum desperatiùs ægrotare, quando doloris amisit sensum.

§. III.

Non contemnenda, sed potius cauenda venialia peccata.

CVM ergo hæc ita sint, meritò ea multa, in quibus offendimus, debe-
 mus cauere, ne tandem ad maiora deueniamus, non quasi multa ve-
 nialia simul sumpta possint efficere aliquod magnum peccatum morta-
 le; quod velle videtur Augustinus. Sic enim habet tractat. 1. super 1. Ca-
 nonic. Ioann. Leuia noli contemnere, si contemnis, quando appendis, ex-
 pauesce, quando numeras; leuia multa faciunt vnum grande, multæ
 namque guttæ implent flumen. Quod etiam velle videtur lib. 2. de pec-
 catorum meritis, & remiss. cap. 3. & Concione 3. super Psalm. 118. &
 tractat. 12. in Ioan. Minuta peccata si negligantur, occidunt, minuta sunt
 guttæ quæ flumina implent. Sed mentem Augustini interpretatur diuus
 Thomas 1. 2. q. 88. art. 3. Multa, scilicet, venialia, si contemnantur, paula-
 tim disponere hominem ad lapsum mortalis peccati. Quod etiam aduer-
 tit Gregor. lib. 10. Moral. cap. 14. Si curare parua contemnimus, insen-
 sibiliter maiora contemnimus. Similia habet eodem lib. cap. 9. De leui-
 bus vitiis non contemnendis, imò vitandis plura habet diuus Basilii lib.
 de

de Instit. Monach. cap. 18. & apud Chrysostom. tom. 5. serm. de leuium peccatorum periculis, qui pro hac re videndus est. Videndus item homil. 87. in Matth. & hom. 12. in epist. ad Roman. & homil. 14. ad Ephef. & Oratione de anima, tom. 5. & Theodoret. quæst. 21. in Leuit. Quod leue est, dum prætermittitur, paratiores efficit ad potiora. Et Hieronym. ad Celantiam. Nos etiã multum inter peccata distare credimus, quia & legimus, tamen satis prodesse ad cautionem dicimus, etiam minima pro maximis cauere. Tanto enim facilius abstinemus à quocumque delicto, quanto illud magis metuitur: nec citò ad maiora progreditur, qui etiã pauca formidat. Quod etiam

Cap. 19. *Cap. 19. Qui spernis modica paulatim decideret. Quem sensum exponit Augustinus epist. 19. ad Hieronym. vbi docet, quibus remediis expientur frequentissima venialia, sine quibus nemo viuit. Quibus habet similia in Enchirid. cap. 17. Videndusque Eusebius Emyssen. hom. 3. ad Monachos. Et Plutarch. lib. de profectibus virtutum sentiendis, vbi ait: Signum non exiguum est, quòd recte proficiens nullum iam peccatum exiguum putat, sed omnia studiosè vitat, atque obseruat.*

DEBEMVS proinde multa hæc, in quæ incidimus, cauere, & vitare, ne in maiora prolabamur, & occasiones fugere, ne offendamus, & ne minuta quæque maiora reddantur per multiplicem commissionem, maximè verò qui in publico loco sunt, & magisterio ac Prælatura funguntur, quorum vitia dissimulari nequeunt, sed statim manifesta, & veluti maiora fiunt. Qua de re videndus Bernard. Serm. 31. ex paruulis, cum in hanc sententiã interpretatur illud Pauli: *Spektaculum facti sumus mundo, & Angelis, & hominibus*, ita planè, & malis & bonis, còcluditque illis dignissimis verbis; quòd si oculi hominum in nos sunt, nostri quòd abièrè, aut quare soli ipsi recesserunt à nobis? Quod argumentum etiam prosequitur Chrysost. lib. 3. de Sacerdotio. Pro quo etiam facit Plut. lib. Polit. ad Traianum, vbi ait. *Quisque sibi vitam, & mores optime excolere debet, quòd prorsus omni nota, viuperationeque careat, quando præsertim eorum, qui præsunt, non modò singulà verba, nec res tantum publicius gesta adinaduerti notatione solent, sed virius quoque, ioci simul, & seria quoque, domus ipsa, familia, vxor, cubile, curiosius inquiruntur.* Vnde Iuuenal.

Omne animi vitium tanto conspectius in se

Crimen habet, quanto qui peccat maior habetur.

Meritò proinde D. Leo. Serm. 11. de Quadragesima: Quis tantæ puritatis, vt iis non polluat, sine quibus vita non ducitur? Beata mès, quæ peregrinationis suæ tempore casta sobrietate transcurrit, & in iis per quæ necesse est eam ambulare, non remanet, vt hospita magis, quàm domina terrenorum.

S. VI.

Iusti proprois defectus humiliter confitentur.

INCVLCAT etiam D. Iacobus, & fatetur hanc infirmitatem cadendi in multa, tum quia iustus accusator est sui, quod secundum felicitatis gradum

gradum post innocentiam dixit Cyprianus epist. 3. ad Cornel. & Hierony. contra Vigilantium. Prudentis hominis est scire mensuram suam, nam qui peccare se nescit, corrigi non vult. Sicut ex Epicuro refert Seneca epist. 28. *Tu existimas aliquid de remedio cogitare, quia mala sua virtutum loco numerant?* Ideo quantum potes te ipsum coargue. Proinde Bernardus epist. 2. ad Fulconem, ait: Charitas inde magis dolet, quod cum sis dolendus, non doles, & inde magis miseretur, quod cum miser sis, miserabilis non es: tum etiam quia agnitio, & confessio nostrorum defectuum nos compellit querere ipsorum remedium, & obligat Deum, ut illis subueniat: nam ut dixit Cyprianus lib. de Lapsis: Si cladis causa cognoscitur, medela vulneris inuenitur. Et Seneca epist. 31. *Ideo difficulter ad sanitatem peruenimus, quia nos agrotare nescimus.* Ideoque Gregor. 3. Moral. cap. 17. Dum quisque considerat quam citius caro ad puluerem redeat, festine superat hoc, quod se de carne intus turpiter impugnat. Et Cypr. epist. 2. ad Donat. Ex cognitione nostrae fragilitatis ait nos confurgere in desiderium futurae reformationis eiusdem fragilitatis in patria.

I D E O Q V E Paulus dixit, Christum reformaturum corpus humilitatis nostrae, ut significet solos humiles qui se fragiles, & debiles agnoscunt, huius Iulij miro, & sempiterno candore illustrandos; sicut notauit Bernard. Serm. 47. in Cantic. Et Chrysost. homil. 27. in Matth. ponderat id, quod Lucas refert, Seniores, scilicet, Iudaeorum pro Centurione rogantes dixisse Christo: *Dignus est, ut hoc illi praestes*, &c. Ipse vero de se dixit Christo Domino, *Domine non sum dignus*. Vides, inquit Chrysostomus, prudentiam hominis, vides excellentiam animi, vides singularem quoque Iudaeorum demeritiam, dicunt enim dignum esse cui gratiam tribuas, nam cum magis ad humilitatem, facilitatemque Iesu confugere deberent, dignitatem Centurionis praerunt: nec ipsi tamen scientes vnde obtrendenda esset, dignum esse dicentes cui praestetur gratia; nec quare dignus esset prospicientes; sed non sic Centurio, sed valde se indignum asserabat, non salutari beneficio solum, verum etiam ut domum Iesum reciperet. Etenim ipsa confessio indignitatis ipsum reddidit dignum diuinis beneficiis, & medicamento caelesti.

I D E O etiam ille qui confessus est peccata sua, & indignitatem, ut oculos in caelum leuaret, dum sibi displicet, Deo placet; & dum se accusat, à Deo defenditur. Phariseus vero, qui iustitias suas praecebat, & offensiones celabat, & in statione medici curandus sana membra ostendebat, damnatus est, quia tacuit vnde proficeret, non tacuit vnde deficeret: tacuit confessionem, clamauit merita sua. At vero, ut curaretur, debebat tacere, *non sum sicut ceteri homines*: & fateri cum Iacobo: *In multis offendimus omnes*. Deus tegat vulnera, ait Augustinus Concione 2. in Psalm. 31. Noli tu, nam si tu tegere volueris, erubescens medicus non curabit, medicus tegat & curet; emplastro enim tegit, sub tegmine medici sanatur vulnus, sub tegmine vulnerati celatur vulnus. Similia habet Greg. in expositione 2. Psalmi. Pœnitential. & Bér. Ser. 5. in dedicatione Ecclesiae; ubi ait: Excludit miseræ dissimulatio miserationem. Ideoque D. Leo Ser. 5. de Iacobi in Epist. B. Iacobi Apost. Ili iunio.

iunio septimi mensis ait; Nihil est efficacius ad exorandum Deum, quam ut homo ipse se iudicet, & nunquam desinat à venia postulanda, qui se scit nunquam esse sine culpa.

Hæc igitur de causa Iacobus communem omnium, suamque itidem fragilitatem ostendit, ut eam cognoscentes pro ea remedium inquiramus, & postulemus à Deo, cui dum nos indignos & miseros offendimus, digni redimur, & misericordiam consequimur.

Nec contra præfatam doctrinam dixit David: *Iudica me Domine secundum iustitiam meam, & secundum innocentiam meam super me.* Nam sicut ibi aduertit Basiliius, ea quæ dicta sunt, humilitatem magis, quam superbiam redolent. Etenim secundum iustitiam, & innocentiam idem est ac dicere, ad mensuram humanæ fragilitatis iustitiam meam iudica; quoniam nos homines in multa delabimur incommoda ob inconsiderationem, & inexperiencem, & fragilem conditionem, quæ iniustitias nostras coram diuina iustitia excusant, & minuunt.

§. V.

Humana fragilitas defectus nostros excusat.

Hoc etiã præ oculis debemus habere, quodd scilicet in multis omnes delinquamus, ut proximi in nos offensas, & conditionis nostræ defectus prætereamus, & dimittamus. Si enim Deo fuit ratio (non integra & sola, sicut aduertit D. Thom. 1. part. quæst. 64. art. 2.) redimendi homines naturæ humanæ fragilitas, ut aduertunt Theologi cum eodem D. Thoma 3. p. quæst. 1. & prosequitur Gregor. lib. 4. Moral. cap. 9. ubi ait: Misertus Creator ut redimeret, illam ad se debuit reducere, quam in perpetratione culpæ ex infirmitate aliquid constat habuisse. Ideoque Christus Dom. volens absolvere mulierem deprehensam in adulterio, digito scribebat in terra, quasi assignans causam absolutionis à crimine, fragilitatem scilicet terrenam, & figmentum nostrum, quoniam pulvis sumus, qui ad quamlibet auram monetur. Vnde Leo Ser. 1. de Quadrages. Quis non infirmatur in carne quis non sordescit in pulvere? Debet ergo humana fragilitas ad commiserationem, & veniam nos deducere, ut qui in multis offendimus, in multis etiam misericordes simus. Vnde per Salomonem dixit diuinus Spiritus; *Noli esse iustus mulierem*; quasi dicat; Noli nimiam iustitiam à proximo exigere, & quamlibet iniustitias damnare, aut citissime iudicare, cum nullus sine peccato sit, nec si vnius quidem diei fuerit vita eius, ut habent Septuaginta. Sic enim interpretantur hunc locum aliqui, ut agat contra rigidum ac truem, aduersus aliena peccata, facileque alios iudicantem, atque damnantem; nam qui normam tenet iustitiæ, debet imbecillitates infirmorum sustinere, & errantes in spiritu lenitatis instruere. Vnde Gregorius 7. Moral. cap. 30. Cum alienos, ait, excessus aspiciamus, nostra quibus in aliis excessimus delicta, cogitemus, considerata quip

quippe infirmitas propria, mala nobis excusat aliena; patienter namque illatam iniuriam tolerat, qui pie meminit, quod fortasse adhuc habeat, in quo debeat ipse tolerari, & quasi aqua ignis extinguitur, cum surgente furore animi, sua quæque ad mentem culpa reuocatur, quia erubescit sibi peccata non parcere, qui vel Deo, vel proximo sapè se recoluit parcenda peccasse.

Cum ergo in multis Deum omnes offendamus, debemus multas offensas dimittere, & secundum propriam infirmitatem, aliorum imbecillitates iudicare, & sustinere. Videndus hac de re Arrianus Philosophus Stoicus lib. 1. in Epictet. cap. 18. & c. 28. ubi docet non irascendum peccatoribus, sed potius condolendum.

§. VI.

Prælati, ac magistri reprehensio mansuetudine debet condiri.

ILLUD tandem non prætereundum est hoc loco, Iacobum se etiã offensorum in multis, cum cæteris fateri, ut increpationem de nolendo magisterio mitiorem redderet, sicut aduertit Feuard. Etenim reprehensio cum sit veluti chirurgia affectionum animi (sicut dixit Clem. Alex. 1. Pedag. c. 8.) aliquando lenibus verbis, & fomentis debet adhiberi in spiritu lenitatis, unde misericors, & miserator, & iustus Dominus monuit cum vino miscendum esse oleum ad vulnera; ut sit iuste consolans misericordia, & pie sæuens disciplina, & ex lenitate ac seueritate temperamentum fiat, ut neque multa asperitate exacerbentur subditi, neque nimia, benignitate soluantur; sicut dixit Gregor. 20. Moral. cap. 8. Unde in Scriptura ipsa reprehensio aliquando *unctionis* nomine venit intelligenda, sicut notauit Hierony. Ezechiel. 43. Nam ubi nostra vulgata, & Hebr. codex habet; *Vidi visionem secundam speciem, quando veni, ut disperderem ciuitatem*; Septuaginta habent. *Quãdo ingressus sum, ut vngerem ciuitatem*. At ergo Hieron. Plurimam obscuritatem habet, quomodo Ezechiel ingressus sit vngere ciuitatem; nisi fortè illud dicamus, quod correptio Prophetæ, sit vnctio ciuitatis. Propterea quæ Paulus reprehensionem sic docebat. *Increpa in omni patientia*. Quæ verba poterans Prosper. 2. de vita contemplat. cap. 5. ait. Propterea addidit, *in omni patientia*, quia leniter castigatus exhibet reuerentiam castiganti, asperitate autem nimia & increpatione offensus, neque increpationem recipit, neque salutem. Et Aug. epist. 63. agens de modo quo subditi reprehendendi sunt, ita ait: Non asperè, quantum existimo, non duriter, non modo imperioso ista tolluntur, magis docendo, quàm iubendo, magis monendo, quàm minando, & si quid minatur, cum dolore fiat. Videndus Chrysost. homilia 1. in Psalm. 50. cum de Nathan introeunte ad Dauid ait. Intrauit portans gladium, ut secaret vulnus, sed infirmanti non ostendit, ne abhorreret medicinam. Abscondit de intus ferrum, non sub vestimento; sed sub velamine rationis, non dixit, O inique, o adultere; sed, sermo mihi, ad te, ô Rex.

Et Plutarch. lib. de discrimine adulatoris, & amici, ad finem. Medicos, inquit, *amicos oportet imitari in corripiendo; neque enim illi cum secant partem affe-
ctam; in cruciatu, & molestia destituunt; sed placide rigant, ac leniunt: & qui admo-
nent civiliter amicum, non ausugium posteaquam amara, mordaciq; admonerim: sed
aliis colloquiis, & comitate verborum delinunt, & molliunt: quemadmodum & fabri
lapidarii vulnus, ac cicatricem, quam ictu seltis infixerunt in statu iterum fulcien-
do leuigant, ac nudam reddunt; namque qui reprehensione vulneratus, & ira perur-
batus, ac tumens dimittitur, hunc postea difficile reuoces, ac concilietis.* Et Chrysost.
tom. 1. hom. de habenda cura salutis proximi. Admonitio, inquit, miseri-
cordia carens, tortura quædam est. Quod etiam profecquitur hom. 6. & 7.
in Act. Apostol. vbi ait: Percutiens obdurata pectora, non tam facile ea
sentire facit, quàm si prius mollia reddat; mollit autem mansuetudo. Et
Clem. Alex. 1. Padag. c. 9. ostendit, beneficium simul, ac punitorem, iu-
stum esse padagogum.

V N D E Ber. Serm. 25. in Cant. sic alloquitur Prælatos, Discite subdito-
rum matres vos esse, non dominos, studete magis amari, quàm metui. Et si
interdum seueritate opus est, paterna sit, non tyrannica, matres fouendo,
patres vos corripiendo exhibeatis. Quod etiam notauit D. Hilar. ad ea ver-
ba Isaïæ de Messia suauatore. *Egredietur virga de radice Iesse, & flos de radice
eius ascendet.* Floris suauitate, virgæ asperitatem temperauit diuinum Ora-
culum, vt vna, & eadem virgula florida, & vulnus præbeat, & vulneris re-
medium. Ideoque prosperum regnum Messia pollicebatur Dauid, quia ve-
ritatem, & mansuetudinem debet habere; vbi per mansuetudinem D.
Thom. & Anselm. moderationem in sumendis suppliciis, & increpandis
defectibus intelligunt, & hæc mansuetudo pernecessaria est magistris &
Prælati. Nam Psalm. 17. vbi nos habemus: *Disciplina tua ipsa me docebit;*
Hieron. ex Heb. legit, *Mansuetudo tua:* hæc enim virtus maximè conducit
magistris, vt discipuli etiam in mansuetudine suscipiant verbum: & hanc
virtutem tentarunt Iudæi à Christo Domino eripere, dum adulteram de-
prehensam in crimine ad eum adduxerunt, sicut notauit August. Serm. 47.
de Tempore. Seneca verò lib. 1. de Ira c. 13. *Non est prudentis erramen, odisse,
alioquin ipse sibi odio est.* Hæc igitur fuit ratio, cur Iacobus in ipsa dura, & aper-
ta reprehensione lenia verba commisceat, dicendo se etiam in multis offen-
dere, ne auditores reprehensione offenderentur, & nihil proficerent dum
ipsam agere ferrent.

Verf. 3. *Si quis in verbo non offendit, hic perfectus est vir, po-
tens etiam fratre suo circumducere eorum corpus.*

EXPOSITIO LITERALIS.



Ecce est secunda pars huius capituli in qua latissime disserit Apo-
stolus de commodis, & incommodis linguæ, & probat hoc in lo-
co id quod dixerat, scilicet, nos in multis offendere, quia nullus
ferè

ferè est qui vitio linguæ non labatur, vt inde etiam probat, sicut aduertit Glossa, nõ appetendas Prælationes; quia qui cupit præesse aliis, debet ipsis esse perfectior: iam verò difficillimū est linguā coercere, vnde Ecclesiasticus dixit: *Muli ceciderunt per gladium, sed non tanti quanti per linguam*: & iterum: *Quis est qui non deliquerit in lingua sua?* Verbum autem, *offendit*; est præsentis temporis, sicut & superiori verticulo; & sensus est. In multis omnes offendimus, vt patet in loquutione, in qua tot vitia reperiuntur, quale est verbum doli, detractionis, maledictionis, superbix, iactantiæ, excusationis in peccatis, æmulationis, dissensionis, hæresis, mendacij, luxuriæ, & periurij, vt oriosa, & superflua verba omittamus.

Q V I s ergo est qui non arrauerit per linguam suam? quodd si quis suæ linguæ lubricitatem superauerit, nõnne hic idoneus est, qui totum corpus circumagat? ait Occumen. Poterit hic totum corpus suum regere; nam qui deuicit illud quod facillimum est ad lapsū, nequaquam superari poterit ab eo quod longè tardius est; maximè quia hic perfectus ostenditur, seu, vt Syriaca habet, *hic sanè beatus est in opere suo*; quod etiam habet Pagnin. & Vatab. Nomine corporis hoc in loco omnia vitia intelligenda sunt, & corpus peccati, quod prius frænandum, postea destruendum est. Sunt autem eius membra, singula vitia; qua de re videndus Hieron. in c. 6. epist. ad Roman. ad illa verba, *Destruetur corpus peccati*; & D. Thom. ibi lect. 2. Chrysost. hom. 10. in eandem epist. Ideoque hoc loco Caietan. ait. *Potens est circumducere totum corpus actionum suarum tanquam frano.*

V E L etiam, & fortè melius nomine corporis intelliguntur animi perturbationes quæ vulgò passiones dicuntur. Quam expolitionem mihi probat modus loquendi Iacobi, dum ait, *potens frano circumducere corpus suum*: etenim in sacra Scriptura nomine equorum, quibus fræna competunt, intelliguntur prædictæ passiones; quod probat Hieron. in cap. 6. Zachariæ, & Orig. hom. 15. in Iosue, cum ait: Sed etsi passiones corporis, id est, libidinem, lasciuiam, vel superbiam, ac leuitatem, quibus infelix anima, velut equitans veëtatur, & fertur ad præcipitia, equos nunc dici, & currus intelligamus, & ipsos esse, qui ex præcepto Dei subneruari iubentur; non erit rationi nostræ contraria intelligentia.

I L L V D autem quod dicit Iacobus, *hic perfectus est*, non ita accipiendum est, quasi in euitatione prolationis verbi illiciti, dolosi, & nequam, tota hominis perfectio spiritualis consistat, alioqui sufficeret nunquam loqui: sed quia non excessisse in verbo, signum magnæ custodiæ cordis est, & indicat magnam perfectionem internam, quod ferè dixit Hugo de Sanct. Victor. in c. 13. epist. ad Rom. Non ideò, inquit, perfectus, quia in lingua non offendit, sed in cumulo perfectionis superponitur in lingua non offendere; sicut dicimus, quodd senex est, qui centesimum agit annum: hanc tamen senectutem non contulit centesimus annus, sed ex præcedentibus accreuit, & centesimo completa est.

§. I.

Quanta perfectionis sit linguam custodire.

IL L V D hic locus apertè ostendit, moderationem scilicet in loquela, & parcitatem in verbis, signum apertissimum esse perfectionis internæ; nihil enim sic hominem ostendit, ac sermo. Quod notauit Chrysost. tom. 1. hom. de Iacob & Esau, cum aduertit, quòd quantumuis actu manus deceptus fuisset Isaac, quando existimauit eas esse Esau, cum tamen non essent, sed potius Iacob, statim verò ac loquutus est; dixit: *Vox quidem, vox Iacob est.* Ait ergo Chrysost. Fallit habitus patrem; sed vox indicat veritatem, refert vox quod habitus refellebat, nudat lingua quod tegmina simulabant: ita enim alienum est, quod simulatur, & proprium quod per vocem sentitur. Hoc ipsum ostendit ille locus apud Iob, ubi dicitur: *Docuit iniquitas os meum, assignaturque ori pro magistro cor.* Idèoque Clem. Alex. 3. Stromat. Qualis sermo, talis est vita. Et Hugo de Sanct. Viêt. lib. 2. de Anima. Mores hominis lingua pandit, qualis sermo ostenditur, talis animus probatur. Similiâque habet Basil. lib. de vera Virginitate: Fluentum, inquit, sermonis quod ministerio linguæ ad exteriora deducitur, fontis ex quo manat index, ac testis est. Quod etiam prosequitur epist. 41. Cui accinit Clem. Alex. 2. Pædag. cap. 5. ubi ait: Cum verba omnia emanant à cogitatione, non est arbor bona; quæ fructus malos facit, nec è contrâ. Et Climacus grad. 26. Sicut is qui fert aromata, etiam si nolit, ex odore proditur; ita & qui spiritum Dei habet, ex verbis suis agnoscitur.

H I c quoque illud aptandum est: *Sermo est fructus cogitationis.* Quod etiam prosequitur Ambros. lib. 2. de Abraham c. 1. & explicat Philo lib. de Migratione Abrahæ, eleganti similitudine petita ab horologiis, in quibus protensa manus ostendit quæ iam hora insonuerit, & quæ immineat: pròindèque Philo appellat sermonem indicem rationis ac mentis, additque: Certè umbræ, imaginique sermo est similis; sicut enim proposita imagine in cognitionem exemplaris ac prototypi deuenimus; ita audito sermone mentem ac vitam loquentis colligimus. Quod etiam dixit Plut. lib. de ædificandis liberis; & Seneca in Prouerbiis: *Imago, inquit, animi sermo est: qualis vita, talis oratio.* Cum ergo ex lingua colligatur animus, qui non delinquit in lingua sua, perfectum & compositum testatur animum, & qui extranem equum domat, beatum se in facto suo ostendit. Qua de re videndus Basil. interrogat. 28. & Ephrem de vita religiosa.

V N D E iam nobis potest constare, qua de causa viri sancti, nec etiam laceßiti, & prouocati, durum aliquid proferunt; ne auditores fortè offendantur, docuit nos hoc ille Angelus, de quo Iudas in sua epistola ita ait: *Cum Michael Archangelus cum diabolo disputans altercatur de Moyse corpore; non est ausus iudicium inferre blasphemiam, sed dixit, imperet tibi Deus. Hi autem quacunquæ ignorant, blasphemant, &c.* Vbi videmus D. Michaëlem tametsi contumeliose à diabolo laceßitum, & cum eo contendentem, non fuisse ausum maledice

maledicere; sed temperasse sermonem, & cum modestia citra maledictum aliquod in iudicium Dei totum negotium remisisse, dum dixit; *imperi tibi Deus*; hoc est, increpet Deus, & impediatur petulantem, & effrænam audaciam tuæ loquelæ; noluitque quidquam durius, & acerbius in Dei creaturam profertre. Est enim eo in loco aduertendum, ubi nostra vulgata habet, *impera tibi Deus*; D. Hieron. in epistola ad Rufinum, Hugon. Eterianum, & Andream Arct. ibi legere, *increpet*, quod & vox Græca *ἐπιτιμᾷ*, etiam sonat. Qui locus nos docet, si quando verbis aliorum duris offensi fuerimus, totum responsum diuinæ iustitiæ committere, & Deum maximè deprecari, ut petulantem erga nos linguam coërceat.

Quod si necellum fuerit pro Dei Ecclesia, pro communi bono, pro fratrum defensione durius aliqua contra profanos, & maledicos, ac pestilentes profati, curandum maximè est, ut apertè constet, vnde acritas verborum proveniat, ne quis sola verba conspiciens existimet, venenum potius ore propinari, quàm medicinam. Vnde Epiphanius præfatione ad lib. de hæresib. ita ait: Amplius rogati sitis pro indulgenda venia, si alicubi reperiatis nos aliquos impetere, aut cauillis inceslere, cum alias hunc morem non habeamus. Itaque si alicubi propter zelum aduersus hæreses, & ad auertendos lectores, exacerbati dixerimus aliquos deceptores, aut circulatores, aut miseros homines, ignoscite. Ipsa enim necessitas aduersus huius certaminis doctrinas instans, talem nobis sudorem efficit, & ut lectores auertantur, & ut ostendamus penitus interdicta à nostra doctrina illorum opera, mysteriæque & doctrinas; quò etiam per orationis, ac contradictionis nostræ vehementiam, libertatem nostram ostendamus, & quò etiam aliquos ex ipsis per grauiores putatos sermones effugiamus. Vbi vides nullam prorsus in verbis debere dari acrimoniam, nisi in ordine ad communem vtilitatem, & Ecclesiæ, ac Sanctorum defensionem.

§. II.

Quàm difficile sit linguæ vitia superare.

OSTENDIT insuper hic locus rarus admodum inuentusque; difficiles qui vicio linguæ non laborent, quod prosequitur Ephrem de linguæ malo, aliisque vitiis; ubi ostendit sororem Moylis Mariam, quanuis esset alio- Num. 12;
qui, Vates ac Prophetissa, propter maledicentiæ verbum lepra damnatam fuisse; & de Moyse ita loquitur. Magnum & horrendum mare viam Moyse præcludere non potuit; sed verbum vnicum iniquè ab eo prolatum (ad aquas scilicet contradictionis) velut murus aliquis ipsi obstitit. Et Ber. Ser. de triplici custodia. Si dixeris, rarus est, qui sermones suos in iudicio disponere videatur, vel ex hoc discas quàm sit rara perfectio, cum nec perfectum inueneris omnibus esse commune. Similiæque habet Orig. in epist. ad Rom. ubi loquens de vicio linguæ, ait. Quod crimen nescio si vel iustos quosque & electos relinquat immunes, sed puto. quòd alius plus, alius
mi

minus, nemo tamen sit ab hoc ad perfectum purus, nisi ille qui peccatum non fecit, nec inuentus est dolus in ore eius.

Hoc ipsum ostendit Aug. in Dauide, quando imprimis vitiosè tacuit, *Psal. 38.* ideoque dixit: *Quoniam taci, inueterauerunt ossa mea.* vbi Aug. ait: Peccauit tacendo peccata, & iactando merita sua. Et iterum ipse Dauid ait: *Dixi, custodiam vias meas, vt non delinquam in lingua mea.* vbi idem Aug. sic ait. Credas quoddam legendo, disserendo, prædicando, monendo, obiurgando, hortando, homo agens inter homines Dauid aliqua pœnitenda dixerat, & lapsa erant ex ore eius quæ vellet reuocare, nec posset. Ciceronemque proinde reprehendit idem Aug. qui in gloriam cuiusdam sapientis Romani scripsit, nullum ab eo emissum verbum, quod reuocare vellet; sed errabat, inquit Aug. quia hoc proprium est eorum, qui ab Spiritu acti loquuntur. Cæteri enim omnes multoties offendunt in lingua sua, &c.

NAZIAN. Orat. de silentio ieiunij Quadragesimal. sic ait: Terra mihi lectus fuit, asperissima vestis, peruigilias & lacrymarum imbres adhibui, labori humeros subieci. Nunc verò & morbo affectus, & senectute fractus, ac debilitatus, in aliam calamitatem incidi, indomitam linguam, præcipitiq; celeritate volubilem habens, quæ me inuidi hostis mei manibus semper tradidit, innumerisque incommodis affecit.

E T Nicephor. lib. 8. histor. c. 1. refert quandam virum doctum ad Pambonem Abbatem sanctissimum quidem, sed literarum imperitum, accessisse, eidemque persuasisse vt ad vitæ pietatem, literarum studia coniungeret. *Psal. 38.* allentienti Patri prælegit illud Psalmi. *Dixi, custodiam vias meas, vt non delinquam in lingua mea.* Sat est, inquit Abbas, audiam reliqua cum istud opere implevero. Multo post tempore reuersus doctor interrogauit cur alteram lectionem non quaesiuisset, respondit, nec dum se priorem opere fecissem; ostendens quàm difficile sit cohibere linguam, ne delinquat.

E T hæc est ratio, cur vnam ex omnibus membris linguam communi vlcere, ac plaga exceptam reliquerit hostis Iob, quoddam scilicet ex verbis victoriam sibi de illo polliceretur; & ipse Iob de seipso dixit; *Si iustificare me voluero, os meum condemnabit me;* vbi Septuag. habent; *Quod si etiam fuero iustus, os meum impia loquetur.* & iterum: *Leuiter loquutus sum, manum meam ponam super os meum; vnum loquutus sum, quod vtriam dixissem & alterum, quibus vtrâ non addam.* Vbi Iob fatetur se parum consideratè loquutum; & D. Thomas existimat intelligendum de eo quoddam voluerit cum Deo disputare, & suas iustitias visus sit diuinis iudiciis prætulisse. Albertus intelligit de eo quoddam dixit se à Deo affligi non æquo iudicio. Deinde quando queritur grauiorem esse calamitatem suis meritis, si appendantur in statera. Philippus de eo quoddam dixit; *Elegit suspendium anima mea;* & illud alterum. *Si flagellat, occidat semel, & non de pœnis innocentium rideat.* Caietan. primum intelligit dictum de eo quoddam sibi victoriam in diuino iudicio pollicebatur, cum dixit; *Scio quod iustus inueniatur;* & alterum cum postulauit ostendi sibi quantas haberet iniquitates & peccata. Greg. 32. Moral. c. 2. ex hoc loco colligit, nec sanctos viros omnino corâ Deo excusari posse de verbis otiosis. Vtunque tamen

tamen se res habent, ex hoc loco Iob colligitur, ipsum verbo deliquisse. Nā, sicut notauit Caietan. manus super os posita, gestus videtur esse agnoscantis peccatum oris, & verborum; sicut manu pectori admoda agnoscebat Publicanus peccata sua. Vnde Aug. Serm. 8. de verbis Domini. Tundere pectus, quid est nisi arguere, quod latet in pectore, euidente pulsu oculum castigare peccatum?

PRAESENTES itaque viri in loquela offendunt; nam, sicut dixit Hieron. ad Celant. pauci admodum sunt, qui huic vitio renuntiāt, rarōque inuentes; qui ita vitam suam irreprehensibilem exhibere velint, vt non libēter reprehendant alienam. Tantāque huius mali libido mentes hominum inuasit, vt etiam qui procul ab aliis vitiis recesserunt, in istud tamen, quasi in extremum diaboli laqueum incidant, ideōque merito Sponsus in perfecta anima perfectionem loquelæ commendat, cum ait: *Labia tua sicut* Cant. 4. *vitta coccinea*; qui color charitatem refert, in eoque similitudo consistere videtur, quam aliter alibi explicauimus; quod sicut vitta constringit, continetque crines ne incompoliti defluant, sic & labia animæ iusta continere debent incompositam quamlibet cogitationem, ne foras erumpat per sermonem. Quod vtiq; melius fiet, si coccinea fuerit vitta, si scilicet amor Dei, & proximi verba contineat, linguamque coërceat. Et ad hunc ferē sensum exposuit hæc verba Bernard. tract. de Passione Domini cap. 31. vbi ita ait: Sicut vitta coccinea sunt labia, quæ semper verbis ardentis charitatis abundant; quibus verbis motus, & cogitationes carnales restringuntur per coccineum quippe colorem charitas, per vittam qua crines restringuntur, restrictio cogitationum carnalium quæ per crines figurantur accipitur. Videndus pro hoc argumento D. Hieron. in. cap. 3. Sophoniæ.

SE d quis est homo qui non lapsus est in lingua sua? hoc enim opus diff. Eccl. 31. ficillimum, quodque supernam postulat gratiam; quia Domini est gubernare linguam. Vnde B. Ephrem de passionib; animi, sic nos pro hac re Deum orare docet: Digitus gratiæ tuæ Domine semper moueat linguam meam tanquam neruo citharæ, ad gloriam tuam, concede mihi Saluator petitionem cordis mei, fiatque lingua mea velut cithara vt hinc testamentum exprimere queam ex multis rebus, quamuis pauca crimina.

Verf. 3. *Si autem equis freno in ore mittimus ad consentientem nobis, omne corpus illorum circumferimus.*

EXPOSITIO LITERALIS.



STENDIT his verbis Apost. quo pacto cohibenda sit lingua, similitudine petita ab equo, cui si frænum orī non iniiciatur, in præceptis fertur at verò appposito fræno, quātamuis fortis ac ferocis.

Pæz. in Epist. B. Iacobi Apost.

KKK

obse-

obsequentiſſimus redditur, in orbemque facile ſleſtitur, & in medio curſu retardatur, & quantumvis is qui aſſidet calcaribus ſequēter admotis illā cruentet & ſcindat, habenis colla verberet, tundatque virga, ſibilisque, & ceteris id genus incitamentiſ compellat in arenam, modō leuiter tantū adductis habenis, reſtrictōque ore, aduerſus hæc omnia incitamenta conſiſtit immotus; quanto magis (hoc enim ſupplendum eſt in ſententia Iacobi, ſicut notauit Beda & recentiores) decet vt nobis iſſis frānum continentiz in ore mittamus ad conſentiendum Creatōri, quatenus per lingua cuſtodiam, operum quoque reſtitudinem obtinere queamus? Aduertit autem D. Greg. 7. Moral. c. 7. rationem quare Apoſtolus ponat ſimilitudinem frāni, cum ait; *Lingua ſub magni moderaminis libratione frānanda eſt*, non inſolubiliter liganda, ne aut laxata in vitium deſuat, aut reſtricta etiam ab vtilitate torpeſcat. Quod argumentum proſequitur Chryſoſt. ad ea verba Pſalmi; *Pone Domine cuſtodiam ori meo*. Græci autem Cōdices, vbi nos habemus, *Si autem*, habent, *Ecce*, quæ particula incitamentum denotat: vbi autem habetur *ad conſentiendum nobis*, plerique clariùs habent, *ad obediendum*. Ceteraque clara in contextu ſunt, & ex appoſita doctrina meliùs innotefcent.

§. I.

De refranatione lingua.

Vt hæc doctrina Apoſtoli meliùs percipiatur, illud ſupponendum eſt, quod dixit Chryſoſt. hom. 5 2. in Matt. Regius quidem equus eſt lingua noſtraſi ergo ei frānum immiſeris, doctrina tua gradatū feceris; aſcendet in eo Rex, & quieſcet in eo. Etenim ſi effrānis relinquitur, facile præceps fertur, quia in lubrico eſt. Ideoque Aug. Ser. 28. de verbis Apoſtoli. Maior conſuetudo maiorem flagitat intentionem, lingua facilitatem habet motus; in vdo poſita eſt, facile labitur in lubrico, quanto illa citiùs & faciliùs mouetur, tanto tu aduerſus illam fixus eſto. Domabis, ſi vigilabis, vigilabis, ſi timebis, timebis, ſi Chriſtianum te eſſe cogitaueris. Et Nazian. Orat. 2. Apologet. Lingua niſi ratione gubernetur, in lapſum facile homines impellit. Multaque habet Ber. de triplici cuſtodia; vbi inter alia. Leuis quidem res eſt ſermo, quia leuiter volat, ſed grauiter vulnerat, leuiter tranſit, ſed grauiter vrit, leuiter penetrat animum, ſed non leuiter exit, tenerum membrum lingua, attamen vix teneri poteſt. Similiaque habet Ser. 2. de Petro, & Paulo. Vilis, & volatilis, inquit, res eſt verbum hominis, & ſicut ſolium quod vento rapitur, effluit, & non eſt qui conſideret. Quod etiam proſequitur Greg. 3. Moral. c. 10. Cum ergo in tam lubrico lingua ſit, neceſſariō iuxta Iacobi doctrinam, illi frānum debemus iniicere.

Est autem frānatio linguæ, ſicut dixit Hierōny. epist. ad Celant. cum linguæ quæ ex ſui initio ſemper prona eſt ad mendacia, aut ſilentium imponitur, ne in diſplicentiā Dei prorumpere audeat, aut ad bonū exerceatur, vt diuinas laudes perſoluat. Videndūſque hæc de re Ambr. 1. Offic. 3. & 4. & latius in Pl. 38. ad ea verba: *Poſui ori meo cuſtodiam*. Quod etiam habet

Caſſi

Calliodor. ad eundem Ps. lbi; *Dixi, custodiam vias meas.*

H A N C autem refrænationem significatam esse voluit Chrysof. hom. ad baptizandos; in eo quod Deus veluti murò duplici voluit linguam circumdarimam dentium tegmine, & labiorum custodia continetur, ne verba improuida garrulitate proferantur. Refræna igitur linguam, & si non patitur reticere, dentium morfu quiescat, & tanquam carnifici tradatur dentibus. Videndus idem Chrysof. in Psal. 140. vbi ianitorem ori opponendum dicit memoriam mortis; sic enim ait: Hunc adhibe ianitorem, & custodem intentantem minas conscientiæ, & hanc portam nunquam in tempeftiue aperies.

PROPTEREA verò maiorem diligentiam, & diligentiore custodiam adhibendam in refrænanda lingua docet Ber. supra, quòd sit iuxta Scripturam, *mors & vita in manibus linguæ*; alioqui si sola inesset vita, nec circumcissio quidem ei, sed si sola mors, etiam abscissio deberetur. Nunc verò ponenda nobis ori nostro custodia, & ostium circumstantiæ labiis; vigilemus super verba nostra, ne in eis vel offendere Deum, vel proximum contingat. Felix quem in omni confabulatione duplex timor ille sollicitat, & duorum consideratio stimulat auditorum, primum Diuinæ maiestatis, in cuius manum incidere prorsus horrendum, dehinc fraternæ infirmitatis, cui nihilo minus per facile est offendi culū dare. Restrangatur proinde, ait Amb. 1. Offic. c. 3. lingua habentis vinculis, & frænos habeat suos, quibus reuocari possit.

Q V A L E autem debeat esse frænum linguæ, dixit Greg. 5. Moral. c. 11. Boni, inquit, viri fræno consilij retinent præcipationem verbi. Et Chrysof. in Ps. 140. Os nostrum, inquit, perpetuò custodiamus, rationem tanquam clauem ei adhibentes. Quod etiam prosequitur Hilar. in Ps. 51. ad ea verba. *Tota die iniustitiâ cogitauit lingua tua.* vbi ait: Linguæ humanæ officium est, vt naturali impulsâ ratione vocem in verba distinguat, & quanuis quidem hic eius ad id efficiendum rationabilis motus sit, tamen ipsa subdita potius esse rationi intelligitur; quod verò caret sensu intelligentiæ, caret & rationis instinctu: quicquid autem caret rationis instinctu, caret & meditatione consilij, quomodo rectè à Propheta dictum intelligitur, linguam iniustitiam cogitare. Quod alius Propheta demonstrat dicens. *In ore stultorum, cor eorum*; quia nihil ex rationis consilio tractantes, & cordis meditatione pendentes, temerario tantum motu linguæ inconsultæ responsiones fortuitas & inconditas eloquuntur, atque ideo in ore stultorum, cor eorum est, quia non quod cogitauerint, loquuntur, sed quod loquuti fuerint, cogitabunt. Et hoc quidem de lingua stulti. At verò de lingua sapientis ita legimus; *Lingua intelligentis mediabitur sapientiam*; & rursum; *Lingua mea calamus scribe velociter scribens*; quia intelligentis lingua ex meditatione sapientiæ sit, & eadem rursum tanquam calamus scribentis nihil incompositum, nihil incertum agat, & quia hæc lingua, quæ iniustitiam cogitauit, non naturæ suæ vsa docetur esse officij, subditur; *sicut non acula acusa fecisti dolium.*

Ex qua doctrina Hilar. illud apertè colligitur, linguam subditam debere esse rationi, & proinde id solū quod à ratione dictatū fuerit, proferendū. Quod etiā

KKk 2 habet

habet Hierony. epist. ad Celant. Diu, inquit, ante considera: quid loquendum sit, & adhuc tacens prouide ne quid dixisse poeniteat. Verba tua ponderet cogitatio, & linguæ officium animi libra dispense. Vnde Scriptura dicit Eccles. 18. *Verbis tuis facito stateram*: si enim hoc facimus in auro, multo magis faciendum est in verbis, vt nihil desit, nihil redundet.

ALIVD insuper frænum assignauit Guillelmus Neoburgens. ad illa verba saepe citata; *Labia tua sicut vina coccinea*. Vult enim ibi significari stringenda esse labia verecundo silentio, ac religiosa modestia; quod maxime virginibus necessarium est, sicut prosequitur Basil. lib. de vera Virginitate. Et Nazian. Orat. in Quadrages. ieiunij silentium; hoc frænum se adinuenuisse gloriatur, cum ait: Omni facultate loquendi ad certum tempus linguam orbaui, sic fiet vt mediocritatem postea minime asperneret. O quantum utilitatis fructum affert pulsato intus, atque incitato pectore linguam loqui gestientem cohibere duce extincto (scilicet sermone) perturbatio omnium grauissima (scilicet itacundia) confestim cedit, atque hac ratione à peccata molesta animi iactatione, ac tempestate respirabis. Quæ quidem omnia Christi primum ductu, auspiciisque, post autem mentis nostræ clauo indigent. Quod nisi tu linguæ frænum inieceris, idem tibi accidet quod ei, qui angustū stagni cuiusdam os manu clausum, atque obstructū rursus aperit; statim enim confertim aqua omnis effluit, &c. quæ videnda sunt pro hac re.

VIDENDVS QVE est Ambros. præfat. in Psal. vbi ait: Citius malum quod intus latet, extinguitur, si à prauo eloquio foris lingua frænctur. Similiaque habet Ser. 2. in Ps. 118. & Ser. 22. ad nostrum institutum explicat verba illa Ecclesiastici; *Sepe aurem tuam spinis*. Vtinam, inquit, & linguam obsepias, ne loquaris quæ sæculi sunt, audias quæ sæculi sunt; sed quod peius est, circumdata est lingua tua spinis quæ compungunt & vulnerant, &c. Similia habet Basil. Ser. 2. de Instit. Monac. & Greg. 10. Moral. c. 9. Facit etiam id quod ait Curtius lib. 4. ad finem: Vetus, inquit, disciplina Regum silentium vitæ periculo sanxerat, nec magnam rem sustineri credunt posse Persæ ab eo cui tacere graue sit.

QUANDOQVE etiam conducit ad frænandam linguam, aures refrænare, & cohibere ab illicitis rebus audiendis, quæ nos prouocant. propter vicinitatem. Namque, sicut dixit Clem. Alex. 1. Stromat. non linguam solum: sed aures castas habere conuenit. Quibus habet similia Bern. lib. de ordine vitæ. Vnde inter alia ait: Non soluat nihil ipsi indecorum loqui, sed nec aures quidem huiusmodi debemus præbere dictis. Et Ephrem lib. de linguæ malo, alijsque vitijs ponderat, Christum Dominum, ne vera quidem à demonibus audire voluisse, & tamē os aperientem, acetum cum felle gustasse, & cum qui scelesti verba excipere recusauit, os proditori osculandum exhibuisse. Sic, inquit ille, & tu ostium maledicis osculandum præbe, aures verò minime. Nam si tuum illis os præbueris, osculum illos condemnabit; si autem aures accommodaueris, iam te verborum gustus occidet. Magna quidem est auris fenestra, quippe per quam mors inmundum ingregia est. Seris igitur ac vortibus obstructæ tibi sunt aurium fores, ne maledicentia

dicentia & obsecratio subintrare possit. Et Hieronym. ad Nepotianum, de vit. Clerici. Caue ne aut linguam, aut aures habeas prurientes, &c. quæ prosequitur. Similiâque habet ad Celant.

V I D E N D U S Q U E hæc de re Ambros. 1. Offic. c. 18. & Bern. 2. de Considerat. Ideoque David: *Qui loquitur iniqua, non direxit in conspectu oculorum meorum; ubi verbum, non direxit, significat, non prosperatur, non feliciter procedit.* Alij verò exponunt, non stabilietur, non firmabitur, non diutius apud me commorabitur. Quibus verbis gloriatur Rex se minimè pati malè de alijs obloquentem; sed statim eum à se repellere.

V I D E N D U S denique hæc de re Plut. lib. de audiendis Poëtis. Ne igitur audiendo prouocemur ad loquelam prauam, frænandæ sunt aures: sic enim faciliori negotio comprimetur & ipsa lingua, quæ auribus vicina est.

C O N T R A eos autem qui non refrænant linguam, dixit David, *Sepulchrum patens est guttur eorum.* Orig. verò. lib. 3. in c. 3. epist. ad Roman. ait: *Clau-* Psal. 5.
sa sepulchra dicuntur, ij, quos aliquantulum pudor prohibet proferre ad publicum crimina: patens verò ij, qui impuritates in propatulo habet, quibus, vsus scelerum, quod est in malis vltimum, verecundiam sustulit, vt proferant verbum mortuū, verbum diaboli, non de corde, sed de sepulchro.

Verf. 4. *Ecce naues cum magna sint, & à ventis validis minentur; circumferuntur autem modico gubernaculo, ubi impetus dirigenus voluerit.*

EXPOSITIO LITERALIS.

R R O R O N I T hoc loco secundum argumentum, vt probet cohibendam linguam, sumptum à re nautica, & duplicem patitur sensum. Primus est, quod in amplissimis nauibus est temo seu gubernaculum; hoc in humano corpore est lingua; sed naues quantumvis magnæ, in procellosis tempestatibus gubernantur, & diriguntur ad optatum portum tantillo gubernaculo. Ergo etiam & optimè dirigetur ad æternitatis portum vir fidelis, si lingua teneatur veluti clauus in naui.

V E I etiam potest habere hunc sensum: Sicut in magnis nauibus tantula ligni pars sufficit ad eas gubernandas, & dirigendas, proindeque tenenda est à perito nauarcho; sic & lingua, licet minima pars, non est contemnenda, sed tenenda, si nobis rectè consultum velimus esse. Vnde Ecclesiasticus dixit: *Verbis tuis facito stateram,* capite 28. quod Ambrosius 1. Offic. cap. 3. *Oratio fac æugum, & stateram.* Per æugum autem intelligit subiectionem.

I L L V D igitur hoc loco notandum, huiusmodi comparationes familiares esse Spiritui sancto, & frequenter in Scriptura occurrere; vt patet ex Itai. 2. 3. *Volare naues maris;* ubi Hieronym. Arguuntur quos malarum cogitationum

- Prsu. 1.* tationum turba circumdat: vt enim nauibus; sic mentibus portantur mer-
Pf. 103. cedes bonorum, & malorum operum. Et Prouerb. 31. Ecclesia dicitur *navis*
Matth. 3. *institutoris de longè portans panem suum.* Et Dauid mundum confert cum mari, vbi
 reptilia, quorum non est numerus. Vnde Augustinus præfat. in 2. enarrat.
 Psal. 11. 25. Nauigamus per quoddam stagnum, & ventus, & procellæ non
 desunt, tentationibus huius sæculi propè completur nostrum nauigium;
 si non dormiret in te Iesus, tempestates istas non pateris.

Verf. 5. *Ita lingua modicum quidem membrum est, & magna exaltat.*

EXPOSITIO LITERALIS.



COMMODAT hoc loco duas similitudines propositas ad in-
 stitutam doctrinam de linguae refrenatione, vt sit sensus: Coër-
 cenda est lingua fræno, velut equus, nisi quis velit potius linguam
 esse frænum, quo totum corpus debet cohiberi, & sicut gubernaculum re-
 ctè moueri debet, quia etsi pusillum sit membrum, magna tamen operatur.

GRÆCVS igitur codex hoc loco habet *μυαλαυχῆ*, id est, *se iactat*;
 consentit Syriac. qui habet, *se extollit*. Et Vatabl. explicat; *magnificè se iactat*.
 Alij verò, *magna iactat*; Vetus interpret, *magna exultat*. Quod significat, im-
 moderatè iactare scẽundum Latinæ linguae proceres. Nam Tullius 4. de
 Repub. habet; *Omni crudelitate exultare*; quod Nonius interpretatur, *sẽuire*.
 Et apud eundem Ciceron. in Senectut. *Fabius Annibalem iuuentiliter exultan-
 tem patientia sua emolluit*. Eadẽque phrasis videtur, atque ea, qua vititur
 Cyprian. cùm ait: Non tam loquimur, quàm viuimus fortia; estque sensus;
 Licet lingua inter reliquas partes minima videatur, magna tamen iactat,
 gloriatur, magnificè se venditat, proiicit ampullas, & effutit sesquipedalia
 verba. Et hoc ipsum aliis modis significat Scriptura, vt cùm in Abdia dici-
 tur, *magnificare os*; & 1. Reg. 2. *dilatare os*; & apud Daniele 7. *loqui ingentia*;
 & in Prouerbis cap. 20. *dilatare labia*; quod ex opposito intelligemus per
 illud quod de Sponfa dicitur Cantic. 4. *Labia tua, sicut vitta coccinea*: quod ex-
 posuit Theodoret. in Psal. 111. dicens: Magna loqui, & non metiri sermones
 cum re, sed parua, vt magna exaltare. Pusillum membrum lingua, sed iacta-
 bundum, tota regna, totosque populos inter se commiscens; proindeque
 minimè negligenda eius moderatio.

§. I.

Quomodo lingua res adaugeat, & exaltet.

PRIMVS igitur defectus linguae in eo ponitur, quod magna exaltet,
 potestque hoc imprimis cadere supra falsam iactantiam, dum verbis
 sunt magna, quæ reuerà parua sunt. Enimuerò in aliquorum ore
 contin

contingit id, quod olim in subterraneo illo ædificio, quod ea arte fabricatum erat, ut qui vnam vocem emitteret, eidem septem responderent; Hæphtiphonon appellabatur, id est, septiuocum: sic similiter in ore aliorum audiuntur aucta, multiplicataque ea, quæ nullius fere momenti sunt.

S V M P S I T autem hoc vitium initium ab ea, quæ principium omnibus malis dedit, Eva scilicet, quæ statim refefendo diuinum præceptum, illud adauxit, & multiplicauit dicendo: *Præcepit nobis Deus, ne comederemus, neque tangeremus*; cum tamen comestionem, non tactum Deus prohibuerit; de quibus videtur dixisse Hierem. *Extenderunt linguam suam, quasi arcum mendacis*: quasi velit Propheta, extendisse, & ampliasse verba, quod sagittæ huius arcus, quæ sunt mendacia (sicut exponit Brixian.) longius attingant. In quam sentent. exponunt aliqui illud Deut. *Dentes bestiarum missam in eos*; ut intelligatur de loquacibus, ac detractoribus, qui sicut detrahunt de bonis, sic augent ea, quæ iniqua sunt; & dictum fuerit per allusionem ad illos dentes interfectæ bestię à Cadmo, qui ab eodem terræ mandati, in armatos Gigantes statim pullularunt; sic & quælibet res parua, & contemptenda, statim ut os & dentes istorum attingit, magna apparet, & id quod nullam dissidij causam videbatur continere, ab ipsorum ore iam certaminis fomentum præbet, & in causa est, ut mutuis ictibus, ac vulneribus se dilahient, & discerpant.

E S T optimus pro hac re locus apud Rupertum lib. 1. in Num. c. 34. ubi loquens de Maria & Aarone obloquentibus de vxore Moyse Æthiopissa, vel propter eam de Moyse, Num. 12. ait: Cum Moyse vxorem duxerit filiam Iethro sacerdotis Madian; terra autem Madian vicina sit terræ Æthiopum, rectè intelligitur, quod pro eo, quod dicerent, vxorem Madianitidem, dixerunt vxorem Æthiopissam; sicut se habet amaritudo rixantium, ut semper è vicino rapiat quod valeat ad augendum contemptum; & lingua soleat minima augere, & parua exaltare.

M A G N A denique taliu lingua iactat, quæ minima sunt, multoque plura, quàm audierit, defert, qui videntur eos imitari, de quibus Diodorus Siculus lib. 2. cap. vltimo refert: Qui in quadam insula Oceani versùs meridiem oriuntur, diuisam habentes linguam, & in inferiore parte scissam, ut à radicè duplex esse videatur, & cum in lingua cæteros homines excedant, in magnificandis rebus etiam superant, & cum diuersis diuersa loquuntur, vna parte lingua, cum vno; alia verò cum altero. Contra quos videndus est Basil. lib. de Virginit. cum ait: Cumque necessariò loquendum erit, multo pauciora, quàm audiet, referat; namque & natura loquendi, audiendi que modum ad proportionis regulam metiens, duas aures, linguam vnā nobis effinxit, quasi & duplum disciplinæ causā audire debeamus, & ad ea, quæ rogamur, sesquialtera proportionē contractum referre sermonem. Vnde Plutar. in institutis Laconic. refert Cephisophontem profectum de quavis re per integrū diē se dicere posse, vrbe cieciisse Lacedæmones, dicentes: boni Oratoris esse orationē rebus æqualem habere. Nā, sicut eleganter dixit Clem. Alex. 1. Stromat. dictio est tanquam vestis in corpore.

Iam

Iam verò vestis adaptari debet corpori, ne aut excedat, aut non capiat illud: sic itidem & verba non debent excedere res, de quibus proferuntur, sed illis commensurari, sicut vestis proportionem habet ad corpus, quod tegit, & cuius dicitur vestis. Quinimò & strictius sumpsit, coarctauitque hanc mensuram Plut. in vita Phocionis, dum de eo dicit quòd pauca verba loquebatur. *Animaduertit, inquit, idem orationi conuenire quod nummis, qui eo sunt praestantiores, quo in minori materia plus valoris; ac pretij amplectuntur, sic optimum videtur orationis genus id quo paucis multa sunt grauius, sapienter, acutiusque significata.* Ex quibus liquet qualis, quantūque defectus sit is, quem nobis proponit Apostolus de paruula lingua, quæ magna per adiectionem exaltat.

§. II.

De exaltatione, & superbia lingua.

7. sal. 71. **Luc. 18.** SECVNDVS defectus est, magna exaltare, id est, immoderatè se iactare; quod proprium est superborum, qui verba vsque ad cælum exaltant, & in cælum ponunt os suum, vt fecerunt ij, qui turrim quæ cælum contingeret, ædificare conabantur, & nolunt esse sicut cæteri homines. Sed quid omnibus magnificè se iactantibus contigerit, audiamus: de iis enim dixit author libri de mirabilibus sacræ Scripturæ lib. 1. c. 9. Rectissimo iusti arbitri iudicio, qui alto superbiæ tumore membra contempserant, in fragilissimo substantiæ membro, pœnam vtique sermonis sentiunt; & hoc non solum in ipsis tantum patribus, sed in filiis, vt qui æternā sibi posteritatis famam quærerent, mansurā in illis posteritatibus ipsius præsumptionis per vniuersa venturi sæculi tempora, animaduersione inuenirent.

1. Reg. 2. Et ab hoc vitio nos pia exhortatione compescuit mater B. Samuëlis. *Nolite multiplicare loqui sublimia gloriantes;* sic enim hunc locum intelligit Beda in cap. 4. Iacobi. Et Euthym. ac Tyr. ibi sublimia dicunt esse verba superba, & aliorum contemptibilia. Et Ambros. Serm. 3. in Psalm. 118. de Pharisæo, qui magna iactabat super alios, dicens: *Non sum sicut cæteri;* sic ait. Quantum laborauit, vt bis in Sabbato ieiunaret, quantum laborauit, vt decimam daret, non mentiebatur Phariseus, sed omnis qui se exaltat, etsi vera dicat, offendit. Denique probabilior Phariseus ingressus est templum, quàm Publicanus, & tamen condemnatus exiuit. Et Gregor. 19. Moral. cap. 12. expendens id, quod idem Phariseus dixit, *Gratias tibi Domine, quia non sum sicut cæteri;* sic habet: Gratias rectè egit, sed peruersè se super Publicanum extulit, ciuitatem cordis sui extollendo prodidit, quam abstinendo, & largiendo seruaui. Ideoque Augustinus Psalm. 85. aduertit, dixisse Regium Vatem, *Quoniam magnus es tu.* Video, inquit, quòd dixit, solus Deus magnus, taceat homo falsè magnus, ideo fallaciter magnus, quia dignatur esse paruus. Immerito ergo lingua magna exaltat, vbi omnia parua, & minima sunt, meritoque hæc superba iactantia hoc loco ab Apostolo repre-

reprehenditur. Vnde Bernardus lib. de ordine vitæ, monet alligandum sermonem, ne luxuriat, alioqui citò lutum velut amnis exundās colliget. Quæ de re videndus Ioannes Cassian. lib. 2. instit. Monast. c. 10. & 15.

NON est autem parui faciendum hoc vitium linguæ, dum per superbiam magnificè exaltat, & laudat ea, quæ laudanda non sunt; virtutique maximè officit, dum nomina virtutum vitiis plerumque attribuit. Quod videtur notasse Plutarch. lib. de Discrimine adulatoris, & amici, vbi docet plures Repub. euerfas fuisse propter nomina virtutum in vitia cōmutata; additque. *Qui laudando penetrant ad ipsos mores, & his corrumpeendis adulantur, perinde faciūt, ac famuli, qui non de aceruo, sed de semine furantur; nam dum virtutis vocabula vitiis tribuunt, inficiunt affectum, actionum seminarium, & habiunt anima, unde ceu à fonte omnia vitæ officia proficiuntur.* Eoque magis hoc metiendum est, quo res minus felix plerumque est, quàm opinio, sicut dixit Philo lib. de Profugis, & falsa præualet opinio, dum lingua falsò, & superbè magna exaltat. Ideoque pulchrè Sertorius apud Plutarch. in ipsius vita, cū alterum in prælio amisisset oculum, dixit se gloriari, quodd alij non semper virtutis suæ testimonium deferrent, sed torques, & hastas, atque coronas domi relinquerent, sibi verò bellicæ laudis insignia perpetuò adesse, eòdemque habere fortunæ, & virtutis suæ assertores, & inspectores; & laudatores, neque indigere, vt ab aliis exaltaretur.

LICET verò parua res sit lingua, magnum illi restat supplicium ob tot vitia, quæ habet, vt patet in diuite avaro, qui solius linguæ remedium exigebat. Quod etiam agnouit Plutarch. lib. de vtilit. capiend. ex hostib. vbi ita ait: *Orationi leuissima rei, vt est apud diuinum Platonem, & apud Deum, & apud homines grauissima poena est proposita.*

Verf. 6. *Ecce quantus igni quàm magnam syluam incendit? Et lingua ignis est, vniuersitas iniquitatis.*

EXPOSITIO LITERALIS.

ROSTRUM quædam Apostolus ostendit, coërcendam esse linguam, pergit iam narrare quænam mala ab ea oriatur. Quemadmodum enim scintilla ignis, quæ initio sine labore potest extingui, si neglecta fuerit, vires concipit, vicinæque in suum robur commutat, nullæque vi potest opprimi; sic & linguæ hominum nihil obstat sua paruitas, quominus longè latèque noceat, sitque inter homines omnium malorum fecundissimum seminarium. Græcè igitur hoc in loco habetur: *Quantulus ignis quàm syluam incendit;* & ita nostra vulgata habet, *Quantum, pro, quantulum.* Vnde Vatabl. habet: *Ecce exigui ignis quantum materiam incendit;* vertit autem materiam, quia vox Græca & syluam, & materiam significat.

GLOSSA autem aduertit, linguam incontinentem magnam materiam
Pax in Epist. B. Iacobi Apost.

LLI ope

operum, id est, meritorum, perire facere, vel etiam id dicitur, quia magna quilibet consumit. Arius enim siue Lutherus scintillæ fuere, qui tamen magnam Ecclesiæ partem deuastarunt, & quas plantauerant Apostoli, arbores incenderunt. De quibus, & similibus illud Ecclesiastici dicitur, *Aperio oris illius, inflammatio est.*

DICITVR autem lingua ignis, sicut hic notauit D. Thomas, propter sui mobilitatem siue velocitatem; vnde in sacra Scriptura, ignis propter similitudinem dicitur lingua; sicut deuorat stipulam lingua ignis. Et alibi deuorandi ac lambendi munus linguae tribuitur; *Cecidit ignis Domini, & vorauit holocaustum, & ligna, & lapides, puluerem quoque & aquam qua erat in aquaductu lambens.* Vnde qui comburantur, dicuntur cibus ignis in Scriptura sacra, *Deum viuis ignis consumens.* Hebr. *Ignis deuorator, aut comedens.* Vel dicitur ignis secundum Carchusianum, propter actiuitatem.

DICITVR vniuersitas iniquitatis. Vox autem Græca significat congeriem, & cumulum multarum rerum, seu, mundum, & ita legit Oecum. aut promptuarium, sicut explicat Vatabl. Etenim sicut mundus iste corporeus ex innumerabilibus rebus constat, sicut etiam suo modo mundus muliebris ex multis est compositus, sicut testatur Vlpianus in l. Argento. ff. de auro & argent. legat. & Beroaldus in Comm. lib. 4. Transformationis. Similique metaphora dicimus, Iliadem malorum, vel Oceanum malorum; sic & lingua dicitur vniuersitas, seu mundus, ac promptuarium iniquitatis, quia, sicut notauit Beda, vniuersa facinora per eam; aut concinnantur, vt latrocinia, stupra, aut patrantur, vt periuria, falsa testimonia; aut defenduntur, cum quilibet impurus excusando scelus, quod admisit, simulat, ostentando bonum, quod non fecit.

VEL dicitur vniuersitas iniquitatis, sicut ait D. Thom. quia per linguam peccat homo contra Deum blasphemando, & peierando; contra proximum detrahendo, conuiciando, contra seipsū iactando, & sic euacuat omnia bona.

ALIi verò legunt, *mundus iniquitatis*, vt Oecumen. & intelligunt ornatum iniquitatis; vt sit sensus, quòd lingua soleat ornare peccata, & iniquitates. Vnde Syriac. habetur, *mundus peccati est.* Vel tandem potest explicari locus cum Nazian. in Quadrag. ieiun. silent. quòd omnibus noceat, & proinde dicatur vniuersitas iniquitatis.

§. I.

Quare lingua dicatur ignis.

ILLVD ergo notandum est hoc loco, linguam dici ab Apostolo ignem, sicut iam à Dauide dicta fuerat, *Sagitta potentis acuta cum carbonibus de solariis.* Quæ verba, non pœnam, ac supplicium dolose linguae inferendum significare puto sed comparisonem, & similitudinem, licet oppositum velit Genebrar. & alii; nam vt omittam Rabbinos sic exponentes prædicta verba, eisdem similitudinibus vsus est ipse Dauid dum dixit:

In

Intenderunt arcum rem amarum; vbi Symmachus, Impleuerunt arcum suum sermonem amarum; & Aquila, verbum amarum; & Theodotion, sermonem amarum. Et ea verba eiusdem Psalmi. Sagitta paruulorum facta sunt plaga eorum; intelligit Theodoret. & rectè, de linguæ offensionibus, ideoque additur, Infirmitate sunt contra eos lingua eorum. Salomon etiam vsus est similitudine arcus, & ignis: nam in Prouerbis dixit: Iaculum & gladius, & sagitta acuta, homo qui loquitur contra proximum suum; & iterum: Sicut noxius est, qui muti sagittas, & lanceas, & mortem, ita vir, qui fraudulenter nocet amico suo. Deinde verò alteram similitudinem subiicit: Cum defecerit lingua, extinguetur ignis, & susurrone subitæ elo, inurgia conqiescunt; & sicut carbonem ad prunas, & ligna ad ignem, sic homo iracundus suscitatur rixas.

Prou. 25.
Cap. 26.

Lo c v m igitur Psalmi de lingua exposuit Vatabl. Brixian. & alij. Assimilatur igitur à Dauide lingua carbonibus desolatoriis, seu vindicibus, & cruciantibus, vt legit Nicetas ad Orat. 2. Nazianz. de festo Paschæ, seu desolantibus, consumentibus, & perdentibus, vt vult Chrylost. quia quamlibet materiam appositam in cineres redigit

N e q v e satis est huic pestifero igni, quod magnam syluam incendat, & absumat, sed adhuc sub cineribus concremata materię vius delitescit; quod significat verbum Hebræum יְהַמִּיץ *rethamim*, id est, iuniperorum, vnde plerique vertunt, cum carbonibus iuniperorum. De quibus carbonibus dicunt Theophrastus, & Plinius, teste Genebrardo, nobis sufficit autoritas Hieronymi lib. de Mansionibus ad Fabiolam; Mansionem 15. vbi sic scribit: Ferunt lignum hoc, scilicet, iuniperum, ignem multo tempore conseruare, ita vt si prunæ eius cinere fuerint operta, vsque ad annum perueniant. Similis ergo carbonibus iuniperorum est ignis vitiosæ, ac maledicæ linguæ, quæ sub cineribus fratris iam demortui viuit. Merito etiam hunc ignem nefariæ linguæ assimilat carbonibus, qui si non inueniant materiam aptam combustioni, fuligine tamen, ac nigredine attratum reddunt, vt videre est in pariete alicuius domus, quem cum ignis non possit absumere, sicut ligna, denigratum, furuque colore infectum reddit. Sic & ignis linguæ, si quem non tandem absumit, tamen vt ignis carbonis inficit.

V e r i t v s quidem David mittere manum in Christum Domini, seu Regem Saulem, dum illum in spelunca præ manibus habuit; præcidit tamen oram chlamydis libenter: ita vt si quis deinde respiceret vestem Saulis, illam diminutam reperiret, & imperfectam; sic multoties contingit viris non vulgaris perfectionis, qui si non occidunt, oram, ac simbrium saltem vestis abscindunt, detrahendo scilicet de fama, ac honore alicuius, quem non omnino exuunt, sed minuunt. Quibus illud memorandum & inculcandum necessarium est, quod qui præcindit partem vestis, si postea eandem refarcire, & in integrum, ac priorem statum vellet reducere, vel non inueniet eiusdem coloris, ac qualitatis pannum, vel si inuenit, fragmentum appensum, ac denuò consutum esse, facile à videntibus deprehendetur, sic similiter qui detrahit, ac præcindit oram vestis honoris, & nominis, quantumcumque postea nitatur damnum illatum compensare, vel

sermonem non retractabit circa eandem materiam, in qua nocumentum intulerat, vel tandem audientes æstimabunt id factum esse iussu Confessoris, aut conscientie stimulis; & sic ignis lingue, quem non combussit, ac consumpsit, saltem infecit.

C V M igitur sit ignis lingue, initio illi occurrendum est, antequam vires sumat; quod dixit auctor sermonum ad fratres in Eremo, Ser. 3. cum ait: O lingua, tu periculum immittis, tu luctum producis, discordiam spargis, prodicionis venenum seminas, & ad infernum, qui tibi credunt, perducis; restinguenda est hæc patua fauilla, ne in magnam vertatur flammam, ne crescat in syluam, gutta ne crescat in fontem, &c. Et sicut ciuitatum proceribus incumbit cura restinguendi ignis, si accendatur, ita perfecti viri debent huic igni occurrere. Quod videtur dixisse Sponsus, dum labia Sponsæ laudauit, iis verbis sæpe à nobis relatis secundum varios *Cant. 4.* quos patiuntur sensus, *Labia tua sicut vitra coccinea*; vbi Septuag. Theodoret. & alij legunt, *sicut funiculus coccineus labia tua*; vt sit allusio ad funiculum coccineum, quem Raab ligauit in fenestra, per quam dimisit exploratores missos à Iosue. Etenim cum ingressi Israëlitarum Iericho, omnia deuastassent, soloque æquassent nemini parentes, statim ac perueniebant ac domum Raab viso signo, ac funiculo, sistebant ad ostium, & quantumuis cætera omnia euerterent, ad præsentiam signi appensis placabantur, consulentes porius domui Raab. Hoc igitur laudat diuinus Sponsus in perfecta anima, cuius verba, veluti coccineus funiculus, charitate imbuta quemlibet iratum animum mitigant, & accensum ignem lingue extinguunt, placabilemque omnino reddunt, sicut ibi exponit Theodoret.

Q V O D si lenibus verbis, surgenti incendio non possis occurrere, acriter debes curare: nam sicut dixit Hieron. ad Furiam, de seruanda virginitate: Maledicam linguam indictum emendat silentium. Quibus habet similia epist. ad Nepotian. de vit. Cleric. & epist. ad Celant. vbi ait: Non modò non audies, sed ne alij detrahenti aliquando credas, ne obrectatoribus authoritatem de consensu tribuas, ne eorum vitium nutrias annuendo. Vnde Scriptura ait; *Sepi aurem tuam spinis.*

Q V O D si hæc in nobis esset diligentia, ne passim obrectatoribus crederemus, iam omnes detrahere timerent, ne non tam alios, quàm seipsum viles detrahendo facerent. Sed hoc idè malum celebre est, quia penè ab omnibus libenter auditur. Et sicut dixit Ambros. 1. Offic. c. 18. quem delectat audire, alterum loqui prouocat. Et Ephrem de lingue malo audiendo, & non reprehendendo maledicta eius, qui loquitur, comprobare videtur tanquam vera. Plurique habet Bernard. 2. de Considerat. Serm. de triplici custodia.

N E C inefficax est remedium contra hunc ignem, si fratri furenti, & obloquenti, tacendo te opponas; sicut notauit Origen. in Psalm. 38. ad ea verba, *Obmutui, & humiliatus sum, & filii à bonis.* Silui, inquit, non vtemque, sed à bonis, quia etiam tunc cum frater amarulento est animo contra me, etiam bona verba silco, ne vel illi ignem suæ perditionis inflamment. Aug.

gust.& Cyrilli Latinus interpres lib. 1 2. in Ioan. c. 1 2. vbi legimus, *obmutui*, legit, *obsurdui*; namque hoc efficacius erit remedium.

V I D E N D U S hac de re Nazianz. Orat. de suis Sermonib. ad Iulian. vbi ait, aliquos per iniuriosa verba ab ipso voluisse elicere ignem sermonis, ipsum tamen tacuisse. Negant, inquit, vt Peryten sic me conuictis tundere desituros, quam ex parua scintilla ingentem sermonum flammam excitarent. Super quæ verba Nicetas ita habet. Appositissima similitudine vsus est Gregorius: sicut enim Perytes ignem interne habet ac premit, percussus autem & vi attritus eum exerit; sic ipse sermones apud se in mente habebat. Occurrendum est ergo huic igni, qui totam comburit syluam, nisi initio comprimatur, & tacendum, ne per loquelam ignis eliciatur. Videndus hac de re Ambros. in Psalm. 38. & in exhortatione ad Virg. & de interpellatione Iob. lib. 2.

Q U O D si non sufficiat hoc remedium, ad extinguendum linguæ ignem, superest ignis de cælo, qui ideo in linguis ignis apparuit, vt iustificaret eas, & decoqueret, in quibus aliquid de hoc nequam igne reperiebatur. Quod prosequitur D. Hieron. Psalm. 1 19. tom. 8. in hæc verba: Quia tumet lingua mea, & pus habet, & venenum habet. Primum sagittis tuis vulnera, vt pus possit exire; deinde carbones tuos, & ignem pone, vt quicquid malum fuerit, excoquat, & desertum faciat.

A P O S T O L I antequam acciperent Spiritum sanctum, habebant in lingua sua aliquos tumores humanos; propterea Spiritus sanctus descendit in specie ignis in linguas eorum, vt quicquid puris habebant, Spiritus sanctus decoqueret. Et Isai. *Ve mihi, quia immunda labia habeo*; propterea Isai. 6. mittitur vnus de Seraphim, & tollit carbonem ignis de altari, & tangit labia ipsius, & linguam, & purgat eam. Et quid dicit? *Ecce hoc tetigi labia tua, & mundavi linguam tuam*. Et statim quid dicit? *Quem mittam ad populum istum, & quis ibi?* O mysteria Scripturarum! quandiu habebat linguam dolosam, & labia immunda non ei dicitur; *Quem mittam?* mundantur labia, & statim mittitur ad loquendum. Ergo qui labia immunda habet, non potest prophetare, non potest mitti in obsequium Dei: Vtinam præsterur nobis, vt quodcumque malum est, tollat de lingua nostra, vt vbi spinæ sunt, vbi vepres sunt, vbi vrticæ sunt, mittatur ignis Domini, & vniuersa exurat.

E R hoc videntur attingisse antiqui Ethnici, dum Mercurio linguam sacrificabant: per ignem, quasi nõ possit Dei obsequio deferuire ea lingua, quæ omnino purgat diuino igne, & decocta non fuerit. At verò quæ igne cælesti mundata fuerit, magni dabet fieri, & in capite gestari in signum honoris, ac æstimationis. Ideo enim ignis linguæ super capita Apostolorum apparuere, sicut optime notauit Cyrill. Hierosolym. Catech. 17. vt nouæ coronæ spirituales per linguas ligneas. Eæ namque linguæ, quæ diuino igne purgatæ fuerint, nobis cælestes coronas comparant, dum omnibus profunt docentes, nemini nocent delinquentes.

Proponitur multiplex malum linguae.

Dicitur etiam lingua, vniuersitas, seu congeries, ac cumulus iniquitatis propter multitudinem iniquitatum, quæ per linguam perpetratur, ut ostendunt omnes literæ Alphabeti, in quibus vitia linguæ explicantur. Verbi gratiâ, A, adulatio. B, blasphemia. C, calumnia. D, detractio. E, excusatio in peccatis. F, famæ ablatio, fraudes, & falsum testimonium. G, gloriatio vana. H, hypocrisis, & hæresis. I, iuratio, ineptia. L, lamentatio, ludibrium. M, mendacium, & mordacitas. N, nugæ. O, otiosa verba. P, periuria. Q, querela. R, rixæ. S, susurratio, & secretorum reuelatio. T, taciturnitas vitiosa. V, vituperatio. Z, zelus amarus. Vbi vides plura esse vitia, quàm literas, cum duplicata, & triplicata in vna litera videamus.

Hoc ipsum ostendit D. Basil. in Ps. 33. ad ea verba: *Prohbe linguam tuam à malo*, dicens: Peccatum, quod per linguam admittitur, omnium ferè propensissimum, sed & idem multiforme. Iratus es: mox lingua occurrit. Concupiscentia teneris: habes & hic linguam ante omnia quasi lenam, & conciliatricem, quæ cooperatur peccato, quæ per simulationem proximis imponat. Est tibi lingua quoque vice scuti ad iniquitatem, cum non ex corde loquitur, sed ea promit quæ ad fraudem & imposturam faciunt. Denique, quid opus est commemorare, quæ per linguam peccantur? Vita nostra referta est linguæ delictis, turpiloquio, vrbantate, stultiloquio, & quæ non conueniunt, detractio, otioso sermone, periurio, falsis testimoniis, hæc mala omnia, & adhuc illis plura sunt linguæ opera. Et Ber. Ser. de Triplici custodia: Quis numeret quantas modicum linguæ membrum contrahat sordes? quàm multiplex in labiis incircūcis immunditia copuletur? quàm sit gravis perniciis oris incircūspecti? &c. quæ latè prosequitur.

• Idem argumentum prosequitur Nazianz. Orat. in Quadages. ieiun. silent. vbi ita ait: Lingua libidinosis homines fœda multa eructant, ut ridiculi ipsi procacem risum hominibus moueant, tum subsultantes ipsi, tum alios ad eundem modum afficientes, diuinæque imagini dedecus afferentes. Hæc multa, quæ tecta atque occulta esse oportebat, in hominū aures euomuntur. Hæc sæpe ex animo perturbato grauique ira percito, conuictorum omnis generis velut spumam quandam extrâ diffundit, sæpe rursus insidioso animo, suauitatem benevolentiamque præfert, eaque labiis gerit, à quibus animus abhorret, ac sub sermonis illecebris, sub fraude & mendacio cædes occultat. Quis autem quot mala ex ea oriantur oratione consequi possit? Domum cum domo, si ita voluerit, urbem cum vrbe, Principem cum populo, populum rursus cum Principe statim, ac sine vilo negotio committit, non aliter atque igniculus stipulæ admotus, in magnum incendium citò excresecens, conuictores, filios, parentes, fratres, amicos, uxores, maritos, omnes denique perfacile in mutuam perniciem armat. Sceleratum hominem, bonum asserit, bonum contrà calculo suo perdit. Quis parem

parem linguæ vim habet? quæ utinam improbis, ac flagitiosis hominibus confestim interiret.

ET quia, sicut dixit idem Nazian. quot mala ex lingua oriuntur oratione consequi nemo potest; qui plura velit, videat Basil. lib. de Institut. Monach. & in regulis breuioribus in Respons. ad interrog. 24. 25. 26. 27. & inde videat Ephrem in oppositione virtutum, ac vitiorum, & de linguæ malo. Nazian. in carmine scripto super silentio obseruato Ieiunij tempore, & in citata Orat. & Orat. coram cœtum & quinquaginta Episcopis. Chrysost. hom. 43. in Matth. tom. 2. & tom. 5. hom. 2. 5. 32. ad Populum. August. lib. de conflictu vitiorum tom. 9. c. 8. & de mendacio c. 16. tom. 4. Hieron. ad Rusticum Monachum, & alibi sæpe. Ber. Serm. 24. & 63. in Cant.

§. III.

Lingua contra vniuersa omnia audet.

DICITUR etiam lingua, vniuersitas iniquitatis, quia contra vniuersa quæque agit; imprimis enim cœtra ipsum Deum blasphemando; unde Dauid, *Posuerunt in cœlum os suum*, Psalm. 72. quod August. Basil. & Euthy. explicant de blasphemis, & in Deum iniuriolis hominibus. Ideo quæ Nazianz. de humana natura: In bonam partem hoc accipe. Sancta Trinitas, nec tu stultorum linguas prorsus effugisti. Ut videre est in Hæreticis, qualis fuit Arius, & Sabellius, contra ipsum etiam Christum Dominum, cuius pœnalitates intrinsecæ, etsi Resurrectione fuerint terminatæ, tamen, sicut optime notauit Caiet. 3. par. q. 51. art. 4. extrinsecæ non fuerunt terminatæ; nam vsque ad consummationem sæculi infamiæ pœnam, & linguæ iniurias dignatur sufferre; dum merus homo à quibusdam dicitur, confusionem naturarum ab aliis patitur, & alia ferè innumera, cum tamen ipsi debeatur, *ut in nomine eius omne genu flectatur, cœlestium, terrestrium, & infernorum.*

Phil. 2.

ADVERTIT autem Caiet. quod sicut cæteras pœnas suscepit sponte sua propter nostram salutem; ita & hanc mira dispensatione sustinet, non solum ut suauiter disponatur regimen ac salus hominum; sed ut suauissimo exemplo abstrahamur à tam communi appetitu futuræ nostræ memoriæ, seu immortalitatis famæ. Adde, ut ad exemplum Christi Domini, nobis illas iniurias æquo animo toleremus.

PONUNT etiam homines in cœlum os suum, quod eleganter notauit Hieron. in c. 5. Amos; ubi reddens rationem, quare homines planetis cœlorum lucidissimis nomina turpissimorum hominum, Iouis, & Martis, imò & inhonestæ Veneris imposuerint, ita ait: Cœlum infamare conantur, & mercedem stupri inter sydera collocare; quasi ex eo quodd pulchrum, & lucidum vident cœlum, illud reproborum hominum vitis decurpare voluerint.

NEC mirum quodd cœlum petierint, cum etiam Sanctos in cœlo glorio

Psal. 72.

gloriosos aggrediuntur, sicut videtur dixisse Dauid, *Posuerunt in cœlum os suum*. ubi Chaldaice habetur, *Posuerunt in Sanctos cœlorum os suum*: & pro eo quod nos habemus; *Lingua eorum transiit in terram*; habet Chald. *Lingua eorum vixit Sanctos terras*; & iterum ait; *Iniquitatem in excelsis loquuntur sum*, ubi Theodor. ait: Non satis fuit ipsis contra homines iniuste agere, verum cœlum ipsum verbis ausi sunt petere. Et huc sine dubio respicit illud eiusdem Prophe-

Psal. 111.

tæ, *In memoria eterna erit iustus, ab auditione mala non timebit*. Non dixit, liberabitur, quia & sacra, & profana solet iniusta lingua inficere; sed dixit, non timebit, quia in tranquillitate est. Et Nazian. Orat. de silent. Quadrages. ieiun. Protinus ut mens tela linguæ emiserit, statim prouolant omnia quæ feriunt cœlites, terrestres, posteros; non tamen eos qui ab huiusmodi sagittis sibi cauent, easque sedulo obseruant, quam qui nihil mali suspicantur, non minus bonos, quam malos, non minus amicos, quam hostes, non minus exteros longèque distitos, quam propinquos, denique nihil est quod à lingua sagitta tantum atque immune sit. Quod videtur dixisse Dauid, cum ait, *Deuorant plebem meam, ut cibum panis*; sicut enim communis cibus, panis est; ita & ipsorum communis cibus, est detractio, & veluti panis, sicut aduertit Aug. in Ps. 52. qui ad quascumque escas adhibetur, nullique hominum parcit, malis scilicet, quia gaudet plures habere socios iniquitatis, sicut notauit Nazian. Orat. 1. cum ait, *Mihi verò ad improbos oratio est, & malignos, qui ex eo quod alios calumniis, incesunt, vitiis opem ferre moliantur*. Quod etiam dixit Plut. lib. de progressu in virtute; *In confesso*, inquit, est, *ita natura comparatum esse, ut isti quos nulla tangit admiratio virtutis, sedulo curent, quod ab alijs celebrata lacerent, atque infellentur*. Bonis verò & iustis viris detrahunt, quos sibi similes esse per contumeliam nituntur, ne ab illis reprehendantur, sicut notauit Greg. 13. Moral. c. 1. dicēs: *Esse hoc peruerforum proprium solet; quod suas malitias per conuiuium bonis ingerant, priusquam de iis ipsi veraciter accusentur, & dum metuunt increpari de iis quæ faciunt, aduersantes, suis prauitatibus iustos hæc facere testantur*. Et Hieronym. ad Eustochium: *Sanctos carpere solita est lingua maledica in solatium delinquendi*. Recte quidem de huiusmodi hominibus dixit Isaias cap. 59. *Cor impij, quasi mare feruens*; dum enim mare velut feruet, & ebullit: vnde vndique agitatū, seipsum purgat, ad terram, & littora euomens, & proiciens quæcumque sordida & immunda ferebat, quod impij facere consueuerunt maledico ore, & virulenta lingua. Vnde D. Hier. epist. ad Demetriad. *Qui suo merito placere non possunt, placere volunt in comparisonem peiorum*. Et in proœmio epistolæ ad Ephesios, ait idem Hieron. *Obsecro vos Paulæ & Eustochion, ne maledicis, & inuidis mea opuscula tradatis, neque detis sanctum canibus, & margaritas mietatis ante porcos: qui cum bona imitari non queant, quod solum facere possunt, inuident, & in eo se doctos, eruditosque arbitrantur, si de illis detrahant*. Quibus obsecro respondeatis, ut figant apsi stillum, experiantur semetipsos, & ex labore proprio discant ignorare laborantibus. Denique *lingua transiit in terra*, Psalm. 72. quia sicut exposuit Aug. nihil relinquunt intactum.

CÆTERVM huiusmodi calumniatoribus subtiliter dixit Hierony. ad Sabinian. Esto, ego flagitiosus sum, vt vulgò iactitas, saltem mecum age pœnitentiam, criminolus sum, vt simulas, imitare lacrymas criminolus, num mea peccata virtutes tuæ sunt? an malorum tuorum putas solatium, si multos tibi similes habeas? Et Nazian. Orat. 2. de Pace: Nos quidem reprehensionem meremur, si quid mali admiserimus, at vos interea impij esse non desinetis, etiamsi in peccatum incidamus, imò eo etiam maior est impietas vestra, quo iis qui læduntur, acerbiores estis; debetur enim fratribus labentibus doctrina, & compassio. Vnde Arrianus lib. 1. in Epictet. c. 28. docet, non esse detrahendum, neque irascendum peccatoribus, quia scilicet cogitare debemus huiusmodi homines quodam errore falli, & quodammodo hallucinari in bonis ac malis rebus diiudicandis. Et quia hoc quod malum reuera est, & à nobis malum iudicatur, illis videtur bonum, prout sic sunt affecti, & animati: quapropter non conuenit illis irasci, sed potius condolere & misereri, laborandumque potius vt modeste & patienter doceamus eos, quemadmodum, & in quo decipiantur, vt sic docti euidenter intelligant errorem suum, & ab eo abstineant; quousque autem id non demonstraerint, patienter agendum & misericordia vtendum, quemadmodum & cæcorum, ac claudorum, & aliorum huiusmodi debilium miseremur. Dum verò ipsorum defectus notamus, ipsisque iniuste detrahimus, nec vitia emendamus, sed aliena propria facimus, dum aliena corrigere non curamus.

MIRVM autem est, quod cum lingua igni comparatur, ignis fornacis ardentis pepercerit seruis Dei ipsum laudantibus, cum tamen linguæ ignis nulli omnino parcat. Quod notauit Chrysof. ad finem tom. 1. hom. de trib. pueris, cum ait: In fornace stans Azarias aperiens os suum in medio ignis dixit; *Benedictus es Domine Deus patrum nostrorum, & aperuit os suum*; non audet autem ignis, inuocantis Dominum fauces irrumpere, nec nubilo ductu vaporans eloquentis ora conturbat, & tamen detrahentis os aggreditur, mordet, & inficit viros laudantes Deum, ipsiusque obsequio dicatos vniuersas utique iniquitatis, quæ proinde vniuersos inficit, vt miraculum censeri debeat, si quis immunis euadat; quod videtur significasse Dauid, cum dixit: *Abcondes eos in abscondito faciei tue à contradictione linguarum*, vbi per *absconditum faciei Domini*, intelligenda est illa diuinæ præsentiae occultatio, quæ humanos oculos, & animum fugit, vt conspici nequeat, quem nullus hominum vidit, inquit Apostolus; sed nec videre potest: in quo abscondito faciei suæ, quem liberare vult ab hominum conspectu, subducit, & curat ne videatur, sicut cum faciem suam abscondit, à nemine videri potest, ita vt ipse Dauid quanuis ante oculos penè Saul Regis in eadem spelunca versaretur, non tamen viderit, cumque tot Regij satellites diligentissimè scrutarentur, nusquam illum aut videre, aut reperire licuerit. Is enim qui *ponit tenebras latibulum suum*, quibusdam quasi tenebris, & caligine quem voluerit inuoluit. Sic de Hieremia legimus, cum eum, & simul Baruch illius scribam Rex Ioachim irritatus comprehendi mandasset, absconditos fuisse à

Pæz in Epist. B. Jacobi Apost.

M M m

Do

1. Tim. 6.

1. Reg. 24
Psal. 17.

Hier. 36.

Joan. 8 Domino. Sic item de Domino nostro legimus per medium lapidare illum volentium transiisse, & absconditum exiisse de templo. Sic igitur per miraculum quis poterit euadere vniuersitatem iniquitatis quæ vniuersos attingit.

IDEO QVE Bern. in principio epistolæ ad fratres de monte Dei illis hoc imprecatur: Abscondat vos Deus in abscondito faciei suæ à contradictione linguarum. Ideo & D. Hierony. vt nouum miraculum de Paula, ait ad Eustochion filiam ipsius Paulæ: Ita se gessit, vt nunquam de illa etiam maledicorum quicquam auderet fama confingere. Quæ igitur vniuersos inflammat, ac inficit, iure vniuersitas iniquitatis dicitur. Quæ etiam de re videndus Ber. Ser. de Triplici custodia; dum hanc vniuersitatem nocendi in lingua probat ex eo, quodd inficiat loquentem, audientem, & ipsum etiam de quo loquitur. Gladius, inquit Bern. biceps, imò triceps, est lingua detractoris, ferocissima planè, quæ tres inficiat statu vno.

Psal. 35 Nec mirum quidem quodd vniuersis iniquè noceat, cum nec sibi etiam parcat, sicut notauit Ambros. in Psalm. 35. vbi sic incipit Dauid, *Dixit iniustus, vt delinquas sibi.* Ita enim legit Ambros. qui ait: Quicquid ergo loquitur iniustus, iniquitas est, quæ in suum refertur authorem, nam sicut *spina nascuntur in manu ebriosi, ita in iniusti sermone nascuntur quæ compungant loquentem.* Cuius grauior est pœna quàm propria, cum pro omni sermone det pœnas? Serpens aliis infundit venenum, iniustus sibi; in eum enim refunditur quicquid effuderit. Quod etiam habet Serm. 7. in Psalm. 118. & 1. Offic. capi. 4. Laqueus, inquit, est sermo noster. Loquimur plerumque quod excipiat inimicus, & quasi gladio nostro nos vulneret. Facitque ille locus Psalmi, *Sagitta paruulorum facta sunt plaga eorum, & infirmata sunt contra eos lingua eorum,* vbi Chaldaus habet; *& offenderunt seipsos lingua sua.* Theodoret. verò explicat: Istorum linguæ nihil offendant eos qui conunguntur, imò in caput eorum, qui percutere conantur, omne malum recidit. Namque, sicut dixit Hieron. epist. ad Marcum; non qui patitur, sed qui facit contumeliam, miser est. Vnde & Dauid dixit: *Cum mihi molesti essent, inducbar cilicio.* vbi Brixian. habet: *Ego autem cum molestiam patereuim, &c.*

Psal. 34 In quem sensum etiam D. Hier. explicat de Iudæis id, quod dixit Dauid, *Conuersi sunt in arcum prauum.* Arcus prauus, inquit Hieron. est qui dum contra inimicos sagittas putatur iacere, sauciat tenentem, & cætera quæ pro hac re videnda sunt. Dixit hoc etiam Salomon in Prouerbiis, prout exponit Brixiam. Nam illud, *Sicut auis ad alia transuolat, & passer quolibet vadens, sic maledictum frustra prolarum in quempiam non superueniet.* Sic ergo habet Brixianus ad hæc verba. Sicut auis auolat & reuolat in nidum; ita maledictio redit in maledicentem, & non venit super eum, qui maledicetur. Et in hunc sensum intelligit. Bonauent, illud Sapietiae, *A detractone parcite linguæ;* quodd seipsum primò lædat detractor. Exposuit autem rem hanc D. Athanas. de Passione, aptissima similitudine. Quemadmodum, inquit, si quis serpentem apprehendat manu, dum conatur in alterum proicere; prorsus ipse mordetur; aut si quis ignem manu tenens, dum vult hostem lædere,

dere, non intelligat quòd ipse prorsus exurit: sic malitia magis lædit eos à quibus habetur, quàm in quos intenditur: idèd cùm Scribæ, & Pharisæi discipulos Domini vellent maledico ore carpere, quòd non obseruaret traditiones seniorum in lotionibus repetitis pro singulis cibis; adipso Dominus increpationem conuertit dicens: *Quare & vos transgredimini*, &c.

VIDENDVS est etiam hac de re Euseb. Emyssen. homil. ad plebem, vbi ita eleganter habet. Quod malum est ista passio, vt detrahas fortasse aut meliori, aut certè peccatum, quod alter incurrit operatò, tuum facias obloquendo? Perniciosum itaque est, vt quisquis ille offensas alterius, velut ipse immunis à culpa obrectando condemnet, quas fortè ille nescio quis apud Deum còtrito corde, & fracto pectore iam redemit. Aduerte in quantum illius author lædatur, cuius contagio & auditor inficitur. Qui aliena inquirimus mala, quanta in nobis latent, si possumus, numeremus.

CVM QVE tam certum sit, detrahentem sibi maximè nocere spiritua-liter, dum de alis malè loquitur, alio etiam modo sibi graue nocumentum infert, sicut notauit D. Hieron. ad Rustic de forma bene viuendi dicens: Accusamus sæpe quod facimus, & contra nosmetipsos diserti, in nostra vitia inuehimur. Sic enim voluit diuina iustitia in promptu esse supplicium contra eos, qui temerè, & iniquè de aliis iudicant, ac loquuntur. Vnde Bern. epist. 233. ait. Si frater Ioannes in nos dixit, vel scripsit quod non decuit, vel quomodo non decuit, nò tam nos læsit, quàm seipsum; magis namque ita scribendo suam prodidit leuitatem, quàm nostrum deprehendit errorem. Quod etiam habet Chrysost. hom. 52. in Matth.

ET cùm constet iam de nocumento sibi illato per detractiõnem vniuersalem quorumcumque hominum, necessariũ est, vt constet etiam qualiter sibi noceat is, qui linguã exerit contra viros Deo dicatos; de quibus intelligendus est ille locus: *Qui tangit vos, tangit pupillam oculi mei*. vbi in Hebr. Zach. 11. Græc. Chald. Complut. & Reg. exemplari habetur, *tangit pupillam oculi sui*. Et Cyrill. exposuit; qui vos persequitur, seipsum persequitur. Et Vatabl. sibi ipsi nocet, & affligitur vehementiùs. Hoc etiam notauit eleganter 1. Par. 11. Rupert. lib. 2. in lib. Reg. c. 28. loquens de morte Ozæ ad extensionem manus, vt sustineret Arcam, quando calcitrabant boues. Mysticè, ait Rupert. per hanc similitudinem vehementiùs commonemur, ne quando nos otiosi, & vacui, cùm simus humiles, Arcæ Dei portitores, si quando excesserint, velut boues calcitrantes temerè iudicemus. Igitur ad reprimendam audaciam iratus est Dominus contra Ozam indignatione super temeritate, & percussit eum, quia, videlicet, qui Sanctorum infirma respiciunt, & non potiùs, quia conualuerunt de infirmitate, fortes sunt in bello, ibi contra semetipsos diuinum prouocant iudicium. Sibi itaque potiùs quàm aliis nocent, qui in seipsis linguæ flammam accendunt. Cui verò parcent, qui sibi non parcent? Et quid mirum, si vniuersos inficiat, quæ est vniuersitas iniquitatis; nihilque in mundo patitur esse mundum? & idèd iure dicitur, mundus iniquitatis.

§. IV.

Lingua dicitur mundus iniquitatis, quia concinnat, & exornat peccata.

EST denique lingua, mundus iniquitatis, seu ornamentum eius, sicut hoc in loco notauit Brixian. Etenim sicut mundus muliebris adornatum & cultum mulieris inferuit, ita lingua exornat iniquitatem per callidam Rhetorum eloquentiam, sicut hic aduertit Oecumen. quod sit, dum vel persuasione quadam, & ornatu verborum, id quod iniquum est, efficit, ut æquum videatur, vel dum vitium extenuat, & verborum viridantibus folijs operit, sicut notauit Ambrosius lib. de Paradiso cap. 13. super ea verba. *Consueverunt folia ficum.* Iacit, inquit, supra se folia, qui vel culpam velare desiderat, aut diabolum delicti memorat authorem, aut carnis præteritis illecebras, aut alium quempiam persuasorem prodit erroris.

IN quam sententiam D. Augustinus intelligit illud Psalmi, *Non miserearis omnium qui operantur iniquitatem.* Est, inquit, quædam iniquitas, quam qui operatur, non potest fieri, ut misereatur ei Deus. Quæres fortasse, quænam illa sit? Ipsa defensio peccatorum, quando quis defendit peccata sua, hoc defendit, quod Deus odit, si quod bonum fecerit, sibi vult imputari, si quid mali, Deo. Nemo est qui audeat dicere, bonum est adulterium, bonum est homicidium, bona fraus, &c. sed quomodo ea defendunt? Si Deus noluiſſet, non id feciſſem, quid vis faciam fato meo? Conuertere illos ante se, qui se ponunt post se.

ALII verò nomine virtutis, zeli, aut amicitiae, dolos præterdunt, quales fuere ij, qui Miphiboseph filium Ionathæ occiderunt. *Ingressi enim sunt domum assumptes spicas tritici;* quod exposuit D. Hieronymus in traditionibus Hebraicis. ad lib. Reg. Spicas tritici, ait, quasi causam primitiarum tulerunt, ut honorem Regi deferre viderentur, & eorum dolus nequaquam deprehenderetur. Qualis etiam fuit Ioab, qui occidit Amasam verbis pacificis eum salutando dum dixit, *Salve mi frater.* Videndus de huiusmodi dolosis verbis Ambros. 3. Offic. cap. 11. Vtinam verò à mundo exulare faceret Deus mundum istum iniquitatis.

NON mihi videtur contemnenda expositio, quam affert Oecumen. Mundus iniquitatis, veluti ad vilem & popularem turbam deuolutus, & respiciens, à nobilitate degenerat, & in vilitatem transiit; ita ut is, qui male loquitur, quantumvis nobilis sit, nobilitatem amittat. Quod videtur innuisse Christus Dominus, qui postquam interrogauit Discipulos, quomodo homines de ipso loquerentur, addidit: *Vos autem quem me esse dicitis?* quasi voluerit; vos non debetis loqui, sicut cæteri loquuntur, utpote quia edocti in schola mea. Et in hoc sensu verè dixerunt Pharisei. *Nonne bene dicimus nos, quia Samaritanus es tu?* Licet enim male loquerentur, bene cohærebant verba cum animis, cum iniquitate, & ignobilitate eorum.

Verf. 6.

Verf. 6. *Lingua constituitur in membris nostris, quæ maculat totum corpus, & inflamat rotam natiuitatis nostræ, inflamata à gehenna.*

EXPOSITIO LITERALIS.

PROSEQUITUR Apostolus enarrando linguæ mala, & his verbis assignat. Primum est, quod totum corpus multorum vitiorum sordibus contaminat. Secundum, quod ad innumera scelera vitæ nostræ curriculum inflamat. Tertium, quod accendatur ab ipso diabolo, gehennæ principe, & ab Angelis eius, inferni ciuibus. Et quia superius appellauit eam, mundum iniquitatis, dicit totum corpus immundum reddere; eaque, quæ vniuersitas iniustitiæ dicta est, vniuersum corpus inficit. Et quia ignis dicta est, modò dicit rotam, ac curriculum vitæ nostræ inflammare.

DICITUR ergo lingua constitui in membris nostris; quasi dicat: vnum est ex membris nostris; maculatque totum corpus, non tantum, quia eius iniquitas in cætera membra redundat: sed quia totam congeriem & corpus bonorum operum perdit; sicut dixit Beda ad ea superiora verba, *Ecce quantum ignis*, &c. Incontinentia, inquit, linguæ suis nutrita leuitatibus, magnam operum bonorum materiam, multos vitæ spiritualis fructus ubi attaminauerit, perdit. Et hæc est expositio D. Thomæ hoc loco; & Iacobi Alogenhagen in annot. ad hanc epist. qui ait, *totum corpus maculas*, hoc est, omnem vitæ nostræ rationem, seu totam actionem & vitam hominis.

N E C nouum in Scriptura, quod per corpus intelligantur opera: sic enim accipitur apud Lucam. *Si oculus tuus fuerit simplex, totum corpus tuum lucidum erit*; ubi sicut nomine oculi intentio significatur secundum August. Gregor. Luc. 11. & Bedam: ita nomine corporis opera significantur; sicut etiam corpus peccati dicitur congeries peccatorum, vt docet Hierony. Rom. 6.

I N F L A M M A T etiam lingua rotam natiuitatis; ubi vox Græca significat incessabilem vitæ cursum, quo à natiuitate vsque ad mortem, velut currente rotâ incessanter agimur, & comparatur rotâ, eo quod semper à natiuitate vsque ad mortem in se reuoluatur. Ideoque Oecum. ait: Tempus vitæ nostræ appellauit Psalmographus coronam, dicens, *Benedices corona anni*. Rota verò & corona in eo conueniunt, quod vtraque circularis est; rota vero dicitur vita, tanquam in seipsam reuoluta. Psal. 64.

SYRIACVS codex habet, *Series genealogiarum nostrarum, quæ currunt in modum rotarum, & ipsa quoque accenduntur igne*. Quod potest imprimis intelligi de genealogiis, in quibus quidam gloriantur, & ob id alios præ se ipsis contemnunt, ac despiciunt. Vel etiam potest intelligi de genealogiis, quas alij inficiunt, detrahunt, & veluti in cineres linguarum igne conantur redigere. *Inflamat itaque lingua rotam natiuitatis*, id est, contaminat vitam nostram,

MMm 3 stram,

stram, vt ait Oecumen. vel inflammat totum cursum vitæ nostræ litigando, detrahendo, blasphemando, cæterisque linguæ vitiis.

Et certe prodigio simile est, quod cum alia hominum vitia vel ætate deficient, vel temporis successu corrigantur, vel saltem non occupent totum hominem; vitia tamen linguæ per omnes vitæ partes spargantur, ac grassentur, & per totam ferè vitam augeantur.

INFLAMMAT ergo, hoc est, incendit, & excitat nos in gehennam, idque *inflammata à gehenna*, hoc est, incitante dæmone, & Angelis eius, propter quos gehenna facta est.

GEHENNÆ vocabulo ad designandum locum, in quo pœnæ penduntur æternæ, prius, & primus legitur vsus Saluator noster in sacris literis, quanquam prius in vsu fuisse verisimile sit. Est autem nomen Hebraicum *gehennâ* frequens in veteri instrumeto, vt patet Iosue 15. & significat vallē Ierosolymis vicinam ad plagam Orientalem, Cedrinis aquis irriguam. Huius igitur loci nomen translatum est ad designandum Infernum, tum ob diram immanitatem, qua cultores Moloch adolere illic soliti fuerant igne liberos suos in holocausta, vt constat ex Ierem. 7. tum ob fœtidam loci spurcitiem. Ne quis enim amplius filios per ignem dæmoniis offerret; Deus magna multitudine occisorum locum contaminauit, vt constat ex loco citato Ierem. c. 7. & c. 32. Quod etiam fecit Iosias replendo eundem locum cadaueribus, excrementis, & sordibus, vt patet ex 4. Reg. 23. Hinc itaque ad designandum crudelem, horrendum, fœtidum, ac detestabilem perpetuò cruciandis reprobis destinatum locum, alterius loci nomen translatum est; quia verò continens accipitur pro contento, idèd hoc loco appellatur diabolus, gehenna, sicut notauit Glossa, & Beda: quia sicut gehenna semper ardet, sic diabolus siue in aëre volitans, siue in terra, semper suarum secum deferit pœnam flammarum, instar febricitantis, qui etsi in lectis eburneis iaceat, febrim patitur, & ardorem sustinet.

§. I.

Lingua inficit, ac perdit quaecumque inuenit bona opera.

MACVLAT ergo, ac contaminat lingua totū corpus, quia quaecumque opera virtutum inuenit, inficit, ac deturpat, & in cineres omnino redigit, quaecumque anima superædificauerat. Quod notauit Ephrem de *Nom. 11.* linguæ malo in Maria sorore Moylis, quæ cum Prophetissa esset, ob linguæ vitium, totum corpus eius maculatum est, perfusumque lepra: ita vt Moyse eam penè mortuam reputauerit. Ait ergo Ephrem: Ex iis, quæ manifesta sunt, latentia atque occulta intelligi debent. Nam apertè corpus illius lepra occupauit, quia clàm lepra peccati animam suam infecerat, ex manifesto eius malo peccatum innotuit, quod latebat. Ex teterrima ipsius lepra docemur, quàm graue, & detestabile vitiū sit obrectatio. Corpus quod lepra infectū cernebatur, velut speculū quoddam fuit animæ; ex illa carnis

cor

corruptione patefactum est, quomodo hominis maledici, ac detractoris corrumpatur animus. Similia habet Ambr. in I. sal. 36. ubi loquacitatem appellat innocentiae, virtutisque naufragium, namque sicut nauis, dum dehiscit, rimasque agit, magna aquatum copia collecta demergitur: ita per apertionem oris, linguaeque scissuras in profundum inferni facile demergitur anima, quae veluti secundis ventis ad gloriae portum nauigabat. Ideoque Salomon dixit: *Fili ne d. fuas.* Quae verba commentatus Ambr. Ser. 4. in Psal. 118. sic ait. Quicumque est facilis verbis, velut plenus rimarum, hac atque illac effluens, interiora euacuat sua, & exterioribus passionibus inundatur, tegere se nesciens, nec tenere verbum. Et super Psal. 38. ad ea verba. *Posui ori meo custodiam;* sic habet: Vestem sibi adhibuit ad os, quo thesaurum cordis, ac virtutum seruaret, qui aperto ore, fatiscensque rimis facile deperditur. Et Chrysost. super eundem Psalm. ait: Quoniam Phariseus ori suo fores non apposuit, paucis verbis, quae intus erant, perdidit; quemadmodum qui thesaurum posuisset in domo, in qua nullae fores fuissent. Si ergo velimus vitam, & dies videre bonos, corpusque lucidum habere, prohibeamus linguam nostram à malo. Quod argumentum, prosequitur Chrysost. tom. 1. in Psal. 33. Et in hoc sensu Clem. Alexand. 2. Pædag. cap. 7. dixit: Terribilis in interitu suo vir linguosus; totum namque virtutum corpus inficit, imò interficit.

§. I I.

Inconstancia vita nostra in rota adumbrata.

APPELLATUR hoc loco ab Apostolo vita nostra rota, sicut etiam Ecclesiast. cap. 12. ex sententia multorum; *Et confringatur rota super ci-* Ecl. 12.
sternam, qua per omnes aetatis gradus assidue voluitur & decurrit. Quem modum loquendi exposuit Nazianz. in sententiis, dicens: Rota est, incertò fixa, brevis hæc & multiplex vita: sursum mouetur, ac deorsum trahitur: neque enim stabilis est, quantumvis ita videatur, fugiens tenetur, & manens effugit, saltat plerumque, nec tamen fugere potest, stationem suam motu trahit, ac retrahit. Quod etiam prosequitur Bern. Serm. de nimia fallacia præsentis vitæ; ubi inter alia: Vita nostra ut multipliciter illudat, mutat faciem: modò enim se esse breuem causatur, modò simulat longiorem, cum peccare delectat, adhuc gemit altius pro breuitate sua. Sicut igitur rota nūquā stat, sed perpetua volubilitate circumagitur, ita in hac vitæ rota nulla stabilitas, aut securitas reperiri potest, sicut notauit D. Ambr. Psal. 43. in eo, quòd Christus Dom. dum in nauicula cum Discipulis esset, voluit mag- Mat. 8.
nam excitari tempestatem, ita ut nauicula operiretur fluctibus. In naui, inquit Ambros. dormiebat Christus corpore; sed virtute vigilabat: Discipulos verò remissos, & negligētes esse non passus est, quasi de Domini præsentia & fauore securos; somnò corporis sese composuit, vigilabat tamen eius potestas, & prouidentia, quæ excitauit tempestatem in mari. Si ergo Christus Dominus

Dominus, nec secum patitur quietos, ac securos esse Discipulos, quomodo patietur aliquem in vitæ curriculo, & circulo minimè circumrotari & commoueri?

PROSEQVITVR idem argumentum Basil. in Psal. 1. Talis est vita, quæ nec delectabilia, nec rursus acerba, & tristia diu retinet. Hodie terram coluisti? cras alter colet, & post eum alius. Vides agros hos, & domos sumptuosas, quot nomina iam vnumquodque horum permutauit? Cur vita nostra non dicitur via, quæ modò hunc, modò illum sortitur continuò statum? Beatus ergo qui in via peccatorum non stetit. Quis enim velit stare, vbi nihil stat, & omnia cum rota versantur? Ideoque Aug. lib. 6. Confess. c. vltimo. Versa, & reuersa in tergum, & in latus, & in ventrem, & dura sunt omnia, & tu solus requies. Et lib. 4. c. 10. Quoquò versum se verterit anima hominis, ad dolores fugit alibi, præterquam in te.

ET hæc est ratio, quare in sacra Scriptura mors dicatur *quies*, ac *requies*: quia tunc tandem quiescit rota, & motus eius circularis terminatur. Notauit hoc D. Chrysost. tom. 1. hom. de nomine *Abraham*; vbi exponit ea verba. *Lamech, genui filium, vocauitque nomen eius Noë, dicens: Hic nos quiescere faciet.* Sic enim legit id quod nostra ait; *consolabitur nos ab operibus.* Quietem, inquit Chrysost. diluuium vocans, eo quòd sub illo futurum erat diluuium diluuium autem mors fuit: mors verò quies viro est; & idcirco hominem, sub quo diluuium factum, quietis autorem vocauit. Mors quies liberans eos a laboribus, &c.

HINC etiam est, vt quia hominis vita, rota est, ipse etiam nunquam in eodem statu permaneat, sed modò lætus, modò mærore affectus, nunc diues: postea pauper, hodie in honoris vertice, cras in imis infelicitatis ruinis. In quam sententiam aliqui ex recentioribus explicant cum Lyrano eum locum Ioan. vbi Discipuli dixerunt Christo, iterum in Iudæam redire volenti. *Rabbi, modo volebamus te Iudæam lapidare, & iterum vadis illuc*, quibus ipse respondit. *Nonne duodecim horæ sunt dies: vt sint verba prouerbialiter dicta, ad significandam mutationem facilem hominum, qui temporis variatione mutantur; ac si dictum esset: Duodecim horæ sunt diei, sed multo plures mutationes in homine, qui non persistit in eadem voluntate, sed quod modò intendit, statim dimittit. Quod videre est in Amnon, qui modò Thamar deperibat, eam iam odio prosequitur, & velut turpem ancillam poiicit. In Israëlitis, qui aquam exoptarunt, deinde panem, postea carnes; aquam tribuit Deus, panem misit de cælo, innumeram coturnicum multitudinem coniecit, sed cum adhuc carnes essent in dentibus eorum, furor Domini concitatus in populum, percussit eum plaga magna nimis, vocatusque est ille locus, Sepulchra concupiscentiæ.* Fuit enim necessarium, vt Deus eos homines occideret, ad hoc, vt finem concupiscentiis, & mutationibus imponeret; alioqui nunquam cessarent ab appetitione & variatione.

IDEOQUE Aug. lib. Soliloquior. c. 2. Nunc gaudeo, inquit, statim tristor, nunc vigeo, iam infirmor. Nunc viuo, statim morior, nunc felix appareo, semper miser, nunc rideo, iam fleo; sicque omnia mutabilitati subiacent,

vt

ut nihil vna hora, in vno statu permaneat. Prosequitur idem argumen-
tum Chrysost. hom. 63. ad Populum. Sicut, inquit, nunc quidem nox, nunc
autem dies, interdū quidem æstas, interdū autem hyems sic & in nobis. *Exi* *Genf. 12.*
de terra tua. Vides rem molestatam imperari; verū & lætam vides subse-
quentem. *Et veni in terram, quam monstrauero tibi; & faciam te in gentem mag-*
nam. Quid ergo? Postquam venit in terram, portum attingit, infesta
deserunt; Nequaquam, sed & rursus alia prioribus grauiora subsequuta
sunt, fames, & peregrinatio, vxorisque rapina, & post hæc alia bona suc-
cesserunt, quæ prosequitur; additque: Sed quoniam in læticia semper esse
volumus, propterea nos in tristitiis semper esse putamus, neque propter
hoc tantum; verū quoniam lætorum quidem, & bonorum statim obliui-
scimur; tristitium autem semper recordamur. Neque enim fieri potest, ut
homo sit semper in ærumnis, qui perpetua mutatione versatur, ratione-
que istius instabilitatis meritò Dauid mirabatur, quòd Deus hominem
computaret. Sic enim legit Hieronym. illud Psalm. *Domine quid est homo, quia* *Psal. 43.*
innotuisti ei, aut filius hominis, quia computas eum? August. verò ibi; *quia estimas eum;*
rem scilicet instabilem, & cum cæteris quæ statum, & quietem habent,
minimè computandam. Vnde Iacobus eius vitam cum rota perpetua vo-
lubilitate agitata meritò confert.

§ I I I.

Linguam præ cæteris membris diabolus inflamat.

INFLAMMAT autem gehennæ princeps linguam nostram, imò nul-
lum aliud membrum constitutum in corpore humano sic aggreditur;
& accendit. Quod notauit Chrysostom. tom. 5. hom. ad baptizandos, di-
cens: Vndique nobis insidias dæmon præparare consuevit, sed facilius lin-
gua, & ore peccante; nullum enim æquè congruū illi organum, in mi-
nisterium est interitus atque peccati. Nam inde nobis mors, inde lapsus, in-
de perditio, inde naufragium præparatur. Videndūque est hac de re Orig.
hom. 3. in Exod. cum explicat ea verba cap. 3. *Ego aperiam os tuum, & instruam* *Exod. 3.*
te, quæ oporteat te loqui. Beati, inquit, sunt quorum Deus os aperit, ut loquan-
tur. Prophetis Deus os aperit, & implet eloquio suo; vereor tamen ne sint
aliqui, quorum os diabolus aperiat; nam qui loquitur mendacium, qui fal-
sum testimonium dicit, diabolus aperuit os eius. Aduertit autem idem
Origenes, aliter Deum inflammare linguam nostram, atque diabolum; ut
videre est in Isaia, ad cuius linguam purgandam missus est vnus de Sera-
phinis. Ideoque concludit hom. 4. in cap. 6. Isai. Tangat, inquit, labia no-
stra, ut & nos dicamus. *Tergit, & inflammauit os meum.*

Est autem inflammare linguam, sicut notauit hoc in loco Caietan. ef-
ficere, ut lingua nostra mala loquendo mereatur flammam gehennæ; quia
nullum aliud vitium est, in quo tam aperta cernatur demeritum, aut
cui tam iustum debeat supplicium. In primis enim nulla propolita utili-
tas, in Epist. B. Iacobi Apost.

NN n tate,

rate, commodūe lingua in damnum famæ, & honoris aliorum dilatatur, nullam hoc vitium secum affert voluptatem, cū in cæteris peccatis, vel utilitas, vel voluptas alliciat & impellat; sicut prosequitur Chrysostom. hom. 3. ad Popul. Tandem inexcusabile coram Deo videtur hoc peccatum, quo frater impiè inculpatur, & de illo multoties sine culpa detrahitur, & qui fratrum defectus quantumvis minimos magni facit, & virulento ore inficit, quomodo proprio poterit coram omnium iudice integerrimo attenuare vel excusare, aut pro eis misericordiam Diuinam implorare, qui immisericors, & crudelis semper erga proximos extitit?

Vt flammam igitur gehennæ vitet, contra se quisque inflāmet linguam suam, & qui tam solerti studio aliorum defectus accusat, suos ipse propria lingua redarguat. quod dixit Chrysostomus loco suprà cit. Lingua armetur aduersus peccata tua, non ad fratris plagam præparetur. Et Bernardus de interiori domo c. 42. Væ illi, qui spām reuinit corrigere vitam, & alienæ non definit detrahare, si vis detrahare, tua in te peccata retorque. Et c. 43. Tandiu quisque sua peccata ignorat, quandiu curiosè aliena considerat; qui semetipsum aspicit, non quærit quid in aliis frequenter reprehendat, sed in semetipso quid lugeat.

ALIAM rationem affert Chrysostom. cur debeamus linguam nostram custodire, ne quando à gehenna inflammetur, quia scilicet ea est, qua Deum alloquimur, & veniam à Deo peccatorum nostrorum postulare debemus. Sic igitur habet homil. 52. in Matth. Noli pati linguā sordescere; quo enim pacto pro te deprecabitur, si libertatem propriam amittat? Orna eam humilitate, atque modestia dignam fac Deo, qui per eam rogatur, oraturus magis vertice ipso capitis linguam tuam custodias. Veniat nobis in mentem, quem adire constituimus, & pro quibus, & quid facturi adimus.

ALIAM etiā rationem custodiendæ linguæ affert ibi Chrysost. homil. 21. in epist. ad Roman. quæ sic habet: Quomodo sacram oblationem sumes, qui linguam humano sanguine cruentasti? Quomodo pacem das ore, bel-
lis aded referto, &c. Custodienda est igitur lingua, qua Deum alloqui & deprecari, imò & in sacratissima Eucharistia sumere debemus, ne à gehenna incendatur, & à diabolo prouocetur.

Verf. 7. *Omnis enim natura bestiar, & volucrum, & serpentium, & cæterorum domantur, & domita sunt à natura humana.*

Verf. 8. *Linguam autem nullus hominum domare potest, inquit, in malum, plena veneno mortifero.*

EXPOSITIO LITERALIS.



STENDIT adhuc Apostolus linguæ petulantiam, & improbitatem maximam; eo quod naturalibus vinibus, & humana arte semper indomita permaneat, cū cætera animantia, quantumvis crudelia,

delia, cicurentur. Illud autem circa literam notandum occurrit, ubi nos legimus, *cetorum*, alios legere, *cetorum*; Græcos verò & Vatabl. *marinorum*; & ubi nos habemus, *inquietum malum*, habere, *incoercibile*.

ILLUD deinde aduertendum, non loqui Apostolum hoc in loco de ea animalium mansuetudine ante peccatum, qua subdebantur homini, qui dominabatur piscibus maris, volatilibus cæli, & vniuersis animantibus, quæ mouentur supra terram, neque de ea, quæ diuinitus multoties facta est, ut quando cæus Ionæ pepercit, leones Danieli, serpentes B. Teclæ, viperæ Apostolo Paulo; sed loqui de ea, quæ arte, & sagacitate hominum fit. Genes. 3.
Ion. 2.
Dan. 6.
Mat. 18.

NON est igitur dubium leones, tigres, elephantes, rhinocerotes, vrsos, pantheras, atque alia immanissima animalia, solo nomine nos perterrefacientia, arte hominum mansueuisse. Etenim M. Paulus Venetus in lib. de Regionibus Orientalibus refert, Magnum Cam Imperatorem Tartarorum habuisse cicuratos leones, leopardos, tigrides, lynces, vrsos & reliquas id genus feras. Et Plinius lib. 8. cap. 16. & 17. ostendit facile esse domare leones, tigridesque mansuescieri, & c. 11. ait: Iuncti primum currum subiére elephantum Pompeij Magni Africo triumpho. Nouimus etiam tigrides currum Liberi patris traxisse, de quo Poëta dixit.

Liber agens Nisæ summo de vertice tigres.

Nouimus elephantes magistris obedire, Græcos quoque characteres depinxisse, teste Plin. & Heliano. Rhinocerotes scimus tempore Domitiani Romanam aduectos, & morigeros se præstitisse suis præceptoribus, ut Martialis dixerit:

Sollicitant panidi cum rhinocerotia magistri,

Et dum se tarda colligit ira fera.

Serpentes etiã, quo nomine reptilia complectitur Iacobus, cicures redditi sunt. Nam Plinius lib. 10. cap. 7. in fin. cuius meminit Beda hoc in loco; refert immanissimam serpentium aspidem in Ægypto domitam à patre Farnæ: & quotidie de cauerna sua ad mensam eius egressam, annonam percipere solitam. Aues etiam, ut picæ, & graculi humanas voces sonare discunt. Nec tantum paruus volucres, sed etiam grandes, ut aquilæ & falcones, struthionésque mansuescere videmus. Ideoque dixit Baruch. *Ibi sunt Principes gentium, qui dominantur super bestias, quæ sunt super terram, qui in auium celi ludunt*; Enimuerò sicut olim gladiatores ludebant ad spectaculum populi, necem sibi inferentes; ita falcones ludere dicuntur, dum alias volucres nobis spectantibus interficiunt.

QUOD denique pisces domentur, nulli dubium esse potest. Legimus enim apud Plin. lib. 9. cap. 8. delphinum solitum fuisse voce hominis audita egredi ad litus, & quandam dorso suo suscepisse & vectasse per mare. Plura habet Aulus Gellius lib. 7. c. 8. ubi ex Appione refert, delphinum inclamatum à puero apud Puteolos acciri; quin etiam adnatantem dorso puerum admisisse; ita ut pinna aculeos velut vagina conderet, ne pueri corpus lacerarent, receptumque equitis modo insidentem per magnum, æquor per ducenta stadia deferret. Roma, inquit ille, omnisque Italia confluabat, ut

NNn 2 pis

piscem vectorem pueri spectaret.

H o m o itaque sola ratione instructus, vt ait Galenus, & manibus munitus, etsi ferocitate, ac fortitudine leones, & alias feras bestias non superet, instrumentis tamen quibusdam, manibus, ingenio omnia domat, aut saltem domare potest: solam linguam suam ipse domare nequit; & cum animalia carniuora, vt leones, lupi, aquilæ, &c. in arca Noë à carnibus abstinerint, vt colligitur ex August. lib. quæst. super Gen. q. 3. homines tamen humana carne crudeliter velcuntur, linguæque moribus se dilaniant, ac lacerant: id enim in Scriptura significat, *vesci carne humanâ*; iuxta illud Iob. *Quare persequimini me, sicut Deus? & carnibus meis saturamini?* & illud Micheæ: *Qui comederunt carnem populi mei.*

Iob. 19.
Cap. 3.

SUPEREST alia difficultas; quo pacto intelligendus sit Apostolus; linguam nullus hominum domare potest, si illa indomita nulli prorsus salus contingere potest: Cui obiectioni imprimis possumus, respondere, primò cum Glossa, quam affert & probat D. Thomas, quòd linguam potest homo domare quoad delicta grauiâ, sed non à leuibus semper, cum omnes offendant, vel superflue, vel otiose loquendo. Vel secundò respondetur, quòd nullus Doctor potest domare linguam discipulorum audientium. Vel terciò tandem, & melius, cum D. August. lib. de Nat. & Grat. cap. 15. tom. 7. qui locus, quia totus aureus in præsentî transcribendus est. Ait ergo ibi: Non mihi videtur ita intelligendum, quasi per exprobrationē dictum, tanquam diceretur; ergone linguam nullus hominum domare potest; tanquam obiurgans, & dicens, domare feras potestis, linguam non potestis; quasi factilius sit linguam domare, quàm feras. Non puto quòd iste sit sensus hoc loco. Si enim hoc sentiri vellet de facilitate domandæ linguæ, cætera sequerentur in bestiarum comparatione. Nunc verò sequitur inquietum malum, plena veneno mortifero, vtique nocentior quàm bestiarum, atque serpentum. Nam illud carnem interficit; hoc verò animam. Neque hoc idèò dixit, vt huius in nos mali dominationem per negligentiam permanere patiamur; sed vt ad domandam linguam diuinæ gratiæ poscamus auxilium: non enim ait, linguam nullus domare potest, sed nullus hominum; vt cum domatur, Dei misericordia, Dei adiutorio, Dei gratia fieri fateamur. Conetur ergo anima domare linguam, & dum conatur, poscat auxilium, & oret linguam, vt dometur lingua, domate illo qui dixit ad eos; *Nō enim estis qui loquimini, sed Spiritus Patris vestri qui loquitur in vobis.* Ex idem Augustin. tom. 10. Ser. 4. de verb. Dom. cap. 2. Si linguam nullus hominum domare potest, ad Deum confugiendum est, qui domet linguam nostram: si eam domare volueris, non potes; quia homo es, linguam nullus hominum domare potest: Attende similitudinem ab ipsis bestiis quas domamus: equus non se domat, camelus non se domat, elephante non se domat, aspis non se domat; sic & homo non se domat, sed vt dometur equus, camelus, & elephante, queritur homo: ergo Deus queratur, vt dometur homo. Dubitare debemus quia mansuetos nos faciet Dominus, si nos domandos ei præbeamus? Domasti leonem quem non fecisti, non domat te qui fecit te?

Matt. 10.

HVIC

HVC expositioni etiam videtur fauere Occumen. qui hæc verba; *Lingua nullum hominum domare potest*; non assertiue, sed per interrogationem putat legenda. Nam vt ipse ait, si assertiue dicerentur, nequaquam in progressu recte videretur vti exhortatione, cum ait: *Non oportet fratres mei, hæc ita fieri.* Suffragatur etiam Isidorus Clarius qui idem sentit.

CVM ergo ita se res habeat, merito Dauid postulabat à Deo, vt domaret linguam eius, dicens: *Pone Domine custodiam ori meo.* vbi Chrysost. Postulationem incipit Dauid ab eo quod omnium malorum causa est, si negligatur, quemadmodum bonorum, si in eo cura, & studium ponatur. Quod argumentum profecquitur author Sermonum ad Fratres in Eremo.

§. I.

Ostenditur malum, & venenum mortiferum linguæ.

APPELLATUR hoc loco lingua, *malum inquietum*, non solum quia labile, seu lubricum est, cum consistat in humido. Ideoque non tam citò fatigatur, sicut quodlibet aliud membrum; neque etiam quia citò transit de malo ad malum, vt à conuiitiis ad scurrilia, ab illis ad detractiones, iuramenta, & falsa testimonia; sed quia plerumque magnarum commotionum, & perturbationum est causa. In quam sententiam intelligit D. Greg. 5. Moral. c. 11. illud Prouerb. *Qui dimittit aquam, caput est iurgiorum.* Aqua quippe dimittitur, cum linguæ fluxus effrænatur; sed dimissor aquæ caput iurgiorum efficitur, quia per linguæ incontinentiam, discordiæ origo propinatur. Quibus habet similia D. Hierony. in citata verba tom. 8. & author Ser. ad Fratr. in Erem. vbi supra, cum ait: O lingua, tu periculum immittis, discordiam sæpe spargis, &c.

DICITVR insuper *plena veneno mortifero*, quale est pestilentia. Vnde loquaces, & irrisores in Scriptura, pestilentes sæpe nominantur, vt patet in lib. Prouerb. cum dicitur; *Tecta pestilentia, mulier liuigiosa*; quæ verba sic habent aliqui Codices; *Tecta pestilentia.* Ideoque Maria soror Moysis quæ per linguam ceciderat, & contra fratrem murmurauerat, efficitur extra castra, veluti pestilentia infecta. Et illud Exodi: *Ne forte occidat nos pestis*; ex Heb. legi potest; *Ne forte occidat nos lingua.* & in Ps. 1. vbi nos habemus, in cathedra pestilentia non sedis; D. Hierony. legit, in cathedra irrisorum. Qua de re videndus ibi August. Eugubín. cum aduertit, non male interpretes eiusmodi homines appellasse pestilentiam. Quibus habet similia Hierony. super Ezech. c. 18. & super Isai. c. 6. Facit etiam ille locus Psalmi; *Ipse liberauit me de laqueo vinantium*, & à verbo aspero, vbi Heb. & à peste celeriter necante. Videndus item Origen. lib. 3. in epist. ad Rom. cum ponderat ea verba Psalmi. *Venenum aspidum sub labiis eorum*; Morsus, inquit, serpentis veneno corpus interimit, morsus verbi venenati animam necat. Et Bernard. Serm. de Triplici custodia: *Lingua*, inquit; maledica, viperæ est ferocissima, quæ lethaliter inficit tres flatu vno, illum qui loquitur, & de quo loquitur, & quæ verbis suis scandalizat.

SICUT autem venenum id, quod primum petit, est cor, quo citius toto corpori dominetur, vitamque eripiat; sic flagitiosa verba nihil prius agrediuntur, quam cor. Vnde Origen. in cap. 19. Iob ait: Nihil sic hominis attingit animum, ut sermo durus; sæpenumero qui corporis cruciamenta toleravit, non passus est verba. Et Ambros. lib. 2. de interpellatione Iob: Nihil sic penetrat animam, nihil sic moridet, ut durior sermo. Ideoque Iob cō-

Iob. 19. questus dixit, *Usquequo affligitis animam meam, & auertitis me sermonibus?*

PROSEQVITVR hoc argumentum Chrysost. hom. 15. in Matth. ubi ait: Nescio quomodo omnibus penè rebus amariùs solent mordere maledicta, cum certè multi ad laqueum conuolarint, opprobria non ferentes. Notauit autem ibi acutè sanè Chrysost. dixisse Christum Dominum, *Beati pauperes, beati mites*, &c. indefinitè quidem. At verò cum de malo linguæ loquutus est, conuertit sermonem ad Discipulos, & ait illis: *Beati estis, cum exprobrauerint vobis homines, & dixerint omne malum aduersum vos*; videlicet ostendens, ait Chrysost. ipsorum hoc esse præcipuum & proprium super omnes prorsus magistros, & quod nisi quis armatus fuerit virtutibus, quas Christus præmiserat, & enumerauerat, tantum malum tolerare non possit. Sunt enim aliqui filij hominum, quorum *dentes arma, & sagittæ*, sicut dixit David. Quæ verba sic legit, & transfert Genebr. homines habent verba dentata, & sagittantia, ideoque Christus thoracibus ferreis, impenetrabilibusque virtutum eos muniuit; & mortifero veneno occurrit per verba vitæ, & antidotum suæ doctrinæ desumptæ ab arbore vitæ Christi.

§. II.

Debemus prouidere famæ nostræ, & occurrere pestilentiaæ linguæ.

CÆTERVM, quia lingua plena veneno mortifero dicitur, ne inficiat, & ineptos omnino reddat viros qui Reipub. Christianæ sūt perutiles, ac necessarii, & ipsorum odorem fetere faciat coram populo; idèd Religiosis, & Apostolicis etiam viris aliquando licet huic pestifero veneno occurrere, sicut notauit Oecumen. in epist. 3. Ioan. cum Apostolus maledico Diotrefi ait: *Propter hoc si venero, commonebo opera, quæ facis verbis malignis garriens in nos*. Ait ergo Oecumen. Si præceptum est, non reddendum esse malum pro malo, quomodo iste nunc hæc comminatur? Dicimus ergo quòd hoc præceptum est, ne illi reddamus malum qui in nos ipsos solos deliquit, nam si peccatum est aduersum nos, & fidei assert impedimentum, referendum est tali, sicut & Paulus Elymæ qui peruerterat vias Domini, dixit; *Oplene omni fallacia*, &c. Et Beda etiam ibi. Linguas detrahentium, sicut nostro vitio non debemus excitare, ne ipsi pereant; ita per suam malitiam excitatas debemus æquanimiter tolerare, ut nobis meritum crescat; aliquando autem etiam compescere, ne dum de nobis mala disse

disseminant, eorum qui audire nos ad bona poterant, corda innocentium corrumpant. Prosequitur hoc argumentum Basil. epistol. 79. ad Eustathium.

Et hæc fortassis videtur causa, cur olim Reges, Sacerdotes, & Prophetæ vngerentur. De Regibus licet lex taceat, Scriptura tamen tum ex ipso usu, tum ex consensione omnium interpretum, etiam Hebræorum, constat, patetque ex 1. Reg. 10. & 16. ex 3. Reg. 1. ex 4. Reg. c. 11. quod etiam apud profanos usitatum asserit Plut. in Artaxerxe; & Apuleius lib. 11. Transformationis. De vñctione verò Sacerdotum videndus est liber Exodi cap. 29. & liber Levitici c. 8. & de Prophetis patet ex 3. Reg. c. 19. Vnde etiam Yngi, erat destinari, & quasi cōsecrari ad Prophetæ munus, ad rectè, & ritè obeundam diuinam legationem. Hoc igitur ideo factum præter alias rationes puto, vt intelligerent huiusmodi homines, curandum sibi esse bonum nomē, ac testimonium, nomine olei, & vnguenti in sacris literis significatum, vt patet ex lib. Cantic. cum dicitur; *Oleum effusum nomen tuum*; quod de bona fama communiter explicatur, & è contra in Prouerb. dicitur; *nomen impiorum putrescit*. Sumptaque est metaphora à suauitate odoris, quam oleum vnguētaue longè diffundunt. Quæ de re videndus Aug. 3. de Doctr. Christian. c. 12. Odor bonus bona fama est, &c. Et Basil. orat. in Sanctum Gordium. Proindeque resistendum detractoribus, & obstruendum os iniquè loquentium; quod docet D. Thomas 2. 2. q. 73. art. 3. vbi quærit; Vtrum aliquis debeat contumelias sibi illatas sustinere? Respondetque in corpore art. necessariam esse patientiam in his quæ contra nos fiunt, & habere animum paratum ad contumelias tolerandas, si expediens fuerit: quandoque tamen oportere, vt contumeliam illatam repellamus, maxime propter duo. Primò quidem propter bonum eius, qui contumeliam infert, vt videlicet eius audacia reprimatur, & de cætero talia non attentet. Alio modo, propter bonum multorum, quorum profectus impeditur per contumelias nobis illatas. Probat autem sanctus Doctor hanc doctrinam ex Gregor. homil. 9. in Ezechiel. dicente: Hi quorum vita in exemplo imitationis est posita; debent si possunt detrahentium sibi verba compescere, ne eorum prædicationem non audiant qui audire poterant, & ita in prauis moribus remanentes bene viuere contemnant.

Docvtr hoc Augustinus Serm. 49. de Diuersis, cum ait: Propter nos conscientia nostra sufficit nobis, propter vos fama nostra non pollui; sed pollere debet in vobis. Et lib. de bono viduitatis c. 22. Placendum per omnia omnibus, nempe in bonum, & curanda quæ sunt bonæ famæ, siqua virtus, & siqua laus, vt illa pro nobis, hæc sit pro aliis. Verèque dixit tenax famæ Cicero 1. de Offic. *Negligere quid de se quisque sentiat, non solum arrogantis esse, sed etiam omnino dissoluti*. Et Plato lib. 2. 2. de Legibus, circa medium cauet, ne quis vnquam parui faciat, probusne aliis videatur, an improbus. Quod cum debeant facere priuati homines, maiori cura debet obseruari à viris Apostolicis, & in dignitate constitutis, qui ne fiant tanquam vas perditum ob vituperationes commorantium in circuitu, & inutiles red

reddantur ad docendum in Ecclesia, huic mortifero veneno linguæ diligenter admodum se debent opponere, ne subditi ab eis fugiant, utpote pestilentia infectis, ad quos deberent confugere, pro vitæ pane (doctrinæ scilicet) accipiendo.

Verf. 9. *In ipsa benedicimus Deum, & Patrem, & in ipsa maledicimus homines, qui ad similitudinem Dei facti sunt.*

EXPOSITIO LITERALIS.



STENDIT adhuc Apostolus, linguæ malignitatem, & abusum, quæ cum Dei laudes celebret, ac celebrare debeat, hominem etiam, imaginem scilicet Dei, ipsum virulentis verbis impetit. Vitiūque in hoc constitit, quod linguam ad maledicendū exaramus, cum tamen ad benedicendum, & laudandum Deum creata sit. Quod notavit Aug. lib. de salutar. document. tom. 4. *In ipsa* igitur idem est, atque *per ipsam*; ut peruium & tritum in Scriptura est. Illud autem quod dicitur, *benedicimus Deum, & Patrem*, explicat D. Thomas; ut significet totam Beatissimam Trinitatem, quæ Deus est per potentiam creationis, Pater per gratiam adoptionis.

CUM verò hoc in loco dicitur homo ad similitudinem Dei factus; ostendit imaginem & similitudinem Dei nihil diuersum significare; cum Scriptura de hac re loquens, promiscuè his vocibus utatur, aliquando utrumque vocabulum coniungens, ut locis citatis; aliquando alterum solum ponat, ut hic, & Gen. 5. dicitur, *ad similitudinem Dei fecit illum*; & Gen. 9. *ad imaginem quippe Dei factus est homo*; Coloss. 3. *Secundum imaginem eius qui creauit eum*.

EST ergo homo imago, vel similitudo Dei, eaque non corporalis, sed spiritalis. Rursus hæc duplex, altera naturalis, altera supernaturalis. Naturalis quatenus animus noster incorporeus & indiuiduus, immortalis, intellectu, & voluntate præditus, libero arbitrio pollens, capax sapientiæ, virtutis, diuinæque gratiæ, ac gloriæ, cunctorumque animalium dominus, ac præses est. Quæ rationes desumptæ sunt à Sanctis Patribus; quanuis illi vnam, aut alteram duntaxat ad rationem imaginis declarandam attulerint; & hæc ratio imaginis cum sit connaturalis homini, peccato eiusdem hominis nequiuat adimi, & aboleri, nisi homo esse desineret.

SUPERNATURALIS verò imago, est accidentalis gratiæ, & iustificationis, quæ in patria perficietur, & cōsummabitur, quatenus pro libertate arbitrii potest in hac vita amitti, licet possit iterum accipi & restaurari. De qua, secunda ratione imaginis dixit Paulus: *Nos verò omnes reuelata facie gloriæ Dei speculantes, in eandem imaginem transformamur à claritate in claritatem, tanquam à Domini spiritu*. ubi Diuus Thomas explicat, quod cum omnis cognitio

gnitio sit per assimilationem cognoscentis ad cognitum, oportet ut qui vident Deum, aliquo modo assimilentur Deo. Et iterum idem Paulus dixit: *Renouamini autem spiritus mentis vestra, & induite nouum hominem, qui secundum Deum creatus est in iustitia, & sanctitate veritatis*, id est, sanctitate vera, in qua similis Deo, conditus est Adam.

§. I.

Legitimum munus linguae, Deum laudare.

PRI^MIS verbis nostri contextus proponit D. Iacobus legitimum vsum linguae, Deum scilicet laudare in operibus suis, virtutem prædicare in miraculis, benedicere in donis, ac beneficiis ab eodem acceptis, proximisque nostros ad ipsum nobiscum timendum, amandum, & inuocandum excitare. Quod habet Orig. in epist. ad amicum ægrotum, de viro perfecto, tom. 9. Hæc sapientia, inquit, vocatorum, cogitare semper in corde; *Quid retribuam Domino pro omnibus, quæ retribuit mihi?* ipsum habere semper in ore: quoniam panis; illum loqui omni tempore: quoniam linguas nobis nouas Spiritus eius aduexit.

PROSEQUITUR hanc doctrinam latè Chysof. homil. 14. in epist. ad Ephes. & D. Athanasius Orat. contra idola; ubi ostendit esse abusum linguae, si ipsam à laude Dei ad maledictiæm exeramus. Adeoque hoc est proprium linguae officium, ut etiam si quis plures haberet, non sufficerent ad illud implendum; ideoque magis incumbit vni linguae tot rationibus satisfacere.

NOTAVIT pulchrè in hanc sententiam D. Ambros. Ser. 73. id, quod contigit Apostolis in die Pentecostes, quando alienis linguis Dei magnalia loquebantur. In quo facto, inquit Ambr. ebrii esse videbatur, & sobrii. Ebrii enim putabantur, quod in iis loquela præter naturam altera personabat. Sobrii erant, quod iuxta consuetudinem mentis Deum laudabant. Quod quidem non elatione aliqua, aut impudentia contigit, ut viri Sancti peregrino sermone loquerentur; sed prouidentia diuinitatis factum est, ut quia ad magnificandum Deum vna loquela non sufficit, per plures linguas mentis deuotio solueretur.

ET quia hoc donum paucis contigit, debitumque impensè Deum laudandi omnes comprehendit, proinde non sola lingua, quia non sufficit; sed tota vita laudandum Deum admonet August. enarratione in Ps. 148. dicens: Fratres, exhortamur vos, ut laudetis Deum, & hoc est, quod omnes vobis dicimus, quando dicimus, Alleluia, laudate Dominum, sed laudate totis votis, de totis vobis, id est, ut non solum lingua, & vox vestra laudet Deum, sed & conscientia vestra, vita vestra, facta vestra, &c. Similiæque habet Psalm. 146. Cum cantaueris syllabis aliquando, vita sic canta, ut nunquam fileas: lingua tua ad horam laudat, vita tua semper laudet, &c. quæ prosequitur. Et Concione 2. in Psalm. 34. ad ea verba, *Lingua mea meditabitur*
Pax in Epist. B. Iacobi Apost. OO O in fi

iustitiam tuam. Suggesto, inquit, remedium, unde tota die laudes Deum, si vis quicquid egeris, bene age, & laudasti Deum. Idem habet in Psalm. 56. & in Psalm. 102. ibi, *Benedicite Domino ministri eius, qui faciis voluntatem eius.* vbi Aug. ita habet. Quid prodest, quia hymnum canit lingua tua, si sacrilegium exhalat lingua tua? Si ergo vis benedicere Domino, esto minister eius, qui faciis voluntatem eius. Videndusque est Chrysost. tom. 1. Ser. Quod Davidica cantica, &c. Os, inquit, canendo mentem erudiat; neque enim tenue illud, & exiguum videri debet, siquidem cum linguam ad cantum instruimus, pudebit animam vel contraria sentientem, non saltem canentem illam imitari. Et hom. in Psalm. 9. Psallere, ait, verbo, opere subsequi, fructus est inenarrabilis, qui psallit Deo, & facit id, quod cantat, psallit spiritu, psallit & mente, id quod facit, dicat, & quod dicit, facit, & vos germen Ecclesiae, qui estis vno verbi semine concepti, agnoscite quid cātatis, quod cantatis, & cui cantatis.

Mirum equidem est, quod Angelorum productio in Scriptura expressè non habetur, sed inuolūtè, vt voluit August. Cuius rei rationes ex Basil. & Chrysostom. affert D. Thom. 1. p. q. 67. art. 4. & tamen Pl. 148. cum inuitantur ad Dei laudem, explicitè inuocantur; *Laudate eum omnes Angeli eius;* sicut Daniel. 3. *Benedicite Angeli Domini Domino;* quasi hi nobilissimi spiritus superuacui censeantur in mundo, & veluti silentio inuoluendi, ac minimè nominandi, vsque dum Dei laudibus inseruiunt, & Deum benedicere incipiunt. Idè Aug. in Pl. 54. Laus Dei ab ore, & corde Christiani recedere non debet, siue tribulemur, & angustiemur, siue lætemur, & exultemus, ille laudandus est, qui & in tribulationibus erudit, & in lætitia consolatur nos, quemadmodum Psalmus ille præscribit. *Benedicam Domino in omni tempore; semper laus eius in ore meo.*

QUANTI verò faciat Deus hanc nostrā laudationem, ostendit Chrysost. in Sermon. quem habuit Presbyter factus, tom. 5. Prophetæ quispiam eos, qui Deum offenderant, parabantque illum sibi propitium reddere, adhortatur dicens: *Tollite vobiscum verba.* Et quale sacrificium dixerit aliquis, sunt verba? Maximum quidem, & splendidissimum. Et quis ista dicit? Dauid. *Laudabo nomen Dei cum cantico, & magnificabo eum in laude.* Mox huius sacrificij præstantiam nobis aperiens subiicit; *Et placebit Deo super vitulum novellum, cornua producentem, & ungulus.* vbi Theodoret. *Magis gratum sibi erit laudis sacrificium, quàm sacrificium vituli.* Et August. *Amplius placebit Deo laus eius, exiens ex ore meo, quàm magna víctima adducta ad aram ipsius.*

IDEOQUE Dauid dixit laudandum Deum primò, laudatum verò, inuocandum, & ab eo postulanda beneficia. Nam illud Psalm. *Laudans inuocabo Dominum;* Hieron. legit: *Laudatum inuocabo Dominum;* quasi tunc propitius cōcedat postulator, cum prius fuerit à nobis laudatus. Et Clem. Alexād. 7. Stromat. Iubemur Deum non selectis diebus laudare, sed continenter per totam vitam hoc agentes, & modis omnibus. Et Augustin. in Psalm. 16. Postula à Deo, vt aliud non procedat ex ore tuo, quàm id quod pertinet ad gloriam, & laudem ipsius. Proprium itaque laudandi Deum mu-
nu

nus debet iugiter reperiti in lingua nostra, quæ ad hoc facta est, in hoc securus est, in hoc cum merito est, si semper in hymnis, & canticis Dei, & in recolendis diuinis beneficiis occupetur.

§. II.

Cur Deus tanti faciat laudem lingua nostra.

ILLUD autem inquitendum restat hoc loco; cur Deo sic placeat benedictio, & laudatio nostra. Primòque sese offert ea ratio, quòd scilicet solus Deus iure & verè laudandus, ac benicendus sit; quia ei soli competit quicquid in laudem dicatur. Ea verò sola vera laus, quæ & verè competit. Quod optimè dixit Philo lib. de Abraham. Laudi, inquit, ac vituperio non tam loquentes, scribentésque fidem astruunt, quàm ipsa rei veritas. Itaq; nec laudare, nec vituperare videntur qui in alterutro aliquid mentiuntur de suo. At verò cum quicquid de Deo dicitur, multò perfectius in eo reperiatur, quàm à nobis possit lingua exprimi, verè semper, iurèque laudatur; indèque est, ut soli illi, qui Deo fruuntur, ipsiusque essentiam, & attributales perfectiones intuentur, ipsum possint laudare, qui etiam laudari tantùm possunt, sicut prosequitur Ber. Serm. 5. in festo Omnium Sanctorum. Est insuper & alia ratio, cur Deo placeat laus nostra, quia scilicet nihil habemus sermone præstantius, sicut dixit Nazian. Orat. 2. in Pascha, ubi videndus est Nicetas, qui ait. Nos orationem conferimus, idque pluribus de causis. Primum, quoniam nihil sermone præclarius habemus, tum quia Christus præter alia nomina, Verbum quoque appellatur.

§. III.

Periculum in laudando homine.

EX dictis constat summa prudentia, maximòque examine opus esse ad laudandum hominem, vel quia laudem non meretur, ideòque falsò laudatur: vel imprudenter agit, dum indignum laudibus effert. Et hæc est ratio, cur omnia opera sua laudauerit Deus initio productionis eorum, ubi autem ad hominè ventù est, solus non fuit laudatus, propter què facta sunt omnia. Nā sicut notauit Ambros. de Institutione Virginis c. 3. antè probandus, sic prædicandus nō est homo, utcūque laudandus, sed post probationem & post examen meriti ac virtutis. Quod prosequitur Ber. loco cit. cum ait: Debeat is illorum laudi virtutem, quorum iam certa victoria est; illos deuotis extolle præconiis, quorum securè potes adaugere coronas; inde est quòd securè laudantur homines, qui non sua iam viuunt vita, sed Dei. Non est quòd laudare vereamur, verissimè certissimèque laudabiles. Non est quòd glorificare cunctemur sic absorptos in gloria, ut nostra omnino nequeat laudatione moueri, nō enim est, quòd vanitas intret, ubi veritas iam

OOo 2 totum

totum occupauit, quod etiam dixit Horatius epist. 2.

Qualem commendas, etiam, atque etiam aspicie, &c.

SE D illud hoc tempore deplorandum, quod quilibet laudari vult, expetit, exigit, quod grauissimum est, sicut dixit Hieron. epist. ad Celant. Humilitatis, inquit, ac benevolentiae loco ducitur, eoque fit, ut qui adulari nescit, aut inuidus, aut superbus putetur. Est sane grande, & subtile artificium, laudare alterum in condemnationem sui, & decipiendo, animum sibi obligare decepti, quodque hoc maxime vitio agi solet, fictas laudes certo pretio vendere: quae tanta haec leuitas animi? quae tanta vanitas, rapi vento falsa laudationis, gaudere ad circumuentionem suam, & illusionem pro beneficio accipere? Tu ergo, si laudabilis esse cupis, laudem hominis ne requiras. Sic Hieron. qui concludit, eos, qui humanas laudes aucupantur, eo ipso iisdem indignos reddi.

I s tamen poterit quemquam pro modulo laudare, qui cum opus fuerit, reprehenderit, sicut dixit Bernard. epist. 78. his verbis: Securus gloriatur qui in Domino gloriatur, id est, in veritate; verum si malis audacter cum viximus, oblaucrimus, nunc cum ad bona ventum est, silere debemus, & non magis testimonium perhibere bono; alioqui corrosores fuisse conuincimur, non correctores; quia mordere, quam emendare maluimus, si bonis obmutescimus, qui in tantum reclamauimus malis. Volo talium praeconiis delectari, qui tam timeant propterea vitia, quam detractere virtutibus; veri isti sunt laudatores, qui ita bona laudare soleant, ut iactate in malis non nouerint, &c. quae prosequitur in hanc sententiam. Hinc Hector à patre suo Priamo laudatus, dixit, *Tatus sum me laudari à te laudato viro*; ut refert Cicero lib. 15. Epist. epist. ad Catonem. Et Agesilaus iucundum sibi valde esse dicebat laudari ab iis, qui non verentur vituperare, si quid sibi displiceat: insuperque conuenienter dicere solebat, non minus laudatoris inspiciendos esse mores, quam eius, qui laudatur.

§. I V.

Quantum vitium sit, maledicere hominem ad imaginem Dei conditum.

ET cum nostra lingua possit deficere in commendatione hominis, dum laudari non meretur, multò magis delinquimus, dum hominem maledicimus, qui factus est ad imaginem Dei. Vnde possumus colligere, quantum Deus faciat, quantamque offensam Dei contrahamus, dum hominem lingua offendimus. Ob oculos igitur proponamus, Deum in fabricatione hominis totum occupatum; quod eleganter prosequitur Tertull. lib. de Resurrect. carnis, his verbis: Prosequar propositum, si tamen tantum possim carni vindicare, quantum contulit ille, qui eam fecit, iam hinc gloriantem, quod illa pusillitas, limus in munus Dei quicumque sit, peruenit,

sat

fatis beatus, etsi solummodo contactus. Itaque toties honoratur, quoties manus Dei patitur, dum tangitur, dum decerpitur, dum deducitur, dum effingitur. Recogita totum illi Deum occupatum, ac dedicatum manu, sensu, opere, consilio, sapientia, providentia, & ipsa in primis affectione, quæ lineamenta ductabat. Limus ille iam tunc imaginem induens Christi futuri in carne, non tantum Dei opus erat, sed & pignus. Hoc etiam prosequitur Ambr. Serm. 10. in Ps. 118. Cætera dixit, & facta sunt, ut homo fiat, specialis quidam Dei, accedit hortatus; *Faciamus hominem ad imaginem, & similitudinem nostram*; ut tanquam laborantis Dei in huius munere creaturæ significetur operatio. Deus quidem expert laboris est, sed tamen Scripturæ verba, quid aliud, nisi studiosam tui ob gratiam operationem eius ostendunt; Basil. verò hom. 10. de hominis conditione, expendens eadem verba. *Faciamus hominem*; ait: Per hoc sanè, quòd curam condendo homini interferit Scriptura, innuit Deum voluisse edere quidpiam operis, quod eximia suæ artis specimen esset numeris omnibus absolutum, perfectum, solertique artificio elaboratum, ac perpolitum. Et, ut ait Philo lib. de Migratione Abrahæ: Propriè dicere licet, hominem mortalis, & immortalis naturæ esse confinium, vtriusque, quantum necesse est, participem. Et Ambr. epist. 38. Cælum primò est conditum, nouissimus homo, quasi quædam cælestis in terra creatura, primum cælum, & nouissimum cælum, in quo, quod ultra cælum est, Deus cæli est, processit postremus mente sublimis, ut omni esset creaturæ miraculo; quòd nouissimus factus sit ad honorem eius, referendum est. Currus elephantorum, quibus homo vectus, assistens cum sit postremus, priores regit, idèd nouissimus venit, tanquam creaturarum gubernator, rectè nouissimus, quasi totius summa operis, quasi causa mundi, propter quem facta sunt omnia. Pro qua sententia videndus est Honcala, cum explicat ea verba, *Vidit Deus quæcumque fecerat*, Genes. 1. & *erant vix de bona*. Antè quidem, inquit, erant singula bona, propter hominem autem omnia valde bona.

HOMO igitur ad imaginem Dei factus, ut esset quodammodo finis omnium, non dubium, quin visus fuerit valde bonus, propter quem ipsum vniuersum est valde bonum. Si enim homo fuit finis omnium, consequenter & bonum omnium; & ita bonitatem cæteris creaturis veluti impertiu. Fecit denique hominem velut os & faciem totius vniuersi. Ideoque de homine, veluti de facie terræ, ac totius mundi dictum vult Athanas., illud Ps. *Renouabis faciem terræ*. Neque verò tantum mundi facies; sed etiam & Dei similitudo & imago. In cæteris siquidè Dei operibus velut in vestigiis, & remotis signis Deus cognoscitur; in homine verò velut in facie & imagine.

QVOD si dicas, inquit Chrysost. hom. 3. ad Pop. quòd non est eiisdem substantiæ cum Deo, quid hoc? Neque enim æs statuæ, eiisdem est cum Rege substantia; sed tamen hanc ausi lædere pœnas dederunt, sic & in hominibus, etsi non eiisdem cum Deo substantiæ sint homines, sicut neque reuerà sunt, verumtamen imago vocati sunt, & propter appellationem, ipsos honorem recipere oportebat. Etenim si perfectissimi spiritus, quales sunt

Angeli; ad hanc dignitatem non peruenerunt, sicut dixit Ambros. Ser. 10. in Pl. 118. Angeli ad ministerium, homo ad imaginem: ratione huius honoris, & excellentiæ, aliqua illi reuerentia exhibenda est. Fortèque diabolus hanc similitudinem Dei reueritus est in Adamo, in quo uelut in primo capite, primòque condito relucebat, ipsum siquidem per se non est aggressus, sed per instrumentum, serpentem scilicet, ac mulierem; sicut notauit D. Aug. 14. de Ciuit. c. 11.

Non est tamen eadem reuerentia homini exhibenda, ut imago Dei est, quæ tribuitur ipsi Deo, latria scilicet. Nam licet nõ sit intrinsecè malum, adorare hominem, prout ad imaginem Dei est; seu potiùs in illo adorare Deum cultu latriæ. (Quam sententiã bene explicat Caiet. 2. 2. quæst. 103. art. 3. ad 3. & Vvald. tom. 3. de Sacramentalibus c. 154. Greg. Nyssen. lib. de Creatione hominis c. 4. Cyrill. Hierosolymit. Catech. 12. estque eadem ratio, quæ in cæteris imaginibus. qua de re videndi recentiores ad 3. p. D. Thomæ, q. 25. art. 3. Tamen rarò, vel nunquam expedit uti hac adoratione. Nam cum homo sit per se capax propriæ adorationis, ratione propriæ excellentiæ, si adoraretur adoratione diuina, occasionem erroris, scandali, & deceptionis præberet.

INSUPER & illud hoc loco aduertendũ, quodd licet homo creatus sit ad imaginem Dei, tamen ex sola ratione imaginis, & naturali repræsentatione non refert Deum, ut Deus est, seu quoad attributa propria Dei; sed solum quoad communia intellectualis naturæ, & cuiusdam superioritatis. Et cum aliàs non sit hæc imago imposita ad repræsentandum Deum secundum ea, quæ illi sunt propria, non uidetur sufficiens ratio adorationis latriæ, licet secluso scandalo, ac periculo, non esset intrinsecè mala talis adoratio. Est tamen sufficientissima ratio, ut homo, quem Deus commendat tanquam sui similitudinem, quem tot donis perfecit, & cæteris creaturis præfecit, ac tandem tanti fecit, nos etiam æstimemus, & ob has rationes veneremur, ipsũque benedicamus, ac Deum in ipso.

§. V.

Quodd homo ad imaginem Dei conditus sit, ipsum debet cohibere in uitiis, & peccatis.

QVOD si imago Dei in homine nos debet cohibere, ne ipsi iniuriã aliquam inferamus, imò ut ipsum benedicamus; nos etiam contineat necesse est, ne Dei imaginem in nobis repertam deturpemus. Quod dixit Ber. lib. de Anima c. 1. Oportet, inquit, id quod ad imaginem est, cum imagine conuenire, & nõ in vacuum nomen imaginis participare. Repræsentemus ergo in nobis imaginem eius: in appetitu pacis, in intuitu veritatis, & in amore charitatis: teneamus eũ in memoria, portemus in cõscientia, ubique præsentem veneremur: mens siquidẽ nostra eo ipso eius imago est,

est, quo eius capax est. Meminerit itaque Dei sui, ad cuius imaginē facta est, eūque intelligat, diligat, atque colat, cum quo potest semper esse beata. Et D. Leo Serm. de Ieiunio decimi mensis: Si fideliter, inquit, atque sapienter creationis nostræ intelligamus exordium, inueniemus hominem ideo ad imaginem Dei conditum, ut imitator sui esset authoris, & hanc esse naturalem nostri generis dignitatem, si in nobis, quasi in quodam speculo, diuinæ benignitatis forma resplendeat. Videndus etiam est Aug. in Ps. 4. ubi ait: Homo factus est ad imaginem Dei, quam peccando corrumpit; bonum ergo eius est verum, atque æternum, si renascendo signetur.

Et ad hoc credo pertinere, quod quidam prudenter intelligunt illud quod Dominus viso Cæsaris nummo ait: *Reddite Cæsari quod Cæsaris est, & Mat. 21: Leo quod Dei est*, tanquam si diceret: Quemadmodum Cæsar à vobis exigit impressionem imaginis suæ; sic & Deus, ut quemadmodum illi redditur nummus, sic Deo anima lumine vultus eius illustrata, atque signata. Accinit Cyprian. de Zelo, & Liuore, cum ait: Si hominibus lætum est, & gloriosum filios habere consimiles, & tunc magis generasse delectat, si ad patrem lineamentis paribus soboles successiua respondeat, quanto maior in Deo Patre lætitia est, cum quis sic spiritaliter nascitur, ut in actibus eius, & laudibus diuina generositas prædicetur? Et Ambros. lib. de dignitate humanæ conditionis c. 3. Quis maior honor homini potuit esse, quam ut ad similitudinem sui factoris conderetur, & eiusdem virtutum vestimentis ornaretur, quibus & Conditor? De quo legimus, *Dominus regnauit, decorem indutus Psal. 92: est.* i. omnium virtutum splendore, & totius bonitatis decore ornatus: vel quod maius homini potest esse dedecus, aut infelicior miseria, quam ut hac similitudinis gloria sui Conditoris amissa, ad informem, & irrationabilem brutorum delabatur similitudinem?

Q u o d considerans Bern. Serm. 35. in Cant. perpendit ea verba Psalmi: *Homo cum in honore esset, non intellexit, comparatum est iumentis, & similis factus Psal. 48: est illis.* Ecce, inquit, quomodo de grege facta est egregia creatura, puto, dicerent iumenta, si loqui fas esset; *Ecce Adam factus est quasi vnus ex nobis.* Similia habet Basil. hom. 16. Examer. qui ex eo, quod existimet hominem factum ad imaginem Dei, quia cunctis animantibus dignitate præcellit, & potestate, atque imperio dominatur (quæ est etiam opinio Nysseni & Chrysost.) sic ait: Externarum princeps factus bestiarum, internas lines impune debacchari, nullo cohibitas imperio? Sanè in hoc creatus es princeps, ut imperites istis affectibus, ut domineris bestiis, reptilibus, ut præsis simul & volatilibus, cogitationes ne admittito aëriuas, & plenas vanitatis. Videndus idem Basil. hom. 13. in Psalm. 48. & hom. 17. in Psal. 115. Vnde Origen. hom. 2. in Psalm. 38. dicit, quemlibet nostrum posse exquirere ex vniuscuiusque fide, & operibus, ex conuersatione, & actibus, ex cogitationibus, & verbis, utrum in imagine cælestis ambulet, an in imagine terreni. *In ciuitate tua Domine imaginem ipsorum ad nihilum rediges.* Constat ergo quare *Psal. 72: peccatorum imaginem* Deus ad nihilum redigit; iustum autē tueretur, & seruat. Tandemque subdit. Omne quod agitur à nobis per singulas horas, vel mōmen

momenta, imaginem aliquam deformat, scilicet terrēni, aut cœlestis.

ET non tantum debemus curare, ne imaginem Dei in nobis factam deformemus, sed insuper cauere, ne ansam aliis eam maledicendi, dum de nobis detrahunt, præbeamus. Quod notauit D. Hieronym. epist. ad Celantiam, cum ait: Hanc adhibeamus vitæ nostræ diligentiam, ne malæ mentes occasionem inueniant detrahendi, ne ex nobis scintilla procedat, per quam aduersus nos sinistrae famæ flamma conflatur; alioqui frustra irascimur obrectatoribus, si eis ipsis obrectandi causam, & materiam ministramus. Si autem nobis diligenter, atque sollicitè omnia ad honestatem prouidentibus, illi nihilominus insaniunt, consoletur nos conscientia nostra, nobis

Mat. 5. Saluatoris aptabitur sermo; *Beati estis, cum maledixerim vobis homines mementes.* Nos modò id agamus, vt mala de nobis nemo loqui absque mendacio possit. Nostrum itaque est vigilare, & eniti ne Dei imago in nobis iure maledicatur, quinimò pro polle curare, vt ad ostensionem lucis vitæ nostræ glorificent Deum & Patrem. Videndus Nazian. Orat. de suis Sermonib. ad Iulian. vbi inter alia ait: Creatori nos totos addicamus, imaginem Dei honore prosequamur, nomen nostrum reuerreamur, vitam in melius commutemus.

FACIT etiam pro hoc argumento id, quod ait D. Aug. lib. 3. de Ciu. c. 4. vbi ex Varrone refert, vtile esse ciuitatibus, vt se viri fortes, etiam si falsum sit, ex diis genitos esse credant, vt eo modo animus humanus veluti diuinæ stirpis fiduciam gerens, res magnas aggrediendas præsumat audaciùs, agat vehementiùs, & ob hoc impleat ipsa securitate feliciùs. Quod in Alexandro Magno notauit Plut. in vita ipsius. *Quoties, inquit, Magnus Alexander diis genitum se putauit, toties in Barbaros multo ferociùs, & insolentius pugnauit, referre enim filius patrem, cuius imago est, preindèque vi talis sese debet gerere.* Quod si filius ex eo, quia imago patris, ipsū debet referre, & imitari, nos cum imaginem cœlestis Patris portemus, cœlestem & incorruptam vitam debemus gerere, ne Deo dissimiles reperiamur.

1. Cor. 15.

DEBEMVS insuper & imagini, quam portamus, addere similitudinem, quasi aliquid distinctum, & à Deo maximè in nobis requisitum. Pro qua re videndus Orig. lib. 3. Periarch. cap. 6. vbi ponderat id, quod dixit Deus; *Faciamus hominem ad imaginem, & similitudinem nostram;* continuoque addidit: *Ad imaginem Dei fecit eum;* & de similitudine nihil omnino dixit; nihil aliud indicans, quàm quòd imaginis dignitatem in prima conditione perceperit; similitudinis verò perfectio in consummatione seruata sit, vt scilicet ipse homo studeret, & Diuina gratia adiuuante procuraret, similitudinem Dei, ex Dei imitatione, eiùsq; dilectione comparare, & conseruare.

Genes. 1.

AD quam similitudinem comparandam, potestatem iam acceperat in eo, quòd ad imaginem Dei conditus fuerit. Pro qua re videndus est August. lib. de Genesi ad literam cap. 27. & 28. præsertim, si eius retractationem videamus lib. 2. cap. 24. & Nazianz. 1. Apologet. Similia etiam dixit Gregor. Nyssen. lib. de hominis opificio, cum ponderat eadem verba Genes. *Faciamus hominem ad imaginem, & similitudinem nostram,* & statim non fuisse appposita eadem

eadem verba;asseritque id ideo tacuisse Scripturam, vt innueret nos similes Deo per nos ipsos reddere debere, quod merces operis nostra foret, nec alius nostræ similitudinis nobis laudem auferret: quando enim aliquam imaginem optimè depictam, aut rectè effigiatam cernimus, non ipsam, sed artificem laudamus, & admiramur. Vt mea ergo, & non alterius esset admiratio, reliquit mihi, vt ad eius similitudinem fierem. Fecit itaque nos Deus ad imaginem suam, vt nos per bona opera, & imaginem conseruamus, & similitudinem denuò acquiramus.

Verf. 10. *Ex ipso ore procedit benedictio, & maledictio; non oportet fratres mei hac ita fieri.*

Verf. 11. *Numquid fons de eodem foramine emanat dulcem, & amaram aquam?*

EXPOSITIO LITERALIS.

EX dictis colligit vnicam hominis linguam longè diffistorum, & contrariorum effectricem esse, quod prodigio simile est. Nam aduersatur naturæ legi, quod ab eadem causa contrarij prodeant effectus, qui à contrariis etiam causis debent naturaliter prouenire. Ideoque monet hoc non ita fieri, sed linguam cohibendam. Experimentoque tandem ostendit fieri non debere, imò & non posse, vt lingua, quæ ad benedicendum Deum creata est, proximo maledicat. Nam, sicut dixit Glossa, Be. da, & alij, si mices simul dulcem, & amaram aquam, commixtione amara, dulcis in amarum conuertitur, non amara in dulcem.

Sed verò quæras, quare potius dulcis in amarum, quàm amara in dulcem conuertatur. Ratio est; quia dulce medium est in saporibus; quod probatur, quia sensus in medijs delectantur: at verò amarum, est extremum. Sensus enim tristatur in extremo. Facile ergo receditur à medio; difficile verò acceditur: amaritudo ergo maledictionis facile in se conuertit dulcedinem benedictionis, eamque vitiat, & corrumpit. Proinde Nazian. Orat. in Quadrages. ieiunij silentium: Equidem ipse puris sacrificiis, quibus magnum illum Regem mortalibus concilio, puram linguam seruabo, neque enim committam, vt ab aliena lingua viuificum illud sacrificium purissimo Deo mittam, ex vno eodemque fonte non simul & dulcis, & amarulenta aqua scaturiet. Purpureæ vesti cœnum minimè conuenit. Quid enim? nonne Sacerdotis filijs ignis alienus olim exitium attulit, quod sacrificio manus suas impurè admouissent? Nonne sacrosancta Dei Arca mortem ei accersit, qui labantem, & inclinatam contrectaret?

Leuit. 10.
1 Re. 16.

Quod verò per Linguam manus intelligantur, probat Chrysost. homil. 79. in Matth. Ideoque eam incorruptam seruare debemus, & eniti ne
Pæz in Epist. B. Jacobi Apost.

P P P

ma.

maledictione deprauatur. Videndus D. Hieronym. de Virginitatis excellentia, vbi ait: Nefas est, vt labia illa, quibus Dominum confiteris, rogas, benedixis, & laudas, alicuius polluatur, sorde peccati. Nescio qua conscientia, ea lingua quis Dominum rogat, qua aut mēitur, aut maledicit, aut detrahit. Labia sancta exaudit Dominus, & ipsis annuit citò precibus, quas lingua immaculata pronuntiat.

Verf. 12. *Nunquid potest, fratres mei, ficus vuas facere, aut vitis ficus? sic neque falsa dulcem potest facere aquam.*

EXPOSITIO LITERALIS.

PROBAT denique cohibendam linguam exemplo arborum, quarum singulæ singulos fructus proferunt, & nunquam alterius fructum sibi edendum allumunt; neque enim vnquam ficus, quæ natura dulcis est, amaras oliuarum baccas profert. Sic enim habet Græcus codex, vbi nos habemus *vuas, oleas*. Nunquam vitis vuas proferens, ficus edit, nunquam quercus pro glandibus pyra; sed cuique arbori proprius respondet fructus. *Sic nec falsa, &c.* Græcè habetur; *Sic nullus fons potest falsum, & dulcem facere aquam.*

MONSTRVSA ergo, & abominanda res est, quòd homo eisdem labiis, eadem lingua, & ore pietatem, & impietatem, veritatem, & mendacium, benedictionem, & maledictionem promat. Pugnat enim cum natura, quæ diuersa omninò non patitur, vt patet in exemplis adductis; pugnat itē cum Deo authore, qui linguam in sui laudem condidit, sicut probat Hieron. Osæ c. 9. Proindēque summa vigilantia cohibenda est, ne tam nefarios ac pugnantes fœtus edat.

§. I.

Qui maledicus est, semper ferè male loquitur.

HINC colligit Beda, quia sicut arbor non potest naturali fructu amisso, alterius arboris fructum ex se proferre; ita maledicus licet ad tempus aliquid boni videatur loqui, fructumque bonæ loquutionis ferre, illum tamen reuerà, & diu nequit proferre. Vnde illa verba Iob. *Docuit iniquitas os tuum*; sic interpretatur Vatabl. Non est opus vt te doceam, in quo pecces, cum ipse tuus sermo te doceat, iniquum esse. Et Beda hoc in loco non inelegantem allegoriam affert, cum per ficum, cuius foliis se operuit primus parens, & peccatum suum excusans in Authorem Deum refudit, intelligat eum qui excusationem quærit in peccatis declinans in verbum malum:

malū: per oliuā verò intelligat eū, qui misericordiam operatur, ut sit sentiens: Vir nequam, & improbus sui excusator, non erit misericors, quia hic sicut oliua fructificās sperat in misericordia Domini, proindeque peccatum suum confitetur, & elemosynis redimit. Per vitem verò intelligit diuinam charitatem, & calicem inebriantem; ideoque vitis non potest ficus producere, quia qui dilectione se perfecte inebriat, nullum iam de suis erroribus nisi seipsum accusat.

Ex hac doctrina Bedæ possumus colligere, quodd si aliquando maledicus aliquod bonum loquitur de proximo, id profectò est, ut postea maiori furore in ipsius vitam, & honorem debacchetur. In quam sententiam videndus omnino Greg. lib. 11. Moral. c. 13. cū ait; maledicorum hominum proprium esse defendere aliorum res, ut postea se inimicos in redarguendo ostendāt. Vnde bene per Psalmistam dicitur; *Vi destruas inimicum & defensorem*; quia vnde hunc quasi defendere nititur, inde veritati illius aduersatur. Et Ber. in sententiis notauit id, quod dixit Dauid. *Molli sunt sermones eius*, &c. Et ipsi sunt iacula, non molles, sed mollii, quodd sit in eis non tam vera, & solida, quàm simulata suauitas.

Illud etiam non prættereundū hoc loco, Iacobum in doctrina linguæ vltimo loco arborum, ac fructuum similitudines attulisse, ut admoneremur non solum proprium linguæ fructum asserre: sed etiam sermonem in hoc debere assimilari fructibus, quodd sicut hi non proueniunt, nisi in tempore suo; sic & lingua accommodato tempore debet proferre sermonem. qua de re in 1. cap. plura diximus.

GRANDO ea, quæ decedit de cælo, præcoces fructus perdidit, serotinos illæfos reliquit. Ait enim sacer Textus. *Linum ergo, & hordeum læsum est, eo quodd hordeum esset virens, & linum iam folliculos germinaret: triticum autem & sar non sunt læsa, quia serotina erant.* Sic & fructus labiorum nostrorum, citius quàm par est prodeuntes cælum lædit, ac punit: ij verò, qui maturiori consilio, & suo tempore proueniunt, absque latione maturescunt.

VND E August. lib. de Mendacio. c. 16. ad illa verba; *Qui loquitur veritatem in corde suo*: Semper in corde veritas loquenda est, non autem semper in ore corporis, si aliquando causa cauendi maioris mali exigat. Ideoque D. Thomas 3. p. q. 36. art. 4. ait, quodd licet sapientia abscondita sit inutilis, non tamen ad sapientem pertinet, ut in quolibet tempore manifestet seipsum, sed tempore congruo. Dicitur enim: *Est tacens, sciens tempus apti temporis; homo sapiens tacebit usque ad tempus.* Videndus pro hac re Greg. hom. 11. in Ezech. Chrysost. in Psal. 50. Greg. 7. Moral. c. vltimo. Ber. lib. de Ordine vitæ.

Ambros. Sermon. 4. in Psalm. 128. Nazianz. Orat. in Quadragesimæ. ieiun. temp. Philo lib. *Quodd deter. potior: infid. sol. ut alios omittamus.*

Verf. 13. *Quis sapiens, & disciplinatus inter vos? ostendat ex bona conversatione operationem suam in mansuetudine sapientia.*

EXPOSITIO LITERALIS.

POST QUAM egit Apostolus de linguæ vitis, hac tertia parte capitis post vehementem interrogationem, quæ & negandi, & increpandi vim habet, quia improbis Doctoribus silentium imposuerat, eosque magisterij gradum tenere vetuerat, quos nec vitæ perfectionem, nec continentiam linguæ habere cernebat, consequenter describit quibus virtutibus præditus, & quibus vitiis carere debeat magister ac pastor Ecclesiasticus. Et est sensus: Est in vobis aliquis, qui in rebus humanis, ac diuinis sibi sapiens videatur, audeatque aspirare ad cathedram, & magisterium prodeat quidem; si tamen bene viuendo, prius ostendat se posse esse exemplo subditis, & per mansuetudinem, ac humilitatem, quæ est sapientia comes, ostenderit se non despectui habiturum subditos, aut non indignaturum contra pusillos, & imperfectos. Non iactet arroganter, & superbè scientiam, non laudes crepet, aliisque se præferat; quia tales magistros nec eligit, nec patitur Spiritus sanctus, qui ait. *In mansuetudine opera tua perface, & super hominum gloriam diligèris.* Et ideo monuit Princeps pastorum, ut ab eo mansuetudinem disceremus.

Ecd. 7

PERCVTIT verò hoc loco, sicut notauit Oecum. ambitiosos homines, qui ob sapientiam huius mundi gloriabantur, & ex contentione & æmulatione prædicabant, apertè plebem ad seditionem sollicitantes, & maximam arrogantiam, & superbiam ostentantes.

SAPIENS igitur hoc loco Græcè σοφός, significat rerum diuinarum, & humanarum cognitione præditum, quæ est definitio Ciceronis 4. Tuscul. August. lib. 1. contra Academic. c. 8. Pro qua re videndus est Lactant. lib. 3. c. 30. Disciplinatus verò, quæ est secunda conditio, Græcè ἐπισκηνός, id est, sciens, ac peritus. Glossa exposuit, exercitio vitæ; & ita habet Author libri de duodecim abusionum gradib. gradu 11. apud Cyprian. Disciplina est morum ordinata correctio, & maiorum præcedentium regularum obseruatio. Oecumen. & Vatabl. legunt, *scientia præditus, alij, bene institutus.* Voxque hæc (disciplin.) Ecclesiastica est, significans aptam in omni vita rationem agendam ex virtute. Extant de ea quorundam Patrum tractatus, ut Hugonis Victor. & Augustini, & propriè denominatur à discendo, respectumque inuoluit ad discendum.

CONVERSATIO verò, nomen est frequens Apostolis, ut videre est apud Petrum 1. epist. c. 1. 2. & 3. & 2. epist. c. 3. apud Paul. ad Galat. 1. & ad Ephes. 2. Et si vim Græcam inspiciamus, significat commorari apud aliquem, & moribus cum alio communicare. Et hæc vox (conuersatio) apud bonos authores reperitur. Plinius enim lib. 10. cap. 33. Neque cui frequen-

tior

tior conuersatio suspecta sit. Vtietur etiam Quintilian.lib.1. c. 2.

OPERATIONE verò posuit noster interpres, cum Græci habcant, opera sua; & videtur esse sensus: ostendat opera sua procedere ex bona cōuersatione, quæ sit verbis, factis, & cogitationibus, sicut Petrus dixit: *In omni conuersatione sancti sitis.* Mente scilicet, verbo, & opere: sic enim ostenduntur immaculata omnino esse opera, quando nihil mali redolent. 1. ep. c. 2.

IN mansuetudine sapientia; Vltimatissimus est Hebraismus, sicut ille apud Paulum, *in regnum filij dilectionis*, id est, filij dilecti. Sic etiam hoc loco, *in mansuetudine sapientia* ponitur pro mansueti sapientia. Quod etiam docuit Paulus, quando dicit; *Episcopum mansuetum esse ad omnes.* D. Thomas verò exposuit; In mansuetudine cum sapientia facit, quia is, qui sapiens est, mansuetus esse debet. Superior tamen est vera expositio.

§. I.

Prima conditio Ecclesiastici Pastoris est, quod sit sapiens.

TRES quidem assignat hoc loco conditiones Iacobus necessarias in vero magistro, ac Pastore Ecclesiastico, de quibus sine dubio loquitur. Prima est, ut sit sapiens, & disciplinatus, quæ est ratio, cur in sacro sermone Pastores & Doctores coniungantur, ut videre est apud Paulum, apud Hieremiam. *Conuerimini, inquit, quia ego vir vester; dabo tibi Pastores iuxta cor meum, qui pascant te scientia, & doctrina.* Et apud Isaiam: *Non vocabitur ultra is, qui insipiens est; Princeps.* Et Varro lib. 4. de lingua Latina; Magistratus, inquit, vocantur quasi magistri. Coloss. 4. Titum. 3. 1. ai. 2.

NOTAVIT hoc etiam Philo lib. de temulentia, in duabus tunicis summi Sacerdotis. Non temerè, inquit, summo Sacerdoti duas stolas Deus attribuit: sed volens nos per hæc signa docere virtutes vtriusque speciei. Debet enim vir sapiens, & intus in anima inuisibili, & in externis actionibus ornatus esse prudentia omni auro pretiosiori: quoties autem ab humanis studiis secedens, eum qui est, solum adorat, vnicolorem veritatis stolam induere, quam nihil mortale attingit. Est enim linea, quæ materia non enascitur à mortalibus. Rursus quoties trāsit ad curam Reipub. deposita interiori tunica, alteram pictam, & aspectu mirandam sumere. Cum enim magna sit in vita varietas; opus est varia sapientiā clauum tenentis gubernatoris.

QUOD etiam prosequitur Nazianz. Orat. in D. Athanas. vbi ait: Plebejis hominibus, qui per errorem aliquid admiserint, ignoscendum fortasse fuerit, quibus plerumque ad salutem est, quod à curiositate alienum animum habent. At Doctori, quo tandem animo id concedemus, qui aliorum etiam ignorantias emendat? Nam cum Romanorum leges nemini eorum, qui Romanorum Imperio subditi sunt, quantumlibet rustico, & indocto ignorare liceat, nec lex vlla extet, quæ facinoribus per ignorantiam commissis opem ferat, nonne absurdum est salutis Doctores, & Antistites salutis principia nescire, etiam si alioqui simplices animo sint, crassiorque ingenio?

PPp 3 SIML

SIMILIA habet diuvs Chrysoſt. hom. 15. in 1. ad Timoth. vbi inter alia: Multum, inquit, ad Eccleſiæ ædificationem confert, ſi Præſules doctrinæ gratia polleant, quæ niſi adit plurima, Eccleſiaſticæ diſciplinæ peribunt. Neque verò eum ſermonem laudauerim, qui ſaltu tumidus externæ peritiæ iactantiam ſequitur; ſed qui virtutis, ac ſucci habeat plurimum, qui lenibus grauis ſit, & ſapientia plenus.

Facit etiam pro hac re id, quod dixit Salomon: *Multitudo ſapientium ſanitas eſt orbis terrarum.* Notauit autem Aug. 4. de Doctrin. Chriſtian. c. 5. non dixiſſe, multitudinem eloquentium eſſe ſanitatem orbis terrarum, ſed multitudinem ſapientium; vt intelligeremus ſapientiam non in ſolis verbis; ſed in mente, & in recta vitæ ratione, ſimul cum doctrina conſiſtere. Is eſt enim ſapiens, & diſciplinatus, vt loquitur hoc in loco Iacobus. Plura hæc de re diximus initio huius capitis, verſ. 1. §. 3.

§. I I.

Manſuetudo, & lenitas, ſecunda Paſtoris condicio.

QVONIAM verò ſapientes debent prudentiam dulcorare, ne acerbificiantur, ſicut dixit Guaricus Abbas Sermon. 3. de Purificatione, id quod ſecundò in magiſtro ac Præſule exigit, eſt manſuetudo, ac lenitas: nam Eccleſiæ gubernationi ac præfecturæ benignitatem, ac pacem promiſit Deus, cum dixit: *Ponam viſitationem tuam pacem;* iuxta Hebr. *præfecturam*, id eſt, præfectos qui paciſicè, & leniter gubernent. Ideò de manſuetudine ſæpiùs verba fecit, ſicut notauit Chryſoſt. hom. 60. in Ioan. & ſe imitandum in hac virtute præbuit; *Quia miſiſſum ſum, & humilis corde.* Vnde Ambroſ. lib. 7. in Luc. c. 10. loquens de Apoſtoliſ miſſis ad prædicandum Euangelium, ait: Non virgas in manu iubentur tollere Apoſtoli. Sic enim Matthæus ſcribendum putauit. Quid eſt virga niſi præferendæ poteſtatis inſigne, & vlciscendi inſtrumentum doloris? Eos ergo miſit ad ſeminandum, qui non cogerent, ſed docerent, nec vim poteſtatis exercerent.

Et Apocal. c. 7. de Chriſto Domino ait Ioan. *Agnus qui eſt in medio throni reget eos, & deducet illos ad viſa fontes.* Admirabile videtur, quòd ille Agnus, qui in throno eſt, deducat, & regat cœleſtes oues, cum hoc paſtoris officium ſit, non Agni. Sed videtur Ioan. eo in loco voluiſſe ſignificare, quæ ratione oues ſuas Chriſtus deducat, manſuetudine ſcilicet, & benignitate Agni, quam debent etiam imitari qui Dei ouibus præſunt, quique Paſtores ſunt & Doctores, ac ductores ouium Chriſti. Ideòque Baſil. hom. 9. in Pſal. 33. maximam omnium virtutū manſuetudinem appellauit. Et Chryſoſt. Sermon. 2. in epiſt. ad Rom. Nihil adeò vicinum Deo, conformèque facit, quemadmodum iſta virtus. Propterea, & cum Paulus dixit: *Imitatores eſſe te Dei;* ad hoc dicit, vt huic ſtudeant virtuti. Et Sermon. 11. ex 25. variis ait: Seruus Chriſti magis à morum mititate, quàm à nomine, quod ei parentes impoſuerunt, vocandus eſt: neque Deus homines ita diligit propter virgi

virginitatem,ieiunium, contemptum diuitiarum, vt propter mites mores.

Et meritiò ad magisterium, & Magistratum Deus mites, ac mansuetos requirit mores, qui rebellem, subditum, & indomitum discipulum reducat ac corrigant. Rogauit mulier illa Sunamitis Elisæum pro filio demortuo, quem susceperat precibus eiusdem Prophete, qui ad suscitandum puerum misit Giezi, cui tradidit baculum, vt poneret super faciem pueri, profectusque est Giezi, posuit baculum super faciem pueri, & non erat vox, neque sensus. Ingressus verò Elisæus, incurrauit se super puerum, totumque se illi accommodauit, carnemque calefecit defuncti, & sic ad vitam illum reuocauit. Quærit ergo Petrus Damian. lib. de Contemptu sæculi cap. 28. cur Elisæus nequiuertit puerum resuscitare, dum baculum illi apposuit? Respondetque. Is quem terroris virga suscitare non poterat, per amoris spiritum ad vitam redit, dumque se paruulo accommodauit, & cõposuit, facile erexit & suscitauit. Non enim baculus demortuum iam subditum tam facile sæpe suscitatur, quàm lenis accommodatio, & attemperatio mortui, benignaque compositio.

ELEGANTER hoc notauit Chrysost. hom. 3. de Dauide, & Saule. Etenim postquam mansuetus Dauid in spelunca pepercit Saül, egressus de spelunca clamauit post tergum Saül dicens, *Domine mi Rex, quare audis verba hominum loquentium, Dauid querit malum aduersum te? Ecce hodie viderunt oculi tui quòd tradiderit te Dominus in manu mea in spelunca, & cogitavi ut occiderem te, sed pepercit tibi oculus meus: quin potius vide, & cognosce oram oblamydis tue in manu mea. Cum autem complexerit Dauid loquens, dixit Saül: Numquid vox hæc tua est, fili mi Dauid?* Ostendit ergo mollia verba Dauid liquefecisse cor Saülis, qui nec proprio, ait, nomine eum censuerat dignum, vocans filium Iesse, iam adoptat in filium. Mansuetudo Dauidis ex homicida facit patrem, ex lupo ouem, non sustinuit Saül vocem audire Dauid sine lacrymis. Non perinde miror Moysen, quod è saxo prærupto fontes elicuit aquarum, vt admiror Dauidem, quòd ex oculis lapideis fontes eduxerit lacrymarum, &c. quæ profequitur.

CUM ergo mansuetudo emolliat durum inimicum, & in amorem conuertat odium, illis profectò perneccessaria est, qui ex officio reducere debent præduros filios, mansuofacere incompósitos mores, & cicurare effratos animos. Idque tandem quod imperfecto magistro, Pastore ac Præsule exoptari potest, accidere licet in mansueto viro; licet eleganter profequitur idem Chrysostom. Serm. 11. ex 25. diuersis. Facile, inquit, ad misericordiam mansueti trahuntur, neque ferre possunt contemni pauperes, sed aliorum inopiam suam opinantur calamitatem, mitis orphanorum pater est, viduarum præses, paupertatis procurator, iniuria affectorum adiutor, &c. Videndus in hanc sententiam Theodoret. Serm. 1. de Prouidentia, vbi ait: Reges vbi commissum sibi populum rectè iustèque gubernant, potestatem clementia temperant.

NON omittendus hoc loco D. Ferrandus, qui in septima regula ita habet; Pietas ad omnia utilis, iustitia facit ducem terribilem, pietas facit amabi-

amabilem, gubernationj autem Reip. securitati, saluticōcordiā plus prospicitur, quando dux optimus amari eligit, non timeri, dux amabilis murus est patriæ; qui verò continuato rigore metuendus apparet, omnes subditos facit infideles; facile timet prodicionem, facilius patitur, extraneus viuit inter suos; tantum postremò timet, quantum timeatur.

INTOLERABILIS denique omnino res est, si potentia nocendi volūtas accedat, sicut optimè notauit Philo lib. de præmiis & pœnis. Quis sustinere queat, inquit ille, quando potestas ei præbet nocendi licentiam, nec voluntas deest? Quæ fuit ratio quare D. Aug. Ser. 6. de verbis Dom. durum, & malum Præsidentem ac Prælatum, tentatorem subditorum vocauerit.

ADEOQUE mansuetus Dominus in Ecclesia sua abominatur duriores Præsules, & immites, vt dixerit. Theodoret. Serm. 7. de Prouid. circa finē. Quod si dominos aliquos nimium crudeles, & insolentes admodum esse videns, offenderis, dico quod istiusmodi hominibus non Deus imperium commiserit; sed subditorum nequitia horum imperium sibi ipsi contraxerit. Videndus pro hac re Dionys. Areopag. epist. ad Demophilum. Et hoc prosequitur Plut. lib. ad Principem indictum; vbi docet beneficium peculiare esse Dei mansuetudinem in gubernando. Plura hac de re habet Ber. Serm. de sancta Magdalena.

§. III.

Aliquis rigor admiscendus mansuetudini.

NON tamen ex tradita doctrina velim colligat aliquis, summam, ac solam in magistro, ac Præsule requiri benignitatem & mansuetudinem, cum hæc & supremis, & infimis hominibus maximè noceat, sicut notauit Philo lib. de Agricultura, in hæc verba: Officiunt autem nimis æquanimis Principatus; benignitas enim res est contemptibilis vtrisque, tum Principibus, tum subditis noxia; illis, dum contempti subditis, nec priuatim, nec publicè valent quicquam constituere: interdum etiam Principatu se abdicare coguntur; his verò, dum ex continuo Magistratuū contemptu negligentiores facti, magnum morbum, arrogantiam sibi contrahunt.

Leuit. 8.

VND E in consecratione Sacerdotum *Moses assumpsit unguentum, & sanguinem, qui erat in altari, & aspersit super Aaron, vestimenta eius, & super filios illius, ac vestes eorum.* vbi Oleast. sic ait: Non debet esse in Sacerdote sine oleo sanguis, neque sine sanguine oleum; cum enim constitueretur populi Iudex, non solum misereri, sed punire reos debebat. Ideoque Chrysolog. Ser. 145. rectè dixit: *Æquitas sine bonitate, sœuitia est, & iustitia sine pietate, crudelitas; sed vtrumque admisceri debet.* Et Rupert. lib. 8. in Gen. c. 37. Sicut clementia honor est Principis, sic & honor Regis, qui iudicium diligit. Etenim vbi totum punitur, Regia seueritas crudelitate polluitur; vbi verò totum remittitur, facies maiestatis sine metu disciplinæ contemnitur. Quibus habet similia Ber. epist. 25. & Ser. 23. in Cant.

P. R. O

PRO qua doctrina notauit Magnus Gregor. duplicem descensum diuini Spiritus, alterum in columbæ specie, alterum in igni. Rationem vero reddit hom. 30. in Euang. quatenus omne cor, quod Spiritus sancti gratia tangitur, & mansuetudinis lenitate tranquillum, & zelo iustitiæ accensum fiat, ne scilicet, vel mansuetudine despectus, aut rigore iustitiæ terribilis videatur is, quem Spiritus sanctus elegit, & vnxit ad magisterium Ecclesiasticum. Act. 3. Ioan. 1.

IDEOQUE olim apud Ægyptios regni hieroglyphicum erat Apis, vt ostendit Pierius lib. 27. vtpote quia aculeum habeat, & dulcedinem: quod ipsum in Deo laudauit Dauid, cum dixit: *Dulcis, & rectus Dominus, propter hoc legem dabis delinquentibus in via.* vbi August. Ama, quod dulcis est, tunc, quod rectus est, ama, scilicet benignitatem, rigorem tamen pertimesce iustitiæ. Videndus item est August. lib. 5. de Ciuit. c. 24. vbi ait: Felices eos Imperatores dicimus, si iuste imperant, si tardius vindicant, si facile ignoscunt, si eandem vindictam pro necessitate regenda, tuendaque Reip. non pro saturandis inimicitiarum odiis exercent. Quo in loco docet August. qualiter adhibendus sit rigor iustitiæ, & asperitas verborum, aut verberum apponenda, pro necessitate, scilicet, non pro voluntate, vt medicina morbo, nō vt quotidianus cibus. Psalm. 24.

§. I V.

Multum conducit, ut doctrina suscipiatur à magistro, si in mansuetudine inculcetur.

ILLUD etiam notandum occurrit, mansuetudinem sapientiæ in magistro requiri, quia melius, & facilius ea doctrina suscipitur, quæ à leni & mansueti præceptore traditur. Vnde Chrysost. hom. 5. 2. ad Pop. eleganter dixit; linguam nostram quodammodo fieri linguam Christi, si mansuetudinem Christi id loquendo, docendo, & disputando imitemur. Qua de re plura habet hom. de mansuetudine. & hom. 1. de incomprehensibili Dei natura. Et Dionys. Arcopag. epist. 8. ad Demophilum. Hoc eximium, inquit, in se dilectionis Christus argumentum capit, si pascamus gregem ipsius modestissima gubernatione. Et Ber. Ser. de Sancta Magdalena: O quam leni, & dulcissimo spiritu imbutus est ille, qui nouit in spiritu lenitatis peccantem instruere, suspendere vindictam, & affectuosis visceribus inuiscerare sibi peccatorem. Vnde idem Ber. Ser. 8. in Cant. eam scientiam, quæ lenis non esset, ex osculo Domini dixit non procedere.

HÆC est ratio, cur Paulus dixerit, magistrum oportere mansuetum, ac patientem esse, cum modestia corripientem eos, qui resistunt veritatis. vbi Oecumen. ait: Quis persuadebitur ab eo, qui ferox & insolens est? Patientia nisi adsit, discipuli cætera in cassum fiunt. Et Chrysost. etiam ibi. An non vides parentes quomodo filiis suis, licet frequenter desperatis, & morituris, assidue tamen omnia quæ possunt, illis admovent, & tamē illi non possunt. 2. Tim. 2.

Paiz in Epist. B. Jacobi Apost.

QQ lacry.

lacrymis, nec morbum, nec mortem depellere? Tu verò frequenter poteris animam fratris deploratam assiduitate reuocare. Et Aug. contra epistolam Manichæorum, quam vocant Fundamentum, c. 1. & 2. Ad vestram, inquit, correptionem aditum habeamus, non in contentione, & æmulatione, sed mansuetè consolando, beneuolè hortando, leniter disputando, &c. Videntur hac de re Ambr. lib. 5. Examer. c. 21. Clem. Alex. 7. Stromat. Ber. epist. 257. & Cypr. lib. de Vnitate Ecclesiæ.

§. V.

Requiritur in Magistro, ac Doctore Ecclesiastico optima operatio, & conuersatio cum doctrina.

Gal. 2

TERTIO, exigit Iacobus in magistro, ac Doctore Ecclesiastico conuersionem, ac operationem cum prædicta sapientia mansueta. Magis namque retinetur mente quod visu, quàm quod auditu ad animum peruenit, sicut dixit D. Hierony. in c. 19. Hierem. statim in principio. Et qui idoneus est ad docendos fideles, prius debet ostendere se aptum, vt exemplo doceat; quod est totius doctrinæ fundamentum, idque efficacissimum. Vnde Paulus dixit Petro, *Cogis gentes Iudaizare*, quod intelligendum est, non imperio, sed conuersationis exemplo; vt explicat D. Thomas qui ait: Dicit, *cogis*, quia secundum quod Leo Papa dicit; validiora sunt exempla, quàm verba.

Vnde licet iam aduertere, inuentum fuisse diaboli, deorum nomina perditissimis hominibus imponere, quò liberiùs vitia vagarentur, & patrociniū vitiis præberent; dum in ipsis diis deprauatos mores cernerent veluti sacratos, & deorum nominibus insignitos; sicut notauit Aug. 2. de Ciuit. c. 7. Quæ etiam fuit causa, cur Plato lib. 2. de Repub. inter alia, Poëtæ nolit in sua ciuitate, quòd quæ de diis sunt commenti, pessimum sit legentibus exemplum, sicut bella, rapinæ, seditiones, adulteria, furta, & similia. Ex quo loco sumpta sunt illa verba, quibus loquentem Menippum Lucianus facit. Ego, inquit, cum puer adhuc essem, audiretque Homerum, & Hesiodum, seditiones, ac bella canentes, non semideorum modo, sed ipsorum etiam deorum adulteria, violentias, rapinas, patrum expulsionem, fratrum & sororum nuptias, hac meberele omnia bona pulchraque putabam, & studiosè erga ea afficiebar. Neque enim deos vnquam putari mæchaturus, aut seditiones iniicem fuisse moueros, nisi de his rebus perinde, ac bonis iudicasset.

Est igitur ad virtutem in Doctore, ac Præsulibus necessarium exemplum ante ipsam doctrinam. quòd prosequitur D. Chrysost. homil. 38. ad Populum; Dicis quòd opus est modestiam sequi, & longum super hoc trahis sermonem, & inoffensè fluens dicendi copiam ostentas, sed te melior ille, qui per opera hoc te docet: non enim disciplinæ tam à verbis, quàm à factis animæ solent intromitti; quoniã si non habueris opera, non tantum loquens non profuisti, sed & potiùs laxasti; melius est tacere.

Quare

Quare? quoniam opus mihi reddit impossibile. Cogita namque, quod si tu tanta differens, non efficis, multo magis ego venia dignus. Propterea Propheta dicit: *Peccatori autem dixit Deus; Quare tu enarras iustitias meas, & assumis testamentum meum per os tuum?* maius enim hoc damnum, cum aliquis bene verbis docens per opera doctrinam impugnatur. Hoc fuit multorum in Ecclesia malorum causa.

SIMILIA habet Lactant. Firmian. lib. 4. de vera sapientia c. 23. Homines, inquit, malunt exempla, quam verba, quia loqui facile est, præstare difficile. Utinam tam multi beneficerent, quam multi loquuntur bene; sed qui præcipiunt, nec faciunt, abest ab eis fides. Et Nazian. Orat. 19. de patre suo sic loquitur. Ferinus hominum mores haud magno negotio mitigavit, tum pastoralis artis sermonibus, tum etiam, quod se velut spiritualem quædam statuam ad optimæ cuiusque actionis pulchritudinem expolitam, ad imitandum proponeret. Videndus idem Nazian. Orat. 1. Apologet. & Orat. 11 & epist. 64. Tertull. lib. de Pallio; & lib. de spectaculis. Cyp. epist. 4. D. Ber. epist. 201. & 58. & 59. in Cant. Hierony. epist. ad Lætam. D. Chrysost. hom. 41. & 56. in Genes. & hom. 9. ad Populum.

Ex quibus omnibus clarè patet, necessarium omnino esse ut in vero magistro prius sit vitæ, ac virtutis vox, quam externa prædicatio, & ex bona conversatione in operando colligendam esse apudtudinem, quæ illi inest ad docendum: & superiore locum occupandum, sicut Iacobus ait. Vnde Nazianz. Orat. 21. de iniquis Prælati ac magistris ait: Sunt quorum non mores dignitati, sed dignitas moribus fidem astruit, ordine præpostero. Quibus verbis aptè asserit, mores, ac conversationem necessariam recto ordine habere fidem astruere, & testimonium reddere, quo iure ac merito locum obtineamus supremum, ne monstruosa res videatur, quam Ber. cau. 2. de Consider. Locus summus, & animus infimus, sedes primæ, & vita; i. a. lingua magniloqua, & manus otiosa, sermo multus, fructus nullus. Vnde Philo de legatione ad Caium conqueritur de eodem Caio, qui cum pessimus homo esset, reputari, ac coli volebat ut Deus. Inuitata specie, inquit ille, terror incutiebatur populo miranti, quod honores sibi usurparet eorum, quorum virtutes aspernabatur, contentus solis insigniis. Plura qui velit de hoc argumento, habet initio huius cap. §. 5.

§. V I.

Probatio in eligendis debet precedere electionem.

DOcet etiam aptè hic locus prius probandos viros, quam collocandos in dignitatibus, & prius debere ostendere ex conversatione operationem in sapientia, deinde fieri magistros. Sic enim & Pharaon magistros pecorum constitui voluit viros industrios, iam ut tales cognitos, ac probatos. Sic & Deus in ducem populi elegit Moysen, quem ex nomine nouerat, & expenderat. Sic & Apostoli dixerunt: *Considerate ergo fratres*

Act. 6. 2 ex

ex vobis viros boni testimonij. Vbi codex Syriac. habet *exquirite*; Græcus verd, *perspicite*. Vnde Ber. 4. de Consider. ait: Hoc tibi persuade, qui admittendi sunt, difficile in Curia posse probari, & ideo si fieri potest, viros probatos oportet deligi, non probandos. Quod etiam eleganter prosequitur Chrysost. lib. 4. de Sacerdotio, cum ait: Neque eos, qui elegerint subleuare quicquam poterit, si dixerint ignorasse eum quem elêgere. Verum, vel ex hoc ipso crimen grauius efficitur, quod quem ignorauêre perduxerint, aut certè quæ illis videtur excusatio, accusatio est. Nam quomodo id absurdum non sit, eos, qui mancipium aliquod empturi sunt, id tunc medicis ostendere, tum emptionis sponsores postulare, tum vicinos interrogare, quinimò, & diuturnum aliquod tempus pascere, intra quod probare illud possint: eos verd qui quempiam ad Episcopale munus huiusmodi cooptaturi sunt, si cui placitum sit, ad aliorum vel gratiam, vel inuidiam testimonium suum accommodare, ita eum temerè, atque vt calus tulerit, adlegere, nulla prorsus alia discussione facta? Proinde illum oportet, qui aliquem electurus sit, rem diligentè admodum expendere.

1. Tim. 5.

ET in hanc sententiam affert id, quod dixit Paulus: *Manus tuò nemini imposueris, neque communices peccatis alienis*. Quod Theophylactus sic explicat: Nam committendorum ab ipso flagitiorum tu causa es, si citò & temerè manus imposueris, & elegeris quem minime nosti, aut antea non probasti. Clariùs hoc dixit Brixian. ibidem: Cernis, inquit, si quis minime idoneos eligit, quidquid is, qui electus est, peccat, electionis author peccatorum illius est particeps. Pressius Chrysost. ibi. Quid sibi vult, inquit, citò id est, non ex prima statim probatione, nec secunda, nec tertia; sed vbi consideratio diuturna præcesserit, exactissimâque discussio.

VIDENDVS idem Chrysost. hom. 1. in epist. ad Tit. & hom. 1. ad Pop. & Theodoret. quæst. 1. in Leuit. cum quaerit, quare Deus noluerit sibi: ne lege mel offerri. Quia, inquit, apis in impuris sedeat, & vnde cumque conueniendi mellis occasiones coaceruet; illud namque colligit ex puris simul & impuris floribus, nullo delectu præcedente inter venenosos, & salutiferos flores; sed ex omnibus simul rorem percipit, fauôsque fabricat, cum tamen ea, quæ debent offerri Deo, & in Ecclesiæ altari, ac supremo loco apparere, prius debeant probari, diùque antè examinari & perpendi; quod dixit Iacobus in præfenti, ostendat nobis ex bona conuersatione operationem suam in mansuetudine sapientiæ.

Verf. 14. *Quòd si zelū habetis amarū, & contentiones sunt in cordibus vestris, nolite gloriari, & mēdaces esse aduersus veritatē.*

EXPOSITIO LITERALIS.



VPERIVS dixit Iacobus quænam conditiones, ac dispositiones requirantur in Pastore, ac magistro Ecclesiastico: modò ostendit quibus vitiis carere debeat, amarulenta scilicet emulatione, ac inuidia. Vnde prouenit, vt quis contra veritatem

Euange

Euangelicam mentiatur, quam nemo dignè tractare potest, nisi sincero animo, ac candido omnes charitatis vinculo amplectatur.

ADVERTIT autem D. Hierony. ad Galat. 4. nomen *zeli æquiuocum* esse. Est enim zelus vicinus inuidiæ, de quo agit Ecclesiastes c. 3. Et hoc laborarunt fratres Ioseph, & Maria, & Aaron. Alter verò zelus est dulcis, à quo, sicut notauit Beda, Simón Petrus meritò perfecti cordis nomen accepit Zelotes. Quo etiam zelo Helias plenus fuit, cum ait: *Zelo zelatus sum pro Domino Deo exercituum, dereliquerunt pactum tuum filij Israël.* Et Zacharias etiam de hoc dicit: *Zelo zelatus sum Hierusalem, zelo magno.* Hoc etiam inflammatus fuit Phinees, Mattathias, & Paulus cum dixit: *Emulor vos Dei emulatione.* Qua de re videndus Prosper. in Pl. 118. ibi, *Tabescere me fecit zelus meus;* & Nazianz. Orat. in laudem Basilij.

Hoc tamen in loco Iacobus loquitur de zelo amaro, & inuido, qui motus amarus est, quando ex alterius bono iudicamus nostra bona imminui, & contemni. Ideoque Vatab. hoc in loco legit, *emulationem amarā*; de qua Paulus ait: *Omnis amaritudo (seu amarulentia) & ira, & indignatio tollatur a vobis.* Quia verò hic zelus, & inuidia contentiosa est, sicut dixit Ephrē de vitiiis, & virtut. Beatus, inquit, qui inuidia, & emulationi nō esse obnoxius: dependēt enim à se inuicem, & qui vnā habet, alterā habet. Propterea Apostolus zelo statim addit contentiones, quæ propriè reperiuntur inter magistros, & inter discipulos, cum quidam pro hoc, quidam pro altero, quasi doctiore contendunt, quod carnale est, & hominum prorsus huius mundi, sicut Iacobus statim subinfert, & dixit Paulus: *Cum sint inter vos zelus, & contentio, nūne carnales estis, & secundum hominem ambulatis?* Et August. lib. Euangelic. quæst. ex Matth. tom. 4. Boni, inquit, Catholici, quod ad fidei doctrinā pertinet, ita quærent, si quid quærendum habent, ut absit certatio periculosa. Et lib. contra Cresconium cap. 2. Sophistica, & maligna possessio est, quæ sibi proponit non ex animo, sed ex contentione, vel commodo pro omnibus, & contra omnes dicere.

MERITO proinde Paulus Philip. 2. *Eandem charitatem habentes, unanimiter idipsum sentientes, nihil per contentionem, & inanem gloriam*, seu ut Ambros. legit, *per iritationem, sed in humilitate superiores inuicem arbitantes.* vbi Apostolus docet, idem in intellectu habendum, & in voluntate diligendum à fidelibus, vitandas deinde docet contentiones, quia ut ipse dixit 2. Timoth. 2. *Secundum Deum non oportet litigare.* Et contentio septimum locum habet in catalogo operum carnis, ad Galat. 5. & propriè est impugnatio veritatis cum fiducia amoris; nam ut exponit Theophylact. tunc contendimus, cum solemus dicere, danda est mihi opera, ne me alius vincat. Et in fine epist. ad Rom. & ad Galat. docet, hæreses de iustificatione ortas fuisse ex contentione, & inani gloria; nam *inter superbos semper invidia*; Prouerb. cap. 3. Videndus hæc de re Epiphaz. hæres. 75. & D. Fulg. lib. 1. ad Monimum.

ADVERTENDUM est autem obiter hoc loco, multò plures contentiones, ac diuisiones, seu factiones fuisse semper in Ecclesia Dei, quàm apud Gētiles, aut Iudæos. Cuius rei rationem reddit Isidor. Pelusiota lib. 2. Epist.

QQQ 3 epist.

epist. 20. Quoniā diabolus author, satōrque errorum, priusquā quidem veniret Christus, hominum vniuersitatem mīxīma ex parte sibi deuinxerat vitij quodam sopore, atque temulentia: vbi verō Dei Filius cōlestis intulit vitæ documenta, & per eas minas, quas in peccatores intendebat pēnam, quæ diabolū manebat, pronunciaſſet, hic iam pietati obluſtari magno opere non valens, contendit, vt sub pio Christi nomine plerōſque ad impietatem induceret, ac pietatis specie, obtentūque pietatem euerteret, & illos quoque, qui optimæ vitæ laude perſæpe excelluiſſent, & corrupta dogmata obruderet, & qui pacem colerent, in diuiſiones, & contentiones diuiderentur.

Si igitur inuidiam, inquit Apoſtol. & contentiones habetis in cordibus, quanuis non prorumpant in verba, vt ait Gloſſa, nolite gloriari de ſapientia, ſuperbiendo, aut de ea gloriā æternā ſperando. Ita D. Thom. & Carthuf. & mendaces eſſe aduerſus veritatem, & diſciplinā ipſam, quam non habetis, ſimulando externis, ſcilicet ceremoniis, aut verbis. Proprium namque ſolet eſſe eorum, qui amarum zelum habent, & contra aliquem contendunt, ſe ipſos prius velle iuſtificare, & ſuam partem, ſiue iure, ſiue iniuria defendere.

VEL etiam nolite mendaces eſſe contra veritatem agnitā, eam impugnaudo, quo factō mendaces proſectō eſtis, vel etiam quia veritas ipſa probat non eſſe gloria dignos eos, qui ſapientiæ verba ore promentes, zelum: amarum, & contentionis: inſtructuolæ ſtudio geſtant in corde. Ita Beda. Neque omittendus Caiet. cū id notauit, inuidiam ſcilicet, & contentiōnem ad vtrumque ducere viros doctos, ad gloriandum ſcilicet intus, & ad nūntiandum foris.

§. I.

Infelicitas inuidiæ dum bonum odit.

PRIMUM igitur quod hoc loco deteſtatur Apoſtolus in vero magiſtro, & Paſtore, eſt liuor, ac inuidia. Cū enim omnibus bene velle teneatur, bonæque omni modo procurare, quā fieri poteſt, vt eo vitio laboret, quod omnium bonis, & vtilitatibus aduerſatur: hoc enim proprium eſt inuidiæ, vt videre paſſim eſt apud Sanctos Patres. Quā in re cætera vitia multū excedit, ſicut notauit D. Ambr. 2. Offic. cap. vlt. cū ait: Inter imbrum, & inuidum hoc intereſt, improbus ſuo delectatur bono, inuidus torquetur alieno, vt propē tolerabilius ſit, qui ſibi vult bene, quā qui malē omnibus. Quibus ſimilia habet Chryſoſt. hom. 41. in Matth.

EST optimus pro hac re locus in lib. Genef. vbi de inuidiis tribus Ioseph ſic fatidicus Iacob moriens ait: *Inuiderunt illi habentes iacta.* vbi Hieron. in quæſt. Hebr. adnotauit, cū arcu & ſagittis inuidiam i.roduci, vt ſagittæ immaculatæ, & pulchre. Petitiæque videtur ſimilitudo à conſuetudine eorum qui ad ſcopum ſagittas collimant. Solent enim album lapidem, candidamue papyrum proponere, & in album ac candidum ſignum iacu

iacula dirigere, quantoque candidius, & lucidius fuerit signum, tanto libentius sagittis illud petunt. Invidi ergo fratres Ioseph habentes iacula inuidiæ, pulchrum, & decorum aspectu Ioseph persequuti sunt; sicut & invidi Iudæi dilectum Ecclesiæ sponsum candidum, & electum ex millibus, invidentiæ iaculis petierunt, & quo pulchriorem viderunt, libentius transfixerunt: solet enim invidia amabile bonum miserè odisse.

PL V s hac in re dixit Bern. de interiori domo c. 42. dum de maleuolo inuido ait: Invidus alienum bonum, suum facit inuidendo peccatum; potiusque eligit in malis versari, quàm in aliis bona cernere; ideoque contra proprium commodum contendit, ut videre est in Saule, qui Davidis musica à morbo liberatus, hastam in eum invidia agitatus emisit, maluitque ab spiritu nequam torqueri, quàm Davidem omnibus charum cernere; sicut notant Basil. hom. 11. inter varias quæst. de invidia; & Chrysost. hom. 37. in Ioan.

PR O qua etiam re facit id, quod notavit Chrysost. hom. 22. in Ioan. ubi quærit, cur tam bene tulerint Iudæi Christum eos veluti abiectos servos de templo eicientem, & flagellis cadentem, cum tamen non possent ipsius miracula æquo animo tolerare? Quia, inquit, multo magis aliena gloria offendit invidos, quàm proprium malum. Similia habet idem Chrysost. hom. 41. in Matth. ubi de inuido ait: Alienas iacturas, suos quæstus existimat, & aliorum felicitatem suam miseriam arbitrat.

QU O D si huic vitio adhuc aliquid addere licet; peiores diabolo reddit homines. Tota enim ratio, cur nobis malignus aduersetur, & inuideat diabolus, ea est, quod bona, quæ amisit, ut sunt bona gratiæ, aut quæ non potuit habere, ut est vnio hypostatica, in humana natura videat; hæc causa liuoris, & origo inuidentiæ, quam superat humanus, amarùsque zelus, dum ea bona, quæ assèqui potest, & multoties habet, ut proprium damnum deplorat, ac dolet; non quod non habeat, sed quod alius non careat.

Hæc mihi videtur ratio, cur in Scriptura hoc vitium dicatur pessimum, eoque laborantes nominentur pessimi. Primum patet ex Gen. ubi dicitur Iosephum accusauisse fratres apud patrem de crimine pessimo; ubi si verbum Hebræum perspiciamus, significat *obloquutionem*, seu *infamiam rumore acceptam & perlatam*. Ideoque probabilis, & fortè probabilior est eorum sententia, qui dicunt Iosephum patri detulisse, quomodo, & quid fratres de se murmurarent, & patri obloquerentur, & in se præ liuore, & inuidia exasperarentur; quod crimen meritò vocatur pessimum, utpote natum ex inuidia (sicut optimè cecinit Sanctus Orientius in monitis) quæ præ omnibus vitiis est detestanda, & pessima, quandoquidem aduersatur virtuti optimæ charitati. Vnde & invidi in sacris literis pessimi appellantur.

CU M enim Dauid persequutus est Amalechitas, iisque omnino superatis, & occisis, rediit ad ducentos viros, qui præ lassitudine non poterant comitari Dauid: eos verbis pacificis salutauit, quod ægrè tulerunt invidi, de quibus sic ait sacer Textus: *Respiciensque omnis vir pessimus, & iniquus de iis qui erant cum Dauid, dixit: Quia non venerunt nobiscum, non dabimus eis quicquam, &c.*

FACIT

Gen. 37. FACIT etiam pro hoc argumento id, quod dixit Iacob; *Fera pessima deuorauit filium meum Ioseph.* Super quæ verba Rupert. lib. 8. in Genes. cap. 25. ita ait: Neque hoc dicens, falsus, aut mentitus est: talis namque sæuitia cum leone, & vrsō, feræ, aut bestię vocabulo rectissimè æquiocari potest. Videndus hac de re Nazian. Orat. 27. vbi hoc vitium iniquissimum appellat. Pessimum itaque malum, amarus zelus, pessimi itidem homines, inuidi, qui alieni boni inimici sunt, & communis pacis hostes, proindeque à magisterio, & Præfulatu abigendi, cum ad præceptoris, Pastorisque officium maxima bonitas requiratur.

Iuan. 14. VNDE Christus Domini cum se viam, veritatem, lucemque appellauerit, nunquam bonitatē his vocibus addidit, nec dixit: Ego sum via bona, aut bona veritas; quando verò se appellauit Pastorem bonum, addidit. *Ego sum Pastor bonus;* quia ad pastorale officium bonitas, veluti fundamentum requiritur, sicut etiam, & zelus, & amor boni communis.

Iuan. 11. ET ENIM si quis quærat, cur Deus Moysen gubernatorem populi sui elegerit: respondet Oleast. quia cognouerat Dominus Moysen, zelum habere ad bonum commune, & ad pacificandum inter fratres, qui zelus tantum aberat, vt esset amarus, quin potius dulcis zelus rectè dici potest; & ideo eum præfecit. Et Bernar. 2. de Considerat. reddens rationem, quare Christus Dominus toti Ecclesiæ vnum præfecerit Petrum, ait: Committens vni, vnitatem commendauit; vbi enim vnitas, ibi perfectio. Cum ergo neque zelum boni communis, neque curam vnitatis possit habere is, qui zelum amarum habet, quæ inseparabiliter comitantur contentiones; nullatenus admitendus est ad magisterium, aut pastorale munus nequissimus, & impiissimus inuidus.

§. I I.

Inuidia acerbissimum tormentum est inuidi.

Ep. Iud. SED non omittendum hoc loco, inuidentiam, & liuorem, zelum amarum appellari; amarissimum enim hoc vitium est iis, qui eo laborant, quod videtur dixisse Iudas Apostolus: *Va, qui in via Cain abierunt.* Et notauit Chrysost. hom. 46. in Genes. loquens de Saule irato ob cantatrices, quæ decem millia dederunt Dauidi. Huius affectionis malitia primum corrumpit Cain, à quo generatur; sicut enim vermis, qui à ligno producitur, lignum primò corrumpit, & consumit; ita & inuidia illam primò animam corrumpit, à qua nata est. Quibus habet similia Basil. loco cit. Et Greg. lib. 5. Moral. c. 31. Non omittendus Cyprian. lib. de Zelo & Liuore, vbi ita eleganter profequitur: Qualis verò est animæ tinea, quæ cogitationum tabes, pectoris quanta rubigo zelare (*i. inuidere*) in altero, vel virtutem eius, vel felicitatem odisse in eo, vel merita propria, vel beneficia diuina, in malum proprium bona aliena conuertere, aliorum gloriam, facere suam pœnā: nullius magis, quam tuæ salutis inimicus, hostis semper in pectore tuo est, perniciēs intrus.

intus inclusa, calamitas sine remedio, &c. Prosequitur idem argumentum Bern. Serm. de Conuersione ad Cleric. c. 12. August. Serm. 83. de Tempore. Prosper lib. 3. de viriis, & virtutib.

Hoc etiam ostendit Chrysolog. Serm. 172. vbi ita habet: Omnia quidem vitia ad suorum semper intendunt, & profiliunt læsionem, sed suos semper ampliùs inuidia consumit, inuidia suorum carnifex semper extitit, extendit sensus, torquet animos, discruciat mētes, corda corrumpit, & quid plura? hanc qui receperit, sua sustinet sine fine supplicia, quia in se domesticum semper diligit habere tortorē. Quis ibi malorum finis, vbi alterius bonum, pœna est? vbi cruciatus, aliena felicitas? Malū multiplex: quot sunt prosperitates hominum, tot tormenta sunt inuidorum.

NOTANDUM vtique hoc loco venit, quòd loquens Christus Dom. cum inuidis Iudæis, & tormenta inferni minitans, ea non assignat solummodo, sed modum patiendi præscribit, dicens: *Ibi erit fletus, & stridor dentium: cum videritis Abraham, Isaac, & Iacob, & omnes Prophetas in regno Dei, vos autem expelli foras. Et venient ab Oriente, & Occidente, & Aquilone, & Austro, & accumbent in regno Dei.* Quorsum igitur hæc futura enarrat, & non potiùs æternum flammæ ardorē, & summum ab igni illatum dolorem proponit, aut carentiæ diuinæ visionis, quod extremum malorū est? Respondet eo in loco Caiet. Ad cumulū demū pœnæ adiicitur salus futura omnium nationū mundi. Nihil enim sic inuidum torquet, & discruciat, quàm si aliorū felicitatem videat.

PROBAT hoc locus ille Psal. vbi dicitur, *Inirauit Israel in Ægyptum, auxit Ps. 104. Deus populum suum vehementer, & conuerit cor eorum, ut odirent eum*: Non quidem infundendo malevolentiam, & odium, vt ibi rectè aduertit Genéb. neque ad malum incitando, & commouendo, sed multiplicando, & fecundando eam gentem, vt cū initio descēsus vix essent septuaginta, post elapsos quadringentos annos, vel etiam iuxta aliorum computationem, ducentos decem, sexcenta armatorum millia explerent, & totidem paruulos, & mulieres secum in terram Chanaan ducerent; ornandō, benefaciendōque populo illi, cui Ægyptij inuidebāt. Vnde Aug. eo in loco ait; In eo quod populum suum multiplicauit, hoc beneficio suo malos ad inuidiam conuertit: vnde eos velut inimicos persequuntur, quasi ab iis plurima patiantur mala, dum solum in eis bona considerant.

Hæc est ratio, cur dixit Nazianz. optimè Orat. 27. Solus ex omnibus affectibus iniquissimus simul, & æquissimas, inuida est. Iniquissimus, quia bonis omnibus aduersus est, æquissimas, quia dominos suos exest, & conficit, dum eos, quibus inuidet, clariores reddit, &c. Quod ponderat Chrysost. tom. 1. h. om. 1. in Ps. 50. vbi ostendit inuidentiæ proprium esse, inuisos illustriores reddere; quod etiam prosequitur homil. 8. in epist. ad Rom. vbi hoc probat in Abele, & Caino, quorum iste illum interfecit, sperans fore, vt illū à dilectione Dei deturbaret, sed longè aliter euenit; quia Deus qui viuū diligebat Abelem, mortuum requirit, vt diligat. Plus autem est querere aliquem diligendū, quàm inuentum & probatū diligere. Non inuidia, inquit Chrys. amorem extinxisti, sed magis accendisti, nec magis abscondisti.

Pacz in Epist. B. Iacobi Apost.

RR r opera.

opera iusta cùm necasti, imò magis eadem iusta esse ostendisti.

Hoc ipsum videre est apud Plut. in vita Publicolæ strenuissimi Romanorum ducis, qui deuicta, ac triumphata Hetruria domum forsan altiore præter Romanorum morem ædificauerat; certior verò factus, quòd ea domus populo inuisa esset, cùm ex ea, quasi ex regali domo, regio comitatu descenderet, inuidiæ populi cedens, noctu eam dirui iussit; ita-
tim verò vt dies illuxit, domus speciem Romani desiderare cœperunt, viri magnitudinem admirati. Et cùm ob inuidiam dirutam esse nouissent, excellentiorem illustrioremque domum publicis stipendiis ei construxerunt, atque ita quæ per inuidiam destructa est; per eandem clarior reddita, & celebrior facta est. Voluit enim iustissimus Dominus, vt iniquissimum inuidiæ vitium hac in re æquissimum esset, dum in maius, & acerbius sui supplicium clariore, & illustriore reddit, quos ignobiliores, & obscuriores facere conatur. Vnde Theologi in 4. sētēt. dist. 45. & in 1. p. q. 64. art. 4. ostēdunt, nō paucos dæmonū in hac ærīs regione cruciari, vt inter iustos, qui in cœlo Deo fruuntur, & qui in via ad cœlū viuūt, vtriusq; inuideāt, & inuidēdo torqueantur. Qua de re multa eleganter habet Bern. Serm. 54. in Cant.

CVMQUE hoc vitium tam amarum sit, inde est, vt bonā quæ dulcissima sunt, non possit amaro ore ac lingua attingere. Ideò inuidi Iudæi nequeunt proferre dulcissimum Iesu nomen præ liuore, sed dicunt; *Comminemur eis, ne ultra loquantur in nomine hoc.* Indigni profectò inuidi, qui expriment suauissimum nomen, quod nemo exprimit eo quo decet animo, nisi in Spiritu sancto, vt ait Paulus. Notauit eleganter in hanc sententiam Oecum. quòd cùm Petrus in nomine Iesu Christi claudū sanauit, postea comprehensum
1. Cor. 11. simul cum Ioanne, *statuentes eos in medio interrogabant. In qua virtute, aut in quo nomine fecistis hoc vos?* Vide, ait Oecumen. quàm subdole interrogēt; malebant enim Apostolos fateri suum esse opus, quàm potentia Christi. Et aduerte, quòd neque nominare volebant claudi sanitatē. Neque enim dicunt, quidnam sit; sed *fecistis hoc*: celebre vtique, & memoria, & commendatione dignum erat miraculum factum, sed non capit amarulentum os, plenū liuore, & amaro zelo, ea quæ dulcia & optima sunt, sed perpetua amaritudine vrget, & in animo, & in ore inuido. Notauit Rupertus id, quod dicitur Gen. 37. *Oderant eum, nec poterant ei quidquam pacifice loqui.* Quando, inquit Rupert. virus animi lingua dissimulare non potest, quod hi viri inuidi nequeunt à contumeliis abstinere.

OSTENDIT hoc optimus ille locus, quem notauit Caiet. post D. Chryso-
st. & Theophyl. cùm Christus Dom. paralyticum sanum fecit, insuperque iussit tollere grabbatum, & abire, cui Iudæi dixerunt; *Sabbatum est, non licet tibi tollere grabbatū; ille verò respondit; Qui me sanum fecit, ille mihi dixit, tolle grabbatum tuum.* Iterum verò Iudæi: *Quis est homo ille qui tibi dixit, tolle grabbatum tuum, & ambula?* Vbi illicò notandum venit, cur Iudæi hominem iuxta datam respon-
sionem non interrogant, cùm enim ipse dixerit; *Qui me sanum fecit, dixit mihi, tolle grabbatum tuum*; deberent potius Iudæi interrogare, quis est qui te sanum fecit, & simul iussit tollere grabbatum? at verò ipsi omittunt
sa nita

sanitatem collatam, quæ laudē videbatur mereri; & violationem præcepti de custodiendo Sabbatho, ut putabant, proferunt: cuius rei rationem reddit optimè Caiet. Non interrogant, inquit, quis est ille homo, qui te sanū fecit, sed tantummodò, quis est ille homo, qui dixit tibi, tolle grabbatum tuum: inuidorum etenim lingua bona nullatenus profari potest, neque ea ipsorum os capit, mala illicò profert, proinde sanitatem omittunt, & solam quam putant legis transgressionem, obiciunt. Quod dixit Ouidius 2. Metamorph.

Pectora felle virent, lingua est suffusa veneno.

NEQUE solum os, animūque amarum habet inuidus, sed aures etiam, & oculos. Receperat verus pater perditum filium, & quem prius induerat, & operuerat brachiis, veste postea contextit, annulo donavit, summāque lætitia, lauto conuiuio, & totius domus triumpho exceperat. Cum verò rediret de agro senior filius, & appropinquaret domui, ut audiuit symphoniam, & choros, nolebat introire. Rationem, cur introitum paternæ domus quem alius de longinquo quæsierat, hic recusaret, reddidit Chrysolog. Serm. 4. Inuidum fugat symphonia pietatis, chorus charitatis excludit, & quem venire ad fratrem, & appropinquare domui vocat ratio naturæ, hunc peruenire zelus non sinit, lior non patitur introire. Habet etenim amaras aures sicut Saül, qui laudes Dauid minimè patiebatur. Qua de re videntur Chrysost. homil. 7. in epist. ad Rom. & Plut. lib. de auditione.

AMAROS insuper habet oculos, quia sicut dixit Bern. Ser. 3. in Psalmi. *Qui habitat.* Quid inuidere, nisi malum videre est? Nolle cupis Basiliscum, venenum in oculo gerit, pessimum animal oculum venenatum. Nolle cupis nequam, fascinantem inuidiam cogitato. Probat hoc quod Achis dixit Dauid. 1. Regum 29. *Vivis Dominus, quia rectus es tu, & bonus in conspectu meo, & non inveni in te quidquam mali ex die qua venisti ad me: sed Sarrapis non places: revertere ergo, & vade in pace, & non offendas oculos Sarraparum Philistin;* veneno scilicet invidiæ infectos.

Hoc etiam prosequitur D. Chrysost. homil. 52. in Gen. cum ponderat, Cain invidiæ causā fuisse, quod fratris dona plus Deo placuissent, & in fratribus Ioseph, vidisse, quod à patre plus diligeretur. Et D. Thomas ponderat, pulchritudini Ioseph statim additam fuisse fratrum invidiam, & persequutionem. Namque, ut dixit Scriptura; *Filius accrescens Ioseph, & decorus aspectus;* illicò addidit: *Invideruntque illi habentes iacula.* Ipsam enim pulchritudinem Ioseph impetebant sagittis liuidi fratrum oculi. Vnde Oleast. notavit, quod Dominus ad Abraham dixit, postquam ab eo diuisus est Lot. *Leua oculos tuos in directum, & inde à loco, in quo nunc es, ad Aquilonem, & Meridiem, ad Orientem, & Occidentem, omnem terram, quam conspicias, tibi dabo, &c.* Reddens ergo Oleast. rationem, cur prius voluerit Deus, Lot recessisse. Quia, inquit, Dominus invidiā, aut odium nepotis timuit ipsi Abraham. Quod etiam notavit in eo, quod Deus nube voluerit obducere Moysen, dum in monte Sinai, veluti cū amico os ad os loquebatur. Noluit, inquit Oleast. Deus populum videre, quā familiaris illi servus esset Moyses, ne invidia torqueretur, &

R R r 2 alios

alios inuidia permotos in eum preuocaret.

NOTAUIT in hanc sententiam Chrysost. hom. 5. 2. in Gen. id, quod contigit Isaac cum esset in Geraris, & proficiens, atque succrescens locupletaretur, ob hocque inuidentes ei Palæstini, obstruxerunt illi puteos, ipsique Abimelech dixit: *Recede à nobis, quoniam potentior factus es nobis valde*. Ait ergo Chrysost. Cuius gratiā abigis iustum? num aliqua tibi in re nocuit, num iniuriā intulit? Abi à nobis, quoniam potentior factus es; ita agere solent inuidentia; non potest benigniter videre aliorum felicitatem, sed suam putat infelicitatem. Et Chrysolog. Serm. 4. de duobus filiis. O zeli tumor, duos non capit domus ampla germanos! Et quid mirum fratres: fecit inuidia, ut mundi tota duobus esset angusta fratribus latitudo. Nam ipsa Cain iniunioris crexit in mortem, ut esse solum zeli liuor faceret, quem primum fecerat lex naturæ.

Ecl. c. 4.

VNDE iam licet cernere, quanta cum ratione Salomon dixerit: *Contemplatus sum omnes industrias patere inuidia proximis*. Hebr. habetur, *omnem rectitudinem operis*: vbi cumque enim inuidus aliquid boni conspicit, statim illud venenato, & amarulento oculo nititur inhiere, ac perdere. Ideoque olim fortunam inuidia fangebant colligatam, quod dixit Statius:

— *Quisnam impacata consanguinitate ligauit*

Fortunam, inuidiamque Deus? — —

• Et Philo lib. de Ioseph. inuidiam magnarum felicitatum perpetuam aduersariam vocauit.

QVOD si amarus oculus inuidiæ non potest inficere id, quod videt, alteri perdendum tradit quod nouum amarulentia genus videtur esse, cum sit antiquum. Dixit Saül ad seruos suos: *Provideat mihi aliquem bene psallentem, & adducite eum ad me*. Et respondens unus de pueris ait. *Ecce vidi filium Isai Bethlehemi- tidem scientem psallere, & fortissimum robore, & virum bellicosum, & prudentem in verbis, & virum pulchrum, & Dominus est cum eo*. Videri, ut rectè hucusque viderat, perspicit oculus plura distincta, claraque bona. Audiamus nunc Rupertum lib. 2. in lib. Reg. cap. 1. Puer ille, qui hoc respondit Saül, Doëch Idumæus fuisse perhibetur inimicus Dauid, & omnia quæ de Dauid, in laudem dixisse videtur, in odium eius dixisse dicitur, quia volebat inimicitia causâ, & inuidiæ liuore, ut ad Saül veniret, quatenus ibi qualibet occasione neceretur. Idem dicunt ibi Hebræi, ut patet per Lyrantum.

ET cum Dauid ad Regem Geth diuertisset, serui Regis magnis celebrant laudibus Dauidem. *Nōne iste est David Rex terræ? Nōne huic cantabunt per choros dicentes: Percussit Saül mille, & David decem millia? Vbi Lyranus aduertit, propterea inuidos homines hæc dixisse, ut Achis Rex eum detineret, & occideret, quia inuidus erat Rex. Ideoque & addit sacer Textus. Timuit David valde à facie Regis Achis: quia inuidus non potest bona videre, quin statim perdere conetur; quod si per se nequit id efficere, alteri committit.*

Proponitur crudelitas inuidia.

NISI fortassis ea sit ratio, cur inuidia dicatur amarus zelus, quod præ cæteris amaritudinem propinet, venenûmque inferat iis, quibus inuidet: quo sensu meritò Iacobus dixit de Iosepho. *Fera pessima deuorauit eum, bestia comedit illum; imò feris sæuior inuidentia*, sicut dixit Chrysost. hom. 37. in Ioan. Feris sæuior inuidi, dæmonibus pares, fortasse iniquiores: quia illi suo generi minimè insidiantur. Prosequitur hoc argumentum D. Hieron. epist. ad Eustochium de obitu Paulæ, ubi reddit rationem, cur Iacob in Mesopotamiam fugerit, & David ad Achis, malens uterque, inquit Hieron. hostibus, quàm inuidis subiaceret. Gen. 37.
Gen. 28.
1. Rr. 28.

Idque ampliùs ostendit inuidiæ amarulentiam, & crudelitatem, quod cum cætera mala finem aliquem tandem, & terminum habeant, inuidia tamen eo caret. Quod prosequitur Cypr. lib. de Zelo & Liuore, dicens: Mala cætera habent terminum, & quodcumque delinquitur, delicti consummatione finitur: quod ipse latè ostendit, tandèmq; concludit zelus terminum non habet, permanens iugiter malum, & sine fine peccatum.

Et quia irrationale, crudele, & immane vitium est, ea, quæ rationi maxime consona sunt, detestatur, & abhorret. Humanum utique & rationale est, gaudere cum gaudentibus, flere cum flentibus. Vnde & Iob. *Si non ingemui, clam viderem homines in necessitate*. Hanc verò humanitatem crudelis fera abhorret, inuersoque ordine, ac peruerso modo flet cum gaudentibus, dum ad eorum prosperitatem lacrymatur, & visa eorum lætitia tristatur: gaudet verò cum flentibus, quia sola gaudere vult, nullique alteri bonum aliquod exoptat. quod prosequitur Chrysost. homil. 41. in Matth.

Et cunctam aduersetur rationi hoc vitium, in hoc solum rationabile apparet, adhuc tamen irrationabiliter; cætera namque vitia excusationes, occasionèsq; prætendunt, licet frigidæ, & iniquas; inuidia verò nullam omnino, nisi intensam malitiam, & odium torius boni. Qua de re videndus Basil. in aliquot Scripturæ locas. Et Demosthenes ad Leptinem.

Post insignem victoriam quam Abraham de quatuore Regibus reportauit, factus est sermo Domini ad eum dicens: *Noli timere Abraham, ego protector tuus sum, & merces tua magna nimis*; quo in loco D. Hier. ex Hebræo legit, *Ego scutum, siue clypeus circa te*. Mirabitur iure optimo quis, dum videt scutum Abrahæ post victoriam porrigi, & clypeum post vulnera; si scuta deuictorum hostium essent, & clypei eorum quos superauerat poterant inferuire triumpho: at verò in protectionem illud scutum concedebatur. *Ego protector tuus sum*; & meritò quidem: statim namque additur; *& merces tua magna nimis*: etenim magna à Deo promissa bona, & Dei adiutoria parta victoria exposita erant oculis, ori, manibus, crudelitati denique inuidiæ: meritò proinde illi datur scutum, quo ab inuidia protegi, imò & abscondi possit, ne vel videretur, vel destrueretur. Gen. 15.

paruulum animum habeat. Etenim, sicut inter alios notauit Guarrius Ser. 5. de Purificatione, hac peste nullus moritur, nisi qui terrena hæc appetit, quæ tota non veniunt pluribus. Vnde si quæ desiderat, illi inuidet qui penitus ea æcepit, vel illi qui partem habendo, quantitatem ei restringit. At verò bonum cœleste, quod est obiectum beatitudinis, totum omnibus communicatur, licet non totaliter, suæque beatitudine quilibet in patria contentus est, ut alteri minimè inuideat. Vnde Ber. epist. 103. Quænam verò inuidiæ causa potest esse, ubi sortium magnitudini consortium multitudo nihil detrahit?

IM O si rem subtilius rimari velimus, inueniemus tantum abesse à beatitis inuidiam & zelum amarum, ut vnus beatus plus gaudeat de beatitudine alterius, quam ille alter de sua propria gaudeat, & lætetur beatitudine. Rem si attendas, faciliè ex Theologia tibi ostendo: etenim perfectiones accidentariæ, quæ ex natura rei beatitudinem consequuntur, dantur iuxta mensuram etiam beatitudinis. Vnde fit, ut magis beatus plus gaudij habeat de sua beatitudine, quam minus beatus habeat de propria; quinimò & beator intensius gaudebit, & lætabitur de beatitudine alterius, quam ille alter de sua propria; quia gaudium beatoris semper est maius. Vnde rectè inferitur, singulos beatos non solum gaudere de proprio bono, & de bonis aliorum, ut docet Aug. tract. 67. in Ioan. & D. Greg. 4. Mor. c. 42. sed etiam vnum beatum plus gaudere de bono alterius, quam ille gaudeat, qui possidet tale bonum.

QU E RGO fieri potest, ut gloria afficiatur in cœlo, qui amarum zelum habet in terra, & ut in Deo complaccat, cui præ inuidia non placet frater, & adhæreat Deo per summum amorem in gloria, qui diuisus est à fratre per inuidiam? Nam sicut dixit B. Dorotheus doctrina 6. Studeat vnusquisque pro virili parte coherere proximo suo: quo enim magis proximo in amore, & beneuolentia cohererit, eo amplius & Deo cohererebit. Et Bern. Ser. 17. in Cantic. eam asserit fuisse rationem, quare Deus ad Cain, & ad munera eius non respexerit, quia scilicet non rectè cum fratre ambulabat, illi inuidebat, & iniquè diuidebat, quatenus ab eo diuisus erat. Quia verò contraria contrariis curari solent, D. Greg. 5. Moral. c. 31. admonet, ut qui liuoris peste plenè carere desiderat, illam hæreditatem diligat, qua coheredum numerus non angustatur, quæ omnibus vna est, & singulis tota, quæ tanto longior esse ostenditur, quanto ad hanc percipientium multitudo dilatur.

§. I V.

Inuidia bellum periculosum cur sit.

NE Q U E verò illud etiam omittendum, voluisse Iacobum hoc in loco assignare ea mala, quæ plerumque liuorum inuidiæ comitantur, ut sunt contentiones, & mendacia contra apertam & manifestam veritatem. Hoc autem ex eo prouenit, quia cum inuidus oppugnet, & persequatur id quod

quod à parte rei bonum est, & amabile, inde fit, vt necesse habeat per mendacium aliquem defectum bono quod persequitur, imponere, quo tandem excusabilis ea malitia appareat.

MIRABITVR fortassis quis, si consideret acutissimum cõsilium Achitophelis ad Absalon, dum illi dixit. *Ingrederere ad concubinas patris tui, quas dimisit ad custodiendam domum, ut cum audieris omnis Israel, quòd sedaueris atrem tuum, roboventur manus omnium qui tecum sunt.* Cuius consilij vim recte explicat Brixian. dicens: Si illam publicam confusionem feceris patri tuo, nemo non sciet tibi implacabilem esse cum patre tuo similitatem, alioqui nisi tale quid feceris, cogitabunt filij Israël te propediem in gratiam Regis venturum, & eos qui huius conspirationis sunt authores, & fautores penam daturos. Nihil equidem subtilius, nihil conducibilius Absaloni, eiusque rebellionis potuit proponi, sed sic solet inuidia proprium propinare venenum, sic malignitatem suam inculcare. Etenim, sicut notauit idem Brixia. hoc cõsilium dederat Achitophel Absaloni, quòd parum faueret ipsi Dauidi, imò inuideret ob stuprum quod intulerat Bersabe, cuius ipse auus erat.

REM magis aperit inuidus Saül, qui prae liuore tentauit configere Dauid cum pariete, cumque vulnus declinasset Dauid, alia via tentauit eum morti tradere, ideòque illi dixit. *Ecce filia mea maior Merob, ipsam dabo tibi uxorem, tantummodo esto vir fortis, & prædiare bella Domini;* cum tamen illi solum in animo esset interitus, ac perditio Dauidis. Addit enim statim sacer Textus; *Saül autem repugnabat, dicens: non sit manus mea in eo, sed sit super eum manus Philistinorum.* Et ita iniustam necem in bellum Domini commutauit. Vnde D. Chrylost. homil. 5. ad Pop. Inuidere, inquit, peius est, quàm bellum inferre; qui enim bellum infert, soluta causa propter quam bellum gerebatur, inimicitiam quoque dissoluit; inuidus autem nunquam efficitur amicus, & ille quidem apertam ostendit pugnam; hic autem obumbratam, ille quidem legitimam habet, quam dicat impugnandi causam plerumque; hic autem nihil præter inuidiam. Vnde fingat necesse est, vt mentiatur causam impugnandi, & persequendi.

SED certè mendaces sunt contra veritatem, ipsamque persequuntur, & bonum odio habent, contra naturam bonitatis, & veritatis. Quis enim veritatem pulcherrimam poterit odio habere, nisi cæca inuidia? Lætus enim, & speciosus vultus veritatis, sicut dixit Clem. Alexand. Orat. ad Gen. & Philo. lib. de officio Iudicis. Quid in vita tam pulchrum, quàm veritas, quam sapientissimus Moyse in stola summi Sacerdotis facerrimo in loco propter pectus, ubi pars animi est, quæ præcipuum obtinet, collocauit, eo cõsilio vt illam monumento omnium pulcherrimo, præstantissimòque exornaret? Et Plato lib. 5. de legibus. Veritas res diuina, omniumque bonorum, & Diis, & hominibus causa est, quæ etiam sine alieno suffragio facile se ad omnium conscientiam accomodat, sicut dixit Guaricus Ser. 3. de Sancto Benedicto. Vnde qui illam respuit, contra propriam conscientiam, vt mendax, nritur, qui illam impugnât, & persequitur velut inimicam; menda-

Paiz in Epist. B. Iacobi Apost.

SSS

terci.

epist. 90. Quoniã diabolus author, satôrque errorum, priusquã quidem veniret Christus, hominum vniuersitatem maxima ex parte sibi deuinxerat vitij quodam sopore, atque temulentia: vbi verò Dei Filius cœlestis intulit vitæ documenta, & per eas minas, quas in peccatores intendebat pœnam, quæ diabolum manebat, pronunciaſſet, hic iam pietati obluſtari magnopere non valens, contendit, vt sub pio Christi nomine plerosque ad impietatem induceret, ac pietatis specie, obtentuque pietatem euerteret, & illos quoque, qui optimæ vitæ laude perſæpe excelluiſſent, & corrupta dogmata obruderet, & qui pacem colerent, in diuiſiones, & contentiones diuiderentur.

Si igitur inuidiam, inquit Apostol. & contentiones habetis in cordibus, quanuis non prorumpant in verba, vt ait Gloſſa, nolite gloriari de ſapientia, ſuperbiendo, aut de ea gloriam æternam ſperando. Ita D. Thom. & Carthuf. & mendaces eſſe aduerſus veritatem, & diſciplinam ipſam, quam non habetis, ſimulando externis, ſcilicet ceremoniis, aut verbis. Proprium namque ſolet eſſe eorum, qui amarum zelum habent, & contra aliquem contendunt, ſe ipſos prius velle iuſtificare, & ſuam partem, ſiue iure, ſiue iniuria defendere.

VEL etiam nolite mendaces eſſe contra veritatem agnitam, eam impugnaando, quo factò mendaces proſectò eſtis, vel etiam quia veritas ipſa probat non eſſe gloria dignos eos, qui ſapientiæ verba ore promentes, zelum amarum, & contentionis inſtructuolæ ſtudium geſtant in corde. Ita Beda. Neque omittendus Caiet. cum id notauit, inuidiam ſcilicet, & contentiorem ad verumque ducere viros doctos, ad gloriandum ſcilicet intus, & ad mentiendum foris.

§. I.

Infelicitas inuidiæ dum bonum odit.

PRIMUM igitur quod hoc loco deteſtatur Aſtoſolus in vero magiſtro, & Paſtore, eſt liuor, ac inuidia. Cum enim omnibus bene velle teneatur, bonæque omni modo procurare, quæ fieri poteſt, vt eo vitio laboret, quod omnium bonis, & vtilitatibus aduerſatur: hoc enim proprium eſt inuidiæ, vt videre paſſim eſt apud Sanctos Patres. Qua in re cætera vitia multum excedit, ſicut notauit D. Ambr. 2. Offic. cap. vlt. cum ait: Inter imbrum, & inuidum hoc intereſt, improbus ſuo delectatur bono, inuidus torquetur alieno, vt propè tolerabilior ſit, qui ſibi vult bene, quàm qui malè omnibus. Quibus ſimilia habet Chryſoſt. hom. 41. in Matth.

EST optimus pro hac re locus in lib. Genef. vbi de inuidiis tribus Ioseph ſic fatidicus Iacob moriens ait: *Inuiderunt illi habentes iacta.* vbi Hieron. in quæſt. Hebr. adnotauit, cum arcu & ſagittis inuidiam iroduci, vt ſagittet immaculatum, & pulchrum. Petitiq; videtur ſimilitudo à conſuetudine eorum qui ad ſcopum ſagittas collimant. Solent enim album lapidem, candidamue papyrum proponere, & in album ac candidum ſignum iacu

iacula dirigere, quantoque candidius, & lucidius fuerit signum, tanto libentius sagittis illud perunt. Inuidi ergo fratres Ioseph habentes iacula inuidiæ, pulchrum, & decorum aspectu Ioseph persequuti sunt; sicut & inuidi Iudæi dilectum Ecclesiæ sponsum candidum, & electum ex millibus, inuidentiæ iaculis petierunt, & quo pulchriorem viderunt, libentius transfixerunt: solet enim inuidia amabile bonum miserè odisse.

P L V s hac in re dixit Bern. de interiori domo c. 42. dum de malculo inuido ait: Inuidus alienum bonum, suum facit inuidendo peccatum; potiusque eligit in malis versari, quàm in aliis bona cernere; ideòque contra proprium commodum contendit, ut videre est in Saule, qui Dauidis musica à morbo liberatus, hastam in eum inuidia agitata emisit, maluitque ab spiritu nequam torqueri, quàm Dauidem omnibus charum cernere; sicut notant Basil. hom. 11. inter varias quæst. de inuidia; & Chrysost. hom. 37. in Ioan.

P R o qua etiam re facit id, quod notauit Chrysost. hom. 22. in Ioan. ubi querit, cur tam bene tulerint Iudæi Christum eos veluti abiectos seruos de templo eicientem, & flagellis eudentem, cum tamen non possent ipsius miracula æquo animo tolerare? Quia, inquit, multo magis aliena gloria offendit inuidos, quàm proprium malum. Similia habet idem Chrysost. hom. 41. in Matth. ubi de inuido ait: Alienas iacturas, suos quæstus existimat, & aliorum felicitatem suam miseriam arbitratur.

Q V O D si huic vitio adhuc aliquid addere licet, peiores diabolo reddit homines. Tota enim ratio, cur nobis malignus aduerfetur, & inuideat diabolus, ea est, quòd bona, quæ amisit, ut sunt bona gratiæ, aut quæ non potuit habere, ut est vnio hypostatica, in humana natura videat; hæc causa liuoris, & origo inuidentiæ, quam superat humanus, amarùsque zelus, dum ea bona, quæ & assequi potest, & multoties habet, ut proprium damnum deplorat, ac dolet, non quòd non habeat, sed quòd alius non careat.

Hæc mihi videtur ratio, cur in Scriptura hoc vitium dicatur pessimum, eoque laborantes nominentur pessimi. Primum patet ex Gen. ubi dicitur Iosephum accusauisse fratres apud patrem de crimine pessimo; ubi si verbum Hebræum perspiciamus, significat *obloquutionem*, seu *infamiam rumore acceptam & perlatam*. Ideòque probabilis, & fortè probabilior est eorum sententia, qui dicunt Iosephum patri detulisse, quomodo, & quid fratres de se murmurarent, & patri obloquerentur, & in se præ liuore, & inuidentiæ exasperarentur; quod crimen meritò vocatur pessimum, utpote natum ex inuidia (sicut optime cecinit Sanctus Orientius in monitis) quæ præ omnibus vitiis est detestanda, & pessima, quandoquidem aduerfatur virtuti optimæ charitati. Vnde & inuidi in sacris literis pessimi appellantur.

C V M enim Dauid persequutus est Amalechitas, iisque omnino superatis, & occisis, rediit ad ducentos viros, qui præ lassitudine non poterant comitari Dauid: eos verbis pacificis salutauit, quod agrè tulerunt inuidi, de quibus sic ait sacer Textus: *Responsumque omnis vir pessimus, & iniquus de iis qui erant cum Dauid, dixit: Quia non venerunt nobiscum, non dubitamus eis quicquam, &c.*

FACIT

Gen. 37. FACIT etiam pro hoc argumento id, quod dixit Iacob; *Fera pessima deuorauit filium meum Ioseph*. Super quæ verba Rupert. lib. 8. in Genes. cap. 25. ita ait: Neque hoc dicens, falsus, aut mentitus est: talis namque sæuitia cum leone, & vrsio, feræ, aut bestię vocabulo rectissime æquiocari potest. Videndus hac de re Nazian. Orat. 27. vbi hoc vitium iniquissimum appellat. Pessimum itaque malum, amarus zelus, pessimi itidem homines, inuidi, qui alieni boni inimici sunt, & communis pacis hostes, proindeque à magisterio, & Præfulatu abigendi, cum ad præceptoris, Pastorisque officium maxima bonitas requiratur.

Ioan. 14. VNDE Christus Domini. cum se viam, veritatem, lucemque appellauerit, nunquam bonitatē his vocibus addidit, nec dixit: Ego sum via bona, aut bona

Ioan. 11. veritas; quando verò se appellauit Pastorem bonum, addidit. *Ego sum Pastor bonus*; quia ad pastorale officium bonitas, veluti fundamentum requiritur, sicut etiam, & zelus, & amor boni communis.

ET ENIM si quis quærat, cur Deus Moysen gubernatorem populi sui elegerit, respondet Oleast. quia cognouerat Dominus Moysen, zelum habere ad bonum commune, & ad pacificandum inter fratres, qui zelus tantum aberat, vt esset amarus, quin potius dulcis zelus recte dici potest; & ideo eum præfecit. Et Bernar. 2. de Considerat. reddens rationem, quare Christus Dominus toti Ecclesiæ vnum præfecerit Petrum, ait: Committens vni, vnitatem commendauit; vbi enim vnitas, ibi perfectio. Cum ergo neque zelum boni communis, neque curam vnitatis possit habere is, qui zelum amarum habet, quæ inseparabiliter comitantur contentiones; nullatenus admitendus est ad magisterium, aut pastorale munus nequissimus, & impiissimus inuidus.

§. I I.

Inuidia acerbissimum tormentum est inuidi.

SE D non omittendum hoc loco, inuidentiam, & liuorem, zelum amarum appellari; amarissimum enim hoc vitium est iis, qui eo laborant, quod videtur dixisse Iudas Apostolus: *Ve, qui in via Cain abierunt*. Et notauit Chrysost. hom. 46. in Genes. loquens de Saule irato ob cantatrices, quæ decem millia dederunt Dauidi. Huius affectionis malitia primum corrumpit Cain, à quo generatur, sicut enim vermis, qui à ligno producitur, lignum primum corrumpit, & consumit; ita & inuidia illam primum animam corrumpit, à qua nata est. Quibus habet similia Basil. loco cit. Et Greg. lib. 5. Moral. c. 31. Non omittendus Cyprian. lib. de Zelo & Liuore, vbi ita eleganter profequitur: Qualis verò est animæ tinea, quæ cogitationum tabes, pectoris quanta rubigo zelare (i. *inuidere*) in altero, vel virtutem eius, vel felicitatem odisse in eo, vel merita propria, vel beneficia diuina, in malum proprium bona aliena conuertere, aliorum gloriam, facere suam pœnā: nullius magis, quam tuæ salutis inimicus, hostis semper in pectore tuo est, perniciēs

inrus

intus inclusa, calamitas sine remedio, &c. Prosequitur idem argumentum Bern. Sermon de Conuersione ad Clericos. c. 12. August. Sermon. 83. de Tempore. Prosper lib. 3. de viriis, & virtutibus.

Hoc etiam ostendit Chrysolog. Sermon. 172. ubi ita habet: Omnia quidem vitia ad suorum semper intendunt, & profiliunt læsionem, sed suos semper amplius inuidia consumit, inuidia suorum carnifex semper extitit, extendit sensus, torquet animos, disruciatur mētes, corda corrumpit, & quid plura? hanc qui receperit, sua sustinet sine fine supplicia, quia in se domesticum semper diligit habere tortorem. Quis ibi malorum finis, ubi alterius bonum, pœna est? ubi cruciatus, aliena felicitas? Malū multiplex: quot sunt prosperitates hominum, tot tormenta sunt inuidorum.

NOTANDUM utique hoc loco venit, quod loquens Christus Dom. cum inuidis Iudæis, & tormenta inferni minitans, ea non assignat solummodo, sed modum patiendi præscribit, dicens: *Ibi erit fletus, & stridor dentium: cum videritis Abraham, Isaac, & Iacob, & omnes Prophetas in regno Dei, vos autem expelli foras. Et venient ab Oriente, & Occidente, & Aquilone, & Austro, & accumbent in regno Dei.* Quorsum igitur hæc futura enarrat, & non potius æternum flammæ ardorē, & summum ab igni illatum dolorem proponit, aut carentiā diuinæ visionis, quod extremum malorū est? Respondet eo in loco Caiet. Ad cumulū demū pœnæ adiicitur salus futura omnium nationū mundi. Nihil enim sic inuidum torquet, & disruciatur, quàm si aliorū felicitatem videat.

PROBAT hoc locus ille Psal. ubi dicitur, *Intraui Israel in Ægyptum, auxi. Ps. 104. Dem populum suum vehementer, & conuerſi cor eorum, ut odirent eum:* Non quidem infundendo malevolentiam, & odium, ut ibi rectè aduertit Genes. neque ad malum incitando, & commouendo, sed multiplicando, & secundo eam gentem, ut cum initio descensus vix essent septuaginta, post elapsos quadringentos annos, vel etiam iuxta aliorum computationem, ducentos decem, sexcenta armatorum millia explerent, & totidem paruulos, & mulieres secum in terram Chanaan ducerent; ornandō, benefaciendōque populo illi, cui Ægyptij inuidebāt. Vnde Aug. eo in loco ait; In eo quod populum suum multiplicauit, hoc beneficio suo malos ad inuidetiam conuertit: vnde eos velut inimicos persequuntur, quasi ab iis plurima patiantur mala, dum solum in eis bona considerant.

Hæc est ratio, cur dixit Nazianz. optimè Orat. 27. Solus ex omnibus affectibus iniquissimus simul, & æquissimus, inuida est. Iniquissimus, quia bonis omnibus aduersus est, æquissimus, quia dominos suos exest, & conficit, dum eos, quibus inuidet, clariores reddit, &c. Quod ponderat Chrysost. tom. 1. hom. 1. in Ps. 50. ubi ostendit inuidetiam propriam esse, inuiſos illustriores reddere; quod etiam prosequitur homil. 8. in epist. ad Rom. ubi hoc probat in Abele, & Caino, quorum iste illum interfecit, sperans fore, ut illū à dilectione Dei deturbaret, sed longè aliter euenit; quia Deus qui viuū diligebat Abelem, mortuum requirit, ut diligat. Plus autem est querere aliquem diligendū, quàm inuentum & probatū diligere. Non inuidia, inquit Chrys. amorem extinxisti, sed magis accendisti, nec magis abscondisti.

Pact. in Epist. B. Iacobi Apost.

R R r opera.

opera iusta cum necasti, imò magis eadem iusta esse ostendisti.

Hoc ipsum videre est apud Plut. in vita Publicolæ strenuissimi Romanorum ducis, qui deuicta, ac triumphata Hetruria domum forsan altiore præter Romanorum morem ædificauerat; certior verò factus, quòd ea domus populo inuisa esset, cum ex ea, quasi ex regali domo, regio comitatu descenderet, inuidiæ populi cedens, noctu eam dirui iussit; ita-
 tim verò ut dies illuxit, domus speciem Romani desiderare cœperunt, viri magnitudinem admirati. Et cum ob inuidiam dirutari esse nouissent, excellentiorem illustrioremque domum publicis stipendiis ei construxerunt, atque ita quæ per inuidiam destructa est; per eandem clarior reddita, & celebrior facta est. Voluit enim iustissimus Dominus, ut iniquissimum inuidiæ vitium hac in re æquissimum esset, dum in maius, & acerbius sui supplicium clariiores, & illustriores reddit, quos ignobiliores, & obscuriores facere conatur. Vnde Theologi in 4. sctët. dist. 45. & in 1. p. q. 64. art. 4. ostendunt, nò paucos admiratù in hac acris regione cruciari, ut inter iustos, qui in cœlo Deo fruuntur, & qui in via ad cœlũ viuunt, utrisq; inuideant, & inuidendo torqueantur. Qua de re multa eleganter habet Bern. Serm. 54. in Cant.

CVMQUE hoc vitium tam amarum sit, inde est, ut bonæ quæ dulcissima sunt, non possit amaro ore ac lingua attingere. Ideò inuidi Iudæi nequeunt proferre dulcissimum Iesu nomen præ liuore, sed dicunt; *Comminemur eis, ne ultra loquantur in nomine hoc.* Indigni profectò inuidi, qui expriment suauissimum nomen, quod nemo exprimit eo quo decet animo, nisi in Spiritu sancto, ut ait Paulus. Notauit eleganter in hanc sententiam Oecum. quòd cum Petrus in nomine Iesu Christi claudũ sanauit, postea comprehensum simul cum Ioanne, *statuentes eos in medio interrogabant. In qua virtute, aut in quo nomine fecistis hoc vos?* Vide, ait Oecumen. quàm subdolè interroget; malebant enim Apostolos fateri suum esse opus, quàm potentia Christi. Et aduerte, quòd neque nominare volebant claudi sanitatē. Neque enim dicunt, quidnam sit; sed *fecistis hoc*: celebre utique, & memoria, & commendatione dignum erat miraculum factum, sed non capit amarulentum os, plenũ liuore, & amaro zelo, ea quæ dulcia & optima sunt, sed perpetua amaritudine vrget, & in animo, & in ore inuido. Notauit Rupertus id, quod dicitur Gen. 37. *Oderant eum, nec poterant ei quidquam pacificè loqui.* Quando, inquit Rupert. virus animi lingua dissimulare non potest, quod hi viri inuidi nequeunt à contumeliis abstinere.

OSTENDIT hoc optimus ille locus, quem notauit Caiet. post D. Chrysost. & Theophyl. cum Christus Dom. paralyticum sanum fecit, insuperque iussit tollere grabbatum, & abire, cui Iudæi dixerunt; *Sabbatum est, non licet tibi tollere grabbatũ, ille verò respondit; Qui me sanum fecit, ille mihi dicit, tolle grabbatum tuum.* Iterum verò Iudæi: *Quis est homo ille qui tibi dixit, tolle grabbatum tuum, & ambula?* Vbi illicò notandum venit, cur Iudæi hominem iuxta datam responsum non interrogant, cum enim ipse dixerit, *Qui me sanum fecit, dixit mihi, tolle grabbatum tuum*; deberent potius Iudæi interrogare, quis est qui te sanum fecit, & simul iussit tollere grabbatum? at verò ipsi omittunt
 sana

sanitatem collatam, quæ laudē videbatur mereri; & violationem præcepti de custodiendo Sabbatho, ut putabant, proferunt: cuius rei rationem reddit optimè Caiet. Non interrogant, inquit, quis est ille homo, qui te sanū fecit, sed tantummodò, quis est ille homo, qui dixit tibi, tolle grabbatum tuum: inuidorum etenim lingua bona nullatenus profari potest, neque ea ipsorum os capit, mala illicò profert, proinde sanitatē omittunt, & solam quam putant legis transgressionem, obiciunt. Quod dixit Ouidius 2. Metamorph.

Pectora felle virent, lingua est suffusa veneno.

NEQUE solum os, animūque amarum habet invidus, sed aures etiam, & oculos. Receperat verus pater perditum filium, & quem prius induerat, & operuerat brachiis, veste postea contexit, annulo donauit, summāque lætitia, lauto conuiuio, & totius domus triumpho exceperat. Cum verò rediret de agro senior filius, & appropinquaret domui, ut audiuit symphoniam, & choros, nolebat introire. Rationem, cur introitum paternæ domus quem alius de longinquo quæsierat, hic recusaret, reddit Chrysolog. Serm. 4. Invidum fugat symphonia pietatis, chorus charitatis excludit, & quem venire ad fratrem, & appropinquare domui vocat ratio naturæ, hunc peruenire zelus non sinit, liuor non patitur introire. Habet etenim amaras aures sicut Saül, qui laudes Dauid minimè pariebatur. Qua de re videndus Chrysost. homil. 7. in epist. ad Rom. & Plut. lib. de auditione.

AMAROS insuper habet oculos, quia sicut dixit Bern. Ser. 3. in Psalmi. *Qui habitat.* Quid inuidere, nisi malum videre est? Nolle cupis Basiliscum, venenum in oculo gerit, pessimum animal oculum venenatum. Nolle cupis nequam, fascinantem inuidiam cogitato. Probat hoc quod Achis dixit Dauid. 1. Regum 29. *Vini Dominus, quia rectus es tu, & bonus in conspectu meo, & non inueni in te quidquam mali ex die qua venisti ad me, sed Sarrapis non places: reuertere ergo, & vade in pace, & non offendas oculos Satraparum Philistim;* veneno scilicet inuidiæ infectos.

Hoc etiam prosequitur D. Chrysost. homil. 52. in Gen. cum ponderat, Cain inuidiæ causā fuisse, quòd fratris dona plus Deo placuissent, & in fratribus Ioseph, vidisse, quòd à patre plus diligeretur. Et D. Thomas ponderat, pulchritudini Ioseph statim additam fuisse fratrum inuidiam, & persequutionem. Namque, ut dixit Scriptura; *Filius accrescens Ioseph, & decorus aspectus;* illicò addidit: *Invideruntque illi habentes inacula.* Ipsam enim pulchritudinem Ioseph impetebant sagittis liuidi fratrum oculi. Vnde Oleast. notauit, quòd Dominus ad Abraham dixit, postquam ab eo diuisus est Lot. *Leua oculos tuos in directum, & inde à loco, in quo nunc es, ad Aquilonem, & Meridiam, ad Orientem, & Occidentem, omnem terram, quam conspicias, tibi dabo, &c.* Reddens ergo Oleast. rationem, cur prius voluerit Deus, Lot recessisse. Quia, inquit, Dominus inuidiā, aut odium nepotis timuit ipsi Abraham. Quod etiam notauit in eo, quòd Deus nube voluerit obducere Moysen, dum in monte Sinai, veluti cū amico os ad os loquebatur. Noluit, inquit Oleast. Deus populū videre, quā familiaris illi seruus esset Moyses, ne inuidia torqueretur, &

R R r 2 alios

alios inuidia permotos in eum preuocaret.

NOTAUIT in hanc sententiam Chrysost. hom. 52. in Gen. id, quod contigit Isaac cum esset in Geraris, & proficiens, atque succrescens locupletaretur, ob hocque inuidentes ei Palæstini, obstruxerunt illi puteos, ipsique Abimelech dixit: *Recede à nobis, quoniam potentior factus es nobis valde.* Ait ergo Chrysost. Cuius gratiā abigis iustum? num aliqua tibi in re nocuit, num iniuriā intulit? Abi à nobis, quoniam potentior factus es; ita agere solet inuidentia; non potest benigne videre aliorum felicitatem, sed suam putat infelicitatem. Et Chrysolog. Serm. 4. de duobus filiis. O zeli tumor, duos non capit domus ampla germanos! Et quid mirum fratres fecit inuidia, ut mundi tota duobus esset angusta fratribus latitudo. Nam ipsa Cain iunioris crexit in mortem, ut esse solum zeli liuor faceret, quem primum fecerat lex natura.

Ecl. 6. 4.

VND E iam licet cernere, quanta cum ratione Salomon dixerit: *Contemplatus sum omnes industrias patere inuidia proximi.* Hebr. habetur: *omnem relictitudinem operis: ubicumque enim inuidus aliquid boni conspicit, statim illud venenato, & amarulento oculo nititur inheere, ac perdere.* Ideoque olim fortunam inuidia fingeant colligatam, quod dixit Statius:

— *Quisnam impacata consanguinitate ligauit*

Fortunam, inuidiamque Deus? — —

• Et Philo lib. de Ioseph. inuidiam magnarum felicitatum perpetuam aduersariam vocauit.

I. Reg. 16

QVOD si amarus oculus inuidiæ non potest inficere id, quod videt, alteri perendum tradit, quod nouum amarulentiae genus videtur esse, cum sit antiquum. Dixit Saül ad seruos suos: *Providete mihi aliquem bene psallentem, & adducite eum ad me.* Et respondens unus de pueris ait. *Ecce vidi filium Isai Bethlehemitidem scientem psallere, & fortissimum robore, & virum bellicosum, & prudentem in verbis, & virum pulchrum, & Dominus est cum eo.* Videri, ut rectè hucusque viderat, perspicit oculus plura distincta, claraque bona. Audiamus nunc Rupertum lib. 2. in lib. Reg. cap. 1. Puer ille, qui hoc respondit Saül, Doëch Idumæus fuisse perhibetur inimicus Dauid, & omnia quæ de Dauid, in laudem dixisse videtur, in odium eius dixisse dicitur, quia volebat inimicitiae causâ, & inuidiæ liuore, ut ad Saül veniret, quatenus ibi qualibet occasione necaretur. Idem dicunt ibi Hebræi, ut patet per Lyrantum.

E T cum Dauid ad Regem Geth diuertisset, serui Regis magnis celebrant laudibus Dauidem. *Nonne iste est Dauid Rex terræ? Nonne huic cantabant per choros dicentes: Percussit Saül mille, & Dauid decem millia?* Vbi Lyranus aduertit, propterea inuidos homines hæc dixisse, ut Achis Rex eum detineret, & occideret, quia inuidus erat Rex. Ideoque & addit sacer Textus. *Timuit Dauid valde à facie Regis Achis:* quia inuidus non potest bona videre, quin statim perdere conetur; quod si per se nequit id efficere, alteri committit.

Proponitur crudelitas inuidia.

NISI fortassis ea sit ratio, cur inuidia dicatur amarus zelus, quod præ cæteris amaritudinem propinet, venenûmque inferat iis, quibus inuidet: quo sensu meritò Iacobus dixit de Iosepho. *Fera pessima deuorauit eum, bestia comedit illum;* imò feris sæuior inuidentia, sicut dixit Chrysost. hom. 37. in Ioan. Feris sæuiores inuidi, dæmonibus pares, fortasse iniquiores: quia illi suo generi minimè insidiantur. Prosequitur hoc argumentum D. Hieron. epist. ad Eustochium de obitu Paulæ, ubi reddit rationem, cur Iacob in Mesopotamiam fugerit, & Dauid ad Achis, malens uterque, inquit Hieron. hostibus, quàm inuidis subiacere. Gen. 37.
Gen. 28.
1. Rr. 28.

Idque ampliùs ostendit inuidiæ amarulentiam, & crudelitatem, quòd cum cætera mala finem aliquem tandem, & terminum habeant, inuidia tamen eo caret. Quod prosequitur Cypr. lib. de Zelo & Liuore, dicens: Mala cætera habent terminum, & quodcumque delinquitur, delicti consummatione finitur: quod ipse latè ostendit, tandèmq; concludit zelus terminum non habet, permanens iugiter malum, & sine fine peccatum.

Et quia irrationale, crudele, & immane vitium est, ea, quæ rationi maxime consona sunt, detestatur, & abhorret. Humanum utique & rationale est, gaudere cum gaudentibus, flere cum flentibus. Vnde & Iob. *Si non ingemui, chorruerem viderem homines in necessitate.* Hanc verò humanitatem crudelis fera abhorret, inuersoque ordine, ac peruerso modo flet cum gaudentibus, dum ad eorum prosperitatem lacrymatur, & visa eorum læritia tristatur: gaudet verò cum flentibus, quia sola gaudere vult, nullique alteri bonum aliquod exoptat. quod prosequitur Chrysost. homil. 41. in Matth.

Et cum tam aduersetur rationi hoc vitium, in hoc solum rationabile apparet, adhuc tamen irrationabiliter; cætera namque vitia excusationes, occasionèsq; prætendunt, licet frigidæ, & iniquas; inuidia verò nullam omnino, nisi intensam malitiam, & odium totius boni. Qua de re videndus Basil. in aliquot Scripturæ locas. Et Demosthenes ad Leptinem.

Post insignem victoriam quam Abraham de quatuore Regibus reportauit, factus est sermo Domini ad eum dicens: *Noli timere Abraham, ego protector tuus sum, & merces tua magna nimis;* quo in loco D. Hier. ex Hebræo legit, *Ego scutum, siue clypeus circa te.* Mirabitur iure optimo quis, dum videt scutum Abrahæ post victoriam porrigi, & clypeum post vulnera; si scuta deuictorum hostium essent, & clypei eorum quos superauerat poterant inferuire triumpho: at verò in protectionem illud scutum concedebatur. *Ego protector tuus sum;* & meritò quidem: statim namque additur; *& merces tua magna nimis:* etenim magna à Deo promissa bona, & Dei adiutoria parta victoria exposita erant oculis, ori, manibus, crudelitati denique inuidiæ: meritò proinde illi datur scutum, quo ab inuidia protegi, imò & abscondi possit, ne vel videretur, vel destrueretur. Gen. 15.

Non debent admitti in magistro, & Pastore Ecclesiastico contentiones ex inuidia.

SECUNDUM quod Iacobus in vëro magistro, & Pastore Ecclesiastico respicit, est, quod contentiones habeat, quæ ex inuidia nascuntur, quæque in sapiente homine nullatenus reperiri debent; sicut Conuincit argumentum Plinij Iunioris lib. 6. epist. 17. ad Restitutum, ubi ita habet. *Disertior ipse est: tanto magis ne inuideris, nam qui inuidet, minor est.* Denique siue plus, siue minus, siue idem præstas, lauda, vel inferiorem, vel superiorem, vel parem. Superiorem, quia nisi laudandus ille est, non potes ipse laudari: inferiorem, aut parem, quia pertinet ad tuam gloriam quàm maximum videri, quem excedis, vel exæquas. Et sic à vëro sapiente, veròque magistro contentiones inuidiæ ablegandæ sunt, quæ ad paruulos tantum pertinent: Vnde in Scriptura dicitur, apud Romanos, neque inuidiam, neque zelum fuisse. Aduertit autem ibi Lyranus, postea decrefcentibus eorum animis, inuidiam excreuisse.

INDIGNE tulit puer quidam, quodd alij præter Moysen prophetarent in castris, & audito hoc, *Iosue minister Moysi, & electus è pluribus ait: Domine mi Moyses prohibe eos. Cui ille. Quid amularis pro me? quis tribuat, ut omnis populum prophetet, & dei eis Dominus spiritum suum?* Vide ut nulla inuidia magistrum, & Pastorem illius populi tetigit. Quod etiam prosequitur Irenæ. lib. 3. cap. 14. in Apostolis; ubi ostendit, simpliciter, & nemini inuidentes quæ didicerant ipsi à Domino, omnibus tradidisse, necnon & Lucam quæ didicerat ab ipsis Apostolis.

Ex eo verò reiicienda est à Pastore Ecclesiastico inuidia, quatenus vnitati aduersatur, & contentiones secum portare solet: debent enim in primis curare vnitatem inter se, & inter subditos, ac discipulos. Pro qua sententia facit ille locus Cantic. *Vulnerasthor meum in uno oculorum tuorum, id est, in vnitatem fidei, & consensu Doctorum tuorum, ut explicant Honorius, Philo, & Angelomus.* Oculi enim Ecclesiæ sponsæ Christi, magistri & Prælati sunt; unde curus ille ostensus Prophetæ plenus oculis describitur; quia & Ecclesia plena debet esse magistris, & Doctoribus, qui ad instar oculorum ita debent esse vnanimis, ut quod vnus se verterit, & alter per charitatem abeat & deuoluatur, idemque sentiant, doceant, & prædicent. Vnde Paulus dicebat: *Obsecro vos fratres, ut id ipsum dicatis omnes, & non sint in vobis schismata.* Et Chry. hom. 8. in priorē epist. ad Cor. explicās ea verba. 1. *Dei agricultura estis; Dei ædificatio estis;* dicit: Si ædificatio estis, non oportet dissipari, siquidem non esset ædificium; si cultura estis, separari non opus est: proinde ab ædificio, & agricultura Dei longè latèque omnis inuidia, & amarulentia iniqui zeli debet exulare.

NEQUE solum in doctrina tradenda vnitatem debet seruare magister; sed etiam inter ipsos fideles maximè curare, & prætere: propter-
ca

ea enim summus Sacerdos malogranata in veste appensa deferbat, quia hic fructus, ut ait Hierony. in epist. ad Fabiolam, significat vnionem fidelium in Ecclesia, quæ omnem turbam credentium suo cortice tegit, iuxta illud: *Multitudinis credentium cor erat vnum, & anima vna*; sicque diuisi sunt gradus, ut omnes eadem compage teneantur. Quam expositionem affert etiam Gregor. lib. 1. Registri epist. 24. & 2. p. Pastoral. c. 4. A. 1.

Hanc igitur vnionem debet conseruare Pontifex ac magister Ecclesiasticus, secumque quoad vixerit, portare. Pro quo etiam facit idem Hieron. cap. 1. Prouerb. ad ea verba. *Sapientiam, & disciplinam stulti despiciunt. Audi fili mi disciplinam patris*; ubi sapientem singulati numero, stultos verò in plurali describit, non solum quia stulti plures sunt sapientibus, sed quia sapientum cætus omnis vniformitatem seruat, quasi proprium sapientium sit officium vnitatem seruare, & contentiones, ac scissuras non admittere. Prou. 1.

In quam scētiam notauit Aug. Sermon. 166. de Tempore, verba illa: *Domine dic fratri meo, ut diuidas mecum hereditatem*; cui respondit Christus Dominus. *Homo quis me constituit diuisorem inter vos?* Non venit, inquit Aug. diuidere, sed vnire. Videte ergo quàm mali sunt homines qui volunt esse diuisi, cum Christus (Dei scilicet sapientia) noluerit esse diuisor, imò hac in re docuit, vt quicumque ipsum vellet imitari, vnitatis amator, & conseruator esset. Quod etiam prosequitur Chrysost. Sermon. 14. in epist. ad Ephes. ubi ait. Cum cuique fidelium competat quamlibet scissuram, & contentionem vitare, cum nobis Deus pacem & vnionem toties commendauerit, multò magis spectat ad maiores, ac procures Ecclesiæ huic rei incumbere. Luc. 12.

ILLUDQUE ad calcem huius annotationis addendum est: huiusmodi contentiones interdum etiam reperiri ex vitio discipulorum, qui non imitantur virgines sodales sponsæ, quæ ad ipsius introductionem dixerunt, sicut vult Origen. Theodoret. Bern. & alij. *Exultabimus, & lætabitur in te*. ubi Theodoret. Non obtreçant, inquit, non æmulantur, non inuident adolescentulæ dum foris manent, nec in thalamo admittuntur, præclaræque secum agi putant, quòd iucundissima ipsius voce perfruantur. Et Bern. Ser. 23. Exultabimus, & lætabitur in te ô Regina, ô Mater. Nam in nobis necdum meremur; & æquanimiter sustinemus, dum venies, scientes te plenâ ad nos reuersuram vberibus; à quibus pariter, & dulciter diuinam doctrinam participatam hauriemus.

§. V.

Ineptus est ad beatitudinem homo inuidus.

MONET autē eos qui amarum zelum habent, ne glorientur: quod secundum D. Thomæ, & Carthusiani explicatione, significat, ne velint gloriam sperare cœlestem, idque meritò. Namque ille qui inuidentia laborat; ineptus est ad beatitudinem, & incapax futuræ gloriæ, cum paruulum

paruulum animum habeat. Etenim, sicut inter alios notauit Guarrius Ser. 5. de Purificatione, hac peste nullus moritur, nisi qui terrena hæc appetit, quæ tota non veniunt pluribus. Vnde si quæ desiderat, illi inuidet qui penitus ea accepit, vel illi qui partem habendo, quantitatem ei restringit. At verò bonum cœleste, quod est obiectum beatitudinis, totum omnibus communicatur, licet non totaliter, suæque beatitudine quilibet in patria contentus est, ut alteri minimè inuideat. Vnde Ber. epist. 103. Quenam verò inuidiæ causa potest esse, ubi sortium magnitudini consortium multitudo nihil detrahit?

IMMO si rem subtilius rimari velimus, inueniemus tantum abesse à beatitudinis inuidiam & zelum amarum, ut vnus beatus plus gaudeat de beatitudine alterius, quam ille alter de sua propria gaudeat, & lætetur beatitudine. Rem si attendas, facile ex Theologia tibi ostendo: etenim perfectiones accidentariæ, quæ ex natura rei beatitudinem consequuntur, dantur iuxta mensuram etiam beatitudinis. Vnde fit, ut magis beatus plus gaudij habeat de sua beatitudine, quam minus beatus habeat de propria; quinimò & beatior intensius gaudebit, & lætabitur de beatitudine alterius, quam ille alter de sua propria; quia gaudium beatioris semper est maius. Vnde rectè infertur, singulos beatos non solum gaudere de proprio bono, & de bonis aliorum, ut docet Aug. tract. 67. in Ioan. & D. Greg. 4. Mor. c. 42. sed etiam vnum beatum plus gaudere de bono alterius, quam ille gaudeat, qui possidet tale bonum.

QUI ergo fieri potest, ut gloria afficiatur in cœlo, qui amarum zelum habet in terra, & ut in Deo complaceat, cui præ inuidia non placet frater, & adhæreat Deo per summum amorem in gloria, qui diuisus est à fratre per inuidiam? Nam sicut dixit B. Dorotheus doctrina 6. Studeat vnusquisque pro virili parte cohæreere proximo suo: quæ enim magis proximo in amore, & beneuolentia cohæserit, eo amplius & Deo cohærebit. Et Bern. Ser. 17. in Cantic. eam assèrit fuisse rationem, quare Deus ad Cain, & ad munera eius non respexerit, quia scilicet non rectè cum fratre ambulabat, illi inuidebat, & iniquè diuidebat, quatenus ab eo diuisus erat. Quia verò contraria contrariis curari solent, D. Greg. 5. Moral. c. 31. admonet, ut qui liuoris peste plenè carere desiderat, illam hæreditatem diligat, qua cohæredum numerus non angustatur, quæ omnibus vna est, & singulis tota, quæ tanto longior esse ostenditur, quanto ad hanc percipientium multitudo dilatatur.

§. I V.

Inuidia bellum periculosum cur sit.

NEQUE verò illud etiam omittendum, voluisse Iacobum hoc in loco assignare ea mala, quæ plerumque liuorum inuidiæ comitantur, ut sunt contentiones, & mendacia contra apertam & manifestam veritatem. Hoc autem ex eo prouenit, quia cum inuidus oppugnet, & persequatur id quod

quod à parte rei bonum est, & amabile, inde fit, vt necesse habeat per mendacium aliquem defectum bono quod persequitur, imponere, quo tandem excusabiles ea malitia appareat.

MIRABILIVR fortassis quis, si consideret acutissimum cōsiliū Achitophelis ad Absalon, dum illi dixit. *Ingrederere ad concubinas patris tui, quas dimissi ad custodiendam domum, vt cum audierit omnis Israel, quod fedaueris patrem tuum, roborentur manus omnium qui tecum sunt.* Cuius consilij vim recte explicat Brixian. dicens: Si illam publicam confusionem feceris patri tuo, nemo non sciet tibi implacabilem esse cum patre tuo similitatem, alioqui nisi tale quid feceris, cogitabunt filij Israël te propediem in gratiam Regis venturum, & eos qui huius conspirationis sunt authores, & fautores penam daturos. Nihil equidem subtilius, nihil conducibilius Absaloni, eiusque rebellionī potuit proponi, sed sic solet inuidia proprium propinare venenum, sic malignitatem suam inculcare. Etenim, sicut notauit idem Brixia. hoc cōsiliū dederat Achitophel Absaloni, quoddam parum faueret ipsi Dauidi, imò inuideret obstuprum quod intulerat Bersabe, cuius ipse auus erat.

Rē magis aperit inuidus Saül, qui præ liuore tentauit configere Dauid cum pariete, cumque vulnus declinasset Dauid, alia via tentauit eum morti tradere, ideoque illi dixit. *Ecce filia mea maior Merob, ipsam dabo tibi uxorem, tantummodo esto vir fortis, & præliare bella Domini;* cum tamen illi solum in animo esset interitus, ac perditio Dauidis. Addit enim statim sacer Textus; *Saül autem repulabat, dicens: non sit manus mea in eo, sed sit super eum manus Philistinorum.* Et ita iniustam necem in bellum Domini commutauit. Vnde D. Chrysost. homil. 5. ad Pop. Inuidere, inquit, peius est, quam bellum inferre; qui enim bellum infert, soluta causa propter quam bellum gerebatur, inimicitiam quoque dissoluit; inuidus autem nunquam efficitur amicus, & ille quidem apertam ostendit pugnam; hic autem obumbratam, ille quidem legitimam habet, quam dicat impugnandā causam plerumque; hic autem nihil præter inuidiam. Vnde fingat necesse est, vt mentiatur causam impugnandi, & persequendi.

SED certe mendaces sunt contra veritatem, ipsamque persequuntur, & bonum odio habent, contra naturam bonitatis, & veritatis. Quis enim veritatem pulcherrimam poterit odio habere, nisi cæca inuidia? Lætus enim, & speciosus vultus veritatis, sicut dixit Clem. Alexand. Orat. ad Gen. & Philo. lib. de officio Iudicis. Quid in vita tam pulchrum, quam veritas, quam sapientissimus Moyses in stola summi Sacerdotis sacerrimo in loco propter pectus, ubi pars animi est, quæ præcipuum obtinet, collocauit, eo cōsilio vt illam monumento omnium pulcherrimo, præstantissimoque exornaret? Et Plato lib. 5. de legibus. Veritas res diuina, omniumque bonorum, & Diis, & hominibus causa est, quæ etiam sine alieno suffragio facile se ad omnium conscientiam acommodat, sicut dixit Guaricus Ser. 3. de Sancto Benedicto. Vnde qui illam respuit, contra propriam conscientiam, vt mendax, nititur, qui illam impugnat, & persequitur velut inimicam; menda-

Paiz in Epist. B. Iacobi Apost.

SSS

terci

citer illi aliquam falsam notam debet inurere, & peregrinum nomen imponere, quo propriam malitiam aliqua ex parte possit occultare.

Quis igitur nos liberabit ab inimico veritatis, ab occulto in insidiis hoste, nisi solus Deus, qui suis sit scutum bonæ voluntatis, quo igneos invidiæ ictus possimus excipere, & vitare? Ostendit hoc sacra Scriptura, quando reuertenti ex bello Abrahamo, victorique quatuor deuictis Regibus ap-
Gen. 15. paruit, & dixit. *Ego protector tuus sum, & merces tua magna nimis.* vbi D. Hieron. & Caiet. ex Hebr. *Ego scutum, seu, clypeus circa te.* Quid ergo reuertenti de cæde clypeus offertur, & post inflicta vulnera, ictuumque petitionem, scutum tribuitur, quando opus erat triumphali curru, non protegente, aut defendente clypeo? Sed certè voluit Deus indicare probum, iustum, felicemque in successibus virum propositum multorum inuidiæ esse, indigeréque diuino protegente clypeo, qui solus Deus est, qui que sic inuidiam odit, vt in de Apostolus dicat ablegandam inuidiam, & amarum zelum.

§. VII.

Contra inimicos Veritatis.

SEd prohi dolor! nihil iam in vita certius, ac frequentius, quàm mendaces impugnatores veritatis: eo namque infelicitas nostrorum temporum deuenit, vt quodcumque homines amant, id tantum pro veritate habeant. Quod dixit Aug. lib. 10. Confes. c. 23. Quicumque, inquit, aliud amant, volunt esse veritatem, & quicquid aliud est, vt mendacium mendaces ipsi persequuntur, imò nihil magis oderunt, quàm veritatem: ideoque ea die, qua Christus dixit se veritatem loqui, eadem tulerunt lapides, vt iacerent in eum. Et hoc sensu videtur Sponsa reddidisse rationem, quare Diuinus Sponsus Christus fuerit occisus, cum tamen talis esset, qualem ipsa dilectum describit, & in eo nihil omnino desideraretur, quod amorem posset excitare; addit enim, *Labia eius distillantia myrrham primam.* Myrrha enim symbolum veritatis est, & propter virtutem, quam habet præseruandi à corruptione: & propter amaritudinem, quæ duo veritati maximè conueniunt. Non mirum igitur, quod tulerint homines lapides, vt iacerent in Christum, quandoquidem ipse veritas erat, & veritatem loquebatur.

Gen. 20. Hæc est ratio, cur Isaac vsus simulatione ob imminens vitæ periculum dixerit, Rebecam non vxorem, sed sororem suam esse, licet aliqui ea in re non fuerit mentitus: sicut etiam neque pater Abraham. Non enim negauit esse vxorem, sed tacuit, & quæ cognata sibi erat, sororem moræ suæ genitricis verè appellauit. Dixit igitur Regi Abimelecho. *Tamuis ne morerer.* Mortem namque timere debet quisquis veritatem palam loquitur, & tot sunt persequutores veritatis, vt qui securè voluerit viuere, mendaciis, aut simulationibus vtatur, necesse sit. Et cum Achab eos, qui veritatem dicunt, ferè mundus persequitur, libenterque tantum audit Prophetas mendaces, in quibus spiritus mendacij reperitur.

H I N C

HINC est, quodd cum Christus Dominus dixisset Pilato: *Ego in hoc natus sum, & ad hoc veni in mundum, ut testimonium perhibeam veritati*; Pilatus cui veritas displicebat, veritatis nomine audito, exiuit iterum ad Iudæos: quem exitum eleganter explicat Ber. Ser. in illud Prouerb. *Beatus, qui inuenit sapientiam*. Reuerberata acie protinus resiliuit, & responsum non sustinendo, protinus egressus est; sic ei displicuit veritas. Nec mirum si eandem è medio sustulit, qui tam citò eam aufugit. Miseri profecto homines, qui pulcherrimam veritatem amare, & rugosæ frõtis inueniunt, sicut dixit Hierony. aduersus Pelag. contra quos audiendus est Iacobus, dum ait: *Nolite mendaces esse aduersus veritatem*.

§. VIII.

Impugnatores veritatis eam magis illustrent.

MONET etiã Apostolus ne falsi magistri velint esse mendaces aduersus veritatem, tum quia proprium est sapientis veritatem inquirere, sicut latè prosequitur Lactant. Firmian. lib. i. Diuin. Instit. in præfat. Vnde Tullius lib. i. de natura Deorum, in principio ait: *Quid iam temerariũ, tamquam dignum sapientis veritate, atque constantia, quàm aut falsum sentire, aut quod non satis explorare perceptũ sit, & cognitum, sine ulla dubitatione defendere? Quomodo enim docebit veritatem, qui contra eam mendax est*.

TEOPHRASTVS Chiũs, vt ait Ælianus de varia historia, venit legatus Lacedæmoniam, vir alioqui iactator & lasciuus, vt qui senectutem dissimulans, canos infecerat. Archidamus igitur surgens in Senatu: Quid, inquit, veri hic dicet, qui etiam capillos mentitur? Tum etiam hoc admonet Apostolus, quia qui mendax est contra veritatem, nihil aliud facit, quàm eam puriorem, pulchriorẽque reddere. Nam, sicut dixit Tertull. lib. contra Valentinianũ, nihil veritas erubescit, nisi abscondi. Quod etiam dixit Hierony. epist. ad Rusticum de viuendi forma, vbi ait: Veritas angulos non querit, proindeque cedit in dignitatem veritatis, si apertè ei bellum inferatur.

IN hanc sententiam est optimus locus ille Iob. *Quare detraxistis sermonibus veritatis?* vbi omnes fere Hebraizantes cum Hebræis legunt: *Quam fortes sunt sermones recti* quasi diceret: fortis est veritas, facilè concludit quæ vera sunt. Additurque apud Iob. *Cum è vobis nullus sit, qui possit arguere me*. Quod Chrysost. exponit; Neque vestras ego refutationes formido, nam veritas animum confirmat, cum falsitas imbecillis, timidæque sit. Quibus habet similia idem Chrysost. hom. 3. cum ait: Talis est conditio falsitatis, vel erroris, vt etiã nullo sibi assistente cõsenescat, ac defluat. Talis autè è diuerso veritatis status, vt etiã multis impugnantibus suscitetur atq; accrescat.

Hoc ipsum ostendit locus ille Psalmi, vbi Dauid ait: *Dedisti me iumentibus significacionem, vt fugiam à facie arcus*; verti potest ex Hebræo, imò & Pagninus transtulit, *à facie veritatis*, vbi videmus esse aliquam convenientiam.

inter arcum & veritatem. Causa autem videtur esse, quod sicut arcus quanto magis comprimitur, & contorquetur, tanto longius emittit sagittas: Sic & veritas dum comprimitur, & oppugnatur, expugnat, & proicit aduersarios clarior euadens, ac fortior.

Act. 3. IN quam sententiam facit id, quod dicitur in Actis Apostolorum: *Et enim postquam submiserunt viros contra Stephanum, qui dicerent se audiuisset eum dicentem verba blasphemie in Moysen, & Deum, subditur. Et intuentes eum omnes qui sedebant in Concilio, viderunt faciem eius tanquam faciem Angeli.* Hilarius Arelatenfis hom. de Sancto Stephano docet, id fuisse aduersariis in poenam peccati, & testimonium criminis, & veluti repercussionem luminis ex facie lapidati. Sic enim plerumque euenire solet, vt qui mendaciter veritatem persequuntur, & impugnant, eandem clariorem videant, illustriorem reddant, solidiorem experiantur, ac fortiorem fateantur. Frustra ergo falsi magistri mendaces sunt contra veritatem, qua in re & decipiuntur & cognoscuntur: è contrà verò verè sapientum proprium est, sicut dixit Greg. 10. Moral. nihil per ostentationem fingere, sensum verbis aperire, vera vti sunt diligere, falsa deuitare, bona gratis exhibere, mala libentius tolerare, quàm facere, nullam iniuriæ ultiorem querere, pro veritate contumeliam lucrum putare.

Verf. 15. *Non est enim ista sapientia desursum descendens à Patre luminum, sed terrena, animalis, & diabolica.*

EXPOSITIO LITERALIS.

HÆc est vltima pars huius cap. in qua Apostolus describit sapientiam terrenam, cuiusque affectiones, & proprietates, laudēsque apponit sapientiæ cœlestis, vt inde colligamus hanc prosequendam, illam verò vitandam, & fugiendam. In his ergo verbis ostendit, quàm sit falsa sapientia, in qua meritò non est gloriandum. Imprimis enim non est à Deo, vnde & aliqui hoc loco legunt (*è supermis descendens*) à quo est omne bonum, sicut dixerat cap. 1. Imò, sicut dixit Ecclesiasticus, *omnis sapientia à Domino Deo est.* Vnde bene colligitur cum D. Thoma hic, sapientiam de qua hic loquitur, non esse sapientiam secundum existentiam, & realitatem, sed secundum apparentiam. Est enim *terrena*, id est, terrenæ gloriæ cupida, vel terram sapiens, prætermittens ea, quæ ad pietatem & salutem conducunt. *Animalis*, quia potius spectat quæ sunt corporis, quæritque voluptuosa & carnalia, in quibus delectatur sensus, animalium more oblita eorum, quæ ad animum, & æternam vitam pertinent. Licet enim nomen, *animalis*, ab anima deducatur, significat affectum humanum, qui spiritui opponitur. *Diabolica* tandem, quia instinctu, & suggestionem dæmonum habetur; suggerunt namque ea quæ nos à cœlestis æternæque vitæ studio reuocant atque distrahunt.

§. I.

§. I.

Falsæ sapientia conditiones.

QUATVOR hoc loco tradit notas falsæ sapientiæ Iacobus. Prima est, quòd Deum autorem, & inspiratorem non habet, quod diligenter est obleruandum contra Bucer, Caluini, & Beza blasphemias, qui volunt Deum autorem esse omnium errorum, & falsarum opinionum illarum, quibus Pseudoprophetæ fascinati alios postea excæcant, & demerant, cum tamen impossibile sit Patrem luminum, autorem esse tenebrarum, & primam veritatem esse principium falsitatis. Cum ergo soli Deo conueniat sapientia, vt post Homerum quem citat, dixit Ammonius in Proemio Porphyrij, imò est ipsissimus Deus: inde est quòd sola sapientia ab ea participata, & emendicata simus, & dicamur sapientes, sicut docet D. Thomas 2. 2. q. 23. art. 2. ad 1.

SECUNDA falsæ sapientiæ nota est, quòd sit terrena, quòd, scilicet, temporaria lucra auarissimè sectetur. Qua de re conqueritur Dominus, cum per Michæam ait: *Principes in muneribus iudicabam; Sacerdotes in mercede decebant, & Prophetæ in pecunia diuinabant.* Idèd Paulus admonet, ne magister, Episcopusque Ecclesiasticus turpis lucri sit cupidus. vbi D. Chrysost. Vult Apostolus Episcopum præferre magnum pecuniarum contemptum. Et Aristotel. de Anima, cap. 4. text. 4. dixit oportere intellectum nostrum esse immixtum, vt dominetur, hoc est, vt intelligat, quasi natura duce, intellectus, & sapientia non debeat immisceri, & adhærescere terrenis rebus, propriisque utilitatibus; alioqui potius captiuus erit, & insipiens, quàm dominetur, & intelligat.

Mich. 3.
1. Tim. 3.
et Tit. 1.

EST autem proprium falsorum sapientum sequi lucrum, ac rapacitatem, vt patet in Balaam, in Simone mago, & cæteris Hæreticis. Vnde D. Ignatius epist. 3. de Hæreticis sui temporis dicit, fuisse alienorum appetitores, pecuniarum rapaces, & quasi vortices. Et Irenæ, lib. 1. c. 1. & 9. de Valentinianis ait: Solos illos docent, qui grandes mercedes præstare possunt. Similiâque habet Aug. lib. 1. contra literas Priscilianist. cap. 24. & lib. 3. contra Cresconium c. 42. & Donatist.

TERTIA conditio est, quòd sit animalis, quærens, scilicet, voluptuosa, & carnalia, in quibus sensus delectatur. Animalis enim homo spiritui opponitur, vt patet ex Paulo dicente: *Animalis homo non capit, quæ Dei sunt.* *Corpus seminatur animale, resurget spirituale.* Hæc est autem sapientia, & proprium ingenium Hæreticorum, vt de Gnosticis ait Irenæ. lib. 1. c. 1. de Carpocratianis. Clem. Alex. 3. Stromat. de Marcione. Tertull. lib. Præscription. & de Apelle, & Hermogene; de Montano Apollonius apud Euseb. lib. 5. histor. cap. 18. de Hæresiarchis sui temporis Cyprian. epist. 18. Vnde Hieron. in cap. 9. Osee ait, difficile esse inuenire Hæreticum qui diligit castitatem. De Luthero, Bucero, Caluino, & Beza res est notissima, cum hic publicatis poematibus adulteria, scortationes, & pederastias suas celebrare non erubuerit.

1. Cor. 2.
Ibid. 15.

NO T A verò est insipientiæ, quodd sit carnalis, quia vitium carnis opponitur sapientiæ. Vnde de iis, qui se dederant huic vitio, quasi de brutis dicitur apud Hierem. *Unusquisque ad uxorem proximi sui hinniebat.* Et in Apocal. per equos carnales, viri intelliguntur. Vnde Clem. Alex. 3. Stromat. Planè, ait, fieri non potest, ut quis simul sit, & scientia præditus, & blandiri corpori non erubescat. Et Gregor. 31. Moral. c. 31. enumerans filias impudiciæ, dicit esse cæcitatem mentis, inconsiderationē, præcipitationē.

VEL etiam dicitur falsa sapientia, animalis, quia humanis rationibus diuina metitur, & iuxta humanas leges indicat ea quæ Dei sunt. Qua de re dixit Aug. Sermon. 151. In homine carnali tota regula intelligendi, est consuetudo cernendi. Pluræque hac de re habet Chrysost. hom. 23. in Ioan.

QUARTA conditio est, quodd sit diabolica, non ex eo tantum, quodd cum dæmonum ingenio, quod est mentiri, ac seducere, conueniat, sed quodd pro-fellōres suos, instar Satanæ, reddat ambiciosos, superbos, impacatos, perdu-elles, homicidas, &c. Magister enim insipientiæ, qui diabolus est, mores suos ingerit discipulis, & quantumvis dicat; *Eritis sicut Di*, diabolo potius similes reddit. Veræque est ea sententia D. Bernardi de gradib. humilitat. Sapere malum, sapere non est, sed desipere. Indèque est, quodd in Scriptura, sapiens pro iusto, & insipiens pro iniusto sumatur. Vnde Petrus, *ne insipientium errore traducti, excidatis.* Ambros. verò legit, *nefariorum*; quod etiam recentiores versiones reddiderunt.

QUOMODO autem scientia hæreticorum sit diabolica, & ab eodem doceatur, probat hoc loco Feuarden. afferens loca ex Luthero, in quibus fatetur, se cum diabolo multoties loquutum. De Carolstadij, Zuinglij, Caluini, Anabaptistarum, aliorumque Sacramentatorum cum diabolo commercio, communicatisque consiliis, videndus idem Feuard. in D. Ire-næum lib. 4. c. 32. Vnde in Apocal. Hæreticorum coetus, sedes, & synagoga Satanæ appellantur. Et Polycarpus Marcionem appellauit primogenitum diaboli. Et Irenæ. lib. 1. cap. 9. eundem vocauit os diaboli.

Verf. 16. *Vbi zelus, & contentio, ibi inconstantia, & omne opus prauum.*

EXPOSITIO LITERALIS.

NUMERAT fructus falsæ sapientiæ, quæ illa est, vbi zelus, & contentio reperiuntur. Fructus verò sunt inconstantia, & omne opus prauum, vel etiam possunt hæc omnia esse fructus falsæ sapientiæ. Nam Paulus ad Galat. enumerat inter opera carnis, inimicitias, æmulationes, contentiones, seditiones, sectas, cædes, & his similia. Discipuli ergo diaboli insipientes zelum amarum ab eodem accipiunt, qui ex zelo, & liuore inter initia statim mundi, & perijt primus, & alios perdidit, sicut notauit Cyprian. lib. de Zelo & Liuore; quinimò videns Diuinam essentiam multo se præstantiorem,

tiorem, contra conscientiam suam cœpit Deo inuidere, & voluit se ei parrem facere, sicut dixit Anselmus in c. 12. Matt. & Chrysolog. Ser. 92. Diabolus hominum damnum, suum computat lucrum, & quod perierit hominibus, hoc se æstimat acquisiuisse. Videndus hac de re Ambr. lib. de Paradiso c. 12. & Basil. hom. 21. in aliquot Scripturæ loc. August. lib. 4. de Baptismo c. 8. Et hunc zelum, ac liuorem diaboli imitatus est Cainus primogenitus diaboli, sicut dixit Basil. hom. de Inuidia.

SECUNDVS fructus est contentio, tumultus, & irritatio, nulli enim quiescit insipiens, nec sibi constans est. Nam sicut vera sapientia gignit statum mentis bene compositum, pacatamque, & tranquillam reddit animam, & sibi & aliis: vnde congregatio verè sapientum in hoc refert similitudinem diuinæ vnitatis, sicut prosequitur Nazian. Orat. 2. de Pace; qui etiam in prima dixerat; Nihil æquè germanos Dei cultores inter se conciliat, atque consentientes de Deo sententiæ. Sic etiam & contentio animam perturbat, vt secum ipsa tumultuetur, & sine modo in alios effluat, & insurgat, quod melius intelligemus, si attendamus quid sit contendere. Nam ex D. Aug. 4. de Doctrin. Christ. c. 28. contendere est, non curare, quomodo error veritate vincatur, sed quomodo tua dictio dictioni preferatur alterius. Et lib. contra Cresconium Donatistam: Maligna professio est, quæ sibi proponit non ex animo, sed ex contentione, vel quoquo modo contra omnia, vel pro omnibus dicere.

VND E possumus colligere, quod sicut vera sapientia bonorum omnium est mater, & pulchra insuper dilectionis: sic insipientia, mater, & origo est odij, contentionis, & omnis operis prauis; & sicut incomparabilis est voluptas ex studio sapientiæ comparata, nec tædet vnquam eum, qui illi adhæret, imò tædio afficitur circa cætera omnia, vt de se ex Hortensio Ciceronis fatetur Aug. 3. Confess. c. 4. ipseque Cicero 2. Offic. Philosophiam appellabat animi oblectationem, requiemque curarum; vnde ei gratias agebat, quod ipsum non modò à solitudine abduceret; sed etiam contra omnes fortunæ impetus armaret: idèoque Aristoteles 2. Politic. c. 5. ad Philosophiam recurrere iubebat eum, qui absque tristitia vellet delectari. Sic etiam in insipientia, tædium, mœstitia, curæ, agitationes, contentiones, ac æmulationes iugiter reperiuntur. Nulla denique ingenuitas, sed animus contentiosus, ac seruilis, vnde & cum seruis comparandus ex mente Platonis in Theat.

TERTIVS fructus est inconstantia, & fluctuatio, vbi non solum animi leuitatem, & mobilitatem videtur Apostolus voluisse significare; sed etiam perturbati animi malignitatem, quæ imprimis reperitur, experimentoque probatur in insipientibus Hæreticis, in quibus cæteræ insipientiæ notæ notissimæ sunt; nam de iis ait Irenæus: Cum sint duo, vel tres, de iisdem non eadem dicunt, sed & rebus, & nominibus contraria respondent. Et Tertull. lib. Præscription. ait: A regulis suis variant inter se dum vnusquisque pro suo arbitrio modulatur.

PROBATVR insuper inconstantia insipientiæ & malitiæ ex eo, quod
Adamus

Sap. 7.
Ecc. 24.

Adamus statim, atque eam à serpente promissam voluit discere, instabilis; sed, quæ minime coherens redditus est. Vnde Dauid dixit: *Homo cum in honore esset, non intellexit*, &c. Hebr. habetur, *non permotus est*. Vno, eodémque die, quo conditus, est commutatus, & a felici statu deiectus, dum falsam, & diabolicam scientiam appetiit. Vnde Philo hanc inconstantiam insipientis Adæ expendens lib. 2. legis allegor. Querenti Deo, Adam ubi es? acutè admodum respondet. Nusquam, nullum enim locum habet mali hominis anima, cui vel insit, vel insideat, ideoq; malus à Græcis dicitur *ἀτενής*, id est, *sine loco*, quia præ inconstantia, stare loco nescit: & contra insipientes dicit Dauid Ps. 1. *Beatus vir, qui non abiit in consilio impiorum*. Heb. habetur, *in consilio inquietorum*; eosque ibidem comparat pulveri, qui leui statu, huc, illucque dispergitur, & continuò agitur, sicut notarunt Ber. Ser. 6. in Cant. & Aug. lib. 1. de Serm. Domini in monte.

I n ipsum probat illud eiusdem Prophetæ dum dixit: *Propter dolo posuisti eis*, ubi Hebr. habetur, *in lubricatib. constitues pedes eorum*, quòd scilicet pedem nullatenus figere queant; sed perpetua inconstantia laborent; idq; meritò, quia se ad vnam superni intuitus anchoram figere neglexerunt, sicut hoc loco notauit Beda. Et D. Thom. ait: Nec mirum huiusmodi instabilitas in bono, quia non habet firmum humilitatis fundamentum, asseritque hanc inconstantiam in hoc consistere, quòd in ea semper detur progressus in peccatis: quia talis non stat in vno malo, sed à malo cordis procedit ad malum oris, ab illo ad peccatum operis. Quod etiam prosequitur D. Dionys. lib. de Diuinis nominib. c. 4. quæ omnia à diabolo præceptore participant falsi sapientes. Ille enim nullam prorsus habet consistentiam, imò ingiter circuit, quærens quem deuoret, totamque perambulat terram, sicut ipse ad Deum dixit. Super quæ verba ita habet Gregor. Satan laborans terram circuit, quia quietus in cæli culmine stare contempsit, ideoq; nunquam deinde potuit stare, & qui ipsum sectantur perpetua laborant inconstantia.

Q VARTVS denique fructus, seu effectus est, omne opus prauum: nam sicut notauit hoc loco Beda, qualis cordis est radix, talis est omnis fructus actionis, & qui nequitas corde liuoris vel contentione contegit, huius est prauum omne opus, quantumlibet rectum hominibus esse videatur. Denique ait ibi esse omne opus prauum: quicquid enim operantur huiusmodi æmuli, & contentiosi, ait Hugo de S. Viâ. de Institutione nouitiorum, c. 6. malum est, cum è radice mala eorum prodeant opera; sed non talis est sapientia quæ desursum est, quæ nescit semetipsam contra veritatem diligere, semper parata vel bonum, quod non habet, ab habentibus libenter petere, vel malum, quod sustinet cum aliis, & coram aliis, veraciter accusare, ne scilicet ex eorum perpeffione infamiae notam subeat, & iniqua reputetur.

Vers. 17.

Verſ. 17. *Qua autem deſurſum eſt ſapientia, primùm quidem pudica eſt, deinde paciſica, modeſta, ſuadibilis, bonis conſentiens, plena miſericordia, & fructibus bonis, non indicans, ſine ſimulatione.*

EXPOSITIO LITERALIS.



ROSTQVAM expoſuit falſam ſapientiam, cuiusque notas deſcripſit, fructusque oſtendit, pulcherrima antitheſi nunc deſcribit veram ſapientiam, cuius conditiones aſſignat, fructusque enumerat, dicitque proinde veram ſapientiam deſurſum eſſe, quia omne datum optimum, & perfectum donum deſurſum eſt, vnde *1. ai. 11.* Dei Spiritus dicitur Spiritus ſapientiae, & intellectus: & Deus ſapientiae dux. Vnde & Filius Dei in carne dixit: *Dabo vobis os, & ſapientiam, cui non poterunt reſiſtere.* Et de Spiritu ſancto. *Ille vos docebit omnia, &c.* *ſap. 7.* *Luc. 21.* *Ioan. 14m*

HÆC ergo ſapientia dicitur pudica, ſeu, vt Græci, & plerique alij legunt, *caſta*; quod expoſuit Occum. pura, & ſine ſorde; nulli rei carnali adhærens, vel pudica, ait Beda, quia caſtè intelligit. Nam ſicut ait Gloſſa, niſi primò pudicitia ſedeat in mente, nulla perfectio ſequitur in opere, proindeque eſt optimus ſapientialis pudor, de quo ſcriptum eſt: *Eſt conſuſio adducens gloriam.* Vnde Eccleſiaſt. c. 8. dicitur, *Sapientia hominis lucet in vultu eius, & impudentia faciei illius commutabitur*: quia, ſcilicet, ubi ſapientia animum poſſederit, imprudentia recedit à fronte; eſt enim ſapientia pudica, teſte noſtro Apoſtolo, quem ibi aſſert Brixian. *Eccleſ. 2.*

POTEST etiã dici pudica, ſupernaturalis ſapientia, quia ad contemplationem Dei reuerenter accedit, non impudenter, aut temerariè ſe ingerens ad perſequeranda diuina myſteria, & Sacramenta. Pudica, ait Bernardus Sermon. 3. de Reſurrectione, contra propriæ voluntatis impuritatem; deinde paciſica contra conſilij proprii obſtinatam rebellionem.

EST & paciſica, quia ſicut dixit Eccleſiaſticus: *Vir ſapiens, ſuauiſ eſt anima ſua.* Et Salomon. *Intrans in domum meam, quieſcam cum illa*, ſcilicet ſapientia, quæ interiorem pacem ſecum aſſert, & conſeruat, & reſpectu etiã aliorum paciſica eſt. Vnde Gregor. 3. part. Paſtoral. cap. 23. Paciſica eſt ſapientia cœleſtis, quia per elationem ſe minimè à proximorum ſocietate diſiungit. *ſap. 2.*

EST modeſta, ſeu aqua, aut equabilis, vt Græca vox ſonat, & plerique vertunt, in operibus ſuis modum tenens, humaniſſima ac faciliſſima, diſtanteque ab aſteritate: nam ſicut dixit Salomon; *Ubi ſapientia, ibi humilitas*; & qui ſapientiam ſpiritus habent, lenitatis ſpiritu debent habere, & præ ſe ferre, talèſque ſint oportet, qualis ipſa ſapientia patris, huiusce ſcholæ præfectus eſt, mites ſcilicet, & humiles corde, manſueti, ac modeſti, vt temperent, & condiant ſeueriorè cultum, habitumque hilaritate vultus, orationis *Prov. 11.* *Matt. 11.* *1. Cor. 11.*

Pax in Epiſt. B. Iacobi Apoſt.

T T t dulce

dulcedine, cōpositione mēbrorum, quæ omnia videtur dicere vox, *modesta*. *SVADIBILIS*, ubi vox Græca significat *suadabilem*, vel *obedientem*, & ita habet Codex Syriac. alij, vt Oecumen. Feuard. & Vatabl. legunt *tractabilem*; & est sensus: reddit faciles, docibiles, & subditos saniori doctrinæ, melioribus consiliis, ac liquidæ veritati: Sapientis, inquit Beda, est, bonorum suasioni assensû præbere, quomodo Petrus redarguēti se Paulo annuit. Improborû verò est, doctrinam tota intentione, vel docēdo, vel viuēdo repellere.

Ex quibus infert D. Thomas. Cui ergo suaderi non potest, vt in aliquo se errasse cognoscat, sapientia caret. Ideoque Paulus admonet; *Nolimus prudentes esse apud nosmetipsos*. Quod ibi Theodoret. & Chrysost. homil. 22. & de laudibus Pauli hom. 9. optimè, & verè explicant: Ne existimetis vestra consilia vobis sufficere, ita vt aliorum consilio non indigeatis. Ille enim est prudens apud semetipsum, qui aliorum consilia detrectat, sua semet prudentia in omnibus regere posse existimans. Ideo Salomon in Prouerbiis;

Prouer. 9. Argue sapientem, & diliget te, doce iustum, & festinabit accipere.

BONIS consensiens; hæc verba addidit Interpres. Ideoque in plerisque antiquis codicibus desunt, & explicant id, quod significat *suadibilis*, vt scilicet bonis omnibus assensum præbeat.

PLENA misericordia, & fructibus. Syriaca habet; *Plena miserationibus, & fructibus omnibus*. Misericordia, quantum ad effectum, inquit D. Thomas, per compassionem. Fructus boni, quantum ad effectum per operationem; sic etiam explicat Beda, & alij. Sapientia ergo hominem compassiuium, atque beneficium aliis reddit. Nouit enim quod homo ex se fragilis sit, & quantum viro misericordie lucri accedat, si aliis benefaciat.

Mat. 7. NON iudicans malè de proximo, iudicando, vel suspicando sine fundamento quod Christus Dom. dixit. *Nolite iudicare, & non iudicabimini*. Illudque hoc loco est aduertendum, imprimis non prohibere Apostolum hoc loco eos, qui publicam non solum habent potestatem, sed publicam etiam obligationem, de aliis iudicare, quales sunt Iudices, & Magistratus. Neque prohibet etiam de apertis iudicare, de quibus Paulus. *Quorundam peccata manifesta sunt, præcedentia ad iudicium*.

PRÆTEREA, neque prohibet iudicare quicquam mali de altero, quando causæ sufficientes ad id suppetunt; nam tale iudicium omnino erit conforme prudentiæ, ac proinde rectum, vt docet D. Thom. 2. 2. quæst. 60. art. 3.

NEQUE etiam prohibet iudicare de dubiis, modò non vltra, quam nos ducunt indicia, iudicemus. Quæ verò ratio sufficiens putari debeat ad iudicandum malè de altero, non potest rectius definiri, quam iudicio prudentis, vt notauit Sotus lib. 3. de Iustitia, q. 4. art. 3.

Matth. 7. PROHIBET ergo iudicare plenè deliberatè, & pro certo sine causa sufficienti aliquid mali de altero, quod bonam eius famam notabiliter possit lædere; quod mortale peccatum est, vt patet ex Matth. 7. & Roman. 14. *Tu*

2. Tim. 14. quis es, qui iudicas alienum seruum? & iterum Paulus. *Nolite ante tempus iudicare*. Quem locum perpendens Augustinus tractat. 90. in Ioannem, affirmat debere nos continere, & cohibere firmas, definitiæque sententias de proximo.

proximo. Et D. Thomas dicto art. 3. Quid tam humanum, quàm non posse aspicere cor humanum, & ideo non eius latebras perferutari, sed plerumque aliud, quàm ibi agitur, suspicari? quamquam & his rerum tenebris humanarum, etli suspiciones vitare non possumus, quia homines sumus, iudicia tamen. i. definita, firmasque sententias continere debemus, neque ante tempus iudicare.

PROHIBET etiã malè iudicare de aliis, quæ bene, & malè interpretari possumus, vt docet Basil. in regul. breuiorib. interrog. 164. Hier. in c. 7. Matth. & Aug. lib. 2. de sermone Domini; & Ser. 202. de Tẽpore. Anastas. q. 83. Multi secundum veteres codices legunt, & iungunt; *Iudicans sine simulatione, & sictione*, id est, in bonam partem, cuncta simpliciter (quãtũ fieri potest) referens. Ita Titelman. & alij. Syriaca habet, *Abſque diiudicatione facies*, siue, *personas, non accipit*.

ILLUDQVE aduertẽdũ hoc loco, non *iudicans*, idem posse significare atque non condemnans: nam in Scriptura plerumque *iudicare*, significat condemnare, vt patet apud Paulum, *Si nosmetipsos iudicaremus, non utique iudicaremur*, id est, non damnamur. Et iterum. *Fornicatores, & adulteros iudicabit Deus*, id est, condemnabit. Non iudicans ergo est sapientia de cœlo, id est, non condemnans fratres, eorũque facta.

TANDEM, *sine simulatione*; non vult vera sapientia professores suos aliud corde, aliud ore profiteri, sed omnia candide, sincerèque peragere, ab ea docti non curant videri hominibus doctiores, aut sanctiores, quàm reipsa sint; hoc vno contenti, quodd Deo placeant. Nam sicut dicitur. *Simulatores, & callidi prouocant iram Dei*. Et Aug. relatus hic à D. Thoma: Simulata æquitas non est æquitas, sed duplex iniquitas. Possunt autem, ait D. Thom. hæ octo conditiones sapientiæ reduci ad octo beatitudines Matt. 5. Ipsa quidem sapientia pudica est per munditiam cordis, pacifica per pacificationem, modesta per paupertatem, suadibilis per mititatẽ, bonis consentiens per esuriam iustitiæ, plena misericordia per misericordiæ amorem, non iudicans, sed compatiens per luctum, sine simulatione per tolerantiam persequutionum.

§. I.

Vera sapientia à Deo tantũ accipitur.

SAPIENTIA ergo à Domino Deo est, idẽoque sapiens Salomõ tot precibus eam à Deo postulauit. Nam iuxta doctrinam nostri Apostoli, si quis indiget sapientia, debet eam postulare à Deo. *Quis enim posuit in uisceribus hominis sapientiam? vel quis dedit gallo intelligentiam?* seu, vt Hebræi interpretantur, *quis dedit intellectui intelligentiam?* Vnde Salomon: *Domini datur sapientia: & ex ore eius prudentia*. Meritoque per Prophetam dicitur; *Dereliquisti fontem sapientiæ*. Ideoque Bern. Epist. 107. Scientiam non le- Quid docet, sed vnctio, non litera, sed spiritus, non eruditio, sed exercitatio in mandatis Domini. *Seminate*, inquit Oseas, *vobis ad iustitiam*.

T T t 2

metite

Op. 10. metite spem vitæ, illuminate vobis lumen scientiæ. Vides, quia non recte proditur lumen scientiæ, nisi iustitiæ germen præcedat ad animam, ex quo formetur granum vitæ, & non palea gloriæ. Etiam Plato in Menone dixit, solam esse sapientiam, quæ cum virtute à Deo esset, qua remota, non sapientiam, sed calliditatem esse.

ET ENIM cum desursum sit sapientia, & non introeat in maleuolam animam, requiritur ad hanc supernam scientiam dispositio conscientiæ. Vnde Origen. lib. 1. in cap. 1. Prouerb. Qui thesauros sapientiæ inuenire desiderat, quicquid sibi terrenum inesse deprehenderit, expurget, carnales illecebras abiiciat, fossam in se humilitatis faciat. Et ad hoc respiciens Iob dixit c. 8. non inuenire sapientiam in terra suauiter viuentium: super quæ verba idem Orig. Hanc sapientiam non habet quisquam, nisi carnem suam crucifixerit cum vitiis, & concupiscentiis.

Et quia homo à primo parète accepit velle sapientiam, non quidem per labores, & assiduas postulationes ac vigilias, sed comedendo, & vacando, sicut serpens per comestionem obtulit Adamo scientiam: multi quidem scientiam mundi quærunt, pauci verò conscientiam, sicut dixit Bernard. de interiori domo cap. 21. & supernam scientiam: sed quantumcunque scientiam sæculi quis acquirat, dummodò veram sapientiam non degustarit, & quæserit, nullatenus erit sapiens. Nam, sicut dixit Bernard. Serm. de verbis Apostoli, *Non est regnum Dei, esca*, &c. est sapiens, cui quæque res sapiunt, prout sunt.

§. I I.

De connexionione sapientiæ cum castitate.

DEBET deinde sapientia esse pudica, id est, libera ab omni impudicitia, & carnis libidine; *eloquia enim Domini, eloquia casta, argenti igne examinatum, purgatum septuplum*, id est, sine fæce, scoriæue labe, sed purgatum per septem dona Spiritus sancti. Et cum hæc sapientia desursum sit, inde debet habere pudicitiam, & castitatem, quæ patriam sursum habet, sicut dixit Ambros. lib. 1. de Virginibus. In cælo, inquit, profectò est patria castitatis, hic aduena, ibi incola est. Proindeque ij, qui sapientes, & prudentes verè sunt, pudici, ac puri sunt. Vnde id, quod Petrus dixit: *Estate itaque prudentes, Galet. Vatabl. Brixian. Gagneius, Estate modesti. Syriac. Estate casti*, quasi idem sit sapientia, seu prudentia, ac modestia, & castitas.

IDEOQUE Nyssen. lib. de Virginitate cap. 4. §. & 6. probat inter laudes pudicitia, eam esse præcipuam, quod plurimum conducat ad cognitionem diuinarum rerum: cuius rei rationem reddit Aristoteles 7. Ethic. cap. 1. quia impetus libidinis mentem humanam à suo statu, & sede deturbat. Pro qua re videndus est August. 4. contra Iulian. dum hoc ipsum probat ex Cicer. qui in suo Hortensio ex Platone dixit: *Luxuria motus, sicut maximus est, iua inimicissimus Philosophia, & sapientia, proindeque non potest stare voluptas corporis*

poris cum cogitatione, & sapientia, qua mentibus pudicis sese maximè accommodat, sicut etiam ea corpora, qua maximè splendida sunt, facilius radiis Solaribus perfunduntur, & illustrantur.

In hanc sententiam facit id, quod Sancti Patres communiter aduertunt, Euangelistam Ioannem ratione pudicitie virginalis plus ceteris è diuinæ sapientie thesauris hausisse. Qua de re videndus August. tract. in Ioan. c. 24. Epiphan. hæres. 58. Chrysost. de Virginitat. & Hieron. Isai. 56. Facit etiam quod Varro in lib. Rerum Diuinarum, Lactant. lib. 1. Diuinar. Institut. & alij dicunt, veteres dixisse, fatidicas mulieres Sibyllas, ratione pudicitie, & castitatis tot rerum futurarum notitiam accepisse, usque ad eò sapientia pudica est, vt animas, ac mentes pudicas semper quæsierit. Et clarus inter Prophetas Dauid, per impudicitiam veluti stultus, & hebes factus est, cum illum alloquutus est Nathan. Ideoque non intelligebat, etsi proprium ei peccatum obiceret in parabola ouis, sicut notauit Chrysost. homil. 1. in Psal. 50. Et Ambr. in Apolog. 2. Dauid, vbi inquit: Non mediocriter quod Natha denūciauit Dauid, scilicet inferior Propheta; grauis enim verecundia pudorque delicti ab inferiori reprehendi: sciebat Natha, quod Dauid nesciebat, ad eò caligabat oculus obubratu quadā nube vitiorū, impudicitie scilicet carnis, & ignorabat, qui alioqui ante impudiciā sciebat.

Quapropter Auctor Ecclesiastici Salomonem, qui à Deo acceperat sapientiam, postquam luxurie adhæserat, vocat insipientem. *Dedisti, inquit, maculam gloriæ tuæ, & in ceteris stultitiam tuam.* In quam sententiā notauit Rupert. lib. 1. in Num. c. 10. dixisse Scripturam: *Sir cuius vxor erraueris, &c. ad- ducet eam ad Sacerdotem, & offeret oblationem pro illa, decimam partem sati farina hor- deaceæ:* ait ergo Rupert. in oblatione ideo non similam frumenti, sed hor- deum habuit, quod est iumentorum pabulum; quia fluxum sequuta est iumentorum adultera mulier.

Hinc sapientes, quorum dicta & facta in Scriptura commemorantur, pudicè & honestè admodum semper loquuti sunt, vt patet Gen. 49. quan- do Iacob libidinem Ruben explicare voluit, dixit: *Ascendisti cubile patris tui;* honestissimisque verbis vsus est. Vnde Rabbini, quorum meminit Lyr- nus, occasionem sumpserunt dicendi, Ruben non matulasse thorum pa- ternum, sed stratum tantum ancillæ Balæ, patrisque concubinae mutasse, quod pater ægre tulit. Et Ecclesiasticus, dum de libidinosa turpitudine Sa- lomonis loquitur, ita ait: *Inclinasti femora tua mulieribus.* Et Iob. *Super uxorem meam incurruerunt alij.* Sic Paulus: *Sine manducatis, sine bibitis, sine quid aliud sa- ciis, omnia in gloriam Dei facite.* Quæ verba, siue quid aliud faciis; Origen. hom. 5. in Genes. exponit, inuercenda coniugij negotia committitis In tota de- nique sacra Scriptura non inuenitur verum, propriumque nomen forni- cationis, aut impositum alieni membro, quod turpe sit nominare, sicut no- tauit Rabbi Moyses lib. 2. Ductoris cap. 9. Nam cum sapientia cælestis pu- dica sit, quidd castè intelligat, sicut dixit Greg. 3. p. Pastoral. c. 23. pudica etiam est, quidd castè loquatur.

Hæc est ratio quare Rebecca, quæ venerat, vt vxor esset Isaac sapien-

tis, & contemplantis Deum, quique tempore aduentus Rebecæ egressus fuerat ad meditandum, *ciò tollens pallium suum, operuit se*. Super quæ verba D. Ambros. lib. 3. de Virginib. ait: Non decori timuit, sed pudori; quia cum sapiens vir maximè pudicus sit, vxor sapientis pudicitia studere sic debuit. Et hæc est ratio, quare virgines quæ sponsæ sunt Verbi ac sapientia Dei, velentur, & operiantur. Sapientis ergo comes est pudicitia domi, foris, semper, sicut dixit Clem. Alexand. 3. Pædag. cap. 5. Oportet domi, parentum, & famulorum pudore affici, in viis autem eorum, qui sunt obuiam, in solitudine autem sui ipsius.

3 Reg 4. L O C V m illum, qui habet; *Dedit Deus Salomoni latitudinem cordis quasi arenam, quæ est in litore maris*; Abulens. Caietan. & Lyran. ad diuitias referunt, vt ei dederit animum liberalem & magnificum: sensus tamen literalis est de cognitione & sapientia, sicut inter alios transtulit, & exposuit Vatabl. sic enim vertit: *Dedit illi capacissimum animum, multa comprehendentem sua intelligentia*; quæ si dicat, ait Vatabl. tam amplam mentem, quàm amplum locum occupat arena, quæ est iuxta mare. Sed quod vergit comparatio arenosi litoris cum sapientia? Sunt qui dicant, quod sicut ad litus & arenam superbissimi æstuantis maris fluctus colliduntur; ita sanè ad sapientiam affectiones immoderate & furentes appetituum impetus allisi & fracti subsidunt. Optimè sanè: sed adhuc addimus, quod fracti & allisi ad litus fluctus iterum redeunt ad se, & in se collecti, & reuoluti, recipiuntur. Quæ in re propria similitudo sapientia ad arenam consistit, ni fallor. Etenim, sicut arena, terminus vndarum ac procellarum est, qui eas intumescences frangit, & in se collectas reuertit, & complicari facit: sic sapientia in eo maximè probatur, quod effrænes appetitiones pudore afficiat, surgentes cohibeat, & refrænct, ne ad exitum vsque perueniant. pudicæque sapientia pudefacit impudicos animi motus, & supra se reflecti, ac in se reuertit cogit, velut arena, quæ est in litore maris. Notauit Tertullian. lib. de corona militis, aliquod adhuc vestigium sapientia diuinitus à Deo datæ, & per peccatum amissæ in Adamo relictum, in eo, quod postquam diuinum præceptum transgressus est, assensumque præbuit suasionibus serpentis, indumentum statim, quo se operiret, quæsiuit, & postquam de fructu arboris scientia boni, ac mali primi parentes gustarunt, hac in re tantummodo scientiam ostenderunt, quod pudore affecti sunt. Ait ergo Tertullian. Vbi primùm de arbore agnitionis gustauerunt, nihil primùm senserunt, quàm erubescendum, intellectum tegmine notantes, quasi signum alicuius scientia, & nota intellectus adhuc remanentis fuerit, se foliis obtegere, & præ pudore se operire; sic enim manifestatur pudica sapientia.

Et hæc fortassis fuit ratio, cur Doctores, & sapientes suæ Ecclesiæ Christus Dominus dixerit luces, ac ciuitates in montibus collocatas, vt scilicet intelligerent, quod sicut is, qui in luce versatur, ad quodlibet inhonestum & indecens statim pudefit, cum liquidò appareat, & omnibus sit conspicuum; sic veri sapientes iugiter debent esse pudici, nec aliquid indecens patrare, cum in luce versentur; imò admodum indignari, ægrèque secum

secum ferre, si quid vitiosum in se viderint. Nam, sicut dixit Salomon; *In multa sapientia, multa est indignatio*, quod D. Hieron. & Olympiodor. explicant de indignatione sapientis viri contra se ipsum, si quando à via deflectat, & aliquid reprehensione dignum committat. Ecc. 1.

IN quam sententiam facit, quod dixit Clem. Alex. 2. Pædag. c. 10. Verecundia tanquam lux rationis in animo est includenda, ne vel in tenebris, ac in occulto aliquid inhonestè, aut intemperanter agatur. Quod si verecundia, ac pudor lux est, & sapientia, ac sapiens itidem lux, rectè constat, qua ratione noster Apostolus dixerit, sapientiam debere esse pudicam,

S. I I I.

Vera sapientia pacifica admodum est.

PA C I F I C A deinde debet esse vera sapientia, ut diuinam sapientiam productam hac in re imitetur pacificantem per sanguinem suum, siue quæ in terris, siue quæ in cælis sunt, & facientem utraque vnum. Ideoque, sicut Filius Dei dicitur sapientia, sic & pacifici dicuntur Dei filij. Vnde Nazian. Orat. 14. Tantam beatitudinem pacificis reconditam esse, perspectum habete, ut in eorum, qui salutem consequuntur ordine, soli filij Dei vocentur. Et Chrysost. hom. 3. in epist. ad Coloss. Filij Dei, inquit, vocantur qui pacem efficiunt; nam Filius Dei ad hoc in terram venit: qui verò nouandis rebus studentes dissidia faciunt, filij sunt diaboli. Videndus hac de re idem Chrysost. hom. de predicatione Iudæ tom. 3. Gregor. 3. p. Pastoral. c. 24. Hilar. Can. 4. in Matth. Coloss. 1.
Ephes. 1.
Matth. 5.

Hinc est, quod Angelus, qui in Apocalyp. ad homines mittitur, annuntiaturus Euangelium, & inuitaturus ad pœnitentiam, coronatus mittitur Iris, sic enim habet text. *Et Iris in capite eius*. Iam verò Iris, pacis, ac fœderis, & reconciliationisque signum est, ut patet ex Genes. Namque magister Ecclesiasticus pacificam debet habere scientiam, quia omnes ad Deum vocet, & ad unitatem fidelium congreget. Et huius sapientis vox Ecclesiam sponsam Christi lætificat, sponsoque maximè placet. Vnde dicitur. *Vox iurantis audita est in terra nostra*. Super quæ verba Bernard. Serm. 59. in Cant. ita habet: Non planè principatum sonat vox ista, sed consortium, & hac in re conuenit Dei legatis, ac Ecclesiæ magistris corona pacis, quam Angelus gestabat, quam etiam olim legati pacem petentes, aut promittentes, frondibus oliuæ coronati præ se ferebant, quod dixit Virgil. 7. *Æneid.* Apo. 10.
Genes. 9.
Cant. 2.

*Centum Oratores augusta ad mentis Regis
Ire iubet ramis velatos Palladis omnes,
Donâque ferre viro; pacemque exposcere Tencris.*

Hinc cernere licet, cur Christus Dom. Discipulis, quos Doctores mundi creauerat, dixerit; *Vos estis sal terræ*. Et iterum: *habete in vobis sal, & pacem habete inter vos*. Quibus vltimis verbis explicauit, quid illis primis, *Habete* Matt. 5.
Marc. 9.

in vobis sal, significare voluerit: etenim, vt legenti patebit, Apostoli inter se contenderant de principatu, ac primatu scholæ Christi, & quis eorum maior esset, proinde monere eos voluit, vt salem, id est, charitatem, & pacem inter se haberent. Vnde Basil. in Reg. breuior. interrogat. 266. sic ait: Ex verbis Domini nihil aliud docetur, quàm vt nullam causam demus mutue disunctionis, sed ad unitatem spiritus nos semper conseruemus; & quo magis hoc inculcarum intelligerent, discipulos, salem terræ dicit, qui pro amicitia & firma pace sumitur tam apud sacros, quàm profanos auctores.

Num. 18.

2. Par. 13

ETENIM in Scriptura pactum salis, dicitur pactum, & amicitia perpetua. Crediturque Olcast. in c. 18. Num. & in 2. c. Leuit in omni fœdere, pacēque inita, olim salem adhibitum, quo pacti incorruptio, & firma stabilitas significaretur. Qua de re videndus Alex. ab Alex. lib. 5. dierum genial. c. 21. & Pier. Valerian. lib. 31. vbi probat salem fuisse amicitie symbolum, idēque hospitibus ante alios cibos apponi solitum, quod amicitie firmitas, & perseverantia significaretur; eodēque teste, plerique ominosum putant, si sal in mensa profundi contingat; & Græcum proverbium erat. *Non oportet transgredi salem, & mensam.* i. ius amicitie.

Hic vs rei rationem, quare scilicet sapientia, quæ desursum est, pacifica sit, inde desumere possumus, quod ea quæ de cælo sunt, pacifica prorsus sunt, cum omnia, quæ in terris reperiuntur, pugnantia inter se sint, & bellicera, vt cernere est in Elementis, vbi calida pugnant frigidis, & humentia siccis. In animantibus, quæ se inuicem absumunt, ac deuorant. Ideoque Nazian. Orat. 1. de Pace, soli Deo, & Angelis proprium dixit pugnare, & dissidia nescire, & qui pacis bonum amplectuntur, eique contrariam discordiam, & seditionem insensē oderunt, ad Deum & diuinas mentes accedere.

Apoc. 7.

VND E, vt aduertunt, recentiores, cum Ioannes in Apocal. duodecim millia signata ex omnibus tribubus viderit, & enumerauerit, solam Ephraim tribum omittit, quod discordiæ fuerit seminatricis: qua de re videndus Theodoret. in Pl. 77. vbi Dauid dixit, *Tribum Ephraim non elegi.* Quandoquidem, inquit Theodoret, ex hac tribu Ieroboam originē ducens ex Dauidico Regno ducem tribus abduxit, vsque adeo procul exulat discordia à pacifica Hierusalem, quæ desursum est, & in Ecclesia Christi, vt necessaria commendatur.

QV A etiā de re videndus est Cyprian. epist. de unitate Ecclesiæ, & Ber. in Apolo. ad Guillelmum. Nazian. Orat. 1. de Pace, vbi inter alia ait; Iudas, & Israël principatum vnum constituunt, Hierusalemque & Samaria ad vnā cœlestem Hierusalem colliguntur, &c. & ea anima, quæ introducit in cellam vinariam cum Diuino Sponse, vt inde sacrationem hauriat sapientiam, *Sulamitis*, non verò *Sumamitis* (vt corruptè aliqui legunt) appellatur, quæ vox significat *pacificam*.

NOTAVIT, hanc doctrinam Ber. Ser. 1. in Natali Domini, vbi hæc verba Iacobi sic explicat. *Sola, quæ ex Deo est sapientia, salutaris est; & pacifica,* non

non abundans in suo sensu, sed alieno magis acquiescens consilio, vel iudicio. quibus habet similia de multa vtilitate verbi Dei. Et Greg. 3. p. Pastor. c. 23. Pacifica est sapientia desursum, quia per elationem se minimè à proximorum societate disiungit: econtrà verò illa sapientia, quæ desursum non est, pacem perturbat, & quietem exagitat, plenàque est conflictationibus, & contetionibus, sicut dixit Salomon, *In multa sapientia, multa est indignatio.* Quod Hugo Victor. Bonauent. & Lyan. explicant de humana scientia, quæ de deorsum est, quæque indignationem, impatientiam, & anxietates solet excitare. Quem sensum etiam recipit Hugo Cardin. dicitque inde oriri similitates, odia, conflictus, pugnasque verborum, & animi contentiones. Et Gregor. loco cit. Sæpe dum quoddam maior scientia erigit, à cæterorum societate disiungit, & quasi quo plus sapiunt, eo à concordia virtute desipiscunt. Hi itaque audient, quid per semetipsam veritas dicat, *Flabete sal in vobis, & pacem habete inter vos.* Sal quippe sine pace, non virtutis est donum, sed damnationis argumentum. Quo enim quisque melius sapit, eo deterius delinquit, si modum sapientiæ non seruet; & paci pro viribus non studeat.

Ecl. 1.

Marc. 9.

§. IV.

Sapientia debet esse modesta, & humilis.



EST etiam sapientia modesta, ac humilis, non superba, & inflata. Namque ea scientia, quæ inflat, & de qua loquitur Apost. non est solidata, neque habet fundamentum, sicut dixit August. Ser. 53. de verbis Domini; neque suis, ac debitis terminis concluditur. De qua eleganter Bernard. Ser. 36. in Cant. ait: Multa scientia ingesta stomacho animæ, si charitate decocta non fuerit, conuertitur in prauos, noxiósque humores, atque inflationes, mentisque tormina facit.

IN quam sententiam etiam videndus est Rupert. lib. 1. in lib. Reg. ubi ponderat id, quod contigit viris Bethzamis, qui, eo quoddam vidissent Arcam Domini, percussi sunt à Deo. *Percussit enim de populo septuaginta viros, & quinque millia plebis.* sic nimirum, inquit Rupert. multa millia de viris Bethzamis, de viris domus Solis, de viris Ecclesiasticis, multos primates viros percussit iudicium Domini, & errare eos fecit, eo quoddam vidissent Arcam Domini, eo quoddam indignè non dilectionis studio, sed præsumptionis, & curiositatis vitio ausi fuissent in Scripturis scrutari secreta diuinitatis. Et Ambros. Ser. 70. ait: Puto in ipsis auihus, ideo velocius columbam penè præ omnibus volitare, quoddam alacritatem & innocentiam conietur. Denique Sanctus David cum puritate mentis volitare concupisceret, non alterius animantis, nisi columbæ optauit alas; intelligebat enim quoddam altiora facilius penetrantur simplicitate mentis, quàm leuitate pennarum, & elatione, ac superbia, quæ potius insipientem reddit.

1. Reg. 7.

Ps. 54.

VNDÉ Rupert. lib. 1. in Leuit. c. 7. notat iussisse legem, vt pennæ reicerentur in locum, ubi cineres effundi solebant. Iustam, inquit, significat

Pauc. in Epist. B. Iacobi Apost.

V V v homi

hominis humilitatem, qui ne de accepto munere; vel reuelationum magnitudine se extollat, meminit, quia cinis est, & reuertetur in cinerem, quâtoque magis sui contemplationem fuerit allèquutus, tanto plus de diuina cognitione consequetur. Solet enim Deus modestæ, ac humilî animæ sapiëntiam defursum communicare, sicut & superbis, & elatis se occultare consuevit. Quod dixit Greg. 6. Moral. c. 18. Legem, inquit, datus Dominus, in igne, fumoque descendit, quia & humiles per charitatem suæ ostensionis illuminat, & superbiorum oculos per caliginem erroris obscurat. Quod ita intelligendum est, quasi Deus obscuret, se non communicando, & in errore manere permittendo.

POSSEMVVS autem & superbos, quò modestè resipiscant, monere id, quod docuit Aug. Ser. 53. de verbis Domini: Magis, inquit, cogitare debetis, quid vobis desit, quàm quid vobis adsit. Si enim cogitas quantum præcessisti, time tumorem, si quantum tibi deest, adhuc humilis eris.

§. V.

Vera sapientia non obstinata, sed suadibilis est.

DEBET etiam vera, ac sancta sapientia esse suadibilis, seu obediens. *Qui enim dilexerit audire, sapiens erit.* Ideoque Salomon cùm sapientiam à Deo postulat, sibi quoque dari cor docile, seu, vt vox Hebr. sonat, audiens, poposcit. Vnde Plato, sicut ait Macrob. lib. 1. in somnium Scipionis, posuit docilitatem inter partes prudentiæ. Videndusque est D. Thomas 2. 2. q. 49. art. 5. in corpore.

1. Tim. 2. IDEOQUE Paulus voluit, Episcopum esse docibilem. Quod Cyprian. in epist. ad Stephanum, & Aug. contra Donatist. c. 6. volunt intelligendum esse, & actiue, & passiuè, sicut hoc in loco Brixian. intelligit suadibilem. Quia oportet, ait Cyprian. non tantùm docere, sed etiam discere; quia idem melius docet, qui quotidie proficit, & crescit discendo meliora. Ex quibus verbis colligit Aug. Cyprianum fuisse paratum, non solum ad alios docendos, sed etiam, vt ab aliis inferioribus, & indoctis doceretur.

Luc. 2. VIDENDVS etiam hac de re idem Cyprian. de singularitate Clericorum, & epist. ad Pompeium. Videndus item Bernard. Serm. 3. de Resurrect. vbi de Christo Domino ita loquitur: Attende, quid fecerit magni consilij Angelus, quomodo postposuerit consilium suum consilio, vel magis voluntati mulieris vnus, & fabri pauperis Ioseph; inuentus enim in medio Doctorum audiens eos, & interrogans quodammodo increpatus est à matre: *Fili quid fecisti nobis sicut ille inquit. Quid est quod me quærebatis? nesciebatis, quia in his, quæ Patris mei sunt, oportebat me esse? Illi non intellexerunt verbum.* Et quid fecit Verbum: nō excipiebatur in se, descendit, vt esset subditus illis. Quis iam nō erubescat obstinatus esse in cōsilio suo, quādo suū sapiëntia ipsa deseruit? Sic mutauit consilium suum, vt quod iam tunc cœperat, ex tunc vsque ad trigésimum ætatis suæ annum prorsus dimiserit, O Domine, voluntas de qua

qua dixisti, vt non fieret, si bona non erat, quomodo tua erat? & si bona, quare derelicta est? Et respondet Bernard. Consilium Christi erat, & bonum erat, mutauit illud consilium, vt nos mundaret ab ea lepra, quæ proprij consilij est.

V I D E N D Ū S pro hac re Cassian. Collatione 17. vbi ait. Si principia consilij non approbantur, prudētia est vt vtili addita prouisione reparentur, si claudicat & ad prima statuta dispositio, adhibeatur & secunda correctio; rectius est incongrua constitutione submotā, ad meliorem transire sententiam, quā statutis pertinaciter inharēdo, grauioribus peccatis obligari. Quod probat ex parabola quæ est apud Matth. in qua pater duos filios misit ad operandum in vinea, quorum alter ire noluit statim, alter autem obediuit, sed non iuit. Sed nec illi profuit, inquit Cassian. humiliter responsio, quia præceptum paternum non impleuit; nec alteri nocuit refragatio paternæ iussionis, quia exequutione cōpleuit id, quod reprehensibiliter obrectauerat, & definitione correctā laudabiliter emendauit; quod non faceret si obstinatus omnino permaneret.

Sicut autem proprium est illius sapientiæ quæ desursum est, suadibilem se præbere; sic etiam proprium est sapientiæ terrestri, mundanæq; ignorantia indurata omnino esse, & nullis aut monitis, aut exhortationibus emolliri, & suaderi, Qua de re videndus Greg. 13. Moral. cap. 14. vbi ponderat ea verba Iob. *Igitur vos omnes conuertimini, & venite, & non inueniam in vobis vllum sapientem.* Quid est, ait Gregor. quod eos ad sapientiam vocat, & tamen optat, ne illos sapientes inueniat? nisi quod ad veram sapientiam venire non possunt, qui falsæ suæ sapientiæ fiducia decipiuntur, de quibus scriptum est; *Va qui sapientes estis in oculis vestris, & coram vobismetipsis prudentes.* Iai. 5. Et quibus rursus dicitur; *Noli te prudentes esse apud vosmetipsos.* Vnde idem Prædicator egregius, hos quos carnaliter sapientes inuenerat, vt sapientiam veram perciperent, prius fieri stultos quærebat, dicens; *Si quis inter vos videtur sapiens esse in hoc sæculo, stultus fiat, vsq; sapiens.* Quibus verbis vult Paulus, vt qui ad diuinam sapientiam accedit, suadibilis omnino fiat, se ignorantem omnino, & veluti stultum reputando, quod doctus euadat per infusionem sapientiæ de super descendētis, alioqui indoctus remanebit, & frustra laborabit qui eum edocere voluerit.

V N D E D. Irenæ. lib. 4. aduersus hæres. cap. 41. existimat propterea dixisse Paulum se abundantius præ omnibus laborasse, quia cum ipse Prædicator & Apostolus, & Doctor gentium esset constitutus, magis laboriosum, & arduum ipsi fuit gentibus, quæ scientia, & vana doctrina pollebant, veritatem suadere, & in earum animos introducere. Videndus etiam August. Serm. 13. de verbis Apostoli, vbi ait: Impia mens odit etiam ipsum intellectum, & homo aliquando nimium mente peruersa timet intelligere, ne cogatur, quod intellexit, facere: quibus quando voluerint, non adueniet vera sapientia, quæ solis suadibilibus, & obedientibus, cum suadibilis, & obediens sit, communicari solet.

Vera sapientia pietate, & misericordia plena.

PLENA deinde est sapientia cœlestis misericordia. Desinitur autem misericordia ab Aug. lib. 1. 9. de Ciuit. Dei c. 5. Est alienæ miseriæ in nostro corde compassio. Et D. Thom. 2. 2. q. 30. art. 1. & 2. & 4. Dicitur misericordia ex eo, quod aliquis habeat miserum cor super miseria alterius, & de ea doleat: quia verò dolor, ac tristitia est de proprio malo, in tantum aliquis de miseria aliena tristatur, aut dolet, in quâtum miseriâ alienam apprehendit vt suam. Sapientia ergo cœlestis plena est misericordia, & hac in re Deum imitatur, qui diues est in misericordia, quia quo plus agnoscit aliorum miseras, & labores, eo amplius circa eos afficitur. Quod dixit Paulus;

2. Cor. 11

Quis infirmatur & ego non infirmor? Addit verò D. Thom. ibi lect. 4. In corde dolens de eo, sicut de me; quis scandala patitur, malo scilicet pœnæ, & quis patitur tribulationes, & ego non vror igne compassionis?

Cap. 9.

ET Hierem. vult caput, aut cerebrum in aquam fundi, & oculos verti in fontes lacrymarum ad præsentiam calamitatum Hierusalem. Quod argumentum prosequitur Cyp. lib. de Lapsis; vbi ait: Doleo vobiscum fratres, cum singulis copulo pectus meum, cum iacentibus iacere me credo, in prostratis fratribus, & me prostrauit affectus. Quibus habet similia Gregor. 3. Moral. c. 10. quod etiam notauit Chrysost. hom. 25. in Genes. in eo, quod Deus à foris clausit ostium arce Noë in diluui. Claudit Dominus, ait, forinsecus arcam, ita vt non posset videre iustus generalem omnium interitum, vnde fiebat, vt maiori dolore conficeretur. Nam si expèdisset secum atrocissimam illam tempestatē, mœstitia correptus, & valde turbatus fuisset. Bonorum enim virorum animæ magnam compassionem habere solent, si quando vident puniri homines, etiam si mali sint qui pereunt.

Genes. 9.

FACIT etiam id, quod dixit D. Leo Serm. 10. de Quadrages. Pulchrum valde est, & diuinæ beneuolentiæ comparandum, sui quemque in altero meminisse; & Serm. 11. Apud summum Patrem, qui non fuerit in charitate fratrum, non habebitur in numero filiorum, sed cum diabolo potius commutabitur. De quo Bern. Serm. 3. de verbis Isaï c. 6. Tu quidem habuisti miser lucem, sed ardorem non habuisti; bonum erat tibi, si ignifer magis es, quàm lucifer, nec tam immoderato appetitu lucendi, vt eras frigidus, p̄ se frigidam quoque eligeres regionem. Quibus habet similia de gradibus humilitat. dicens: O Lucifer non iam lucifer, sed noctifer, aut etiam mortifer. Qui enim nullū charitatis lumē habuit, in cecitatis nocte remansit.

DEBET ergo verus sapiens instat ap̄is esse portantis ceram & mel, vnde scilicet lumen accendat scientiæ, & infundat saporem gratiæ, ac misericordiæ, sicut prosequitur idem Bér. Ser. 8. in Cant. Proindeque ij, qui similes Filio Dei, ac Diuinæ sapientiæ esse debent, misericordes sunt; qui verò crueles, insipientes omnino sunt, qui ad ostensionem alienæ calamitatis potius latantur, quàm cōmoueantur. Ideoque Deus per Michæam dixit;

dixit, *Nolite annunciare in Geth, lacrymis ne ploretis.* Geth vna de quinque vr-
 bus Palaestina erat, vicina Iudaeae confinio; vnde fuit Gethiath, vt ait D. Hieron. Miech. 11.
 Ait ergo Deus: Nolite haec mala, quae vobis praedico, annunciare in
 Geth à Barbaris scilicet habitata, ne ferarum more insipientes incircun-
 cisi latentur. Taléque est illud; *Nolite annunciare in Geth, neque annuncietis in* L. Reg. 1.
compiis Ascalonis, ne forte latentur filij Philistinum, ne exultent filia incircunciso-
rum.

In quam sententiam videndus Theophyl. qui aduertit, conseruum il-
 lum crudelē, & immisericordem egressum fuisse à domino suo, quando
 tenens suffocabat conseruum. *Egressus*, inquit sacer Textus, *seruus ille, inuenit* Mat. 18.
unum de conseruis. Ait ergo Theophylact. Nullus, qui in Deo manet, cōpas-
 sionis expers est, sed ille seruus egressus erat, & à Deo alienus erat. Ideo-
 que fatuæ & immisericordes Virgines à consortio, & nuptiis sponsi exclu-
 duntur, quia misericordiae oleum secum non habuerunt, quod tamen non
 defuit sapientibus, quia vera sapientia misericordia plena est, & operibus
 bonis, de quibus à nobis satis dictum est.

§. VII.

Sapientia non malè de aliis iudicat.

SAPIENTIA etiam non iudicans est, id est, malè de proximo iudicans, &
 sine fundamento. Cum tamen rectum iudicium ad sapientiam potius
 pertineat, sicut notauit D. Hieron. Isai. 1. ad ea verba; *Quarite iudicium.* vbi Isai. 1.
 Hieron. ait: Ostendit non esse omnium rectè iudicare, sed eorum, qui pru-
 dentes sunt. Denique & Salomon in visione per somnium hoc à Deo po-
 stulauit, vt accepta sapientia, iuste populum iudicaret. Non est ergo iudi-
 cans sapientia, temere imprimis, & sine fundamento. Inde enim inceptit ho-
 minis insipientia, ex eo quod mulier iudicauit insipienter de oblato per
 serpentem pomo. Dicitur enim; *Edidit mulier, quod bonum esset lignum ad vescen-* Gen. 3.
dam. Super quæ verba ita ait Ambros. lib. de Paradiso cap. 13. Infirma au-
 thôr iudicij, quæ de eo, quod non gustauerat, iudicabat. Et ideo non facilè,
 nisi quid diligentius pertractauerimus, quod interiori probauerimus affe-
 ctu, videtur ad opus aliquod esse sumendum. Neque enim iudicat sapien-
 tia, nisi præuio examine, & præhabita probatione.

Hoc imprimis Deus docuit, dixit enim: *Descendam, & videbo vtrum clamo-* Gen. 18.
rem, qui venit ad me, opere compleuerim, an non. Quæ verba explicat D. Greg. lib.
 19. Moral. cap. 14. dicens; Ecce malum, quasi cum difficultate credidit, cum
 audiret, & tamen sine tarditate percussit, cum verum agnoscendo reperit;
 vt nobis daret exemplum, quod maiora crimina, & tardè credenda sunt,
 cum audiuntur, & citius puniendae, cum veraciter agnoscuntur.

FACIT etiam pro præsentī argumento id, quod notauit Chrysol. Ser. 125.
 circa parabolam de homine diuite, qui vocauit villicum diffamatum, eique
 dixit, Luc. 16, *Quid hoc audio de te?* cum tamen homo diues Deum significet,

cuius sapientiam nihil latet, aut fugit. Ait ergo Chrysolog. Cognita, velut audita imputat, quia in reum non vult accelerare sententiam, & consultum penes se, velut accusatum conuenit; quia iudicium gestit venia sic praeire, simulque vt nos doceat iudicium suspendere, ne citò proferatur.

Ioan. 13.

NEQVE, cum Christus Dominus dixisset: *Et vos mundi estis, sed non omnes*, statim addit Euangelista. *Sciebat enim, quis esset eum traditurus, propterea dixit: Non estis mundi omnes.* Vnde Nazian. Orat. in laudem Athanasij; Malus celerrimè etiam adducitur, vt bonum etiam virum condemnet, contra vir probus ne malum quidem facillè condemnauerit.

Si autem velimus rationem indagare, cur homines malè de aliis iudicent, ea profectò reperiuntur, quòd scilicet fratres non diligant: solet enim charitas & aliena peccata operire, & bene de aliis sentire. Quod appositè probatur ex eo, quod D. Irenæ lib. 3. cap. 11. legit illud Matth. 12. de sumptum ex Isai. 42. *Ecce puer meus, quem elegi, & in quo bene complacui*, legit inquam, *ille in quo bene sensi*: statim enim atque aliquis per charitatem complacet in patre, illicò de eo bene sentit, ac iudicat. Similis prorsus est ille alius locus apud Matth. in cap. 17. *Hic est filius meus dilectus, in quo mihi bene complacui.* vbi D. Cypr. lib. de Baptismo, & lib. 1. contra Iudæos legit, *de quo bene sensi.* Verbū enim Græcū utrūque significat, sicut aduertit Card. Tol. in cap. 3. Luc. annotatione § 1. Qui ergo rectè diligit, rectè iudicat. Et D. Hierony. de vitando suspecto contubernio: Facilius malà credunt homines. Videndus etiam Epiætet. Enchirid. cap. 60. dum ait: Lauatur quis citò, ne dicas malè eum lauari, sed citò; bibit quis multum vini, ne dicas malè, sed multum: nisi enim eius consilium scias; vnde scis an malè? Sic enim accidet vt aliorum apprehensas imagines accipiamus, aliis autem assentiamus.

SICVT enim multi dixerunt, in simplici apprehensione non reperiri veritatem, aut falsitatem: sic & nos simplici apprehensione non debemus tribuere veritatem, statim de eadem iudicando, sed debet iudicium præcedere informatio, quæ est velut apprehensio, sicut notauit D. Thom. 1. poster. lect. 1. Namque, sicut dixit Hierony. epist. 5. non conscientia latebras hominibus scire, aut nudare permissum est, dicente Scriptura; *Homo in facie videt: Deus autem in corde.* Propterea ergo sapientia non iudicat. i. sine fundamento, & insipientium more. Vnde Ber. epist. 42. ponderans ea verba Christi Ioa. 5. *Pater non iudicat quenquam, sed omne iudicium dedit filio*; quia filius hominis est, ait, & ego mihi præsumam, quod nec ipse Pater ex eo sibi assumit?

NEQVE etiam malè de aliis iudicat: nam cum & se sapienter agnoscat, & aliorū imbecillitates nouerit, in iudiciū iniquum nullatenus adducitur. Tota namque ratio malè de aliis iudicandi prouenit, quòd prius impij, & imprudentes iudices nostri simus. Quod notauit Ambr. Ser. 20. in Ps. 118. dicens: Graue est de alio iudicare; scriptum est enim: *Noli de alio iudicare, & non indicabimini.* Cum enim vnusquisque sit suorum conscius delictorum, quomodo de alterius iudicare potest peccato? Iudicet de alterius errore, qui non habet, quod in seipso condemnet, iudicet ille qui non

Luce 6.

non agat eadem, quæ in alio putauerit puniendam, ne cùm de alio iudicat, in se ferat sententiam.

Hic s habet similia Greg. hom. in c. 7. Luc ubi agit contra Phariseum Luc. 7. malè de Christo, & Maria iudicantem. Necesse est, inquit, semper, vt cùm quosunque peccatores aspiciamus, nosmetipsos prius in eorum calamitatibus desicemus; quia fortassis in similibus, aut lapsi sumus, aut labi possumus. Et 3. Moral. c. 18. Qui ad alta virtutum surgere vetaciter appetunt, cùm alienas culpas ostendunt, mox ad cor proprias reducunt, & tanto rectius illas diiudicant, quanto verius istas deplorant.

In quam sententiam facit id, quod Sponsa de diuino Sponso, Sapientia scilicet Dei, ait: *Venter eius eburneus*; ex Heb. verò dicitur, *Venter eius candidus*, Cant. 5. *nividus, splendidus, sicut ebur*. vbi indicatur ventris. i. pectoris, animi, seu mentis mundities, & puritas, cogitationum nitor, ac splendor. Septuaginta verò habent; *Venter eius, fixis eburneus*; vt nitamur imitari diuinam Sapientiam, quæ mentem habet vnguentis suauissimis plenam, vt nihil inde per verba exeat, nisi suauissimis odoribus conditum, nihil ibi fœtidum, aut putidum sit, nihil contra famam, ac bonum nomen proximi verbis eruitemus, nullum fœdum, ac turpe iudicium contra proximum in nobis reperiatur: sed quicquid à mente nostra processerit, & quodcumque iudicium efformauerimus, efflet odorem è domo, & ventre eburneo, & audientes videant, & audiant iudicia, & verba nostra flagrantia vnguentis optimis. Is enim qui verè sapiens est, de aliis minimè iudicat, eos condemnando, vel quia propria agnoscit mala, vel quia nescit de aliis nisi bona iudicare.

Non iudicat etiam sapientia creata; quia sola diuina Sapientia potest de hominibus iudicare: *ipse enim nescit quid sit in homine*, cùm noscat omnes. Ioh. 1. qua de re videndus Tertull. lib. præscript. c. 3.

At verò hominis iudicium plerumque deficit, multisque modis aberrare solet. Præcipuus verò, maximèque vñtatus est, cùm secundum præterita vult iudicare præsentia. In quo maximè decipitur, & de quo mysticè intelligit Lorin. illud, Ps. 6. *Inueteraui inter omnes inimicos meos*; solet enim ab inimicis repeti & renouari vetustas veteris hominis, etiam si renouatus iam sit, eumque iudicant secundum priorem vitam, cùm tamen non sint reprobandi, nisi qui actualiter iniquè agunt, non verò qui iniquè egerunt, sicut optimè notauit D. Hierony. ad illa verba eiusdem Ps. *Discedite a me omnes qui operamini iniquitatem*; vbi aduertit, non dixisse Prophetam, omnes, qui operati estis, sed, qui operamini: potest enim qui operatus est iniquitatem, resipuisse, & virtutem modò operari. Vnde D. Hierony. epist. ad Rustic. de Deo ait: Vnumquemque iudicat, sicut inuenerit, nec præterita considerat, sed præsentia; si tamen vetera crimina nouella conuersatione mutantur. Ideoque deceptus est Simon, dum Mariam ex præteritis iudicans, Christum Dominum caluniabatur, quòd eam ad se recepisset; nò vidèdo, Luc. 7: quæ & qualis tunc esset. Erat enim eadè, sed altera; altera, sed ipsa, sicut eleganter prosequitur D. Pet. Chrysol. Ser. 74. & 75. Verus proinde sapiens ne in falsum & erroneum iudicium incidat, non iudicans debet esse.

§. VIII.

§. VIII.

Vera sapientia secum non admittit simulationes, & falsitates.

EST etiam iustorum sapientia sine simulatione; quod prosequitur D. Greg. lib. 10. Moral. c. 16. ad ea verba Iob. *Deridetur inisti simplicitas*, ubi sic ait: Huius mundi sapientia est, cor machinationibus tegere, sensum verbis velare, quæ falsa sunt, vera ostendere, quæ vera sunt, falsa demonstrare, at contra sapientia iustorum est, nihil per ostensionem fingere, sensum verbis aperire, vera ut sunt, diligere, falsa deuitare, bona gratiæ exhibere, mala libentius tolerare, quam facere, nullam iniuriæ ultionem quærere; sed hæc iustorum simplicitas deridetur, quia ab huius mundi sapientibus puritas vitæ, fatuitas creditur; & hæc est ratio, cur simplicitas prudentiæ adiungatur. *Esote prudentes sicut serpentes, & simplices sicut columbæ*; & de contra insipientiæ adiungatur fraudulentia. *Non vocabitur ultra is, qui insipiens est, Princeps, neque fraudulentius vocabitur maior.*

HÆC est ratio, cur Spiritus sanctus, qui Spiritus sapientiæ dicitur; secundum elegantem, nec omnino improbabilem sententiam D. Thomæ 3. p. q. 39. art. 7. quicquid recentiores reclament, dixerit, eam columbam, in qua Spiritus sanctus apparuit, fuisse veram columbam; quæ est sententia Augustini lib. de agone Christiano. c. 22. Anselmi in c. 3. Mart. & Hugonis Cardini in c. 2. Ioan. ut Scholasticos multos omittamus in 1. sentent. Nam, sicut dixit D. Thom. Spiritus sanctus, cum sit Spiritus veritatis, non debuit fictione aliqua uti, & appareri columba homines fallere, qui etiam neque animabus nostris sapientiam infundit, quæ simulata & fallax sit: hoc enim maximè detestatur Deus, ut videre est in eo præcepto Deut. ubi pro-

Deut. 22. hibet ne vir muliebre habitum simulet, aut mulier virilem induat.

Vnde Rupert. lib. 3. in Exod. c. 37. aduertit illud, quod habetur in **Exod. 22.** Exod. *Siquis per industriam occiderit proximum suum, per insidias ab altari meo auelles eum, ut moriatur.* Ab altari, inquit Rupert. meo auelles eum, ut moriatur. i. etiam si ad altare meum confugerit, illuc usque persequeris eum, auulsūque interficies, quia videlicet ei nihil debet fides altaris, qui per dolum occidendo proximum, omnem fidem perdidit.

Ivre ergo nemo, vel Salomonis iudicium, vel Banaïæ manum reprehendit, quia Iob profugum in tabernaculum Domini, tenentemque cornu altaris, & dicentem: *Non egrediar, sed moriar*; ibidem ingressus interfecit, quia occidit duos viros iustos meliores se, Abner, & Amasan principes militiæ, & effudit sanguinem belli in pace. i. in osculo pacis dicendo, *Salve mi frater, tenens manu mentium eius, more osculantis*, non, inquam iure quisquam hoc reprehendit, quod hic talis auulsus est ab altari, & interfectus, dicente Domino de huiusmodi, *Ab altari meo auelles eum, ut moriatur.* Videndus etiam idem Rupert. ad ea verba Sophoniæ: *Visiabo super omnes qui indui sum veste peregrini*

peregrina. Usque adeo inimicus est Deus simulationis, qui simplicem tantummodo sapientiam, & sine simulatione infundit. Plura de hoc argumento diximus cap. i. n. 8. §. 4.

Verf. 18. *Fructus autem iustitiae in pace seminatur facientibus pacem.*

EXPOSITIO LITERALIS.

TO T A M doctrinam traditam claudit Apostolus docendo contra contumeliosos, & inuidos, de quibus supra multa dixerat, pacis studiosos ingentem fructum, ac mercedē recepturos esse. PRO intelligētia ergo istius loci notandum est id, quod dixit hic Beda. Omne quod in hac vita agimus semen est futuræ retributionis. Quod dixit Paulus ad Galatas; *Quicumque seminaueris homo, hoc & metes;* *Galat. 6.* quicumque enim seminat carnem, de carne metes corruptionem, qui autem seminat in spiritum, de spiritu metes vitam aeternam. Fructus etiam iustitiæ interdum vocatur operatio virtuosa ex iustitia procedens, iuxta illud; *Habeis fructum vestrum in sanctificatione,* id est, ut magis ac magis sanctificemini, continuis virtutum operibus. Et Ioan. Bap. *Omnis arbor quæ non facit fructum bonum, excidetur.* Duplex itaque fructus, alter in hac vita, scilicet maior sanctificatio, nouæque gratiæ infusio, alter in gloria. De utroque potest intelligi hic locus, sed ferè de postremo intelligitur.

FRUCTUS ergo iustitiæ seminatur, id est, exercetur, vel promeretur in pace. Imprimis cum Deo, cum sibi per poenitentiam reconciliando, illique omnino adhærendo diuinæ consortes naturæ facti per gratiam, in qua quādiu sumus pacem habemus cum Deo, quod dixit Paulus; *Iustificati in fide pacem habeamus ad Deum.* *Rom. 5.*

DEBEMUS etiam seminare in pace cum proximo, quam Deus maximè requirit, & monet Paulus: *Si fieri potest, quod in nobis est, cum omnibus pacem habemus.* Adderent hoc loco nouiores Hæretici, debere etiam seminari fructus iustitiæ in pace, & tranquillitate conscientiae orta ex fide, qua homo credit sibi esse remissa peccata per Christum. Sed audiant Apostolum dicentem, *Cum metu & tremore vestram salutem operamini.* *Rom. 12.* *Philip. 2.*

ILLUDQUE hoc loco notandum ex Orig. in c. 5. epist. ad Rom. pacem apud se iustos non habere, passionibus aduersus rationem militantibus, & carne concupiscente contra spiritum, & dæmone impugnante. Quod dixit Aug. Ser. 12. de verbis Apostoli. Nihil in te alteri resistit? Vide ne fortè ideo non sit bellum, quia pax peruersa est, fortè in totum carni consentiens, & nulla tixa est. Qua de re videndus Nazian. Orat. 16.

Es t ergo sensus: Fructus gratiæ, vel gloriæ promeretur, ac obtinetur per opera facta in pace cum Deo, & cum proximo, fiuntque talia opera in commodum, & utilitatem eorum, qui pacem faciūt, id enim significat

Paëz in Epist. B. Iacobi Apost.

XXx

(facien

(*facientibus pacem*;) id est, pacificis. Neque verò est contra hunc locum ille
Gal. ii. 5. alius diui Pauli: *Fructus spiritus est pax*; quia semen & fructus eiusdem ratio-
 nis sunt, & Deus pacis, & dilectionis eam semper in nobis voluit reperiri.

§. I.

Quàm necessaria sit pax fidelibus.

Matt. 5. **H**ic ergo locus ostendit, quàm necessaria sit pax ad hoc, vt Deo pla-
 ceamus in operibus nostris, quod Christus Dom. significauit, cum di-
 xit: *Si offers munus tuum ad altare, & ibi recordatus fueris, quod frater tuus habet ali-*
quid aduersum te, relinque ibi munus, & vade prius reconciliari fratri tuo, & tunc ve-
niens offeres munus tuum.

Ex quo imprimis præcepto colligitur, quàm intolerabilis culpa sit ini-
 micitia cum fratre, cum propterea hostia, & oblatio reprobetur, qua etiam
 reprobata, Deo nulla sunt acceptabilia; quantaque pax, & dilectio in Sa-
 cerdotibus, & fidelibus requiratur, qui immaculatam hostiam Patri offe-
 runt, & incruento astant sacrificio. Vnde & olim in altari semper conser-
 uatus est ille ignis, qui de cælo descendit, vt obseruat Lyr. in c. 4. Num. ex
 Rabbi Salom. quia illa charitas decet viros Ecclesiasticos & Religiosos,
 quæ ex cælo oritur, & nunquam extinguitur, sed perpetuò conseruatur.

ILLUD insuper aduertendum, quod notauit Greg. 3. p. Pastoral. admo-
 nit. 2. 3. Cum mala cætera bonis sequentibus diluantur, pensemus, inquit,
 quanta mala sunt discordiæ, quæ nisi extincta funditus fuerint, bonum
 sequi non permittunt, quia scilicet semen omnino corruptum reddunt;
 vnde fructus poterat exoriri, imò quantumuis cæteris virtutibus quis pol-
 leat, Deo sine pace, nullatenus placere poterit. Exemplumque offert idem
 Greg. Vt si fortasse, inquit, carnem præ cæteris gulæ refrænatione quis
 edomat, concordare verò eis, quos superat, abstinendo, contemnat, quid
 cum admoనేat Psalmista, perpendat; ait enim: *Laudate eum in tympano, &*
choro. In tympano namque sicca, & percussa pellis resonat, in choro au-
 tem voces sociatæ concordant. Quisquis itaque corpus affligit, sed con-
 cordiam deserit, Deum quidem laudat in tympano, sed tamen cum non
 laudat in choro. Quasi inde colligat Greg. nostra opera quantumuis à cæ-
 teris virtutibus procedant, nisi in pace seminentur, nullatenus Deo pla-
 cere posse, nec in laudem ipsius cedere.

Psal. 88. Hoc etiam prosequitur Orig. hom. 7. in Num. cum ponderat ea verba
Pf. Beatus populus, qui scit iubilationem. Non dixit, ait Orig. qui operatur iusti-
 tiam, vel qui scit mysteria, vel qui scit cæli ac terræ, & syderum rationem,
 sed beatus, qui scit iubilationem. In aliis timor Dei beatū facit, sed vnum

Psal. 111. tantum hominem beatum facit. *Beatus vir, qui timet Dominum;* alibi plures
Matt. 5 fiunt beati, sicut pauperes, vel mansueti, vel pacifici, vel mundi corde. Hic
 beatitudo profusa est, & tantæ hic nescio quæ causa beatitudinis indicatur,
 vt vniuersum pariter populum faciat beatum. In tantum enim placet Deo
 sanctum

sanctum pacis semen , vt sanctos reddat vniuersos fructus , qui in ea seminantur, & non in peculiari quodam solo , vt cætera terræ semina solent, fructificent, sed in quancumque terram iaciatur hoc semen, quod è cælo Angeli attulère, inde ad cælum iterum fructificando surgit, & terrenum hominem eleuat.

Quod si velimus expendere, cur Deus tanti faciat pacem, nulla alia potior occurrit, quàm quòd pax maximam Dei similitudinem refert , in quo cum tres personæ sint, vnica voluntas est, vnus amor, omnimodique consensus reperitur. Etenim, si ex vnitæte fidei similitudinem cum Deo colligit Nazianz. Orat. 2. de pace in hæc verba: Quòd ad diuinitatem attinet, non minùs, quàm ipsa secum diuinitas (nisi hoc nimium sublimiter, ac magnificè à me dictum videatur) inter nos consentimus, còcordesque sumus, labiùmque vnum, & vox vna existimus, contrario tamen modo, atque ij, qui tutrim olim extruebant, animo, atque ore Patrem, & Filium, & Spiritum sanctum celebremus, idque de nobis prædicetur, quòd verè in nobis sit Deus, eos, à quibus vnitur vnus est, maior cū ratione ex dilectione, amore, & pace debet colligi. Qua de re dixit idem Nazian. Orat. 1. de pace. Trinitas quidem Deus vnus est, & esse creditur, non minùs propter concordiam, quàm propter substantiæ identitatē, ac proinde ait: Qui pacis bonum amplexantur, eiq; còtrariam dissensionē seditionemque infensè oderunt, ad Deū, diuināsque mentes accedunt, ipsūque Deū, & adoradissimā Trinitatem in terra referunt. quod etiam prosequitur Ber. Ser. 5. de Assumptione. Si ergo, inquit, Deus vnus est, dicente Moyse; *Audi Israel, Dominus Deus iuus, vnus est*, & nos quisque sibi vnus per integritatem virtutis, & vnum cum proximis per vinculum dilectionis esse debemus.

D. i. 5.

Hinc est, quòd Deus iussit arcam Noè interiùs, externūque bitumine obliniri, vt facer Textus asserit Gen. 6. Reddit autem rationem D. Isid. in Genes. 14. Vt ex compage, inquit, vnitatis significetur tolerantia charitatis, ne conculsa Ecclesia ab his, qui intus, vel foris sunt, cedat à fraterna iunctura, esset enim bitumen feruentissimum, & significat dilectionis feruorem ad tuendam societatem omnia tolerantem, &c.

DEINDE etiam tanti facit Deus pacem, quia, velut propriam virtutem, & peculiare Dei bonum in iis, in quibus reperitur, agnoscit pacem, eamque proinde iis plus cæteris communicat. Pro qua re notandus celebris locus apud Nazian. Orat. 3. de pace. Vbi aduertit, Deum sibi omnibus modis pacem vendicasse, & omnibus titulis propriam fecisse. Sic enim ait Nazianz. Pax amica, meditatio mea, & Deus meus, quā & Dei, & cuius Deum, & quam Deum esse, Scriptura pronunciat. Namque modò dicitur pax esse Dei. *Pax Dei, quæ exuperat omnem sensum*. Modò ipse Deus dicitur pacis. *Deus pacis, & dilectionis*. Deinde etiam pax, dicitur Deus, vel Deus, nominatur pax. *Ipse est pax nostra*. Non potuit autem ampliùs pax ipsa commendari, quam vt Deo toties coniungeretur, & Deus illi veluti addiceretur.

Philip. 4.
1. cor. 13.
Ephes. 2.

Hanc & Filius Dei secum è cælo detulit, prædicauit hominibus, legauit moriens, reliquit post mortem, professusque est, dum vel traditorum,

X X x 2 amicum

Ioan. 10.

amicum appellauit, & quod omnes in visceribus pietatis vniret, & colligaret, latus aperiri voluit, proindeque dum pacem dedit, post resurrectionem latus insuper apertum ostendit. Dixit enim, *pax vobis, & ostenditeis latus.* Vnde Guarric. Sermon. 4. in Ram. palm. Latus perforari sibi tulit, & se mihi totum aperuit, vt ingrediar in locum tabernaculi admirabilis, & protexit in abscondito tabernaculi sui. Similiaque habet Bernardus. Sermon. 7. in Psalm. *Cy habui.* Denique, si velimus perspicere omnia, quæ Filius Dei in carne egit, pacem redolent, ac resonant, vt iam liceat cum Psalmista dicere *Venite, & videte opera Domini quæ posuit prodigia super terram, auferens bella usque ad iugum terræ, arcum coniecit, & confringet arma, & scuta comburet igni.*

NOTANDVS QVE venit hic quidam locus apud D. Paulinum epistol. 2. qui rem prorsus videtur conficere, nobisque ostendere, quanti Christus Dominus pacem faciat; ponderat enim osculum proditoris Iudæ libenter Christum Dominum suscepisse, vt illo violatam, & repudiatam à Iuda pacem, & amicitiam, veluti ab indigno subiecto colligeret, ne pretiosum pacis donum, in pacis inimico periret. Osculum, inquit, Paulinus. non ideo suscepit, vt pacem proditoris acciperet, sed vt suam ab alienato reciperet.

In cælo verò vbique relucet pax, imò cælestis Hierusalem pace circumdata est, cum muros de pace constructos habeat, sicut prosequitur Augustinus. Sermon. 168. de Tem. Ibi enim confregit Dominus potentias, arcum, scutum, gladium, & bellum; quia in pace factus est locus eius, & non est umbraculum Domini, nisi ubi pax est. Quod prosequitur D. Hieronymus. in Psalm. 85. tom. 8. Cælestibus insuper ciuibz nihil tam proprium est, quàm pax, & concordia, sicut docet Nazianzenus. Orat. 1. de pace. Itaque pacem æstimat Deus, vt propriam virtutem eam agnoscens, & fructus, qui in pace seminantur, remunerat. Ideoque ubi pacis vocem audit, statim fructus quibus delectatur, appropinquare censet. Flores, inquit, apparuerunt in terra nostra, tempus putationis aduenit, vox turturis audita est, sicut protulit gressus suos. Hæc omnia bona prædicat, & aduentare affirmat diuinus Sponsus audita voce turturis, quæ vox confortij, vniionis, & pacis est, sicut ponderat Bernardus. Sermon. 59. in Cantic. Est enim ea auis socij amantissima.

§. I I.

Prosequuntur rationes pacis inter fideles, & belli cum concupiscencia.

Ioan. 17.

DEBEMVS etiam pacem habere cum fratribz nostris, eodem Deo parente natis, eisdemque doloribus in cruce renatis, pro qua ipse Patrem exorauit dum dixit: *Rogo vt omnes vnum sint, sicut tu Pater in me, & ego in te.* Intelligendum autem est de vnitæte charitatis, non naturæ, id, quod ait, *vt & ipsi in nobis vnum sint,* sicut exposuit Augustinus. tractat. 14. & 39. in Ioan.

IDEOQVE Origenes. homil. 13. in Leuit. ex præsentī Iacobi loco deducit, non posse accepta esse Deo opera nostra nisi in pace peragantur. De hac olia,

ua, inquit (pace scilicet) oleum premamus operum nostrorum, ex quo lucerna Domino possit accendi, ut non in tenebris ambulemus: qui diligit fratrem in charitatis luce perdurat, & cum fiducia potest dicere: *Ego sicut oliva fructifera in domo Dei*. Est enim olua symbolum pacis, & concordie. Et Chrysostomus homil. 8. in 1. ad Cor. Ut in Christo uniamur, multa mouere nos debet, quia ipse est caput, nos corpus, ipse fundamentum, nos edificium, ipse vitis, nos palmites, ipse pastor, nos oues, & cetera quæ prosequitur; & ostendunt necessitatem pacis & concordie inter nos, & ipsum Deum.

VIDENDVS item Ber. Ser. 5. de Assumptione, ubi ostendit semen meritum, de quo loquitur Iacobus, in pace contineri, & insuper fructum in beatitudine, ita enim sibi correspondent, & semen, & fructus. Vnitas, inquit, Sanctorum alia est quæ iustificat, alia quæ glorificat. vna meritum, alia premium, vnitas quæ in hac vita habetur, est decus suauitatis, de qua scriptum est; *Eccè quàm bonum, & quàm iucundum habitare fratres in vnum*. Cum enim descripsisset Propheta pulchritudinem, non tacuit utilitatem, quoniam illic mandauit Dominus benedictionem, & vitam, hic benedictionem, in futuro vitam æternam.

SIMILIA habet Serm. 1. de Sancto Michaële, ubi ponderat illud Pauli: *Nemo in Spiritu Dei loquens, dicit anathema Iesū*; quia anathema separatio est, & omnis quia ab vnitate diuiditur, non dubites, quin ab eo recesserit spiritus vitæ; ubi autem spiritus vitæ non est, quomodo fructus vitæ adesse, & reperiri potest? Nec omittendus Ambrosius. dum reddit rationem quare fideles inter se pacem, & vnitatem debeant seruare; sic enim habet Serm. 10. Si te non læsit frater, obsequium meretur, ut vincas; hæc enim nostræ Christianitatis summa est, ut amantibus vicissitudinem, lædentibus patientiam rependamus.

NOTAVIT etiam pro præsentis argumento Augustinus. Serm. 27. de Tempore, Deum iussisse Abrahamo, ut animalia diuideret in sacrificio, aues vero integras reliquisse. In turture, inquit, & columba spirituales possunt significari, ut in illis tribus animalibus carnales intelligi. Ergo diligenter attende, quia diuisit animalia in duas partes; aues vero non diuisit, quia in Ecclesia carnales diuiduntur, quod sibi inuicem aduersentur. Spirituales non diuiduntur, quia est illis anima vna, & cor vnum in Deo; fructusque iustitiæ in vitam æternam prouenientes, in mutua concordia, & vnitate seminant.

VIDENDVS denique Euthymius & Theophylactus. in capit. 10. Matth. cum explicant id, quod Christus Dominus suis Discipulis dixit: *Estote prudentes sicut serpentes, & simplices sicut columba*; ut scilicet pacifici omnino sint. Est enim symbolum pacis columba, sicut notauit Tertullianus. lib. de Baptismo 8. & Cyprianus. lib. de vnitate Ecclesiæ; ubi sic describit columbinam naturam. Animal illud est lætum, non felle amarum, non moribus sæuū, non vnguium laceratione violentum, hospitia humana diligit, vnus domus consortium nouit, cum comeant, volatibus inuicem coherent, communi conuersatione vitam suam degunt, oris osculo concordiam

XXX 3 pacis

pacis cognoscunt, legem vnanimitatis circa omnia implent.

CONSERVATUR autem optimè pax & concordia, si fideles columbæ naturam imitentur, vt immemores iniuriarum sint, & placide ad eos redeant, à quibus iniuriam acceperunt. Quod videtur notallè Oseas quando dixit: *Ephraim quasi columba seducta non habens cor*, id est, ad eos sæpe reuertitur à quibus læsa est, & spoliata filiis. Vnde Dauid; *Cum his, qui oderunt pacem, eram pacificus*. Debent ergo fideles pacifici, pacisque amatores esse columbarum more, ne fructibus iustitiæ priuentur.

ADMONENDI tamen sunt pacis amatores, ne dum nimis pacem diligunt, & cum omnibus quærunt, consentiendo peruerlis, ab authoris sui se pace disiungant. ne dum humana foris iurgia metuunt, interni fœderis diffusione feriantur. Nam Dauid dum totum se ad fœdera pacis internæ cōstringeret, testatur, quòd cum malis concordiam non teneat, dicens: *Nōne qui oderunt te Domine oderam, & super inimicos tuos habescam?*

HINC Lewi assumptis gladiis per castrorum media transiens, quia feriendis noluit peccatoribus parcere, Deo manus dictus est consecrassè. Hinc per semetipsam Veritas; *Philatis quia pacem veni mittere in terram non vique, sed gladium*. Et Iosaphat, qui tot de antea acta vita præconis attollitur, de Achab Regis amicitia penè periturus increpatur, cui à Domino per Prophetam dicitur: *Impio præbes auxilium, & his qui oderunt Dominum amicitia iungis*.

PROSEQUITUR hoc argumentum Nazian. Orat. 1. de pace, cum ait: Nec quisquam suspicetur, quòd pacem omnem amandam, complectendamque esse existimem; nam vt optimam quandam dissensionem, ita perniciosissimam quandam concordiam esse perspectum habeo. Cum igitur manifestè se prodit impietas, tunc nobis potius faciendum est, vt ferro, flammis, & turbulentis temporibus, ac principibus, atque omnibus denique rebus obuiam eamus, quàm vt mali fermenti participes efficiamur; nec quicquam perinde metuendum, quàm vt ne quid magis, quàm Deum timeamus.

CVRANDVM tamen est pacis amatoribus, vt quamuis verbis, & zelo nolint consentire peccantibus, parati tamen sint animo, vt illis pacem, & dilectionem adhæreant, quod dixit Dauid; *Cum his, qui oderunt pacem, eram pacificus, cum loquebar illis, impugnabant me gratis*. Quæ verba ita explicat Gregor. 3. p. Pastoral. admonit. 23. Ecce, inquit loquens impugnabatur, sed tamen impugnatus erat pacificus; quia insanientes cessabat reprehendere, nec reprehensos negligebat amare: & cum temporalis pax in prauorum cordibus ex nostra increpatione confunditur, inuiolata necesse est, vt in nostro corde seruetur.


QVO tamen melius seruetur hæc pax, quæ cum Deo, & cum fratribus habenda est, bellum nobis ipsis inferamus, necesse est. Nam, sicut dixit August. Serm. 6. de verbis Apostoli: etsi spiritus concupiscit contra carnem, etsi modò rixa est in ista domo, maritus litigans non perniciem, sed concordiam quærit. Quod etiam profequitur Serm. 13. de verbis Apostoli, & in Psalm. 84. & Bern. de interiori domo cap. 24.

CAPVT



CAPVT QVARTVM.

ARGVMENTVM.



NCREPATORIUM cùm sit totum hoc quartũ caput, tot ferè partes habet, quot vitia mordet. Versatur tamen maximè circa nostros modèrandos affectus in appetitione diuitiarum, & in retentione auaritiæ. Secundò exhortatur nos ad pœnitentiam, & ad vitandas Dei & proximi offensas: tandèmque proponit vitæ breuitatem. Illudque possumus hoc in loco cum Feuard. aduertere, quòd cùm nostra hac ætate non minùs quàm ea qua Iacobus scripsit. plerique Christiani laborent iis vitiis, quæ hoc loco Apostolus increpat, huic quoque sæculo valde commoda, imò & necessaria est huius cap. doctrina.

Verf. 1. *Vnde bella & lites in vobis? nōne ex concupiscentiis quæ militant in membris vestris?*

EXPOSITIO LITERALIS.



DOCVERAT Apost. superiori cap. originem & necessitatem pacis, modò ostendit, vnde discordiæ, diuisionésq; oriantur. Non est autem hoc loco accipiendum nomen *belli*, quo pacto id definit Aug. 4. de Ciuit. Est hostilis dissensio, qua edito Principis, vi, & armis, vel iniuste capta repetuntur, vel scelera reprimuntur, vt homines iuste, & tranquille ex iustitia, & pietate possint

possint viuere. Et quomodo etiam Plato in Alcibiade dixit homines mouere bellum cum aut decipiuntur, aut coguntur, aut spoliuntur. Qua de re videndus August. quæst. 10. in Iosue. Et in iure Pontificio 23. quæst. 1. c. culpam; & Isidor. lib. 17. Etymolog. c. 1. & apud Theologos D. Thom. 2. 2. q. 40. & eius recentiores expositores.

SE D prohibet iniusta bella, quibus & pij vi magna opprimuntur, leges omnes calcantur, & pacis bonum non queritur; quinimò ex appetitu inordinato proueniunt, ipsumque excitant & fouent. Quòd verò attinet ad lites, non solum intelligitur locus de verbosis litibus, sed insuper de iis, quibus ad tribunalia proceditur, ut census augeantur, patrimonium dilatur, proximus domo, facultatibusque cunctis exuatur, ager agro coniungatur, & domus domo copuletur. Quam feralem immanitatem Deus abunde satis vlciscitur. Nam alioquit Deus leges, & iudices in bonum humani generis instituit, ut patet Exod. 18. Deuteron. 5. & 3. Reg. 3. & Christus Dominus Cæsarea leges confirmauit potius, quam infirmauit. Et Eliseus ad agendam in causa viduæ hospitis suæ cum Magistratu se obtulit. Quærenda tamen sunt prius honesta remedia, per arbitrosque componendæ lites, & per internuncios hortandus aduersarius, ne charitatem violet, ne magis sua querat, quam quæ Dei sunt; cumque proximus non potest adduci, ut ab inferendis cesset iniuriis, vel aliena restituat, non impiū fuerit, ut ad officium, & restitutionem, solutionemque Magistratus vi compellatur.

OECUMEN. hoc loco legit; *Unde pugna, &c. nonne hinc? nepe ex voluntatibus vestris.* Vatab. verò; *Unde bella, & pugna? nonne hinc? nimirum ex voluptatibus vestris.* Sumitur autem nomen *concupiscentia* hoc loco, ut notat Dionys. generaliter pro quouis inordinato affectu diuitiarum.

QVAE militanti. Vera militia est, vita nostra super terram, & cunctis diebus nunc militamus, sed videndum, ut in carne ambulantes non secundum carnem militemus, nec arma militiæ nostræ sint carnalia, aut militans homo Deo, implicet se negotiis sæcularibus, sed militemus bonam militiam, aduertamusque iuge bellum partium oppositarum carne concupiscente aduersus spiritum, & hoc aduersus illam. Militant enim concupiscentiæ, id est, nascuntur ex terrenis, inordinatis, mundanisque affectionibus, & imperant, ac regnant in nostro mortali corpore; cum ad ea, quæ mens improba prauè suggerit, manus, vel lingua, & cæterorum membrorum consensus intemperanter obediat, quæ est militia secundum carnem, quam vitandam docet Paulus, imò & vincendam eo agone, & certamine, quod designat oleum, quo baptizandi olim corpore toto vngebantur.

QVA de re videndus Prosper in sententiis sentent. 342. quod etiam significat oleum, quo confirmamur in altero Sacramento, cui nomen inde inditum, ut Confirmatio appelletur, in quo militiæ Christi ascribi censetur. Lyranus verò, *militanti*, explicat, vincunt. Quod confirmari potest ex doctrina Gregorij Papæ, 35. Moral. cap. 13. vbi ait post Adami peccatum victorem extitisse hostem in homine. Si autem velimus bonam militiam militare, debemus exhibere membra nostra, arma probitatis contra iniquitatem;

quiritatem; iisdem, quibus vincit armis, eam deuincere Nam, vt ait Chrysof. homil. 65. in Matth. Tam miles pro patria decertans, quàm sicarius contra domesticos armatus muniuntur, neque armatura crimen id sustinebit, sed illi potius, qui illam in malum conuertunt vsum.

§. I.

Inestinum bellum concupiscentiæ contra spiritum.

MISERAM hominis conditionē prædicat hic locus, cùm ostendat causam discordiarum, ac bellorum ex eo oriri, quod penè vitare non possumus, cùm quicquid in mundo est, concupiscentia sit, sicut docuit Ioan. quæ sola morte finitur. Et hæc videtur maledictio Adæ, vt in terra laboris nostri, & in agro corporis, vel cordis noxii, & inutiles cupiditates vltro, & vbiq; proueniant. Vnde Ambros. lib. 2. de Abraham c. 4. Passiones, punctiones sunt nostræ. Et D. Leo Ser. 4. de Ieiun. Pentecost. Terra carnis nostræ, nisi assiduis fuerit subacta culturis, citò de segni otio spinas, tribulosque producet, & partu degeneri dabit fructum, non horreis inferendum, sed ignibus concremandum. Bernard. verò Ser. 3. de fragmentis; Quàm domesticus, inquit, hostis, quàm perniciosa lucta, quàm intestinum bellum, hostem hunc crudelissimum nec fugere possumus, nec fugare; sed circumferre illum necesse est, quoniã alligatus est nobis. Nam, quod periculosius est, & mirabilius, hostem nostrum ipsi cogimur sustentare, perimere eum non licet. Vide ergo, quàm sollicitè te custodire necesse sit ab ea, quæ dormit in sinu tuo. Quibus similia habet Hieronym. epist. 2. Chrysof. homil. 24. in Act. Apostol. Laurentius Iustinian. lib. 8. de interiori conflictu, cap. 8. Greg. 8. Moral. cap. 13. vbi ait: Quasi latrunculus, est appetitus, recto itinere gradientibus ex latere iungitur, vt ex occultis educto gladio gradientium vita trucidetur. Cùm enim internus hic latrunculus sit, nouit quando fores inimicis possit aperire.

ILLUD autem hac in re notandum, quod idem Gregorius addit. Insuper, inquit, & voluptas, artem mendacium; rem enim inutilem transfert in ordinem vtilium. Est enim verum id, quod etiam dixit Philo lib. 2. legis Allegor. voluptatis, scilicet, decipere proprium esse. Quod prosequitur Nazianzen. Orat. 4. contra Iulian. vbi ait: Facile imposturam facit quicquid delectat. Quod expendit Oleaster in Eua, quando vidit pomum, quod *Gen. 3.* *esset pulchrum, & ad vescendum suauē.* Cùm femina, inquit, cœpit affici scientiæ desiderio, statim pomum oculis apparuit desiderabile, & quod mirabilius est, gustui suauē; nunquam gustauerat, aut senserat; vnde ergo nouerat fructum esse bonum ad vescendum, nisi ex corrupto affectu, armatque cupiditate? quapropter illi eum Daniele possemus dicere. *Species de-* *Dan. 13.* *cepit 16. & concupiscentia subuerit cor tuum.*

QUOD etiam probat locus ille Sapientiæ, vbi dicitur: *Inconstantia con-* *sap. 4.* *cupiscentia transuerit sensum:* quem locum Fulgentius epist. 2. cap. 4. ita *legit;*
Paëz in Epist. B. Iacobi Apost. *YYy*

legit, *Instantia concupiscentia*, ut eius importunum, ac repetitum congressum significet. Aliqui verò codices Græci habent; *Circumrotatio*: proponit enim nobis modò vnā rem, deinde aliam, eandēque modò pulchrā, quæ antea fixa, & indecora erat, ut possit illi compètere, quod dixit Propert. lib. 3. Elegia 6.

Statuea rhombi ducitur ille rota.

Est autem rombus veneficarum proprium instrumentum quadrilaterum, cuius latera omnia sūt æqualia, anguli verò obliqui. De quo vidēdus Scholiastes Martialis lib. 9. Epigram. 22. Nisi ea in gyrum mutatio significet vertiginem concupiscentiæ, dum vna succedit alteri; quod prosequitur Tertull. lib. de pœnitent. dicens: Oppugnat, obsidet, non scandalis, non tentationibus deficit, &c. Transuertit denique sensum, seu elocat, quò facilius decipiatur, sicut Daniel de senibus impudicis dixit: *Eniuerunt sensum suum*; quia libidinosa concupiscentia peruertere solet rationis sensum. Adarguit autem sine malitia; namque sicut dixit Dionys. epist. ad Demophil. qui mala minimè perspicunt, facillè deprauantur, ac peruertuntur simplicium mentes voluptatibus.

EANDEM deceptionem in nobis ab appetitu exortam prosequitur Basil. in elegantissima hom. 6. ex 29. variis de Diuite. Quemadmodum, inquit, qui præ infania mente moti sunt, res non vidēt, sed ex affectione imaginantur, sic anima tibi pecuniæ amore occupata, omnia aurum, omnia argentum videt: Optas omnia ad auri naturam transmutari, quid enim non propter aurum machinaris: frumentum tibi aurum fit, vinum in aurum congelatur, lanæ in aurum mutantur.

Genes. 3. Quid etiam prosequitur Ruper. in Gen. lib. 3. c. 9. Vidit mulier quod esset pulchrum, & ad descendendum suauē. Vidit, ait Rupert. id est, considerauit, diligenter intuita est, curiosius attēdit, & iudex eorum, quæ audierat, ipsa esse voluit. Audierat quòd dixisset Deus: *In quacumque die comederis*, &c. Audierat serpentem è contrario; *Nequaquam moriemini*: at illi qui de hoc iudicare debuerunt interiores oculi, exteriorum iam erant oculorum concupiscentia præpediti, ut non viderent; neque solam mortem corporis, vel quòd duplicem illatura esset mortem non natura ligni, sed transgressio mandati. Itaque solis exterioribus oculis naturam ligni considerauit, & deprehendit malè cauta, quòd in fructu ligni esset venenum mortis.

VIDENDVS etiam hac de re Philo lib. legis Allegor. cum docet, per sensum externos & internos deceptum fuisse intellectum primi hominis, atque etiam cæterorum: quasi sensus externi proposuerint obiectū, quod suauiter sensus internos; & in hunc sensum intelligit ea verba Gen. *Mulier quam dedisti mihi sociam, dedit de ligno, & comedi.* Per mulierem enim intelligit sensus externos proponentes cibum Adamo: & ad illa verba Euxæ, *serpens decepit me*, per serpentem intelligit sensitiuam voluptatem. Propterea autem dixit, *decepit me*, quia voluptas non quale subiectum est, tale illud agnoscit, sed addit, sicut meretrices deformes, videlicet facientes pingentēque faciem, ut tegant suam deformitatem.

VNDE

V N D E Ambros. ad Sabinianum dixit: Nunc intelligo qua causa Deus insufflauerit in faciem hominis; ibi enim sunt sensus omnes, ibi sedes, atque illeceba delectationis in oculis, auribus, naribus, atque ore; ut scūs nostros aduersus delectationes fortiores faceret, atque eos sacrificaret, ne aliquid profanum, aut falsum deferrent in animam. Videndus idē Philo lib. *Quod meres meretricis non sit admittenda in sacrar.* & lib. De Pœnis & Præmiis. Cyprian. lib. de Disciplina, & bono pudicitiae. Senec. lib. de Beata vita, c. 14. ubi ostendit miserimum esse voluptate delectari: cuius aut inopia torquet, aut copia strangulat, sicut feras cum labore venamur, & captarum quoque illarum sæpe sollicita possessio est, cum sæpe lanient dominos; quod etiam contingere solet iis, qui propriis cupiditatibus se credunt, & incaute committunt.

HÆC igitur concupiscentia nobis innata, de qua iam plura diximus cap. 1. v. 14. §. 1. & v. 15. §. 1. nullam in nobis quietem permittit, ubi animam ingrella est, quod partim possumus deducere ex flagrantissimo desiderio Sponsi, cum ita dixit: *Nesciui, conturbauit me anima mea propter quadrigas* Cant. 6.
Aminadab. Quem locum sic exponit Legionensis sequutus Septuaginta Interpretes; Posuit me anima mea quasi quadrigam Principum populi nostri: ut sit sensus; Nesciebam quoniam terrarum te possem inuenire, hoc vnum tamen sciebam meam animam. i. meum desiderium tui videndi, nullam quietem passum fuisse in me, sed velociorem me reddidisse, quam soleant esse cursus optimatum nostrorum. Quod si diuinus Sponsus hoc fatetur de ordinatissimo amore, quid dicendum de miseris concupiscentiis, quæ militat in membris nostris, & quæ velocissimæ sunt ad insequendam rem concupitam, nullamque prætermittunt occasionem commouendi & decipiendi?

Hoc optimè probat ea metaphora, qua vsus est Hierem. ad significandam libidinem, qua Iudaicus populus ad querenda idola inflammatus curabat, sicut ibi optimè explicat D. Hierony. ait ergo. *Onager assuetus in solitudine, in desiderio anima sua, attraxit ventum amoris sui;* estque sensus. Concupiscentia idolorum tam citato impetu ad ea defert hunc populum, ut ipsum aërem, quod citius perueniat, ad se alliciat; quod nos dicimus, ipsos ventos haurire. Nam, sicut dixit Gregor. 6. Moral. c. 11. desideria sunt, quibus tanquam passibus anima accedit, & recedit. Septuag. verò habent; *in desiderio spiritus ferebatur;* quasi concupiscentia vehiculo ex aëre constructo animam deferat, & tam celeriter, ac ventus ipse auolet. Rem magis exposuit Pagnin. & Brixian. dum hoc loco habent; *Attraxit ventum occasionis suæ.* Cum enim concupiscentia, velut hostis, sit in insidiis, statim atque aggrediendi, decipiendique adest occasio, illico eam apprehendit, ac pertrahit, & quantumcumque cum vento ferri videatur, ipsum attrahit ventum occasionis suæ.

QVANDO ergo nata est occasio, armatum exercitum contra rationem producit, nostrosque sensus, quos in nostram perniciem armat concupiscentia, quod dixit Naz. Orat. 1. Nos interne oppugnat, ac nobismetipsis, quo nihil miserius est, tanquam armis in perniciem nostram vtens, pec-

Y Y y 2 cati

Tom 7. cati morte nos afficit, quod etiam deplorabat Paulus cum dixit: *Infelix ego homo, quis me liberabit de corpore mortis huius?*

REM hanc prosequitur Chrysost. in fine Ps. 4. dicens. Neque quæcumque sunt feræ gentes, tam atrox bellum gerunt, quam improba, ac nefaria cogitatio, quæ versatur in penetralibus animi, intemperans libido, & amor pecuniæ, & potentiae vehemens desiderium. Quod etiam prosequitur Aug. Ser. 6. de verbis Apostoli, ubi de concupiscentiis ait; surrepunt, & usurpant sibi oculum, aurem, linguam, &c. & in Ps. 49. ait, quinque imprudentes Virgines periisse, quia sensus externi, qui sub nomine mulieris significantur, deprædantur ipsam animam, sicut per insidias, aperto muro, obsessæ vrbes capiuntur, & deprædantur. Vnde pulchrè Cyprian. de cupiditate diuitiarum dixit ad Donat. Nec intelligit miser, auro se illigatum teneri, & possideri magis, quam possidere diuitias. Quibus multa similia habet Amb. Ser. 81. de diuite avaro. Videndusque est Philo lib. 2. legis Allegor. ubi ait: Quādo brutus sensus primatum obtinet, confusio vehemens sequitur, non secus quam dominis oppressis à suis seruis; tunc enim si vera fatenda sunt, intellectus deflagrat, sensibus flammam nutrientibus, sensibilia in ea coniciuntibus.

Occurrendum proinde est nefariæ concupiscentiæ, ne sensus ac mēbra nostra usurpet, & ut domina parere cogat. Sciendumque & aduertendum, concupiscentias aliquando non aperto Marte nos aggredi, sed pacis voce vocare, lactareque, sicut Iahel Sisaram, ut operiens pellibus animam, clauo transuerberet. Nam, sicut dixit Amb. Comm. in Luc. 14. quasi quibusdam clavis suffigitur anima corporeis voluptatibus.

§. II.

Quomodo occurrendum sit bello concupiscentiæ, & ab ea arma detrahenda.

Occurritur autem his hostibus externis, imprimis si demolitrices vulpeculæ capiantur; & paruuli allidantur ad petram: & si Iacob teneat plantam nascentis Esau. Si, scilicet, ratio primis motibus obstitat, eosque adhuc in in cunabulis comprimat. Qua de re plura iam diximus cap. 1. deinde per subtractionem superflui tribuendo solum ea, quæ necessaria sūt, carnique minimè indulgendo, ne materiam igni præbeamus; quod significauit Paulus cum dixit: *Carnis curam ne feceritis in desideriis*; ubi non prohibet curam corporis, quæ dum viuimus necessariò habenda est, sed, sicut notauit Orig. lib. 6. in eandem epistol. tom. 3. non negando carnis curam in necessariis, sed in concupiscentiis ac desideriis. Etenim cum ea mortalis sit, indiget sustentatione in cibo, & potu, vestitu, somno, reliquisque ad ipsius conseruationem necessariis. At quia ex corruptione peccati prouenit, ut caro multa præter necessaria appetat, quæ ad voluptatem solam & luxum pertinent, idcirco opus est rescissione, ut amputentur hæc omnia, caroque frænetur.

IDEO QVE Gregor. 30. Moral. c. 14. præfatum locum Pauli sic explicat. Quod fieri, inquit, in desiderio prohibetur, in necessitate conceditur, sed sæpe dum incautè necessitati concedimus, desideriis deferuimus, plerumque dum plus iusto caro restringitur, etiam ab exercitatione boni operis eneruatur, vt ad orationem, vel ad prædicationem non sufficiat, dum incontinentia vitiorum in se funditus suffocare festinat; adiutorem quippe habemus intentionis internæ hunc hominem quem exterius gestamus. Vnde necesse est, vt interior homo noster æquus quidem arbiter præsideat inter se, & cum quem exterius gestat, quatenus ei homo suus exterior, & semper ad debitum ministerium seruire faciat, & nunquam superbè libera ceruice contradicat, ne vitia contra virtutem præualeant, ne rursum virtus cum vitiorum omnimoda extinctione succumbat, & cætera, quæ pro hac re videnda sunt. Quibus habet similia cap. 13. & 15. & August. 10. Confess. c. 31. D. Leo Serm. 12. de Quadrages. Nazian. Orat. 16. vbi ait. Corpus vt conseruum amo, & vt inimicum odi, atque auersor.

EST QVE elegans locus pro hac re apud Philonem lib. *Quod Deus summu-
mutab.* vbi explicat eam legationem, quam Moyses misit ad Edom Regem
Idumæ: interpretatur autem Edom, *terrenus*. *Obsecramus*, inquit, *vt nobis*
transire liceat per terram tuam, non ibimus per agros, neque vineas, non bibemus aquam Nam. 10.
de puteis tuis, sed gradiemur via publica, nec ad dexteram, nec ad sinistram declinan-
tes, donec transeamus termines tuos. Philo igitur explicaturus hunc locum per
allegoriam, præmittit. Fertur de quodam ex veteribus Philosophis, cum
spectalset pompam sumptuosissimam, ad familiares suos conuersum dixisse:
Videte amici quàm multis rebus opus non habeo; compendio de re ma-
xima verèque cœlesti gloriatus est; verùm apud Moysen non vnus tan-
tùm viri hæc est gloriatio, sed totius gentis populosissimæ; celeriter tran-
sibo, inquit, per terram tuam. O promissionem magnificam, & quæ solis
viris Israëlitis debeatur! Solent enim cæteri homines non celeriter transi-
re, sed aberrare in via, fruantes quibus vtendum erat, facientes curam car-
nis in desideriis, arma ministrando inimicis, à quibus proinde prosternun-
tur, & expugnantur.

IDEO QVE D. Leo Serm. 11. de Quadrages. ait. Beata mens, quæ pere-
grinationis suæ tempore casta sobrietate transcurrit, & in iis, per quæ ne-
cesse est eam ambulare, non remanet, vt hospita magis, quàm domina ter-
renorum. Et Greg. 21. Moral. c. 19. Hoc, inquit, esse speciale electorum
solet, quòd sic sciunt præsentis vitæ iter capere, vt nouerint se iam ad alta
peruenisse, quatenus cuncta quæ præterfluunt sub se esse videant, atque
omne quod in hoc mundo eminet, amore æternitatis calcant, & ita terre-
na ad hoc solùm inferuiunt, vt ambulent donec perueniant ad patriam.

VIDENDVS Euseb. Emyssen. homil. de pœnitentia Niniuitæ. vbi ait: Per
passiones nostras possumus ascendere post Christum, si vnusquisque no-
strum subdere eas sibi studeat, & eminentia dominantis animi super eas
stare consuecat, sublimabunt nos, si fuerint infra nos, de nostris vitiis sca-
lam facimus, si vitia ipsa calcamus. Quæ cadè habet D. Aug. Ser. 3. de Ascen-

Y Y y 3 sione

sione Domini: Et Hugo Viêt. super cap. 3. Ecclesiast. Diligenda caro quantum ad compassionem pertinet naturæ, quantum verò ad castigationem, & refrenationem culpæ spectat, odienda. Et Senec. epist. 17. dixit. Vis aduersus hoc corpus liber esse? Tanquam migraturus illud inhabitata. Et epist. 23. Corpusculum rem necessariam magis crede, quam magnam, nihil sine illo fieri potest; itaque nutriendum est, non ad voluptatem, sed ad necessitatem.

SED quoniam hoc remedium periculosum admodum est, & difficile agnoscitur, quæ de re conqueritur Nazian. Orat. de pauperum amore, ubi ait, se modum, & rationem non posse inuenire conueniendi cum corpore, quia mortificatio magna tollit eius vires ad honestas actiones, si verò ei indulgeatur, insurgit aduersus animam, proinde aperto Marte cum concupiscentia carnis pugnandum est, flagellisque domanda tanquam ancilla; quo remedio vsus est Paulus dum dixit: *Castigo corpus meum, & in seruitutem redigo*: quod etiam factum est quando serui coniurarunt, ut urbem Romanam incenderent.

Hoc etiam notauit Orig. hom. 13. in Num. ubi aduertit, quod postquam obtinuerunt filij Israël ciuitates Amorrhæorum, ascenderunt viam, quæ ducit in Basan, sed ad hunc, inquit, neque legatos mittere dignantur, neque petere ab eo, ut per terram eius liceat transire, sed continuò configunt cum eo, & superant tam ipsum, quam populum suum. Basan interpretatur, *turpido*, ait Orig. meritò ergo nec legati mittuntur ad istam gentem, nec transitus per terram eius poscitur, nullus enim transitus nobis debet esse ad turpitudinem, sed ab initio statim expugnanda, & omnimodè cauenda est. Aduersus Og ergo ita præcipitur bellum gerendum, *ut non relinquantis ex eo*, inquit lex, *viuentem*; nullum ergo à filiis Israël oportet relinqui in regno turpitudinis viuentem.

VIDENDVS etiam. Ambr. lib. 1. de Iacob, & vita beata; ubi ponderat, concupitam aquam à militibus allatam Dauidem profudisse. Nam cum aliis non defuisset aqua, & minùs Regi irrationabilis ea concupiscentia fuit, sed illud laudabile, ait Ambros. quòd irrationabilem concupiscentiam, rationabiliter parato fraudauit remedio. Laudo viros, qui erubuerunt desiderium sui Regis non impleri, sed plus laudo eum, qui erubuit in suo desiderio, simul quasi repressa victor cupiditate, fudit aquam Domino: magnitudinem animi ostentarunt adolescentes, dum medios hostium armatos cu-neos penetrarunt, haurientesque aquam detulerunt, sed nec minorem probauit fortitudinem, qui contra militantem in corpore suo concupiscentiam pugnavit, eamque, dum aquam proiecit in terram, simul humi prostratam reliquit.

AD hoc autem prælium incundum alia armamenta requiruntur, ac solent indui in terrestri conflictu. Debemus enim non arma Saülis assumere, sed induere Dominum Iesum Christum: quòd si non possimus induere ipsum propter excessum ex parte nostra, quia ipse humilis, & paruulus datus est nobis, nos verò magni, & elati præ superbia sumus, debemus
 Rom. 13. abscindere quicquid superfuerit, quòd nos Domino conformemus, ut si
 vel

vel per oculos, vel per aures, aut linguam excedamus, abscindendæ sint, & proiciendæ. Hæc enim vestis non debet nobis adaptari, imò nos illi debemus conformari, vt quemadmodum ipse ambulauit, ita & nos ambulemus, & sicut ipse vicit, ita & nos vincamus. Vide igitur vt Christum indutus debellauerit Paulus concupiscentiam suam: *Mibi mundus crucifixus est, Galat. 6. & ego mundo.* Quod exposuit Ber. Sermon. 7. de Quadrages. Non solum, inquit, mortuus sum mûdo, sed etiam crucifixus ego illi, & ille mihi, omnia namque quæ mundus magni facit, vili ego pendo, imò cruci appensus de ipso triumphum porto.

Si ceterum in remedium morsuum serpens suspensus est æneus, sic in Num. 21. remedium mordentis carnis, eadem debet suspendi, & affigi. Vnde Basil. in responsio. Interrogat. 8. Cui propter Christum crucifixus totus mundus, & ipse mundo, quomodo amplius potest esse seruus partium mundi? vbi videtur alludere ad id, quod dixit Ioann. *Quicquid est in mundo, aut est concupiscentia carnis,* &c. Videndus hæc de re Orig. hom. 3. & 7. in Genes. & homil. 1. in Leuit.

VIDENDVS item Gregor. 3. Moral. c. 17. vbi ait, hædum occisum fuisse à Gedeone, Iudic. 6. Angelus, inquit, occidi hædum præcipit, id est, omnem appetitum carnis nostræ immolari, carnesque supra petram poni, & ius carniū desuper fundi. Quem alium significat petra, nisi eum, de quo per Paulum dicitur, *Petra autem erat Christus?* Carnes ergo supra petram ponimus, cum corpus nostrū Christi imitatione cruciamus, & cætera, quæ prosequitur in eadem sententiam.

ARMA etiam ad hoc bellum latè describit post Paulum ad Ephes. Sanctus Ephrem lib. de armatura spirituali. Accipe, inquit, pro thorace fidem, pro galea futurorum bonorum spem, balthei vice accingere charitate in Deum, atque in proximum, pro calceamento sume tibi humilitatem, scuti loco Crucis signo te ipsum muni, pro arcu extende manus tuas ad orationem, & erūt vt arcus æreus brachia tua, pro gladio sume tibi timorem Dei, concidentem omnem concupiscentiam animalem, & sic affiges cruci quicquid in te inordinatum fuerit, vt contra rationem minimè possit insurgere, aut præter ipsam appetere.

VIDENDVS etiam Anselm. in 2. ad Corint. c. 6. vbi vocat inimicos Crucis Christi, qui carnem suam non affligunt, & crimina non mortificant: & in hoc sensu cruces intestina sunt trophæorum, sicut dixit Tertull. in Apologet. Nam, teste Nonno authore Græco, spolia capta, & in stipitibus ad modum crucis transuersis fixa, trophæa dicuntur: sic, si corpus crucifixerimus, de eodem triumphum agemus, membræque sic deuictæ, & mortificate, & quæ contra animam militauerant, & trophæa erunt victoriæ, & ad aliam comparandam armatura. Neque hoc nouum erit cum pro armis soleant ea habere triumphantes quæ vicerunt: quod Seneca dixit in Hercule furente, nempe,

*Pro istis geris
Quæ vici, & quæ sudis, armatus venis*

Leone;

Leone, & hydra.

Eisdemque armis insignitus describitur eius pronepos Auentinus à Poëta 7. Æneid.

Clypeoque insigne paternum

Centum angues, cinctamque geris serpentibus hydram.

IN Cruce igitur confixis cupiditatibus, de iisdem triumphat anima, easque deuincit, & in seruitutem redigit, vt iam eius solius sequantur imperium, obediunt obsequio, audiant vocem, & veluti ancillæ nomine domi-

Ps. 118. næ suæ appellentur; quod notauit Ambr. Serm. 4. in Psal. 118. cum ait: Non fiat anima nostra caro, hoc est, vt dicamur caro, sicut & illi qui in diluuiio perierunt, de quibus dictum, *quia caro sunt*, sed magis caro nostra obediens animæ, & hoc appellari mereatur nomine, sicut appellata est familia Patriarchæ Iacob, & generationis eius sancta posteritas. Sic enim scriptum

Genes. 46. est; *Hi filij Bala, omnes anima septem*; & alibi; *omnes anima sexaginta tres*. Verus enim luctator Iacob, cui caro emarcuerat, totum in domo sua ad ordinem animæ ita redegerat, vt totum pro anima computaretur. Solet enim Scriptura animam appellare nomine eorum, quæ ipsa concupiscit, quasi anima desinat esse id, quod est, & in concupiscentias veluti conuertatur. Vnde il-

Genes. 9. lud: *Cepit Noë vir agricola exercere terram*, Lipomanus vertit, *Noë vir terra*; & apud Oseam; *Ephraim vitula docta diligere trituram*, appellatur vitula propter vitulos, quos adorabat; & Sponsa dixit, *Dilectus meus mihi*, & ego illi: quasi tota præ desiderio, & amore in Sponsum fuerit conuersa. Non mirum proinde quòd caro, quæ obedit animæ, nomine eius appelletur, & concupiscentia, quæ imperio spiritus subiicitur, in ordinem spiritus transeat.

Quod intellexit David cum dixit: *Sitiui in te anima mea, quam multipliciter tibi caro mea*. Quibus verbis significauit David, affectus animi sui in carnem etiam redundasse, eamque diuini amoris cupidam, velut animam reddidisse. Vnde Ambr. lib. 2. de Virginib. ita ait: Quid dubitas carnem macerare ieiuniis? nonne concupiscit aduersus spiritum? nonne ipsa inimica est animæ? At si illam per abstinentiam maceraueris, ex inimica amicam facies, & quæ plurimum proficit, & iuuet: nam, sicut dixit Sapiens, *frater adiuuans fratrem, ambo consolabuntur*.

Est autem corpus frater animæ, eodémque partu cum illa in lucem edietur; proinde si illi obediens, quia & iunior frater, plurimum conducet ad salutem; idque significatum est in eo quòd Deus ad Sacerdotalem vestem, & templi ornatum, byssum retortam acceptauerit: sic enim hoc explicat Origen. homil. 13. in Exod. Byssus, inquit, terræ habet formam, quod est caro nostra: carnem ergo non vult offerri Deo fluitantem luxu, & deliciis resolutam, sed torqueri iubet eam, & constringi; sic ergo est offerre byssum retortam. Significat autem hoc, templi ministerio, Deique obsequio admodum aptam esse carnem edomitam, & spiritui omnimodè subditam. Vnde August. in Psal. 140. Quid iustius, quid pulchrius seruire ei, qui fecit te, vt seruiat tibi, quod factum est propter te? Aliter qui non obtemperas Deo, torqueris à seruo; & hi sine dubio sunt violenti, qui rapiunt celorum

Regnum,

Regnū, vimque illi inferunt, ex eo quia carnem torquent, violentiamque ei inferunt, & sub animæ redigūt potestatem, qui vtraque manu Regnū, & coronam accipiunt, animā scilicet, & corpore. Mat. 11.

N E c mirum si coronæ meminerimus, quia & Martyrij veluti species est, spiritu facta carnis mortificare, illo quidem quo membra caduntur ferro, horrore quidem mitius, sed diuturnitate molestius; sicut dixit Bernar. Serm. 30. in Cant. In quem sensum interpretari possumus illam iugem, & quotidianam mortificationem, de qua Dauid dixit: *Propter te mortificaueris tota die.* Quoniam enim, ait Chrysost. hom. 15. in epist. ad Rom. homines sumus, atque ideo non datur innumeras subire mortes, & cū naturæ nostræ velut hereditariū datum sit semel tantū mori, præstitit tamen hoc Deus, ut voluntati si placuerit quotidie mortē pati liceat. Si enim desideria carnis mortificantes, & corpus ipsum torquentes quotidie propter Deum mortificamur, tot veluti coronas nobis paramus, quorū huius mortificationis dies viuimus. Psal. 43.

SED illud præ oculis habendum adhuc; concupiscentiam melius vinci si abigatur, quā si subigatur, & si obliuioni sit, quā subiectioni; quod dixit Bernar. lib. de ordine vitæ. De concupiscentiis igitur triumphantes, armæque de manibus cupiditatum auferentes, imò in ipsas conuertentes, victricem & gloriosam cælo carnem inferamus, ut post confectum bellū perpetua pace fruamur.

POSTVLANDVM QVE tandem est Dei auxiliū ad superandos armatos in membris nostris milites; nam post ruinam primi parentis difficilior est de iisdem victoria, sicut eleganter prosequitur D. Greg. 35. Moral. c. 13. quia si Adamus stare sicut est conditus, vellet, hostem extrā positum vincere sine difficultate potuisset. Postquam verò per assensum semel aduersarius ad intimā irrupit, laboriosus iam victor eiicitur, qui adhuc impugnans sine labore repellerecur.

IDEO QVE dixit hoc loco Apost. concupiscentias militare, quod secundū mentem Lyran intelligendum est, quasi ex arce iam deuicta pugnent. Ut igitur expugnentur, magna opus est virtute, & à Deo imploranda, & hoc est quod Sponsus laudauit in Sponsa, Ecclesia scilicet, choros castrorum, qui Deum laudant, ab eodēque postulant auxiliū in fine Psalmodum, & horarum, ut castra Dei ab eodem armaturam, & vires accipiendo victricia euadant. Quæ est ferè expositio Honorij ibi. Nec mirum si Deus manus doceat ad præliū, & digitos ad bellū. Cant. 6.

HINC est, quod victi sunt primi parentes à concupiscentia, quia obliuiscere, & postulare Dei auxiliū, necessarium vtiq; ad victoriam. Quod eleganter sanè notauit Rupert. lib. 3. in Gen. cap. 3. cū ponderat, Scripturam post commissum primorum parentum peccatum addidisse, Deum ambulātem ad auram post meridiem. Dedecebat enim Dei maiestatem, quod tanquam homo post curas, vel post labores pransus dormiat, & sopori suo, vel quieti deputatas habeat horas pomeridianas. Sed nec mireris, ait Rupert. nam reuerā tunc homini Deus nimium dormierat: si Ps. 143.

Phil. in Epist. B. Jacobi Apost.

Z Z z

enim

enim tunc non dormisset is, de quo nunc dicitur; *Non dormitabis, neque dormiet qui custodit Israël*, nequaquam tantum malum accidisset, nequaquam tantum damnum rei familiari fur diabolus intulisset. Quid ergo inquis? Culpandusne Deus, quia toto meridie dormiuit, & eo dormiente lupus ouem centesimam tulit? non utique sed tota culpa illius est, qui custodē suum dormire permisit. Nā ut ille non dormiat, in arbitrio hominis est, qui semper illum ne dormitet, aut dormiat, inquietare debet. Vnde & per Prophetā spiritus eius dixit: *Qui reminiscimini Domini, ne taceatis, & ne detis silentium ei*. Quomodo non dandum est silentium ei? videlicet toto die, & tota nocte non tacendo laudare nomen Domini. Quia ergo ipse cultus noster est, iugiter debemus eum inuocare, ne quando dormitet, sed semper nos custodiat, protegatque, ut victores tandem contra concupiscentias militantes in membris nostris euadamus. Hæc Rupertus.

§. III.

Prosequuntur pugna, & dissidia concupiscentia.

VT melius huic bello incumbamus, & ab internis hostibus caueamus, quænam bella, & dissensiones ex inordinatis desideriis oriuntur, breuiter prosequemur. Excitant enim imprimis magnam in nostra anima tempestatem, sicut prosequitur Diuus Ambr. 2. Apolog. Dauid. cap. 3. quam cernere licet in diuitiarum cupiditate, de qua D. Chrylost. homil. 17. in 1. ad Timotheum ait: Nōne diuitiarum gratia rapimus? inimicitias lubimus? contentiones teximus? ad mortuos vsque impias quidem extendimus manus, ad parentes, ad fratres? quemadmodum furentes venti miscent maria, vel arena ipsa è fundo excitata; ita cupidi omnia penitus miscent, neminem, qui huiusmodi est, amicum nouit, & quid amicum dicimus? ne ipsum quidem Deum; quod etiam notauit Aug. ad ea verba Psalmi. 53. *non proposuerunt Deum ante conspectum suum*. Quæ verba ipse intelligit de iis, qui temporalibus rebus inhiāt. Quomodo, inquit, ponent ante conspectum suum Deum, ante quorum conspectum non est nisi sæculum? quomodo sit nummus super nummum, quomodo augeantur greges, &c. Mirum proinde non erit, si inter homines bella, & lites ex concupiscentiis oriuntur, quando nec cum Deo amicitiam, ac fidem seruant.

VND E nullum aliud remedium ad vitandas lites agnoscitur vtilius, quam si diuidantur amici, & consanguinei separentur, ne tandem inimicitiiis, & iurgiis intendant. Non poterat capere terra Abraham, & Lot, ratione diuitiarum, vnde facta est rixa inter pastores gregum Abraham, & Lot: quia scilicet quilibet eorum vberiora pascua, & meliores adaquatōnes sibi vendicabat; *Dirigitque Abraham. Ne, quaso, sit iurgium inter me, & inter te, & inter pastores meos, & pastores tuos, recede à me obsecro: si ad sinistram ieris, ego dexteram timebo*. Vbi Hamerus fructum diuitiarum inquit discordiam, & auulsionem charissimorum. Et Chrylost. hom. 3. in Gen. Vide, inquit, quod facultatum

cultatum multitudo statim causa fuit discessus, diuisionem operatur, concordiam impedit, & cognationis vinculum dirimit.

QUOD etiam prosequitur Chrysolog. Serm. 1. de duobus filiis, ubi ponderat statim; ac pater filiis substantiam dedit, diuisos, & separatos fuisse; Facultates, inquit, unitatem scindunt, fraternitatem separant, parentum perdunt & violant charitatem. Idipsumque etiam ponderat in eo fratre, qui in agro versabatur, qui hominem terrenis cupiditatibus implicatum indicabat; proindeque rediens, ut percepit aduētum alterius fratris, qui resipuerat, & in se reuersus ad patrem redierat, parentis læticiam, ac paratum conuiuium indignatus est, & nolebat introire. Dixerat autem Evangelista quod *erat in agro*. Sic, inquit Chrysolog. Ser. 3. in segete cupiditatis fructum zeli colligit, & liuoris, & qui terram colebat, fructusque inde sperabat, fratrem videre nolebat, ne cum ipso in domo paterna habitaret.

ET hæc videtur causa, cur in sacra Scriptura, viri diuitiarum cupidi, dicantur bellicosi. Sic enim illud Psal. *Nihil inuenerunt viri diuitiarum*; pletique legunt; *vir bellicosi*. Qua de re videndus Ambrosius lib. de Nabuthe, ubi ait. Quousque extenditis diuites, insanas cupiditates? nunquid soli habitabitis super terram? In commune omnibus diuitibus, atque pauperibus terra fundata est. Cur vobis ius proprium, soli diuites, arrogatis?

QUOD si in sacra Scriptura diuites, bellicosi dicuntur, in eadem etiam arma huius prælij assignantur. Hinc est, quod Iacob legaturus partem agri Ioseph dixit: *Non tibi partem unam extra fratres tuos, quam tuli de manu Amiorum in gladio, & arcum*; quæ verba non vulgarem continent difficultatem, cum constet, Iacob emisit pretio agrum illum; omisitque multis expositionibus, illa præsentis instituto inseruit, quæ desumpta est à D. Hierony. in traditionib. Hebr. gladium, & arcum hoc loco appellasse Iacob, pretium, seu pecuniam, qua agrum comparauerat. Est enim reuera arcus, qui indistans etiam peruenit, dum vel etiam promissas munitissimæ urbis aperit fores, & quicquid inuenit, deuincit. Est etiam gladius, qui arctissimos necessitudinis, consanguinitatis, & religionis nexus frangit, vimque nobilissimis pectoribus infert; arma denique, quibus concupiscentiæ militant, ut quicquid intendunt, tandem perficiant.

QUOD verò bella, & lites excitet concupiscentia carnis, quis est, qui non videat? quis enim occidit Sichem? quis cubantes cum Madianitis, innocētē Vriam interfecit? quis eruit oculos Sāsoni? quis deprauauit Salomonis corruis fenes in pueros conuertit? quis tot vrbes extinxit? tot regna profligauit? quis tot mala perpetravit, sicut hoc vitium? quod non tantum suissimum est in eum, qui illo laborat, sicut dixit Ambros. lib. de Abele, & Cain; sed in alios etiam crudele est: quod eleganter probat Tertull. lib. de Pudicitia, ex eo quod præceptum de non mœchādo inter occisores, & latrones positum sit in Decalogo. Prius enim dicitur: *Non occides*, deinde, *Non mœchaberis*, postea additur, *Non furaberis*. Inter duos apices facinorū, inquit Tertul. emittissimos, sine dubio, digna confedit mœchia: quis enim

Z Z z 2 talibus

calibus lateribus inclusam, talibus costis circumfultam; &c. Cum ergo, & latrones, & occisores comites habeat luxuria, quid mirum si ex ea bella, & lites prodeant?

Excitat etiam bella, dominandi, & præeminendi concupiscentia, sicut *Isai. 14.* imprimis in cælo nouimus, cum impius Angelus dixit: *Ponam sedem meam ad Aquilonem*, &c. Qua de te Bern. de gradib. humilitat. sic ait: Dum tu solus sedere affectas, fratrum concordiam, totius cælestis patriæ pacem, ipsius quantum in te est, quietem æternitatis infestas. Hoc ipsum cernere est in collegio Christi, ubi, cum orta est quæstio de primatu inter Discipulos; dū dexteram, & sinistram petierūt filij Zebedæi, cæteri indignati sunt de duobus. Ideoque Dauid; *Non habitabit in medio domus mee, qui facit superbiam*. Timuit enim, ne totam domum subuerteret. Et superbos, rebelles appellauit *Iob. 24.* Iob, sicut exposuit D. Greg. 16. Moral. c. 24. Superbia denique semper ascendit.

Et quid mirum si superbia bella, & lites excitet, cum se solam velit esse dominam? In quam sententiam interpretatur Bernard. Serm. de fallacia præsentis sæculi illud Psalm. 106. *Errauerim in solitudine*. Solitudo, inquit, hæc superborum est, quia solos sese reputant, solos appetunt reputari, neminem vellent sibi similem inueniri. Nec mirum, quod solitudini huic iniquosum additur. Elatum enim cor, dutum, & expers est pietatis. Quomodo ergo lites non excitabit, & bella, qui solus vult reputari, & qui nullam erga fratres pietatem habet? ubi licet superborum malignitatem ostendere, qui se solos volunt esse, & sibi similem neminem patiuntur. Vnde superbus Phariseus dicebat: *Non sum sicut cæteri homines*; cum tamen Deus hominem ad imaginem, & similitudinem suam fecerit. Ideo Oleast. in Genes. Nunquid maior es Deo, qui sui similem, non solum patitur, sed facit?

Quod si lites verborum sunt pugnae, nullas maiores excitabit aliud vitium, quam superbia, quæ tota iniuriosa est. Vnde *Isaie c. 8.* ubi nos legimus; *Va corona superbiae*, Septuag. habent: *Va coronæ iniuriæ*. Nescit enim superbia loqui, nisi iniurias, & opprobria in fratres. In quam sententiam facit illud Ecclesiast. *Sicut erant præcordia ferientium, sic est cor superborum*. Factore enim superbiae, ab ore per iniuriosa verba excedente, & egrediente, quemque obuium offendit, longèquæ semouet.

Quod si veneno velimus superbiae malum comparare, authorem habebimus Aug. Serm. 4. de verbis Apostoli, ubi ait: *Superbia, venenum est*, quod serpens initio mundi cuomens, eodem omnes in Adamo offendit, ex quo lites, & bella orta sunt, primum quidem in nobis. Si enim superbiae venenum non epotassent primi parentes, neque concupiscentias in nobis militantes haberemus, neque tot bella, & lites contra fratres quotidie insurgeret.

§. IV.

Quantum Deo displiceant bella, & lites.

Gen. 3. **D**OCEt etiam hic locus, vitanda esse bella, & lites, quæ maximè Deo displicent, sicut notasse videtur Sponsa, cum ait: *Surgam, & circumibam*

cinisitem, per vias, & plateas quarum, quem diligit anima mea, quasi illam, & non inueni. vbi Septuag. pro eo, quod nos habemus *per vias, & plateas*, legunt, *in ciuitate, in foro, & in plateis*; quæ verba expendens Ambros. lib. de Isaac, & anima cap. 5. ait: Fortasse ideo non inuenit adhuc, quia in foro quæ fuit, vbi lites, in plateis, vbi munditiæ rerum venalium.

Et D. Hier. lib. 16. in Isai. ad hoc ipsum comprobandum, ita ait: Quid prodest ieiuniis ora pallere, & ad lites, & ad iurgia ieiunare: dicente Scriptura; *Qui amat peccata, gaudet in iurgiis*; seruum autem Domini non oportet litigare, sed esse mansuetum, sicut dixit Paulus; & Salomon etiam; *Honor est homini, qui separat se à litibus.* 1. Tim. 2. Prov. 20.

F A C I T pro hoc argumento ille locus Num. c. 14. vbi Balaam recedit à Balac, vt consulere Dominum, ex cuius permisso posset dira Israëlitis populò imprecari, & maledicta conicere. Si autem quis querat, cur a populi congregatione recederet, ad rem nostram responderet Lyran. Vt libentius, inquit, ei demon occurreret: iis enim qui congregationes effugiunt, mala tamen mente, vt fratrum confortia deuitent, & vnionem fidelium, fratrumque pacem auersentur, facile diabolus se comitem adiungit, qui solas diuisiones nouit, & zizania seminat, bellaque & lites excitat.

V N D E constat, Deum maximè odisse lites, quæ fraternam concordiam scindunt, ac diuidunt: Deus verò in medio pacificorum reperitur. Deinde & lites proueniunt ex concupiscentiis rerum terrestrium, à quibus longè abest Christus, qui totus est eorum, qui nihil de sæculo exoptant. Quod notauit Ambrosius in eo, quòd ager figuli emptus sit pretio, ac pecunia illa, qua Christus fuit venditus, in sepulturam peregrinorum, eorum scilicet qui veluti aduenæ, & peregrini sine domo, sine suppellectili, ac diuitiis degunt. Ager, inquit Ambros. Serm. 51. emptus est peregrinis, qui erant sine domo, sine patria, & toto orbe exules iactabantur, requies Christi sanguine prouidetur, vt quibus non est in mundo possessio, iis in Christo sit sepultura. Istos autem peregrinos, quos esse dicimus, nisi deuotissimos Christianos, qui renunciantes sæculo, & nihil possidentes in mundo, in Christi sanguine requiescunt? Christianus enim, qui mundum non possidet, hic totum possidet Saluatorem. At verò qui sæculi voluptatibus, ac diuitiis inhiantes, porcis similes redditus sunt, sicut dixit Clem. Alex. Orat. ad Gent. lites, bellaque pro terrenis exercent, & excitant, & terræ, quam concupierant viui, miserè traduntur mortui, nihil habituri de cœlestibus, qui pro terrenis totis viribus decertarunt. Vnde Greg. 31. Moral. c. 8. Si quis, ait, tibi tulerit tunicam, & voluerit tecum contendere iudicio, dimitte illi & pallium. Si quis, quod tuum est, tulerit, ne repetas. Mat. 17.

P A V L V S quoque discipulos suos cupiens exteriora despicere, vt valeant interiora seruare, admonet, dicens: *Iam quidem omnino delictum est in vobis, quòd iudicia habetis inter vos: quare non magis iniuriam accipitis: quare non magis fraudem patimini?* Et tamen hypocrita, assumpto sanctæ conuersationis habitu, temporalia quæque defendere, & quasi per negligentiam amittere patrimonia terrena formidat; mox patientia rumpitur, mox dolor 1. Cor. 6.

ZZZ 3

cordis

cordis in vocibus effrenatur, cunctis veraciter indicat, teste mentis perturbatione, quid amat; ibi quippe est grande studium defensionis, ubi & grauior vis amoris inam quanto magis terrena diligit, tanto priuari eis vehementius pertimefcit. Aduertit autem D. Gregorius in Psalm. 31. quod in hoc mundo tanto celerius quis trahitur, à diuina scilicet gratia, quanto nihil habet, in quo delectetur in sæculo. Perfectus igitur Christianus res terrenas iurgando defendere non potest, quas præcipitur non possidere.

Verf. 2. Concupiscitis, & non habetis: occiditis, & zelatis, & non potestis adipisci, litigatis, & belligeratis: non habetis, propterea quod non postulatis.

EXPOSITIO LITERALIS.

ROSITA radice, mala, scilicet, concupiscētia, ait hoc loco D. Thomas, determinat ramos eius, quorum primus est rei alienæ desiderium, *concupiscitis*. Secundus, personæ possidentis odium; *occiditis*, & *zelatis*. Tertius, vtriusque effectus; *litigatis*, & *belligeratis*. Certum namque est, quod mali effectus procedunt ex internis affectibus. Concupiscitis igitur carnalia, & mundana, & non habetis, & sic solo inordinato affectu reddamini, imò ipse vos dis cruciat, & accēdit, vt vel alios occidatis, si potestis, sin minùs, litem intendatis, & bellum indicatis, vt, qua tandem potestis via, dites reddamini; vel vos ipsos spiritaliter occiditis. Vnde Scriptura dicit; *Pro u. 18. Ipsi quoque contra sanguinem suum insidiantur, & moluntur fraudes contra animas suas.* Quo sensu intelligunt hunc locum Græci. Vnde & Oecumen. habet. Animaduertendum est autem hoc loco, quod cædem, & bellum dicit, non corporalia; hoc enim graue esset etiam de latronibus cogitare: multò ergo magis de his, qui aliquantulùm fideles erant, & ad Dominum accedebant; sed, vt mihi videtur, occidere dicuntur illi, qui temerariis his conatibus suam occidunt animam, propter quod etiam bellum ipsis est aduersus pietatem; & quemadmodum in progressu adulteros vocat, & adulteras, non quod omnino tales sint, sed quod diuina, rectēque instituta præcepta contempnent, declinando ad alia illegitima: neque toleraret quispiam scortatorem præceptorem, etiam si magis, quàm porci, cæno inuolutus esset: ita ergo cædes, ac bella dicit, non corporalia, sed animam concernentia. Sic ait Oecumen. cui ex parte accedit Carthus. Vnde Vatabl. legit, *invidetis, & amulami.*

VEL etiam poterit intelligi per verbum (*occiditis*) odium, quod nomine homicidij interdum venit intelligendum, vt patet ex epist. Ioannis, cum 1. Ca. 3. ait: *Qui odit fratrem suum, homicida est*; quod saltem dispositiue intelligit Carthus. ibi. Quoniam odium, via est ad homicidium. Et Sixtus Papa III. tract.

tract. de malis Doctorib. & oper. fid. ante medium ait, difficillimum esse, vt quem oderis, superesse velis.

LITIGATIS insuper verbis; qua de re Paulus dixit, *Noli contendere verbis*. Ad nihil enim vtile est; & opere *belligeratis* contra proximos pro terrenis: & non habetis, propterea quod non postularis Deum humiliter, atque ordinatè pro eis habendis. Propter hoc nimirum, inquit Beda, obtinere non valetis, quia Dominum postulare non curatis salutaria: si enim illum pia intentione postularetis, & terrena vobis necessaria ad vsum temporalem, & ad fruendum, superna bona tribueret. Caietan. verò ad hæc vltima verba ita ait. Ratio redditur, quare hæc omnia vana sint: quia scilicet nõ innituntur postulationi à Deo, hoc est, quia innituntur viribus tantum humanis, & non habetur ratio diuinæ gratiæ.

§. I.

Proponitur bellum auaritiæ.

IAM ergo auaritia ad bella procedit, armatosque profert milites, & in ordinem inordinatè disponit. Sunt autem strenuissimi auaritiæ milites, vtpote qui omnia, quantumuis difficilia, aggrediantur, nullum omnino pertimescant, nullius cedant; quod ostendit Ambrosius 2. Offic. cap. 16. vbi ponderat, victorem exercitum, profligatum, ac deuictum fuisse ab auaritia, aurique cupiditate. Nam cum de vrbis incensæ spoliis sustulisset Achan vestem auream, & ducenta argenti dragmata, & linguam auream, statim ij milites, qui contra Hai profecti fuerat, terga vertentes, ac percussi, re infecta redierunt. Et Iesus Naue, inquit Ambrosius, qui potuit Solem sistere ne procederet, auaritiæ hominum non potuit sistere, ne sequeretur. Ad vocem eius Sol stetit, auaritia non stetit. Sole itaque stante, contexit Iesus triumphum; auaritia autem præcedente, penè amisit victoriam.

Hoc ipsum prosequitur in auaritia Dalila, quam Samson deperibat, ad quam venerunt Principes Philistinorum, atque dixerunt; *Decipe eum, & discipe ab eo, in quo habeat tantam fortitudinem, & quomodo eum superare valeamus, & vinculum affligere, quod si feceris, dabimus tibi singuli mille, & centum argenteos*: statimque ipsa rem aggreditur, & à Samfone ter illusa, tandem, cum Samson rem seridè aperuisset; *Si rasum*, inquit, *fuerit caput meum, recedes à me fortitudo mea, & deficiat, erique sicut ceteri homines*; conuocantque ipsa Philistinos, assupta pecunia, quæ promiserat, domire eum fecit super genua sua, & in sinu suo reclinare caput, vocauitque torsorē, & rasit septē crines eius, id est, ligaturas capillorum, & ideo eum apprehenderunt, ligarūt, & exacerarunt, & molere fecerunt. Ait ergo Ambros. Quid? fortissimum omnium Samson nonne Dalila auaritia decepit? Itaque ille qui rugientem leonem manibus discerpserat suis, qui vincus, & alienigenis traditus, sine vlllo adiutore, solus dissolutis vinculis, mille ex his peremit viros; qui funes intextos neruis,

neruis, velut mollia supplex fila dirupit, is super genua mulieris, inflexa ceruice, truncatus, inuicti criminis ornatum, prærogatiuam suæ virtutis amittit, influxit pecunia in gremium mulieris, & à viro discessit gratia.

Nam. 21. PROPTER auaritiam Balac putauit Balaam præmiis posse tentari, ut malediceret populum Patrum; & vicisset auaritia, nisi Dominus à maledicto abstinere vetuisset. Fuit itaque necessarium, Deum auaritiæ occurrere, & Balaam auaritiæ retundere, ne victrix contra populum Dei euaderet. Vnde & David fortes appellauit auaritiæ milites, ac clientes, cum ait: *Truerunt in me fortes*; quæ verba sic explicat D. Gregor. 7. Moral. cap. 8. Annon fortes sunt, qui ad præsentis vitæ concupiscentiam tot laboribus currunt, periculis se audenter obiciunt, pro lucris contumelias libenter ferunt, ab appetitu sui libidine nulla victi cōtrarietate resiliunt, percussioneibus ducebant, & mala mundi tolerant pro mundo, cuiusque (ut ita dixerim) gaudia quærentes, perdunt, nec tamen hæc perdendo fatigantur?

AUARITIÆ verò milites contra quoslibet bellum gerunt atrocissimū, cum nec Deum timeant, nec parentes reuerentur, nec affines cognoscant, nec amicis parcant, imò nec sibi; quod notauit Chrysost. hom. 63. ad Populum, dicens: Propter pecunias, nullam nostrorum agimus membrorum rationem, qui namque pecunias diligit, & innumera proximo mala patrabit, & sibi pariter cum illo. Nam & facile irascetur, & conuitiabitur, vocabit stultum, & iurabit, ac peierabit, nec antiquæ legis seruabit mensuras, non enim diligit proximum, qui diligit aurum, cum nos, & inimicos diligere propter regnum iubeamur: qui pecunias amat, non tantum inimicos non diligit, verum & amicis, tanquam inimicis utetur, & quid amicos dico? nam, & frequenter ipsam ignorauere naturam, qui pecuniarum amore sunt capti: talis consanguinitatem non nouit, familiaritatis non reminiscitur, non reueretur ætatem, amicum habet neminem, sed in omnes se gerit inimicè, ante alios omnes, in semetipsum.

Quæ etiam de re videndus Ambros. lib. de Nabuthe c. 6. cum ait: Satiato diuiti non est, quod sinat eum dormire, excitat eum cupiditas, & c. Videndus Guarric. Abbas in Serm. omnium Sanctorum, cum ait: Iam nunc vindicat in peccatores diuina iustitia, res ipsas, quas amant, conuertens eis in tormenta, & vitia faciens esse supplicia: pecunia enim, quæ iustum amplius iustificat, & verius dat, dispensata, auarum eruciat, seruata, prodigum polluit, profligata.

Hanc etiam crudelitatem auaritiæ significauit Leo Papa Serm. 10. de Passione, cum ait: Amore pecuniæ vilis est omnis affectus, & anima lucri cupida, etiam pro exiguo perire non metuit, nullumque est in eo corde iustitiæ vestigium, in quo auaritia fecit habitaculum. Similiæque habet Ambros. Serm. 59. dum ait: Non videt, quæ diuinitatis sunt, sed cogitat, quæ cupiditatis sunt.

Pro quo argumēto facit id, quod notauit Rupert. lib. 1. in Exod. c. 39. ubi per plagam tenebrarum in Ægypto, intelligit cupiditatem, Quid tenebrosus, inquit, oculo nequam, cum intuetur aliquam rem proximi, ut ripiat eam?

cam? Vnde signanter de Ægyptiis est dictum, quia *tribus diebus nemo vidit fratrem suum*. Exod. 10. cupiditate namque preoccupatus animus, non videt fratrem suum, non agnoscit proximum suum, eò tantum intentus, ut furetur, quia concupivit, quæ illius sunt, ut mæchetur uxorem eius, quia concupivit eam, quod proculdubio non est videre fratrem, vel agnoscere proximum. Vnde Lucan. 3. Pharsal.

Perimit discrimine nullo,

Amisissas leges, ac pars vilissima rerum,

Certamen mouisset opes. —

PRÆDONES etiam habet sibi subiectos milites auaritia, quò omnia diripiat, sicut idem notauit Ambros. Serm. 16. in Psal. 118. dicens: Auaritiæ ipsi rapina est subdita. Notanda tamen est differentia inter ceteros latrones, & huius ducis milites, quam assignauit Cypr. lib. ad Demetrianum. In latronibus, inquit, est utcumque aliqua scelerum verecundia, desertas solitudines eligunt, & sic illic delinquitur, ut tamen delinquentium facinus tenebris, & nocte veletur, auaritia palam sæuit, & ipsa audacia in fori luce, abruptæ cupiditatis arma prostituit. Nihil enim diuitiarum cupiditas reueretur, aut timet: & cum, sicut dixit Tertull. in Apologet. omne malum, aut timore, aut pudore natura perfuderit, sola auaritia, & timorem abstulit, & pudorem operuit, quò licentius in omnes cuiuscumque ordinis desæuaret.

Vnde sapienter cautum est à quodam ex amicis Alexandri, sicut refert Curt. lib. 4. ne ipse Alexander publicè eas literas legeret, quibus Darius magnam vim pollebatur auri ei, qui vellet Alexandrum interficere; Ne legas, inquit, nihil enim nefas est auaritiæ.

Quia de re videndus est D. Leo Serm. 6. de Epiphania, ubi aduertit: postquam diabolus vidit se persequutionibus fidem Christi non posse ablegare, concupiscentiis id tentasse. Terrores, inquit, proscriptionum, in auaritiæ mutat incendium, & quos damnis non fregit, cupiditate corrumpit, inflammat concupiscentiis, quos non potest vexare tormentis, serit discordias, accendit iras, &c.

Hoc ipsum etiam ingenium deprædandi, in auaritia notauit Cyrillus Alex. lib. 1. in Isai. cum explicat ea verba Prophetæ: *Ua his, qui coniungunt domum cum domo, & agrum cum agro copulant, et vicino aliquid auferant: an soli habitabitis in terra?* Ait ergo: Inest omnino his, qui discescere volunt, ut semper acquisitis iam aliquid adhuc velint accumulare, insidiantur semper accolis vicinis, & dominos suis prædiis finitimos opprimunt, & cum suis copulant, ac coniungunt. Est enim insatiabile quiddam vir diues, si quidem accedat quoque, ut quod velit, nò possit rectè conficere. Quiescet enim nunquam, neque desinet ad proximi bona assilire, imbecilliores cogit, & impie rapit ab illis eiulantibus interdum, & contra talem sæuitiam, ac ferociam vociferantibus.

Eccè atrocissimum bellum à concupiscentia rerum ortum; ubi notandum venit id, quod dixit Dauid, dum diuitias, ac bona sæculi appellauit

Pact. in Epist. B. Iacobi Apost.

AAAa ab

7. sal. 26. abscondita, ut enim: *De absconditis tuis*, &c. ubi Lyrani. per abscondita, bona sæculi intelligit, quæ nobis Deus abscondit, & occultauit, ut materiam rixarum, & bellorum semoueret. Ideoque Seneca epist. 95. eleganter sic dixit: Aurum, & argentum, & propter ista nunquam pacē gerens, ferrum natura abscondit in terra, ut materiam, ac instrumenta bellorum nobis occultaret, qui in summa pace, & fraternitatis amore debemus viuere. Sed nos, inquit ille, propter quæ pugnaremus, extulimus nos, & causas periculorum nostrorum, & instrumenta, dissecto terrarum pondere, eruimus, nec erubescimus summa apud nos haberi, quæ fuerant ima terrarum. Postemúsque proinde cum D. Hier. dicere epist. ad Lætiam. Si tanti facimus vitrum, quare maioris nō sit pretij margaritum? Si tanti facimus ea, quæ nullius pretij sunt, ut propterea quotide inter nos bella, & lites excitentur, cur non pluris facimus, pluraque sustinemus pro iis, quæ in æternum sunt duratura, quæ fures non furantur, & quorum gaudium nemo tollet à nobis? Cur non vim facimus regno cælorum, ut violenti prius in nobis, illud tandem rapiamus?

§. I. I.

Quantis laboribus, & dispendiis minima bona comparemus.

ILlud vnde deinde notandum est, quantis curis, ac dispendiis non pecuniæ tantum, ac salutis, sed etiam vitæ temporalis, ac spiritualis, temporales, ea terrestres diuitias homines inquirant, zelantes quidem, occidentes, litigantes, & atrocissimum bellum gerentes, cum tamen nihil omino pōderis, ac momenti habeat quicquid sæculi est, postquam terræ maledixit Deus, ut spinas tantum, tribulosq; nobis germinet. Vnde meritò insultauit Orig.
Luc. 16. hom. 12. in Hierem. diuiti, qui multa bona reposita habere dicebat. Frumentum, inquit ille, & vbertatem terrenorum fructuum esse arbitratus est bona, nesciens, quia vera bona non nascuntur in maledicta terra; sed in cælestibus regionibus; thesaurizauit sibi in terra, quia in terra esse thesauros arbitratus est.

Act. 4. LONGE alie Discipuli, ac Apostoli Domini, & recenter ad fidem conuerſi. Quotquot enim possessores agrorum, aut domorum erant, vendentes afferebant pretia eorum quæ vendebant, & ponebant ante pedes Apostolorum. Quotsum autem hoc ita fieret, exposuit D. Hierony. tom. 1. epist. ad Paulinum. Quādo Domini nostri adhuc calebat cruor, & feruebat recens in credentibus fides, vendebant omnes possessiones suas, & pretia earum ad Apostolorum deferebant pedes, ut ostenderent pecunias esse calcandas, nihilque faciendas.

Matt. 25. FACIT etiam ad præsens institutum id, quod notauit Hierony. in c. 25. Matt. scilicet, illū patrem familias, qui vocauit seruos suos, eisque dedit bona sua: dum, & post multum temporis venit rationē ponere cum seruis suis, illis, quibus plura, ac pauciora talenta commiserat, dixisse: quia in paucis fuisti fidelis, cuius rei rationem reddit. Notandum, inquit, quod omnia, quæ

quæ in præfenti habemus, licet magna videantur, & plurima, comparatione futurorum parua, & pauca sunt.

AD EO QVE pauca esse in oculis Domini sensit Aug. 1. de Ciuit. c. 8. vt dixerit: Si non eas Deus quibusdam petentibus euidentissima largitate concederet, non ad eum ista pertinere censeremus. Quis enim dixit amplissimum Regem curam gerere eorum, quæ in palatio vilissima, & abiectissima sunt? Attamen Deus longè aliter ac Rex, sicut omnibus rebus præstò adest, sic & quæcumque minutissima curat, quasi ea sola curaret. Dicitur tamen non tam curare ea, quæ terrena sunt propter eorum vilitatem: sicut Paulus dixit: *Numquid de bobus cura est Deo?*

1. Cor. 9.

HINC est quoddam iniustus quandoque concedat Deus, nihili omnino ea faciens, minorisque æstimans ipsorum salutem, sicut desperatis ægris medici quicquid velint, dare præcipiunt. Eis verò, quos reduci posse ad salutem prævident, quæ appetunt, dare renuunt. Quod eleganter profequitur D. Greg. 16. Moral. c. 9. Hinc est, quoddam se vilem, & abiectum sicut ea, quæ concupierat, iudicauit Dauid, dum se rebus mundanis adhærentem iudicauit, cōfessusque est: *Afflictus sum, & humiliatus sum nimis*; seu, vt legit Gregor. hom. 3. 1. in Euang. *Incuruatus sum, & humiliatus sum*. Vt quicumque superna, inquit Greg. non appetit, infimis intēdit, terrena semper in animo versat, si sola carnis necessaria homo cogitaret, incuruatus, & humiliatus esset; sed tamen vsquequaque non esset. Quem ergo à supernis cogitationibus non solum necessitas deiicit, sed etiam voluptas illicita sternit, non solum incuruatus, sed etiam vsquequaque incuruatus est. Hinc alius Propheta de immundis spiritibus dixit: *Incuruare, vt transeamus*; quia si ipsa anima ad ima appetenda non deiicit, contra hanc Dæmonum peruersitas non conualescit, & transire per eam nequeunt, quam contra se rigidam in superna intentione pertimescunt. Nos ergo viam malignis spiritibus in nostris cordibus damus, cum terrena concupiscimus, cum ad temporalia appetenda curuamur. Ex quibus Gregorij verbis clarè constat, quàm vilis, & contemptibilis reddatur ea anima, quæ vilis, & humilia mundi bona inquirat, & exoptat, & pro eis zelat, inuidet, litigat, ac belligerat.

Psal. 37.

1. Isai.

VNDÉ Theodoret. expendens ea verba Psalmi. *Perierunt propter iniquitatē, velut somnium surgentium*, &c. Meritò, inquit, eorum felicitatem somnio comparauit, quandoquidem scena præfentis vitæ ab insomnio nihil differt. Et Ambros. lib. de Nabor c. 6. Somnium loquimur, non patrimonium, & cætera quæ profequitur in hanc sententiā. Quibus habet similia Philo lib. de Ioseph, dicens: Profana gaudia somniis sunt simillima, veniunt, abeunt, occurrunt, refugiunt; priusquam comprehendantur, auolant. Quod etiā dixit Seneca lib. 3. de Ira, c. 34. Crede mihi, leuia sunt, propter quæ non leuiter excandescimus, qualia pueros in rixam, & iurgium concitant; nihil ex his, quæ tam tristes agimus, serium est, nihil magnum. Imò, si attentius rem perpendimus, quia omnia parua sunt, & abiecta, ideo pro illis contendimus, & litigamus.

Psal. 72.

EX PVLSVS olim Isaac ab Abimelechò, venit ad torrentem Geraræ, Genes. 26:

AAAa 2

fide

foderuntque servi Isaac in torrente, & repperunt aquam vinam. Sed & iurgium fuit pastorum Geraræ, & inersius pastores Isaac, dicentium, nostra est aqua. Quamobrem nomen putei ex eo, quod occiderat, vocauit Cainumiam. Septuag. vocauit nomen loci illius Inimicitiam. Chaldaë. verò; Iurgium. Vatab. & Brixian. Contentionem; hæc enī omnia ibi cum aqua etiā reperta sunt. Foderunt autem & alium, & pro illo quoque rixati sunt, appellauitque eum, Inimicitias, siue, Odium, vt exposuit Vatab. profectusque inde fodit alium puteum, pro quo non contenderunt; itaque vocauit nomen eius, Latitudo, id est, ideo vocauit eum, Latitudo, seu, Latitudines. Namque hoc significat רחבֹּת *Rechoboth*, dicens. Nunc dilatauit nos Dominus, id est, ex angustia eripuit, & ex persecutionis pressura liberauit, metaphora desumpta à redactis, & constrictis in arcum, quod etiā significauit Dauid.

2. 1. 4. In tribulatione dilatasti mihi.

I. I. L. V. D igitur hac in re notandum censeo, rixas, & contentiones fuisse in apertione primi, & secundi putei, quia scilicet parum aquæ habebant, & dum quilibet vas aliquod aqua implebat, totam hauriebat aquam, & sic contendebant pro eo, vt quis prior ad puteum accederet, vt plerumque fieri solet in terris, quæ aquæ penuria laborant. Pro tertio verò puteo minime sunt rixati, quia latitudines aquarum habebat, vt constat ex nominis impositione, quam ideo talem habuisse videtur, quia quicumque accedebant, hauriebant, ac deferebant quantum cuique satisesset.

I. D. E. O concupiscunt homines, & non habet, quia omnes nequeunt habere, neque omnes capiunt res paruæ sæculi. Ideo itidem litigant, & belligerant, & occidunt, quia quilibet concupiscit, & omnes haurire nequeunt, donec deueniamus in affluentiam torrentis voluptatis, quæ omnes capit, ideoque omnes in eam intrare iubemur. Quod notauit Caier. ad Luc. 16. ea verba Christi; *Intra in gaudium Domini tui.* Quando, inquit, tam magnum est gaudium cælestis patriæ, vt non possit concludi in homine, & ideo intrat homo in gaudium illud incomprehensibile, & non intrat gaudium illud in hominem, velut comprehensum ab homine: at quia breuia sunt quælibet sæculi bona, à quolibet comprehenduntur, vt nihil alteri possidendum remaneat, ideo semper de possessione contendunt; vno enim possidente, alterum vacet, necesse est.

N. O. T. A. V. I. T. hoc ipsum Ambros. lib. de Nabuthe c. 8. cum ponderat, dixisse diuitem auarum: *Quid faciam, quia non habeo, quo congregem fructus meos?* De inopia, inquit, queritur abundans fructibus, miserior iste fecunditatibus suis, quam pauper, cui periculum de egestate est. Et Hieronym. ad Edibiam, quæst. 1. Non potest, inquit, vnus esse diues, nisi alter amittat: & dum quisque proprium tueri conatur, & alter alienum auferre, litigant, & contendunt. Quod etiam eleganti similitudine ostendit, ac prosequitur Seneca lib. 3. de Ira, c. 35. Iter, inquit, angustum, rixas transeuntium concitat, diffusa, & late patens via ne populos quidem collidit; ista, quæ appetitis, quia exigua sunt, nec possunt ad alterum, nisi alteri erepta, transferri, eadē assestibus, pugna, & iurgia excitat. Dixeratque superiori c. illud notatu dignissimū, quod vinculum auctori esse debebat, seditionis, atque odij

causa

causa est, idem velle. Ex eo enim, quia multi idem volunt, & exoptant, nec tamen simul habere possunt, nascuntur contentiones, dum quilibet consequi, & habere nititur.

Vnde, quia Sancti pacifici omnino sunt, nihil, quod pacem conturbet, & pro quo possint contendere, eosque in via ditinere, habere curant. In quam sententiam venit id, quod notauit Chrysost. hom. 48. in Genes. Primum scilicet, quod sacra Scriptura dicit Abrahamum de terra possedisse, fuisse sepulchrum in morte Saræ à filiis Heth. In morte, inquit, Saræ à filiis Heth possessionem sepulchri, empto loco, accepit. Hoc primum principium possessionis fecit: qui verò solo intuitu mortis terram possidebat, parum illi viuendo adhærebat, & meritò amicus Dei factus est: qui enim Dei amicitia dignus est, vel nihil, aut tantummodo necessaria, de terra possidet, & exoptat.

NOTA V. I. hoc Diuus Hieronymus in Psalm. 76. *Vox tonitruus in rota.* Dicamus, inquit, hoc de interiori homine. Rota modico quodam vestigio stat in terra, & non solum stat; sed quasi percurrit, non stat; sed tangit, & præterit: denique voluitur, & ad altiora transcendit; ita & sanctus vir, quoniam in corpore est, necessitatem habet aliqua de terrenis cogitare, & quando venerit ad victum, & vestitum, & cætera huiusmodi, habens victum, & vestitum, his contentus est, & tangens terram ad altiora festinat; in illo est sermo tuus, quem legimus & in Propheta Zacharia: *Sancti lapides volumur super terram.* Vide quid dixit, *Sancti lapides volumur super terram, & ad altiora festinant.* Vnde alibi: *ubi ducebat spiritus, sequebatur & rota.*

SED adhuc aliquid perfectius ea sancta anima profitebatur, quæ dixit: *Lauī pedes meos, quomodo inquinabo illos?* quasi timuerit pedum iniquationem, etiam dum ad Sp̄sum per terram accedit: quod melius percipiemus, si coniungamus id, quod notauit Philo lib. de victimis, in eo præcepto legis, quo inculcatum erat, ut pedes victimæ lauerent filij Aaron. Pedum lotio, inquit Philo, significat, non humi posthac incedendum, sed per æthera. Qua de re videndus Gregor. in Psalm. 31. cum dicit, tanto celerius animam ad Deum trahi, quanto nihil habet, in quo delectetur in sæculo: qui verò sic transit per terrena omnia bona, pacifice quidem transit, & ipsius membra pro terrenis non militant, nec pugnant, cum sola necessaria, quibus possit transire, exoptet. Qua de re videndus idem Gregor. lib. 31. Moral. cap. 19.

S. I I I.

Sola desideria, non verò bonorum possessio datur in mundo.

ILLUD etiam ostendit hic locus, totam vitam homines consumere in desiderijs, & concupiscentijs, raroque, aut nunquam potiri iis, quæ desiderant, ideoque nihil ferè in mundo reperiri, nisi desideria, & concupiscentias rerum; quod videtur dixisse Ioannes, cum ait: *Omne, quod est in mundo,*

AAA a 3 do,

1. Ioh. 2. *do, aut est concupiscentia carnis, aut concupiscentia oculorum, & superbia vite; totam enim vitam consumit miser homo in desideriis, ut iam de quolibet homine, longè aliter, ac de Daniele dixit Deus, possimus dicere: Vir desideriorum est, cum nihil habeat præter desiderium habendi, & circa vanitatem concupiscetia, & desiderij totus occupetur; quod videtur dixisse David; Vt quid diligitis vanitatem, & quaritis mendacium? ubi Chrysost. ita habet: Vanum illud dicitur, quod est inane, quod nomen quidem fuerit, res nequaquam, ita nomen diuitiarum, res nequaquam, nomen potentia, & ideo remanet solum nomen. Quis est ergo adeò excors, qui quærat nomina, quæ rebus destituuntur, & totam vitam infumat pro desideriis, cum desideratum nunquam adueniat, cum nihil sit*

Cap. 7. *IDEOQUE modò intelligetur, cur homo dicatur habere dies, menses, ac vitam totam vacuum, quod dixit Iob. Super quæ verba Greg. 8. Moral. cap. 7. ait: In hac vita quædam laboriosa sunt, quædam vacua, quædam verò vacua simul & laboriosa. Amore Conditoris, præsentis vitæ tribulationibus exerceri, laboriosum quidem est, sed vacuum nõ est; amore autem sæculi, voluptatibus solui, vacuum quidem est, sed non laboriosum; amore verò eiusdè sæculi aduersa aliqua pati, & vacuū simul est, & laboriosū, quia ex aduersitate mens afficitur, & remunerationis præmio non repletur.*

Ex qua Gregorij sententia rectè colligimus, eos qui pro rebus sæculi zelant, litigant, occidunt, & belligerant, nec tamen habent dies, menses, ac totam vitam, laboriosam quidem habere, cum tot laboribus eam transigant, vacuum itidem, cum nihil fere eorum, quæ concupiscunt, habeant: imò tolerant, addit Greg. simul noctes vacuas, & laboriosas, quia eorum vitam, & retributio subleuens nulla remunerat, & præsentis tribulatio angustat. Misera quidem talium hominum conditio, quam vtrunque claudit labor, & dolor, quia, & in vita laborant, ut habeant, nec tamen habent, & post mortem etiam laborant, & dolent pro iisdem laboribus, quos viuentes exantlarunt, & meritò futura gaudia non excipiunt eos, qui præsentibus desideriis se totos dederunt, terræque deuouendos commendauerunt. Eos enim apertò ore inhiantes terrenis, terra ipsa etiam deuorat.

Exod. 15. *NOTAVIT hoc Orig. hom. 6. in Exod. ubi pòderat ea verba; Extidisti manum, & deuorauit eos terra. Annò, inquit, tibi videtur terra deuorare illū, qui semper de terra cogitat, qui sèper terrenos habet actus, qui de terra loquitur, terram desiderat, de terra litigat, & omnè spè suā ponit in terra, qui ad cælum non respicit, qui futura non cogitat, qui iudicium Dei non metuit, nec beata eius promissà desiderat, sed semper de præsentibus cogitat, & terrena suspirat: talem cum videris, dicito: Quia deuorauit eum terra. Sic ille. Et meritò tales deuorat terra, qui nihil aliud cogitant, quàm deuorare terram, cum pro ea litigent, occidant, & iugiter laborent.*

Mal. 14. *PRO qua sententia facit illud, quod notauit Aug. Ser. 13. de verbis Domini, cum ponderat, Petrum super aquam ambulasse. Amas Deum, inquit, ambulas super mare, sub pedibus tuis est timor sæculi, amas sæculum, absorbet te; amatores suos vorare nouit, non portare; sed cum fluctuat cupiditate*

cupiditate cor tuum, vt vincas tuam cupiditatem, inuoca Christi diuinitatem. Ideo & in Genes. dicitur; *Spiritus Domini ferebatur super aquas.* Quodd Gen. 10. si nomine (*Spiritus*) intelligatur amor, id potest myslice significare, quodd Dei amor super aquas ambulat, non ab eisdem mergitur. Ideoque Lactant. lib. 2. de origine erroris c. 19. ait: Homo non sub pedibus quærat Deum, nec à vestigiis suis eruat quod adorat, quia, quicquid homini subiacet, infra hominem sit necesse est; sed quærat in sublimi, quærat in summo. Qua de replura habet Aug. Serm. 13. de verbis Domini.

ILIVDQVE mirum hac in re est, quodd cætera peccata initium habent à desiderio, & affectu, vt quando quis appetit occisionem alicuius, aut alienam vxorem; complentur tamen in effectu: at verò peccatum concupiscentiæ circa res sæculi, incipit à desiderio, & in eodem hñitur desiderio, quandoquidem nunquam expletur. Vnde Paulus dixit: *Qui volunt diuites* 1. Tim. 6. *fieri, incidunt in temptationem, & in laqueum diaboli, & in desideria multa: semper enim concupiscunt, & in concupiscentiis moriuntur, cum nunquam habeant, quod cupiunt, quod appetunt, imò in laqueo diaboli detinentur ab eodem, ne tandem voti compotes fiant, & experimento noscant, quàm vanum, & inutile sit id, quod tanta anxietate inuestigarunt. Quod si contingeret, proculdubio cessarent à concupiscentiis: in iis enim rebus, quas homines concupiscunt, solus appetitus, & desiderium delectat; possessio verò fastidium generat, experimentum cognitionem parit vilitatis earum rerum pro quibus zelant, litigant, ac laborant. Quod argumentum profequitur D. Greg. hom. 36. in Euang. quæ sic incipit: Hoc distare, fratres charissimi, inter delicias cordis, & corporis solet, quodd corporales deliciæ, cum non habentur, graue in se desiderium accendunt, cum verò auidè eduntur, comedentem protinus in fastidium, & satietatem vertunt; at contrà spirituales deliciæ, cum non habentur, in fastidio sunt, cum verò habentur, in desiderio. Tantoque à comedente ampliùs esuriuntur, quanto ab esuriente ampliùs comeduntur: in illis appetitus placet, experientia displicet, appetitus saturitatem, saturitas fastidium generat. Quod idem argumentum profequitur 14. Moral. c. 6. Delectationem totam huius vitæ in desiderio solum cõsistere probat Ber. Ser. de primordiis, med. & nouissi. vbi sic rē ostēdit. Comedere appetis, quia fames te cruciat, postquã f. mes depulsa fuerit, vide si nõ grauius ducis comedere, quàm esurire. Sic se habet vniversa sub Sole, vt nihil sit in eis verè iucudũ, sed de vno sēper trāsire velit homo ad aliud solaque vicissitudine releuetur. Quibus habet similia Greg. 8. Moral. vbi inter alia ait; ideo ad varia obiecta appetitum hominis respicere, vt scilicet, quia qualitate rerum non potest, saltem varietate satietur.*

HINC est, quodd Oseas dixerit de iniquis hominibus, *comedenti, & non saturabuntur*; quantumuis enim sese voluptatibus, & peccatis dedant, nūquam pleni erunt, sed semper esurient, & cum filio prodigo cupient impleri filiquis: nam sicut D. Hier. illic notauit, voluptas insatiabilis est, & quanto magis capitur, tanto plus vtentibus se famem creat, &c. Sunt enim aliqui cibi exigui nutrimenti, quibus iugiter quis potest vesci, nec vnquã saturari, &

Hic. 55.

& repleti: his igitur similes dicit Propheta esse voluptates. Et Isai. ad hunc sensum dixit: *Quare appenditis argentum non in panibus, & laborem vestrum, non in saturitate?* quorum verborum sensum exposuit Ribera. Cur tanto pretio & labore emitis voluptates, & bona sæculi, quæ tamen nec alere, nec satiare vos poterunt? E contrario verò de iustis ibidem dicitur; *Audite audientes me, & comedite bonum, & delectabimini in crassitudine anima vestra*: qui enim malo vescuntur, nec laborem fugient, nec saturitatem consequentur.

E x quo discursu illud iam colligitur, delectationem comestitionis, sicut & cuiuscumque alterius rei huius vitæ in sola esurie, appetitu, & desiderio consistere, quod sitandem expleatur, tota statim delectatio cessabit. Ideoque diabolus nihil magis curat, quàm ut is, qui aliquam rem desiderat, pro ea zelat, litigat, & occidit, nunquam ea potiatur, ne statim à nequitia delistat, fistidio affectus, sed perpetuam rabiem cupiditatum patiat, sicut dixit Origen. hom. 6. in Leuit.

§. IV.

Ea solummodo bona sunt, quæ à Deo postulancur, & accipiuntur.

QUONIAM verò receptissima est ea expositio huius loci, quam assignat Lyran. & prosequitur Brixian. ibi; *non habetis, properea quod non postulatis*; id est, non expectatis à Dei beneficentia id, quod habere optatis, sed existimatis vestro vos ingenio assequi illud posse; quare indigni estis qui habeatis. Postulat hic locus, ut aliquid dicamus contra eos, qui spem suam in alio ponunt, præter Deum, aliæque bona procurant, quàm quæ à Deo possunt assequi. De quibus sanè videtur dixisse Dauid; *Odisti observantes vanitatem superuacue*: quæ verba explicat Aug. 6. de Ciuit. Dei, cap. 8. contra eos, qui in re aliqua spem suam collocant, præterquam in Deo, quos quidem tãquam in ipsum iniuriosos Deus odio habet. Speras, inquit Aug. in pecunia; observas vanitatem? Speras in honore, & sublimitate aliqua? observas vanitatem. Ego autem in Deo speravi, quando non observo vanitatem.

ILLUD autem cõtra huiusmodi homines notandum est, quod addit Propheta; *Odisti observantes vanitatem superuacue*, id est, vanitatem vacuitatis, siue inanitatis, seu vanitates vanissimas, sicut exposuit ibi Genebrar. Vacua enim sunt, & vanissima quæcumque observamus, & in quibus speramus. Hoc autem dixit Dauid postquàm expertus fuerat, nullam omnino confidentiam posse haberi etiam in diuitiis, apparatu, & magnificentia regia. Nam præcedenti Psalmo fatetur, se aliquando confidisse abundantiae suæ, ait enim; *Ego dixi in abundantia mea, non movebor in æternum*. quæ verba sic explicat Aug. Serm. 2. de verbis Apostoli. Tanta erat abundantia mea, ut hoc dicere auderem; non movebor in æternum. Quid deinde? ait; Augustinus *Aueristi faciem tuam à me, & factus sum conturbatus*. Ostendisti, inquit, mihi,

mihi, vnde peterem, cui retribuere, quod acceperam, ad quem curre-
rem sitiens, vt implerer, & quo impletus essem, ad quem custodirem; forti-
tudinem enim meam ad te custodiam. A Deo enim sunt postulanda bona,
ab eo conseruanda, & ad ipsius cultum custodienda. Consonatque illud
Psal. *Deus meus es tu, quoniam bonorum meorum non egēs.* vbi Paraphras. Chald. *Psal. 15.*
habet; bonum meum, non nisi à te. Quibus verbis ostendit nullum omnino bo-
num posse alicui contingere, nisi Deo largiente, & conseruante, proinde-
que frustra quemlibet zelare, litigare, & occidere, si à Deo non postulat, &
accipit, qui solus pauperem facit, & ditat. Vnde Abraham oblata bona re-
culauit dicēs: *Nō accipiam ex omnibus, quæ tua sunt, ne dicas; Ego dixi Abraham, Genes. 14.*
vbi Lyrar. post D. Chrysost. aduertit, non dixisse Abrahamum, ne tu dices
Abrahamum, sed, ne dicas; Ego ditaui Abrahamum, quia cū solus Deus
diu tem facere possit, poterit homo falsò hoc sibi assumere. Vnde Fulgen.
epist. 6. ad Theodorum, de conuersione c. 6. ita ait: Homo quidem sic à Deo
factus est, vt temporalia bona habere possit, sed habere non potest, nisi do-
no Dei miserantissimè acceperit. Nam & oculus sic factus est, vt videre lumen
possit, sed videre non potest, nisi se illi lumen in fuderit. Quod ergo videt
oculus, beneficium est luminis, & quod bona quis habeat, id conceditur
à Deo.

Vnde Philo lib. de somniis, ponderans ea verba, quæ Deus dixit Iacob.
Ero custos tuus quocunque perrexeris. vbi ipse legit; *Ecce ego sum tecum.* Quid; in- *Genes. 28.*
quit, igitur nobis deest amplius, cū te possideamus veras diuitias? Ideo-
que Sponsa secundum expositionem D. Ambrosij Domino dixit, se in ul-
lis omnino sæculi rebus posse exultare, & confidere, nisi in Diuino Spon-
so, quem pro diuitiis habebat, & à quo solo cūcta bona sperabat. Exultabi-
mus, inquit, & lætabimur in te. Non in diuitiis, ait Ambros. lib. de Isaac, &
anima, c. 40. auri, argenti que thesauris, nō in possessionum fructibus, non
in potestatibus, non in conuiujs, sed in solo Deo exultat, in quo, & à quo
sunt veræ diuitiæ, & sine quo nihil boni possideri potest. Ideoque aduer-
tit idem Ambros. Iosephum missum à patre inuenisse iniquos fratres suos
in Dothaim, quæ significat *defectionem*. Vbi enim, inquit Ambros. lib. de Ioseph. *Genes. 37.*
c. 3. nisi in defectione, qui Deum deseruit? Tantum enim abest, vt bona
inueniat is, qui recedit à Deo parente, vt potius iis quæ habet, priuetur, do-
nec tandem deficiat. Quod dixit August. in Psal. 123. Vt lucrum, inquit,
faceres, offendisti Deum, vt augeres pecuniam, fides diminuta est, & au-
rum crescit. Quid perdidisti? quid acquisisti? Quod acquisisti, aurum voca-
tur, quod perdidisti, fides vocatur, lucra tua cogitas, damna tua non cogi-
tas? de arca gaudes, de corde non plangis? abundat nescio quid in arca tua;
sed vide quid diminutum sit in corde tuo.

Est in hanc sententiam notandus locus ille, quando milites de tribu
Dan ingressi domum Michæ, tulerunt scalptile, Ephod, idola, atque con-
flatile, clamantibusque Michæ, & seruis eius post Danitas, dixerunt ipsi ad
Micham: *Quid tibi vis? cur clamas?* vbi Varab. *Quid sic queritaris? qui respondit:* *Iudic. 18.*
Deos, quos mihi feci, sulcisti, & Sacerdotem, & omnia, quæ habeo, & dicis; Quid tibi
Pauc. in Epist. B. Jacobi Apost. BBBB *est?*

est quem locum sic transtulit Vatab. *Deos meos, quos mihi feci, abductis, & abis;* quid verò mihi ultra est id est, quid mihi putatis esse reliquum? Existimavit enim Michas, post Deos etiam falsos nihil omnino illi superesse, neque aliquid boni illi amplius remanere. Quòd si nihil reliquum habebat Michas, spoliatus idolis falsis, quid poterit habere infelix anima, quæ verum Deum nec habet, nec vera bona ab eo postulat?

Exo. 32. RIDET meritò D. Chrysost. hom. de prodicione Iudæ, insanam Israëlitarum postulationem ad Aaron, dum ei dixerunt: *Fac nobis deos, qui nos præcedant.* Incredibilis, inquit Chrysost. est hæc insipientia, & stupiditas, dum scilicet relicto Deo, qui eos fecerat, & in manu potenti eduxerat de manu Ægypti, aperiendo illis mare rubrum, & in eodem insequentes hostes submergendo, postulant Deum factum, quasi fieri possit Deus, eumque ducem prohtentur, antequam fiat. Sed, sicut notavit optimè D. Clemens Rom. lib. 6. Constitution. Apostolic. cap. 10. hac vna re sapiunt, quòd se sine Deo nihil posse fatentur, & in medio errore veritas elucet, nullam scilicet Rempub. populum, domumve posse consistere, & perdurare, quæ Deum non habeat protectorem, ductorem, ac datorem; imò statim inveniendam fore in Dothaim, scilicet in defectione, & perditione omnium bonorum.

Luc. 23. PRO quo argumento facit id, quod Dominus latroni in cruce pendens dixit: *Hodie mecum eris in Paradiso.* quasi enim parum fuisset dicere, *hodie eris in Paradiso*, addidit, *mecum eris.* Veritus enim fuisse videtur Filius Dei, ne latro Paradisum recusaret sine ipsius societate, vtpote qui sine Deo posset amitti, aut de eo cadere, sicut cecidit Lucifer, & amisit Adamus. Dixit hoc eleganter Ambr. in Psal. 39. Pulchrè, inquit, subiunxit, *mecum eris in Paradiso*, hoc est, noli timere, ne & tu cadas de Paradiso, sicut cecidit Adam, sed audi, quia mecum eris, quo præsentem cadere non possis. Quòd si bona, quæ tumuis excelsa, & sublimia sine Deo nequeunt securè possideri, quomodo acquirerentur, si ab ipso concessa non fuerint?

Hæc igitur est ratio, cur non habemus ea, pro quibus tot curas sumimus, tot labores impendimus, occidimus, litigamus, ac præliamur, quia præ omnibus de Deo non curamus, & ad Deum non confugimus; quod docet Iacobus in præsentis; & post eum D. Chrysost. hom. 8. in epist. ad Heb. Omne studium in iis, quæ ad vitam pertinent, euacuatur; propterea nobis pro voto non proueniunt.

LONGE aliter quidem Iob, qui post annunciata tot mala, & amissa omnia bona, dixit: *Dominus dedit, Dominus abstulit, sicut Domino placuit, ita factum est.* Dedit, inquit August. & abstulit, manet qui dedit, & abstulit quod dedit. *Sis ergo nomen eius benedictum.* Quibus verbis censet Aug. propterea Iobum Deum laudasse, quia quæcumque omnia bona rescuerat ablata, adhuc tamen sibi remanere Deum bonorum omnium agnouerat, cuius sola præsentia sufficiens illi erat, vt in laudes prorumperet ipsius, qui bona omnia abstulerat. Qui ergo vera bona desiderat, Deum primò inquirat, & à Deo eadem postulet, & cum Deo lætetur, etiam post amissa omnia.

Q u o d si aliquando iniquis hominibus bona videmus à Deo concess

cessa, cum nec ipsi à Deo postulent, nec ipsi mereantur sibi à Deo concedi, duplicem solutionem dabimus. Primam desumimus ex Gregor. 6. Moral. cap. 4. ubi ponderat ea verba Iob. *Vidi stultum firma radice, & maledixi pulchritudini eius;* & statim eius maledictionis causam assignat dicens. Qui honoratur in via; in peruentione damnabitur, & quasi per amena prata ad carcerem peruenit, qui per presentis vite prospera ad interitum tendit. Clariusque hoc habet 15. Moral. c. 35. ubi sic ait. Quia videt Deus, ad quam damnationis foueam tendant iniqui, hoc eis pro nihilo esse existimat, quod hic relinquenda multiplicant. Permisit enim diuina bonitas, ut qui tot mala post mortem subituri sunt, aliquibus, licet breuibus, licet fragilibus bonis in vita fruerentur.

SECUNDAM solutionem adhibet D. August. loco citato dicens: Quod bona temporalia det malis, admonet bonos, ut alia desiderent, quæ non habent cum malis communia, quæque non zelando, litigando, & belligerando, sed postulando possunt haberi, imò & lucrari, si hæc vilia bona contemnant, pro quibus sic impij, & stulti laborant, nec habent. Vnde David, qui sicut ceruus ad fontes aquarum, solum Deum bonorum fontem desiderabat, dixit: *Quia non cognoui literaturam, introibo in potentias Domini.* ubi D. August. concione 1. legit. *Quoniam non cognoui negotiationem.* Audiant, inquit, negotiatores, & mutent vitam. Hinc enim auaritia nescio qua acquirendi, & negotiatorum, quando damnum passus fueris, blasphemias: quando autem pro pretiis rerum, quas vendis, non solum mentiris, verum etiam falsum iuras, & propter te dicunt Pagani: Ecce quales sunt Christiani, &c. Et D. Chrysost. Serm. in Psalm. *Qui habitat;* super prædicta verba ait: Malum negotiorum pecuniarum, quod animam inescat, & captiuat. Videndus hac de re Hieronymus. lib. 3. in cap. 12. Osee, ad ea verba; *Chanaan, in manu eius fratera dolosa, calumniam dilexit;* & dixit Ephraim: *Verumtamen diues effectus sum;* id est, ut exponit Hieronymus. non refert, vnde possideam, dummodo possideam: Similiaque habet Hilarius in Psalm. 125.

Verf. 3. *Petitis, & non accipitis, eo quod male petatis, ut in concupiscentiis vestris infumatis.*

EXPOSITIO LITERALIS.



QVONIAM in promptu erat obiectio, qua quis posset dicere, multos studiosè, & assidue Deum precari, totoque affectu, Deum postulare, nihil tamen ab eo obtinendo, ideo rationem statim huius rei reddit Apostolus; propterea scilicet non exaudiri, quia noxia, & in malum finem petunt, constituendo Deum libidinum, & voluptatum administratorem, utpote qui ipsarum materiam ab eo velint accipere; qua in re tantum abest, ut à Deo exaudiantur, quin potius ipsum grauissime offendunt, & in ipsa oratione plus delinquant.

BBBB 2

VNDE

Vnde Cyrill. lib. 9. in Ioan. c. 43. explicans hæc verba Iacobi, ait: Quæ ipse Deus odit, quoniam turpia sunt, quomodo cæteris largietur? quomodo dulcedinis fons amarum aliquid scaturire poterit? Ideoque quemadmodum Phariseus Deum orando, deliquit, sic etiam delinquant ij, qui taliter Deum orant; sicut hic notauit Oecum. idque propter prædictam rationem, atque etiam, quia, sicut aduertit Interlinearis, magis ea, quæ petunt, quam Deum videntur amare. Vnde Aug. in Psal. 85 dicit eos, qui sic orant, Deum non inuocare, secundum illud Psalmi; *Deum non inuocauerunt*. Inuocant, inquit, sed non Deum, inuocas quicquid ama-, inuocas quicquid in te vocas, inuocas quicquid vis vt veniat ad te. Porro si Deum propterea inuocas, vt veniat ad te pecunia, vt veniat ad te hæreditas, vt veniat ad te sæcularis dignitas, illa inuocas, quæ vis, vt veniant ad te; sed Deum tibi ponis adiutorem cupiditatum, non exauditorum desideriorum. Et subdit; Inuoca Deum, tanquam Deum, illo melius nihil est, ipsum desiderata, ipsum concupisce. Vide inuocantem Deum, *Unam perij a Domino, hanc requiram*. Delinquit etiam, qui sic petit, quia non obedit Dei præceptis, qui dixit: *Querite, sed, petite, vt legit Oecumen. primum regnum Dei, & iustitiam eius*. Iam verò qui declinat aurem suam, ne audiat legem, oratio eius erit execrabilis; sicut dixit Salomon.

TANDEMQUE deficit, sicut notauit Caiet. quia propriam voluntatem, & appetitum præponit Dei voluntati, dum postulat, vt perficiatur voluntas propria, cum tamen oporteat in supplicando præferre voluntatem diuinam, alioqui malè petitur, proindeque nec exauditur. Sic enim intelligenda est ea promissio Christi Domini, vt hic aduertit cum Didymo Alex. omnes grauiores interpretes, & in illud Math. *Petite, & dabitur vobis: & Luc. Omnis, qui petit, accipit, &c. si, scilicet, adsint conditiones rectæ petitionis, quarum vna est, vt rectè petatur. Deinde malè petitis, quia petitis superflua, non necessaria, nociua, non vtilia.*

Matth. 11.
Luc. 11.

NOTANDUM verò est verbum illud *insumatis*, quod sic interpretatur D. Thomas, vt consumatis, scilicet, vos ipsos in concupiscentiis vestris. Vnde & alia litera eodem teste habet; *vt insumamini*. Lyran. verò sic explicat illud; vt in concupiscentiis vestris insumatis, vt sit sensus: concupiscentias vestras impleatis. Insumo enim est verbum compositum ab in, & sumo. Et sic, insumere, est intus sumere; quod est concupiscentiam malorum adimplere; & eum sequitur Carthus. dicens: Vt eas insumatis, id est, intra vos accipiat, & consumatis in concupiscentiis vestris, scilicet, iuxta impetum concupiscentiarum, non secundum rationis iudicium.

PLENIOR tamen erit sensus, si sic intelligamus hunc locum; malè petitis, vt in concupiscentiis vestris insumatis, id est, expendatis in completionem concupiscentiarum vestrarum. Hanc enim vim habet apud Latinos hoc verbum (*insumo*). In hoc sensu explicatur hic locus à D. August. tractat. 73. in Ioann. cui accedit ex parte D. Thomas hic, & videtur esse de mente Bedæ.

§. 1.

Non sunt perēda à Deo prius temporalia, sed potius spiritualia.

CVM certum sit, orationem esse clauem, qua referantur quæcunque difficillima sunt, sicut probat Chrysost. hom. 36. in Act. Apost. cum ponderat illud de Paulo, & Sila; quodd *media nocte orantes laudabant Deum, & audiebant illos vincti. Repente autem tremotus factus est magnus, ita ut mouerentur fundamenta carceris. Aperi sunt autem statim ianue, & omnium vincula soluta sunt;* ubi clavis carceris, ac vinculorum oratio extitit; nec mirum, cum clavis etiam cœlorum sit. Ideoque Helias clausit, & aperuit cœlum oratione; sicut ibidem ponderat Chrysost. Clauemque cœli vocauit orationem D. August. Serm. 226. de Tempore. Quia in re oratio videtur assimilari sanguini Christi in nomenclatura; sic enim cum clauem cœli appellauit Hieronym. epist. 129. ad Dardanum.

CVM itaque oratio clavis sit cœli, ipsūque aperiat, ut nobis inde omnia bona decident; quo sensu dixit Chrysost. Ser. de Moyse, tom. 1. orationem esse colloquutionem cum Deo; responsum verò ipsius esse beneficia, quæ nobis largitur. Colloqui, inquit, tecum, etsi non verbis, tamen beneficiis dignatur; imò & beneficiis solet diuina bonitas nostras præuenire, & anteuertere preces, sicut notauit idem Chrysost. Ser. in c. 3. Sap. ad ea verba; *Iustorum anime,* &c. tom. 1. cum ponderat, cur Petrus, & Ioannes non post egressum à templo, quò ierant ad orandum, sed ante ingressum, claudum sanauerint, & ambulare fecerint. Ascendunt, inquit, Apostoli Dominum deprecaturi, sed preces claudi non poterant aspernari, neque permittit claudus orare illos, quos petit, nisi prius acciperet quod optauit, ut antè ab eis, quod voluit, impetraret, quàm ipsi à Domino, quod volebant, expeterent: antè operantur, quàm ipsi Dominum deprecetur, antè virtus ostenditur, quàm oratio ad Dominum præmittatur, effectus preces præueniunt, virtutes desideria antecedunt, nec expectatur, ut vota ad Dominum præmittantur, quia Dominus ipse antè efficit, quàm oretur. Hæc Chrysost. quæ ostendunt, quomodo Deus nos præueniat oraturos.

MAGNAM parit difficultatem locus ille initio Cantic. ubi Sponsa alloquitur absentem Sponsum, & dicens: *Osculetur me osculo oris sui,* statim conuertit sermonem, tanquam si præsentem alloqueretur Sponsum, illicoque dicit: *Quia meliora sunt vbera tua vino,* cum potius debuisset dicere, quia meliora sunt vbera sua vino. Acutè sane aduertit Origen. quæ mutatio hæc fuerit, dicens; vim fidelis, & feruentis orationis per hanc mutationem indicasse Spiritum sanctum; nam, cum Sponsa ex imo corde effunderet animam suam ad Sponsum absentem, quem præsentem, & osculantem desiderabat, dicebat; *Osculetur me osculo oris sui,* tamen vix intra se verba compleuerat; & ecce Sponsus Deus adest tali modo, ut ab Sponsa videretur, quem præsentem inuita, inceptam orationem, tãquam ad præsentem Dominum conuertit, *Quia*

BEBb 3 me

meliora sunt vbera tua vino: docet nos Spiritus sanctus diuinam prouidentiam, atque assistentiam nostris precibus.

cap. 5. Hoc idem docuit per Isaiam, cum dixit: *Tunc erumpet quasi mane lumen tuum*; pro quo Chrysost. legit *scinderetur*, id est, subito te illuminabit, ait: Quod plus est, adhuc te loquente, dicam: *Ecce adsum*; vel ut est in Hebr. *Ecce ego*, quasi dicat: quid tibi est opus? adsum opem laturus. vbi D. Hier. *Ecce adsum*, non voce, sed opere, non responsione, sed beneficiis: quod iuxta litteram in Euangelio comprobatur, quando dicente ad Dominum Leproso: *Si vis, potes me mundare*: videtur, ait D. Hier. velle ostendere, quomodo rebus responderit vocibus, dixit Leprosus: *Si vis, potes me mundare; respondit: volo, mundare*. Iisdem duobus verbis, quibus Leprosus fuerat loquutus, velut fidei in effectu comprobans, ut notauit D. Ambr. lib. 5. in Luc. c. r. dicens: Illud mirabile, quod eo sanauit genere, quo fuerat obsecratus, *Si vis, potes me mundare, volo, inquit, mundare*. Quibus habet similia Chrysost. ho. 17. ex variis in Matt. locis.

Gen. 3. **EXTAT** inigne huius prouidentiae testimonium in Genes. quo loco orabat seruus Abraham Deum, ut puella virgo, quae prima occurreret, & aquam petenti sibi concederet, illa ipsa vxor futura esset Isaac filij domini sui, orabat certe in fide. Notanda verò maxime verba Scripturae: *Nec diu, inquit, intra se verba compleuerat, & ecce Rebecca egrediebatur, virgo pulcherrima, & incognita viro, quae petenti sibi aquam, non solum larguer dedit, sed etiam omnibus famulis, & camelis hausit liberaliter.*

CERNITUR etiam vis orationis in eo, quod Deus plura concedat petenti, quam ab eo postulentur. Etenim, cum Daniel solam Hierosolymitanum templi reparationem postulasset, plus inuenit diuina liberalitas, quod largiretur, atque ita promisit Deum in carne venturum, quod nec sperare posset humana fragilitas, nec postulare auderet. Solet enim excedere diuina bonitas vota postulantium, & merita.

Hoc argumentum prosequitur Paul. Burgens. in Scrutinio 1. p. d. 3. cap. 3. Similisque est locus Genes. vbi, cum Abraham tantum postulasset, *vinam* **Gen. 17.** *Ismael viuas in conspectu tuo*; audiuit diuinum responsum dicens: *Sara vxor tua pariet tibi filium, vocabisque nomen eius Isaac*. Qua de re videndus Chrysost. hom. 29. in Gen. & 38. & hom. 79. ad pop. & Ambros. super Psal. 3. cum ponderat ea verba latronis. *Domine memento mei*. Ille adhuc rogabat, ut sui meminisset

Luc. 22. Dominus, cum venisset in regnum suum, & Dominus, cum nondum venisset, iam ei regnum caeleste tribuebat. Similia habet Hier. epist. ad Rufi. tom. 1.

CVM igitur haec sit vis, & efficacia orationis, mirum sane posset videri, quod hic ait Iacobus; *petitis, & non accipitis, nisi statim rationem adiungeret dicendo: eo quod male petatis, ut in concupiscentiis vestris infumatis*. Ex quibus verbis illud imprimis colligimus, Deum propterea non exaudire postulationes nostras, quia terrena postulamus ad complendas inordinatas concupiscentias. Porro, si Deus non vult, ut ab eo, quae sunt saeculi, primario postulemus, qui fieri potest, ut concedat, si ad nostras concupiscentias petierimus? Quod verò nolit, ut postulemus primario terrena, probat id, quod dixit;

Matt. 6. *Quaerite primum regnum Dei*. Vnde Basil. lib. const. Monast. Quandoquidem ores,

caue

tunc diligenter ne quæ petis , peruersè petas , & aduersum te Dominum irrites: non pecuniam, non gloriam humanam, non aliud quidpiam ex numero eorum, quæ citò præteruolant, sed pete regnū Dei , & quæ ad vsum corporis pertinent , omnia tibi suppeditabit munificentissimis, atque augustissimus Rex noster , qui indigne fert, quandocumque quis exiguum à se aliquid petit, quandocumque quis nostrum de rebus minime ipsi conuenientibus rogat. Noli igitur illum tibi oratione tua iratum facere , sed ea pete tibi, quæ digna sunt, & Rege , & Deo ; hæc autem petens ab eo , ne prius recesseris , quàm quod petis , impetraueris. Sic Basilii. Cui addendus est August. in Ps. 36. cum ponderat ea verba; *Delectare in Domino , & dabit tibi petitiones cordis tui.* Discerne, inquit, petitiones carnis tuæ à petitionibus cordis tui: Petitiones carnis sunt, quibus petuntur carnalia, petitiones cordis, quibus postulantur spiritualia , quæ à Deo faciliè consequemur, si à carnalibus fuerint separata.

VIDENDVS etiam pro hac re est Greg. 15. Mor. c. 23. vbi aliam rationem adducit, cur Deus nos non exaudiat, cum temporalia ad concupiscentiis indulgendum postulamus. Se magis, inquit, Dominus, quàm ea, quæ condidit, vult amari; æterna potius, quàm terrena, sicut scriptum est: *Querite primum regnum Dei, & hæc omnia adiciemur vobis:* qui enim non ait, dabuntur, sed adiciemur, profectò indicat, aliud esse, quod principaliter datur, aliud verò quod superadditur.

ITEM argumentum prosequitur D. Chrysost. hom. 54. in Genes. Ne temporale, inquit, aliquid à Deo petamus, indignum enim valde est, à tam liberali, & tanta virtute præstanti, huiusmodi petere, quæ in præsentī vita dissoluuntur, & versionem experiuntur. Accinit Nazian. Orat. in sanctum Baptisma, cum ait: Iucundiùs Deus dat, quàm alij accipiant; hoc vnum caueamus, ne sordidi, ac præparci animi notam subeamus, parua postulant, ac Dei liberalitate indigna.

NEC mirum, si Deus nolit, vt primariò ab ipso postulemus, quæ ad sæculum pertinent, quando nec ipsorum recordationem voluit haberi, dum ipsum deprecaremur: quæ fuit ratio, cur ascendentibus ad orationem, iuxta ipsius præscriptum, dixerit: *Nullus insidiabitur terra tua ascendente te, & apparente in conspectu Domini Dei tui ter in anno.* Reddit autem rationem huius sententiæ D. Aug. quæst. 161. in Exod. dicens: Hoc vult intelligi, vt securus quisque ascenderet, nec de terra sua sollicitus esset, Deo promittente custodiam. Ex qua expositione illud colligimus, Deum non solum velle, vt ab eo terrena minime postulemus, quia potius, nec ipsorum memoriam, curam, ac sollicitudinē habeamus, dum ad orationem accedimus. Vnde D. Aug. lib. 2. de Serm. Domini in Monte. c. 17. & 24. & 25. & deinceps, concludit, nullo modo posse à Deo temporalia peti, quia pro quibus non licet esse sollicitum, non licet etiam orationem offerre: quod tamen ita intelligendum est, vt temporalia non postulemus, nisi pro necessitate, & vt ad res spirituales consuandas conducunt, ideòque superius dixi, male à Deo postulare, qui primariò ab ipso temporalia bona postulabat: quia

quia non sunt postulanda, nisi secundum necessitatem, & vt pertinent ad spiritualia, quæ est mens Augustini Serm. 6. de Orat. Dominic. & lib. 50. homiliarum, hom. 11. & Chrysost. de orat. Dominic. & Tertull. lib. de orat. Sicque intelligendus est Basil. Greg. & Chrysost. supra allati, & Casian. collat. 9. cap. 24.

§. II.

Digna Deo debet esse nostra oratio.

CV M ergo temporalia bona non debeant à Deo postulari summa sollicitudine, nec nisi in ordine ad spiritualia, qui ea sola inquirunt insuper nequissimo proposito sine, scilicet, vt in concupiscentiis ea insumant, quomodo à Deo accipient, quem dum postulant summè offendunt? quomodo exaudietur oratio, quæ in peccatum fit, & conuertitur? sicut dixit 7. 168. David. Grauiissimum autem malum est, contrahere in oratione peccatum, in qua alij remedium consequuntur, sicut optimè notauit Ambros. lib. 1. de Cain, & Abel. c. 9.

QUÆ fuit ratio, cur Tertull. in Apologet. aduersus Gent. c. 40. rideat Gentiles, qui dum Deorum opem pro suis necessitatibus implorant, eosdem maximè offendunt; cum ab imbris æstiuæ, inquit, hyberna suspendunt, & annus in cura est. Vos quotidie pasti, statimque pransuri, balneia, & cauponis, & lupanaribus operati, aquilicia Ioui immolatis, cœlum apud Capitolium quæritis, nubila de laquearibus expectatis, auersi ab ipso, & Deo & cœlo. Ideoque cap. sequenti. eosdem appellat publicorum incommodorum, & malorum illices, quia dum precarentur, Deum potius irritabant. Quibus similes omnino sunt ij, qui à Deo postulant bona, vt in malis insumant, qua in re, & propriam fatentur nequitiam, & Deum per impudentiam iniuria afficiunt.

HO c vt explicem, notandum est id, quod dixit Clem. Alex. 7. Stromat. Nos Deum nostrum precibus honoramus; quod intelligendum censeo, non solum de reuerentia, & submissione, qua toto corpore procumbentes profitemur Dominum, & Creatorem; sed insuper, quia, dum quæ bona sunt, ab ipso postulamus, & quæ petimus, in ipsius cultum conuertimus & impendimus, & bonorum authorem, & finem etiam nostrum, & eorum, quæ condita sunt, prædicamus. Ideoque D. Ber. Ser. de quatuor modis orandi, vbi præsentem Iacobi locum pertractat, ex eo deducit, quæ sequuntur. Caueat quis, ne fortè postulet nõ postulada, aut minùs postulet, quàm à Deo sint postulada; quasi velit iniuriã inferri Deo, dū quæcumque iniusta sunt, & nequã fini diriguntur, à Deo postulantur. Quis enim audeat ea, quæ dedecent, nisi per summã impudentiã, & iniuriã, vel etiã à prudenti Rege petere? Ideoque & filia Herodiadis caput Ioannis Baptistæ inter pocula, & in conuiuio ebrietatis postulauit, nihil quidem tale ausa à sobrio Rege quærere. Iniustæ enim preces pudore, & iniuria afficiunt eum, cui proponuntur, sicut & quæ rationi conueniunt, vel ipsum etiam Deum videntur honorare.

V N D E

Vnde Dauid, *Domine ante te desiderium meum, & gemitus meus à te non est absconditus.* vbi D. Gregor. expositione in Psalm. pœnitent. ait. Tale est desiderium meum, vt dignum sit in conspectu tuo: quasi dicat, nihil omnino desidero, quod pudeat à te postulare, à quo non nisi digna postulanda sunt. Pulchrè verò addit Aug. Ideo non est absconditus, sed exauditus gemitus. Ideoque & Senec. epist. 10. perfectum, & omnibus cupiditatibus solutum eum virum dixit, qui nihil Deum roget, nisi quod rogare possit palam, quando scilicet non nisi quæ postulanda sunt, possint à Deo peti. Qui enim malè petit, & ignorantiam, ac nequitiam propriam profitetur, & iniuriam Deo infert. Propterea quæ sic petentes non accipiunt. Videndus hac de re Chrysolog. Serm. 132. vbi explicat ea verba Christi Domini Matth. 18. *Si duo ex vobis conuenerint super terram, de omni re quamcumque petierint, fiet illis à Patre meo:* salua tamen ea cautela, & reuerentia, vt à Deo, quæ Deo digna, postulentur: qui enim mala à Deo postulat, Deum mali iudicat, & sentit auctorem, & qui vilia, & indigna precatur, præstantis potentiam degener petitor ignorat.

§. III.

Beneficium Dei est, nobis postulata aliquando negare.

NEQUE verò Diuina bonitas nobis, etiam dum negat, deest, imò magnum beneficium largitur, dum ea, quæ noxia, iniuriæque sunt minimè concedit; quod iam supra in c. 1. notauimus v. 6. §. 5. Est enim peculiare Dei beneficium, sic postulata negare: quod dixit August. in Psalm. 85. Deus, inquit, bonus, si det, quod vis, quid si malè vis? nonne erit magis tibi non dando misericors: quid enim petebas? fortè mortem inimici: tristis es; quia non es exauditus contra illum: gaude, quia non es exauditus contra te. Hoc etiam cernere est in patre diuidente substantiam duobus filiis. Si enim portionem prodigo non tribueret, neque abiret in regionem longinquam, nec viueret luxuriosè.

VIDENDVS pro hac re Bern. Serm. contra vitium ingrati tudinis; vbi ostendit, ex Dei misericordia prouenire, quòd aliquando non concedat ea, quæ nobis noxia forent. Misericordiæ, inquit, res est, hac in parte subtrahere misericordiam, quemadmodum iræ, & indignationis misericordiam exhibere. Ideoque Chrysost. hom. 5. in Genes. admonet, vt Deo semper gratias agamus, siue consequamur quod petimus, siue non: Nam, cum Deus, inquit, aliquid nobis negat, non minus est, quàm si concessisset. Negat enim aliquando, quia nescimus, quid petamus, idque confirmat exemplo Pauli, qui ter Dominum rogauit, vt ab eo auferretur stimulus carnis, nec tamen exauditus est: cum tamen diabolus exauditus fuerit, quando Iob petiit tentandum, & dæmones exauditi sunt petentes licentiam, vt porcos ingrederentur. qua de re videndus August. in Psalm. 85. & tract. 6. in 1. epist. Ioan. vbi ait. Aposto lus magis exauditus est ad salutem, non ad voluntatem; diabolus ad voluntatem, sed ad damnationem: si voluntati nostræ dat, la-

Paiz in Epist. B. Iacobi Apost.

CCC c luti.

luti non dat. Similia habet in Psalm. 26. ad ea verba; *Unam peti à Domino, hanc requiram.* Et epist. 150. & tract. 73. in Ioan. & lib. 5. contra Iulian. cap. 3. & Serm. 3. de verbis Apostoli, vbi ait. Deus & cum differt, adest, & differendo adest, ne prosperam cum implet voluntatem, perfectam non impleat sanitatem. Videndus hac de re Prosper. lib. sententiar. sent. 212. & D. Thom. 3. p. q. 15. art. 1. & 2. Chrysoit. hom. 79. ad pop. vbi ait. Non nosti vtilia, ô homo frequenter damnosa petis, & periculosas sed Deus magis tuæ curam gerens salutis, non tuam intuetur petitionem.

PROINDEQUE non mirum, si qui petunt bona, vt in concupiscentiis insumant, non exaudiantur. Si enim nij Israël monilia, & in aures non haberent, idolum quidem non adorarent; & si perditus filius substantiam non acciperet, non viueret luxuriosè: multique nisi temporalia superdantur haberent, & ni pecunia abundarent, tot scelera non committerent. Idè enim fortassis Nazian. Orat. 24. in principio, pecuniam occultum tyrannum appellauit, quia multam tyrannidem operatur, multa impie deuastat, & occultè aggreditur. Quo sensu apud Oseam dicitur: *Dives effectus sum, inueni idolum mihi.* vbi aliqui ex Hebr. legunt; *inueni vim mihi*, vt sit sensus: Mihi iam est vis, quæ quæque obuia possum aggredi, & volita committere, etiam per vim, & tyrannidem. Quibus igitur bona, non nisi ad res malas sunt, si Deus ea, dum postulatur, denegat, singulare præstitit beneficium, quando materiam peccatorum subtrahit, & occasionem Deum offendendi abstulit.

PRO qua re facit ille locus Scripturæ, quando Dauid misit nuncios ad Ishobeth dicens: *Redde uxorem meam Michol, quam despondi mihi centum preputiis Philistiim, misitq. Ishobeth, & tulit eam à viro suo Phaltiel, sequebaturque eam vir suus plorans vsque Bathurim.* vbi Rupert. lib. 2. in lib. Reg. c. 12. ait. Plorasse dicitur præ gaudio, eo quod eum Dominus custodisset, ne tangeret eam. Quibus addendum est, plorasse præ gaudio, dum ablatam sibi vidit occasionem cadendi, quod singulare est Dei beneficium, proindeque tale confert, dum nihil confert, & postulata negat iis, qui concessa conuerterent in Dei offensionem.

QUOD confirmat Gregor. ex eo quod Deus filiis Israël cōcessit ea, quæ vitiosè appetierant, dum dixerunt flentes: *Quis dabit nobis ad vescendum carnes? Venis ergo egrediens à Domino, arreptas trans mare coturnices demisti in castra, volabantque in aere duobus cubitis altitudine super terram. Surgensque populus toto die illo & nocte, ac die altero congregauit conturnicum multiuindinem; adhuc esca eorum* Psal. 77. *erant in ore ipsorum, & ira Dei ascendit super eos;* ait Dauid. Huius autem rei causam aduertit Paulus cum dixit 1. Corinth. 10. *Hæc in figura facta sunt nostri, vt non simus concupiscentes malorum, sicut & illi cupierunt.* Quid igitur concessit Deus tam citò beneficium, quod consequutur erat tam velox; atroxque supplicium? Hoc explicat D. Greg. 15. Moral. c. 12. Maioris, inquit, iracundiæ est, cum hoc tribuitur, quod malè desideratur, atque inde repentina ultio sequitur: nā quāto citius malū votū impleri permittitur, tāto celerius puniatur. Et hæc est ratio, cur D. Aug. tract. 73. in Io. vbi eundem locū Num. tractās, ait:

ait: Malè vsurus eo, quod vult accipere, Deo potiùs miserante non accipit. Proindeque si hoc ab illo petitur, vnde homo lædatur exauditus, magis metuendum est, ne quod posset non dare propitius, det iratus. Fastidiebant, quod habebant, & quod non habebant, impudenter petebant, quasi non melius peterent, non vt cibus, qui deerat, indecenti desiderio præstaretur, sed vt ille, qui aderat, sanato fastidio sumeretur. Quando enim nos delectant mala, & non delectant bona, rogare debemus potiùs Deum, vt delectent bona, quàm vt concedantur mala. Vnde iam colligimus, singulare beneficium esse Dei, si dum malè, aut mala petimus, non accipimus. Sicut supplicium esset, si eadem nobis malè petentibus concederet, quandoquidem materia fuissent maiorum scelerum. Pro qua se videndus est Burgenfis ad prædictū locum Numerorum additione 4. vbi querit, cur Moyles Dominum nõ fuerit deprecatus pro desiderio carnum, & pro illa inordinata concupiscentia, sicut fuerat deprecatus pro peccato vituli, Exodi 32. & pro murmuratoribus, vt cessaret ignis; hic autem non se conuertit, vt oraret pro populo, sed solum ad subtrahendum se à regimine principis, dicens; *Non possum solus sustinere onus populi*; & respondet, quod noluit pro hac vice pro populo orare, vt sc. Deus prouideret populo de his, quæ petebant, ne eorum malitia augetur: quia secundum August. 7. confessionum, concupiscentia, si ei satisfiat, maius robur accipit: at ve. ò populus peccauit peccato concupiscentiæ inordinatæ habebat enim cibum continuum suauissimum, & saluberrimum; iam verò si concupiscentiæ indulgetur, liberèque satisfiat, materia multorum datur peccatorum, singulare proinde est beneficium, si cum malè petimus, non exaudimur pro votis.

§. IV.

In explendis concupiscentiis suis consumunt homines bona sua.

ILVD etiam ostendit hic locus, quæcumque homines habent, & à Deo etiam malè petendo, possunt consequi, in explendis concupiscentiis absumere, non contenti, si necessitati satisfaciant; quæ est causa, cur semper indigeant, multotiesque non tantum à Deo, sed etiam ab hominibus cogantur postulare. Vnde Bern. Sermon. de 4. modis orandi versans hunc Iacobi locum; *Petitis, & non accipitis, eo quod malè petatis; vi pote, vt in concupiscentiis vestris consumatis*, ait: Sic agit omnis, qui terrena querit vltra necessitatem, qui mundialem gloriam sectatur, aut voluptatem. Et Gregor. 21. Moral. cap. 11. ex hoc etiam loco subinfert; valde superbire, est extra metas inopiæ aliquid desiderare: vnde & superbè petentibus dicitur: *Petitis, & non accipitis*, &c.

IDEOQUE Chrysostr. hom. 37. in Genes. alia mala, quæ ex hac cupiditate oriuntur, enumerans, ait: Vnde adulteria, stupra, rapinæ, auarorum fraudes, cædes, latrocinia, & totius animæ labes? nõne quia plus concu-

1. Tim. 5. piscimus, quàm nobis conuenit? Sicut enim Paulus radicem omnium malorum auaritiàm vocauit: sic quis non aberrauerit, si fontem omnium malorum dicat immoderantiàm, & quòd transgredi volumus suum quisque vsum. Nam si vellemus in alimentis & vestibus, & domiciliis, & aliis corporalibus cunctis vñbus nihil immodicè concupiscere, sed necessaria tantum quærere, multis damnis liberaretur humanum genus. Verùm nescio qui fiat, quòd nunquam inter nostros maneamus limites. Quali venia dignandi sunt, qui in vestimentis tantà vanitatem ostentant, neque necessarij vsus gratià, sed tantum ob vanitatem, & inanem gloriam, & vt vulgo forens admirationi sint? quo supplicio non sunt digni, qui modis omnibus dant operam, vt sericis, & auro intertextis induantur, & post se pompam trahunt in foro? quot pauperum ventres poterant inde pasci? quot corpora in nuditate egentium poterant contegi ex his, quæ e solo collo, & humeris pendent? Et post multa, quæ pro hac sententia videndi sunt, tandem concludit. Veræ diuitiæ sunt, & inexhaustæ facultates, cupere tantum, quantum vsui satis: neque enim ille, qui hoc facit, inopiam timere poterit, neque execrationes sustinet.

Et Senec. epist. 4. Magnæ diuitiæ sunt, lege naturæ composita paupertas. Lex autem naturæ scis quos terminos nobis statuerit: non esurire, non sitire, non algere, vt famem, & sitim depellas, non necesse est superbis aspidere liminibus. Parabile est, quod natura desiderat, & superflue sudatur, ad manum est, quod sat est. Ignauj fuerunt, ac è Gedeonica militia exclusi, qui ad aquas sese totos inclinarunt, Iudicum 7. genibúsque flexis prostrati auidius, otiosius, largiusque biberunt, & tamen sitibundi erant, & meridianum (vt ait Iosephus) tempus erat, quo post ebum, & iter solet esse sitis molestior. Namque modicè, subito, & quasi obiter, & perfunctoriè necessariis, cibo, & potui operam dare oportet. Vnde Salomon Prouerb. 2. 3. ait. *Cuius viæ: nonne his, qui commorantur in vino, & student calicibus epotandis?* & Orig. hom. 9. in lib. Iudicum. Ille probabilis, ille electus, qui posteaquam ad aquas Baptismi ventum est, flecti ad necessitates terrenas, & corporeas nescit, qui vitiiis non indulget, &c. Videndus Chrysost. homil. 5. 4. & 5. 5. ad Popul. & Cass. collat. 5. cap. 8.

PROVENIT autem hoc malum ex eo, quòd nullus mensuram suam agnoscit, vt illi sumptus commensurentur, quos solis cupiditatibus adaptant; ideòque Ambros. lib. de Naboth c. 5. ait: Non parcunt homines dispendio, dum indulgent cupiditati; parcerent autem si necessitati vellent occurrere, & pro posse, pro tempore, pro ratione expendere. Notanter quidem dixit Scriptura; omnes quidem Prouincias dum fames septennio vigeret, venisse in Ægyptum, vt emerent escas, & malum inopiæ temperarent. Neque enim, dum sterilitas aderat, & fames grallabatur, homines saturabatur, sed duntaxat esuriem temperabant; alioquin imprudenter egissent, & nusquam in communi inopia frumentum pro saturitate habuissent.

Pro qua re facit locus ex eodem cap. vbi postquam Ioseph somnium interpretatus est Pharaoni, septemque abundantissimos prædixit annos, itidem

Itidemque alios septem miserrimos præ sterilitate, ac fame, sic infert: *Nunc ergo provideat Rex virum sapientem, & industrium, & præficat eum terræ Egypti, qui constituat præpositos per cunctas regiones, & quintam partem fructuum per septem annos fertilitatis colligat.* Cur, quæso, non dimidiam saltem partem fructuum cuiusque anni ubertatis servare commendat in remedium vniuscuiusque anni sterilis? Rem quidem videtur attigisse Martinus Del Rio ibi, qui dixit; sufficiebat quinta, quia famis tempore, parciore homines victu contenti esse debent; proindeque nec tantum cibi adhibere, quantum, dum fructus abundant, nec concupiscentiam omnino perficere, sed famem, ac inopiam temperare, ne illa omnino adstricti pereant. Ideoque D. Ambr. lib. de Viduis, dicit: Nescit egere optima disciplina, quia scilicet, & loco, & tempori sese accommodat, & novit quando occurrere debeat, & quando abstinere.

Non est hoc loco utrumque omittendum, quod cum Elias iubente Domino impiissimo se regi subducens, in torrente Charith lateret absconditus, eo loco corui mane, & vespere asportabant panem, & carnes. Vbi eleganter Auctor. lib. 2. de mirabilibus sacræ Scrip. c. 16. apud August. ait; Corui ministrare Prophetæ præcipitur, ut culpam quam in diluvio commiserat, in terra purgare avis illa videretur. Caterum cum Iezabelem declinasset, eiusque persecutionem fugeret, namque deferi cuperet idem Prophetæ, dum mœrore affectus subter vnam iuniperum sederet, animæ suæ petit ut moriatur; ecce ad caput ipsius subcinericius panis, & vas aquæ: comedit, & bibit, & rursum obdormiuit. Cur igitur illi modò non allatæ carnes, aut dapæ, sed subcinericius panis tantum apponitur? Divina id dispensatione factum esse credo; quando enim corni deferrebat panem, & carnes, non instabat persecutio, nec inimici ad mortem quærebant. Divino iussu Prophetæ abscellerat, debuit proinde ad victum necessaria habere ministrata. At dum mortem videt, dum crudelem Iezabelem fugit, tenuissimo victu contentus, subcinericio pane sumpto dormit, neque carnes, neque alios cibos, aut quærit, aut postulat; debet siquidem vir prudens pro loco, & tempore largiori, strictioriue uti mensa, vestitu, & comitatu. Sed audiamus Tertull. lib. contra Psychicos c. 9. rem luculenter differentem. Defecerunt corui qui cum liberalius pascerent; an difficile Angelo fuerat aliquem aliunde de convivio Regis ministrum, cum instructissimo ferculo raptum, ad Eliam transferre, sicut Danieli in lacu leonum esurienti prandium metentium exhibitum est? Sed constitui oportebat exemplum docens, in tempore pressuræ, & persecutionis & cuiuscumque circumstantiæ xerophagiis esse vivendum. Sic ille.

Hæc est ratio, quare Paulus Apostolus, sicut notavit D. Chrysost. hom. 2. ad Pop. nihil de paupertate divitibus loquutus est; sed de parsimonia, & humilitate; quia optime sciebat, inquit, quod modeste agere, breui faciet ipsos à studio divitiarum liberari: quia, scilicet, ad nihil aliud divitias inquirimus, & petimus, nisi ut in concupiscentiis consumamus. Et qui parsimonie studeret, multis non indigeret. Domos, inquit ibi Chrysostomus, ædificemus, ut habitemus, non ut superbiamus, quæ enim superbiæ non

sufficientes habitationi amplæ sunt, imò adeò amplæ, vt iam non domus, sed domus in Scriptura appellantur. Quo pacto intelligendus ille locus 100. *Cum Regibus & Consulibus terra, qui adificam sibi solitudines. vbi (solitudines) vocat amplissima, & immensa palatia, quæ implere nulla possit familia, & licet multi ibi inhabitent. adhuc præ vastitate, solitudo, aut eremus desertumue esse videtur.* Qua de re videndus Sueton. in vita Neronis.

Quis ergo poterit domus adimplere iuxta mensuram superbix constructas? quis concupiscentiis satisfacere, quantumvis infumat? Ideoque Chrysost. aduersus impios Hæreticos, de iis, qui soli appetitui subseruiūt, ait: Quando sumptuosa conspexeris prandia, ac cœnas, & delicias, quando tripudiantes videris, canticâque dæmoniaca recitantes, tunc ingemisce, ac lacrymare, & Dauidis recordare dicentis: *Nescierunt, neque intellexerunt, in tenebris ambulant.* Et quia hoc miserum, inutile, & vanum est, meritò ad hoc bona petentibus Deus denegat.

Verf. 4. *Adulteri, & adultera nescitis, quia amicitia huius mundi, inimica est Dei? Quicumque ergo voluerit amicus esse sæculi huius, inimicus Dei constituitur.*

EXPOSITIO LITERALIS.



POSTquam Iacobus loquutus est de cura & laboribus, quibus homines in acquirendis huius sæculi rebus insudare solent, & ostendit nihil aliud præ oculis habere, quàm concupiscentiis satisfacere, ostendit iam eos, qui sic se totos mundi deliciis, & propriis concupiscentiis tradunt, eo ipso inimicos Dei constitui, cum ipse in amicos elegerit, & assumpserit eos, qui nihil fere de sæculo, aut cum sæculo volunt, sed qui sola cœlestia quærunt, ac desiderant.

ADULTEROS ergo vocat secundum explicationem Occumenij, eos quos suprà falsos dixerat sapientes, qui diuinam constuprant Scripturam, & peruerso ordine ipsa vtuntur ad suam voluntatem, vt hinc patrocinium habeant, honestæ vitæ præferentes voluptuosam; profanam, turpemque pulchritudini veræ, ac diuinæ. Phrasîsq; est fere Pauli, dū adultera verbum Dei dixit de illis, qui, vel solum auditoribus placere student, vt Hieronymus ibi exponit, dicens: Pseudoapostolos, inquit, tangit, de quibus Isaias, *Cap. 1. Caupones miscent vino aquam.* 1. veræ doctrinæ adulationis mollia verba, quibus homines, non tam inebriati ferueant, quàm delectati tabescant: vel secundum Greg. 22. Moral. c. 12. de illis, qui aliter sentiunt de verbo Dei, quàm est, aut non spirituales fructus, sed adulterinos fetus quærunt.

D. Chrysost. Serm. aduersus impios hæreticos, qui habetur post opera Ephrem, intelligit hunc locum de iis, qui fauent hæreticis; sic enim legit. Si quis videatur horum amicus esse, inimicus Dei constituitur. Feuard. intelligit de

de adulteris vtriusque sexus, tam mentis, quàm corporis. Vel tandem intelligitur locus de peccatoribus, qui à Deo auertuntur, & sese totos dedunt vitiis, & concupiscentiis, quæ est communis expositio, eamque docuit Aug. lib. 50. hom. hom. 38. Si deleris inquit, Deum, qui te fecit, & amas illa, quæ fecit, adultera es; & tales vocantur ab Apostolo Iacobo : *Adulteri, & adultera nescitis, quia amicitia huius mundi inimica est Deo*; Anima enim, deserto Creatore, amans creaturam, adultera est.

CÆTERVM, vt res clarior fiat, aduertendum est, auersionem per peccatum à Deo appellari in Scriptura imprimis fornicatione, iuxta illud Psalmis *Qui elogant se à te, peribunt. I. eridisti omnes, qui fornicantur abs te.* Et iuxta illud *Osai* 7 v. 4. Fornicati sunt à Deo. Appellatur deinde peccatum, adulterium, quia anima nostra sponsa est Dei, vt constat ex *Osai*. Desponsatur verò Deo in iustitia, vt ibidem dicitur. i. in iustificatione, dum enim Deus animam sanctificat, eandem in sponsam assumit. Desponsatur insuper in iudicio, iudicando pro ea contra diabolum, iniquum, & iniustum possessorem. Tandem desponsatur in fide, quam Deus animæ, vt radicem omnium bonorum supernaturalium tribuit, & quam anima Deo seruare debet. *Cap. 2.*

CVM ergo per peccatum a Deo auertitur, & dæmoni per mortale peccatum adhæret, adultera redditur anima, secundum regulam D. Hieronymi super *Ezech. c. 16. ibi. Iudicabo te iudiciis adulterarum.* Vbi Deus addit per explicationem. *Dabo te in sanguinem furoris, id est, crudeli, & truculenta morte puniam te, sicut solent mariti furore, & zelotypia incensi adulteras vxores occidere.* Et in hoc sensu passim in Scriptura adulterare dicebatur populus Israel cum idolis gentium, dum relicto Deo, ad illa se conuertebat, vt apud *Osai* c. 2. Hierem. 13. & 23. *Ezech. 23.* & in hoc sensu Christus Dominus dixit. *Generatio praua, & adultera signum queris.* Vbi Hieron. Egregie *Mat. 12.* dixit adulteram. Quia genus ducit à peccatoribus, & quia dimiserat virum, & iuxta *Ezechielem*, multis se amatoribus copulauerat. Ideoque Beda hoc in loco. Adulteros, inquit, vocat quos derelicto amore sapientiæ cœlestis, ad amplexum potius amicitia mundialis esse deflectos increpat.

VEL etiam adulteros vocat, quodd à Deo vero Patre descuissent, vt degeneres filij per improbam vitam, & cum patrem non agnoscant, aut saltem non referant, spurij censentur, & ex adulterio geniti: & hac fere ratione Paulus vocat adulteros eos, qui extra disciplinam patris sunt; ad *Hebr. 12.* tanquam quos pater non agnoscat pro filiis suis.

AMICITIAM verò huius mundi vocat amorem mundanum, & inordinatum, vbi nomine mundi non intelligit aggregatum ex cœlo, ac terra, & elementis, sed ea omnia, quæ inordinate appetuntur, quod etiam *saeculum* sonare videtur, quod apponit dum ait: *qui voluerit amicum esse saeculi.* Vnde Abbas *Isaias Orat. 21. tom. 1. Biblioth. Patr.* Mundus, inquit, est animi ad peccata distractio. Mundus est, cum ea quæ naturæ contraria sunt, sequimur: mundus est, cum carnis voluptates implemus: mundus est, cum arbitramur diu in hoc sæculo nos permāuros: mundus est, cum maiore corporis, quàm animæ curam gerimus: mundus est, cum de iis, quæ caduca sunt, gloriamur.

S V R

SUPPONIT igitur tanquam notissimum, amicitiam huius mundi contrariam esse Dei amicitiae, propterea quae per interrogationem dicit, *nescitis*; & infert eum, qui vult amicus esse saeculi, constitui Dei inimicum. Verbum autem, *voluerit*, non tantum denotat libertatem; sed insuper significat eum, qui de facto est amicus mundi; & eum, qui secundum affectum, ac voluntatem curat esse amicus, quanvis non possit esse, constitui Dei inimicum, sicut notauit D. Thom. Contraria enim sunt amor mundi, ac Dei, & cum dñs sint, circa quae homines student, nempe Deus, & mundus, & circa vtrūque horum duo versentur, amicitia, & odium: circa vtrumvis horum studio si esse deprehendimur, vel odisse. Neque enim cor nostrum duos secum pugnantes amores capit; angustum enim, arcumque stratum, & pallium duos non capit, nec duobus dominis seruire potest: nec iidem oculi terram simul aspicere, caelumque possunt, sicut dixit Augustin. lib. de Abusionib. tom. 9.

PROINDE recte infert Apostolus, amicitiam mundi inimicam esse Dei, & amicum saeculi inimicum Dei constitui. Similisque est hic locus illi alteri apud Ioan. in sua 1. epist. cum dixit: *Nolite diligere mundum, neque ea, quae in mundo sunt; si quis diligit mundum, non est charitas Patris in eo*, seu, vt legit August. tract. 9. *non est spiritus Patris in eo*.

§. I.

Acriter quandoque reprehendendi sunt peccatores.

ILLVD igitur sese hoc loco offert notandum, quanta acrimonia, & iracundia in peccatores insurgat, & excandescat Apostolus, qui mansuetudinem praedicauit, & eos, quibus scribit, fratres hucusque appellauit: & sese in multis offensore humiliter confessus est: tamen, quia nunc necesse erat contra peccatores acriter agere; ideo zelo Domini incensus eos acriter increpat, facto docens quid nos facere debeamus. Nam, sicut notauit Chrysost. hom. de nomine Abraham, si semper argueremus, impudentiores fierent, si semper obsecraremus, ignauiores.

PRVDENS verò magister, & Princeps adamare debet, & reprehendere, ac punire. Quod notauit Rupert. lib. 4. in Exod. c. 27. in Moyse, qui orans pro subditis dicebat, *Aut dimitte eis hanc noxam, aut dele me de libro tuo*. Deinde verò ait: *Si quis est Dei, inungatur mecum*. Ait ergo Rupert. Circa subditos suos Rectoribus inesse debet, non solum iuste consulens misericordia, sed & pie saeuens disciplina; qui tanto populi amore constringitur contra culpas eius, considera quanto zelo rectitudinis accendatur. Intus arsit ignibus amoris, foris accensus zelo seueritatis: tanta fuit pietas, vt se pro illis coram Domino morti offerre non dubitaret, tanta seueritas, vt quia eos diuinitus feriri timuit, ipse iudicij gladio feriret; sic amauit eos, quibus praefuit, vt pro eis, nec sibi parceret, & tamen delinquentes sic persequutus est, quos amauit, vt eos etiam Domino parcente prosterneret. Verobique legatus.

legatus fortis, utrobique mediator mirabilis, causam populi apud Dominum precibus, causam Dei apud populum gladiis alligauit.

VIDENDVS D. Aug. Ser. 92. de diuersis; ubi inter alia Dominus amarè, & acerbè arguit Iudeos, sed amando. *Ue vobis hypocrite.* Matt. 7. Quis verò diceret, quia oderat eos? venit ad crucem, & ait: *Pater ignosce*, & c. Sic & noster Apostolus, quos diligit, blandè, beneuolèque lucensque alloquutus est, eosdemque dum delinquentes agnoscit, seuerè increpat, durèque reprehendit. Zelus etenim iracundiam acuerere solet, sicut dixit Naz. Orat. 21.

IN quem sensum exponit Gregor. 26. Moral. c. 5. illud Ezechiel. *Tu sime tibi sartaginem ferream.* Quid, inquit, ita magistri, atque Doctoris mentem, quam zelus Domini figit, & excruciat? Vnde Paulus huius sartaginis incendebatur fritura, cum diceret. *Quis infirmatur, & ego non infirmor? quis scandalizatur, & ego non vror?* Quisquis enim zelo Dei contra peccantes accenditur, forti in perpetuum custodia munitur, ne is neglecta prædicationis, & regiminis cura damnetur. Hanc sartaginem posuerat Paulus, cum dicebat. *Mundus sum à sanguine omnium, non enim subterfugi, quominus annunciarer vobis omne consilium Dei.* Nunc ergo necesse est, ut Doctores appetant zeli ardor: ut frigi, ne cogantur postea de torpore negligentia, igne gehennæ cruciari. Ideoque simul cum sartagine, Ezechiel dictum fuit. *Ordinabis aduersus Hierusalem obsidionem, & edificabis munitiones;* quod quidem per reprehensionem factum est. Videndus idem Greg. hom. 1. in Ezech.

AGNOUIT hoc esse necessarium Ambros. cum Ser. 6. dixit: Malui peccatum vestrum inculando acriter increpare, quam leniter dissimulando nutrire. Quisquis enim fratrem non arguit peccantem, quodammodo hortatur, ut peccet. Ideoque sponsa, quamuis pulchra & decora esset, zelo tamen accensam, & nigram se dixit contra malignantes, non candorem serenitatis ostendens, sed obscurum seueritatis zelum exhibens, ut exponit Ber. Ser. 28. in Cant. Qui antè præmiserat, nigrescit candoris zelo, lucro pulchritudinis multos candidos fecit vnius denigratio. Nam sicut dixit Clem. Alex. 1. Pædag. c. 9. Qui ad gratiam loquuntur, parum diligunt: qui autem ad utilitatem, acerbi sunt, in futurum sæculū beneficio afficiūt.

INVEHIT VR moribundus Iacob in Ruben, aitque. *Non crescam.* & ad Simeonem, & Leui. *Maledictus furor eorum, quia pertinax.* Mirum autem est quod addidit Scriptura, dicens. *Benedixi singulis benedictionibus propriis.* ubi Caiet. eleganter. Omnia dicit benedicendo: nam & arguere, & punire, & præmonere, aliena non sunt à benedictionibus paternis. Et D. Chrysost. hom. 7. ad pop. Parentes omnium maximè filios amantes, & mensa prohibent, & flagella infligunt, & afficiunt ignominia, & tamen parentes sunt, nec tamen dehonorant, dum hæc faciunt, & tunc maximè patres, cum hæc faciunt. Videndus Aug. lib. quæst. in Iosue, & lib. de verbis Domini super Matth. c. 17.

NON sufficit autem quælibet reprehensio, sed interdum grauis, ac vehemens adhibeatur oportet. Ideo enim, cum Heli filios reprehendisset, dixit Samuel, *non corripiebas eos, quæ verba ponderans Chrysost. lib. 3. aduersus Pæz, in Epist. B. Iacobi Apost.*

D D D d. vitupe

vituperat. vit. Monast. ait. Certè corripuerat, sed hanc Deus pro correptione non accipit, ideoque illum, quod vehementia, & inuectione caruisset, reprehendit. Lenis enim reprehensio, quando acrior necessaria est, quasi nulla reprehensio est.

Vnde iam possumus colligere, propterea Iacobum acriter reprehendisse impios, vt eos in meliorem reduceret frugem, & vt nequitiam euomerent, ac proiicerent. Nam exprobratio criminis, potiori est similis, quæ resoluit, vt ait Clem. Alex. sup. c. 8. Neque verò inferat aliquis ex duris Iacobi verbis, ipsum odio exprobrasse peccatoribus, quos adulteros appellat: vt enim ibidem ait Clem. Beneuolentiæ, non odij signum est reprehendere; ambo probum obiciunt, & amicus, & inimicus; sed inimicus quidem irridens, amicus autem bene volens. Non ergo propter odium Dominus homines maledictis incessit, quos, cum propter nostra ipsorum scelera licuisset perdere, ipse pro nobis passus est. Pædagogus enim admodum artificiose, vel per maledictum ad vituperanda irrepit maledicta, tanquam flagello mentis socordiam excitans.

Hoc ergo flagello increpatorio voluit Iacobus è lecto adulterij, peccati scilicet, excitare, quo facto, seu dicto, docuit magistros, ac prædicatores inuehi, & excandescere zelo salutis contra præuicacitatem, ne postea dicant illud Ber. lib. de anima c. 11. Aliorum transgressiones reprehendere timui, & ideo mortis author extiti, quia virus, quod clamando expellere potui, non expuli.

§. I I.

Magna insania peccantis animæ, dum Deum sponsum peccando offendit.

SECUNDO loco sese obicit dementia animæ nostræ, quæ relicto pulcherrimo sponso, cui copulata est iuxta illud Osee. *Sponsabor mihi in* Osee c. 2. *semperuivum.* Et illud Pauli. *Despondi vos uni viro, virginem castam exhibere* 2. Cor. 11. *Christo: fornicata est cum amatoribus plurimis, admodumque turpibus; proindeque talis reddita est, sicut ea quæ dilexit, & sicut ante matrimonium cum Deo, erat: cuius turpem statum ex parte narrat Hieron. epist. 22. ad Eustoch. ubi animam sic alloquitur. Non est sponsum tuum, arrogans, Æthiopissam duxit uxorem, statim, vt audire vuleris sapiëntiam veri Salomonis, vt ad eum veneris, confitebitur tibi cuncta, quæ nouit, & inducet te Rex in cubiculum suum, & mirum in modum colore mutato sermo tibi ille conuenit. Quæ est ista, quæ ascendit de alba?*

CLARIUS hoc dicit Aug. Ser. 6. de verbis Domini, cum ponderat ea verba Psal. *Concupiuit Rex decorem iuuum.* Concupiuit, inquit, quod fecit, quoniam, vt pulchram faceret, fedam amauit. Pro infidelibus, & fedæ sanguinem fudit fidelem, ac pulchrâ reddidit, dona sua in te amauit, quid enim sponso tuo contulisti? quid in dotem? nonne luxurias, & pannos peccatorum?

torum? abiecit pannos: misertus est, ut ornaret, ornauit, ut amaret. Quibus habet similia tract. 9. in 1. Ioan. & Nyssen. Orat. 2. in Cant. Namque, sicut optimè dixit Ber. epist. 12. Iustitia quaerit meritum, misericordia verò misericordiam. Quod notauit Chrysost. ad ea verba Pauli, *In dispositione plenitudinis temporis.* & hom. 19. in Ioan. & Aug. Sermon. 9. & 10. de verbis Domini.

Hoc exprobrauit Deus per Ezechielem, ubi ait: *transiui per te, & vidi te, & ecce tempus tuum, tempus amantium,* id est, quando daemones, & alij amatores erant, qui ad te cupiebant declinare, protectione mea repulsi sunt. *Et intraui tibi, & ingressus sum pactum tecum, & laui te,* sicut dicit Isai. *Laui Dominus sordes filiarum Sion: & vestiui te discoloribus,* ideòque astutus Regina in vestitu deaurato, circumdata varietate. Et quid hac varietate pulchrius? *Calceauit te hyacintho, & didi coronam decoris in capite tuo, similam, & mel, & oleum comediisti: & egressus est nomen tuum in gentes propter speciem tuam, qua perfecta eras in decore meo, quem posui super te,* id est, meis beneficiis, meaque incredibili largitate ad Reginae vocabulum peruenisti. Hæc ferè Hieron. lib. 4. in Ezechiel. Commendat autem diuinam charitatem erga sponsam, quòd ut pulchram eam faceret, indecorum se exhibuit. Qua de re videndus Bern. Sermon. 28. in Cant. cum exponit illud: *Nigra sum, sed formosa.* Multos, inquit, candidos facit vnus denigratio: splendor Dei obnubiletur in forma serui pro vita serui: candor via æternæ nigrescat in carne pro carne purganda: Speciosus forma præ filiis hominum pro filiis hominum illuminandis obscuretur in passione, turpetur in cruce, palleat in morte, ex toto non sit ei species, neque decor, ut sibi speciosam, atque decoram acquirat sponsam.

NEQUE solum hoc commendat dilectionem Dei erga sponsam, sed in super cura, quam de illa habuit, quod ostendit ille locus Cantic. ubi nos legimus. *Trabe me post te.* Ipse enim Deus, veluti dux virginittatis sponsæ, ipsam manu ducebat: sed Græci hoc in loco, ut videre est apud Orig. legunt. *Traxerunt te post se:* videntur enim animæ, ipsum Deum, qui illarum amore deperit, post se trahere, amatorie quidem, & summa dilectione affectum. Hoc ipsum prosequitur Bern. Sermon. 52. in Cant. dicens. Animaduerte benignitatem sponsi, qui, ut affectum tenerrimum, quem habet erga sponsam, explicet, ait. *Adiuvo vos filia Hierusalem per capreas, ceruicisque camporum, ut non exciteris, neque enigilare faciatis dilectam, quoad vsque ipsa velit.* Læuam posuerat sponsus sub capite, ut in sinu suo eam quiescere faceret, & dormire, & ipse beneuolentissimè super eam vigilaret. Quid putas illic accipiet, quæ hic tanta familiaritate donatur, ut Dei brachiis amplecti se sentiat, Dei cura, & studio custodiri, ne dormiens fortè à quopiam non volens excitetur? Et Ser. 68. explicans ea verba sponsæ. *Dilectus meus mihi, & ego illi:* ait. Insolens verbum; & ego illi, nec minùs insolens, *Di electus meus mihi,* nisi quòd utroque insolentius vtrumque simul. Mihi, inquit, intendit. Itane intenta est illa Maiestas, cui gubernatio pariter & administratio vniuersitatis incumbit, & cura sæculorum ad sola transfertur negotia, imò otia amoris? Ita planè. Eadèmq; prorsus habet Sermon. 69.

NOVIT hanc curam, & sollicitudinem sponsi ille, cui curam de ouibus
 D D D d 2 suis.

1. Pet. 5. suis commisit Christus, dum dixit. *Omne sollicitudinem vestram prouicientes in eum: quoniam ipsi est cura de vobis.* Quæ loquutio est causalis, & facit hunc sensum. Propterea quod Deus de vobis curam habet, sollicitudinẽ vestram in eum proicite. Nec mirum, quod curam habeat suæ sponsæ Deus, cuius & vir dicitur, vnde qui adhæret Deo, vnus spiritus cum eo fit. Sic ergo diuinus sponsus animam curat, sic diligit, & ad felicem statum euehit.

VIDEAMVS nunc, qualiter ipsa se gesserit, & quomodo inde miserẽ se deiecerit. Expoluisti, inquit, fornicationem tuam omni transeunti. Qui diuerforum peccatorum, ait Hier. spiritum transeuntem suo suscepit gremio, *iste effundit fornicationem suam.* *Edificasti tibi lupanar;* id est, tota frontis libertate deliquisti. *Omnibus meretricibus dantur mercedes; tu autem dedisti mercedes cunctis amatoribus tuis.* O misera anima, ô infelix adultera, non te pudet, non te pœnitet, non tibi venit in mentem pulchritudo colata, à Deo, modò ablata, sine Deo, sine sponso specioso præ filiis hominum?

7 sal. 44. vbi Symmachus legit. *Pulchritudine pulcher præ filiis hominum. Plange, quasi virgo* loc. c. 1. *accincta sacco, super virum pubertatis tuæ.* vbi D. Hier. ait. Vir pubertatis Deus dicitur, qui respondit sibi virginem sponsam, quandiu cum hac sponsa sponsus fuerit, non potest ieiunare, nec plangere, nec absentis sponsi desiderium lacrymis indicare.

Matth. 9

NOTA VIT autem Bern. lib. de Passione c. 3. cur anima à Deo potiùs sponsa appelleretur, quàm vxor: quia solent, inquit, sponsæ, nondum alligatæ coniugali vinculo, amari ardentius, quàm postea. Postquam igitur hunc sponsum amisit misera anima, continuò reclamaret, si se vidisset in turpi, vili, & abiecto statu. Quod ponderat Ambrosius super cap. 15. Lucæ in perduto filio, qui non potuit magis accommodatum locum inuenire, quàm inter porcos. In sordibus, inquit, & in fœtoribus viuat, necesse est anima, quæ Deum fugit. Quibus habet similia Ber. Ser. de Conuersione ad Cleric. cap. 13. Vnde Chrysost. hom. 3. in epist. ad Rom. Oportebat, inquit, tunc demum nos dolore affici, non cùm supplicio afficimur, sed cùm delinquimus. Et hom. 51. in Ioan. Nihil peccato sordidius. Plurâque habet homil. 64. in Genes. & homil. 38. in epist. ad Roman.

OPOREBAT igitur in eo statu peccati miseram animam, propriam deplorare miseriam, & infelicem ruinam: quam tamen deplorare censetur 8. reg. 28. Deus, sicut velle videretur Orig. hom. 12. in c. 28. Ezech. ad ea verba. *Fili hominis leua planctum super Regem Tyri.* Assumit, inquit Orig. Deus planctum super regem Tyri, vt videas, quàm bonus Deus, qui etiam eos, qui se negauerunt, desinet: & hoc venit ex amoris magnitudine & affectu. Assumit itaque Deus planctum ob eam animam, quæ plâgere debebat, & miserum statum peccati de flere, vt tandem miseriam ablueret; quo nihil benignius potuit reperiri, nec amplius diuina charitas erga sponsam animam commendari. Et quasi hoc parum fuerit, adulteram sibi vocat, & ad inuocationẽ inuitat.

VVLGO dicitur, inquit Dominus per Hieremiam: *Si dimiseris vir uxorem suam, & recedens ab eo, duxerit virum alterum, nunquid reuertetur ad eam ultra? Nûquid non polluat, & contaminata erit mulier illa? Et tu fornicata es cum amatoribus* bñi

bus multis, tamen reuertere ad me, dicit Dominus. Frons meretricis facta es tibi, noluisse erubescere. Ergo saltem à modo voca me, Pater meus, dux virginis meae es tu. Post fornicationem, inquit D. Hieronym. ibi, suscipit poenitentem, & hortatur, vt reuertatur ad se. Erubescant qui nolunt ad meliora conuerti, ipse despondit animam vestram amplexibus suis, & docet quomodo orare debeat, & agere poenitentiam, quanto autem ille clementior, qui salutis, post fornicationem, ostendit viam, tanto miserior meretrix, quae non vult post vulnera recipere sanitatem. Sic Hieronym.

COMMENDAT insuper infinitam charitatem diuini sponsi erga adulteram animam, quod cum ceteri sponsi adulteras soleant occidere, vt sic adulterij poenas morte luant: pro adultera moritur sponsus, vt eius sanguine ornet genas sponsae, virisque addat ad properandum, & currendam viam salutis. Vnde Bernar. epist. 107. O geminum, ipsūque firmissimum Dei erga nos amoris argumentum! Christus moritur, meretur amarum spiritus afficit, & facit amari, ille facit, cur ametur: iste, vt ametur; ille suam multam dilectionem in nobis commendat: iste dat, in illo cernimus, quod habemus, ab isto sumimus, vnde amemus. Charitatis igitur ab illo occasio, ex isto affectio. Similiāque habet Serm. 19. & 20. in Cant. & inter alia. Dilexit & non existentes: sed adiecit, & resistentes diligere.

IN quam sententiam ponderat eleganter Orig. homil. 20. in Num. id, quod Christus Dom. dixit. *Et ego, si exaltatus fuero à terra, omnia traham ad me ipsum.* Quodammodo, inquit, nobis vim facit, vt pertrahat ad salutem, non solum inuitat volentes, sed cunctantes trahit: quandam enim amoris vim nobis infert, quod pro adultera anima, quae mortem merebatur, obierit ipse mortem & quod brachiis in cruce extensis, fugitiuam animam ad se vocet, lapsam erigat, attrahat, & amplectatur. Vnde Ambros. in Psalm. 43. In cruce Christus expandens manus suas, totum orbem, qui erat periturus, erexit. Leuauit iacentes, &c. immemor adulterij, solum amorem curat.

ET ENIM, sicut ait Bernar. epist. 12. vera misericordia non iudicat, sed afficit: non expectatur ratio, vbi affectio trahit. Lugebat Samuël, Saul miserans, non deliberēs. Fundebat lacrymas Dauid pro filio parricida. Sic & diuinus sponsus, adulterae amore accensus, etiam in crucem actus vocat. Quod prosequitur Chrysost. Ser. 108. dicens. *Tota die expandi manus meas: nonne qui expandit manus, ipso habitu rogat, distendit membra, dilatat viscera, pectus porrigit, offert sinum. Videte in me corpus vestrum, si quod Dei est, timetis: quare quod vestrum est non amatis? sed forte vos Passionis meae, quam fecistis, magnitudo confundit. Nolite; clauis isti non mihi infigunt dolorem, sed vestram mihi infigunt altius charitatem; vulnera haec non educunt gemitus meos, sed magis vos meis visceribus introducunt. Extensio corporis mei vos dilatat in gremium, non meam crescit in poenam. Venite ergo, redite, &c.*

ET haec est ratio, cur Hierony. in Ps. 108. dixerit. Iudas magis ex hoc offendit Dominum, quod se suspendit, quam quod Dominum prodidit. Si

enim non desperaret de misericordia, & bonitate Dei, ipsum ad se vocantis misericordiam posset consequi; sicut notauit Ambrosius lib. 2. de pœnitent. c. 5. vbi ait. Arbitror, quòd etiam Iudas potuisset tanta Dei miseratione non excludi à venia, si pœnitentiam, non apud Iudæos, sed apud Christum egisset; quantumcunque enim adultera anima sit, nec desinit diuinus sponsus eam ad se vocare, nec venientem poterit non recipere.

QVANDO verò adultera anima vocem sponsi audit, & ad eum venire statuit, vide qualiter illi occurrat: quod significatum est in filio luxuriosè consumente paterna bona, qui dixit. *Ibo ad patrem meum, & surgens venit ad patrem suum.* At verò de patre dicitur. *Accurrens, cecidit super collum eius,* seu, vt legit Vatabl. *se coniecit ad collum eius.* Adolescens filius surgit, venit: senex pater accurrit, & se coniecit ad collum, quasi plus cruciaret misericordiam compassio miseri, quàm ipsum miserum passio sui. Tardius videbatur patri filio veniam dedisse, quàm illi accepisse, vt ait Guarrie. Serm. de prodigo.

ET D. Hieron. epist. ad Damasum notat id, quod dixit Euangelista; *Cum adhuc longè esset filius, accurrit pater.* Antequam dignis operibus, inquit, & vera pœnitentia ad patrem rediret, ad eius præcurrit aduentum, & reditum filij anticipat. Et Ambr. lib. 2. de pœnitentia cap. 3. Tam citò, inquit, veniam meretur, vt venienti, & adhuc longè posito occurrat pater, & osculum tribuat, quod insigne est sacræ pacis.

QVOD ipsum etiam notauit Bernard. Serm. 1. de conuersione Pauli: vbi aduertit subtiliter, qualiter diuina gratia præuenerit animam Pauli, & antequam conuersioni annueret, superabundans misericordia illi fuerit superinfusa. Magnificè, inquit, in hac vna conuersione, & misericordiæ magnitudo, & efficacia gratiæ commendatur. *Subiò,* ait Luc. *circumsulsit eum lux de cælo.* O verè inæstimabilis diuinæ dignatio pietatis! illustrat cœlesti fulgore, vel à foris, intus adhuc luminis incapacem. Qui nec dum infundi poterat, diuina saltem circumfunditur claritate. Sic Bern. Non patitur diuinus sponsus in reconcilianda sibi sponsa aliquas moras, vocat, attrahit, pulsat, & priusquàm anima consensum præbeat, sponsi gratia, & lux adest ad ornandam, & gratificandam animam. Quæ igitur erit anima sensata, quæ diuinum sponsum relinquens, fornicetur cum turpibus amatoribus, si præ oculis habeat ipsius pulchritudinem, & excellentiam, & peccati turpitudinem, ac fœditatem?

QVOD si tandem adulterium commisit, & fornicata est, id minimè sit cū lapide, de quo conqueritur Deus per Hierem. *Machata est cum lapide & ligno;* quod licet significet idololatriam, qua coluit idola lapidea & lignea, mysticè tamen moraliter exposuit Orig. hom. 14. in Hierem. de iis, qui duro corde contra Deum peccant, qui cum lapide fornicantur, ideòque in vitis, ac peccatis obdurescunt, & lapidescunt. Ne igitur fornicatores cum lapidibus inueniamur, imò resipiscamus ad reconciliationem cum vero, & vnico spòso animarum nostrarum Deo, & si hucusque amare pigebat, saltem redamare non pigeat: nulla enim maior est ad amorè inuitatio, quàm præuoc.

præuenire amando; sicut dixit Augustinus libro de catechizandis rudibus. 4. Et nimis durus est animus, & cum lapidibus adulter, qui dilectionem, si nolebat impendere, nolit rependere sponso, qui sibi elegit sponsam, sedamque amauit, ut pulchram redderet, ipsi totam curam, & diligentiam adhibet, ipsius deplorat peccata, & offensus ad amicitiam vocat, pertrahit, ac ræuenit; pro eaque dum mortem merebatur, emoritur.

Q V O D si quilibet adulter nullam videtur habere excusationem apud Deum, id magis elucet: nam mirum non est, si quis deprehendatur in furto; furatur enim, ut animam expleat esurientem, sed adulter, inquit Chrysostomus. hom. 3. de verbis Isai. *Vidi Dominum*, tom. 1. ob inopiam sensus, exitium animæ suæ conciliat. Itaque quemadmodum gubernator in portu faciens naufragium, haudquaquam vllam impetraret veniam; sic, nec is, cui cum per coniugium concessum sit, quod lapsum effugiat, tamen aliena perfodit matrimonia. Sic Chrysostomus. Quid igitur dicendum de misera adultera anima, quæ Deum sponsum reliquit, nisi quod inexcusabilis omnino sit?

§. III.

Quomodo amor Dei, & mundi in se pugnent, qualiterque Dei præferendus amor sit.

D E I N D E ostendit Apostolus, quomodo se habeat amor Dei, & mundi, ut scilicet se inuicem excludant, & necessariò præponendus sit amor Dei. Quod sponsa dixit: *Ordinaui in me charitatem*. Quem locum exponit *Cant. 2.* Origen. homil. 2. in Cantic. ut sit constitutus ordo in charitate, & dilectione rerum, ut scilicet diligatur prius Deus, quàm cætera omnia. Theodoret. cum Septuag. legit. *Ordinate in me charitatem, ut sponso coniungar meo, et meque & patri, & matri, & cæteris rebus anteponam*. Et August. Serm. 7. de verbis Domini. *Ordinate in me charitatem*, hoc est, facite gradus, & cuique quod debetur, restituite: nolite anteriora posterioribus subdere. Et lib. de diligendo Deo. Omnia, quæ in hoc mundo sunt, diligenda sunt, ut subiecta, ut famulantia, ut arrha sponsi, ut munera amici, ut beneficia Domini, sic tamen, ut memineris semper quod illi debes; nec ista propter se, sed ista propter illum, & per ista, illum, & super ista, illum diligas. Caue, o anima, ne (quod absit) meretrix dicaris, si munera dantis, plusquàm amantis affectum diligis. Dilige illum propter se, diligit te propter se, dilige illum, ut fruaris illo, diligit te, ut diligaris ab illo; dilige in donis illius, quæ data sunt ab illo, illum tibi, & te illi dilige.

SIMILIA habet idem August. tract. 2. in 1. Canon. Ioan. Quemadmodum, inquit, fratres, si sponsus fecerit sponsæ suæ anulum, & illa acceptum anulum plus diligeret, quàm sponsum, qui illi anulum fecit, nonne in ipso dono, sponso adultera anima deprehenderetur, quanvis hoc amaret, quod dedit sponsum? tamen si diceret: Sufficit mihi anulus iste, iam eius faciem

faciem videre nolo, profectò iniqua esset hæc dilectio. Similis & ea est, qua relicto Deo, rebus creatis adhærescit. Eadem fere habet Ser. 72. de Temp.

Vnde idem Augustinus super Psal. 55. aduertit, quod postquam Regius Ps. 143. Vires descripsit felicitatem hominum impiorum in Psal. 143. statim subdit. *Beatus populus, cuius est Dominum Deum eius*, tulit omnia de medio quæ Deus dat, & dedit ipsum Deum : quia iusta anima nihil omnino supra Deum diligit, & quæ diligit, propter Deum diligit, cuius possessione, & amore beata est. Videndus etiam hac de re epist. 120. ad Honoratum.

Et Richar. de S. Vict. lib. 4. de contēplac. cap. 15. Amor, inquit, singularis confortem non recipit, socium non admittit. Quod videtur significasse spōsā, dum ait. *Ordinaui in me charitatem*; quod etiam potest verti, *vexillum eius super me; charitas*. Sicut enim cum aliqua vrbs, aut arx in deditionem alicuius Ducis, vel Regis venit, vexillum in compitis, aut in vertice erigitur in signum, quod ipse dominetur tali vrbi, aut arci, & nullus alius, cum iam eiectus sit sic & anima sancta, verāque Dei spōsa nullum, præter Deum, amatorem admittit, cui soli dedita tota est. Propterea enim Deus dixit : *Diliges Dominum Deum tuum ex toto corde tuo*, &c. Quæ verba ponderans Theodor. quæst. 3. in Deut. ait. Hoc loco docemur, dilectionem non scindere in dilectionem Dei, & auri; Dei, & vxorum, Dei, & liberorum; sed totam dilectionis vim Creatori Deo consecrare, deinde secundum Creatorem, quæ vnicuique sunt vtilia, impertiri, veluti liberis, fratribus, & amicis, siquidem pertinet etiam ad dilectionem Dei hæc præstare. Et Basil. homil. 11. in Psal. 44. super eadem verba. *Ex toto corde tuo*; hoc est, qui dicit ex toto, diuisionem in alia nullam admittit, qui amicus Dei perfectus est, ei totam animam tribuit. Toto corde, inquit Aug. lib. 1. de doctrin. Christ. nullam vitæ nostræ partem relinquit, quæ vacare debeat, & quasi locum dare, vt alia re velis frui.

Et S. Ephrem Serm. quem fecit ad pietatis certamen, amorem nostrum erga Deum gladio bicipiti comparat. Qui enim, inquit, vero amore verè in Deum fertur, instar gladij bicipitis, quemcunque amorem alium huius mundi interrumpit, ac dirimit, omnēque vinculum naturæ perfringit; nihilque eorum, quæ sub aspectum cadunt, animam illam detinere, ac possidere poterit; non voluptas aliqua, non gloria, non diuitiæ, non vinculum amoris carnalis, hic est gladius, quem Matth. 20. venit mittere in terram, quo filium aduersus patrem separet. Sic Ephrem. ex cuius doctrina constat, amorem Dei bellum gerere, armāque exercere aduersus mundum. Videntur hac de re Ber. Serm. 7. in Cant. & Ser. 74. Et Chrysost. homil. 48. ad pop. vbi multa habet. Proindeque qui terrena diligit, aliūque cum diuino admittit amorem, inimicus eo ipso constituitur Dei, qui solus vult, ac mereatur diligi.

CERNITVR autem inimicitia amoris sæculi ad amorem Dei, quod amor sæculi inflammat animam ad terrena concupiscenda, & peritura secunda; in ima præcipitat, atque in profunda demergit, sicut ait D. August. in Psal. 121. vbi addit. Anima amore terreno, quasi viscum teneretur in

in alis, volare non potest. Similiâque habet Ser. 33. de verb. Domini. Amor, inquit, rerum terrenarum, viscum est spiritualium pennarum. Ecce concupisti, laxasti: limosa enim & glutinosa nimis, non modò exterior, verum interior substantia nostra, & facilè cor humanum omnibus, quæ frequentat, adhæret, sicut ait Bernard. in declamationib. super *Ecce nos reliquimus*. Pŕoindeque amicitia huius mundi inimica est Deo, quia non finit animam, quæ rebus terrenis adhæret, ad Deum leuare caput, & ad cœlestia, vel minimum assurgere.

BENE autem ex eo, quòd amicitia huius mundi inimica sit Deo, infert Bernard. Serm. 85. in Cant. quòd sit etiam inimica amicis suis, quibus tantum malum, ac nocumentum affert, & infert, vt à Deo auertat eosdem. Est mûdus, inquit Bern. impulsor, quia in maligno positus est, impellit omnes, sed solos euertit amicos suos, id est, consentaneos sibi. Noli esse amicus mundi, ne cadas: nam qui vult esse huius mundi amicus, inimicus Dei constituitur, quo vtique nullus grauior casus. Sic Ber. & Aug. lib. de vanitate sæculi cap. 1. Nolite, fratres, mundum diligere, quem tanta cernitis cû velocitate transire: nolite in eius amore anchoram cordis iam figere, præsertim cû Apostolus Iacobus clamet, quòd amicitia huius mundi inimica sit Deo. Si enim ipse mundus nos diligeret, diligendus tamen non esset, quanto magis nunc, dum ipse nos odio habere probatur, quos tantis malis insequitur, a nobis omnino spernendus, atque fugiendus est? Quæ omnia ostendunt, nullam nobis conuenientiam, & amicitiam habendam esse cum mundo.

Ex hoc etiam loco colligit Cyril. Alexand. lib. 6. in Ioan. c. 20. quòd, si cut amicitia huius mundi inimica est Deo, sic inimicitia huius mundi amica est Deo; & qui voluerit inimicus esse huius mundi, amicus Dei redditur. Quos enim mundus, vt abortiuos eiicit, eos Christus, vt filios charissimos suscipit; quod ipse probat exemplo illius cæci, cui visum restituit, quem cecum summa benignitate compellat, & inuentum ad consummatam fidei confessionem adducit. Magnum apud Iudeos opprobrium ducebatur, si quem de Synagoga eiecissent, & quando Pharisei huiusmodi hominem eiecerant, tunc Christus illum suscepit, & tunc magis meruit cognoscere Christum.

QV o p si eiectos à mundo Deus sic suscipit in amicos, quanto magis amplexabitur eos, qui mundum omnino abiecerunt: Statim, vt Abraham Gen. 14. sciuit captum Loth, numerauit expeditos vernaculos, & irruit super victores Reges, & persecutus est eos, reduxitque omnem substantiam & Loth. Egredius est autem Rex Sodomorum, qui antea victus fuerat, cuiusque bona abstulerat à victoribus Abrahamus, secumque asportabat, & dixit ad Abraham. *Da mihi animas, caetera tolle ubi.* Cui ipse respondit. *Leuo manum meam ad Dominum excelsum possessorem cœli; & terra, quòd à filo subieginis usque ad corrigiam caligæ non accipiam ex omnibus quæ tua sunt.* Notauit autem Chrysost. hom. 56. in Gen. quòd statim post hæc illi apparuit Deus, & dixit. *Ne timeas Abraham, ego protector tuus sum, & merces tua magna nimis.* Quod sic exposuit Chrysost.

Patet in Epist. B. Iacobi Apost.

EEE e folt.

solet. Ne timueris, quòd despexisti tanta dona, neque anxius sis, ego pro tè certo, ego propugnator fio, ego curam gero, ego difficilia, facilia reddo, protego te. Quæ omnia, sicut & ea, quæ narrat sacer Textus, ostendunt maximam familiaritatem ex eo facto contractam inter Abrahamum, & Deum, qui ex eo, quòd terrena abiecit, susceptus est sub Dei patrocinio.

Heb. 11. Hoc etiam notauit D. Ambrosius in Moyse, de quo Paulus. *Moyse* grandis factus negauit se esse filium filia Pharaonis, maiores diuitias estimans thesauro *Egyptiorum improprium Christi*. Ait ergo Serm. 3. in Psalm. 118. Vtique Moyse potuit Regis esse successor, nutritus à Regis filia; potuit ergo esse, non solum, quasi Pharaon, noluit esse Rex, cum posset sed fugiendo potentiam potentior factus est. Factus est enim in Regē Regi, Rex erat Pharaon, sed Deus non erat; Moyse factus est illi Deus, & tu, si vis, tanquam Deus peccatoribus esse terrori, Regibus reuerentiæ, contemne quæ saeculi sunt, & Domine Passionis opprobrium contende omnibus præferre diuitiis.

Sic ergo Deus in amicitiam suam recipit, qui pretiosa quæque abiiciunt, & inimici mundi fiunt, ut sicut dicitur: *Amicus est alter ego, ut Moyse* amicus Dei, alter fiat Deus, cui veluti omnipotentiam communicat, & lucem, quam inaccessiblei inhabitat, cum faciem illius reddidit aded illustrem, ut non possent intendere filij Israël in faciem Moyse; & illi obediant creaturæ, iussuque ipsius obtemperent. Qui enim inimicus est mundi, amicus Dei constituitur.

Verf. 5. *An putatis quia inaniter Scriptura dicat; ad inuidiam concupiscit spiritus qui habitat in vobis.*

EXPOSITIO LITERALIS.



NEM igitur existimaret inane terriculamentum esse, debili que niti fundamento, id quod dixerat de amicitia mundi, quam Deo inimicam asseruit, ostendit modò hoc esse verum ex Scriptura. Id autem quomodo fiat magna dubitatio est. Potest enim imprimis esse sensus; quòd Scriptura dicat. i. loquatur de hac materia, suadendo separationem ab amore mundi.

Cap. 4.

Nam in Deut. dicitur: *non in his fœdus cum eis*, scilicet cum alienis amatoribus mundi. Et Paulus etiam dixit. *Nolite conformari huic saeculo.*

Rom. 12.

VEL potest construi cum verbis sequentibus. An putatis quòd Scriptura inaniter dicat hanc sententiã? Et tunc difficultas oritur ex modo, & significatione in qua sumi potest nomen (*spiritus*). Si enim sumatur pro humano spiritu, est sensus: putare non debetis quòd sine ratione sacra Scriptura dicat, quòd spiritus. i. affectus humanus corruptus concupiscit res aliorum ad inuidiam, sed maiorem gratiam. i. augmentum gratiæ tribuit contra huiusmodi concupiscentiam.

POTEST

POTEST autem referri hic locus ad cap. 6. & 8. Genes. vbi dicitur caro corruptissè viam suam, & legimus omnè sensum & cogitationem humani cordis pronam esse ad malum ab adolescentia sua: & alibi paruulum occidisse inuidiam. Nam sicut hoc loco notauit Lyran. Apostoli non semper allegant verba Scripturæ, sed frequenter sensum tantummodo.

VEL secundò non potest nomen (*spiritus*) referri ad malignum spiritum superbiæ, & concupiscentiæ, qui in nobis habitat per peccati adulterium; dum enim non assequitur quod concupiscit, inuidere nos facit aliis & ad omnia scelera nos inuitat.

VEL tertio potest referri ad Spiritum sanctum, qui dicitur habitare, pro eo quòd habitauerit, sicut hic notauit Caiet. vel quia habitat ratione Baptismi, & fidei. Possuntque imprimis sumi hæc verba per interrogationem, vt sit sensus. Spiritusne concupiscit ad inuidiam? id est, vt inuideatis, vel facit concupiscere, & inuidere aliis super eorum temporali felicitate? Minimè, imò maiorem dat gratiam, quàm sint eiusmodi temporalia, ex quibus plerumque nascitur inuidia.

ET in hoc sensu videtur hic locus referri ad librum Sap. vbi dicitur. *Beneignus est Spiritus sapientie*, seu, *humanus*, vt legit Aug. lib. de mendacio c. 6. & *Spiritus bonus*, vt dixit Dauid. Proindeque non potest ad malum, & liuorem excitare, imò inducit ad mutuam charitatem. Et hæc videtur germana huius loci expositio, quæ placuit præcipuis Interpretibus.

CÆTERVM non minùs arridet ea quæ iam ferè communis est de Dei zelo circa animas nostras, quæ maximè cohæret cum reprehensione adulterorum, quam præmiserat Apostolus. Facitque hunc sensum: Adulteri, & amici sæculi, proindeque Dei inimici, non putetis vanè scriptum esse, quòd diuinus Sponsus concupiscat ad inuiam zelotypiæ, seu per zelotypiam, vt vos sæculum non ametis, sed Christum, fidemque illi datam, inuiolatam seruetis; quinimò hoc scriptum esse intelligite ad significandum, tum amicitiam mundi esse inimicam Dei, tum ad signandam vindictam diuinam consequentem, & concomitantem huiusmodi zelum: & ita hæc verba referuntur ad omnia ea loca, in quibus zelus Dei docetur, vt in Exod. quando Deus dicitur zelotes. Est autem Hebraismus pro eo, vt Dominus dicatur zelotypus, id est, non patitur, vt secum alius Deus colatur, solus pro Deo amari vult, & coli. Et apud Ioclem. *Zelatus est Dominus super terram*. Apud Zachariam. *Zelatus sum Hierusalem, & Sion zelo magno*. Apud Ezechielem. *Auferetur meus zelus à te, & quiescam, nec irascar amplius*, id est, non dolebo, nec puniam te etiam si te moechari videam.

APPELLATUR autem in nostra vulgata hic zelus, *inuidia*, quia plerumque in Scriptura confunduntur hæc nomina, vt vidimus cap. 3. & videre est in cap. 5. Act. ibi, *repleti sunt zelo*. Syriac. verò habetur, *inuidia*. Eundem etiam zelum ostendit Deus dum dixit in Deut. *Ipsi me propocauerunt*. vbi si consularur Textus Hebr. habet. *Dolore, & zelo me affecerunt* *idola adorarent, qui mei erant*.

EST ergo sensus: An putatis frustra scriptum esse in diuinis literis,

EEEc 2 quòd

Sap. 1.
Psal. 143.

Exod. 10.
24.

Ierl. 2.
Zac. 1.
Ezech. 16.

Deut. 32.

quodd Spiritus sanctus concupiscit vestrum amorem, usque ad inuidiam, & zelotypiam, cum tamen ipse multo maioribus donis, ac bonis alliciat, & obliget, quam mundus, quem vos adulteri libenter diligitis.

§. I.

Quàm longè absit à diuino Spiritu inuidia.

SECUNDUM eum sensum; qui probabilis quidem est, docet hic locus, Sinequaquam inuidia pertinere ad diuinum Spiritum, qui sola bona nobis inspirat; inuidia autem aliena bona, propria mala facit, & peccata, sicut dixit Bernard. lib. de interiori domo c. 42. Estque proprium vitium diaboli, sicut latè prosequitur D. Basil. hom. de inuidia, & hom. 21. in aliquot Scripturæ loca: ubi ait. Inuidia proprium est diaboli vitium. Non enim diabolus statim creatus est diabolus, sed cum Angelicam potestatem accepisset, in demonis naturam conuersus est, postquam vidit hominem, paruum quidem animal super omnem creaturam honoratum tandemque concludit. Qui caput, aut membrum aliquod dolent, medico aperiant morbum, at qui ægrotat inuidia, quis dicet? Angunt me proximi bona, veritas hæc est. Quid quæso te affligit proprium malum, an alienum bonum? Certè malum tuum incurabile. Canes nutriendo mansuetos reddimus, inuidiam verò beneficio nostro deuinciendo, longè peiorem reddimus. Quibus habet similia Chrysost. hom. 52. & 61. in Genes. & homil. 41. in Matth. Demones, inquit, nostris malis latantur, sic inuidus cum aliquid triste, & doloris efficiens proximo acciderit, tunc aliquantulum requiescit, atque respirat. Alienæ enim iacturas suos quæstus existimat, & aliorum felicitatem miseriam suam arbitratur. Communis humani generis hostis, atque inimici inuidia pestiferum malum hominem in diaboli cōditionem, atque in demonem immanissimum conuertit, inuidia prima hominis cædes apparuit, inuidia fraterna charitas contempta est, inuidia sanguine hominis terra primò maculata. Nam vnde Cain fratricida effectus est? vnde Esau fratrem insectabatur? vnde Laban? vnde Iacob filij? vnde Core, Dathan & Abiron? vnde Maria, & Aaron inquinati fuerunt? Non potest etiam cæca inuidia, & insipiens esse effectus Spiritus diuini, qui spiritus sapientiæ & intellectus est. Im verò inuidia sapientiæ inimica est, ideoque diuinam sapientiam, scilicet Christum, occidit, eandemque ita auersabatur, vt neque eam nominare posset. Vnde in Scriptura dicitur. *Comminetur eis ne ultra loquantur in nomine hoc.* In quam sententiā optimè dixit Chrysost. hom. 36. in Ioan. Quemadmodum insani aduersus seipso nonnunquam sententiam ferunt, ita & inuidiosi. Etenim contra seipso ferunt sententiam, qui comminantur, ne quis loquatur in eo nomine, quod miseris salutem affert & nemo potest exprimere eo, quo decet modo, nisi in Spiritu sancto, sicut dixit Paulus.

CUM QV E Spiritus sanctus fons sit gratiæ, per quam in nobis habitat,

tat, nō potest inuidia esse ab Spiritu sancto, cūm gratiæ aduersetur. Quod sic prosequitur Author Serm. ad fratres in Eremito, Serm. 18. Legimus quōd filiis Israël māna cœlitus datū est, quo reseruato scaturiebat multitudo vermū, sic ex cœlesti gratia fideli collata occasionaliter in animo superbi inuidia nascitur. Legimus etiā vermū ex hedera natum, cuius vmbra Ionas ^{Ioan. 4.} calore defedebatur, eādē hedera corrolisse, & fuditus deuastasse. Per vermē intelligitur inuidia pessima illa tinca, quæ purpuramenta virtutum demolitur, æugo, quæ thesaurum sapientiæ deprædatur, bruchus, qui terrarum virentia comburit, quia quicquid boni operis virefcit in homine, penē pestis inuidiæ perdit.

DENIQUE etiā ex eo liquet, non posse ad inuidiam concupiscere Spiritum sanctum, sed potius contra inuidiam, sicut ait D. Thom. quia cūm charitas Dei per eundem Spiritum diffusa sit in cordibus nostris, inuidia charitati opponitur, quia non tantūm aliis malē vult, sed ipsum inuidum, in quo est, anxie, & ad intercessionem torquet. Quod sic docet Aug. Ser. 83: de Tempore. Quisquis ille est, quem in zelo suo prosequitur inuidus, subterfugere eum, forsitan poterit & vitare, inuidus verō fugere non valebit vbicumque fuerit, aduersarius suus secum est, hostis in pectore semper inclusus. Nec min⁹ eleganter Chrysost. hom. 31. in 1. ad Cor. ad præsens institutum. Scæuum, inquit, malum nec vlla venia dignum, & ipsa vitiōrum omniū radice tetrum magis. Auarus enim tuum certē cūm acceperit, inuidus tuum cūm alius acceperit, gaudet. Rem strenuē peractam putat quoties proximo est acta malē, succellum ab alterius infortunio, non fortuna sua metitur communis hominum naturæ oberrans hostis. Inuidet Satan, sed hominibus, socio iam nemini. Tu verō homo cūm sis, hominibus inuides, odium aduersis genus, naturæque communem exerceas, quod nē Satan quidem facit.

Hoc autem probat idē Chrysost. hom. 36. in Ioan. quia inde argumētatus est Christus Dominus contra eos qui illi obiciebant, quōd in nomine Beelzebuth. ciiceret demonia: quia vnus Spiritus nequam alteri minimē aduersatur. Vnde iam constat nequaquam diuinum Spiritum ad inuidiam cōtere animum nostrum, cūm ille gratiæ, & charitatis sit author, secūmque assētat virtutū omniū chorū, cui inuidia potius aduersatur.

§. II.

Zelus. Diuini sponsi erga animas nostras.

VT etiā ostendat Apōstolus quā pena afficiendū sint adulteri peccatores, qui relicto verō, ac proprio sponso, ad mundana quæquē diuertunt, dicite Spiritum sanctum ad inuidiam concupiscere, zeloque animarum nostrarum laborare. Denotat autem nomen (*inuidia*) iram, quæ in parentibus, & in amantibus reperitur, eūm vident rem quā amant, ab aliis possideri, se verō contemni. Sicigitur hoc loco dicite Iacobus, ad inuidiam

EEEc 3 concu

Exo. 10 concupiscere Spiritum, sicut in Exod. dicitur *Deus zelotes*, vt metum incu-
34. tiat adulteris, qui Diuinum sponsum aspernantur. Quod notauit Theodo-
 ret. quæst. 34. in Exod. dicens. Deus seipsum appellat zelotem, humano
 more loquens, vt terreat homines; & illos sapere cogat: sicut enim vir igna-
 uam habens vxorem admonere solet illam his verbis. Zelotypus sum, vi-
 dere non possum te cum alio viro loquentem: ita Dominus volens à cultu
 & ignem consumentem. Quodd autem tam ardens sit amoris zelus, Deus
Exe. 16. ipsemet demonstraui. *Propterea auferetur zelus meus à te.* Et apud Oseam. *Non*
Ose. 4. *visitabo filius vestras cum fornicatae fuerint, & sponsus vestras cum fuerint adulteratae.*
 Concluditque Theodoret. Est igitur zelus amoris index.

Et Dionys. Arcopag. c. 4. de diuinis nominib. Deus, inquit, zelotes ap-
 pellatur propter multum amorem, quem habet. Quemadmodum vir qui
 vnicæ ac vehementer diligit vxorem suam, eam zelo quodam, ac studio, &
 solitudine persequitur, timens, & cauens, ne ab alijs adametur, aut vio-
 letur. Et Hieron. in fine Comment. ad c. 1. Sophoniæ. Nisi Deus amaret hu-
 manam animam, nunquam zelaretur eam, & in similitudine mariti pecca-
 tum vlcisceretur vxoris. Qua de re videndus Nazian. Orat. 2. Apologet.
 vbi ait. Amor ad accusandum acerrimus, copiosissimûsque est, cum ob mæ-
 ro rem susceptum in zelotypiam exarserit.

Et D. Thom. 1. 2. q. 28. art. 4. zelum vocat amoris effectum: & lect. 1. in
 c. 11. ad Cor. ad ea verba: *Emulor vos*, id est, diligo vos feruenter, sic definit
 zelum. Est amor intensus, non patiens consortium in amato. Videndus hac
 de re August. lib. 83. quæst. q. 52. & lib. contra Adimant. c. 11. & cap. 13.
 quibus in locis multa habet.

Hoc igitur zelo voluit Deus nobis diuinam charitatem inculcare, qua
 omnes animas amplectitur. Nam ex veteri paræmia, de qua August. lib.
 contra Adimant. cap. 13. *Qui non zelat, non amat.* Et non patitur Deus con-
 sortium in amato. Ideoque dum videt Abrahamum diligere Isaac, ipsi ait.
Tolle filium tuum, quem diligis, Isaac. Viden' vt referat amorem patris erga
 filium præ zelo: Et postquam vidit se plus diligi ab Abrahamo, quàm Isaac,
 ait. *Ne extendas manum tuam super puerum, nunc cognoui quod timeas Dominum.*
 Quasi tunc quieuerit Dei zelus, dum nouit plus Deum diligi.

S I M I L E quidpiam contigit paruulæ sorori sponsæ, de qua Diuinus
 sponsus anxius æmulator secundum Recentiorum sententiam dixit. *Quid*
faciemus sorori nostræ in die quando alloquenda est? id est, qua ratione custodiemus
 paruulam licet, & infantem in diem desponsationis, ne fortè antea profa-
 no amore inficiatur? subditque statim. *Si murus est, adificemus super eum pro-*
pugnacula argentea, si ostium, compingamus illud tabulis cedrinis, id est, quan-
 tumuis muris, ac parietibus cincta, custoditâque sit, adhuc tamen nõ quie-
 sco, ideo speciosissimis equè ac fortissimis propugnaculis munienda domus
 est, ex quibus tanquã ex specula obseruari, abigique possint pudicitia ho-
 stes, & profani amatores. Quod si etiam ostium sit, non nisi ex materia for-
 tissima, ac durissima compingi ac confici debet, vt illis omnis omnino
 aditus

aditus intercludatur, & securus reddar. Cum ergo tenera sponsa hæc audisset, quod tranquillum redderet zelantem sponsum, sic illi respondet. *Ego murus, & ubera mea quasi turris*, id est, non indigeo quidem muro, quæ infractam, & inuictam tibi seruo ndem, ac si adamantina ego essem, & inexpugnabilis mea pulchritudo, quam tibi deuoui, & in corde meo extruxi turrim, ubi prius expendo, & examino cogitationes & affectus, nullisque tibi contrarius, & dilectioni tuæ infensus ingrellum inueniet, imò longè latèque abiicitur; còuersa que proinde sponsa ad cæteras sorores, postquam securum reddidit zelantem sponsum ait. *Ex quo facta sum ei quasi pacem habens*. i. sic sanè cum meo sponso pace iucundissima fruor, nullas iam insidias, calumnias, aut zelotypiam pertimescens illius, qui ad inuidiam concupiscit, & qui zelo æstuans dixerat. *Pone me ut signaculum super cor tuum, ut signaculum super brachium*, quia fortis est ut mors dilectio, dura sicut infernus emulatio. Quibus verbis videtur Diuinus sponsus conqueri de amore, qui munus mortis obeundo interficit, & de zelo, qui veluti infernus exurit, & calore vrget. In remedium verò postulat, & cordis affectum, & testificationem operum. Hoc enim videtur significare *cor*, & *brachium*, iuxta celebrem doctrinam Hieron. epist. 128. & Ezechiel. 16. & Malach. 2. ubi ponderat, propterea voluisse Deum, ut in sacrificiis tribueretur Sacerdotibus armum, & pectus-
culum de victimis, quia Deus, & cordis intentionem, & externa opera amorem protestantia inaximè requirit à nobis. Vnde Gregor. 21. Moral. cap. 9. loquens de sacrificio Abelis, ait. Ex dātis corde, id quod datur, accipitur, idcirco non Abel ex muneribus, sed ex Abel munera oblata placuerunt.

A d inuidiam itaque & zelum concupiscit diuinus Spiritus, qui nostri amantissimus totum nostrum meretur, exigitque amorem. Misera verò, & adultera ea erit anima, quæ aliquid contra Deum, aut cum Deo dilexerit, postquam eius agnouit zelum, & prædicantem audiuit Iacobum, quod amicitia huius mundi inimica est Deo.

§. II.

Quicquid in Scriptura continetur, & nobis utile, & maximè adnotandum, & aduertendum est.

OSTENDIT etiam hic locus in sacra Scriptura nihil inane, aut absque maxima vtilitate dictum esse. Quod etiam dixit Paulus. *Quaecumque scripta sunt, ad nostram doctrinam scripta sunt*. Et iterum: *Omnis Scriptura utilis est ad docendum*, seu ut legit Ambrosius. *Utilis est ad doctrinam*. Quod verò nihil inane contineat, patet imprimis ex autore Deo, qui loquutus est per os Sanctorum, qui à sæculo sunt Prophetarum eius. Vnde Dauid dixit. *Spiritus Domini loquutus est per me, & sermo eius per linguam meam*. Et Paulus loquens de doctrina, quam prædicabat, & scribebat. *Non est secundum hominem, neque ego ab homine accepi, neque didici, sed per reuelationem Iesu Christi*. Et Petrus. *Neque voluntate humana allata est aliquando prophetia, sed Spiritui*

in sancto inspirati loquuti sunt sancti Dei homines. vbi Vatabl. Brixian. & Caicatan. transferunt, à Spiritu sancto impulsī, agitatī, & raptī; non quasi Prophetæ more arreptitiorum non intelligerent quæ prophetabant, quæ fuit hæresis Montanistarum, & Priscillianistarum, de quibus, & contra quos videndus Basil. Proœmio in Isai. & Hieron. ibi. & Nahum 1. & Epiphanius hæres. 48. sed, sicut ibi aduertit Occum. & Interlinearis, vt Prophetæ perciperēt diuinam locutionem; id quod censendum de omnibus scriptoribus sacris, qui non pro voluntate sua, sed prout ab Spiritu sancto mouebantur, scripserunt.

Et hæc est ratio, quare non omnia omnes dixerint etiam de Christo, sed quædam dixerint quidam, alia verò alij; quod optimè notauit Ambros. lib. de Tobia cap. 20. ad medium, dum ponderat, sortes missas super vestem Christi iuxta vaticinium Psalmi 21. *Super vestem meam miserunt sortem.* Bene, inquit, de Euangelistis dictum est, quia miserunt sortem; fors enim veluti diuino pendet examine, & ideo, quia non in potestate propria sunt loquuti, neque omnes eadem omnia, sed plerique dixerunt diuersa, quæ alius non dixerat. Sancti Spiritus gratiam veluti sortitō illis attribuisse cognoscimus, quæ loquerentur singuli de operibus Domini Iesu; vt describenda pro eius nutu gesta diuiderent. Vbi vides diuersa scripsisse Euangelistas, quia diuersimodè à diuino Spiritu edocebantur. Absit tamen vt inter se aliqua ratione dissentiant, sicut dicit Aug. lib. 18. de Ciuit. c. 41. vnde Chrys. hom. 3. de incomprehensibili Dei natura, de Propheta Isaia ait (idemque diceret de quolibet sacro authore) cum Isaiam dico, sententiam Spiritus sancti intelligo. Propheta enim non nisi ea, quæ diuinitus inspirantur, scribit, ac loquitur.

Nihil ergo inane, vacuum, ac vanum continet, imò cœlesti animaduersione Scripturam sacram ab humana profanatione Deus defendit. Miranti siquidem Ptolomæo Regi cur diuinorum librorum nulli, neque historici, neque Poetæ veteres meminissent; Demetrius Phalereus respondit, vt ex Aristæo referunt Iosephus lib. 12. Antiquitat. cap. 2. & Euseb. lib. 8. Preparation. Euangelic. c. 1. diuinam hanc Scripturam esse à Deo ipso datam, propterea si qui profanorum hominum eam attingere voluerunt, eos à Deo percussos continuò resiliisse. Affirmantque Theopompum quædam, quoddam aliquid diuinorum voluminum Græcæ oratione ornare voluerat, subito mentis quadam agitatione diuinitus immissa vehemèter perturbatum ab incepto opere coactum esse desistere. Theodorum verò Tragœdiarum scriptorem, quoddam nescio, quid ex diuina Scriptura ad fabulam quandam transferre decreuerat, luminibus caprum orbaturumque esset ita repentina calamitate insignem temeritatem continuò esse repressam: adeo curauit primus Scripturæ sacre author Deus, ne quid inane, vacuum, aut inutile in ea posset reperiri. Vnde Chrysost. homil. 2. in Gen. paulo post principium, sic ait. Ego vos omnes obsecro, ne simpliciter ea, quæ in Scripturis sacris contenta sunt, transeatis. Nihil enim hic scriptum est, quod non multas sensuum habeat diuitias, quandoquidem diuino Spiritu afflati

flati Prophetæ loquuti sunt. Ideo, vt à Spiritu Scripturæ ingentem in se continent thesaurum. Et ne mireris quod in hac nominum enumeratione multas, latentesque diuitias sententiarum vobis me ostensurum polliceor: neque enim vel syllaba, vel apiculus est in sacris literis, in cuius profundo non sit grandis quispiam thesaurus. Proinde nobis opus est diuina gratia ducamur, & Spiritu sancto illustrati eloquia diuina adeamus. Hæc Chrysof.

RATIONEM autem, quare sicut nihil in Scriptura sacra deest, nihil etiam redundet, inanèque, & vanum reperiatur, assignat Ambr. epist. 63. ad Iust. Quoniam sacri scriptores, inquit, non secundum artem scripserunt, sed secundum gratiam, quæ supra omnem artem est. Scripserunt enim quæ Spiritus, illis loqui dabat. Sic constat nihil in Scriptura inane, & inutile reperiri. Quod autem ad nostram institutionem conducat, dixit Clem. Alex. Orat. exhortat. ad gent. Sunt verè, inquit, sacræ literæ, quæ sacros faciunt, ac deficiunt; vocatque sacra volumina, sapientiæ carceres, & portum salutis, nullis omnino fluctibus agitata.

Et Athanas. epist. ad Marcellin. de interpretatione Psalmorum, nuncupat virtutis, & veræ fidei magistratam. Quibus habet similia Hilar. in Psalm. 24. Et Greg. lib. 2. in Ezech. hom. 16. & 2. Moral. in principio. Videndus denique hæc de re Orig. hom. 27. in Num. Chrysof. hom. 2. in Isai. hom. 5. de fide Annæ. & hom. 13. in Gen. vbi inter alia. Sicut thymiamata, quanto magis digitis attigeris, tanto maiorem naturæ suæ flagrantiam reddunt. Ita & in Scripturis vsu venit, quanto quis illis est familiarior, tanto magis videre potest latentem in ipsis thesaurum, pluresque percipere fructus. Et hom. 29. quod ad augendas vires corporis sensibilis ille cibis facit, id animæ lectio præstat. Spirituale enim alimentum est, & fortem reddit animam, & constantiorem, & magis philosophicam, non permittens, vt à cogitationibus absurdis capiatur, sed leuem, & alutam faciens, in cælum ipsum, vt dicitur, transfert, &c. quæ ibi elegantissimè persequitur. Similia habet hom. 35. in Genes. & hom. 1. ad pop.

Et Ephrem de patientia, & compunctione post principium. In thesauris sacræ Scripturæ multa, ac varia salutis adminicula. Et de patientia, & consummatione sæculi. Operam da semper, vt lectioni diuinarum Scripturarum adhæreas, quæ te doceant, quomodo effugere oporteat laqueos inimici, & vitam æternam assequi. Nam sacrarum Scripturarum lectio mentem vagabundam contrahit, & colligit, donatque in Deum cognitionem. Gloriantur alij de magnarum, Principumque, ac Regum familiaritate, atque colloquio, at tu coram Angelis Dei gloriare colloquens, & cum Spiritu sancto per sacras Scripturas conferens. Nam Spiritus sanctus est qui loquitur per eas. Similiâque habet tract. de morte. Et Aug. 2. de doctrin. Christ. cap. vlt. Quicquid homo extrâ didicerit, si noxium est, ibi damnatur, si vile est, ibi inuenitur, & cum ibi quisque inuenit omnia, quæ vtiliter alibi didicit, multo abundantius ibi inuenit ea, quæ nusquam omnino alibi. Vnde D. Chrysof. Sermon. de Pseudopropheta, & falsis doctoribus, qui habetur

Pæz in Epist. B. Iacobi Apost.

FFF

post

post opera Ephrem. Vides quantum sit lucrum seruari Scripturas, quemadmodum & saepe audistis. Quid est autem id, quod vobis dico? Nihil reliquisse, neque reticuisse vtilium nobis sacram Scripturam, siue per Prophetas siue per Apostolos, ac per ipsum etiam vniuersorum Dominum. Et per Isaiam quidem Prophetam dicit secundum Septuag. *Clama in fortitudine, & non parcas, quasi tuba exalta vocem tuam.* Et iterum. *Super montem excelsum ascende tu qui euangelizas Sion.* Et Dauid. *Laboravi clamans, rauca facta sunt fauces meae.* Tandemque concludit, O quam multas quotidie Scripturas audimus, nec intelligimus, quare & inexcusabiles in die iudicii erimus, quando iudicium sedebit, & libri aperientur. Quae quidem nunc audientes, irridemus, & non suscipimus. Vnde Chrysost. imitatus hoc in loco Iacobum, inuehitur contra eos, qui parui pendunt ea, quae sacra Scriptura docet, vel existimant aliquid inane, & vanum in ea reperiri, contra quos erunt in iudicio magni illi, atque diuini viri; qui munda mente praediti ante datam Moyli legem vixerunt, & sine Scriptura Dei nutui parebant.

Verf. 6. *Maiorem autem dat gratiam: propter quod dicit. Deus superbis resistit, humilibus autem dat gratiam.*

EXPOSITIO LITERALIS.

NE quisquam causetur difficultatem negotij, arduumque respondeat carnem suam odio habere, & inimicum mundi esse, subdit Apost. *Maiorem autem dat gratiam*, qua id, quod imbecillitas naturae virium praestare nequit, adiuta diuina gratia promptè, suauiterque exequi valet. Sicut enim iis, qui in sua virtute confidunt, & superbe de se sentiunt, resistit: de sede mentis deponit eos deferendo. Sic humiliter humanam imbecillitatem fatentibus gratiam vberissimam confert, datque velle, & perficere, ut omnia tandem possint in eo qui ipsos confortat. Ideoque Brixian. hoc loco. *Maiorem dat gratiam humilibus*, id est, quanto quis est humilior, tanto plus illi impertit gratiae Deus. Sic ille.

Phil. 1.
2. & 4.

ALII verò dicunt esse sensum, maiorem dat gratiam, amicis scilicet suis, quam mundus, vel eius amicitia. Ita Carthus. Caiet. & Beda. *Maiorem dat gratiam*. i. maiora dona, gratuita cum sint eiusmodi temporalia, ex quibus nascitur inuidia. Secundum verò eorum explicationem qui dicunt, nomine (*spiritus*) intelligi spiritum humanum, qui inuider bonis aliorum, maiorem dat gratiam, intelligitur contra huiusmodi concupiscentiam, dat scilicet Deus, cuius solius est dare gratiam. Neque additur suppositum, quia intelligitur in actu verbi, cum sit exceptae actionis, ut dicunt: statimque ostenditur quis sit, qui dat gratiam, scilicet, qui loquitur in Scriptura.

DUBIUM deinde est, ubi scriptum sit, *Deus superbis resistit*. Nam locus Proverb. cap. 3. ad quem communiter hic refertur, habet, *ipse deludet illos*, &

& mansuetis dabit gratiam. Ideoque D. Thomas ait. Poteſt dici, quod ſumitur de illo loco Prouerb. *Superbum ſequetur humilitas, & humilem ſpiritu ſiſcipiet gloria.* Poſſemus nos & alium afferre ex Pſalm. *Populum humilem ſaluum facies, oculos ſuperborum humiliabis.* c. 15. 17.

ATTAMEN reuera hic locus refertur ad priorem ſumptum ex lib. Prouerb. Et licet ibi aliter habeatur, aduertendum eſt, nomen (*illuſores*) uſitatum eſſe in Scripturis; ut videre eſt in libro Prouerb. cap. 9. & 13. Iſai. 28. & 29. Oſea 7. 2. Pet. 3. Hebræumque nomen, *לעז* *Leis*, ſignificare *superbum*, quique nullis acquieſcit monitis; ut quaſi peſtis quædam omnes inſiciat: ut in Pſalm. 1. *In cathedra peſtilentia non ſedū.* in Heb. eſt, *Leisim*. Neque etiam eſt dubium inter uerbum *reſiſtendi*, & *illudendi*, quaſi inter ſe diſſentiant. Namque nihil prius ſuperbis diſplicet, quàm illudi, & parui pendi, & ipſorū conatus uelut riſu frangi, ſicut frementes gentes, meditantēſque inania, & aſtātes Reges aduerſus Chriſtū Dominū, Dominus de cælo irriſit, ut in beſtie euadēs formam Nabuchodonosor teſtatur, & ſubmerſus Pharaō.

BEDA uerò ſic explicat hanc Dei reſiſtentiam: Deus ſpecialiter ſuperbis reſiſtere dicitur, quia maiori poena plectuntur: humilibus autem dat gratiam. In citato loco Prouerb. uox Hebræa *Ehariauim*, ſignificat *mansuetos*, & *mies*, quæ etiam reperitur apud Sophoniam, ubi dicitur. *Querite Dominum omnes mansueti terra.* Et apud Pſalmiſtam, ubi ait. *Diriget mansuetos in iudicio, & docebit mies uias ſuas.* Et apud Iſaiam. *Arguet in æquitate pro mansuetis terra.* Dan. 4.
Cap. 2.
Pſal. 14.
Iſai. 11.

ILLUD uero deinde hoc in loco aduertendum eſt, *humilitatem*, ac *humilem* tripliciter in ſacris literis ſumi, primò namque in veteri Teſtamento ſæpe ſumitur pro afflictione, ut Pſalm. 35. *in humilitate noſtra*; quod ſuprà cap. 1. probauimus cum Apoſtolo dicente in hoc ſenſu; *Gloriatur diues in humilitate ſua.* Secundò, ſumitur pro uili, & abiecta conditione, pro exiguitate, & obſcuritate, ut Philip. 3. *Reformabit corpus humilitatis noſtræ configuratum corpori claritatis ſue.* Atque in hac ſola ſignificatione intellexit uocabulum (*humilitatis*) Cicero. Tertio denique accipitur pro uirtute contraria ſuperbiæ, & elationi, qua quis ſe uilem agnoſcit, quæ uirtus à Latinis modèſtia dicitur, aut animi ſubmiſſio, & hoc ſenſu accipitur hoc in loco.

Hic igitur quaſi capacioribus dat gratiam. *Valles enim abundant frumēto.* Iſai. 66. Et: *ad quem reſpicit Deus, niſi ad pauperculum, & contritum ſpiritu?* Iſai. 66. *Vatab. qui eſt* Iſai. 66. *humilis ſpiritu?* Septuag. *niſi ad humile?* Reſpicere autem Dei, ut hoc obiter dicamus, eſt beneficia largiri, ſicut proſequitur explicans hunc locum D. Chryſoſtomus homil. 34. ad Pop. cuius hæc ſunt uerba. Reſpicam, dicit, pro faciam prouidentia dignum, manum porrigam, ſuſcipiam in omnibus, gratias meas cum largitate præbebo. Quo ſenſu D. Hieronymus in quæſt. Hebræ. in Genef. vehementer laudat Theodotionis lectionem ad illa uerba Genef. *Reſpexit Dominus ad Abel, & ad munera eius.* ſic enim legit: *Inſtammuit Dominus ſuper Abel, & ſuper munera eius*; alioqui, inquit Hieronymus, non cognouiſſet Cain ſua munera deſpecta Deo eſſe; ſicut colligit etiam Auguſtinus in annotation. Genef. 4.

FFFF 2 in

In Genes. & Chrysostomus hom. 18. in Genes. & Procop. in prædicta verba.

IT AQVE respicere nihil aliud indicat quam notissimum fauorem, quo
 Luc. 22 sensu interpretatus est Ambrosius illud. *Conuersus Dominus respexit Petrum.*
 Quos respicit Iesus, inquit ille, plorant delictum. Negauit primò Petrus,
 & non fleuit, quia adhuc non respexit Dominus; negauit secundo, & non
 fleuit, quia adhuc non respexit Dominus. Negauit tertio, respexit Iesus, &
 ille amarissime fleuit. Respice, inquit, ergo Domine Iesu, vt sciamus no-
 strum deslere peccatum, & lauare delicta.

Pf. 103. **RESPICI** ergo ad humiles Deus, qui humilibus dat gratiam, & gra-
 tie fontes in conuallibus emittuntur. Vnde Bernard. Serm. de fallacia præsentis
 vitæ ait. Sicut in solitudinibus aquæ deesse solent, & loca deserta sterilia,
 & arida esse consueuerunt, sic Deus superbis resistit; humilibus autem dat
 Pf. 17. gratiam, qui emittit fontes in conuallibus. *Populum denique humilem saluum*
ficit. Neque enim superbi ab initio illi placuerunt, sed humilium, & man-
 suetorum semper illi placuit deprecatio.

NOTAVI autem Chrysostomus hom. 3. de verbis Isai. non dixisse Apo-
 stolum, Deus superbos dimittit, & in peccatis deserit, suoque nudat auxi-
 lio, sed, *aduersatur*, quod nostra vulgata dicit, *resistit*, non quòd instructa acie,
 inquit, aut pugna Deo sit opus aduersus superbum. Quid enim esse possit
 superbo infirmius? vt qui orbatus est oculis, omnium expositus est iniuri-
 æ, quòd si etiam validus ac potens esset superbus, nihil opus esset Deo ex-
 ercitu aduersus illum, quandoquidem & voluntas illi sufficiebat ad inuer-
 tenda omnia. Cur igitur resistit: quòd vehemens odium declaret erga super-
 bum. Sic Chrysostomus.

PRO qua sententia (si licet magna componere paruis) facit optimè Æso-
 pus, teste Laërtio in eius vita, dum interrogatus, quid Deus faceret? re-
 spondit, totam ipsius occupationem esse in eleuatione humilium, & super-
 borum deiectione. Et hic certe est quasi titulus Dei. Superbis resistit, humi-
 libus autem dat gratiam, sicut notauit D. Ambrosius Serm. 4. in Psalm. 118.
 & D. Augustinus lib. 1. de Ciuit. cap. 1. vbi ait. Rex, & conditor ciuitatis
 huius, de qua loqui instituimus, in Scriptura populis suis sententiam di-
 uinæ legis aperuit, qua dictum est; *Superbis resistit, humilibus autem dat gratiam.*
 Hoc verò quod Dei est proprium, superbi quoque animæ, spiritus inflatus
 affectat, amatque sibi in laudibus dici.

Parcere subiectis & debellare superbos.

Quod dicit, vel quia superbia sibi attribuit quod est Dei, videlicet, re-
 sistere superbis, vel quòd tam inuisa est superbia etiam superbis, vt super-
 bissima humana gēs gaudeat inter laudes suas poni, quòd superbos debellet.

ET ad sensum nostri contextus intelligit D. Augustinus in Psalm. 128. ea
 Pf. 128. verba Prophetæ. *Dominus iustus concidet cervices peccatorum.* Non dixit, ait Au-
 gustinus, Dominus iustus concidet manus peccatorum, aut pedes, sed cer-
 uices: qui peccatores superbos volebat intelligi; superbi autem omnes cer-
 uicati sunt: *sicut sicut frenum rectorum, quod priusquam euellatur, exaruit*, quanto
 melius, humiliter nasceretur, & letius virefceret? hæc Augustinus.

V o x

Vox superborum est: *Faciamus nobis ciuitatem, & turrim, cuius culmen per-tingat ad cælum*; vt exposuit August. 16. de Ciuit. cap. 4. & D. Chrysost. homil. 30. in Genes. Sed Deus quasi sibi ab altis timeret, sublimes quasi diuinitatis sectatores deiecit, qui superbis resistit: indeque est, quòd Paulus doceat quasi superbis resistendum. Etenim D. Gregor. de cura Pastoral. 3. p. cap. 3. illud, quod ait Paulus, *Diuitibus huius sæculi præcipe, non sublimè sapere*; sic expli-
cat. Notandum est valde, quòd humilitatis Doctor memoriam diuitum fa-
ciens, non ait, roga, sed præcipe: quia etsi impendenda est pietas infirmita-
ti, honor tamen non debetur elationi. Denique videndus pro hac contra-
rietate Dei in superbiam, Ecclesiastic. cap. 10. & Iob cap. 12. vbi ait: *Optima-
res supplantat*. Significat autem optimates, potentes viribus, intractabiles, Iob. 12.
& insolentes.

§. I.

Quomodo Deus odio habeat superbos, eisque resistat.

EX hoc loco constat, Deum superbis resistere, & aduersari, tanquam inimicis, quæ inimicitia, & pugna statim in prima Angelorum condi-
tione visa est in cælo, in quo secum noluit Deus pati cohabitationem su-
perbiæ. Vnde Bernard. lib. de anima cap. 11. Suspecta est Deo superbia,
& odiosa; nec fieri potest, vt cum eo in gratiam reuertatur, diuersum vtriuf-
que hospitium, nec in eodem habitant animo, quibus non licuit cohabi-
tare in cælo. In cælo nata est; sed velut immemor, qua via inde cecidit, il-
luc postea redire non potuit. Hinc est id, quod prosequitur Rupert. lib. 2. in
Numer. cap. 1. nullum scilicet in lege fuisse relictum sacrificium pro hoc
peccato, Deumque illi minimè propitiari, imò & de superbia intelligen-
dum esse id, quod Christus Dominus dixit; *Est peccatum quod non remittitur*,
neque in hoc sæculo, neque in futuro. Sic igitur habet Rupertus. Opportuna hic
recapitulatione commemoratio fit de lege sacrificiorum, de qua in Num.
vberius dictum, additurque aliquid, quod diligentissimè, summæque cau-
tela notandum est. *Anima*, inquit, *que per superbiam aliquid commiserit, siue ciuis
sit ille, siue peregrinus, quoniam aduersus Dominum rebellis fuit, peribit de populo suo*.
Hanc iustitiæ legem, & Prophetæ sequuntur, & Euangelium. Prophetæ,
cùm dicit Amos. *Super tribus sceleribus Damasci, & super quatuor super tribus sce-
leribus Tyri, & super quatuor non conuertam eum*. Primum namque scelus est, ini-
quitatem mente concepis-
se. Secundum scelus est, dolorem opere peperis-
se. Tertium iniquitatis opus, in vsum, vel consuetudinem traxisse. Quar-
tum scelus, malè acta per superbiæ spiritum defendere. Ergo super qua-
tuor, inquit, non conuertam eum, id est, cùm superbè fuerit resposum, iam
non est remissibile peccatum. Confirmat hoc Euangelium, cùm dicit Sal-
uator esse peccatum quod non remittatur, neque in hoc sæculo, neque in
futuro, quod non est aliud, quàm superbiæ malum. De hoc & Ioannes

FFFF 3 in

1. Ioan. 5. in sua epistola dicie: *Est peccatum ad mortem, non pro illo dico ut roget quis. Sed & ad filios suos loquitur Heli; Si peccauerit vir in virum, placari ei potest Deus: si autem in Dominum peccauerit vir, quis orabit pro eo?* Et Dominus noster tres tantum mortuos suscitauit, & non quartum legitur, eadem videlicet ratione, qua in Propheta iam fuerat dictum, *super tribus sceleribus, & super quatuor non conueriam eum.* Hæc Rupertus. quibus habet similia cap. 2.

1. Reg. 15

Hinc etiam est id, quod de Saule ait Scriptura. *Poenitet me quod constituerim Saül Regem, quia dereliquit me.* Cumque de nocte surrexisset Samuel, ut iret ad Saül, iuxta præceptum Domini, manens nuntiatus est Samueli, eo quod venisset Saül in Carmelum, & erexisset sibi fornicem triumphalem, id est, arcum triumphalem, in quo reportatam à se victoriam de Amalech sibi, non Deo adscriberet, & describeret. Hæc igitur superbia causa fuit Deo displicendi, & vt à Deo abiiceretur, idcoque, & Samuel ait: *Pro eo quod abiicisti Dominum, abiicit te, ne sis Rex.* Vnde D. Gregorius 34. Moral. cap. 17. ait. Saül in bono quo cœperat, non permansit, quia fastu potestatis intumuit; hoc enim videtur esse id, quod Dauid dixit, *superbiam semper ascendere*; & superbus apud Senecam de seipso in Thyeste actu 5.

P/ 71.

*Æqualis astris gradior, & cunctos super
Alium superbos vertice attingens polum.*

P/ 81.

Super eleuantes igitur sese fulgurat, & fulminat solus altissimus Deus, qui proinde dicitur superbis resistere.

P/ 106

Si verò aliquas rationes velimus indagare, cur Deus superbis resistat, ea imprimis sese offert, quod superbus solus vult reputari, & honorari, quod solius Dei est. Pro qua re facit id, quod notauit Bern. Ser. de fallacia præsentis vitæ ad ea verba Psalm. 106. *Errauerunt in solitudine.* Hæc, inquit Bern. superbiorum est, quia solos sese reputant, solos appetunt reputari, neminem sibi similem reperiri, solitarij, sed erronei. Similiâque habet de superbo Angelo, de quo intelligit illud Isaïæ. *Ponam sedem meam ad Aquilonem:* cæteris astantibus, inquit, tu solus sedere affectas?

1/a/ 14.

Hoc etiam prosequitur Greg. 23. Moral. c. 4. expendens eundem Isaïæ locum, aique: In hac arrogantia specie crebrò humanus animus labitur, vt id, quod habet, habere se singulariter gloriatur, in qua similitudini diabolicæ vicinus se appropinquat, qui bonum se habere singulariter gaudet, videri sublimior cæteris quærit; illum imitatur, qui desperato bono societatis Angelorum, sedem suam ad Aquilonem ponens per iniquum desiderium, quasi ad quoddam culmen conatus est singulariter erumpere.

CONTRA quam superbiz singularitatem facit id, quod notauit Oleast. in cap. 1. Genes. Deum, scilicet, fecisse hominem ad imaginem, & similitudinem suam. Nunquid maiores Deo, qui sui similem non solum patitur, sed facit? Vnde Bernard. Ser. 4. in Vigil. Natiuitat. Horret humanus auditus verbum: sed vtinam horreat similiter animus cogitatur malignum pariter, & affectum. Facit etiam id, quod dixit Gregorius 23. Moral. cap. 9. Arrogantes hominibus aequales se iudicant extitisse nascen

nascendo, sed non æquales remansisse viuendo. Et Philo libro de charitate. Quilibet insana opinione inflatus, non tam virum, aut heroem, quàm genium quendam se existimat, vt Pindarus inquit, transcendens humanæ naturæ terminos; famulis pro iumentis vitur, ingenuis pro mancipiis; cognatis pro alienis: ciuibz pro exteris, &c. quæ prolequitur describens superbum.

MAIUS aliquid docuit Paulus, cum non solum similes voluit, vt haberemus fratres, sed eos honore præueniremus, superiores nobis inuicem arbitrantur. Quod si cogitatis, inquit Aug. Ser. 53. de verb. Domini. non eritis apud vos magni; magis enim cogitare debetis quod vobis delit, quàm quod vobis adlit. Si enim cogitas, quantum præcessisti, time tumorem, si quantum tibi deest, adhuc ingemiscis, curaris, humilis eris, tutior ambulabis.

Es tandem Dei inimicus superbus, quia cum Dei sola voluntas debeat fieri, ipse suam voluntatem vult fieri, non Dei. Quod notauit Bernard. Serm. 4. in Vigilia Natiuit. Vult Deus fieri suam voluntatem, & superbus vult fieri suam. Iam videtur æqualitas; sed attende malè congruam proportionem. Deus in his tantum, quæ ratio approbat, vult suam fieri voluntatem: superbus verò, & cum ratione, & contra rationem. Cum ergo Deus zelator gloriæ suæ sit, superbo, qui solus, & vnus vult esse, vt Deus, de quo dicitur: *Dominus Deus tuus, Deus vnus est*; & qui suam voluntatem effici vult, cum tamen sola voluntas Dei debeat perfici, meritò resistit: imò in hoc maximè suam omnipotentiam manifestat, testante Dauid: *Terribili, & ei, qui auferri spiritum Principum*. Chald. *Terribilis, comprimens tumorem spirituum magnatum*: quod August. dixit esse audaciam superborum, quam ipse permittit, vt eam postea deprimendo, ostendat virtutem, & potentiam suam, sicut iussu Domini dixit Moyses ad Pharaonem. *Idcirco pesui te, vt ostendam in te fortitudinem meam, & narretur nomen meum in omni terra*. Vnde & de Achab dixit Deus. *Nonne vidisti humiliatum Achab coram me?*

ILLUD verò singulare in hac admirabili Dei resistentia contra superbos notandum est, quòd non ad motis machinis, nec militum copiis, armorumve vi, & impetu superbos deiecit, sed vilibus, & imparibus rebus; quod notauit apud Aug. author librorum de mirabilibus sacræ Scripturæ, lib. 1. c. 9. in ea resistentia, quam Deus fecit superbis ædicatoribus superbæ Exod. 9! turris. Linguas, inquit, in diuersa diuisit, vt rectissimo iusti arbitri iudicio, qui alto superbæ tumore membra contempserant, in fragilissimo substantiæ suæ membro poenam utique sermonis sentirent: quod etiam prosequitur Aug. tract. 2. in Ioan. ad ea verba. *Omnia per ipsum facta sunt*: docens à Deo conditos vermes, muscas, culices, &c. Propter superbiam, inquit, instituit Deus istam creaturam minimam, & abiectissimam, vt ipsa nos torqueret, vt, cum superbus fuerit homo, & se iactauerit, aduersus Deum, culicibus subdatur. Populū Pharaonis superbū potuit Deus domare de vrssis, de leonibus, de serpētibus; muscas, & ranas illis immisit, vt rebus vilissimis superbia domaretur. Hæc Aug. Quibus habet similia Hier. in c. 2. Ioëlis
Pro

Prophetæ. Et Rupert. lib. i. in Exod. cap. 34. & cap. 38. vbi sic ait. Locusta videtur est fortis Rex, proinde satis eleganter cum dixisset Deus quodam loco per Prophetam Ioël. *Reddam vobis annos, quos comedit locusta, bruchus, & cruce;* continuo addidit: *Fortitudo mea magna, quam misi in vos.* Fortitudo, inquit, mea magna, bruchus, & cruce subauditur, non supernarum virtutum, & fortitudinum celestium, sed infirmorum, atque imbecillium comparatione hominum in infirmitate sua superbientium, qui ceruicem erigunt contra Deum, quam pulci subiiciunt. Quibus verbis ostendit milites, & arma, quibus Deus superbis resistit.

Et cum spiritus superborum sit, tanquam turbo impellens parietem. vbi Vatabl. Spiritus violentorum tyrannorum, ipsum spiritum attenuat, & in nihilum redigit debili opposita resistentia. Vnde Iob, cuius spiritus attenuatus erat, volens se purgare ab iis sceleribus, quæ tantum supplicium possent à Deo mereri, ait: *Nunquid mare ego sum, cuius impetu, & inmanitas, non ab alio, quam à nature autore domari, frenariq. potest?* Per elatum verò mare, superbiam significauit, quasi dicebat. Nunquid superbus, & elatus ego sum, sicut mare fluctibus intumescens, & ventorum vi fremens? Illud igitur in hac similitudine aduertendum, quòd maris fremitum, vndarum tumultum, & elationem, vilissima & abiectionissima arena cohibet, & reprimat, sic & superbis Deus resistit, nulla prorsus adhibita vi, sed apponens muscas, & culices, diuidens linguas, congerens arenam.

ILLUD deinde hac in re aduertendum est, superbum eo ipso, quo erigitur, corrui & decidere, quod mihi videtur significasse Paulus, cum contraponit superbiam charitati. *Charitas, inquit, edificat, scientia inflat.* Debit namque inflatio esse oppositum ædificationis, & significare, quòd sicut charitas edificat, scientia diruit: sed acutè admodum & eleganter Apostolus hoc significauit, dum dixit. *Charitas edificat, scientia inflat;* vt sit sensus: quòd sicut charitas edificat, & in structura meritorum surgit, sic & scientia inflat, superbiturque facit; proindeque destruit, & ruinam parit. Idem enim putauit hoc loco Apostolus dicere; scientia inflat, ac dicere, scientia ruinam parit, quod proprium superbix, & inflationis est. Quod videtur dixisse Dauid. *Excelsus Dominus, & humilia respicit, & alta à longè cognoscit.* Super quæ verba sic ait Aug. Serm. 213. de Tempore. *Excelsus Dominus, & humilia respicit, & alta à longè cognoscit.* Alta posuit, inquit August. pro superbis; humilia respicit, vt attollat. Alta. i. superba, cognoscit, vt deliciat, imò cognoscendo deiicit.

Et idem Aug. 14. de Ciuit. cap. 13. Elatio, quæ in vitio est eo ipso quòd despiciit subiectionem, cadit ab illo, quo non est quicquam superius, & ex hoc erit inferius, & fiet quod scriptum est Psal. 72. *Deiciasti eos, dum extollerentur;* non enim, ait, cum elati fuissent, vt prius extollerentur; & postea deiicerentur, sed cum extollerentur, tunc deiecti sunt. Ipsum quippe extolli iam deiici est. Quibus similia prorsus habet D. Gregor. 32. Mora. cap. 7. & lib. 34. Mor. c. 18. Soli ruinæ crescit quod ædificant, qui ante molem fabricæ, humilitatis fundamenta non procurant.

§. II.

Superbia resistit, quia tenebrosa, Deus vero lux.

RESISTIT etiam Deus superbis, quia cum in tenebris ambulent, nulla proinde eis cum luce potest esse conuenientia, sed necessaria oppositio inter eum, qui lucem habitat inaccessibilem, & eum, qui in caligine delitescit. Trabs, inquit Bernar. Serm. de gradib. humilit. in oculo grandis, & grossa; superbia in mente est, quæ quadam corpulentia sui vana, non sana, tumida, non solida, oculum mentis obscurat, veritatem obumbrat, ita ut si tuam occupauerit mentem, iam tu te talem qualis es, vel qualis esse potes, non possis sentire. Quod etiam argumentum prosequitur Chrysost. homil. 3. super verb. Isai. *Vidi Dominum.* Ideo Bern. 2. de Considerat. ad Eugenium sic scribit, à te incipiat tua consideratio, & in te finiatur; disrumpere velamen foliorum celantium ignominiam, non plagam curantium, dele fucum fugacis honoris huius, & malè coloratæ nitorem gloriæ. Salubris copula, ut cogitans te summum Pontificem, attēdas pariter, vilissimum cinerem non fuisse, sed esse.

SICUT VERO ex eo quod lux sit Deus, & nullæ tenebræ in eo sint, aduersatur caliginosæ, fumosæque superbiæ; sic & quia totus verus, imò & prima veritas in essendo, totusque substantialis est, fucata, tumidaque superbiæ contrariatur. Vnde D. Tho. lect. 3. in c. 3. prioris ad Corinth. notat illud. *Inflatus sensu carnis suæ.* Rectè, inquit, superbia inflationi comparatur. Nam id, quod inflatur, nō habet solidam magnitudinem, sed apparentem; ita superbi videntur quidem esse sibi magni, cum tamen vera magnitudine careant, quæ nō potest esse absque ordine diuino, disrumpet illos inflatos. Et Chrysost. loc. cit. Quod in corporibus est inflatio, hoc in animis est superbia. Et August. homil. 54. de verbis Domini. Moles superbi non magna, sed tumida, magnitudo enim soliditatem habet, tumor inflationem.

MERITO proinde vanis, & inflatis superbis resistit Deus, Dei que filius in carne, qui via, & ostium dicitur, quod nemo inflatus potest introire. Vnde August. huic tumori præscribens medicamentum ait. Accipiat humilitatis medicamentum: bibat contra tumorem poculum amarum, sed salubre, bibat poculum humilitatis. Et Ser. super illud. *Intrate per arctam portam.* Conatur ingredi, impedit tumor, resistit superbis ingredientibus pompæ. Et Ambros. Serm. 11. Humilitate, inquit, peruenitur ad Regnum, simplicitate penetratur ad cælum; quisquis cupit diuinitatis tenere fastigia, humilitatis ima secetur.

§. III.

Resistit Deus superbiæ, quia initium omnis peccati.

RESISTIT etiam Deus superbiæ, quia est initium omnis mali, & peccati, sicut dixit Ecclesiastic. *Initium omnis peccati, superbia.* Id enim quod Paëz in Epist. B. Iacobi Apost. GGG in

in aliis peccatis consequenter inuenitur, primò, & per se, ac formaliter, sicut loquuntur Theologi, complet veram rationem superbiæ. In cæteris enim peccatis homo à Deo auertitur, vel propter ignorantiam, vel propter inuinitatem, vel propter desiderium cuiuscumque alterius boni, sed superbia auersionem habet à Deo in hoc ipso, quòd non vult Deo, & Diuinæ regulæ subiici, & in hoc sensu superbia est initium omnis peccati, quòd nihil aliud est, quam veram, & primam rationem peccati in superbia inueniri. Ac proinde quamuis superbia non expulisset Angelos è cælo, & homines à Paradiso, semper fuisset initium omnis peccati, vt bene dixit S. Tho. 2. 2. q. 162. art. 7. in corpore.

Ecclef. 1. Et hic est modus loquendi vsitatus Scripturæ. Sic enim dixit idem Ecclesiasticus. *Initium sapientiæ, timor Domini*, id est, prima, & vera sapientiæ ratio posita est in pietate, siue cultu Dei, hoc enim significat *timor Domini* eo in loco. Sic idem author dixit. *Breuis in volatibus est apis, & initium dulcoris est*, id est, cum breuissimum animal inter volantia sit apis, eius tamen fructus primam, & veram dulcedinem habet. Sic similiter, & in eodem sensu superbia initium omnis peccati est.

Psal. 35. Est etiam initium omnis peccati superbia, quia secum defert cætera omnia peccata, ideoque aliqui doctissimi recentiores in hoc sensu intelligunt illud Psalmi. *Non veniat mihi pes superbiæ*, quòd superbia sit viæ dux, quam cætera vitia sequuntur, & cuius vestigiis insistant. Quod prosequitur Amb. epist. 84. Vnde Ber. Ser. 2. de S. Andrea ait. Initium omnis peccati, & causat otius perditionis, superbia propterea quisquis es, qui salutem tuam operari studeas, aduersus hanc super caput tuum, signum crucis habere memento, vt non eleuèris in superbiam, vt non exaltetur cor tuum. Et lib. de interiori domo cap. 41. Superbia, sicut origo est omnium criminum, ita est ruina omnium virtutum. Qua etiam de re agit Ser. 1. de Aduentu, & Ser. 34. in Cant. Ambros. Ser. 7. in Ps. 118. Chrysost. hom. 1. de verbis Isaie. Greg. lib. 31. Mor. c. 31. vbi ait. Ipsa vitiorum Regina superbia, cum deuictum planè cor ceperit, statim illud septem principalioribus vitiis quasi quibusdam suis ducibus deuastandum tradit, quos duces vniuersus vitiorum exercitus sequitur. Et Prosper lib. de vita contemplat. c. 2. Nullum peccatum sine superbia potest, vel potuit, aut poterit esse. Et Aug. in Psalm. 33. ait. Cum cautam faceret Dominus Ecclesiam ait. *Illam obseruabis caput tuum, & tu calcaneum eius*; serpens obseruat calcaneum, quando veniet tibi pes superbiæ, quando labèris, vt deiiciat. Tu autem caput eius obserua; quia initium omnis peccati superbiæ; ibi ceciderunt qui operantur iniquitatem. Similia habet idem Aug. 3. de doctrina Christi. c. 23. Damasc. lib. 2. fidei c. 29. Chrysost. hom. 72. in Ioan.

Genes. 3. Cum ergo initium omnis peccati sit superbia, meritò illi Deus resistit, qui author, & pater est luminaria quo omne bonum procedit. Imò & quia est summum bonum, maximo malo, nempe superbiæ, opponitur. Quantum autem malum sit superbia, notauit August. Ser. 4. de verbis Apostoli, dicens: Est superbia venenum, quod veneno tétationum curatur. Videte me dicamen

dicamentum, quod sibi dicit Apostolus appositum. *Ne extollar*, inquit, *datus est mihi stimulus carnis mee angelus Sathana*. O venenum, quod non curatur nisi veneno, ô antidotum, quod quasi de serpente conficitur, & propterea theriacum, id est, serpentinum nominatur! Serpens superbiam suavit, *Eritis sicut Di*, inde cecidit, inde deiecit, inde cauendus casus superbiam meritoroque remedium à serpente sumptum, serpentinum dici potest. 2. Co. 12. Genes. 3.

Nec minùs ostendit, quantum malum sit superbia, id, quod pro remedio superbiæ considerauit Aug. Etenim 14. de Ciuit. c. 13, notanter dixit. Audeo dicere, superbis esse vtile cadere in aliquod apertum peccatum, unde sibi displiceant, qui iam sibi placendo ceciderant; salubriùs enim Petrus sibi displicuit, quando fleuit, quàm sibi placuit, quando præsumpsit. Mat. 26. Quod etiam probat ex Psalmista, dum ait. *Imple facies eorum ignominia, & quærent nomen tuum Domine*: quod sic explicat August. vt tu eis placeas quærentibus nomen tuum, qui sibi placuerunt quærendo suum. Psal. 12.

§. I V.

Resistit Deus superbiæ, quia virtutibus insidiatur.

OSTENDIT insuper, & superbiæ malignitatem, ratione cuius illi maximè opponitur, & resistit Deus; quia, sicut dixit Chrysost. homil. 3. in verba Isai. cætera quidem mala, nobis negligenter agentibus, solent exuperare, superbia autem ipsis rectè factis vestris aduersatur. Nihil enim perinde gignit superbiam, vt bona conscientia, nisi aduigilemus.

SIMILIA habet August. epist. 57. Vitia cætera in peccatis: superbia verò, & in rectè factis timenda est. Et lib. de sancta Virginit. Superbia, cum magnum sit ipsa peccatum, ita sine aliis per se ipsa est, vt etiam plerumque, vt dixi, non in peccatis, sed in ipsis rectè factis pede celeriore superueniat. Vbi lætatus homo fuerit in aliquo bono opere, se etiam superasse superbiam, ex ipsa lætitia caput erigit, & dicit, *Ecce ego viuo*; & superbit de superbia victa. Vnde Dominus ait: *Apprehendite disciplinam, ne quando irascatur Dominus, & pereatis de via iusta*. Vnde: nisi quia superbia in ipsa via iusta cauenda est; ne homo, dum, quod Dei est, reputat suum, amittat quod Dei est, & redeat ad suum. Ita Aug. Psal. 2.

Et Chrysost. hom. 3. in 1. ad Timoth. explicat, quod ibi Paulus ait. *Qui prius fui blasphemus, & persecutor, & contumeliosus*. Maximè, inquit, laborare opus est, vt veram consequi humilitatem possint, qui magnarum sibi virtutum conscij sunt, magnam sibi vim inferant, necesse est, vt conscientiam rectè factorum sese semper efferentem obtundere queant, intueri diligentius, quanto se deiiciat studio, quàm non se palpet, vt humilem possideat mentem. 1. Tim. 1.

Et Greg. 27. Moral. c. 17. loquens de Dauide saltante coram Deo. Egit vilia, vel extrema, vt illa ex humilitate solidaret, quæ corâ hominibus gesserat fortia. Tanta igitur vigilantia cauenda est superbia, quæ per viam

GGGg 2 iustorum

iustorum iniustissima ipsa graditur, & in virtutibus nequissima ipsa insidias tendit.

NOTA VIT HOC Gregor. 19. Moral. c. 12. ponderans ea verba superbi Pharisei, dum dixit. *Gratias tibi ago Domine, quia non sum sicut ceteri homines.* Gratias, inquit Gregor. rectè agit, sed peruersè se super publicanum extulit, ciuitatem cordis sui extollendo perdidit, quam abstinendo, & largiendo serauit. Vnde magnopere oportet, & bona semper agere, & ab ipsis bonis operibus cautè in cogitatione custodire, ne tumentem eleuent bona non sunt, quæ non authori militant, sed elationi. Et cap. 13. Perit omne, quod agitur, si non sollicitè in humilitate custoditur. Vnde bene de ipso primo parente dicitur. *Posui eum Deum in Paradiso voluptatis, vt operaretur, & custodiret illum.* Operatur quippe qui agit bonum, quod præcipitur, sed quod operatus fuerit non custodit, cui hoc subrepat quod prohibetur, scilicet vana gloria.

OSTENDIT insuper quantum malum superbia fuerit, locus ille Genes. 6. vbi postquàm Deus dixit. *Non permanebit spiritus meus in homine in æternum, quia caro est, eruntque dies illius centum viginti annorum.* Quibus verbis mortem minatur hominibus, vt sit sensus: Extraham animam de corpore, nec remanere patiar ipsum spiritum vitæ à me infusum in corpore; quia sunt toti caro, culpa, & moribus, proinde claudā terminum vitæ huius seculi centum viginti annorum spatio; statimque additur in textu. *Gigantes autem erant super terram in diebus illis,* quasi id, quod impulerit Deum ad proferenda prædicta verba, præter luxuriosam, & immundam vitæ, fuerit superbia, quæ tale merebatur supplicium; namque Gigantes, sicut ait Cyril. Alex. lib. 3. in Genes. illos intelligimus esse, qui horribiles visu, corpore incòparabiles, indomiti, inuictique homines ob corporum magnitudinè fuerunt, ceterosque propterea contemnentes. Caiet. verò ibi. Gigantes, ait, qui sua elatione mundum repleuerunt malitia. Ac tandem per Gigantes plerique intelligunt superbos, quorum elatione Deus pertæsus constituit mundum delere.

ALIAM rationem huius resistentiæ assignat Ambr. epist. 84. Elatio, inquit, de peruerso vsu donorum Dei nascitur: nam si conditor naturarū nulla pulchra, nulla sublimia naturis rationabilibus contulisset, vnde se extollerent, non haberent. Nemo enim de iis, quæ non accepit, superbit, nec inflari quisquam de eo potest, quod à participatione eius alienum est. Merito proinde Deus superbis resistit, qui de alienis bonis iniuste superbiunt, & contra ipsum largitorem efferuntur.

SED illud mihi probat malitiam superbix, quod homines peiores diabolo cõstituat, sicut ostendit Ambr. Ser. 4. in Ps. 118. vbi ita habet. Quid vitij habeat superbia, hinc æstimare possumus, cuius author diabolus est, quæ inducit Prophetam dicentē. *Ponam sedem meam ad Aquilonem,* &c. Peiores tamē discipulos erudiuit ille. Ille enim se sic exaltauit, vt vellet æquari, & similis esse Altissimo: discipulus autē eius, vt significatur ab Apostolo, indignatus est æqualem, similemque æstimari Deo. Scriptū enim est. *Chm̃ reuelatus fuerit homo peccati, qui exollitur super omne, quod dicitur Deum.* Ita Amb.

Quod ibidem explicans præsentem Iacobi locum, superbæ malignitatem sic probat ex Phariseo, & publicano. Probabilior, inquit, Phariseus ingressus est templum, quàm publicanus, & tamen condemnatus exiit. Quantum crimen superbæ, ut ei etiam adulteria præferantur? Denique Dominus, qui aliis donat, superbis resistit, & tanquam congregitur iis, qui se exaltant, sibi hoc certamen vendicat & qui aliis comparitur, arrogantes increpat.

SIMILIA habet idem Amb. Serm. 7. ubi ait. Quid hoc peccato potest esse deterius, quod à Dei cœpit iniuria? Ideoque Scriptura dicit. *Deus superbis resistit*, tanquam suæ contumeliæ propulsator, veluti quoddam suscepit adversus superbiam speciale certamen, tanquam dicat: Meus iste aduersarius est, qui me lacessit, mihi debetur ista congressio. Vnde & Apostolus multiplicis culpæ materiam, esse superbiam declaravit, dicens de hæretico: *quia ei, quæ secundum pietatem est, doctrina superbit, nihil sciens, sed languescens circa quæstiones, & pugnas verborum, ex quibus oriuntur invidia, contentiones, sacrilegia, suspiciones, male consiliations, &c.* Quantorum itaque expressit causam esse delictorum superbiam? Vnde David ait, *superbi iniquè agebant nimis*: non solum iniquitatē agētū sed etiā nimiam iniquitatē pariter declaravit. Hæc Ambr.

1. Tim. 6

Quæ optimè ostendunt magnam superbæ malitiam, imò & nimium malum, quod dura ceruice diuinam bonitatem indurat, & Dei misericordiam aduersariam habet, & quia supra omne, quod Deus est, nititur ascendere, iure tali ascensui Deus resistit, qui etiam firmavit æthera, ne plus ascenderent, sursumque niteretur. Sic enim intelligit Hugo Cardinal. per (æthera) illam elementorum partem, quæ vicinior est spheræ Lunæ. Ea autem elementa, quæ viciniore sunt ubi Lunæ, sunt ignis, & aer, quæ propter innatam leuitatem sursum feruntur, His ergo elementis limitem posuit Deus, ne amplius ascenderet, qui superbis mētibus resistit, & opponitur.

VIDENDVS etiam pro hac re D. Hilar. in Ps. 18. ad ea verba. *Increpasti superbos*: ubi ita habet. Plurima sunt humanorum vitiolorum crimina, & diuersa, atque innumerabiles peccatorum operationes, sed nulla magis prouocandi in nos iram Dei, quàm superbia, causa est. Increpasti enim non avaros, non lasciuos, &c. sed superbos. Quia plures superbia, qua humana continent, etiam Deo obsequi spernunt.

FACIT tandem pro ostendenda superbæ malignitate id, quod notauit Chrysost. hom. 1. §. in Ioan. cum ait. Fornicatio etsi indigna venia sit, potest tamen quispiam voluptatem in excusationem adducere; superbia autem, ne minimam quidem, propter quam vel umbram saltem veniæ consequatur. Videndas item homil. §. in cap. 1. Ioannis, ubi ostendit, nos nullam omnino excusationem posse prætexere in superbæ vitio.

ET Nazianz. Oratione 2. in Pascha, ait: ideo Deum animæ nostræ corpus terrestre dedisse, & fragile, ut si quando, inquit, propter mentem offeratur, propter terram deliciatur. Ideoque Herodotus lib. 1. histor. Vides, inquit, eximia animalia ut fulminet Deus, neque suis opinionibus uti sinat, exigua verò facile fert. Vides etiam, ut in ædificia maxima semper, & cel-

G G G 3

lissimas

ssimas arbores cœlestia tela ingruant. Solet enim Deus eminentia quævis castigare, ideoque magnus exercitus ab exiguo quoque sternitur; non finit enim Deus alium præter se altum sapere. Pluræque habet lib. 7. parum post principium.

§. V.

Deludit Deus superbos, velut insanos, & amentes.

POSSVMVS etiam hanc resistantiam Dei, respectu superborum, de qua Iacobus hoc loco agit, explicare ex eo loco Prouerb. vnde hæc sententia sumpta est ab Apostolo, ibi enim pro eo quod hic dicitur, *ressit*, habetur: *ipse deludet*, quod intelligendum est, non quasi Deus verè deludat, irideat, & subsannet impios, sed secundum effectum, quia illos proponit iridendos, & subsannandos vniuersis mortalibus, vel etiam vt significet superborum grauissimum supplicium. Nam irrisio, & delusio acerbissimum supplicium est superbis, acrius ipsa morte, vt patet in Saule, qui interficimur maluit, quàm illudi. vbi videndus est Abul.

2. ai. 1. d.

2. ps. 1. 8.

VIDETVR autem hæc subsanatio optimè quadrare superbis, quæ ebrietas est, & insania. Vnde Isaias: *Va corona superbia ebriis Ephraim*. Et Ambr. lib. de Noë & Arca. Multos, inquit, ebrios fecere diuitiæ, nobilitas, & potestas superbos. Et apud Regium Vatem, vbi nos habemus, *ab alienis parce seruo tuo*. D. Hier. ex Hebr. & paraph. Chald. habet, *a superbis libera seruum tuum*; quasi enim amentes, & omnino ab intellectu alienati sunt superbi, & elati. Ideoque Chrysost. hom. 15. in Ioan. Superbia nihil aliud est, quàm deprauatio animi, & morbus grauissimus, non aliunde, quàm ex insania ortum ducens; nihil enim superbo homine insanius: miser sanè, & infelix, qui cum animam tuam grauissimo morbo consumas, & in vltima miseria, credis, quòd tibi auri talenta sint plurima, quòd acruorum multitudo: idem is facit, quod quiuis pauper & mendicus, & semper famelicus, qui si quādo lætum somnium viderit, de eo lætatur. Et Ser. 20. in c. 12. ad Rom. Nihil, inquit, adeò stultum facit, sicut arrogantia. Vnde Propheta barbarum ita vocabat dicens: *Stultus stulta loquitur*.

1. Jo. 1. 3.

1. Cor.

11.

VT autem ab ipsius superbi verbis stultitiam ipsius discas, audi quid dicat. *Supra astra cœli exaltabo solium meum, & similis ero Altissimo*. His verbis quidnam poterit fieri stultius? Vnicuique verò iactantiæ incumbit facile hoc probum. Et hoc videtur notasse Paulus, cum vrgente charitate se laudaret, dixit. *In quo quis audet (in insipientia dico) audeo & ego*. Hebraei sunt, & ego: *Israëliæ sunt, & ego: semen Abrahe sunt, & ego: Ministri Christi sunt* (vt minimus sapiens dico) plus ego. In quæ verba D. Chrysostom. hom. 73. ad Pop. ait, ipsam laudationem appellasse Paulum insipientiam, propter connexionem, quam habet cum superbia, quæ insipiens est. Sic enim habet: Cum propter pseudoapostolorum fraudem, sua narrare cogeretur, adeò fuit ipsi molestum, & graue, vt id appellaret audaciam, & non tantum audaciam, verum

rum

rùm & insipientiam, nos quoque docens non incassum absque necessitate gesta nostra iactare.

E T HÔM. in Pl. 29. deridet Phariseum superbum, qui dixit. *Non sum sicut Luc. 18. ceteri homines.* Vnde nosti, inquit, quia non es sicut ceteri homines? Quasi totum mundum iam discusseris, quis, qualis est, aut quomodo habet vitam quisquam, & cum te ipsum nescias, quomodo sententiam de hominibus omnibus, cum te iactes, dedisti, ut diceret quia non sum sicut ceteri homines? Si homo es, casibus plenus es, &c. Nec minus facit pro declaranda superbiæ infania id, quod dixit Amb. superbiâ scilicet nō habere caput, & proinde nec intellectū. Sic enim habet in Pl. 35. super ea verba Prophetæ: *Nō venias mihi pes superbiæ.* Ideo, inquit, errat pes superbiæ, quia caput non tenet. Plal. 35.

E T cum pleraque alia sint loca, quibus superbiæ amentia comprobari facile posset, illud hoc apertè ostendit quod superbo contigit Nabuchodonosori, cui cum Deus statuam ostenderit diuersis constructam materiis, nempe, auro, argento, ære, ac ferro; quia verò Daniel interpretationem statux adhibens dixit ei, *tu es ergo caput aureum:* ipse pariter putauit cetera aurea iridem habere, non tantum caput, vnde in cap. seq. dicitur. *Nabuchodonosor Rex fecit statuam auream altitudinis cubitorum sexaginta.* Dan. 2. Cap. 3. Quid ergo superbet totam auream effingis tuam statuam, si solum caput habes aureum, non pectus, manus, aut pedes? Hoc solet esse superborum ingeniū, imò & delirium, dum præ amentia sibi pleraque affirmant, & attribuunt falsa. Vnde Theodoret. ibi sic ait. Non simplex hic superbiæ modus fuit, sed Deo apertè repugnans, & Deo infestus; nam quia Deus in somnis maximam illi ostenderat imaginem è quadruplici materia confectam, per quā ipsi quatuor Regnorum successiones declarauit, proprium fastum, quasi castra, Deo opponens, ipse quoque statuam construit, tantam ipsi magnitudinem tribuens, quantam potuit ars humana præbere. Non autem ipsam etiam ex auro, argento, ære, ferro ædificat, sed ex vna auri materia conficiendam curat, & quia beatius Daniel somnium interpretans ipsum esse aureum caput dixit, hoc est, Babyloniorum, siue Assyriorum Regnum, alias verò imaginis partes ex alia multiplici materia, quæ caput excepit, ipse omnem ex auro imaginem molitur. Hæc Theodoret.

PROBAT etiam præsens institutum Lucifer, qui cum inter astra Dei numeraretur, supra astra voluit esse, & propriam exaltare solium, sedereque in lateribus Aquilonis: qua in re duplex apparet amentia, & quod noluit esse inter astra, sed super ea, & quod sedere in folio voluit, cum ceteri Dei ministri adstent, & excello Dei folio, soli utique excello, assistant. Si verò iniquitas, cur sedere voluit ad Aquilonem? Respondet Lyran. quia altitudo mundi secundum hominum apparentiam est in polo Arctico, qui est nobis semper manifestus, & super nostrum hemisphærium eleuatus.

ET vt vesaniam superbiæ videamus, meminerimus, quæso, non iam Nabuchodonosoris, & Antiochi, qui sibi videbatur fluctibus maris imperare, & montium altitudines in statera appendere, sed producatur dementia Ræmni Grammatici, qui gloriabatur secum natas literas, secum denique moritu

morituras : Appionis Grammatici Alexandrini, qui tanta fuit arrogantia, vt ei immortalitatem polliceretur, cui opera sua nuncupasset: Domitiani, cuius meminit Euseb. qui se Dominum, ac Deum, appellari iussit. Vnde Martialis,

Edictum Domini, Deique nostri

Quo subsellia certiora sumi.

Maximini Iunioris, qui manus, ac pedes Senatoribus præbebat osculandos: Salmonci, qui tonitrua mentitus est, vt Deitatis opinionem sibi vendicaret, fulmine tamen absumptus est. Vnde Virgil. 6. *Æneid.*

Vidi, & crudeles dantem Salmonæa pennis.

Sesostris Egypti Regis, qui Principes, & Rectores prouinciarum ad se quotannis cum muneribus cogebat venire, atque à quatuor eorum, velut equis currui iunctis ad templum trahi volebat. Dementi verò in mentem non venit, eum qui hominibus pro iumentis, aut equis vteretur, amissa ratione bestiam fieri, præ dementia tamen id non agnouit. Nam, sicut dixit Philo lib. 2. legis Allegor. arrogantia cognata est tarditati, & ignorantia. Et Arist. 5. Ethic. cap. 6. notauit, inter eos, qui metas rationis facilius prætergrediuntur, esse superbos, & inuidos. Merito proinde dicitur, quòd Deus illudet ebrios, vesanos, vecordes, amentisque superbos, qui eorum conatibus resistit, vanosque exitus habere facit.

S. VI.

Alienum supplicium contra superbos, cauciores nos debet reddere.

QUOD si Deus superbis resistit, de factòque restitit superbis Angelis, inde debemus cauere simile supplicium ne nobis infligatur. Ideo enim Iacobus (teste D. Hieron. statim citando) describit, qualiter Deus defrauiat in superbos, vt cauciores reddamur. Quod notauit Clem. Alex. in supplicio, quo Deus animaduertit in vxorem Loth. Sic enim habet 2. Sclomat. Vxorem Loth, quæ voluntariè solùm erat conuersa ad mundanum vitium, reliquit insensibilem, efficiens eam tanquam petram salis, & sistēs, ne vltius progrediretur, non stultam, & quæ nihil agit, imaginem, sed quæ condire, & confirmare posset eum, qui posset perspicere spiritualiter. Ex quibus verbis elicit Clemens, illud supplicium nos erudire; & docere, & in salē sapientiæ conuerti ad Dei sapientiam capessendam, & diuinis præceptis obediendum.

P. R. o qua re facit id, quod notauit Oleast. in cap. 7. Gen. creuisse scilicet aquas diluuij, ita vt eleuarentè terra Arcam, in qua iustus Noë cum suis seruabatur. Iisdem, ait, aquis impij suffocantur, quibus piorum nauis eleuatur, vt quod impiis est in ruinam, bonis sit in subleuationem.

IN quam sententiam notandum occurrit id, quod in Scriptura dicitur. *Præcipe Eleazaro filio Aaron, vt tollat thuribula, quæ incensum in incendio, quoniam sanctificata sunt in meritis peccatorum, producatque ea in laminas, & effigat aliari, vt cernant*

german ea pro signo; & monimento filij Israel. Erant autem ea thuribula impiorum hominum, contra quos ignis sæuierat. Huius igitur rei rationem reddens Cyprian. lib. 1. epist. epist. 6. ait: Ne in vsu de cætero essent Sacerdotibus, sed potius indignationis, & ultionis diuinæ memoriam corrigendis posteris exhiberent, iussu Domini conflata, atque in igne purgata in laminas ductiles producuntur. Nam, sicut dixit Cyprian. lib. de zelo, & liuore, aliorum mors nobis debet proficere ad nostram salutem, imprudentium pœnam prouidentibus conferre sanitatem.

Et Chrysost. homil. 20. in Genes. loquens de Lamech, qui Cain occidit, & narrans homicidium, vxoribus dixit. *Septies vltus est de Cain de Lamech* *g. osf. 4.* *autem septuagies septies*, ait: Licet eadem ille operatus sit fratris, attamen nullo vnquam antea conspecto, qui hoc fecerat, nec alio viso, qui pœnam daret huiusmodi facinoris; mihi pœnas auget, quia pœnam videns, cautior factus non sum; propterea licet septuagies septies magis, quàm ille punirer, attamen neque sic dignam lucrem pœnam.

F A C I T etiam pro hac re Ber. epist. 108. vbi ita ait. Tu si sapias, lauabis *pl. 57.* manus tuas in sanguine peccatoris, quod intelligendum videtur secundum illum communem modum loquendi Scripturæ, in qua per *manus* opera designantur, vt patet ex vers. 8. huius cap. statim in principio: & tunc faciunt hunc sensum verba Bernardi. Hi qui sapiunt, lauant manus in sanguine peccatoris, quia purificant opera sua, summæque cura, & diligentia Deo deseruiunt, ex eo, quia vident aliorum sanguinem effusum ad instictum diuinæ iustitiæ, cuius supplicium præcauentes puriores vtique reperiuntur coram Deo. Sic ferè exposuit hunc locum Gregor. 18. Moral. c. 13. vbi pro hoc etiam argumento affert illud Iob. *Stringet super eum manus* *Job. 27.* *suas.* Manus, inquit, stringere, est vitæ suæ opera in rectitudine confirmare. Vnde etiam Paulus ait. *Remissus manus, & dissoluta genua erigite.* Dum itaque *Hebr. 12.* alienum interitum conspiciunt, reuocantur ad cor, vt recogitent suum, & vnde alius ad tormenta ducitur, à tormento alius liberatur. Stringit ergo super eum manus suas, quia conspicit in aliena pœna qui timeat, & cum delinquentem sic percussum conspicit, dissoluta sua opera iustitiæ vigore constringit, sicque fit, vt qui iniquus viuens multos ad culpam delectatione peccati traxerat, quosdam moriens à culpa reuocet terrore tormenti: quod etiam prouenire bonis Psalmista testatur, dicens, *Latabunt iusti, cum* *Psal. 57.* *viderit vindictam impiorum; manus suas lauabit in sanguine peccatorum;* in peccatorum morientium sanguine iusti lauantur manus, quia dum eorum pœna conspiciunt, conspiciens vita mundatur. Sic Gaggor.

I D E O ergo Apostolus ait, Deum superbis resistere, vt superbiam, viso supplicio caueamus; quod ex hoc loco sic deducit Hieron. epist. 32. ad Abigamum. Quanuis, inquit, mihi multorum sim conscius peccatorum, & quotidie in oratione flexis genibus loquar: *Delicta iuuentutis meæ, & ignorantias* *pl. 18.* *meas ne memineris*, tamen sciens scriptum esse ab Apostolo. *Ne inflatus superbia incidam in iudicium diaboli;* & in alio loco scriptum. *Deus superbis resistit;* nihil ita à puericia conatus sum vitare, quàm tumentem animum, & cerui-

Pac. in Epist. B. Iacobi Apost.

HHHh cem

cervicem erectam, Dei contra se odium prouocantem. Sic ergo & nos ab Hieronymo edocti præ oculis habeamus verba Iacobi, caueamus superbiam Deo inimicam, & odiosam, ne tandem, nobis superbientibus, acrius in nos animaduertat.

§. VII.

Quanti Deus faciat humilitatem, illique sese communicet.

VT verò humilitati studeamus nobis proponit Apostolus, quanti à Deo hæc virtus fiat, quomodo gratiam humilibus infundat. Pro cuius rei explicatione notandum venit id, quod aduertit August. lib. de sancta **Math. 8.** Virginit. dixisse scilicet Christum Dominum cuidam superbo. *Vulpes foueas habent, & volucres cæli nidos, Filium autem hominis non habet, ubi caput suum reclinet.* Arguebat, inquit August. nomine *volucrum*, ventosam elationem eius, in quo ubi requiesceret, piam non inueniebat humilitatem. Quibus verbis vult August. Dei habitaculum, ac requiem esse animam humilem, cui sese committit, & infundit diuinæ gratiæ plenitudo.

Exod. 33. In quam sententiam facit Rupert. lib. 5. in Exod. c. 33. vbi expendit id, quod dixit Deus: *Iam nunc depone ornatum tuum, ut sciam quid faciam tibi.* Hoc, inquit ille, iuxta historiam lectorem ædificat, quia videlicet, nisi ambulet peccator dimisso capite, nondum se scire fatetur Deus, quid ei faciat, nullam ei habet materiam struendæ misericordiæ, nisi humilitas, vel habitus pœnitentiæ præcedat; ideoque Fulgent. ad Theodor. de conuersione epist. 6. c. 9. Crescat in te humilitas animi, quæ vera est, & integra sublimitas Christiani, & tanto magis in te cognosces Dei gratiam crescere, quanto magis tibi humilitatem cordis videris abundare.

Ivssit Nabuchodonosor præposito domus suæ Asphener, vt introduceret de filiis Israël, & semine Regio pueros, qui possent stare in palatio Regis. Referens verò Daniel horum puerorum conditionem, non eos dixit esse de semine Regio, sed simpliciter dixit. *Fuerunt ergo de filiis Iuda Daniel, Annanias, &c.* Reddens verò Theodor. rationem huius humilis loquutionis Propheta, ait: Licet mentis illius intueri modestiam; cum enim supra dixerit imperatorem Regem, vt eligerentur ex stirpe Regia iuvenes forma conspicui, & magnitudine decori, cum personarum nomina posuerit, tribus Iuda simpliciter mentionem fecit, & Regiam cognationem occultauit. Nouerat enim sanctus vir eo magis Deo fore acceptum, quo se humiliore coram hominibus exhiberet. Idemque Theodoretus notauit responsum, quod dabunt iusti Christo. *Nudus eram, & cooperuistis me: respondebant enim dicentes. Domine, quando te vidimus esuriientem.* **Math. 25.** Dicit igitur Theodoret. hoc responsum ex humilitate procedere. Hoc proprium, inquit, virtutis est, vt opes suas occultet.

Est optimus locus pro hac re apud Greg. 2. Moral. c. 27. vbi ponderat, dixisse Prophetam Amos ad Amasiam: *Non sum Propheta, neque filius Prophete. armenarius ego sum, vellicanus sycomoros.* Statim verò addit sacer. *Textus Dixit Dominus ad me: & ad te, & Propheta ad populum meum Israël.* Quibus Prophetae verbis

bis

bis apertè ostenditur, inquit Greg. quia dum de se humilia loqueretur, impletus est, & mox habere prophetandi spiritum meruit, quia se Prophetam non esse humiliter agnouit. Sic ille.

Quod si rationem inquiramus, cur humilibus tam largiter, & affluenter gratiam suam Deus communicet, audiamus D. Bernardum Ser. 3 in Annunciatione: vbi loquens de gratia, sic ait. Cuinam potissimum vasi gratia infundetur? si capax quidem est misericordiæ fiducia, patientia verò iustitia, quale iam poterimus idoneum gratiæ receptaculum habere? balsamum est, purissimum, & solidissimum vas requirit, & quid tam purum, quidue tam solidum, quam humilitas cordis? Merito proinde humilibus dat gratiam; merito respexit Deus humilitatem ancillæ suæ, quoniam merito quærisse eo utique, quo animum humilem meritum nuncuparet humanum, quominus liberè influeret diuinæ gratiæ plenitudo. Quod idem Bernard. dixit Ser. 85. in Cant. Magna, inquit, & sublimis virtus humilitas, quæ promeretur quod non docetur, digna adipisci quod non valet addisci. Cur hoc? non quia sic meritum, sed quia sic placitum coram Patre. Hæc Ber.

PLACUIT itaque diuinæ altitudini humilioribus, & infirmioribus sese communicare; quæ fuit ratio, cur semper iuniores, imbecillioresque in suam tutelam susceperit; ideo enim paruulum statuit inter discipulos, eoque proposito ipsos ad humilitatem hortatus est, ideo dixit: *Sinite paruulos venire ad me*; ideo ex duobus fratribus Isaac, & Ismael, iuniorem elegit Isaac. In Isaac, inquit, *vocabitur ubi semen*. Inter filios Isaac elegit iuniorem Iacob, odióque habuit Esau, id est, non sic elegit, nec dilexit. Inter filios Israël penè iuniorem elegit Ioseph: inter filios Ioseph, Ephraim iuniorem auus Iacob diuinitus inspiratus suscepit dextera super eum imposita. In filiis Isai iuniorem Dauidem suscepit de post foetantes, pascere Iacob seruum suum. Surge, inquit Dominus ad Prophetam, *iunge eum, ipse enim est*. Vnde D. Leo Ser. 7. de Epiphania cap. 4. Amat, inquit, Christus infantiam, quam primo, & animo suscepit, & corpore. Amat Christus infantiam humilitatis magistræ, innocentiae regulam, mansuetudinis formam amat Christus infantiam, quæ maiorum diligit mores, ad quam senum reducit ætates, & eos ad suum inclinat exemplum, quos ad Regnum sublimat æternum. Videndus pro hac re Hieron. lib. 1. in Isai. c. 40. vbi affert ea verba: *In brachio suo congregauit agnos*. Non tauros, inquit, & arietes, & hircos, sed agnos adhuc tenellos per humilitatem, quia humiliores, & imbecilliores suscepit diuina potestas sibi curandos & defendendos.

NOTAUIT in hanc sententiam Chrysol. Ser. 168. parabolam illam de oue perditâ, pro qua pastor reliquit nonaginta nouem in deserto: Hæc parabola, inquit ille, plus diuinæ pietatis, quam cōsuetudinis humanæ loquitur, & exprimit veritatem, magna relinquere, amare minora; Dei potestatis est, non est cupiditatis humanæ, quia Deus, & quæ non sunt facit esse, & perditâ sic sequitur, vt teneat quæ reliquit; minora denique Deus curat, cum homines maiora solum mirentur, & venerentur: est denique in signe potestatis supremæ infima quæque suscipere, & euertere.

HHHh 2 ALIAM

Luc. 17

Matt. 18.

Marc. 14.

Gen. 21.

Rom. 9.

1. Reg. 6.

ALIAM etiam rationem affert Aug. Ser. 9. de verbis Apostoli, cum ait. Humiles valles sunt, quod infuderis, capiunt. Si venerit aqua super altitudinem, decurrit, & defluit; si venerit ad concauum, & humilem locum, & capitur, & stat. Et cum diuina beneficia, lumina quædam sint, quæ à Patre luminum descendunt, prius valles illustrant, & illuminant. Hæc est enim differentia inter lumen terrenum, imò & materialem Solem, dum à terra veluti exoritur, & lumen cœleste, quod ille è deorsum, terra scilicet surgens prius altitudines montium luce perfundit sua: valles verò tunc solum illustrat, cum super nos adest, & veluti ad medium cœli surgit. At

Psal. 75. verò Deus, quia mirabiliter illuminat à montibus æternis, & Pater lumen est, prius humiles illustrat, eiusque gratia iubar impertit, quia humilibus dat gratiam, deinde verò ad alios (quia illuminat omnem hominem) peruenit. Quod optime notauit Bernar. in aduentu Filij Dei, qui vt audiuit ea Virginis matris humilia verba. *Eccè ancilla Domini*; statim factus est homo. Magna, inquit, humilitatis virtus, cui etiam Deitatis maiestas tam facile se inclinauit.

DECEPTI sunt hac in re seniores Iudæorum, dum pro seruo rogantes dixerunt Christo Domino. *Dignus est, vt hoc illi præstes. Diligis enim gentem nostram, & Synagoga ipse adificauit nobis.* Excelsa quidem Deo ostendebant, cui humilium sæper placuit deprecatio. Ideoque ipse dicebat. *Domine non sum dignus vt intres sub tectum meum.* Vtrumque verò considerans Chrysost. hom. 27. in Matth. c. 8. ait. Vides prudentiam hominis, vides excellentiam animi, vides singularem quoque Iudæorum dementiam: dicunt enim dignum esse, cui gratiam tribuat. Nam cum magis ad humilitatem, facilitatemque Iesu confugere deberent, dignitatem Centurionis proferunt, nec ipsa tamen scientes, vnde qui obtineret dignum esse dicerent, nec quare dignus esset perspicientes. Sed non sic Centurio, sed valde se indignum esse asserbat, non salutari beneficio solum, verum etiam vt in domo Iesum reciperet; qui se indignum recipiendi Christum arbitrabatur, cœlo dignissimus factus. Incorrupta bona, quæ Abraham impetrauit, consequutus est à Domino, vt ait Aug. lib. de verbis Domini Ser. 6. dicendo se indignum, præstitit dignum, non vt in eius parietes, sed in cor eius Christus intraret, vnde Chrysost. hom. 38. ad Populum ait. Si magna vis reddere merita tua, ea ne magna esse putes, & magna erunt. Quod ostendit exemplo Centurionis istius. Dignitas itaque Centurionis non exitit in eo quod pro dignitate asseruerunt Iudæi, sed in eo quod se indignum professus est Centurio.

VIDENDVS vtique etiam Gregor. hom. 28. in Euang. cum quærit, quare rogante regulo, vt veniret Christus ad sanandum filium, ipsum reprehendit Ioan. 4. aliàs autem se venturum ad curandū seruum Centurionis pollicetur, &c. quæ habet Chrys. hom. 34. in Ioan.

Pro qua etiam sententia notauit Aug. lib. de sancta Virginit. Euāgelistā Matthæum tacuisse id, quod narrat Lucas, misisse scilicet Centurionem seniores ad Christum, & solum retulisse accessum Centurionis ad Christum Dominū: Quia, inquit Aug. fidelissima humilitate magis ipse accessit

cessit, quàm illi, quos misit, qui Domino alia proponebant, quòd dignum redderent, qui dignus solùm erat, quia indignum præ humilitate se dicebat. Quæ humilitas potentissima est apud Deum, sicut notauit Ruper. lib. 4. in Exod. c. 25. cùm ponderat ea verba Psalmi. *Dixi vt disperderet eos, si non* Psal. 105
Moses electus eius stetisset in confractione in conspectu eius. Per nimiam, inquit, humilitatem significat Moysen Deum tenuisse dicendo in confractione. Confractio namque nimia cordis humilitas est, quæ sola coram omnipotente Deo, & Domino vniuersæ fortitudinis Principe, res fortis est, & valida, ita vt illa laborante, quasi brachium suum ad percutiendum Deus extendere non valeat, regina virtutum agente, & vincete pro sua reueretia.

NOTAVIT etiam optimè Bern. tunc geminam pulchritudinē in spon- Cant. 1.
 sa reperisse Dominum sponsum, dum eam humilem agnouit. Decor animæ, inquit Ber. Serm. 45. in Cant. humilitas est, non à me ipso hoc dico, cùm Propheta prius dixerit. *Asperges me hyssopo, & mundabor*; humili herba Pal. 50.
 humilitatē significans, hac se post gravem lapsum Rex & Propheta lauari confidit, & sic niueum quendam innocentia recuperare candorem. Additque tandem, eodem ferè modo dictum esse ab sponso: *Ecce tu pulchra es*, sicut ad Abraham dictum est; *Nunc cognoui, quòd timeas Dominum.* Sic & huic modò quasi sub alijs verbis dicitur: *Nunc cognoui, quòd humilis sis.* Hoc est enim, inquit Ber. quod ait: *Ecce tu pulchra es.* Et ideo præconium iterat, vt gloriæ sanctitatis additum significet humilitatis decorem. Ecce tu pulchra es, amica mea, ecce tu pulchra es, & virtute, scilicet sanctitatis, & humilitate iterum pulchra.

OSTENDIT etiam quantum placeat Deo humilitas, id, quod idem Ber. notauit Serm. 42. in Cant. ad ea verba. *Dum esset Rex in accubitu suo, nardus mea* Cant. 1.
dedit odorem suum. Bonus humilitatis odor, qui de hac valle plorationis ascendens perfusus circumquaque vicinis regionibus, ipsum quoque Regi accubitū grata suauitate respergat. Est nardus, humilis herba: & ideo per hæc videor mihi virtutē humilitatis in hoc loco conueniēter accipere.

Nihil proinde cōferendū humilitati, ait Chrysost. hom. 30. in Act. Ap. Ipsa enim mater est, & radix, alūna, & fulcimētū, ac vinculū bonorū. Quia 1. Pet. 1.
 verò tā necessariū bonū est humilitas, ideo Petrus dixit. *Omnes humiliatem* Cant. 5.
insinuate. Pro quo Vat. & alij legūt, *arite*, seu, *nodis illigatū tenete*, ne scilicet ab anima aliquādo discedat, imò in dies in ea crescat. Qua in re illud vtique notandum occurrit, quòd, cùm virtutes terminos videātur habere, quos si excederint, à ratione virtutis recedunt, & in extrema vitiosa degenerant, sola tamen humilitas nullam vitiosam agnoscit nimietatē, aut apprehensibilem excessum: quod notauit Ber. ad illud Psal. 115. *Ego autem humiliatus* Pal. 115.
sum nimis. Sic enim ait Ber. de gradibus humilit. Nimis, hoc est, perfectè, tāquam diceret, quia veritatem cognitam in me cōsteri cōtra me non erubui, ad perfectionem humilitatis perfecti, nimis enim pro perfectè potest Pal. 115.
 intelligi, vt ibi, *in mandatis eius vo et nimis.* Vbi vides nimietatem omnibus odiosam, perfectissimam in humilitatē reperiri.

NEQUE hoc solū mirum in humilitate, quæ Christū etiā sublimauit, HHHh 3 quod

quod magis mirandum est: dixit id tamen Paulus. *Humiliauit semetipsum usque ad mortem*, &c. vbi notanda venit differentia humilitatis Christi, & aliorum. Quia ipse solus, cum Deus sit, non habet à quo subiici, & humiliari possit, hac de causa se solus humiliavit. *Propter quod & Deus exaltauit illum*, &c. Quæ verba ponderans Euseb. Emysl. hom. 1. de Symbolo. Vt sublimior appareret, & Angelis, & hominibus, inclinata est sublimitas. Quod idem dixit Ber. Ser. 2. de Ascensione. Sola humilitas, inquit, est quæ exaltat Christum, cum per naturam diuinitatis non haberet, quo cresceret, vel ascenderet, quia ultra Deum nihil est: per descensum, quomodo cresceret inuenit, veniens incarnari, pati, mori, ne morerentur in æternum, propter quod Deus exaltauit illum. Et D. Ambros. Ser. 20. in Psal. 118. notans eadem verba Pauli, ait. Laborauit Apostolus demonstrare, quanta sit humilitatis gratia, quantus eius profectus, si simplicibus accipias auribus, & Christum exaltauit, &c. quæ eleganter prosequitur in hanc sententiam.

Quod si humilitas Christi illi profuit, & nos repleuit, adhuc magis propria nos replebit humilitas, quod possumus deducere ex eo quod Aug. ait 4. Exam. c. 8. Minuitur Luna, ut elementa repleat, hoc est verè grande mysterium. Donauit hoc ei qui omnibus donauit gratiam, exinaniuit eam, ut repleat, qui etiam se exinaniuit, ut omnes repleret. Et hæc fortassis est ratio, cur Apostolus appellet humilitatem, virtutem propriam & peculiarem Christi Domini, sicut intelligit D. Bern. de gradib. humilitat. illa verba Pauli. *Libenter gloriabor in infirmitatibus meis, ut inhabitet in me virtus Christi*. Ait ergo Bern. Sed nondum forsitan intelligis de qua specialiter dixerit, quia Christus omnes virtutes habuit: sed cum omnes habuerit, pro omnibus tamen vnā, id est, humilitatem nobis in se commendauit, cum ait. *Discite a me, quia mitis sum, & humilis corde*. Vnde Aug. appellauit 1. de Virginit. c. 31. Christum Dom. primum humilitatis Doctorem.

Nec omittendus hac in re D. Greg. 34. Moral. c. 18. vbi sic ait. Audiant omnes, *Deus superbis resistit, humilibus autem dat gratiam*: audiant omnes Dominum dicentem; *Discite a me, quia mitis sum, & humilis corde*. Ad hoc namque vnigenitus Dei Filius formam infirmitatis nostræ suscepit, ad hoc irrisum opprobria, passionumque tormenta tolerauit, ut superbum non esse hominem doceret humilis Deus.

Quanta ergo humilitatis virtus est, propter quam solam veraciter edocendam is, qui sine æstimatione magnus est, usque ad passionem factus est paruus, quod eadem de causa fecisse videtur, qua humilibus dicitur conferre gratiam, quia scilicet humilitas finis est, ac principium omnium bonorum, sicut dixit Ephrem Ser. de auersione superbiæ. Est velut cæmentum, quo virtutes omnes coherent, & absoluta virtutum omnium perfectio. Et Aug. epist. 56. ad Dioscorum, primas humilitati, secundas, ac tertias, sicut actioni Demosthenes detulit.

Vnde non mirum, si plus apud Deum humilitatis verba valeant, quam superbiorum opera, & quod verbo humilis consequatur, quod neque operibus superbus assequitur. Quod notauit Chrys. hom. 4. de verbis Iai. dicēs.

Vis

Vis dicam tibi quantum bonum sit modestia: Peccator iustum superauit, *Luc. 18.* & verba factis fuere superiora. Quomodo verba? Publicanus dicit: *Deus propitius esto mihi peccatori*: Phariseus dicit: *Non sum sicut ceteri homines: ieiuno bis in Sabbato, decimas do.* Phariseus opera iustitiæ præstabat; publicanus verba dicebat modestiæ, & verba plus potuerunt, quam facta, tantusque thesaurus cum cõtumelia reiecitur, & tanta inopia in diuitias commutata est. Nec mirum denique quodd Deus, qui humiles exaltat, eisdem det gratiã aquam in vitam æternam salientem.

IDEOQUE ex hoc loco Iacobi communiter Patres hortantur homines, quãtumvis claros, & sanctos ad amplectendam humilitatem: quod facit Basil. hom. 22. quæ est de humilitate. Clem. Alex. lib. 4. Stromat. Aug. Ser. 213. de Tempore. Ber. ep. 42. Ioannes Cass. lib. 12. de Cœnobiorum instit. cap. 6.

Verf. 7. Subditi ergo estote Deo: resistite autem diabolo, & fugite à vobis.

EXPOSITIO LITERALIS.

DVRAM increpationem iam omittens, lenius modò sese habet Apostolus, blandaque præcepta suggerit. Primumque est de humili, spontaneaque submissione, & obedientia Deo præstanda. Postquam enim dixit, qualiter Deus in superbos, & elatos sequiatur, & animaduertat, & qualiter sese humilibus participandum præbeat per gratiæ infusionem; consequens iam erat, vt nos ad humilitatem, & obedientiam Deo præstandam per præceptorum diuinorum exequutionem hortaretur. Vnde Glossa hoc in loco ait. *Voluntatem Dei implete, quemadmodum enim quicquid debemus, & sumus, à Deo accepimus sic totum ei subicere, & eius obsequio mancipare debemus.* Vnde Psalmista dixit. *Subditi esto Domino, & ora eum.* *Psal. 36.* & alibi. *Nonne 'Deo' subiecta erit anima mea?* & Michæas. *Quid dignum offeram Domino?* *Psal. 61.* *Curuabo genu Deo excelsò.* Vnde & Pharaoni dixit: *Uisne quo non vis sub-* *Mich. 6.* *iici mihi? Quis verò restitit ei, & pacem habuit?* vbi Septuag. propriè ex Hebr. *Quis* *Exod. 10.* *durus fuit ei, & pacem habuit.* i. quis acerbum, & rebellem se illi exhibuit, aut bellum illius voluntati, & consiliis indixit, qui tandem victoria potitus insolefceret? Nemo profectò qui aduersùs Deum obduruit, abiit impunè. Et Petrus simillimam sententiã posuit. *Humiliamini sibi potenti manu Dei.* *Pet. 1. c. 5.* *Quod* *1. Pet. 4. 8.* *omnes facturos prædixit Dei' verbis Isai'as. In memetipso iuravi, quia mihi curu-* *habitu omne genu.* Vt ergo hoc fiat, meritis à voluntate humiliandi debet prouenire.

RESISTENDVM deinde præcipit diabolo. i. vt non consentiamus eius suggestionibus: imò eas despiciamus. Attamen ratio communis resistendi diabolo est; locum illi non dare, vt monet Paulus: imò illum contemnere, *Ephes. 4.* vt monet Aug. Ser. 41. de verbis Domin. Resistite, inquit D. Tho. hic declinando tentationes prosperitatum, & sustinendo tentationes aduersitatum. Quam resistantiam per patientiam docuit Euthym. Theophyl. & Chrysost. Matt. 5: Resistere enim dicit tantum vitare peccatù; peccatum verò vincere est

est de tétatione reportare victoriã: de qua distinctione videndus D. Thom. in 2. d. 28. q. 1. art. 2. ad 6. & Sot. 1. de Natur. & Grat. c. 21. Et fugiet à vobis victus tandem, & confusus. Magna gratia, inquit Caiet. hoc loco, vt sola resistentia sufficiat ad fugandum diabolum. Recolenda tamen sunt hoc loco ea, quæ diximus cap. 1. vers. 14. circa literam.

RATIONEM verò, quare victus abscedat diabolus, notauit hoc loco Lyran. quia *ipse est Rex super omnes filios superbia*. Quãto autem aliquis est superbior, rãto magis abhorret superari, propter quod diabolus videns aliquem fortiter resistentem, dimittit eum tentare timens, ne ab eo superetur, propter quod recedit ab eo ante faciem belli. Vnde dicit Ambros. super Luc. c. 4. quòd diabolus instare formidat, quia frequentius refugit triumphari; & hoc est quod dicitur, resistite diabolo viriliter pugnando, & fugiet à vobis. Sic Lyran.

Es t autè optima ea expositio huius loci, quam affert D. Hieron. epist. ad Demetriadem, quæ sic habet. Ostendit D. Iacobus, quomodo resistere debeamus diabolo, si vtique sumus subditi Deo, eiusque faciendo voluntatem, vt diuinam mereamur gratiam, & facilius nequam spiritui, auxilio sancti Spiritus resistamus: neque verò aperta contra nos vtitur voluntate, de consensu nostro aduersarius vites sumit, nostròque nos iugulat gladio: infirmus hostis est, qui non potest vincere, nisi volentem. Et D. Greg. 13. Mor. c. 6. Facile inimico resistitur, si non ei, vel in multis lapsibus, vel in vno diutius consentiatur. Sin verò eius suasionibus anima subesse confuerit, quanto ei se crebrius subiicit, tanto eum sibi intolerabiliorem facit, vt ei reluctari non valeat.

Es t ex præsentì loco possumus intelligere id, quod Matthæus de diabolo tentante Christum ait: *Tunc reliquit eum diabolus*, vt scilicet reliquerit non ad imperium Christi, vt aliqui volunt; inter quos est Chrysost. hom. 13. in Matth. & D. Max. homil. 2. sed quòd nulla adhibita vi recessit victus, elusus, & confusus, Legitimè pugnanti agonum reperitur terminus (ait quidam veterum in Catenua latus) quòd aduersarius, vel sua sponte cedat vincenti, vel trino casu deponatur, secundum pugnatoris artis decretum. Vnde Ambr. Luc. 4. Vides, inquit, diabolum non esse pertinacem in stadio, cedere solere veræ virtuti, etsi inuidere non desinat, tamen instare formidat. Et in hoc sensu explicat Chrysost. ea verba Dei ad Iob. *Pone super eum manum tuam*. Manum, inquit, iniice, tuâque si potes virtute perforce, vt semel à te debellatus obsistere in posterum non audeat.

S. I.

Qualiter Christianus debeat resistere tétationibus.

Hic locus docet imprimis Christianum hominem nequaquam cedere debere tétationibus, sed tentanti diabolo debere resistere; quod optimè deducit Orig. hom. 8. in lib. Iud. vbi ponderans ea verba, quæ dixit Dominus

minus ad Gedeon. *In trecentis viris istis, qui lambebunt aquas, saluos vos faciam, & lud. 7.*
iradam Madian in manum tuam. In omnibus, inquit Orig. penè veterum ge-
 stis mysteria delignantur ingentia; sicut hoc loco fieri videmus, quia ij, qui
 descendunt ad aquam, id est, qui ad Baptismi gratiam veniunt, non debent
 procidere in terra, nec flectere genua sua, & cedere tentationibus ventu-
 ris: sed stare firmiter, & constanter; sicut & Propheta dicebat. *Dimissas ma-* *Isai 35.*
mus, & soluta genua erigite, & gressum rectum facite in semitis vestris. Si remissior
 fueris, si flecti facile potueris, quomodo pugnabis? quomodo stabis aduer-
 sus astutiam Zabuli?

Et homil. 3. in Exod. loquens de Moyse, & Aarone stantibus coram
 Pharaone. Stemus etiam nos contra Pharaonem, & non flectamur, sed ste-
 mus. Sic enim nos hortatur Apostolus dicens. *Stare ergo, & nolite inغوferui- Eph. 6.*
ris inherere. Stamus autem confidenter, si Deum deprecemur, ut statuatur pedes
 nostros super petram. Sed & Paulus dicebat. *Stare in fide, & viriliter agite.* *Rom. 16.*
 Si enim fortiter steterimus, consequetur illud, quod orabat Paulus pro disci-
 pulis dicens, *quia Deus conteret Sathanam sub pedibus vestris velocius:* quanto enim
 nos constantius steterimus, tanto infirmior, & inualidior erit Phrao: si au-
 tem nos, vel infirmi cæperimus esse, ille aduersum nos validior, & constan-
 tior fiet; & verè illud implebitur in nobis, in quo Moyses dedit figuram.
Cum enim isse eleuaret manus, vincebat Israël, si verò velut lassas deieceret, & bra- *Exo. 17.*
chia infirma depereret, inualefcebat Amalech.

NOTANDUM autem est, posuisse Origen. in his duobus locis, victo-
 riam in statione inflexibili, non in profligatione inimici, in qua cetero-
 rum inimicorum victoria consistit. Quod etiam notauit Chrysoft. Serm.
 22. in epist. ad Ephes. Non hic res se habet quemadmodum apud athletas:
 nam illic quidem, nisi deieceris, non vinctes, hic verò vinctes, si deiectus non
 fueris; illic ambo certantes vincere student, & si alter deiectus, alter
 coronatur: hic verò non ita, sed diabolus hoc laborat, ut nos inferiores red-
 dat, & vincat. Quando igitur illi hoc, quod studet, abstulero, vici; victoria
 verò eius non in eo est, ut coronam adipiscatur, sed ut nos perdat. Itaque
 vici, etiam si illum non deiecero, dumtaxat deiectus non fuero. Et hom. 22.
 ad Pop. Cani similis est voluptas; si pellas, fugit, si nutrias, permanet: pro-
 pterea dicit Apostolus. *Resistite diabolo.* Similia habet Bern. Serm. 3. in dedica-
 tione Ecclesie.

ILLUD quoque hac in te semper præ oculis habendum est, quod monuit
 Cypr. de Zelo & Limore, scilicet, quia iugiter nos aggredi conatur inimi-
 cus, & circū querens, quò ad nos possit ingredi; iugiter etiam de illius re-
 sistencia nobis esse deliberandum: quàm obrem, inquit Cypr. debet animus
 esse tam paratus semper ad repugnandum, quàm est ad impugnandum sem-
 per inimicus.

ILLUD deinde aduertendum, quòd aduersarius noster, sicut acrius inse-
 quitur eos, qui tentationes omnino fugiunt, velut imbelles, & ignauos, si-
 cut profequitur Bernar. epist. 1. ad Robertum, post eius discessum à Cister-
 ciensi ad Cluniacum; ubi sic ait. An quia fugisti ex acie, putas te manus ho-
 minis Paiz in Epist. B. Jacobi Apost.

IIIi stium

stium euasisse? Libentius te insequitur aduersarius fugientem, quàm sustineat repugnantem, & audacius insilit à tergo, quàm resistat vñ faciem. Id-
que eleganter docet Ser. de duplici Baptismo. Cum enim Regium sit parce-
re subiectis, & cedentibus, hos potius debellare nititur, iugiterque profe-
quitur is, qui è Regno cecidit in tenebras. Sic è contrà resistentibus cedit,
& ab eis quàm citissimè fugit.

VT RVMQVE docet D. Greg. 5. Moral. c. 17. Sathan & propter crudelita-
tem leo dicitur, & propter multiformis astutiæ varietatem, non incongruè
tigris vocatur. Hæc heilua, quæ tanta varietate respergitur, iure tigris vo-
catur, quæ apud Septuag. Interpretes, vt præfati sumus, *myrmicoleon* dicitur.
Recte autem *myrmicoleon*, id est, leo & formica dicitur. Formicis enim leo est,
volatilibus formica, quia nimirum antiquus hostis, sicut contra consenti-
tes fortis est, ita contra resistentes debilis: si enim eius suggestionibus as-
sensus præbetur, quasi leo tolerari nequaquam potest: Si autem resistitur,
quasi formica atteritur. Aliis ergo leo est, aliis formica, quia *crudelitatem*
illius carnales mentes vix tolerant: spirituales verò infirmitatem illius pe-
de virtutis calcant. Similia habet Ephrem in illud. *Attende tibi ipsi.* vbi de
diabolo ait. Debilis in eos est, qui Domino in veritate seruiunt, conculca-
tur ab iis, qui pessundant, & auersantur eius consilia, atque conatus: sper-
nitur ab iis, qui Dominum in veritate diligunt.

DOC VIT etiam idem Ephrem, quomodo resistendum sit diabolo, quò à
nobis fugiat, tract. aduersus vitiose viuentes, ad finem; vbi ita habet. Si ad
iracundiam nos concitauerit, pace armemur; si exardescere nos fecerit,
mansuetudinem assumamus: si ad gloriam, vilitatem, & abiectionem obii-
ciamus; si ad æmulationem erga proximum irritauerit, lapsum Cain animo
reuoluamus: si ad inuidiam, Elau perditionem cogitemus. Si ergo hisce mo-
dis ipsi restiterimus, à nobis profugiet, & consistere nequibit: redibit autem
ad nos gratia illicd, & tanquam victores nos coronabit. Quibus verbis non
contemnendam docet armaturam ad resistendum diabolo per appositio-
nem, vel contrariæ virtutis vitio, quo aggreditur inimicus, vel cogi-
tationi, & memoriæ ruinæ, & supplicij ipsius peccati, ad quod nos pro-
uocat.

MISERA verò est eorum conditio, qui leoni, diabolo rugienti, imbecilli
tamen cedunt. Quod sic prosequitur Bern. Serm. 13. in Psalm. *Qui habitat.*
Gratias magno illi leoni de Tribu Iuda. Rugire ille (scilicet diabolus) po-
test, ferire non potest rugiat quantum vult, tantum non fugiat ouis Chri-
sti: quanta minatur, quanta exaggerat, quanta intentat? Non simus bestię,
vt nos prosternat vacuus ille rugitus. Sic enim perhibent, qui talia curio-
sius vestigauerunt, ad rugitum leonis nullam bestiam stare posse, ne eam
quidem, quæ aduersus ictum eius tota animositate repugnat, & plerum-
que superat ferientem, quæ non sustinet rugientem. Verè bestia, verè ratio-
nis expers, qui tā pusillanimis est, vt solo timore cedat, qui sola futuri exag-
geratione laboris, victus ante conflictum, non telo, sed tuba prosterni-
tur. *Non dū resistis vsque ad sanguinem,* ait strenuus ille dux, qui leonis huius
noue

nouerat vanum esse rugitum, & alius quidam: *Resistere*, inquit, *diabolo, & fugiet à vobis*. Sic Bernard. cui nihil hac in re addi potest.

§. I I.

Sanctiores acrius insequitur diabolus.

IL V D deinde aduerto, quodd Iacobus subditis Deo præcipit, vt diabolo resistent, quasi præmonens ad futurum certum certamen; quos enim videt Deo deditos, eos acrius insequitur, illicoque aggreditur. Est enim eius cibus electus, sicut obseruat Hieron. epist. 22. docetq; Author quæstionum Veteris, & Noui Testamenti, q. 2. tom. 4. apud August. quod etiam aduertit Origen. hom. 2. super Exodum, cum ponderat ea verba Exodi. *Dixit autem Rex Aegypti obstericibus Hebraeorum: Si masculus fuerit, interficite eum, si femina, reseruate.* Ait ergo Origen. Si rarum quemque videas, vnum ex mille ad Dominum conuersti, oculos sursum erigere, æterna quærare, contemplari non quæ videntur temporalia; sed quæ non videntur, odisse delicias, amare continentiam, excolere virtutem; istum quasi masculum, quasi virum necari cupit Pharaon, persequitur, infectatur, mille aduersus eum machinis pugnat.

Exod. 11.

Hoc idem profequitur hom. 3. in Exod. & D. Gregor. 10. Moral. cap. 8. & Hieron. epist. ad Demetriadem, ab eo tempore, quo primum per virginittatis professionem Domino es consecrata, aduersarij in te creuit odium; & qui aliena lucra pro suis dānis habet, se amisisse ducit, quidquid te possessoriam dolet; grandi tibi opus est vigilantia, grandique cura; & tanto sollicitius cauendus est inimicus, quanto apud Deum diuor esse cœpisti: qui enim plus possidet, plus debet timere, ne perdat: inuidere non cessat author inuidiæ; qui inuidit Euz Paradisum, quanto magis tibi inuidet Regnum cœlorum? Et August. Serm. 83 de Tempore. Hoc scitote, inquit, fratres, quia diabolus non persequitur nisi bonos; malos enim persequi diabolus non consuevit: amici enim sunt sui, & in tantum eos non persequitur, vt etiam per illos, alios persequatur.

Hoc idem argumentum profequitur D. Greg. 29. Moral. c. 12. cum ponderat ea verba Iob. *Per quam viam spargitur lux.* Cum lux spargitur, ait ille, *Iob 38.* mox ab occulto aduersario contra fulgentem mentem tentamenta succrescunt. Rectè subiungitur, *diuidum astrum super terram;* hostis enim calidus, quos iustitiæ luce enitescere conspiciat, eorum mentes illicitis desideriis inflammare contendit, vt plerumque plus se vrgeri tentationibus sentiat, quàm tunc inde lucis æternæ radios non videbat.

VNDE Israëlitz postquam vocati sunt, contra Moysen, & Aaron de ex- *Exod 5.* crescente labore conqueruntur, volentibus quippe ex Aegypto discedere, Pharaon paleas subtraxerat, & tamen eiisdem mensuræ opera requirebat: quasi ergo contra legem mens submurmurat, post cuius cognitionem tentationum stimulos acriores portat, & tum sibi labores crescere cōspicit

in eo quod aduersario displicet. Post lucem ergo æstus sequitur, quia post illuminationem diuini muneris, tentationis certamen augetur.

AL I Q V A N D O verò diabolus expectat virtutum profectum, vt tunc aggrediatur, & nobiliora detrahat spolia. Quod notauit Chrysost. hom. 3. ad ea verba Isai. *Vidi Dominum.* vbi loquens de Ozia, aduertit id, quod de eo dicitur. *Et fecit Ozias quod rectum est in conspectu Domini.* Hoc testimonio, inquit, magnam illius virtutem declarauit. Non enim modò fecit quod rectum erat, verùm etiam fecit in conspectu Domini, non apud homines ostentans. Qui factum est igitur, vt post vitā tam perfectam supplantatus sit, concideritque? nam & hoc ipse demirans hæsit. Quem admodum piratæ, qui mare nauigijs infestant, non tum vbi conspexerint naues è portu exeuntes inuadunt; quid enim hinc fructus caperent, si scapham inanem demergerent? sed vbi redierint onusta, plenæque sarcinis, tum demum omnes expediunt artes. Ita sceleratus ille Dæmō, simul atque videt aliquos multa collegisse, scilicet ieiunia, preces, eleemosynam, castitatem, reliquasque virtutes, vbi videt nauigium nostrum esse plenum pretiosis pietatis lapidibus, tunc itrumpit vndique thesaurum perfodiens, vt in ipsis portus ostiis scapham demergat, iamque nudos nos ad eum portum eiciat. Hæc ergo causa est, cur postquam Iacobus monuit, vt Deo subditi essemus per mandatorum obseruantiam, & humilem recognitionem, strim admonet, vt diabolo resistamus, quia talem Dei subiectionem, diaboli tentamenta sequuntur.

§. III.

Nequaquam metuendus diabolus, cum sit infirmus hostis.

EX hoc loco deducunt Sancti Patres, nequaquam metuendum esse (ita vt illi cedamus) cum hostem, qui resistentes fugit, nec nisi permissus adoritur tentandum. Qua de re videndus Aug. lib. de Rectitud. Catol. conuersat. & lib. 30. homil. hom. 12. & Serm. 7. de Tempore, & in Psalm. 91. & epist. 143. & Hierony. epist. ad Demetriad. vbi ait. Nostra contra nos virtutis voluntate, de consensu nostro aduersarius vires accipit; nostròque nos iugulat gladio. Et Cassian. lib. 7. Collation. c. 8. Sicut est illi instigationis copia, ita & in nobis virtus respuendi. Ergo manifestum est hinc vnumquemque delinquere, quòd ingruentibus cogitationibus prauis non confestim repulsam contradictionis obiciat, resistere ei, ait, & fugiet à vobis.

ET D. Gregor. lib. 2. Mor. cap. 6. Sathana voluntas sepe iniqua est, sed nunquam potestas iniusta, quia à semetipso voluntatem habet; à Domino potestatem; quod enim ipse facere iniquè appetit, hoc Deus fieri non iuste permittit. Vnde beatus in lib. Reg. dicitur. *Spiritus Domini malus in iacob in Saul.* Ecce vnus idemque spiritus, & Domini appellatur, & malus, Domini videlicet, per licentiam potestatis iusta, malus, per desiderium voluntatis iniuste. Formidari ergo non debet, qui nihil nisi permissus valet.

VI D E N D U S hac de re Hierony. lib. 2. in epistolam ad Ephes. cap. 6. ad ea verba:

verba : *Nolite locum dare diabolo* ; ubi ita ait. Ille superbus, & temerarius vult ascendere, sed etiam si te oppressum putauerit, & se extulerit, tu ne dederis locum. Potestas namque diaboli non in temeritate illius acque iactantia, sed in tua est voluntate. Proinde toto conatu illi resistendum est, quem scimus nos superare non posse nisi velimus, debilioresque iam vires habere postquam à Christo Dom. superatus est nō ferro, sed ligno, insuper & alligatus : sicut prosequitur Aug. Ser. 197. de Tempore.

DE D. dicit aliquis (inquit ille) si alligatus est, quare adhuc tantum præualet ? Verum est, fratres, quia multum præualet, sed tepidis, & negligentibus, & Deum in veritate non timentibus. Alligatus est enim tanquam innexus canis, & neminem potest mordere, nisi illum, qui se ei mortifera securitate coniunxerit, latrare potest, sollicitare potest, mordere omnino non potest, nisi volentem. Neque verò tunc solum vicit, & ligauit Deus diabolum, sed quotidie in nobis vincit, & ligat. Vult autem, ut nos in conflictu resistamus, ut nobis possit attribui victoria. Et ut plurimum Rex aliquis vult quidem filium suum in acie versari, exercitui esse conspiciuum, ut illum profectò habeat cōsortem triumphi. Totum enim ipse bellum gubernat, ac peragit : ita Deus in hoc prælio facit quod aduersus diabolum gerimus, vnum solum à te requirit, ut aduersus hostem veras inimicitias pro honore Regis, & tua salute suscipias, bellum ipse conficiet, imò & arma ministrat, sicut docuit Paul. Ephes. 6. & ex eo ostendit in Ps. 34. ibi. *Apprehende arma, & scutum, & exurge in adiutorium mihi.* Magnū spectaculum, inquit Aug. est videre Deum armatum pro te. Cum ergo Deus propugnator noster sit, & defensor, & ad nostram victoriam solū requirat rensum, quo hostes fugiant, ad Dei præsentiam, & cum ipsius adiutorio resistamus diabolo, & fugiet à nobis, ac de ipso profectò victoriam reportabimus.

PRÆFATE tamē doctrinæ Iacobi videtur ob stare ille locus Iob, ubi de diabolo dicitur. *Non est potestas super terram qua comparetur ei.* Quomodo ergo Iob. 40. possumus illi resistere ? Respondet D. Thomas hic. Quod sine adiutorio Dei non possumus, cum adiutorio verò possumus, quod nobis promptum ac paratum est : & nisi illud habeamus, nobis est imputandum.

VIDETUR insuper ob stare ille alius apud Matth. ubi post primam, & secundam tentationem Christi adhuc institit, & tertio ipsum aggressus est. Vnde Greg. 31. Moral. c. 8. Antiquus hostis quo valentius vincitur, eo adhuc ad insidias ardentius instigatur. Et Ambr. in c. 4. Luc. Frequenter spicula, ut aut præmio vineat, aut tædio. Et Cypr. epist. 6. Nunc est, ut magis insidiamur ducesarium metuunt, qui fortiores quemque magis aggreditur, & acrior saqueus, hoc ipso, quod victus est, superantem superare conatur. Et Tertull. lib. de patient. c. 7. Peruscastissimus hostis ille tunc maxime sauit, cum hominem planè sentit liberatum, tunc plurimum accenditur, dū extinguitur. Similiāque habet Cassian. lib. 5. c. 11. Athleta Christi quanto magis triumphorum successibus creuerit, tanto ei etiam colluctationum robustior ordo succedit. Quæ omnia ostendunt, diabolum non recedere quasi confusum, & victum dum ei resistitur, imò pertinaciter, & contentiosè aduersus

III 3 ipsam



Matth. 4.

ipsam retinenciam insurgere, & dum abscinditur illi quoddam caput, aliud statim pullulare, & attolli.

Cv i difficultati possumus dicere, diabolum à resistantibus fugari, non quidem ad primam resistantiam, sed dum experitur aditum sibi intercludi post aliquos inflictos ictus, & deinde recedere; non quidem amplius iam non aggressurus, sed per aliquod tempus. Sicut de diabolo victo à Christo Domino ait Lucas. *Recessu ab illo diabolus usque ad tempus*; quod communiter intelligitur, usque ad tempus Passionis, vel quod id fiat ex permissione Dei.

Verf. 8. *Appropinquate Deo, & appropinquabit vobis.*

EXPOSITIO LITERALIS.



RESISTIT adhuc Iacobus in priori admonitione, qua docuit, ut Deo subditi essemus. Ideoque Glossa hoc loco ait; *Appropinquate Deo per bona opera, & humilitatem.* Beda vero sic explicat: *Appropinquate Deo per humilitatem, scilicet, eius vestigia sectando, & appropinquabit vobis per misericordiam, vos de angustia liberando.*

MONET ergo ut ad Deum accedamus, non quidem vestigiis corporis, sed affectu animi, quo in eodem loco vnus longè à Deo abest, alius proximum Deum habet. Propè enim est Dominus inuocantibus eum in veritate: & longè à peccatoribus salus, inter quos, & inter Deum peccata diuiserunt, imò talem separationem expostulât. Dicunt enim Deo. *Recede à nobis, scientiam viarum tuarum nolumus.* Qui quidem merentur ut eis dicatur. *Maledictus homo qui confidit in homine, & à Domino recedit cor eius.* & iterum: *Scio, & vide quia malum, & amarum est dereliquisse te Dominum Deum tuum.* Possuntque hæc verba, sicut optimè aduertit hoc loco Carthus. & alii, vel referri ad peccatores, vel ad iustos. Ad illos quidem, ut sit sensus: *Appropinquate Deo per pœnitentiam flendo, deprecâdo, & ipsius gratiam, & misericordiam inuocando, & ille appropinquabit vobis, dona gratiæ infundendo, non quasi illa prima motio, & appropinquo peccatoris non fiat à gratia, quod nullatenus dicendum est.* Vnde in Threnis dicitur. *Conuerte nos Domine, & conuerteremur;* Et: *Nemo potest venire ad me, nisi Pater meus traxerit eum.*

L I C E T enim liberi arbitrij requiratur appropinquo deliberata, quandoquidem Deus nullum violenter trahit; tamen hoc non potest nisi accedat, & concurrat diuina gratia cum libero arbitrio; quod præuenit in prima motionè. Vnde Ber. de diligendo Deo. In hoc est mirum, quod nemo te querere velit, nisi qui priùs inuenerit: vis igitur inueniri, ut queraris, quæri, ut inueniaris, potes quidem inueniri, non tamen præueniri. Et in Cantic. Ezechie ad ea verba. *Quæsiui residuum annorum meorum;* sic ait idem Bern. Quæsiui, inquit, ab illo qui dixit. *Sine me nihil potestis facere:* Neque enim ad ipsum sine ipso non dicam reuerti, sed ne conuerti quidem poteram,

ram, vt pote spiritus vadens, & non rediens. Similiâque habet Ambr. Ser. 22. in Psal. 118. & Orig. lib. 7. contra Celsum.

Et Aug. in Ps. 77. ad ea verba. *Recordus sum quia caro sum. vbi de oue per-* Luc. 15.
dita, & nullo alio modo reducta, quàm ad humeros pastoris, ita ait. In hu-
meris deportata pastoris reducta est, quæ se perdere potuit, dum sponte
vagaretur: Se autem inuenire non potuit, nec omnino inueniretur, nisi pa-
storis misericordia quæreretur. Quoniam verò, & prodigus non quæsitus
venisse videbatur; addit Aug. Omnino enim & ille filius ad hanc ouem per-
tinet, qui reuersus in semetipsum dixit. *Surgam, & ibo ad patrem meum.* Oc-
cultâ enim inspiratione, & vocatione, pŕe quoque quæsitus est ab eo, qui
suscitat omnia. Conuertit verò se ad nos Deus, etiam quando in gratiam
receptos aspicit, & iubet coram se, vt amicos stare. Qua de re videndus est
Ruardus Taper. art. 4. de Contitione.

POTEST secundò referri hic locus ad iustos, & existentes in gratia, qui
licet à Deo non distent dissimilitudine culpæ, distant tamen ab eo minora-
tione perfectionis, ad quam in hac vita pertingere valent; & sensus est: Ap-
propinquate Deo, similiores vos illi reddendo, cum ardentius diligendo,
quotidie proficiendo, & per virtutum omnium incrementa, & ille appro-
pinquabit vobis per gratiam, & donorum augmenta. Attamen, vt patet ex
sequentibus, loquitur potiùs Apostol. cum peccatoribus.

PROPOSITIONE ergo Diuinæ bonitatis, vt aduertit hoc in loco Lyran.
nos monet Iacobus vt ad Deum accedamus, qui inuicem nos amplectetur,
& excipiet. Similes Dei inuitationes reperies sæpe in Scriptura. *Con-* Zach. 3.
uerimini ad me, ait Dominus exercituum, & ego conuertar ad vos, &, Reuerimini ad Malac. 3.
me, & reuertar ad vos, dicit Dominus exercituum.

QVOD si quando in Scriptura petitur à Deo, vt ad se nos conuertat, &
appropinquare faciat, vt patet ex illo loco Threnorum. *Conuertere nos Domine* Thren. 3.
ad te, & conuersemur; id non pugnat cum eo, quod Deus dicit, vt ad eum con-
uertamur, nec cum Iacobo, dum ait; *Appropinquate Deo.* Litèrque dirimit
Concilium Trid. sess. 6. c. 5. dicens. In sacris literis cum dicitur; *Conuerimini*
ad me, & ego conuertar ad vos, libertatis nostræ admonemur: cum responde-
mus; *Conuertere nos Domine ad te, & conuersemur,* Dei nos gratia præueniri
confitemur. Videndus hac de re Aug. epist. 106. & lib. de Grat. & libero
arbitr. c. 17. & Serm. 13. & 15. de verbis Apostoli, lib. de bono Viduitatis c.
17. & in lib. Speculi c. 33. & Orig. lib. 7. contra Celsum, commentans lo-
cum Platonis in Timæo; vbi late agit Plato de quærendo Deo.

Nec mirum quòd Iacobus promittat Dei appropinquationem eis, qui
ad eum accesserint, quandoquidem ipse fatetur, se appropinquare iis, qui
eum nõ quærebant. Isaias enim, quem refert Paulus Rom. 10. ait: *Inuenimus sum* Isai. 65.
à non quærentibus me, palàm apparui eis, qui me non interrogabant. Quod notauit
Ambros. in exhortat. ad Virgin. dicens. Cum cœperis quætere, adest: ne-
que enim fieri potest, vt desit quærentibus, qui palàm factus est non quæ-
rentibus, & inuentus à non interrogatibus. Et Damasc. lib. 2. Paral. c. 39.
probans, quòd Deum quætere oporteat, hanc sententiâ Iacobi laudat, eique

loca

Leu. 16. loca ex sacra Scriptura annectit. In his, qui appropinquant mihi, sanctificabor.
 Psal. 33. Non dereliquisti quærentes te Domine. Inquirentes Dominum non minuentur à bono.
 Ier. 33. Querite me in toto corde vestro, & apparebo vobis. Et: requirentibus Deum ipse re-
 munerator est.

Ponit ergo in his verbis Iacobus ea, qua ex nostra parte requiruntur, & ea, quæ ex parte Dei. Ex nostra enim requiritur conuersio, & appropinquo voluntatis. Ex parte verò Dei ea, qua gratiam nobis apponit. Quod eleganti exposuit similitudine Chrysostom. hom. 2. in Psal. 50. Sicut cum quidam graui ægitudine vexatur, & multimodis indiget medicaminibus, & attenuatus est sumptibus, si introierit medicus, & dixerit ad eum, qui ægrotat: Plures species ad confectiorem medicaminis necessariae sunt. Respondeat verò ægrotus, non habeo vnde tantas species etiam, paupertate detineat, dicat ad eum medicus: Illam & illam da mihi speciem tantum, cætera de me præstabo; sic & Deus dicit: Da mihi confessionem tuam, & lacrymas penitentiae, cætera pro misericordia mea, & humanitate tibi præstabo. Ad istum ergo modum ait Iacobus, *Appropinquate Deo per penitentiam, ipse appropinquabit vobis*, cætera omnia de suo ponens, quibus perfectè sanus, & sanctus euadere possit.

§. I.

Quàm longè recedas à Deo anima per peccatum.

CVM Apostolicus sermo hoc loco fiat ad peccatores, quos hortatur, ut Deo appropinquent, illud imprimis elicitur, longè quidem fieri à Deo animam per peccatum. Quod imprimis videre est in primo parente Adam, qui ita à Deo longè factus est, ut ipse postea eum quærens clamaret. *Adam vbi es?* Quod ponderans Philo. lib. 2. legis Allegorait. Hic intro-
 ducitur dogma, quoddam malus, exul est. Quo pacto Esau, sicut Scriptura notauit, erat gnarus venandi, & ruri degebat, e contra de Iacob dicitur, domum habitasse. Similiâque habet lib. de congressu quærend. erudit. grat. Commentatus verò eadem verba Seraphinus à Porrecta inducit Deum loquentem cum Adam. Per hoc, quod ego, qui scio omnia, tibi quasi per admirationem dico. Adam vbi es? tacite insinuo, & quod tu non es amplius vbi prius eras, & quod tanta est distantia inter felicem statum amissum à te; miserumque incursum, ut in admirationem magnam trahere posset etiam me Deum (si admirationis essem capax.)

Hoc argumentum prosequitur D. Hieronym. epist. ad Damasum Papam, in qua exponit parabolam filij prodigi. Ad ea namque verba Luca: & non post multos dies, collectis omnibus, adolescentior filius profectus est in regionem longinquam, sic ait. Si Deus cælum tenet palmo, & terram pugillo, & Hieremias dicit, *Deus appropinquans, & non Deus de longinquo ego sum*; per David quoque, quia nullis absque eo locus sit, prædicatur; quomodo filius peregrin-
 pro

proficiscitur, & à patre discedit? Recedunt qui sic peccantes cum Domino esse non merentur, recedunt autem affectu, non locorum spatiis. Recessit ergo iunior filius, & Cain egressus à facie Domini.

Et Chrysof. Ser. 11. in epist. ad Philip. Peccata elongant nos à Deo, voluntate, & animo, non loco vehementer Deum fugimus. Quò fugis miser? quò fugis vitam & salutem tuam? si Deum fugis, ad quem confugies? si lucem fugis, quò respicies? Si vitam fugis, unde postea viues? cum peccamus, fugimus à Deo, fugitiui in alienam terram descendimus, quemadmodum ille, qui bonis paternis consumptis abiit in terram alienam. Hanc eandem à Deo separationem prosequitur idem Chrysof. hom. 6. ad Pop. Sapient. 1.
 probatque ex cap. 1. Sap. *Nonne peccata vestra separant inter vos & me?*

V I D E N D U S etiam pro hac re erit Orig. hom. 11. in Exod. ubi ponderat id, quod in Exodo dicitur. *Venit Aaron, & omnes presbyteri de Israël, mādūcare panem in conspectu Dei.* Omnia, quæ faciunt Sancti, inquit ille, in conspectu Dei faciunt. Peccator autem à conspectu Dei fugit. Denique scriptū Genf. 3.
 est, quia *Adam postquam peccauit, fugit à conspectu Dei,* &c. Misera autē anima in innumeras incidit misérias, cum à Deo discedit. Ideo & Cain dicebat. *Omnis, qui inuenerit me, occidet me:* desperabat enim vitam habere, qui à vita discesserat. Vnde Amasias Rex Iuda occisus est postquam, ut ait Scriptura, Genf. 4. 2. Par. 25. Cap. 1.
recessit à Deo. Et Ionas, ubi cogitauit fugere à facie Domini, varios perper-
 sus est labores, ærumnas, ac pericula. Vel etiam dixit Cain. *Omnis, qui in-*
uenerit me, occidet me, quia longè factus à Deo, tor sperabat se commissurum
 mala, & facinora, ut à quoque obuiio iure posset morte puniri.

I L L U D autem præ oculis habendum est, quòd si per peccatum fugimus à Deo placato, & amico, in ipsum iratum incurrimus, & punientem, cum neque amicos effugere. Vnde August. lib. 4. Confess. c. 9. Te non amittit, nisi qui dimittit, & qui dimittit, quò fugit, nisi à te placato, ad te iratum? Idem-
 que lib. meditat. c. 30. & in Manu. c. 2. Qui te non habet placatum, non euadet iratum. Eleganter autem aduertit D. Ambros. Ser. 4. in Ps. 118. viam, qua conficimus hoc miserum iter, in nobis esse. Explicans enim ea verba eiusdem Ps. *Viam iniquitatis amoue à me:* ait. Non dixit amoue me à via ini-
 quitatis, sed *viam iniquitatis amoue à me,* quasi in nobis sit, & in nobis videatur inesse, quandiu enim exercemus aliquid improbum, via ini-
 quitatis interiùs manet, & non recedit à nobis. Ideoque studiosè agamus, ut eam à nobis separemus, Psal. 118.

FIET autem hoc, quod Ambr. monet, si viam vitæ, quæ Christus est, amplexati fuerimus, & ut gressus nostros dirigat postulauerimus, quo citiùs ad eum propinqui fiamus, sicut præsens Iacobi locus clamat. Quod etiam prosequitur Ber. Ser. in Rogationib. de tribus panibus, ubi ponderat similitudinem, quam affert Christus Dom. illius hominis, ad quem venit a-
 micus, & ad alterum iuit quærere panem. Ego, inquit, amicum venientem ad me, non alium intelligo, quàm me ipsum, nemo quippe charior mihi: ad me ergo de via venit amicus, cum transitoria deserens, ad cor redeo, sicut scriptū est. *Præuocatores redite ad cor:* deinde tunc verè sibi quisque amicus est, Luc 12. 49.

Pnæz in Epist. B. Iacobi Apost.

K K K k

cum

Ps. 10.

cum de via redit, quoniam, *qui diligit iniquitatem, odit animam suam.* Quid faciam huic amico, misero, & miserabili? festina, discurr, suscita amicum tuum illum magnum, quo maiorem dilectionem nemo habet, sed neque substantiam ampliorem; quære, pete, pulsa, clama, quia omnis, qui quærit, inuenit; & qui petit, accipit, & pulsanti aperietur. Quod idem promittit Iacobus, cum ait. *Appropinquate Deo, & appropinquabit vobis.*

Ut insuper Apostoli admonitio executioni maderet, facit doctrina Augustini Ser. 47. de verbis Domini. ubi sic ait. Largitur tibi Deus spatium correctionis, sed tu plus amas dilationem, quam emendationem. Expectas, & de misericordia Dei tibi plurimum polliceris, quasi ille, qui tibi per penitentiam promisit salutem, promiserit tibi & longam vitam. Metuendum est, ne te occidat spes. Ingratus es, qui hodiernum diem habes, in quo corrigaris, nec tamen correctionem, & emendationem curas.

Sic denique appropinquare debemus Deo, ut non citò ab eo iterum discedamus. Quod notauit Augusti. Ser. 7. de tempore, dicens. *Ista est, filioli, vera penitentia, quando sic conuertitur quis, ut non reuertatur, quando sic penitet, ut non repetat.* Quamcitissime proinde Deo appropinquare debemus, nunquam amplius ab eo recessuri, qui neminem deserit, nisi prius deleratur. Et cum illi appropinquamus, nobis etiam appropinquat, & de reditu nostro, cum Angelis suis, gaudet super vno peccatore penitentiam agente.

Luc. 15.

MONET autem hic locus Iacobi, ut confidenter ad Deum accedamus, quandoquidem ipse nobis appropinquat obuius, & se quærentes amplectitur, sicut in patre sene videre est, quicquid longè filium vidit, & ad eum progressus est, alioqui frustra quæreret, sicut dixit Ambr. Ser. 22. in Ps. 118. Ego te quæsiui, inquit, sed inuenire non possum te, nisi volueris inueniri. Quod etiam profequitur Ber. Ser. 78. in Cant.

MAGNUM autem est quod nobis appropinquantibus ad Deum, promittit Apostolus Dei appropinquationem, quod magis excitet studium inuestigandi, & accedendi, quibus sufficiebat vel ipsa appropinquatio, & inquisitio, sicut notauit Ber. lib. de diligendo Deo. Bonus es Domine animæ quærenti te. Quid ergo inuenienti? Vis igitur inueniri ut quæraris, quæri ut inueniaris. Et Philo lib. de Monarchia, tom. 2. ait, hoc ipsum per se solum Dei quærendi studium, etiam citra ullam inuentionem, rem esse honestam, præclaram, & imprimis expetendam. Et lib. 2. legis Allegor. tom. 1. Conducit sanè ad fruendum rebus bonis, vel solum quærendi studium.

§. II.

Qua via veniendum sit ad Deum.

VIA ergo, qua ad Deum altissimum appropinquare possumus, est cognitio, & penitentia scelerum nostrorum, quod ut notum fiat, proponendus est locus apud Hierony. in traditionib. Hebr. ad lib. Reg. dum illud, quod nostra vulgata habet. *Dixit vir cui consiliatum est de Christo Dei*

2 Reg. 13

Dei egregius Pfalter Israel, ait in Hebræo sic esse; *qui constituta est scala Christo Dei Iacob*. Scala, inquit Hierony. eidem Christo Dei Iacob. i. Dauid constituta est, per quam conscenderet ad Deum. Quam eandem viam fortassis ostendit ille locus. *Beatus vir cuius auxilium abs te, ascensiones in corde suo disposuit* Pl. 13. *valle lacrymarum, in loco quem posuit, ut sit sensus. Beatus, qui post peccati ruinam, in corde suo ascendendi modum inquirat, idque disponendo semitas adeundi, in quibus omnibus lacrymarum fontes fecit; singula descendo peccata, quò melius proficeret, & citius perueniret.*

Quod ostendit Chrysost. tom. 3. hom. de Sancto Philogonio in ea peccatrice muliere, quæ in alteram Mariam diuinitus conuersa est, quæ singula, quibus Deum offenderat, capillos scilicet, os, vnguentaque ad Dei obsequium descendo, & pœnitendo conuertit. Quod etiam in Dauid ostendit idem Chrysost. hom. 22. ad Pop. cum ait. Vnam noctem in iniquitate duxit, & per singulas lugebat noctes, penitus talia confitens. Dedisti mihi oculos ne videam lucem tuam: ego autem his malè perspexi, erraui aliquando malè intuitus, malè fenestras aperui, propterea lacrymis ipsas abluo. Quod argumentum prosequitur Ber. Ser. de Cantic. Ezechiaz. Sicque Deo appropinquabimus, ipsæque nobis appropinquabit.

Est pro præsentī argumento locus ille apud Ezechielem, cum vidit manum ad se extensam, & in ipsa volumen libri, quem expandit coram illo, & in ipso scriptum erat a facie, & retrorsum lamentum, carmen, & vix, quod exposuit D. Hieron. epist. ad Sabinianum, dicens. Liber ille, quē Propheta deuorat, series Scripturarum est, in quibus & pœnitens plangitur, & iustus canitur, & maledicatur desperans. Aduertit autem eleganter Ruper. lib. 1. in Ezech. c. 18. prius lamentationes, quàm carmen scribi: sic enim ait. Lamentationes in hoc libro scriptæ sunt, & carmen, & vix. Prius lamentationes, deinde carmen, quia *qui seminant in lacrymis, in gaudio metent*; qui autem nunc lamentari, id est, pœnitentiam agere nolunt, illis vix, quia mittentur in ignem æternum. Insuper, & qui seminant in lacrymis, primo veluti tempore metent, & in primo folio, seu pagina libri scribentur ante alios, qui non egent pœnitentia, iuxta illud quod Christus Dominus dixit. *Gaudium erit in celo*, &c. super quæ verba sic ait Bern. Serm. ad milites templi cap. 5. Non miror, si superna curia exultat magis super vno peccatore pœnitentiam agente, quàm super plurimis iustis, dum peccatoris, & maligni tantis proculdubio profit conuersio, quantis etiam prior nocuerat conuersatio. Vnde etiam Euseb. Emyss. homil. de pœnit. Niniuit. Beatus qui hic mala sua deslere, qui hic debita sua festinat exoluerē, & innocentiam quam non potest reparare per Baptismū, recuperare studet per summū pœnitentiæ fructum. Qui placiturus est Deo, ipse sibi displicet, ipse sibi quodam modo sub priuatæ cognitionis sententia, & testis, & accusator, & iudex est: ad tales meritò ipse Dominus loquitur; *Non iudicabo bis in idipsum*, id est, quod tu in te seuerus agnoscis, ego propitius ignoscā, quod tu tristis accusas, ego lætus absolua. Ergo charissimi vnusquisque respiciens se arguat, ante se constituat peccata sua, pronuntians cum Propheta, *Velitum*

KKKk 2 *temm*

meum contra me est semper, ante nos sit, ut contra nos esse non possit. Illudque eo in loco affert notatu dignissimum, Niniuitas sc. tam, efficax iudicasse poenitentiae remedium, ut ibi etiam animalium existimarent profuturum ieiunium, & afflictionem.

DIFFICILIS sane apparebit locus ille cum Ecclesiast. auctor dicit, *Præter David, Ezechiam, & Iosiam.* Si meminerimus Davidem peccasse, & homicidio, & adulterio. Si insuper aduertamus, Iosiam peccato vanæ gloriæ deliquisse, cum magnificentiam suam Regis Babylonis nuntiis voluit ostentare, sicut notauit Lyranus. Quid igitur facit. Scriptor asserit hos solummodo non deliquisse? Scio plerisque hæc verba sic explicare, ut dicant hos solos tres ab idolorum cultu abstinuisse: quæ expositio apta videtur cõtextui iuxta sequentia verba. Inseuit præsentem inligito ea explicatio, quam ponunt Glossa, & Carthus. dicentes propterea de eis dici, quod non peccauerunt, quia quod peccauerunt, condigna poenitentia deleuerunt; solet enim perfecta poenitentia ad eum statum poenitentem deducere, ut nulla prorsus peccati labes appareat; sed omnimodè purgatus ac sanctus reddatur.

Q V A in re felicitatem poenitentiae licet considerare longè aliter ac *1. R. 21.* eam admiratus D. Hierony. epist. ad Oceanum, cum ponderat illud Scripturæ. *Nunc vidisti Achab humilitatum coram me?* O felix poenitentia, inquit Hierony. quæ ad se Dei trahit oculos: enimuero si Hier. admiratur quod poenitentia Dei oculos conuertat ad poenitentem, multo maiori admiratione dignum censetur quod Deum conuertat, ac trahat, & appropinquantem faciat, sicut hoc loco Iacobus docet.

ILLUD QV E notandum est cum Chrysost. interclusam nobis Deum ad-eundi, eidemque appropinquandi omnem excusationem, dum omnibus via patet, fores aperiuntur, dum aditus conceditur. Sic enim habet in Psal. 4. Non assistit miles, qui expellat, non satelles, qui tempus interrumpat: non est qui dicat, non est tempus accedendi, veni postea. Sed quando veneris, stat audiens, etiam si tempore prandij, etiam si tempore cænæ, etiam si nocte intempesta, etiam si in foro, etiam si in via, etiam si in cubili, etiam si intus, in iudicio apud Magistratum fueris, & tunc vocaueris, nihil vetat. Proindeque nullam excusationem habet qui viam nouit, tempus, & occasionem scit, & qui certò credit Deum appropinquare illi qui eum querit. Videndus denique de hac re Euseb. Emyss. hom. 1. de Epiphania, ubi optimè rem pertractat & copiose.

A L I A etiam via appropinquandi Deo, est per amorem, quo quidem veluti expansis alis ad Deum fertur anima diligens, sursumque auolat. Vnde de diuina dilectione dicitur. *Lampades eius, lampades ignis.* ubi Septuag. habent; *Ala eius, ala ignis:* habet enim amor velut expansas alas, quæ nunquam quiescunt, ad instar ignis, donec ad Deum perueniant; sicut dixit Chrysost. hom. 63. ad Pop. Magna vis, inquit, amoris, ab omnibus separat, & amato animam alligat, quod si non auolat, saltem velociter currit ad Deum. Vnde Aug. in Ps. 39. Amor ipse cursus est. Quamcivissimè igitur ad Deum appropinquabit, qui vel amoris alis volauerit, vel currendo iter attingerit.

§. III.

Maturanda est pœnitentia, & conversio ad Deum.

VERBA etiam Iacobi hoc loco videtur clamare, maturandum esse aduentum, & currendam viam, qua citius ad Deum perueniamus. *Appropinquate Deo*, &c. Nihil enim sic Deus odit, & detestatur quam tarditatem huius appropinquationis, sicut è contrà nihil tam procurat diabolus quam detinere animam, ne ad Deum accedat, & à peccato surgat. Illud quidem probat D. Nazian. ab ea celeritate qua manducandum præcepit Deus agnum Paschalem, vt significaretur, in iis rebus, quæ ad salutem nostram pertinent, minimè procrastinandum. Nec modus, inquit Orat. 2. in Pascha, prætereundus est, cum nec lex ipsa eum prætermiserit, sed contemplationem in verbis, & litera eò vsque elaborauerit. Victimam enim festinanter absumamus, ne in eam culpam incidamus, à qua diuino interdicto Loth auertebatur, ne circumspeciamus, ne stemus in omni circumiacente regione, sed in montem salutis causâ confugiamus. Similiâque habet Orat. in sanctum Baptisma; vbi celebrem illam habet sententiam. Ad scelus quidem, & ad fraudem tardus eris, celer autem ad salutem. Paria enim in viro sunt, promptitudo ad vitium, & procrastinatio ad salutem.

IRATVS Dominus in filios Israël ob murmur eorum, accensus ignis Domini in eos, deuorauit extremam castrorum partem. Cur quæso non primam partem absumit, vt qui post primos gradiebantur, supplicium diuinum ante se intuentes, citius respicerent, & pœniterent, & qui noluit, vt post tergum respiceret ignem vxor Loth, cur filiis Israël post tergum mitit ignis? Existimo, vt celerius graderetur, & citato cursu ad promissam terram properarent fugientes deuorantem ignem, qui etiam non primam partem, sed posteriorem deuastauit, vt pote quæ lentiori gradu iter faciebat. Huiusmodi etenim tarditas vicinum habet supplicium.

ETENIM, sicut notauit Euseb. Emyss. hom. de latrone beato, immitit diabolus securitatem, vt inferat perditionem; nec dinumerari possunt, quantos hæc inanis spei umbra deceperit, præueniendus est dies, qui præuenti consuevit, ipse se inducet, & de morte sua illudet, qui hæc cogitat, potest ei extremi temporis indulgentiâ subuenire. Non est hoc primum, quia periculosissima est in vltimum diem promissa securitas. Deinde stultissimum est, vt causa qua de necessitatibus agitur, æternis mutabilitatibus vitæ deficientis committatur extremis. Odibile est, apud Deum quando homo sub fiducia pœnitentiæ in senectutem referuatæ liberius peccat, opus est, vt homo quotidiano actu provideat, & procuret bonam consummationem. Et homin. ad plebem sic de tardè pœnitentibus ait. Si quis à malis suis fracta iam ætate, vel cogente infirmitate, vel imminente morte destiterit, oblectamenta delicti perdidit, non reliquit: neque ille voluptatem deseruit, sed illum voluptas, illum, inquam, voluptas necessitate, non virtute fugata destituit: ac per hæc impossibilitate exclusus, à vitis, & tunc putro, peccat, quando peccare cessauerit, quia quantum ad animum, nec

KKK k 3 dum

dū desit, qui adhuc vellet peccare si posset. Sic ille. Quibus nihil addendū.

CELEBRIS utique est ille titulus plurimorum Psalmorum, *in finē*, quem David cum appoluerit Psalmo 13. omisit statim in Psalmo sequenti 14. Cuius rei rationem reddit eleganter Chrysost. ibidem, dicens. Quoniam docet de iusticia, ac rellis virtutibus, non debet in finē vitæ suadere hæc, sed ab initio, & ab ipsis incunabulis. Si nullus vestrum vult possidere seruū senē, quāto magis Deus vult adolescētīā, vt eius vitæ primitias ambiat, ne quis cum iuuentutem peccato exhauserit, languidam, & eneruatam senectutem virtuti referuet. Ideoque Nazian. Orat. de patris funere laudat matrem suam, quod filios etiam priusquā nascerentur, Deo deuouebat, & vitæ lucem ingrellōs protinus consecrabat.

26. 118.

QVA de regloriabatut etiam David dum dicebat. *Præueni in maturitate, & clamaui*; vbi aliqui putant legendum, *in immaturitate*. Et Chaldaus vertit, *in aurora*. Septuag. verò, *adhuc in tenebris*; vt sit sensus: Non ego ad finem vitæ conuersionem reseruauī, sed in prima lucis aurora, ad primam diuinæ gratiæ illustrationem, dum adhuc in peccati tenebris versarer, & adhuc ellēm in crimine, non solum maturandam duxi confessionē, sed quamecitissimē, & adhuc veluti immature ad te clamaui, tibi que appropinquate curauī. Expendens verò Ambr. Ser. 9. hæc eadem verba, ait. Præuenit ætatis maturitatem quisquē in adolescentia positus senilem gravitatem induit, & iuueniles annos veterana quadam continentia regit, seruoeremque viuentis corporis in ætate morum maturitate componit. Nam quid prodest si effectum corpus voluptatibus, & iam senectutis gelu frigidum, ad fera deuotionis officia conuertat? Vnde & Deus prohibuit in Leuit. ne ei languidum offerretur; & per Malachiam dixit. *Si offeratis languidum, nonne malum est?* Non vult enim tibi Deus offerri penē emortuam animam, & quæ ad finem vsque vitæ distulit conuersionem.

Leu. 22.

Gen. 18.

IDEO QVÆ Ambr. lib. 1. de Abraham c. 5. notauit celeritatem, quæ Patriarcha ad hospites festinauit, & cucurrit ad paranda omnia necessaria, vt Angelos Dei nomine exciperet. Festinauit, inquit ille, Abraham, quia non satis est recta facere, nisi etiam matures quod facias. Vberiores enim fructus habet celerata deuotio. Et lib. de Cain, & Abel, notat dixisse Scripturā. *Factū est post dies obtulit Cain ex fructibus terre munus Domino*. Duplex culpa, inquit Ambros. vna, quod post dies obtulit, & non statim; altera, quod ex fructibus. nō ex primis fructibus, sacrificiū autē, & celeritate cōmendatur, & gratia. Quæ eadem habet Philo lib. de sacrificio Abelis, & Cain.

Gen. 4

Gen. 22.

NOTANDVS etiam est locus apud ipsum Amb. lib. 3. de virginib. vbi expendit, cur Deus liberauerit Isaac à sacrificio, patrique superstitem reddiderit, non verò filiam vnigenitam Iephthe; dicitque. Quia non vna forma meritorū, ideo nō vna forma factorū. Iephthe doluit, filia fleuit, vterque de Dei miseratione dubitauit, non doluit Abraham, nec consuluit affectum offerendi, vbi audiuit diuinitatis oraculum. Non distulit sacrificiū, sed maturauit obsequium. Isaac non fleuit, cum ligaretur, non dilationem poposcit, cum offerretur. Vbi Amb. alludit ad id, quod filia Iephthe patri dixit post,

postquā sciuit se Deo esse offerendā. *Hoc solū mihi presta quod deprecor. Dimittite me,* ^{1ed. 11.} *ut duobus mēsisbus circumeā montes, & plangā virginitatē meam cum sodalibus meis; cui ille respōdit. Vade, & dimisit eam duobus mēsisbus.* Ea igitur fuit ratio, cur & Isaac seruatus fuerit, & Abraham secum reduxerit superstitem filium, quod statim processit ad sacrificium, ideo filia Iephthe non fuit seruata, quia dilationem petiit, & pater dissulit sacrificium.

NOTANDVS pro hac sententia ille locus apud Luc. cū Herodes viso Iesu gauisus est valde, erat enim cupiens ex multo tempore videre eum. ^{Luc. 13.} Idque mirum, quod cū Christus Dom. hoc nouerit desiderium, cū eum Herodes multis sermonibus interrogasset, ipse nihil ei respōdit, in pœnam scilicet, ut videtur, dilati desiderij, cui statim debuit auentiri, illicoque Christum quærere, & ipsi appropinquare, sicut fecêre pastores, quibus, ut annūciatum est gaudium vniuersi orbis, natum scilicet Saluatorem, statim dixerunt. *Transcāmus vsque Bethlehem, & videāmus hoc verbum;* vbi textus ^{Luc. 2.} Græcus habet, *transcāmus iam;* seu, *proficiscāmur iam,* nullas enim patiebantur moras, nullūque spatium interpositum volunt inter Dei annūciationem, & appropinquationem ad ipsum. Quo sensu dicuntur *Beati qui esuriunt, & sitiunt iustitiam,* ^{Matt. 5.} qui ad ipsum iustitiæ fontem anhelantes volant, & veluti cerui ad fontes aquarum currunt.

Hinc est quod Paulus de se dixit. *Cū autem placuisset ei, qui me segregauit, continuo non acquieui carni & sanguini.* Nihil enim ipsum, qui dixit; *Quid me vis facere?* ^{Galat. 1. Act. 9.} potuit à conuersione retardare. Ideoque merito Clemens Alex. Orat. ad Gent. inuehitur in eos, qui ut se consecrent Deo, longas trahunt moras, & prolixas præmittunt consultationes. Inebriamini, inquit, priusquam consideraueritis. An iniuria sit facienda non valde estis solliciti, sed quamprimum iniuriam facitis; solū autem, an Deus sit colendus, quæritis, & an Christus sit sequendus, hoc considerandum, & consultandum censetis.

PRO qua doctrina notandus maximè est modus loquendi Pauli, qui multis in locis nostrum operari vocauit, currere. ^{Philip. 3. Hebr. 12. 1. Cor. 9.4.} Tanta enim velocitate ad Deum per bona opera debemus appropinquare, ut illico accedamus currentes, si non volantes, quod maximè placet Deo. In quam sententiam notauit Chrys. hom. 21 ad Ephes. Annā statim filiū suū Deo obtulisse non apposita mora. Non dicebat, inquit, expectabo donec crescat puer, ut rebus mundanis vtatur, ut paululū puerili ætate immutetur; sed relicta his omnibus vnū duntaxat intendit, quomodo statim ab ipsis vitæ exordiis spiritualem imaginūculam Deo fingendam offerat. Videndus tandem pro hoc argumento est Arnobius, cū pondet ea verba Psal. 1. *Beatus vir, qui non abiit in consilio impiorum; & in via peccatorum non stetit, & in cathedra pestilentia non sedet.* Si abierit, inquit, non stet, si stet, non sedeat, sed illico surgat; currat, ac volet, nullam prorsus moram trahens.

Si cū vero Deo placet diligentia in appropinquando, & accedendo, sic diabolus nihil magis intet, quā animas detinere, & retardare postquam eas in suā redegit potestate; quod significabat impius Pharao, qui in crastinā diē exitū, & libertatē filiorū Israel differebat, interimque ipsos lateres ^{Exod. 5.} conficiens

conficiendos curabat, quibus murus vrbis, in qua captiui erant, construebatur. Pro quo argumento videndus est Amb. Ser. 16. vbi sic habet. Longè est quidem dies iudicij, sed vniuscuiusque hominis dies vltimus longè esse non potest, quia brevis est vita, & quia ipsa breuitas semper incerta; quādo sit dies tuus vltimus nescis; corrige te hodie propter cras, ipsa res est, quæ multos occidit, cum dicunt, cras, cras, & subito ostium clauditur. Remanlit foras cum voce coruina, quia non habuit gemitū columbinū. Cras, cras, corui vox; gēme, vt columbus, crastinum diem quis tibi promisit, &c.

PROINDE ergo nullatenus admittenda est diaboli procrastinatio, sed maturandus aduentus, quod diabolo displicet, sicut notauit Ber. Serm. 60. in Cant. Deoque maximè placet, sicut dixit Clem. Alex. 1. Pædag. c. 5. vbi ita habet. Quemadmodum patres, & matres lubentiùs vident equorum quidem pullos, boum vitulos, leonū catulos, ceruorum hinnulos, ita & vniuersorum Pater eos diligit, recipit, ac defendit, qui in nequitia non inueterascunt, sed in initio vocationis ad ipsum accedunt, & appropinquant.

Verf. 8. *Emundate manus vestras, peccatores, & purificate corda vestra, duplices animo.*

EXPOSITIO LITERALIS.



Psal. 23.

Exod. 14.

Psal. 78.

Exod. 17.

Deut. 21.

STENDIT iam Apostolus quomodo Deo sit appropinquandū, sicut hoc loco notauit Beda, hoc est, inquit, veraciter Domino nos appropinquare, operis videlicet munditiam, & cordis simplicitatem habere. *Innocens manibus, & mundo corde, hic accipiet benedictionem a Domino, & misericordiam.* Per (manus) verò opera significantur in sacris literis, cuius rei, vt pleraque omittamus, exemplum est in Exodo. *Et viderunt Egyptios mortuos super latus maris, & manum magnam quam exercuerat Dominus contra eos, & alibi. Deum exquisivi manibus meis, nocte coram eo: vbi manibus, id est, bonis operibus, quæ tamen nocte, hoc est, occultè, & in Dei tantum conspectu fierent.* Vnde Christus Dom. 'Matth. 6. *Nesciat sinistra tua quid faciat dextera tua.* Et dum Moyse attollit manus suas, vincitur Amalech, hoc est, vt interpretatur Adamantiùs, opera & actus sustollit ad Deum, non humi iacens obrepensque instar reptilium, sed ad Deum porrectus, in cælumque surrectus. Et D. Aug. in Psalm. 62. ad ea verba. *In nomine tuo leuabo manus meas,* ait, quia manus istæ leuantur, verè impetras quod vis, ipsas manus cogita in bonis operibus exercere, ne erubescant leuari ad Deum.

VNDE iam per manuum lotionem puritas operum significatur: & olim innocentie signum erat, quasi illas incontaminatas profiteretur, qui lotas ostenderet, parètque hoc in Deut. vbi cadauer in agro casum quis reperit, ignorato cædis autore, seniores ciuitatis, quæ loco ita polluto proxima fuerit,

fuerit, accessiri iubentur, & in deserta steriliq; conualle vitulam facere, super quam lauent manus, ut ita expientur, & ipsi, & ciuitas. Sic circumdatur se altare Domini Dauid profitetur, cum una cum innocentibus manus abluerit. Et Pilatus, cum iniquæ sententiæ crimen in Hebræos reiceret, innocentiam suam publicè attestaturus, manus publicè lauit. Et apud Isai. inquit Deus. *Cum multiplicaueris orationem, non exaudiam, manus enim vestra sanguine plena sunt.* Subiungit mox. *Lauamini, mundi estote, auferite malum cogitationum vestrarum.* Caietan. hoc loco per (manus) intelligit omnia organa operandi mundanda esse, & eundem sensum efficit, est enim manus organum organorum.

Quia verò puritas operum nostrorum oritur ex sincera intentione, duplicitem animi monet abiiciendam, & purificanda corda ab omni simulatione, & duplicitate, & peruersitate. Purificationem autem cordis intelligendam censeo ex mauditie cordis, de qua loquitur Christus Dom. ut scilicet à nobis abiiciamus quæcumque praua opera, & peccata, neque enim purificatio cordis ad solam castitatem restringenda est, ut patet ex communi expositione ad eum locum. Potest enim quis castus esse, & immundus corde, si aliquod, scilicet, habeat mortale peccatum.

Purificanda autem docet corda, quoniam cor est fons peccatorum, iuxta illud Christi. *Quæ procedunt de ore, de corde exeunt, & ea coinquinant hominem: de corde enim exeunt cogitationes malæ, homicidia, adulteria, fornicationes, furia, falsa testimonia, blasphemie.*

Cum verò Iacobus Iudæis ad fidem conuersis scripserit, qui de externa puritate admodum erant solliciti, ut videre est apud Matthæum cum calumniantur discipulos, quod non lauent manus. Et apud Marc. *Pharisæi, & omnes Iudæi nisi crebro lauerint manus non manducant, & à foro nisi baptizentur, non comedunt, & alia multa sunt, quæ tradita sunt illis seruare baptisnata.* Vnde Christus Dominus dixit. *Similes estis sepulchris dealbatis, quæ à foris apparent hominibus speciosa, inus autem plena sunt ossibus mortuorum, & omni spurcicia.*

Id eo ergo docet Iacobus purificanda corda iis, qui sola externa membra purificare curabant. Vnde & Christus: *Munda prius quod intus est calicis, et fiat, quod de foris est mundum.* Quod prosequitur Aug. Psa. 125. Si volueris ut exteriora munda sint, interiora mundato. Et Ser. 21. de verbis Apostoli. Deus cor interrogat, non manum. Sic etiam, & Petrus Circumcisionis, ac Iudæorum peculiaris Apostolus, ait. *Christum Dominum sanctificate in cordibus vestris.* Notauit autem Amb. 5. de Sacrament. c. 4. & Tertullian. lib. de Orat. Didym. & Oecum. de industria dixisse Petrum, *in cordibus vestris*, etenim scribebat iis, quibus Christus dixerat. *Populus hic labiis me honorat.* Duplices animo vocat secundum Glossam, qui Deum simul, & terram diligunt, nunc bona, nunc mala.

Pæz. in Epist. B. Iacobi.

LLLI. §. I.

§. I.

Recta ad Deum conuersio incipit à cordis purificatione.

POST QVAM Iacobus monuit, vt Deo appropinquaremus, modò assignat qualiter hoc fieri debeat, per purificationem, scilicet, manuum, ac cordium. Et licet prius posuerit manus, purificatio, & sanctitas à corde incipit, quod fons est iniquarum actionum; proinde eidem primò occurrendum, vt inde iam perfecta opera decurrant. Vnde D. Thomas 1. 2. q. 20. & 2. 2. q. 122. artic. 3. ait, fundamentum bonitatis esse bonitatem internam. Namque, sicut dixit Aristoteles lib. de iuuentute, & senectute. cap. 1. *cor animantium sanguine prædiorum, primum gignitur.* Quod etiam docet Plin. lib. 11. c. 37. & Basil. Psal. 1. ait. Natura cor præmolitur, ac vice fundamenti præstruit. Proinde vita spiritualis à corde debet sumere initium, & purificatio interna inde debet incipere.

Iai. 46. E r ideo Isai. iussit peccatores redire ad cor, vt reditus ad Deum, & appropinquatio inde initium sumeret. Quod prosequitur D. Bern. Serm. 2. *hol. 1.* in cap. ieiunij, super ea verba Ioëlis. *Conuertimini ad me in toto corde vestro.* Forma, inquit, conuersionis est ista. Miser homo, qui totus pergens in ea, quæ foris sunt, & ignarus interiorum suorum, putans aliquid se esse, cum nihil sit, se seducit, exteriorem quippe superficiem intuens, salua sibi omnia suspicatur, non sentiens vermem occultum, qui interiora corrodit. Attende solerter quid diligas, quid metuas, vnde gaudeas, aut contristeris, & sub habitu religionis animum secularem, sub pannis conuersionis, inuenies cor peruersum. Totum enim cor in his quatuor affectionibus est, & de his accipiendum puto, quod dicitur, vt in toto corde tuo conuertaris ad *Ps. 61.* Dominum, quod Dauid dixit. *Effundite coram illo corda vestra.* vbi Genebrar. Magna vi ei obiiicite, patefacite, & effuse ei explicate corda vestra, metium vestrarum vota, & optata, quasi dicat, totos vos ei committite, in eum omnes vestros affectus reiicite, vni fidite. Conuertatur proinde amor tuus, vt nihil omnino diligas, nisi ipsum, aut certe propter ipsum, conuertatur etiam ad ipsum timor tuus, quia peruersus est timor, quo metuis aliquid præter eum, aut non propter eum, sic & gaudium tuum, & tristitia æquè conuertatur ad ipsum, sic non nisi secundum eum, aut dolcas, aut læteris. Sic Bernard. qui nobis non solum ex Propheta ostendit purificanda corda, sed insuper etiam præscribit methodum eadem purificandi. Similiâque habet idem Bernard. Serm. 25. in Cantic. vbi ostendit omnem Sanctorum curam circa renouationem internam versari, alioqui nihil eis prodest, nisi à corde incipiant.

§. II.

Odiōsa Deo duplicitas animi, proinde reiicienda.

I verò, qui plus indigent purificatione cordis, sunt, qui fictum animum habent, quia dolo, & iniquitate pleni sunt; vbi enim duplicitas cordis

ac

ac falsitas animi reperitur, omnia simul adfunt mala. Vnde cum Paulus dixit Elime Mago. *O plene omni fallacia*; Syriac. codex habet, *pro omni fallacia, omnibus flagitiis*, quæ quidem veluti in epilogo continentur in fallacia. Vnde de illis veluti pessimis totius Ecclesiæ cōquestam dicit eandem Ecclesiam D. Greg. lib. 1. 3. Moral. c. 4. sic enim habet ad illa verba Iob. *Ruga mea testimonium dicunt contra me*. Quid per rugas nisi duplicitas significatur? Rugæ itaque sunt sanctæ Ecclesiæ omnes, qui in ea dupliciter viuunt, has autem rugas in electis suis sancta Ecclesia non habet, quia videlicet nesciunt aliud de se foris ostendere, & intus aliud habere. Vnde rectè egregius Prædicator dicit, *ut exhiberet sibi gloriosam Ecclesiam, non habentem maculam, aut rugam*; maculam quippe, & rugam non habet, quæ & turpitudine operis, & duplicitate sermonis caret; sed quia nunc intra sinum fidei multos etiam reprobos tenet, cum tempus persecutionis exarserit, ipsos hostes patitur. Dicit itaque. *Ruga mea testimonium dicunt contra me*, id est, ipsi me insequendo increpant, qui nunc in meo corpore positi duplicitatis suæ in se malitiam non emendant.

Et Chrysost. hom. 1. in imperfect. ibi. *Isaac autem genui Iacob*. Iacob, & Esau geniti sunt in figura duorum sæculorum, Esau, à capite vsque ad pedes totus pilosus, sæculum primum hoc significat, quod ab initio vsque ad finem totum quasi asperrimis pilis iniquitatum repletum est. Iacob autem totus speciosus, & nitidus. Non mirum igitur, si tot fallaciæ, & duplicitates in mundo reperiuntur, cum totus ipse pilosus sit.

Id eoque Ambros. de obitu fratris ait. Qua prosecutione simplicitatem eius edisseram? Ea est enim quædam morum temperantia, mentisque sobrietas, anima benedicta, omnis simplex, tantæ simplicitatis erat, ut conuersus in puerum simplicitate illius ætatis innoxia, perfectæ virtutis effigie, & quodam innocentum morum speculo reluceret.

Et de Adamo in gratia condito dixit Nazianzen. Orat. 2. in Pascha. Nudus quantum ad simplicitatem, & vitam arte & fuco carentem, sic necesse erat, ut prodiret è manibus Dei conditus homo, qui ad imaginem Dei, simplicissimi actus, conditus erat. Vnde & illi maxime displicent duplici animo homines, sicut notauit Ambros. lib. 7. in c. 9. Luc. cum ponderat id, quod Christus Dominus dixit cuidam, qui dixerat. *Sequar te quocumque ieris*. Respondit enim. *Uulpes foueas habent, & volucres celi nidos ubi requiescant: Filius autem hominis non habet ubi caput suum reclinet*. Non videtur conuenire rationi, ait Ambros. ut simplicem fidelémque istum arbitremur, qui Domini dignatione respicitur, cum indefessi famulatus obsequium spondidisset, sed Dominus, non obsequiorum speciem, sed puritatem querit affectus. Denique supra ait. *Quicumque receperis puerum istum in nomine meo*; quo loco Dominus simplicitatem sine arrogancia, veritatem sine inuidia docet, &c. Sic Ambros. Videndus etiam Cypr. lib. de vnitæ Ecclesiæ, ubi reddens rationem, cur Spiritus sanctus in columba descenderia super Christum Dominum, quia scilicet simplex illud animal est, inquit Cyprianus.

LLLl. 2 Et

Et quia vero Deo tam displicet fallax animus, & duplex cor, falsis Diis etiam veteres voluerunt id displicere. Vnde Pythagoras (teste Laërtio lib. 8.) Sacerdotes in veste candida, qui color simplicissimus est, Diis offerre debuisse dicebat. Qua etiam ratione Gellius lib. 10. c. 15. & 2. lib. Varronis rerum diuinar. dicit, solum Flaminem dialem album habuisse galerum. Facit etiam pro hac re tabella Apellis, qui dolum, siue fraudem depingens comitem ei adiunxit calumniam, vt refert is liber, cui titulus est, *Imagines Deorum*, quem ex vetustissimis authoribus collegit Vincentius Catarius, vbi additur, dolum non dissimile esse Lamiis. Has verò dicunt pulcherrimas facie, ad pectus vsque, cætera verò squamosa esse volumina, immundaque.

Cum ergo tam displiceant Deo, tamque nequissimi sint duplices animo, iure eorum purificanda iubet corda Apostolus, quò propius ad Deum possint accedere. Videndus contra hoc vitium August. Plal. 63. Ambros. 3. Offic. cap. 9. 10. & 11. Gregor. 3. part. Pastoral. c. 12. Chrysost. homil. 7. in Act. Basil. Regul. 243. in breuiorib. & hom. de vtilitate ex lect. gent. Plura hac de re diximus cap. 1. vers. 8.

Verf. 9. *Miseri estote, & lugete, & plorate, risus vester in luctum conuertatur, & gaudium in mœrorem.*

EXPOSITIO LITERALIS.



STENDIT Apostolus qualiter appropinquandum sit Deo, & purificanda corda per luctum, scilicet, peccatorum, & per assumptum mœrorem, & tristitiam ex offensionibus contra Deum, quia is, qui ad Deum conuertitur, debet etiã conuertere gaudiũ sæculi in lamentationem transitoriam, quousque in gaudium Domini æternum introducatur.

Prou. 14. DVLPLEX, inquit Carthus. miseria, vna culpæ, de qua legitur, *Injustitia eleuat gentem, miseros facit populos peccatum*: altera miseria pœnæ, de qua ait Prophetæ. *Conuersus sum in armenta mea, dum configitur spina*. Vnde S. Bernardus ait de Christo. Misericordiæ Domini multæ sunt, sed & miseriæ multæ. De vtrisque autem his miseriis verificatur illud Iob. *Homo natus de muliere, brevis viuens tempore, repletur multis miseriis*.

HORTATUR ergo Apostolus in præsentī, vt miseri simus miseria pœnæ, corporales afflictionēs, & tribulationes sponte, ac patienter pro nostris sustinendo excessibus, vt Christo propter nos passio aliquo modo conformemur, & futura euadamus supplicia. Idem itaque est, *Miseri estote*, ac astringite vos, vt Caietan. & alij. Lyran. Statim miseri assumite recurrendo ad eum, cuius proprium est misereri (scilicet miserorum) & parcere.

PROPIVS verò accedens, vt videtur, ad mentem Apostoli D. Thomas. *Miseri estote*. i. miseriam vestram recogitate, & recognoscite, in quam, scilicet, per peccatum incidistis; vel: miseri estote pro gloria, quam amissistis, &

lu

lugete, cuius debitores facti estis. Ita, sicut bene notauit Caiet. cætera, quæ addidit Apostolus, describunt statum pœnitentialem; *Risus in luctum, & gaudium in merorem conuertatur*. Si enim gaudium momentaneum in præfenti, scilicet, peccatorum, vertitur in gaudium sempiternum, meror pœnitentiz momentaneus postea vertetur in æternum gaudium, iuxta illud Ioan. *Tristitia vestra conuertetur in gaudium.* Ioan. 16.

Vnde Bernard. Serm. 3. in Natal. Domini loquens de Christo. Fratres, ipse est promissus olim per Isaiam, sciens reprobare malum, & eligere bonum: malum voluptas corporis, bonum verò afflictio est, siquidem & hanc eligit, & illam reprobatur.

Et Aug. in Ps. 85. ponderans hæc verba Iacobi, ait. Vtique regio ista scandalorum est, & tentationum, & omnium malorum, vt gemamus hic, & mereamur gaudere ibi, & dicere. *Eripuisti animam meam à lacrymis*. Imò & Basil. relatus hic à Carthus. docet. A risu, & irrefrenata læticia nos cohibere debemus, cum quotidie tot peccata fiant in mundo, & Deus tam grauiter inhonoretur, & offendatur, atque in hac valle lacrymarum varijs periculis expositi simus, & ignoremus, an amore digni simus, an odio.

Quæ verò clare agnoscunt, se Deum lethaliter offendisse, iure lamentum debent assumere, & quamlibet præhabitam læticiam in luctum conuerrere, ac tristitiam. Vbi notandus venit Chrysost. hom. 5. ad Pop. Tristitia, inquit, ad nihil aliud vtilis est, nisi vt de peccatis habeatur. Nisi forte placeat ideo nos monere, vt ploremus, quia mensura consolationis, lacryma, & pœnitentia est. Quod argumentum latè prosequitur D. Hieron. in Ps. 95.

§. I.

Quantum lacryma conducant ad animæ purificationem.

Sic commendat hoc in loco Apostolus lacrymarum profluvium, geminatisque verbis lamentum postulat ad purificanda corda, vt ostendat apertissime magnam vim, & virtutem, quam lacrymæ ad delenda peccata habent. Quod videtur etiam Paulus notasse, cum ponderat, Christum Dominum cum clamore valido, & lacrymis se Deo pro nobis obtulisse, effundendo lacrymas, quando pariter pro nobis, & sanguinem effundebat, vt vim lacrymarum infinito sanguinis pretio propè conferret. Vnde mirum non erit, si Chrysost. in Psal. 30. lacrymas sanguini pro fide effuso videatur conferre, cum lacrymæ etiam cordis cruor sint. Et author Serm. ad fratres in Eremo Serm. 11. Lacryma passionis Domini est vicaria. Et Nazian. Orat. in sancta lumina, ac Nicetas in Orat. in sanctum Baptisma. Et Isidor. lib. 2. de Offic. Ecclesiast. cap. 24. dicunt, lacrymas esse Baptisma animarum. Et D. Leo Serm. 9. de Passione. Felices, sancte Apostole, tuæ lacrymæ, quæ ad diluendam culpam negationis, virtutem sacri habuere Baptismatis.

Vnde iam venit notandus ille locus Hieron. epist. 83. cum ponderat,

LLLl 3 primum

primū, & vltimum miraculum Christum edidisse in aquis. Sic enim habet:
Joan. 1. Qui ab aquis primum signum cœperat, finiuit in aquis. In Cana enim con-
Joan. 19 uertit aquam in vinum, in morte effluxit aqua, vt significaret virtutem
 abluendi sacri Baptismi, & martýrij, quorum virtutem concessit aquis lac-
 crymarum. Vnde Helias Cretenf. ad funebrem orationem Nazianzeni de
 Gorgonia refert, dixisse Ioannem Cliniacum. Lacrymæ nisi diuinitus data
 essent, pauci inuenti essent, qui salutem consequerentur. Et Nazianz. O-
Matt. 5. rat. 1. contra Iulian. lacrymas vocat peccati diluuium, & mundi piament-
 um. Et Aug. in Psalm. 85: Nihil tam coniunctum miseriæ, quàm luctus, ni-
 hil tam remotum, & contrarium miseriæ, quàm beatitudo. Tu dicis lugen-
 tes, & dicis beátos. Beati qui lugent, qui agnoscunt se esse in miseria, & lu-
Exod. 15. gent, beati sunt. Et Ser. 1. i. ad fratres in Eremito, apud eundem Aug. Peccato-
 res ex Aegypto vitiorum exeunt, mare rubrum transcentes, dum submer-
 gunt hostes, & vitia suffocantur, verè cantant Domino gloriósè, ad has la-
 mentationes te conuerte. Paradisum simul lacryma aperit, infernum clau-
 dit. O felix tabula, ô vitalis nauicula!

Psal. 38. E T S. Ephrem de compunctione & salute animæ assert illud Psal. *La-*
crymas meas ne sileas. aitque. Si tanta est fiducia, ac libertas silentis, beatus ho-
 mo qui lacrymas fundit, præmittitque illuc, vt cum sancto Propheta con-
 fidenter clamare possit, *Lacrymas meas ne sileas.* Noui quòd si lacrymarū me-
 arum memor fueris, iniquitatum mearum non recordaberis, cum vel per-
 exigua lacryma multa possit abolere peccata, ideo tuam exoro bonitatem,
 vt lacrymas meas in medium adducas. Quando igitur positi erunt throni,
 & aperientur libri, lacrymas meas ne sileas; quicumque enim lacrymas il-
 luc præmiserit, confidenter ad iudicium tuum accedet. Noui quātum apud
 te valeant lacrymæ. O virtutem lacrymarum, quæ medicinalis officina est
 peccatorum, per te peccatores efficiuntur beati, beati qui nunc fletis. Si-
 miliâque habet Ser. 3. de compunct.

E T Ber. de diuersis affectionib. animæ. Quærenda sunt, inquit, remedia
 lacrymarum, & currendum ad aquas, quarum abundantia malè viuida ra-
 dix peccati suffocatur. Et Cypr. Ser. de Cœna Domini. Quoties te in con-
 spectu Domini video suspirantem, Spiritum sanctum non dubito aspiran-
 tem, cum intueor flentem, sentio ignoscetem. Et Greg. 9. Moral. c. 35. Qui-
 quid in nobis polluerunt opera, diluant lamenta, & siquid adhuc culpa de-
 lectationis inquinat, poena mœroris tergat. Et in Ps. 50. de lacrymis sic ait.
 In codice scripta sunt peccata tua, sponsia peccatorum tñorum, lacrymæ
 tuæ sunt, effunde lacrymas, & poteris ea delere.

E S T optimus in hanc sententiam locus ad Petrum Abbatem Cællen-
 sem tom. 9. Biblioth. lib. de Panib. c. 12. vbi sic habet. Angelus qui nun-
 quam peccauit, & Adam prius quàm peccauerit, non deplorauit. De fonte
 igitur peccatorum, vena exiliuit omnium lacrymarum. Mirum tamen in
 hoc artificis Dei ingenium, vt lacryma de venis erumpens peccatorum,
 profusa humiliter, absorberet omne peccatum. Planè sic Deus de peccato
 demanauit omne peccatum; namq; lacryma sordida lauat, decorat fœda, &

Eccle

Ecclesiam, ut sit sine macula, efficit.

FACIT etiam ad ostendendam vim lacrymarum in abluendis peccatis, D. Ambrosius in Psal. 37. cum eos qui plorauerunt peccata sua, sic cum Deo loquentes introducit. Plus acquisiuimus, qui plus peccauimus, quia beatiore facit tua gratia, quam nostra innocentia. Tantam enim gratiae abundantiam profusae lacrymae comparant, ut excedant aliquando flentes peccata sua, eos qui nunquam peccarunt, nec gratiam amiserunt. Vnde Arnobius in Psal. 38. loquens de D. Petro. Maior gradus redditur ploranti, quam fuerat sublatas deneganti.

FACIT etiam Ambrosius. Ser. 46. cum de D. Petro flente habet ita. Inuenio quod fleuerit, non inuenio quid dixerit, lacrymas eius lego, satisfactionem non lego, quia quod deffleri solet, non solet excusari, & quod defendi non potest, abluui potest. Lauat enim lacryma delictum, quod est pudor confiteri, lacrymae verecundiae pariter consulunt & saluti. Neque enim lacrymae erubescunt in petendo, & impetrant in rogando, veniam non postulant, & merentur: etenim sine aliquo interuallo coniunguntur, & lacrymae peccatoris, & misericordia Saluatoris. Idem Ambrosius lib. 1. de Poenitent. c. 4. Expeccat lacrymas nostras, ut profundat pietatem suam. Mergunturque hoc veluti mari Aegyptiacae copiae, peccata scilicet, sicque per illud ad caelum via sine impedimento, oculorumque aquae profusae euehant, tanquam diluuii aquae animam nostram, ac nos ipsos supra omnes montes terrae, vicinioreque reddunt caelo, sicut prosequitur Nazianzus. Orat. 3. Vnde quando hortatu Samuelem populum poenituit, haustam aquam effuderunt in conspectu Domini, ieiunantes, dicentesque se peccasse Domino. Cuius rationem si inquiras, modò eam ad rem nostram reddimus, quam asserti Rabbi Oziel, ut esset lacrymarum symbolum, quas profiterentur sibi deesse, & quibus effusis diuina adest misericordia, & consolatio. Vnde & paraphrasis Chaldaea habet, quod impleuerunt aquas, & effuderunt cor suum in poenitentia ante Dominum, iuxta illud Psalmi. *Effundite coram illo corda vestra*. Est sane longè feracior caelestis, siue pluuialis aqua (teste Philosopho lib. 7. de hist. animal.) quam fontium, & fluminum: sic etiam & feracissima bonorum omnium ea aqua lacrymarum, quae ex diuinis, & superioribus causis, ac motiuis concipitur, quam quae ex terrenis. Caeterum cum nihil arefcat citius lacrymis, frequentanda utique est lacrymatio, neque confidendum posse placari Deum vna lacryma, quam oculos terendo vix vi, ut est apud Comicum, expresserimus. Vnde Author libri meditationum sub nomine Aug. c. 36. ea verba Psalmi. *Calix meus inebrians, quam praeclarus es*; intelligit de calice piarum lacrymarum, quem à Deo postulat tanquam gratiam, mensamque vocat, & calicem inebriatorem, & praeclarum, qui sitim extinguat & satiet, inducatque Spiritus sancti inhabitationem, & ardorem in amore Dei.

PROBAT etiam & efficaciam lacrymarum id, quod ait Bernardus. Sermon. in illud Iob. *In sex tribulationibus*; ubi ait. Utinam nunc quis daret capiti meo aquam. Ideoque forte huius aquae guttam ad restringendam flammam postulauit in flammis diues auarus. Pro qua sententia notanda est ea subtilis

Exod. 13.
Isa. 19.
Genes. 7.
1. Reg. 6.

Psal. 61.

Psal. 22.

Iob. 3.

EX

Luc. 16. expositio D. Hieronymi ad ea verba. *Ibi eris fleus, & stridor dentium.* Non vult enim eas veras lacrymas doloris esse, sed vi fumi elicitas, & excussas: non enim decet, ut tanti pretij res in tam infelici loco reperiatur. Et hæc est ratio quare Iacobus hic lacrymas sic commendat, & lamentum doceat, dicens: *Miseri estote, & lugete.*

§. I I.

Lacryma in ablundis peccatis tantum debent impendi.

ET cum ex tradita doctrina constet, quantum lacrymæ valeant ad peccatorum ablutionem, & dilutionem, inde fit consequens, ut pro solis peccatis effundi debeant. Quod notavit Aug. Ser. 10. de Passione in lacrymis Magdalenæ, quæ ad sepulchrum effusa, non Deum, sed Angelum habuerunt consolatorem, imò prohibitorum, cum dixit. *Mulier quid ploras: desiderantis lacrymas non approbat, pœnitentis approbat: & qui à lacrymis desiderantis Mariæ in horto tangi noluit, à lacrymis eiusdem peccatricis lauari voluit.* Imò ad mulieres super ipsū stentes dixit: *Super vos, & super filios vestros flete.* Vnde Chrysolog. Ser. 64. asserit, Christum Dominum ante resurrectionem Lazari plorasse peccatum, quod causa mortis extiterat.

FACIT & ille locus Ezechielis, ubi, postquam Deus ostendit Prophetæ seniores per maximam impudentiā adolescentes incensum coram bestiis, & reptilibus, ait Dominus. *Adhuc videbis abominaciones maiores. Et introduxit me per ostium porte domus Domini, quod respiciebat ad Aquilonem; & ecce mulieres plangentes Adonidem.* ubi D. Hierony. Nos eos, qui ad sæculi mala, vel & bona, vel contristantur, vel exultant, mulieres appellemus molli & effeminato animo, dicamúsque eos plangere Thamnuz, ea videlicet quæ in rebus mundi putantur esse pulcherrima. Hæc Hierony. Ex cuius doctrina illud elicimus, summam apud Deum prorsus abominationem esse, si quis lacrymarum usum in aliud, quàm in ablunda peccata conuertat, & eas pro qualibet alia re effundat.

Gen. 5. NOSTRA vulgata in Genes. dicit, vixisse Adamum centum, & triginta annis. Septuag. verò, & Ioseph. lib. 1. Antiqui dicunt, vixisse ducētis 30. annis. Quod si inquiras, quare non habeat nostra versio illos centum annos: Lyra. Genes. 4. referens Methodium, ideo eos subieciisse dicit, quia mortē Abelis fleuit illis centum annis. Illud autem tempus, quod in lacrymis effundendis pro alia re, quàm pro peccatis consumitur, noluit Deus, ut in numerum veniret cum aliis annis, quos vixerat, suum, ac omnium nostrum desendo peccatum. Displicet enim Deo talis fleus.

Matth. 9. QVOD notavit etiam Chrysost. homil. 3. 2. in Matth. cum aduertit, Christum Dom. ut filiam Principis ad vitam reuocaret, tibicines ac turbam tumultuantem, ac plangentem eiecisse. Considera, inquit Chrysost. stentes, arque

atque plorantes, quasi tam magna videre miracula indignos, omnes ei-
ctos fuisse. Is qui lacrymis peccatorum delectatur, eiicit lacrymantes pro
mortua, & ad illorum præsentiam non vult suscitare defunctam: quò do-
ceat lacrymas soli morti peccati conuenire. Morti enim corporis nihil
profuit, cum mortuam animam ad gratiæ vitam reducant. Quod argu-
mentum profequitur idem Chrysost. hom. 5. ad Popul. ubi ita ait. Mortem
lugere omittēs, luge peccata, ut ipsa doleas; propter hoc enim mœstitia fa-
cta est, non ut in morte, nec in alia re tali doleamus, sed ut ipsa ad delen-
dum vtamur peccata: remedia medicinalia propter illos tantum morbos
facta sunt, quos tollere possunt, non propter illos, quos nihil adiuuare pos-
sunt, medicamentum oculos lippientes tantum curare valens, nullum ve-
rò alium morbum, nemo alteri adhibet. Multatus est quispiam pecuniis,
iristatus est, multam non emendauit, filium amisit, doluit, mortuum non
suscitauit, neque defuncto profuit, peccauit quis, tristatus est, peccatum
deleuit, dissoluit debitum. Multa habet idem Chrysostom. hac de re homil.
12. ad Coloss.

ET hæc est ratio, quare apud August. Author Serm. ad fratres in Ere-
mo Serm. 11. dicat; Virginem, dum iuxta crucem stabat, non mortem so-
lùm filij, sed etiam peccata crucifigentium deplorasse. Et D. Bernar. Serm.
de Maria Magdalena exponens ea verba Pauli. *Flete cum fletibus.* Nunquid
Apostolus præcipit flere rerum amissionem, intermissionem voluptatum,
filiorum mortes, morborum instantiam, grauitatem inopiæ, potentiam
fortiorum? Absit. Plorandi enim sunt, qui taliter plorant, religiosa enim
tristitia, aut alienum lugeat peccatum, aut proprium. Beati quorum luctus in hac in-
tentione versatur, quia consolatoriâ possunt in hac expectare dulcedinem.

Rom. 12.

VND E D. Hilar. Can. 4. in Matth. explicat, quinam sunt ij lugentes, quos
Christus Dominus beatos prædicauit. *Beati lugentes, quoniam ipsi consolabuntur.*
Lugentibus, inquit, æternæ consolationis solatia repromittit, non orbita-
tes, aut contumelias, aut damna mœrentibus; sed peccata vetera fletibus,
& criminum, quibus obfordesumus, conscientia ærumnosis. Hæc sedula
in cœlo consolatio præparatur. Quasi qui alia lugent, tam procul sint à
consolatione diuina, ut neque pro lugentibus reputentur, neque in nume-
rum lacrymarum veniant illæ, quæ pro alia quauis re, quam pro Dei of-
fensis funduntur. Quod idem argumentum profequitur Petrus Cællens.
Abbas loco sup. cit. Hæc igitur est ratio, cur Iacobus tot verbis peccato-
rum deplorationem commendet, ut nos instruat, lacrymas huic tantum-
modo rei esse applicandas.

Matt. 5.

§. III.

Quantum Deo placeant lacrymæ nostra.

IND V E I T etiam nos ad luctum, & afflictionem, quia nihil tam placet
Deo, nihil tam cogit ipsum ad nostram absolutionem. Illud primum
Pæx. in Epist. B. Jacobi Apost.

MMM probat

- Ps. 59. probat Dauid cum gloriatur, Deum in conspectu suo posuisse ipsius David lacrymas, ubi pro, in conspectu. Genebr. exposuit, in sacculo velut res pretiosas. Vatabl. Lacrymas meas repone in lagunculam tuam, ut aquam adoriferam, annon in rationario tuo? Velut solutionem & satisfactionem meam, alij legunt, in thesauris tuis, quasi Deus tanti faciat lacrymas, ut eas in thesauro suo recondat; quod etiam explicat dicens. *Euntes ibant, & e-bant mitemes semina sua.* Quodnam verò semen, hoc fuerit, explicat originalis vox, ex qua hæc tota sententia elicitur. Euntes ibant, & flebant portantes semen pretiosum, quod lacrymas esse intelligo, iuxta illud eiusdem Ps. *Qui seminam, in lacrymis, in exultatione metent.*

VIDENDVS etiam Pierius lib. 41. ubi docet, apud veteres per vnionē, lacrymas significatas esse, sumpto quidē indicio à coniectoris, qui visos in somnis vniones lacrymarum profluuium portendere tradiderunt, ut apud Suidam videre est. Et hæc est ratio, quare lacrymæ soli Deo, cui summo placenti, debeant offerri. Quod probat locus ille Exodi, ubi dicitur; *decimas tuas, & primitias tuas non tardabis reddere.* in Hebr. est. *decimas tuas, & lacrymas tuas.* Et, ita pro lacrymis reddit noster Vulgatus primitias, quæ quidem soli Deo debentur, ut nobis inculcaret, lacrymas soli Deo offerendas, quibus ipse maximè conciliatur.

Hoc etiam manifestè probat locus ille, ubi Samuël constituens amicitiam inter Deum, & populum Israëliticum, qui post idola abierat, dixit. *1. Reg. 7. Congregate vniversum Israel in Masphar, ut orem pro vobis Dominum. Et conueniunt in Masphar, hauseruntque aquam, & effuderunt in conspectu Domini, & ieiunauerunt in die illa, atque dixerunt. Peccauimus Domino.* Tota difficultas est in explicanda huiusmodi effusione aquæ. Etenim aliqui locum intellexerunt de aqua probationis, quæ dicitur vsum fuisse Samuëlem, ut idololatria contaminatos agnosceret: quæ expositio est Rab. Salomonis, ut ibi refert Lyran. & D. Hierony. in tradition. Hebr. Non cohæret tamen cum textu, quia ibi Samuël non iam supplicium sumere intendebat; sed pro populo orare, & firmam amicitiam cōstituere, præterquam quodd totus fere populus sequutus fuerat idola. Vnde Abul. quæst. 28. in c. 7. lib. 1. Reg. dicit in eo, quod sacer Text. ait populum hausisse aquam, significatum esse sacrificium peculiare populi. Qua in re sequutus videtur Iosephum lib. 6. Antiquitat. c. 2. Hauerunt aquam libauerunt Deo, & indicto ieiunio, &c. quibus verbis significat eam aquam haustam à populo, fuisse Deo oblatam in sacrificium, sicut de aqua allata ad Dauidem dicitur, *Libauit eam Domino.* Rabbi David,

quem sequitur Regia glossa, sic explicat hoc sacrificiū. Aqua effusa signum fuit mutati propositi, velle se posthac mundos esse, & nihil superfuturum idololatriæ: quod postea etiam dixit Rabanus, ut, sicut aqua effusa non reddit, sic neq; ipsi redirent ad idololatriam. Sic iā explicatus remanebat locus: sed adhuc restat expositio ea quā indagamus, quæq; instituto inseruit. Eam verò habet paraphrastes Chaldeus in hunc modum. Hauserunt aquas è puteo cordis sui, & abundè lacrymati sunt coram Domino pœnitentes. Sic Chald. Quod ex eo etiam potest confirmari, quia ubi nostra vulgata

in

in hoc eodem cap. habet. *Et requiescit omnis domus Israël post Dominum*, in Hebr. est. *Planxerunt*, vel *ingemuerunt omnis Israël post Dominum*. Pagnin. & *luxe- runt omnis domus Israël*. Vatab. & *lamentatione quadam post Dominum uniuersa domus Israël anhelat fuit*. Dicit verò hausisse aquas è puteo cordis, quia, vt aduertit Cælius Rodigin. lib. 1. 2. antiquar. lect. cap. 3. Non est, inquit, aliud lacryma, quàm aquosus humor ab oculis profluens ex imo corde; quod agnoscens Homerus, lacrymas calidas appellauit. Vnde iam videtur constare, illud sacrificium Domino peculiariter oblatum in reconciliatione totius populi Israël, fuisse aquam hauritam de cordibus, fusam per oculos, quæ soli Deo debetur, quæque super omnia Deo placet.

Vnde illa Atheniensis ara, quæ Clementiæ erat consecrata, vt refert Euseb. lib. 1. 2. nullum aliud sacrificium admittebat, nec offerebantur vitulorum mugitus, aut agnorum balatus, sed lacrymæ, atque suspiria, quibus diuina clementia conciliatur. Vnde Nazian. Orat. 18. Neque Deus re vlla perinde; atque corporis ærumna conciliatur, lacrymisque misericordia vicissim rependi solent.

Vnde iam mihi aliquando in mentem venit, Christum Dominum Mariam lacrymis pedes eius lauantiæ dum videret, delectatum omnino eo obiecto, vocasse Simonem, vt in pulchritudine mulieris sic plorantis oculos conuerteret. Vides hanc mulierem? vides nouam pulchritudinem, veteris ac profana lacrymis prorsus deleta? Vnde Chrysost. hom. 30. in Genes. de lacrymis Davidis peccatum suum desentis. Quid oculis illis, inquit, formosius, perpetuo lacrymarum imbre, & quasi margaritarum decore ornatis? Similiâque habet hom. de Dauide, & Saule. Et hom. 1. 2. ad Coloss. multa de lacrymarum pulchritudine habet. Faciem formosam exhibent, venustam nobis illam faciunt, nihil iucundius oculis illacrymantibus.

ILLVDQVE mihi probat quantum Deo lacrymæ super omnia placeant, quòd videam quanti fiant apud Angelos. *Gaudium erit in celo super uno peccatore penitentem agente*, cum diabolo super omnia lacrymæ displiceant. Quod prosequitur Petrus Cællens. lib. de Panibus c. 1. 2. vbi de diabolo ita ait. Suam tolerabilius sustinet flammam, quàm lacrymam nostram, ac triusque contriti cordis lacryma, quàm flamma infernalis incendij torquetur; flumina omnia absorbet, sed hanc tamen aquam non sorbet.

Sicut IV. in illis quæ sequuntur.

Quantam vim Deo inferant lacryma nostra. Il. 1. 2.

DIXIMVS etiam, Apostolum nos in presenti multis verbis ad lacrymas vocare, quia hæ potentissimæ apud Deum sunt, ipsique vim inferre videntur, & quocumque voluerint, Deum inflectunt: quod potest aliquoties (quia aliter communiter exponitur) ille locus Isaie probare, vbi summus Imperator Deus conuocans milites suos Elamitas, & Medos ad deuastandam Babylonem ita ait. *Assidue Elam, abside Medæ, omnem*

MMM 2 gemitum

gemitum eius cessare feci, seu, vt alij legunt, Ego cessare faciam omnem gemitum eius. Vt sit sensus: Ascendite, & expugnatæ Babylonem; neque verò vereamini, vt ego sententiam mutem, pœnitentiæ ductus eorum miserear; namque cessare faciam gemitum, & siccabo lacrymas, quæ me tantum possent à sententia dimouere, & à proposito deflectere: cessante autem planctu, non cessabit iustitia, quæ solis ligari solet lacrymis.

I D E M insuper probare videtur locus ille Cantic. vbi Sponsus ait. *Vulnerasti cor meum soror, mea sponsa, vulnerasti cor meum in vno oculorum tuorum;* alij legunt, *Excordasti me,* alij, *Vendicasti cor meum in vno oculorum tuorum.* Quibus verbis mihi videtur fieri allusionem ad munus, & officium oculorum: duplex enim munus oculorum est, alterum vidēdi, alterū flēdi, in vno igitur oculorum munere se vulneratum, & excordatum fitetur Deus, quia nihil tam cogit Deum, nihil sic illi vim, vulnūque videtur inferre, & infligere, quàm oculorum munus alterum, nempe flendi. Et ideo S. Ephrem Serm. 3. de Compunct. sic exclamat. O lacrymarum vis quousque pertingis, quæ multa cum fiducia nullis impedita retinaculis ipsum cælum penetras! O vis lacrymarum, quæ si velis ante sanctum, atque excelsum immaculati Domini thronum cum gaudio assistere potes, &c.

E T in hanc sententiam intelligit D. Ambros. illud quod Christus Dominus dixit. *Adiebus Ioannis Regnum calorum vim patiamur.* Cogimus, inquit Ambros. Serm. 15. Regnum cælorum, & vim quodammodo facimus, non compellendo, sed flendo, non prouocando iniuriis, sed lacrymis exorando, non blasphemando per superbiam, sed per humilitatem mœrendo. O beata violentia, quæ non indignatione percutitur, sed misericordia condonatur! Quisquis violentior Christo fuerit, religiosior habebitur à Christo. Et Hieron. in Isai. Oratio Deum lenit; sed lacryma cogit, hæc vngit, illa punit.

§. V.

Quantum lacryma conducant ad virtutes, & orationem.

M O N E T denique ad fletum Iacobus hoc loco, quia hæc nostra maledictionis terra arida, & infructuosa omnino est, proinde riganda lacrymarum aqua, quò fructum pœnitentiæ possit proferre: & in hoc sensu exponit Ber. illud. Psalm. *Anima mea sicut terra sine aqua tibi.* Sic enim habet Ser. de fallacia præsent. vit. Aquæ inopia non modò aridum, sed & sordidum facit, dum non est quo laueris, & humanum cor lacrymas nesciens, non modò durum, sed & impurum esse necesse est, lauabo per singulas noctes lectum meum, ne in me fiat, quod scriptum est. *Natum aruit, quia non habebat humorem.* Et Author Serm. ad fratres in Eremito. Fletuum imbribus debemus irrigare terram mentis nostræ, vt pariat fructus bonorum operum, diuersosque flores virtutum.

H O C etiam comprobat D. Chrysost. hom. 3. de fide Annæ, vbi de eadem

dem sterili, lacrymis tamen deprecante, sic ait. Volo vos ad Annam introducere, atque in pratum virtutum illius inducere sermonem, pratum, inquam, non quod rosaria profert, aut alios flores, qui marcescunt, sed quod deprecationem, ac fidem, magnamque tolerantiam, siquidem hæc sunt longæ vernis floribus redolentiora, vè quæ non aquarum fontibus, sed lacrymarum imbre rigantur. Neque enim perinde amnium fontes floridos reddunt hortos, vè plantam deprecationis, fontes lacrymarum irrigantes faciunt in summam altitudinem excurrere, quod huic contigit mulieri, simul enim vè loquuta est, subuolauit in cælum eius deprecatio, ac fructum ipsi produxit tempestiuum, sanctum videlicet Samuelem. Et Chrysol. Ser. 73. Anna, inquit, Saræ consterilis, lacrymis orationum suarum tandiu madesecit ariditatem sui corporis, & naturæ, quandiu fuerat longo vitæ tempore negata posteritas, &c.

Vnde Chrysost. hom. 12. ad Coloss. aduertit quod dixit Isaias. *Quis dabit capiti meo aquam, & oculis meis fontes lacrymarum?* Tanquam non sufficiente, inquit, ad hoc naturali fote. Et ideo volebat, vè totum caput in oculos verteretur, ex quibus lacrymæ promanarent. Videndus Bern. super illud Psal. 106. *Errauerunt in solitudine in iniquo so.* Vbi ostendit immundam, & sterilem eam animam, quæ lacrymarum aquis caret. Ideoque Dauid Psalm. 142. *Anima mea sicut terra sine aqua.*

Et Richardus illud Psalm. *Exitus aquarum deduxerunt oculis mei, quia non custodierunt legem tuam;* sic interpretatur. Solent agricolæ siccitatis tempore, fontium riuulis terram irrigare, ne ariditate impedita nequeant semina fructificare: sic ad horum imitationem Dauid, imbre gratiarum tardante descendere super operum suorum fructus, lacrymarum vndam non negligit fundere, vè fructum possit proferre. Psal. 118.

ALTIUS rem extulit Ephrem Ser. de Compunctione, & salute animæ, vbi ait. Lacrymæ propter Deum panis salûsque animæ existant; idcirco & magnus Propheta Dauid dicebat. *Fiant mihi lacryma mea panis die, ac nocte.* O felicem animam Prophetæ Dauid, si quis nutriretur lacrymis, id est, qui nutriretur, vè, qui nutriebatur lacrymis, vbi totam felicitatem Davidis viuientis, in eo desente ponit. Hæc ergo videtur fuisse ratio, quare postquam monuerit Iacobus, vè Deo appropinquaremus, modò nos ad lacrymas vocat, quibus terra nostra possit reddi fructuosa, & prouentum meritorum proferre.

§. V. I.

Quanta lætitia in lacrymis reperiasur.

Nis forte ea fuerit ratio, cur nos miseros, flentésque voluerit Iacobus, & vè risum in luctum, lætitiámque in merorem conuerteremus, quo nobis veram lætitiám, & consolationem indicaret, quæ in lacrymis consistit, & merore assumpto pro peccatis. Is enim qui aquam in

MMM 3 vinum

Ioann. 2. vinum ad nuptias, & ouertit, amarāque aquam in dulcem reddidit, luctum amarē flentium, & exitum aquarum ab oculis promanantem, in vinum lētitia, & consolationis internæ mirē conuertit. Quod imprimis probat D. Thom. tom. 1. in Ezechiel. c. 2. ex eo libro, quem Deus tradidit Ezechieli, qui totus scriptus erat intus, & foris, scriptæ verò erant lamentationes, & vā, statimque fateretur diuinus Vates. *Comedi illud, & factum est in ore meo sicut mel dulce.* Cur ergo volumen tristitia, & infausta continens, velut mel dulce redditum est? Dulcis, respondet D. Thom. est ob peccatā lamentatio.

FA C I T & ille locus Cant. vbi dicitur, *Tempus putationis aduenit*, vbi ex Hebr. transferri potest, *Tempus caniationis*, seu, *Tempus plorationis aduenit*, quasi lacrymatio, & cantatio idem prorsus sint. Vnde Dauid. *Confitebor tibi in nationibus Domine, & nomini tuo Psalman dicam.* Hebr. habetur, *& nomini tuo lacrymabo.* Vbi vides flere, & psallere idem esse. Ideoque Chrysost. hom. 12. in epist. ad Ephes. Nihil lacrymis iucundius, quous risu suauiores sunt. Noctuerunt fugētes quantum habeat res ista solatiij, ne putemus eam esse odiosam, sed valde optabilem. Et post multa ait. Complures ex voluptate quoque plorant, ita & voluptatis est res ista, & maxime vehementis, ita moleste non sunt lacrymæ, sed quæ ex tali sunt dolore, meliores multo sunt, quam quæ sunt ex voluptate mundana. Sic Chrysost.

QVIA verò poterat hac in re ob stare ille locus apud Luc. cum de Petro flente dicitur, *Fleuit amarē*, nodum soluit D. Ambr. in Psal. 37. Fleuit amarē, non quia lacrymæ amarae, sed amarus, qui eas fundebat affectus. Amarum habebat affectum amaritudine peccati quidem infectum; dulces tamen profundebar lacrymas, qui amarē flent.

H' O C idem institutum probat D. Chrysost. hom. 6. in Matth. ex eo quod Paulus ait. *Gaudete in Domino semper.* Putat enim Chrysost. de lacrymarum gaudio intelligendum esse hunc locum. Dixit hoc, inquit Chrysost. eā proculdubio, quæ ex his nascitur lacrymis, exprimens voluptatem, sicut enim mundi gaudium tristitiæ consortio copulatur; ita etiam secundum Dominum lacrymæ rigem pariunt, certamque lētitiam.

QV O B si velimus huius rei aliquam etiam rationem inuestigare; eam suppeditabit D. Thom. 1. 2. q. 38. art. 2. in corpore; vbi tanquam miraculum proponit, quod dolor per suos effectus, quales sunt gemitus, & lacrymæ, leuetur; quia causa non decrescit per effectus. Afferit ergo duas rationes quare lacrymæ dolorē leniant. Prima est, quia omnis actio cōueniens cum eo statu in quo quispiā operatur, delectat; gemitus verò & lacrymæ homini tristi maxime cōueniunt: vnde & quā dis cōueniēs est mœsto lētitia, si forte tunc temporis lætetur, dolet. Secunda ratio est, quia omne nocium, qualis est tristitia, quandiu intra nos est, maxime torquet, quia circa illud magis augetur intētio: quia verò ad exteriora per lacrymas diffunditur, tūc animæ intentio ad exteriora quodāmodo disgregatur; & sic interior dolor minuitur, & propter hoc quando homines, qui sunt in tristitiis, exterioris suam tristitiam manifestant, vel fletu, aut gemitu, vel etiam verbo, mitigatur tristitia. Vnde Ber. Ser. 26. in Cant. Quousq; dissimulo, & ignis, quem intra

intra me ipsum abscondo, triste pectus adurit, interiora depascitur clausus; latius serpit, lauitque acrius. Et Chrysost. hom. 64. in Gen. loquens de Ioseph, qui viuis fratribus, se non poterat iam amplius continere, ait. Fleuit, ut amoris pij aestum lacrymis mitigaret, doloremque minueret egerendo. Et Ambr. lib. de bono mortis c. 8. ait. E piis affectibus quædam etiam flendi voluptas, & plerumque grauis euaporat dolor.

Cum ergo Iacobus voluerit, ut ij qui à Deo se per peccatum auerterant, ad ipsum etiam appropinquant, purificando corda a peccatorum maculis per lamentum, & effusionem lacrymarum, idem faciendum docet, quod veram in media mundi mœstitia possint inuenire delectationem, & natum ex peccatorum consideratione dolorem euomere. Vnde Author Serm. ad fratres in Eremo Ser. 1. sic ait: Diligamus lacrymas, quia suauis sunt diligentibus Deum, delectemur semper in hac infirma vita in fletu, & lamentatione, sumus tam prouisi ad lamentum & fletum, quantum fuimus ad culpam audaces, holocaustum medullatum, est cor pectoris humiliatum, & quotidianis lacrymis rigatum.

ILLUD tandem aduertendum censeo, potuisse Apostolum tot verbis nobis luctum commendare, ut ostenderet perseverantiam in lacrymis, quæ maximè prodest plorantibus, & ex corde lacrymas promanare ostendit. Vtrumque docuit Ber. in sententiis, cum ait. Luctus eorum qui perseverantiam non habent, non meretur consolationem: & paulo inferius. Si de corde procederent illæ lacrymæ, non tam citò resolverentur in risum. Quæ de re multa habet idem Ber. Ser. 4. de Aduentu; ubi de lacrymis citò arescentibus ait. Lacrymas huiusmodi de his esse non arbitror, quibus cōsolatio diuina promittitur, quædò quidē post illas tam facillè cōsolatio vilis admittitur.

Sed id quidem ex hoc Iacobi loco D. Aug. in Psal. 85. deduxisse, verbi diuini prædicatores nunquam debere peccatoribus adulari; sed obiecta futura miseria, & grauitate peccatorum, eosdem ad compunctionem cordis, & amaras lacrymas perducere. Sed de hac re egimus cap. 1. in fine.

Sic VI. I. in fine.

In hac vita potius ratio fletus, quam lætitiæ reperitur.

PROPTER ETIAM Iacobus ex eo monere discipulos, ut risum & gaudium in mororem, & lætitiā in fletum conuerterent; quia cum extrema gaudiū luctus occupet, debent virtutis amatores terrenum luctum præferre, ut ostendant se minimè deceptos fallaciæ præsentis voluptatis, & ruinam vicare voluisse cum prænoscant. Vnde Aug. in Ps. 85. Fratres, qui vobis dicunt, felices estis, seducunt vos, sicut & de epistola Iacobi Apostoli constat: *Miseri estote*, inquit, *& lugere, risui vester in luctum conuertatur*. Videatis quæ audistis quando vobis hæc dicerentur in regione securitatis, utique regio ista scandalorum est, & tentationum, & omnium malorum, ut gemamus hic, & mereamur gaudere ibi, hic tribulari, & consolari ibi.

Sic

Iob. 20. Sic Aug. Ideoque Iob. *Laus impiorum brevis, & gaudium hypocrisis ad instar puni.* Septuag. verterunt; *Laetitia impiorum ruina ingens, gaudium autem impiorum perditio.* Similisque est ille locus Isaïæ. *Non est pax impio, dicit Dominus.* vbi Septuag. habent. *Non est gaudere impiis.* Aduertit autem D. Aug. in Ps. 96. additum fuisse in textu iuramentum Dei, ne quis dubitaret existimans aliqua gaudia reprobis contingere.

Ioa. 2. NOTATV dignum censuit D. Gaudentius, cur Christus Dominus, qui contritis corde, & mœrentibus mederi venit, primùm in domum voluptatis ingressus sit, primùmque miraculum ediderit in defectu vini. Nuptiis adesse voluit, ait Gaudent. quia ad miseros venerat, quoniam verò ibi vinum. i. virtus defecerat spiritualis lætitiæ, & languebant sitientium conuiuarum ora, vini lætificantis inopia, ad miseros conuiuias venit, vera gaudia allaturus: terrena enim gaudia in medio conuiuii deficiunt, vinumque lætificans in nuptiis desinit. Vnde Senec. epist. 60. Gaudia quæ vocamus, aded non sunt gaudia, vt sæpe initia futuræ tristitiæ sint: gaudio autem iunctum est non desinere, nec in contraria verti. Itaque cùm dicat Virgilius noster, *& mala mentis gaudia*, disertè quidem dicit, sed parum propriè: nullum enim malum gaudium est. Imò Tertull. lib. de spectaculis c. 29. ait. Nullum maius gaudium, quàm fastidium ipsius voluptatis. Et Cyprian. lib. de pudicitia. Voluptatem vicissè, voluptas est. Et Bernard. epist. 114. Illud verum, & solum est gaudium, quod non de creatura, sed de Creatore concipitur, & quod cùm possederis, nemo tollet à te, cui comparata omnis iucunditas, mœror, omnis suauitas, dolor est, omne dulce, amarum, omne postremum quodcumque aliud delectare potest, molestum.

Psalm. 50. IDEO Rabbi Dauid explicans ea verba Psalmi. *Redde mihi læticiam salutaris iuij*, ait, cætera præter Dei gaudia non esse gaudia; ideoque alia litera ibi habet: *Gaudium, quale habent Sancti, mihi redde.* Etenim gaudium Sanctorum iuge est, & nemo id ab eis tollit; & cùm terrenum gaudium solam extimam superficiem hominis perfundat, & cor minimè peruadat, & penetret, è cōtrā lætitia Sanctorum cor perfundens ad externam etiam faciem refunditur. Illud primum notauit Dauid cùm ait: *Dedisti læticiam in corde meo.* vbi Chrysost. Non dixit simpliciter, *dedisti læticiam*, sed *in corde meo*, ostēdens non esse in rebus externis læticiam: quia hæc lætitia non est cordis, sed solum oculorum Quibus verbis supponit Chrysost. læticiam à Deo datam esse internam, & cordis læticiam. Secundum probauit Dauid dicens. *Cor meum, & caro mea exultauerunt in Deum vivum.*

Ioa. 4. Vnde iusta videtur ea querela Ioëlis, prout eam interpretatur Rupertus Abbas: *Confusum est gaudium à filiis hominum.* Confuderunt gaudium, inquit ille, seu, non seruauerunt ordinem gaudij filij hominum. Primùm enim spiritualiter gaudere debuerunt in Domino, non in bonis, sed de bonis Domini super frumento, vino, & oleo, & cæteris, quæ dantur à Domino; hunc ordinem ita confuderunt filij hominum, vt in Domino gaudere negligerēt: in bonis autem Domini gaudere cuperent. Pro qua re facit id, quod notauit Philo lib. 2. legis Allegor. & lib. de Cherubin, tunc natū fuisse Isaac, quī

GAU

gaudium, siue risus interpretatur, cum cessarunt muliebria Saræ, id est, quando fragilis voluptas desit. Ideo igitur Iacobus ad lacrymas vocat in præfenti, ut veram voluptatem, & solidum gaudium in eis inueniant, antequam in veras misérias, quæ gaudia mundi subsequuntur, vel nolentes incidant.

Verf. 10. *Humiliamini in conspectu Dei, & exaltabit vos.*

EXPOSITIO LITERALIS.



ERAM adhuc ad Deum conuersionem docet Iacobus, quæ in humiliatione interna consistit, quæ post luctum bene sequitur. Nam, sicut dixit Ambr. lib. 5. in Luc. Qui flet, non superbit; qui luget, humiliatur. Postquam ergo nos ad lacrymas vocauit, vocat nunc ad humilitatem, cuius fructum, exaltationem scilicet, statim apponit.

ILLUDQUE notandum velim, quodd postquam purificationem cordium, & lacrymarum profusionem docuit, quò hæc melius in animo seruarentur, humilitatem docet, quæ virtutum custos est. Vnde illud Ioëlis. *Ficum meam decorticauit*; sic intelligit Greg. 8. Moral. c. 30. Propterea illam decorticatam docet, quia facta arrogantium humanis oculis ostensa, vnde placere appetunt, inde siccantur. Humiliamini igitur sponte, seu voluntate in conspectu Dei, qui videt omnia, quantumuis latentia. Vnde D. August. Serm. 46. de verbis Domini. Ipse timendus est in publico, in secreto; cum procedis, videtis: lucerna ardet, videt te; lucerna extincta est, videt te, in cubile intras, videt te. Et Zachar. *Dominus est oculus hominis*, quia sic videt hominem, sicut homo se videt. Ideoque Septuaginta. *Dominus respicit homines*: & Paraph. Chald. *Domino manifesta sunt opera hominum*. Proindeque humilitate vera, & non ficta, interiori, non tantum exteriori, nos debemus Deo subiicere ait D. Thom. *Est enim qui nequiter se humiliet*. Vnde D. Hieronymus *Ecl. 16.* epist. ad Celantiam. Illam humilitatem sectare, quæ vera est, quam Christus docuit, in qua non sit superbia inclusa. Multi enim huius speciem virtutis habent, veritatem pauci sequuntur. Et infra iterum ait. Humilitatem sequere, non quæ simulatur gestu corporis, aut fracta voce verborum, sed quæ puro affectu cordis exprimitur. Aliud est enim virtutem habere, aliud virtutis similitudinem. Vnusquisque igitur se deprimat, ait Apostol. Vitia sua inspiciat, defectus naturæ, & culpe, quos habet, in se intueatur, quam imperfectè Deo seruiat, perpendat: quibus, aliisque multis consideratis vnusquisque illi se pendat, & omni confusione se dignum censeat.

ET exaltabit vos; merito scilicet, & ratione humilitatis. Vita enim præfens & futura, ait D. Thom. sunt quasi quædam statera, in qua sunt duæ partes, & secundum quod vna magis deprimatur, alia magis eleuatur: ita secundum quod homo magis se deprimat, & abiicit in præfenti, magis exaltabitur in Epist. B. Iacobi Apost.

NNN n abitur

tabitur in futuro. Est enim humilitas, ipsa exaltatio iuxta diuinam promissionem, dum ait. *Qui se humiliat, exaltabitur.*

§. I.

Proprium humilitatis est, humiles exaltare.

OSTENDIT Apostolus hoc loco celebrem illam vim, & virtutem humilitatis, quæ humiles euehit, & exaltat. Mirumque est, quòd Christus Dominus mortem suam, exaltationem nominauit. Aduertit autem Iustus Lipsius lib. 1. de Cruce cap. 3. & 4. & lib. 2. de Cruce cap. 7. inter alios loquendi modos, quibus veteres vtuntur, cum de Cruce agunt, non reperiri hunc, quo Christus Dominus vsus est. Etenim exaltatio honorem, siue laudem significat; crucifixio verò, utcumque contingat, opprobrium significat; siue enim reus in terra crucifigatur, ut olim contingebat, siue in erecta cruce, nunquam crucifixioni exaltatio conuenit. Et ideo exaltatio Crucis refertur ad humiliationem Crucis; *humiliauit enim se Christus Dominus usque ad mortem Crucis, propter quod & Deus exaltauit illum.*

VNDE Tertull. lib. contra Iudæos cap. 13. humilitatem comparat cum ligno, quo Elisæus attraxit ferrum aquis demersum. Quod etiam habet Aug. Serm. 101. & 210. de Tempore; & lib. 50. homil. hom. 17. & Irenæ. lib. 5. & D. Hieronym. in Psalm. 98. humilitatem vocat scalam illam Iacob, de qua Genes. 28. Pro qua sententia est optimus locus apud Cardin. Hugon.

Gen. 15. Gen. 15. ubi aduertit rectè, spirituales homines, qui stellis assimilantur, prius fuisse pulueri comparatos. Boni enim, inquit Hugo, sunt puluis per humilitatem, qua se instar puluis pedum omnibus viliores reputant; ideoque ad stellas vsque euehuntur, quia ita se abiecerunt, sicut puluis. Vnde Iob. 22. *Qui humiliatus fuerit, erit in gloria.* Quod ex Heb. ad verbū potest legi. *Cum humiliauerit se, dices, exaltatio, aut gloria.* Nam, sicut dixit Augustinus tract. 104. in Ioan. Humilitas claritatis est meritum, claritas humilitatis est præmium.

Exod. 7. E T Rupert. lib. 1. in Exod. c. 25 notat id, quod Moyses dixit Deo. *Ex incircuncisis sum. Quomodo audiet me Pharaos cui Deum respondi.* Ecce confituo te Deum Pharaonis. Gloriosa virtutum Regina humilitas, quæ in cælum volare cōsuevit, loquuta est in eo dicente, incircuncisis labiis se esse, & idcirco indignum, ac pro sua reuerentia magnificum accepit responsum, ut audiret homo priuatus regnantis hominis se esse Deum; ac si dicat. Quoniam tu mitissimus virorum pro tam glorioso negotio cum Pharaone dimicare, & cum Regibus configere te indignum ducis, atque hoc modo te vsque ad nouissima terræ deprimis, ecce ego sustollam te super altitudinē nubium, faciāmq; te Deū, nō quem ille fideliter adoret, sed quē struilitèr formidet.

Iob. 5. E T Greg. lib. 6. Moral. c. 10. interpretatur illud. *Deum ponis humiles in sublimi;* dicens: In sublimi humiles ponuntur, quia cum se ex humilitate subternunt altæ mentis iudicio, cuncta temporalia transeunt; cumque se indi

dignos in omnibus æstimat, rectæ cogitationis examine huius mundi gloriam transcendentes calcant.

NOVERAT hanc humilitatis proprietatem Aug. lib. 14. de Ciuit. c. 13. cum dixit. Est aliquid humilitatis miro modo, quod sursum faciat cor, & est aliquid elationis, quod deorsum faciat cor: hoc quidem quasi contrarium videtur, vt elatio sit deorsum, & humilitas sursum, sed pia humilitas facit subditum superiori, nihil est autem superius Deo, & ideo exaltat humilitas, quæ facit subditum Deo. Et Ser. 213. de Tempore. Esto paruulus in oculis tuis, vt sis magnus in oculis Dei. Similia habet Ser. 10. de verbis Domini. Videndus Gregor. lib. 4. epistolar. epist. 38. & Ambros. Sermone 11. & Bernard. 2. de verbis Isaïæ; & Ser. quomodo voluntas nostra diuinæ voluntati, &c. vbi ita ait. Insuper est, & infans quicumque in aliis vitæ meritis, quicumque in alia Religione, seu sapientia, nisi in sola humilitate confidit.

VIDENDVS item Chrysost. hom. 38. ad Pop. cum præsentem exaltationem humilitatis probat in Baptista, qui dixit. *Nō sum dignus soluere corrigiam calceamenti eius.* Ideo amicus quoque fuit, inquit Chrysost. Sponsi, & qui se calceamento esse dixit indignum, hunc super caput suum Christus attraxit. Quodd si caput Christi Deus, vt dixit Paulus, dum manum humilem super caput suum Christus extulit, vide si aperte iam constat; quomodo veros humiles Deus exaltet: imò si eos amplius, vel ipse Deus potest exaltare.

Matth. 1.

§. II.

Non est diligendus, aut colendus Deus, tantum propter præmium, mercedemue quam tribuit.

NON est autem ita intelligendus hic locus, quasi Iacobus ideo humilitatis exaltationem nobis proposuerit, vt in ea sectanda exaltationem nobis pro primario fine proponeremus, sed ideo vt intelligeremus gloriam, & exaltationem cum humilitate nexum indissolubilem habere: ideoque nos excitare præmij spe solum Deum pro primario fine nobismetipsis proponentes. Namque, sicut dixit Ambr. lib. 5. in Lucam; virtutum studia sine remuneratione torpescunt. Ideoque licet verum sit illud Augustini Sermone 234. de Tempore, asserentis, pietatem in eo positam esse, vt Deum gratis amet: quod etiam prosequitur Psalm. 43. & Chrysost. hom. 23. in Gen. & Ber. Ser. 83. in Cant. vbi ait. Suspectus mihi est amor, cui aliud quid adipiscendi spe suffragari videtur. Infirmus, qui forte spe subtracta, aut extinguitur, aut minuitur. Impurus, qui aliud cupit: purus amor mercenarius non est, purus amor de spe vires non sumit; non tamen diffidentiae damna sentit. Et lib. de diligendo Deo. Non sine præmio diligitur Deus, etsi absque præmij intuitu diligendus sit: vacua namque vera

NNN n 2 chari

charitas esse non potest, nec tamen mercenaria est, quæ non quærit quæ sua sunt, affectus est, non contractus; nequæ acquiritur pacto, neque acquirit, sponte afficit, spontaneum facit; verus amor seipso contentus est, habet præmium, sed id quod amatur. Similia habet in Cant. Ezech. & Cic. 1. de legib. *Qui non ipso honesto mouemur, ut boni viri sumus, sed utilitate aliqua, atque fructu, callidi sumus, non boni.*

NULLATENUS tamen negandum est, licere spe alicuius præmij, siue temporalis, siue æterni Deū colere & diligere. Quod videtur dixisse David illis verbis. *Inclinaui cor meum ad faciendas iustificationes tuas in æternum, propter retributionem.* vbi Theodoret. Trutinæ, inquit, simile est animæ consilium, mens verò, quæ ducis vice fungitur, funiculum tenet. Si igitur piis cogitationibus se applicuerit, necesse est ad meliora statim vergere; hoc se fecisse diuinus Vates ait: *Inclinaui cor meum*, &c. etenim cum perspexissem lucrum, quod hinc petcipi solet, volens, libensque pro his sudores percepi. Et ideo Anselm. lib. de similitudinib. cap. 181. ait. Spe etiam commodi diligendus est Deus, quoniam immortalitatem, & incorruptibilitatem promittit. Videndus item Aug. tract. 46. in Ioan. & Ps. 120. Greg. hom. 14. in Euang. & Ber. lib. de diligend. Deo. Et D. Thom. in 3. distinct. 26. q. 2. art. 1. ad 5. & lect. 2. epist. 1. ad Cor. cap. 3. Vnde in vtroque Testamento non solum æterna, sed temporalia bona Deus promittit cultoribus suis: & de Moyse dixit Paulus, passum fuisse pleraque mala, eo quod respiciebat in remunerationem. Et Ioannes à præmio proposito orsus est suam prædicationem; & eadem propositione præmij prædicare iussit Christus Euangelium suum. Et iam res determinata est in Conc. Trid. sess. 6. c. 11. & in eadem. sess. Can. 31. dicitur. Si quis dixerit; iustificatum peccare, dum intuitu æternæ mercedis bene operatur, anathema sit. Si verò intelligamus præsentem locum, quod Deus eos, qui se humiliant, exaltet, vel quod Iacobus velit, ut intuitu talis exaltationis nos coram Deo humiliemus, optima & verissima est talis doctrina.

Verf. 11. *Nolite detrahere alterutrū, fratres. Qui detrahit fratri, aut qui iudicat fratrem suum, detrahit legi, & iudicat legem. Si autem iudicas legem, non es factor legis, sed index.*

EXPOSITIO LITERALIS.

RE D I T iterum Apostolus ad intermissas obiurgationes contra detractores, quorum peccatum quam graue sit, ostendit ex eo, quia contradicit perfectissimo legis præcepto, quale est præceptum charitatis. Deinde, quia multoties reperitur prohibita detractio, ut in **Leu. 19.** *Leuitic. Non eris fur, nec criminator in populo.* & in **Prov. 4.** *Prouerb. Labia detrahentis* **Ecl. 10.** *procul sunt à te.* & in Ecclesiastic. *Si mordeat serpens in occulto, nihil miris*

do habet qui detrahât. & in Sap. Custodite vos à murmuratiōe, & à detractiōe, par- Sap. 11.
cie lingua. & in Psal. Detrahentem secreto proximo suo, hunc persequabar. & in epi- Psal. 100.
stola ad Rom. Detractores Deo odibiles. Et huic accommodat D. Gregor. in 2. Rom. 1.
part. Pastoral. cap. 1. admonitiōe 36. illud Leuit. Non maledices surdo. Quip- Lev. 19.
pe maledicere, ait Gregor. est absenti, & non audienti derogare.

DETRACTIōEM verò sic describit D. Thom. 2. 2. q. 73. art. 1. ad 3. De-
tractiō directā est, cū quis alterum infamat, tribuendo ei aliquid mali;
quod contingit quadrupliciter, scilicet, vel falsò imponendo crimen alteri;
vel illud augendo verbis, vel reuelando crimen occultum, etiamsi sit ve-
rum, vel dicendo fuisse ab eo factum mala intentione.

INDIRECTA autem detractiō est, cū quis alterum infamat, habendo
se aliquo modo indebitè erga bonum alterius, idque tripliciter, scilicet, vel
negando bonum illius, vel malitiosè reticendo, vel etiam minuendo.

ADDVCT autem Iacobus hoc loco iudiciū contra fratrem, quia ille,
qui directè infamat dicendo fuisse ab eo quidpiam mala intentione factum,
non solum quantum est in se, alterum infamat: sed etiam communiter lo-
quendo, peccat ex iudicio temerario. Difficile namque est de intentione iu-
dicare, nisi fortè quis haberet vehementia indicia.

ILLVD autem circa detractiōem notandum est, qualiter auditores per-
tingat, & offendant: nam si quis audiat detrahentem, nec obsistat, cū pos-
sit, particeps fit peccati alterius, quia saltem indirectè consentit detractiō-
ni: sicut quilibet debet extinguere ignem, quo flagrat domus proximi, &
subleuare iumentum iacens sub onere. Vnde D. Hieron. in Psal. 100. ad ea
verba. *Detrahentem secreto proximo suo, hunc persequabar*, ait. In tantum nō opor-
tet consentire detracti, vt etiam quantum in nobis est, persequamur ta-
lem, prouidentes in vtrisque vtilitatem, vt nec libenter audiamus, nec il-
lum permittamus peccare. Videndus hac de re August. lib. de salutarib. do-
cument.

MOVS autem resistendi detractiōi assignatur à D. Thoma art. 3. per
tristitiam videlicet faciei. Namque, vt dicitur, *Ventus Aquilo dissipat nubes, &* Pro. 25
facies tristis linguam detrahentem. Et Hierony. epist. ad Rustic. Monach. Sicut sa-
gitta, si mittatur in duram materiā, nonnunquam in mittentem reuertit-
tur, & vulnerat vulnerantem, illudque cōpletur: *Falsi sunt mihi in arcum pra-* Psal. 77.
num. Ita detractor cū tristem faciem viderit audientis, imò nec audientis
quidem, sed obturantis aures suas; illicò conticescit, pallet vultus, hærent
labia, salina siccatur. Videndus etiam hac de re Bernard. de consideratione.
Si verò absque complacentia, tamen ex negligentia, aut ex timore, vere-
cundiæ non repellat quis detrahentem, peccat quidem, sed venialiter.
Quæ omnia latius possunt videri apud D. Thom. q. cit.

LICET verò susurratio in hoc conueniat cum detractiōe, propter quod
vnum frequenter pro alio sumitur, propriè tamen differunt; quoniam su-
surrator intendit proximorum mutuam dilectionem corrumpere seminā-
do discordias; vnde grauius peccatū est quàm detractiō, quia amicitia ma-
ius bonum, quàm fama, iuxta illud Eccles. *Amico fideli nulla est comparatio.* Eccles. 6:

Quia igitur detrahit fratri, aut iudicat fratrem, id est, proximum suum iudicio inordinato, temerario, suspicioso, aut usurpato, detrahit legi diuinæ, quæ detractionem & inordinata iudicia prohibet, & iudicat legem, id est, reprobatur eam, idque non dictis, sed factis: faciendo enim contra eam, ita se habet, ac si prauam illam legem diceret: Si autem iudicas legem, non es factor legis, id est, eam non imples eius præceptis obediendo, sed iudicem te constituis, dum te superiorem facis lege diuina, eam transgrediens. Superiores autem dixit: *Esote factores legis, & non auditores tantum.*

D. Thom. supra explicat, *detrahit legi*, id est, contemnit legem. Caietan. autem hic intelligit de eo, qui iudicat fratrem, illique detrahit facienti opus secundum legem Dei. Alij, vt Gagneius, melius referunt ad legem Dei, quæ est contra detractores, & temerarie iudicantes. Vnde Matth. *Nolite iudicare, & non iudicabimini. nolite condemnare, & non condemnabimini.* Et Ioan. *Nolite iudicare secundum faciem, sed rectum iudicium iudicate.* Et Paul. *Is, qui manducat (idolothycæ) non manducantem non spernat, & qui non manducat, manducantem non iudicat.* Et Christus Dominus hoc peccati genus in Iudeis frequenter damnauit, vt pote cum hos increpauit; *ut quid cogitatis mala in cordibus vestris?*

§. I.

Contra detractores.

EST hic locus oppositus vitio detractionis, & detractoribus, quos Paulus vocat Deo odibiles, vbi aliqui vertunt, *Dei offores.* & Cypr. epist. 68. vertit, *Deo abhorrentes;* ideoque Deus per Dauid. *Detraheni proximo suo, hunc persequer.* Quæ verba, vt dicta à Deo, sic explicat Ber. Serm. 24. in Cant. Nec mirum, cum id præcipue vitium charitatem, quæ Deus est, & quidem cæteris acrius impugnare, & prosequi cognoscatur, quemadmodum vos quoque potestis aduertere. Omnis, qui detrahit, primum quidem seipsum prodit vacuum charitate; deinde quid aliud detrahendo intendit, nisi vt is, cui detrahit, veniat in odium, vel contemptum ipsis apud quos detrahit? Ferit ergo charitatem in omnibus qui se audiunt lingua maledica, & quantum in se est, negat fudit, & extinguit. Enumeransque ibi Ber. species peccatis huius, inter alia sic habet. Doleo, inquit detractor, vehementer pro eo, quod diligo eum satis, & nunquam potui de hac re corrigere eum. Et alius. Mihi quidem, ait, bene compertum est de illo istud, sed per me nunquam innotuisset. At, quoniam per alterum patefacta est res, veritatem negare non possum, dolens dico, reuera ita est. Videas præmitti alta suspiria, sicque quadam cum grauitate & tarditate, vultu mæsto, dimissis superciliis, & voce plangenti aggredi maledictionem, & quidem tanto persuasibiliorem, quanto creditur ab his, qui audiunt, corde inuito, & magis condolentis affectu, quàm malitiosè proferri. Hæc. Ber. quæ omittenda non existimaui.

ILLUD deinde ostendit, ac probat grauitatem huius vitij, quod cætera, vel

vel ex imbecillitate nostræ naturæ vel ex vehemēti aliqua passione oriuntur, proindeque excusationem habent, & cided facilius a Deo veniam consequuntur: at verò detractōnis vitium in sola malignitate habet fundamentum. Quod notauit Aug. lib. 50. homil. hom. 2. cū ponderat ea verba Ps. *Sedens aduersus fratrem tuum loquebaris, & aduersus filium matris tue ponebas scandalum;* quod ipse alibi legit, *ponebas detractiōnem* Quod dixit, ait Aug. *sedens*, ostendere voluit, quod non transitoriē detraxerit, nec ei surreptum sit passione quadam subita, vt malum de proximo loqueretur, sed sedens. i. ex odio, quasi ad hoc vacans, vt derogaret proximo suo,

IN quam sententiam venit etiam notandus ille locus apud eundem Aug. in Ps. 52. cū ponderat illud eiusdem Ps. *Qui deuorant plebem meam, vt cibum panis.* Cætera, inquit Aug. quæ manducamus, possunt modò illa, modò ista manducare, non semper hoc olus, non semper hanc carnē, non semper hæc poma edimus. Cū igitur, ait, deuorant plebem meam, sicut cibum panis, quia semper panem manducamus, significat nos sine intermissione deuorare plebem Domini. Cūque hoc peccatum sine occasione committatur, nullāmq; habeat excusationem cōmissum, inde est, quod grauissimum apud Deum sit, maximēque nobis detestandum, cū humanam naturam traducat, quæ ex fragilitate, passionēve solet delinquere; & impedimento nobis est, ne diuina beneficia ad nos perueniant. Vnde apud Isaiam cū Deus multa bona promittat, ait, *Si abstuleris à te colligationem, & deseris digiūm extendere, & loqui quod non prodest;* vbi Septuag. habent, *Si abstuleris à te colligationem, & verbum murmuratiōis.* Hierony. verò ibi ait. Vt non solum malum ipse non cogites, & non facias, sed nec detrahas quidē proximo tuo, & singulos quasi digito notes, & loquaris quod non prodest animæ tuæ, non tua mala, sed aliorū errores consideras, &c.

QUONIAM verò detractor aduersus fratrem sedet iugiter detracturus, & aliorum famam cullibet sermoni velut panem cæteris cibis adhibet, ne fame pereat, & ne ab officio pro more cesset, audiat Ber. Si vis detrahere, tuis peccatis detrahe, non perspicias aliena peccata, sed tua, nunquam aliis detrahes si te bene perspicias. Vel audiat, & imitetur Chrysost. Ser. aduersus impios hæreticos, qui habetur post opera Ephrem; vbi & docet qualiter debeamus loqui de aliis, & Sanctorum Patrum cognomina affert. Vbi Euodius, bonus odor Ecclesiæ, & Sanctorum Apostolorum successor, atque imitator? vbi Ignatius, Dei domicilium? vbi Dionysius Areopagita, volucris cæli? vbi Hippolytus suauissimus & beneuolentissimus? vbi Basilus Magnus, & par fermè Apostolis? vbi Athanasius sanctus, & virtutibus diues? vbi Syrus Ephrem, magnus obtorpescentium excitator? afflictorum consolator? Monachorum speculum? &c. Sic loquuntur sancti viri de aliis, cū detractores carniuori dicantur in Scriptura. Sic enim intelligit Hierony. & Aug. illud Ps. *Appropiani super me nudentes, vt edam carnes meas.* Sic Gregor. atque Nyssen. illud Iob. *Carnibus meis saturamini.* & Hiero- ny. de Doeg detractore illud Ps. *Dilexisti omnia verba precipitationis.* ait. *Verba Ps. 51. ad deuorandum, & Chaldeus, voracitas is.*

MEMINE

MEMINERINT etiam detractores ex eo, quòd aliis detrahunt, obligari se ne delinquant in iis, quæ in aliis mordent; quod videtur dixisse Salomò.

Pro. 13. *Qui detrabit alicui rei, ipse se in futurum obligat, ut post detractionem sese ranius habeat, quia nimirum quæ in aliis iuste reprehendit, in se impunè non admittit, clamante Apostolo. Qui predicas non furandum furaris, &c.*

Galat. 6. MELIVS est ergo de sua quemque fragilitate metuere, ne fortè diuina præuaricetur præcepta, quàm aliorum errata sulto ore lacerare, dicente rursus Apostolo. *Et si præoccupatus fuerit homo in aliquo delicto, vos, qui spirituales estis, instruite huiusmodi in spiritu mansuetudinis, considerans te ipsum, ne & tu tenteris.* Imò, ne detrahendo, alienum peccatum facias tuum, & fortè quod in alio peccatum non est, in tuo ore, & corde fiat peccatum, dum impia interpretatione transueritis quod simplici intentione ab alio factum est.

ILLUD QVE tandem ob oculos proponant miseri detractores, qui occultè alios mordent, & priuatim famam corrodunt; quod notauit ex præsentii Iacobi loco Aug. lib. de conflictu viciior. & virtut. dicens. Ne detractores sibi applauderent, qui dum semper occultè derogare malunt, nunquam in apertam increpationem profluunt; adhuc subinfertur. Existimasti inique, quòd ero tui similis: ac si diceretur, nò occultè, ut est tua consuetudo, sed in aperto, ut est mea sollicitudo, aptum corrigendi tempus expectans, peccatorem arguam, ut eius delicta contra faciem eius statuam. At, inquis, non odi, sed amo, quem ita in absconditis diiudicans reprehendo, imò magis hinc odisti. & non diligis, vnde detrahis, & non corripis.

Pf. 100. **Prov. 13.** QVAM sit autem detestanda detractio proximi plerisque in locis diuina eloquia testantur, ut est illud. *Detrahentem proximo suo, hunc persequar: & iterum. Qui detrabit fratri, detrabit legi; & illud: qui detrabit fratri, eradicabitur.* Meritò proinde Apostolus detractiōnem docet relegandam, & detractorem, legis diuinæ contemptorem dicit.

§. I I.

Contra temerè iudicantes de proximo.

ES T etiam hic locus contra eos, qui temerè de proximo iudicant, quos detractoribus adiungit, quia sicut detractio charitati aduersatur, ita & iudicium iniquum, quod dixit Paulus. *Charitas non cogitat malum*; quod idem est secundum expositionem Chrysosto. ibi, ac non suspicatur malum. Charitas, inquit ille, non tolerat malam suscipere suspensionem. Theodor. verò optimè ad præsens institutum intelligit locum etiam de iis, qui cum malum aliquod patratum videant, rectè explicant, & ad sanum sensum conuertunt. Sic enim ait: Non cogitat charitas malum. i. ignoscit iis, qui errarunt, existimans ea non esse facta malo animi proposito, &c. Et ideo **Pf. 118** fortè David dicebat: *Miserere mei secundum iudicium diligentium nomen tuum*, ac si diceret: quia mente ac more de meis rebus iudicium ferto, quo sancti viri ex charitate de fratribus suis solent iudicare, eorum facta in saniores semper

per partem interpretantes, & defectum ex parte leuantes, & attenuantes: longè aliter, ac inimici, quique charitatem non habent; de quibus D. Hieron. epist. 61. ad Pammach. Qui inimicus est, etià in ireo nodù quærit.

TVLERVNT fratres Ioseph tunicam eius, & in sanguine hœdi, quem occiderant, intinxerunt mitentes qui ferrent ad patrem, & dicerent; hanc inuenimus; vide vtriam tunicam filij tuisu an non: quam cum agnouisset pater, ait. Tunica fil. mei est, fera pessima comedit eum, bestia deuorauit Ioseph. vbi vides nullatenus tantum facinus de filiis fuisse suspicatum, etiam postquam nouit eorum inuidiam: charitas enim nihil mali iudicat, proindeque potiùs filij necem ad feras retulit, quia earum feracissima est Palæstina, vt patet ex 1. Reg. 17. & 4. Reg. 2. Et ideo aliqui illud, quos consumpsit salus, exponunt, quos fera saltus deuoratant, & non de filiis, etiam de crimine pessimo, seu de infamia mala, vt est in Hebr. apud eum accusatis: per quod aliqui intelligunt Iosephum patri detulisse, quomodo, & quid fratres de se murmurarent, & patri obloquerentur, & in se exasperarentur.

Es t etiam ad confirmationem huius rei optimus locus ille, vbi præcipit Deus, quod qui puella alteri desponsata stuprum intulerit in ciuitate simul cum eo lapidibus obrueretur puella, quia non clamaui cum essem in ciuitate, vir, quia humiliaui uxorem proximi sui. Sin autem in agro repererit vir puellam, qua desponsata est, & apprehendens concubuerit cum ea, ipse moriatur solus, puella nihil patiatur. Sola erat in agro, clamaui, & nullus affuit, qui liberaret eam. Quis, quæso, nuntiavit puellam clamasse pro defensione virginitatis suæ, si nullus affuit qui eam liberaret? Respondet Lyrân. Lex factum in meliorem partem interpretatur. Vnde & qui malè de fratre suo iudicat, detrahit legi, & contra eam facit. Vnde rectè Basil. homil. 12. ex variis. Quando singula Dei mandata contra aduersantem sibi malitiâ coram te, iudicium experiuntur, da legi diuinæ contra vitium victoriam: iniquum, & æquum apud te iudicantur, da vt vincat virtus. Si in rebus cunctis, quas agis, apud te potiora, & meliora vincere permittas, beatus in die illa fueris, qua Deus occulta hominum iudicabit, nec condemnatus discedes, quia tu virtutem in omni vita coronare didiceris, & memineris. Similia habet Aug. Ser. 202. de Tempore, vbi inter alia. In his, quæ vtrûm bono, an malo animo fiant, scire non possumus, melius est, vt ad partem dexteram nostrum animum declinemus, quia tolerabilius est nos in hoc falli, vt eos, qui mali sunt, bonos esse credamus, quàm ex consuetudine iudicandi etiam de bonis, quod malum est, suspicemur.

HOMINI illi, qui bonum semen in agro suo seminauerat, postquam inimicus supereminauit zizania, dixerunt serui. Vis, imus, & colligimus ea? quibus illè respondit. Simite vtraque crescere. Super quæ verba ita scribit Hieron. Inter triticum, & lolium, quandiu herba est, & nondum culmus venit ad spicam, grandis similitudo est, & in discernendo, aut nulla, aut perdifficilis distantia. Præmonet ergo Dominus, ne vbi quid ambiguum est, citò sententiam proferamus, sed Deo iudici terminum referuamus.

Es t autem adeò periculosum de alienis rebus iudicium, vt non solum

Pa. in Epist. B. Iacobi Apost.

○○○○. ob.

Deu. 22.

Mat. 23.

ob id rigorosum Dei iudicium incurramus, sed insuper, quia sæpe falli opprobrium prudenti viro sit. Sic enim loquutus est Dauid. *Ampara opprobrium meum, quod suspicatus sum*: quis verò est, qui suum proprium opprobrium suspicetur, & nō magis agnoscat? quia ea, quæ hominis sunt, spiritus hominis optimè nouit, proindèque suspicari potest alienum, nō verò suum, quod ipse agnoscat. Huius igitur loci expositionem deducit August. ibi, Concione 12. ex eo, quod Propheta addit, *quia iudicia tua incunda*, id est, iudicia tua vera. Hominum iudicia, inquit Aug. de occultis hominum, non suauius, quia temeraria, & ideo suum dixit opprobrium, quod de aliis suspicatus est, hoc opprobrium suum petebat auferri, vt non esset diabolo similis; qui de occultis sancti Iob suspicatus est, quod non gratis Deum coleret. Inuentum est autem falsum iudicium diaboli, & opprobrio plenum, dum temerè iudicauit.

Est etiam opprobrio plenum humanum iudicium propter varietatem in iudicando, quia hodie rectè iudicat, & sentit de alio homine: nunc verò iudicat eundem iniquum omnino esse idque ex falso fundamento, quia iudicauit sine præuia exacta cognitione: qua in re à vero Dei iudicio semper idem de qualibet re iudicante, longè abest, quod dixit Paulus. *Alius iudicat diem inter diem; alius autem iudicat omnem diem*. Quæ verba exposuit August. lib. propositionum huius Epistolæ in hunc modum. Alius iudicat diem inter diem, nempe homo, quia quem hodie iustum laudauerit, cras inuenit deprauatum; alius verò iudicat omnem diem, quia non solum qualis quis hodie sit, sed etiam qualis omni die futurus sit, nouit. Hæc August. Opprobrio igitur, & iniuriæ se exponit qui de alio temerè iudicat, cū pro diebus, imò & horis iudicium debeat mutare, & inuerrere.

Est insuper & iniuriosum iudicium temerarium aduersus fratres, quia deprauatum omnino indicat animum iudicantis prauè, iuxta illud Ecclesiast. 10. *In via stulti ne ambules, cum ipse insipiens sit, omnes stultos estimat*: quod sic exponit Carthus. cum Seneca, post Climachum, atque Cassianum. Omnis affectus habet, vt in quo ipse insanit, omnes furere putet. Sic malus Vagao malè de sancta & casta Iudith iudicabat: sic de Jacob iudicabat Labā, quod idola sua esset furatus. Sic fratres, seu affines Christi, quia gloriam captabant, Christum eodem vitio laborare arbitrati sunt; ideòque hortabantur, vt se in Iudzam conferret, mundòque ostenderet, ac signa palam faceret. Sic Neroni persuasum fuit, neminem esse pudicum, aut vlla sui corporis parte purum, vt ait Suetonius in eius vita c. 29. Sic Lutherus, similisque grex non credit seruari continentiam à Religiosis. Qualis denique quisque est, tales & alios iudicat, & probat, vt ait Philosophus 3. Polit. c. 6. Qui ergo malè de aliis iudicat, proprium affectum malum indicat & probat. Quod prosequitur Aug. Concione 12. in Psalm. 118.

Non est igitur temerè de fratribus iudicandum, vt monet Iacobus: sed audiendus & imitandus Ber. qui Serm. 40. in Cant. ita habet. Caue alienæ conuersationis esse, aut curiosus explorator, aut temerarius iudex, & si perperam actum quid deprehendas; nec sic iudices proximum, magis autem excusa

excusa intentionem, si opus non potes. Puta igitur ignorantiam, puta surreptionem, puta casum, quod si omnem omnino dissimulationem rei certitudo recuset, laudetur nihilominus ipse tibi, & dicito apud temetipsum, vehemens nimis fuit tentatio: quid de me illa fecisset, si accepisset in me similiter potestatem?

VOLUIT David accusare virum, qui ouem abstulerat pauperi, ut conuiuium hospiti exhiberet, & quia alienum peccatum illud putauit, vide qualiter in illud sæuiat, sicut eleganter notauit Chrysost. hom. 1. in Ps. 50. *Vini Dominus, quoniam filius mortis est qui fecit hoc; ouem reddet in quadruplum, & ipse gladio punietur.* O Iudicis, inquit Chrysost. supereffluentem iustitiam! Iubet quidem in quadruplum secundum legem restitui. Lex enim præcipit *Exod. 21.* furantem quadruplici restitutione vinciri. Iste autem & legem est prætergressus, iubet quippe & ipsum interimi, & in quadruplum obnoxium detineri promisit. Vide iudicium eliminatum: vide sententiam supereffluentem, quia existimauit alium iudicare. Vbi verò se præuicantem audiuit, ad confessionem confugit confusus, & dixit, peccaui. Multi de aliis sanè tacerent, nec sententiam tam citò proferrent, si se prius iudicarent, &c.

§. III.

Nullatenus diuina lex parui facienda, sed præ oculis habenda.

DEINDE hic locus facit cōtra eos, qui diuinam legem & præcepta Dei parui pendunt, cum ipse voluerit ea maxime seruanda, & colenda. Quod ostendit, cum in Deut. dixit. *Eruntque verba hæc, quæ præcipio tibi hodie in corde tuo, & ligabis ea quasi signum in manu tua, & mouebuntur ante oculos tuos.* Pagnin. vertit. *Erunt specilla, seu, ocularia inter oculos tuos.* Quæ verba ponderans Oleast ait. Vide quàm pulchrè, & rationabiliter voluerit te habere præcepta, veluti specilla super oculos: Qui enim per ocularia, seu specilla videt, quæcumque videt, mediis specillis videt, & talia qualis vitri color, sic statuit Deus, ut nihil videres ad concupiscendum, nec desiderares, nisi medio præceptorum; & talia iudices, qualia tibi dixerint mandata. Et fortè ad hoc respexit David quando dixit. *Tunc non confundar, cum perspexero in omnibus mandatis tuis.* *Psalm. 118.*

Hoc etiam notauit Hierony. explicans ea verba. *Serua mandata mea, & vives: & legem meam, quasi pupillam oculi tui.* Tam sollicitè, inquit, serua quæ doceo, quasi nihil rectè sine his aspicere valeas; liga ea in digitis tuis: scribe illa in tabulis cordis tui, in digitis, in actibus, dicite in tabulis, in latitudine cogitationis: eaque cura & diligentia mandata sua seruari vult, ut nihil ultra nobis curæ esse velit, sicut probat Ambr. lib. 7. in c. 10. Luc. cum ponderat ea verba Christi. *Neminem per viam salutaueritis.* Fortasse, inquit, hoc durum & superbum, nec mansueti & humilis Domini præcepto conuenire videtur. Rationem verò reddens ait; Non salutationis officium, ac sedu-

OOO 2 litas

litas aufertur: sed obstaculum impediendæ deuotionis aboletur, vt quando diuina mandantur, paulisper sequestrentur humana. Pulchra est saluatio, sed pulchrior, quo maturior exequutio diuinorum, quæ per moram sæpe traxit offensam. Cum enim gloriam suam alteri non det, & in nulla alia re propriam supremi Domini gloriam plus manifestet, quam in obseruatione mandatorum ipsius; inde est, quodd actius in transgressores sæuiat, & durius in contemptores diuinæ legis animaduertat.

IL LV D primum probat D. Hieronym. epist. 14. ad Celant. ex cap. Matth. 7. 7. Matthæi; vbi Christus Dominus fatetur, se non agnoscere eos, qui eius voluntatem non faciūt, quantumuis Dominum ipsum multoties appellent. Et ex Malachia. *Si ego Dominus, vbi est timor meus?* Ex quo apparet, inquit D. Hieronym. nec honorari ab eis Dominum, nec timeri, qui eius præcepta non faciunt: quid tam superbum, quid tam iniquum & ingratum videri potest, quam aduersus eius viuere voluntatem, à quo 1. Cor. 5. ipsum viuere acceperis. Hoc à nobis, & vox Christi, & sanguis efflagitat, qui ideo pro omnibus mortuus, vt qui viuunt, iam non sibi viuunt, sed ei, qui pro ipsis mortuus est. Viuere autem illi, non est aliud, quam eius præcepta seruare.

SECUNDVM verò probat Hierony. ex verbis illis Nahum. *Renelabo pendenda tua in faciem tuam.* vbi Septuag. habent. *Renelabo posteriora tua in facie tua.* i. præcepta mea, atque sermones, quos proiecasti post tergum tuum. Ponam te, ait Hierony. in exemplum, vt similitudo, formidatæ poenæ similitudinem prohibeat delinquendi. Iam verò illud suppliciū, quod in memoriam, Deut. 33. & ad terrorem incutitur, atrocissimum esse solet, vt notauit Theod. q. 37. in Gen. Tale utique erit, quod infligetur contemptoribus diuinæ legis, quæ propterea ignea appellatur.

Hoc denique possumus deducere ex supplicio, quod Christus Dominus comminatus est Petro recusanti pedum lotionem, quod ipse humili animo faciebat, existimans dedecere Dominum, cui cæli cælorum scabellum pedum sunt, immundos hominum pedes tam humili obsequio lauare. Si non lauerote, non habebis partem mecum.

QUI D ergo fiet iis, qui aperte detrahunt legi diuinæ, eiusque contemptores manifesti sunt? Proinde Basil. lib. Moral. sent. ex hoc dicto Christi Dom. colligit, quodd omnis, qui iussis diuinis aduersatur, licet id amico & pio animo faciat, is tamen ob eam causam abalienatur à Domino: & quodd quicquid à Domino dicatur, id summa cum animi expletione debemus suscipere; alioqui is contra legem operatur, & Deum afficit contumelia, vt ostendit idem Basil. in Regul. breuiorib. responsione 4. & 149. Qui enim præuaricatur legem, eam contemnit; talis verò contemptus in eum committitur, qui est author & institutor legis: quod voluit Iacobus, cum ait. *Qui detrahit legi, indicat legem, & non est factor legis, sed Index.*

Verf. 12. *Vnus est legislator, & Iudex, qui potest perdere, & liberare. Tu autem quis es, qui iudicas proximum?*

EXPOSITIO LITERALIS.

EMERITATEM arguit eius, qui proximū delectatur iudicare, sicut notauit Beda, proposita Dei iustitia, & potestate, quia solus Deus potest propria auctoritate legem condere, & iudicium ferre. Vnde Isai. ait. *Dominus iudex noster, Dominus legislator noster.* Iob. *Ecce Deus excelsus in fortitudine, & nullus ei similis in legislatoribus.* Hic igitur vnicus & verus Dominus, & Iudex potest perdere. i. iuste condemnare non implentes, & liberare, i. misericorditer à peccato purgare, & ad salutem perducere. Dixit enim in Deut. *Ego occidam, & Ego viuere faciam.* & alibi. *Dominus mortificat, & viuificat, deducit ad inferos, & reducit.* Sic Tobias dicebat. *Tu flagellas, & saluas, deducis ad inferos, & reducis.* 11. ai. 33.
Iob. 36.
Deut. 32
1 Reg. 2.
Tob. 13.

VEL potest liberare legis factores, vt aduertit Glossa, & Lyran. & est sensus priorum verborum. Cur tibi arrogas quod solius Dei est? Ne timeas quodd quicquam sinat inultum, nouit ille, quid, quatenus, & quando sit puniendum, qui solus sine peccato est, solius eius est, impios pro sceleribus grauioribus gehennæ flammis adiudicare. Pios autem gloria, & honore coronare, quod tandem aliquando pro certo facturus est, vnde nō iudices alienum seruum, qui domino suo stat, aut cadit, id est, quicquid seruus facit, vt seruus est, siue malè, siue bene faciat, in utilitatem, aut damnum domini cadit Vnde & domini erit opera serui probare, aut reprobare.

ARGUMENTATUR deinde secunda parte nostri textus contra temerè iudicantes à communi omnium hominum miseria. Tu quis es, qui iudicas proximum? forsitan, inquit Glossa, nequior es ipso, & tu ipse in maiora potes precipitari peccata, & iste potest surgere ad bona.

VEL etiam: Tu quis es, qui iudicas, cum omnes simus presentandi ante tribunal Christi, & vnusquisque pro se rationem redditurus? Par verò in parem non habet imperium, vt hic aduertit D. Thom. Vnde & D. Isidor. quem affert: Non detrahas peccanti, sed condole, quod in alio detrahis, in te potius pertimesce. Vnde D. Damascen. lib. 1. Paralell. c. 66. ex presentibus Iacobi verbis probat, vnumquemque studere debere, vt seipsum noscat, si-bique attendat, nec aliena curiosè inquirere. Additq; illud Deut. *Custodi se-Deut. 41*
ipsum, & animam tuam sollicitè; subiicit & hæc Basilij verba: Desine aliorum mala inquirere, ne committas, vt cogitationibus tuis alienum morbum examinari vacet. Et Hieron. epist. ad Celant. Nulli vnquam omnino detrahas, nec aliorum vituperatione te laudabilem ostendere velis, magisque vitam tuam ordinare discere, quam alienam carpere, semper Scripturæ memor esto. *Noli diligere detrahere, ne eradiceris.* Sic Nazianzen. in tetrast. Ne aliis mederi tentemus, cum ipsi vlcibus scateamus.

OOOo 3 Nos

N o s quia plura hac de re superiori textu, post alia multa iam diximus, aliud properamus, interim tamen aduertimus cum nouioribus expositioribus, præsentem locum non esse sic intelligendum, quasi non liceat Prælati, Primatibus, ac Iudicibus iudicare subditos suos: habent enim Magistratus, tum Ecclesiastici, tum ciuiles sua fora, suas leges, & inquirendi, absoluedi, damnandique rationes, quibus Deus minimè contradicit, imò eas reuelauit, & probauit, quando & Aaronem Synagoga, & Petrum Ecclesiæ suæ præfecit, & Iosue, Iudices, & Reges constituit. Et Paulus. *Omnis anima potestatibus sublimioribus subdita sit*; qui locus communiter à Patribus intelligitur de potestatibus sæcularibus, vt videre est apud Basil. de Constitutionibus Monast. c. 23. Aug. epist. 54. Chrysost. & grauiores interpretes.

INDE verò efficax deducit argumentum D. Basil. loco cit. ad confirmandam obedientiam exhibendam potestatibus Ecclesiasticis, cuius hæc sunt verba. Quàm magna ea obedientia sit, qua erga Antistites suos religionis veræ præstare cultores debent, eiusque magnitudinem non aliunde explicare adnitur, quàm ex sacrosanctæ Scripturæ autoritate omnibus illi subiecti sint potestatibus, inquit Paulus; mundi, non spiritualibus. Si igitur qui mundo huic præfunt, & ex lege humana illam imperandi potestatem habuerunt, iis diuina lex pietatis cultores tantopere voluit esse subiectos, & quod maius est, quorū vita, tota tunc erat impietas, quàm magna tandè ei à pietatis cultore præstada obediētia est, qui à Deo cōstitutus præses est: præsertim cū apertissimè Apostolus iubeat omni in re parēdū esse spiritualibus præpositis. *Obedite enim, inquit, præpositis vestris, & subiecti estote eis.* Sic Basil.

VNDÈ non audiendi Chemnitius, Calvinus, & cæteri hæretici, qui ex præsentī Iacobi loco deducūt, neminem legibus Ecclesiasticis astringi, neminem leges condere posse, quibus obligentur cōscientiæ hominū baptizatorum, neminem insuper peccare, etiamsi data opera leges humanas politicas, Ecclesiasticasue contemnat. Nam tametsi vnus & solus sit Legislator, qui cunctas leges inspiret, atque confirmet, cūctos sibi subiiciat, & deuinciat, & quoscumque tandem secundum leges suas iudicaturus sit in iustitia & æquitate, quod hic docet Iacobus: non vult tamen negare Pontifices, Reges, & Magistratus ab ipso tanquam vicarios inter homines esse constitutos. Est enim apertissimum testimonium Deut. *Qui superbiebis, nolens obedire Sacerdotis imperio, morietur homo ille.* Et Prouerb. *Per me Reges regnant, & legum conditores iusta decernunt; per me Principes imperant, & potentes decernunt iustitiam.* Et Luc. *Qui vos spernit, me spernit, &c.* Qua de re videndus Cardinalis Bellarm. lib. 4. de Romano Pontif. c. 17. & lib. 3. c. 20.

Verf. 13. *Ecce nunc qui dicitis: Hodie, aut crastino ibimus in illam ciuitatem, & faciemus ibi quidem annum, & mercabimur, & lucrum faciemus.*

Verf. 14. *Qui ignoratis quid erit in crastino.*

EXPOSIT

EXPOSITIO LITERALIS.



SUPTA occasione à temerariè iudicantibus, increpat his similes, qui temerè, & præsumptuosè contempta Dei prouidentia, ex qua omnia pendent, nec considerata fragilitate humanæ vitæ, longam sibi vitæ seriem promittentes promittunt se plurima facturos, cum omnino sint incerti, quid die postero futurum sit.

SIMILIS infania narratur apud Lucam de diuite avaro. *Anima habes Luc. 12. multa bona posita in annos plurimos, requiesce, comede, bibe, epulare. Dixit autem illi Deus. Stulte, hac nocte animam tuam repeiem à te.* Sic etiam hoc loco Glossa. Stulta leuitate animi vitæ spatium proponentes instat illius, qui sibi plurimos promittebat annos, sed promissis non stetit, ne quidem diem vnum post promissionem vixit, videlicet & ex alieno, & temerè promisit. Aug. hom. 48. O cæcitas auari, vna nox ei superabat, & de multorum annorum vita cogitabat, nox ei vitam fugabat, & de crastino cogitabat!

SIMILIS item infania ea est, quæ habetur in Ecclesiast. *Inueni requiem Eccl. 1. mihi, nunc manducabo de bonis meis solum, & nescis quòd tempus præterit, & mors appropinquat, & relinques omnia aliis, & morietur.* Soli enim Deo præparantur cogitationes, hoc est, firmantur, & stabiliuntur. Estque proprium Dei beneficium, quòd ante decernas rem, ait Eliphas, & veniet tibi. Vbi D. Thomas. Ordinationis per tuam prouidentiam futurum aliquid, &c. Vnde Aug. illud Iob, *Ecce inter sanctos eius nemo immutabilis; exponit; In sanctis eius non est fides, propter incerta temporum, quibus plerumque falluntur, vt multa dicant, & non faciant.*

ECCE nunc qui dicitis, alij legunt, *Age, id est, errorem vestrum modò aduertite vos, qui dicitis.* Gloss. Ecce aliud iudicium, falsum scilicet, de hodie, aut crastino; cum homo nesciat diem, aut horam, nesciatque finem suum, *Ibimus in illam ciuitatem, nullam mentionem diuini adiutorij facientes, cum in ipso viuamus, moueamur, & simus.*

ET faciemus quidem annum, id est, commorabimur ibi. Et ideo Vatabl. *Trāfigemus ibi vnum annum: & mercabimur, & lucrum faciemus.* Multimodam, inquit Gloss. eorum stultitiam notat, qui non habentes certitudinem vitæ; cupiditate temporalium vitam, & lucrum promittunt sibi in futurum. Multo melius Hieremias. *Scio Domine, quia non est hominis via eius, nec viri est, vt ambulat, & dirigat gressus suos.* Et alibi in Scriptura dicitur. *Ne gloriaris in crastinum, nescis enim quid supernentura parias dies.*

§. I.

Incertitudo, & fallacia præsentis vitæ.

ILLUD hoc in loco primò notandum occurrit, incertitudo scilicet præsentis vitæ, qualiterque decipiantur ii, qui sibi aliquam certam ac determinatam moram, quæcumque illa sit, promittunt. Vnde David. *Dem*
viam

- Psal. 55.** *vitam meam annuntiaui tibi. vbi Brixian. & Vatabl. legunt. Fugas meas numeratas habes.* Videturque sumpta metaphora à fugitiuis seruis, quorum dominus nunquam, nusquamque securus est. Quacumque enim hora potest seruus domo abscedere, fugamque arripere: sic & vita non incerta solum, veluti seruus fugitiuus, sed ipsa incertitudo ad modum fugæ est. Vnde Iob.
- Iob 7.** *Militia est vita hominis.* Ambros. Serm. 42. & alibi sæpe legit. *Piraterium est vita hominis.* Sicut enim illi non consistunt in certo aliquo loco, sic nec vita, &c. Et iterum. *Nihil sunt dies mei.* Vox Hebr. significat *uarietatem*, à radice *Habal*, id est, *euanesce*, quod rectè exprimit vitæ incertitudinem, quæ
- Iob. 7.**
- Psal. 38.** *cum videtur teneri, veluti è manibus oculisque euanescit.* Et David. *Verruina in imagine pertransit homo.* Ibi Caietan. aduertit, hominem non in veritate, sed in figura, & imagine versari.

HANC vitæ nostræ incertitudinem prosequutus est Aug. Serm. 1. de verbis Domini, dicens Tempus cuique nostrum proximum est, quia mortales sumus, inter casus ambulamus; si vitrei essemus, minus casus timeremus. Quid fragilius vase vitreo, & tamen seruetur, & durat per sæcula? Et si enim casus vas vitreo timetur, senectus, & febris nō timeatur: nos ergo fragilliores, & infirmiores sumus, quia & casus omnes, qui non cessant in rebus humanis, fragilitate vtique nostra, quotidie formidamus, & si ipsi casus non accedant, tēpus ambulat, vitat homo icū, nūquid vitat exitiū, nūquid vitat quæ extrinsecus eueniunt? nūquid quod intus nascitur, pellitur?

PROBAT hoc ipsum D. Ambros. lib. 2. de vocatione Gent. c. 8. optima & efficaci ratione, dicens. De immaturitate mortis non est ratio conquerendi, cum semel in naturam nostram per peccatum ingressa mortalitas, obnoxium sibi omnem vitæ nostræ fecerit diem. Esset enim quodammodo immortalis homo, si esset tempus, intra quod mori omnino non posset, sed nunquam corruptio ita incorruptionis est particeps, vt non semper obnoxium sit defectioni, quod debetur occasui. Cum ergo ipsam corruptionem, nobiscum portemus, quando certi esse possumus de tam incerta vita?

MIRABITUR fortassis quis, cur Christus Dom. ingressus nauculam, mare permiserit turbari, ipsamque nauculā penē fluctibus operiri, eoque rem deuenire, vt Discipuli clamantes excitauerint dormientem Dominum dicentes, *Domine, salua nos, perimus.* Existimarunt Apostoli secum portare in naui viuam vitam, Christum scilicet, securusque de vita, & secundis ventis nauigare posse, quia in portu nauigabant; sed hanc certitudinem in incerta vita minimè passus est Christus, qui nos paratos semper voluit esse. Notauit hoc Ambros. in Psalm. 43. In naui, inquit ille, dormiebat Christus corpore, sed virtute vigilabat; Discipulos verò remissos, & negligentes esse non passus est, quasi de Domini præsentia, & fauore securos, somno corporis sese compoluit.

Iac. 18.

OPTIME proinde Cypria. deludens stultitiam auari sibi longam vitam promittentis, ait Serm. de lapsis: Lætabatur stultus in fructibus ipsa nocte moriturus, & cui vita iam deerat, abundantiam cogitabat. Similia habet Basiliius libro, cui titulum fecit, *Admonitio ad filium spirituales*. vbi inter alia

alia ait. Non omnes in senectute priuabuntur hac luce, sed in diuersis ætatibus de hoc mundo migrabunt, semper ante oculos tuos versetur ultimus dies. Cum enim diluculo surrexeris, ad vesperum te ambigas peruenire, & cum in lectulo ad quiescendum membra tua posueris, noli confidere de lucis aduentu. Et D. Hieron. ad Marcellam. Sumus in senectute mundi, & vniuscuiusque ætas in senium fertur: quare de discessu, & ratione supremo Iudici reddenda solliciti simus, senectutem hominis deprehendimus cum incipit delirare. Sic ex iis, quæ videmus mundi deliramentis, facile illius senium experimur.

Et August. in speculo peccatoris explicans illa verba Deuteron. *Vitam sapienter, & intelligenter, ac nouissima prouiderent.* Vult Deus, vt scias vitam præsentem fugitiuam vniuersæ vanitati subiectam, in breui perituram, vtinam nouissima homines prouiderent contra sterilitatem futuram, sicut Ioseph. Sapientis non tam cuiuslibet rei principium prospicere, quàm finem, exitumque prouidere. Videndus pro hac re Bernard. Serm. de fallacia præsentis vitæ.

Dist. 32.

DYBIVS cuiusque nostrum finis, quia vitæ nostræ præsens tantummodo nunc, & instans habemus. Nam quod præterit, iam non est, quod futurum est, præterquam quod nondum aduenit, quis certò nouit nos ad id peruenturos? Insapientia proinde dementissima est, sic iudicare de futura vita, quasi de re certa, & dicere. *Hodie, aut crastino ibimus in illam ciuitatem, & sciemus ibi annum.* De huiusmodi proinde hominibus intelligendum censet Greg. Illud Iob. *Euellatur de tabernaculo suo fiducia eius, & calcei super eum, quasi Rex, interitus.* Super quæ verba sic ait Gregor. 14. Moral. c. 8. Fiducia eius euellitur, quando peruersus quisque, qui multa sibi ad votum in hac vita parauerat, repentina morte dissipatur, & calceat super eum, quasi Rex, interitus, quado mortis suæ tempore per hoc, quod ad supplicium trahitur, potestati daemonis subiugatur. Et cum his securè de vita promittentibus sibi, videtur loquutus Paulus, cum ait. *Cum dixerint, est securitas, tunc repentinus eis superuenit interitus, sicut in diebus Noë, &c.* Et Dauid. *Subito defecerunt, & perierunt propter iniquitatem suam.* Et Amos. *Occidet Sol in meridie, & tenebre faciam terram in die luminis.*

1. Thes. 5.
Psal. 71.
Amos. 8.

Quod si huius vitæ incertitudinis rationem quis cognoscere velit, cā reddit Hilar. in c. 25. Matth. dicens. Diei ignoratio intētam sollicitudinem suspensæ expectationis exagitat; voluit enim nos semper paratos, qui nobis certam mortem asseruit, & eius horam semper incertam. Qua de re videndas Hieron. lib. 6. in lamentation. & epist. ad Cyprian. Chrysost. in imperfecto. hom. 3. & hom. 9. in epist. ad Thessal. & Plutar. de consolatione ad Apollonium dixit. *Existimo nobis terminum vitæ præstitutum esse ignotum, nam si prænoscamus, multi profecto immaturis luctibus conabescerent.*

EXTREMA verò miseræ est, tūc à Deo vocari, & repeti animā, cum illa secura de exitu longam sibi promittebat vitā, futuros metiebatur annos, eosdēque diuersis adaptabat actionibus, & muneribus, sicut notauit

Petr. in Epist. B. Iacobi.

P P P P

Hic-

- Psal. 89* Hieron. epist. ad Cypr. ubi exponens ea verba *Psal. Dexteram tuam sic notam fac, & erudios corde in sapientia*. Aquila, inquit ille, Symmachus, & quinta editio sic verterunt. *Dies nostros sic ostende, ut veniamus corde sapienti*: nihil enim ita decipit humanum genus, quam quodd, dum ignorant spatia vitæ suæ, longiorem sibi sæculi huius possessionem repromittunt. Hoc est quod David in alio loco precatur dicens. *Ne auferas me in dimidio dierum meorum, priusquam abeam, & non subsistam*; quod sic exponitur. Ne eo tempore facias me mori, quando adhuc putabam me victurum; est enim satis periculosum, tunc vocari ad iudicium, quando homo iudicabat se diu victurum, nec dispositas habet rationes suas in iudicium.
- Psal. 38*

§. II.

Contra eos, qui conquirendis diuitiis omnibus modis incumbunt.

- I**LLO s etiam carpit Apostolus, qui totas horas, curasque impendunt in coaceruandis bonis sæculi, nihil omnino cogitantes de futuris, & æternæ vitæ diuitiis, quibus rectè accommodat Hieron. epist. ad Herontiam, illud quod de Megarensibus illo tempore circumferebatur: ædificant quasi semper victuri; viuunt, quasi altera die morituri; ædificant enim non solum in sanguinibus peccatorum, sed etiam pauperum, quos occidunt, & spoliant, destruuntque horrea, ut ampliora faciant, eadēque implere conantur fructibus in annos multos. Viuunt verò tanquam mox morituri ad modum illorum, qui dicebant. *Comedamus, & bibamus, cras enim moriemur*.
- 1. Cor. 16* Cum tamen vita ad sola bona spiritualia promerenda, à Deo nobis sit concessa.

- HÆC fuit ratio, cur Deus sententiam reuocauerit circa mortem Ezechie, cui Isaias dixerat. *Morieris tu, & non viues*. Namque cum Ezechias Deo retulerit, qualiter vitam gesserit: *Memento, quæso, quomodo ambulauerim coram te in corde perfecto, & quod placitum est coram te, fecerim*; statim ei addidit quindecim annos, indignum reputans eam auferre vitam, quæ in proprio munere transigebatur. Vnde David. *Retribue seruo tuo, visita me, & custodiam sermones tuos*: ubi aliqui ex Hebræis vertunt; *Retribue seruo tuo, ut viuam, & custodiam sermones tuos*, seu, *verbum tuum*: quasi ad hoc ipse tantum vitam exoptauerit, ut scilicet legem Dei custodiret.
- 4. Reg. 20*

Quod insuper probat Chrys. & alij expostores ex ea loquutione Christi Domini Ioan. 9. ubi vitam diem appellat, & tempus operandi, sumpta metaphora ab opportuno tempore operandi apud homines, qui in die operari solent, nocte cessant, quiescunt, & vacant ab opere. Vnde Bernard. Serm. 5. in Vigil. Natiuit. exponens ea verba. *Sanctificamini hodie, & estote parati, die enim crastina videbitis maiestatem Dei in vobis*; ait. Sanctificari hodie iubet; nam crastina nec in sanctificatione erit, nec in præparatione, sed in visione maiestatis: hodie iustitia colitur, cras respondebit, hodie exercetur,

cetur, cras fructificabit, alioqui quod non seminauerit homo, non metet, nec tunc videbit maiestatem qui contempserit interim sanctitatem, nec illucescet ei dies crastina, cui non luxerit hodierna. Similiâque habet Chrysof. homil. 57. in Ioan. Tempus dedit vobis Deus, vt pietatem coleretis, vt rectè viuendi arte erudiremini: cur incassum, & inuuliter hoc tempus consumitis?

EST autem intolerabilis prorsus infania vitam insumere in lucrandis bonis, & cumulandis diuitiis, cum breui vitæ pauca sufficiant, dum nobis iter est ad æternas mansiones. Quod dixit Greg. hom. 32. in Euang. his verbis. Incassum multa portantur, cum iuxta est, quod itur: Cursum suum quisque consideret, & agnoscat sibi posse sufficere parua, quæ habet. Et August. in Psal. 34. Tota ista vita, & omnia, quibus vteris, in ea sic tibi debent esse, tanquam stabulum viatori, non tanquam domus habitatori; memento peregrisse te aliquid, restare aliquid, diuertisse te ad refectiorem, non ad defectionem.

Hoc argumentum eleganter prosequitur Ephrem Orat. de morte Abraham, inquit: in viuis existens cum extraneis, tanquam peregrinus, & accola quidam habitabat, neque pedis vestigium propriæ terræ possedit, ad sepulturam saltem propriam sibi ipse terram, quæ eius corpus susciperet, comparauit. Longè itaque ad vitam degendam est beatius, non affixum esse in rebus, quæ sunt in terra, veluti propriis, nec hanc quasi naturalem complecti patriam, sed in hoc vitæ statu, tanquam ex condemnatione aliqua simus grauati, perseuerare; non secus ac si à Iudicibus quibusdam ob certa facinora in exilium pulsi hinc exulare iussi essemus. Quibus verbis videtur meminisse eiectionis primi parentis, ab statu felicitis vitæ, & à terrestri Paradiso in vniuersam miseramque orbis plagam. Et Scr. ad animam negligentem. Paratus esto, atque ad iter expedire, noli te onerare superfluis: hyems propè est, occupare festina tectum illud, quod nos quoque persequimur per gratiam Christi.

CONSIDERANS verò turbulentam procellarum nubem præsentis vitæ Nazian. vbi cuiusque nostrum nauis periclitatur conteri, ait Orat. 27. Nauem paululum exonera, vt leuius nauiges. In profundum etenim facilimò negotio demergentur, qui conquirendis mercibus, & onerosis lucris iugiter incumbunt.

CU M ergo hoc loco reprehendantur ij, qui se totos lucro dedunt, & quorum cura, & cogitatio in eo versatur, illud iam inde infertur, qui prudenter se habere voluerit, id tantum debere curare, vt lucrum circa talenta Domini conquirat, & in eo perpetuò meditetur: quo sensu recipimus eam infanorum existimationem, vitam, scilicet, nostram esse rationem sap. 15. compositam ad lucrum. Quod dixit etiam Nazianz. in sententiis. Mercatum, hæc vitam existima: si negotiatus fueris, quæstum facies, ratione cuius possis Domino dicere. Ecce alia quinque superlucratum sum: quod etiam monuit Christus. *Negotiamini, dum veni*; & præscripsit Ambros. Sermon. 30. dicens. *Emat sibi innocentiam qui sibi emerat aliquando peccatum.* Multa hac Luc. 19.
Mat. 25.

PPPp 2 de

de re habes apud Chrysost. in imperf. hom. 38.

Et etiam hic locus contra negotiatores, & mercaturam exercentes, de
eccles. 26 quibus sapiens Siracides ait. *Difficile exiit negotians à negligentia: ubi alij*
vertunt, à deceptione; Græcè verò habetur, à delicto. Et iterum: *inter medium*
emtionis, & venditionis angustiaitur peccator; qui quidem pecuniam, velut De-
o, c. 12. um, habent; sicut videtur dixisse Ose. *Diues effectus sum: inveni idoli mihi.* Vnde
 Bas. hom. 21. in varia loca Scripturæ loquens de Iuda proditore, ait. Deū ve-
 rum vendidit, propter Deum falsum, pecuniā scilicet, quam adorabat, quā
 ideo retulit, impia pœnitentia ductus ad templum, & non ad sterquilini-
 um, quia magni eam ponderabat, nimirum talibus semper Diis templum
 suum deuouerat, sicut notauit Adragonicus Episcopus Hostiensis.

QUO A verò semper est illis in animo, idolum pecuniæ adorare, ipsam
Iob 24. qualibet in re considerant, vnde apud Iob dicitur. *Vigilantes ad prædium præ-*
parans panem liberis; ubi Pagnin. vertit, *à deserto est sibi panis.* Ab ipsis namque
 lapidibus, inculcis, desertisque locis pecuniam sibi eliciunt. Ideoque Ti-
 gurina ait, *desertum panem profert.* Vnde Ambros. Ser. 81. Vfuræ arte nequissi-
 ma, ex ipso auro aurum nascitur. Cum enim terra, quæ profert aurū, ste-
 rilis prorsus sit, ipsi fructiferam terram rubram, aurum scilicet, reddūt per
 summam impietatem, & nequitiam.

DE hi, meritis conqueritur Baruch cū ait. *Non est finis acquisitionis eo-*
rum, qui argentum fabricant, & solliciti sunt. Argētum autem fabricare dicit, non
Baruch. 3 solum eos, qui argentum conflant, sed eos, qui pecuniam quibuscumque modis,
 quibuscumque artibus corradunt, quæ adeo subtilis rationes excogitant inue-
 niendæ pecuniæ, ut eam excudere videantur: & ideo addit Propheta. *Nec*
est inuentio operum illorum, id est, ita ut non possint animo comprehendere opera
 illorum. Alij verò exponunt: non est finis operum illorum. Vnde D. Chry-
 sost. hom. 13. in 2. ad Corinth. Nullus pauper, inquit, tanta operatur mala
 propter indigentiam, quanta ditari volentes, ut plura habeant; non enim
 pauper necessaria sic desiderat, ut diues superflua.

Et Aug. Ser. 5. de Sanctis. Quotidie negotiatores de naufragio nudi
 euadunt, & iterum nauigant ad periculum; quotidie periclitantur homines
 propter diuitias conquirendas. Auarus dicit in corde suo, quod fortè non
 audet in lingua sua. Quis nos separabit de cupiditate auri? Tribulatio, an
 angustia, an persecutio: Possunt & auari dicere auro: Propter te occidimur
 quotidie. Et tract. 9. in 1. Ioan. O homo, qui laboras amādo auaritiam, cum
 labore amatur quod amas, sine labore amatur Deus, &c. Videndus hac de
 re Greg. 7. Moral. c. 8. & Seneca epist. 95. ubi ait. *Auarus nullo satiatur lu-*
cro, &c.

REMEDIUM autem efficacissimum ad abstractionem à rebus terrenis
Cant. 5. significat eadem sponsa, quæ quando à thalamo surrexit, manus myrrha
 delibuit, quæ symbolum mortis est, cuius recordatio abstrahit à sordibus
 terrestribus lucti: sicut & eiusdem obliuio homines inducit in huiusmodi
1. Tim. 6 accusationem. Inquam sentent. notandus est Paulus, cū ait. *Est autem*
 quæ

questus magnus pietas cum sufficientia; alij vertunt: *Est questus magnus pietas cum animo sua sorte contento*. Et Theophylact. explicans hunc locum Pauli. Est reuerat questus non quemadmodum illi arbitrantur, sed longe alia ratione, non de qua pecunias quis habuerit, sed si quia non habeat; sufficientia enim magnæ sunt stabilesque opes. Vnde Aufonius ex Biante. *Quis diues? qui nihil cupit: quis pauper? auarus.*

VIDENDVS est hac de re August. epist. 121. ad Probam c. 6. & Basil. in Moral. Reg. 48. c. 4. & Seneca lib. 19. epistolar. epist. 111. *Non est, inquit, quod te nimis laudes, si contempseris aureos lectos. Quæ est enim virtus superuacanea contemnere, præsertim hominem Philosophum? Tunc te admirare, cum contempseris necessaria. Non magnum, quod vinere sine Regio apparari possis, tunc te admirabor, si contempseris etiam sordidum panem.*

Et Plotinus Philosophus Ennead. 6. lib. 9. cap. 7. ait. *Oportet nos animam ab omnibus rebus externis separare, tanquam à sarcinis & obstaculis, ut possit à Deo illustrari. Sicut enim oportet materiam primam omnibus formis esse vacuum, ut ita figuræ omnium rerum possit recipere. Ita oportet animam hominis esse informem, ut à Deo informari commode possit.*

Verf. 15. *Quæ est enim vita vestra? Vapor est ad modicum parens, & deinceps exterminabitur pro eo, ut dicatis: Si Dominus voluerit. Et: Si vixerimus, faciemus hoc, aut illud.*

EXPOSITIO LITERALIS.



INTERROGAT igitur; *Quæ est vita vestra?* vbi notat Beda non dixisse, quæ est vita nostra; sed, quæ est vita vestra? Quia iusti, inquit, tunc veriùs viuere incipiunt, cum ad huius vitæ finem peruenierunt. Sed ratio interrogationis ea videtur esse, quia inuertit sermonem, & eos interrogat, qui tam certò de vita loquebantur. Respondet ergo. *Vapor est*, id est, tanquam vapor est.

EST autem vapor, halitus, siue spiratio calida, & humida, quæ ex humore aqueo prodit: qualem videre est ex aqua, quæ in olla subiecto igni effervesceat; & licet vapor, & exhalatio fumi speciem imitentur, tamen maiorem durationem adhuc habet exhalatio, quàm vapor, ut probant Philosophi in lib. Meteor. Proindeque *ad modicum dicitur parens*, id est, apparens, seu durans, & *deinceps exterminabitur*, id est, statim, siue paulo post deficiet: & sicut Baruch dixit. *Exterminati sum. Caëet. legendum dicit, evanesco*; & Barn. 3. ideo Vatabl. transtulit. *Vapor est, qui ad exiguum tempus apparet, & deinde evanescit.*

PR O eo ut dicatis: *Si Dominus voluerit, & si vixerimus*, id est, pro eo, quod dicere debuistis, vel, quod dicere debueritis, ut vertit Vatabl. *Si Dominus voluerit, sine cuius voluntate nihil fieri potest. Et: si vixerimus. Quam conditio-*

PPPp 3 nena

Quoniam 1. nem apposuit Angelus loquens Abraham de ortu Isaac. Si *vita comes fuerit*. Et 1. Cor. 4. Paulus Act. 15. Rom. 1. 1. Cor. 4. Philip. 2. *Reuertar ad vos si Dominus voluerit*, Philip. 1. *si mihi prosperum iter contingat per voluntatem Dei. Veniam ad vos, si Dominus voluerit. Confido autem in Domino, quoniam veniam ad vos cito*. Idem Paulus. *Obsecrans quomodo tandem aliquando prosperum iter habeam in voluntate Dei veniendi ad vos*. vbi notauit Theodoret. Paulum ea etiam, quæ ad tot hominum salutem pertinebant, Dei voluntati subdidisse.

Quæ etiam loquendi forma vsi sunt Gentiles. Si *Dij velim*. Cicero. 4. in Verrem. & Plaut. in Pænul. act. 4. scen. vltima. Et Cyrillus Alex. lib. 9. in Ioan. Voluntas, apparatusque animi nobis ad bene agendum semper inesse debet; viam autem potestatemque agendi, quam non habemus, temerarium est nobis attribuere.

NOTAVIT autem D. Thomas duplicem conditionem, quam assignauit Iacobus; quarum vna, & prima est ex parte Dei, scilicet, si Deus voluerit, sine cuius voluntate nihil fieri potest. Altera verò ex parte hominis, quam postponit præcedenti, quia pendet ex illa, scilicet, ex voluntate diuina.

§. I.

Ostenditur breuitas, & incertitudo vitæ.

IDigitur docet hic locus, quod multi alij Scripturæ, breuitatem scilicet vitæ. Nihil enim tam multis, totiesque inculcatum reperiemus, quam hoc. Multa verò comprehendit: Iob enim dies suæ vitæ velociores ait cursore, nauibus poma portantibus, seu voluntariis, quæ, scilicet, pro voluntate & desiderio nauigant, aquila volante ad escam: quæ quidem sunt in mari, terra, aëreque fugacissimæ res.

SE D quia posset quis dicere, cursorem non tantam celeritatem indicare, quia quandoque diuertit cursor, & requiescit. Vnde D. Chrysost. hom. de Adam, Sodomitis, &c. expendens hunc locum Iob, ait. Cursor interdum diuertit, sed cursus vitæ, cursor est non requiescens. Ideoque D. Hierony. epist. ad Heliodorum. Quotidie morimur, quotidie commutamur, & tamen æternos nos esse credimus. Hoc ipsum quod dicto, quod scribitur, &c. de vita mea tollitur: quot puncta notarij, tot meorum sunt damna temporum. Eleganter hoc prosequitur lib. 11. in c. 40. Isaïæ. Quibus habet similia Aug. 3. de Ciuit. c. 10. cum ait. Hæc vita, quam nos agimus, mors est potius dicenda, quam vita. Ex quo quisque in isto corpore morituro esse cæpit, nunquam in eo non agitur, vt mors veniat. Et tract. 22. in Ioan. atque lib. 1. confessionum ait, se nescire, vtrum hæc vita nostra appellanda potius sit vita mortalis, quam mors vitalis.

ET in Ps. 30. notauit id, quod dixit Dauid. *Accelera, vt eruas me*. Ad hoc, inquit, positum est, *accelera*, vt hoc torum, quod nobis videtur quandiu voluitur seculum, intelligas punctum esse. Et Greg. 3. Moral. c. 10. Quot dies
ætat

etatis homines accipiunt, quasi tot quotidie gressibus ad finem tendunt; quot augmenta viuendi percipiunt, diu viuendi spatia totidem perdūt. Momenta ergo temporum, quod sequuntur, fugiunt, quod accipiunt, amittūt.

VIDENDVS idem Greg. 25. Moral. c. 2. & Damasc. lib. 1. Paralel. c. 10. cūm ex hoc loco Iacobi multa dixerit de breuitate vitæ, assert tandem illud Basilij in Psalmum 1. Quemadmodum, qui in nauibus dormiunt, à vento ad portum sponte trahuntur, etiam ipsi minimè id sentiant: eodem modo nos quoque effluente vitæ nostræ tempore, quasi perpetuo motu ad suum quisque finem occulto cursu vrgemur. Videndus item Tertull. 4. contra Marci. c. 21. vbi pannos, quibus infans recenter natus inuoluitur, signare asserit inuolucra, quibus sepeliendus tegitur. Pannis, inquit ille, sepulture inuolucrum, initiatus: sic initium vitæ ipsius fini correspondet. Multaque hac de re habet Bern. Ser. 17. in Ps. *Qui habitas*. Amb. de vocatione Gent. c. 8. & de interpellatione c. 8. & Ser. 3. in Ps. 118. & eleganter Ouidius lib. 1. Metamorph.

Nostra quoque ipsorum semper, requiesque sine vlla

Copora vertuntur: nec quod fuimusque, sumusque,

Cras erimus. —

Plura hac de re habet Author adagiorum ad illud, *Homo, bulla*: & Seneca lib. de breuitate vitæ.

EANDEM significauit Dauid cūm dixit. *Anni nostri sicut aranea meditabuntur*. Vbi Hebr. habetur: *Anni nostri sicut loquela*, scilicet, quia breui finitur ac transit: & alibi. *Quoniam superuenit mansuetudo, & corripimur*; vbi alia versio (teste Hierony. epist. ad Cyprian) habet; *Quoniam transiimus cito, & auolauimus*. Symmachus: *Succidimur repente, & auolamus*. Et iterum: *In imagine pertransu homo*. Hebr. habetur. *In umbram pertransibit vir*. Et idem Propheta dicit. *Ecce mensurabiles posuisti dies meos*. vbi in Græco (teste Orig. hom. 1. in eūdem Psalm.) habetur, *pallestias*, quod significat mensuram quatuor digitorum. Origen. verò legit: *Ecce veteres posuisti dies meos*. Veteres enim res interitui quamproximæ sunt, & iamiam fini appropinquant. Et August. in Psalm. 89. notat ea verba. *Quæ pro nihilo habentur, eorum anni erunt*. Pro nihilo, inquit, habentur quæ antequam veniant, adhuc non sunt, cūm venerint, iam non erunt; non enim, vt adsint, veniunt, sed vt non sint.

NIHIL tamen sic exprimit breuitatem vitæ, quàm similitudo vaporis, qui in ipso ascensu deficit, nec ad supremam aëris regionem peruenit, breuique euanesceit. Quod fortè voluit significare Deus, cūm infundens animam efformato corpori humano, in halitu, & flatu eam infudit, vt videret quàm debili constaret vita, quàm & flatum appellauit Scriptura. Sic enim dixit Propheta ad impium Balthasarem. *Deum, qui habet, aium tuum*. i. vitam, *in manu sua non glorificasti*.

CVM ergo vita nostra vapor sit ad modicum patens, hoc nos incitare debuerat ad meliorem vitæ rationem sectandam, non vitiis indulgendum: sed illud potius euenit, quod meritò deplorat Ber. Serm. de nimia fallacia præsentis vitæ, his verbis. Vita nostra, vt multipliciter illudat, mutat faciē,

modò

modò enim se breuiorem esse causatur, modò simulat longiorem: cum peccare delectat, adhuc gemit altius pro breuitate sua, nec breuitas falsa, sed gemitus fallax. Ipsa denique vitæ memoria breuioris remedium magis, quàm incentiuum debuerat esse peccati. Quòd si vsque adeò delectat te seruare peccato, vt doleas tibi modicum tempus esse, quo seruias ei, & optes, si posses eam facere longiorem, velis, nolis, non longè est finis eius, sed tu, fateor, longe es à Regno Dei. Hæc Ber. Et Hierony. epist. 21. quæ est ad Paulam. Humanæ vitæ breuitas damnatio delictorum est, hoc quoque spatium sceleribus nostris semper contra diuinâ pugnantibus, penè perdidimus. Est autem maxima insania in breui vita, quæ ad modicum tanquam vapor paret, nunquam finiendos comparare dolores, & æterna acquirere tormenta. Sicut enim dixit Ambros. lib. 2. de Cain, & Abel. Ea pœna nihil grauius, quàm vt quis ipse sibi maiorum causa pœnarum sit.

Mat. 20. CVM verò brevis admodum sit vita nostra, tempus sufficiens, ac lōgum admodum est ad promerenda æterna bona. Quod voluit significare Christus Dom. in parabola de operariis, ex quibus vndecima venientes hora eundem receperunt denarium, quia tantum laborauerunt, quantum priores, priusque illud receperunt, quàm illi, quoniam hoc ipsum, quòd nempe breuioti tempore fuerant diligentiores, iam merebantur laudem. Vnde Ber. in sententiis ait, eum, qui pœnitentiam peccatorum aggreditur, totum præteritum, præsens, futurumque tempus possidere. Præteritum scil. quia deplorando & pœnitendo illud redimit, & acquirit. Vnde Paulus ad Ephes. 3. ait; *Redimemus tempus, quoniam dies mali sunt.* Et Ezechias; *Recogitabo tibi omnes annos meos.* Præsentis etiam temporis dominus est, iuxta illud Galat. 6. *Dum tempus habemus, operemur bonum.* Futurum denique tēpus obtinet per propositum permanendi vsque in finem in Dei obsequio. Nullum ergo, inquit Bern. tempus perdit quisquis rectè pœnitentiam agit.

QVOD etiam nobis ostendit crucifixus cum Christo latro, qui iam iam moribundus vitam promeruit, & dum memoriam in futuro postulat, statim responsonem æterni præmij audit eodem die accipiendi. Quod notauit Ambros. Ser. 8. in Pl. 1. 8. Id, quod futurum est vnus diei spatio, non patitur prolari, ne dilatione gratia minueretur. Tam celerem vtique promerebat gratiam tam tarda in fine vitæ conuersio.

Job. 4. Hoc etiam probat Salomon, vbi loquens de raptò iusto quàm citissimè è vita, sic ait. *Consummatus in breui, expleui tempora multa.* i. breui tempore attingit maturitatem virtutis, quam scilicet iuxta beneplacitum diuinæ præfinitionis debebat adimplere, ad quam alius, qui segnius se haberet, multos post annos deuenit. Quod mihi optimè explicat ea lectio, quam Fulgent. sequitur epist. 2. c. 4. *Repleuit tempora multa.* Quasi sit sensus: Ideo breui consummationem omnium virtutum est assequutus, quia repleuit multa tempora, quæ vacua alij præterire sinunt, dum in otio degunt, & nihil operantur. Et Seneca epist. 30. docet, esse positum bonum vitæ non in spatio eius, sed in vsu; posse fieri, imò sæpe fieri, vt qui diu vixit, parum vixerit.

I N E O

Id eo Clemens Alex. 6. Stromat. dixit, virum sapientem, & probum non plurimi facere ipsum viuere, sed bene viuere. Et Plut. in orat. consolator. ad Apollonium. *In summa omnia tibi in animo sunt voluenda, percensenti apud te, & apud alium sedulo non esse longissimam vitam optimam, sed honestissimam.* Et Senec. epist. 22. *Nemo quam bene viuit, sed quandiu, curat: cum omnibus possit contingere vt bene viuant, vt diu, nulli.* Et de breuitat. c. 10. ait. *Non accepimus breuem vitam, sed fecimus de omnibus. Ideoque & ille ostendit non breuitatem vite fuisse causam nostre damnationis, quæ etiam breuissima ad promerendam æternam est sufficientissima.* Ideo Nazianz. in sentent. Mercatum hanc vitam existima, quod si pundinarum tempus fluere sinas, nullum aliud es habiturus. Similia habet Bern. Serm. de triplici custodia.

NVLVS ergo temporis, ac vite breuitatem causetur, cum breuissimum sufficiat, & nos plurimum inutilibus rebus insumamus, quod ostendet vltimus dies vite, in quo de tota iudicabimur, qui & omnem vitam nostram iudicabit. Nam vt Plinius ait lib. 7. histor. c. 40. *Alius de alio iudicat dies, & tamen supremus de omnibus.* Ideoque & ille ostendit non breuitatem vite fuisse causam nostre damnationis, quæ etiam breuissima ad promerendam æternam est sufficientissima. Ideo Nazianz. in sentent. Mercatum hanc vitam existima, quod si pundinarum tempus fluere sinas, nullum aliud es habiturus. Similia habet Bern. Serm. de triplici custodia.

Verf. 16. *Nunc autem exultatis in superbis vestris: Omnis exultatio talis maligna est.*

EXPOSITIO LITERALIS.

ROSTQVAM Apostolus ostendit eorum nequitiam, qui sibi vitam & lucrum in vapore citissime euanescente promittebant, cum debuissent setotos diuinæ subicere voluntati, & fateri ab eadem omnia dependere. Inde insurgit contra eos, qui in incerto diuitiarum fidentes, superbiunt, & gloriantur, alios despectui habentes, & in gaudio & lætitiæ præ rerum affluentia degentes, cum tamē omnis hæc opia in miseriam sit tandem conuertenda: proindeque perniciofa omnino est talis iactantia.

NUNC autem, id est, tantum abest, vt Deo humiliter subiiciamini, vt potius exultatis gloriāmini, sicut Oecum. Vatab. & alij vertunt, *in superbis vestris.* Oecum. in arrogantibus vestris: & addit. Arrogantia, affectus est de rebus non subsistentibus. D. Thom. & Gloss. in diuitiis, quæ faciunt superbos. Vnde Aug. ibi relatus. Vermis diuitiarum superbia. Lyr. *Exultatis in superbis vestris.* Alij exponunt: gaudiū extrā ostenditis, quasi diuino adiutorio nō indigeatis.

OMNIS exultatio. Vatab. & alij: *gloriatio maligna est*, id est, malo igne ignita, vel concupiscentiæ, vel cupiditatis, ait D. Thom. & Gloss. exponit, quæ sit hæc exultatio, quæ scilicet est ad depressionem aliorum. *Maligna*, inquit Carthus. id est, vitiosa, & malæ libidinis igne accensa.

Pæz in Epist. B. Jacobi Apost.

QQQq 6. L

Contra eos, qui in diuitiis superbiunt, & exuliāt in rebus sæculi.

REFREHENDIT hoc loco Apostolus eos, qui in superbiis, id est, diuitiis exultant, quali vitam possint producere, cū tamen Christus Dominus dicat, quia *non in abundantia cuiusquam viua eius*, id est, non habet homo vitam certam si abundet, sicut sibi falsò persuadent qui student congregandis diuitiis. Et de impio dicit Iob, *Cum pax sit illi, insidias suspicatur*, in Hebr. est. *In pace prado, aut vastator veniet ei.* Septuag. *Cum putauerit se esse iam in pace, veniet eius subuersor.* Vnde Ambros. lib. de Naboth c. 6. Quis artifex vnum diem vitæ hominis potuit adiungere? quem diuitiæ eius ab inferis redemerunt, cuius ægritudinem pecunia mitigauit? *Non in abundantia*, ait Dominus, *viua eius.* Quid mihi profuit diuitiæ, si me à morte liberare, si mecum post mortem esse non possunt? Ita Ambros.

NEC mirum quodd exultent in diuitiis tam incertis, cū videamus diuitem illum insanum vocasse fructus suos, quos nondum collegerat, quos sæpe grando elisit, atque comminuit, & æstus ingens è mediis eripuit manibus, & aqua intempestiua è nebulis fluens infrugi reddidit, sicut notauit Basil. in hom. de diuite.

VEL etiam hic locus facit contra eos, qui superbè, & stultè gloriuntur in diuitiis breui quidem perituris: contra quos dixit Salomon. *Ne erigas oculos tuos ad opes quas non potes habere, quia faciem sibi pennas quasi aquila, & volabunt in cælum.* Quem locum sic ex Hebr. transtulit Vatabl. *Num inuideres oculos tuos in id, quod mox non est? Sumunt enim sibi alas diuitiæ, & velut aquila in ærem auolant.* Exponens verò hæc verba ait. An conueniet, vt conicias oculos tuos in eas, cū nullæ sint: Quoniam parando, parant sibi alas, velut aquila, & volabunt in cælum: vt sit sensus. Tu defatigaris in illis, comparandis; at illæ comparant sibi alas, vt cū te viderint securiorem, è manibus auolent, & effugiant. Vnde in Scriptura dicitur. *Exirema gaudij luctus occupat.* Vtinam, inquit Ber. & non occupet prima.

ET ideo Greg. 22. Moral. c. 2. ait. Quasi in aquis defluentibus fundamentum ponere, est in rebus labētibus spei fiduciam velle solidare. Et Leo Ser. 1. de Resurrect. Temporalia ista pro transactis habenda sunt. Videndus hæc de re Ber. Ser. 4. de Aduentu, & Ser. de Primordiis, & c. & multa habet Ser. de Conuers. ad Clericos cap. 14. Cyprian. epist. 2. ad Donat. Chrysost. hom. 2. super *Vidi Dominum*: & Aug. epist. 45. vbi carpit eos, qui inani rerum temporalium spe decipiuntur, cū in mundo omnia falsitatem proclamant. Tanta, inquit, rerum labe contritas, vt etiam spem seductionis amiserit. Nam quantum illi laudandi, atque prædicandi, qui dignati non sunt cum mundo florere, tantum increpandi, & accusandi sunt, quos perire cum pereunte delectat. Contra quos rectè dixisse videtur Ber. Ser. de verbis Apostoli: *Non est regnum Dei*, & c. Est sapiens, cui quæquæ res sapiunt, prout sunt. Insipientes proinde possumus eos dicere, qui in incertis gloriuntur, &

& in humilitate, & paruitate rerum sublunarium superbiunt, & false decipiuntur. Videndus Eusebius Emyss. ad ea verba Luc. 15. *Homo quidam erat dives; cum ita habet. Erat, non est, quia præterit quasi umbra fugiens.*

FACIT etiam pro hac re D. Aug. in Psalm. 120. cum explicat ea verba Psalm. *Dominus protectio tua super manum dexteram tuam.* Sinistra, inquit, dicitur quicquid temporaliter habemus, dextera nostra dicitur quicquid nobis æternū, & incommutabile Dominus pollicetur. Omnis homo, qui felicitatem non putat esse, nisi solum in istis temporalibus facultatibus, & deliciis, & affluentia, & copia huius mundi; iste est stultus, atque peruersus, qui sinistram fecit sibi dexteram. Tales erant, de quibus scriptum est. *Quorum os loquutum est vanitatem, & dextera eorum, dextera iniquitatis, silietrum ornata, ut similitudo templi.* Non eos reprehendit, quia his omnibus abundabant, sed quia os eorum loquutum est vanitatem. Cum enim enumerasset eorum copias, dixit. *Beatum dixerunt populum, cui hæc sunt.* P[er] 143.

AVDIT hoc confirmatum in Cant. Sponsa dicit de sponso, de Christo in Ecclesia, in amplexu pietatis & charitatis: *Sinistra eius sub capite meo, & dextera illius amplexabitur me.* Quid autem? Quia sursum erat dextera, deorsum sinistra, & sic complectebatur sponso sponfam, supponens sinistram ad consolationem, imponens dexteram ad protectionem. *Sinistra eius sub capite meo.* Deus omnia ista temporalia dat. Ergo si sinistra sit sub capite, supra illam sit caput tuum. i. supra illam sit fides tua, ubi habitat Christus, longitudo dierum in dextera eius, æterna vita in dextera eius. Hæc Aug. quæ facile ostendunt, sapientem, & sanctam animam temporalia omnia sub capite habere, non supra caput, quasi ea adorantem, aut quasi in eis, veluti in corona exultantem, & superbientem.

VENIT autem hoc loco notandus ille alius apud Chrysost. hom. 5. ex imperfecto, ubi ponderat, iis, qui sic exultant in superbis diuitiis, & eis admodum delectantur, diabolus è monte easdem ob oculos proponere, sicut Christo obiecit omnia Regna mundi. Cum autem senserit te, inquit Chrysost. in concupiscentia eorundem bonorum accensum, tales sibi providet causas, ut necesse sit tibi, si volueris illa consequi, diabolus adores, & servias ei, negligens iustitiam Dei. Qui enim diuitias querit, ut in illis exaltet, & gloriatur, nihil omnino omittet, quo possit comparare superbias, in quibus inique gloriatur. Math. 4.

IDEMQUE Chrysost. hom. 14. in Matth. eosdem, qui in superbis diuitiis exultant, similes dicit Nabuchodonosori, qui in statua anrea volebat adorari; non in se, quasi solius auri merito & ratione tantummodo talem adorationem ipse meruerit. Ut ille tunc, ait Chrysost. de imagine aurea, sic modo alij de veste pretiosa, de equis, alij de curribus, de amplitudine columnarum, ac picturis parietum opinantur se esse meliores; quia enim, quod erant homines, perdidierunt, sollicitè huc, illucque circumcunt, aliunde sibi gloriam colligentes, omni sanè irrisione dignissimam: sed nequaquam nos, aut sonitus tubarum, aut tiliarum, citharæque concentus, aut reliqua diuitiarum

clarum Incensiuu cominoueant, vt adoremus imaginem auaritiæ.

Es t etiam reprehensibilis hæc gloriatio, & exultatio huiusmodi, quia
 Gra 33. gloriamur de alienis, quasi de nostris, cum Deus sit omnia tribuens, & ille
 P'sal 39. paterfamilias, qui vocauit seruos suos, & tradidit illis bona sua. Vnde
 Genes 28. Dauid se mendicum & pauperem dicit, sicut notauit Rupertus lib. 7. in
 Gen. c. 25. cum ponderat ea verba Iacob. *Si fueris Dominus mecum, & dederis
 mihi panem ad vescendum.* Hoc, inquit, tanquam pauper, & vt verè Dei men-
 dicus dixit, nec mirum, cum & Rex potentissimus in Psalmis egenum se &
 P'sal 39. pauperem profiteatur. *Ego verò*, inquit, *egenus*: siue, *ego mendicus & pau-*
 P'sal 80. *per, sum.* Item: *Quoniam spops, & pauper sum ego.* Bonum ergo ex pa-
 tribus exemplum filiis prouilum est, vt quantumcumque diuites si-
 mus, dicimus omnes ante fores supernæ gratiæ, panem nostrum
 quotidianum da nobis hodie; nec verò solum panem spiritualis ali-
 moniæ, sed panem quoque vitalem dignemur à Patre omnium Deo flagi-
 tare, vt illum quoque ex dono eius fateamur nobis esse, qui solus potuit
 creare, & d're non minùs Regi in folio fulgenti, quàm viduæ ad molam
 sedenti necessarium panis alimentum. Quibus habet similia Tertul. lib. de
 patientia c. 7. vbi ait. Nihil nostrum, Dei omnia, cuius ipsi quoque nos.

Vnde illud rectè infert, quod ex opposito consequenti nostræ doctrinæ
 subseruit, scilicet, non licere nobis dolere in amissis bonis, quandoquidem
 aliena sunt. Itaque, inquit, si damno affecti impatienter senterimus, non de
 nostro amissum dolentes, affines cupiditatis deprehendemur, alienum quæ-
 rimus, cum alienum amissum dolentes agere sustinemus.

Hinc ergo patet, quòd si malignus est dolor de amicis, quia aliena sunt
 ea bona, quæ amittuntur, maligna vtique erit exultatio, & gloriatio de ali-
 enis bonis, quæ in nostras superbias conuertimus, cum debeamus tantum
 P'sal 11. exultare in Domino, & in eo omnes recti corde gloriari. Nec adhuc, quia
 dedit nobis bona vt annotauit Basil. in P'sal. 32. sed quia præditus tanta bo-
 nitate sit, & tali sapientia præcellens.

MALIGNA etiam est talis exultatio, quia omnis talis gloriatio in præ-
 senti sæculo igne æterno succendetur. Namque, sicut notauit D. Bernard.
 super *Ecce nos reliquimus omnia.* Non eiecit nos Deus de Paradiso voluptatis,
 vt voluptuosè, & gloriantes in hac miserrimarum valle viueremus.

FEVARD. verò existimat eos, qui in superbiis exultant, esse eos, qui de
 peccatis suis gloriantur, quique peccatum suum sicut Sodoma prædicau-
 runt, nec absconderunt: cum tamen verè dixerit Tertull. in Apolog. Omne
 malum pudore natura perfudit. Qui etiam videntur imitari maiorem
 P'sal 3. filium Loth, quæ præterquam quòd minorem prouocauit ad coitum pa-
 Genes 19. ternum, filio, quem ex illo peperit, imposuit nomen Moab. i. de patre, vt
 quicumque filium nominarent, inauditum illud crimen prædicarent.

IMITANTVR in super Ioab, de quo dixit Dauid. *Tu scis qua feceris Ioab
 duobus Principibus exercitus, quos occidit, & posuit cruorem praelij in baltheo suo, qui
 erat circa lumbos eius, & in calceamentis suis, quod erat in pedibus eius:* quali dixe-
 rit; incautos ac nihil tale suspicantes oppressit: quare illius baltheus
 & gla

et gradus labein contraxerunt ex innocentium sanguine nunquam satis eluendam, neque minus alacer, atque animo immotus accingebatur gladio, & securus incedebat, quàm si nihil tale admisisset: vnde aliquibus præ impudentia scandalo & imitationi potuit esse: cum quasi insignitus incederet sanguine per dolum effuso.

Sic similiter apud Hieremiã dicitur. *Maculata es in iniquitate*, posset quidem eleganter legi. *Insignita es iniquitate*, ut sit sensus: Emblematis & figuris expressis tuorum scelerum resperfa es. Cui simile est illud. *Peccatum Iuda scriptum* (figuratum scilicet, & stigmate ornatum) *filio ferreo, in ungue adamantis exaratum super latitudinem cordis eorum*. Ita enim opere argentario videris cordi tuo, scelerum, & impietatis figuras insculpsisse. Hæc etiam videtur fuisse ratio, quare Deus dixerit. *Quando transieris Iordanem intrantes terram Chanaan, disperdate cunctos habitantes terra illius, confringite titulos, & statuas comminuite*. Existimo enim ideo Deum curasse fractionem titulorum, quia Deorum nomina, & sacrificia prædicabant. Et denique hæc fuit ratio, sicut notavit Theodoret. quæst. 26. in 1. Reg. cur Deus occiderit eum infantem, quem David genuit ex ea, quæ fuit Vriæ, ne scilicet viuente pæro, coram omnium oculis versaretur peccatum adulterij, & in solio Regio collocaretur, quod esset in peccato exultare, & gloriari.

Verf. 17. *Scienti igitur bonum facere, & non facienti, peccatum illi est.*

EXPOSITIO LITERALIS.

POST tot monita vitæ tradita, concludit Apostolus, magnum supplicium expectare eos, qui cum probè agnouerint quæ Deo placent, ea omittunt. Quæ admonitio ad cunctos Christianæ fidei professores pertinet, maxime verò ad eos, quibus scribebat. Constat enim ex toto huius epistolæ cõtextu, ut notauit Beda, & Gloss. hic, eos, quibus Iacobus scribebat, notitiam legis habuisse, & fidei documenta percepisse, ita ut aliis se magistros fieri præsumerent, nec tamen operum perfectionem, neque mentis humilitatem, neque sermonis continentiam adepti erant. Propterea inter alia increpationis, & exhortationis verba, modè eos multum terret; quia scientes necessarium esse benè facere, non faciebant, vnde maius peccatum contrahebant, quàm si nescirent. Vnde Christus dicebat. *Si non venissem, & loquutus eis fuisset, peccatum non haberent*, scilicet incredulitatis, ut vult Aug. tract. 29. in Ioan.

ALI I ad peccatum odij & persecutionis referunt cum Euthy. In his enim peccauerunt, postquam & doctrinam eius audierunt, & opera viderunt. Vnde censent aliqui ex peculiari quadam misericordia erga ciues suos Christum noluisse miracula edere, ne illis abutèdo, ampliùs punirentur; quia seruus, qui cognouit voluntatem domini sui, & non præparauit,

QQQ 3 &

Luc. 11. & non fecit secundum voluntatem eius, vapulabit multis: qui autem non
 1. Pet. 2. cognouit, & fecit digna plagis, vapulabit paucis. Meliusque erat talibus
 Ez. c. 20. ab eo, quod illis traditum est, sancto mandato. Vnde Orig. hom. 7. in Exod.
 intelligit illum locum Ezechielis. *Præcepta non bona, & iudicia, in quibus non
 vinem*, de præceptis diuinis. Quia, inquit, vnum atque idem mandatum, si
 seruetur, vitam; si non seruetur, generat mortem.

INTERLINEARIS igitur hoc loco sic connectit hæc verba cum super-
 rioribus. *Exultatis, & superbitis*: ergo grauitur puniemini, quia scitis bonum,
 & non facitis: vnde scienti bonum, & non facienti peccatum illi est,
 omissionis scilicet grauioris, quia, sicut ait Gregor. relatus à D. Thoma, vbi
 maius donum scientiæ, ibi transgressor maiori subiaceret culpæ, non quia
 scientia sit mala, sed propter contemptum scientiæ.

VNDE ex hoc loco Apostoli deducunt Theologi Scholastici, in omissione
 nibus voluntariis dari posse malitiam moralem, & peccatum, quod etiam
 docuit August. lib. de perfection. vit. dicens. Duobus modis fieri constat
 omne peccatum: si aut illa fiant, quæ prohibentur; aut illa non fiant, quæ
 iubentur. Quod idem habet in Enchiridio. De qua diuisione vidēdi Theo-
 logi in 2. distin. 35. & cum D. Thom. 1. 2. q. 71. & de omissione 1. 2. q. 6.
 art. 3.

ADVERTIT autem hoc loco Lyran. differentiam peccati sumendam es-
 se penes bonum, quod noscitur amplectendum: namque si sit bonum ne-
 cessitatis, eius ommissio erit peccatum mortale; si autem sit bonum supere-
 rogationis, peccatum est veniale, & aliquando nullum. Caietan. verd ait
 intelligendum esse locum de bono debito, non de bono supererogationis.

§. I.

*Misera eorum conditio, qui noticiam diuinæ voluntatis, ac le-
 gis habentes, eam non implent.*

MISERAM docet hic locus eorum conditionem, qui cum Dei noti-
 tiam, ipsiusque datorum cognitionem habeant, eadem parui pen-
 dentes non adimpleant. Hunc igitur Iacobi locum sic exponit optime Ber-
 nar. Serm. 36. in Cant. Sunt qui volunt scire eo fine tantum, vt sciant, &
 turpis curiositas est: & sunt, qui scire volunt, vt sciatur ipsi, & turpis va-
 nitas est, qui profectò non euadent subannantem Satyricum, ei qui eius-
 modi est decantantem.

Scire inuimihil est, nisi te scire, hoc scias alter.

Et sunt qui scire volunt, vt scientiam suam vendant, verbi gratiā, pro
 pecunia; pro honoribus, & turpis quæstus est; sed sunt, quoque, qui scire
 volunt, vt ædificent, & charitas est, & item qui scire volunt, vt ædificen-
 tur, & prudentia est: horum omnium soli, vltimo duo non inveniuntur in
 abusione

abusione scientiæ, quippe ad hoc volunt intelligere, vt beneficient: dēni-
que *intellectus bonus omnibus facientibus eum*. Reliqui omnes audiant. *Scienti bo-* P(al. 110).
num, & non facienti, peccatum est ei: ac si per similitudinem dicat, sumentis ci-
bum, & non digerenti, perniciosum est ei, nōne illa scientia reputabatur
in peccatum, tanquam cibus conuersus in prauos, noxiōsque humores? &
vide ne forte in persona talis animæ Propheta plangeret dicens. *Ventrem* Hier.
meum doleo, ventrem meum doleo.

M I R V M namque est quod creaturæ intellectu & cognitione carentes
Deo ad nutum pareant, cuiusque voluntatem ad amissum impleant, & ta-
men homo eandem sciens non exequatur, quæ videtur esse illa querimo-
nia apud Hier. *Me ergo non timebuis, & faciem meam non dolebitis, qui posui arenam* Hier. 5.
terminum mari præceptum sempiternum, quod non præteribunt. De quo etiam præce-
pto dixit Dauid. *Præceptum posui, & non præteribit*. Sic enim interpretatur il-
lum Hieremiæ locum D. Hieronym. lib. 2. in eundem Prophetam. Similiā-
que habet Orig. hom. 6. in Matt. cap. 3. cum ponderat ea verba. *Quis iste,*
quia veni, & mare obediunt ei?

RECTE autem infert D. Basilii tract. 4. de Baptismo cap. 5. quā gra-
uiter peccent ij, qui scientes non faciunt. Si maledictus, inquit, ille qui fa-
cit opera Dei negligenter, quo non supplicio dignus, qui omnino non fa-
cit: concluditque ex parabola ficus, & ex eo quod Christus Dominus ait.
Efurui, & non dedistis mihi manducare, in hunc modum. Ex quibus demonstra-
tur, quod non solum ij, qui malè faciunt, digni sunt morte, quibus & ignis
inextinguibilis paratus est, sed cum his condemnantur etiam illi, qui bo-
nis operibus vacant. Pluræque hac de re habet regula 18. cap. 1.

IN hanc sententiam facit quod paraphr. Chaldaea vbi nos habemus, in
multa sapientia multa est indignatio, legit, *vir qui multiplicat sapientiam, quando pec-* Eccle. 1.
cat, & non conuertitur ad sapientiam, multiplicat indignationem a Domino: quali iuxta
mensuram scientiæ, & notitiæ diuinorum præceptorum infligenda sit à
Deo poena.

P R O quo argumento videndus est Gregor. homil. 18. in Ezechiel. vbi
adducit locum eiusdem Prophetæ, in quo ait. *Spiritus quoque leuauit me, & as-*
sumpsit me, & abij amarus in indignatione spiritus. Constituit ergo Gregor. discrim-
men inter nudam scientiam, & scientiam operibus coniunctam, & ait. Sunt
nonnulli, quos eleuat spiritus, sed eisdem non assumit spiritus, quorum
intellectus, & spiritualia amant, sed tamen vita in factis carnalibus ma-
nens intellectu non concordat. Balaam enim per prophetiæ spiritum ele-
uatus erat, sed non assumptus, quia potuit à longè futura prospicere, & ta-
men à terrenis desideriis noluit mentem separare; sed quoniam Ezechiel
intellectu eleuatus est, & assumptus pariter vita, propterea abiit amarus in
indignatione spiritus: quando enim intellectus cum vita concordat, neces-
se est, vt displiceant ea, quæ dulcissima videbantur, propterea que oportet
scire, & facere ea quæ sciueris.

FACIT QUE pro eodem instituto Cyrillus Alexandrinus lib. 9. in Ioan. c.
9. cum explicat ea verba Christi Domini. Si hæc scitis, beati estis si facitis Ioan. 13.
ip̃sa.

ipsa. Non magnum, inquit, est virtutem cognoscere, sed studiosè agere, id certè maximum est. Ego autem existimo melius modo quodam esse nescire, quàm quod scias per ignauiam negligere, & quod bonum esse credideris, ex desidia præterire, &c. quæ prosequitur in hâc sententiam. Quam etiam habet August. Concion. 2. in Psalm. 30. vbi colligit, peiores cæteris paribus, Christianos esse quàm Gentiles homines: quod etiam habet in Psalm. 98. & Serm. 12. de verbis Domini, & Serm. 112. de Tempore.

DE hac denique re dixit Gellius ex Pacuio, id quod Macedo Philosophus scribi debere censebat præ foribus omnium templorum: Ego odi homines ignaua opera, & Philosophica sententia. Nihil enim fieri posse indignius (ait Gellius) neque intoleratius dicebat, quàm, quòd homines ignaui, ac desides, operiti barba, & pallio, mores, & emolumenta Philosophiæ in linguæ verborumque artes conuerterent, & vitia facundissimè accusarent intercutibus ipsi vitiis madentes.

EX his constat quàm rectè dixerit Ephrem de poenitentia in fine. Si scienti bonum, & non facienti peccatum est illi, multo magis malum scienti, & illud facienti. Vnde D. August. de Tempore, Serm. 112. in hæc verba Iacobi sic ait. Omni diligentia studete, vt cognoscatis voluntatem Dei, postquam autem cognoueritis, summo nisu contendite, vt hanc faciatis implentes mandata illius, & instanter deposcite, vt in hoc perseuerantes perueniatis ad promissa illius.

APPONIT autem Iacobus iis, qui non faciunt poenam, imò & supplicium, cùm ait. Peccatum illi est, quia hoc magnam vim apud homines habet, sicut notauit Chrysost. hom. 30. in Ioan. & hom. 10. in 2. ad Corinth. Maiorémque habebit is, qui scit bonum, & non facit. Quod Mai. 40. ostendit Hieron. lib. 11. in cap. 40. Isaia ad ea verba. *Dimissa est iniquitas illius, suscepit de manu Domini duplicia*; vbi ait. Non est idem solui peccata, atque dimitti: cui enim dimittuntur, solutione non indiget; audiens in Evangelio. *Confide filia, dimittuntur tibi peccata tua.*

Matt. 9.

Cui autem soluuntur, propterea soluuntur, quia purgata sunt, & soluta per poenas. Iuxta historiam recepit Hierusalem de manu Domini duplicia peccata.

sua, semel à Babyloniis, secundò à Romanis, & rationem huius supplicij assignat dicens. *Qui enim scit voluntatem Domini, & peccat, vapulabit inultra.*

Mat. 11.

* *

CAPVT



CAPVT QVINTVM.

ARGVMENTVM TOTIVS CAPITIS.



OTVM hoc caput in sex diuiditur partes, quarum prima continet duram & acerbam doctrinam contra diuites auaros. In secunda hortatur ad patientiam, ad cuius confirmationem exempla proponit. In tertia iuramenta prohibet. In quarta vnctionem sanctam docet, & confessionem. In quinta orationem. In sexta tandem errantes in viam reducidos admonet.

Verf. 1. *Agite nunc diuites, plorate ululantes in miseriis vestris, quæ adueniunt vobis.*

EXPOSITIO LITERALIS.



T pauperes patientiores reddat in sua inopia, fallacem prosperitatem diuitum acriter arguit. Vos igitur, qui securi in voluptatibus exultatis, coram diuino tribunali appello, vobis que diem nunc dico: cogitate diem iudicii adesse, quando ablati iis, quibus confiditis, trademini tortoribus. Proinde, nunc, id est, dum tempus habetis acceptabile, & diem salutis, vitam corrigite, ne prorsus insensibiles videamini, & sicut Ephraim, *quasi columba seducta non habens cor.* Super quæ verba D. Hieron. sic ait. Sola columba ablato pullos non dolet, non requirit, &c. Ablatam proinde gratiam deplorate, vitam corrigite, poenitentiam agite. Hucusque, ait Interlinearis, peccastis in pecunia, sed iam poenitentiam agite.

ALII melius exponunt, *nunc*, id est, igitur, seu, itaque, id enim est agere, vt rectè aduertit D. Tho. Nec dicit, inquit, quid agant, quia agere bonum, simpliciter est agere, agere malum non est agere, sed destruere. Agite ergo poenitentiam, in Epist. B. Iacobi Apost.

R R R r. nica.

nitentiam, per eam recuperando quod destruxistis per culpam. Lyran. verò aliter exponit verbum, *Agne*, scilicet, vestras voluntates adimplere. Et est, inquit, ironica loquutio, quæ est intelligenda per contrarium, similisque erit illi; *Qui in sordibus est, sordescat adhuc, & qui nocet, noceat adhuc*. Sed plenior est prior sensus. Postquam enim dixit, *Agne*, statim exposuit quid agendum esset, *plorare vlulantes*. Plorate igitur, inquit Gloss. manifestatione operis & vocis, vlulantes, vehementer dolete; corde scilicet.

Est autem vlulatus, sonus confusus, qui est signum magni doloris: qualis est locus ille Hierem. *Vlulans unus replevit terram*; cum prædicit vastandam Ægyptum. & sæpe alibi: vt Ezech. 15. Hierem. 3. & Matth. 1.

DESCRIBIT itaque his verbis Iacobus pœnitentis habitum ac modum. Vnde Tertull. qui proximus fuit Apostolis, lib. de pœnitent. c. 9. sic pœnitentem docet sicco & cineri incubare, corpus sordibus obscurare, animum mœtoribus deicere. Illa, quæ peccauit, tristi tractatione mutare, ieiuniis preces alere, lacrymari, mugire dies noctisque ad Dominum: presbyteris aduolui, charis Dei adgeniculari.

IN miseris vestris. Vatab. *Super miseris*. i. ex consideratione, atque formidine metuendi iudicij, æternaliûmque pœnarum vobis imminentiûm, nisi interim dignum pœnitentiæ fructum feceritis: de eis namque dixit Christus Dominus Luc. 6. *Ua vobis diuitibus, qui habetis hic consolationem, quia lugebitis, & flebitis*. Vel, *In*, id est, propter miseras vestras, sicut plerumque sumitur in Scriptura hæc præpositio, vt videre est Gen. 18. *Dimittam omni loco propter eos*: & iterum. *Non percutiam propter quadraginta*. & cap. 29. *Serviam tibi pro Rachel*. Quibus in locis vbi nos habemus, propter, aut, pro, in Hebr. est, in: & idem significat apud Osæ. *Israel, & Ephraim ruerit in iniquitate sua*, id est, propter: sic ergo hoc in loco, *In miseris vestris*, id est, propter miseras, quæ aduenient vobis, scilicet in vita, vel iudicio futuro.

§. I.

Proponuntur miseria, qua in diuitibus reperiuntur.

POSSVMVS hoc loco cum Apostolo diuites monere, vt miseras suas deplorent, cum nihil tam deplorandum sit præ miseria, quam diuites huius sæculi, quibus Dominus dixit. *Ua vobis diuitibus*. Sunt enim verè pauperes, & miseri, vt pote quibus deest vestitus deauratus, virtutum circumamictus varietate, illudque indumentum veluti nuptiale, de quo dixit Coloss. 3. Apostolus. *Induite viscera misericordia*. Quod argumentum prosequitur Basil. hom. 11. in Ps. 44. & Hieron. lib. 13. in Ezech. vbi postquam vestimenta virtutis ostendit consistere in induendo Domino Iesu Christo, ait è contratio, pessima vestimēta maledictionis non induere viscera misericordiz. Cōiungēdisque est locus Hier. in c. 1. Sophoniæ ad ea verba. *Visuabo super Principes, & super omnes, qui induti sunt veste peregrina*. Vestis, inquit, filiorū Regis, & Principū indumentum Christus est: cum ergo debeamus talibus indui vestimētis, pro

pro misericordia induimur crudelitate, pro patientia, impatientia: pro iustitia, iniquitate: & in hoc sensu dixit Chrysostom. hom. 7. de pœnitent. Diuitiæ malitiæ sunt scholæ.

PLORARE igitur debent, deplorandique etiam sunt miseri diuites, qui talibus pannosis vestibus induuntur, quibus indumenta, ornamentaue virtutis defunt, quibus Dominus non est pars hæreditatis, quibus non ceciderunt funes in præclaris; sed in absconditis Dei. Quod prosequitur August. in Psalm. 15. Quibus non est gloria, & diuitiæ in domibus, sed purpura, & byssus, & epulæ splendide. Psalm. 15.

Nisi forte ea de causa plorandi sunt, quod vestibus alienis utatur, quas pauperibus detrahunt; qua de re nos multa iam diximus: modò videatur Ambros. Ser. 59. vbi de miseris diuitibus sic ait. Semper alieno utitur, alieno se pascit damno, & illi præda, egestas alterius est. Ecce religiosa vidua tota suppellectili despoliatam suam domum dolet, & tu eadem suppellectili domum tuam ornatam esse lætaris, non compungeris, cum vides in hospitio tuo lacrymas alienas. Plura habet lib. 1. de Naboth cap. 1. 2. 3. 4. & 5. & Cyrill. lib. 4. in Ioan. c. 4. & Basil. homil. 6. in c. 12. ex variis, & Hieron. lib. 8. in Hierem. c. 17.

MISERRIMI insuper diuites, qui ut congerant, in extrema penuria viuunt; quibusque tam deest quod habent, quam quod non habent: sicut dixit D. Hieron. epist. 103. & iis, quibus abundant, quia nesciunt vti, carent, sicut prosequitur Horat. 1. Ser. Satyr. 3. Qui iugi terrore agitantur, & afflicti sunt, dum latrones timent, potentiores verentur, famulis se non credunt, & aliquando à filiis non solum viui, sed etiam mortui spoliuntur. Qua de re multa dixit Isidor. Pelusiota lib. 2. epist. 146. & ibidem epist. 233. vbi ostendit, dies, noctesque tam diu diuitem cruciari, ut inferorum supplicium iam perpeti videatur. Quod dixit eleganter Greg. 15. Moral. c. 13. cum hoc argumentum prosequitur inter alia, quæ sic habet. Tanta infelix patitur, quanta pati timet. Et Aug. Ser. 28. de verbis Apostoli. Diuitias appellauit periculum possidentium. Videndus etiam Ser. 74. de Tempore; & D. Isidor. lib. 4. de summo bono, cum ait. Qui bona mundi diligit, velit, nolit, timoris, & doloris pœnæ succumbit.

MERRIMO proinde Philo lib. de charitate, non iam miseros, sed miserrimos vocauit diuites; ait enim. Hi miserrimi omnium, quasi pecunia careant, cibos mutantur, ut recipiant cum fœnore. Isti quomodo egeno stipem offerrent, cum in prouentu felici famem inuehant, redditus sibi parâtes ex miserorum hominum ventribus? Vnde Plutarch. de cupiditate diuitiarum, de Aristippo refert, solitum fuisse dicere; si quis multa edens, multa bibens, nunquam saturetur, cum ad medicos iturum, & interrogaturum, qualis hic morbus; quæ affectio? quis sanandi modus esset? Si quis autem decem mensas possidens, alias totidem emeret, multisque prædiis multo argento paratis non expleretur, sed ad alia paranda se intenderet, cum non putare sibi medico opus esse. Egrotare autem auarum dixit Varro in eum.

R R R R 2 De

— — — Denique avarus — — —

*Quis sanus? cui sistet terra, & traditus orbis
Furando tamen ac morbo stipulatus eodem
Ex sese ipse aliquid quarat, cogatque peculi.*

Est etiam pro presenti instituto id, quod Deus Laodicensi Episcopo
Apo. 3. dicit in Apocal. *Dicis, quia dives sum, & locupletatus ego: & nescis, quia
in es miser, & miserabilis, & pauper, cecus, & nudus. Quæ verba sic exponit
D. Greg. 34. Moral. c. 3. Pauper utique, quia virtutum diuitias non habet:
cæcus, quia nec paupertatem, quam patitur, videt: nudus, quia primam stolam
perdidit: sed peius, quia nec se perdidisse cognovit. Deplorandæ proinde
sunt ab ærumnolis diuitibus miseriæ, in quibus viuunt.*

Luc. 12. Est Aug. Ser. 13. de verbis Domini. Diuitiæ corporales paupertate plenæ
sunt: dum etiam abundantia, & prouentus eisdem torquent, ut videre
est in diuite avaro exclamante. *Quid faciam?* Super quæ verba ita habet
Greg. 15. Moral. 13. Angustia ex satietate nata, de vbertate agri angustatur
Iob. 20. animus avarus: bene per Iob. *Cum satiatus fuerit, ardebitur.* Et Ambr. Serm. 8.
Quid, inquit, faciam? Quis non talem misereatur? Quis non infelicitatem
eius doleat? Angustatur ex abundantia, constringitur, & coarctatur ex opulencia.
Et, ut video, ager ei non tam redditus largiores, quam gemitus attulit.
Terra ei non fructuum copiam, sed curarum molestiam germinauit; ita ut
curis ac mœroribus stimulatus, egentibus & esurientibus similes proferat
prociatus. Denique egeni vox ista est. *Quid faciam?* vnde cibis? vnde
vestitus? Infelix in præsentibus bonis, infelicior in futuris.

Quæ verba Ambrosij mihi exponunt, cur Iacobus loquens de diuitibus
sæculi non dixerit: *Mulate in miseria vestra*, sed, *in miseriis vestris*. Quia scilicet
duplex miseria contingit avaris diuitibus: illa nimirum, qua in vita
urgentur, & affliguntur; & ea, quæ ipsos in futuro manet. Quod probat
Ruper. lib. 3. in Exod. c. 18. ubi aduertit id, quod Deus loquens de Manna
dixit. *Nullus relinquet ex eo usque manere.* Iuxta literam, inquit, fides exigitur
à populo, ut totam sui curam Deo committentes, solliciti non sint de crastino,
quorum inobedientiæ, vel minimæ fidei pœnam dignam, miraculum illud
præsignauit: quod cum dimississent quidam ex eis vique manere, scaturire
cepit vermis, & computruit: hoc enim exemplo commoneri se sciat infidelis
avarus, qui spem suam in Deo non posuit: & ideo diuitias recon-
dendo mammonæ seruit. *Videbunt*, inquit Dauid, *iusti, & super eum videbunt, &
dicent, Ecce homo, qui non posuit Deum adiutorem suum, sed sperauit in multitudine diuitiarum
suarum. Nā cum, qui eiusmodi est, & nunc quādiu viuit curarum, atque sollicitudinum
vermis comedit, & in futuro vermis, qui non morietur, comesturus est.*

Vnde quidam Christianus Poëta in Cantico 7. de inferno diuitem avarum
introducitur querimonias fundentem, quod in inferno torqueatur adhuc,
qui vitam in tormētis, & pœnis transegit: & cum Deus non iudicet bis
Nab. c. 1 idipsum, diuitum avaritiam duplici pœna afficere videtur, in hac scilicet
vita, & in futura: verum ipse diues se nunc punit, ac torquet, non
Deus ipsum, sed quæ torquendo meretur, ut in æternū torqueatur acrioribus
suppli

supplicij, cum cæteri damnati vnum tantum supplicium videantur per-
peti. Quod eleganter notauit Chrysost. hom. 5. in Luc. cum ponderat, di-
uitem avarum fuisse in tormentis, vt ait Lucas. Non dixit in tormento, ait
Chrysostom. sed in tormentis, diuitiæ, & avaritia talia præmia suscipiunt.
Videndus idem Chrysost. homil. 14. in 1. ad Corint. vbi ostendit tormen-
tum, quod in hac vita habent auari, & habebunt infutura.

§. II.

Cur diuites plorare debeant.

CUM ergo miser diues hic in miseriis, & pœnis viuat, ne etiam in
cæternis volutetur, debet iuxta Apostoli monitum flere, & ululare,
inprimis, vt miseriam futuram agnoscat: clarior enim & perspicacior
redditur oculus post effusionem lacrymarum ad ea cognoscenda, quæ con-
ducunt. Quod dixit Ber. Serm. de conuersione ad cleric. Curatur, inquit,
lacrymis oculus antè caligans, & acuitur visus, vt intendere possit in se-
renissimi luminis claritatem, quo per misericordiam à miseriis reuocetur,
& verè diues reddatur. Solent enim lacrymæ miserorum in lætitiâ
conuerti: Vnde in Scriptura ait Sara Tobiz. *Post tempestatem tranquillam facis*, Tob. 1.
& *post lacrymationem, & fletum, exultationem infundis*. Et D. Chrysost. hom. 6. in
Matth. Sicut post vehementes imbres mundus aër, ac purus efficitur; ita
etiam lacrymarum pluias serenitas mentis sequitur. Similia ha-
bet Euthym. Matth. 5. & Hugo de Claustro lib. 3. dicens. Sicut Sol post plu-
uiam elarior fulget, sic Christus post lacrymas radios cōsolationis præbet.

PRO qua re videndus Author lib. 1. de mirabilib. Scripturæ c. 22. apud
Aug. cum ponderat, aquas amaras, & falsas in dulcem saporem verti posse
per humorem optimæ terræ infusas, aut si colantur per arenam. Vt ergo
diuitum lacrymæ dulces reddantur, iubet Apostolus easdem per miseria
diuitum fundendas, & defræcandas esse.

MONET autem fundendas esse, dum prodesse possunt. Quod dixit
Ephrem Serm. 1. de pœnitent. Fundamus lacrymas, inquit, quandiu tem-
pus est suscipiendi nostras lacrymas, ne abeuntes in sæculum illud, absque
fructu, & vtilitate vlla plangamus. Ibi enim pro nihilo ducentur lacry-
mæ; erit enim ibi continuus fletus, & stridor dentium. Et Euseb. Emyss. ho-
mil. 1. de Epiphan. Bene nobiscum ageretur, si iam nunc sic pœniteremus
super malis nostris, quomodo tunc sine remedio pœnitebimus, si scedita-
tes & confusiones nostras, quemadmodum tunc visuri sumus, sic eas iam
nunc videre; & horrere possemus.

PROINDE merito suspirauit Axa, cui Caleb. *Quid habes? at illa respondit. Iosef. 15.*
Damihî benedictionem, terram Australem & arentem dedisti mihi, iunge & irri-
guam. Quæ verba sic exposuit D. Greg. lib. 3. dialog. c. 34. Suspirans a patre
terram irriguam petit, quia à Creatore nostro cum magno gemitu qua-
renda est lacrymarum gratia. Quæ de re plura habet Aug. lib. Medit. c. 36.

VT verò hæ lacrymæ prosint, adhuc addit Apostolus, vt cum vlulatu prodirent, qui magni doloris signum est. Neque enim placent Deo quæ citò arescunt, & in risum conuertuntur, sicut dixit Bern. Serm. 4. de Aduentu. Alios, inquit, lugètes video, sed si de corde procederèt illæ lacrymæ, non tam facile illi soluerentur in risum, lacrymas huiusmodi de his esse non arbitror, quibus consolatio diuina promittitur, quandoquidem post illas consolatio tam vilis admittitur.

LACRYMÆ proinde, quæ pro miseris vitandis funduntur, miserè, & ærumnosè, ac cum vlulatu emittendæ sunt. Et de huiusmodi lacrymis, & tristitia ita ait Chrysost. tom. 5. hom. 5. de pœnit. Multus peccati ignis, atque modica extinguit eum lacryma. Nam lacryma rogum extinguit peccatorum. Et expendens ea verba. *Lauabo per singulas noctes lectum meum*, ait. Et si lacrymarum vbertatem voluisset ostendere, satis fuerat dixisse; *lacrymis meis stratum meum rigabo*. Quare ergo præuenit, *lauabo*? Vt ostendat lauacrum, & purgatorium peccati, lacrymas esse. Malorum omnium causam constat esse peccatum, ex peccato tristitia, &c. Verùm id admiror, fratres, tristitiam homini tribuens Deus per peccatum, sententia sententiam soluit. Attende diligenter: mulieri minatus Deus, & de præuicatione pœnam inducens dicit ad eam: *In tristitia paries filios*, & ostendit tristitiam peccati fructum. Sed, ô magnum donum, quod in pœnam dedit, in salutem vertit, peccatum tristitiam peperit, tristitia peccatum contriuit, &c.

2/ii. 10.

Genes. 3.

ET hom. 2. in Psal. 50. Grandis lacrymarum virtus, dicam tibi quid valeant lacrymæ. Attende diligentius: quid Martyribus maius, qui animam suam ponit pro amico suo? Grandis gloria Martyrum. Martyres effundunt sanguinem, peccatores effundunt lacrymas, meretrix non fudit sanguinè, sed fontes lacrymarum profudit, & deleuit peccata sua.

§. III.

Lacrymæ suas voces habent.

NI SI fortè illud velit Iacobus inculcare, dum vlulatum lacrymis adiungit, scilicet lacrymas suas etiam voces habere, quibus Deum alloquimur. Vnde Dauid dixit. *Auribus percipe lacrymas meas*. Nec mirum quòd oculi suas habeant voces, cum Dauid dixerit. *Defecerunt oculi mei in eloquium tuum dicentes; quando consolaberis me?* Quasi ipsi oculi ad Deum clamarent, & interrogarent de Messia aduentu, cuius desiderio penè defecerant.

Psal. 118.

Exod. 14.

VND E cum filij Israël ab Ægypto egressi, vtrinque obsiderentur: vna scilicet ex parte copiis Ægyptiacis, alia verò mari: oculis eleuatis in cælum (neque enim voce aliquid Moyses dixisse legitur) statim adfuit diuinum responsum. *Quid clamas ad me?* Quod nõ possumus referre modò ad clamorè populi, vt aliqui voluerunt, sed ad vocem oculorum Moysis, qui magna intentione clamabat. Ideo Hieremias. *Non taceat pupilla oculi tui*.

Thren. 2.

Quæ

Quæ verba ponderans Hieron. in Psal. 5. Videte quid dicat : *Non taceas pupilla oculi mei* clamat ad Deum, utique si clamat, lingua clamat, non pupilla oculi; sed quomodo clamamus in cordibus nostris, quando cum gemitu Dominum deprecamur, sic quando ad Deum lacrymas fundimus, eo tempore pupilla oculi mei clamat ad Dominum.

Et Chrysost. hom. 6. in Matth. ponderans ea verba 1. Reg. cap. 1. dum de Anna dicitur. *Labia eius movebantur, vox autem eius non audiebatur*; ait: Solæ quidem lacrymæ emitebant vocem ad Dominum omni buccina clario-rem; & idcirco sterilitatem eius mutarunt, & quasi è duro quodam saxo agrû fertilem reddiderunt, ut in aures Domini Sabaoth quàm celeriter introirent. Videndus idem Chrysost. in Psal. 5. cum ponderat prædicta verba Hieremiæ. Et Hieron. Psal. 38. ibi. *Auribus percipe lacrymas meas*; ubi ipse legit. *Ne obsurdeas ad lacrymam meam*. Vbi videndi sunt interpretes recentiores, præcipuè que Lorinus, & in Psal. 61. Estque optimus locus ille Ecclesiastici cap. 35. *Lacrymæ viduæ ad maxillam descendunt, & exclamatio eius super deducentem eas: à maxilla enim ascendunt usque ad cælum, & Dominus exauditor non delectabitur in illis*.

Neque obest, quod altissimus sit Deus, ad quem non tam faciliè possit huiusmodi clamor peruenire; quod obiecit Aug. Ps. 56. cum David ait: *Clamabo ad Deum altissimum*: Si altissimus, inquit, ille est, quomodo te audit clamantem? & respondet obiectioni. Nata est experimèto fiducia in Deum, inquit, qui benefecit mihi. Si antequam eum quærerem, benefecit mihi, clamantem me non exaudiet? Pro qualibus mori voluit filium suum? pro impiis. Impij autem non quærebant Deum, & quæsi sunt à Deo. Sic est ergo ille altissimus, ut non sit ab illo longè miseria mea, & gemitus videtur. Proindeque in miseriis plorandum est diuitibus cum vlulatu, quod citius à Deo exaudiantur, & liberentur à miseriis superuenturis.

Neque verò omittendum est verbum, quo Iacobus diuites monet ad deplorandas miseras diuitias. *Vlulantes in miseriis vestris*. Est enim vlulare proprium ferarum. Vnde Virgil. 1. Georg.

Per noctem resonare lupis vlulantibus urbem.

Est namque instar immanissimæ feræ avarus diues, cum neque misereatur pauperum, neque clamoribus egenorum annuat, neque viscera misericordiæ habeat, imò excutiat, quia affluentibus diuitiis cor apposuit. Vnde Alciat. emblem. 89.

Quam su avari hominis, non tam mens dira ferarum est.

Et D. Paulus: *Qui volunt diuites fieri, incidunt in tentationem, & laqueum diaboli, & desideria multa inuilia & nociva*. Vbi Græcus codex habet, in cupiditates multas & stultas. & Oecumen. ibi. in absurda incidunt desideria. Stultumque appellauit Dominus avarum; *subtehas. nocte animam tuam repetenti à te: & alibi diuites. pecora pingua appellantur ex sententia D. Hierony. lib. 11. in Ezechiel. ibi. Ecce, ego iudico inter pecus pingue*; sicut etiam lib. 2. in Amos c. 4. per vaccas pingues, diuites intelligit.

Differt tamen à feris, quod illæ gregatim solent incedere, plerumque
aui

auarus autem solus. Quod prosequitur Ambros. lib. 5. Examer. c. 14. ubi confert avaros iis auibus, quæ rapinis intendunt, ut sunt aquilæ, accipitres, &c. Nam propter auiditatem prædandi, vel propter insidias explorandi, neque ipsis inter se conuenit, & ideo declinant sui copulam: sic & auaritia refugit confortium plurimorum.

REPERIT & aliud discrimen D. Aug. lib. de verbis Dom. inter auarum, cæteraq; bruta animantia, cum ait. Quæ est ista auiditas concupiscentiæ, cum & ipsæ belluæ habeant modum? Tunc enim rapiunt, cum esuriunt, parciunt verò prædæ, cum senserint satietatem. Insatiabilis est sola auaritia diuitum, semper rapit, & nunquam satiatur: ij proinde, quia ferarum more viuunt, debent ut feræ ululantes, deplorare, quò tandem resipiscant, eisque veluti Nabuchodonosori reddatur intellectus ad cognoscendas futuras misérias & præsentis, sicut decet, deplorandas.

Verf. 2. *Diuitiæ vestra putrefactæ sunt, & vestimenta vestra à tinea comesta sunt.*

Verf. 3. *Aurum, & argentum vestrum æruginauit, & ærugo eorum in testimonium vobis erit, & manducabit carnes vestras sicut ignis.*

EXPOSITIO LITERALIS.

PORPONIT iam Apostolus primam causam miseriarum, quæ diuites expectant: retentio scilicet diuitiarum, quas congruo tempore non communicarunt egenis. Ideoque Oecumen. hic. Putrefactio diuitiarum, & vestimentorum corrosio, siue, exesio à tinea, & ærugo auri, & argenti proferet aduersum vos testimonium, arguens tenacitatem vestram.

DIVIITIÆ ergo vestra, quarum nomine intelligit diuitias naturales, ut frumenta, vina, & consimilia. Ita Carthus. Lyran. D. Thom. & alij. *Putrefacta sunt*, præteritum pro futuro, ut aliqui volunt. i. citò putrescent, vel putrescunt præ nimia, diuturna, & auara retentione, cum tamen Christus dixerit. *Quod superest, date elemosinam.* Brixian. exponit. Sinitis putrescere potius diuitias vestras quam ut eas in pauperes distribuatis.

Luc. 11.

VESTIMENTA vestra. Agit modò de diuitiis artificialibus, quales sūt vestimenta, quæ à tinea comesta sunt. Non vsu, inquit Interlinearis, necessario attrita, cum potius deberetis nudos operire: iuxta illud. *Cum videris nudum, operi eum, & carnem tuam ne despexeris.*

1 Jac. 6.

AURUM, & argentum vestrum æruginauit; quia nullus vobis eorum fuit vsus. Lyr. exposuit: in terra absconditum, Scio quidem & aliquos non sine pecunias æruginæ obduci, qui similes Græcis sunt, de quibus Anacharsis dicebat:

dicebat (teste Plut. de profectib. virtut. sentiend.) se non videre ad aliam rem munifmate vti Græcos, quàm ad numerandum. Quibus adhuc conuenit doctrina Iacobi, cum loquatur de iis, qui nulli profunt.

E T ærugo eorum. i. rubigo contracta ex nimia conseruatione eorum, quæ debueratis pauperibus distribuere, cui addenda est putrefactio naturalium diuitiarum. *Erit in testimonium,* scilicet auaritiæ vestræ. *Vobis.* i. contra vos: quia à Iudice supremo sumetur in argumentum, quo vos iniquæ auaritiæ conuincat, vel quia clamabit contra vos, sicut dicitur. *Lapis de pariete c. a. Habet a. mabit, & lignum, quod inter iuncturas parietum est, respondebit.* i. clamabunt, vindictam à Deo exposcentes, quia illa rapuisti: vel certe nummis ex rapinis partis comparasti: & lignum respondebit, id est, idem loquetur, & similiter contra te vindictam petet.

E T manducabit carnes vestras sicut ignis. Terrifica verba, inquit, Brixiani: Si isti audirent, neque multo auro oclusissent aures. Habent autem duplicem sensum: primus est. Hæc eadem ærugo, & auaritia interius vos corrodet per conscientie vermem, quæ quasi ignis adurit, non tamen consumit. Quem sensum affert Beda his verbis: Non solum impios, & immisericordes diuites visibis gehennæ ignis in tormentis excruciat, sed & ipsa diuitiarum putrefactarum, & inanium memoria, quibus facillimè possent suas redimere nequitias, non minùs ante iudicium animas eorum, & post resurrectionem etiam carnes exuret, dum sibi metipsis grauiter irasci incipiunt; quia sua scelera elemosynis ablueri noluerunt. Alter sensus est. Manducabit, id est, causa erit afflictionis in gehenna, ubi ignis torquetur & corpora, & animas; additurque particula (*tanquam*) quia ignis comedit carnes damnatorum, non tamen eas consumet.

NEQUE verò ex eo, quod Apostolus dicat; *ignis manducabit carnes vestras*, aliquis inferat, animas ab igne nullatenus cruciandas; etenim, cum vnum dicat, alterum minimè inficiatur, præterquam quod nomine *carnis*, non raro in Scriptura totus homo accipitur. Vnde Ioël; & in Act. *Effundam de spiritu meo super omnem carnem.* Et Isaias: *Videbit omnis caro pariter, quod os Domini loquutum est.* Quomodo autem ignis non solum carnes, sed animas torquere possit, tractant Theologi cum Magistro in 4. dist. 50. & August. lib. 21. de Ciuitat. Dei c. 4. & sequentibus. & Abulens. in Matt. 25. quæst. 553. & Ortho Frisingensis lib. 8. cap. 23.

§. I.

Miseram auarorum conditio, qui diuitiis, vt dominis, seruiunt.

HO c in loco docet Iacobus, quare diues æternis suppliciis sit mandandus, quia scilicet fructus ex diuitiis noluit colligere, prius easdem diuidendo, spargendo, & seminando, & ita miser auarus sine fructu delinquit, & decedit. Nec verò videatur quolibet offensa esse huiusmodi asseruatio auaritiæ (quæ *idolorum seruum* appellatur à Paulo) super
Pæz in Epist. B. Iacobi Apost. SSSs. quæ

quæ verba ita ait Chrysost. Videamus, cur avaritia, idololatria dicatur: quia honorificentiam Dei vsurpat, & vendicat creaturæ: quia similiter ea, quæ Dei sunt, sibi vsurpat, & recondit avarus, & quæ vsibus hominū Deus concessit communiter avaritia denegat, quando idcirco hæc congregat apud se, ne alij utatur: Creatori inimica, vult enim Deus ac iubet de his, quæ creauit, subueniri pauperibus, avaritia contradicit.

ET super id Ti noth. aliam insuper rationem reddit, cur avaritia idololatria appelletur, quia, inquit, sicut idololatria vni Deo auferre nititur gloriam, nec, quod eius peculiare est, solus habeat nomen diuinitatis, sibi soli condignum; ita & avaritia in Dei se res extendit, vt si pollet fieri, vnus & solus creaturam eius sibi vsurpet, quam Deus omnibus fecit communē.

C A I E T A N V S verò explicans eadem verba Pauli, ait: Auarum dicit Paulus idolorum cultorem, eo quodd conuenit vterque in colendo vnam, & eandem rem, idolorum siquidem cultor argentum, & aurum colit, iuxta illud Prophete. *Simulachra genium, argentum, & aurum.* Auarus itidem argentum, & aurum veneratur, sicut diximus cap. superiori, vers. 14. & probat Philo lib. 1. de Monarchia, cum ponderat illud præceptum. *Non facietis vobis deos argenteos, & aureos.* Videtur mihi, inquit, subesse præceptum, auaros valde arguens, vndecunque argentum, & aurum sibi quærentes, & acquisitum, tanquam numen recedentes in penetralibus, totam suam felicitatem acceptam illi referendo.

HO c probat insuper illud Exod. vbi ad conflandum vitulum pretiosa monilia, & in aures aureas obtulit populus. Viri enim nobiles pro more Orientis vtebantur, etiam in auribus, vt ait Plin. lib. 1. c. 37. Contulerunt etiam viri ad vitulum suos annulos, vt ait Tertull. contra Iudeos cap. 1. & ita factum est, vt suas opes, & sua monilia adamarent, & adorarent in vitulo conflato, vt ait Clem. Alex. 2. Stromat.

SIMILES prorsus his sunt miseri diuites, qui monilia, annulos, & pecunias adorant, ideoque sic ab eis abstinent, vt nec illas tangere audeant, quanto magis erogare? Vnde Chrysost. in c. 5. epist. ad Galat. ait: Colit eas, vt idola, veneratione quadam eas prosequens, attingere tanquam sacrosanctis verens; & neque etiam in extrema necessitate positus, inde ad sustentationem suam aliquid audet expendere. Quod tetigit Basil. hom. 2. ex variis, cum ait. Auarorum alius morbus est, victus sui rationem in digitis locat. Qua quidem nulla acerbior miseria esse potest, ideoque merito deploranda.

V N D E illud elscimus, avarum esse seruum diuitiarum, nec quomodo libet seruum, sed arctiori seruitute, quam quilibet alius seruus possit pati, quia quilibet alius seruus somnum capit, requiem aliquando habet: solus avarus vigilat in pluma, maria nauigat. Quantum augefcunt diuitiæ, inquit Basil. hom. 2. ex variis, tãtũ aufert vitæ sollicitudo, mille in eo sũt curæ, &c.

V N D E Socrates, vt refert Minoë emblemata. 189. dixit, auaros esse aurea mancipia; quod aliqui ita intelligunt, vt non quæcumque & communia mancipia sint, sed vincant in ratione mancipij & seruitutis quæcumque

alia

alia possint reperiri: sicut ea, quæ perfectissima sunt in aliquo genere, aurea dici consuevère, ex eo quòd cætera superent, sicut aurum cætera metalla excellit. Vnde fortè Poëta 2. Metamorph.

Sensu, vi illa suis aderat Venus aurea sests.

Et alius, scilicet Baptista Pius.

At Venus, & tecum puer aureus ille Cupido.

Quæ etiã fuit ratio, cur Ioãnes Constantinopolitanus dicatur propter aureum eloquentiæ flumen, Chrysostomus, id est, os aureum: & Petrus Ravennatis Archiepiscopus propter aureum sermonem dictus est Chrysologus. Sic ergo diuites, aurea mancipia, propter indicibilem promptitudinem obsequi & obtemperandi dicuntur. Qua de te videndus Helias Cret. ad Orat. 24. Nazianz. in principio: & Ambr. epist. 7. cum ait. Pecunia plerumque sibi dominos emit.

VIDENDVS item Rupertus lib. 3. in Exod. c. 40. vbi ait. Illud præceptum; *Non facietis deos argenteos, nec deos aureos*, apud nos idem est, ac si dicatur: Non studebitis auaritiæ, nec seruietis mammonæ. Quòd enim quis alteri homini obediatur & obsequatur, non tam mirum est, sed quòd rebus insensibilibus, id seruitutem auarorum indicat. Exod. 10.

Hæc fuit ratio, cur Balaam tunc cessauerit à percussione asinæ non quidem, dum eam loquentem audiuit, quod mirum, insolitumque erat, sed dum audiuit. *Nōne animal tuum suum?* tunc ne attingere quidem eam ausus est auarus ille animus; qui enim alienam pecuniam quærebat, quomodo proprium animal lædere auderet? Sed hac in re ostendit animal non suum quidem esse, sed potius auarum esse ipsius animalis seruum. Quod argumentum eleganter prosequitur Ambros. lib. de Nabuthe c. 14. vbi concludit. Custos ergo es tuarum, non dominus facultatum. Et cap. 15. Quicumque patrimonio suo, tanquam possessione non vititur, is suarum seruulus est, non dominus facultatum, quia aliena custodit, vt famulus, nō tanquam dominus vititur. Rom. 11.

Et ne huic seruituti id, quod superius diximus, videatur obstare, Dauid cum ait; *Dormierunt somnum suum* (quasi requies lassus auarus à pecunia tribuatur, qua ratione tolerabilis ea seruitus esset) hoc dubium soluit dicendo. Huiusmodi viri somnum suum dormiunt, non Christi. Vnde non habent Christi requiem, neque resurgunt Christi Resurrectione: *sed sicut oves* Psal. 48.
in inferno ponentur, & mors depascet eos. Quàm bene sicut oves, ait Ber. Serm. 2. de verbis Apostoli; non est Regnum Dei, &c. quia detractò vellere mundalium diuitiarum, duræque detonis sempiternis nudi deputabuntur incendiis. Mors depascet eos, quia semper morientur ad vitam, & semper viuunt ad mortem, atque aded & serui hinc erunt, & velut iniqui serui in alio sæculo punientur.

Iniquitas auarorum in eo consistit, quòd ea, quæ Deus omnibus communicanda dedit, ipsi recondant, nulli profutura.

DEINDE etiam nequitia diuitum in eo reprehenditur, quòd recòdant, & claudant id, quod omnibus Dominus communicari, & prodesse vult. Sepeliuit olim Iacob omnes deos alienos, quos sui habebant, & inaures, quæ erant in auribus eorum, subter terebinthum. Aduertit autem D. Ambros. lib. 2. de Iacob, & vit. beat. c. 7. sterilem, & infructuosam eam arborem esse. Nàmque idola auarorum, quæ sunt diuitiæ, sub sterilitate reconduntur. Inaures etiam eorum sterilitati subsunt; quia vel non audiunt postulantem miserum: vel nihil omnino illi tribuunt. Ait ergo Ambros. eod. lib. c. 5. Multi auro defosso incubant, aurum eorum sub terra, & cor eorum sub terra, caue ne & tu cor tuum terræ viuum defodias. Qua in re illud notandum est, auaros conscientia moros videri, dum terræ reddunt, quod ab eius viscèribus vi fuerat ablatum, sicut videtur dixisse Senec. lib. 3. de Ira c. 32. *Auarii uerum sub terras referi quæ male egressæ, dum scilicet recondunt, & sub terra custodiunt aurum, & argentum.* Attamen D. Basil. hom. 7. ex variis, quæ est contra diuites auaros, sic ait. Ingens infania, cum quidem in metallis est aurum, terram perferutari: cum autem in conspicuo est, rursus ipsum in terram occultare.

DEINDE contingit, vt defodiens diuitias, simul defodias etiam *cor tuum*. *ubi enim est thesaurus tuus, ibi est & cor tuum.* Quid verò inde sequatur, exposuit nobis Ambros. lib. 2. de interpellat. c. ultimo, dicens: Quid, nisi metallum mens auari, tanquam defossum tenet quicquid receperit, & in venis terræ, atque latibulis abscondit, eo quòd uti nesciat: quoridie aurum de metallis promitur, de auaro proferre quis poterit? Vnde illud colligimus contra auaros, diuitias quidem congregare, & recondere, vt nunquam in alicuius commodum possint assumi. Insuperque ideo illas detinent, abscondunt, & claudunt, ne ad alios perueniant, qui forte iisdem, prout decet, vterentur. Quod notauit Cyprian. epist. 2. ad Donat. cum ita habet. Pecuniam suam dicant, quam velut alienam domi clausam sollicito labore custodiunt, ex qua non amicis, non liberis quicquam, non sibi denique impertiunt: possident ad hoc tantum, ne possidere alteri liceat.

LUC. 12. *Quæ mihi videtur ratio, cur diues ille auarus, qui tot bona habebat de fructibus, quos sperabat, & quibus iam torquebatur, non egerit gratias, sicut notauit Leo Serm. 1. de ieiunio decimi mensis, cum ait: Nec de magnitudine fructuum gratulatus, sed de utilitate conquestus est. Quomodo enim Deo gratias pro acceptis bonis ille posset referre, qui ea solum recondere, & concludere meditabatur? Et ita similes mihi hac in re videntur auari gryphis, & draconibus, & immensorum corporum monstis, quæ nascuntur, & viuunt, ubi nascitur aurum, carbunculus, & smaragdus, tanquam eorum custodia, sicut notauit D. Hieronym.*

§. III.

Infelicitas auarorum, qui pro diuitiis damnantur, ex quibus possent beatitudinem promereri.

S I C V T igitur inde damnatus est Saül, quod contra præceptum Domini pepercit Agag, & optimis gregibus ouium, & armentorum, & vestibus, & arietibus, & vniuersis, quæ pulchra erant: sic & auarus damnationem meretur, quia fructibus, & vestibus, auro, & argento parcit. Vnde Cypriani. lib. de disciplina, & habit. Virgin. Delinquis, inquit, & hoc ipso in Deum, si ad hoc tibi ab illo diuitias datas credis, vt illis non salubriter perfruaris. Dixerat autem superius: Diuitem te sentiant pauperes, auarus autem diues æruginè obduci sinit, & putrefieri bona, quæ illi Deus aliis distribuere iussit, & sic supplicia inde accipit, vnde beatitudinem posset promereri. Quod explicat Greg. 10. Moral. c. 17. aptissima similitudine. Sicut enim cibus ad sustentationem vitæ datus est; si quis tamen per edacitatis ingluuiem, plus, quam par est, saturetur eo quo viuere debuit, & potuit pane, moritur: sic si quis bona, quæ à Deo accepit, vt aliis bonus esset, in se retineat, mala ex bonis acquirat. Vnde Ambros. lib. de Nabuthe cap. 7. ait. Dat tibi Deus fecunditatem, vt aut vincat, aut condemnet auaritiâ tuam, quod excusationem habere non possis, seruare tibi, si dispertires aliis.

Vnde Cæsarius Arelatensis hom. 2. ex hoc loco Iacobi seipsum arguit, & reprehendit, quia fortè aliquoties euenit, vt per negligentiam vestimenta, quæ debuerunt accipere pauperes, deuorata sint à tineis, timetque, ne sibi ipsi panni ad testimonium proferantur in die iudicii. Quibus habet similia D. Marcus Eremita lib. de pœnitent. & D. Damascen. lib. 2. Paralell. c. 17. qui in eodem sensu præsentem locum interpretantur.

Pro cuius elucidatione facit id, quod Seruilius ait lib. 2. de memorabilibus Principum thesauris, ex lib. 5. Historiarum Liiij. Mithridates in fugam à Sylla, & Lucullo actus copias auro, argento, vestibus multi pretij, copiosissimè per itinera sparsis periculo exemit, ardentis hostium animos præda temerè disiecta, ab insequutione auertit, vt quam virtus incolumitatem negaret, diuitiæ præstarent. Vtinam igitur sic agnoscerent diuites elemosinam à morte liberare, & per eam in die malo liberandos, ignem denique extinguere. Qua de re videndus Aug. lib. 50. hom. hom. 29. & de sermone Dom. in Luc. Ser. 30. & in Enchirid. Ser. 25. & 77. Ambros. Ser. 30. & 31. Cyprian. lib. de orat. Ber. Ser. 1. post. Epiphaniam; & Leo Papa hom. 2. de Collectis, & Ser. 5.

CÆTERVM tanta est diuitum insania, vt malint post mortem perire, quam vitam vestibus, argento, aurorum emere. Vnde Chrys. hom. 14. in 1. ad Cor. Auarus ne suis quidem rebus fruitur, quod enim amat, nunquid vellet expédere, sed libetius sectione pateretur, & carnem suam potius traderet, quam aurum. Et nihil aliud curant avari, quam claudere & recondere diuitias.

SSSS 3 VNDE

1. Reg. 15.

Tob. 4.
Ecl. 29.
& Ps. 40.

Vnde iam licet rationem reddere illius difficultatis, quæ reperitur in 3. Reg. 6. Scriptura, ubi dicitur. *Operuit illud* (scilicet oraculum) *auro purissimo*. ubi Regia, conclusum, sicut etiam alibi: *aurum obryzum* dicitur à Septuag. conclusura, ab August. *aurum inclusum*, à Tigurin. & Vatablo, *in thesauris conclusum*. Nam Rabbi Mardochai, Pagnin. Complutens. & alij recentiores volunt ex eo, aurum dici conclusum, quoddam diligenter claudatur, & custodiatur ab avaris in thesauris, & in publicum prodire minimè sinatur: ad quod fortè allusit Iuuenalis, cum acutè dixit: *Flagellantur opes*. Ne scilicet è carcere & custodia exeant, etiam ad miserorum subsidium. Qui ergo sic in carcere detinent diuitias, iure æternis carceribus concludentur, & contra eos in iudicio erunt testes perpetuæ damnationis.

§. I V.

Qualiter conscientia iniquos torqueat, & iustos securos reddat.

OSTENDIT etiam hic locus secundum communem sententiam, quæ per *aruginem*, vermem conscientia intelligit, quomodo conscientia testimonium, seu sententiam ferat contra miseros diuites, & in vniuersum contra omnes delinquentes, quos etiam veluti ignis torquet. Vnde Iob. *Cunctis diebus suis impius superbit*. Caiet. *Cunctis diebus suis impius dolens*. Regia: *se excruciat*. Tigurin. *Impius omnitemporè sibi asciscit dolores parientis se*. 2. Thim. 1. *Et alibi. Arma, & gladij in via peruersi*. ubi Septuag. *Tribuli, & laquei in viis peruersis*.

POSSVMVS hoc idem cernere in fratricida Caino, qui cum adhuc interfectores deessent in mundo, utpote in quo solus Adamus erat, ait ipse. *Omnis, qui inuenerit me, occidet me*. In se, inquit Ambr. in Apolog. David c. 9. ferebat sententiam, quoddam dignus esset, cui nullus ignosceret. Quod etiam prosequitur in Pl. 3. ubi de eodem Caino ita habet. Cum adhuc percussor deesset, ipsa sese iniusti vita cruciabat; offunditur nobis vltix nostri imago peccati, nec quietum reum esse permittit; semper nobis error noster, tanquam malus exactor occurrit; vel tanquam improbus fœerator, conueniens debitorem.

Et lib. 2. de Cain, & Abel. in illud. *Vox sanguinis fratris tui clamat ad me*. Non accusat frater, non accusat vox ipsius, non anima eius, sed vox sanguinis accusat, quem fudisti: tuum te ergo facinus, non frater accusat; imò & eidem Caino à Deo dictum est: *si male egeris, statim in foribus peccatum tuum aderit*. Heb. ad verbum; *ad ostium peccatum tuum cubans*; videlicet, more canis morosi, qui nec egredi, nec ingredi hominem tranquille sinat; sed impotuno latratu semper inquietet, hanc enim internam crucem multifaria nobis diuina proponit sapientia: imò illi nos ipsos affigit. Vnde Thren. 1. dicitur: *Vigilaui iniquitatum mearum, in manu eius conuoluti sumi, & impositi collo meo; ut ante oculos, manus ac pedes obuersans irrequietum malum coquiescere animo minimè permittat*. Et Philo lib. de Ioseph. Conscientia carn

carnifex intestina non sinet me oculos in herum erigere, vt nemo prodat alius.

Hoc cernere quidem est in eo, quod supremus Iudex dicturus est impiis in extremo iudicio: cum enim dixerit. *Venite benedicti Patris mei*, reprobis tantummodo dicet: *Ite maledicti*. Neque assignabit, vnde proueniat illa maledictio, quia eorum conscientia, & mala opera gesta, contra eos ferent sententiã, & maledictionẽ impingent, sicut notauit Chrys. homil. 80. in Matth.

Vnde Aug. lib. 1. contra Secundinum c. 1. Senti de Aug. quicquid libet, sola me in oculis Dei conscientia non accuset. Et Chrysost. hom. 3. de verbis Isaia, *Vidi Dominum*. Ponamus, inquit, nulli notum esse flagitium, prater quàm ipsi vni, quomodo fert conscientiam redarguentem, & amarulentam, accusatricem vbique secum ferens? Quemadmodum enim seipsum nemo potest effugere, ita nec illam eius curiã sententiam. Hoc enim tribunal non pecunia corrumpitur, non adulationibus acquiescit, eo quòd diuinum est, & à Deo nostris impositum mentibus. Quibus prorsus habet similia Ambros. epist. 44. lib. 7. quæ est ad Constantium; & Bern. lib. de conscientia. Nulla pœna maior est mala conscientia, omnium siquidem delictorum nostrorum ipsa est testis, ipsa iudex, ipsa tortor, ipsa carcer, ipsa accusat, ipsa iudicat, ipsa punit, ipsa damnat.

Et Basil. Orat. 2. 3. de iudicio. Fortè grauior, quàm tenebræ, vt nunquã non ob oculos habeat sceleratæ vitæ vestigia, tanquam inuitabilis alicuius tincturæ. Videndus Gregor. lib. 1. 3. Moral. c. 12. cum explicat ea verba Iob. *Sonitus terroris semper in auribus illius, & cùm pax sit, ille insidias suscipitur*. Item Iob. 15. Hieron. lib. 16. in Isaiam cum exponit ea verba. *Cor imp. quasi mare feruens*. Et lib. 5. in Ezech. ad ea verba, vbi nostra lectio habet. *Et in porta confusionem tuam*. Septuag. habent. *Tu sustine tormentum iustum*; quod de mala conscientia intelligit.

CONSCIENTIA denique, sicut notauit Chrysost. post tot annos transactos, fratres Ioseph sine accusatore accusabat. Videndus pro hac re Chrysost. hom. 52. in Genes. vbi ostendit, conscientiam fuisse, quæ Abimelech detulit ad Isaac eiectum.

ILLVDQVE prorsus intolerabile, quod notauit Ambros. lib. de interpellat. c. 3. cum ait. Quid ærumnosius, cum ipse lectus ad communem quietẽ datus graue vulnus infligit? Tunc enim solemus quæ fecimus, recordari, & factorum suorum stimulis compungitur interior conscientia. Vnde Scriptura ait. *Que dicitis in cordibus vestris, & in cubilibus vestris compungimini*. Sed p[er] al. 4. esto, vt aliquando sommus obrepit, terremur in somniis, vt iam nõ requies, sed pœna sit. Si enim qui ære alieno, aliãve humana obligatione constringuntur, neq; somnũ capere, neque quiete frui possunt. Vnde Aug. Cæsar subbrides, ac miratus è tota supellectili, quã moriens quidã Romanus immenso ære alieno obrutus reliquerat, solũ lectũ emẽdũ curauit, quòd fieri nõ posse diceret, quin lógè optim' esset ille lect'us, in quo homo tãti æris alieni mole press' sôno frueretur. Quĩ fieri poterit, vt qui æternis tormẽtis soluẽdis p[ro]b peccatis cõtra Deũ cõmissis est debitor, sôno requiẽ potiri possit, cũ iugiter corro

corrodentem habeat conscientia vermem, qui veluti ignis totum hominem dilacerat, & adurit: eoque grauior, & acerbior est propria conscientia sententia & testimonium, quia praeterquam quod, neque minui, neque corrumpi potest, inexcusabilis omnino est? Sicut enim dixit Ambr. Ser. 50. Sine excusatione est qui conscientia suae iudicio condemnatur, quem alter iudicat, potest quandoque à suo iudice sperare indulgentiam, qui se ipse iudicat, à quo indulgentiam postulat.

Genl. 4. **Luc. 11.** **2. Reg. 2.** **Luc. 13.** QVO in loco licet etiam dicere, latitiam bonae conscientia, quā probat illud, quod Deus dixit Caino. *Nonne si bene egeris, recipies?* quod proprie ex Hebr. potest transferri. *Si bene egeris, eleuare*, vel, *leuabis*, quod latitiam significat. Vnde *Luc. Respicite, & leuate capita*. Et confidentiam etiam denotat iuxta illud. *Recede, ne forte compellar confodere te in terram, & leuare non potero faciem meam ad Iob fratrem meum*. Et publicanus non audebat oculos ad caelum leuare. Vnde Chrysost. hom. 16. ad Pop. Sicut in nequitia viuens, etiam ante gehennam puniatur conscientia stimulatus; sic meritis abundans, etiam ante Regnum magna fruatur latitia, se bona spe pascens. Similia habet Bern. Ser. 3. super *Missus est*.

Iob. 11. QVOD si securitatem rectae conscientia velis agnoscere, audi quid dixerit Sophar Naamathites. *Si iniquitatem, quae est in manu tua, abstuleris à te, & non manseris in tabernaculo tuo in iniustitia, defossus securus dormies*. Vbi Vatabl. vertit. *Iacebis securus, velui fossa circumducta*. Metaphora sumpta à re militari, ubi ad hoc, vt exercitus securus sit, & milites aliquantulum arma possint deponere, nec tam citò ab hostibus irrumpentibus profligari, fossis apertis, & vallis appositis circumdatur; sic ergo dicit futurum eum hominem, qui bene egerit, & se rectè gesserit. Nā, sicut dixit Bern. de interiori domo c. 20. Bona conscientia tranquilla est, quia omnibus est dulcis, & nulli grauis, vt es amico ad gratia, inimico ad patientia, cunctis ad beneuolentia, & quibus potest ad beneficentia. Proindeque velut fossa circumducta, securus iacet iustus, nullū omnino timet.

1. Cor. 4. IDEOQUE Cypr. Ser. de eleemosyna; salutarem operationem appellauit grande solatium credentium, securitatis hostiae salute praesidium, tutelam iudei, & medelam peccati. Qua de re videndus Aug. Serm. 6. de verbis Apostoli, & Ambr. in Psal. 38. explicans ea verba Prophetæ. *Obmutui, & filii à bonis*. Silui, inquit, à bonis, quia bona conscientia non eget defensione verborum, quæ suo nixa est testimonio, ipsa sui iudex; ideo Paulus ait. *Mibi pro minimo est, ut à vobis iudicer*. Aduersus calumpniantes, & peccatores iustus suo iudicio contentus est, non possunt aliena verba crimen affingere, quod propria non recipit conscientia.

Verf. 3. *Thesaurizastis vobis iram in nouissimis diebus.*

EXPOSITIO LITERALIS.



CONTINENT hæc verba amaram exprobrationem contra auctores, qui ex eo, quod recondant diuitias, fructusque ac vester concludent, sibi quidem, vt miseri, coaceruant iram, & supplicium in vltimis diebus reuelandum, & infligendum, & ita au-

ricumalis congestis, & frugum acervis comparatis respondet thesaurus divina vltionis & iustitiæ; cum possent sibi thesauros in cælo, faceréque sibi *Matth. 6.* sacculos nunquam veterascentes.

THESAVRIZANDI igitur verbo, quod metaphoricum est, vsus est Paulus etiam in hoc sensu, cum dixit. *Secundum duritiam tuam, & impæniens cor, thesaurizas tibi iram*: significatq; abundanter præparare, & recon- *Rom. 2.* dere. Vnde in Scriptura dicitur: *Theaurizames iniquitatem*. Expofuitque metaphoram D. Thom. hoc loco eleganter sanè. Nota, inquit, quòd in thesauro intelligitur quantitas pœnæ, & qualitas, siue acerbitas, Thefaurus enim fit de magnis rebus, & multis. Sic pœna æterna magna erit æternitate, & multa pœnarum diuersitate, & acerbitate. Quod possumus probare ex illo Psalm. *Qui producit ventos de thesauris suis*: & alibi. *Aperis thesauris suis, obdulerunt ei munera*. Et iterum: *Qui profert de thesauro suo noua, & vetera*, & Iob: *Nunquid ingressus es thesauros nuius, aut thesauros grandinis aspexisti*. *Psal. 114. Matth. 2. 13. Iob. 38.* Vbi nomme thesauri significatur receptaculum, in quo est copia alicuius rei. Vnde Virgil. 4. Georg. aluearia vocat, *mellis thesauros*. Imò & in sacris literis, cellæ vinarie, & apothecæ olei, dicuntur nomine originali thesauri.

UT ergo magnam pœnam, quam sibi coaceruauerunt diuites bona recludendo, significet, ait, eos thesaurizasse sibi iram. Fit enim ingens quidâ thesaurus suppliciorum, & tormentorum, vel, cum non statim rependitur supplicium debitum impiis. Continetur enim diuturnitate tēporis diuina ira, quasi fluuius quidâ clausis ostiis, lōgo interuallo compressus, & in fine maiori impetu sese effundit; vel etiam augetur prædictus thesaurus multitudine malorum actuum. Et veroque modo auati diuites sibi thesaurizant iram & indignationē diuinā. Vbi autem recondatur hic thesaurus, ostendit Moyses, cum dicit. *Nonne hæc condita sunt apud me, & signata in thesauris meis?* *Deut. 32.*

THESAVRIZAT autem homo sibi iram quia diuina, iustitia nō videtur quoad effectū per sese locuples, & abundans, nisi nostra nos illi peccata, tanquam ingētes copias trademus. Ipse enim ex se diues in misericordia est. Quod videtur dixisse Paulus: *An diuinitas bonitatis eius contemnis*. *14. autem thesaurizas tibi iram*: vbi diuinæ bonitatis diuitias, quasi proprias dixit, iustitiæ verò, & iræ à nobis veluti congestas, & acquisitas. *Rom. 2.*

CVIVS autē hæc sit ira faciliè patet ex termino, qui assignatur ad illius adductionem, *in nouissimis*, scilicet, *diebus*, vt intelligamus esse iram Dei, per quā iusta vindicta de iniquis sumēda. intelligitur in sacra Scriptura. Quod multis docuit Aug. præcipuè verò ad finē lib. de essentia Diuinitatis tom. 4. & contra aduersarium legis, & Prophetarum lib. 1. c. 20. Atque eodem fere modo Ephiphan. lib. 1. hæref. 38. Quod etiam acutè notauit Didymus in Ps. 6. vbi aduertit, dixisse Moysem: *Misisti iram tuam, que deuorauit eos*. *Nā. Exod. 15.* ita, inquit ille, quæ affectio est, non meretur, est enim irascibilis animæ facultas, sed iram vocat miseriarum, ac dolorum in malos inductionem.

TOT a difficultas est in explicando quidnam significet Apostolus per id, quod ait, *in nouissimis diebus*. Scio enim plures differentias tēporis significare. *Racem Epist. B. Jacobi Apost.* **T. T. T.** nouis

nouissimum diem, nouissimorum dierum, seu nouissimos dies. Etenim aliquando significat tempus Messie, & tempus noui Testamenti, vt probat Hieron. & Lyran. Isaia 2. & Michæ, & alibi. Et fere est communis interpretum sententia.

SIGNIFICAT etiam tempora futura, quæ subsequuntur, vt quando Iacob filios suos vocauit; & ait illis. *Congregamini, vt annuncietur quæ ventura sunt vobis in diebus nouissimis.* Licet enim propterea quod tunc protulit celeberrimam de Christo prophetiam: *Non auferetur sceptrum de Iuda, & dux de femore eius,* &c. aliqui dixerint ibi, in *nouissimis diebus*, significare tempora Messie, tamen patet multa in eo cap. contineri, quæ ante aduentum Christi impleta sunt vt, verbi gratiæ, de Simeone, & Leui: *Diuidam eos in Iacob, & dispergam in Israel;* quod impletum est ad ingressum promissæ terræ, vbi Leui non accepit sortem, & Simeonis tribus recepta est in sortem tribus Iudæ. Et de multis aliis exterarum trium prædictionibus adimpletis videndus Hieron. in tradit. Hebr. in Gen.

SED insuper probatur, quod diximus, in *nouissimis diebus*, significare posteriora tempora, quando ait Apostolus: *Hoc autem scio, quia in nouissimis diebus instabunt tempora periculosa, & erunt homines seipso amantes;* quod paulo post, ipsis Apostolis viuentibus, impleri cœpit. Vnde Oecum. ibi, per *nouissimos, ac extremos dies* ait posse intelligi eos dies, qui Pauli interitum essent sequenturij, in quibus Timotheus adhuc superstes futurus erat. Et D. Aug. epist. 80. ad Hesychium, per *dies nouissimos* intelligit ipsa Apostolorum tempora. Et Petrus: *Veniens in nouissimis diebus in deceptione illusores.* Quod Iudas, qui post cæteros Apostolos scripsit, impletum fuisse docet in sua epistola.

SIGNIFICAT in *nouissimis diebus*, tempus iudicij, vt patet ex D. Petro Apostolo; qui reuelauit vos in *spem vitam*, paratam reuelari in *tempore nouissimo*. vbi Syriaca editio habet: *in temporibus posterioribus*, vel, *nouissimis*; quia scilicet parata est salus, ac felicitas, vt reueletur, & appareamus cum Christo in gloria accipiendo consummatam felicitatem totius hominis. constantis etiam ex suo corpore glorioso. Similisque est apud Oseam. Et sic etiam dies mortis dici potest nouissimus, aut nouissimum tempus, quo anima essentialem felicitatem acquirit, vel, quia nouissimus omnium est, vel, quia tunc subit iudicium particulare. Thesaurizant igitur diuites auari sibi iram reuelandam, & infligendam, vel in die nouissimo mortis, vel in die iudicij, quando non solum anima iā torquebitur, sed & caro igne, ac vermibus cruciabitur.

§. I.

Diuina ira, quo tardior, eo acerbior ad nos peruenit.

MISERORVM diuitum conditio iam ostenditur, qui cum in acquirendis diuitiis maxime laborent, quæ coaceruauerunt bona, relinquunt, & recondita sibi, ac comparata inueniunt supplicia. Quod dixit Aug. lib. 50. homil. hom. 42. Ipsa est infelicitas hominum, propter quod peccant morientes, hic dimittunt, & ipsa peccata secum portant. Et qui thesauros nulli

nulli omniq; veiles acquirunt, supplicij thesauros inueniunt, positumque in thesauris cor, ponitur deinde comburendum igni. Quod ex mente Hugonis Card. dixit Dauid: *Ponens in thesauris abyssos*. Quia qui totam curam in thesauris posuerant, iam in thesauris diuinæ iræ reconduntur.

Vnde illud iam colligitur, quo tardior scilicet ira Dei ad nos venit, maiores vires, veluti accedendo acquirere, & acerbiorum peruenire. Deinde & beneficium Dei esse diuinam hic perpeti punctionem; ne coarctuata tandem in æternum sustineatur. Quod significatum esse in ea similitudine arcus, qua vitur Hieremias, ait Hieron. ibi. Cui, inquit, si peccauerimus, & diutius per patientiam eius expectati, ad eum per penitentiam reuerti voluerimus, tetendit arcum iudicii sui contra nos. Quanto enim arcus plus colligitur, & intorquetur, tanto maiori vi emittitur sagitta, & tanto plus interiora penetrat, & transigit: sic & diuina iustitia diutius repressa, & collecta, maiori impetu fertur. Vnde per Isaiam dicitur: *Tacui semper, pateriens fui, sicut parturiens loquar, dissipabo, & absorbebo simul.* vbi vides vociferationem parturientis correspondere taciturnitati diuinæ, dissipationem verò penitus absorbentis patientiæ. Et Paul. Rom. 2. *Diuitias bonitatis eius & patientiæ, & longanimitatis contemnis, tu autem secundum duritiam tuam blasphemizas tibi iram in die ira.* Et D. Greg. Moral. c. vlt. Deus, inquit, peccata in die vltimo iudicat, qui nunc peccantium derisiones portat, & tanto tunc durius distinctionem exerit, quanto nunc vocandis peccatoribus suam leuius patientiam sternit: qui enim diu conuertendos expectat, non conuersos sine retractione cruciat.

Et hæc videtur etiam ratio, cur in sacro sermone acrior Dei punitio, idem sit ac tarditas, & dilatio. Sic Dáuid. *Disfultisti Christum tuum.* Hieron. vertit, *Iratus es aduersus Christum tuum.* Et alibi. *Audiuit Dominus, & disfultis,* id est, *Psal. 23. Psal. 77.* maxima ira excanduit. Ideoque *ignis accensus est in Iacob, & ira ascendit in Israel.* Solet enim dilata Dei ira exacerbari, & supplicij tarditas grauitate compensari. Vnde Chrystost. hom. 3. ad Popul. Si peccaueris, & non punitus fueris dilecte, sed propter hoc ipsum magis time. Etenim sicut dixit Amos: *Psal. 37.* *parantur in diem malum.* Timebat hanc iræ abundantiam Dauid cum dicebat. *Iniquitates mea supergressæ sunt caput meum, & sicut opus grane grauata sunt super me.* vbi Aug. legit: *sicut fascies grauata sunt,* quasi ex peccatis fascis fiat, quo impius comburatur in die furoris, quando sicut ignem mittet iram suam: proindeque, quo maior & grauior fuerit fascis, eo maior confurget pyra, & acerbius erit tormentum. Videndus pro hac re Aug. q. 37. in Exod. cum ponderat, beneficio, & patientia Dei dici obduratum Pharaonem, quo acerbius puniretur à Deo, à quo tanta sustinentia expectabatur.

§. II.

*Diuinum beneficium est; statim puniri, ne nobis acquiramus the-
saurum diuinae irae.*

Illi vero insuper colligitur, singulare Dei beneficium esse, si cum quis delinquit, à Domino puniatur. Quod dixit David ex mente Bern. in Ps. 98. *Psal 98.*
T T T t 2. *Deus*

7. Gal. 2.

Deus in propitijs fuisse. Et statim exponens huiusmodi propitiationem ait: *Et ulciscens in omnes adinventiones eorum.* Ait proinde Bern. Serm. 42. in Cant. Hoc vocat propitiationem, quod eorum Deus non pepercit excessibus. Volo irascaris mihi, Pater misericordiarum; non enim, cum nescio, sed cum sentio te iratum, tunc maxime confido propitium. Similiâque habet Greg. 13. Mor. c. 3. dicens. Divina flagellatio optari benignè debet, & oratio potius, quam maledictio esse monstratur.

Et ideo Philo lib. *Quod deterior*, ait. Arbitror eos, qui omnino sunt inextinguibiles, optare potius, quam dimitti: nam hæc missio facile subvertet eos, cum male suburrat is naues, carentes gubernatoris providentia; animadversio verò ad correctionem profuerit. Ergo quicumque peccatorum sumus nobis conscij, precemur Deum, ut puniat nos potius, quam incolligatos prætereat. Similiâque habet de legatione ad Caium, cum ait. Ultrices facultates etiam collocandæ sunt in beneficiorum ordine; beneficium autem in supplicij possumus considerare, tum quia iis corripimur, & emendamur, tum quia levia sunt respectu illorum, quæ nobis advenient in novissimis diebus, nisi modò puniamur. Etenim præterquam quòd gravissima sunt, nunquam eadem evadimus, cum tamen modò, dum Deus nos punit, transeat equidem percutiendo.

Exod. 21

Vnde, sicut eleganter notavit Hieron. Osee 10. in Scriptura idem profus est, *transit: Deus, & adversa infligit: & exterminator in Ægypto transiisse memoratur. Transiit Dominus percutiens Ægyptias.* Sicque illud Amos intel-

Amos 5

ligit. *Quia pertransibo in medio ius.* Non enim, dum in hac vita punit, permanenter, & diuturno supplicio id facit; proindeque veluti per transitum, supplicia infligit. At verò alterius vite pœnæ, cum veluti in thesauro reclusæ nos maneant, nunquam tandem exhaustiri poterunt præterquam quòd gravissimæ, admodumque acerbæ erunt.

Apos. 3.

VIDENDVS Tertull. lib. de patientia c. 11. vbi aduertit ea verba. *Ego quos diligo, castigo*, additque. O serum illum beatum, cuius emendationi Dominus instat, cui dignatur irasci, quem admonendi dissimulatione non decipit. Idque probat locus ille in Scriptura, vbi dicitur. *Enimvero multo tempore non finire peccatores ex sententia agere, sed statim ultionem adhibere; magni beneficii est indicium. Non enim, sicut in alijs nationibus, Deus patienter expectat, ut eas, cum iudicii dies advenierit, in plenitudine peccatorum puniat.*

2. Mat. 6.

Verf. 4. *Ecce merces operariorum, qui messuerunt regiones vestras, quæ fraudata est à vobis, clamat: & clamor eorum in aures Domini Sabaoth introiit.*

EXPOSITIO LITERALIS.



ROSEQVITVR Apostolus ostendere, quibus in rebus superbi divites soleant delinquere erga pauperes; & postquam ostendit sibi thesaurizare iram Dei, dum thesauros auri, & argenti coaceruat,

nec

nec tamen indigentibus subueniunt, & fructus ac vestes vsque ad putrefactionem, & comestionem à tineis congregant, cum nudos minime operiant, aut esurientes pascant; ostendit modò alterum eorum vitium, & peccatum, quòd scilicet seruos, agricolas, messorésque agrorum debita mercede fraudant, quod immane quidem peccatum est, suáque enormitate quasi alto clamore cælos penetrat, à Deo vindictam expolcens: proindeque impunitum minimè remanebit.

PARO explanatione autem istius loci illud aduertendum est, quod dixit Aug. lib. 1. loquutionum; sacram Scripturam solere ponere *clamorem* pro tanta impudentia, & libertate iniquitatis, vt nec verecundia, nec timore abscondatur. Vnde D. Greg. lib. 5. Moral. c. 7. & 3. Pastoral. c. 32. Omnis iniquitas apud secreta Dei iudicia, habet voces suas. Peccatū nāque cū voce, est culpa in actione; peccatū autē cum clamore, est culpa cum libertate.

IL LV D deinde aduertendum est, quod dixit D. Thom. omnesque eius interpretes. Cyprian. in Cat. ad Gen. c. 18. ibi. *Clamor Sodomorum*; & communiter solent aduertere sacri interpretes, ac Theologi, quatuor esse genera peccatorum, quæ propter suam grauitatē dicuntur in cælū clamare, quòd quidē nihil est aliud, quàm diuinam irā, iustitiāque implorare. Primum est, voluntarium homicidiū hominū innocentium, de quo dixit Dominus ad Cain. *Vox sanguinis fratris tui clamat ad me de terra*: & Christus ait in Euangelio. *Deus faciet vindictam electorum suorum clamantium ad se die, ac nocte*. Et in Apocal. animæ Martyrum de sacratio diuino dicuntur clamare.

Genes. 4.
Luc. 18.

Apoc. 6.

Quare non vindicas sanguinem nostrum de his, qui sunt in terra?

Si verò difficultatem ingerat, quòd Sancti petant vindictam de interfecto-ribus suis; Aug. Ser. 11. de Sanctis, id explicat, dicens. Petunt vindictam de inimicis suis, duobus modis, & hoc causā charitatis, vt scilicet qui ad vitam æternam prædestinati sunt, conuertantur à malo ad bonum; qui verò præsciente Deo damnandi sunt, moriantur, & peccare desistant, vt per hoc minorem pœnam in inferno habeant: vbi vnusquisque secundum qualitatem operum sustinebit magnitudinem pœnarum. Petunt autem de reprobis vindictam, quia optant venire diem extremi iudicii, & resurrectionem suorum corporum, præstolantur. Et Greg. 2. Moral. cap. 6. ait. Quo Deo mente ardentius inhaerent, eo etiam de ipso accipiunt, vt ab ipso petant, quodcumque facere velle nouerunt: discordarent ergo à voluntate conditoris, si quæ eum velle vident, non peterent. Et cum sciant eum velle punire peccatores, id à Deo postulant. Ita etiam Beda, & Ambrosius.

QVOD si cui non placeant hæ responsiones, illa vtique addendas Beatos; qui nec odio affici possunt, neque à Dei voluntate declinare, recte optare posse, & petere, vt inimici impij puniantur, nisi pœnitentiam egerint: quod Deo placere vident. Nec mirum, quòd illis hoc liceat, cum etiam in hac vita, si viscera charitatis induant, & omnem inimicitiz, & malevolentiz sensum deponant, instar Beatorum, eis id liceat optare, & petere. Quade re videndus D. Thom. 1. 2. q. 15. art. 6. ad 3.

SECVNDVM peccatum, quod clamare dicitur, est Sodomiz, de quo

TTTT 3 dixit

Gen. 18.
Gen. 19.

dixit Dominus. *Clamor Sodomorum multiplicatus est; & Beati Angeli illud ex-
crantes, dixerunt ad Loth. Delicimus hunc locum, eo quod increuerit clamor eorum
coram Domino.*

Exod. 21.

TERTIUM est oppressio pauperum, viduarum, & pupillorum, de quibus
ait Dominus. *Vidua, & pupillo non nocui, si leseris eos, vociferabuntur ad me, &
ego exaudiam clamorem eorum, percutiamque vos gladio, & erunt uxores vestrae viduae,
& filij pupilli.* Et sic exaudiuit Dominus clamorem Hebræorum ab Ægyptiis
oppressorum; & ideo illorum primogenitos vna nocte deleuit, totamque
turbam in profundum maris rubri, quasi lapidem demersit.

Exod. 2.
14-15

Deut. 24.

QUARTUM peccatum est hoc, de quo Iacobus loquitur, scilicet merces
opincum, & agricolarum, vel fraudata, vel vi detenta, sub quo etiam cri-
mine comprehenduntur qui minus æquo persolunt. Hoc igitur peccatum
ait Iacobus clamare. Nam in Deut. dicitur: *Non negabis mercedem indigentis, &
pauperis fratris tui, siue aduena, qui tecum moratur in terra, & intra portas tuas est, sed
eadem die reddes ei pretium laboris sui ante Solis occasum, quia pauper est, & ex eo so-
lentis animam suam, ne clamet contra te ad Dominum, & repulsetur tibi in peccatum.*

Ecc. 13.

Et Ecclesiastic. *Pauper etiam laesus iacet, &c.*

Ecc. 34.
Malach. 3.

ET clamor eorum. Caiet. verò putat legendum, clamores. Neque enim raro
hæc crudelis detentio reperitur. Clamor ergo præmiorum detentorum, aut
operatorum præ fraude dolentium in aures Domini Sabaoth introiuit.
Nam, ut dixit Ecclesiast. *Qui effundit sanguinem, & qui facit fraudem mercenari-
um, fratres sunt.* Et Malach. *Accedam in iudicio, & ero testis velocis, qui calumnian-
tur mercedem mercenarij, ubi Septuag. qui priuant mercedem mercenarj.* Chaldaeus
verò, *qui auferunt violenter mercedem mercenarij.*

Iob. 31.

Tob. 4.

Ecc. 34.

Leuit. 19.

Nier. 22.

IDEO QV E tanquam de maximo crimine se curauit purgare Iob, ut
eum interpretatur Beda, & Carthuf. hoc loco. Licet enim alius sit literalis
sensus, dum dixit: *Si aduersum me terra mea clamat, & cum ipsa socij eius defleat, si
fructus eius comedi absque pecunia, & animam agricolarum eius affixi; pro frumeto,
oriatur mihi tribulus, & pro hordeo, spina.* Indèque Tobias. *Merces mercenarij tui
apud te omnino non remaneat.* Et Ecclesiastic. *Panis egenium, vita pauperum est; qui
defraudat illum, homo sanguinis est.* Et Leuit. *Non morabitur opus mercenarij tui apud
te usque mane.* Et Hierem. *Ve, qui adificanti domum suam in iniustitia, & oxnacula sua,
non in iudicio, amicum suum opprimit frustra, & mercedem eius non reddet ei.*

EO HV M igitur nequitiam ostendit Apostolus, qui mercenarijs debitam
laboris mercedem reddere spernunt, ostenditque eos damnandos, quia pro-
pria non tribuunt, sed quia aliena detinent, scilicet mercedem operatorum.
quæ regiones, id est, magnas possessiones diuitum messuerunt; quæ ab illis
fraudata est, quia iniuste, atque fallaciter eam subtraxerunt, diminuendo,
aut differendo reddere.

Hæc ergo, ait Apostolus, clamat, id est, materialiter, vos accusat, & ob-
tentionem contra vox expetit coram Domino Sabaoth, qui solus audit cla-
mores pauperum. Apposuit autem Iacobus magnificum verbum, *Dominus
Sabaoth*, quod omnipotentem Dominum exercituum significat, ad perterrédum
ini

iniquos, qui ita se habent circa egenos, quasi non habeant proteſtorem, aut iudicem. *Tibi enim dereliſtus eſt pauper.* Et: *Non ſpreui Dominus deprecationem pauperis.* Reddens autem Cýrill. Alexand. rationem, cur Deus quàm ci- tiſſimè audiat, ait lib. 1. in Iſai. cap. 5. Accipit promptiſſimè voces eorum, qui fraudati ſunt, ſanctiſſima, & improbitatis inimica natura.

§. I.

Contra eos, qui ſeruum mercedis defraudant.

LICET ergo communiter ſervi ſoleant conqueri de dominis ſuis, quod notauit D. Hieron. epiſt. de vitando ſuſpecto contubernio tom. 1. ubi ait. Querulum ſeruorum genus eſt, & quantacumque dederis, ſemper eis minus eſt. Non enim conſiderant de quanto, ſed quantum detur, dolorémque ſuum ſolis, quot poſſunt obrectationibus conſolantur. Hic tamen locus de eorum clamoribus intelligitur, qui verè à dominis fraudem in mercede laborum ſuorum patiuntur. Sicut Iacob paſſus eſt à Labano, qui eum circumuenit, & mercedem illius decem vicibus mutauit. Quales paſſim in mundo reperiuntur, quod damnabilius eſt, non ſolùm decipiunt & fallunt pauperes in ſoluenda mercede: ſed, ne ſoluant inſuper crimen aliquod impingunt. Videndus Chryſoſt. in imperfecto homil. 2. cùm ponderat ea verba Eccl. 35. *Vox pauperis penetrat nubes.* Tacitus, inquit, eius clamor in excello auditur, quia nō magnus clamor à Deo auditur, ſed iuſtus, &c.

QUAM grauiter verò Deus animaduertat in huiusmodi fraudatores, notauit D. Ambroſ. lib. de Nabuthe c. 12. in eo, quòd Deus prohibuit, vel breuem retentionem in ſoluenda mercede, proindeque iuſſit; *Eadem die reddes ei pretium laboris ſui ans. Solis occaſum.* Leuitici 9. Sic inde argumentatur Ambroſ. Qui non patitur te dicere, cras dabo, quomodo patietur dicere, non dabo?

ILLUD autem hac in re notandum eſt in hominibus nequam, qui cùm vigilent ad repetendos debitores, obliuiſcuntur omnino debitorum ſeruis mercedis. Qua in re imitandus eſſet nobis Tobias, qui tanta diligentia curabat, ne quid alienum domi eius remaneret. Et tamen propriam pecuniã in extremo vitæ ſuæ tempore procurauit acquirere; magis, ne fraudaret hæredem, quàm vt depoſitam pecuniam cogeret, ac recuperaret, ſicut notauit Ambroſ. lib. 9. epiſt. 70.

POSSEMVVS inſuper Dei naturam hac in re nobis proponere imitandam, qui, ſicut notauit Nazian. Orat. 11. etiam in hac vita rependit ſeruis ſuis, cùm tamen in alia promiſerit ſolutionem, vt certiores redderet de præmio, quos in præmiando præuenit. Vnde Helias Cretenſiſibi, hanc ſolutionem Dei in hac vita, velut arrhas appellauit. Hoc etiam dixit Ambr. lib. 1. de pœnit. c. 26.

CVMQUE hæc ſit Dei natura, non mirum, ſi in aures eius clamor operatorum ingreditur, ſicut exauditus eſt à militibus Dauid puer ille Egyptius,

2. Reg. 30. prius, quem crudelis Dominus reliquit in agro, cuius clamor causa fuit, ut Amalechitas Dauid percuteret à vespere usque ad vespere alterius diei, & non euasit ex eis quisquam, nisi quadringenti viri adolescentes, qui ascenderunt camelos, & fugerunt.

ILLVDQVE possumus cum Amb. deplorare Ser. 3. vbi sic ait. Sūt plerique, qui magis canum, quàm seruatorum curam gerunt, & faciunt eos iuxta se, vel recumbere, vel dormire, quotidianum illis cibum sui præsencia ministrantes, qui vtrum serui sui fame moriantur, ignorant. Et quod est grauius, nisi diligenter his præsparatum fuerit, pro cane seruus afficitur. Vides in nonnullorum domibus nitidos, & crassos canes discurrere, homines autem pallentes, & titubantes incedere, &c. Quomodo ergo ministerij solutionem tribuent, qui nec ministrando tribuunt necessaria? quomodo diuinam euadent iustitiam, contra quos clamor seruatorum cælos penetrans, diuinam postulat vltionem?

Verf. 5. *Epulati estis super terram, & in luxuriis enutristis corda vestra, ut in die occisionis.*

EXPOSITIO LITERALIS.



ROSEQVITVR adhuc Iacobus enarrare nequitiam diuitiū, quod magis eos confundat, & conuincat, ut resipiscant à peccatis. Obiurgat ergo illos, primò de peccato gulæ, ac temulentix, quibus nimium dediti erant, cum nihil omnino de pauperibus curarent.

EPVLATI estis super terram. i. quandiu vixistis super faciem terræ liberè, & frequenter. Caiet. *deliciati estis in terra.* D. Thom. moraliter quidem, super exigentiam carnis, quæ est non scilicet ad necessitatem, sed ad voluptatem.

ET in luxuriis enutristis corda vestra. Cordis nomine, non ea tantum pars intelligitur, quæ vitæ principium est, sed interiora corporis, ut patet Psal. 36.

Psalm. 36. *Gladius eorum intret in corda ipsorum.* Vnde interiora cuiusque rei, cor dicitur.

Mat. 12. *Ita erit filius hominis in corde terra, & Transferentur montes in cor maris.* Cor

Psalm. 41. etiam est sedes concupiscentiæ: idèoque hoc loco reprehenduntur ij, qui

Luc. 21. vino, & crapulis illud aggrauarunt contra id, quod scriptum est: *Videte ne grauemur corda vestra crapula, & ebrietate.* Est igitur in luxuriis enutrire corda, fomentum præbere libidini: nam crapula, & ebrietas ignem concupiscentiæ nutriunt. *Ebrietas,* inquit Poëta, *ignes in igne facit.*

ADDIT deinde Iacobus, *ut in die occisionis.* Aduertit autem hoc loco Brix. aliquos exponere hunc locum, delectas eorum finem habituras esse, eadem, atque interitum. Verum hic sensus posset accommodari secundum lectionem eorum, qui dicunt, *In diem,* & non *in die,* ait Brixian.

NOSTRAM igitur sequendo lectionem, quæ Græco respondet, vbi habetur, *ut in die occisionis; in die occisionis,* idè est, atque in die victimæ. Vnde

Varabi

Vatabl. transtulit in die maclationis. i. in die festo, in quo solent maclari victimæ in epulâ: vel etiam, quia quâdo maclabatur victima, magna pars cedebat in vsum offerentis, qui eo die solebat epulum struere. Quo pacto intelligendus est ille locus. *Melior est bucella sicca cum gaudio, quàm domus plena victimis cum iurgio*; quia scilicet in die occisionis victimæ, abundabat domus carnibus. Sic alibi dicitur. *Fornicatus est populus cum filiabus Moab, quæ vocauerunt eos ad sacrificia sua, & illi comederunt, & adorauerunt Deos eorum.* Quo pacto intelligendus locus Exod. cum populus coram vitulo obtulit holocausta, & hostias pacificas. *Et sedis populus manducare, & bibere.* Notauit etiam hoc Iosephus lib. 8. Antiquit. c. 2. vbi explicat solemne conuiuium, & pariter sacrificium, quod fecerat Salomon in dedicatione templi. Maclauit enim hostias pacificas viginti duas, & mille, & ouium centum, & viginti milia: quod ita factum est, quia inuitauerat omnem populum Israël. Sic etiam intelligendus est ille locus Proverb. 7. *Victimas pro salute deuotus*, vbi ita Brianus ait: Hoc dicit, vt iuuenem alliciat, atque inuitet ad epulas, quasi dicat: Est mihi domi multa caro; nam feci hodie sacrificia pacificorum, indulgebimus igitur genio. Sic intelligendus est locus ille alius, vbi Gentilibus præcipitur abstinere ab immolatis, id est ab iis, quæ sacrificabantur & immolabantur. Istiusmodi ergo epulones, de quibus Iacobus, ita solemniter quotidie epulabantur, sicut in die victimæ.

NISI forte dies occisionis respiciat illum diem, quo Paschalis agnus comedebatur, dies celeberrimus, & semel in anno cõuiuii deputatus. Vnde Dionys. exponit, dies Parasceues. Isti verò diuites omnem diem, occisionis diem faciebant, quia quotidie epulabantur splendide, & quod alij semel in anno faciebant, isti quotidie.

CVM insuper quinque modis nos gulæ vitium tentet, sicut notauit Gregor. 30. Moral. cap. 12. Aliquando namque indigentia tempora præuenit: vnde mortis sententiam, patris ore Ionathas meruit, quia in gustu mellis constitutum edendi tempus antecessit.

ALIQUANDO verò gula tempus nõ præuenit, sed cibos lautiores querit, vt ex Ægypto populus eductus in eremo occubuit, quia despecto Manna, cibos carniū petiit, quos lautiores putauit. Culpa filiorum Heli prima suborta fuit, quod ex eorum voto Sacerdotis puer, non antiquo more coctas veller de sacrificio carnes accipere, sed crudas quæreret, quas accuratiùs exhiberet.

QUANDOQUE verò & qualitati ciborum, & tempori congruit, sed in ipsa qualitate sumendi mensuram moderatæ refectiõis excedit, vt cum ad Hierusalem dicitur. *Hæc fuit iniquitas Sodoma abundantia panis.* Vbi ostenditur, quod idcirco salutem perdidit, cum mensuram moderatæ comestiõis non tenuit.

ALIQUANDO verò & abiectius est, quod gula desiderat, & tamē ipso astu immensæ desiderij deterius peccat, sicut Esau, qui vilē cibū magno desiderio quaesivit. Hic igitur locus secundum, & quartum crimen reprehendit, cum & abundantia ciborum, & lautitiam subnotat, & ita de utroque participat.

Pæz in Epist. B. Iacobi Apost.

V V V §. I.

S. I.

Redarguuntur qui comessationibus, & ventri in seruiunt.

CARPIT igitur hoc loco Apostolus eos, quorū Deus venter, quique quotidie splendide epulantur, & in luxuriis enutriunt corda, cum tamen recte Bern. dixerit Serm. de iis verbis; *Beatus homo, qui inuenit sapientiā, sic comede, vt semper esuriat. Quod idem dixit Hieron. epist. ad Latam. Et August. 10. Confess. Hōmē docuisti, vt quēmadmodum medicamēta, ita & alimēta sumpturus accedam. Quod etiam docuit Clem. Alexan. 2. Pædag. c. 1. dicens. Alij quidem homines viuunt, vt comedaht, quod certe etiam rationis expertibus euenit animantibus, quibus nihil aliud, quā venter vita: nobis autem Pædagogus præcipit comellē, vt viuamus. Neque enim nostrum munus est nutritio, neque iustitutū, scopūsque voluptas, sed ea nutritio est propter nostram hic mansionē, quā ad incorruptionem ratio instituit. Loquēnsque de iis, qui scotos ingluuici dederunt, addit: Nondum didicerunt Deum parasse suo opificio, homini inquit, cibum, & potum, vt conseruetur, non autem, vt voluptate afficiatur.*

VND E etiam Philo lib. 2. legis Allegor. ait. Protegitur vita cibo, potuque, sicut corpus vestimentis: proindeque neque multiplicandus, sed ad mensuram & normam adhibendus, ne scilicet constingat fames, aut impediatur saturitas. Hæc est ratio cur Paulus dixerit non multo vino esse inserviendum: vbi D. Hierony. sic ait. Signanter expressit, *non multo vino seruientes*; seruitus enim quædā est & extrema conditio vino sensus hominis occupari, & non suum esse, sed vini, cui mentem cum ventre tradunt. Pro qua re facit ille locus Numerorum, vbi Deus Moyſi præcipit. *Fac tibi duas tubas argenteas ductiles*: deinde verò addit. *Si exieritis ad bellum de terra vestra contra hostes qui dimicant aduersum vos, clangentis vltanibus tubis. Si quando habebitis epulum, & dies festos, canetis tubis.* Quid ergo commune habet conuiuium cum bello, vt vtroque clangor tubarum debeat insonare? Non omitenda hoc in loco Rabani expositio, nimirum vt in prosperis & aduersis eadem semper cura & sollicitudine homines crucientur, atque ita sibi in summa rerum prosperitate sentiant formidandum, vt timere etiam in bello fortissimi consueuere.

CÆTERVM ad præfens institutum facit id, quod sacer Textus statim habet, *vt sint vobis in recordationem Dei vestri*; ne veluti seruos vos cibis addictis memoria habentes alterum; verum supremūque Dominum Deum vestrum, illudque iuge conuiuium beatitudinis, quod neque satietatē parit, nec esuriem; insuperque super epulas clangentis tubis, quibus ad bellū euocamini, quod vobis veniat in mētem eandē debere habere in epulis, atque in castris: sicut enim in his semper vtique timendum, vigilandūque; nūquam verò securitati omnimodæ incumbendum, sic in cōiuiuiū curandum maximē est, vt reficiantur vires, non opprimantur, vt ratio vigilet, nō sopiatur, subdatūque poculis, aut dapibus obruatur. Facit tandem pro hoc argumento id, quod Deus dixit Noë egrediēti de arca. *Terror vestri,*

& tremor su super cuncta animalia terras omne quod mouetur, & uiuis, erit vobis in cibum. Vbi eleganter sanè Theodoret. q. 5. inquit. Præuidens Deus talia in Deorum numero, atque honore quandoque habenda, eorum escam concedit, vt impietatem è medio tollat. Quibus verbis ostendit, Deum voluisse homines ab animalium cultu abstrahere per hoc quòd ea in cibum concessit, vt clariùs modò nobis eorum constet vesania, quorum Deus venter est, & dapes numina censentur.

MERITO ergo Chryf. hom. 37. in Act. Apost. eleganter sic ait. Nunquid voluptatem quæris amice? hanc frugalitate parabis. num sanitatem? etiam hanc inde. num libertatem? num valetudinem, ac robur corporis? num bonam constitutionem? num animi sobrietatem? num alacritatem? Ita bona omnia hîc. In crapula autem contraria, insuauitas, mala. valetudo, infirmitas, illiberalitas, sumptus, damnum reuerà est, cum toto damno tantas opes insumere, morbosque contrahere.

Vnde filij Israël, sicut notauit Ambros. libro de Helia, & Ieiunio c. 18. cum de petra biberent aquam, & Manna manducarent, gentes validissimas vicerunt: & non erat in his vllus infirmus. Vbi verò carnes desiderare cœperunt, nequaquam ex tot millibus hominum in terram promissionis præter duos peruenire potuerunt. Videndus hac de re Tertull. lib. contra Phrycicos, præcipue verò cap. 5. & vltimo.

§. II.

Quæ mala oriuntur ex nimietate cibi.

ET præter mala, quæ ex Chrysostomo retulimus, possumus imprimis respicere ad ea mala, quæ ex nimietate cibi, ac potus orta fuerint. Et enim cibus vetitus Adam morti tradidit, mundo consummationem indixit. Per edacitatem Esau primo genituræ prærogatiuam vendidit. Per ebrietatem Noë irridetur; Loth filiabus maritus fit. Saturitas Israël simulachri adoratorem fecit, & Holophernem gladio obiecit. Quod argumentum prosequitur Chrysost. hom. 37. in Act. Apost. & Ser. 1. de Ieiunio.

Et Damasc. lib. 1. Paral. c. 77. ex hoc Iacobi loco contendit, ingluuiem multis mortem accersere. Quod etiam confirmat ex eo, quod scribit Moyses. *Sedit populus manducare, & bibere, & surrexerunt ludere, & continuo cæsa sum ex illis viginti tria hominum millia.* Item Hierem. *Qui vescabantur voluptuose, interierunt in viis.*

FACIT pro hac sententia optimus locus apud Ambros. lib. de Helia, & Ieiunio, vbi ponderat; primis quinque diebus creationis nihil omnino dixisse Deum de cibo; at verò sexto die, post condita animantia dixisse Deum; *Ecce dedi vobis omnem herbam afferentem semen super terram, & vniuersa ligna, ut sint vobis in escam, & cunctis animantibus terra.* Primus vsus mundi, inquit Amb. à ieiunio cœpit. Sexto die bestię sunt creatę, & cum bestiis orta edendi potestas: vbi cibus cœpit, ibi finis factus est mundi, vbi cœpit sua incrementa

VVVV 2

menta nescire, ibi cœperunt diuina circa eum opera ferri; quo iudicio declaratum est, quod per cibos mundus haberet imminui, per quos delicti augeri. Quasi inde velit Ambrosius deducendos esse omnes defectus in hominibus, unde finis creationis, & productionis probatus est, & nos existimandos æquales brutis animantibus, cum quibus cibum communem accepimus.

Vnde pulchra est ea allegoria apud Greg. 30. Moral. c. 12. dum ponderat id, quod Scriptura ait. *Princeps coquorum destruxit muros Hierusalem.* Quid enim, inquit, per muros Hierusalem significans Scriptura exprimit, nisi virtutes animæ, quæ ad pacis visionem tendit? Aut quis coquorum princeps, nisi venter accipitur, cui diligentissima à coquentibus cura seruitur? Muros igitur Hierusalem princeps coquorum destruit, quia virtutes animi, dum non restringitur venter, perdit. Vnde Cyrillus Alex. dialog. de adorato Palladio, ait. Quibus voluptas persuasa est, procliuus in quodam absconum flagitium prolabuntur.

Est etiam pro hac re videndus Gregorius. 1. Moral. c. 4. cum ita habet: Nonnulla sunt vitia, quæ à coniuiuiis aut separari vix possunt, aut certe nequaquam possunt; penè enim semper epulas comitatur voluptas. Nam eum corpus in refectionis delectatione resoluitur, cor ad inane gaudium relaxatur: idèoque Iacobus ait, eos, qui epulantur, in luxuriis enutrire corda, quasi ea carnalia prorsus reddant, dum enutriunt. Et Scriptura dicit. *Sedit populus manducare, & bibere, & surrexerunt ludere:* seu, ut interpretatur Tertullianus aduersus Psychicos, *fortari.* Vnde Augustinus lib. quæst. in vtrumque Testamentum, cibum, ac potum confert cum lignis, quæ ignem fouent, & augent, quod vtrumque cibis facere solet; fouet enim, & auget luxuria ardorem. Videndus hac de re Ambrosius lib. de Abrahamâ c. 6. & Philo lib. de Agricult.

§. III.

Imbecilles, & effeminatos reddit homines immoderatus cibus.

IMBECILLIORES etiam reddit ad pugnam spiritualem, imò corporalem immoderatus cibus, ac potus; insuperque est infania epulari, & enutrire corda super terram, in qua contra spirituales nequitias nobis collectatio & pugna est. Vnde Basiliius hom. 2. de Ieiunio ait. Qui militiam exercent, & qui palæstræ laboribus destinati sunt, necesse est largo cibo seipsos incarnare, quò validius labores capessant; quibus autem non est lucta aduersus sanguinem & carnem, sed contra mundi rectores tenebrarum harum, contra spiritualia nequitia, his per abstinentiam, & ieiunium necesse est ad certamen exerceri: quantum carni detrahas, tantum facies animam spirituali bona habitudine relucere.

Idèò Chrysostomus hom. 54. ad Pop. Tempus, inquit, est belli, tempus certaminis: tu verò sedes in deliciis; nonne vides & Regnis præpositos in castris tenuiter viuentes? Itat stridens dentibus aduersarios, tu verò mensis vacas? Christus fame tabescit, tu verò voraciter temetipsum distendis? Nunquid

quid mactandi sumus, quoniam nos ipsos saginamus?

Ex quibus Chylostromi verbis desumpta fortassis est ea vulgaris expositio huius loci. Sunt enim qui dicant eos, qui epulantur, in luxuriisque nutriunt corda, sic se totos dedere comestationibus, quasi ad occisionem sagineantur. Nec immerito, quia qui sic comedunt, ad occisionem, & aeternam mortem saginantur, & nutriuntur. Quod etiam confessus est Dionysius Tyrannus Siculorum, referente Euseb. lib. 8. præparation. Euang. c. 5. dum dixit. Illis animalibus similes sumus, quibus comedendi, bibendique non ad aliud, quam ad perniciem suam copia solet offerri: radentur enim satanas mactandi, qui velut in diem occisionis, in luxuriis corda nutriunt, ventres replent, & ad saturitatem usque, ac vomitum hauriunt. Etenim cum bene saginati fuerint, inter necioni tradentur & gladio. Vnde Isai. *Gladius Isai. 49: Domini repleti sunt sanguine, incrassati sunt adipe de sanguine agnorum.* Et Hierem. *Nutr. 12: Congrega eos, quasi gregem ad victimam, & sanctifica eos in diem occisionis.*

INEPTOS proinde se reddunt ad retundendos impetus spiritualis hostis, qui nihil magis curant, quam enutrire corda in luxuriis, ventrisque inferuire. Nec mirum, cum etiam ad hostium visibilium congressum imbecilles, & effeminati sint, & tales per comestationem, & ebrietatem reddantur. Quod ostendit ille locus, quando quinque Reges, Sodoma, & cæterarum *Gen. 14: ciuitatum oppugnati à quatuor Regibus terga verterunt initio statim congressus, quodque magis eorum muliebrem indicat animum, est, quod dicit Scriptura: Ceciderunt ibi.* Quod Vatabl. sic exponit. Coniecerunt se, aut precipitauerunt se illuc in eos puteos hituminis, imbecilles vtiq; ac desperati.

Sed verò inquiras huius desperationis causam, & cur quinque Reges ceciderint quatuor, nullam prorsus aliam inuenies, nisi, quod in luxuriis enutriscent corda, & præ cibo, & potu resoluti & debilitati, nec se opponere inimicis ausi sint. Namque sicut dixit Chrysost. hom. *Quod nemo ladiur nisi à seipso.* Qui in deliciis & luxuria vitam ducunt, resoluta quidem corpora, & omni cera molliora circumferunt, atque agmine quodam infirmitatum repleta, & est eis vita semper cum medicis, & medicamentis: sensus autem ipsi tardi, graues, obtusi, & quodammodo iam sepulti.

Vnde Seneca epist. 122. Magna pars libertatis bene moratus venter; quia scilicet ij, qui talem ventrem habent, nec se vitiis, nec hostibus subiiciunt, sed libere se opponunt, & veritatem profitentur. Habent ergo corda enutrita in luxuriis, proindeque debilia. In Scriptura enim fortes, & strenui, robusti corde dicuntur. *Robustus corde inuictus fortis nudus fugiet.* At verò de languidis & imbecillibus dicitur. *Perrimus cor populi, & ad instar aquæ liquidum est.* &c. Notauitque August. 1. de Ciuit. Dei. c. 30. Scipionem noluisse diuini Carthaginem æmulam Romani Imperij, ne luxu & desidia, ac voluptatibus defluerent ciues sic enim contingere solet iis, qui in comestationibus enutriunt corda. *Amos 2: 10, ut 7.*

Similes brutis non reddit immoderatus cibus.

BRUTIS animantibus prorsus similes sunt, qui ventri student. Sed nescio quid mihi indicant verba illa (*super terram*) applicata iis, qui in luxuriis enutriunt corda, quasi ij, qui sic comedunt, instar animantium, non hominum comedant: illorum etenim mensa, terra est, cumque semper preparata sit, ad satietatem usque irrationabiliter comedunt; quales erant ij, qui à mane usque ad vesperam quicquid erat panis vno prandio consumeabant. Qua de re Homer. Odyll. lib. 14. & Strabon lib. 15. Et de Alexandro refert Plut. lib. 2. de virtute & fortuna Alexandri. *Alexander prandio cum diluculasset; accumbebatur.*

VNDE illud, quod dicitur. *Sed et populus manducare & bibere; & surrexerunt ludere;* ad hanc rem possumus intelligere. Ij enim, qui veluti bruta animantia comedebant, brutorum quidem cibis vesciebantur. Ideo ille, qui substantiam suam consumpserat viuendo luxuriose, saturari volebat de siliquis, & cum immundis animalibus reputari, de quibus dicitur. *Impinguatus, & in-crassatus recalcitrauit ut bellua.* Et Clem. Alex. 2. Pædag. c. 1. dixit. Est valde à ratione alienum, & inutile, & nequaquam homines pecudum more pinguefactos, morti nutriri deorsum in terram respicientes, & è terra semper in mensas procumbentes, id quod bonum est, hac vtique in vita, quæ non est futura, infodientes. Dixerat verò idem Clem. Mihi quidem videtur homo, qui est eiusmodi, nihil esse aliud, quàm bucca, aut maxilla. & c. 2. eiusdem libri. Mihi quidem videtur qui à Mathematicis vocatur Acephalus, qui ante stellam errantem numeratur, capite in pectus compresso, ac confidente, significare helluones homines, & voluptuarios, & ad ebrietatem propensos. Nam in his quoque facultas ratiocinandi non in capite, sed in intestinis collocatur: quod possumus videre in præsentibus Iacobi verbis, vbi dicuntur corda enutrire.

CUM verò cor in sacris literis mentem & intellectum significet, vt appud Hier. 5. *Andi popule stulte, qui non habes cor,* id est, intellectum, & à libi: *Dabis ergo seruo tuo cor docile, vt populum tuum iudicare possit.* Vnde à corde sumpto pro mente & intellectu dicti sunt vecordes, & excordes: & è contrà, cordati dicti sunt prudentes, vt in 1. Tuscul. author est Cic. & *Nasica ille sapiens dictus est corculum.* Inde infertur eos, qui nutriunt corda cibo, & potu, mentem & intellectum in ventre habere, & vecordes omnino esse. Qua fortè etiam ratione diues ille avarus dicebat. *Anima mea comede, & bibe:* cum anima spiritus sit; sed ideo sic loquebatur, vt ostenderet animam in eo helluone in carnem, & ventrem transiisse.

VNDE D. Basil. hom. 6. ex variis de diuite, ponderans eadem verba, sic ait. Si suillâ haberes animâ, quid aliud, quàm hoc ipsum annũciare potuisses: adè bestialis es, adè bonorum animæ non gnarus, vt carnalibus edulisi ipsâ excipias, & quæ secessus locus suscipit, ea ad animâ dimittas: huiusmodi

modi enim viris non sufficit, si corpus manducet, & venter repleatur: sed insuper volunt, vt mens ac anima ipsa, etiam manducet, & proinde dicuntur enutrire corda.

Recte proinde Ber. lib. de ordine vitæ ait: Cum manducas, nequaquam totus manduces, sed corpore tuo suam refectiõnem postulante, mens suam non negligat, sed memoria suauitatis Domini, vel Scripturarum aliquid, quod eam pascat meditando, vel saltem memorando secum ruminet, & digerat, sed & ipsa necessitas non seculariter, non carnaliter expleatur.

E t Ser. 2. Non est Regnum Dei; ex præsentì loco Iacobi ita ait. Quid dicitis, quorum Deus venter est; quorum omnis vsus aut in ventre, aut sub ventre; qui in luxuriis enutristis corda vestra, audite Apostolum: quia *esca* Phil. 3. *ventris, & venter esis: Deus autem, & hunc, & has destruet, &c.* 1. Cor. 6.

Pro qua re facit id, quod Deus dixit. *Comedes in conspectu Domini Dei tui.* Deut. 14. Videtur enim velle Deus, vt non super terram instar brutorum, & ad satietatem vsque manducemus, sed cā modestia & sobrietate, qua serui coram Domino solent cibum sumere: qui enim sic sumunt, semper reliquum habent quod largiantur pauperibus. Vnde dicitur. *Dies sanctificatus est Domino Deo nostro: nolite lugere, nolite flere; itē: Comedite pinguiā, & bibite mulsam, & mittite partes his, qui non parauerunt sibi.* 2. Esdr. 8. Vbi vides diem occisionis, ordinatum conuiuium, portionem tamen referuatam pauperibus.

Id eo Chrysost. hom. 16. in diuersos, de Christianis epulis sic loquitur. Conuiuium honestate decoratum, lætitia mensæ pertingat ad pauperes Christi, familia innocentie tripudiet, disciplina abstinet ebrietas, luxur abstat, vt præsens gaudium vestrum, ad lætitiā veniat sempiternam. Neque enim Deus prohibet omnino conuiuia, aut de suis facultatibus liberaliter viuere. Nam sanctissimi Dei serui Abraham, Isaac, Iacob, Ioseph, Dauid, Tobias aliquoties cum amicis suis epulis sese oblectarunt, & amicitias fouentes, Deo benedixerunt. Et ideo Eliphas dixit. *Super abundantiam delicias afflues.* Iob. 22. Etenim Deus non necessaria solum, sed quæ iucunditati, & honestæ voluptati essent, concessit mortalibus. Quod prosequitur Seneca lib. 4. de beneficiis c. 5. Vnde, inquit, hæc innumerabilia, oculos, aures, & animum mulcentiæ: neque enim, necessitatibus tantummodo nostris prouisum est, vsque in delicias amamur. Attamen hæc omnia in mensura sumenda sunt, vnde Manna, quod de cælo cadebat, in mensura sumi iubetur. Iure igitur increpantur ij, qui velut bruta animantia in luxuriis enutriunt corda.

Verf. 6. *Addixistis, & occidistis iustum, & non restitistis vobis.*

EXPOSITIO LITERALIS.

Aduer persequitur Iacobus in exponenda tyrannide diuitiū in pauperes, & explicat quomodo eos persequantur. Ait ergo: *Addixistis*, quod habet Græcus codex id est, condemnastis, & ita legit

git Figur. & alij. Alij verò loquunt, vt omnes veteres codices, addunt istis: scilicet ad tribunal, & iudicium, vt condemnaretur. Nam in Ecclesiâ exordia iusti ab impiis passim ad iudicia, & tribunalia trahebantur.

Act. 5. *ET non restitit, quia, ibam gaudemes à conspectu concily, quoniam digni habebamur pro nomine Iesu contumeliam pati: qui sensus videbatur germanior huius loci, vt loqueretur Apostolus secundum id, quod tunc temporis fieri consueuerat à potentibus, & diuitibus circa quolibet virum iustum, & pauperem.*

CÆTERVM stat Latinarum interpretum cohors, imò ex Gracis Oecum. qui de Christo Dñm. hunc locum intelligunt, quem etiam Iudæi non occiderunt manibus, lingua interfecerunt dicentes. *Crucifige. Oportet, vt vnus moriatur pro populo.* Denique eum Gentibus, & Pilato crucifigendum tradiderunt, qua ratione homicidæ dicuntur à Stephano. De Iuda verò, quod etiam conuenit Iudæis, dixit Christus Dominus. *Qui me tradidit tibi, manus peccatum habet: nec restitit vobis, sicut ab Isaiâ prædictum fuerat, coram condemofo obmuniit.*

§. I.

Ostenditur perfecta patientia iustorum in perferendis laboribus.

*Q*UONIAM plura diximus de impia diuitum tyrannido erga pauperes iustos, illud hoc loco restat dicendum cum Iacobo de ipsorum tolerantia in sufferendis laboribus, & iniuriis, quomodo nec respondeant, nec resistent, etiam cum possint. Perfecta enim patientia iusti in eo maxime elucet, quod offensus etiam non respondeat, nec vlciscatur cum possit. In quam sententiam notauit Ambros. cap. 43. ea verba Proverb. *Noli respondere insipienti ad insipientiam eius, esto sicut murus, & tacens, & quasi non audiens.* Non quod respondere nequeas, inquit Ambros. sed quod respondere non debeas. Et huiusmodi os tacens in offensis, dum possit respondere, appellat Tertull. lib. de Patient. c. 14. os taciturnitatis honore signatum. Videndus Orig. in ea verba Matth. 25. *Statuer oves à de xris.* Oves, inquit, dicti sunt qui saluantur, propter mansuetudinem, propter quod vsque ad occisionem parati fuerunt venire, imitantes Christum, qui sicut ovis ad occisionem ductus est: & infra addit loquens de iustis, qui dicuntur oves, cum læduntur, aut tacent, aut recte in benignitate probati, preces transmittunt ad Deum.

CERNITVR proinde iustorum eximia perfectio in perferendis immobiliter laboribus, vt illis non cedant ad instar columnæ, non marmoreæ, sed argenteæ in templo Dei. Patientia namque reperiatur in iustis eas fuisse symbolum putat Orig. hom. 9. in Exod. loquens enim de argenteis columnis, quas Deus ad tabernaculum iussit fabricari, ait: Tabernaculi in seipso vnusquisque potest formam exercere, & explorare. Columnæ autem argenteæ sunt patientia rationabilis. Nam & qui non sentit iniuriâ, & propterea non reddit,

reddit, patiens videtur, sed non est rationabilis ista patientia. Iste ergo habet quidem columnas, sed non sunt argenteæ: qui verò propter verbum Dei patitur, & fortiter fert, iste columnis argenteis decoratus est, & munitus.

Et hæc fuit ratio, cur sponsa inuitans diuinum sponsum ad sui hospitium, & accubitum, postquam lectulum commendauit à florum pulchritudine, & fragrantia, addit: *igna domorum nostrarum cedrina, laquearia nostra cypressina*. Fundamentum verò huiusce laudationis posuit Ambros. Ser. 4. in Pl. 118. Hoc genus arboris, inquit, nunquam amittit viriditatem suam, hyeme iuxta, vere, atque æstate comam pascit, nec diuerso colore mutatur. Solam hanc arborem ventus suo nunquam honore despoliat; sola nunquam veteri exiuit amictu, aut nouo flore vestitur. Ea proinde immobilis iusti constantia, quæ nec cedit illatis iniuriis, ut à virtute decidat, nec cedere, aut vlcisci curat, ut resistat, Deo maximè placet, ipsúmque hospitem meretur colligere.

Hoc argumentum prosequitur Cyprian. epist. 2. ad Conelium Papam; & lib. de lapsis, ubi ostendit, iustos paratos ad patientiam carceris, ad tolerantiam mortis. Et Bernard. Sermon. 27. in Cantic. comparat virum iustum cum cælo, aitque: Quomodo stellæ in nocte lucent, in die latent; sic vera virtus, quæ sæpe in prosperis non apparet, eminet in aduersis.

VIDENDVS item Ambros. lib. 2. de Abel, & Cain c. 9. cum ponderat ea verba Genes. *Ecce vox fratris tui clamat ad me de terra*. Bene, inquit, vox sanguinis fratris tui clamat, non frater clamat, non accusat frater, non vox ipsius, non anima eius, sed vox sanguinis: quasi indecens omnino esset si iustus, qui occidenti non restitit, post mortem vindictam proclamaret. Videndus pro hac re est Leo Sermon. 1. de ieiunio decimi mensis; Tertull. lib. de patient. c. 6. & 8. & Cyprian. lib. de patientia bono.

Hinc est, quòd Chrysost. perpendens animum Petri, dum serui auriculam amputauit in comprehensione Magistri, dixit. Nondum perfectæ virtutis erat. Quòd si vis Petri sapientiam intelligere, videbis postmodum ex sum æquo animo omnia perferentem: imò & tantà alacritate patientem, ut in uerlis vestigiis voluerit cruci affigi. Qua de re eleganter Ambros. Sermon. 21. in Psalm. 118. Metuens, inquit, ne si ea specie crucifixus esset, qua Dominus, affectasse Domini gloriam videretur.

FACIT etiam & pro præsentī doctrina id, quod notauit Chrysost. tom. 1. Ser. in Iob, & Abraham, cum explicat ea verba Isaïæ. *Quem docebit scientiam, & c. ablactatos à lacte*, firmos iam ad pericula subeunda. Postquam enim Propheta dixit, *ablactatos à lacte*, subdit. *Manda, remanda*, seu, ut legit Chrysost. *Afflictionem super afflictionem suscipe*. Ait ergo Chrysost. Quandiu imperfecti sumus, nobis parcitur, & quandiu lactamur, paternè fouemur; ubi autem perfectiores facti fuerimus, perfectorum certamina subibimus.

CONQUESTI sunt olim Gabaonitæ coram Dauide de Saùle, qui occiderat Gabaonitas. Dixit ergo Dauid ad Gabaonitas. *Quid faciam vobis? dixeruntque ei Gabaonita. Non est nobis super argemo, & auro questio; sed contra Saùl, & contra domum eius: Virum, qui attriuit nos, & oppressit iniquè, ita delere debemus, ut* *Paùz in Epist. B. Jacobi Apost.*

XXXx

714

ne vnus quidem residuus sit de stirpe eius. Passi sunt quidem iniuriam, sed eam vicisci curabant. Curauit tamen sacer Textus nobis enucleare horum hominum conditionem, dum prædixit initio statim capitis, antequam de iis aliquid tale referret; Porro ergo *Gabaonia non erant de filiis Israël*. Notissimum quidem hoc erat, nec explicatione indigebat res apertissima. Videndus ibi Lyranus, qui sequutus Rabbi Salomonem, explicat propterea hoc fuisse additum, quia si fuissent ex filiis Israël, indulgissent factum Saulis contra eos, agnouissent utique Dei seruos magnam debere præstare patientiam, Meminissent Isaac, id est, risum, & lætitiæ filium esse Rebecce, id est, patientiæ. Quod Clem. Alex. 1. Pædag. c. 5. ait præfigurasse patientiæ, & risum inuicem se complecti, & Deo magnopere placere huiusmodi coniunctionem, & proinde à vindicta desisterent, cum nec resistendum persequentibus esse nouissent: est enim perfectorum propria virtus aciora certamina tolerare, nec tamen persequentibus resistere.

Quod si velimus altius huius immobilitatis in iustificationem timari, ea sese obicit, quod vulnera & iniuriæ nihil illis obsunt, nullumque inferunt nocumentum, quod dixit Dauid loquens de persequutionibus, & iniuriis Saulis contra ipsum Dauid. *Sagitta pariuulorum facta sunt plaga iocum.* Quæ verba exponens Theodoret. ait: Qui ista atrocitate vtuntur, sua opinione decepti sunt, iacula à pueris emissa nihil damni afferunt his, qui petuntur. Quæ ergo molestiam sentiet in plagis à paruulis illatis? quis virili animo præditus illis resistet? quis non potius rideat in huiusmodi opprobriis? In quam sententiam facit etiam ille locus Psal. *Qui oderunt iustum, delinquent*, propriè ex Hebr. *Qui oderunt iustum, aberrant*; quia reuera ipsum non lædūt: nam sicut dixit D. Grego. 14. Moral. cap. 1. Sancto viro quot occasiones perditionis intulit inimicus, tot causas victoriæ ministrauit. Et 11. Moral. cap. 17. In hoc mens iusta ab iniusta discernitur, quod non cum rebus frangitur, nõ cum casu gloriæ exterioris cadit, & in hoc, magis, qualis cum rebus fuerit, demonstrat, quæ & sine rebus robustior erat.

SIMILIA habet idem Gregor. 12. Moral. c. 23. cum explicat ea verba Iob. *Miseremini mei, miseremini mei, saltem vos amici mei.* Hoc, inquit, habere solet proprium mens piorum, quod cum iniusta ab aduersariis patitur, non tam ad iram, quam ad preces mouetur, tātum abest, vt eis resistat. Sed quomodo resistet qui affligentes, amicos cæset, & nominat? *Miseremini mei amici mei.* Ecce, inquit Gregor. eos, à quibus se per contumelias affligi confidebat, amicos vocat; quia bonis mentibus etiam fiunt prospera, quæ videntur aduersa. Vbi idem Gregor. subdit aptissimam rationem quare iusti non resistant eis, qui illos occidunt, quia non putant illata mala, à persequentibus sibi prouenire, sed à Deo infligi. A Sathan, inquit, percussus fuerat nec tamē percussione suā Sathanæ tribuit, sed tacitū se manu Domini appellat, sicut & ipse quoque Sathan dixerat. *Mitte manū tuā, & tanges os eius, & carnem, si non in faciem benedixeris tibi.* Quia in re excellentia iustorum ostenditur, dū se nõ lædi putāt ab improbis, imò nec à Diabolo, cū his, prorsus superiores sint; sed à Domino, cuius percussione quantūuis grauē, & ad spolia

liationem omnium bonorum pertingentem, vel leuem manus tactum iudicant. Ideoque nec laboribus, nec morti resistunt: *quis enim resistit ei, & pa- 108. 9. sem habuit?*

SE D. quomodo resistent qui ipsos labores suam resistentiam, & defensionem vocant: sicut optime notauit Ambr. in c. 4. epist. 2. ad Timot. ubi explicans ea verba Pauli. *In prima mea defensione nemo mihi adfuit, sed omnes me dereliquerunt*, ait: Pressuram, & tribulationes sibi illatas defensionem suam nuncupat. Passio enim Christianis vita est, & persecutio defensio. Pressura enim illata pro iustitia defendit illum in die iudicii. Bene proinde dicitur, non resistisse, qui latus potius labores suscipit, quibus se defendat in aduentu iudicii.

§. II.

Summa Christi Domini in sua passione patientia.

Q VONIAM verò communis Interpretum sententia hunc locum intelligit de summa Christi patientia, de eadem breuiter aliquid dicemus. Elucet igitur Redemptoris nostri patientia, qui dum occideretur, non resistit. Quomodo enim resisteret, qui antequam ad passionem egrederetur, pro ipsa passione gratias agit, dum representationem suae mortis in Sacramento confecit: Quod argumentum eleganter prosequitur Gregorius 2. Moral. cap. 2. 3. Imò, sicut notauit Bernard. Serm. 4. de aduentu; quæsitus in Regnum fugit, quæsitus ad tanta probra, & ignominiosum supplicium Crucis ipse obtulit semetipsum interrogans: *Quem queritis?* & respondens, *Ego sum;* imò potius comprehensus de suorum Discipulorum libertate sollicitus, solus voluit alligari, dum dixit: *Si ergo me queritis, sinite hos abire.* Super quæ verba sic ait Ambrosius Psalm. 61. Satis est vobis habere quem queritis; non quero consortem passionis, qui ad salutem omnium adiutore non egeo. Quia verò Petrus gladium exemit contra irruentes in Christum Dominum, & cum peteret caput cuiusdam. serui Principis mortali vulnere declinante illo caput, dexteram auriculam amputauit, sicut aduertunt Theophyl. & Chrysost. id tamen reprehendit acriter Christus Dom. Quia, sicut dixit Tertull. lib. de Pudicitia c. 21. non decebat eum scire, qui pati venerat. Et lib. de patientia c. 3. Neque vnus quidem discens (id est, Discipuli) gladium in vltionem probauit; patientia Domini in Malcho vulnerata est, & gladij opera maledixit in posterum, & sanitatis restitutione ei, quæ non ipse vexauerat, satisfecit, per patientiam misericordiae matræ. Noluim enim pati scissionem in patientia qui integram, & perfectam eam nobis voluit probare, & docere, & tradere.

Hinc est, quodd Christus Dom. qui summo desiderio ad tormenta ferebatur, Discipulosque præcedebat, sicut meminit Marcus. *Præcedebat illos Iesus, & stupebamus, & sequentes timebamus*, cum loqueretur de morte sua. Et cum Petrus dieeret. *Abstine a te, Domine, non erit tibi hoc. Cōuersus dixit Petro. Vade post me,*

XXXx 2 Sa

*Sathana, scandalum er mihi, eisdem utique verbis Petrum reprehendens, qui-
 bus à se Dæmonem tētantem abegerat. Eadem seueritate, inquit Calet, re-
 prendit, & diabolum ad idololatriam prouocantē, & Discipulum mor-
 tem impediētem. Et fortē ideo filiis Zebedæi dixit. Nescitis quid petatis, quia
 tunc accesserat mater petens, quādo ipse loquebatur de passione sua, in per-
 nam, scilicet, interrupti sermonis de re deliderio desiderata, cui initium
 præbentem etiam per dolum, & summam nequitiam appellauit amicum.
 Amice ad quid venisti?*

Hinc est quodd ipse dixerit Iudæ, non iubēs, sed permittēs. *Quod facis, sue-
 cinis.* Vnde Bern. Serm. 3. de Cœna Domini. Dñe Iesu, vita mea, decus An-
 gelorum, quantum eos diligebas, pro quibus mori cupiebas, nobis vitam,
 tibi mortem affectabas? Sedulo cogitate quantum est diligendus, qui se
 tradentem ad mortem sic hortabatur.

Hinc etiam est, quodd ipse Dominus planctum prohibuerit in mulieri-
 bus, quæ eius mortem deplorabāt, *Filia Hierusalem, nolite flere super me.* Quod
 ponderans D. Leo Serm. 10. de passione cap. 3. ait. Itum planctum Dominus
 Iesus dedignabatur impendi, quia non decebat luctus triumphum, nec la-
 menta victoriam.

Quia igitur tam lætus mortem obibat, quomodo potuit retere? imò ta-
 cuit, ineffabilēque præstitit patientiam. Vnde Isai. *Posui faciem meam, et
 petram durissimam, & scio, quia non sum confusus; qui percutit petram, non eam
 lædit.* Dixerat Hierem. *Ego quasi agnus mansuetus, qui portatur ad victimam, non
 cognoui, quia cogitauerunt super me consilia,* id est, ductus sum, nihil dicens, quem-
 admodum si non cognouissem, quod me ducerent, sicut agnus; cum ad
 macellum ducitur, non queritur, non refugit, quia nescit quod eardie
 ratione patientiæ se nescire quod eat, cum tamen dixisset, *Ecce ascendimus,
 &c.*

PRÆDIXERAT Isaias, Agnum auferentem peccata mundi, sic tacitum,
 & quietum fore in passione, qualis esset agnus coram tondente. Sed, inquit
 Bern. Serm. 1. super. *Missus est.* Non coram tondente sc, sed coram occidente sc,
 obmutuit, quasi plus fecerit patiēdo, & tacendo, quàm promiserat per Pro-
 phetam prædicendo. Patientur fortē cæteri agni tonderi quidem, se non
 pelle spoliari, aut occidi: at hic agnus, & tonderi, & occidi passus est sine
 querela aut resistantia. Quod prosequitur Ambr. Ser. 14. in Psal. 118. his
 verbis. Passio Christi imago fuit Regni cœlestis, nemo audiuit in plateis
 vocem eius, quia illo silentio passionis suæ clamorem omnium postero-
 rū impiæ vocis abolebat. Nolebat fieri qui dicebat ad filias Hierusalē. *Nolite
 flere super me; sed super vos ipsas fleite.* Ablaturus enim omes lacrymas suæ ben-
 eficio Crucis, in passione propria, futuræ instar beatitudinis lætitiæ exhibe-
 bat, ut nemo fletet nisi qui beneficia Christi non teneret, sic tacuit, nec re-
 stitit, tantamque exhibuit patientiam, ut inde Tertull. lib. de patiēt. c. 3. con-
 tra Iudæos sic argumentetur. Hinc vel maximè ô Pharisei Dominum cog-
 noscere debuistis, patientiam huiusmodi nemo hominum perpetraret, sibi
 soli iniuriosus fuit. Et lib. ad Martyres c. 3. Numquid tamē subeundæ mor-
 ti, &

et contumeliis opus fuerat? sed saginari voluptate patiendi discessurus volebat, despicitur, verberatur, &c. qui in hominis figura proposuerat latere, nihil de impatientia hominis imitatus est.

E T Chrysost. hom. 40. in Matth. in ipso iudicio inauditam humilitatem ostendit, qua non minus quam signis potuissent eos attrahere. Similia habet Aug. tract. 37. in Ioan. & D. Leo Serm. 10. de passione, admittit in se impias furentium manus, quæ dum proprio incumbunt scelerei famulatae sunt Redemptori. Et enim sicut eleganter notauit Euthym. in panopl. p. 1. tit. 7. in fine, ea quæ in natura humana sunt à vitio, & reprehensione aliena, partim Christus supra homines, partim ut homines, partium verò abiectius quam homines suscepit. Supra homines fuit, quod sine semine virili conceptus fuit, quod ex Virgine natus est, more humano fuit, quod nouem mensem spatio in utero portatus est, quod hausit lac, quod plorauit, &c. abiectius, & humiliter quam homines fuit, quod eius species in Cruce turpis apparuit, & cum ignominia defecit, qua tamen in re supra homines fuit, dum maiorem exhibuit patientiam quam quisque alius, maiores pertulit dolores, ignobiliores pertulit ignominias.

Ad laudem denique patientiæ Christi Domini optimè facit id, quod notauit Ambrosius. Nihil, scilicet timuisse Iudæ Magistrum suum tradere, ac vendere: imò post acceptum corpus, & sanguinem eiusdem Domini, exiisse ad Iudæos, ut acciperet cohortem, & comprehensionem exequeretur: tunc verò poenitentia ductu retulisse argenteos, cum vidit patientiæ Christi Domini excipientis osculum, & amicum vocantis. Sic enim habet Ambros. Psal. 39. Osculo Filium hominis tradis? hoc venenum infundis osculo, quo gratia charitatis infunditur, osculo quo fides sancta signatur, hoc osculo tradis periculo, quem propter osculi commercium venerari deberes? Ego osculum non nego, ipse videris, qui violaueris osculi sanctitatem. Denique patientiæ Domini ferre non potuit qui maiestatem prodidit, aded ut sibi ipsi tanti sceleris reus non posset ablu. Qui ergo tantam præstitit patientiam, ut & cognitioni Iudæorum ea potuerit esse, & compunctioni Iudæ, quomodo resistere potuit, qui solum pati venerat? Rectè proinde Iacobus ait. *Occidistis iustum, & non restitui vobis.*

Verf. 7. *Patientes igitur estote, fratres, usque ad aduentum Domini. Ecce agricola expectat pretiosum fructum terræ, patienter ferens, donec accipiat temporaneum, & serotinum.*

EXPOSITIO LITERALIS.



Hæc est secunda pars huius cap. in qua Apostolus miseros, & afflictos pauperes consolatur, & ad patientiam hortatur, suadens moderato, & forti animo ferre quicquid afflictionis, & ærumnæ aduenerit, expectando Iudicem Christum, qui seruorum suorum

XXX 3 in

iniurias acerrimè vlscetur, & præmium patientibus reddet: assertque ad patientiam confirmationem exemplum agricola, qui terram colit sudas, vomerèque proscindit, semen veluti amittens spargit, multisque diebus patienter sustinet, vt cum scenore recipiat, quod seminauit, cum tamen incertus sit de terræ prouentu, qui à commoditate temporis, tempestiua scilicet pluuiæ, & opportuno Solis calore dependet, cum tamen patientibus præmiū certū omnino sit, illisque tēporalis fructus, istis verò æternus.

ADVERTIT autē Carthus. posse hæc verba ad præfatos diuites iam conuersos referri, vt sit sensus. Quoniam ante conuersionem vestram ad Christum tot scelera commisistis, ideo quicquid aduersitatis nunc accidit, patientissimè ferre debetis, siquidem culpæ debetur pœna, & Deus in hac vita per reprobos purgat electos; planior tamen sensus erit si hæc verba ad pauperes afflictos, quos ipse consolatur, referantur.

PATIENTE S ergo estote. Græci legunt, *Longanimes usque ad aduentum Christi*, id est, vsque ad horam iudicii vestri particularis scilicet post mortem, vel vniuersalis iudicii, quando iusta retributio fiet. Etenim duplex in Scriptura dicitur Domini aduētus: alter particularis, qui fit in morte cuiusque hominis, de quo Paulus. *Statutum est omnibus hominibus semel mori, post hoc autem iudicium*; & de hoc intelligitur illa comminatio facta Episcopo Ecclesiæ Ephesiinæ. *Veni tibi, & mouebo candelabrum tuum de loco suo, nisi pœnitentiam egeris.* Et Pergamensis Ecclesiæ Episcopo. *Pœnitentiam age, si quominus veniam tibi cū.* Et Sardienis Doctori similiter dicitur. *Si non vigilaueris, veniam ad te tanquam fur, & nescis qua hora veniam ad te.* Quæ omnia singularem Christi aduentum ad vnumquemque nostrum significant. Est etiā & communis, vniuersalisque aduentus Domini ad finem sæculi, de quo Matthæus, & I. Cor. 4. Paulus.

ALII verò (teste Brixiano) per diem Domini intelligunt tempus quo Romani euerterunt Hierosolymam, & gentem Iudæorum, sicut etiā illud dictum Ioan. *Sic eum volo manere donec veniam*, cum paulo post captam Hierosolymam ipse à vita excesserit. Qua de re videndus ibi Theophylact. & Dorotheus in Synopsi. Monet ergo Apostolus, vt constanti animo sint vsque ad illum, vel istum Domini aduentum, quando iusti lætabuntur pro diebus quibus à Deo humiliati sunt in mundo, & pro annis quibus viderunt mala.

ECC E agricola expectat pretiosum fructum terre. D. Thomas ait appellasse pretiosum, quia laboris sui pretium; enimuero nihil magis voluptuosum, quam quod proprio labore, sumptu, mortēque consequimur, vt quauis laborandi natura necessitatem imposuerit, laboris amaritudo fructus dulcedine compensauerit. Et ideo meritò Lipius lib. 4. Decad. 1. ait. *Labor, & voluptas dissimilina natura, societate quadam coniuncta sunt.* Et Dauid. *Laborem tuum quia manducabis, beatus es, & bene tibi erit.*

PATIENTER ferens, id est, multas passiones, & labores sustinens, donec accipiat temporarium, id est, primi temporis fructum, ante generalem maturitatem, & serotinum, id est, fructum permaturum. Sic & vos debetis patienter

patienter sustinere, donec fructum recipiatis, quando supremus ille agricola triticum suum colliget in horreum suum, paleas autem tradet igni inextinguibili. Terra promissionis, inquit Dionys. hoc loco, de qua nunc loquitur, bis in anno fructificat, videlicet in Aprili, atque Septembri: sic Sancti accipiunt fructum temporaneum, & æternum.

PER fructum ergo temporaneum spiritualiter intelligi potest gratia, & fructus iustitiæ, & per æternum gloria, iuxta illud Pauli. *Habets fructum vestrum in sanctificationem, finem vero vitæ æternæ.* & alibi: *Flores mei fructus honoris, & bonæ stas.* Rom. 6.
Eccles. 9.

VEL potest per temporaneum fructum intelligi gloria animæ, quæ statim post mortem reddetur, & per æternum carnis incorruptio, quæ in ultimo die concedetur iustis, scilicet immortalitas corporibus gloriosis concessa. Græcè verò habetur; donec accipias *pluviam matutinam*, seu, *tempestivam*, scilicet, tempore sementis, & *serotinam*, vel imbrem tempore veris: & eundem fere sensum facit.

§. I.

Spes cælestis præmij nos patientiores reddit in sufferendis laboribus.

MONET hic locus, iustos debere præstare patientiam in tolerandis huius vitæ laboribus, donec adueniat retributionis tempus. Voluit enim Deus, ait Tertull. aduersus Gnosticos cap. 5. mortem morte dissolvere, tormentis tormenta discutere. Cum enim eos qui ob Christum aliquid in terra reliquerunt, & propter ipsum patiuntur, & illorum absentia, & laborum præsentia anxie soleat cruciare, quia non vident præparata à Deo bona, inde necesse est admoneri, vt proposita futurorum bonorum spe, amissionem bonorum, & laborum tolerantiam despiciant.

IDEO David clamabat. *Quam magna multitudo dulcedinis tuæ Domine, quam abscondisti timentibus te!* quasi aduerteret illorum bonorum cumulum nondum videri, quia absconditus est: & iterum. *Expecta Dominum, viriliter age, & confortetur cor tuum, & sustine Dominum.* vbi eleganter Augustinus. Non sustinebis mendacem, non eum qui poterat falli, non eum qui non est inuenturus quod dicit, omnipotens promisit, certus promisit, verax promisit. Sustine Domine, viriliter age, noli dissolui, ne sis inter eos quibus dicitur. *Vae iis qui non perdiderunt sustentiam.* Psal. 30.
Psal. 146.
Eccles. 2.

Hoc etiam prosequitur Ber. Ser. 17. in Psal. *Qui habitas.* vbi ait. Non consideremus quæ videntur, sed quæ non videntur, gloriemur in spe gloriæ magni Dei. Prælibemus primitias gloriæ, sed vt dicam expressius, gloriemur in tribulationibus, in tribulatione siquidem spes est gloriæ, & ipsa in tribulatione gloriæ continetur, sicut spes fructus in semine, sic ipse fructus in semine est. In hunc modum etiā modò Regnū Dei intra nos est, 2. Cor. 4.

est,

- est, inquam, sed absconditum, felix qui inuenerit illud. Quàm veraciter
 2. Cor. 4. hunc thesaurum inuenerat, qui aiebat. *Momentaneum & leue tribulationis nostra supra modum in sublimitate æternæ gloriæ pondus operatur in nobis.* Bonum in tribulatione magis amplecti te, in camino habere te mecum, quàm esse sine te, vel in cœlo. Et Serm. 28. docet, quanti faciendi sint labores pro æterna vitæ: & cum explicat illud Cantic. 1. *Nigra sum, sed formosa sicut tabernacula Cedar, sicut pelles Salomonis.* Est nigredo, inquit, persecutionis, quæ pro summo na mento habetur, siquidem suscipitur pro substantia, & veritate, hæc potissimum gloriari Ecclesiam arbitror, hanc libentiùs imitari de pel-
 Cant. 1. libus sponsi, qui dicebat. *Si me persequuti sunt, & vos persequentur.*
 Ioan. 15.

Hoc ipsum quod prosequimur, videtur dixisse sponsa in commendationem sui sponsi Christi Domini. *Labia tua*, inquit, *sicut lilia distillantia myrrham primam.* Quis enim nesciat myrrham amaram symbolum laboris, passionis & mortis esse? Id certè distillabant labia sponsi, qui nihil frequentius inculcabat, quàm laborum sustentiam, iniuriarum tolerantiam, mortis contemptum, ratione promissi præmij, & futuræ gloriæ reuelandæ in iis, qui labores & ærumnas perferrent; quia verò, & ad eiusmodi patientiam inuitabat proposito gaudio futuro, & spe gloriæ filiorum Dei, ideo labia sponsi sic loquentis, & prædicantis, similia dicuntur liliis, quæ symbolum spei vsquequaque fuere; sicut prosequitur Pier. Valer. lib. 55. titulo de Lilio.

- Et ideo fortassis Christus Dom. de Lilio dixit. *Non laborant, neque nent.*
 Matt. 6. quia sufficit spes ad leuandum quemcumque laborem; & mite reddendum quodlibet tormentum significatum in ipsa fusi intorsione, sicut eleganter prosequitur Nazian. Orat. 2. Apologet. Vnde & partem præmij dixit spem Dionys. teste Plut. lib. de auditione. Cum enim cytharædo cuidam præclara cum approbatione cantanti inter audiendum magna quædam dona promississet, deinde nihil dederit; persoluisse se ei iam gratiam dixit, quandoquidem quanto tempore canens delectasset, tanto etiam spe fuisse oblectatus.

- Tota itaque Christi doctrina de laboribus & persecutionibus comitæ seper habuit spem futuræ retributionis, quâ sancti viri adedò firmiter sunt amplexati, vt arboribus viridatibus, & inconcussis foliis similes dicantur. Quod argumentum prosequitur Aug. in Pl. 36. vbi ostendit, iustos esse velut arbores, iniquos homines veluti fœnū, qui radicem altam charitatis non habent. Proinde, inquit, per hyemem virentur vbi Sol æstatis. feruere cœperit, arescent. Venit æstas. i. iudicii dies, tunc arescet viror fœni, tunc apparebit arborum gloria. i. iustorum. *Mortui estis*, ait Apostolus, quomodo videntur arbores per hyemem quasi aridæ, quasi mortuæ. Ergo quæ spes, si mortui sumus? intus est radix, vbi radix nostra, ibi & vita nostra. *Spera in Domino, & educes iudicium tuum, tanquam meridiem.* Noli emulari in eo qui prosperatur in via sua. Prosperatur impius, sed in via sua, laboras, sed in via Dei, illi prosperitas in via est, in peruentione infelicitas; tibi labor in via, in peruentione felicitas; proinde tolerandum, & sperandum. Et Concion. 2. in eundem

eundem Psalm. Cum attenderis quid sis accepturus, omnia tibi erunt vilia quæ pateris, nec digna æstimabis pro quibus illud accipias. Videndus D. Chrysost. hom. 64. ad Pop. vbi prosequitur hoc argumentum, & ait. Multa exhibētes tolerantiā spe pascamur. Multa de hac re habet hom. 9. ad Rom.

Idem habet Theodoret. in Ps. 1. ad ea verba. *Et folium eius non defluet*, vbi sic explicat hæc verba. Virtutis athletæ laborum fructus etiam in posterum reportabunt, bonam semper spem in seipsis ferentes, ut quædam viridantia folia germinant, & exultant, & frustra timent ob animi delectationem laborum sarcinam, &c. Et Cyprian. epist. 56. Ne vereamur, inquit, occidi, quos constat quando occidimur, coronari.

NOTANDVS venit in hanc sententiam locus apud Ambr. lib. de Isaac, & anima vbi dicit. Chaldaeorum sermone Enos, dicitur Latine homo. Enos autem, qui assumpsit, & sperauit inuocare nomen Domini, & ideo creditur esse translatus. Non videtur itaque homo esse nisi is, qui in Deum sperat, qui autem sperat in Deum, non degere in terris, sed quasi translatus adherere Deo manifesta viri interpretatione significatur. Quod idem dixerat Philo de Abraham, & lib. *Quod deterior, peior. insidiari solet.*

Quod si quicumque sit homo, in Deo sperare debet, multo magis qui Dei doctrinam absconditam sub laboribus agnouit, & bona quæ Deus laborantibus proponit. Pro qua re videndus est Rupert. lib. 9. in Gen. c. 21. vbi ponderat cur Patriarcha Iacob tantus cœli ciuis, cui viuenti totus mundus exilium fuit, tantopere de suo corpore curauerit, & serid scite voluerit quo loco pulvis in puluerem, & cinis reuertetetur in cinerem, & asportari in terram promissionis, concluditque. Si ergo moriturus continuò promissiones terræ quas acceperat tanta cum gratiarum actione veneratus est, ut saltem mortuo corpore illam tenere cuperet, quanto magis viuui possesores curare debuerunt sic in ea viuere, ut non iratus Deus donum suum gratis rursus offerret: exemplum enim viuus mortuus dedit, ut in spe patriæ cœlestis pignus amarent, requiem æternæ hereditatis?

Hinc est quòd Osee assignās differentiam inter decē tribus idololatricæ seruientes, & duas quæ Deum verum colebant, ita ait. *Ephraim vitula docta diligere tritum, & ego transibo super pulchritudinem colli eius, arabit Iudas, confirmet sibi sulcos Iacob.* Quæ verba sic melius intelligentur, si aduertamus quòd boues dum in area frumentum & triticum terebant, etiam si laborem sustinebant, liberè tamen comedere sinebantur, iuxta illud Deut. *Non alligabis os bouis trituranti;* & ita veluti dum laborant, mercedem accipiunt: at verò arare, est laborare in ea re quæ fructum præsentem non habeat, sed futurum promittat, & speret, ut docet præfens locus Iacobi, & aduertunt Glos. & Lyran. in citata verba Osee. Carpit igitur Propheta decem tribus, quæ colebant idola, quoniam in commercio, & amicitiiis aliarum nationum lucupletiores fiebant, & figuratè iniquos viros, qui solum præsentibus rebus, & voluptatibus student, & tritum diligunt, seu, ut legit Ambros. lib. de Ioseph. c. 7. diligunt victoriam, non verò laborem aut prælium. At verò iusti, quales erant duæ tribus, quæ eo tempore, scilicet regnante Ezechia, pie-

Pater. in Epist. B. Iacobi Apost.

YYY y

tatem

1 Cor 9 tatem seruabant, & Deum colebant vt patet 2. Paralip. 30. & 31. arare solum curant, & spe futurorum sustentantur, sicut ait Paulus, quoniam debet in spe qui arat, arare, donec fructum temporaneum & ferotinum accipiat. Vnde Amos dixit. *Ecce dies veniunt, dicit Dominus, & comprehendet arator messorum*; quasi dixerit: Ne quæras statim istam dulcedinem, ecce dies veniunt, quibus tibi dabitur. Arator & seminator præsentem fructum non habent, sed in spe laborant, donec dies veniant, quibus sine dubio comprehendet arator, quando scilicet ex viatore fiet comprehensor, comprehendens possidendo æternæ vitæ brauium, ad quod in spe cucurrit.

Nec solum iusti vt agricolæ arando laborant in spe, quin imò aratores tolerant in spe corpus quidē, copias, & quæcumque habet persequentibus, velut terram proscindentibus tradentes, quod iam fecisse videtur David cum dixit. *Supra dorsum meum fabricauerunt peccatores.* vbi Aquila, & Theodotion legunt, *arauerunt peccatores*, quod quidem videtur posse exponi colloquendi modo, quo vitur imprimis Paulus 2. Cor. 5. *Scimus quoniam si terrestris domus nostra huius habitationis dissoluatur, quod ædificationem ex Deo habeamus non manifestam, æternam in celis.* Vel cum Tertul. in Apolog. cum ait. Cruciate, torquēte, dammate, atterite nos. Probatio patientiæ nostræ, est iniquitas vestra, semina non nisi corrupta & dissoluta fecundius surgunt, exquisita quæque crudelitas vestra illecebra est magis sectæ nostræ; plures enim efficiamur, quoties metimur à vobis, semē est sanguis Christianorum à vobis effusus. Videndus etiam est pro hac re Ambros. lib. 3. de Interpellat. cap. 2. cum ponderat illa verba Psal. *Quam bonus Israel Deus rectis corde.* Bonus, inquit, huic semper est Deus, qui nouit quo tempore metat, & ideo quasi bonus agricola hic arat agrum suum quodam rigidioris abstinentiæ vomere, hic extirpat quadam falce virtutum, amputatrice vitiorum, hic stercoret humiliando se vsque ad terram, sciens quia *Deus de terra suscitauit inopem*, &

2. Cor. 5. *de stercore erigit pauperem.* Denique Paulus, nisi æstimatus esset vt stercorea, nunquam Christum potuisset sibi acquirere; hic custodit fructus suos, vt illic securius recondat. Semper itaque ei bonus Deus, quia semper quæ bona sunt, de Deo sperat. Videndus Chrysolog. Ser. 103. vbi ait. Credamus quod crux nostri corporis sit aratrum, fides semen, sulcus sepulchrum, resolutio germen, expectatio tempus, vt cum ver Dominici aduentus arriiserit, corporum nostrorum matura tunc viriditas vitalem refurgat in mensem, non passuram falces, nec flagella sensuram, quia depositis in morte vetustatis paleis, nouum gloriosi corporis confurgit in fructum.

§. II.

Solos labores in hac vita quæruni iusti, dum futura inquirunt bona.

VNDE licet iam intueri quo fundamento sancti viri nullam omnino in vita mortali quærant consolationem, sed solos labores, & arūnas, imò

imò paucos putant labores, iuxta illud Sap. *In paucis vescai, multis bene disponentur*. Pauca enim sunt imprimis respectu infiniti debiti, quo obstricti sunt Deo, & respectu præmij magnitudinis, ad quod non sunt condignæ Rom. 8. passiones huius temporis, quas Sancti viri inquirunt expectantes beatam vitam, & futuram gloriam magni Dei. Vnde notavit Procopius Gen. 21. de solis iustis in Scriptura dici quodd fuerint ab lactati, & semoti à lacte, & dulcedine rerum temporalium, & laboribus, veluti iam viri facti, enutriti, & indurati. Notandum, inquit, nullibi de impiis dici, ab lactati sunt, si- Genes. 21. cut de Isaac, & Samuele. Nutriuntur impij veluti infantes, qui præsentia tantum intuentur, & futura præ ignorantia non valent agnoscere, cum 1. Reg. 4. iusti ab lactati, & semoti à terrenis delectationibus futuram solam inquirant delectationem.

VNDE D. Aug. lib. 2. aduersus Pelagianos notavit id, quod dixit Abacuch. *Compurefcant ossa mea, & subter me vermes scateant, tantum ut requiescam in die tribulationis*: hic tribulationes, & angustias afflictionemque animi deprecatur, vt in futuro virorum iam cum Christo regnantium numero societur. Et idem Aug. ad ea verba Ps. *Multa tribulationes iustorum, & de omnibus his liberauit eos Dominus*. Numquid, inquit, ideo sunt Christiani, vt nihil tribulationis patiantur? non hoc promittit, sed dicit; multæ tribulationes iustorum, magis si iniusti sunt pauciores habent tribulationes, si iusti sunt, multas habent; sed post paucas tribulationes, aut nullas, illi venient ad tribulationem sempiternam, vnde numquam eruentur. Iusti autem post multas tribulationes venient ad pacem sempiternam, vbi nunquam aliquid mali patientur.

NOTAVIT hoc D. Aug. Psalm. 41. in Dauide, dum dixit: *Fuerunt mihi lacrymæ meæ panes die, ac nocte*. Non dixit, inquit, Aug. factæ sunt lacrymæ meæ mihi potus, ne ipsas desiderasse videretur sicut fontes aquarum, sed seruata illa siti, qua rapior, panes mihi factæ sunt lacrymæ meæ, dum differor, & vtique manducando lacrymas, sine dubio plus sitit ad fontes. Quibus verbis velle videtur Aug. nihil omnino voluisse David in hac præsentia vita, quod illi sitim videndi Deum sedasset, aut spem retardasset; & quia lacrymæ solatium ex parte videntur esse, eas non bibebat, ne fortè sitis placabilis redderetur, sed comedebat, & in cibum, qui desiderium bibendi augeat, conuertebat, vt nihil aliud in Dauide dum viueret, cerneretur, quam sitis, spes, & desiderium videndi Deum, nihil insuper quod delectaret, sed quod vrgeret.

IN hanc sententiam notavit eleganter Rupert. lib. 9. in Gen. cap. 21. loquens de Iacobo, quando iuramentum à filio sumpsit in morte, vt deferretur in terram Chananaam, quodd Patriarcha tantus ciuis cæli, cui veluti totus mundus exilium fuit, tantopere de corpore suo curauit, & seriò scire voluit, quo loco pulvis in puluerem, & cinis reuerteretur in cinerem: videlicet, quia terra promissionis terra Dei erat. Exemplum viuis mortuus dedit, vt in spe patriæ cælestis pignus amarè requiè æternam hereditatis. Ideo etiam post mortem peregrinus huc, illucque deferri man-

dauit, vt ostendat nullam requiem nisi in futura terra promissionis haberi, & possideri à iustis posse.

R A T I O verò cur iusti sic quarant labores, sicque in eis libenter glorientur, & patientes cernantur, ea est quam Apostolus assignauit, quòd scilicet pretiosum fructum expectent; quod videtur adumbratum in aureis armillis donatis à Pharaone Ioseph propter constàtissimā spē quā in laboribus habuit. Vnde in Gen. dicitur. *Sedū in forti arcus eius, & dissoluta sunt vincula brachiorum eius*, &c. vbi Paraph. Chald. ita habet. Quia seruauit legem in occulto, proposuitque constantem spem suam, positum est aurum sub brachia eius, posseditque Regnum. Vbi vides aurum gloriæ, constanti in perpetiendis laboribus spei correspondere. Ideoque sicut notauit Philo lib. de Ioseph, pincerna Pharaonis oblitus est Iosephi cōtra promissionem, quia non decebat Iosephum liberari à pincerna, sed potius à Deo, in quo nouit sperare, vt insuper agnosceret eiusmodi labores non alium liberatorem quàm Deum, nec præmiatorem posse habere, sicut & acer Textus dicit, eum errantem vagatum in agro quando discessit à via, quæ ipsum poterat ducere ad fratres. Vnde à Deo missus videtur ille homo, si non potius Angelus, vt aliquis dixit, qui eum in viam induxit qua ad fratres posset peruenire, quia scilicet nulla alia via ad gloriam possidendam, & Regnū consequēdū superest, quā si quis ad labores perueniat, & eos patiēter sustineat.

Hinc est quòd Isachar, qui supposuit humerum ad portandū, & laborandum, in rationali descriptus erat in secundo ordine, vt patet Exod. 28. non in carbunculo, sed potius in sapphiro, qui cœlestis coloris est, quia eorum nomina in cœlo scribuntur in libro vitæ, imò ad vitam admittuntur æternam, qui laboribus supponunt humeros, eosdem per patientiam tolerantes. Quod prosequitur Chrysost. epist. 7. ad Olympiam tom. 5. vbi ait: Dicam aliquid, quod opinionem multorum videatur excedere, non tamen veritatem, & si quis bonum operatus fuerit magnificum, vel viri e, non autem cum labore & periculo, non multam recipiet mercedem. Vnusquisque enim propriam mercedem accipiet nō secundum magnitudinem facti, sed prout fuerit qualitas passionis; est enim mensura gloriæ quantitas laboris, &c.

V I D E N D U S item Aug. cum ponderat titulum Psalm. 55. qui ait de Dauid, *senuerunt eum Allophyli in Geth*, hoc est, in torculari. Quid est, inquit Aug. in torculari? In pressuris: sed in torculari fructuosa pressura est, nititur in torculari, calcatur, premitur, iniuria videtur fieri vix, sed ista iniuria sterilis non est, imò si nulla iniuria accederet, sterilis remaneret. Quicumque ergo sancti pressuram patiuntur, attendant Psalmum istum.

Q U I A ergo accommodatum in malis pharmacum spes est, sicut dixit Nazian. Orat. 2. Apologet. ideo Apostolus docet, vt patientes in laboribus simus proposita spe futuri præmij, vt si labor terret, merces inuitet, sicut ait Ber. 1. de Considerat. hic non est locus præmij, sed laboris. Vnde Ambr. Serm. 3. in Psal. 118. ad ea verba. *Retribuere seruo tuo, vinificam me, & custodiam sermone meo*, legit ipse: *Retribuere seruo tuo, vinum*. Quare dixit vinum, & non viuot

vivo? quia hæc vita non est loco præmij, quæ in loco mortis est; viuam quasi nondum viuens; hic enim quasi in umbra viuimus; ergo ista vita in corpore umbra est vitæ, atque imago, non veritas; denique in imagine ambulat homo, & in regione umbræ mortis. Erit autem ibi abundantissimum præmium, quia, sicut dixit Augustinus Sermo. 16. de verbis Domini, quicquid hic quærebas, quicquid pro magno habebas, ipse tibi erit Deus. Vnde Paulus explicans ea bona quæ Deus tribuet diligenti- Rom. 2. bus se, & patienter sustentibus, ait. *Reddet unicuique secundum gloriam eius, iis qui secundum patientiam boni operis, gloriam, & honorem, & incorruptionem.* Ea quidem recenset quæ homines in terrâ magni faciunt, & pro quibus magnos labores exantlat non recusant, quia nihil aliud habuit per quod hæc bona nobis possit explicare. Vnde Chrysost. ibi hom. 5. ita ait. Vide uti cum de futuris bonis loquitur, manifeste ac liquidò bona ipsa qualia sunt, manifestare nequeat, sed & gloriæ, & honoris nominibus abutatur? Ea bona omnibus bonis humanis superiora sunt, non habet tamē unde earum rerum imaginē proferat, sed ea nobis ab iis quæ apud nos splendida sunt: & illustria esse videntur, utcumque representat, à gloria, ab honore; hæc enim ab hominibus maiorem in modum expetuntur.

ET Aug. Psal. 84. Fratres cogitate omnia ista quæ videtis pulchra, quæ amatis, si hæc pulchra sunt, quid est ipse? si hæc magna sunt, quantus est ipse? Ergo ex istis quæ hic amamus, illum magis desideremus, contemnentes ista, illum diligamus. Videndus omnino hac de re idem Aug. 1. de doctri. Christi. c. 38. & Gregor. 4. Moral. c. vlt. Berner. Ser. 2. super *Vidi Dominum.* & Chrysost. lib. 3. de Sacerdotio. Per patientiam igitur currere debemus ad præsentia certamina: illa enim necessaria est, ut finem promissionum reportemus. Quod etiam infert Iacobus, dicens.

Patientes igitur estote & vos, & confirmate corda vestra, quoniam aduentus Domini appropinquauit.

EXPOSITIO LITERALIS.

PROPONIT Apostolus rationē, qua fideles possit ad patientiā plus commouere, quia scilicet eorum miseria, & persecutio breui quidem finiēda est, quia non semper relinquet Dominus virgam peccatorum super sortem iustorum; imò quā citissimē reddet virtutibus præmia, & vitiis iusta supplicia. Ita breuitas vitæ, & certitudo præmij per verum Iudicem concedendū debet corroborare laborantium corda, ne à fide, & patientia cadant.

PER aduentum Domini aliqui intelligunt illum quando Iudæos per Romanos deuastauit, & subuertit. In Scriptura enim sæpe quando Dominus malos punit, aduenire, & egredi dicitur, ut iam notauimus. Ita Cardinal: Tolet. Ioann. 21. ibi. *Donec veniam.* Ita Oecum. qui citās eundem locum Ioannis exponit de simili aduētū, referens Chrysostom. in eandem exposi-

tionem.

tionem. Et ita Iacobus hoc in loco confortat fideles ex Iudaismo conuersos, vt iniurias, & persecutiones patienter sustineant, quia citò perituri erant increduli, & per Romanos tollendi.

S E D sequentia verba ostendunt, Apostolum loqui de iudicio, licet de priori aduentu possit optimè locus hic intelligi, & de secundo sequens locus. Similis est ea exhortatio Pauli. *Ne saigeris dum ab eo argueris*: in Græco est. *Ne dissoluaris animo*. Quid verò sit, *dum ab eo argueris*, intelligimus ex modo loquendi, quo vitur in Prouerbiis nostra translatio, *dum ab eo corripis*. *Arguere enim, & ut verbis, & factis*. Verbis, *Argue, obsecra*, &c. factis verò: *Domine ne in furore tuo arguas me, neque in ira tua corripas me*, & alibi. *Qui si inique aliquid gesserit, arguam eum in virga virorum*.

Hic autem hoc loco occurrit loquendi modus necessariò explicandus, scilicet, *confirmandi cor*, qui significat immobilem in sententia permanere, vt ibi. *Confirmatum est cor eius, non commouebitur donec despiciat inimicos suos*. Vnde *psal. 104*. *Contrario conuèrtere cor, significat mutare sententiam*. *Conuerti cor eorum, vt odirent populum eius*. Et: *Tu conuèrtisti cor eorum*. Qua de re videndus Hieron. in c. 11. Osee, cum exponit ea verba; *Conuersum est in me cor meum*. Quoniam, inquit, terribile supplicium comminatus fuerat, rursus parentis affectu misericordia vincitur, & austeritatem Iudicis pietate mitigat patris. Ideo ergo admonet Iacobus fideles, vt confirment corda, ne à verè fidei confessione discedant, nèue laboribus cedant, & ærumnis flectantur.

S. I.

Aduentus Domini ad iudicium nos ad patientiam excitat.

HORTAT V R Apostolus fideles ad patientiam ex eo quòd Domini dies propè sit, quoniam *non derelinquet Dominus virgam peccatorum super sortem iustorum*. Super quæ verba ita ait Aug. Ferant iusti ad tempus, quia non erit hoc in sempiternum, sed præparent se ad possidendum hæreditatem; ad tempus potest esse virga peccatorum super sortem iustorum, non tamen eam relinquet Dominus super sortem iustorum: imò illis præmia meritorum concedet, illis supplicia infliget crudelia. Vnde Cyprian. lib. contra Demetrianum, loquens de summa fidelium patientium sustentia, ait. Patientes facit de sequutura ultione securitas.

I D E O & dies Domini, quò tanquam linteo iusti extergunt laboris sudorem, peccatoribus terribilis erit. *Eccce dies Domini*, inquit Isaias, *crudelis* vbi Septuag. habent, *in sanabilis, & vastitas à potente*, siue vt Septuag. translulerunt: *& quasi miseria de miseria veniet, & conterentur in porta*. Iustis autem datur aditus, & porta ciuitatis cœlestis Hierusalem. Sic enim interpretatur D. Gregor. 6. Moral. c. 5. illud Iob. *Conterentur in porta, & non erit qui eripiat*. Nam sicut vrbis aditus porta dicitur, ita dies iudicij porta Regni, quia per eum ab electis omnibus ad cœlestis patriæ gloriâ intratur. Et in hoc sensu de Christo Iudice intelligit illud. *Nobilis in portis viuentis quando sedet*.

psal. 31.

tu cum Senatoribus terra. Quando sederit Filius hominis in sede maiestatis, & sederint Sancti cum eo, iudicantes duodecim tribus Israël; tunc dabit Ecclesia de fructu manuum suarum, filij autem gehennæ ante portam elati in porta conterentur: qui ergo nunc tenuit premi, tunc non valet eripi.

PROINDEQUE patientes debent esse iusti, & confirmare corda dum premuntur, qui leuabunt capita sua dum Iudex aderit, ut coronam gloriæ accipiant, tunc videbit vnusquisque iustorum seipsum in lumine, & gloria inenarrabili. Consideransque intra se, & admirans ait Ephrem; de iudicio extremo, cogitabit ac dicet. Nunquid ipse ego sum? & quomodo hac gloria vilis, & abiectus ego repertus sum dignus? Corpora Sanctorum super luminis claritatem in cælis erunt fulgentia, inuenerunt enim thesaurum in agro absconditum, venditisque omnibus super terram illum solum possederunt.

Vnde iam licet colligere, cur iusti dicantur diligere aduentum Domini ad iudicium, qui suis desideriis, & votis videntur rapi obuiam Christo in aëra, quasi illis Iudex videatur moras trahere. Obseruat autem Chrysost. & Beda, Angelos, qui apparuerunt Apostolis, ut de reditu Christi, Dom. ad iudicium illos redderent certiores, in vestibus albis quasi hilares, & lætos nuncios aduenisse, & dixisse: hic Iesus qui assumptus est à vobis in cælum, sic veniet, scilicet, ad iudicandum, quemadmodum vidistis eum euntē, & mirum in modum beneuolum, atque propitium plenumque charitate paternam suos complectentem, & consolantem, ut etiam ibi aduertit Chrysostomus. 1. Thef. 4. Act. 1.

FAC IT etiam ille locus apud Isaiam. *Discite benefacere, & venite, & arguite* Isai. 1. me: quasi velit, non solum non reformidabitis diuinum iudicium, sed confidenter ad Iudicem loquemini, causamque vestram proponetis. Videndus hac de re Irenæus lib. 4. c. 28. Hilar. & Chrysost. cum explicant illud Matth. 24. *Vbi cumque fuerit corpus, ibi congregabuntur & aquila.* Et Hugo Ætherianus lib. de regressu animarum c. 25. Aquila, inquit, sancti nominantur, eo quod in excelsis obuiam Christo ituri aduolabunt. Et quia sicut aquila Solem intuentur absque reuerberatione, ita iusti à seruitute corruptionis exuti veræ lucis radios, Christum scilicet, intuebuntur, venientem in nubibus, quando scilicet, *reprobi dicem monibus, cadite super nos, & collibus, operite nos.* Luc. 21. Iob. 19.

Ex qua doctrina intelligitur ille locus Iob. *Quem visurus sum ego ipse.* vbi in Hebr. & in aliquibus codicibus habetur, *Quem visurus sum mihi*, qui casus licet apud Hebræos per pleonasmum redundet, ut in Exod. *Præcide tibi dæmas* Exod. 34. *rabulas.* & in Cantic. *Si ignoras te, egredere, & abi.* Hebr. habetur, *egredere tibi.* Canti. 1. & alibi sæpe: tamen aliquando commodum, aut incommodum significat, ut apud Zachar. *Ecce Rex tuus venies tibi*, vtilis scilicet, & salutaris; & apud Isaiam, *Saluabit mihi brachium meum*, id est, cedit victoria in meam gloriam. Zach. 9. Isai. 63. Vnde & prædicta verba Iob, *Quem visurus sum mihi*, sic explicat Vatab. id est, bono meo, & ad commodum meum, ut sit sensus: Videbo Deum Iudicem mihi, non aduersum me, sed pro me pronunciatum sententiam, mearumque vindicem iniuriarum; proindeque vtinam adueniret.

1. Pet. 1. SIMILISQUE est præfenti Iacobi doctrinæ illa apud Petrum, ubi etiam Christi Iudicis vidēdi lætitiā incredibilem in Sanctis afflictis quidem, & contristatis in terra proponit, ut illorum animos erigat, & lætificet; cum enim dixisset *salutem paratam reuelari in tempore nonisimo*, subiungit. *In quo exultabitis*, cum scilicet aduenerit, *modicum nunc si* (id est, quanuis) oportet *contristari in variis tentationibus*. Et de Christo Iudice venturo loquens ait; *quæ cum videritis, diligetis*, &c. ut sit sensus; Si etiam antequā videatur, sola spes re fouet, & erigit, ipsūque proinde summè diligitis; quid cum ipsum venientem videritis vestris ipsis oculis largitūrum vobis laborū mercedem?

MITTO quodd pars præmij iustis erit visio Christi Domini. Pro qua re videndus Aug. in Manual. cap. 26. & de Spiritu, & anima, cap. 54. & 69. & Cyp. Ser. de Natiuit. Christi. Ex hac ergo doctrina Iacobi illud colligendū est, quoties scilicet iniuste vexamur, debere Domini aduentū piis suspitiis expetere, qui omnibus miseriis nostris gloriosum finem, terminūque imponet, & dicere in medijs tribulationibus cum Beato Euangelista: *Veni Domine Iesu*; quibus ipse ait; *Ecce venio cito; & merces mea mecum est, reddere unicuique secundum opera sua.*

Verf. 9. *Nolite ingemiscere, fratres, in alterutrum, ut non iudicemini, ecce iudex ante ianuam assistit.*

EXPOSITIO LITERALIS.



B effectis impatientiæ prouocat nunc Apostolus fideles ad patientiam, quodd scilicet, qui impatienter ferunt labores, & ærumnas, & contra proximos suos, & cōtra Deum indignantur, & conqueruntur, ab eodem Deo condemnantur, ut Deo detrahentes, eiūque voluntati, & ordinationi resistētes; & ne temerè ad huiusmodi querelas homines prosiliant, Iudicem denūciat stare pro foribus, cuius saltem timore, & reuerentia quisque in officio continere se debeat.

NOLITE ergo ad inuicem ingemiscere eo gemitu, qui liuidi, & impatientis animi certissimum argumentū est: potestque intelligi gemitus in alterum ex displicentia passionata, & malè affecta contra alium, tribulati scilicet contra tribulantes.

Nolite in alterutrum ingemiscere, id est, mutud gemere, & dolere propter aduersa, quæ sustinetis, quali iniustus sit Deus, qui fidelibus tot aduersa infligit, impios verò in hoc seculo prosperari permittit, & ita in alterum facit sensum. Nullus ingemiscat relatus ad alium fratrem, putà comparando se ad eum, qui minùs patitur. Ita Beda, Carthus. Caiet. & alij.

UT non iudicemini, id est, incurratis iudicium ultionis diuinæ eo quodd iustum Iudicem quasi iniquè iudicantem vituperetis, cum potius inuicem adhortari deberetis, & prouocare ad patientiam. Etenim iudicari in Scriptura

ptura frequenter sumitur pro condemnari. *Nolite iudicari, & non iudicabimini.* *Matt. 7.*
& passim alibi.

ECC E, ait, quia euidenter veniet. *Anie ianuam*, id est, prope, sicut quod est in ianuis. Hebræa autem est phrasis, imò prouerbialis loquutio, qualis illa *Genes. 4.* *Nonne si bene egeris, recipies, si autem male, statim in foribus peccati aderit* & apud *Matt. 4.* *Prope est in ianuam*, id est, citò venturus est. Solet autem in *Matt. 4.* Scriptura ipse iudicij etiam vniuersalis horrendus dies, celer, citusque dici, quia improuisus, vel sicut aduertit Hieron. *Sophon. 1.* quia ad comparationem æternitatis omne huius sæculi tempus breue est.

§. L

Contra eos qui in laboribus impatienter conqueruntur.

EST igitur imprimis hic locus contra impatientes, qui mala cum nequeant sustinere, in Deum, & maiores insurgunt per murmurationem, cum ea ab æquissimo Iudice prouenientia æquanimiter deberent tolerare, & illud ob oculos proponere, ea in vtilitatem, & commodum nobis inferri. Neque verò considerare quis debet qualis sit qui immediatè inferat, sed à quo iussus, aut permissus sit. Vnde *Iob. Dominus dedit, Dominus abstulit.* *Iob. 1.* Non dixit, ait *Aug.* Dominus dedit, diabolus abstulit, non gaudeat inimicus; agnosco eius voluntatem, potestatem tamen non nisi à Deo habet, quemadmodum Pilato suam potestatem iactanti respondit Christus Dominus. *Non haberes potestatem aduersum me, nisi tibi datum esset desuper.* *Non Ioh. 19.* Et David cum malediceretur, & iniuriis maximis impeteretur à Semei iniquo viro, & à militibus expostularetur ad mortem. *Sime. (ait) Deus enim precepit ei, ut malediceret David,* ac si diceret, non sic decipior, ut credam homunculum istum ausum fuisse maledicere David: nec enim adeò sum vilis, sed si maledicit, præcipit Dominus ut maledicat. Viden' grande inuentum deuorandæ contumeliæ, & asserendæ prouidentie. Est enim *Deus formans lucem, & creans tenebras,* *Iai. 32.* id est, commutationem aduersitatis cum prosperitate, & è contrà faciens pacem, id est, bonorū abundantiam, & creans malum, inopiam scilicet, & egestatem; *ego Dominum faciens omnia hæc.* Quæ repetitio vehementiam habet, & rem hanc indubitatam nobis asserit.

NON igitur Diuina voluntas in vtroque euentu pro summa ratione habenda est. Verbum enim Dei, per quod facta sunt omnia, *λογος*, Græcè, quod vocabulum teste Hieron. & Ambros. *rationem* sonat, ut intelligamus omnia à Deo nobis per summā rationem prouenire; qua ratione se prudenter, & sanctè consolabatur Nazian. *epist. 63.* in suo morbo, & dolore. Grati-
as, inquit, dabo, ut in lætis rebus, ita & in acerbis, quandoquidē illud exploratum habeo, nihil rerū nostrarū apud summā rationē expectis rationis esse. Et sanctus Ioseph sui ipsius miserā, & felicitatē Deo tantum attribuens dicebat. *Non vestro consilio,* inquit, *sed Dei voluntate humifusus sum,* &c. *Prosequitur hoc argumentum Chrysost. homil. 15. in epist. ad Rom. Genes. 45.*

Petr. in Epist. B. Jacobi Apost.

Z Z Z z

E S T

Exod. 13. Est optimus pro hac sententia locus apud Exod. cum dicitur. *Omne quod aperit vulniam asina mutabis oue.* Quæ verba pōderans Ambros. lib. 2. de Cain, & Abel. ait. Si quis sensum spiritualis intelligentiæ altius persequatur, considerabit, quodd asina laboriosum sit animal. Omnem ergo laborem tuum, omnem industriam puro, & simplici commendabis affectu. Optima Ambrosij expositio: sed ea nobis viam aperit, vt aliam quæ nostro instituto inseruit subiiciamus. Cum ergo asina laboris, & afflictionis symbolum sit, ouis itidem & patientiæ nota est. Vnde & de Christo dicitur. *Sicut ouis ad occisionem ducitur.* Tunc ergo labor, & afflictio nostra Deo placet, nobisque prodest, cum in ea patientia relucet, & ostenditur veluti commutata, vt vndique sustentia reluceat quasi primogenita, & fundamentum virtutum. Sicut impatientia Deo summè displicet, vt pote quæ primogenita diaboli sit, sicut notauit Tertull. lib. de Patient. Natalis, ait, impatientiæ in ipso diabolo deprehendo, iam tunc cum Deus vniuersa opera sua homini subiecit, impatienter tulit, decepit hominem, quia inuiderat, inuidit, quia doluerat, doluit, quia non patienter tulerat. Impatiens itaque fuit in bonis alienis. Et nos in malis etiam propriis debemus patientes esse, vt Apostolus monet, & Deum, tam in malis, quàm in bonis bonum semper cogitare, & eos qui nos persequuntur, tanquam Dei ministros libenter sustinere.

OSTENDIT hoc Dauid in eo Psalmo in quo ipse se fatetur penè lapsum fuisse, dum pacem peccatorū videret, attamē hoc ipsū, defectū potiùs fuisse proprium, quàm diuinæ prouidentię fatetur, dum sic rem aggreditur.

Psal. 72. *Quam bonus Israel Deus his qui recto sunt corde!* Quæ verba sic exponit Ambros. lib. 3. de Interpellat. c. 2. Nemo, inquit, potest Deum bonum fateri, nisi hic, qui non ex successibus commodorum suorum, sed ex cœlestium mysteriorum profundo, & diuinæ dispositionis altitudine bonitatem eius agnoscit, quæ non spe præsentium, sed futurorum vtilitate pensanda est. Iusto itaque semper bonus est Deus, & cum torquetur doloribus corporis, & cum affligitur acerbitate pœnarum semper dicit. *Si bona suscepimus de manu Domini, quæ mala sunt, cur non sustineamus?* Futura præmia sperare non poterit, qui non luctatus, non exercitatus sit diuersorum certamine præliorum. Qui verò siue iuste, siue iniuste affligitur in hoc sæculo, gratulatur, vel quodd hîc soluat pretia delictorum suorum, vel quia nouit eam esse apud Deum vberiore gratiā si iniuste pro eius nomine, aut pro bono aliquo opere acerba aliqua patiatur, hic perfectus est. Ergo iustus si in equuleo sit, semper iustus est, quia iustificat Deum, & minora se peccatis suis dicit sustinere, & ideo venit Dominus Iesus, vt saluum faceret quod perierat. Venit enim vt peccatum mundi tolleretur, vulnera nostra curaret, sed quia non omnes medicinam expetunt, sed plerique refugiunt, nemedicamenti compungatur vis vlceris, ideo volentes curat, non astringit inuitos. Accipiunt igitur sanitatem qui medicinam expetunt.

Luc. 19.

EST autem primum medicinæ huiusmodi ad salutem pharmacum, afflictio, sicut notauit Nazianz. Orat. 12. proinde æquo animo sustinenda. Vnde

de Petrus. *In hoc vocati estis*, scilicet, ad patiendū. vbi Caietan. Proprium est Christianæ Religionis vocare ad benefaciendum, & mala patiendum, &c. ^{1. Pet. 3.}
 Et Greg. lib. 9. epistolar. epist. 39. Ego, Abel esse non suspicor, qui Cain non habuerit. Quibus similia habet Aug. Serm. 78. de Tempore: & Ber. Ser. de conuers. Pauli. Videndus etiam pro hac re idem Ambr. in Ps. 1. vbi explicat id quod de iusto ait Dauid. *Erit tanquam lignum quod plantatum est secus decursus aquarum.* Aquarum verò nomine intelligit labores, & afflictiones, quod tritū est in Scriptura. *Assumpsit me de aquis multis*, id est, impugnationibus Saülis, & Absalonis. Et. *Adducet super eos Dominus aquas fortes, & multas.* ^{Psalm. 17.}
 Regem Assyriorum. Et alibi. *Si transieris per aquas, secum ero flumina non operient te.* vbi Hieron. Aquas, inquit, & flumina, ignem, & flammās persecutorum ^{Isai. 43.}
 impetum, furorēque describit. Ait ergo Ambros. Plantatus ergo rectē dicitur secus decursus horum fluminum: iustum, non in ipsis decursibus, vt finitimum, non demersum intelligas. Neque enim mens iusti laboribus, & ærumnis obruitur, sed irrigatur, quod pulchriores flores proferat, & vberiores fructus producat, vt contingit iis arboribus, quæ plantatæ sunt secus decursus aquarum. Videndus idem Amb. Ser. 4. in Ps. 118. Et hæc est ratio cur Paulus dixerit. *In multa patientia, sicut Dei ministros.* Cæteri enim, qui non sunt Dei ministri, nec paruam quidem possunt habere patientiam, quia nihil futurum nouerunt sperare. ^{1. Cor. 6.}

ILL V D etiam aduertendum, quod Apostolus ait: *Nolite ingemiscere fratres in aliterum, vt non indicemini.* Quod ostendit districtum iudicium in eos, qui impatienter mala ferunt. Quod argumentum prosequitur D. Chrysost. hom. 2. o. ex variis in Matt. locis, tom. 2. vbi ait. Non solum diues, verum etiā pauper suæ paupertatis rationem redditurus est, si fortē gratē eam tulit, si non grauatus est, si non indignatus, si non diuinam inculcauit prouidentia, alium in deliciis & opulentia, se contrā in extrema egestate constitutum: sicut enim à diuite beneficentiæ, sic à paupere tolerantia ratio reposcitur. Et meritò, namque, sicut dixit Greg. 14. Moral. Sanctis viris quot occasiones perditionis intulit inimicus, tot causas victoriæ ministravit. Debemus proinde orare pro persecutibus, & calumniantibus nos, & mala de manu Domini patienter ferre, memores Iudicem viuorum, & mortuorū bre- ^{Matth. 5.}
 ui affuturum, qui dixit. *Mihi vindictam, & ego retribuam.*

Verf. 10. *Exemplum accipite, fratres, exitus mali, laboris, & patientiæ Prophetas, qui loquuti sunt in nomine Domini.*

EXPOSITIO LITERALIS.



Vo magis patientiam possit inculcare, exemplo Prophetarum, ac Sanctorum in communi proposito, eam docet, postquam verbis docuit, quasi dicat. Nolite frangi animis in aduersis, imò confirmate corda vestra in sancto pietatis Christianæ proposito

ZZZZ 2 ad

ad exemplum Sanctorum Patrum. Inde enim imprimis colligetis non solos vos laboribus conteri, neque vobis tantum miseria obtrigisse, cum ij, qui vos præcellerunt, graviora sustinuerint ab iniquis, ob prædictionem futurorum, ob reprehensionem præsentium vitiorum, ob quæ etiam, & vos patimini. Cæterum sicut illorum in sustinendis tormentis sortem nemo iniquam iudicavit, & felices duxit, cur vos impatièter sustinebitis ea quæ in vestram utilitatem, & augmentum futuri præmij inferuntur?

EXEMPLVM igitur *exiis mali accipere*, id est, crudeles, & indignas mortes. Malas dicit propter pœnas eorum, qui ludibria, & verbera experti, seu, ut Syriacus ibi habet, qui ludibriis, & verberibus se exposuerunt, ut videre est in Hieremia cap. 37. quando Principes irati in eum, cælum miserunt in carcerem, & ingressus in domum laci, & in ergastulum sedet ibi diebus multis. Et in Michaa alapa percussio, & in carcere missio. Et in duabus etiam mulieribus, de quibus 2. Machab. 6. In iis deinde qui lapidati sunt, ut Naboth Iezrahelites. Et Prophetæ de quibus Christus Dominus: *agricole apprehensis servis illius, alium ceciderunt, alium occiderunt, alium lapidaverunt*, id est, alios. Similiaque habentur apud Matth. Et Zacharias Sacerdos lapidatus est: & in iis qui secti sunt, qualis Isaias iuxta veterum Hebræorum traditionem ferra sectus. Quod probat Hieron. lib. 15. in Isaiam sine: & in argumento eiusdem Prophetæ, & in c. 16. Matth. Idemque in vita eius habet Epihanus: & in aliis, quorū membra in tormentis abscissa sunt, ut illi septem fratres. In iis denique de quibus Stephanus: *Quem Prophetarum non sunt persequuti patres vestri: & occidebant eos, qui pronuntiabant de aduentu iusti*; & ij de quibus 2. Machab. cap. 5. & 6.

ALIi hoc loco per *malū exitū* intelligūt aduersos successus, seu afflictiones. Accipite etiā in exemplū laboris paupertatem Helix, qui à coruo, & à muliere in extrema necessitate pascus est. Davidis, cui cibus iūisq; deerat; & qui in exilium fugerunt, ut David, cum fugit ad Achis in persequutione Säuilis. Insuper etiam dolores, ac solitudines Helix, cum fugeret Iezabel Davidis, Säuilem, & prædictorum in persequutione Antiochi. Accipite etiam in exemplum patientiæ constantiam illorum, qui in aduersis forti, & æquo animo perstiterunt in functione muneris sui, ut Daniel leonibus expositus, & tres pueri voracissimis flammis adiudicati.

APPONIT autem rationem, cur hi omnes afflicti fuerint, & ipsorum conditionem, quod magis discipulos vrgeat dicens, *quod loquuti sum in nomine Domini*, quod sic exponit Beda. Videte, inquit, quia Prophetæ qui tam sancti erant, tam immunes à delictis, ut Dei Spiritus per eos sua mysteria loqueretur (quod etiam ait D. Thomas) ut sitensus. Videte quales vobis in exemplum patientiæ adducam sanctissimos viros, Dei familiares, per quos loquutus est Deus, quique ob id persequuti, afflicti, & occisi sunt, quod in nomine, id est, in honore, virtute, ex parte, ex loco, & ex iussu Dei veritatem prædicauerint, futura mala prædixerint, & vitia reprehenderint. Hæc si ob oculos proposueritis, non dubito,

quin

quum libenti animo quaecumque aduersa sustineatis, ipsorum patientiam,
& longanimitatem imitantes.

§. I.

Quantum valeant exempla Sanctorum ad patientiam in laboribus.

NON parum ad patientiam commendationem, & laudem cōducere existimo, tot huius virtutis exempla nobis Deum reliquisse, vt ea *mubam* *Hebr. 12.* appellet Paulus; sicut ibi notauit Theoderet. Et quasi parum fuerit nobis sanctos viros in exemplum patientiam proponere, ipsemet Deus in patientia imitandus docetur, quod notauit August. lib. de patientia, tom. 4. vbi habet. Virtus animi quæ patientia dicitur tam magnum Dei donum est, vt etiam ipseus qui nobis eam largitur, qua malos vt corrigantur, expectat, patientia prædicetur, estque patiens sine vlla passione. Si ergo Deus nobis patiens proponitur, qui totus actiuus est, imò purissimus actus, nos qui nisi patiamur, tundamur, & premamur, perfecti minimè erimus, cur pati recusamus?

PROPOSUIT autem Deus, imò & Apostolus exempla patientiam, quia hæc nos plus commouent, fortius vrgent, acriusque pungunt, qua fortè ratione modò liceat interpretari illud quod Siracides dixit. *Lingua tertia multos commouit.* *Ecl. 28.* Est enim intellectus veluti prima lingua, qui sua profert verba, & conceptus; secunda verò est lingua oris; tertia sunt exempla, & opera, iuxta illud quod dixit David, *Cæli enarrant gloriam Dei, & opera manuum eius annuntiant firmamentum.* Quod de perfectis viris plerique intelligunt. Hæc igitur lingua tertia, scilicet proposita maiorum exempla, multos commouit, quos lingua oris, & doctrina inconcussos reliquerat, & nec minimum commouerat. Proindeque Chrysostomus homil. 9. ad Popul. Cæli, id est, Sancti, enarrant non dicentes tantum, sed tacentes, & vitæ claritate in admirationem adducentes. Et hom. 38. Dicis, quòd opus est modestiam sequi, & lōgum super hoc trahis sermonem, sed te melior ille, qui per opera hoc te docet. Non enim disciplina tam à verbis, quàm à factis solent intromitti. Quod etiam prosequitur Basil. epist. 1. ad Nazianz. vbi vitas Sanctorum allerit nobis propositas esse tanquam quædam animata simulachra. Videndus item Gregor. lib. 9. Moral. c. 35. cum explicat ea verba Iob. *Instauras testes tuos contra me.* Testes, inquit, suos contra nos Dominus instaurat, quia bona quæ facere ipsi negligimus, hæc ad correptionem nostram fieri ab aliis demonstrat, vt qui præceptis non accendimur, saltem exemplis excitemur, atque in appetitu rectitudinis nihil sibi mens nostra difficile æstimet, quod perfectè peragi ab aliis videt. Videndus etiam idem Greg. 14. Moral. c. 6. & lib. 33. cap. 37. & Orig. lib. 1. in Iob. Et Ephrem tom. 2. epist. ad Ioannem Monachum. Cassianus collat. 2. c. 4. Climac. grad. 26.

Vnde eleganter Hieronym. epist. 13. ad Paulinum, de institut. Monach. Habet, inquit, vnumquodque propositum Principes suos. Romani duces
Z Z Z z ; imi

imitentur Camillos, Fabricios, Scipiones. Philosophi proponant sibi Pythagoram, Socratem, Platone, Aristotelem. Poëtæ æmulentur Homerum, Virgilium, Menandrum, Terentium. Historici Sallustium, Herodotum, Livium. Oratores Lyfiam, Demosthenem, Tullium. Et ut ad nostra veniamus, Episcopi, & presbyteri habeant in exemplum Apostolos, & Apostolicos viros, quorum honorem possidentes habere nitantur & meritum. Nos autem habeamus propositi nostri principes Paulos, & Antonios, Iulianos, Hilarios, Macarios, &c. Plura hac de re habet idem Hieron. epist. 102. Bern. Ser. de altitud. cord. & Serm. 54. in Cantic. Ambros. 2. Offic. c. 20.

RECETE proinde Iacobus eos, qui mala patiebantur, & ab infidelibus ærumnosē ac misere affligebantur, ad patientiam monet appositis exemplis eorum, qui cum sanctissimi viri essent, exitus malos, & labores, & afflictiones perpessi sunt: sic enim & fortiores, constantioresque in laboribus reddunt, insuperque consolationem aliquam in afflictionibus experientur. Ideo enim Paulus *nubem testium* vocavit Sanctorum exempla, secundum expositionem Chrysostomi, & Theophylact. ut quoniam fideles tentationum, & laborum æstu affligebantur, memoria, & exemplo tot testium quasi nube in æstu recrearentur.

Hebr. 12.

Verf. 11. *Ecce beatificamus eos, qui sustinuerunt.*

EXPOSITIO LITERALIS.



QUINTA adhuc annexit rationem ad suadendam patientiam, quam sumit à communi iudicio circa eos, qui patienter tormenta subière, dum eos celebrat in terra cum omni honore ac reuerentia. Particula, *ecce*, admiratiua est hoc in loco, ait D. Thom. quasi mirabile sit, quomodo per tantam miseriam deuenerunt ad tantam gloriam. *Beatificamus*, id est, beatos reputamus, & dicimus, iuxta illud. *Beati qui persecutionem* Math. 5. *patiuntur*. Magnos, ait Glos. reputamus, & veneramur eos, qui sustinuerunt patienter. Igitur ut eiusdem gloriæ, & beatitudinis possimus aliquando esse participes, oportet illorum exemplis cuncta huius mundi aduersa æquanimiter, & alacriter sustinere.

§. I.

Quanta cum ratione beati pradicentur Martyres.

Hic locus, sicut annotauit Feuardent, locum aperit ad commendandos sanctos Martyres, quos ideo beatos dicimus, quod tanta passi sint pro Deo tormenta, in quibus animi constantiam imprimis comprobarunt: etenim cum igni, & ferro, & belluis, & tyrannis, & præsentibus malis, & denunciatis, alacri animo, velut in alienis corporibus, imò quasi corporum

corporum expertes dimicarunt, ne pietatem, vel verbo tenus proderent, sicut prosequitur Nazian. Orat. 1. contra Iulian. & Aug. Serm. 8. de Sanctis. Quanta autem sit gloria, quis poterit explicare, animari hominem dolore, quo credatur extingui, & id sibi in augmentum virtutis assumere, quod cruciatui putat prodesse qui punit? sicut notauit Cypr. de laude Martyrij. Suntque hac in re testes, & veritatis fidei quam probemur, sicut ibi prosequitur idem Cyprian. & de dolor. vanit. & bonorum insuper quæ nos in futuro sæculo expectant, dum libentissimo animo tot aduersa æquanimiter, imò gaudenter sustinent; sicut ostendit Greg. 9. Moral. cap. 35. ubi ob hanc rationem eos Martyres, id est, testes dictos asserit. Et August. suprà. Quæ gaudia erunt in virtute regnantium, quando sunt tanta pro veritate morientium?

SUNT insuper & Martyres propriæ victimæ Dei, de quibus eleganter exponit D. Aug. 17. de Ciuitat. illud Prouer. *Sapientia immolauit victimas suas;* & quasi holocausti hostiam accepit eos, quos ob talia tormenta dignos se inuenit, & in eis extruxit pheretrum, in quo de diabolo triumpharet, & vexillum de inimico extulit, sicut dixit Tertull. de Iob. lib. de patientia c. 14. & D. Hieron. epist. ad Iulian. loquens de Iob. Exultans, inquit, Dominus in victoria famuli, & illius patientiam suam ducens triumphum, dixit. *Animaduertiſti seruum meum Iob,* &c. dum vincitur is, qui cædit, & proster-
nitur is, qui occidit, & qui torquet, maxime torquetur. Iob. 1.

MERITO autem dicitur Deus triumphare in Martyribus, quia ipsius donum est quoddam Martyres tormenta superent, vt prosequitur Cyprian. Ser. 4. de mortalitate, & Serm. 5. de Lapsis, & ad Fortunat. cum loquitur de duplici Martyrio, & Orat. 6. de orat. Dom. Aug. lib. 2. contra Iulian. & 13. de Ciuitate c. 7. Habeturque in decreto distinctione 15. cap. *Stans Romana Ecclesia.*

LOQUENS Seneca epist. 68. lib. 9. de manu Mutij Scæuolæ, quam ipse sponte flammis obiecit, ait. *Non dubito, quin magis laudauerim truncam illam, & torridam manum Mutij, quàm cuiuslibet fortissimi saluam. Verius est hostem amissa manu viciſſe, quàm armata: confecit bellum inermis, & manens illa manu trunca Reges duos denicis.* Quod nos merito de Martyribus possumus dicere: tanta enim pœna erat in membris, tanta securitas in verbis, tanquam alius torqueretur, alius loqueretur; quanto erant truculentiora, & exquisitoria tormenta, tanto magis tortus de torquente triumphabat, ait August. Serm. 1. de Sancto Vincent. Et ex illa carne tanquam ex terra suo sanguine irrigata, de qua plus dolebat inimicus, palma crescebat, voces tyranni, oculi, vultus, & truculentus totius corporis motus indicabant, quàm grauiora tormenta sentiret interiùs, quàm erant quæ Martyri infligebantur exteriùs. Si consideremus perturbationem torquētis, & tranquillitatem patientis, videre facillimum est, quis erat sub pœnis, quis supra pœnas.

BEATIFICANDI etiam sunt Martyres, quia ad beatitudinem statim per mortem euolant. Qua de re videndus Aug. lib. 7. quæst. in lib. Iudic. ubi ait, id significatum fuisse in iis viris, qui fictiles hydrias acceperant, eisque ardentes

dentes faculas incluserant, fractis verò hydriis lumina micantia luere
 2^{da}. 7. cœperunt. Quod Gedeon fecit instigante Domino, præfiguravit Sanctos
 suos thesaurum Evangelici luminis in vasis fictilibus habituros, sicut
 Apost. ait. Quibus in passione Martyrij tanquam vasculis fractis, maior
 2^a. Cor. 4. eorū gloriæ fulgor emicuit. Vnde & protomartyri Stephano Christus aper-
 tum cœlum ostendit, hoc facto indicans Martyribus per passionem tor-
 mentorū Paradisi gloriā referari, & cœleste Regnum aperiri; sicut no-
 tauit Euseb. Emys. hom. 1. de S. Stephano. Apertum (ait) Martyri cœleste
 secretū, futuri præmij fuit testimoniū, sed Deū videre iam præmiū est, &
 spes in re, spiritu adhuc intra carnem militante perficitur, nec dum explet
 famulus ministerium suū; & iam Dominus aperit Regnum suū. Et-
 enim, sicut Tertul. dixit in Apologet. Omnia huic operi. i. Martyrio delicta
 donantur: cūdamnamur à Iudicibus, à Deo absoluihur.

IDEOQUE Aug. in Psal. 127. Martyres vocat feliciter infelices & 13. de
 Ciuita. cap. 4. Tantam Deus præstitit gratiam, vt mors, quam vitæ constat
 esse contrariam, instrumentum fieret per quod transiretur ad vitam. Qua-
 de re videndus Cyprian. epist. 11. & Ber. Serm. ad milites templi c. r. Si bea-
 ti qui cum Domino moriuntur, multo magis, qui pro Domino moriuntur,
 & c. quæ in hanc sententiam prosequitur. Pretiosa proinde, inquit Cypria-
 epist. 9. in conspectu Domini mors, quæ emit immortalitatem pretio sui
 sanguinis, & mare rubrum sui sanguinis transiens peruenit ad beatam pa-
 triam; Notauit D. Maxim. Serm. de S. Stephano, ipsum dixisse, *ne stans illis*
hoc precutiam. Plus, inquit, tunc illorum dolebat peccata, quàm sua vulnera,
 plus illorum impietatem, quàm suam mortem, & rectè plus; in illorum
 quippe iniquitate erant multa quæ plangi, in illius autem morte non
 erat quod debuisset doleri.

VNDE iam patet quanta cum ratione dicat Apostolus, nos beatos præ-
 dicare eos, qui sustinuerant propter fidem & veritatem. Ideoque Aug. Ser.
 26. de Sanctis. Reddere debemus illis honorificentiam, qui nobis salutem,
 id est, doctrinam salutis effusione sui sanguinis pepererunt, qui tam sacra-
 tam hostiam pro nostra propitiatione Domino se obtulerunt. Et Ser. 2. de
 S. Stephano ostēdit quantum apud Deū valeat intercessio Sanctorū Mar-
 tyrum. Exauditus, inquit, est Stephanus, vt eius orationibus deleteretur pec-
 catum, quod commiserat Saulus. Commendemus ergo nos orationibus
 eius. Multo magis enim nunc exauditur pro bene orantibus se. Similiāque
 habet in Psalm. 85.

Verf. 11. *Sufferentiam Iob audistis, & finem Domini vidistis,*
quoniam misericors Dominus, & miserator.

EXPOSITIO LITERALIS.



v multos in confirmationem suā de patientiā doctrinæ posset
 proferre Iacobus, qui labores, & ærumnas libenter sustinuerūt,
 vnum solummodo affert Iobum; vnicum scilicet patientiæ, &
 longa

longanimitatis exemplum, qui diaboli opinionem perferendo superavit. Dixerat enim diabolus, *mitte manum tuam, & tange os eius, & carnem,* & tunc videbis quod in faciem benedicat tibi. iam tunc affirmare ausim, & cuiusque supplicio me deuovere, fore ut læso corpore accipias ab illo maledicta. Cum verò Deus illum diabolo tradiderit pro libito percutiendum acerbissimè, & ipse Sathan licentiosè in eum grassaretur, ut ex eius constat historia, eximiam præstitit patientiam, ut diabolus confusus abcesserit. Vnde & Dominus pro sua singulari clementia, cruentissimam viri iusti tragicomediam lætissimo, & gloriosissimo fine conclusit.

Non minima hoc in loco est difficultas, quidnam intelligatur per id quod Apostolus ait. *Sufferentiam Iob audistis, & finem Domini vidistis.* Communiter namque illud, *finem Domini vidistis*, referunt ad Christum Dominum patientem in cruce, ut sit sensus. Usque aded ferre & sustinere debetis quæcumque aduersa obuenant, ut nullam prorsus consolationem in hac vita velitis, nec speretis, sed quidquid laboris & tristitiæ fuerit. Vnde moneo ut patientiam Iob imitemini, non tamen finem Iob attendatis, & speretis, qui post miserationum inundationem, duplicia bona omnia recepit, & felicitatem expertus est: in fine patientiam Iob imitami, sed finem Iob non speretis, quinimò vobis finem contumeliis, & suppliciiis plenum, qualem oculis, vestris vidistis in Christo Domino proponite, exquirite, & postulate. Ita antiquiores expositores hoc in loco. Bed. D. Thom. Gloss. & Aug. Ait enim Aug. epist. 120. c. 10. Hoc ait Iacobus, ne ideo patienter sustinerent temporalia mala, ut sibi hoc restitueretur, quod receperat legimus Iob, nam & ab illo vulnere, atque putredine saluus factus est, & cuncta quæ amiserat, duplicata sunt restituta: ubi etiam commendata est Resurrectio fides; nam filij non dupli, sed totidem reddit, etiam illos quos amiserat, resurrecturos significauerunt, sic ipsi quoque illis prioribus iuncti à restitutione dupli non inuenirentur alieni.

Ut ergo non talem remunerationem speraremus, quando mala temporalia pateremur, non ait, *sustinentiam*, & finem Iob audistis, sed ait; *Sustinentiam Iob audistis, & finem Domini vidistis*, tanquam diceret, mala temporalia sicut Iob sustinete, sed pro hac sustinentia bona temporalia non sperate, quæ illi aucta redierunt, sed æterna potius quæ in Domino præcesserunt. Sic August. qui eadem expositionem insinuat lib. 1. de Symbol. ad Cathecum. c. 3. & habet Guaricus Abbas Igniacensis Ser. 3. de Dominica in Ramis palmar. dicens Ecce plusquam Iob hic (loquitur de Christo Domino) cui tum repente tam vehementer omnia simul in contrarium Deus vertit. *Sufferentiam Iob audistis*, & c. ait Iacobus Apost. ac fidiceret. Sufferentia Iob fuit usque ad reditum substantiæ, sufferentia Domini usque ad exitum vitæ: Iob quidem patienter damna sustinuit, sed mox in terra sua duplicia suscepit. Dominus ut erat repletus miseriis, & inebriatus amaritudinibus, è mundo migravit.

Et hæc expositio multas congruentias & cōiecturas pro se habet. Enimverò cum patientiæ imaginem, & exemplum, ac exemplar nobis voluerit

Pax. in Epist. B. Iacobi Apost.

AAAAA

pro

proponere Iacobus, & pulchrior sanè extitisset si extremitas eius in patientia desineret. Picturæ enim dignitas & excellentia in fine ac termino cernitur, sicut iam ex Plinio ostendimus: vnde ipse Iob quando vidit in spiritu
Iob. 14. finem Christi Dom. sibi reuelatum, dixit. *Audiu auris audiui te, nunc autem oculus meus vidit te. Idcirco me reprobando, & ago pœnitentiam in fauilla, & cinere:* quia adhuc non in me cerno perfectæ patientiæ rationem. Sic enim fere ex eo loco Iob philosophatur Aug. lib. 1. de peccatorû meritis. Facit etiam, quia, vt Petrus ait, Christus pro nobis in cruce passus, patiendi nobis in exemplum relictum est. Vnde Tertull. in Scorpiac. c. 1. legit. Nobis relinquens exemplum semetipsum. Et licet in omni Christi vita, si de moribus loquamur, multa nobis exempla suppetant, omnisque Christi actio nostra fuerit instructio, in morte & fine patientiæ imago perfectissima nobis proposita est, vt faciamus, imò patiamur secundum exemplar, quod nobis in monte
Exod. 17. Caluario demonstratum est: & recogitemus eum, qui talem aduersum semetipsum sustinuit à peccatoribus contradictionem, vt ne fatigemur animis nostris deficientes.
Heb. 11.

Cum ergo Iacobus de patientia disseruerit, & patiendi exempla proferre voluerit, quæ fieri potuit, vt potissimum patiendi exemplar omiserit Christum Dom. in Cruce pendentem? Cæteræ enim imagines imperfectæ sunt. At verò Aristot. 8. Politic. c. 5. præcepit ne pueri Pausonis figuras inspicerent, quæ imperfectæ erant, sed Polygnoti, quæ perfectæ erant. Perfectissima vtique patientiæ imago Filius Dei in carne, qui in diuinitate imago Patris est. Vnde Ber. Ser. 47. in Cant. Vtrumque mihi es Domine Iesu, & speculum patiendi, & præmium patientis. Et D. Greg. 1. Moral. c. 23. exponit de Christo patiente illa verba Iob. *Sû nomen Domini benedictum.* In se, inquit, credentes edocet, vt in flagellis positi benedicere Domino sciât, cum subditur. *Sicut placuit Domino, ita factum est,* &c. Vnde, testante Euangelio, cum appropinquaret passioni, accepto pane gratias egisse perhibetur.
Matt. 24. Gratias itaque egit, qui flagella alienæ iniquitatis suscepit, & qui nihil dignû percussione exhibuit, humiliter in persecutione benedicit, vt hinc videlicet ostendat, quid vnusquisq; in flagello culpæ propriæ facere debeat, si ipse æquanimiter flagella culpæ portat alienæ: vt hinc ostendat, quid in correctione faciat subditus, si in flagello positus Patri gratias agit æqualis.

Id eo conqueritur meritò idem Christus Dominus quoddam homines tam præclarum patientiæ exemplar non imitentur, cum apud Ieremiam sic ait.
Ierem. 11. *Facta est mihi hereditas mea quasi leo in sylua. Hereditatem appellat hominum multitudinem, quam sibi proprio sanguine in hereditatem acquisiuit: quâ etiam leoni comparat; de quo referunt Epiphani. in Physiolog. c. 1. Nazian. 3. carm. de Virtut. Alian. lib. 11 c. 30. Plut. lib. de animal. compar. & alij, propria vestigia, ne inueniantur, cauda abstergere, obscurare ac delere. Sic igitur conqueritur Christus de hominibus, quoddam vestigia quæ ipse reliquit imitanda, & sectanda, reddant incognita, & inimitabilia more leonum. Nô sic B. Stephanus, de quo Aug. Ser. 2. ait; Passionis Christi vestigia sequutum patiendo, & pro lapidantibus orando.*

CVM

Cum ergo Iacobus ad patientiam fideles fuerit exhortatus, & exempla patientiæ proposuerit, non debuit omittere singulare Christi Domini patientis exemplum, omnium quæ posset adducere, efficacissimum, imò ad sustinendos in vita lobores Iobi patientiam attulit, ad perferendam verò igominiosam, & suppliciiis plenam mortem, Christi Domini mortis meminit: & quia cum iis loquebatur, qui morti Christi Hireosolymis affuerant, ait. *Finem Domini vidistis*, propriis scilicet oculis, cum de Iob qui eos præcesserat, dixerat, *Sustinentiam Iob audistis*; quæ omnia hanc expositionem probatissimam reddunt, ideòque apud viros doctos nostræ ætatis eam passim inculcatam, & assertam reperio. Et sequentia verba. *Quoniam misericors Dominus, & miserator*, sic coherent cum præcedentibus; *Finem Domini vidistis*, usque adeò enim misericors est Dominus, ut vobis tale exemplum, taliæque vestigia in proprio Christi corpore impressa reliquerit, qui pro vobis proprio Filio non pepercit.

SED si rem attentius consideremus, fortè magis placebit eorum expositio, qui ea verba, *finem Domini vidistis*, ad Iob ipsum referunt. i. vidistis quàm gratiosè Deus finaliter egerit cum Iob, non solum post vitam præsentem, sed etiam in sæculo isto eum remunerando, vidistis, inquam, per fidem. i. ex sacra libri eius historia credidistis: de qua visione dixit Paulus; *Videmus nunc per speculum in enigmate*: & hoc sine etiam vidistis, quod valdè misericors, & miserator est Dominus erga patientes, ut inde certissimam concipiatis spem, & firmissimi reddamini in tormentis ac ærumnis. 1. Cor. 13.

Hanc expositionem sequitur Caiet. Feuard. Titelm. Gagneius, & alij recentiores doctissimi. Vnde codex Syriac. in hoc loco habet, *finem quem præstitit ei Deus*, sequentiæque verba hoc magis probant. *Quoniam misericors Dominus*: ubi Græcè habetur. *Quod misericors Dominus, & miserator*, qui nò passus est illum opprimi, sed ex malorum abyssu profundissima eundem extraxit gloriosissimè: amissa cumulatissimè reddidit, & cunctis gentibus, ac sæculis ut clarissimum virtutis exemplar erexit in sublime. Quæ optima coherentia est inter prædicta omnia verba.

FACIT etiam pro hac expositione, quia totus fuit Iacobus suprà in commendenda patientia, ex eo quod fructum ipsius, & præmium essent accepturi patientes à Iudice qui in ianuis aderat. Ne verò desponderent animum, tam certum futurum ostendit præmium, ut eis illud in præsentī vita concessum ostendat, quod magis excitet animos audientium, ut certo certius intelligerent Deum patientibus minimè defuturum. Solet enim diuina misericordia aliquando iustus, & sanctis viris aliqua bona etiam in hac vita cōcedere in arrhas futuri præmij; sicut fecisse legitur sancto Iob. quod prosequitur Nazi. Orat. 11. cum ait. Iustus ille retributor in hac etiā vita repēdit, hoc quoque sæpenumero ad eorum, qui dubia fide sunt ædificationē facit, per exigua scilicet, & in aspectū cadētia maioribus & inuisibilibus fidem astruēs. Vbi Helias Cretens. hīc nimirum velut arrhas quasdā tribuēs. Inde ergo sumit argumētū Iacobus ad præsentem doctrinā. Sustinete donec veniat Iudex, qui in ianuis adest, memores beatitudinis eorum,

AAAA 2 qui

qui hîc sustinuerunt, quos ea ratione beatificamus, seu beatos dicimus, memores insuper non posse deesse in reddenda solutione, qui patienti lobo etiam in hac vita soluere incepit.

Verf. 12. *Ante omnia autem, fratres, nolite iurare, neque per cælum, neque per terram, neque quodcumque iuramentum. Sit autem sermo vester, est, est, non, non, ut non sub iudicio decidatis.*

EXPOSITIO LITERALIS.



Nô cernitur coheræptia horum verborum cum præcedentibus, quod hucusque Apostolus ad patientiam hortatus est fideles; & ad sustinendos labores; quia verò in ærumnis, & miseriis plerumque reperiuntur diræ imprecationes, ac iuramenta, in quæ afflictus animus statim solet prorumpere, quod perfectior, & honoratior sit patientia, etiam in his silentium indixit, de quo eleganter Tertul. lib. de patient. c. 14. Os taciturnitatis honore signatum. Aug. igitur Ser. 28. de verbis Apostoli, qui est super his verbis. Ante omnia, inquit, cautos nos facit aduersus linguam nostram, tanquam speculam te posuit contra te. Quid est *ante omnia*? ante omnia vigila, ante omnia intentus esto, ante omnia, ut omnia tua inspiceres, & esses custos male consuetudinis tuæ. Et Serm. 30. de verbis Apostoli. Quare *ante omnia nolite iurare*? An iurare peius est, quàm furari? quàm adulterare? quàm hominem occidere? Absit. Isto verbo quod ait, *ante omnia*; cautos nos facit aduersus linguam nostram, ut attendatis præ cæteris, ne subrepat vobis consuetudo iurandi. Cum tibi creditur, iuras: & cum nemo exigit, iuras, vix es sanus non peierando. Istam ergo consuetudinem auertite à vobis, circuncidite ab ore vestro. Nam sicut dixerat idem Aug. lib. cont. mendac. Iurando ad facilitatem iurandi veniatur, ex facilitate ad consuetudinem, ex consuetudine in peritium deciditur. Vnde Ecclesiast. *Iurationi non assuescat os tuum; multi enim casus in illa: & infirmitas. Vir multum iurans replebitur iniquitate, & non discedet à domo eius plaga.*

Ecc. 23.

Est itaque sensus. Hoc vobis imprimis commendo circa patientiam, ut non iuretis. Similique forma loquendi vsus est Petrus. *Ante omnia autem mentem in vobismetipsis charitatem continuam habentes.* i. super omnes alias virtutes, quas enumerauerat. Græcè hoc loco habetur. *Sit vestrum* quod nos Interpres rectè transtulit. *Sit sermo vester.* & Caiet. exposuit. Sit autem vestrum etiam, etiam, quod etiam Pagninus vertit.

1. Pet. 4.

VT non sub iudicio decidatis. i. sub condemnatione. Græcè habetur, *hypocritis*, quod etiam habent Biblia Regia: & significat simulationem, quod transtulerunt & Vatablus, & Clarius, hîc verò sic rem explicans ait. Quomodo qui iurans in simulationem decidit? dum creditur per iuramentum verax esse, & fit interdum ut mentiat. Et Vatablus explicat. Ne deprehendami, simula

simulatores veritatis. Nam si meum etiam non est, etiam, & meum non, non est, non nisi falsò loquor & simulatè, incido in hypocrisim, & simulationem, quia aliud animo gero, aliud ore profero, vt hypocrita. *Ne subiudicio decidatis.* Græci legunt. *Ne in condemnationem cadatis,*

PRIMO explicacione ergo præsentis doctrinæ Apostoli aduertendum est ex D. Damasceno lib. 2. Paral. ex Chrysost. hom. 9. in Act. ex Basil. in Ps. 14. iurare esse, Deum in testem inuocare, eumque veluti fidei iussorem constituere. Quod multis modis fieri potest. Primò, per graues imprecationes, & execrationes, siue in seipsum, siue in proximos: quæ iurandi forma fuit vulgaris apud Hebreos. *Hæc faciat mihi Dominus, & hæc addat.* Ruth. 1. & 1. Reg. 3. 14. 25. 2. Reg. 3. 19. 3. Reg. 2. 19. 4. Reg. 6.

SECUNDO, sit per contestationes, quales sunt. Viuit Dominus, Deus testis est, Deum testor, Deus scit, Nouit Deus, Ita Deus me seruet.

TERTIO, per contactum rerum sanctarum, vt Euangeliorum, sanctæ Crucis, Altaris, sacrarum imaginum, Reliquiarum, &c. vt videre est in secundo Concilio Nysseno act. 4. & Concilio 6. Constantinopol.

QUARTO, per sanctissima Ecclesiæ Sacramenta, vt Baptismi, Eucharistiæ, sacrorum ordinum. Quintò, per virtutes, vt per fidem, per charitatem, &c. Sextò, per mysteria & instrumenta Redemptionis humanæ, vt per corpus, sanguinem, vulnera, mortem, & Crucem Christi Domini.

TANDEM per sanctissimas aut nobilissimas creaturas, in quibus Deus est laudandus, & glorificandus, vt per Angelos, per Beatissimam Virginem, per Apostolos, & Sanctos, per cælos, & elementa. Vnde Christus Dom. vetans iurare per cælum, ait. *Quia iheronius Dei est,* scilicet, quia in eo Dei re- Matt. 5. lucet maiestas, sicut etiam & in terra, quæ propterea dicitur *scabellum pedum eius.* Est enim Deus in cælo veluti in parte mundi supremæ, ac præclarissima, & in terra, vt in parte infima.

VETAT igitur hoc in loco Apost. ne iuremus, absque necessitate scilicet. Est enim maxima irreuerentia in cælum ponere os nostrum, & linguam T/al. 7. 1. nostram transire in terram, & maiori ratione prohibitum censendum est falsum iuramentum indiscernerem, ac temerarium.

SED statim sese offerunt multa Scripturæ loca, quæ contrarium probare videntur. Nam in Deut. dicitur. *Dominum Deum tuum timebis, & per nomen eius iurabis.* Et David dicit. *Laudabuntur omnes qui iurant in eo.* Et iterum: *Iuranti, & statui custodire iudicia,* &c. Et alibi: *In omni corde suo iurauerunt Domino, & inuenerunt eum.* Helias quoque & Eliseus iurasse leguntur: *Viuit Dominus, in cuius conspectu sto hodie.* & Paulus. *Testis mihi est Deus.* Deut. 6.
Plal. 62.
& 118.
1. Par. 2.
3. Reg. 1.
& 3.
Rom. 1.

Vt igitur rem conficiamus, aduertendum est per se, & natura sua non esse malum in te infecè, iurare: ideòque nec naturali lege prohibitum. Vnde in Scriptura Exod. 26. Leuit. 19. & Deut. 9. non prohibetur simpliciter iuramentum, sed iurare frustra, aut in vanum: & ita Sanctos iurasse legimus, vt Abraham, Isaac, & Iacob, & Moysen. Et David, ac cæteri Prophetæ frequenter vtuntur illa forma iurandi, *Viuit Dominus:* imò Aug. obs. quat, Dominum Deum frequenter iurasse, vt nos omnino certos de promissis redderet. Genes. 26.
& 31.
Deut. 3.
& 4.

AAAA 3 Viden

Videndus Serm. 29. & 30. de verbis Apostoli.

ET ENIM cū iuramentum sit quædam inuocatio diuini nominis, non est iniuriosum Deo, imò continet tacitam fidei confessionem, quod Deus sit prima veritas, & mentiri nō possit. Ideoque nō est intrinsecè malum. Regula verò est certissima Theologorum, in lege noua non esse lata positia præcepta diuina, præter leges Sacramentorum & fidei. Vnde dicere possumus, nullum esse datum præceptum negatiuum in lege gratiæ, quo vniuersaliter prohibeatur aliquid quod de se malum non sit, imò Paulus iurauit;

Rom. 1.
2. Cor. 1.
2. Tim. 4.

Testis mihi est Deus. Similiæque verba habet ad Philipp. & 2. Cor. 1. *Ego autem testem Deum inuoco.* & 2. Timot. 4. *Coram Deo, & Christo Iesu.* Similiter Galat. 1. vbi videndus Aug. & epist. 206. & Ser. 26. de verbis Apost. & refertur in cap. 2. 22. q. 1.

Vnde autoritate Ecclesiæ exiguntur iuramenta, vt patet ex titulis de Iureiurando, & de Testibus, vel ad abiurandam hæresim, vt patet ex titulo de Hæreticis, & ex Concil. Ephes. & ex Cōcil. Constantiens. in bulla Martini: vel ad purgationem delictorum, vt patet ex titulo de purgatione Canonica, vel ad promittendam obedientiam, & confirmandam pacem, vel ob alias causas, quas late congerit Selua tract. de iuramento, 2. p. in principio. Idemque cernere est in Imperatoribus, Regibus, & Pontificibus, ac Doctoribus quando inaugurantur.

Rebr. 6.

ENIM VERO ex Paulo necessitas iuramenti est, vt sit omnis controuersia finis, & confirmatio: quæ necessitas modò etiam durat in lege gratiæ, vt late prosequitur Concilium Tolet. 8. c. 2.

Hier. 4.

Hi s. suppositis, vt iuramentum sit licitum, requiritur veritas, iustitia, & iudicium, quæ est sententia D. Tho. 2. 2. q. 89. art. 3. vbi recentiores, & antiquiores cū Magistro in 3. dist. 39. & Canonist. in cap. *Animaduertendum.* 2. 2. q. 2. Næque Hieremias dixit; *Iurabis: Viniit Dominus in veritate, & in iudicio, & in iustitia.* vbi Hieron. Animaduertendum, quod iuramentum hos habeat comites veritatem, & iudicium, & iustitiam.

PRIMA conditio inde patet, quia finis iuramenti est confirmatio veritatis, vt ex Paulo diximus, proindeque iuramentum in quo veritas deest, se destruit; & deinde quia per iuramentum Deus adducitur in testem, tanquam prima, & infallibilis veritas, proindeque ad solam veritatem debet adduci.

SECUNDA conditio, scilicet iustitia, ex parte materiæ, quæ iustitia intelligenda est generalis, prout de omni virtute dicitur, vt idē sit materiam iuramenti debere esse iustam, ac debere esse honestam, nam irreuerentia infertur Deo asserre illum in testem ad confirmandam rem iniquam.

Deut. 11.

TERTIA conditio est, quod fiat cum iudicio, id est, debita, & prudenti consideratione: solètque per hanc conditionem intelligi necessitas, vel grauius utilitas iuramenti. Vnde in præcepto Deuter. *Non assumes nomen Domini Dei tui in vanum,* id est, frustra, sine causa, sine necessitate.

HINC iam intelligitur præceptum Deut. initio allatum, quod affirmatiuum cōditionatum est, & in rigore in negatiuum resoluitur, vt ibi Gloss.

&

& Abul. exponunt. Cuius sensus est, quod si iuraret, per suum ac verum Deum iuraret: quando verò occurreret obligatio iurandi, transit in absolutum præceptum: ut si præcipiatur per legem Ecclesiasticam, vel civilem, vel occurrat necessitas ad saluandam rixam inter proximos, vel ad subueniendum proximo in vitæ periculo existenti.

Quæ 1 ergo cum debitis circumstantiis, & quando necesse est, iurat, laudatur, non tam quia iurat, quàm quia quando iurat, in eo iurat, id est, in cultum eius, & omni reuerentia illi debita: & ita iurarunt Sancti, de quibus sermo est in locis allatis.

PROHIBET ergo hoc in loco Iacobus temerarium, leue, spontaneum, & contumeliosum iuramentum, quo peruersi diuinæ Maiestatis contemptores nomen Dei sponte, vel passim, aut in rebus leuissimis assumunt, idque in vanum, & frequenter in falsum, sicque ex iurantibus fiunt perituri, eisque imminet graue iudicium, & seuera condemnatio.

IURAMENTUM ergo sumendum est tanquam medicina, sicut dixit D. Thom. opusc. 7. quæ nõ semper accipitur, sed in necessitate; quod eleganter dixit Theodoret. quæst. 41. in Exod. cum ponderat ea verba legis. *Non assumes nomen Dei in vanum.* Ego, inquit, puto diuinam legem statuere, ne quis nomen Dei pronuntiet sine aliqua ratione, velut docendi, aut orandi, aut alia quadam necessitate. Si enim permulti consueverunt pretiosiores vestem diebus festis referuare, multo rectius est diuinum nomen precibus, atque docendi officio consecrare. sic ille. Proindeque Chrysost. hom. 26. prius ablucendum os docet antequam nomen Domini illo assumamus.

RECTE igitur Iacobus admonet in præsentī, ut nolimus iurare: quia in re præter supplicia quæ remanent iurantibus, qua de re videndus Chrysost. hom. 15. ad Pop. & D. Aug. Ser. 28. de verbis Apost. ipse etiam pudor posset homines à iurando retrahere, & suadere, ut eorum sermo esset, est, est, non, non. Namque, sicut dixit Iosephus lib. 2. de bello cap. 7. Eseni mendacij condemnatum arbitrantur, cui sine Deo non creditur. Ideoque Basil. Psal. 14. Turpe est, & omnino stultum, sese, ut fide indignum accusare, & ad iuramenti securitatem confugere.

ET Philo lib. de specialibus legibus, in principio. Quicquid vir bonus asseuerat, perinde ac iurato credi debet, cum verbum eius firmum sit, ac rigidum, nullo mendacio flexile, veritate in qua fundatur, subnixum. Quod si rei necessitas religionem iurisiurandi postulet, magis decet iurare per patris, & matris sanitatem, & senectutem prosperam, si viuunt, aut si defuncti sunt, per eorum beatam memoriam.

DEINDE verò loquens de iis, qui iuramenta multiplicat, faciliusque adhibent cuicumque dicto, ait. Quasi euiaturi sint crebris de iurationibus, ut sibi credatur. Fatui, qui non intelligunt consuetudinem crebri iurandi, argumentum esse perfidiæ, non fidei, duntaxat prudentiorum iudicio.

VIDENDUS etiam pro hac re lib. de Decalog. & Chrysost. homil. 7. ad Pop. & hom. 13. & 25. & hom. 26. ad Pop. & Aug. lib. 1. de serm. Domini in monte, ait. Christianus verum loquatur, neque iurationibus crebris, sed

morum

morum probitate commendet veritatem, &c. Neque omittendum hoc loco decretum Concilij Carthagin. 4. c. 61. quod constituit clericum per creaturas iurantem, grauius obiurgandum esse, & si in vitiis persistit, excommunicandum; quod decretum videtur desumptum ab Aug. Ser. 3. de verbis Apostoli.

Verf. 13. *Tristatur aliquis vestrum? oret: a quo animo est? psallat.*

EXPOSITIO LITERALIS.

DOCET modò Apostolus, quidnam fideles agere debeant, tum in aduersis, tum in prosperis, omnibus consulens, neminem deserens. Proindeque, quia in pressuris ingemiscere prohibuit, nunc quid agendum sit, monet: vt in aduersis ad orationes confugiant, quibus patientiam, constantiam, & leuamen possint impetrare, in prosperis verò se hymnis, & canticis spiritualibus occupent, & oblectent. Non autem omnia ab omnibus exigit, sed ab his qui animo æquiori sunt, lectiones, hymnos, & gratiarum actiones, ab illis verò qui in mœrore sunt, orationem. Indicat verò hic locus animum ægotantis ad orandum esse ineptum, & languidum.

TRISTATUR, id est, affligitur: sic enim Græcè habetur, scilicet, pro violentia, & pressura tribulationum, vel pro damno rerum, vel amicorum, vel periculo corporum, vel pro culpa, vel illata iniuria. Alij verò per *tristitiam* hoc loco intelligunt accediam, quæ est torpor, & mœor de exercitio virtuoso, seu Dei oblequio, ideòque orare Deum debet, qui accedix vitio tangitur, vt ab ea protinus liberetur, & seruens, alacërque reddatur. Est enim efficax remedium contra accediam, & tristitiam oratio. Itaque qui tristatur non se ad carnales, vilēsque consolationes effundat, non murmuret, nec loquacitatibus vacet, nec pusillanimis efficiatur, sed oret.

A QVO animo est? id est, non sic affligatur primò, sed prosperiori vitur fortuna, & omnia pro animi sententia succedunt; ad psalmodiam, gratiarumque actionē recurat. Nihil enim aliud est psalmus, quàm laus, & præconium Dei, & *psallere* hoc in loco est, gratias agere, vt omnes fere expouunt. Vnde Chrysostom. homiliam tom. 1. fecit, quòd *Davidica cantica diuersis inferniis nostris consolationibus*. Et Ambr. in Ps. 38. *Et si infirmus es, ora, et tibi fortis es, ora, &c.*

§. I.

Vera consolatio in solo Deo reperitur.

NON videtur mihi prætermittendum quod Apostolus eos, qui tristitia, & mœrore affecti sunt, nulla alia consolatione putat rescindendos, &

& à mœtore leuandos, quàm si ad Deum confugiant consolatorem , quasi nihil aliud in mundo possit reperiri quod nostram mœstitiam possit reficere, & solatium præbere, ideóque David. *Reuui consolari anima mea; memor fui Dei, & delectatus sum.* Psal 76.

CYRAUIT Helcana consolari Annā, quæ amaro animo erat, dixitque ei. *Curses, & quare non comedis. & quamobrem affligitur cor tuum, nunquid ego non melior tibi sum quàm decem filij?* Attamen adhuc amaro animo flens largiter ad Deum accurrit. Et Iacob multo tempore flens mortem, quam existimabat, Iosephi, à cæteris filiis noluit consolari. Et Iob consolatores suos cultores peruerforum dogmatum appellauit; in Hebr. est *Medici*, aut, *curatores*, vel, *sanatores idoli*, id est, falsitatis, aut vanitatis, id est, vani, inepti, & imperiti medici, qui cum neque de morbi natura, neq; de remedio possint iudicare, falsa, & nociua remedia adhibent, quæ nihil omnino prosunt; sic & vos vestris consolationibus nihil conficitis, quia vera consolatio, non in hominibus, sed in solo summo Deo reperitur. Vel etiam potest esse sensus. Estis medici idoli, id est, quasi qui curare vellet idolum, stipem, aut triumphum, qui licet multa adhiberet remedia, multumque curationi ineumberet, & saluti insudaret, nihil tandem proficeret. Vel tandem est sensus, nostro etiam instituto admodum inseruiens, estis medici idoli, id est, veluti idola mortua, de quibus dixit Propheta. *Hominem à morte non liberant, neque infirmum à potentiori eripiunt, hominem cecum ad visum non restituum, de necessitate hominem non liberant, vidua non misereantur, neque orphanis beneficium.* Baruch 3 *Lapidibus de monte similes sunt, Dij illorum lignei, & lapidei, & aurei, & argentei. Qui autem colunt ea, confundentur.*

ET Paulus rem hæc etiam expressit cum dixit. *Quia nihil est idoli in mundo.* Quod etiam dixerat Zachar. contra eos Pastores, qui nullum commodum, officiumque pecori impendunt, *o pastor, o idolum!* Ideóque Symmac. vertit ea verba prædicta. *Addicti estis mendacio, & medici concimatores mei apparentes absurda;* quia quæcumque consolationes mundi, mendaces, apparentes, absurdaque sunt, cum nihil prodesse possint, neque aliquid solaminis possint afflictis afferre. 1. Cor. 8. Zach. 11.

RECTE proinde ad Deum remittit mœstos, & afflictos Iacobus, & præcipit vt orent: sicut & Christus tristis in horto orauit Patrem, iussitque tristes Apostolos orare. Et David: *Ad Dominum cum tribularer, clamavi.* & alibi ait: *Effundo in conspectu eius orationem meam, & tribulationem meam ante ipsam pronuntio;* quia in oratione mirabilis animi dulcedo, & spiritualis lætitiæ percipitur. Mat. 26. Luc 22. Psal. 119. Psal. 141.

PRO qua re videndus est ille locus Exod. quando Moyse, & Aaron, Nadab, & Abiud, insuperque septuaginta de senioribus Israël montē Sinæ ascēderunt, vt Dominū orarent: deinde sacer Text. addit, *Videruntque Deū, & comederunt, ac biberunt.* Quod magis exposuit Paraphrast. Chald. qui ait. *Gausti sunt in sacrificiis suis, quasi comedissent, & bibissent.* Qui enim Deum orat, magnam experitur suauitatem, lætitiā, & consolationē, nec minori afficitur gaudium, quàm si amicorum lautissimo conuiuio frueretur.

Paiz in Epist. B. Iacobi Apost.

BBBbb VNDE

- Psal. 83.* Vnde Dauid. *Cornu meum, & caro mea exultauerunt in Deum viuum*; quem locum ad præsens institutum bene versat Aug. lib. 50. homil. hom. 33. &
- Psal. 76.* idem Dauid iterum ait. *Memor fui Dei, & delectatus sum*: vbi Nazianz. Orat. ad ciues suos. Quid memoria paratius? Memor esto Dei, & delectaberis: o
- 2. Mach. 15.* facilem, & parabilem medicinam, &c. Iudas, & qui cum eo erant inuocato Deo per orationes congressi sunt, manu quidem pugnantes, sed Dominum cordibus orantes prostrauerunt non minus triginta millia, præsencia Dei magnifice delectati. Vnde Iob loquens de impiis. *Cum veneris super eum angustia, poterit in omnipotente delectari*. vbi alij legunt. *Non delectabitur in Deo*.
- Iob. 27.*
- Iob. 6.* Hinc etiam est quòd idem Iob miseris, & ærumnis oppressis dixerit. *Qua est fortitudo mea, ut sustineam, aut quis finis meus, ut patienter agam?* id est, precor Deum, ut mihi grauissime laboranti sustinetiam, constantiam, & letitiam conferat, nam sine precibus, sine oratione, sine Dei adiutorio nò possem tam fortiter tot mala sustinere. Quem sensum penè indicat Chrysost. ibi, qui ita habet: Tolerantia non à robore corporis, sed à pietate Dei manabat, nunc verò rem omnem non suæ audaciæ, sed precationi committit. Hoc orandi remedio ad tot ærumnas sibi relicto, se consolabatur
- Iob. 19.* Iob, & in hanc sententiam dicebat. *Derelicta sunt tantummodo labia circa dentes meos*, quasi dixerit. Dum orare, & precari possum, non omnino perij.

FACIT pro hoc argumento D. Chrysost. lib. 2. de orando Deum, vbi ita habet. Si quis dicat animæ neruos esse deprecationem, mea quidem sententia videbitur verum dicere. Qui ergo præ laboribus quasi neruis, & robore se spoliatum viderit, ne omnino eneruis fiat, dum tristatur, ad orationem recurrat, vnde vires, & robur colligat. Præstò namque Deus adest laborantibus, ut illis subueniat. Qua de re videndus est Ambr. in *Psal. 118.*

Cant. 5. cum ponderat ea verba sponsæ. *Caput meum plenum est rore, & cincinni mei guttibus nocturnis*. Existimat enim hæc verba intelligenda esse in typo, & figura animæ laborantis, & Filij Dei miserantis & condolentis. Considera, inquit Ambrosius, quàm celeriter ianuam pulset: in tribulatione enim positos visitare dignatur, eosque celerius adiuuat, similia patitur, nò ignara mali anima miseris succurrere discit præstò. Quod argumentum prosequitur Cyprian. Ser. de Cœna Domini.

§. II.

Semper & vbique Deus præstò adest nostris inuocationibus.

SE D illud hoc loco cum Iacobo notandum, quòd omnibus non semper somnia præcipienda sunt; sed pro loco, & tempore ea quæ naturæ, ingenio, & moribus accommodata fuerint, ut ei, qui tristatur, oret. Tunc enim ipsæ spinæ inflictæ reuertunt ad Deum faciunt peccatorem. Ei verò qui feliciore fortuna vititur, ut psallat. At verò misericors Deus quandocūque & vbi cūque inuocetur, præstò adest inuocantibus eū in veritate. Facetur

hoc

hoc Dauid, cum ait. *In terra deserta, inuia, & inaquosa, sic in sancto apparui tibi.* *Psal. 6.*
 vbicumque essem ad te orabam, ac si in templo, ac tabernaculo tuo essem.
 Sic & Ionas ad Dominum suum de vtero piscis orauit, & clamauit de tri- *iona 1.*
 bulatione sua. Qua de re videndus August. lib. de Ord. c. 8. & Serm. 130. &
 lib. 1. contra aduersarium legis, & Prophetarum cap. 18. & 19. & tract. 10.
 in Ioann. Est qui exaudit, ne dubitetis orare, qui autem exaudit, intus ma-
 net, munda tantum cubiculum cordis: vbi fueris, vbicumque oraueris, in-
 tus est qui exaudit, intus in secreto, quem sinum vocat Dauid, cum ait. *Et* *Psal. 64.*
oratio mea in sinu meo conuertetur. Et Chrysost. hom. 79. ad Popul. vbi inter alia.
 Neque mihi quisquam dicat, quod nequeat homo secularis affixus foro per
 diem continuo orare, & ad Ecclesiam concurrere. Potest enim, & quam fa-
 cillime: nam licet in Ecclesia non possit, illic in foro potest. Similia habet
 Prosper lib. sentent. sent. 374.

QVOD verò Deum semper possimus orare, & deprecari, ostendit locus
 Exod. vbi Sacerdos sanctuarium ingressurus tintinnabula vesti appensa de- *Exod. 17.*
 ferebat, cuius rei rationem si velimus iuxta morem Magnatum, Regum, ac
 Principum terrarum indagare, inuenimus hos quidem apud se tintinnabula
 habere, quibus seruos ad se quando voluerint, vocent, & pro libito ingres-
 sum præbeant. Etenim tunc solum serui ad Dominos ingrediuntur, cum ab
 iisdem ad sonitum vocantur. Et ita serui præsto adsunt, ut quando datum si-
 gnum fuerit, accedant. Sic igitur ut nobis constaret quam promptè nos
 exauditurus sit Deus, appendi iussit vesti Sacerdotali tintinnabula, quo si-
 gnificaretur, Deum preces nostras statim auditurum, cum ipsum inuocau-
 rimus. Ideoque dictum est: *Non est alia natio tam grandis, qua Deos habeat ap-* *Deut. 4.*
propinquantes sibi, sicut Deus noster adest cunctis obsecrationibus nostris, quod Onke-
lus ita legit. Quis est populus magnus, cui Deus ita appropinquet, ut suscipiat orationem
eius in tempore tribulationis, sicut est Dominus Deus noster in omni tempore, quo nos ora-
mus coram eo? Et apud Isai. *Inuocabis, & Dominus exaudiet, clamabis, & dicet, ad-* *Isai. 58.*
sum. Quæ ostendunt, Dominum nostras preces, veluti seruum vocem Do-
 mini expectare, ut exaudiat, qui propè est omnibus inuocantibus eum.

PROSEQUITVR hoc argumentum D. Chryf. homil. 23. in Matth.
 Quotiescumque, inquit, venire, & ad illum voluerimus accedere, expecta-
 tas ab illo esse preces nostras continuo tempore sentiemus, si verò nihil ex
 redundante illo fonte bonitatis haurimus, nostra est omnis culpa, non fon-
 tis. Hoc enim Iudæis imputando dicebat Oseas. *Miser cordia sicut nubes ma-* *Oseas.*
tristina, & ut ros diluculo cadens. Et Psal. 4. vbi ait. Non assistit miles, qui expel-
 lat, vel satelles, qui tempus interrumpat, non est qui dicat. Non est tempus
 audiendi, veni postea, sed quando venerit, stat audiens. Et si tempore gaudij,
 etsi tempore cœnæ, etiam si nocte intempesta, semper, & assidue eum potes
 interpellare, neque opus ianitoribus, qui te introducant.

NOTANDVS etiã est pro hac re locus ille Exod. vbi cum Pharaon dixisset
 ad Moysen, & Aaron. *Orate Dominum, ut auferat ranas à me, & à populo meo: di-* *Exod. 8.*
xit Moyses Pharaoni. Constitue mihi quando deprecer. pro te, & pro seruis tuis,
& pro populo tuo. vbi Glossa ait. Ut nostra oratione, non sortuito casu

BBBbb 1 intel

intelliguntur recessisse. Relinquens verò arbitrio, & voluntati Pharaonis ut tempus ad deprecandum constitueret, aperte ostendit, Deum omni tempore præstid adesse iis, qui ipsum precarentur: & cum qui ubique potest potulari, cum omnibus locis adsit, quandocumque voluerimus nos exaudiri, si in veritate eum inuocauerimus.

§. III.

Gratias debemus Deo agere pro beneficiis in nos collatis.

Gen. 13

IL V D deinde monet Iacobus, ut qui æquo animo est, psallat, id est, cui prosperè res succedunt, gratias Deo agat, ut ait Caiet. hic, & alij, quòd beneficia Dei melius custodiat. Est enim gratiarum actio cultus beneficiorum diuinorum, sicut ait Chrysost. hom. 26. in Matth. & pro præsentī argumentō videndus est hom. 34. in Genes. vbi ponderat, Abrahamum in omnibus ijs locis, vbi tabernaculum fixit, erexisse simul altare, in quo gratias Deo redderet pro acceptis beneficiis. Vidisti, inquit ille, mentem gratam, quia non ut tabernaculum fixit, statim pro facta sibi promissione. (scilicet de multiplicanda posteritate) gratiarum actiones obtulit Domino, in singulis locis vbi tabernaculum fixit, inuenies hoc præ omnibus ei fuisse curæ, ut extructo altari preces offerret; vidisti animam diuino amore succensam, per omniâque gratias agentem. Non enim expectauit donec promissa complerentur, sed & mox pro promissione gratias egit, & facieb t quod in se erat, ut de præcedentibus dignam, & sinceram gratitudinem præ se ferens Dominum suum prouocaret ad promissiones suas implendas.

IDEMQUE Chrysost. homil. 26. in Matth. Est prorsus absurdum, nos opere quidem ipso beneficiis eius quotidie perfuentes, gratias ei nec sermone persoluere, & hoc, cum ista confessio in nostrum commodum iterum cedat, optima beneficiorum cultus est ipsa beneficiorum memoria, & perpetua gratiarum actio, propterea & reuerenda, ac salutaria illa mytheria, quæ in omni Ecclesiæ congregatione celebramus, Eucharistia, id est, gratiarum actio nuncupatur: sunt enim beneficiorum recordatio plurimorum, caputque ipsum diuinæ providentiæ ostendunt, nosque faciunt debitas Deo gratias semper exoluere. Agamus igitur gratias non ob propria tantum, verum etiam ob aliena bona. Idcirco etiam Sacerdos pro vniuerso orbe terrarum, pro absētibus, & præsentibus Deo nos gratias iubet offerre, hoc quippe, & à terra nos liberat, & transponit in cælum; atque ex hominibus Angelos facit. Sic ille.

QUÆRET aliquis, cur Deus iusserit asseruari Manna in Arca, cum nulli prorsus deberet vsui inferuire? cui statim respondet Lyr. Exod. 16. in memoriam accepti beneficii, ut scilicet ea recordatione alia denuò beneficia mererentur à Deo, cui gratū animū exhibebāt. Si in super quæritas, cur tunc vermis, sine corruptione tādū permāserit incorruptū? respondet Abul. q. 14. Nec mirum id per miraculū fuisse factū, vbi grati animi aderat significatio.

Sed

Sed adhuc alia restat dubitatio, quam repetit Aug. q. 61. in Exod. Quomodo enim fieri potuit, ut tum temporis Manna coram Domino poneretur, sicut præcipit diuinum Oraculum, cum eo tempore, nec tabernaculum extiterit factum, nec Arca constructa? Scio aliquos cum Lyr. in ea esse sententia, ut putent positum fuisse Manna in paruo tabernaculo, quo filij Israël vtebantur antequam magnum tabernaculum construeretur. Illud tamen ad rem nostram aptius apparet, quod ait Aug. An fortè de futuro dicit, *repones*, ut intelligeretur tunc ante Deum posse reponi, quando futura erat Arca? an potiùs ante Deum dictum est, quod sit ipsa deuotione offerendi in quocumque loco poneretur, ibi enim Deus est? Quasi vellet Augustinus, ibi Deum adesse, vbi aderat grati animi significatio; rectè enim ex gratitudine benefica Dei præsentia colligi potest. Similia habet idem Aug. q. 66.

VIDENDVS etiam est Aug. in Ps. 44. vbi obiter exponens ea verba Ps. *Quid retribuam Domino*, &c. ait. Tibi gratias agere licet, referre non licet, non enim potes. Quærebat ille, quid retribueret, qui dixit, *Quid retribuam* Ps. 118. *Domino pro omnibus, quæ retribui mihi?* & inuenit quasi aliquid. *Calicem salutaris accipiam, & nomen Domini inuocabo*: hoc illi rependis qui calicem salutaris accipis, & nomen Domini inuocas. *Quis tibi dedit ipsum calicem salutarem?* Remanet in gratiarum actione, nam in relatione defecit, inueni quid Deo des, quod ab illo non acceperis, & retuleris gratiam.

VIDENDVS hac de re Philo libro de plantatione Noë, vbi sic habet. Fertur certè antiqua fabula à sapientibus viris ad posteros per manus tradita. Olim cum totum mundum opifex absoluëret, quandam è Prophetis rogauit, nunquid desideraret nondum creatum, siue in terra, & aqua, siue in sublimi aere, siue in cœli extimo ambitu? Respondit ille. Esse quidem perfectæ, & plena vbique omnia, vnum tamen se requirere laudatorem horum sermonem. Hoc responsum placuisse fertur, nec multo post exortum genus Canorum. Ex cuius fabulæ autoritate discimus, nihil esse Deo magis proprium, quàm benefacere; nihil item creaturæ, quàm gratias agere, cum præter eas nihil rependere valeat; nam si quid aliud retribuere voluerit, id inueniet iam ante non ad creaturæ offerentis, sed ad ipsius omnium Creatoris possessionem pertinere. Ergo, quia didicimus, vnum solum nobis opus competere ad honorem Dei faciens, videlicet gratiarum actionem, eam semper, & vbique meditemur. Hæc Philo.

QVÆ etiam videndus est pro hac re lib. 2. legis Allegor. vbi quærit, cur moriens Jacob dexteram manum in sinistram partem conuerterit, positurus eam super Ephraim minorem natu, sinistram verò conuerterit in Manasse, primo loco natum inter filios Ioseph: Dicitur què rationem esse, quia dextera symbolum est reconciliationis, & amicitia, quæ priùs debetur Ephraim: nomen enim (*Ephraim*) memoriam non interruptam significat diuinorum beneficiorum (*Manasses*) verò reminiscèntiam, quæ obliuionem supponit. Primas verò partes in gratitudine habet memoria acceptorum, secundas aurem reminiscèntia.

VIDENDVS etiam pro hac re Lipomanus in c. 2. Exod. vbi inquit. San-

BBBbb 3

eti beneficiorum Dei memoriam perennem instituunt sibi nominibus filiorum, vt quandocumque liberos aspicerent, vel vocarent, diuinorum beneficiorum recordarentur ex nomine. Sic Eua dixit cum peperit Cain; *Posedi hominem per Deum*. Et innumera alia sunt huius rei exempla in sacris literis. Ideoque Bernar. Serm. contra vitium ingratitud. Felix qui ad singula dona gratiæ redit ad eum, in quo est plenitudo gratiarum, cui dum nos pro acceptis non ingratos exhibemus, locum in nobis facimus gratiæ, vt maiora adhuc accipere mereamur. Et idem de diligendo Deo. Delictum est maximum vti datis tanquam innatis. Similia habet epist. 181. & Serm. 14. in Psal. *Qui habitat.*

VIDENDVS hæc de re Greg. 4. Moral. c. 10. & 17. Philo lib. de charitate. & Senec. 3. de beneficiis. Hæc fuit ratio, cur in Scriptura Maria soror Moysis videns cunctos hostes Ægyptios cum Rege suo in mari demersos, sumpto tympano, cum cæteris pijs feminis choreas ducens cecinerit, *Cantemus Domino*; eodémque modo, ac spiritu grates Deo rependentes seipsos canticis oblectauerunt Debbora, Iudith, Ezechias, Tobias, tres pueri, Anna mater Samuelis. Et sub nouo Testamento Zacharias, Beatissima Virgo, & iustus Simeon, de quibus nos Deo dante iam dicimus. Vera etenim est præfens doctrina, qua affecti diuinis beneficiis pro eis psallere iubemur.

Verf. 14. *Infirmatur quis in vobis: inducat presbyteros Ecclesiæ, & orent super eum, vngentes eum oleo in nomine Domini.*

Verf. 15. *Et oratio fidei saluabit infirmum, & alleuiabit eum Dominus, & si in peccatis sit, remittentur ei.*

EXPOSITIO LITERALIS.

DOCET modò Iacobus quid facere debeant Christiani, quando aduersa corripiuntur valetudine, & soli cum mortis agone, & horrore congregiuntur, & colluctantur. Imprimis enim cauere debent contugere ad magos, ariolos, incantantes, & maleficos, qui cum diabolis pasciscuntur, sicut Ochozias, qui consuluit Beelzebub, vtrum viuere posset de infirmitate, cui Deus per Prophetam dixit. *Electulo super quem ascendisti, non descendes sed morte morieris.* Et Asa Rex Iuda coarguitur quòd infirmus Deum non requisierit, sed spem suam in secundis causis posuerit. Sicut etiam mulier emorrhøissa omnes facultates suas frustra per duodecim annos consumpsit in Medicos. Non quasi Medici omnino contemnendi sint, sed prius ad Deum, qui mortificat, & viuificat, recurrendum.

VNDè Aug. de Rect. Catho. conuers. dixit. Propterea quoties aliqua infirmitas occurrerit alicui, non querantur præcantores, non diuini, non sortilegi, non carcatij: neque per fontes, aut arbores, aut biuia, phylacteria

exci

exerceantur, sed qui ægrotat, in sola Dei misericordia confidat, & Eucharistiam cum fide, & deuotione accipiat, oleumque benedictum fideliter ab Ecclesia petat, vnde corpus suum vngatur. Videndus etiam hac de re lib. 2. de visitandis infirmis c. 4. Et Ecclesiastic. *Fili in infirmitate tua ne despicias teipsum, sed ora Dominum, & ipse curabit te.* Ecclesi. 8.

INFIRMATVR igitur *quis in vobis?* ita grauiter, vt probabiliter existimetur citò moriturus, ait Carthus. *inducat presbyteros.* Græcè habetur, *aduocet.* Oecum. & Vatabl. *accescat*, quod verbum non intelligendum est inducere aliquam obligationem præcepti, vt resoluit D. Thom. in 4. dist. 23. q. 1. Sor. ibidem. Bonauent. dist. 23. in expositione literæ, & est communis sententia. Vnde infirmus amittens hoc Sacramentum, non peccat, secluso contemptu, & aliorum scandalo. Tria namque sola Sacramenta, Baptismus, Pœnitentia, & Eucharistia, sunt de præcepto diuino.

PRESBYTEROS Ecclesie, id est, Sacerdotes. Etenim hoc in loco vocabulum, *presbyteros*, non senectutis, sed ordinis significationem continet, & insuper cum interdum etiam Episcopum significet, vt videre est apud Ambros. & Primasium in 1. ad Timoth. 5. hoc tamen in loco Sacerdotes significat, qui ministri sunt Sacramenti extremæ vnctionis. Et in Testamento Nouo hæc vox fere vbique accipitur pro ministro Ecclesiastico.

INDUCAT, ait D. Thom. non verò inducantur, in quo ostendit quòd Sacramentum Extremæ vnctionis, quod hic institutum legitur, non nisi penitentibus verbo, vel signo dari debet secundum morem Ecclesie: nec dicit, inquit D. Thom. Sacerdotes, sed presbyteros: in quo significatur, & officium, vt sint Sacerdotes, vt definit Trid. sess. 14. Can. 4. & qualitas, vt sint maturi, & sapientes. In plurali autem dicit eos vocandos, ait Carthus. si plures sint ibi presbyteri, & conuenienter possint haberi, vt multorum oratione infirmus copiosius adiuuetur; sufficit tamen vnus Sacerdos ad vngendum, imò quanuis plures adducantur, & adsint, tamen ab vno fit vnctio.

ET ORENS super eum, id est, omnes inuocent misericordiam Dei super infirmum, cui ministrandum est Sacramentum; vngentes eum oleo, scilicet, oliuarum, ab Episcopo consecrato, ita tamen vt vnus faciat vnctionem, alij verò assistant. Vel loquutus est communi modo, sicut nos dicimus faciendam esse confessionem Sacerdotibus, non quasi debeat fieri multis, sed vni tantum. Nunquam tamen negandum est, vt multi veniant.

IN NOMINE Domini. Hoc refertur ad vngentes, id est, cum inuocatione Dei sub certa verborum forma.

ET ORATIO fidei. Hic innuitur forma Sacramenti vnctionis per modum deprecationis. Indulget tibi Deus, Oratio ergo fidei, id est, oratio cum vnctione facta in fide Catholica, atque ex fide procedens. Et sic verbum sacramentale, quod cum elemento fit Sacramentum, August. vocat verbum fidei, & dicit operari, non quia dicitur, sed quia creditur, tract. 8. in Ioann.

ILLVD tamen hoc in loco aduertendum, in sc. cris literis sæpe tribui effectus sacraméntales vni parti ipsius Sacraménti, sicut hoc in loco, cum tamè constet eam partem non operari sine alia, vt apud Paulum. Saluos nos fecit Tit. 3.

per

Mat. 4. per lauacrum, externam scilicet lotionem: & alibi. *Cum videret Simon, quia per manus impositionem Apostolorum daretur Spiritus sanctus*; sic intelligendus est hoc in loco Iacobus, cum ait. *Oratio fidei saluabit infirmum*, id est, ad salutem cooperabitur ei, quoniam Sacramenta legis Euangelicæ sunt medicinalia vasa, gratiam continentia, & effectiua salutis. Et sic per hoc Sacramentum gratia confertur, animæque nouis auxiliis roboratur ad superandos mortis terrores, teuincendâque Daemonum tentationes, & insidias eluendas, confirmatur, securiorque redditur de proxima sibi salute per merita Christi Redemptoris sui, cuius Sacramento fulcitur. Et hic est primus effectus huius Sacramenti.

Rom. 1. Ephe. 1. 1 Cap. 3. SECVNDVS effectus explicatur per illa verba. *Alleniabit eum Dominus*, quæ cum absolutam promissionem contineant, non possunt referri præcipue ad corporalem sanitatem, quam non semper consequuntur ii, quibus Sacramentum ministratur. Nam etsi vox Græca *ἐγείρω* propriè significet excitare, & eleuare, quod ad corpus pertinet; vnde Oecumen. *Et eriget eum Dominus*; tamen per metaphoram in Scriptura tritam, significat pellere mœrorem, tristitiam, negligentiam, soporem, & desidiam animi. Vnde Paulus. *Hæc estiam vos de somno surgere*. Et: *surgere qui dormis*; & Petrus. *Excito sinceram vestram mentem*. Proinde videntur verba Iacobi significare liberationem à quodam torpore, mœrore, & anxietate, quæ propinquos morti valde deprimere, & grauare solet, vt non possint facile mentem ad Deum attollere. Et hic vigor mentis dicitur ab aliquibus Theologis res, & Sacramentum simul.

Ex hac letitia oritur alius effectus huius Sacramenti, quem aliqui per hæc verba intelligunt; scilicet, sanitas corporis, quando expedit animæ dum exhilarat faciem in oleo; quæ de re videndum est Concilium Florent. & Trident. c. 2. & significat Can. 2. quæ est communis sententia cum Magistro in 4. distin. 23. vbi D. Thomas, Bonauent. Richard. Sor. quæst. 1. art. 2. qui tamen hæc in re nobis non placet, cum putat corporalem sanitatem esse absolutam, & infallibilem effectum huius Sacramenti. Nam absoluta promissio non est de sanitate corporali, sed de remissione peccatorum. Sanitas verò corporalis pertinet ad huius Sacramenti promissionem, sed conditionatam, id est, si ea fuerit animæ utilis.

ET si in peccatis fuerit, remittentur ei. Hic etiam est effectus huius Sacramenti, quod aliter dici solet abstergere reliquias peccatorum.

TOTA difficultas est, quænam peccata hoc in loco intelligantur. Quidam enim volunt esse peccata venialia; sed improbabiliter nam ea possunt sine Sacramento deleri, nec ad ea tollenda requiritur noua infusio gratiæ, quæ est effectus omnium Sacramentorum: & ita si is esset effectus proprius, & præcipuus huius vnctionis, non facile probaretur eam esse Sacramentum, nec tam tutum videtur restringere ad venialia, quod Iacobus generatim vocat peccatum. Vnde in forma huius Sacramenti generatim dicitur, *Quicquid deliquisti*.

ALII intelligunt prouitatem, seu habitum ex peccato relictum. Atque huiusmodi habitui non possunt comode aptari verba Apostoli. Si in peccatis

salis fuerit. Neque etiam forma Sacramenti. Quicquid deliquisti. Insuper non videtur tolli per Sacramentum huiusmodi habitus: nam qui illud suscepit, & ab infirmitate conualuit, eandem pronitatem adhuc experitur, quam antea.

Vnde & r proinde dicendum per *peccata* intelligi ea, quæ remanēt post alia Sacramenta, siue mortalia, siue venialia sint. Potest enim fieri, ut quis post confessionem, vel communionem in peccatum incidat, & ignoret se eo peccato teneri, unde non poterit illud noua confessione expiare. Potest item fieri, ut confessionem, & communionem non rite peregert, & hoc ipsum ignoret, & per hoc Sacramentum peccata quæ habet, deleantur, nisi ponat obicem; & hoc indicat Iacobus cum ait. *Si in peccatis fuerit.* Vnde Trid. dixit. sess. 14. c. 2. Si quæ delicta sint adhuc expianda, abstergit.

Si verò quis dicat hoc ipsum esse commune cæteris Sacramentis, scilicet tollere peccata mortalia, siquæ inueniant, & non ponatur obex, cum omnia Sacramenta conferant gratiam, quæ non potest cum peccato mortali consistere; dicendum est cætera quidem Sacramenta id efficere per accedens: hoc autem Sacramentum id efficere per se, & propriè, quia ad hoc peculiariter est institutum.

Ex hoc igitur loco deducunt Sancti Patres, Sacramentum Extremæ unctionis à Iacobo hic promulgatum, & inculcatum, à Christo quidem institutum, quod Marc. 6. fuerat insinuaturn, ut Conc. Trid. asserit. Neque enim eorum nobis placet sententia, qui dicunt Sacramentum extremæ unctionis ante Passionem fuisse, quia unctio illa non erat sacramentalis, sed initium quoddam: dabatur enim etiam non baptizatis, & per Apostolos antequam essent initiati Sacerdotio, initiati siquidē sunt in vltima Cœna. Quia de re videndus est Cardin. Bellar. & Tol. & Ians. Sot. & alij. Sic enim intelligunt hunc locum Conc. Florent. & Trid. sess. 14. Can. 1. D. Aug. Ser. 215. de Tempore, & lib. 2. de Visitat. infirmor. & lib. de Rectit. Cathol. conuersat. Chrysost. 3. de Sacerdotio. Orig. hom. 2. in Leuit. Cyrill. Alex. Orat. de exitu animæ; & lib. 2. in Leuit. Theophylact. in cap. 6. Marc. 3. 8. Patres Concilij Nysseni Can. 69. ex Arabico. Alcuinus lib. de diuinis offic. pag. 55. & 56. Rabanus Maurus lib. 2. de Instit. Cleric. c. 55. Pet. Damianus Ser. 1. in Dedicatione Ecclesiæ. S. Thom. 4. cōtra Gent. c. 72. & omnes Theologi cum Magist. dist. 23. Bed. Oecum. D. Thom. Carthus. & alij.

Vnde miror Caiet. hinc dixisse, nec ex verbis, nec ex effectu verba hæc loqui de sacramentali unctione, sed magis de unctione quam instituit Dominus Iesus in Euangelio à Discipulis exercendam in ægotis.

S. I.

Quæ sapientia in Sacerdotibus requiratur.

QVONIAM verò hoc loco D. Thomas annotauit Sacerdotes appellari presbyteros, in quo non solum officium significatur, sed & qualitas, ut sint maturi & sapientes. vnde Gloss. hoc in non ad iuniores, minúsque

Præz. in Epist. B. Iacobi Apost.

CCCC

doctos.

doctos, causam suæ imbecillitatis refert, non abs re erit aliquid de Sacerdotum conditione prosequi. Sapiencia igitur primò in Sacerdotibus requiritur. Vnde Sapiencia & doctrina in pectore summi Sacerdotis visebatur, & legem præcipiebat Deus accipi à Sacerdotibus, & ipse iudicabat de lepra. Imò & ad faciendas vestes Sacerdotis Aaron præcepit Deus quæti sapientes corde viros, & repletos spiritu prudentiæ; quanto maiorem requireret Deus prudentiam in eo, cui sapiens vestem adaptare debebat?

Leuit. 20. Ideo dixit Dominus ad Aarō. *Vini, & omne quod inebriare possit, non bibeis tu, & filij tui, qui intrabitis in tabernaculum testimonij, ne moriamini. Quia præceptum sempiternum est, ut habeatis scientiam discernendi inter sanctum, & profanum, inter pollutum, & mundum, doceatisque filios Israel omnia legitima mea, quæ loquutus est Dominus ad eos per manum Moysi:* & apud Malach. *Labia Sacerdotis custodienti scientiam, & legem requirenti ex ore eius.* Vbi D. Hierony. aduertit, non dixisse Prophetam, proferent, sed custodient, ut loquantur in tempore, dentque conferuis cibum in tempore suo, ita ut os Sacerdotis sit arca quædam salutaris doctrinæ, vnde omnes necessaria depromant, quæ ibi Deus ad communem utilitatem, & doctrinam recondit.

Vnde Paulus ait. *O Timothee depositum custodi.* Quæ verba sic explicat Vincentius Lyrinensis in libello aduersus profanas hæreseon nouitates. Quid est depositum? id est, quod tibi creditum est, non quod à te inuentum, quod accepisti, non quod excogitasti, rem non ingenij, sed doctrinæ. Et Ber. 2. de Considerat. notauit dixisse, legem requirent, non nugas, inquit, profectò, vel fabulas. Et lib. de dispensatione, & præcepto ait; in lege non intelligi quod Scriptura apertè tradit, vel recta ratio, in quibus nec præceptor expectandus est, nec prohibitor auscultandus, sed quæ dubia sunt. Vtrum Deus sic velit fieri, an aliter. Cyrillus autem nomine (legis) ait contineri omnium ad bene viuendum necessariorum cognitionem.

Vnde quando in Scriptura filij Dauid dicuntur fuisse Sacerdotes; Hierony. explicat ideo sic vocatos fuisse, quod essent suorum fratrum magistri, quasi idem penè sit Sacerdos, & magister. Et Chrysost. hom. 50. in Gen. ad ea verba Genes. vbi de Abraham dicitur. *Perrexisti ut consuleres Dominum,* ait; Currit ad veram scientiam, & festinauit ad Sacerdotem Dei ministrum, per quem latentium scientiam volebat discere; didicit omnia diligenter misericorde Deo per Sacerdotis linguam detegente. Et vide quanta etiam tunc erat Sacerdotum dignitas. Nusquam enim dicit quòd Sacerdos ei responderit, sed postquam dixit, abiit, ut consuleret Dominum, & dixit Dominus ei. nempe per Sacerdotē & alio loco Angelū vocat Sacerdotē diuina Scriptura, mōstrās quòd illa loquatur quæ inspirat, & suggerit Spiritus gratiæ. Et lib. 6. de Sacerdotio. Neque solū purū, mūdūmq; Sacerdotē esse oportet, sed etiā imprimis prudētē, atque aded multarū rerū experientia instructū, ornatūmq; in tantū, ut sæcularia, mūdānaque omnia nihilo minùs noscat quàm norunt ij, qui in hominum media turba versantur. Et hom. 38. in imperfecto inter alia. Sicut stomachus accipiens cibum, coquit eum in seipso, & per totum corpus dispergit, sic & Sacerdotes accipiunt scientiam

set

sermonis per Scripturas ex Deo, & excoquant eam in se. i. tractâtes & meditantés apud se vniuerso populo subministrant. Videte ergo vos Sacerdotes quomodo vos componatis in verbo, & in opere. Nam quemadmodum cum videns arborem pallentibus foliis marcidam, intelligis quia culpam aliquam habet circa radicem, ita cum videris populum indisciplinatum & irreligiosum, sine dubio cognosce quia Sacerdotium eius non est sanum.

ET D. Ambros. Ser. 13. comparat Sacerdotes apibus, dicens; sicut apes de diuinarum Scripturarum flosculis suauia mella conficiunt, & quicquid ad medicinam pertinet animarum, oris sui arte componunt. Et D. Leo. epist. 4. decretali. Vix ferenda est in Sacerdotibus excusatio, quæ prætendat infirmitatem. Similia habet epist. 23. Prosequitur hoc argumentum D. Hieronymus. lib. 6. in c. 31. Hierem. Qualis verò sapientia in Sacerdote requiratur, ostendit D. Thom. in additionib. ad 3. p. q. 36. art. 2.

§. II.

Maturitas & prudentia Sacerdotis.

SACERDOTVM insuper maturitatem docet præsens locus. Pro qua re videndus est Ambros. epist. 6. vbi ita ait. Separauit Deus Sacerdotes à populo, præcepit Moyse vt montem cum Sacerdotibus ascenderet, populus autem deorsum staret. Vides diuisiones? Nihil in Sacerdotibus plebeium requiri, nihil populare, nihil commune cum studio, atque vsu, & moribus inconditæ multitudinis, sobriam à turbis grauitatem, seriam vitam, singulare pondus dignitas sibi vendicat Sacerdotalis. Quomodo enim potest obseruari à populo, qui nihil habet secretum à populo, & dispar à multitudine? quid in te miretur, si sua in te recognoscat; si nihil in te aspiat quod ultra se inueniat? Supergrediamur igitur plebeias opiniones, & strata quædam gregalis conuersationis.

PROSEQVITVR hoc argumentum Orig. hom. 9. in Iosue, cum ponderat, Sacerdotes in humeris suis Arcam portasse. Ipsi, inquit, sunt veri Sacerdotes Domini, qui in humeris suis legem Dei portant, agendo videlicet, & implendo per opus ea, quæ scripta sunt in lege. Vnde & Deus dixit. *Sanctificabor in iis, qui appropinquant mihi*; qui sine dubio Sacerdotes sunt, quod aliqui sic legunt, & exponunt. *Agnoscat sanctus ex multitudi, & sanctitate ministrorum.*

NOTAVIT pro hoc argumento Thodoret. q. 3. in Leuit. quare victima quæ pro Sacerdote offerebatur tota prorsus cremaretur. scilicet, vt integritatem Sacerdotis demonstraret, qui non aliquatenus, sed se totum planè Deo dedicauerit. Et Philo lib. de migratione Abrahamæ, ponderat, propter Sacerdotes Deum iussisse, vt in tabernaculo specula mulierum penderent, in quibus Sacerdotes se inspicerent, corrigerent, & abluerent quicquid deformitatem redoleret. Et in eandem sententiam notauit idem Philo lib. 2. de Monarchia; vniuersum etiã parentum luctum Sacerdotibus Deum interdixisse. Cum enim, inquit ille, alioquin sit Deo dicatus, oportet eum abdicari omni-

bus cognationis affectibus, ut charitatem erga parētes, liberos, fratres possideat, nec unquam ea retardatus potiora negotia differat. Vetatur insuper in domestico luctu vestimenta scindere, & insigne Sacerdotij suo capiti detrahēte, aut è fano per occasionem luctus excedere, ut ob loci, ornatusque reuerentiam resistat mortitiae, & fortis malit videri, quàm miserabilis. Postulat enim in eo viro lex præstantiorem homine indolem, quippe qui Deo sit familiaris præ cæteris, situs in quodam diuinæ, humanæque naturæ (si verum fateri licet) confinio, ut hoc mediator Deus propitiatur hominibus, & eiusdem ministerio porrigat eis, largiaturque suam gratiam. Hæc Philo.

Et Chrysost. homil. 33. in Matth. Quo non oportet esse puriorem tali fruētem sacrificio? quo Solari radio non splendidiorē eam manum, quæ carnem hanc diuidit? Os quo dignè spiritali repletur, lingua, quæ nimis tremendo sanguine rubescit? Et Ber. Ser. 29. ex paruulis. Minister Christi sic debet conuerſari, ut ex moribus exterioris hominis, qui videtur, existimetur compositio interioris animi, qui non videtur. Ne ergo à memoria expellat Deum irruens turba plurimarum cogitationum, quæ solet effluere tanquam vilis plebs in atrium, ponatur ad eius portam ianitor, cuius nomen est recordatio propriæ professionis, ut cū turpibus sese cogitationibus senserit animus prægrauari, increpet, se, & dicat sibi. Tūc hæc debet cogitare qui Sacerdos es, qui Clericus es, qui Monachus es, &c. quæ prosequitur.

REM denique conficiat Dionys. Areop. c. 1. de Eccles. Hierarch. dicens. Ut qui Sacerdotium dixit, sacrorum simul omnium vno vocabulo significauit ordinem, ita & qui Sacerdotem dicit, augustiorem, profundiusque diuinum insinuat virum, totius sanctæ conscientia paratissimum, in quo liquidò, ac perspicuè sacratus omnis ordo suus, & perspectus sit, & possit agnosci. Hæc dicta sint pro ostendēda maturitate, & sanctimonia Sacerdotis, in quo nihil puerile, nihil commune debet reperiri, sicut prædicti interpretes hoc in loco aduertunt. Plura qui velit, videat caput 1. ad ea verba, *ut simus initiū creaturæ eius.*

Verſ. 16. *Confitemini alterutrum peccata vestra, & orate pro inuicem, ut saluemini; multum enim valet deprecatio iusti assidua.*

EXPOSITIO LITERALIS.

MONVERAT Apostolus ægrotos, ut presbyteros accerſerēt, à quibus oleo sancto cum precibus vngerentur, & adicerat effectum illius sacrae vnctionis, & precum, futurum, ut alleviaretur ægrotus & sanaretur, & si in peccatis esset, ea illi remitterētur. Sed ne forte qui hæc legeret, existimaret illa etiam peccata lethalia, quorum homo

con

conscientiam habet, per sacram vñctionem posse deleri, subiunxit: *Confitemini alterutrum peccata vestra*; non enim sacra vñctio peccata lethalia per se remittit, quorum aliquis conscientiam habet, cum ea per confessionis Sacramentum purganda sint; sed aut venialia, aut etiam lethalia, quorum conscientiam non habemus, quæ reliquæ peccatorum dici solent, vt versu superiori explicauimus, Deinde ad orationem hortatur, cuius efficaciam, & vtilitatem refert.

DVPLICEM confessionem ex sacris literis deducunt Theologi, & de vtraque hoc in loco loqui asserunt Apostolum. Primam appellant consultricem, & reconciliatricem. Fit autem, vel quando peccata, imperfectiones, infirmitates, & conscientiarum angustias, & scrupulos fratribus nostris retegimus, vt suis nos consilii iuuent, dirigant, & consolentur: vel quando mutuas offensiones libenter fatemur, vt inuicem condonemus, atque in pacem, & cõcordiam redeamus, & huiusmodi confessione vsus est magister puerarum Pharaonis, quando post tres annos recordatus Ioseph, exclamauit. *Confiteor peccatum meum.* Eadem vsi sunt fratres Ioseph Gen. 41. quando dixerunt. *Serui tui sumus, non sis memor iniuriæ fratrum tuorum.* Eadem vsus est Dauid coram Gad, & coram Nathan: & de hac scriptum est. *Non confundaris pro anima tua dicere verum, & confiteri peccata tua:* & iterum ibidem. *Narra si quid habes vt iustificeris:* & alibi dicitur. *Qui abscondit scelera sua, non dirigitur:* qui autem confessus fuerit, misericordiam consequetur.

HVIC confessioni addenda est ea, quæ minimè sacramentalis est, sitque propter humilitatem, & in extremo casu, secularis, de qua Caiet. locum intelligit, qui cauendus est dum illum ad hanc confessionem limitauit, ait ergo. Hic sermo est de confessione, qua mutuo fatemur nos peccatores, vt oreitur pro nobis, & de confessione hinc, & inde erratorum pro mutua placatione, & reconciliatione. Videndus hac de re Medina Cod. de confessione. q. 2. & alij Doctores cum Magistro in 4. distin. 17. §. *Nunc priusquam.* Et Aug. lib. de vera, & falsa Pœnitentia c. 10. in medio. Qui vult confiteri peccata, vt inueniat gratiam, quærat Sacerdotem, qui sciat ligare & soluere, ne cum negligens circa se extiterit, negligatur ab eo, qui cum misericorditer mouet, & petit. Tanta itaque vis confessionis est, vt si deest Sacerdos, confiteatur proximo. Sæpe enim contingit, quod pœnitens non possit vererundari coram Sacerdote, quem desideranti nec tempus, nec locus offert. Et si ille cui confitebitur, potestatem non habeat soluendi, tamen dignus venia ex Sacerdotis desiderio, qui crimen confitetur socio. Mundati enim sunt leprosi dum ibant ostendere se Sacerdotibus antequam ad eos peruenirent. Vnde patet, Deum ad cor inspicere, dum ex necessitate prohibentur ad Sacerdotes peruenire. Similia habet c. 11. eiusdem libri.

ALIA est confessio Sacramentalis, de qua simpliciter huc locum intelligant Origen. hom. 2. in Leuit. Chrysost. lib. 3. de Sacerdotio. Aug. lib. 50. homil. hom. 12. Videatur pro hac re & lib. 2. de Visitat. infirm. cap. 4. 5. & 7. Bern. lib. meditat. c. 9. Calixtus Papa apud Burchardum lib. 8. decret. c. 1. Et eodem vitur Concilium Cabilonense tempore Caroli Magni, cap. 33.

CCCC 3 vbi

Gen. 41.
2. Re. 12.
2. Re.
24.
Eccl. 4.
(ap. 43).
Prou. 28.

Luc. 17.

vbi illud quod ait, præceptum confessionis hoc loco esse latum à Iacobo, exponendum est, promulgatum fuisse à Iacobo.

NEQUE obest quominus locus propriè de Sacramentali confessione intelligatur, quia Apostolus dixerit, *Consecimini alterutrum*; quæ verba videntur relinquere liberam confessionem, vt promiscuè fieri possit alteri homini cuiuscumque conditionis ille sit. Nam, vt rectè exponunt Beda, Hug. de Sacrament. lib. 2. p. 14. c. 1. Feuard. & alij, nihil aliud significat, nisi, consecimini homines hominibus, & non tantum Deo, sed alter alteri, oues Pasto-ribus, subiecti Prælati laici Sacerdotibus, hi qui peccata habent his qui peccata dimittendi potestatem habent, quemadmodum cum Apostolus di-
1. Pet. 4. cit. *Hospitalia inuicem sine murmuratione, unusquisque sicut accepit gratiam in alteru-
 trum illam administrantes, siquis loquitur, quasi sermones Dei, &c.* Non significat, sine discrimine oportere omnes ab omnibus hospitio recipi, aut doceri, aut curari, &c. sed eos qui tecto indigent, hospitio recipiendos esse ab his, qui domum habent, imperitos à doctis instruendos, ægrotos à medi-
 cis curandos, pauperes à diuitibus sustentandos, non cōtrā, nutriendos diuites à pauperibus, aut curandos medicos ab ægrotis, doctos ab imperitis erudi-
 endos, excipiendoque ab his hospitio qui tecto carēt. Sicut igitur qui pec-
 catorum vinculis constricti tenentur ad eos accedere debēt, quibus dictum
Matt. 18. est. *Quicumque solueritis, &c.* quod magis explicant sequētia verba, si ea ad presbyteros tantum velimus applicare: significant enim vt presbyteri pro infirmis, non infirmi pro presbyteris orent. Respicere enim videtur Apost. ad id, quod antea dixerat. *Infirmatur quis in vobis? inducat presbyteros Ecclesie, & orent super eum*, quod etiā indicat Græca lectio. Nam vbi nos legimus, *orate pro inuicem, vt saluemini*, habet, *ἵνα ὑμεῖς*, quæ ad sanitatem corporis propriè re- fertur. Vnde Occumeni. legit, *vt sanemini*.

CÆTERVM videtur locus intelligi simpliciter de oratione, vt exhortetur hoc loco Apostolus Christianos ad mutuas preces, quarum asserit maximam esse vim, & vtilitatem, & sic explicat hunc locum author Sermo- nū ad Fratres in Eremito Ser. 22. vbi valorem, & efficaciam orationis ostendit in hunc modum. Orans Hieremias confortabatur in carcere, Daniel inter leones exultat, trespueri in fornace tripudiant, Iob in sterquilinio triumphat de diabolo, Lairo de cruce Paradisum inuenit, Susanna à senibus defenditur, Stephanus de torrente in cælum suscipitur: non est igitur locus in quo orare non debeamus. Orate igitur semper, & in omni loco, & pro inuicem, vt saluemini, oratio sancta est columna virtutum, Deitatis scala, viduarum maritus, Angelorum cognata, fundamentum fidei; Monachorum corona, coniugatorum leuamen. Hæc ille. Et sic intelligit assiduitatem orationis D. Max. dialogo de Incarnatione, &c. vbi ait. Assidua est oratio quum mens in cautione multa continetur, desiderioque applicatur Deo, & semper à spe eius dependet, in omnibusque tam operibus, quàm accidentibus in ipsum confidit.

ILLUDQUE hoc loco notandum, pro eo, quod nos habemus, *deprecatio in-*
βί assidua, Græcè habetur, *εὐχαι*, sicut etiam legit Vatab. Chrysost. hom. 1. de
 vel

verbis Ifai. *Vidi Reminum.* & D. Maximus loco infra citando: & videtur explicare nostra lectio Græcam. Assidua enim, hoc est, iugis & continua, frequensque oratio efficax esse solet, quod ostendit illud Luc. ubi non quia amicus, sed propter improbitatem dedit panes, & daret omnes necessarios; ubi improbitas, quæ Græcè *ἀναιδία*, & Latine dicitur impudētia, significat assiduam, & constantem in oratione perseverentiam, ut notat Titus Bosstranus, & Euthym. Accommodatius verò noster interpret appellavit improbitatem, qua voce usus est Aug. Serm. 29. de verbis Domini, Serm. 171. de Tempore; qui enim vrget, & non cessat, dicitur improbus, sicut Poeta dixit.

Labor improbus omnia vincit.

Caietan. putat legendum, *deprecatio agens*, ad differentiam, inquit, deprecationum, quæ fiunt non ad hoc ut agatur aliquid, sed ad propriæ animæ salutem, unde inducitur oratio Helix ad cohibendam, & dandam pluuiam: & Vatab. explicat quid sit *efficax oratio*. i. operan. cum agit, ut intelligas efficacem ex animo profusam. D. Maximus centuria 3. c. 80. sic explicat hanc orationem, de qua Iacobus in præfenti, quam ipse legit pro assidua, *efficacem*. Duobus modis scio hanc efficaciam esse, vno quidem quando precator cum operibus mandatorum orationem præsentat Deo, & non in nudo duntaxat sermone, & inani vocis sono linguæ sitam precationem, quæ vacua excidit, & non subsistit; orationis enim & precationis fundamentum est profectò per virtutes. Altero modo, cum is, qui opus habet oratione iusti, peragit orationis opera, tum emendatione pristinæ vitæ, tum valida precatione iusti per honestam eius conuersationem potentiore facta.

S. I.

Quantum conducat confessio peccatorum.

Hic loci: confessionem nostrorum peccatorum proclamat, quæ iam olim adumbrata est initio statim orbis, sicut notauit Tertull. 2. aduersus Marcion. cum expendit id, quod factum est quando exegit Dominus ab Adamo, & Eva confessionem sui sceleris. Apparuit enim Angelus sub humana forma quasi minister, & interrogat quasi incertus, ut hinc liberi arbitrij probans hominem, in causa vel negationis, vel confessionis, daret eisdem locum confitendi liberè. Quod etiam asseruit Ambros. lib. de Paradiso cap. 14. & lib. 2. de Cain, & Abel. c. 9. & Greg. lib. 23. Moral. c. 13. Chrysost. hom. 28 in Genes. Adumbrata insuper est in Leuit. c. 5. Qua de re videndus Vualdens. tom. 2. de Sacrament. c. 187. & Galat. lib. 10. c. 13. quam à nobis imprimis exigit Deus, ut nostra confessione demonstramus quòd sumus malitiæ authores, & quòd nullo cogente deliquimus, sicut ponderat Ambr. lib. 2. de Cain, & Abel. cap. 9. & quòd ipse misericordiæ sit fons, unde remedium debemus sperare. Quod etiā habet, & explicat eleganti similitudine idem Ambros. Ps. 36. ad ea verba. *Revela Domino viam tuam.* Bene, Psal. 32. inquit,

inquit, *revela*. i. aperi conscientiam tuam, ne eam sæculi istius grauet umbra, prorumpentia semina si fuerint adumbrata, tenuantur, si obiecta Soli, pinguescunt. Ipsas arbusculas quominus se in altum subiiciant umbra syluestris, interuenit, & prohibet brachia ramosa diffundere. Reuela Domino viam tuam, noli abscondere, sicut abscondēbat Cain. Ser. 4. in Psal. 118. ibi. *Vias meas enunciam, & exaudisti me*. Confiteatur, inquit, errores, non negat ipse, si enim se accusauerit iustus, vocem parati accusatoris excludit; utinam Adam se prius accusare, quàm celare voluisset. Et lib. 2. de Pœnitentia c. 7. Præueni accusatorem tuum, si te ipse accusaueris, accusatorem nullum timebis, si te detuleris ipse. Et c. 10. In Ecclesia nihil est quod pudori esse debeat, nisi non fateri, cum omnes simus peccatores: ubi ille laudabilior; qui humilior, ille iustior, qui sibi abiectior. Et de Institut. Virgin. c. 4. Erroris medicina confessio est.

2f. 118.

Cant. 8.

Et in Ps. 118, eleganter ponderat id, quod dixit Sponsa. *Non dimittam te donec introducam te in secretum meum* nec enim aliquid sui venienti Christo occultare voluit, sed omnia etiam ea, quæ secretissima erant, reuelare. Nouerat enim ita curari potuisse si abditus & recessus animæ Deo aperuisset, propterea dixit, *Non dimittam te*. Quæ de re plura habet Cyprian. Ser. 5. de Lapsis. Chrysost. hom. 5. & 12 ad Pop. & hom. 3. de verbis Isai. In forētibz iudiciis post accusationem, & criminum confessionem sequitur mors. Cæterum apud tribunal Dei post accusationem, & confessionem criminum datur corona. Similia habet Ser. in Ps. 84.

2f. 95.

BERN. epist. 113. ad ea verba Psalm. *Confessio, & pulchritudo in conspectu eius*: reuera ubi confessio, ibi pulchritudo, ibi decor, si peccata sunt, in confessione lauantur, si bona opera, mendantur. Cum mala tua confiteris, sacrificium est Deo spiritus contribulatus, cum Dei beneficia, immolas Deo sacrificium laudis. Ama confessionem, si affectas decorem. Bonum animæ ornamentum, confessio, quæ & peccatorem purgat, & iustum reddit purgatorem, absque confessione iustus iudicatur ingratus, & peccator mortuus reputatur. Confessio igitur, peccatoris est vita, & iusti gloria, & necessaria est peccatori, & iustum decet.

1. Reg. 17

Hi non est quod confessio Dauidis dicatur in Scriptura, scala eidem à Deo facta. Sic enim interpretatur D. Hieron. in tradition. Hebr. ad lib. Reg. ea verba Dauid. *Dixit vir cui constitutum est de Christo Dei Iacob*. In Hebræo, inquit, est, *Cui constituta est scala Christo Dei Iacob*. Scala eidem Christo Dei Iacob, id est, Dauidi constituta est per quam conscenderet ad Deum, eo quod idem scilicet confessus fuerit se peccasse Domino in Vria Ethæo.

Joan. 19.

Vnde iam apparet eorum stultitia, qui verentur Deo coram Sacerdotibus ab eo constituto, ipsiusque personam gerente fateri peccata sua. Vnde Christus Dominus, qui nostra soluere venerat peccata, pectus suum aperiri voluit, quod indicaret ad abluenda nostra peccata maximè necessarium esse, si peccata aperiāmus. Ideoque Tertull. lib. de Pœnitentia c. 10. Plerosque de die in diem confessionem differre præsumo, pudoris magis memores, quàm salutis; velut illi qui in parçibus. verecundioribus corporis contracta

vexa

vexatione conscientiam medentium vitant, & ita cum erubescencia sua pereunt; ne tu verecundia bonus, ad delinquendum expandens frontem, ad deprecandum verò subducens: an melius est damnatum latere, quàm palàm absolui? Et Bernar. epist. 185. Non pudet inquinari, & ablui pudet, imò, sicut argumentatur Bern. dum erubescimus confiteri, Deum minùs quàm homines reueremur, & si confundimur hñc dicere, quid erit in illa magna confusione, vbi omnibus omnia patebunt?

MONET etiam hic locus, vt confiteamur peccata nostra. Sunt enim nonnulli, sicut prosequitur idem Ber. qui in confessionibus narrare solent, quæ vel arguto literario, & fortè gladiatorio gessere conflictò. Sunt etiam nonnulli à quibus sermo recessit, ne confiteantur ea, quæ ipsi fecerunt, & nisi ipsis indicent, & ostendant Confessores, nihil omnino loquuntur, qui profundum habent cor. Quoniam multo sudore, & labore inde extrahi ne-
Dan. 2.
44. 26.
 queunt peccata à Confessoribus, cum tamen ipsi debeant propria confiteri peccata, sicut Iacobus ait. Vnde Gregor. in expositione 2. Psal. pœnitential. ad ea verba. *Quorum tecta sunt peccata.* Si tegit infirmus vulnera, quomodo illi à Medico adhibetur medicina? nònne si celate vulnus cœperit, latius extensum introrsum putrescit? sic & peccatum nisi per confessionem detegatur, lethaliter in nimis dilatur, & sicut vulnus non ostensum etiam sanam carnem putredine inficit, ita peccatum, nisi confitendo reuelatur, etiam quæ ibi sunt bona, corrumpit. Tegit Medicus vulnus sanando, medicamine, tegit Deus peccatum ea, quæ multitudinem peccatorum operit, charitate. Si quis ergo peccata sua tecta esse desiderat, Deo ea per vocem confessionis ostendat.

SIMILIA habet Aug. concione 2. in Psal. 31. cum expendit illud Luca. *Descendit hic iustificatus.* Quare cœlum non attendebat? quia se attendebat,
Luc. 18.
 vt primò sibi displiceret, & sic Deo placeret. De Phariseo verò sic ait. *Gratias tibi ago Domine, &c.* Habebat, inquit, peccata, sed peruersus, & nesciès quò venisset, erat enim tanquam in statione Medici curandus. Sed sana membra ostendebat, vulnera tegebat. Deus ergo tegebat vulnera; nam si tu tegere volueris erubescens, Medicus non curabit. Medicus tegat, & curret: empiastrò enim tegit, sub tegmine Medici sanatur vulnus, sub tegmine vulnerati celatur vulnus. Cui celas? qui nouit omnia. *Quoniam tacui, mutuerunt ossa mea acclamando tota die.* Quid est hoc? si acclamando, quòmodo tacuit? tacuit quiddam, non tacuit quiddam, tacuit vnde proficeret, non tacuit vnde deliceret, tacuit confessionem, clamauit merita sua, acclamando tota die in defensione peccatorum suorum.

ET Bern. Serm. 5. in dedicat. Ecclesiæ. Meritò dicit, miseriæ dissimulatio excludit miserationem. Videndus Tertullia. lib. de Pœnitent. cum ait. Tantùm releuat confessio delictum, quantùm dissimulatio exaggerat; confessio enim satisfactionis consilium est, dissimulatio contumaciæ, neminem pudeat, iteratæ valetudinis iteranda medicina est. Proinde ergo confiteri debemus peccata nostra, vt saluemur, non tegenda, ne damnemur.

ILLUD tamen hoc loco necessariò aduertendum, Confessorì scilicet in-
Paiz. in Epist. B. Iacobi Apost.
DDDDd cum

cumbere, de peccatis pœnitentis inquisitionem facere, maximeque hoc curandum circa rusticos, & ignorantia laborantes, vnde rectè dicuntur exploratores à glossa in cap. 2. Iosue, quia debent diligenter peccatorum conscientias explorare, & ad hoc ingredi domum mulieris meretricis. i. conscientiam peccatoris, quam post prolata peccata ad morum rectitudinem suis consiliis, & admonitionibus debent reducere.

INSUPERQUE hoc loco notandum est, confessionem peccatorum, ad ipsorum emendationem debere omnino inferuire; nam, sicut rectè dixit Chrysolog. Ser. 113. ingratus Medico, inimicus est curæ, qui semper curari æstuat, nec vnquam desiderat hic sanari, & ita Dei gratiam suis cupit exuberari peccatis, vt sibi cupiat peccata cumulari; miser qui tali voto reus esse contendit per veniam: recidiua enim lethalis est sæpius ægritudo. Fugienda, fratres, dementia ista, quæ etiam post curam captiua tenetur amore morborum.

§. II.

Quantum proficit assidua deprecatio iusti.

SECUNDO ostendit, quantum valeat, & proficit deprecatio iusti assidua & efficax: quod probatur ex Ps. 146. vbi nos habemus. *Præcinite Domino in confessione.* vbi Septug. habent; *Excantate Dominum*, quasi nostris precationibus Deus excantetur, & sopiatur. Vnde Moyfi dixit. *Dimitte me.* Et illud Isaïæ. *Laudes mea infranabo te.* Vatab. transtulit ex Hebr. *Propter laudem meam frantum iniiciam tibi sui causâ, ne te omnino exscindam.* Scitum autem & vulgare est per laudem Dei intelligi orationem, quæ diuinam iracundiam reprimat, & si fas est dicere, refrænare, ipsique vim videtur inferre. Vnde Paulus. *Obsecro vos, fratres, vt adiuvetis me in orationibus vestris pro me ad Deum.* In Græco est, *vt mecum certetis orationibus vestris.* Quod argumentum prosequitur Chrysost. tom. 1. Ser. de Moyse, vbi ita habet. Stabat Moyse in monte, non armis; sed precibus pugnaturus. Pugnabat cū hostibus absēs, cū externis sine bello decertabat. Fit Moyse orante, occulta pugna; sed manifesta victoria, latenter dimicat, vt euidenter deuincat. Idē prosequitur hom. 30. in Gen.

ET hom. 3. in epist. ad Philemonem loquens de oratione, ait. Vincebat Ezechias Assyrium, Moyse Amalechitas, Samuël Ascolonitas, Israël triginta duos Reges. Quod etiam habet lib. 1. de orando Deum. Et hom. de fide Annæ. Nulla profectò res est quæ possit æquare deprecationem, siquidem, vt audistis, in Anna naturam mancā, & sterilem correxit, & vuluam quæ erat conclusa, aperuit, & probrum sustulit. Et hom. 19. in Matth. ex Luca probat quantum oratio valeat. Cū intēpesta nocte, inquit, venisse aliquem ad amicum dicat, eūque dormientem de lectulo suscitasse, illumque hoc non tam familiaritate, quàm sedulitate meruisse, nihil aliud omnino quàm vt ipse frequenter interpellaretur, admonuit. Sed insuper hoc probat, plus apud amicū assiduitatem postulantis potuisse, quàm amicitiam: non enim

enim concessit amico, & tamen instanti, & perseveranti tribuit quotquot erant necessarij.

IDEO idem Chrysost. hom. 23. in Matth. ex hoc loco Euangelij, atque ex perseverantia Cananææ pro filia postulantis, ita infert. Accedamus ad eum, atque dicamus, *etiam Domine, nam & canes edunt de micis, quæ cadunt de mensa dominorum suorum.* Accedamus importunè, imò hoc numquam est importunè accedere; sicut enim respirare importunè omnino numquam est: ita etiam non quidem petere, sed non petere potius importunum est. Sicut enim respirare, hoc iugiter indigemus.

ET Greg. in Psal. 6. pœnitent. Clamavit Ionas ad Deum de ventre ceti, de altitudine maris, de profundo inobedientiæ, vult Deus rogari, vult Deus cogi, vult quadam importunitate vinci, ideo tibi dicit: *Regnum cælorum vim patitur, & violenti rapiunt illud.* Esto sedulus in oratione, esto in precibus importunus, si dissimulat audire quem rogas, esto raptor, ut Regnum cælorum accipias. Esto violentus, ut vim etiam inferas cælis. Inferat ipsis cælis violentiam, & Regnum cælorum quadam orationis vi rapiant.

IDEO Cananæa à Domino exaudiri meruit, quia prima Domini responsione repulsa, clamare nequaquam cessavit. Videndus Origenes homil. 11. in Exod. & Hieronym. in cap. 13. Ezechiel. & Bernard. Serm. de Ascensione, ad ea verba Marci. *Recumbentibus undecim Discipulis, apparuit illis Iesus.* Multam, inquit, fiduciam præstat, quod libentiùs assistit orationi incumbentibus, quando nec recumbentibus quidem dedignatur adesse.

NOVIIT hoc Patriarcha Iacob, qui nec dū recubaret in lectulo præ senectute, incumbere orationi omisit, sicut notavit Rupertus lib. 9. in Genes. cap. 21. nam ad ea verba Genes. *Adoravit ad lectuli caput.* Sæctus quippe, inquit, & Deo deditus vir oppressus senectute, sic habebat lectulum positum, ut ipse iacentis habitus absque difficultate vlla, ad orationem esset paratus. Similia habet idem Rupertus lib. 3. in Genes. cap. 13. ubi ait. Culpandusne est Deus, quia toto meridie dormiuit, & eo dormiente lupus ovem ceterisimam tulit: non utique, sed tota culpa illius est, quia custodem suum dormire permisit; nam ut ille non dormiat, in arbitrio hominis est, qui semper illum ne dormitet, aut dormiat, inquietare debet: unde & per Prophetam Spiritus eius dicit. *Qui reminiscimini Domini, ne taceatis, & ne desis silentium ei.* Quomodo non dandum silentium ei: videlicet toto die, & tota nocte non tacendo laudare nomen Domini. Facit etià id, quod notavit Tertullian. in Apologet. Christianos scilicet, dum ad mensam accedunt, præmittere orationem, ne sine ea recumbant. Non priùs, inquit, discumbitur, quam oratio prægustetur, æquè oratio. conviviium dirimit.

Verf. 17. *Elias homo erat similis nobis passibilis: & oratione orauit vt non plueret super terram, & non pluit annos tres, & menses sex.*

Verf. 18. *Et rursus orauit, & cælum dedit pluuiam, & terra dedit fructum suum.*

EXPOSITIO LITERALIS.



DOCTRINAM assertam de orationis efficacia. appposito probat exemplo, cùmque posset plura asserre, scilicet, Moyſis mirabiles conuerſiones operantis, Iſolue, dum breui oratione Solem stare coëgit, Samuëlis Palæſtinorū exercitum diſſipantis, Saræ, Rebecca, Rachelis, & Annæ ſterilium, precibus verò & orationibus ſæcundatū, Ionæ inſuper, trium puerorum exiſtentium in flammis, & Solis retrogradationis factæ Ezechiz: vnum tamē Elijam affert, cuius voluntati, & orationi Deus adſtrictus, neque torem, neque pluuiam miſit in terram tres annos, & menses ſex, iterumque aperuit cælos, quando iuſſit abundantiffimas pluuias terris infundi, quando obtenebrati ſunt cæli, & nubes, & ventus, & facta eſt pluuiæ grandis.

1. Reg. 10.
1. Reg. 7.

1. ai. 38.
3. Reg. 17.
3. Reg. 18.

CÆT E R V M, vt hoc loco aduertit Beda, ne trepidaret noſtra fragilitas, reputans ſe tãto Prophetæ, qui curru igneo rapi meruit, diſparem omnino eſſe, ſimiliâque proinde facere non poſſe; conſultò B. Iacobus de eius oratione dicturus, temperauit orationem, dum dixit: *Elias homo erat ſimilis nobis*: Græcè habetur, *ſimiliter affectus, ſimilibus affectionibus obnoxius*. Et ita Oecumenius habet. *Similiter obnoxius affectionibus, ſicut nos*. Gloſſa. *Similis mentis, & carnis fragilitate*. Homo namque erat, tametſi nulli hominum virtute ſecundus: ſimilis nobis origine carnis, paſſibilis vt nos, & mentis, & carnis fragilitate: enimuero, quia carnis fragilitate nobis ſimilis erat, apud Sareptam viduam victum quæſiuit famelicus; quia verò mente paſſibilis, ideo poſt redditas terris aquas, extinctos quoque Prophetas, & Sacerdotes idolorum, per deſerta auſugit. Cùm ergo iuſſem prædictus fuerit affectibus, quibus & nos, quia tamen magna in Deum fiducia, eximioque ſalutis proximorum zelo flagrans poſtulauit, ea impetrauit quæ hominibus videbantur impoſſibilia.

3. Reg. 17.

3. Reg. 19.

Et oratione orauit. Hebraiſmus eſt ad inculcandam orationem: ſic enim, vt aliquid magis auditoribus commendent, & rem exaggerent, tali repetitione vt ſolent Hebræi, vt quando dicitur, *creauit Deus hominem, ad imaginem Dei creauit illum*, vt ibi annotauit Chryſoſtomus. Sic etiam Iob. *Timor quem timebam, euenit mihi*; ſicut ibi aduertit D. Hieronymus. Sic Dauid. *In ſperauerunt Patres noſtri, ſperauerunt, & liberaſti eos*; vt ibi expoſuit Euthymius. Sic etiam & hoc loco Iacobus, quia loquutus eſt de efficacia orationis

Genef. 1.
Iob. 3.
Pſal. 111.

orationis assidue, exemplum talis orationis afferēs ait: *Oratione orans Elias*, id est, efficaciter deprecatus est.

Hic locus campum aperiebat, vt plura de orationis vi, & de efficacia prosequeremur; sed id satis superque fecimus tum cap. 1. tū hoc etiam cap. Videatur modò August. Serm. 226. de Tempore, vbi orationem iusti, cœli clauem appellat. Et Origenes homil. 9. in Numeros, vbi ostēdit, Deum plura nobis concedere quā postulemus. Qua de re plura habet D. Hieronymus ad Luc. cap. 15. & D. Chrysostom. homil. in cap. 3. Sapient. & homil. 38. in Genes. & hom. 79. ad Pop. D. Ambros. in Psal. 3.

Verf. 19. *Fratres mei, si quis ex vobis errauerit à veritate, & conuerterit quis eum.*

Verf. 20. *Scire debet, quoniam qui conuerſi fecerit peccatorem ab errore via sua, saluabit animam eius à morte, & operiet multitudinem peccatorum.*

EXPOSITIO LITERALIS.

TAM suam epistolam iam claudit Apostolus Euangelica exhortatione de reducendo proximo in veram pietatis, ac fidei viam, qui aberrauerat per viam iniquitatis; asseritque sic reducenti proximum, præclarum præmium æternæ vitæ à Deo esse reseruatum. Sensusque totius sententiæ est: Magnum, & præcellens putate, fratres, si quis precibus suis à morte corporis alium suscitauerit, vt quidam Prophetarum, & Apostolorum fecisse leguntur; sed longè maius, ac propè diuinum censendum profectò est, si quis animam à peccatis, ab ira Dei, dānationeque perpetua liberet; caute proinde, ne vestra negligentia pereant animæ, quas æternus Dei Filius, homo factus, propria morte redemit; caute itē ne tātis præmiis vos indignos reddatis, fallētes vosmetipsos.

Si quis ergo errauerit à veritate, fidei scilicet, aut morū, aut legis; lex enim recta, & iusta veritas dicitur in Psalmo. *Lex tua veritas.* & iterum: *Omnia mō-* Psal. 118
data tua veritas; idēoque facere veritatem, est operari secundum legem iustitiæ, rectitudinis, & honestatis, vnde Christus Dominus dixit. *Qui facit veritatem;* Ioan. 3;
venit ad lucem; nam veritas aliquando est, qua vitæ sanctitas omnis continetur, & honestas, de qua Paulus dixit. *Veritatem autem facientes in charitate,* Ephes. 4;
creſcamus in illo per omnia, qui est caput Christus.

DOCTRINA etiam Christi veritas est, tum quia vmbra, & figuræ legis illustrat, tū quia promissiones implet; demum quia viam Dei perfectè tradit. Si quis ergo à veritate errauerit discedēdo à lege Christi, aut à veritatis, virtutis, & iustitiæ, & conuerterit quis eum, reducendo scilicet iterū ad viam veritatis, vel bene monendo, vel tacitè exempla rectæ actionis

DDDD 3 osten

Mat. 18. ostendendo, quod est ostendere viam veritatis, & lucrari fratrem, sicut dixit Christus Dominus.

SALVABIT ergo animam eius, occasionaliter scilicet, & doctrinaliter, a morte, scilicet aeterna, quæ vera mors est, vt aduertit Beda, & D. Thomas, in qua morte licet adnotare cum D. Bernard. nec qui torquet, aliquando fatigatur, nec qui torquetur, aliquando moritur: sic enim ignis ibi consumit, vt semper referuet, sic tormenta aguntur, vt semper renouentur. Sic morientur, vt semper viuant, & sic viuent, vt semper moriantur.

ALIQVI verò codices habent, *Saluabit animam suam*, nam ex ambiguo Græco ita recte exponit potest, vt aduertit Beda: & reuera, qui errantē corrigit, eiusque animam docēdo medetur, sibi metipsi per hoc vitæ cœlestis gaudia ampliora acquirit. Qui peccatorem, inquit Beda, ab errore conuertit, & eius peccata per hanc cōuersionem ab aspectu interni iudicis superpositione melioris vitæ abscondit, & sua quoque in quibuscumque offendit errata ab intuitu eius, qui omnia videt, proximum curando contegit; ideoque Paulus dixit. *Attende tibi, & doctrina, in ista in illis; hoc enim faciens, & te ipsum saluum facies, & eos qui te audiunt:* & alibi ait. *Vnusquisque propriam mercedem accipiet secundum suum laborem, Dei enim sumus adiutores.*

ADVERTIT autem ex hoc loco Iacobi D. Bernard. epist. 203. errantes citius emendādos, ne non solum errant, sed multos post se trahant suo exemplo: eos autem qui poterunt reuocare; nec reuocabunt, eodem errore inuoluit. Annunciate, inquit, peccatori opus eius, ne in illo peccato suo moriatur, sanguinem verò eius de manu vestra requirat, qui suo cum redemit sanguine pretioso. En de cœlo clamat. *Virgo Israël corruis, & non est qui subleuet eam;* quousque in luto aurum iacet? tollite margaritam, &c.

Ex hoc etiam loco probat Ambros. in cap. 5. epist. ad Galat. quoddam sicut is, qui errantem conuertit, valde remunerandus est, ita & qui recta incedentem via iter in deuium cogit flectere, grauem damnationem consequetur; quod confirmatur ex verbis Pauli loco citato, vbi ait: *Qui conturbat vos, portabit iudicium, quicumque fuerit.* Vbi etiam aduertendum est, non esse necessariam tantam curam ac diligentiam, vt frater in errorem inducatur, quanta opus est, vt ab illo reducatur, nam sicut dixit Nazianz. Orat. 1. Apologet. Res quædam ad imitandum prona, & expedita improbitas, neque quidquam tam facile, quàm malum fieri, etiam si nemo ducem se nobis ad vitium præbeat.

Et D. Hieronymus epist. ad Lætam. Procliuis est malorum æmulatio, & quorum virtutes assequi nequeas, citò imitaris vitia. Vigilandum proinde est, ne aliis fiamus laqueus, & ruina, quod quàm citissimè sit, quodque durum iudicium, ac supplicium inuenit. Præ oculis igitur habenda sunt verba Pauli, quide hac te loquens sic habet. *Sic peccantes in fratres, & percutientes conscientiam eorum infirmam in Christum peccatis.*

OPERIET igitur qui reduxerit fratrem, multitudinem peccatorum, illius scilicet quem conuerterit, & sua quoque in quibus offendit errata ab aspectu interni iudicis, qui omnia videt, non amplius iam discooperien-

da ad ignominiam, ut ait D. Hieronymus in Psalm. 31. nec ad supplicium, licet aperienda ad gloriam Dei: nec erunt prorsus aliis incognita. Qua de re videndus Anselm. lib. de similitud. cap. 60. nec admittendus Magist. in 4. distin. 1. Omnia namque peccata gesta in corpore discooperiuntur. Et cum Deus iustus sit, si penitus non punit, omnino delet, & cum omnia quæ sunt, sint nuda, & aperta oculis eius, quod Deo tegitur, prorsus evanescit, & quod illi opertum dicitur, prorsus non est.

VIDENDVS pro hoc loquedi modo Petrus Damian. Serm. 3. de S. Georg. & Origen. in cap. 4. epist. ad Roman. Ambros. 2. de poenitent. cap. 5. Gregor. 32. Moral. cap. 2. & homil. 4. in Ezech. qui dicunt operiri peccata ab eo, qui prius peccauerat, quando assumendo honestæ vitæ tegmen facit, ut præteritorum criminum ante Dei oculos turpitudine celetur, abiecta scilicet per remissionem turpi, & lacera peccatorum veste, & induta eleganti, ac prima stola, quam pius pater misero filio afferri iussit; doctrinam verò præsentium verborum aperiet appositus §.

§. I.

Iustis hominibus, & Prælati incumbit errores aliorum corrigere, & ad viam veritatis adducere.

Hic locus docet quæ cura proximi reducendi à via iniquitatis, & adducendi ad viam iustitiæ in nobis debeat reperiri; hoc enim est saluare animam eius à morte: sicut in re simili rectè exposuit Clemens Alexand. 1. Pædag. c. 7. Pertinet autem hæc cura & diligentia ad perfectos, & iustos viros, & iis insuper incumbit, qui curam animarum habent.

PRIMUM ergo significatum esse videtur in Iacobo, & Esau, quorum alter pius scilicet & iustus Iacob, dum impius Esau ingressus est viam viuentium, & è ventre matris exiit, istius plantam tenebat manu, ut inde iam intelligeretur, pij & iusti viri proprium munus esse impiorum gressus dirigere, & reducere ad viam rectam, si aberrauerint. Vnde Paulus dixit. *Pa-* Gen. 25:
cem sequimini cum omnibus, & sanctimoniam sine qua nemo videbit Deum, contem-
plantes ne quis desit gratia Dei; quasi dicat, non solum hoc quero, ut vos ad- Hebr. 12:
litis gratia, sed ut alios adducatis, imò si declinauerint à recto, reducatis,
Sumptæque videtur metaphora ab his, qui inter latrones gradiuntur, qui maxime curant, ne quis à via abberret, & à recto itinere deuiet, incidatque in manus latronum. Vnde Chrysost. ibi ait: Sic cum eis loquitur quasi in numeroso comitatu viatorum longa itinera permearent, veluti si diceret. Attendite vobis, ne quis vestrum remaneat, & in latronum manus deueniat, non hoc tantum requiro, ut vos soli perueniatis, sed etiam ut inspiciaitis & ceteros, ne quis desideretur. Ideoque Græcè habetur: *superintendentes & aliorum curam habentes.* Et Theodoretus ibi. Non solum autem vestrum, sed etiam alter

alter alterius curam gerite, nec eum qui est infirmus, despiciat, & ei qui vestræ manus auxilio indiget, subuenite. Quibus habet similia Theophyl.

- Hoc vt faceret idem Paulus, & vt aberrantes in rectum adduceret iter, transmutabat se in varias formas, vt omnes, factus omnia omnibus, lucrificeret, nec deesse aliquo modo instituto proprio videretur, vnde ait. *Spe-
1. Cor. 4. Etaculum facti sumus mundo.* quod D. Hieronym. aduersus Iovin. sic legit. *Thea-
trum facti sumus mundo*, id est, varias induimus formas, & omnes in vniuer-
sum agimus personas, omnibus nos accommodantes, & metientes, ne aut
11. Cor. 3. excedamus, aut deficiamus. Ideo modò hortulanum agit cùm dicit. *Ego plan-
1. Cor. 3. tatus, Appollo rigauit*, &c. deinde architectum, vnde ait. *Secundum gratiam Dei,
qua data est mihi, vt sapiens architectus fundamentum posui.* Alii se matrem exhi-
bet dicens. *Filioli, quos iterum parturio donec formetur Christus in vobis*; alii se ve-
lut nutritrix accommodat; ideoque ait. *Facti sumus in medio vestrum tanquam sinu-
2. Thes. 2. trix foueat filios suos*: modò se militem proficitur dicens. *Sic pugno, non quasi aë-
1. Cor. 9. rem verberans, sed castigo corpus meum, & in seruitutem redigo.* & iterum: *ad bestias*
1. Cor. 15. *pugnaui Ephesi.* Quin & luctatorem se prædicat cùm ait. *Non est nobis collucta-
tio aduersus carnem & sanguinem.* Omnes denique personas agit, vt omnibus
succurrere possit, & omnes secum ad viâ veritatis reducere, ac docere pos-
sit. Cuius rei rationem optimam affert Chrysost. hom. 33. in 1. ad Corinth.
dicens. Magnus est Doctor charitas, satis idoneus qui & tollat errores, &
mores formet, & ad Philosophiam manu ducat, & è lapidibus homines
reddat. Is proinde, qui charitate præminet, aliis succurrere debet, & om-
nes quantumvis perditos lucrificare, & ad viam iustitiæ is qui iustus est,
adducere.

- Q u o d si hæc cura pertinet ad viros iustos, multo magis spectabit ad
Luc. 15. Præsules & Pastores, qui edocti ab illo primo, ac vero Pastore, qui cente-
simam ouem perditam quærens, inuentam super humeros imposuit, & ad
caulas reportauit, sibi commissas oues debent seruare, educere, & reducere,
ne aliqua pereat, ad quod alludit pallium ex agnina confectum lana, quod
primores Episcopi gestât solemnioribus diebus, vt obseruat Isidor. Pelu-
siota lib. 1. epist. 136. Qua de re videndus D. Bernard. Serm. de S. Magdal.
cùm ait. O quàm leni, & dulcissimo spiritu imbutus est spiritus illius, qui
non in spiritu lenitatis peccantem instruere, suspendere vindictam, &
affectuosis visceribus inuiscerare sibi peccatorem, donec vitæ reddatur!

- INSERVIT autem ad commouenda viscera pietatis, si quis aduertat, nos
more ouium aberrare, non verò ad instar non viuentium, & insensibilium,
Luc. 15. hæc enim quo in loco ceciderunt, ibi remanent donec tandem inuenian-
tur, vnde mulier quæ domi drachmam perdidit, eam totam domum euer-
rens quæsiuit, non verò extra domum, donec ibi eam inuenit: at verò quæ
viuentia sunt, & loco mouentur, quo plus à viâ discedunt, eo magis impli-
cantur, & à recto longius abeunt: quod videtur voluisse David cùm dixit.
Ps. 118. *Erraui sicut ouis, quæ perit, quære seruum tuum.* Quasi ex eo magis diuinam im-
ploret, & comoueat clementiâ, quo magis à viâ recedit velut ouis perditæ,
remotiora in dies quæres loca, à diuina luce longius profuga, & sepa rata:
quod

quod videre licet in Petro, qui primò negauit simpliciter, postea verò cum iuramento, & tertio detestari, iurare, & anathematizare cœpit, *quia non noui hominem*. Sic & Dauid adulterio addidit homicidium; vera etenim est celebris illa sententia D. Gregor. homil. 11. in Ezech. quæ habet: Peccatum, quod per pœnitentiam non deletur, suo pondere ad aliud trahit. Qua de re videndi recentiores Theologi cum D. Tom. 1. 2. quæst. 109. art. 8. Ne misera igitur anima perditâ pereat, debent Pastores vigilare, & quàm citissimè occurrere, si à via aberrauerit.

Hoc aut. m vt faciant libentiùs, voluit Deus, seu permisit, vt duo hierarchæ, veteris vnus legis, & nouæ alter, nimirum Aaron, & Petrus, fœdè laberentur circa ipsammet, cui præerant, Religionem, vt scilicet mitiùs se haberent, & faciliùs commouerentur erga delinquentes oues: cum Pastores sic delinquentes nobis proponerentur, sicut notauit Caiet. in cap. 32. Exod. & qui casum in se experti fuerant, alios cadentes libentiùs leuarent. Vnde D. August. exponens ea verba Christi Domini. *Tolle grabatam tuam.* *Ioan. 5.* ait: Cum esses languidus portabas te proximus tuus, sanus factus es, porta proximum tuum. Porta ergo eum cum quo ambulas, vt ad eum peruenias, cum quo manere desideras.

Q V O D si præ infirmitate frater abetrauerit maiori commiseratione dignus censendus est, ideo namque bonus Pastor, qui animam suam ponit pro ouibus suis, dum eas Petro committeret, semel atque iterum tenellos agnos commendauit, dicens. *Pasce agnos meos: semel verò ouium meminit,* *Ioan. 21.* dicens, *Pasce oues meas.* Idémque diuinus sponsus hædos tãtummodo adhuc paruulos sponsæ commendat, dũ ait. *Pasce hædos tuos iuxta tabernacula.* *Cant. 1.* Quæ omnia singularem pastoris curam & diligētiam erga infirmiores probant, sicut ad prædicta verba Cantici optimè notauit Alanus; atque etiam Scholastici Theologi cum D. Thom. cum reddunt rationem cur Deus non Angelicam naturam, sed humanam reparauerit, & nonaginta nouem reliquerit oues in deserto, debiliorem, ac miserabiliorem quærens.

MEMINIT autem errantis fratris, non fratrum noster Apostolus, inculcatum nobis volens, vt sic omnium salutem curaremus, vt vniuscuiusque etiã nullatenus præteriremus, & ita debitores essemus omnibus hominibus, vt cuilibet nos addictos à Deo existimaremus: quod elegãter sanè notauit Philo lib. de Decalog. cum quærit, cur Deus publicãdo diuinã legē, quã vniuerso orbi concesserat, ita eam publicauerit, vt non cū omnibus videatur loqui, sed cum priuato aliquo & peculiari homine; nec enim dicit: Diligetis Dominum Deum vestrum, sed potius; *Diliges Dominum Deum tuum*, ne scilicet quispiam Imperatorum, vel Regum, vel etiam dominorum vllum ex eorum numero, qui priuatam agunt vitam, despiciat, cum Deus non dedignetur eundem alloqui, & peculiarem illius curam gerere. Vnde Pacatus in Panegyrica oratione in laudem Theodosij Imper. ait. *In ipsis statim Imperij auspiciis priuatorum domus adibat, & urbis angulos, qui nunquam Imperatorum Solem vidissent, pio lumine complebat.*

S I verò necesse fuerit vt baculo, seu virga ouem reducat, nullatenus
Paz. in Epist. B. Jacobi Apost. EEEcc deesse

4. Reg. 2. decessit debet, ideo namque Eliseus dicebat, *Pater mi, currus Israël, & auxilium.* Quia bonus Pastor & portare debet infirmos more plaustrum, & rebelles comprimere ac refrænare effratos, ne præcipientes agantur; humeris asportare, & virga corrigere. Vnde Gregor. Nyssenus in vita Moysi, asserit supplicium à Deo illatum Moysi ob id fuisse, quoddam ei præciperet accepta virga, & populum in contritionem vocare, coramque petra alloqui, ille percussus animo nihil de Deo magnificè præfatus, paucis quidem & subobscuris usus est verbis, quod Dauid dixit, *Non distinxit in labiis suis*, non palam & seuerè locutus est. At verò sicut notauit Clemens Alex. 1. Pædag. c. 9. Qui ad gratiam loquuntur, parum diligunt, qui autem ad utilitatem, acerbi sunt, in futurum sæculum beneficio afficiunt. Vnde & Sponsa cum pulchra esset, nigram tamen se filiis exhibuit, cuius rei causam reddit D. Ber. Ser. 28. in Cant. Vt remissis, inquit, mollibus & fugitantibus disciplinam non candorem serenitatis, sed obscurum seueritatis zelum exhibeat.

Hæc etiam fuit ratio sicut optimè notauit Clemens Alex. sup. cap. 7. cur Christo Domino tanquam bono Pastori, & optimo pædagogo tribuatur virga in Scriptura. *Virga oris sui interficiet impium.* Vt quibus, inquit, verbum suadens, & admonens non medetur, eis minæ medeantur, quibus autem non medentur minæ, virga medebitur, quibus verò virga non medetur, eos ignis depascit. Debet ergo perfectus Pastor, si quando ouis deuiauerit, & verbo, ac doctrina, & virga, ac supplicio reducere.

Si autem contingat nihil hæc omnia prodesse, nobis minimè iam imputabitur: namque, ut D. Ambrosius dixit lib. 1. de Virginibus in principio, studium à nobis Dominus, non profectum requirit. Quibus habet similia Chrysost. homil. 4. de verbis Isai. *Vidi Dominum.* Semper tamen præ oculis habendum est, quoddam nostra doctrina, aut diligentia frater reducit, id Deo tribuendum tanquam auctori, & præcipuæ causæ, nobis verò ut instrumentis: *Neque enim qui plantat est aliquid, neque qui rigat, sed qui incrementum dat Deus.* Quod argumentum prosequitur D. August. epist. 105. & 3. de Trinit. c. 8. & Bernard. epist. 135. ubi ait. Profectò lex Domini conuertit animas, non ego: laudatur de bona literæ tornatura manus, non calamus. fateor ut multum tribuam mihi, lingua mea calamus scribæ. Et D. Ferrandus in 5. regula. Seminare pertinet ad officium diligentis agricolæ, superhi est muneris ut terra fructificet votisque cultoris sui respódeat, quod etiam dixit Horat. lib. 1. Od. 2. *crescit occulto arbor æuo.*

Ipsæ igitur qui incrementum tribuit, & gratiam intus largitur nobis dignetur, si quando à via discesserimus, occurrere, ipse vias nostras ac verba dirigat: dirigat in super, corrigat, & reducat Sancta mater Ecclesia, cuius correctioni, quæ hucusque dixi, dixeróue semper subiicio, suppléxque committo.

F I N I S.



INDEX



INDEX RERVM. ET VERBORVM. QVÆ IN COMMENTARIIS IN EPIST. B. IACOBI APOSTOLI CONTINENTVR.

A.

A brahæ fortitudo, & fides in oblatione filij.	<u>pag. 356.</u>
Absentium amor maximè probatur.	<u>28.29</u>
Acceptio personarum reprehenditur.	<u>252</u>
Acceptio personarum charitatem fraternam scindit.	<u>254</u>
Acceptio personarum nulla apud Deum.	<u>252</u>
Aduentus Dei in carne.	<u>216.217</u>
Adulterium peccantis animæ.	<u>574</u>
Afflictos persequi, iniquissimum.	<u>102.103.</u>
Alba vestis, signum honoris.	<u>262.263</u>
Ambitio vilis, & audax.	<u>322</u>
Ambitio in honoribus reprehenditur.	<u>327</u>
Ambitio perfectos aggreditur.	<u>ibid.</u>
Ambitio pacem, & vnionem turbat, & scindit.	<u>ibid. & 550.</u>
Amicus dolosus virari non potest.	<u>103</u>
Amicorum manus respicit falsus amicus.	<u>299</u>
Amor Prælatorum in subditos.	<u>417. & sequentibus.</u>
Amor inter absentes probatur.	<u>28.29</u>
Amor Dei in hominis creatione.	<u>165</u>
Amor Dei in homines.	<u>164.216.382.577. & sequentibus.</u>
Amor Dei in vnumquemque nostrum.	<u>372.577</u>
Amor laborem non sentit.	<u>306</u>
Amor proximi.	<u>295.396.</u>
Amor propius.	<u>ibid.</u>
Amor patriæ qualis.	<u>381.</u>
Amor Dei superat amorem patriæ.	<u>ibid.</u>
	<u>Amor.</u>

INDEX RERVM,

Amor magnus Doctor.	382. 383
Amor proximi occultat defectus illius.	ibid. & 326
Amor proximi non sola verba, sed opera defert.	310
Amor proximi, eius maximè curat salutem.	767. & sequentib.
Amor proximi magnus Doctor.	768
Amor Dei, & mundi inter se pugnant.	583
Amor Dei via qua facilè ad Deum imus.	619
Annulus nobilitatis signum.	262
Anima nostra Deo deponatur.	579
Appetitus inordinatus principium peccati.	174
Appetitus quomodo nos ducat ad peccatum.	135
Appetitus hostis noster.	ibid.
Appetitus nobis in insidiis.	138. & sequentibus. 538. & 539
Appetitui minimè fidendum.	138. & 539.
Appetitui qua cura occurrendum.	143. 538. & 550
Appetitus nos decipit.	539
Auarus, & cupidus diuitiarum.	546
Auaritia bellum, & arma.	551. & sequentib.
Auaritia crudelitas in auarum.	614
Auarus pro Deo habet diuitias.	688. & sequentib.
Auari iniquitas.	691
Auarus torquetur pro iis quibus posset esset beatus.	621
Audire verbum Dei quàm utile.	176
Auditus primaria causa salutis.	ibid.
Audire verbum quomodo.	178
Auditores se reprehendunt, non predicatores.	215
Audientes verbum Dei, non facientes.	218
Author omnium bonorum Deus.	152

B

B APTISMVS generatio est.	162
Baptista Ioannis humilitas.	651
Beatitudo gloriæ quomodo sit corona.	127
Beatus plus aliquando de beatitudine alterius gaudet, quàm de sua.	281
Beneficia Dei magnifica.	64
Beneficia Dei ad plura ipsum constituunt debitorem.	65
Beneficia qui confert, nihil debet sperare.	61
Beneficia Dei integra, & perfecta.	160
Beneficia Dei apta loco, tempori, personæ.	161
Beneficus homo imitatur Dei naturam.	67. 241
Beneficus homo sibi benefacit.	243
Beneficia amorem dicunt, & merentur.	283
Blandimenta concupiscentiæ arma diaboli.	26
	Bona

ET VERBORVM.

Bona spiritualia maximè curanda.	27
Bona bonorum sunt æterna bona.	80
Bona nostra Deo referenda.	156
Bona temporalia bonam postulant conscientiam.	264
Bona temporalia, vide litteram T. sub titulo, <i>temporalia bona.</i>	
Boni præponuntur iure aliis.	258
Breuitas rerum temporalium.	115. 116
Breuitas, & incertitudo <u>vita. 325.</u> vide etiam, <i>vita breuitas.</i>	

C

C Ananæa laudatur.	761. 763
Candida vestis nobilitatis insigne.	262
Castitas qualiter honorificet homines.	203
Castitas multum conducit ad sapientiam.	516
Caritas virtutum regina, & regia virtus.	292
Caritas via regia, & communis.	294
Caritas neminem excludit.	ibid.
Caritas necessaria, & vtilis.	303
Castigat Deus per transitum.	697
Caro nostra spinas malarum cogitationum profert.	136. 537
Caro quo sensu non sit infirma.	137
Caro verè infirma.	129. 150
Carnis infirmitas Dei postulat auxilium.	142
Caro inurbana ad spiritum.	137
Carne pro armis contra nos vitur diabolus.	138. 542
Caro in insidiis contra nos.	137. 541
Carnis deliciæ persecutiones sunt.	139
Caro corpusque quomodo tractandum.	140. 417
Christus verum templum, & Pontifex.	75
Christus exemplum patientiæ.	653. & sequent.
Christi patientia in tormentis.	717. 737
Christus Cruci affixus nos vocat.	581
Christianorum constantia.	27
Christiana vita debet correspondere nomini.	269
Cibus, & potus moderatè sumendus.	706
Cibi nimietas quæ mala causet.	707
Cibi nimietas effeminatos reddit homines.	708
Cibi nimietas similes nos reddit brutis.	710
Clamor in Scriptura quid sit.	695
Clamare quæ peccata dicantur.	ibid.
Concupiscentia nostra principium est peccatorum.	136
Concupiscentia non infert necessitatem ad peccandum.	ibid.
EEEcc 3	Con

INDEX RERV M,

Concupiscentia nostra quomodo se habeat in peccato.	ibid.
Concupiscentiæ minimè fidendum.	532
Concupiscentia quomodo nos decipiat.	537.& seqq.
Concupiscentia inimica spiritus.	138.536
Concupiscentiæ motus quot sunt.	142
Concupiscentiæ moribus qua cura occurrendum.	144
Cogitationibus iniquis qualiter occurrendum.	ibid.
Cognitio Diuinæ voluntatis, ad Dei obsequium & cultum inferuit.	679
Cognitio sui.	149.161.225
Cognitio sui, pondus habet ne quis superbiat.	157.239.254
Cognitio propriæ ignorantiaë conducit ad sapientiam.	61
Cognitio peccati via ad Deum.	626.
Concionatoris munus non citò sumendum.	127
Contionator lacrymas, non risum moueat.	213
Concordia fidelium.	298
Commodum proprium omnes quærunt.	300
Commodum proprium non quærendum in dignitatibus.	414
Compassio alienæ miseriæ in iustis hominibus.	524
Compassio in alienis malis.	242
Confidentia in rebus temporalibus damnatur.	95
Consolatio vera in solo Deo repetitur.	744
Confessio peccatorum quam utilis.	760
Confessio duplex in Scriptura.	757
Constantia Sanctorum.	94
Conuersio nostra mutanda est.	628
Cælum, cur sic dicatur.	281
Conscientia quomodo iniquos torqueat.	85.749
Cupiditas diuitiarum arma diaboli.	26
Cupiditas pecuniæ, & rerum temporalium.	206.546
Cupiditas vindictæ vilis.	208
Creationis nomine iustificatio intelligitur.	163
Confidendum Deo.	576
Confidentia in oratione.	81
Cultus Dei Regna dilatat.	23
Confessoris officium.	762

D

D ARE apto tempore sapientiæ est.	160
Defectus proximorum occultandi.	383.526
Defectus proximi quomodo curandi sunt.	765.& sequentibus.
Defectus aliorum ad nostram salutem, & cautionem.	385.& seqq.
Defectus malorum, maximè conspicui sunt.	432
Delicia carnis persecutiones sunt.	139
	Dele.

ET VERBORVM.

Delectationes, persecutiones sunt.	ibid.
Desiderijs iniquis occurrendum, & de iis agitur.	<u>144.</u> & sequentib.
Desideria rerum solum habentur in mundo.	<u>552</u>
Detractores res augent.	<u>447</u>
Detractores.	<u>456</u>
Detractores carpuntur.	<u>655</u>
Detrahere quid sit.	ibid.
Detractoribus resistendum.	ibid.
Deo confidendum.	<u>368</u>
Deus non est auctor peccati.	<u>132.148</u>
Deus, quomodo sit Pater noster.	<u>164</u>
Deus verus medicus infirmitatum nostrarum.	<u>751</u>
Deus sufficit nobis pro omnibus.	<u>165</u>
Dies Domini quid significet.	<u>116</u>
Dies iudicij, vide, <i>iudicij dies</i> .	
Dignitates meretur qui eas contemnit.	<u>403</u>
Dignitates quomodo accipiendæ.	ibid.
Diligentia in operibus charitatis.	<u>335</u>
Diligentia iustorum in surgendo à peccatis.	<u>424</u>
Discipulorum defectus magistris tribuuntur.	<u>422.</u> & seqq.
Diuites quomodo miseri sint.	<u>68.</u> & sequentibus.
Diuites malè audiunt in Scriptura.	<u>191</u>
Diuites à Deo puniuntur.	ibid.
Diues non gloriatur in diuitiis.	<u>108.112.</u>
Diuites bellicosi.	<u>747</u>
Diuites sapiunt in pauperes.	<u>285</u>
Diuitiæ nihil gloriæ continent.	<u>113.271</u>
Diuitiarum falsitas.	<u>113.</u> & sequentib.
Diuitias amare angusti animi est.	<u>110</u>
Diuitiæ dominantur diuitibus.	<u>111.207</u>
Diuitiæ alienæ non propriæ sunt.	<u>113.114</u>
Diuitiarum honor verum honorem furatus est.	<u>256</u>
Diuitiarum cupiditas.	<u>547</u>
Diuitiarum breuitas.	<u>114</u>
Diuitiarum fallacia.	<u>674</u>
Diuitiæ idolum, quod reueretur homo.	<u>256</u>
Diuitiæ, veræ sunt virtutes.	<u>279</u>
Dolosus vir abominatur.	<u>103.104.528.529</u>
Dolositas vel duplicitas animi, seruale vitium.	<u>108.528.530.</u>
Duplicitas animi reprehenditur.	<u>110.111</u>
E	
ECCLESIA Dei dilatatur persecutionibus.	<u>16</u>
Electio fieri debet ex probatis hominibus.	<u>491.492</u>
Electio iniqua.	<u>255</u>
	Electio.

INDEX RERUM,

Electio iusta.	257
Electio Prælatorum, & Doctorum qualis.	<u>406. 407</u>
Eleemosynarius imitatur Dei naturam.	67
Eleemosynarius dum tribuit, sibi accipit.	243
Eleemosyna.	<u>241. 314</u>
Eleemosyna liberat in iudicio.	ibid.
Eleemosyna vilibus rebus magnum dat pretium.	318
Eleemosyna neminem excipit.	319
Eleemosyna ceteras virtutes continet.	318
Eleemosynam qui negant, reprehenduntur.	<u>245. 271. 315</u>
Eleemosynam quis intelligat.	<u>272. 314</u>
Epistolæ Apostolorum communem continent doctrinam.	23. 24
Eucharistia præuium examen requirit.	220
Euangelium speculum est vt componamur.	ibid.
Errores proximi quomodo curandi sint.	<u>766. 767</u>
Excusatio in peccatis.	136
Excusationem in peccatis à primis parentibus hæreditamus.	ibid.
Excusatio in peccatis quantum Deo displiceat.	<u>137. 460</u>
Exterior ornatus hominis quos decipiat.	261
Exemplum maiorum quàm necessarium sit.	<u>429. 490</u>
Exempla ad omnia habemus in Sanctis.	732
Exempla quantum valeant.	ibid.
Exempla patientiæ.	733
Exemplum malum perniciosissimum.	<u>766</u>

F.

F ALLERE aliquem, iniquissimum.	<u>28. & seqq.</u>
Falsitas diuitiarum.	112
Falsi, & dolosi.	<u>527. 530</u>
Famæ nostræ debemus consulere, & occurrere si lædatur.	470.
Festiuitates Ecclesiæ beneficia Dei nobis in memoriam reuocant, vt pro illis gratias Deo agamus.	<u>73. & sequentibus.</u>
Fides maximè necessaria ad orandum.	81
Fides cum operibus.	<u>331. & sequentib.</u>
Fides per opera comprobatur.	335
Fides mortua quæ sit.	339
Fides sine operibus citò perit.	343
Fides superat difficultates naturales.	366
Fidendum soli Deo.	368
Filiorum defectus patribus imputantur.	422
Filij Religiosi quantum æstimandi.	360
Fragilitas humana nostros defectus excusat.	414
Fructus iustitiæ necessarij; vide <i>opera</i> .	

Fratres

ET VERBORVM.

Fratres quomodo appellantur Christiani.

34

G

GAUDIUM Sanctorum in laboribus.

36

Gaudia vera in Deo.

648. 745.

Gaudia cœlestia qualia.

556

Gaudium in oratione.

745. & sequentib,

Gaudia sæculi ficta, & profana.

41. 745

Genuit nos Deus quot modis.

167.

Gloria quomodo sit coronæ vitæ.

127

Gloria cœlestis hæreditas, & qualis.

281.

Gloriæ bona qualia sint.

724

Gloriari non decet in diuitiis.

119

Gloriari in peccatis.

677

Gratias debemus agere pro beneficiis acceptis.

157. 540. 748.

vbi plura de gratitudine.

Gratitudo est beneficiorum custos.

748.

Gratitudo testis beneficiorum.

159

H

HÆREDITATIS nomine beatitudo intelligitur.

271. 281.

Hypocrita

23. 103.

Hypocritæ inconstantes.

100.

Hypocrita non fert fructum suum.

ibid.

Hypocritæ duplices animo.

22

Hypocrita duplex homo.

100

Homo arbor temporalis est.

114.

Homo quanti apud Deum fiat.

164.

Homo se curiosè componens, & adornans.

223

Homo non ex vestibus, & dignitate, sed ex se, & virtute sua pensandus.

264. & seqq.

Homo imago Dei, ideóque honorandus.

500

Homini dignitas.

ibid.

Homini dignitas eum debet continere.

502

Homo non debet deturpare imaginem Dei quam in se habet.

ibid.

Hospitalitas laudatur.

398

Hospitalitas accipit, non dat.

ibid.

Hospitalem esse remuneraturis, iniquum.

172

Humana fragilitas nostros excusat defectus.

434.

Humilior surgit iustus cum peccauit.

430

Humilitas quot modis in Scriptura sumitur.

195

Humilitas beneuolentiam conciliat.

15

Humilitas in iis qui sunt honoratiores, maius pretium habet.

ibid.

FF fff

Hq

INDEX RERVM,

Humilitas in Dei obsequio, & cultu.	ibid.
Humilitas Sanctorum.	16. & seqq. 432
Humilitas Sanctorum quomodo superba.	ibid.
Humilitas exaltare solet humiles.	21. 158, 159, 659
Humilitas quid significet in Scriptura.	106
Humilitas quantà Deo fiat.	610. & sequentib.

L

I MPATIENTIA primò in diabolo inuenta est.	730
Impatientia imitanda.	737
Immutabilitas Dei.	155. & sequentib.
Incaruatio verbi.	216
Inconstantia rerum temporalium.	117. 368 369
Inconstantia in quorum.	76. 98. 103. 512
Ingratitudo reprehenditur.	73. & sequentib.
Iniqui cedunt laboribus.	122
Iniquus homo sibi nocet.	152
Inimicorum dilectio.	208. & sequentib.
Inimicorum dilectio nobilissima.	293
Inimicorum amor, proprius Christianorum.	ibid.
<u>Intentio</u> nostra Christum respicit.	234
Interiùs pensandus homo, non secundum externa.	263
Iniuriæ quomodo tolerantur.	193. 439. 457
Iniuriarum obliuio nobilissima.	208
Iniuriarum remissio.	320
Iniuriis non cedere.	208
Inuidia Angelum fecit diabolum.	588
Inuidia primi homicidij causa.	ibid.
Inuidiæ miseria, & iniquitas.	494. 226
Inuidia nulla in cælo.	323
Inutilis homo, nec homo est.	67
Irato videtur iustum, quod iniquum est.	175. 195
Iratus nihil rectum operatur.	175
Ira iustitiam dissipat.	174
Ira reprehenditur vitiosa.	191
Ira cohibenda.	ibid.
Ira curtur silentio.	ibid. & 452
Ira quomodo superetur.	193. 194
Ira si durat, transit in odium.	195
Ira in nosmetipsos, est poenitentia.	202
Ira quomodo tribuitur Deo.	197
Ira Dei significat iustam vindictam.	ibid.
Ira Dei quò tardior, eò acerbior.	697. & sequentib.
	Ira

ET VERBORVM.

Ira pro zelo Dei, & iustitiæ, bona est.	197
Iudas maximè Deum offendit, dum desperauit.	502
Iudæi Ecclesiam Dei persequuntur.	24. & seqq.
Iudæi natura crudeles.	25
Iudæi in Orbem dispersi in pœnam sui criminis.	26
Iudæorum inconstantia.	ibid.
Iudæi velut serui, tractabantur à Deo.	225
Iudæi pueriles.	233
Iudæos olim quanti Deus faciebat.	249
Iudex communis esse debet. 255. & sequentib. Vide <i>Prælati æquitas in omnes.</i>	258
Iudex iniquus, & acceptor personarum.	419
Iudex debet esse diues.	269. 662
Iudicare secundum externa tantum iniquum.	525. 656. 662
Iudicium iniquum, & temerarium.	311
Iudicij vltimi recordatio quantum valeat ad virtutem.	705. 740
Iudicij dies lætus iustis.	701
Iudicium Dei quò plus tardat, acerbius erit.	729
Iudicij dies cur propè esse dicatur.	258
Iustitia æqualis omnibus.	514
Iudicare quomodo debeamus, & possimus de proximo.	120
Iustus vt Phœnix.	430
Iustorum diligètia in surgendo à peccatis.	122
Iusti non cedunt laboribus.	196. 197. 258
Iustitiam Dei quis imitetur.	197
Iustitia Dei duplici misericordia reconditur.	175
Iustitiam dissipat ira.	740. & sequentib.
Iuramentum quomodo fieri debeat, & quando liceat.	

L

L ABORES quærunct Sancti.	35. 38. 730
Labores requies, & deliciæ Sanctorum.	35. 120
Laboribus perficiuntur Sancti.	36. 717. 722
Labores Sanctorum velut ficti, non veri.	40. 714
Labores Deum socium habent.	44
Laboribus examinatur virtus.	44. 722
Labores magnum Dei beneficium.	55. 160. 372
Labores beare solent iustos in hac vita.	121
Laborum beatitudo.	ibid.
Labor mensura gloriæ.	724
Laboribus non cedunt iusti.	122
Labores quærunct iusti in hac vita.	722
Labores prædestinatis accidunt.	125. 372. 722
Laboribus probantur fideles.	124. 371

FFFFf 2 Labo

INDEX RERVM,

Labores pignora sunt vitæ æternæ.	126
Lacrymæ.	420. 637. & sequent.
Lacrymæ solis peccatis adhibendæ.	639
Lacrymæ nostram terram rigant, vt virtutes proferat.	646
Lacrymæ suas voces habent.	686
Latro beatus.	125. 272. 384. 565
Laudandus Deus semper à nobis.	473
Laudes nostras cur Deus æstimet.	475
Laudare hominem, periculosum.	ibid.
Laudes qui scit apto tempore reprehendere.	476
Lex obseruari debet.	293. 320
Lex Dei, testis contra nos.	301
Lex vetus erat lex seruitutis.	225
Lex Dei plurimum æstimanda.	660
Lex gratiæ, libertatis, & bonorum lex.	231
Liberalitatis diuinæ affluentia.	626. 3
Liberalitas Dei plus confert, quàm petatur.	65
Liberalitas Dei nulli deest.	68
Libertas in docendo, & prædicando. Vide in communi Doctorum hac de re.	214
Libertas iniquorum periculosa.	211
Libertas quæ decet hominem Christianum, & Dei seruum.	233
Lingua refrænanda.	187. 237. 442
Linguam refrænare quàm difficile sit.	441.
Lingua, & oris, est ratio clauis.	188
Lingua vitium frequentissimum.	441
Lingua ostendit cuiusque conditiones ac mores.	238. 440
Lingua vitium etiam perfectos aggreditur.	238
Lingua arma diaboli.	441
Lingua res exultat.	446
Lingua ignis est, vrit, & inficit.	450. 455
Lingua multiplicia vitia.	454
Lingua nemini in vniuersum, neque etiam Deo parcat.	ibid.
Lingua maledici ipsum inficit.	458
Lingua exornat, defenditque peccata.	460.
Lingua omnes virtutes perdit.	462.
Linguam diabolus accendit, aliam verò Deus excutit.	465.
Lingua venenum mortiferum.	469.
Lingua munus laudare Deum.	473
Lites, & bella Deo displicent.	549
Loqui debemus quando necessarium fuerit.	188. 484
Loquacitas reprehenditur.	187.
Loqui tardè, & consultò.	187. 236. 310. 484
Luxuria bellicosa.	548.
Luxu	

ET VERBORUM.

Luxuria immundum peccatum.	103
Luxuria insipientiæ cognata.	117
Luxuria effæminatos reddit homines.	710

M

M AGISTRI officium non obeundum citò.	122
Mala faciunt, qui bona conferre tenentur.	317
Mala non hominem, sed Deum nobis conferre putandum est.	729
Malum qui alicui non confert, bonum conferre putat.	67
Mali homines defectus observant, & notant.	370. & sequentib.
Malorum inconstantia.	98. 113
Malorum hominum vnio.	300
Maledici.	456
Maledicus ferè semper malè loquitur.	482
Maledici lingua ipsum inficit maximè.	458
Malitia quid, & quàm nociua.	199
Mandata Dei speculum, vt componamur.	220
Martyres qui superuincunt tormenta.	38
Martyrum beatitudo.	735
Martyrum commendatio, & laus.	ibid.
Manfuetudo laudatur.	195. 206. 484. 486. 488
Mendacium.	447
Merita nostra clauēs Regni cœlorum, & baculum viæ.	354
Minima pro maximis cauere, optimum consilium.	147
Misericordia in egenos fratres.	316. & sequentibus.
Misericordiæ opera testantur Christianam Religionem.	241.
Misericors idem est ac sanctus.	ibid.
Misericordia Dei quomodo dicatur cætera attributa excedere.	323.
& sequentibus.	
Misericordiæ diuinæ pulchritudo.	324
Misericordia Dei iniquis occasio peccandi.	327
Mortem generat iniquitas seu peccatum.	147
Mors prima, & secunda.	ibid.
Mors dicitur requies.	463
Monasterij ingressus.	360
Mortificatio carnis, & appetitus.	543
Mundi amatores.	546
Mundi, & mundanarum rerum inconstantia.	370
Murmuratores res augent.	446
Murmuratores carpuntur.	654
Murmuratio nulla in Deo.	155. & sequentibus.
Muliebris ornatus.	266. 482
	FFFff 3 Natiui

INDEX RERUM,

N

N ATIVITAS Christi nostram fructuosam reddit, quæ antea	
solas spinas producebat.	213
Natiuitati Domini præparemus carnem nostram.	ibid.
Natiuitas Domini.	216
Natiuitatis Domini humilitas nos replet bonis.	615
Natum Christum in terris quomodo suscipere debemus.	216
Nemo sine crimine veniali viuit.	426
Negare Deum aliquid nobis sæpe beneficium est.	569. & sequentibus.
Notitiæ Dei ad opera debet dirigi	679
Nouissimus dies, vel nouissima tempora quid significant.	698

O

O <u>BEDIENTIA</u> promptitudo.	183
Obedientia multas continet virtutes.	355
Occasionem minimè præbeamus detrahendi de nobis.	479
Occasionem peccati Deus aliquando detrahit.	521
Oculi Dei causa totius boni.	596
Odium vilis quidem res.	208
Odium vel amor inuidiæ.	259
Offensarum condonatio.	230
Offerentibus aliquid Deo, id nobis remanet.	363
Omisionis peccatum.	679
<u>Omne. i. perfectum in Scriptura.</u>	33
Opera nostra necessaria ad salutem.	319. 328. 340 353. 373
Opera fidem testantur	334
Opera comitentur verba in proximos.	300. 345
Opera nostra quærit Deus non vt indigus, sed vt remuneret.	28
Opera nobis necessaria, non verba.	384
Opera ferunt contra nos sententiam vltimam.	695
Opera Dei summa ratione sunt.	722
Opera misericordiz Christianam Religionem testantur.	241
Oppressum persequi, iniquissimum.	102
Oratio assidua quæ, & quàm efficax.	758. 760
Orationis efficacia ostenditur.	75. 60. 758
Orationi præstò adest Deus.	746. 763
Oratio nostra cur non sit efficax.	91. 566. 762. 764
Oratio armatura est.	762
Oratio <u>requirit</u> rectam conscientiam.	85
Oratio remedium ad omnia mala.	745. & seqq.
Orationi instandum.	87. 758. 759
Oratio consolationem à Deo habet.	745
Oratio nostra musica est Deo.	89
	Oratio

ET VERBORVM.

Oratio Deum ligat.	<u>762</u>
Orare pro quibus debeamus.	<u>563</u>
Orandus Deus qualiter sit.	<u>568</u>
Ornatus exterior quos dicipiat.	<u>263</u>
Ornatus muliebris.	<u>265</u>

P

P ARCITAS sumptuum in vestibus.	<u>265</u>
Parentes dolentes de filiis Religionem ingredientibus.	<u>352</u>
Parentes gaudentes de filiis Religiosis.	<u>331</u>
Parentes culpantur in defectibus filiorum.	<u>421.</u> & seqq.
Pater in Scriptura. i. auctor.	<u>153</u>
Pater noster quomodo sit Deus.	<u>164.</u> & seqq.
Patris amor in filios.	<u>165.</u> & seqq.
Patientia tentationibus acquiritur.	<u>50</u>
Patientia nos similes Deo reddit.	<u>52.</u> & seqq.
Patientiam præ omnibus miratur diabolus.	<u>55</u>
Patientia cognata, & connexa sapientiæ.	<u>58</u>
Patientia magnum Dei donum.	<u>733</u>
Patientia in malis quia Deus, non homo nobis mala infert.	<u>729</u>
Patientiæ exempla in Deo & in Sanctis habemus.	<u>733</u>
Patientia iustorum.	<u>712</u>
Patientia Christi in passione sua.	<u>715</u>
Patitur Deus simul cum Sanctis qui patiuntur.	<u>41.</u> & seqq.
Paupertatis laus.	<u>108. 266. 550</u>
Paupertatis diuitiæ.	<u>108</u>
Paupertatis magnificentia.	<u>110. 277</u>
Paupertatis pulchritudo.	<u>115</u>
Paupertas penna qua volatur ad cælum.	<u>150. 274</u>
Pauper est diues alterius sæculi.	<u>109</u>
Pauperes cur elegerit Deus.	<u>272</u>
Pauperibus iniuriosi reprehenduntur.	<u>289</u>
Pauperum, & miserorum compassio.	<u>243</u>
Pax fidelium.	<u>295</u>
Pax laudatur.	<u>522</u>
Pax quantum Deo placeat.	<u>248</u>
Pacis necessitas.	<u>522</u>
Pacis turbatores filij diaboli.	<u>512</u>
Pacem debent curare Magistri, & Pastores Ecclesiastici.	<u>ibid.</u>
Peccare in præsentia Dei grauissimum.	<u>133</u>
Peccatum mors est, mortemque generat.	<u>148</u>
Peccatum error, & insipientia.	<u>150. 306</u>
Peccatum non debet regnare in nobis.	<u>430</u>
Peccatum	

INDEX RERUM,

Peccatum longissimè à Deo separat,	624
Peccatum quæ mala secum afferat.	305
Peccati seruitus.	227
Peccati onus.	287
Peccata nobis ad humilitatem proficiunt.	430
Peccata leuiora vitanda.	431
Peccatum torquet peccatorem.	693. & sequent.
Peccator sibi nocet.	143
Peccatoris conuersio ostendit Dei omnipotentiam.	386
Persecutionibus dilatur Dei Ecclesia.	25
Persecutio magnum beneficium cui fit.	32
Persecutio nos similes Christo reddit.	52
Pingendi ars cur prohibita apud Hebræos.	103
Pœnitentiæ vis, & efficacia.	629
Pœnitentiæ via ad Deum.	626
Pœnitentiæ utilitas.	202. 676
Pœnitentiæ nos in alios conuertit.	595
Pœnitentiæ redimit tempus.	671
Prædicatoris vita, & exemplum.	419. & seqq.
Prædicator lacrymas elicere debet, non risum.	216
Prædicatores qui solam popularem auram venantur.	ibid.
Prædicatores qui dicta non seruant.	222. 419
Prædicatori scientia necessaria.	404.
Prælatus, & præsentis, & absentes curare debet.	29
Prælati æquitas in omnes.	30. 43. 251
Prælatorum benignitas in subditos.	45. 483. 485
Prælatorum benignitas condienda est aliquo rigore.	487. 768
Prælatorum auctoritas.	174
Prælatus aliena diripiens.	245. 289
Prælati scientia.	404. 485
Prælati cura de ouibus suis.	768
Prælati, & principes serui sunt, & eorum labor.	413. & seqq.
Prælati exemplum.	419
Prælatorum defectus.	432
Prælati puniuntur ob defectus subditorum.	420. & seqq.
Prælatus habeat zelum communis boni.	496
Prælatus debet esse pater.	417
Promissio Dei eius bonitatem ostendit.	283
Promissio Dei certissima.	717
Prosperitas humana quàm citò transeat.	110.
Proximos, & propinquos qui plus æquo diligunt, reprehenduntur.	256.
Proximi salus quomodo curanda sit.	766. & sequent.
Pudor sapientiæ comes.	517. & sequent.
Pugna concupiscentiæ aduersus spiritum.	135
	Pupilli

ET VERBORVM.

Pupilli qualiter curandi.	243
Pupillos qui deprædantur.	245
Pupilli curæ sunt Deo.	247

R.

R ELIGIOSI viri quales debeant esse.	169
Religiosi grauius Deum offendunt peccando.	170.& sequentib.
Religiosi qualiter honorandi sint.	171
Religiosi filij quanti æstimandi sint.	360
Religiosi maledicuntur ab iniquis hominibus.	457-459
Religionis professio.	260
Reprehensio est veluti chirurgia animi.	202
Reprehendens personarum conditionem non curet.	204
Reprehensio maximè necessaria, ne nobis vitia imputentur.	424
Reprehensio patris benedictio est.	577
Reprehensio quomodo ferenda sit.	206
Reprehensio condienda est benignitate.	436
Reprehensio aliquando acris.	577
Resistendum diabolo, & tentationibus.	616
Respicere Deum quid significet in Scriptura.	596
Respectus terreni abiiciendi.	234
Rex. vide litera P. <i>Prelatus</i> .	
Rigore quomodo condienda sit benignitas.	488

S.

S ACERDOTIS sapientia qualis esse debeat.	365-404-485
Sacerdotis maturitas, & prudentia.	753
Sacerdotes quales debeant esse.	167-753
Sacerdotum grauiores offensa.	169.& sequent.
Sacerdotes honorandi sunt.	171
Sacerdotibus illatas iniurias qualiter Deus <i>sensiat</i> .	175
Sacerdotes qualiter se debeant componere.	231
Scriptura Iudæis velut epistola clausa.	228
Scriptura nihil superfluum, imò totum. vtile continet.	591.& sequent.
Scripturæ lectio vtilis.	592
Scripturæ Author, & autoritas.	ibid.
Scriptura sacra quo spiritu <i>legenda</i> .	61
Sancti testes sunt contra nos.	733
Sanctorum constantia, & firmitas.	95
Sanctiores rectè aliis præponuntur.	257
Salutis nomine omnia bona intelliguntur.	24

GGGgg

Salus.

INDEX RERUM,

Salus æterna præ omnibus curanda.	36
Salus nostra quomodo Deo sit curæ.	18
Sanat Deus peccata, vt nec cicatrix remaneat.	380
Sanguis martyrum semen est.	25
Sapientia vera Dei donum est.	62
Sapientia à Deo acquiritur.	534
Sapientia necessaria Prælati.	404-486
Sapientiæ veræ notæ, seu conditiones.	513
Sapientia humilis.	521
Sapientes in propriis oculis.	523
Scientia necessaria Prælati, & Doctoribus.	407
Seruorum Dei magna dignitas.	19
Serui Dei se subiicere nõ debent aliis dominis, & multo minus viti s. ibid.	
Seruorum æc mercedum eorum fraudatotes.	703
Seruire Deo intuitu alicuius præmij quomodo liceat.	651
Seuitus in Scriptura quotupliciter sumatur.	23
Seruitus peccati.	228
Seruilis animus qualis.	234
Silentium vitiosum reprehenditur.	184
Silentium in iniuriis.	123
Silentium laudatur.	237-484
Simplicitas animi commendatur.	103. & sequent.
Simpliciores animi facilius decipiuntur.	104
Simulatus animus carpitur.	102. & sequent.
Spes humana quàm fallax sit.	115
Spes quàm propria sit homini, & quantum illi conducatur.	84-90
Spes cælestis præmij quantum ad labores conducatur.	717
Sponsus nostræ animæ Deus.	578
Stabiles in Deo reperiuntur iusti.	94
Sua omnes quærunt.	300
Superbia Iudæorum.	18
Superbiæ remedium est cognitio suis. vide <i>cognitio sui</i> .	
Superbia bellicosa, & iniuriosa.	549
Superbiæ tumor & ignorantia.	600-602
Superbia initium omnis peccati.	ibid.
Superbia solos diuites, & magnos reueretur.	255
Superbium comitantur omnia vitia.	ibid.
Superbia maximè insidiatur virtutibus.	603
Superbiæ infaniam, & amentiam deludit Deus.	606. & sequent.
Superbiæ lingua magna exaltat.	448
Superbos Deus frangit, & humiliat.	596, 597
Superbos quomodo Deus odio habeat.	ibid.
Superbus de alienis se iactat.	604
Supplicium alienum nos cautos debet reddere.	608
	Sup

ET VERBORVM.

Supplicium Dei citius adueniens est beneficium.	699
Supplicium Dei fit per transitum.	700
Supplicium Dei, misericordia conditur.	370.& sequentibus.
Suluratio quid.	653

T

T ACITURNITAS laudatur.	185
Taciturnitas vitiosa reprehenditur.	188
Tardè loquendum est.	186
Temporalia bona nullius fere momenti sunt.	207. 154
Temporalia bona nihili Deus facit.	91
Temporalia pro æternis amittere optima negotiatio est.	112
Temporalia inania sunt.	279. 554
Temporalibus non confidendum.	368
Temporalium rerum cupiditas.	546.& seqq.
Temporalia quomodo possidenda.	556
Temporalia non satiant nostram sitim.	552
Temporalia arrhæ nobis sunt futurorum bonorum.	739
Tentatio in Scriptura quid significet.	331. 10. 128
Tentare quomodo dicatur Deus.	ibid.
Tentat acrius diabolus sanctiores viros.	617
Tentationes pignora sunt vitæ beatæ.	125
Tentationes quot modis vincantur.	135
Tentatio huius vitæ beare solet iustos.	121
Tentatio, & pugna concupiscentiæ aduersus spiritum.	136
Tentationibus resistendum.	548
Tentationibus non dimouentur sancti, sed iniqui.	98
Timor Dei pietatem, & Religionem significat.	353. 368.

V

V ELVM monialium.	50.
Venialia multa non faciunt vnum mortale.	431
Venialia peccata vitanda, quia disponunt ad mortalia.	ibid.
Venialia non dissoluunt Dei amicitiam.	429
Venenum pestiferum lingua.	469
Verba Dei comitantur opera.	309.
Verba nuda nihil prosunt pauperibus.	336.
Verba lenia, & optima proferenda in proximum.	308. 440. 453. 487
Verbum Dei auditum omnia omnibus.	181
Verbum Dei audiendum.	176. 178
Verbum Dei debet penetrare, & vrere.	214
Verbum Dei velut speculum.	216. 221

GGGgg 2 Ver

INDEX RERUM, ET VERB.

Verbum Dei auditum opere implendum est.	219
Verecundia in confitendis, non in perpetrands peccatis.	134
Verecundia cognata sapientiæ.	175. 12
Veritas.	506
Veritatem facere quid sit.	768
Vestium elegantia quos decipiat, & multa de hac re.	263
Vestium modestia, & moderatus usus, ac sumptus.	265
Victoria tentationum quot modis fiat.	134
Viduarum ærumna.	241
Viduas, & pupillos qui deprædantur.	245
Viduae curæ sunt Deo.	247
Vindictæ cupiditas vilis, & immunda.	107. 293
Virtutes veræ.	278
Virtutes sine fide folia sunt.	341
Vitæ humanæ fragilitas, & breuitas.	115. 117
Vitæ humanæ incertitudo.	322. & 325
Vitæ humanæ inconstantia.	463
Vitia aliena qualiter obseruemus, & notemus.	239
Vñctionis Sacramentum, & eius effectus.	750. & sequentibus.
Vnio fidelium.	295. & sequentib.
Vnio fidelium quantum conducatur ad defensionem Reip. & diabolo quam infesta sit.	296
Vnio malorum.	297. & sequentibus.
Vnitas doctrinæ apud Catholicos.	426
Voluptates instar firenarum sunt.	137
Voluptas nobis insidiatur.	ibid.
Voluptates quam breuiter transeant.	115
Vtilitatem propriam omnes quærunt.	292
Vtilitas propria non quærenda in dignitatibus.	414

Z

Z ELVS iustitiæ quomodo bonus.	198
Zelus habendus cum benignitate.	488
Zelus in reprehensione.	377
Zelum nostri amoris Deus habet.	189
Zelus indicat amorem.	ibid.
Zelum communis boni debet habere Prælatus.	496



E I N I S.

